

WICOICAGE, HDINANPAPI,
7
LEWI TOOPE, QA WICAYAWAPI.

BUREAU OF
AMERICAN ETHNOLOGY

6856

THE

1897

LIBRARY

FIRST FOUR BOOKS OF MOSES,

IN THE

DAKOTA LANGUAGE:

TRANSLATED FROM THE HEBREW,

Bill. C. T. P. ...
BY

REV. T. S. WILLIAMSON, M. D.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

[*Bourg.* 12mo.]

1872.

Contents-

Genesis

Exodus

Leviticus

Numbers

Psalms

Proverbs

Ecclesiastes

Song of Solomon

Isaiah, and

The New Testament

W I C O I C A G E .

WICOWOYAKE 1.

1 Otokahe ekta Wakantanka mahpiya kin maka kin ahna kaga.

2 Unkan maka kin tanton sni, qa takudan ohnaka sni, qa otpaza osbe kin akan wanke ca, Wakantanka Taniya kin mini kin aman.

3 Unkan Wakantanka, Ojanjan kta, eya. Unkan ojanjan.

4 Unkan ojanjan wanke cin, he Wakantanka waste e wanhdake ca, Wakantanka ojanjan kin otpaze cin kici yukinukan ehnaka.

5 Qa Wakantanka ojanjan kin, Anpetu eciya, otpaze cin is, Hanyetu eciya. Unkan ohtayetu, qa ohanhanna he anpetu tokaheya kin hee.

6 Unkan, Okotonyan wanke kte, mini kin okitahedan, qa mini kin mini kin yukinukan kte, Wakantanka eya.

7 Unkan okotonyan kin Wakantanka kage ca, mini okotonyan kuyatanhan kin, qa mini okotonyan akantanhan kin kici yukinukan. Unkan ecetu.

8 Unkan okotonyan kin he Wakantanka, Mahpiya eciya. Unkan ohtayetu, qa ohanhanna anpetu icinonpa kin hee

9 Unkan, Mahpiya kin ihukuya mini wanke cin icunonpa kawitaya kte, ca taku puze cin taninyan wanke kte, Wakantanka eya. Unkan ecetu.

10 Unkan taku puze cin he Wakantanka, Maka eciye ca, mini kiwitaya kin he, Miniwanca

Gen.

eciya, qa he Wakantanka waste e wanhdaka.

11 Hehan Wakantanka heya, Maka kin wato icalhye kte, peji kin he su icalhye kte, waskuyeca can kin he waskuyeca icalhye kte, waskuyeca mahen su yuke kte, ocaje otoiyohe su kin icalhye kta, maka akan, Wakantanka eya. Unkan ecetu.

12 Unkan maka kin wato aicaga, peji kin ocaje otoiyohe su aicaga ca, can kin waskuyeca aicaga otoiyohe mahen su kin yukan ece. Unkan he waste e Wakantanka wanhdaka.

13 Unkan ohtayetu, qa ohanhanna he anpetu iciyamni kin hee.

14 Unkan Wakantanka heya, Mahpiya okotonyan kin ekta taku iyoyanpa yuke kte, on anpetu hanyetu kici yukinukanyan un kte ca, heon woyaka unpi kte, makoncage, anpetu, omaka, henakiya.

15 Qa mahpiya okotonyan kin ekta hena iyoyanpa un kte, maka kin iyoyam ye kte, eya. Unkan ecetu.

16 Wakantanka wiiyoyanpa nom tankinyanyan kaga, tuka uman iyotan tanka kin he anpetu en ounye kte ca uman aoptetu kin he hanyetu en ounye kte; wicanhpi nakun.

17 Hena mahpiya okotonyan kin ekta Wakantanka ehnaka, maka kin iyojanjan kta e hecon.

18 Anpetu hanyetu ko ohinninyan ounye wicakiya, qa ojanjan kin otpaze cin kici yukinukan-

WICOICAGE.

yan ounye kiya. Unkan he wašte e Wakantanka wanhdaka.

19 Unkan ohtayetü, qa ohanhanna he anpetu icitopa kin hee.

20 Unkan Wakantanka heya, Mini kin taku niyake ota icahye kta, qa taku kinyan maka kin iwankam mahpiya okotonyan kin ohna okinyanpi kte.

21 Hecen Wakantanka hogan tankinyanyan oicaliye, ça taku niyake, taku mini oicage cin ocaje hiyeye cin owasin, hena mini icahkiye ça, taku kinyan lupahu tonyan ocaje otoiyoüi. Unkan he Wakantanka wašte e wanhdaka.

22 Hena Wakantanka yawašte qa hecen ewicakiya, Icagapi qa ihduotapo, qa miniwanca kin ojudan yakonpo, qa taku kinye cin maka akan ihduotapi kte.

23 Unkan ohtayetü, qa ohanhanna he anpetu icizaptan kin hee.

24 Hehan Wakantanka heya, Maka kin taku niyake oicage cin iyecen icahye kte; woteca, watutka, wamanica, henakiya ocaje otoiyoüi, *eya*. Unkan ecetu.

25 Hecen wamanica ocaje otoiyoüi, woteca ocaje otoiyoüi, qa taku maka asdohan owasin ocaje otoiyoüi, henakiya Wakantanka wicakage, ça he wašte e Wakantanka wanhdaka.

26 Hehan Wakantanka hecen *eya*, Unkiye iyeuncecapi qa ouncege unkitawapi kin en wicašta unkagapi kta, qa miniwanca ekta hogan oicage cin wicayuhe kte, mahpiya ekta taku kinye cin nakun, qa woteca qa maka kin ocowasin, qa watutka taku maka akan sdohan, ocaje owasin yuhe kta.

27 Wakantanka eyaya iye iyececa wicašta wan kaga, Wakan-

tanka ouncege iyececa kaga; wica winyan kici wicakaga.

28 Qa Wakantanka wicayawašte qa, Icagapi, qa ihduotapo, qa maka kin ojudan içiyapo, qa denakiya wicayuha yaunpi kta, miniwanca ekta hogan oicage, ça mahpiya ekta taku kinye cin, qa taku niyake maka aškanškan oicage cin owasin, tawa wicaya po; Wakantanka ewicakiya.

29 Unkan, Ito taku maka akan waicaliya suton wojupi owasin içiçupi, can waskuyeca suton oicage cin owasin, hena nakun; hena woyute yayapi kta.

30 Tuka taku maka akan ni un kin, mahpiya taku okinye cin, qa taku maka aškanškan kin, taku niya un kin owasin, hena peji wato owasin woyute wicawaqu, Wakantanka *eya*. Unkan ecetu.

31 Unkan Wakantanka taku kage cin owasin wanhdaka; unkan iyotan wašte. Unkan ohtayetü qa ohanhanna he anpetu icisakpe kin hee.

WICOWOYAKE 2.

1 Hecen mahpiya kin maka kin iyahna, qa taku ohnaka hiyeye cin owasin tanyan yuštanpi.

2 Unkan anpetu icisakowin, Wakantanka tohtani kage cin owasin ayuštan, qa anpetu icisakowin kin en tohtani kage ciçon etanhan okilpa.

3 Qa Wakantanka anpetu icisakowin kin he hdawašte, qa hduwakan. Tohtani Wakantanka kage cin owasin anpetu kin he en ayuštan, qa okilpa, heon etanhan.

4 Mahpiya maka ko kagapi kin, Jehowa Wakantanka maka mahpiya ko kage cin, anpetu kin he en, woicage oyakapi kin dee.

WICOWOYAKE 2.

5 Can hiyeye cin owasin maka kin en he śni itokam, peji tinta oicage cin owasin uye śni itokam, Jehowa Wakantanka nahahin maka kin amagaju ye śni, qa wicašta maka kicanye kte cin wanica.

6 Qa maka kin etanhan po wankantkiya u, qa maka itohnake kin owancaya acuya.

7 Hehan Jehowa Wakantanka, maka mdu kin etanhan, wicašta wan kage, ça poge ołidoka ohna ipoh iyeya hecen wicašta nagi ni un kin icaga.

8 Unkan Jehowa Wakantanka, Eden heciya wihinanpe cin ekta, wojupi wan kage ça wicašta kin he en ehnaka.

9 Qa Jehowa Wakantanka can kin owasin tona owanyag wašte, qa tona woyute wašte aicage cin, maka kin etanhan icahya, qa wojupi kin cokaya, can wiconi wan kage ça, can wan on taku wašte taku śica ko sdonyapi kin he nakun en icahya.

10 Unkan can wojupi kin ħpan ye kta e, watpa wan Eden etanhan uye ça hetanhan ointpa tom icaga.

11 Ointpa tokaheya kin Piśon eciyapi; he Hawila makoce kin owancaya ohomniya.

12 Heciya mazaskazi yuke, ça mazaskazi makoce kin he en iyeyapi kin he wašte. Heciya Bedola, qa iħe wicaške iyececa.

13 Watpa inonpa Giħon eciyapi; he Kuś makoce kin ohna iyaya.

14 Qa watpa iyamni kin Hedeqel eciyapi; he Aśur makoce kin wiyohiyanpata kiya kaduza. Qa watpa itopa kin Yuphrate hee.

15 Unkan Jehowa Wakantanka Adam icu, qa Eden wojupi kin he kicanye ça awanyake kta e, en *ehnaka*.

16 Qa Jehowa Wakantanka wicašta kin hecen eciya, Can wojupi kin owasin etanhan ica-kiś iciye śni yate kta.

17 Tuka can wan, taku wašte taku śica ko on sdonyapi kin de etanhan yate kte śni; tohan hetanhan yate cinhan anpetu kin he en niħe kta.

18 Hehan Jehowa Wakantanka, Wicašta kin de isnana un kin he śica, wanji iye iyececa wecage kta, eya.

19 Wanna Jehowa Wakantanka, maka kin etanhan tinta wamanica owasin wicakaga, maħpiya *etkiya* taku kinye cin ko owasin, qa Adam en u wicakiya, token caś wicaton kte cin sdonye kta e heon. Unkan token Adam owasin caś wicaton, hecen taku ni un kin otoiyoħi caje wicayatapi.

20 Hecen Adam woteca owasin caś wicakiton, maħpiya ektakiya taku kinye cin ko owasin, tinta wamanica nakun owasin; tuka Adam ookiye iye iyececa wanjidani iyeyapi śni.

21 Unkan Jehowa Wakantanka woistima tanka wan Adam ahinħipaye ya, unkan istima. Unkan Wakantanka cutuhu kin wanji yujon icu, qa conica kin ecen paohduta iyeya.

22 Qa Jehowa Wakantanka cutuhu kin, wicašta etanhan icu qon on winyan wan kage, ça wicašta kin en kai.

23 Unkan, Mihu kin etanhan de hu ye ça, micħpi kin etanhan cħpi ya. De wicašta kin etanhan icupi kin, heon de winohinca eciyapi kta, Adam eya.

24 He etanhan wicašta atkuku hunku kici awicayuśtan, qa tawicu kin en ikoyag iciye kta, hecen cħpi wanjipidan kta.

25 He ehan Adam tawicu kici napin oge iciton s̄ni yakonpi; tuka ístecapi s̄ni.

WICOWOYAKE 3.

1 Wanna wamanica hiyeye cin owasin Jehowa Wakantanka wicakage cin, wamduška kin hecedan ksapa: qa wamduška kin winyan kin heciya, Can wojupi kin en can otioyohi etanhan yatapi kte s̄ni awicakehan Wakantanka eya he?

2 Unkan winyan kin wamduška kin heciya, Can wojupi en can waskuyeca aicage cin hena untapi kta ce.

3 Tuka can wanjidan wojupi cokaya he cin, he taku aicage cin hecedan, Ihnuhan yatapi qa odutanpi kin, hecanonpi kinhan niŋapi kta ce, Wakantanka eya ce.

4 Unkan wamduška kin winohinca kin hecen eciya, Niŋapi kte s̄ni tuka heya ce;

5 Anpetu kin en he yatapi kinhan niŋ eya ísta nimdezapi, qa Taku wakan iyenicapi, taku wašte taku síca ko sdonyayapi kte cin he Wakantanka sdonya, he etanhan heya ce.

6 Unkan can kin waskuyeca woyute wašte, owanyag wašte, qa wicimdeza ksam wicaye kte cin he, winohinca wanyake cehan waskuyeca kin icu, qa yute ça hihnaku kin qu, qa ís eya yuta.

7 Unkan napin ísta mdezapi, qa tancodan yakonpi kin, hehan sdonkiciyapi, qa suken can ape heca kagegepi, qa on oge icitonpi.

8 Unkan anpetu kin cusni hehan, Jehowa Wakantanka ho kin wojupi kin ohna mani kin he nahonpi, qa Wakantanka itohnake kin etanhan wojupi can kin ehna naičilmanpi.

9 Hehan Jehowa Wakantanka Adam kipan, qa heciya, Tukten yaun he?

10 Unkan Adam ayupte ça, Niho kin nawahon qa kowakipe ça namiciŋibe, tancodan waun kin heon etanhan, eya.

11 Unkan tancodan yaun kin tuwe oniciyaka he? Can wanjidan etanhan yute s̄ni ciŋi qon, hetanhan yata he? eya.

12 Unkan Adam heya, Winohinca mayaqu hee, qa mici un kin, iye can kin etanhan maqu, qa wata ce.

13 Unkan Jehowa Wakantanka winohinca kin heciya, Tokeca hecanon he? Unkan, Wamduška kin mahnaye ça wata ce, winohinca kin eya.

14 Unkan Jehowa Wakantanka wamduška kin hecen eciya, Niye decanon, qa heon woteca watutka ko owasin, niŋ nana niyaŋicapi. Itpi kin on maka kin asdohan yaun qa tohan yani kin hehanyan maka ece yate kta.

15 Qa detanhan niŋ winohinca kin kici toka kiciya yaunpi kta, qa winohinca cinhintku kin nicinca kici toka kiciya yaunpi kta. He pa kin nicuwa kta, qa niŋ he siyete kin he yakuwa kta.

16 Hehan winohinca kin heciya, Iyonicisiŋe ça ihduniŋake cin nina mduota kta. Iyokiŋinya cinca yaton, qa nihihna cantiheyye ça iye wowidag niye kta.

17 Unkan wicašta kin heciya, Nitawin kin token eniciye cin anayagoptan, qa can wan etanhan yute s̄ni ciŋi qon, etanhan yate cin heon niye on etanhan maka kin yaŋicapi. Taku aicage cin on htayani qa hecen yate kta, tohan yani kin hehanyan.

18 Wapepeka toka hu ko icalniŋiye kta, qa peji maka aicage cin yate kta.

WICOWOYAKE 4.

19 Niite tenimni kin on aguyapi yahdute kta, maka inicu kte cin hehanyan. Maka kin etanhan inicagapi nakaes, maka mdu kin henica qa maka kin ekta icicawin yahde kta.

20 Hehan Adam iye tawicu kin, Ewe eya cas kiton; taku ni un kin owasin he ina yanpi kin heon etanhan.

21 Unkan Jehowa Wakantanka Adam tawicu kin kici wakihdaka okde wicakicage ca oge wicakicaton.

22 Qa Jehowa Wakantanka heya, Wicašta kin wanna unkiye wanji he iyeuncecapi, taku wasšte taku šica ko sdonya, heon ihnuhan nape yekiye ca wiconi can kin etanhan icu, qa yute ca owihanke wanin ni kte cin.

23 Heon Jehowa Wakantanka wicašta kin Eden wojupi kin etanhan iyog iyeya; maka kin etanhan icage cin he kiçanye kta ece.

24 Hecen wicašta kin tankan iyeya, qa can wiconi canku kin awanyake kta e, Eden wojupi wiyohianpa tanhan Kerubim maza sagye ideya škanškan un ko ewicalhde.

WICOWOYAKE 4.

1 Unkan Adam tawicu kin Ewe sdonya, unkan ihdušake ca Qain he ton, qa, Jehowa etanhan wicašta wan mduha ce, eya.

2 Qa ake ihdušake ca sunkaku Abel ton. Unkan Abel taħınca wanuyanpi wiħan wicakiya, qa Qain maka kin kicanyan.

3 Unkan omaka ihanke kin hehan Qain waskuyeca maka aicage cin hee Jehowa wakiyušna.

4 Unkan Abel taħınca wanuyanpi tawa tokaheya tonpi wan, ihdi koya wošna. Unkan Jeho-

wa Abel taku wakiyušna kin ko, akicitonwan.

5 Tuka Qain taku wakiyušna ko akicikta šni. Unkan Qain canteptanye ca itohnake tokeca.

6 Unkan Jehowa Qain heciya, Tokeca canniniye ca itohnake enicetu šni?

7 Tanyan ecanon kinhan ihaniktapi kte šni he? Tuka tanyan ecanon šni kinhan woħtani tiyopa kin en yanka. Tuka niye qe cantiheniye kta qa niš wowidake yaye kta.

8 Unkan Qain sunkaku Abel okiya, qa wojupi ekta napin yakonpi qehan najin hiyaye ca sunkaku Abel kikte.

9 Unkan Jehowa Qain heciya, Nisunka Abel tukte e he? Unkan, Sdonwaye šni. Ecin misunka kin he awanhdag waun he? eya.

10 Unkan token yalhan he? Nisunka we kin maka kin etanhan ho umakiya.

11 Qa wanna maka kin nisunka we kin ninape etanhan icu kta e i kin hdukawa kin he etanhan niyašicapi ce.

12 Detanhan maka kin yakicanyan ešta, taku ota icaħ niciye kte šni. Maka kin de akan onuniyan qa najica yaun kta ce, eya.

13 Unkan Qain Jehowa heciya, Wawaħtani kin he tanka kin kajujupicašni.

14 Anpetu kin dehan maka kin detanhan iyog iyemayaya, qa nitoye kin inalibe wakiye kta, maka kin akan onuniyan qa najica waun kta, qa tuwe kašta iyemaye cinhan makte kta.

15 Tuka Jehowa heciya, Tuwe Qain kte kinhan, šakowin akihde wošice akipe kta. Qa Jehowa Qain wapetog ton, hecen on tuwe wanyaka ešta ktepi kte šni.

WICOICAGE.

16 Unkan Qain Jehowa itoye kin etanhan inapa, Eden wiyohiyanpa tanhan makoce wan, Nod *eciyapi* kin, he en'ounyan.

17 Qa Qain tawicu kin sdonya, unkan ihdušake ça Henok ton. Unkan Qain otonwe wan kage ça Henok eya caš kiton, cinhin-tku caje kin iyecen.

18 Unkan Henok cinca wan kicitonpi, Irad hee. Unkan Irad Mecujael cinkšiya. Unkan Mecujael Metušael cinkšiya. Unkan Metušael Lamek cinkšiya.

19 Unkan Lamek winohinca nom wicayuz. Tokaheya kin Ada *eciyapi*, qa iyokihe Zila *eciyapi*.

20 Unkan Ada Jabel ton; he tona wakeya otipi, qa wanuyampi awanhdakapi kin, hena ateyapi.

21 Qa sunkaku Jubal *eciyapi*. Tona candowankiyapi cotanka ko, yahotaninpi kin, hena he ateyapi.

22 Unkan Zila he Tubal Qain ton. Taku maza zi on kagapi, qa maza sapa on kagapi ko owasin, iye onspe qa kaga. Qa Tubal Qain tawinohtin Nahama hee.

23 Unkan Lamek tawicu Ada Zila kici hewicakiya, Miho kin nahonpo, Lamek tawicu kin mioie kin anagoptanpo. Wicašta wan wakte, on camapapi, qa koška wan on kiunimičiya ce.

24 Qain šakowin akihde tokičonpi kinhan, Lamek wikcemna šakowin sanpa šakowin tokičonpi kta ce, *eya*.

25 Unkan ake Adam tawicu kin sdonya; unkan cinca wan ton, qa, Wakantanka cinca tokeca wan maqu, Abel Qain kte qon hee kiya, eye ça Šet eya caš kiton.

26 Unkan Šet is eya cinca

wan kicitonpi, qa Enoš eya caš kiton. Hehan tokaheya wicašta kin Jehowa caje kin hoyekiyapi.

WICOWOYAKE 5.

1 Adam wicowazi wowapi kin dee. Wakantanka Adam kage čehan, taku wakan ouncage iyecen icalh kiya.

2 Wica winyan ko wicakage ça wicayawašte, qa wicakage čehan Adam eya caš wicon.

3 Unkan Adam waniyetu opawinge sanpa wikcemna yamni ni, qa cinca wan iye ouncage iyecen kicitonpi, qa Šet eya caš kiton.

4 Qa Šet tonpi kin he iyohakam, Adam waniyetu opawinge šahdogan ni, qa cinca wica winyan ko kicitonpi.

5 Hecen anpetu owasin Adam ni un kin hena waniyetu opawinge napciwanka sanpa wikcemna yamni, hehan ťa.

6 Unkan Šet waniyetu opawinge sanpa zaptan ni, qa Enoš kicitonpi.

7 Qa Šet Enoš tonpi kin iyohakam waniyetu opawinge šahdogan sanpa šakowin ni, qa cinca wica winyan ko kicitonpi.

8 Hecen anpetu owasin Šet ni un kin hena waniyetu opawinge napciwanka sanpa ake nonpa, hehan ťa.

9 Unkan Enoš waniyetu wikcemna napciwanka ni, qa Qenan kicitonpi.

10 Qa Qenan tonpi kin iyohakam Enoš waniyetu opawinge šahdogan sanpa wikcemna sanpa zaptan ni, qa cinca wica winyan ko kicitonpi.

11 Hecen anpetu owasin Enoš ni un kin hena waniyetu opawinge napciwanka sanpa zaptan, qa hehan ťa.

WICOWOYAKE 6.

12 Unkan Qenan waniyetu wikcemna šakowin ni, qa Mahalele kicitonpi.

13 Qa Qenan Mahalele tonpi kin iyohakam waniyetu opawinge šahdogan sanpa wikcemna topa ni, qa cinca wica winyan ko kicitonpi.

14 Hecen anpetu owasin Qenan ni un kin hena waniyetu opawinge napciwanka sanpa wikcemna, hehan ŋa.

15 Unkan Mahalele waniyetu wikcemna šakpe sanpa zaptan ni, qa Jered kicitonpi.

16 Qa Mahalele Jered tonpi kin iyohakam waniyetu opawinge šahdogan sanpa wikcemna yamni ni, qa cinca wica winyan ko kicitonpi.

17 Hecen anpetu owasin Mahalele ni un kin hena waniyetu opawinge šahdogan sanpa wikcemna napciwanka sanpa zaptan, hehan ŋa.

18 Unkan Jered waniyetu opawinge sanpa wikcemna šakpe sanpa nonpa ni, qa Henok kicitonpi.

19 Qa Jered Henok tonpi kin iyohakam waniyetu opawinge šahdogan ni, qa cinca wica winyan ko kicitonpi.

20 Hecen anpetu owasin Jered ni un kin hena waniyetu opawinge napciwanka sanpa wikcemna šakpe sanpa nonpa, hehan ŋa.

21 Unkan Henok waniyetu wikcemna šakpe sanpa zaptan ni, qa Metušela kicitonpi.

22 Qa Henok Metušela tonpi kin iyohakam waniyetu opawinge yamni Wakantanka opeya mani, qa cinca wica winyan ko kicitonpi.

23 Hecen Henok anpetu tawa owasin waniyetu opawinge yamni sanpa wikcemna šakpe sanpa zaptan.

24 Qa Henok Wakantanka opeya mani, qa en un šni, Wakantanka he ikikeu nakaes.

25 Unkan Metušela waniyetu opawinge sanpa wikcemna šakowin sanpa šahdogan ni, qa Lemek kicitonpi.

26 Qa Lemek tonpi kin iyohakam Metušela waniyetu opawinge šakowin sanpa wikcemna šahdogan sanpa nonpa ni, qa cinca wica winyan ko kicitonpi.

27 Hecen anpetu owasin Metušela ni un kin hena waniyetu opawinge napciwanka sanpa wikcemna šakpe sanpa napciwanka, hehan ŋa.

28 Unkan Lemek waniyetu opawinge sanpa wikcemna šahdogan sanpa nonpa ni, qa cinca wan kicitonpi.

29 Qa, Jehowa maka kin yašice cin he nape on unkicanyanpi, qa hitaunnipi kin en unkikiyapi kte cin dee ce, eye a Nowa eya caš kiton.

30 Qa Lemek Nowa tonpi kin iyohakam waniyetu opawinge zaptan sanpa wikcemna šakowin sanpa zaptan ni, qa cinca wica winyan ko kicitonpi.

31 Hecen anpetu owasin Lemek ni un kin hena waniyetu opawinge šakowin sanpa wikcemna šakowin sanpa šakowin, hehan ŋa.

32 Unkan Nowa wanna waniyetu opawinge zaptan, hehan Šem, Ham, qa Japet, kicitonpi.

WICOWOYAKE 6.

1 Hehan wicašta maka akan ota ayapi, qa cunwintkupi kicitonpi.

2 Unkan Wakantanka cinkši wicaye cin wicašta cunwintkupi kin hena e wašte wanwicayaka-

WICOICAGE.

pi, qa tona cinpi kin hena etanhan, winohinca wicayuzapi.

3 Unkan Jehowa heya, Wicašta kin wicacehpi kin heca heon wahtanipi en mitaniya he kici owihanke wanin ounye kte šni, tuka anpetu tawa kin hena waniyetu opawinge sanpa wikcemna nonpa kta.

4 Unkan anpetu kin hena icunhan, maka kin akan wazise yakonpi, qa Wakantanka cinkši wicaye cin wicašta cunwintkupi kin wicayuzapi, qa cinca kicitonpi kin, hena eepi he iyohakam wicašta wašakapi, wanakaja tanhan wicašta nina caje wicayatapi.

5 Unkan wicašta maka akan wahtanipi kin ota e, Jehowa wanyaka, anpetu osan wicocante oze okał otoiyohe ecedan šica.

6 Unkan wicašta maka akan icalh wicaye cin heon, Jehowa iyopeiçiye ça cante iyokišin içiya.

7 Qa, Wicašta icalh wicawaye cin, maka itohnake kin etanhan wicawakahinte kta; wicašta, qa woteca, qa watutka, qa taku mahpiya ektakiya kinyan un kin henakiya icalh wicawaye cin heon iyopemiçiya ce, Jehowa eya.

8 Tuka Jehowa Nowa wanayake ça wacin en yuza.

9 Nowa wicoicage oyakapi kin dee. Nowa wicašta ołan owotanna, qa hecetu wicoicage tawa kin hen, qa Nowa Wakantanka opeya mani.

10 Qa Nowa cinca yamni kicitonpi, Šem, Ham qa Japet.

11 Unkan Wakantanka itokam maka kin honwin ce, qa maka owancaya nina waboticapi.

12 Unkan Wakantanka maka kin wanyaka, unkan honwin; wicacehpi owasin maka akan iye tacankupi kin honwin kiyapi ce.

13 Unkan Wakantanka Nowa heciya, Taku celhpi yukan owasin owihanke kin mitokam u ce; iyepi kin on maka kin waboticapi on ojudan; qa maka kin etanhan ihang wicawaye kta.

14 Wazi can on wata wan icicaga wo. Mahentu kin oškiškeya yakage kta, qa mahentanhan akapa tanhan ko, canšin apawinta wo.

15 Qa hecen yakage kta. Wata ohanske cin wicišpa opawinge yamni, ohdakinyan kin wicišpa wikcemna zaptan, qa obosdatu kin wicišpa wikcemna yamni kta.

16 Qa wata kin en ojanjan hdepi yakage kta, qa wankantuya wicišpa wanjidan en yahduštan kta. Wata tiyopa kin cuwi kin ekta yakage kta, owanka tokaheya, inonpa, qa iyamni yakage kta.

17 Wanna miye maka akan minitan waye kta, heon taku celhpi yuke cin niyake iyeye cin owasin mahpiya ihukuya, ihang waye kta. Taku maka akan un kin owasin te kta.

18 Tuka wicotakuye mitawa kin niye en nici wahdusuta kta, wata kin en oyape kta nicinca om, nitawin, nicinca tawicupi kin, henana om.

19 Qa taku niya un kin owasin, taku celhpi yukan hiyeye cin ocaje otoiyohe, nom nom mdoka wiye iyahnahna, en owicayahnake kta; ni wicayaye kta e niye kici wata kin en upi kta.

20 Taku kinye cin token ocaje, woteca token ocaje, wamanica maka akan unpi kin token ocaje, owasin ocaje otoiyohe nom nom niyake wicaduhe kta e niye en upi kta.

21 Qa niye taku yutapi kin ocaje otoiyohe etanhan icu, qa

WICOWOYAKE 7.

mnayan wo; hecen taku yutapi anihduhe, ça woteca kin ís iyacinyan wicayakihduhe kta.

22 Unkan Nowa Wakantanka token eciye cin, owasin anagoptan, qa ecen econ.

WICOWOYAKE 7.

1 Unkan Jehowa Nowa heciya, Niye, tiyohnaka nitawa kin owasin om, wata kin en opa wo; wicoicage kin de en mitokam owotanna yaun kin wanciyaka ce.

2 Woteca wakašotešni ocaje otoiyohi mdoka wiye ahnahna šakowinwin iyacu kta, qa woteca waašapapi kin, hena nom nom mdoka wiye kici iyacu kta.

3 Taku mašpiya ektakiya kinye cin nakun šakowinwin, mdoka wiye ahnahna maka akan aicagapi e niyake wicaduhe kta.

4 Ehake anpetu šakowin, hehan maka kin amagaju waye kta, qa taku ni un wakage cin owasin maka kin owancaya etanhan wakahinte kta ce.

5 Unkan Nowa, Jehowa token eciye cin owasin ecen econ.

6 Nowa tonpi kin ehantanhan waniyetu opawinge šakpe hehan maka kin akan minitan.

7 Qa Nowa cinkši wicaye om, qa iye tawicu, cinkši wicaye cin tawicupi ko, hena owasin om minitan mini kin itokapa tanhan wata kin en opa.

8 Woteca wakašotešni, qa woteca waašapapi kin, taku kinye cin, taku maka asdohan unpi ko owasin,

9 Nom nom mdoka wiye ahnahna Nowa en hipi, wata kin en; Wakantanka Nowa econ ši qon he iyecen.

10 Unkan anpetu šakowin hehan maka kin akan minitan aya.

11 Waniyetu opawinge šakpe hehanyan Nowa ni un kin, wi icinonpa, anpetu iake šakowin kin, hehan šbe tanka kin wankoniya hiyeye cin owasin yuomdecapi, qa mašpiya owanyeye hdepi kin owasin yuzamni ehdepi.

12 Qa anpetu wikcemna tom, hanyetu wikcemna tom, hehanyan maka kin ahinheya.

13 Anpetu kin he en Nowa, qa Šem, qa Ham, qa Japet, Nowa cinkšiwicaye cin, Nowa tawicu kin nakun, cinca tawicupi yamni om, wata kin en hiyupi;

14 Hena qa wamanica ocaje owasin, woteca ocaje owasin, watutka tona maka asdohan unpi ocaje owasin, taku kinyan ocaje owasin, zitkadan owasin taku šun yukan owasin,

15 Nom nom hipi, Nowa ekta wata kin en, taku cešpi yuke cin woniya niyake yuke cin owasin,

16 Hena en hiyupi; mdoka wiye ahnahna taku cešpi yuke cin owasin etanhan upi; Wakantanka econ ši qon he iyecetu. Unkan Jehowa tiyopa kin onatata.

17 Unkan anpetu wikcemna tom maka kin ahinheye ça, minitan tanka aya; unkan wata kin okapon maka kin iwankam iyaya.

18 Unkan mini kin wašagya aye ça maka kin akan nina ihduota, unkan wata kin mini kin aokapota.

19 Unkan mini kin nina hin wašagya, maka kin akan, heon he pajodan owasin, tona mašpiya ihukuya un kin hena aminitan.

20 Wicišpa ake zaptan iwankam mini kin aye, ça paha kin aminitan.

21 Unkan taku cešpi yuke cin

WICOICAGE.

owasin, taku maka askanŝkan un kin, taku kinyan, qa woteca, wamanica, qa watutka tona maka kin akan sdohanpi kin owasin tapi, wicaŝta iyuhpa nakun tapi.

22 Taku maka puze cin akan ni, taku poge on niya un kin, owasin tapi.

23 Unkan taku hiyeye cin maka akan un kin owasin kahintapi, wicaŝta, woteca, watutka, mahpiya zitkadan, owasin maka kin etanhan wicakahinta, qa Nowa isnana qa tona wata kin ohna om un kin henana okaptapi.

24 Anpetu opawinge sanpa wikcemna zaptan mini kin maka kin akan wasagya.

WICOWOYAKE 8.

1 Hehan Wakantanka Nowa kiksuye, qa wamanica woteca ko owasin, iye kici wata ohna yakonpi kin hena; qa Wakantanka tate wan maka kin akan iyayupte ya, qa mini kin ayuŝtan.

2 Qa minihdoka owahinapeye cin onatakapi, mahpiya owanyeye kin hena koya, qa magaju mahpiya etanhan kin he ayuŝtan.

3 Unkan mini kin maka kin etanhan kihda, anpetu opawinge sanpa wikcemna zaptan, hehan mini kin oyahe aya.

4 Wi isakowin, anpetu iake ŝakowin wi kin en, hehan wata kin Ararat he kin en azi.

5 Unkan mini kin iyoopta ye ca oyahe aya, wi iwikcemna kin hehanyan; wi iwikcemna kin anpetu tokaheya kin he en, he paha kin taninyan hiyeya.

6 Unkan anpetu wikcemna tom henakeca, hehan Nowa wata kin owanyeye kage ciqon, he yuhdoka.

7 Qa kangki wan tankan iyaye

ya, unkan iyaye qa ohnihdeya un, mini kin maka kin etanhan oyahe kin hehanyan.

8 Mini kin maka itohnake kin etanhan wanna pus aya, wanyake kta e wakiyedan wan nakun tankan iyaye ya.

9 Tuka wakiyedan kin tukten sicuha iyahe kte cin iyeye ŝni, mini kin maka kin owancaya akan un nakaes; qa Nowa en wata kin ekta hdi; unkan nape kin kiyugate qa wata kin en iki-ku.

10 Qa ake anpetu ŝakowin ape, qa hehan ake wakiyedan wan wata kin etanhan iyaye ya.

11 Unkan ihtayetu he ehan wakiyedan kin hdi, qa wi hdi can ape wan yapa hdi; unkan Nowa mini kin maka kin etanhan wanna pus aye cin sonya.

12 Unkan ake anpetu ŝakowin tokeca ape, qa hehan wakiyedan wan tankan iyaye ya, unkan ici-mana hdi ŝni.

13 Unkan Nowa tonpi kin ehan-tanhan waniyetu opawinge ŝakpe qa itokaheya kin, wi tokaheya, qa anpetu tokaheya, hehan mini kin maka kin akapatanhan puza, unkan Nowa wata kin akahpe ciqon yuhdoke qa, maka itohnake kin wanna puza wanyake.

14 Wi inonpa kin, anpetu iake ŝakowin kin, hehan maka kin puza.

15 Unkan Wakantanka Nowa okiye ca,

16 Wata kin etanhan ya wo, niye, qa nitawin, qa nicinca, qa nicinca tawicupi kin niye kici;

17 Taku niyake niye kici un kin ko owasin, taku celpi yukan owasin, taku kinyan, woteca, watutka tona maka asdohan unpi kin owasin, tankan awicayaku kte, hecen maka akan cinca

WICOWOYAKE 9.

kagapi kte ça icagapi, qa ihduotapi kta ce, eciya.

18 Unkan Nowa tankan iyaye ça, cinca nakun, tawicu, cinca tawicipi koya.

19 Taku niyake owasin, wamanica owasin, qa taku kinyan owasin, taku maka akan sdohan un kin owasin, ocaje otoiyo hi wata kin etanhan inanpapi.

20 Unkan Nowa wahna woşnapi wan Jehowa kicaga qa, woteca wakaşoteşni otoiyo hi etanhan, qa taku kinyan wakaşoteşni ocaje otoiyo hi etanhan icu, qa wawicayuşna, qa huşnah wicaya, wahna woşnapi kin akan.

21 Unkan Jehowa waştemna kin omna, qa Jehowa cante kin ekta heya, Wicaşta kin heon maka kin ake mdaşice kte şni; ehaeş wicaşta kin hokşiyooqopa kin ehantanhan cante oze şica ece, tuka icimana taku niya un kin owasin ihang waye kte şni, hecamon qon iyecen.

22 Tohanyan maka kin wanke cin hehanyan wojupi qa coyapi, qa sni qa didita, qa mdoketu qa waniyetu, qa anpetu qa hanyetu hena ayuştanpi kte şni ce.

WICOWOYAKE 9.

1 Unkan Wakantanka Nowa, cincawicaye cin ko, wicayawaşte qa, Icagapi qa ihduotapi, qa maka kin owancaya ojudan yapo;

2 Qa taku maka aşkanşkan, taku malipiya okinye cin ko owasin, maka watutka owasin, qa mini owanca hogan owasin, itonnipapi qa ikonipapi kta, hena owasin ninape kin en niçupi ce.

3 Taku niya, qa şkanşkan kin owasin woyute nitawapi kta; peji wato iyecen hena owasin ciçupi.

4 Tuka we, cełipi wiconi kin hee, yatapi kte şni.

5 Qa awicakehan we nitawapi kin on yanipi kin awakite kta, wamanica otoiyo hi nape kin etanhan awakite kta, wicaşta nape kin ko etanhan, otoiyo hi hunka wanjitku nape kin etanhan wicaşta wiconi kin he awakite kta.

6 Wakantanka iye ounce iyecen wicaşta kin kaga; heon tuwe wicaşta weye cinhan, he wicaşta eciyatanhan weyapi kta.

7 Qa niyepi icagapi, qa maka kin owancaya oonyanpi, qa he ohna ihduotapo, ewicakiya.

8 Qa Wakantanka Nowa, cinca wicaye cin ko, owicakiye ca;

9 Iho miye wicotakuye mitawa ciciyasuta qa nicinca nihektam unpi kte cin om.

10 Nakun taku niya un kin, niyepi om unpi kin, taku kinyan, woteca, qa maka wamanica owasin, tona niye om wata kin etanhan inanpapi kin, taku maka akan ni un kin owasin om.

11 Niyepi om wicotakuye mitawa wakaga, qa taku cełipi yukun owasin minitan mini on icimana awihnuni waye kte şni, qa detanhan maka ihang ye kta on, icimana minitan kte şni, ewicakiya.

12 Qa, Wicoicage owasin, hehanyan niyepi en, qa taku ni un kin owasin en, wicotakuye wakage cin wowakta kin dee.

13 Mitinazipe kin malipiya şoka en ewehnake ça he wicotakuye maka kin waqu kin, wowakta kin hee kta.

14 Qa tohan maka kin malipiya şoka wan ahanzi waye cinhan, malipiya şoka kin ekta mitinazipe kin tanin kta.

15 Qa wicotakuye mitawa weksuye kta, niyepi om, qa taku

WICOICAGE.

ni un kin owasin om, qa taku celipi yuke cin owasin awihnuni kta e, detanhan icimana minitan kte šni.

16 Itazipa kin mahpiya šoke cin en yanke kta, qa wicotakuye Wakantanka kici, qa taku maka akan niya un kin taku celipi yuke cin owasin om, owihanke šniyan un kte cin, he weksuye kta e itazipa kin wanwahdake kta ce, Wakantanka eya :

17 Qa, Taku celipi yuke cin maka akan owasin, wicotakuye wicawaqu kin wowakta kin hee kta, Wakantanka Nowa eciya.

18 Unkan Nowa cinca wicaye cin, wata qon etanhan inanpapi kin deepi, Šem, qa Ham, qa Japet. Unkan Ham Kanan atkuku kin hee.

19 Hena yamni Nowa cinca kin eepi, qa hena etanhan maka kin owancaya enanakiya iyayapi.

20 Unkan, Nowa maka kin kicanyan aye qa hastanhanka ijuwi hu hde.

21 Qa hetanhan miniša yatke qa witko, qa wakeya ohna tancodan un.

22 Unkan Ham Kanan atkuku kin hee, atkuku tancodan un kin he wanhdake ca cincu nom tankan yakonpi kin, owicakiyaka.

23 Unkan Šem Japet kici, šina wan icupi, qa napin hiyetepi kin akan ehnakapi, qa iheyata manipi, qa ateyapi tancodan un kin akahpapi; itepi kin iheyata unpi, hecen ateyapi tancodan un kin wanhdakapi šni.

24 Unkan Nowa, miniša kin etanhan kikta, qa cinhintku hakakta kin taku ecakicon qon sdotkiya ;

25 Qa heya, Kanan yašicapi kta. Wowidake wowidag yapi

kta, cinye wicaye cin he yuhapi kta.

26 Jehowa Šem taku wakan tawa kin yawaštepi nunwe. Kanan wowidake yuhapi kta.

27 Wakantanka Japet yuota kta, qa Šem tawakeya kin ohna Japet o'nye kta, qa Kanan wowidake yuhapi kta.

28 Unkan Nowa, minitan qon iyohakam, waniyetu opawinge yamini sanpa wikcemna zaptan ni.

29 Hecen Nowa anpetu tawa owasin, waniyetu opawinge napeiwanka sanpa wikcemna zaptan hehan ŋa.

WICOWOYAKE 10.

1 Nowa wicowazi kin dee. Nowa cinca kin, Šem, Ham, qa Japet : Unkan minitan qon iyohakam, hena cinca kicitonpi.

2 Japet cinca kin Gomer, qa Magog, qa Madai, qa Jawan, qa Tubal, qa Mešek qa Tiras.

3 Unkan Gomer cinca kin, Aškenas, qa Ripat, qa 'Togarma.

4 Unkan Jawan cinca kin, Eliša, qa 'Tarsiš, Kitim, qa Dodanim.

5 Hena Hetne wita tawapi kin wicakicipamnipi, makoce tawapi kin en, otoiyo hi iapi kin, token wicowazi kin, hecen oyate kin en.

6 Ham cinca kin, Kuš, qa Mizarim *Egupton* hee, Put, qa Kanan.

7 Unkan Kuš cinca kin, Seba, qa Cawila, qa Sabta, qa Rahama, qa Sabteca. Unkan Rahama cinca kin Seba, qa Dedan.

8 Unkan Kuš Nimrod kicitonpi, he tokaheya maka akan wašaka aya.

9 Iye waayatesa Jehowa ito-

WICOWOYAKE 11.

kam waśake cin hee ; heon etanhan, Waayatesa waśaka Jehowa itokam, Nimrod iyecen, eyapi kin.

10 Unkan wokiconze tawa tokaheya kin Babel hee, qa Ereka, qa Akad, qa Kalne Śinar makoce kin en unpi.

11 Makoce kin he etanhan iyaya, qa Aśur, Niniwe kage qa Rehobot otonwe Kala nakun ;

12 Qa Niniwe Kala kici otahedan Resen otonwe tanka wan hee.

13 Unkan Mizarim *Egypton* hee cinca kicitonpi kin Ludim, qa Anamim, qa Lehābim, qa Naptuhim,

14 Qa Partusim, qa Kasluhim, hetanhan Piliśtim, qa Kaptorim inanpapi.

15 Unkan Kanan cinca kicitonpi Zidon, he tokapa, qa Het,

16 Qa Jebusi kin, qa Amori kin, qa Girgiśi kin,

17 Qa Hiwi kin, qa Hareqi kin, qa Sini kin,

18 Qa Aradi kin, qa Zemari kin, qa Hamati kin ; qa hehan Kanani wicowazi kin yuomden iyayapi.

19 Qa Kanani makoce tawapi kin dee, Zidon etanhan Gerar ektakiya de cin Gaza etu, qa hetanhan Sodom, qa Gomora, qa Adma, qa Zeboim Lasa eka.

20 Ham cinca wicaye cin hena eepi, wicowazipi kin iyececa, oyatepi tamakocepi kin en, iapi kin iyecen.

21 Unkan Japet tokapa kin sunkaku Śem, he cinca kicitonpi, Heber cinca wicaye cin owasin ateyapi kin hee.

22 Śem cinca wicaye cin, Elam, qa Aśur, qa Arpaksad, qa Lud, qa Aram.

23 Unkan Aram cinca wicaye cin Uz, qa Hul, qa Geter, qa Maś.

24 Unkan Arpaksad Śela kicitonpi, qa Śela Heber kicitonpi.

25 Unkan Heber cinca nonpa kicitonpi ; tokapa anpetu tawa kin en maka kin akipam icupi kin heon Peleg eciyapi, qa sunkaku kin Joktan cajeyatapi.

26 Joktan cinca wicaye cin Almodad, qa Śelep, qa Hatsarmawet, qa Jerā ;

27 Qa Hadoram, qa Uzal, qa Diqela ;

28 Qa Obal, qa Abimahel, qa Śeba ;

29 Qa Opir, qa Hawila, qa Jobal, hena owasin Joktan cinksi wicaya.

30 Meśa etanhan de cin, Seper he wan wiyohiyanpata wanke cin ; hehanyan ounyanpi.

31 Śem cinca wicaye cin hena eepi ; wicowazipi, qa wicoie hduhapi kin iyecen oyatepi kin tamakocepi kin en ounyanpi.

32 Nowa cinca wicaye cin wicowazipi kin heepi, oyatepi kin en. Hena etanhan maka kin owancaya oyate enanakiya iyayapi minitan qon iyohakam.

WICOWOYAKE 11.

1 Hehan maka kin owancaya wicaiha wanjidan, qa iapi ko wanjidan.

2 Qa wiyohiyanpata ihdaka unpi, qa Śinar makoce kin he en, omdaye wan iyeyapi, qa en eyakonpi.

3 Qa otoiyohe takodaku hekiciyapi, Ihopo, maka omdoton un-kagapi, qa span unkiyapi kta ce, eyapi. Hecen inyan hee kiya maka omdoton kin he icupi, qa upsiya hee kiya bitumen icupi.

4 Qa ake hekiciyapi, Ihopo, otonwe wanji un-kagapi kte qa nakun conkaśke wan, he ointpa kin mahpiya iyahdeye kta, qa

caje unkiçagapi kte ; heconkupi ŗni kinhan, maka kin owancaya omdecaheya unkiyayapi kta.

5 Unkan, Jehowa otonwe kin, inatake ko, Adam cinca wicaye cin kagapi kin wanyake kta e kun hiyu.

6 Qa, Ehaeŗ oyate wanjidan, qa owasin iapi wanjidan yuhapi, qa de tokaheya econpi, qa detanhan taku kaga kecinpi owasin takudan tehike dapi kte ŗni.

7 Iho, kun unyanpi, qa iapi kin icicahi unyanpi kta ; kinhan iyakitedan iapi nakicihonpi kte ŗni, Jehowa eya.

8 Qa hetanhan Jehowa, maka kin owancaya, yuomden ye wicaya ; unkan otonwe kagapi qon ayuŗtanpi.

9 He etanhan caje kin Babel eciyapi ; heciya Jehowa maka kin owasin iapi kin yuicicahi, qa hetanhan maka kin owancaya yuomden enanakiya ye wicaya.

10 Œem wicowazi *wowapi* kin dee. Œem waniyetu opawinge sanpa nonpa ni, qa hehan Arpakŗad kicitonpi, minitan qon iyohakam waniyetu nonpa.

11 Œem Arpakŗad tonpi kin iyohakam, waniyetu opawinge zaptan ni, qa cinca wica winyan ko kicitonpi.

12 Unkan Arpakŗad waniyetu wikcemna yamni sanpa zaptan ni, qa Œela kicitonpi.

13 Qa Arpakŗad, Œela tonpi kin iyohakam, waniyetu opawinge tom sanpa yamni ni, qa cinca wica winyan ko kicitonpi.

14 Unkan Œela waniyetu wikcemna yamni ni, qa hehan Heber kicitonpi.

15 Qa Œela Heber tonpi kin iyohakam, waniyetu opawinge tom sanpa yamni ni, qa cinca wica winyan ko kicitonpi.

16 Unkan Heber waniyetu wi-

kcemna yamni sanpa topa ni, qa Peleg kicitonpi.

17 Qa Peleg tonpi kin iyohakam, Heber waniyetu opawinge tom sanpa wikcemna yamni ni, qa cinca wica winyan ko kicitonpi.

18 Unkan Peleg waniyetu wikcemna yamni ni, qa Reyu kicitonpi.

19 Qa Peleg, Reyu tonpi kin iyohakam, waniyetu opawinge nonpa sanpa napciwanka ni, qa cinca wica winyan ko kicitonpi.

20 Unkan Reyu waniyetu wikcemna yamni sanpa nonpa ni, qa Serug kicitonpi.

21 Qa Serug tonpi kin iyohakam, Reyu waniyetu opawinge nonpa sanpa ŗakowin ni, qa cinca wica winyan ko kicitonpi.

22 Unkan Serug waniyetu wikcemna yamni ni, qa Naħor kicitonpi.

23 Qa Naħor tonpi kin iyohakam, Serug waniyetu opawinge nonpa ni, qa cinca wica winyan ko kicitonpi.

24 Unkan Naħor waniyetu wikcemna nonpa sanpa napciwanka ni, qa Tera kicitonpi.

25 Qa Naħor Tera tonpi kin iyohakam, waniyetu opawinge sanpa wikcemna sanpa napciwanka ni, qa cinca wica winyan ko kicitonpi.

26 Unkan Tera waniyetu wikcemna ŗakowin ni, qa Aberam, qa Naħor, qa Haran kicitonpi.

27 Tera wicowazi *wowapi* kin dee. Tera iye Aberam, Naħor, qa Haran kicitonpi. Unkan Haran Lot kicitonpi.

28 Unkan Haran, iye atkuku, Tera itokam řa, Ur Kaŗdim heciya, makoce en tonpi kin he en řa.

29 Unkan Aberam, qa Naħor winolinca yuzapi. Aberam ta-

WICOWOYAKE 12.

wicu caje kin Sari, qa Nahor tawicu caje kin Milka eciyapi. Haran he cunwintku iye Milka Iska ko ateyapi.

30 Tuka Sari cinca ton šni un, cinca wanica.

31 Unkan Tera iye cinhintku Aberam ikikcu, qa takojatpaku, Lot he Haran cinhintku, qa takošku Sari iye cinhintku Aberam tawicu kin hee. Hena om Ur Kašdim etanhan iyaya, Kanan makoce kin ekta ye kte, ça Haran ehan hipi qa hen hiya-konpi.

32 Qa Tera anpetu tawa kin waniyetu opawinge nonpa sanpa zaptan henakeca, qa Haran hen Tera ta.

WICOWOYAKE 12.

1 Unkan Jehowa Aberam heciya, Nita makoce kin etanhan ya wo, nitakuye etanhan, qa niyate ti kin etanhan, makoce wan wanyag ciciye kte cin he ekta ya wo.

2 Kinhan oyate tanka icalı ciye, ça ciyawašte, qa nicaje kin tanka wakage kta; qa wowašte yaun kta;

3 Qa tona niyawaštepi kin hena wicamdawašte, qa tuwe niyašice cin he mdašice kta, qa niye en wicowazi tona maka akan unpi kin owasin yawaštepi kta ce.

4 Unkan Aberam iyaya, Jehowa eciye cıqon he iyecen, qa Lot opa. Aberam wanna waniyetu wikcemna šakowin sanpa zaptan, Haran etanhan iyaye çehan.

5 Qa Aberam tawicu Sari ikikcu, qa iye cincu cinhintku Lot nakun, qa taku içihdepi, taku tonpi kin owasin, wicanagi tona Haran en wicatonpi ko, qa unhdaka yapi, Kanan makoce kin

ektakiya, qa Kanan makoce kin en hipi.

6 Qa Aberam makoce kin ohna ya, Šekem ounye cin etu, More utuhu kin en. Unkan hehan Kanani kin makoce kin en unpi.

7 Unkan Jehowa Aberam en tanin içiye ça, Wicowazi nitawa kin makoce kin de waqu kta ce, eciya. Unkan Aberam hen wahna wošapi wan, Jehowa tanin içiye cin he kiciga.

8 Qa hetanhan unhdaka ya Betel iwiyohiyanpatanhan he wan wanke cin, Betel wiyohpeyata, qa Hai wiyohiyanpata otahedan en e wakeya, qa heci wahna wošnapi wan kage ça Jehowa caje kin hoyekiya.

9 Qa ake Aberam unhdaka itokali kiya ihdaka ya.

10 Unkan makoce kin he en wicaakihan, qa Aberam Egipta ekta apamahde ya, hen yanke kta, makoce en un qon nina wicaakihan nakaes.

11 Qa Egipta ekta wanna hi kte çehan, tawicu Sari heciya, Winohinca owanyag wašte hencia sdonwaya;

12 Qa Egipton oyate kin waniyakapi kinhan, De tawicu kin ee ce, eyapi, kta, qa miye maktepi kta qa niye niniyanpi kta.

13 Ceciya ce, tawinolitin ciya keya wo; hecen tanyan waun kte ça, niye eciyatanhan minagi kin ni kta.

14 Qa Aberam Mizarim, *Egipta hee*, en hi qehan, Egipton oyate kin tawicu kin owanyag wašte hinca e wanyakapi.

15 Unkan Paro taakicita tancan winohinca kin wanyakapi, qa Paro en yatanpi, qa winohinca kin Paro ti kin en un kte cin icupi.

16 Qa iye kin on Aberam tanyan ecakiconpi; unkan tahin wa-

nuyanpi yuha, tatanka nakun, qa šuktanka šonšonna mdoka wiye ko qa ookiye wica winyan ko, qa camo hena *owasin*.

17 Unkan Jehowa Paro oyutan, Sari Aberam tawicu kin on etanhan, Paro tiyohnaka tawa kin koya wowayazan tanka on wicakaštaka.

18 Unkan Paro Aberam kico, qa heciya, Tokeca becamiyecon? He nitawin kin tokeca omayakidake šni he?

19 De mitankši ce, ehe ciqon he tokeca heha he? Hecen miš mduze kta iwacu tuka. Tuka nitawin wanhdaka wo. Ehdaku qa hunktiya wo.

20 Qa Paro wicašta tawa kin hena he iwahokonwicakiya, unkan hde šipi, tawicu taku yuhe cin ko owasin.

WICOWOYAKE 13.

1 Unkan Aberam Egupta etanhan iyaya, iye tawicu kici, qa taku yuhe cin ko owasin, Lot nakun opa, itokah makoce kin etu.

2 Qa Aberam wijica hinca, wanuyanpi, mazaska, qa mazaškazi ota yuha.

3 Qa itokah makoce kin otiqon ohna ihdaka ku, Betel etu, wakeya iticage ciqon Betel qa Hai otahedan heciya;

4 Tokag ehan wahna wošnapi kage ciqon he ekta, qa hen Aberam Jehowa caje kin hoyekiya.

5 Unkan Lot Aberam kici ihdaka un kin he talinca, qa tatanka wakeya ko yuha.

6 Qa witaya tonwanyanpi kte cin makoce kin iyowinwicakiye šni, ehaeš wanuyanpi ota yuhapi, heon witaya ounyanpi kta okitpanipi.

7 Unkan Aberam wanuyanpi wihan wicakiyapi kin qa Lot wanuyanpi wihan wicakiyapi kin akinicapi. Unkan hehan Kanani kin, Perazi kin ko makoce kin en ounyanpi.

8 Unkan Aberam Lot heciya, Unhdokinica kte šni, wihan wicakiya mitawa kin, qa wihan wicakiya nitawa kin nakun akinicapi kte šni, hunka wanjin unkiyiye cin.

9 Makoce ocowasin nitokam wanke šni he? Ceciciya ce, miye etanhan kinukankiya ya wo. Niš catka tanhan de cinhan miš etapa tanhan, qa niš etapa tanhan kinhan miš catka tanhan mde kta ce.

10 Unkan Lot wankan etonwe, ça Jordan iyomdaye kin ocowasin Zohar itato owancaya mini yukan, (Sodom Gomora kici Jehowa ihangye cin itokam,) Jehowa tamaga kin iyecen, qa Egupta makoce kin iyecen.

11 Qa Lot Jordan ohna makoce kin owasin kalnige ça, Lot wiyohiyanpata kiya unhdaka ya, hecen otoiyo hi hunka wanjitku kin etanhan kinukankiya iyayapi.

12 Aberam Kanan makoce kin en ounyan, qa Lot omdaye kin otonwe kin en ounye, ça Sodom en wakeya iticaga.

13 Unkan Sodom wicašta kin wicaštapi šni, qa Jehowa en nina wahtanipisa.

14 Unkan Lot Aberam etanhan kinukankiya iyaye cin, he iyohakam Jehowa Aberam heciya, Išta kin yuwankan ikikcu, qa toki yaun kin ihdukšan etonwan wo; waziyata, qa itokaga, qa wiyohiyanpata, qa wiyohipeyata.

15 Makoce kin de wandake cin sitomniyan ciçu kte ça, wicowa-

WICOWOYAKE 14.

zi nitawa nakun owihankešniyan.

16 Qa wicoicage nitawa kin maka wiyaka sukaza iyenaka wakage kta. Wicašta wan maka wiyaka sukaza yawa okihi, hecinhan wicoicage nitawa nakun yawapi kta ce.

17 Najin qa makoce kin ohan-ske cin, qa ohdakinyan kin ecen omani wo, he ciçu kta ce, eya.

18 Unkan Aberam ihdake ça Mamore utuhu kin he Hebron en wanke cin ekta i, qa en ounye ça hen wahna wošnapi wan Jehowa kicaga.

WICOWOYAKE 14.

1 Unkan Amrapel Šinar en wicašta yatapi ounye cin he ehan, iye qa Ariyok Elasar en wicašta yatapi, qa Kedorlahomer Elam en wicašta yatapi, qa Tidal Goim en wicašta yatapi ozuye kagapi.

2 Bera Sodom en wicašta yatapi, qa Birsu Gomora en wicašta yatapi, qa Šinab Adma en wicašta yatapi, qa Šemeber Zeboim en wicašta yatapi, qa nakun Bela, Zohar hee, he en wicašta yatapi, hena owasin azuwicayapi.

3 Sidim mdaye kin, mini skuya mde kin hee, en hena owasin ecipapi.

4 Waniyetu ake nom, hehan-yan Kedorlahomer wowidake wicaya, tuka iake yamni kin hehan kipajinpi.

5 Unkan waniyetu iake topa, hehan Kedorlahomer qa wicašta yatapi owicape ciqon owasin upi, qa Repaim kin Ašteret Qarnayim en wicakaštaka, qa Zuzim kin Ham en, qa Emim kin Qiratayim mdaye kin en, hena owasin wicakaštakapi.

6 Hori kin nakun, Sehir he tawapi kin en Paran utuhu kin hetu, he hopuza kin en un.

7 Qa hdicupi, Mišpat wakoniya, Qadeš hee en, qa Ameleqi tamakocepi kin owasin awihnu-nipi, Amori kin tona Hazazon Tamar en ounyanpi kin nakun.

8 Hehan Sodom en wicašta yatapi, qa Gomora en wicašta yatapi, qa Adma en wicašta yatapi, qa Bela Zohar he en wicašta yatapi, qa Zeboim en wicašta yatapi hena *owasin* zuya iyayapi, qa Sidim mdaye kin en kicizapi.

9 Kedorlahomer Elam en wicašta yatapi, qa Tidal Goim en wicašta yatapi, qa Amrapel Šinar en wicašta yatapi, qa Ariyok Elasar en wicašta yatapi, wicašta yatapi ece, uman topa uman zaptan ecipapi.

10 Unkan Sidim mdaye kin ohna bitumen woħa ota, qa Sodom en wicašta yatapi Gomora en wicašta yatapi henios najicapi, qa ohinlipayapi, qa umanpi kin, tona nipi kin, he onapapi.

11 Unkan Sodom Gomora ko woyuha, taku yutapi ko yuhapi qon, owasin icupi qa kihdapi.

12 Lot Aberam cincu cinhin-tku kin Sodom en un kin nakun, taku tawa ko owasin icupi, qa hecen hdapi.

13 Unkan wicašta wan okicize etanhan u, qa Aberam Heberi kin wokiciyaka, utuhu oju Mamore Amori tawa kin en un; Mamore Eškol Aner kici hunka wanjin wicaye cin, qa hena *yamni* Aberam kici dakon kiciyapi.

14 Unkan Aberam sunkaku wayaka ahdapi kin he nakihon, hehan wicašta opawinge yamni sanpa wikcemna sanpa šahdogan, iye ti kin en icagapi, qa onspewicakiyapi kin hena awi-

caye ça wicašta yatapi qon, Dan hehanyan wicakuwa.

15 Qa hanyen taokiye kici anawicatan, qa wicakaštake ça owicakuwa, Ceba Damaskos icatka tanhan wanke cin hehanyan.

16 Qa woyuha qon owasin eyaku; sunkaku Lot, qa taku tawa ko owasin, winohinca oyate ko owasin ahda.

17 Qa Kedorlahomer, qa wicašta yatapi owicape ciqon wicakaštakapi kin etanhan hdi kin, hehan Sodom wicašta yatapi kin itkokim ya; Kaksiza mdaye kin ekta Wicašta yatapi takaksiza kin hee.

18 Unkan Melkizedek Salem en wicašta yatapi, Taku wakan otancanke wakiyušnapi kin, he aguyapi miniša ahna *Aberam* kahi;

19 Qa yawašte, qa heya, Wakantanka otancanke mahpiya maka ko ocowasin tawa kin, he *Aberam* yawašte nunwe.

20 Qa Wakantanka otancanke kin, toka niyanpi kin nape kin en onihnake cin he yawaštepi nunwe, eya. Unkan taku owasin etanhan iwikcemna kin qu.

21 Unkan Sodom wicašta yatapi kin *Aberam* heciya, Oyate kin micu wo, qa woyuha kin he owasin icu, qa yuha un wo.

22 Unkan *Aberam* Sodom wicašta yatapi kin heciya, Jehowa Wakantanka otancanke kin mahpiya maka ko ocowasin tawa kin, he ekta nape ye wakiya.

23 Taku nitawa kin etanhan hahonta wanjidan, hantpa wanjidan ešta iwacu kte šni, qa *Aberam* wawokihi wakaga ehe kte šni.

24 Tuka koška taku yutapi kin hecehnana, qa *Aner Eškol* qa *Mamore* wicašta omicipapi kin

hena eepi, onšpa tawapi kin iki-kecupi nunwe, eya.

WICOWOYAKE 15.

1 Hena henakeca hehan, owanyake wan en Jehowa oie kin *Aberam* en hi, qa heciya, *Aberam* ihnuhan koyakipe cin; wahacanka nitawa qa taku iyotan tanka yahduhe kte cin he miye ce.

2 Unkan *Aberam* heya, Jehowa Itancan taku mayaqu kta he? Miš micinca manica qa wati kin taku ohnaka kin *Eliezer* Damaskon he yuha.

3 Qa *Aberam* heya, Miye cinca mayaqu šni, qa wicašta wan wati kin en tonpi kin, he taku mitawa owasin yuhe kta.

4 Unkan Jehowa oie kin hoyekiya, De taku nitawa owasin yuhe kte šni ce. Tokešta nitazi kin etanhan inanpe kte cin he taku nitawa kin owasin yuhe kta ce, eya.

5 Qa tankan u ši, qa heciya, Mahpiya ekta etonwe ça wicanlipi kin yawa oyakihi hecinhan hena yawa wo. Qa nicinca kin he iyenakecapi kta ce, eciya.

6 Unkan *Aberam* Jehowa oie kin wicada, qa he woowotanna kiciyawapi.

7 Unkan Jehowa heciya, Makoce kin de ciçu, qa yahduhe kta e *Ur Kašdim* etanhan u ciyiye cin, Jehowa he miye ce.

8 Unkan, Jehowa Itancan, tokiya tanhan wahduhe kte cin sdonwakiye kta he? eya.

9 Unkan, Pte wan waniyetu iyamni, qa tatokadan wan waniyetu iyamni, qa tamdoka wan waniyetu iyamni, hena owasin imicu wo, qa wakiyedat wan nakun, tin wakiyedat wan iyahna.

WICOWOYAKE 16.

10 Unkan hena owasin ikikcu, qa cokaya okiwicakasdece ça wobaşpe kin owasin iciyotakons ehnaka, qa zitkadan kin hena başpe şni.

11 Unkan taku kinye cin woteka wicakte qon akan kun upi, unkan Aberam ham wicaya.

12 Unkan anpetu wi aisinyan iyaye kte cin, hehan woistima tanka wan Aberam ahinlpaye ça nakun otpaza wohitike hinca.

13 Unkan Aberam heciya, Wovicake eciyatnhan he sdonya wo, nicinca makoce wan tawapi şni e en waniyetu opawinge tom ounyanpi kte, unkan wowidag wicayapi, qa iyoyag wicayapi kta.

14 Unkan oyate wan wicayuhe kte cin he mdaco kta, unkan hehan woyuha ota yuha hinanpapi kta.

15 Tuka niye hunkake wicayaye cin ekta tanyan yahde kte ça, pa niska waşte kinahan nişapi kta.

16 Qa wicoicage itopa kin, hehan deciya hdipi kta ce. Amori kin woahţani kin nahahin iyatahdepi şni ce.

17 Unkan wi iyaya hehan nina otpaza, qa oceti izita wan, petijanjan ideya wan ko, taku okicasdece ciqon itoopteya iyaya.

18 Anpetu kin he en Jehowa wicotakuye wan Aberam kicage ça heya, Makoce kin de Egupta watpa etanhan, watpa tanka Yuphrate *eciya*pi hehanyan nicinca wicawaqu kta.

19 Keni kin, qa Qenizi kin, qa Qadmoni kin,

20 Qa Ceti kin, qa Perazi kin, qa Repaim kin,

21 Qa Amori kin, qa Kanani kin, qa Girgaşi kin, qa Jebusi kin.

WICOWOYAKE 16.

1 Unkan Aberam tawicu kin Sari cinca kiciton şni, qa Egupton wikoşka wan yuha, Hagar eciyapi.

2 Qa Sari Aberam heciya, Iho Jehowa miye onamataka; ceciye, wikoşka wan mduhe cin he ekta ya ye; okini cinca miciton kta, eya. Unkan Aberam Sari oie kin anagoptan.

3 Unkan Sari Aberam tawicu kin, he wikoşka tawa, Hagar Egupton kin icu, qa Aberam hihaku kin tawicu kta e qu; wanna waniyetu wikcemna hehanyan, Aberam Kanan makoce en un qehan hecon.

4 Unkan Aberam Hagar en i, unkan ihduşake ça, wanna ihduşaka wanhdake çehan, yuhe cin he ista kin on ihakta şni.

5 Unkan Sari Aberam heciya, Şicaya ecamiconpi kin he niye en oiyanihde. Miye wikoşka wan mduhe cin he ciçu, nimaku kin ekta, unkan ihduşaka wanhdake ça ista kin on ihamakta şni, miye niye kici unkiyotahedan Jehowa yaco kta ce.

6 Unkan Aberam Sari heciya, Tokešta wikoşka nitawa kin he ninape kin ohna un, token iyonicipi ecen ecakicon wo. Unkan Sari iyoyag ya; unkan najica iyaya.

7 Unkan Jehowa taohnihde wan Hagar tinta kin en iyeya, mini hdoka wan ikiyedn, Şurcanku kin ohna mini hdoka he cin hee.

8 Qa heya, Sari tawikoşka Hagar, tokiya tanhan yau he? qa toki da he? Unkan, Sari mayuha itoye kin etanhan nawajica ce, eya.

9 Unkan Jehowa taohnihde kin heciya, Niyuhe cin ekta ici-

WICOICAGE.

cawin hde, ça nape kin ihukuya ecihde wo.

10 Kinhan nicinca ota wakage kta, qa ota kin heon yawapi kte šni, Jehowa taohnihde kin Hagar eciya.

11 Qa, Iho ihdunišake cin cinca wanji yaton kte, ça Išmayel eya caš yakiton kta; nicakije cin Jehowa nanihon kin heon etanhan.

12 Kinhan is ikce wicašta kin heca kta. Wicašta owasin nape apaha wicayanke kta, qa is wicašta owasin nape apaha yan-kapi kte, ça hunka wanjin wicaye cin owasin itokam ounyc kte, Jehowa ohnihdeye cin eciya.

13 Unkan Wakantanka wanmayake cin he deciya awakita he? eye ça, Jehowa okiye cin, he Wakantanka wanmayadake cin, eya cašton.

14 Heon wakoniya kin he, Tuwe ni qa wanmayake cin tawakoniya eciyapi; he Qadeš qa Bered otahedan wanka.

15 Unkan Hagar Aberam cinca wan kiciton, qa Aberam cinca Hagar ton kin he Išmayel eya caš kiton.

16 Aberam wanna waniyetu wikcemna šahdogan sanpa šakpe, Hagar Išmayel Aberam kiciton kin hehan.

WICOWOYAKE 17.

1 Unkan Aberam wanna waniyetu wikcemna napciwanka sanpa napciwanka, hehan Jehowa Aberam en tanin iciye ça, Taku wakan iyotan wašake cin he miye; mitokam omani qa iyaonpepica šni un wo.

2 Kinhan odakonciciye kta qa, iyakiçuya ciyuota kta. eciya.

3 Unkan Aberam pustag elipe-

iciya; unkan'Wakantanka okiye ça heya,

4 Odakonciciya qa oyate ota ate niyanpi kta;

5 Qa detanhan Aberam eniciyapi kte šni, tuka Abereyam nicaje ee kta; oyate ota ate niyanpi kte cin cicaga ce.

6 Qa nina yuota ciciye ça, oyate cicage kta, niye etanhan wicašta yatapi inanpapi kta.

7 Qa miye niye kici wicotakuye cicage kta, qa taku nitawa nihektam u kte cin hena koya, hecen wakage kta, tohanhayan wiconi kte cin, hehanhayan hecetu kta, hecen wakan mayada kta, qa nicinca nihektam u kte cin hena owihanke wanin wakan madapi kta.

8 Makoce en ihdaka yaun kin, Kanan makoce kin he owasin ciçu kta, qa tona enitanhan u kte cin hena, qa owihanke wanin tawayapi kta qa taku wakan mayanpi kta.

9 Qa, niye wicotakuye mitawa kin yahduhe kta, niye, nicinca nihektam upi kte cin hena koya, wicoicage tawapi kin en.

10 Qa wicotakuye mitawa miye, qa niye kici, qa nicinca nihektam u kte cin hena koya, yahduhapi kte cin he dee ce. Tona wica un kinhan hena bakiħdayapi kte.

11 Ce inkpa ha kin banicilħdayapi kta qa odakonciciyapi wowapetokton kin hee kta.

12 Wicoicage nitawapi kin tona wica owasin yatipi kin ohna tonpi, qa nicinca etanhan šni ešta, tuka oyate tokeca cinca, qa mazaska on opetonpi kin owasin, cincatonpi ehantanhan anpetu išahdogan baħdayapi kta.

13 Tuwe yati kin ohna tonpi qa mazaska nitawa on opetonpi kin he baħdayapi kta, qa oda-

WICOWOYAKE 18.

konciyapi, nicelipi kin en he wicotakuye owihanke wanice kta.

14 Tuwe wica baḥdayapi śni, ce inkpa ha kin bakihdayapi śni kinhan, wicotakuye mitawa naksā, heon wicaśta kin he oyate tawa kin etanhan baśpapi kta, Wakantanka Abereyam eciya.

15 Qa detanhan Sari nitawin kin Sari cajedate kte śni, Sara caje kin hee kta ce.

16 Qa he mdawašte kte ḥa, hetanhan cinca wan ciḥu kte ḥa, cinca niciton kte cin he nakun mdawašte kte ḥa, oyate ota nakun wicaśta yatapi tanka hetanhan inanpapi kta, Wakantanka Abereyam eciya.

17 Unkan Abereyam pustag eḥpeiḥiye ḥa iḥa, qa cante kin mahen heya, Wicaśta waniyetu opawinge cinca kicitonpi kta he? qa Sara waniyetu wikcemna napciwanka cinca wan ton kta he?

18 Hehan, Tokin Iśmayel nitokam ni un, Abereyam Wakantanka eciya.

19 Unkan Wakantanka heya, Han; awicakehan Sara nitawin cinca wan niciton kta, qa Izak eya caś yakiton kta, qa wicotakuye mitawa kin he kici wahdusuta kta; cinca wicaye kte cin ihektam u kte cin, hena koya wicotakuye owihanke śniyan.

20 Iśmayel on nakun naciḥon, on mdawašte kta, cinca ota icaḥiye wakiye ḥa iyakiḥuya yuota wakiye kta, wicaśta yatapi ake nom kicitonpi-kte ḥa, oyate tanka icaḥiye wakiye kta.

21 Tuka Izak kici wicotakuye mitawa kin wahdusuta kta, detanhan omaka wanjica kinhan, makoncage kin de en Sara ton kta.

22 Wakantanka ie ḥa ohiniki-

ye cin, hehan Abereyam itokam wankan ikiyopta.

23 Unkan Abereyam cinhintku Iśmayel ikikcu, qa nakun tona iye ti kin ohna wicatonpi kin, tona maza ska iye tawa on ope-wicaton kin hena koya owasin, tona wica iye ti kin ohna yakonpi kin hena, anpetu kin he en ce inkpa ha kin bawicakihdaya, Wakantanka eciye cin he iyecen.

24 Abereyam wanna waniyetu wikcemna napciwanka sanpa napciwanka hehan iye ce inkpa ha kin bakihdayapi.

25 Qa cinhintku Iśmayel waniyetu ake yamni hehan ce inkpa ha kin bakihayapi.

26 Abereyam cinhintku Iśmayel kici, anpetu wanjidan en bawicahdayapi.

27 Qa tiyohnaka wicaśta owasin, ti kin ohna wicatonpi, qa oyate tokeca etanhan opewicatonpi kin hena koya, owasin Abereyam kici bawicahdayapi.

WICOWOYAKE 18.

1 Unkan Mamore utuhu kin heciya, Abereyam wakeya tiyopa kin ekta iyotankehan yanke, ḥa wiyotanhan hehan Jehowanin iḥiya.

2 Unkan Abereyam wankan etonwan, qa wicaśta yamni itokam najinpi wanwicayake ḥa, wakeya tiyopa kin etanhan itkowicakipe kta e inyang iyaye ḥa, maka kin en canpeśka makehdeya inajin.

3 Qa, Itancan ni iśta kin iyokipi ciya hecinhan ceciciya ce, nitaokiye kin etanhan sam iyaye śni wo.

4 Mini onge aupi on siha hdujajapi, qa can kin ihukuya ozi iḥiyapo.

WICOICAGE.

5 Kinhan aguyapi onśpa cicau-pi kta. Nicantepi kin iwakiśa-
kapo, heon nitaokiyepi kin en
yahipi, qa hehan idadapi kta ce,
eya. Unkan token ehe cin ecen
econ wo, eyapi.

6 Unkan Abereyam wakeya
kin en oňankoya hda, Sara ti
kin ekta qa, Aguyapi iyutapi ya-
mni kohanna icu qa pasuta qa
aguyapi hmiyanan kaga wo,
eya.

7 Hehan Abereyam wanuyan-
pi ekta inyang ye ça, ptejinca-
dan wan cepa qa wašte ikikcu,
qa he kośka wan qu; unkan
inaňniyan pata.

8 Unkan pte asanpi qa pte
asanpi ihdi, qa ptejincadan pa-
ta qon ikikcu, qa wicitokam
ehde, qa iye wicikiyedana najin
can kin ihukuya. Unkan wo-
tapi.

9 Qa Sara nitawin kin toki un
he? eciyapi. Unkan, Wakeya
ohna yanka ce, eya.

10 Unkan, Detanhan omaka
akihde kinhan, ake niye en cih
kta qa awektunje kte śni. He-
han nitawin Sara cinca wan ton
kta. Unkan Sara wakeya tiyo-
pa kin ohna wicašta kin ihe-
ktam *yanka* tuka he nahon.

11 Wanna Abereyam Sara ki-
ci wanakaś wotapi, napin kan-
pi; winohinca ayakonpi kin he,
Sara wanna ecece śni un.

12 Heon Sara *cante* mahen iňa
qa, Wamakanka hehan, qa ma-
yuha is nakun wicahinca ešta
imduśkin kta he? eya.

13 Unkan Jehowa Abereyam
heciya, Tokeca e Sara iňa qa,
Awicakehan wamakanka hehan
cinca waton kta he? eya he?

14 Jehowa taku wanji okitpani
tukte e he? Tohantu kte cin
ake niye en cih, qa Sara hokśi-
dan wan ton kta.

15 Hehan Sara kokipe ça heon
anakiľbe ça, Iwaňa śni ce, eya.
Unkan, Hiya, iyaha ce, eya.

16 Hehan wicašta qon heciya
tanhan najinpi, qa Sodom ekta-
kiya etonwanpi; unkan Aberey-
yam awicaye kta e om iyaya.

17 Unkan Jehowa heya, Taku
ecamon kte cin he Abereyam
anawakiľbe kta he?

18 Abereyam is oyate tanka,
qa waśaka un kte ça iye eciya-
tanhan oyate maka ohnaka owa-
sin yawaštepi kta;

19 Qa de sdonwakiye, cinca
wicaye cin, tiyohnaka kin iya-
hna taku owotanna qa ecetu
econ wicaśi kta, qa Jehowa ta-
canku kin okicipapi kta, hecen
Jehowa Abereyam token wahoye
cin owasin kicicahi kta.

20 Unkan Jehowa heya, Sodom
qa Gomora ceyapi kin he tanka,
qa waľtanipi kin teľika e nawa-
ňon, heon

21 Nakaha kun mde ça ceyapi
kin mahiyohi kin ocowasin iye-
ceca econpi kinhan sdonwaye
kta, qa ecece śni kinahan sdon-
waye kta ce, eya.

22 Unkan wicašta qon hetan-
han iyayapi, qa Sodom en ipi,
qa Abereyam nahalin Jehowa
itokam yanka.

23 Qa Abereyam ikiyadan hi-
najin qa, Tona oňan owotanna
waľtanipisa om ihang wicaya-
ye kta he?

24 Okini wicašta owotanna
wikcemna zaptan otonwe kin en
unpi ešta ihang yaye kta he?
Wicašta owotanna wikcemna
zaptan kin hena on, otonwe en
unpi kinhan, otonwe kin itonya-
pe kte śni he?

25 Wicašta oňan owotanna
waľtanipisa om ihang wicayaye
kta seca; tokadan hecanon kte
śni. Tona owotanna waľtani-

WICOWOYAKE 19.

pisa iyecen ecawicakiconpi kin he iyonicipi śni. Maka kin owancaya wayaco un kin he woyaco econ kte śni he? eya.

26 Unkan Jehowa heya, Wicaśta owotanna wikcemna zaptan Sodom otonwe en iyewaye cinhan, hena on otonwe kin ocowasin itonwape kta ce.

27 Unkan Abereyam ayupte ça, Maka mdu qa cahota hemaça qeyaś mayuhe cin taku ewakiye kta on iapi iwacu.

28 Okini wicaśta owotanna wikcemna zaptan kin en zaptan ope kte śni seca; zaptanna kin hena on otonwe kin ocowasin ihang yaye kta he? eya. Unkan, Ihang waye kte śni, hen wikcemna tom sanpa zaptan iyewaye cinhan, eya.

29 Unkan ake ie kta e hda, qa, Okini hen wikcemna tom iyewicayapi kta, eya. Unkan, Wikcemna topapi on ecamon kte śni, eya.

30 Unkan, Mayuha ceciciye canniye maye śni wo; iwae kta ce. Okini wikcemna yamni hen iyeyapi kta seca, eya. Unkan, Wikcemna yamni hen iyewicawaye cinhan ecamon kte śni, eya.

31 Unkan, Tokin Mayuhe cin taku ewakiye kta e epen. Okini wikcemna nonpa hen iyeyapi kta seca, eya. Unkan wikcemna nonpa on ihang waye kte śni ce, eya.

32 Unkan, Itancan ceciciye canniye maye śni wo; wancadan iwae kta ce. Okini wikcemna en iyeyapi kta seca, eya. Unkan wikcemna on ihang waye kte śni ce, eya.

33 Unkan Jehowa Abereyam okiya ohinikiye cin hehan toki iyaya, qa Abereyam ekta hda.

WICOWOYAKE 19.

1 Unkan litayetu ehan ohnihde wicaye cin nom Sodom en hipi; he icunhan Lot Sodom tiyopa kin en iyotankehan yanka, unkan Lot wanwicayake ça itkowicakipe kta najin hiyaya, qa wicitokam patuś inajin.

2 Qa hewicakiya, Itancan ceciciyapi, wati kin en yapo, he wowidake mayaduhapi, heon hanyetu kin de wati kin en yukanpo. Siha kin hdujaja po, qa hanhanna yektapi, qa tokiya dapi hecinhan ekta katinyan yapo, ewicakiya. Unkan, Hiya, ocanku kin de ohna hanyetu osan unyakonpi kta, eyapi.

3 Tuka nina cinwicakiya; unkan kici kipi. Ti kin ti mahen ipi, unkan aguyapi napohye codan śpan ye ça nakun wowicakihan; unkan yutapi.

4 Iwankapi kta itokam, Sodom otonwe wicaśta kin owasin tipi kin he aohduteyapi, hoksıdan wicalinca ko owasin, otonwe ihanke anokatanhan, henana otonwe ohnaka kin owasin kawitaya iheya.

5 Qa Lot kipanpi, Wicaśta nom hanyetu kin de yati en hipi kin tukte epi he? Tankan u wicaśi wo; sdonwicunyanpi kte, eyapi.

6 Unkan Lot ti kin etanhan inanpe, ça tiyopa kin ecen icu,

7 Qa, Hunka wanjin ciyapi, ceciciyapi ce, ihnuhan hecen śicaya ecanonpi kin.

8 Micunksı nonpapi kin nahalin wicaśta sdonye śni yakonpi, heniyos eiçupi, qa token yacinpı ecen wicayakuwapi kta, tuka wicaśta kin dena conkaške mitawa ohanzi ihukuya hipi kin heon takudan ecawicakiconpi śni po, ewicakiya.

WICOICAGE.

9 Unkan, Tokan hiyaya wo. Wicašta kin de oyate tokeca, tuka den un kta wacin, qa hi qa he unyacopi wacin. Heon ihom-eca niye iyotan śicaya unnicuwapi kta, oyate kin eyapi, qa Lot nina paśkicapi qa tiyopa kin kaptujapi kta e en yapi.

10 Unkan ohnihde unpi kin tiyopa kin yuganpi, qa Lot ti mahen hdicu yapi, qa tiyopa kin onatakapi.

11 Unkan oyate kin wicašta cistina wicašta tanka ko, oyate otonwe ohnaka kin owasin, tiyopa kin en hiyeye cin hena išta gonge wicayapi, heon tiyopa kin yutantant akitapi.

12 Unkan ohnihde unpi kin Lot heciyapi, Nakun den takuyaya yukan he? takoś yaye cin nicin-ksi, nicunksi, qa taku tona otonwe kin ohna duhe cin, de etanhan om tankata inanpa wo.

13 Otonwe kin de ihang unyanpi kta, heon unhipi.; oyate kin de owasin woahitani hoyapi, qa Jehowa itokam oiyahde iciyapi, heon otonwe kin de owihanke ye unhipi.

14 Unkan Lot tankata inanpe, ca wicašta takoś wicaye kte cin, hena hewicakiya, Otonwe kin de etanhan tankata inanpapo; Jehowa otonwe kin de ihanke ye kta ce. Tuka takoś wicaye kte cin Lot ceŭunhdapi.

15 Anpao hinanpa, unkan ohnihde unpi kin Lot inalni yapi, qa, Najin wo; nitawin ehdaku wo, qa nakun nicunksi nonpa den unpi kin, okini otonwe wahtani kin en awihnuniniyanpi kta nace.

16 Tuka ihduwiyeyapi śni; unkan ohnihde unpi nape etanhan wicayuzapi, Lot, qa tawicu, qa cunwintku nonpa nape kin wicayuzapi; Jehowa hena onsi-

wicakida, he etanhan otonwe kin tankan ewicayayapi.

17 Otonwe tankan awicaipi qa uman heciya, Napa wo, ni iciya wo. Ihnuhan nihektam eyatonwe cin. Omdaye kin ohna tuktedan inajin śni. He kin heciya onapa wo; hecen yani kta ce.

18 Unkan Lot hewicakiya, Hiya, Itancan ceciciya ce:

19 Wowidake yaya nitokam wopida iyeiciya, qa nitowaonśida kin icantoyahnake cin he miye. Tuka he onawape kte cin owakitpani kta. Okini taku śica liyohimaye ca maŭe kta, kowakipa.

20 Heon ceciciya, otonwe wan cistina den aśkadan he cin, hee iyowahi kta owakihi kta. Ceciciya, heci ye mayan wo; cistina tuka hecen on minagi kin ni kta.

21 Unkan, He wopida kin aciyupte kta; otonwe cistina kin he ihang waye kte śni.

22 Onapa wo; inalni wo. Tohan ehan yai śni lehanyan token wahan kte śni, eciya. He etanhan otonwe kin he Zohar eciyapi.

23 Wi toka hinanpa hehan Lot Zohar iyohi.

24 Unkan hehan Jehowa magaju ya, Sodom Gomora heniyoza kiya inyan zi peta ko Jehowa maŭpiya eciyatanhan ahinhe wicaya.

25 Otonwe kin hena owihanke wicaya, omdaye ko ocowasin, qa tona otonwe kin en oonyanpi, qa makoce kin hen peji koya.

26 Tuka Lot tawicu kin haki- kta, unkan tancan kin tokeca hinhde ca miniskuya icu.

27 He icunhan, hanhanna Abereyam kikta, qa Jehowa okiye ciqon en etkiya ya.

WICOWOYAKE 20.

28 Qa Sodom, Gomora, makoce ihdukšan koya atonwan ; unkan makoce kin he etanhan šota wan, maza šdoyapi oceti šota iyececa, wankantkiya inanpe cin wanyaka.

29 Jehowa Omdaye otonwe kin hena, owikanke ye cin he icunhan, Abereyam kiksuye ça otonwe ohna Lot ounye cin ihang wicaye cin hetanhan Lot tankan iyaye ya.

30 Unkan Lot Zohar etanhan itawankanhde ye, ça lie wan akan cunwintku napin om e ounyan, Zohar he en un kte cin he wikipa heon, qa makohdoka wan cunwintku napin om oti.

31 Unkan tokapa kin he tankaku kin hecen eciya, Ate unye cin wanna wicalinca, qa maka ohnaka wanna wicašta wanica, maka akan econpi qon iyece, tuwedan unkiye en hi kte šni.

32 Iho we, ate miniša yatke unkiye kta, qa kici unwanke kte ; hecen on ate etanhan wicoicage unhdoyapi kta.

33 Hanyetu, unkan atkuku miniša yatke kiyapi. Tokapa kin he tokaheya atkuku kici iwanka, tuka atkuku kin cunwintku en hiwanke cin he sdotkiye šni, nakun kikta kin.

34 Ihanhanna tokapa kin he tankaku kin heciya, Hinhan ate kici imunka ; ecin ake hanyetu kinhan, miniša yatke unkiye kte ça niš ito kici nunke kte, hecen on ate etanhan wicoicage unhdoyapi kta.

35 Unkan ake ihanyetu, unkan atkuku miniša yatke kiyapi ; iš ito hakakta kin atkuku kici iwanka. Iš ake cunwintku en hiwanke cin sdotkiye šni, qa kikta kin nakun.

36 Hecen Lot cunwintku napin

atkuku etanhan hokšín itpihnakapi.

37 Tokapa kin hokšidan wan ton qa Moab eya caš kiton. He Moab *oyate* ate yapi anpetu kin dehan aiyahdeya.

38 Unkan hakakta kin iš eya hokšidan wan ton qa, Benami eya caš kiton. He Amon cinca kin anpe dehan aiyahdeya ate yapi.

WICOWOYAKE 20.

1 Hehan Abereyam makoce itokaga kin ekta ihdaka ye ça, Qadeš qa Šur'otahedan iyotanke ça Gerar en ounyan.

2 Qa Abereyam tawicu Sara ke ça, Mitankši kin dee ce, eya. Unkan Gerar wicašta yatapi Abimelek, he ekta ye wicaši qa Sara icu.

3 Unkan hanyen, Wakantanka Abimelek ekta hi, qa wowihanmde wan en heciya, Iho niše, winohinca iyacu kin he wicašta wan tawicu kin heca nakaes.

4 Tuka Abimelek nahašin Sara ikiyedan wanke šni, qa heya ; Itancan oyate owotanna wan he nakun te wicayaye kta he ?

5 Mitankši kin dee, emakiye šni he ? qa winyan kin iš, Timdo waya ce, emakiye šni he ? Micante kin ecedan qa minape iyececu kin on hecamon.

6 Unkan Wakantanka wowihanmde kin en heciya, Miš nakun nicante ecedan kin en hecanon kin sdonwaya qa, heon ecihdaku, miye en wayahtani kte šni, qa dutan kte cin iyowin ciciye šni.

7 Qa wanna, iho, wicašta qon tawicu kin kicu wo, iš wicašta wokcan kin heca, kinhan niye on cekiye kta, hecen yani kta ; tuka ake yecu šni kinahan niše kte ça nakun taku nitawa kin owasin, he sdonya wo.

WICOICAGE.

8 Unkan Abimelek hanhanna hin kikta, qa ookiye wicayuhe cin owasin wicakico, qa hena owasin owicakiyaka: Unkan wicašta kin nina kokipapi.

9 Unkan Abimelek Abereyam kico qa, Tokeca e hecaunyeconpi? Qa niye en wawahtani kin tukte e on woahitani tanka wan miye qa oyate mitawa ko iyahde unyayapi? Woecon wan econpi kta iyecece šni tuka hecamiyecon, eciya.

10 Qa, Taku wandaka on hecen ecanon he? Abimelek Abereyam, eciya.

11 Unkan Abereyam heya, Tuedan deciya Wakantanka ohoda šni qa mitawin on maktepi kta kepce cin heon hecamon;

12 Qa awicakehan tankši waya ce. Ate waye cunwintku kin hee, tuka ina tawa šni, qa mitawin ee kta mduza.

13 Qa Wakantanka ate ti kin etanhan ihdaka ye maye cehan winyan qon hewakiya; Taku wašte ionšimayada kte cin dee ce. Makoce owasin tokiya kašta en unki kinhan, Timdo emakiya wo, epe ciqon, eya.

14 Hehan Abimelek tahin wanuyanpi ikikcu, qa tatanka qa hokšidan wicinyanna ko iwicakikcu qa Abereyam qu; tawicu Sara nakun kicu.

15 Qa Abimelek heya, Mitama-koce nitokam wanka ce; tukten ništa iyonicipi kinhan hen iyotanka wo.

16 Qa Sara heciya, Iho nitimdo mazaska kektopawinge waku; iho he ništa akahpe kte cin ee, tona nici unpi kin owasin en, qa token nakun owasin en; hecen Sara iyopeyapi.

17 Hehan Abereyam Wakan-tanka icekiya; unkan Wakan-tanka Abimelek asni yan, tawicu

kici qa wikoška yuhe cin owasin. Unkan cinca tonpi.

18 Jehowa, Sara Abereyam tawicu kin on etanhan, Abimelek tiyohnaka tawa owasin tamnipi kin suksuta onawicataka tuka qon.

WICOWOYAKE 21.

1 Unkan Jehowa heye ciqon, he iyecen Sara ekta hi, qa Jehowa, eciye ciqon, he iyecen ecakicon.

2 Unkan Sara ihdušake ça Abereyam okanta cinca wan kiciton; Wakantanka eye ciqon iyehantu qehan.

3 Unkan Abereyam cinhintku kicitonpi, Sara ton kin he, Izak eya caš kiton.

4 Qa Abereyam Izak bakihdaya anpetu išahdogan tonpi kin ehantanhan, Wakantanka econ ši qon iyecen.

5 Abereyam wanna waniyetu opawinge, hehan cinhintku Izak kicitonpi.

6 Unkan Sara heya, Wakan-tanka iha mayan, qa tona nahonpi kin imiciyuškinpi kta.

7 Qa Sara hokšiyooqopa azin kiye kte cin, tuwe Abereyam eciye kta he? wicašince tuka cinca wecicon kin, eya.

8 Unkan hokšidan kin tanka aye ça azin ayaštan kiyapi. Unkan Izak azin ayaštan kiyapi anpetu kin he en, Abereyam wohe ça wicota wicakico.

9 Unkan Hagar Egupton kin cinhintku Abereyam kiciton kin he, wowihaha kin he Sara wanyake ça;

10 Wikoška kin de cinhintku kin iyahna tankan ye wicaya ye. Wikoška kin de cinhintku kin, micinkši Izak kici woyuha tawaye kte šni, eya.

11 Unkan oie kin he, Abereyam išta kin en tehike hinca, cinhintku kin heon etanhan.

12 Unkan Wakantanka Abereyam heciya, Wikoška duhe cin, qa hokšidan kin on etanhan, niišta kin en tehike šni nunwe. Taku Sara eniciye cin owasin ecen ho kin anagoptan wo. Izak he en wicoicage nitawa kin caje yatapi kta.

13 Wikoška cinhintku kin nicinkši kin hee, heon he nakun oyate wan icañ wakiye kta ce.

14 Unkan Abereyam hanhanna hin kikta, qa aguyapi mini apahta wan ahna icu, qa Hagar qu, taħpa kin akan ehnaka, hokšidan nakun qa toki ye ši. Unkan iyaye qa Beršeba tinta kin onuni.

15 Unkan mini apahta kin etanhan mini wanna yahapapi, qa hokšidan kin canħiaka wan ihukuya eħpekiya;

16 Qa iyaye qa iyotakons iyotanka kitana tehan, wanħinkpe kihiyeyapi hehayan: Hokšidan te kte cin wanwahdake kte šni ce, eya; heon aisinyan iyotanke qa hoyeye qa ceya.

17 Unkan Wakantanka hokšidan ho kin naħon, qa Wakantanka taohnihde mahpiya eciyatanhan Hagar kipan, Hagar taku yaka he? Wakantanka he oyanke kin etanhan hokšidan ho kin naħon. Kokipe šni wo.

18 Najin qa hokšidan kin ikiķcu qa, nape kin on hduha wo. Iye oyate tanka wan icañ wakiye kta ce, eya.

19 Qa Wakantanka winyan išta kin yuħdoka, unkan miniħdoka wan wanyake qa ekta i, qa mini apahta kin iyatahde ye qa hokšidan kin yatke kiya.

20 Unkan Wakantanka hokšidan kin kici un; hecen tanka

icage qa tinta kin en ounye qa itazipa on waoka.

21 Qa Paran tinta kin en ounye qa hunku kin Egupta makoce kin etanhan, tawicu kte cin kiciyuza.

22 Unkan hehan Abimelek qa taakicita tancan Pikol henioza Abereyam heciyapi; Taku eanon kin owasin en Wakantanka oniciya.

23 Īho hecen eya wo, Wakantanka namaħon; cihnaye kte šni, nicinkši nitakoja ko wicawahnaye kte šni, taku wašte ecamiyecom kin iyecen ecacicon kta, makoce en ounwaye cin nakun.

24 Unkan, Miš ecen eya wakonze kta ce, Abereyam eya.

25 Hehan miniħdoka wan Abimelek taokiye kin kipi qon, he Abereyam cajeyate qa he on Abereyam Abimelek iyopeya.

26 Unkan, Tuwe hecon kin sdonwaye šni, qa niš nakun omayakidake šni, nakun miš he nawahon šni, nakaha heceyedane, eya.

27 Unkan Abereyam tahinca wanuyanpi pte wanuyanpi ko ikikcu, qa hena Abimelek qu; unkan napin odakota wan kicicagapi.

28 Hehan Abereyam tahinca cinca wiyedan šakowin akipam ewicahde.

29 Unkan Abimelek Abereyam heciya, Tahinca wiyedan šakowin kinukan ewicayahde kin he taku he.

30 Unkan, Miniħdoka kin de miš waqe cin he yuotaninpi kte cin, heon tahinca wiyedan šakowin kin hena minape kin etanhan iyacu kta, eya.

31 Unkan heon etanhan makoce kin he Beršeba eciyapi, napin heciya Wakantanka namaħon eya, ekiciyapi.

32 Unkan Berseba hen odakota wan kicicagapi; hehan Abimelek najin taakicita tancan nakun, qa Pilištim tamakocepi kin ekta hdapi.

33 Unkan Abereyam Berseba heciya taškoju wan oju, qa hen Jehowa Taku wakan owihanke wanica hoyekiya.

34 Qa Abereyam Pilištim tamakocepi kin en anpetu ota onunyan.

WICOWOYAKE 22.

1 Unkan hena owasin iyohakam, Wakantanka Abereyam iyutan ye ça heciya, Abereyam, eya houkiya. Unkan, Iho miye ce, eya.

2 Unkan, Nicinksi heceyedandan wašte yakidake cin Izak he icu, qa Moriya makoce kin ekta ye ça heciya he wan ociciyake kte cin he akan petan wahdušna wo, eya.

3 Unkan Abereyam hanhanna hin kikta, qa šuktanka šonšonna aqin kiton, qa koška nom iwicakikcu cinhintku Izak nakun, can on wošna kte cin he kakse ça, najin qa hena om, makoce tukte en Wakantanka cajeyate ciqon heciya iyaya.

4 Anpetu iyamni Abereyam wankan etonwe ça, tukten ke cin he tehan tanhan wanyaka.

5 Qa Abereyam koška wicayuhe cin hewicakiya, Den iyotankapo šuktanka šonšonna iyahna, qa miš hoksidan kici kan unkipi kinhan canpeška makehdeya unkanpi, qa den dukanpi kin en unhdipi kta.

6 Qa Abereyam can on wošna kte cin icu, qa cinhintku Izak akan ehnake ça peta isan ko nape kin en icu, qa sakim iyayapi.

7 Unkan Izak atkuku Abereyam kici okiye ça, Ate, eya.

Unkan, Micinksi nawahon ce, eya. Unkan, Iho peta can ko yukan, tuka woteca kin wošnapi on tukte e he? eya.

8 Unkan, Micinksi Wakantanka tahin wanuyanpi wakiyušnapi on okide kta, eya. Hecen sakim yapi.

9 Qa wanna tukten Wakantanka ye ši qon hen hiyohipi, qa hen Abereyam wahna wošnapi wan kage ça, cinhintku Izak iyakaške ça wahna wošnapi kin akan ekihnaka, can kin iwan-kam.

10 Qa cinhintku te kiye kta e nape kiyugate ça isan kin iki-ku.

11 Hehan malipiya kin eciya tanhan Jehowa ohnihde ye cin kipan, Abereyam, Abereyam, eya. Unkan, Nawahon ce, eya.

12 Unkan, Hoksidan kin ekta ninape kin ye kiye šni, qa takudan ecakicon šni wo. Wanna niye Wakantanka ikoyape cin sdonwaya ce; nicinksi heceyedandan, tuka mayaqu kta wicayada he etanhan, eya.

13 Hehan Abereyam wankan etonwe ça, inyun ihayata tamdoka wan otehi ohna he kin on ikoyag najin, he wanyake ça, Abereyam ekta i, qa tamdoka kin icu, qa cinhintku kin hee kiya hee petan wošna.

14 Qa Abereyam makoce kin he, Jehowa wiwanhdake kta, eya caš ton; heon Jehowa he tawa kin akan tanin iciye kta ce, nahalin eyapi.

15 Unkan malipiya kin eciya tanhan Jehowa ohnihde ye cin inonpa akihde Abereyam kipan;

16 Miye kaeš caje mihdate Jehowa eya; Taku ecanon kin de nicinca wanjidan tuka itonyakipe šni;

17 Heon wowašte on ciyawa-

šte kta, nicinca iyakiçuya yuota wakiye kta. Mahipiya wicanhpi iyena, qa miniwanca kahda wiyaka sukaza iyeye cin iyena, taku nitawa iyacin kte ça, nicinca toka wicayapi kin otonwe tawapi kin yuhapi kta.

18 Qa mioie kin anayagoptan kin heon nicinca kin on maka kin oyate owasin wicayawaštepi kta ce, eya.

19 Unkan Abereyam koška wicayuhe cin ekta hda; unkan najinpi qa yuwitaya Beršeba ekta hdapi; qa Abereyam Beršeba en ounyan.

20 Hena owasin iyohakam Abereyam hecen eya okiyakapi; Milka he nakun nicinye Naħor he cinca kiciton.

21 Uz tokapa kin hee, qa sunkaku Buz, qa Qemuel Aram he atkuku;

22 Qa Kesed, qa Ĥazo, qa Pildaš, qa Idlap, qa Betuel.

23 Unkan Betuel he Rebeka kicitonpi. Hena šahdogan kin Milka he Naħor Abereyam cin-cu kin kiciton.

24 Unkan tawicu tokeca kin, Ruma eciyapi he Teba, qa Gaham, qa Tahos, qa Mahaka hena wicaton.

WICOWOYAKE 23.

1 Unkan Sara waniyetu opawinge sanpa wikcemna nonpa sanpa šakowin henakeca, waniyetu kin hena Sara ni.

2 Hehan Sara ta, Arba otonwe kin heciya, Hebron Kanan makoce kin etu hee. Unkan Abereyam Sara on iyokišice ça akiceye kta e en hi.

3 Hehan Abereyam *tawicu* te cin itokapa tanhan najin qa, Ĥet cinca wicaye cin owicakiya.

4 Qa, Miš wicašta ihdaka waun qa aškatudan nicipi wahimdo-

tanka, wicašta hnakapi mduhe kta e niyepi om maqupo; kinhan makite cin mitokapa tanhan wehnake kta ce, eya.

5 Unkan Ĥet cinca wicaye cin ayuptapi, qa Abereyam heciyapi;

6 Itancan anaungoptanpo: Wicašta yatapi wakan unkiyepi cokaya henica. Wicašta hnakapi unhapi kin tukten iyonicipi kin nicite cin en kihnaka wo. Unkiš wanjidan kašta wicašta hnakapi unhapi kin hen nicite cin yehnake kta e tehinda kte šni.

7 Unkan Abereyam najin qa Ĥet cinca wicaye cin oyate makoce yuhapi kin wicitokam apatuja.

8 Qa owicakiye ça, Makita mitokapa tanhan wehnake kte cin he iyonicipipi hecinhan anamagoptanpi, qa Epron Zohar he cinhintku cin makiyapo.

9 Kinhan Makpela immija oħdoka yuhe cin, tamaga ihanke en un kin, mazaska iyenakeca kin heon maqu kte cinhan, niyepi cokaya wicašta hnakapi wan mduhe kta ce, ewicakiya.

10 Unkan Epron Ĥet cinca wicaye wicehna ounyan; qa Epron Ĥeti kin Abereyam ayupta; Ĥet cinca wicaye cin, otonwe tiyopa ohna upi kin hena owasin naħonpi;

11 Hiya, Itancan namaħon wo. Maga kin ciçu; immija oħdoka en un kin he nakun ciçu. Mitaooyate cinca wicaye cin wanmayakapi he ciçu. Nicite cin kihnaka wo, eya.

12 Unkan Abereyam oyate makoce tawapi kin wicitokam patuja.

13 Qa ia, Iho amayadupte cinahan, namaħon wo. Maga kin on mazaska ciçu kta. Icu wo; kinhan makite cin wehnake kta,

Epron eciya, oyate makoce yuhapi kin hena nahonpi.

14 Unkan Epron Abereyam ayupte ça heciya;

15 Itancan namañon wo. Maga kin mazaska opawinge topa iyehantu ce; tuka unkiyotahedan he taku? Nicite cin ekihnaka wo.

16 Unkan Epron ie cin he Abereyam anagoptan, qa mazaska opawinge tom wopeton icupi kin heca Abereyam aspe ye ton qa qu, he Epron Het cinca wicaye cin nahonpi cajeyate cigon hee.

17 Unkan Epron tamaga Makpela en wanka, Mamore iyotakons he qu; maga kin innija oñdoka he en wanke cin he nakun, qa can tona he en han qa tona ihdukšan he cin he nakun owasin;

18 Abereyam tawa kte cin, Het cinca wicaye cin tona otonwe tiyopa kin ohna yapi kin he wanyakapi.

19 Hehan Abereyam tawicu Sara ekihnaka; Makpela maga innija oñdoka kin he en, Mamore ikiyedān, Hebron Kanan makoce kin etu hee.

20 Unkan maga innija oñdoka iyahna, Abereyam wicašta hnakapi on yuhe kte cin, Het cinca wicaye cin qupi.

WICOWOYAKE 24.

1 Unkan Abereyam wanna wicahinca omaka ota; unkan Jehowa taku owasin en Abereyam yawašte.

2 Unkan Abereyam he taokiye tiyohnaka tawa tokapa kin, taku yuhe cin owasin awanyag un kin heciya; Ninape kin miececa ihukuya ekihnaka wo;

3 Kinhan, Jehowa Taku wakan

mañpiya maka ko yuhe cin namañon, eye ciciye kta, Kanani oyate om manke cin cunwintkupi kin etanhan micinkši on winohinca iyacu kte šni.

4 Tuka mitamakoce qa mitakuye kin hena ekta de kte ça, hetanhan micinkši Izak on winohinca iyacu kta, kehe kta ce, eya.

5 Unkan, taokiye kin heya, Okini winohinca kin makoce kin de ekta omapé kta tawaŕenye kte šni; hecinhan makoce etanhan yau qon, nicinkši ake ekta ye wakiye kta he?

6 Unkan, Ihnulan micinkši icicawin heciya ye yakiye cin.

7 Taku Wakan mañpiya yuhe cin, ate ti kin etanhan qa makoce wan en matonpi kin etanhan, imacu qa omakiye ça, Makoce kin de nicinca waqu kta ce, eya konza, he taohnihde kin nitokam ye ši kta, kinlan micinkši kin on heciya tanhan winohinca wan iyacu kta.

8 Winohinca kin onipe kta tawaŕenye šni, hecinhan iyakonze kin de on iyaonpepicašni yaun kta, tuka micinkši heciya ye yaye kte šni ce.

9 Unkan taokiye qon nape kin iye yuhe cin Abereyam ceca kin ihukuya ekihnake ça ecen eya konza.

10 Qa ookiye kin, iye yuhe cin camo tawa kin etanhan, camo wikcemna, qa iye yuhe cin taku wašte tawa kin owasin etanhan icu, qa hena yuha iyaye ça Nahor otonwe kin ekta i, Aram watpa otahedan etu.

11 Qa otonwe kin itankan miniñdoka ikiyedān, camo kin canpeška makehdeya inajin wicakiya, ðtayetu mini huwe ipi eca iyehantu.

12 Qa heya, Jehowa Abereyam.

mayuhe cin Wakan nida ceciciya, nakaha tanyan ihuni makiye ça Abereyam mayuhe cin he wowašte ecakicon ye.

13 Minihdoka kin ekta nawajin; qa otonwe kin wicašta cunwintkupi kin mini huwe upi kta.

14 Qa wikoška wan tuwe kašta hewakiye kta; Wakiškotpa nitawa kin au wo, mini mdatke kta ce; unkan, Yatkan ye, qa camo nitawa kin nakun yatke wicawakiye kta, eye cinhan, tokin nitaokiye Izak yuhén yakalinige cin hee, kinhan mayuhe cin wowaonsida ecayecon sdonwayen.

15 Unkan is ia nahalin ayaştan sni ehan, Rebeka u, Abereyam cincu Nahor tawicu Milka he cinhintku Betuel he cunwintku kin hee, wakiškotpa hiyeta onpe ça u.

16 Wikoška owanyag wašte hinca, hoksiwina, qa wicašta tohini sdonye sni, minihdoka kin ekta kun ye ça wakiškotpa kin ojudan icu qa wankan hiyu.

17 Unkan ookiye qon itkokim inyang ye ça, Wakiškotpa duhe cin etanhan mini onge yatke makiya wo, eya.

18 Unkan, Itancan yatkan ye, eye ça wakiškotpa kin nape kin on kun akihde, qa yatke kiya.

19 Unkan ayaştan hehan, Camo nitawa kin nakun hena on mini awau kta, yatkan ayaştanpi kin hehayan, eya.

20 Qa inahni qa wakiškotpa kin cankaškotpa tanka kin okaştan, qa inyanka minihdoka kin ekta mini huwe ya heon, qa camo kin owasin mini wicakahi.

21 Unkan wicašta kin yuşinyaye ça taku eye sni, canku ohna u kin he Jehowa ohinniyan tanyan ikiyuştan kta hecinhan he sdonye kta.

22 Unkan camo kin mini yatkan ayaştanpi, hehan wicašta qon mazaskazi maza oin tanka, mazaska hanke iyecen tke, he icu qa nakun maza huhu nom mazaska wikcemna iyecetu, hena owasin wikoška nape kin en ye kiya;

23 Qa, Tuwe hunkake yaya he? Omakiyaka wo, niyate ti kin ohna unkiwankapi kta okan he? eya.

24 Unkan, Milka cinhintku Betuel Nahor kiciton kin he cunwintku kin miye ce, eya.

25 Qa, Peji puze ça taku yutapi ko ota, qa nakun wankapi kta okan ce; eciya.

26 Unkan wicašta qon pamahdedan yanke ça Jehowa cekiye ça,

27 Jehowa Abereyam mayuhe cin taku wakan da kin he yawaştépi nunwe. Towicake towaonsida ko mayuhe cin ektakiya ayuştan sni, tuka mayuha sunkaku ti kin canku kin ohna Jehowa amau ce, eya.

28 Unkan wikoška kin dus hde ça iye hunku ti kin en hena owasin oyaka.

29 Rebeka timdoku wan yukan, Laban eciyapi, qa Laban is dus iyaya wicašta qon ekta minihdoka kin en.

30 Laban oin tanka, qa maza huhu tanksitku nape kin akan wanyake ça Rebeka tanksitku oie ye cin, Wicašta kin hecen emakiya eye cin he nahon qa, hehan wicašta qon minihdoka kin ekta, camo kin icahda najin kin en hi.

31 Qa heya, Jehowa he niyawašte kin u wo. Tokeca tankan nayajin he? Miş tipi kin wanna wiyeya wakaga, camo yukanpi kte cin nakun.

32 Unkan wicašta qon tipi kin

ekta hi ; unkan camo kin kiyu-
ške ça peji puza taku yutapi ko
camo kin qu, qa mini on siha
hdujaja kta wicašta om hi kin
nakun hdujajapi kta e au.

33 Qa woyute nakun qu. Un-
kan, Taku on wahi kin owa-
hdake śni kinhan onspadan wate
kte śni ce, eya. Unkan, Ia wo,
eya.

34 Unkan, Abereyam tahoksi-
dan wan he miye :

35 Qa Jehowa he mayuhe cin
nina yawaste, qa tahiin wanu-
yanpi qu, qa pte, qa mazaska,
qa mazaskazi, qa wicašta winyan
ko wowindag wicaye cin, qa ca-
mo, qa šuktanka šonšonna, hecen
wicašta okinihan.

36 Qa mayuhe cin tawicu kin
Sara cinca wan ton, mayuhawan-
na wicahinca hehan he kiciton,
unkan taku yuhe cin owasin kiču.

37 Qa Kanani makoce tawapi
kin en manke cin he cunwintku-
pi kin etanhan micinksi on wi-
nohinca duze kte śni :

38 Tuka hunkake wicawaye
cin tipi kin ekta de kte ça, taku-
wicawaye cin etanhan micinksi
on winohinca wan duze kta ce,
mayuhe cin eya konza, keyemaši.

39 Unkan, Okini winohinca kin
mici u kte śni, mayuhe cin ewa-
kiya.

40 Unkan, Taku wakan wada
Jehowa itokam mawani kin, he
taohnihde wan nici ye ši kte ça,
mitakuye qa ate ti kin etanhan,
winohinca wan micinksi on du-
ze kta e, canku yaye cin tanyan
ihuni niciye kta ce.

41 Tuka taku eya konze cici-
ye cin nihyahde kte śni, taku-
wicawaye cin ekta de cinhan,
qa ničupi śni kinhan, hehan ta-
ku eya konze ciciye cin iyahde
ničiye kte śni, emakiya.

42 Unkan nakaha minihdoka

kin ekta wahi qa hepa, Jehowa
Abereyam mayuhe cin he wa-
kan nida, canku ohna wau kin
tanyanihunimayakiya hecinhan ;

43 Iho miš minihdoka kin ica-
hda nawajin qa wikoška wan
mini huwe hiyu qa, Wakiškotpa
duhe cin etanhan mini onge ya-
tke makiya ye, ewakiye kta.

44 Unkan, Yatkan ye, qa na-
kun camo nitawa kin mini wica-
wakahi kta ce, emakiye cinhan,
winohinca wan mayuhe cin cin-
hintku yuze kta e Jehowa ka-
hnige cin hee kte.

45 Miš cante mahen ia nahahin
mdaštan śni, unkan inyun Re-
beka hinanpe ça, minihdoka kin
ekta kun i qa mini icu ; unkan,
Tokin yatke mayakiyen, ewa-
kiya.

46 Unkan tawakiškotpa kin
inaliniyan kun ahi qa, Yatkan
ye, qa camo nitawa kin nakun
woyatke wicawaqu kta ce, eya ;
unkan mdatke ça camo kin na-
kun yatkanpi.

47 Unkan imonge ça, Tuwe
cunwintku niyan he ? cwakiya.
Unkan Betuel cunwintku he mi-
ye, Naħor cinhintku Milka ki-
citon kin hee. Hehan oin tan-
ka ite kin akan ewahnaka, ma-
za hubu nakun nape kin akan.

48 Qa pamahdedan manke ça
Jehowa cewakiya, Jehowa Abe-
reyam mayuhe cin taku wakan
da kin he mayuhe cin cinhintku
kin on, mayuhe cin sunkaku
cunwintku iwacu kta e canku
wicaka ohna amau kin he mda-
tan.

49 Qa niyepi wanna wowaon-
šida wowicake ko mayuhe cin
ecayeconpi kte cinhan omakiya-
kapo, qa ecayeconpi kte śni kin-
han omakiyakapo : etapa tanhan
mduhomni kta qa iš catka tan-
han, eya.

WICOWOYAKE 25.

50 Unkan Laban Betuel ko ayuptapi qa Taku kin de Jehowa etanhan u qa taku síca qa ís taku wašte unkeniciyapi kta unkoki-tpanipi ce, eyapi.

51 Iho Rebeka nitokam *un*; icu qa hda wo. He niyuhe cin cinhintku kin yuze kta, Jehowa oie ye cin iyececa.

52 Unkan Abereyam taokiye kin iapi hena nahon qehan, Jehowa ohoda kta e makata pátuš iyaya.

53 Hehan ookiye qon mazaska oin qa mazaskazi oin ikikcu, wokoyake nakun, qa hena Rebeka qu, timdoku hunku ko taku tehi-ka wacaqu.

54 Hehan wotapi qa wayatkan-pi, iye wicašta opapi kin hena koya. Wankapi qa hanhanna kiktapi qa, Mayuhe cin ekta hdicu mayan wo, eya.

55 Unkan timdoku hunku ko, Wikoška unkipi yanke kte, wikcemna can hehayan, hehan ye kta ce, eyapi.

56 Unkan, Jehowa ís canku mitawa kin tanyan ihuni mayan heon mayutehanpi šni po. Mayuhe cin ekta kihde mayanpo, ewicakiya.

57 Unkan, Wikoška kin unkipi qa, iye i kin etanhan unkiwangapi kta ce, eyapi.

58 Qa Rebeka kipanpi, qa, Wicašta kin de kici de kta he? eciyapi. Unkan, Mde kta ce, eya.

59 Unkan Rebeka tawinohtinpi kin ye yapi, qa azinkiyeye ciquon, qa Abereyam taokiye, qa wicašta tawa nakun.

60 Qa Rebeka yawaštepi qa, Unkitawinohtinpi kin he niye, kektopawinge oyawa tanka ica-ga wo, qa cinca wicayaye kte cin toka wicayapi otonwe kin yuhapi kte, eciyapi.

61 Hehan Rebeka najin, wi-

koška yuhe cin nakun, qa camo akan iyotankapi, qa wicašta qon kici iyayapi. Hecen ookiye qon Rebeka icu qa kihda.

62 Wanna Izak minilidoka, Tuwe ni un kin wanmayaka tawa kin hetanhan u, qa makoce puze cin en iyotanka.

63 Qa htayetú ca Izak cekiye kta e manin ya, hehan wankan etonwe qa camo upi kin wanwicayaka.

64 Rebeka nakun wankan etonwe qa Izak wanyake qa camo kin etanhan ipsica.

65 Qa ookiye kin heciya, Wicašta wan itkounkipapi hewoskan omani kin he tuwe? Unkan, Mayuhe cin hee, ookiye kin eya. Unkan ite akalipe wan icu qa aihdahpa.

66 Unkan ookiye kin, taku token econ kin owasin Izak okiyaka.

67 Hehan Izak iye hunku Sara tawakeya kin mahen Rebeka tin ye ši, qa yuze qa tawicu kin wašte kidaka. Hecen Izak iye hunku Sara te cin iyohakam iwacintonhnag yapi.

WICOWOYAKE 25.

1 Hehan ake Abereyam winohtinca wan yuza, Qetura eciyapi.

2 Unkan cinca kiciton kin dena eepi, Zimran, qa Jokšan, qa Medan, qa Midian, qa Ísbak, qa Šuha.

3 Unkan Jokšan ís Šeba qa Dedan kicitonpi. Unkan Dedan ís Ašurim, qa Letušim, qa Lumim cinkši wicaya.

4 Unkan Midian cinca wicaye cin, Epa, qa Heper, qa Hanok, qa Abida, qa Eldaha. Hena owasin Qetura cinkši wicaya.

5 Unkan Abereyam taku yuhe cin iyuhpa Izak qa.

WICOICAGE.

6 Tuka winohinca uman cinca Abereyam kieitonpi kin hena Abereyam taku wicaqu, qa nahalin iye ni un kin wiyohiyantapata makoe kin ekta ye wicası, cinhintku Izak etanhan.

7 Abereyam anpetu tawa kin waniyetu ni un kin dena ee, waniyetu opawinge sanpa wikcemna şakowin sanpa zaptan, hehanyan ni.

8 Hehan Abereyam niya şni ta iyaya, pa ska waşte, qa wicalinca imna; hehan taoyate kin ekta okipa yapi.

9 Qa cinca wicaye cin Izak İsmayel kici kihnakapi; Makpela innija ohdoka kin en Mamore itokam, Zohar Heti he cinhintku Epron tamaga qon en.

10 Maga wan Abereyam Het cinca wicaye cin opewicakication, he en Abereyam hnakapi, tawicu Sara kici.

11 Unkan Wakantanka, Abereyam te cin iyohakam, cinhintku kin Izak yawaşte, qa Izak Tuwe ni un qa wanmayake cin minihdoka tawa kin ekta ounyan.

12 Hagar Egupton kin Sara tawikoşka kin he Abereyam cinca wan kiciton, Abereyam cinhintku İsmayel wicoicage tawa kin dee.

13 İsmayel cinca wicaye cin cajepi kin deepi, wicowazipi qa cajepi kin iyececa. İsmayel cinca tokapa kin he Nebayot, hehan Qedar, qa Adbel, qa Mibşam;

14 Qa Mişma, qa Duma, qa Masa;

15 Hada, qa Teman, Jetur, Napiş qa Qedma.

16 Hena İsmayel cinkşi wicaya; toki tipi qa tonwanyanpi kin ecen eciyapi, wicaştayatapi ihdawapi ake nom, taoyatepi kin om.

17 İsmayel ni un kin waniyetu kin dena ee, waniyetu opawinge sanpa wikcemna yamni sanpa şakowin, henakeca; hehan niya şni ta iyaye ça taoyate kin ekta okipa yapi.

18 Hunka wanjin wicaye cin owasin wicelna ta. Hawila etanhan Şur itokam un kin ekta-kiya de cin qa hetanhan Aşur etu makoe kin he en ounyanpi.

19 Unkan Izak Abereyam cinhintku wicoicage tawa kin dee, Abereyam he Izak kicitonpi.

20 Unkan Izak wanna waniyetu wikcemna topa, hehan Rebeka yuza, he Betuel Arami kin he cunwintku, Aram Mdaye kin etanhan, Laban Arami kin tawinohtin kin hee tawicu kta e yuza.

21 Qa Izak tawicu kin cinca ton şni kin heon, Jehowa icekiya. Unkan Jehowa anakicigoptan, hecen Rebeka Izak tawicu kin ihduşaka.

22 Unkan hokşiyogopa Rebeka mahen akinicapi; unkan, De taku hwo hecetu kta hecinhan token on hemaca he? eye ça Jehowa iwange kta e ekta i.

23 Unkan, Nitamni kin mahen oyate nonpa, qa nitezi kin etanhan oyate nonpa inanpapi kta, qa oyate wan waşaka keş oyate uman sanpa waşake kta, qa hakakta kin he tokapa kin wowidake yuhe kta ce, Jehowa eciya.

24 Unkan anpetu cinca ton kte cin wanna henakeca, qa inyun tamni kin mahen cekpa yukan.

25 Unkan tokapa kin hiyu owancaya gi, pte ha şina iye-
cen; unkan Esa eya caştonpi.

26 Hehan sunkaku kin hiyu, qa nape kin Esa siyete kin yusun; heon Jakob eya caş kiton. Hena tonpi kin ehan, Izak waniyetu wikcemna şakpe.

WICOWOYAKE 26.

27 Unkan hoksípidan tanka icagapi, qa Esa wotihni wayupika, wicašta hewoskan un kin heca, tuka Jakob wicašta wahbadan wakeya oti.

28 Unkan Izak Esa wašte kidaka, taku o kin yuta heon. Tuka Rebeka Jakob wašte kidaka.

29 Unkan Jakob wahanpi ohe cin icunhan Esa tinta kin etanhan u qa watuka un ;

30 Qa, Akihan mašte kta heon wahanpi ša kin de onge maqu wo, mdatke kta ce, Esa Jakob eciya. Heon Edom eya caje yatapi.

31 Unkan, Watonikapa kin he nakaha maqu wo, Jakob eya.

32 Unkan Esa, Wanna mašte kta qa watomakapa kin de taku okihi kta he? eya.

33 Unkan Jakob, Nakaha Wakantanka icajeyan emakiya wo, eya. Unkan Wakantanka icajeyan eciya. Hecen Esa watomakapa tawa kin he Jakob qu.

34 Unkan Jakob omnica hanpi aguyapi kici Esa qu, unkan yute ca yatkan qa najin, qa toki iyaya. Hecen Esa watomakapa kin ihakta šni.

WICOWOYAKE 26.

1 Unkan makoce kin he en wicaakihan tokeca wan, Abereyam anpetu tawa icunhan wicaakihan tokaheya qon he iyohakam. Unkan Izak Pilištim tawicašta yatapi Abimelek eciyapi ekta i, Gerar etu.

2 Unkan Jehowa iye en tanin ičiye ca heciya, Egipta ekta de kte šni ce, makoce wan ocicyake kte cin hen yanka wo.

3 Makoce kin de en unyan wo, kinhan nici waun qa ciyawašte, qa makoce kin dena owasin ciču kta, nicinca ko wokonze Abere-

yam niyate konza ewakiye cin he wahdusuta ;

4 Qa nicinca yuota wakiye kta mahpiya wicanłpi sukaza iyenaka, qa makoce kin dena owasin nicinca wicawaqu kta, qa oyate maka kin ohnaka owasin nicinca kin on yawaštepi kta.

5 Nakaeš Abereyam miho kin anamagoptan qa mitawoahope, mitawokonze, mioie, qa mitoope kin hena yuhe cin heon etanhan.

6 Unkan Izak Gerar en unyan.

7 Unkan wicašta heciya tipi kin tawicu kin on iwangapi ; unkan, Mitankši, kin dee ce, eya. Rebeka owanyag wašte, qa iye on okini wicašta deciya yakonpi kin maktepi kta *ecin* heon, Mitawin dee eye kte cin itonpa.

8 Unkan wanna anpetu ota hen yanke cehan, Pilištim wicašta yatapi Abimelek ojanjan hdepi wan etanhan eyokasin qa Izak tawicu Rebeka kici škata e wanwicayaka.

9 Hehan Abimelek Izak kico qa, Awicakehan nitawin hee. Tokeca, Mitawinłtin dee ehe ciqon he? eya. Unkan okini iye on mašte kta epce cin heon hepa ce, Izak eya.

10 Unkan, De taku ecaunyeconpi he? Wanna ecanan oyate etanhan wicašta wan nitawin kici iwanke kta unkanš, taku šica iyahde unyayapi kta tuka ce, Abimelek eya.

11 Qa Abimelek oyate tawa owasin iwakta wicaya, Tuwe wicašta kin de yutan, qa is tawicu yutan kinhan te kta ce, eya.

12 Unkan, Izak makoce kin he en woju, qa omaka kin he en opawinge akihde kamna. Hecen Jehowa Izak yawašte.

13 Unkan wicašta kin tanka

WICOICAGE.

qa ohinniyān tanka aya, wijica hinca.

14 Qa oiçihde, talinca, qa pte wanuyanpi, qa ookiye ota yuha; heon Pilištīm icekinpi.

15 Unkan minihdoka, tona atkuku taokiye qapi qon atkuku Abereyam ni qehan, hena owasin Pilištīm aohduteyapi, maka okatapi.

16 Unkan Abimelek Izak heciya, Unkiyepi etanhan toki iyaya wo, waunšakapi keš niš sam iyeya wanišaka ce.

17 Unkan Izak hetanhan iyaye çā Gerar kaksiza kin he en eti, qa hen iyotanka.

18 Qa minihdoka atkuku Abereyam ni kin icunhan qapi qon, qa Abereyam te cin iyohakam Pilištīm kin hena aohduteyapi kin, hena ake Izak qe çā Abereyam caš ton qon hena iyecen Izak caje yata.

19 Qa Izak hokšidan wicayuhe cin kaksiza ohna qapi qa, en minicaduza minihdoka wan iye-yapi.

20 Hehan Gerar wanuyanpi wiħan wicakiyapi tawa kin, Izak wanuyanpi wiħan wicakiyapi tawa kin om akinicapi qa, Mini kin he unkitawapi ce, eyapi; heon minihdoka kin he Esek Izak caš ton, heciya kiyuše-pi kin heon.

21 Unkan ake minihdoka tokeca wan qapi; unkan he on nakun akinicapi, heon he Sitna cašton.

22 Qa hetanhan ihdaka ye çā minihdoka tokeca wan qapi, qa he on akinicapi šni. Unkan he Rehobot eya caš kiton; Wanna Jehowa tankaya unkiyukanpi kaga makoce kin en, heon unki-cagapi kta ce, eya.

23 Unkan hetanhan itawan-kanhde ye çā Beršeba ekta i.

24 Unkan hanyetu kin he en Jehowa tanin içiye çā heciya, Niyate Abereyam taku wakanda kin he miye ce. Wikopešni un wo; niyate Abereyam mitaokiye kin heon nici waun, qa ciya-wašte, qa nicinca yuota wakiye kta ce.

25 Unkan kakiya wahna wo-šnapi wan kage çā Jehowa caje kin hoye kiye çā, kakiya wakeya oti, qa kan Izak taokiye kin minihdoka wan qapi.

26 Hehan Abimelek Gerar etanhan Izak en hi; iye takodaku Ahuzat, Pikol taakicita tancan koya.

27 Unkan, Šice mayadakapi qa niyepi kin etanhan toki iyeye mayašipi, qa tokcca en mayahipi he? Izak ewicakiya.

28 Unkan, Unkanitonwanpi qa Jehowa nici un kin he wanunyakapi qa, Iho wokonze yuke kte, unkiyotahedan qa odakonkiciyapi unnicagapi kta ce, unkeyapi.

29 Hecen unkiš unniyutanpi šni, qa taku wašte eecdan ecaunniconpi, qa wounkiyapi iyeye unnišipi kin he iyecen, niš dehan Jehowa niyawašte, taku šica ecaunyeconpi kte šni, eyapi.

30 Unkan wowicakihe çā wotapi qa wayatkanpi.

31 Qa ihanhanna kiktapi qa konza ekiciyapi, napin hunka wanjitku kici heconpi qa, Izak kihde wicaši. Unkan wookiye iyayapi.

32 Anpetu kin he en Izak taokiye kin en hipi, qa minihdoka qapi kin he okiyakapi qa, Mini iyohi unyanpi ce, eyapi.

33 Unkan, Konzapi eya caš kiton. Heon anpetu kin de hehanyan otonwe kin heciya un kin Beršeba eciyapi.

34 Unkan Esa wanna waniye-

WICOWOYAKE 27.

tu wikcemna topa, hehan Beri Heti kin he cunwintku Judit, qa Elon Heti he cunwintku Basmat, henios wicayuzo. Hena napin on, Izak Rebeka ko cante sicapi.

WICOWOYAKE 27.

1 Unkan Izak wanna wicahinca ista kin mdeze sni, hecen wawanyake sni; hehan Izak cinhintku tokapa kin Esa kipan qa, Micinksi, eya. Unkan, Iho miye ce, eya.

2 Unkan, Wanna wicamalinca, qa tohan mate kte cin sdonwakiye sni.

3 Ceciya ce, nakaha wipe iki-keu wo, wanju itazipa ko ikikeu, qa hewoskan ye ca tado imakihni wo.

4 Qa mate kte cin itokam, minagi kin niyawašte kta e, tado skumna taku wašte wadaka heca micage, ca makau wo. Wate kta ce, eya.

5 Unkan Rebeka Izak cinhintku Esa okiye cin he nahon. Unkan Esa atkuku kin on wotihni kta e hewoskan iyaya.

6 Hehan Rebeka cinhintku Jakob heciya, Iho niyate Esa nicinye okiya nawahon;

7 Qa, Tado makau qa taku skumna wašte micaga wo; wate kta qa mate sni kin itokam Jehowa itokam ciyawašte kta ce, eciya.

8 Heon micinksi token econ cisi miho kin anamakigoptan ye.

9 Ecadan wanuyanpi ekta ye ca tatokadan cinca nom wašte imakieu ye, kinhan tado skumna wecage kta, niyate wašte daka iyececa.

10 Unkan niyate te cin itokam niyawašte kta e en ayai kta; unkan yute kta ce.

11 Unkan, Jakob hunku kin

Rebeka heciya; Ecah micinye Esa wicašta hin sma heca, qa nis wicašta sdušduta hemaca.

12 Okini ate mayutan kte cinhan wicahnayesa wan iyececa iyemaye kta, hecinhan mayašicapi kin he iyahde mičiye kta, mayawaštepi kin hee kte sni ce.

13 Unkan, Micinksi niyašicapi kin he miye en amaupi nunwe. Tokešta miho kin anamakigoptan, qa imakieu ye, hunku kin eciya.

14 Unkan ekta ye ca ikikeu qa hunku kin en au; unkan hunku kin tado skumna atkuku wašte dake cin iyecen kaga.

15 Hehan Rebeka sina wašte wan, cinhintku tokapa Esa he tawa ti kin ohna yuhe cin he icu, qa cinhintku hakakta Jakob in kiya.

16 Qa tatokadan cincadan ha kin he Jakob nape kin, qa tahu sdušduta kin akan ehnaka.

17 Qa tado skumna kage cion aguyapi koya cinhintku Jakob nape kin en qu.

18 Unkan atkuku kin en au qa, Ate, eya. Unkan, Iho micinksi ni tuwe he? eya.

19 Unkan Jakob atkuku kin heciya, Esa nicinksi tokapa kin he miye ce. Token emayakiye cin ecen ecamon ce. Ceciciya najin qa iyotanka wo; qa ninagi kin mayawašte kta e tado awahi kin yuta wo, eya.

20 Unkan, Micinksi token inahniyan iyeyaya he? Izak cinhintku kin eciya. Unkan Jehowa wakanyada kin he itkoma-kim u kiya heon etanhan, eya.

21 Unkan, Micinksi mikiyedon u wo, ciyutan kta ce, Esa micinksi kin de niye qa is dee sni uman tukte sdonwaye kta, Izak Jakob eciya.

22 Hehan Jakob atkuku Izak

WICOICAGE.

ikiyedan hinajin, unkan yutan qehan, Ho kin Jakob ho kin hee, tuka nape kin Esa nape kin eepi, eya.

23 Nape kin hin śma cincu Esa nape kin iyececapi; heon etanhan iyekiye śni, qa Jakob yawašte.

24 Esa micinkśi kin de niye he? eya iwanga. Unkan, Han he miye ce, eya.

25 Unkan, Mikiyedan u wo. Minagi kin niyawašte kta e, taku micinkśi o kin wate kta ce, eya. Unkan ikiyedan hinajin, unkan wota, miniśa nakun en au; unkan yatkan.

26 Hehan atkuku Izak, Iho micinkśi mikiyedan u qa i imaputaka wo, eciya.

27 Unkan en ye ęa i iputaka, unkan wokoyake omna kin he omna, qa yawašte qa, Micinkśi omna kin he tinta wan Jehowa yawašte omna kin he iyececa.

28 Qa Wakantanka maħpiya cu kin nięu kte ęa nakun maka kin wasna qa aguyapi, qa miniśa ko ota.

29 Oyate wowindag wicayaye kta nitokam wicašta yatapi makata eħpeiciyapi kta. Nihunka wanji yuha un wo, qa nihun cinea wicaye cin nitokam patujapi kta, tuwe niyašice cin yašicapi kte, qa tuwe niyawašte kin yawaštepi kta ce, eya.

30 Wanna Izak Jakob yawašte hdaštan, unkan Jakob atkuku Izak itoye kin etanhan kitana aisinyan iyaya, hehan cincu Esa wotihni kin etanhan hdi.

31 Qa iśnakun tado skumna kaęęa atkuku kin en ahi, qa atkuku kin heciya, Ate najin qa nicinkśi taku o kin etanhan yuta wo; ninagi kin mayawašte kte cin heon etanhan.

32 Unkan atkuku Izak, Ni tu-

we he? eciya. Unkan, Nicinkśi tokapa Esa he miye ce, eya.

33 Unkan Izak woyuśinyaye tanka hinea on nina yuśinyaya; Token tuwe tado ihni qa makahi, unkan owasin etanhan wata, yahi śni ehan, qa mdawašte qa nakun iye yawaštepi kta ce, eya.

34 Esa atkuku oie kin naħon hehan nina ceye ęa śicahowaye ęa, Ate miś nakun mayawašte ye, atkuku kin eciya.

35 Unkan, Nisunka hi qa wohnye kin eciya tanhan niyawaštepi kin icu, eya.

36 Unkan, Jakob eciyapi caje kin iyecetu śni he? Wanna nonpa yuśna mayan; watomakapa kin he tokaheya ki qa nakaha mayawaštepi kin icu; eye ęa, Woyawašte wan miyecipatan śni he, eya.

37 Unkan Izak ayupte ęa, Ecaħ ohiniciye kte he wakage, ęa hunka wanjin wicaye cin owasin wicayuhe kta waqu, aguyapi miniśa ko yuhe kta waqu, qa dehan micinkśi taku ecacicon kta he? Esa eciya.

38 Unkan, Ate woyawašte kin wanjidan duha he? Miś nakun mayawašte wo, ate, Esa atkuku kin eciye ęa, Esa panyanhan ceya.

39 Unkan atkuku Izak ayupte ęa, Maka wasna kin ohna onnyaye kte ęa maħpiya cu kin aniu kte;

40 Qa nitacanhpi kin on yani kte ęa nisunka wowidag niye kta; tuka tohan waśaka inicage cinhan iye tawanapin nitahu kin etanhan dukse kta ce, eciya.

41 Unkan Esa Jakob śice kidaka, woyawašte kin on atkuku kin yawašte kin heon etanhan, qa Esa cante kin mahen heya; Ate aceyapi kte cin anpetu kin hena wanna ikiyedan qa, hehan misunka Jakob wakte kta ce.

WICOWOYAKE 28.

42 Unkan Rebeka he cinhintku tokapa token ie cin he okiyakapi, unkan ekta ye ši qa, cinhintku hakakta Jakob kico qa, Iho nicinye Esa niye tokicon qa nikte kta e oiçiya ce.

43 Iho micinkši miho kin anamakigoptan ye. Najin qa timdo Laban en Haran ektakiya najica ya ye.

44 Qa timdo kici nanke kta anpetu tonana; nicinye canniye niye cin ayuŝtan kin hehanyan.

45 Nicinye wocanniye aniyuŝtan qa, taku ecayecon akiktonje cin hehantu, kinhan hetanhan icicu kta e wahociye kta ce. Ehaeŝ token on etanhan anpetu wanjidan en niye napin makitan-inpi kte ŝni he? eciya.

46 Unkan Rebeka Izak heciya, Wani kin he wanna owihanketa, Het cunwintku wicaye cin on etanhan, Jakob winohinca wan dena iyececa, Het cunwintku kin etanhan, yuze cinhan token on wani kta he, eya.

WICOWOYAKE 28.

1 Hehan Izak Jakob kipan, qa yawaŝte qa wahokonkiye ça, Kanan cunwinkupi kin etanhan winohinca duze kte ŝni.

2 Najin Aram Mdaye kin ekta ya wo, nihun atkuku Betuel ti kin ekta, qa hetanhan timdoku Laban cunwintku kin etanhan winohinca wan yuza wo.

3 Qa Taku wakan iyotan waŝake cin niyawaŝte, qa iyakiçuya yuota niciye kta, qa oyate ota yaun kta.

4 Qa Abereyam yawaŝtepi kin niçu, makoce wan en ounyaye cin Wakantanka Abereyam qu qon he nicinca om yahduhe kta, eciya.

5 Hecen Izak Jakob ye ši;

uncan iyaya Aram Mdaye kin ekta, Betuel cinhintku Laban Arami kin en, Jakob Esa kici hunkupi kin Rebeka timdoku kin hee.

6 Unkan Izak Jakob yawaŝte, qa Aram Mdaye kin ekta ye ši kin, heciya tanhan winohinca wan yuze kta, qa yawaŝte qehan, Kanan cunwintkupi kin etanhan winohinca duze kte ŝni ce, eciye cin he Esa wanyaka.

7 Unkan Jakob atkuku hunku kici anawicagoptan, qa Aram Mdaye kin ektakiya ya.

8 Unkan Kanan cunwintkupi kin iye atkuku Izak iŝta kin en ŝicapi e Esa wanyake çehan;

9 Esa İsmayel ekta i, qa Abereyam cinhintku İsmayel cunwintku Mahalat, Nebayot tawinohtin kin he yuza, tawicu nonpa tuka he nakun yuza.

10 Unkan Jakob Berŝeba etanhan iyaya Haran ektakiya.

11 Qa toki i kin hen iwanka, wi wanna iyaya nakaeŝ, qa inyan hen yanke cin etanhan icu, qa ipahin ekihnake ça heciya iŝtima.

12 Qa wihanmde ça inyun taku iyadipi wan makata han, qa pa kin mahpiya kin ekta iyohiya; unkan Wakantanka ohnihe wicaye cin adipi qa kun hiyupi.

13 Qa inyun Jehowa iwankam najin qa, Niyate Abereyam taku wakan da qa Izak taku wakan da kin Jehowa he miye ce. Makoce akan nunke cin he ciçu kta nicinca koya.

14 Qa nicinca maka watuŝekŝe-ca *sukaza* kin iyenakapi kta, eniciciya idade kta wiyohpeyata, qa wiyohiyanpata, qa waziyata, qa itokaga, qa niye nicinca koya en wicowazi tona maka akan unpi kin owasin yawaŝtepi kta.

15 Iho miŝ nici waun, qa toki

WICOICAGE:

da ešta awanciyake kta, qa ma-koce kin de ekta acihdi kta, ehpeciye kte sni, tohan taku ociciyaka wahduştan sni kin behanyan, eya.

16 Unkan Jakob wihanmde cin etanhan kikta qa, Awicakehan Jehowa den yanka, tuka miş sdonwaye sni, eya.

17 Hecen kokipe ça, Oyanke kin de itonpapi kta tuka ce, Wakantanka ti kin qa malipiya tiyopa kin dee sni he? eya.

18 Qa hanhanna hehan Jakob najin qa inyan wan ipahin ehna-ke ciqon he icu, qa wokiksuye kte cin ehde, qa he pa kin akan wihdi akaştan.

19 Qa oyanke kin he Betel, (Taku Wakan ti kin) eya caştan, tuka tokag ehan otowwe kin he Luz eciyapi.

20 Unkan Jakob wokonze wan içiconze ça heya, Wakantanka mici un kinhan, qa canku kin de ohna mde cin he ohna awanmayake cinhan, qa aguyapi wate kta maqu qa wokoyake komayake kta nakun;

21 Qa ate ti kin ekta tanyan wahdi hecinhan, Jehowa ecedan wakanwada kta ce.

22 Qa inyan wokiksuye ewehde kin de Wakantanka tipi tawa kta ce, qa taku mayaqu kte cin owasin etanhan, iwikcemna kin ciçu kta ce.

WICOWOYAKE 29.

1 Hehan Jakob Wiyohiyanpata cinca tamaköcepi kin ektakiya siha on mani iyaya.

2 Qa etonwe ça inyun tinta ohna minihdoka wan, qa taħin wanuyanpi optaye yamni heciya minihdoka kin icahda wankapi, minihdoka kin he etanhan optaye kin mini wicaqupi ece. Un-

kan minihdoka i kin akan inyan tanka wan yanka.

3 Unkan hen optaye kin owasin mniciyapi eca, minihdoka i kin akan tanhan inyan kin yuptanyanpi qa, taħince kin mini wicaqupi ca inyan kin hen yanke kte cin minihdoka i kin akan ehna-kapi.

4 Unkan, Hunka wanjin ciyapi tokiya tanhan yaunpi he? Jakob ewicakiya. Unkan, Haran unketanhanpi ce, eyapi.

5 Unkan, Laban Naħor cinhin-ku sdouyayapi he? ewicakiya. Unkan, Han he sdonunyanpi ce, eyapi.

6 Unkan, Zaniyan un he? ewicakiya. Unkan, Zaniyan un, nakun wanyaka wo; cunwintku Raniel taħin wanuyanpi kin om hiyu ce, eyapi.

7 Unkan, Anpetu nahalin tanka ihan. Wanuyanpi mniciyapi kte cin nahalin iyehantu sni. Taħince mini wicaqupi qa wiħan wicakiyapo, eya.

8 Unkan, Unkokitpanipi ce; optaye kin owasin mniciyapi kin, hehan inyan kin minihdoka i kin etanhan yuptanyanpi kinhan, hehan taħince kin mini wicunqupi kta ce, eyapi.

9 Om wohdaka icunhan, Raħel atkuku taħince tawa om hi; wiħan wicakiya nakaes.

10 Hecetu unkan Jakob, iye hunku kin he timdoku Laban cunwintku Raħel he wanyake ça, hunku timdoku kin Laban taħince tawa nakun, qa Jakob ikiyedani qa, inyan qon mini hdoka i kin akan tanhan yuptanye ça, hunku kin he timdoku Laban taħince tawa mini wicaqu.

11 Qa Jakob Raħel i iputake ça ho taninyan ceya.

12 Qa Jakob Raħel heciya,

Niyate sunkaku kin hemaca, Rebeka cinhintku kin he miye ce. Unkan inyang hde ça atkuku okiyaka.

13 Unkan Laban he tawinohtin cinhintku kin Jakob taku ohdake cin nahon qehan, itkokim inyang ye ça, poskin yuze ça, i iputake ça ti kin timahen u ši. Unkan Jakob Laban hena taku kin owasin okiyaka.

14 Unkan, Mihi, qa micelipi kin he niye ce, Laban Jakob eciya. Unkan anpetu tona wi wanjidan en un kin kici yanka.

15 Unkan Laban Jakob heciya, Hunka wanjin ciye cin on ituya wowidag ciye kta he? Taku iyuwin yacin kin he omakiyaka wo, eya.

16 Wanna Laban cunwintku nonpa, tokapa kin Leha eciyapi, qa hakakta kin Rašel eciyapi.

17 Qa Leha ista kin wankadan; tuka Rašel okali wašte owanyag wašte hinca.

18 Unkan Jakob Rašel wašte dake ça, Rašel nicunksi hakakta kin he on waniyetu šakowin wowidag mayaye kta, eya.

19 Unkan he ciçu kinhan wašte kta; wicašta tokeca waqu kinhan wašte kte šni. Mici ti wo, Laban eya.

20 Unkan Jakob Rašel on waniyetu šakowin okiya; tuka he wašte dake cin on ista kin en anpetu tonana yawa.

21 Hehan, Mitawin maqu wo, kici imunke kta, anpetu kin wanna henakeca ce, Jakob Laban eciya.

22 Unkan Laban otonwe kin wicašta owasin mnawicaye ça wowicakihan.

23 Qa otpaza hehan cunwintku Leha he icu, qa Jakob en au. Unkan kici wanka.

24 Unkan Laban wikoška wan

yuhe cin Zilpa, he icu qa cunwintku Leha wikoška yuhe kta e qu.

25 Ihanhanna inyun Leha hee, qa Jakob Laban heciya, Rašel on ociciye šni he? Tokeca mayahnayan he?

26 Unkan, Hakakta kin tokaheya qupi, qa hehan tokapa kin de ciya hecen econpi šni;

27 Anpetu šakowin kin de ihuniyan wo; kinhan he nakun ciçu kta, tokata waniyetu šakowin tokeca omayakiye kte cin heon etanhan, Laban eya.

28 Unkan Jakob ecen econ, qa šakowin kin he ihuniyan. Unkan Laban cunwintku Rašel he tawicu kta e qu.

29 Qa wikoška wan yuhe cin Bilha, he Laban cunwintku Rašel wikoška yuhe kta e qu.

30 Unkan Jakob Rašel kici wanke ça, nakun Rašel wašte dake ça, ake waniyetu šakowin uman Laban cajeyate ciqon he yušan.

31 Unkan Leha sice dakapi kin he Jehowa wanyake ça, Leha tamni kin yuhdoka, tuka Rašel cinca ton šni.

32 Unkan Leha ihdušake ça, cinca ton, qa Ruben eya caš kiton; Makiyušepi kin Jehowa wanyaka, unkan dehan mihihna wašte madake kta ce, eya.

33 Qa ake ihdušake ça cinca ton, qa, Šicc madapike cin he Jehowa nahon, qa cinca kin de nakun maqu, eye ça, Šimeyon eya caš kiton.

34 Qa ake ihdušake ça cinca ton qa, Wanna detanhan mihihna tinsa mahduze kta: Wanna cinca yamni weciton, eye, ça Lewi eya caš kiton.

35 Unkan ake ihdušake ça cinca ton qa, Dehan Jehowa mdatan kta ce, eye ça, Juda eya caš

kiton. Hehan cinca ton kin ayu-
stan.

WICOWOYAKE 30.

1 Unkan Rašel Jakob cinca kiciton šni e wanhdake ça, Rašel he cunku inakiwizi qa Jakob heciya, Cinca maqu ye, *hecanon* šni kinhan mašte kta ce.

2 Unkan Jakob canniye ye ça, Rašel heciya, Miye Wakanmantanka kecanni he? Iye taku tamni ton kin onanitaka ce.

3 Unkan, Iho wikoška mduhe cin Bilha he ekta ya ye; unkan mišiyoto kin akan cinca ton kinhan, iye etanhan cinca waton kta ce;

4 Eye ça wikoška yuhe cin Bilha he tawicu kta e qu. Unkan Jakob he en i.

5 Unkan Bilha ihdušake ça Jakob cinca kiciton.

6 Unkan Wakantanka mayaco qa, nakun houwaye cin namahon, qa cinca wan maqu, Rašel eye ça, Dan eya caš ton.

7 Unkan ake Rašel tawikoška Bilha ihdušake ça cinca icinonpa Jakob kiciton.

8 Unkan Wakantanka omakiye ça micun kici litawani, qa ohidaya ce, Rašel eye ça, Neptali eya caš ton.

9 Unkan Leha cinca sanpa ton šni e wanhdake cehan wikoška yuhe cin Zilpa icu, qa Jakob tawicu kta e qu.

10 Unkan Leha wikoška yuhe cin Zilpa, he Jakob cinca kiciton.

11 Unkan, Wicota kta, Leha eye ça, Gad eya caš ton.

12 Unkan Leha wikoška yuhe cin Zilpa Jakob cinca icinonpa kiciton.

13 Unkan, Wopida mayanpi, cunwintku unpi kin mayawaštepi kta ce, Leha eye ça, Ašer eya caš ton.

14 Unkan aguyapi baksapi kin icunhan Ruben magata iyaye ça, dudaim iyeye ça hena hunku kin ekta kai. Unkan Rašel Leha heciya; Nicinkši dudaim au kin etanhan maqu ye.

15 Unkan, Mihihna yaki kin he taku cistina naceca, micinkši dudaim tawa kin, he nakun iyacu kta he? eciya. Unkan, Nicinkši dudaim tawa kin he on hanyetu kin de nici iwanke kta ce, cya.

16 Unkan litayetu hehan, Jakob maga tanhan hdi; unkan Leha itkokim inanpe ça, Miyahna yau kta, micinkši dudaim tawa kin henā on opeciton ce, eya. Unkan hanyetu kin he kici wan-ka.

17 Unkan Wakantanka Leha anagoptan: unkan ihdušake ça cinca izaptan Jakob kiciton.

18 Qa, Wikokša mduhe cin he mihihna waqu kin heon, Wakantanka iyunwin maqu, Leha eye ça, Isakar eya caš kiton.

19 Unkan ake Leha ihduške ça cinca isakpe Jakob kiciton.

20 Qa, Nakaha Wakantanka taku wašte itumakihan, mihihna cinca šakpe weciton, heon detanhan mici ti kta ce, eye ça, Zebulon eya caš kiton.

21 Qa he iyohakam cinca winyan ton qa, Dina eya caš kiton.

22 Unkan Wakantanka Rašel kiksuye ça Wakantanka anakigoptan, qa tamni kin yuhidoka.

23 Unkan ihdušake ça cinca wan ton qa, Taku iyamaonpapi qon Wakantanka wanna emicidhaku;

24 Qa Wakantanka cinca tokeca wan nakun maqu kta, eye ça, Josep eya caš kiton.

25 Unkan Rašel Josep ton kin hehan, Jakob Laban heciya,

Wanna hde mayan wo. Mita-
makece qa toki manke kte cin
ekta wahde kta.

26 Mitawin micinca ko maqu
wo, wahde kta ce; hena on to-
ken htawani, qa wowindag ma-
yaye cin niś sdonyaya ce.

27 Unkan, Tokin ništa kin en
iyocicipin, niye on etanhan Je-
howa mayawašte wahdukcan.

28 Taku on omayakiye kta ata-
yedan omakiyaka wo; hecece
cinhan ciçu kta ce, Laban eciya.

29 Unkan, Niś token ociciye
ça, nitawanuyanpi kin token mi-
ci unpi qon sdonyaya.

30 Wahi kin itokam taku cisti-
na duhe ciqon, qa wanna ota
aye ça, misiha kin eciya tanhan
Jehowa niyawašte. Unkan wan-
na tohan wati ohnaka kin on ta-
ku miçicage kta he? eya.

31 Unkan, Taku ciçu kta he?
eya. Unkan Jakob heciya, Ta-
kudan mayaqu kte śni, tuka taku
kin de ecanon kinhan ake tahin-
ca nitawa kin awanwicamdake
kta.

32 Nakaha wanuyanpi owasin
ehna mawani kta, qa tona hde-
hdega qa hdehdeze cin iyog iye-
wicawaye kta, tahinca wanu-
yanpi kin tona gigi kin owasin,
qa tatokadan tona hdehdege ça
hdehdeze cin heniyos akipam
ewicawahde kta; qa tokata ta-
hin wanuyanpi ehna tona gigi,
qa tatokadan ehna tona hdehde-
ga hdehdeza ko, hena iyunwin
mitawa kta.

33 Unkan tokata miohan owo-
tanna mihduotanin kta; taku
mitawa nitokam u kinhan, tato-
kadan tona hdehdegapi śni, qa
hdehdezapi śni, qa tahin wanu-
yanpi ehna tona gigi śni kin he-
na owasin mawanon kehe kta.

34 Unkan, Tokin token ehe cin
hecetun, Laban eya.

35 Qa anpetu kin he en tato-
kadan mdoka tōna hdehdeza
hdehdega ko, qa tatokadan wiye
tona hdehdege ça hdeškaška kin
owasin, tona akan hin san kin
hena koya owasin, akipam ewi-
cahdaku, tahin wanuyanpi ehna
tona gigi kin nakun owasin, qa
hena cinkši wicaye cin nape kin
en wicaqu.

36 Qa anpetu yamni imani, iye
Jakob kici ihehanyan kaga. Un-
kan Laban woteca optaye ihe
cin hena Jakob wiħan wicaki-
ya.

37 Qa Jakob can sakadan icu,
waga teca qa can su, qa uma
hena owasin etanhan icu, qa ha
kin pago hdeza, ska tanin kta e
hecen hdehdeza kaga.

38 Qa watpadan tukten wa-
nuyanpi mini yatkanpi kin hena
ohna, can sakadan pago qon
ehde, wanuyanpi itokapa tanhan,
uncan wanuyanpi yatke upi en
kiyuħapi ece.

39 Hecen can sakadan qon
ekta wanuyanpi kin kiyuħapi,
qa wanuyanpi hdehdeza hdehde-
ga hdeškaška ko wicatonpi.

40 Unkan Jakob tacincadan
yukinukan ewicahnake ça, wa-
nuyanpi itepi kin taku hdeza
ektakiya ewicahde, Laban wa-
nuyanpi gigi kin owasin, qa wa-
nuyanpi tawa kin yukinukan
ewicahde, Laban tawanuyanpi
kin kici ewicahde śni.

41 Qa tohan wanuyanpi waša-
kapi kiyuħapi eca, Jakob can
sakadan qon watpadan ohna
wanuyanpi išta kin wicitokam
ehde; can sakadan kin ekta ki-
yuħapi kta e hecon.

42 Tuka wanuyanpi wankapi-
dan eca, ehde śni, hecen tona
wankapi kin hena Laban tawa,
qa tona wašakapi kin hena Ja-
kob tawa.

43 Hecen wicašta kin tanka hinca icage ça wanuyanpi ota ton, qa nakun winyan taokiye, qa hoksidan, qa camo, qa šuktanka šonšonna.

WICOWOYAKE 31.

1 Hehan, Taku ate unyanpi tawa qon he owasin Jakob icu, qa taku ate yuhe ciqon etanhan, woyuha tanka kin de owasin icicaga, Laban cinkši wicaye cin eyapi kin Jakob nahon.

2 Qa Laban ite kin he nakun Jakob wanyaka, qa iye ektakiya wanna tokeca.

3 Nakun, Niyate makoce tawapi kin ekta, qa takuwicayaye cin ekta hda wo, kinhan nici waun kta ce, Jehowa Jakob eciya.

4 Heon Jakob tuwe ekta ye ši qa, tawicu napin Rahel Leha kici, tinta kin heciya, tawanuyanpi kin ekta wicakico.

5 Qa, Niyatepi kin wanna tokeca amatonwe cin wanmdaka, tuka ate taku wakan da kin mici un.

6 Qa token owakihi ohinniyan niyatepi kin owakiya sdonyayapi;

7 Tuka niyatepi kin mahnaye ça, wikcemna akihde taku maqu kte cin yutokeca, tuka kiunni maye kte cin Wakantanka iyowinye šni.

8 Kaken, Hdehdegapi kin hena iyunwin duhe kta ce, eye çehan, waunyanpi kin owasin hdehdegapi kin heca ece wicatonpi; qa, Hdehdezapi kin hena iyunwin nitawa kta eye çehan, hehan wanuyanpi owasin hdehdezapi heca ece wicatonpi ece.

9 Hecen Wakantanka niyatepi tawanuyanpi kin ki ecc, qa he maqu.

10 Wanuyanpi kin kiyuhapi eca wiwahanmde ça, ewatonwe ça, inyun tamdoka hdehdeza hdehdega hdeškaška hecapi ko, wanuyanpi akan adipi e išta on wanmdaka.

11 Nakun wiwahanmde ça, Wakantanka taohnihde ye cin hemakiya; Jakob. Unkan, Iho miye ce, epa.

12 Unkan, Išta yuwankan iki-keu qa, tamdoka wanuyanpi adipi kin awicatonwan wo; hdehdeza hdehdega hdeškaška hecapi; token Laban ecanicon kin he owasin wanmdaka ce.

13 Taku wakan Betel en tanin iciiye cin he miye, hen wokiksuyeye sdayaye ça, hen taku konza emayakiya. Wanna najin, qa makoce kin de etanhan, iyaye ça taku wicayaye cin ekta hda wo, eya.

14 Unkan Rahel Leha ko ayuptapi; Ate ti kin ohna taku unhapi kte ça taku unkitawapi kte cin yukan he?

15 Oyate tokeca unhdawapi šni he? Wiyopeunyanpi, qa nakun mazaska unkitawapi kin owasin yusota.

16 Heon woyuha ate unyanpi kin etanhan Wakantanka ki kin he iyuhpa unkiye unkitawapi, qa unkcincapi tawapi ce. Iho wanna token Wakantanka econ niši kin owasin econ econ ye, eyapi.

17 Unkan Jakob najin, qa cinca tawicu ko owasin camo akan ewicahnaka,

18 Qa atkuku Izak en Kanan makoce kin ekta kihde kta e tawanuyanpi kin owasin awicaya, woyuha icicage cin, qa taku tonpi kiton kin, taku Aram Mdaye kin en ihdamna kin owasin.

19 Wanna, Laban tahinca kin hdušda iyaye çehan, Rahel he

atkuku terapim tawa kin manon.

20 Unkan Jakob Laban Arami kin cante kin manon, najica iyaya, okiyake šni nakaes.

21 Hecen najica, taku tawa kin owasin hduha najin, qa watpa kin iyuwege ça, Gilead he kin ektakiya etonwan.

22 Unkan anpetu iyamni kin hehan, Jakob wanna najica Laban okiyakapi.

23 Unkan hunka wanjin wicaye cin wicakico, hena om okide ye ça, šakowin can icimanipi hehan, Gilead he kin en kihdegapi.

24 Unkan, Wakantanka hanyen Laban Arami kin en hi qa, wihanmde cin en heciya, Ihnuhan taku wašte taku šica uman tukte kašta eyakiye cin, eya.

25 Unkan Laban Jakob kihdege çehan, Jakob he kin en wakeya oti, qa Laban hunka wanjin wicaye cin om Gilead he kin hiyahanpi.

26 Qa Laban Jakob heciya, Taku tokenon micante kin mayahnaye ça, micunkši canłpi on wayaka iyecen awicayahda.

27 He tokeca e hecanon he? Anamayakiłbe ça, maniçinon, omayakidake šni. Omayakidaka unkanš wiyuškinyan iyaye ciye ça, cicaidowan, qa cancega candowankiyapi ko ciciyahoton kta tuka hecanon.

28 Micinca wica winyan ko i iwicawaputake kte, iyowin mayakiye šni. Wanna witkoya hecanon.

29 Dehan taku šica ecacicon kta nape wamašaka, tuka niyate taku wakan da kin hinhan hemakiya; Ihnuhan Jakob taku wašte taku šica uman tukte kašta eyakiye cin, eya.

30 Wanna niyate ti kin ekta yahde kte hınca, tuka tokeca

Taku wakan mitawa kin mayanon he? eya.

31 Unkan Jakob waayupte ça, Kowakipe cin heon, qa okini nicuukši kin hena mayaki kta naceca ce epe cin heon hecamon;

32 Taku wakan nitawa kin tuwe kici iyeyakiye cinhan, he ni kte šni. Hunka wanji unye cin wicitokam, taku nitawa mici unkin, tukte e he, iyukcan qa iki-keu wo. Rašel hena manon tuka Jakob he sdoneye šni, qa heciya.

33 Hehan Laban Jakob tawakeya kin en ti mahen i, Leha tawakeya kin nakun, qa wikoška nonpa tawakeyapi kin; tuka iye-kiye šni; hehan Laban Leha tawakeya kin etanhan hdinanpe ça, Rašel tawakeya kin en i.

34 Tuka Rašel terapim kin icu, qa camo aqinpi kin en ehna-ke ciqon, qa akan iyotanka. Unkan Laban wakeya kin owanca-ya yutan qa iyekiye šni.

35 Unkan atkuku kin heciya, Itancan nitokam nawajin owakitpani, hececa šta canniye maye šni ye. Winohınca ayakonpi kin hemaceca ce. Unkan nina akita tuka terapim kin iyekiye šni.

36 Unkan Jakob canniye ça, Laban kige, Taku šica ecamon qa wawałtani kin tukte e he, on hecen mayakuwa?

37 Mitawałpaya kin owasin mayakidutan, wakšica yati kin etanhan wanji iyeyaye cin tukte e he? takuwicunye cin wicitokam ehna-ke wo; hecece cinhan uman tukte unkitawa kta yu-kecanpi nunwe.

38 Waniyetu wikcemna nonpa kin dena nici waun, tuka tawiyedan nitawa kin kpapi šni, qa, nitawanuyanpi tamdoka kin hena wate šni.

39 Taku yahdecapi kin niye

WICOICAGE.

en cicai śni, he miye piya waka-ga ce. Hanyen manonpi kin, qa anposkan manonpi kin he koya, minape kin etanhan mayakida.

40 Kaken waun, anposkan ipuza maṭa, qa hanyen osni; woištima mišta kin amayušan.

41 Miye waniyetu wikcemna nonpa kin yati kin en wowidag mayaye; waniyetu ake topa nicunkši nonpa on, qa waniyetu śakpe nitawanuyanpi kin on, ociciye ṭa, taku mayaqu kte cin wikcemna akihde mayadutokan.

42 Ate taku wakan da kin, Abereyam taku wakan da kin qa Izak Tokokipe kin, mici un kin; hecetu śni unkanś wanna cokadan kihde mayasi kta tuka; mawahbadan kin qa minape ktanipi kin he Wakantanka wanyake ṭa, hinhan iyopeniyan ce, Jakob Laban eciya.

43 Unkan Laban waayupte ṭa, Jakob heciya, Cinca winyan kin dena micunkši eepi, qa hokšidan kin dena micinca eepi, qa wanuyanpi kin dena wanuyanpi mitawa eepi, qa taku niye wanyahdake cin he iyulpa mitawa ce. Tuka de micunkši qa is cinca wicatonpi kin dena, nakaha taku ecawicawecon kta he?

44 Tokin wanna wicoun unki-cagen, miye qa niye, hecen wa-ayatanin unkiyotahedan yuke kta.

45 Unkan Jakob inyan wan icu, qa wokiksuye e pasdata:

46 Qa, Inyan icupo, Jakob hun-ka wanjin wicaye cin ewicakiya. Unkan inyan icupi, qa paha wan kagapi qa, hen paha kin akan wotapi.

47 Unkan paha kin he, Igar sahaduta Laban eya cašton; tu-ka Jakob he Galed eya cašton.

48 Unkan Laban heya, Anpe

dehan paha kin de unkiyotahedan waayatanin kta; Galed Wa-ayatanin paha kin he ka, paha kin he eciyapi.

49 Qa, Micunkši wicayakidu-še, qa winolinca tokeca duze cinhan, wicašta tuwe he atonwe kta unkici un śni, unkiyotahedan Wakantanka he waayatanin kta.

50 Tohan kinukankiya unki-yaye cinhan Jehowa unyacopi kta, Laban eye ṭa, Wayaco caš ton.

51 Qa, Wanyaka wo, paha kin de, wokiksuye unkiyotahedan ewehde kin de;

52 Paha kin waayatanin, woki-ksuye kin de waayatanin, taku śica on paha kin de kapeya imdamde ṭa niye en cii kte śni, qa niš kapeya yahihdu qa hiyohi mayaye kte śni.

53 Abereyam taku wakan da kin, Nalior taku wakan da kin, hunkake wicayapi taku wakan dapi kin unyacopi kta, Laban Ja-kob eciya. Unkan Jakob iye atkuku Izak Tokokipe kin caje-yan konza.

54 Hehan Jakob he kin akan wo-šnapi wan wakiyušna, qa aguya-pi yutapi kta e hunka wanjin wicaye cin wicakico. Unkan aguyapi yutapi qa he kin en wan-kapi.

55 Unkan ihanhanna Laban ki-ka qa iye cinca wica winyan ko i iwicaputake ṭa, wicayawa-šte qa, hehan Laban tohe kin ekta kihda.

WICOWOYAKE 32.

1 Unkan Jakob tacanku kin ohna iyaye ṭa, Wakantanka ohni-hde wicaye cin iktokim hipi.

2 Unkan Jakob wanwicayake ṭehan, Wakantanka wicobe ta-

wa kin dee ce, eye ça oyanke kin he Mahanaim caş ton.

3 Hehan Jakob Edom wojupi kin Sehir makoce kin etu, cincu Esa ti kin ekta, ohnihde wicaye cin ye wicaşi.

4 Qa wahokonwicakiye ca, Itancan mitawa Esa hecen eya-kiyapi kta ce, eya; Laban kici wati qon dehantu.

5 Qa pte, qa şuktanka şonşonna, qa tahinca, qa hokşidan wikoşka ko, ota wicamduha, qa onşimayada kta e itancan ocici-yag ye wicawaşi, nitaokiye Jakob eya.

6 Unkan Jakob ohnihde wicaye cin hdipi qa, Nicinye Esa ekta unkipi unkan iş nitkokim u qa, wicaşa opawinge tom opapi ce, eyapi.

7 Hehan Jakob nina kokipe ça, oyate kici un kin nonpakiya ewicakihde, tahinca, pte, camo, ko owasin oşpaye nonpa wicakaga.

8 Qa Esa oşpaye wanji en hi qa hena wicakte kinhan, oşpaye uman okapte cin inaşdoke kta ce, eya.

9 Hehan Jakob heya, Abereyam ate waye wakan nida, qa ate Izak wakan nida Jehowa niye, Nitamakoce, qa takuwicayaye cin ekta hda wo, kinhan taku waşte ecacicon kta ce, emaya-kiye ciqon;

10 Miye nitowaonşida qa iewicayake cin owasin nitaokiye ecayecon kin aopten waun; sagye kin heceyedana hduha Jordan watpa kin de imduwege ça, wanna oşpaye nonpa imacaga.

11 Wanna cinye nape kin etanhan emahdaku wo; Esa nape kin etanhan; hi kinhan cinca hunkupi kin kici mikte kta kowakipa ce.

12 Niye, Ohinniyana taku waşte

ecacicon kte ça, wiyaka mini wanca kahda sukaza utkana on yawapica şni, iyenaka nicinca wakage kta ehe ciqon, eya.

13 Unkan hanyetu kin he hen wanka, qa taku cincu Esa qu kte cin ikikcu, taku nape en hiyu;

14 Tatokadan wiye opawinge nonpa, qa mdoka wikcemna nonpa, tahin wanuyanpi wiye opawinge nom mdoka wikcemna nonpa ahna;

15 Camo azinkiyapi wikcemna yamni cincapidan om, pte wikcemna tom, qa tatanka wikcemna, şuktanka şonşonna wiye wikcemna nonpa cincadan wikcemna ahna.

16 Qa ookiye wicayuhe cin woteca otoiyohi kinnukan yuhe wicaşi, qa, Optaye otoiyohi yu-kinukan awicahiyayapo, ewicakiya.

17 Qa tokaheya kin wahokonwicakiya, Tohan cinye itkonicipapi kinhan, qa, Tuwe tawa niyan he? qa toki da qa taku nitokam un kin he tuwe tawa he? eya iniwange cinhan;

18 Hehan, Nitaokiye Jakob dena tawa, tuka itancan mitawa Esa qu kta; unkan iş nakun unkihektam u ce, ehapi kta ce, ewicakiya.

19 Unkan inonpa, qa iyamni, qa nakun owasin tona optaye ihakam yapi kin, Esa iyeyayapi kinhan oie kin hena iyecen eya-kiyapi kta ce:

20 Nakun, Nitaokiye Jakob unkihektam u ce, ehapi kta ce, ewicakiya. Taku waqu kin mitokapa tanhan ye cin, hecen ite kin iyokipi waye kta, qa hehan ite kin iyowinmakiye kta ce, eya.

21 Unkan taku qu kin, he tokata iyokipta; tuka iş hanyetu kin he taobe kin om wanka.

22 Qa hanyetu kin he en, najin qa tawicu nonpa kin iwicacu qa cinca wicaye cin ake wanji, qa Jakob oiyeuwege kin en iyuwe-ga.

23 Qa iwicakikcu, qa watpa kin iyuweh wicaye ça, taku tawa kin owasin iyuweh wicakiya.

24 Qa Jakob isnana hekta yan-ka, unkan wicašta wan anpao kin hehanyan kici kiihdušpa.

25 Qa wicašta kin tokadan ohiye šni e wanhdake çehan, cecunte okihe kin en yuza; un-kan kici kiihdušpapi kin icunhan, Jakob cecuntoštan kin pa-pšon iyaya.

26 Unkan, Amayuštan wo; wanna anpao hinanpa ce, eya. Unkan, Mayadawašte šni kinhan, aciyuštan kte šni ce, eya.

27 Qa, Token eniciyapi he? eya. Unkan Jakob emakiyapi ce, eya.

28 Unkan, Nicaje Jakob eni-ciyapi kte šni. Detanhan Israel eniciyapi kta, Wakantanka wicašta ko, kici kinihdušpe ça ni-ye ohiyaya ce, eciya.

29 Unkan, Tokin nicaje kin omayakidaken, Jakob eya iwan-ga. Unkan, Token on etanhan micaje kin inonga he? eye ça hen yawašte.

30 Unkan, oyanke kin he, Ite wakan, Jakob eya caš ton. Ta-ku Wakan ite icitkokim wanmdaka ešta minagi kin zaniyan un ce, eya.

31 Unkan Ite wakan iyokipte çehan, anpetu wi hinanpa, qa Jakob ceca kin on hušte.

32 Heon etanhan Israel cinca wicaye cin anpetu kin dehan ceca škotpa kin akan kan kiksuy-ye šni qon he yutapi šni; Jakob ceca škotpa kin akan kan kiksuy-ye šni kin he oyutan kin heon etanhan.

WICOWOYAKE 33.

1 Unkan Jakob wankan etonwe ça inyun, Esa u, wicašta opa-winge tom kici wanwicayake ça, hokšiyooqopa kin akipam ewi-cakihde, Leha kici, qa Rašel ki-ci, qa wikoška nonpapi kin om.

2 Qa wikoška kin cinca wica-yapi kin om tokaheya ye wicaši, qa hena ihektapa tanhan Leha cinca wicaye cin om, qa hena ihektapa tanhan Rašel Josep kici.

3 Qa iye owasin wicitokam ye ça, cincu ikiyeddan u kin icunhan šakowin akihde patuja.

4 Unkan, Esa itkokim inyanke ça, nape kin yuze ça tahu kin akan elipeičiye ça i iputaka, qa napin ceyapi.

5 Hehan Esa wankan etonwe ça, tawicu cinca wicaye cin ko wanwicayake ça, Dena token takuyaya he? eya. Unkan, Wa-kantanka towaonšida kin on nitaokiye cinca qu kin dena eepi ce, eya.

6 Hehan wikoška kin cinca wicayapi kin om ikiyadan hipi, qa patujapi.

7 Hehan Leha cinca wicaye cin om ikiyadan hi qa patujapi; qa ehake Josep Rašel kici iki-yadan hipi, qa patujapi.

8 Unkan, Optaye kin dena owasin itkowicawakipe cin, to-ken yaka he? eya. Unkan, Ma-yuhe cin išta kin iyokipi ciye kta e heon.

9 Unkan, Misunka taku ota wahduha ce. Taku nitawa kin hduha un wo, Esa eya.

10 Unkan, Hiya ništa kin iyo-kiپی ciye cinhan, minape kin etanhan taku waqu kin iyacu kta, nitohnake Wakantanka ito-hnake iyecen wanciyake ça iyo-cicipi kin heon etanhan.

11 Tokin taku ciyawašte kin en aniupi kin he iyacun. Wakantaka onšimada ece, qa taku owasin mduha, Jakob kitanyan eya; unkan icu.

12 Qa heya, Ihdaka unye ça miye tokaheya mde kta ce.

13 Unkan, Hokšiyoyoqa wan- kapidan e mayuhe cin sdonye ça, nakun tahiŋca pte ko ihdu- šaka micicapi qa, anpetu wan- jidan keš awicapapi kinhan, wa- nuyanpi owasin ɕapi kta.

14 Tokin itancan nitaokiye itokam yahden, qa miš wanu- yanpi mitokam token manipi, qa hokšiyoyoqa kin token mani- pi kin, ecen iwahnanna mde kta, mayuhe cin ekta Sehir en wai kin hehanyan.

15 Unkan, Iho oyate mici unpi kin etanhan wanjikši nici elpe- wicawaye kta ce, Esa eya. Un- kan tokeca e, mayuhe cin išta kin iyocicipi hecinhan, eya.

16 Unkan anpetu kin he en, Esa tacanku kin ohna Sehir ektakiya kihda.

17 Tuka Jakob Sukot ekta unhdaka i qa, hen tipi ičicage ça, taku tawa kin nakun ohan- zi hdipi wicakicaga; heon oton- we kin he Sukot eya cajeya- tapi.

18 Qa Jakob Aram Mdaye kin etanhan u qehan, Šekem oton- we tawa kin Kanan makoce kin etu zaniyan hi, qa otonwe kin itokam ticaga.

19 Qa makoce onšpa, tukten wakeya iticage cin, Šekem atku- ku Hamor cinca wicaye cin na- pepi kin etanhan opewicakica- ton, mazaska opawinge nom wi- caqu.

20 Unkan hen wahna wošna- pi wan kage ça, El Israel ta-Wakantanka kin eya caš- ton.

WICOWOYAKE 34.

1 Hehan Dina Leha he cun- wintku Jakob kiciton kin, he makoce wicinyanpidan wanwi- cayake kta e toki iyaya.

2 Unkan wicašta yatapi ihda- wa Hamor Hiwi kin he cinhin- tku Šekem, he, wanyake ça icu qa kici wanka, hecen wiewaku.

3 Qa Šekem nagi kin Dina Jakob cunwintku kin en nina iyaskape ça wikoška kin wašte dake ça, wikoška cantolnag ye cin ecen okiya.

4 Qa, Wicinyanna kin de mici- yuza wo, Šekem iye atkuku Ha- mor eciya.

5 Unkan cunwintku yuašapapi kin he Jakob nakihon, tuka cin- kši wicaye cin tinta ekta wanu- yanpi om yakonpi, qa hdipi kin hehanyan Jakob inina yanka.

6 Unkan Hamor Šekem atkuku kin Jakob kici okiye kta e en i.

7 Unkan Jakob cinkšiwicaye cin tinta kin etanhan hdipi, qa he nañonpi, qa iyokišicapi; nina canniye yapi, Jakob cunwintku kin kici iwankapi: hecen econ- pi kte šni tuka, Israel witko- ya ecakiconpi heon etanhan.

8 Unkan Hamor hewicakiya, Micinkši Šekem nagi kin nicun- kšipi kin iyaskapa; he tawicu kta e qupo.

9 Kinhan takuunkiciyapi kta; nicunkšipi kin hena unqupo, qa niš cunkši wicunyanpi kin wi- cayuzapo.

10 Qa unkiyepi om dukanpi kta, makoce kin nitokam un kta ce, en unpo qa makoce kin en wo- petonpi qa he yuhapo.

11 Qa Šekem wikoška atkuku timdo wicaye cin ko hewicaki- ya; Cantemakiyapo, kinhan to- ken emayakiyapi kin ecen ciçu- pi kta.

WICOICAGE.

12 Wikoška kin mitawin un kta e mayaqupi kinhan, wolipayapi iyakiçuya tanka mayakidapi, taku qupi tanka ešta ; token emayakiyapi kin ecen ciçupi kta.

13 Unkan Jakob cinksi wicaye cin tawinohtinpi kin Dina yuřapapi qon kiksuyapi, qa heon Sekem he atkuku Hamor kici hna-yeya awicayuptapi.

14 Qa, Taku hececa econpi unkokitpanipi. Wicašta wan ha iyotan kin baħidayapi řni kin heca tanksi unyanpi kin unqupi kinhan, he wiřten unkiçiyapi kta naceca.

15 Decehnana on unkaniyuptapi kta ; unkiř baunkihdayapi kin, niř nakun tona wica owasin henicecapi kinhan ;

16 Hehan cunksi wicunyanpi kin unniçupi kta, qa nicunksipi kin wicunyuzapi kta, qa nicipi onunyanpi qa oyate unwanjipidan kta.

17 Tuka taku de en anaunyagoptanpi řni kinhan, baniçihdayapi řni kinhan, cunksi unyanpi kin he unkikikecupi, qa toki unkiyayapi kta ce, ewicakiyapi.

18 Unkan, Hamor Sekem Hamor cinhintku kici wicoie kin he wařte dakapi.

19 Qa koška kin Jakob cunwintku kin cantiheya, heon taku eyapi kin kohanna econ. Iye atkuku ti kin ohna yakonpi kin hena owasin iyakapeya kinihanpi.

20 Hehan Hamor iye cinhintku Sekem kici otonwe tawapi kin ekta kipi, qa otonwe tawapi kin wicašta om wohdakapi, qa heyapi,

21 Wicašta kin dena unkiyepi om wokiyapi, heon makoce kin en onunyanpi qa, hen iciyopeyapi

kte. Ito makoce kin wicitokam tankaya un kinhan, cunwintkupi kin wicunyuzapi kta, qa cunksi wicunyanpi kin wicunqupi kta.

22 Tuka decehnana on wicašta kin wicadapi kta ; wiciye bakiħdayapi kin he iyecen unkiye tona wica owasin baunkihdayapi kinhan ; unkiye om onunyanpi, qa oyate unwanjipidan kta.

23 Decehnana en anawicungoptanpi kinhan, unkiyepi om onunyanpi kta ; kinhan tawanu-yanpi, qa taku yuhapi kin owasin, taku tonpi koya unkitawapi kte řni he ? eyapi.

24 Unkan wicašta tona otonwe tiyopa kin omanipi kin hena owasin, Hamor iye cinhintku Sekem kici anawicagoptanpi, qa bakiciħdayapi, tona wica otonwe tiyopa kin omanipi kin owasin.

25 Unkan anpetu iciyamni kin yazanpi kin icunhan, Jakob cinhintku kin nonpa, Simeyon Lewi kici Dina timdo wicaya, tacanħpipi kin ikikcupi, qa kokipeřniyan otonwe kin tatpe ipi, qa tona wica owasin wicaktepi.

26 Hamor iye cinhintku Sekem ko canħpi hi kin on wicaktepi, qa Dina Sekem ti kin etanhan ehdakupi qa hdohdapi.

27 Hehan Jakob cinksi wicaye cin wicakaħugapi kin en ipi, qa, otonwe wan tanksitkupi kin yuřapapi qon he ocowasin wicakipi ;

28 Tahinca, qa tatanka, qa řuktanka řonřonna, taku otonwe kin ohna un, taku magata un kin ko owasin icupi.

29 Taku yuhapi qon owasin tařiceca tawicupi ahna nakun wayaka icupi, qa taku tipi kin ohna iyeyapi kin owasin icupi.

WICOWOYAKE 35.

30 Hehan Jakob Šimeyon Lewi kici hewicakiya, Iyoyag mayayapi, šicamna mayakagapi makoce wojutipi kin wicitokam, Kanani, qa Pcrazi kin, qa miye matonana hecen tamatpe mniciyapi, qa maktepi kta, hecen miš wati ohnaka ko owasin awimahnuni kta.

31 Unkan wihomnipi kin iyeccen tankši unyanpi kin ccakiconpi kta iyececa he ? eyapi.

WICOWOYAKE 35.

1 Hchan Wakantanka Jakob heciya, Najin qa Betel ekta itawankanhde ye ça, hen oonyan wo. Nicinye Eša itohnake kin ctanhan nayajice çehan, Taku wakan, niye en tanin içiye cin, he wahna wošnapi wan hen kicaga wo.

2 Unkan Jakob tiyoknaka tawa, qa tona kici unpi kin owasin hewicakiya; Taku wakan tokeca duhapi kin, hena owasin yutokan iyewicayapo; piçiyapi qa wokoyake teca ihduzapo;

3 Qa najinpo, Betel ekta itawankanhde unyanpi kta ce. Heciya wahna wošnapi wan wakage kta, anpetu wan iyomakišice çehan, Taku wakan namahon, qa canku ohna imdamde cin mici ye cin, he wecage kta ce, eya.

4 Unkan Taku wakan tokcca yuhapi kin hena owasin Jakob qupi, oinpidan noge oinpi kin hena koya. Unkan hena owasin nahma, Šekem ekta utuhu wan he cin, he ihukuya.

5 Hehan ihdaka iyayapi, qa Jehowa otonwe ihduksan unpi kin yušinye wicaya; hecen Jakob cinkši wicaye cin wicakuwapi šni.

6 Unkan Jakob, iye oyate ope-

ya un kin koya owasin, *otonwe wan* Luz eciyapi, Betel hee, Kanani makoce kin en, he ekta ipi.

7 Qa hen wahna wošnapi wan kage ça, oyanke kin he El Betel cya caš ton, cinçu etanhan najica iyaye çehan, heciya iye en Wakantanka ihdutanin kin, heon etanhan.

8 Hehan Debora Rebeka azin kiye ciqon ça, unkan Betel hukun utuhu he cin, he ihukuya hnakapi, qa hc, Utuhu oceyapi, eciyapi.

9 Wanna Jakob Aram Mdaye kin etanhan hiyu, hehan ake iye en Wakantanka tanin içiye ça yawašte.

10 Qa, Tokata Jakob nicaje qon eniciyapi kte šni, detanhan Israel eya cajeniyatapi kta, Wakantanka eciye ça, hecen Israel caš ton.

11 Qa, El Iyotan wašaka he miye; ihduota qa cinça ota yuha wo; oyate qa, oyate obe ota niye etanhan unpi kta, qa wicašta yatapi ninite kin etanhan inanpapi kta.

12 Qa makoce wan Abereyam Izak kici wicawaqu qon, he niye ciçu kte ça nicinça nihektam unpi kte cin, makoce kin he wicawaqu kta ce, Wakantanka eciya.

13 Qa oyanke kin en, Wakantanka okiye ciqon hetanhan wankantkiya ikiyopta.

14 Unkan tukten okiye ciqon, he en Jakob wokiksuye wan ehde, inyan wokiksuye qa, wošnapi wan akaštan, wiłdi nakun akaštan.

15 Qa oyanke kin en, Wakantanka okiye ciqon, he Jakob Betel eya caš ton.

16 Hchan Betel etanhan ihdakapi, qa Eprata ikiyadan hipi,

WICOICAGE.

hehan Rašel hoksíksuye ça, kitan seh cinca ton.

17 Wanna kitan ecinyan cinca ton, hehan, Ihnuhan koyakipe cin, cinca kin de wica é nakun duhe kta ce, cincatonkiyesa eciya.

18 Unkan wanna te kta, nagi kin iyaya icunhan, Benoni eya caś kiton; tuka atkuku kin Benjamin eciya.

19 Hehan Rašel ta, unkan Eprata, Betlehem hee, canku kin ohna hnakapi.

20 Qa Jakob wokiksuye wan ohna hnakapi kin ekta ehde. Rašel ohna hnakapi wokiksuye kin dehantu eciyapi.

21 Hehan Israel unhdake ça, Eder conkaśke kin akotanhan awakeya.

22 Unkan Israel makoce kin he en ounye cin icunhan, Ruben iye atkuku tawicu Bilha ekta i, qa kici iwanka. Unkan Israel he nakihon.

23 Jakob cinkśi wicaye cin ake nonpapi ce. Leha cinkśi wicaye cin, Ruben, Jakob cinhintku tokapa kin hee, Símeyon, Lewi, Juda, Isakar, Zebulon henakeca.

24 Rašel cinkśi wicaye cin Josep, qa Benjamin.

25 Qa Bilha, Rašel tawikośka, cinkśi wicaye cin Dan, qa Nep-tali.

26 Qa Zilpa Leha tawikośka kin, cinkśi wicaye cin, Gad, qa Aśer. Henakiya Jakob cinkśi wicaya Aram Mdaye kin en wicatonpi.

27 Hehan Jakob iye atkuku kin ekta ki, Arba otonwe, Hebron hee, ekta Mamore etu hen Abereyam ounyan, qa Izak nakun.

28 Wanna Izak anpetu tawa waniyetu opawinge sanpa wickemna śahdogan.

29 Hehan Izak ta, qa taoyate kin en okipapi, wicahinca qa anpetu kin wanna imna. Unkan cinkśi wicaye cin Esa, Jakob henios kihnakapi.

WICOWOYAKE 36.

1 Esa, Edom hee, wicowazi tawa kin dee.

2 Esa Kanan cunwintku kin etanhan winohinca nom wicayuzza, Elon Ĥeti kin cunwintku Ada, qa Zibeon Ĥiwi kin cunwintku Ana he cunwintku Aholibama *henioza*.

3 Qa Ísmayel cunwintku Basmat, Nebayot tankśitku he nakun yuza.

4 Unkan Ada he Esa kiciton Elipaz hee: qa Basmat he Ruhel ton.

5 Qa Aholibama he Jehus, qa Jalam, qa Qora, wicaton. Esa cinkśi wicaye cin, Kanan makoce kin en wicatonpi kin hena eepi.

6 Hehan Esa iye tawicu kin iwicacu, qa cinca wicaye cin wica winyan ko, qa tiyohnaka tawa wicanagi owasin, qa tawanuyanpi taku yuhe cin ko owasin, taku tawa Kanan makoce en ton kin iyulipa, qa sunkaku Jakob itohnake kin etanhan ya, makoce tokeca wan ekta.

7 Taku yuhapi kin he odoťa, heon witaya iyotankapi kin okiptanipi, wanuyanpi oťa yuhapi kin heon, makoce kin en ounyanpi kte cin iyowinwicakiye śni.

8 Unkan Esa Sehir he kin en iyotanka, Esa he Edom eciyapi.

9 Qa Sehir he kin en Edom oyate ateyapi Esa wicoicage kin dee.

10 Esa cinkśi wicaye cin cajepi kin dena ee, Elipaz Esa ta-

wicu Ada he cinhintku, qa Ruhel Esa tawicu Basmat he cinhintku.

11 Unkan Elipaz cinksi wicaye cin dena eepi; Teman, Omar, Zepo, Gatam, qa Kenaz.

12 Unkan Elipaz Esa cinhintku Timna nahimana yuze cin he Ameleqe Elipaz kiciton. Esa tawicu Ada cinksi wicaye cin hena eepi.

13 Unkan Ruhel cinksi wicaye cin dena eepi; Nahiat, qa Zera, qa Sama, qa Miza. Esa tawicu Basmat cinksi wicaye cin hena eepi.

14 Unkan Aholibama Zibeon cunwintku Ana he cunwintku kin Esa yuza. Unkan he Esa cinca kiciton kin dena eepi; Jehus, qa Jalam, qa Qora.

15 Esa cinca kin itancan unpi kin dena eepi. Esa cinhintku tokapa Elipaz cinksi wicaye cin, Teman itancan, Omar itancan, Zepo itancan, Qenaz itancan,

16 Qora itancan, Gatama itancan, Ameleqe itancan. Edom makoce kin en Elipaz itancanyan unpi kin hena eepi, qa hena Ada cinksi wicaya.

17 Unkan Esa cinhintku Ruhel cinca kin dena eepi: Nahiat itancan, Zera itancan, Sama itancan, Miza itancan, Ruhel itancanyan unpi kin hena eepi, Edom makoce kin en, Esa tawicu Basmat hena cinksi wicaya.

18 Unkan Esa tawicu Aholibama he cinca kin dena eepi; Jehus itancan, Jalam itancan, Qora itancan, Ana cunwintku Aholibama Esa yuze cin itancan ton kin hena eepi.

19 Esa, Edom hee, cinksi wicaye cin hena eepi, qa itancan yuhapi kin heepi.

20 Makoce kin he en iyotan-

kapi qon Sehir Hori kin cinca dena eepi; Lotan, qa Sobal, qa Zibeon, qa Ana, qa Dison, qa Ezer, qa Disan.

21 Sehir cinksi wicaye cin, Edom tamakoce kin en, Hori kin itancanyan unpi kin hena eepi.

22 Unkan Lotan cinksi wicaye cin Hori, qa Heman, qa Lotan tawinolitin kin Timna ee.

23 Unkan Sobal cinksi wicaye cin dena eepi; Alan, qa Manahiat, qa Ebal, qa Sepo, qa Onan.

24 Unkan Zibeon cinksi wicaye cin dena eepi, Aya qa Ana; Ana kin de atkuku Zibeon tashunka sonsonna wihan wicakiye cehan hopuza en wakoniya kata iyeya.

25 Ana cinhintku kin Dison hee, qa Aholibama Ana cunwintku kin ee.

26 Qa Dison cinksi wicaye cin dena eepi, Hemdan qa Esban, qa Jiteran, qa Keran.

27 Unkan Etzer cinksi wicaye cin dena eepi, Bilhan, qa Zawana, qa Aqan.

28 Dison cinksi wicaye cin dena eepi, Uz qa Aran.

29 Hori kin itancanyan unpi kin dena eepi; Lotan itancan, Sobal itancan, Zibeon itancan, Ana itancan,

30 Dison itancan, Etzer itancan, Disan itancan; Hori kin itancanyan unpi kin, token Sehir makoce kin en itancan wicayawapi kin hena eepi.

31 Israel cinca kin nahahin wicasta yatapi wanica, Edom makoce kin wicasta yatapi wicayawapi kin dena eepi.

32 Behor cinhintku Bela Edom en wicayuhe cin, qa otonwe tawa Dinaba eciyapi.

33 Qa Bela ta, unkan hee kiya Zera cinhintku Jobab Bozra

WICOICAGE.

etanhan wicašta yatapi yawapi.

34 Qa Jobab ta, unkan hee kiya Húsam Teman makoce kin etanhan, wicašta yatapi yawapi.

35 Qa Húsam ta, unkan hee kiya Hadad Bedad cinhintku wicašta yatapi yawapi. Iye Midian *oyate* kin wicakaštaka, Moab tinta kin ohna qa otonwe en ti kin Awit eciyapi.

36 Qa Hadad ta, unkan hee kiya Samla, Masrika etanhan, wicašta yatapi yawapi.

37 Qa Samla ta, unkan hee kiya Šaul, Rehobot watpa kin ohna wanke cin he etanhan, wicašta yatapi yawapi.

38 Qa Šaul ta, unkan hee kiya Balhenan Akbor he cinhintku wicašta yatapi yawapi.

39 Qa Balhenan Akbor cinhintku kin ta, unkan hee kiya Hadar wicašta yatapi yawapi. Otonwe tawa Pahu eciyapi, qa tawicu kin Mehetabel eciyapi, Matred cunwintku Mezahab cunwintku.

40 Esa itancan wicayawapi kin hecen ewicakiyapi, wicowazipi kin iyececa, qa tonwanyanpi kin iyecen cajewicayatapi; Timna itancan, Alwa itancan, Jetet itancan,

41 Aholibama itancan, Ela itancan, Pinon itancan,

42 Qenaz itancan, Teman itancan, Mibsar itancan,

42 Magdiyel itancan, Iram itancan. Edom itancan wicayawapi kin hena eepi, tonwanyanpi kin iyecen, tamakocepi kin en; Edom Esa ate yapi.

WICOWOYAKE 37.

1 Unkan Kanan makoce kin en Jakob atkuku unhdaka un

qon, makoce kin he en Jakob iyotanka.

2 Jakob wicoicage wowapi kin dee, Josep wanna waniyetu ake šakowin, hehan wanuyanpi wihan wicakiya cinye wicaye cin om, qa Bilha qa Zilpa napin atkuku wicayuze cin, hena cinkši wicayapi kin om, hokšidan kin un qa taku šica eyapi kin ateyapi kin en ahda.

3 Unkan Israel, cinkši wicaye cin owasin sam iyeya, Josep wašte kidaka wanna wicahinca ehan kicitonpi kin heon etanhan, qa onhdohda hanska wan Josep kicaga.

4 Unkan ateyapi kin, cinkši wicaye cin owasin sam iyeya Josep wašte kidake cin he cincu wanhdakapi, qa wokiya okiyapi kte cin okihipi šni.

5 Unkan Josep wowihanmde wan ihanmna, qa cincu owicakiyaka; unkan sam iyeya šice kidakapi.

6 Unkan, Ihopo wowihanmde wan iwahanmde cin de nahonpo.

7 Maga ekta aguyapi paunhtapi, unkan inyun pawahšte cin bosdan najin hiyaya, unkan payahtapi kin ihdukšan najin hiyaye ça, pawahšte cin itokam makata ehpeiçiyapi, ewicakiya.

8 Unkan cinye wicaye cin heciyapi, Ehanqon tawaunyayapi kta he? qa isš wowidake unyaduhapi kta he? Qa iyakapeya šice kidakapi, wihanmde cion oie ko heon.

9 Unkan ake wowihanmde tokeca wan ihanmde ça, ake cincu kin owicakiyaka. Ake wiwanhanmde ça inyun anpetu wi, hanyetu wi, qa wicanhpi ake wanji mitokam makata ehpeiçiyapi, ewicakiya.

10 He atkuku cincu ko owicakiyaka; unkan atkuku he iyo-

pekiye ça, Wowihanmde wan iyahanmde cin de taku hwo? Miye qa nihun nicinye ko *owasin* nitokam makipusdiya elpeunki-çiyapi kta he? eciya.

11 Unkan cincu kin icekinpi, tuka atkuku kin wicoie kin he awakicin un.

12 Hehan cincu kin ateyapi tawanuyanpi kin wiñan wicakiyapi kta e Šekem ekta ipi.

13 Unkan Israel Josep heciya, Nicinye Šekem ekta wawilian kiya unpi šni he? Iho wo hena ekta ye ciši kta ce. Unkan, Ho miye ce, eciya.

14 Unkan, Iho ekta de ça nicinye wanuyanpi ko zaniyan yakonpi hecinhan wanhdake ça, hoši makahdi wo, eciya. Unkan Hebron kaksiza kin etanhan iyaye ça Šekem ekta i.

15 Qa tinta onuni; unkan wicašta wan wanyake ça, Den taku ayakita he? eya iwanga.

16 Unkan, Cinye wicawaye cin awicawakita ce. Ceciye tukten wiñan wicakiyapi kin omakiyaka wo, eya.

17 Unkan wicašta qon, Wanna detanhan iyayapi; Dotan ekta unyanpi kta ce, eyapi nawahon ce, eya. Unkan Josep cinye wicaye cin wicihakam ye ça Dotan en iyewicaya.

18 Unkan tehantanhan wan-yakapi qa wicikiyedana u šni kin itokam, nahmana te yapi kta awacinpi.

19 Qa otioyohi hunka wanjitku kin hekiciyapi, Wanyakapo; wihanmdesa kin de wanna u.

20 Ihopo dehan unktepi, qa makohdoka wan ohna elpeunyanpi kte ça, Wamanica ocin šica wan he temya ce, unkeyapi kinhan, wihanmde cion toketu kte cin wanunyakapi kta ce, *ekiciyapi*.

21 Ruben he nahon qa, napepi kin etanhan ehdaku kta e, Unktepi kte šni, eya.

22 Napepi kin etanhan ehdaku kte ça, atkuku kin en akiyahde kta e Ruben hewicakiya; Weyapi šnipo. Woña hewoskantuya wanke cin de ohña iyeyapo, tuka ninapepi on apapi šnipo.

23 Unkan kaketu, Josep iye cincu najinpi kin en hi qehan, taonhdohida yuśdokapi, onhdohida hanska un kin hee;

24 Qa Josep icupi, qa woña wan en iyohpeyapi, tuka woña kin takudan ohnaka šni, mini wanica.

25 Qa aguyapi yutapi kta e iyotankapi, qa pa yuwankan iki-keupi qa, Iśmayeli optaye wan Gileyad eciyatanhan u kin wanwicayakapi, camo yuhapi kin taku waštemna cansin pejihuta koya qinpi, Egipta ekta kun yapi kta.

26 Unkan Juda hunka wanjin wicaye cin hewicakiya, De sunka unyanpi unktepi kinhan, we kin nahmanpi ešta taku unkihdamnapi kta he?

27 Ihopo, Iśmayeli kin dena en wiopeunyanpi kte. De sunka unyanpi qakici celpi unwanjipidan kin heon, nape on unkatapi kte šni, eya. Unkan hunka wanjin wicaye cin anakigoptanpi.

28 Hehan wicašta wopeton hecapi Midiani en hiyayapi. Unkan Josep yuzapi, qa woña qon etanhan yuwankan ehdakupi, qa mazaska wikcemna nonpa on Josep wiopeyapi. Unkan Iśmayeli kin Josep opetonpi, qa Egipta ekta ayapi.

29 Unkan Ruben woña qon ekta hi, unkan Josep en un šni, heon tawokoyake hdupota,

30 Qa hunka wanjitku kin en

wicahdi qa, Hoksídan kin tanin
sni ce, miś toki imdamde kta
hwo, ewicakiya.

31 Unkan Josep taonhdoħda
qon icupi qa tatokadan mdoka
wan ktepi, qa we kin on opu-
tkañpi.

32 Hehan tuwe onhdoħda han-
ske cin ahde śipi qa ateyapi kin
kahipi qa heciyapi; De iyeun-
yanpi ce. Ito de nicinkśi on-
hdoħda tawa qa is tawa śni u-
man tukte hecetu hecinhan iyu-
kean wo.

33 Unkan iyekiye a, Micinkśi
taonhdoħda qon dee. Wamani-
ca śica wan he temya. Ehan-
qon Josep wanna yapotapi ce,
eya.

34 Unkan Jakob tawokoyake
hdupote a, waśihda qa anpetu
ota cinhintku kin akiceya.

35 Unkan cinca wicaye cin
owasin wica winyan ko magaga-
ye wacinpi, tuka is magaga ya-
pi cin śni, qa, Iyomakiśica ecen
micinkśi en Hades ekta mde kta
ce, eye a cinhintku kin akice-
ya.

36 Unkan Midiani kin Egupta
en Josep wiyopeyapi; unkan
Potipar Paro taakicita tancan
opeton.

WICOWOYAKE 38.

1 Hena owasin hecetu, unkan
Juda hunka wanjin wicaye cin
etanhan apamahde ye a, Adu-
lami wicaśta wan Hira eciyapi
ekta i;

2 Qa hen Juda Kanani wicaśta
wan, Śuha eciyapi, he cunwin-
tku wanyake a yuze a en i.

3 Unkan ihduśake a cinca wan
ton; unkan Er eya caś kiton.

4 Unkan ake ihduśake a, cin-
ca wan ton qa, Onan eya caś ki-
ton.

5 Qa ake cinca wan ton qa,

Śela eya caś kiton. He ton kin
ehan Kezib en un.

6 Unkan Juda iye cinhintku to-
kapa kin Er, winoħinea wan,
Tamar eciyapi yus kiya.

7 Unkan Er Juda cinhintku to-
kapa kin he śica e Jehowa wan-
yake a, Jehowa he te ya.

8 Hehan Juda Onan heciya,
Nicinye tawicu qon ekta ye a,
he yuza wo. Hecen nicinye
cinkśi ye kte cin yakage kta
ce.

9 Unkan cinca kin he iye tawa
yawapi kte śni Onan sdoneye, a
cinca cinca kicage kte śni e cin-
cu tawicu qon en i eca, maka
kin atpapson.

10 Unkan taku econ kin he śi-
ca e Jehowa wanyake a, he na-
kun te ya.

11 Hehan Juda iye takośku kin
Tamar heciya, Wiwazica niyate
ti kin en yanka wo, micinkśi Śe-
la tanka icage cin hehanyan.
Okini is nakun cinye wicaye cin
iyecen te kta kecin, heon hecen
eya. Unkan Tamar kihde a
atkuku ti kin en yanka.

12 He iyohakam anpetu ota,
qa Śuha cunwintku Juda tawicu
kin wanna a; unkan Juda wan-
na magaga yapi, qa Timnat ekta
tahn wanuyanpi tawa yuśda-
pi kin ekta itawankanhde ya,
iye takodaku Hira Adulami kin
kicica.

13 Unkan Tamar heciyapi, Iho
nitunkan tahn wanuyanpi tawa
hduśda kta e Timnat ekta ita-
wankanhde ya ce, eyapi.

14 Unkan Tamar iyoyakeca
wokoyake hduśdoke a, ite aha-
ħpe on aihdaħpe a, Timnat can-
ku iyahde kin he icahda tanin-
yan iyotanka; Śela wanna tan-
ka, tuka qupi śni he wanyaka,
heon hecon.

15 Juda he wanyaka ite aihda-

WICOWOYAKE 39.

hpe cin heon winohinca wihomni heca kecin ;

16 Qa canku kin etanhan ekta i, qa takošku kin hee kin sdoneyě sni heon, Tokin unwanken, eciya. Unkan unwanke a, taku maya-qu kta he ? eya.

17 Unkan, Miš wanuyanpi kin etanhan tatokadan cincadan wan nicahipi waye kta, eya. Unkan, Au wicayakiye cin itokam taku mayaqu kinhan, eya.

18 Unkan, He ciu kta e sdonyaye kte cin on etanhan taku e nakaha ciu kta yacin he ? eya. Unkan, Maza huhu duhe cin ikan iyahna, qa nakun nitacanhpi ninape ohna duhe cin, eya. Unkan hena qu qa, kici wan-ka ; unkan iye etanhan ihdušaka.

19 Qa najin qa hde a ite aka-hpe hdušdoke a ake wašihda.

20 Unkan Juda taku qu qon, winohinca nape kin etanhan ehdaku kta e, takodaku Adulami kin tatokadan cincadan aye ši, tuka iye winohinca qon iyeye sni.

21 Qa wicašta heciya yakonpi kin iwicawanga ; Witkowin canku ohna taninyan iyotanke ci-qon tukte e he ? eya. Unkan, Tohini witkowin wan deciya yanke sni, eyapi.

22 Unkan ihdamna, qa Juda ekta i qa heciya ; Winohinca qon iyewaye sni qa, nakun wicašta heciya yakonpi kin, Witkowin wanjidan tohini deciya un sni ce, eyapi.

23 Unkan, Yuha un nunwe. Tatokadan cincadan-kin de aye ciši tuka iyeyaye sni ; sanpa un-kakite cinhan, okini wowihaha unke kta, Juda eya.

24 Unkan hetanhan wi yamni hehan, Nitakoš Tamar wawici-haha econ, qa wanna wawiciha-

ha kin etanhan ihdušaka ce, Juda eciyapi. Unkan, Tankan aupo ; hulinage kta ce, eya.

25 He aupi kin icunhan tunkanku hecen wahoya, Tokin maza huhu kin de ikan iyahna, qa canhpi kin de, dena tuwe tawa imiyecidukcan. Tuwe dena tawa ye cin, wicašta kin he etanhan ihdumašaka ce, eya.

26 Unkan Juda hena iyekiye a, Winohinca kin he ohan owotanna miš hemacece sni ; he micinkši Šela waqu sni kin heon etanhan, eye a hetanhan icimana winohinca qon sdoneyě sni.

27 Unkan wanna cinca ton kte ehan, inyun tezi mahen cekpa yukan.

28 Qa tonpi kin icunhan, wanji nape kin qu ; unkan cinca tonkiye cin he nape kin icu, qa taku duta iyakaške a, De tokaheya hinanpe kta ce, eya.

29 Unkan nape kin ehdaku, hehan inyun cincu hiyu. Unkan winohinca kin heya, Token payahdeca ; Opaħdeca kin de anicipe nunwe, eye a, Parez eya caš ton.

30 Hehan sunkaku taku duta nape kin akan yuhe cin he hiyu ; unkan he Zara eya caš ton.

WICOWOYAKE 39.

1 Unkan İsmayeli kin Josep Egupta ekta ayapi. Unkan Potipar Egupton wicašta kin heca, Paro taakicita tancan kin he aupi kin Josep opewicakicaton.

2 Unkan Jehowa Josep kici un. Unkan taku econ kin owasin tanyan ihuni ye a iye yuhe cin Egupton ti kin en yanka.

3 Unkan Jehowa kici un, qa taku nape econ kin owasin Jehowa tanyan yušan kiye cin he yuhe cin wanyaka.

WICOICAGE.

4 Unkan Josep yuhe cin okiye ça iyokipi ya ; unkan tiyohnaka tawa owasin awanyag ši, qa taku tawa owasin nape kin en qu.

5 Unkan tipi tawa, qa taku tawa owasin awanyag ši kin ehantanhan, Jehowa Josep on etanhan Egupton tiyohnaka kin yawašte, qa taku ti ohnaka, qa tamaga ekta wanke cin ko owasin, Jehowa yawašte kin akan un.

6 Hehan taku tawa owasin Josep nape kin en ehpeye ça, is takudan awakicin šni, aguyapi hdute cin heceedan. Unkan Josep owanyag wašte, tancan ite ko wašte.

7 Hena owasin hecetu ; unkan hehan yuhe cin tawicu kin Josep atonwe ça, Mici wanka ye, eya.

8 Tuka wicada šni qa yuhe cin tawicu kin heciya ; Hiya, mayuhe cin taku tawa owasin minape kin en qu, qa taku tipi ohnaka kin mici un kin iye sdonye šni.

9 De tipi kin ohna tuwedan iyamakapa šni ; qa nihihna miye etanhan takudan tpatan šni, niš nana niyuze cin heon etanhan, qa token woahitani tanka kin de ecamon, qa Wakantanka en waahitani kta he ? eya.

10 Unkan winohinca qon anpetu owasin heciya, qa kitan linca, tuka Josep anagoptan šni, kici iwanke šni qa ecaca kici un šni.

11 Unkan kaketu, anpetu wan Josep taku tokon kta e ti mahen i ehan, wicašta hen tipi kin tuwedan timahen un šni.

12 Unkan winohinca qon Josep tašina kin iyahpaye ça, Mici iwanka ye, eya ; tuka šina kin winohinca nape kin etanhan ehpeya našdog hdiu, qa tankan iyaya.

13 Unkan nape kin etanhan šina ehpeya tankan našdog hdiu kin he winyan kin wanyake ça,

14 Hehan wicašta tona ti kin ohna tipi kin hena wicakipan, qa hewicakiya, Wanyakape, Heberi wicašta wan den unkahdipi, unkan wištenunyanpi cin. Manke cin en mahi qa mici wanke kte hinca, tuka ho tankakiya nina wašicahowamda.

15 Nina ho tankakiya wašicahowamde cin he nahon, qa wapapan qehan, mitankiyedan šina ehpeya našdog tankan iyaya ce, eya.

16 Qa yuhe cin hdi kte cin ehanyan šina qon, itankiyedan ehna.

17 Qa eye ciqon owasin ake ecen okiyaka, Heberi hokšidan unyahdipi kin he imahia kta e mikiyadan u.

18 Qa ho tankakiya wašicahowamde çehan mitankiyedan šina ehpeya našdog tankan iyaya ce, eya.

19 Unkan yuhe cin he tawicu oie kin, Hokšidan nitawa kin hecen ecamicon, eciye cin he nahon hehan cantiyahdeya.

20 Qa yuhe cin Josep icu, qa wicašta yatapi tona kaška wicahnake cin tipi wan en kaška wicahnakapi kin he en Josep kaška ehna. Unkan wicakaška tipi kin en yanka.

21 Unkan Jehowa Josep kici un qa, towaonsida kin hiyohiya qa wicakaška tipi kin itancan kin he Josep wacin en yus kiya.

22 Unkan wicakaška tipi itancan kin, tona wicakaška tipi kin en kaška wicahnakapi kin owasin, Josep nape kin en qu. Unkan taku hen econpi kin owasin Josep econ wicakiya.

23 Hecen Jehowa Josep kici

WICOWOYAKE 40.

un, qa taku econ kin owasin tanyan yuſtan kiya ; heon wicakaſka tipi itancan kin, taku Josep nape en yuhe cin hena takudan awanhdake ſni.

WICOWOYAKE 40.

1 Hena owasin hecetu, unkan hehan Egupta wicaſta yatapi tawayatkekiye tawohekiye ko, wicayuhe cin Egupta wicaſta yatapi kin en walitanipi.

2 Hecen Paro akicita nom wicayuhe cin canniye wicaya, wayatkekiyapi tancan, qa wohekiyapi tancan kin henioza.

3 Qa akicita tancan tipi tawa wicakaſka tipi kin tukten Josep kaſka hnakapi yanke cin he en awanyag wicakiyapi kta e ewicahnaka.

4 Unkan akicita tancan kin he Josep hena awanwicayag kiya, unkan owicakiya. Unkan anpetu ota kaſka hnakapi ecen yukanpi.

5 Hehan Egupta wicaſta yatapi tawayatkekiye, tawohekiye ko, wicakaſka tipi kin ohna kaſka wicahnakapi, hanyetu wanjidan en kinukan wowihanmde ihanmnapi, otoiyoſi wihanmnapi kin iyukanpi kin iyecen.

6 Hehan ihanhanna Josep en wicahi qa iyokiſicapi kin wanwicayaka.

7 Qa Paro taakicita wicakaſka *tipi* kin, iye yuhe cin tipi tawa kin he en iye kici unpi wicawanga ; Tokeca nakaha ite iyoyag dukanpi he ? eya.

8 Unkan wowihanmde wiunhanmnapi, tuka tuwe iyukan kte cin den wanica ce, eciyapi. Unkan wiyukan kin Wakan-tankah ee ſni he ? Wiyahanmnapi kin omakiyakapo, Josep ewicakiya.

9 Hehan wayatkekiyapi tancan kin wihanmde ciqon ohdaka qa, Wiwahanmde cin en hastanhanka iyuwi wan mitokam han.

10 Qa adetka yamni wiyuwi aicage ça ape walica ko icali ye, qa iyage hastanhanka suton yapi.

11 Hehan Paro wiyatke tawa kin minape ohna mduha, qa hastanhanka kin iwacu, qa Paro wiyatke tawa kin ohna mduſkice ça Paro nape kin en wiyatke kin ewehde, eya.

12 Unkan Josep heciya, Wiwahanmde cin he kaken ka. Adetka yamni qon anpetu yamni ee.

13 Ebake yamni can Paro nipa kin yuwankan inicu kte ça nanke ciqon ake en anihde kta ; unkan tokaheya wayatkeyakiye ciqon wicohan kin ake ecen eanon kta, Paro nape kin en tawiyatke kin yaqu kta.

14 Hena hecetu kinhan miksu ya wo. Tokin tanyan yaun kinhan wowaſte ecamiyecon, Paro en caje mayadaten qa tipi kin de etanhan hinanpe mayayen.

15 Awicakehan Heberi tamakocepi kin etanhan mamonopi, qa deciya takudan ecamon ſni on makolidoka kin den emahnakapi kta, eya.

16 Hehan wohekiyapi tancan kin wiyukan waſte e wanyake ça Josep heciya ; Miſ nakun wiwahanmde ça inyun, aguyapi makanopiye yamni mapa kin akan.

17 Qa makanopiye akantu kin ohna Paro tawoyute ocaje owasin wohekiyapi kage cin. Unkan zitkadan hena temyapi, makanopiye mapa kin iwankam un kin hetanhan.

18 Unkan Josep ayupta ; He kaken ka. Makanopiye yamni kin anpetu yamni eepi.

WICOICAGE.

19 Ehake yamni can Paro pa kin yuwankan inicu qa, can akan otke niye kta; hehan zikadan nicelipi kin etanhan yutapi kta.

20 Unkan iyamni can, anpetu en Paro tonpi kin he *kiksuyapi* kta e wowidag wicaye cin owasin wowicakihe, ça wayatkekiyapi tancan wohekiyapi tancan henioza wowidake wicaye cin wicahna hdinanpe wicaya.

21 Qa wayatkekiyapi tancan kin wayatke wicakiye ciqon wicohan ake hecon ši; unkan wiyatke kin Paro nape kin en qu.

22 Tuka wohekiyapi tancan kin otke ya, Josep iwicakiciyukcan qon iyecen.

23 Unkan wayatkekiyapi tancan kin Josep kiksuye šni, tuka akiktonja.

WICOWOYAKE 41.

1 Hehan tanhan waniyetu nonpa hehan Paro wihanmna. Unkan iho wakpa kahda injin.

2 Qa inyun wakpa kin etanhan, pte šakowin owanyag wašte qa cepa heca hinanpapi, qa tinta en wihanpi.

3 Qa hena ihektapa tanhan pte tokeca šakowin owanyag šica qa tamaheca hecapi, wakpa etanhan hinanpapi, qa pte umanpi qon ehna wakpica hda najinpi.

4 Qa pte owanyag šica tamaheca hena pte owanyag wašte cepapi šakowin qon temwicayapi. Unkan Paro kikta.

5 Ake ištima qa inonpa wihanmna. Unkan inyun wamnaheza hu wanjidan wahuwapa šakowin suton, qa waštešte aicaga.

6 Qa hena iyohakam wahuwapa tokeca šakowin hinanpa, tuka šiksica qa wiyohiyanpa tanhan tate on šnija.

7 Qa wahuwapa conica ton šni kin wahuwapa suton qa ojugjudan qon owasin temya. Paro hecen wihanmde ça hehan kikta.

8 Unkan ihanhanna qehan Paro nagi kin iyokišice ça, Egupton en pejihuta wicašta qa wicašta ksapapi kin owasin wicakico, qa wihanmde ciqon Paro owasin owicakiyaka; tuka tuwedan yukcan okihi šni.

9 Hehan Paro wayatkekiyapi tancan kin ie ça, Anpe dehan wawalitani kin weksuya ce.

10 Paro taokiye kin canniye wicaye ça, akicita tancan tipi kin en kaška mahnaka, miye qa wohekiyapi tancan kin he nakun.

11 Unkan hanyetu wanjidan en wiunhanmnapi, miye iye kici kinukan, wihanmnapi iyukcanpi kin iyecen wiunhanmnapi.

12 Unkan hen unkicipi koška wan Heberi kin heca, akicita tancan tahokšidan kin he wiunhanmnapi kin unkokiyakapi, unkan iye hena iyukcan otoiyo hi wiunhanmnapi kin iyecen unki-ciyukcanpi.

13 Unkan unkiciyukcanpi kin ecetu; miye ake wiyatke yuhe makiye ça uman kin otke ya.

14 Hehan Paro Josep huwe ye wicaši, unkan wicakaška tipi kin etanhan kiyuškapi, hehan putin hin hdasar, qa wokoyake tokeca kiçun qa Paro yanke cin en hi.

15 Unkan Paro Josep heciya, Wowihanmde wan iwahanmna, unkan he yukcan kta okihi tuwedan iyewaye šni, tuka wihanmnapi niš nayahon unkan idukcan oyakihi keyapi nawahon.

16 Unkan Josep ayupte ça, Miye ee šni, Wakantanka eqe toketu kin tanyan oniciyake kta ce, eciya.

WICOWOYAKE 41.

17 Unkan Paro ie ça, Wiwanmde ça watpa hutata kin nawajin ;

18 Qa inyun wakpa kin etanhan, pte śakowin cepa, owanyag wašte hinanpapi, qa tinta kin en wihanpi.

19 Unkan hena iyohakam pte tokeca śakowin tamaheca, owanyag śikśica hinanpapi ; tamahenheca śica hena iyececa, Egipta makoce kin en tohini wanmdake śni.

20 Qa pte tamahenheca śice cin pte śakowin cepa tokaheya qon temwicayapi.

21 Unkan tan mahen iyayapi kin hehan, tan mahen iyayapi kin sdonye pica śni ; otokahe ekta śikśica taninpi qon nahahin hececapi. Unkan hehan wekta.

22 Qa ake wiwanmde ça inyun wamnaheza hu wanjidan wahuwapa śakowin hanskaska waštešte aicage cin wanmdaka.

23 Hehan ake wahuwapa śakowin cikcistina, wiyohiyanpata tateyanpa kin on śnijapi, qa co wanica hinanpapi.

24 Qa wahuwapa cikcistina wahuwapa śakowin waštešte qon owasin temyapi. Unkan wicašta wiyukan heca owicawakimdaka, tuka miciyukanpi śni.

25 Hehan Josep Paro heciya, Paro wihanmde cin hena okonwanjidan, Wakantanka token econ kte cin he Paro okiyaka.

26 Pte śakowin wašte qon, hena waniyetu śakowin ee ; qa wahuwapa śakowin waštešte qon, hena nakun waniyetu śakowin ee, wowihanmde kin hena wanjidan.

27 Qa pte śakowin tamaheca, qa śice cin umanpi kin iyohakam hinanpapi kin, hena waniyetu śakowin ee, qa wahuwapa śako-

win cikcistina wiyohiyanpata tateyanpa kin on śnija kin hena nakun, waniyetu śakowin wicaakihan kte cin hee.

28 Paro taku ewakiye cin he dee. Wakantanka taku econ kte cin he Paro wanyag kiya.

29 Hecetu kta, tokata waniyetu śakowin hehanyan, Egipta makoce kin owancaya taku owasin iyakiçuya icage kta.

30 Qa hena iyohakam waniyetu śakowin wicaakihan kta, qa Egipta makoce kin en taku iyakiçuya icage kte ciqon akiktunjapi kte ça, wicaakihan kte cin makoce kin awihnnuni kta.

31 Unkan hehan wicaakihan kte cin iyotan tehike kte cin makoce kin en, heon wipipi qon sdonyapi kte śni.

32 Qa wicoie kin de Wakantanka yuecetu kte ça, wanna kohanna Wakantanka econ kta, heon Paro nonpa akihde wihanmna.

33 Qa wanna Paro wicašta wan ksape ça wayupika akite ça, Egipta makoce kin yuhe kiya nunwe.

34 Qa Paro akicita wicakage ça makoce kin en wicahdusuta kte ; unkan waniyetu śakowin wipipi kta hena icunhan, taku makoce aicage kte cin owasin izaptanptan icupi nunwe.

35 Hecen waniyetu śakowin waštešte kte cin hena icunhan, woyute ocaje owasin kamnapi kte, Paro nape kin ihukuya, tonwanyanpi kin en aguyapi pahipi kte cin he woyute awanyakapi nunwe.

36 Qa waniyetu śakowin wicaakihan kte cin Egipta makoce kin en hena on, taku yutapi kihnakapi kinhan, makoce kin wicaakihan kte cin on awihnnuni kte śni, eya.

37 Unkan Paro ookiye wicaye cin ko wicoie kin he wašte dakapi.

38 Hehan Paro iye taokiye kin hewicakiya; Wicašta wan Wakantanka taniya en un kin de iyececa iyeunyanpi pica he?

39 Qa Paro Josep heciya, Wakantanka de owasin sdonye niciye cin, niš nana widukcan qa yaksapa, tuwedan iyenicece šni.

40 Niš wati kin awanmiyecidake kta, qa oyate mitawa owasin oie ananigoptanpi kta. Oiyotanke kin en hecedan iciwan kam waun kta.

41 Qa wanyaka wo, Egipta makoce kin owasin yuhe ciciya ce, eya.

42 Hehan Paro maza napcupe hdušdoke ça Josep nape kin ohna iyeye ça, minihuha ska wašte koyag ye ça, mazaskazi wanapin wan napin kiya.

43 Qa canpahmihma yuhe cin etanhan canpahmihma inonpa kin he ohna iyotang ye ça, Ito kam canpeška makehde inajinpo, ieyanpaha eyapi, qa Egipta makoce kin owasin yuhe kiyapi.

44 Qa Paro Josep heciya, Paro miye ce. Oyate kin tuwedan iye cinka takudan econ kte šni. Niš nana token econ wicayaši kin hecetu kta ce.

45 Qa Paro Josep, Wicoicage nikiye cin, eya caš ton, qa On *otonwe* kin en wošnapı kage cin, Potipera he cunwintku Asenat tawicu kta e qu. Unkan Josep Egipta makoce kin ehna iyaya.

46 Josep, Egipton wicašta yatapi Paro itokam najin qehan, wanna waniyetu wikcemna yamni qa, hehan Josep Paro itokapa tanhan inanpe ça Egipta makoce kin owancaya iyoptapta iyaya.

47 Unkan waniyetu wipipi kin hena icunhan, makoce kin napohnahnaka icalı ya.

48 Qa waniyetu šakowin Egipta makoce kin en, taku yutapi owasin pahipi, qa tonwanyanpi kin en kihnakapi; otonwe otaiyohi ohna maga ihdukšan un kin etanhan woyute otonwe kin en kihnakapi.

49 Qa Josep, miniwanca kahdaya wiyaka wanke cin iyecen, aguyapi ota linca pahi, yawapıca šni nakaeš yawapı kte cin ayaštanpi.

50 Unkan Josep cinca wica nonpa kicitonpi, waniyetu wicaakihan kin itokam, Asenat Potipera On en wošnapı kage cin he cunwintku kin hena Josep kiciton.

51 Iyomakišice ciqon owasin, qa ate ti kin owasin Wakantanka akiktunš mayan, eye ça tokapa kin Manaše eya caš kiton.

52 Qa, Makoce en kakiš mayanpi qon, he en Wakantanka taku icalı mayan, eye ça iyokihe Epraim eya caš kiton.

53 Unkan waniyetu šakowin wipipi kin Egipta makoce kin en wanna henakeca.

54 Qa waniyetu šakowin wicaakihan kte cin wanna en au, Josep eye ciqon hecetu. Unkan makoce owasin en wicaakihan, tuka Egipta makoce kin en owancaya aguyapı yukan.

55 Unkan Egipta makoce kin owancaya akihanpi kte çehan, oyate kin aguyapı on Paro hoyekiyapı. Unkan, Josep ekta yapı qa, token econ nišipi kin ecen econpo, Paro Egipton owasin ewicakiya.

56 Wanna maka ohnaka owancaya wicaakihan, hehan Josep aguyapı opiye kin owasin hdu-

hdoke ça, Egupton taku yutapi wicaqu ; Egupta makoce kin en wicaakihan tehika aye nakaś.

57 Unkan maka owancaya etanhan, Egupta ekta Josep en taku yutapi opeton hipi, maka kin owancaya nina wicaakihan ece.

WICOWOYAKE 42.

1 Hehan Egupta makoce kin en aguyapi yuke cin Jakob wanyake ça cinkśi wicaye cin hewicakiya, Tokeca ecin opakicilita dukanpi he ?

2 Ihopo Egupta heciya aguyapi yukan *keyapi* nawalion. Ecin kutkiya ekta yapi qa heciya tanhan woyute opeunkicatonpo, kinhan unnipi qa unṭapi kte śni ce, eya.

3 Unkan Josep cinye wicaye cin wikcemna qon aguyapi opetonpi kta e Egupta *makoce kin* ekta kutkiya ipi.

4 Tuka Benjamin Josep sunkaku kin ope śni, Okini taku śica akipe kta naceca, Jakob eye ça hecen ye śi śni.

5 Unkan Kanan makoce kin en wicaakihan, heon uman hipi kin om, Israel cinkśi wicaye cin woyute opeton hipi.

6 Wanna makoce kin en Josep itancanyan un, qa makoce kin ohna oyate hiyeye cin owasin taku yutapi wicaqu kin Josep hee. Unkan cincu qon en hipi, qa itokam ite makipusdiya makata elipeiciyapi.

7 Unkan Josep wanwicayake ça cincu iyewicakiya, tuka wicitokam ihdutokeca, qa icanksiya owawicakiya qa, Tokiyatanhan yaupi he? eya iwicawanga. Unkan Kanan makoce kin etanhan taku yutapi opeton unhipi ce, eyapi.

8 Hecen Josep ege cincu kin

iyewicakiya, tuka iye Josep iyekiyapi śni.

9 Hehan Josep wowihanmde ihanmde ciqon kiksuye ça, Makoce iwanyakapi kin henicapi, qa makoce wanna śdayehna wanke cin he iwanyag yahipi ce, ewicakiya.

10 Unkan, Hiya itancan hecetu śni. Hokśidan nitawa woyute opeton unhipi.

11 Wicaśta wanijidan owasin cinkśi unyanpi. Unkiye iewicaunkapi ; hokśidan nitawa kin makoce iwanyakapi kin heuncapi śni ce, eciyapi.

12 Unkan, Hiya makoce śdayehna wanke cin he iwanyag yahipi ce, ewicakiya.

13 Unkan, Hokśidan nitawa hunka wanjin unkiciyapi ake unnonpapi ; Kanan makoce kin en wicaśta wanjidand ate unyanpi, qa hakakta kin he anpe dehan ate unyanpi kin kici yanka, qa wanjidand tanin śni, eyapi.

14 Unkan, Makoce iwanyakapi kin henicapi ; eya eciciyapi qon he hecetu ce.

15 Deciya tanhan niyukcanpi kta. Paro ni un kin nisunkapi cistinna kin he hi śni kinhan detanhan tokidan dapi kte śni.

16 Ihopo, niyepi kin wanjidand sunka yayapi kin hduwe ye śipo, qa nioiepi kin yahduwicakapi kin hehanyan kaśka dukanpi kta. Hecen niyukcanpi kta, hecetu śni kinhan, Paro ni un kin makoce iwanyakapi kin henicapi kta, Josep ewicakiya.

17 Qa iyamni can hehanyan witaya onatag wicahnaka.

18 Anpetu iciyamni hehan Josep hewicakiya, Wakantanka kowakipa ce. Kaken e econpo qa ni unpo.

19 Wicayakapi kinhan, hunka wanjin yayapi kin wanjidand ka-

WICOICAGE.

ška yanke kta, tipi kin de onatag nihnakapi kin he en, qa niye umanpi kin ihopo, tiyohnaka nitawapi kin wicaakihan kin on woyute akiyahdapo.

20 Qa sunka yayapi cistina kin he miye en makaupo, hecen nioie yahduwicakapi kinhan nitapi kte šni. Unkan ecen econpi.

21 Qa iyakitedan hekiciyapi, Ehanqon waunhtanipi. Sunka unyanpi wacin iyokišin wanunyakapi qa ceunkiyapi, tuka anaungoptanpi šni, heon wocante šice cin de unhiyahdepi ce, eyapi.

22 Unkan Ruben ayupte ça, Hoksídan kin en wahtanipi šni-po eciciyapi šni he? tuka anamayagoptanpi šni; unkan ecin iye we kin wanna wiunwanga-pi kin he dee ce, eya.

23 Unkan Josep he nañon sdonyapi šni. Taku ewicakiya eca wicašta wan ie ska kiya ece nakaes.

24 Tuka Josep wicitokapa tanhan toki ye ça ceya. Hehan icicawin en wicahdi qa, taku ewicakiye ça, hehan umanpi kin etanhan Šimeyon icu qa, istapi kin wicitokam pakihta.

25 Hehan Josep wojuha tawapi kin aguyapi on ojuwicakicitonpi kta, qa mazaska tawapi otoiyołi wojutonpi kin en owicakicihnakapi kta; waneya nakun wicaqupi kta, keya. Unkan hecen ecawicakicon.

26 Unkan šuktanka šonšonna kin taku yutapi qin wicakiyapi qa hdapi.

27 Qa tukten kiwankapi kin, wanji tašunke šonšonna wo qu kta e wojutonpi kin hduhdoka; unkan inyun wojutonpi i kin en tamazaska kin yanka.

28 Unkan hunka wanjin wica-

ye cin hewicakiya, Mazaska mduhe ciqon ake micupi. Wan-yakapo, wojutonpi mitawa kin en ohnakapi ce. Unkan owasin icanwankapi qa ikopapi qa, De taku Wakantanka ecaunkiconpi hwo, ekiciyapi.

29 Qa Kanan makoce kin ekta ateyapi Jakob en hdipi, qa token akipapi qon owasin okiyakapi.

30 Makoce yuhe cin he ihnuhana icanksiya taku unkekiciyapi, qa makoce kin iwanyag unkipi iyecen ecaunkiconpi.

31 Tuka, Oñan unkowotanpi qa makoce iwanyakapi kin heuncapi šni;

32 Hunka wanjin unkiciyapi ake unnonpapi hena owasin ate unwanjipidan, wanjidan tanin šni, qa hakakta kin he anpe dehan Kanan makoce kin en ate unyanpi kici yanka ce, unkekiciyapi.

33 Unkan, Oñan oniwotanpidan kinhan, detanhan sdonwaye kta ce. Hunka wanjin yayapi kin wanjidan den mici yanke kta, qa yatipi kin en wicaakihan kin on, woyute icupi qa ekta hda-po.

34 Qa sunka yayapi hakakta kin he makaupo. Kinhan makoce iwanyakapi kin henicapi šni, qa oñan oniwotanpidan kin sdonwaye kta ce, qa hehan, hunka wanjin yayapi kin de cičupi kta; kinhan makoce kin den wopeyatnpi kta ce, makoce yuhe cin unkekiciyapi ce, eyapi.

35 Hehan wojutonpi kin tokokadapi; unkan inyun mazaska apahtapi qon, owasin wojutonpi kin en yanka. Owasin ateyapi kin kici mazaska apahtapi qon wanhdakapi, qa inihanpi.

36 Hehan Jakob ate yapi kin hewicakiya; Miye micinca ma-

WICOWOYAKE 43.

yakipi, Josep tanin šni, qa Šimeyon tanin šni, qa Benjamin iyacupi kta; hena owasin iyokišin mayanpi.

37 Unkan Ruben he atkuku kin heciya, He minape kin en maqu wo. Miš niye en awahdi kta ce. He niye en awahdi šni kinhan, micinca nom kaža iye-wicaya wo, eya.

38 Tuka, Micinkši kin *de* nicipi ye kte šni ce. Cincu wanna te ça is nana okaptapi, qa canku ohna dapi kin he tahepi Benjamin taku šice cin akipe cinhan, mapa ska kin Hades ekta iyokišin yemayayapi kta ce, eya.

WICOWOYAKE 43.

1 Wanna makoce kin en wicakihan tehika aya.

2 Unkan aguyapi Egipta etanhan ahđipi qon temyapi, hehan ateyapi kin hewicakiya, Ake ekta yapi qa taku yutapi onge opeunkicitonpo.

3 Unkan Juda ayupte ça, Wicašta qon, Nisunka nicipi *hi* šni kinhan miite kin wanmayadakapi kte šni ce, nina kitanyan unkekiciyapi.

4 Hecen niš sunka unyanpi kin unkipi ye yaši kinhan kun unyanpi, qa woyute opeunnicitonpi kta.

5 Tuka, niš ye yaši kte cin ta-watenya ye šni kinhan, kun unyanpi kte šni. Nisunkapi kin ope šni kinhan, miite kin wandakapi kte šni ce, wicašta kin unkekiciyapi ce, eya.

6 Unkan, Tokeca nisunka wanji yuke cin, wicašta kin oyakidakapi qa šicaya ecamiyeconpi he? Israel eya.

7 Unkan, Wicašta kin atayedan wicowazipi kin unkiwanga-pi, qa heya, Niyatepi kin naha-

hin ni he? Nisunka wanji yukan he? Unkan owasin wicoie kin hena ecen unkokiyakapi. Ecin token on, Nisunkapi kin makaupo, eye kte cin sdonunyanpi kta he? eyapi.

8 Qa, Koška kin mici ye ši wo, kinhan naunjinpi qa unyanpi kta; hecen unnipi kta, unkiye niye unkcincapi ko owasin un-tapi kte šni.

9 Miš he awanmdake ça minape kin etanhan mayakida kta. Niye en cicicahdi šni, qa nitokam ewehde šni kinhan, anpetu owasin, Niye en wawahtani *ke-makiiyapi* kta.

10 Ye unkapinpi šni unkanš, wanna dehan inonpa unhdipi kta tuka ce; Juda atkuku Israel eciya.

11 Unkan, Hecetu hecinhan kaken e econpo. Makoce kin de waskuyeca tukte iyotan wašte kin wojuha duhapi kin ohna yuha yapo, cansin onge, qa hastanhanka hanpi tiktica onge, qa taku waštemna, qa pejihuta yatan, hma qa uma, henakiya wicašta kin yaqupi kta.

12 Mazaska nakun oiyopeye nom, nape kin ohna icupo, mazaska wojutonpi ohna yahdohdipi qon he koya, nape ohna adapi kta, he wanun econpi naceca.

13 Nisunkapi kin nakun icupi, qa najinpi qa wicašta qon ekta ake yapo.

14 Qa wicašta kin cante niciyapi qa hunka wanjin yayapi kin, uman kin he ku ši kte, Benjamin koya, Taku wakan Otancanke ionšnidapi kte. Miš micinca makipi kinhan hecen makipi kta, ateyapi Israel ewicakiya.

15 Hecen wicašta kin taku ikce qupi kte cin he icupi, qa mazaska nape ohna icupi, qa

WICOICAGE.

Benjamin kici inajinpi, qa Egupta ekta kun yapi qa Josep itokam inajinpi.

16 Unkan Josep wanwicayaka, Benjamin kici, qa taokiye wan tipi awanyake cin he heciya; Wicašta kin dena tin awicaye ça, wanuyanpi wan pata, qa spanyan wo. Wiyotanhan hehan wicašta kin dena om wawate kta ce.

17 Unkan wicašta kin token Josep eye cin owasin ecen econ, qa Josep ti kin ti mahen u wicaši.

18 Unkan Josep ti kin ti mahen awicaipi kin heon wicašta kin kokipapi qa, Mazaska tokaheya wojutonpi unkitawapi kin ohna unhdohdapi qon, heon anauntanpi, qa taku iyaunkonpapi kta e unkiopi, qa wayaka unyuzapi kta unkiye šuktanka šonšonna unhapi koya, eyapi.

19 Qa Josep ti kin awanyake cin he en ikiyedana hinajinpi, qa tipi tiyopa kin en okiyapi.

20 Qa, Itancan otokahe ekta taku yutapi opeuntonpi kta e kun unhipi.

21 Qa owanka qon, en unkiwankapi, qa wojutonpi unhdohdokapi, unkan mazaska unkahipi qon otoiyohe wojutonpi unkitawapi i kin ohna yanka, mazaska aspeunkiye unkitonpi qon he iyececa, he owasin nape ohna unnicicahipi.

22 Qa mazaska tokeca on taku yutapi opeuntonpi kta e nape ohna yuha unhipi. Tuwe mazaska unkahipi qon, unkitawojutonpi kin ohna iyohpeye cin sdonunyanpi šni ce, eyapi.

23 Unkan, Tanyan yaunpi kta ce. Wikopapi šni po. Taku wakan yadapi kin niyatepi ta Wakantankapi kin hee wojutonpi nitawapi kin ohna woyuha uičupi. Mazaska nitawapi qon

miye en makahipi, eye ça hehan Šimeyon wicitokam hinanpe ya.

24 Qa Josep ti kin ti mahen u wicaši, qa mini wicaqu; unkan siha hdujajapi, qa šuktanka šonšonna tawapi kin nakun taku yutapi wicaqu.

25 Unkan, Hen aguyapi yutapi kta keya nahonpi, heon wiyotanhan hehan Josep hdi kte cin he itokam taku ikce qupi kte cin owasin wiyeya ehnapapi.

26 Unkan Josep tiyata hdi hehan taku ikce qupi kte cin, nape ohna Josep en ti mahen aupi, qa itokam makipusdiya ehpeičiyapi.

27 Unkan, tanyan unpi hecinhan iwicawange ça, Niyatepi kin wicahinca cajedatapi qon nahahin ni he? tanyan un he? eya:

28 Unkan, Nitaokiye ate unyanpi kin he nahahin ni, qa tanyan un ce, eyapi qa patujapi qa makata ehpeičiyapi.

29 Unkan Josep en etonwe ça, sunkaku Benjamin kici hunku wanjidan kin he wanhdake ça, Sunkayayapi cistina miye en cajedatapi qon he dee he? eye ça, Micinkši Wakantanka cantonihnake kte, eya.

30 Qa sunkaku kin en cante kin škanskan he cin heon Josep inahniyan tukten ceye kta akite ça wankan tipi ekta i, qa ceya.

31 Hehan ite kin hdujaja qa hdinanpe ça ihduhe ça, Aguyapi ehnapo, eya.

32 Unkan aiyog Josep qupi, qa hunka wanjitku kin is aiyog wicaqupi, qa Egupton tona hen wotapi kin aiyog wicaqupi; Egupton Heberi om aguyapi yutapi okihipi šni nakaes, heconpi kinhan isten iciyapi kta.

33 Unkan Josep itokam iyotankapi, tokapa kin watokapa kin iyecen, qa hakakta kin ci-

WICOWOYAKE 44.

stina un kin iyecen, qa wicašta qon iyakitedan yušinyayapi.

34 Taku yutapi iyacinpi otoiyohi wicaqu, tuka Benjamin taku tawa tanka umanpi taku tawapi zaptan akihde heon. Unkan kici yatkanpi, qa iyuškinpi.

WICOWOYAKE 44.

1 Unkan Josep tuwe tipi tawa awanyake cin heciya, Wicašta kin wojuha yuhapi kin en taku yutapi oju wo; tohan qin okihipi kin hehanyan, qa mazaska aupi kin owasin otoiyohi tawojutonpi i kin ohna ehna wo.

2 Qa hakakta kin tawojutonpi i kin ohna mazaska wakšica mitawa kin he oyahnake kta, mazaska woyute iyopeye ahi kin he iyahna. Unkan token Josep eciye cin, ecen econ.

3 Anpao hehan hde wicašipi, wicašta tašunke šonšonna koya.

4 Wanna otonwe kin etanhan kinanpapi kitanna tehan *hdapi*, hehan Josep wicašta tipi tawa awanyake cin heciya; Najin qa wicašta qon tawicapa wo, qa wicayehdege cinhan, He tokeca tanyan ecaniconpi kin itkom šicaya ecanonpi?

5 Mayuhe cin taku ohna wayatke ça on ayate cin dee šni he? Taku ecanonpi kin he šica, ewicakiya wo.

6 Unkan ewicakihdege ça wicoie kin hena ewicakiya.

7 Unkan, Itancan tokeca e hecen eha he? Hokšidan nitawa token heconkupi kta he?

8 Mazaska wojutonpi i kin ohna iyeunyanpi qon he ake, Kanan makoce kin etanhan unnicicahipi kin sdonyaya. Hehan ecin token on etanhan niyuhe cin ti kin etanhan mazaska qa iš mazaskazi maunnonpi kta he?

9 Hokšidan nitawa uman tukte kašta he yuha iyeyaye cinhan te kta, qa unkiye owasin wowindag unyayapi kte, eyapi.

10 Unkan, Wanna token ehapi kin hecetu kte. Tuwe he yuha iyewakiye cinhan wowidake waye kta, tuka umanpi kin iyaonpepicašni yaunpi kta, eya.

11 Unkan owasin inahniyan wojutonpi kin makata pałpapi qa, otoiyohi wojutonpi hduhdokapi.

12 Unkan tokapa kin tawojutonpi kin en tokaheya akite ça hakakta kin ecen owecinhan yušan. Qa Benjamin tawojutonpi kin ohna wakšica kin iyeya.

13 Unkan wokoyake kin hdupotapi qa owasin šuktanka šonšonna qin wicakiyapi, qa icicawin otonwe kin ekta ipi.

14 Hehan Juda, hunka wanjin wicaye cin om, Josep ti kin en ipi. Unkan iye nahahin hen yanka, qa he itokam owasin makata ehpeiçiyapi.

15 Unkan woecan kin de taku ecanonpi hwo? Wicašta tuwe hemacece cinhan ayate cin okihi sdonyayapi šni he? Josep ewicakiya.

16 Unkan Juda heya, Mayuha token unkaniyuptapi kta he? Taku unkeyapi kta, qa tokiya tanhan unhduecetupi kta he? Waunłitanipi qon wanna Wakan-tanka iyeunyanpi. Iho, Itancan wayaka unyaduhapi, wakšica kin yuha iyeyapi qon qa unkiyepi owasin nakun, eya.

17 Unkan, Hecamon kte cin Wakantanka iyomaki šni nunwe. Wiyatke yuha iyeyapi qon wicašta kin he, hecedan wowindag waye kta; tuka niyepi wookiye on niyatepi kin ekta hdapo, Josep eya.

18 Unkan Juda ikiyedana hina-

WICOICAGE.

jin qa heya, Itancan ceciya ce, hoksidan nitawa canniye maye šni wo. Mayuhe cin Paro iye-niceca. Tokin hoksidan nitawa taku epe cin nayaħon.

19 Mayuhe cin hoksidan nitawa wiwicanonga; Niyatepi yuke a nisunkapi yukan he? ehe ciqon.

20 Unkan itancan hecen unkeniciyapi; Han ate unyanpi kin wanna wicahinca, qa cinhintku cistina kin wicahinea ehan tonpi kin he kici yanka, qa cinu kici hunku wanjidan qon he a, hecen isnana okaptapi, unkan atkuku cantekiya ce, unkeyapi.

21 Unkan, Nisunkapi kin makaupo, wanmdake kta ce, hoksidan nitawa kin ewicayakiye ciqon.

22 Unkan, Itancan hoksidan kin atkuku kin ehpeye kte cin okitpani, he atkuku ehpeya u kinhan, atkuku kin e kta ce, unkeniciyapi qon.

23 Unkan, Nisunkapi cistina kin he kici kun yaupi šni kinhan, ake miħte kin icimana wandakapi kte šni, hoksidan nitawa unkeyakiyapi.

24 Unkan hoksidan nitawa kin ate unyanpi kin ekta itawankanhde unhdapi, qa he en token iyae cin owasin unkokiyakapi.

25 Unkan, Ake ekta yapi, qa woyute onge opeunkicatopu, ate unyanpi kin eya.

26 Unkan, Sunka unyanpi cistina kin de ope cinhan unyanpi kta ce; tuka iye ope šni kinhan apamahde unyaupi kte cin unkokitpanipi. Sunka unyaupi hakakta kin kici unyanpi šni kinhan, wicašta qon itohnake kin wanunyakapi kte šni ce, unkeyapi.

27 Unkan hoksidan nitawa ate

unyanpi kin heunkiciyapi, Mitawin cinca nom nana miciton e sdonyayapi.

28 Tuka uman kin mitan tanhan toki iyaye a, Ehanqon yapotapi ce, epe ciqon ehantanhan wanwahdake šni.

29 Qa wanna de nakun mitan tanhan toki adapi kta, qa tahepi taku sie cin akipe cinhan pa maska iyokišica Hades ekta amayadapi kta ce, eya.

30 Unkan dehan kaketu kta ce. Nitahoksidan ate unyanpi kin ekta unhdapi, qa iye nagi kin hoksidan nagi kin en ihdaške a hoksidan kin ope šni kinhan;

31 Ate unyanpi kin hoksidan tanin šni kin wanhdake cinhan e kta. Hecen wowindag unyayapi kin hoksidan nitawa ate unyanpi kin pa ska kin iyokišica Hades ekta kun unkayapi kta.

32 Hoksidan nitawa miye hoksidan kin ate wakida qa hewakiya; Niye cicicahdi šni kinhan, ate niye en wawaħtani ohinniyancanni kta ce, epa.

33 Unkan wanna ceciye, hoksidan kin hee kiya den manke a mayuhe cin wowindag mayaye kta, qa hoksidan kin cinye wicaye cin om itawankanhde hde kta.

34 Hoksidan kin omicipe šni kinhan ate ekta itawankanhde wahde kte cin owakitpani. Taku sia ate ahinħpaye kte cin he wanmdake kte cin tawaħenwaye šni, eya.

WICOWOYAKE 45.

1 Hehan Josep tona en najinpi kin owasin wicitokam ihduhe kta okihi šni, qa panyanhan hewicakiya, Wicašta owasin mitokapa tanhan tankan iyayapo. Hecen Josep hunka wanjin wi-

caye cin en sdoneye içiye çehan, tuwedan kici yanke šni.

2 Hehan Josep hotaninyan ceya. Unkan Egupton he nahonpi, Paro tiyohnaka tawa kin nakun nahonpi.

3 Unkan Josep hunka wanjin wicaye cin hewicakiya, Josep he miye ce, Ate nahahin ni he? eya; tuka cincu itokapa tanhan yušinyayapi qa ayuptapi kte cin okitpanipi.

4 Unkan, Ihopo, mitan kiyedan upo, Josep hunka wanjin wicaye cin, ewicakiya. Unkan kiyadañ hinajinpi. Unkan, Josep nisunka Egupton ekta wiyo-peyayapi qon he miye ce.

5 Qa dehan wiyopemayayapi kin on iyokišin içiyapi šnipo, qa icanniye kiciyapi šnipo. Wani-kiye makage kta e Wakantanka u makiya ce.

6 Wanna waniyetu nonpa wicaakihan maka kin ohna, qa tokata waniyetu zaptan yumdupi kte šni, qa woksapi kte šni ce.

7 Taku maka akan ecicihnakapi, qa taku iyotan tehika etanhan ni ciyapi kta e Wakantanka nitokam u makiya ce.

8 Wanna deci u makiyapi kin he niyepi ee šni. Wakantanka hee hecon qa, Paro ate maye ça tiyohnaka tawa kin owasin itancan makiyapi, qa Egupta makoce kin owancaya wowindag wicawaye kta e emahde.

9 Inahnipo, qa ate ekta itawan-kanhde hdapi, qa heciyapo; Nicinkši Josep hecen eya; Wakantanka Egupta owasin yuhe makiya ce. Iho kun en mahi qa yutehan šni wo.

10 Kinhan Gošen en ounyaye ça mitan kiyedan yaun kta ce. Niye nicinca qa nicinca cinca wicayapi, tahin wanuyanpi nita-

wa, pte nitawa ko, qa taku duhe cin owasin;

11 Kinhan wo ciçu kta: nahahin tokata waniyetu zaptan wicaakihan kte cin heon, yau šni kinhan, okini niwalipanica kta nace, niye yati ohnaka kin, qa taku nitawa ko owasin.

12 Ihopo, ništapi kin misunka Benjamin išta kin nakun mii kin on ociciyakapi kin he wanmayahdakapi.

13 Egupta en wowitan mduhe owasin, qa taku wandakapi ko owasin, ate okiyakapo, qa inahniyan ate deciya kun aupo;

14 Eye ça sunkaku Benjamin poskin yuze ça ceya. Unkan Benjamin cincu tahu kin akan ceya.

15 Hehan hunka wanjin wicaye cin owasin i iwicaputake ça wicahduha ceya. Unkan cinye wicaye cin kici wohdakapi.

16 Wanna Josep hunka wanjin wicaye cin hipi ce, eya oyakapi kin, Paro tiyohnaka tawa kin nahonpi, qa Paro ookiye wicaye cin ko he wašte dakapi.

17 Qa Paro Josep heciya, Hunka wanjin wicayaye cin hecen ewicakiya wo. Kaken econpo; wanuyanpi duhapi kin qin wicakiyapi, qa Kanan makoce kin ekta hdapo.

18 Qa niyatepi tiyohnaka nitawapi kin ko owasin, icupi qa en maupo; kinhan Egupta makoce kin en taku wašte yuke cin ciçu-pi kta qa, taku iyotan wašte makoce aicage cin yutapo.

19 Qa niye hecen econ nišipi. Nitašicecapi nitawinpi ko on Egupta makoce kin etanhan canpahmihma yuha hdapi, qa niyatepi kin kici wicahduha upo.

20 Tuka wahpaye duhapi kin he awakicinpi šnipo. Taku wa-

WICOICAGE.

šte Egupta makoce ohnaka kin owasin nitawapi kta ce.

21 Unkan Israel cinca kin ecen econpi, qa Josep canpahmihma wicaqu, Paro eya econ ši qon iyecen, waneya tahepi yutapi kta nakun wicaqu.

22 Qa owasin wokoyake iyohi wicaqu, tuka Benjamin maza-ska opawinge yamni qu, qa wokoyake owasin zaptanptan nakun.

23 Qa šuktanka šonšonna wikcemna taku Egupta aicage cin qin wicakiya, qa nakun šuktanka šonšonna wiye wikcemna wamnaheza, qa aguyapi špan, woyute atkuku waneya yuhe kte cin qin wicakiye qa, hena owasin atkuku kin en ahde wicaši.

24 Qa hunka wanjin wicaye cin kihde wicaši qa, Ihunhan tahepi taku ayakinicapi kin, ewicakiya. Unkan hdapi.

25 Egupta makoce kin etanhan itawankanhde hdapi, qa Kanan makoce kin ate yapi Jakob yanke cin ekta kipi.

26 Qa heciyapi, Josep nahašin ni, qa Egupta makoce kin owasin yuha ce, eyapi. Unkan ce-tonwicaħda qa wacin hnuni.

27 Hehan Josep oie ewicakiye cin owasin okiyakapi, qa canpahmihma ohna iye ihdaka ye kta e Josep ahde wicaši qon hena wanyake ceħan, Jakob ate yapi cante kin kimdeza.

28 Qa Israel heya, Iho henana Josep micinkši nahašin ni. Maħe ši wanhdag mde kta ce.

WICOWOYAKE 46.

1 Hehan Israel ihdaka, iye taku tawa ko owasin, qa Beršeba en hi qa, atkuku Izak taku wakan da kin wošnapi wakiyušna.

2 Unkan Wakantanka hanyetu wowanyake wan en Israel heciya, Jakob, Jakob, eya. Unkan, De miye ce, eya.

3 Unkan, El niyate ta Wakantanka kin he miye. Egupta en de kte cin ikope ši wo. Hen oyate tanka icaħ ciciye kta ce.

4 Miye Egupta ekta ciyahna kun mde qa ake acihdi kta, qa Josep nape kin ništa kin akan aniputake kta ce, eya.

5 Unkan Jakob Beršeba etanhan inajin. Unkan Israel cinkši wicaye cin tašicecapi, qa tawicupi, qa Jakob ate yapi kin, hena kiya canpahmihma Jakob aupi kta e Paro wicaqu qon, hena ohna yuha yapi.

6 Qa tawanuyanpi, qa tawaħpayapi, taku Kanan makoce kin en tonpi kin ikikcupi qa Egupta ekta ihdaka ipi. Jakob taku tawa ko owasin;

7 Cinkši wicaye cin, qa sanpa cincapi, cunkši wicaye cin qa cinhintku cunkši wicayapi kin, taku tawa ko owasin, Jakob kici Egupta ekta ipi.

8 Israel cinca kin Egupta en ipi kin, decen ewicakiyapi, Jakob qa iye cinca, Jakob cinhintku tokapa kin Ruben eciyapi.

9 Qa Ruben cinkši wicaye cin Ĥanok, qa Palu, qa Ĥezron, qa Karmi.

10 Unkan, Šimeyon cinkši wicaye cin; Jemuel, qa Jamin, qa Ohad, qa Jakin, qa Zohar, qa Šaul, he Kanani winohinca wan ton.

11 Unkan Lewi cinkši wicaye cin Geršon, qa Qehat, qa Merari.

12 Unkan Juda cinkši wicaye cin Er, qa Onan, qa Šela, qa Perez, qa Zera; tuka Er Onan kici Kanan makoce kin en ĥapi;

qa Perez cinkísi wicaye cin Hézon, qa Hamul.

13 Unkan Isakar cinkísi wicaye cin Tola, qa Puwa, qa Job, qa Simron.

14 Unkan Zebulon cinkísi wicaye cin Sered, qa Elon, qa Jalel.

15 Hena Leha cinkísi wicaye ça Jakob kiciton, Aram Mdaye kin hen, cunwintku Dina nakun, cinea wica winyan ko wicanagi owasin wikcemna yamni sanpa yamni.

16 Gad cinkísi wicaye cin Zipeyon, qa Hagi, qa Suni, qa Ezebon, Eri, qa Arodi, qa Areli.

17 Unkan Aser cinkísi wicaye cin Jimma, qa Jiśwa, qa Jiświ, qa Beriya, qa Sera tawinohtinpi. Unkan Beriya cinkísi wicaye cin Heber, qa Malkiyel.

18 Hena Zilpa, Laban iye cunwintku Leha qu qon, cinkísi wicaya. Hena Zilpa Jakob kiciton wicanagi ake śakpe.

19 Rašel Jakob tawicu kin cinkísi wicaye cin Josep, qa Benjamin.

20 Unkan Josep cinkísi wicaye cin Manaśe, qa Epraim hena Asenat, Potipera On otonwe kin en wośnapi kage cin he cunwintku, Egipta makoce kin en Josep kiciton.

21 Unkan Benjamin cinkísi wicaye cin, Bela, qa Bered, qa Aśbel, Gera, qa Naaman, Eri, qa Roś, Mupim, qa Hupim, qa Ared.

22 Hena Rašel cinkísi wicaye ça Jakob kiciton, wicanagi owasin ake topa.

23 Unkan Dan cinkísi wicaye cin Huśim.

24 Unkan Neptali cinkísi wicaye cin Jahzel, qa Guni, qa Jezer, qa Śilem.

25 Bilha, he Laban iye cunwintku Rašel qu qon, hena Ja-

kob kiciton, wicanagi cinkísi wicaye cin owasin śakowin.

26 Wicanagi Jakob nite kin etanhan inanpapi, (Jakob cinea tawicupi kin hena yawapi śni) Jakob kici Egipta ekta ipi kin wicanagi owasin wikcemna śakpe sanpa śakpe.

27 Unkan Josep cinkísi wicaye cin Egipta en kicitonpi kin, wicanagi nonpa. Jakob wicowazi Egipta en hi qon, wicanagi kin owasin wikcemna śakowin.

28 Wanna Jakob Juda tokata ye śi, Josep en, Gośen etu itkokim u kte cin heon. Unkan Gośen makoce kin en hipi.

29 Unkan Josep śuktanka canpahmihma koyag wicakiye ça atkuku Israel itkokiye kta e Gośen etu i, qa wanhdake ça poskin hduze ça tahu akan tehan ceya.

30 Unkan Israel Josep heciya, Nahalin yani kin, nitohnake kin he wanciyaka, heon dehan maťa ešta tehike kte śni.

31 Unkan Josep cinye wicaye cin, qa atkuku tiyohnaka tawa kin owasin hewicakiya; Wahde ça Paro owakimdake kta, Hunka wanjin wicawaye cin, qa ate tiyohnaka tawa kin Kanan makoce kin en unpi qon, wanna en mahipi.

32 Qa wicašta kin wanuyanpi wihan wicakiyapi kin hecapi, wicašta wanuyanpi yuha unpi kin iś hecapi, qa tahnca pte ko, qa taku tawapi kin owasin awicahipi.

33 Hecen tohan Paro nicopi, qa winiwangapi qa, Wicohtani tukte wanji opiniya he? eye cinhan;

34 Hehan kaken ehapi kta ce, Hokśidan unyaduhapi kin, wanuyanpi awanwicunyakapi ece;

unkiś uncistinpidan ehan tanhan heuncapi, qa hunkake wicunyanpi kin hecen opiiciyapi ece, ehapi kta; hecinhan Gošen en idotankapi kta. Tona wanuyanpi wiħan wicakiyapi kin hena owasin Egupton waħte wicadapi śni.

WICOWOYAKE 47.

1 Hehan Josep hde a Paro okiyake a, Ate qa hunka wanjin wicawaye cin, qa tahnca tawapi, pte tawapi ko, qa taku tawapi owasin, Kanan makoce kin etanhan upi, qa wanna Gošen makoce kin en ahi tipi, eya.

2 Qa hunka wanjin wicaye cin etanhan wicašta zaptan iwicacu, qa Paro itokam ewicahde.

3 Unkan, Wicolitani tukte wanji opiniyapi he? Paro Josep hunka wanjin wicaye cin ewicakiya. Unkan, Hoksıdan nitawa wanuyanpi wiħan wicunki-yapi, unkiś hunkake wicunyanpi koya, Paro eciyapi.

4 Qa, Makoce kin en ounyanpi kta e unhipi ce, Kanan makoce kin heciya wicaakiħan wanna tehika; wanuyanpi unhapi ko takudan yutapi śni, peji wanica; heon ceunniciyapi Gošen makoce kin en hoksıdan nitawa unkiyotankapi kte, Paro eciyapi.

5 Unkan Paro Josep heciya, Wanna niyate qa hunka wanjin wicayaye cin niye en hipi;

6 Egupta makoce kin owasin nitokam wanķa. Makoce kin tukte iyotan wašte kin, hen niyate hunka wanjin wicayaye cin ko iyotanke wicakiya wo. Gošen makoce kin he en iyotankapi kte a, wanjiksi minihecapi sdonwicayaya hecinhan, hena wanuyanpi mitawa kin awanyag wicakiya wo.

7 Unkan Josep iye atkuku Jakob u kiye a Paro itokam e hde. Unkan Jakob Paro yawašte.

8 Unkan, Waniyetu anpetu tonayani he? Paro Jakob eciya.

9 Unkan, Waniyetu anpetu ihdaka wani kin hena waniyetu opawinge sanpa wikcemna yamni. Waniyetu anpetu wani kin hena tonana qa śiksıca. Hunkake wicawaye cin waniyetu anpetu ihdaka nipi qon iyehan wani śni ce, Jakob Paro eciya.

10 Hehan Jakob Paro yawašte, qa Paro itokapa tanhan kinnanpa.

11 Unkan Josep atkuku hunka wanjitku ko, makoce tukte iyotan wašte kin, Rameses makoce kin he en, iyotang wicaši, qa Egupta makoce kin en maga wicaqu, Paro hecen econ si qon, he iyecen.

12 Qa Josep atkuku, hunka wanjin wicaye cin, qa atkuku wicowazi kin owasin, taku yutapi wicaqu, tašiceca iyacinyan aguyapi wicaqu.

13 Unkan wicaakiħan kin iyotan tehika aye cin, heon makoce kin owancaya aguyapi wanica. Wicaakiħan kin on Egupta makoce, Kanan makoce ko, awihnuni aya.

14 Unkan aguyapi opetonpi kin he Josep wiyopeye cin, hecen mazaska taku Egupta makoce kin en iyeyapi, Kanan makoce en nakun mazaska iyeyapi kin owasin, Josep kamna, qa mazaska kin Paro ti kin en ahiju.

15 Unkan wanna Egupta makoce kin etanhan, Kanan makoce kin etanhan ko, mazaska kin wanna henakeca, hehan Egupton Josep en ahi qa, Aguyapi unqupo. Tokeca e nitokam

unŕapi kta he? Ecin mazaska wanna unnicapi kin, eciyapi.

16 Unkan, Wanuyanpi duhapi kin maqupo. Mazaska wanice cinhan nitawanuyanpi kin on aguyapi ciŕupi kta ce, Josep eya.

17 Unkan tawanuyanpi kin Josep en ahipi; ŕuktanka, taŕinca, pte, qa ŕuktanka ŕonŕonna, henakiya on, waniyetu kin he aguyapi wicaqu.

18 Waniyetu kin he wanna ihunipi, qa waniyetu iyokihe ake Josep en hipi qa, Itancan anaunkilimapi kte ŕni, mazaska wanna ecaca wanice a woteca wanuyanpi *owasin* itancan duha. Unyuhapi kin itokam takudan unkohtaptapi ŕni, tancan maga kici ehake hecehnana unhapi.

19 Tokeca awiunhnunpi kin wandake kta unkiye, maga unhapi ko owasin he? Opeuntonpo unkiye unkitamagapi koya. Aguyapi unyaqupi kinhan Paro wowindag unyanpi kta, unkiŕ maga unhapi koya. Taku unkojupi kta nakun unqupo; kinhan unnipi qa unŕapi kte ŕni, qa unkitamagapi kin hewoskan wanke kte ŕni ce, eyapi.

20 Hecen Egupton wicaakilhan kin on iyotan iyekiyapi, qa wicasta otoiyohi owasin tamagapi kin wiyopekiyapi; unkan Josep Egupta makoce kin owasin Paro opekiciton, qa Paro makoce kin owasin tawa ya.

21 Qa oyate kin he Egupta makoce ihanke kin anokatanhan otonwe tokeca ohna iyotang wicakiya.

22 Woŕnapi kagapi kin henana tamagapi kin wiyopeyapi ŕni ece. Woŕnapi kagapi kin taku yutapi onge Paro wicaqu ece, qa taku Paro wicaqu kin he yutapi, heon tamagapi kin opeton ŕni.

23 Qa Josep oyate kin hewicakiya, Ihopo nakaha opecitonpi niyepi nitamagapi ko, Paro tawa niyanpi kta. Ihopo de wojupi kin ciŕupi qa makoce kin oyajupi kta.

24 Qa kaketu kta, tohan taku aicaga eca, owasin idutapi qa iyutapi tomtom yahduhapi kta, hetanhan ake maga kin woyajupi qa he yatapi kta, niye, nitaŕicecapi qa tona yatipi kin ohna yakonpi kin hena *owasin* he yutapi kta; tuka iyutapi izaptanptan kin owasin Paro yaqupi kta ce, eya.

25 Unkan, Itancan ni unyayapi iyounnicipipi kte; hecen Paro wowindag unyanpi kta.

26 Unkan wicoope kin de Josep ope wicakiya, qa anpe dehan hececa, Egupta makoce kin en wiyutapi izaptanptan kin Paro tawa ya. Woŕnapi kagapi tamagapi kin henana hecapi ŕni, henana Paro tawa ye ŕni.

27 Unkan Israel Egupta makoce kin ohna, Goŕen makoce kin en iyotanke a, maga yuhapi qa icagapi qa nina ihduotapi.

28 Qa Jakob Egupta makoce kin en waniyetu ake ŕakowin ni, hecen Jakob anpetu tawa kin waniyetu ni un kin, waniyetu opawinge sanpa wikcemna topa sanpa ŕakowin henakeca.

29 Qa anpetu en Israel te kte cin he wanna aŕkadan, lehan cinhintku Josep kico qa, Ceciciya iyocicipi kinhan ninape miececa kin ihukuya kiyugata wo; kinhan wowaonŕida wowicake ko ecamiyecon, qa Egupta makoce kin en mayahnake kte ŕni;

30 Tuka Egupta makoce kin etanhan amayade a, ate wicawaye cin ohna hnakapi kin ohna mayahnake kta; hecen hena om imunke kta ce, eciya. Unkan,

Miś token ehe cin ecen ecamon kta ce, eya.

31 Unkan Wakantanka cajeyate ça emakiya wo, eya. Unkan Wakantanka cajeyate ça eciya. Unkan Israel can sagye ipa kin akan pamahdedan wocekiye eya.

WICOWOYAKE 48.

1 Unkan hena owasin iyohakam hehan, Iho niyate wayazanka ce, Josep eciyapi, qa cinhintku napin Manaşe Epraim kici hduha ekta i.

2 Unkan Jakob okiyakapi, Nicinksi Josep niye en u ce, eyapi. Unkan Israel wakişag içiye ça owinja kin akan iyotanka.

3 Qa, El Iyotan waşake cin Kanan makoce kin heciya Luz ekta miye en ihdutanin, qa mayawaşte,

4 Qa hemakiya, Miye wawicahye cicage, yuota ciciye ça, oyate obe ota cicage ça makoce kin de nakun ciçu kta, nicinca nihakam upi kte cin owihankeşniyan tawapi kta ce, emakiya.

5 Qa wanna nicinca nonpa, Egipta makoce kin en nicitonpi, Egipta ekta niye en cihi şni kin itokam, Epraim Manaşe kici, hena mitawa ce, Ruben Şimeyon kici iyecen, tawa wicawaye kta ce.

6 Qa taku nitawa kin hena iyohakam nicitonpi kte cin hena nitawapi kta, tuka cinye wicayapi kin eciyatanhan, makoce tawapi kin en caş wicatonpi kta.

7 Miye Aram Mdaye kin etanhan wau qon, hehan Rašel makaşa, Kanan makoce kin en, canku ohna Eprata etanhan makoce iyutapi kin wanjidani, qa heciya owehnaka Eprata, Betle-

hem eyapi kin hee, canku kin ikiyedani, eya.

8 Hehan Israel Josep cinksi wicaye cin wanwicahdake ça, Dena tuwepi he? Jakob Josep eciya.

9 Unkan, Wakantanka cinca deciya maqu kin dena eepi, Josep atkuku kin eciya. Unkan, Ceciciya ce, napin makau wo, wicawahdawaşte kta ce, eya.

10 Wanna Israel wicahinca heca on işta gonga, wanyaka okitpani. Unkan-en awicahi, unkan poskin wicahduze ça i iwicaputaka.

11 Israel Josep heciya, Niite kin eqeş wanwahdake kte cin epce şni, unkan wanna icah wicayaye cin hena, Wakantanka wanwicahdag mayan.

12 Unkan Josep hupahu kin etanhan inanpe wicaye ça, ite kin maka kin etkiya patuja.

13 Qa napin wicahduza, Epraim Josep nape etapa kin en, Israel catka kin ektakiya, qa Manaşe iye nape catka kin en, Israel etapa kin ektakiya; hecen atkuku kin en awicai.

14 Unkan Israel kiyugate ça nape etapa kin Epraim pa kin aputaka, he hakakta tuka, qa nape catka kin Manaşe pa kin akan he tokapa tuka, nape yucanyan ye kiya.

15 Qa Josep yawaşte qa heya, Wakantanka ate wicawaye Abereyam Izak kici itokam manipi qon, he Wakantanka matonpi kin ehantanhan anpe dehanyan won mayan kin;

16 Ohnihde un kin taku şica owasin etanhan opemakiton kin he, hokşipidan kin wicayawaşte kte, micajeyan qa ate wicawaye cin Abereyam Izak kici icajeyan ewicakiyapi, qa maka kin ohna nina ihduotapi kte, eya.

17 Unkan atkuku nape etapa

WICOWOYAKE 49.

kin Epraim pa kin aputake cin he Josep wanyake ça, síce dake ça atkuku nape kin yuze ça, Epraim pa kin etanhan Manaşe pa kin etkiya ye kiye kta tuka ;

18 Qa, Hecetu śni ate, de toka pa kin ee. Iye pa kin nape enitapa kin on aputaka wo, Josep atkuku kin eciya.

19 Unkan sdonwaya. Micinkśi sdonwaya ce. He nakun oyate kta qa he tanka kta, qeyaś sunkaku iyotan tanka kta qa cinca wicaye kte cin oyate ota kta ce ;

20 Eye ça anpetu kin hehan wicayawašte qa, Nicajeyan Israel ihdawaštepi qa, Wakantanka Epraim qa Manaşe iyecen ical niyan nunwe, eyapi kta ce, eya. Hecen Epraim Manaşe itokam cajeyata.

21 Hehan Israel Josep heciya, Anagoptan wo. Miye maşe kta, tuka Wakantanka nicicapi, qa ate wicayayapi tamakocepi kin ekta anihdapi kta.

22 Qa miye makoce onśpa, Amori nape kin etanhan mitacanhpi mitinazipe kin iyahna on iwacu qon, he hunka wanjin wicayaye cin iyakapa ciçu, eciya.

WICOWOYAKE 49.

1 Qa Jakob cinkśi wicaye cin wicakico qa heya, Mniciyapo, tokata anpetu yeye cin token nihyahdepi kte cin ociciyakapi kta.

2 Jakob cinkśi wicaye cin witya upi qa anagoptanpo. Israel niyatepi kin he anakicigoptanpo.

3 Ruben micinkśi tokapa kin he niye, mitowaśake mitowookihi tokaheya kin iyotan wicimdeza iyotan suta.

4 Mini iyecen nihduhepicaśni,

heon initančan kte śni. Niyate ohehde kin ayadi qa hehan mitowinja kin duśapa ce.

5 Śimeyon Lewi kici hunka wanjin kiciyapi. Tacanhpipi kin wipe wicakisa kin heepi.

6 Canteptanyanpi qehan wicašta wan ktepi, qa iyokipi içiyapi kta e oinatake wan oqapi ; heon wohdakapi kin en minagi kin ye kte śni, qa omniciye tawapi kin en wowitan mitawa un śni nunwe.

7 Wicocanniye tawapi kin yaścapi nunwe, waditaka ce, towahaniçidapi kin he nakun, wohitika ce ; Jakob en yukinukan wicawakiye ça Israel ohna yuomden iyaye wicawakiye kta.

8 Juda niye hunka wanjin wicayaye cin niyatanpi kta. Ninape kin toka niyanpi tahu kin akan niyate cinkśi wicaye cin nitokam patujapi kta.

9 Mnaja cincadan wan Juda heca. Wicayapotapi kin etanhan micinkśi nayajin. Mnaja iyecen canpeśka makehde wanka, qa mnaja wiye wan iyecen, tuwe he pahice kta he ?

10 Juda etanhan maza sagye yutokanpi kte śni, tuka cadotahedan wicašta yatapi yuke kta, Silo hi kin hehayan, qa iye en oyate kin mniciyapi kta.

11 Taśunke śonśonna hastanhanka iyuwi kin en iyakaśkahan, qa taśunke śonśonna cinca kin hastanhanka wašte hinca iyuwi kin ekta, taonhdohda kin miniśa on hdujaja kta qa taśina hastanhanka we kin on.

12 Išta kin miniśa on śa kte ça hi kin pte asanpi on ska kta.

13 Zebulon miniwanca huta kin en ti qa iye en wita wata oihuni kta, qa Zidon *otonwe kin* hehayan yuhe kta.

14 Isakar śuktanka śonśonna

WICOICAGE.

waśake cin heca wan, conkaśke otahedan makan wanka.

15 Okihpapi kin he wašte kin, qa makoce kin wiciyokipi kin he wanyake ça qin kta e tahpa kin qu, hecen wayaka wicohtani kin econ.

16 Dan Israel wicoun wan iye-cen taoyate kin wicayaco kta.

17 Wamduśka wan canku tukte ohna yapi kte cin ohna nacihibe ça, śuktanka siyete kin yahtaka on tuwe akan yotanke cin itunkam hinhpaye kta Dan hecece kta.

18 Jehowa woyuśke nitawa kin awape.

19 Ozuye wan Gad azuye kta, tuka ihakam iye azuwicaye kta.

20 Aśer taaguyapi kin wašte qa wicašta yatapi woyute wiciyokipi kin wicaqu kta.

21 Neptali tamdoka kiyuśkapi kin heca iapi wicimdeza ia.

22 Josep adetka waicalhya ece, adetka waicalhya mini hdoka icahda, taadetka kin conkaśke iyadipi.

23 Wanhinkpe yuhapi kin hena iyaonpapi qa kigepi qa śicaya kuwapi.

24 Tuka tinazipe kin sutayahan, Jakob waśagye cin towaśake kin eciya tanhan nape išto kin yuwaśakapi ce. Heciya tanhan Israel taimnija qa wo wicaqu kin hee ;

25 Niyate Taku wakan da kin eciya tanhan. Iye oniciye ça Iyotan waśake cin iye niyawašte kta, mahpiya wankan tanhan wowašte kin, ośbe kin ihukuya wanke cin wowašte kin, aze tezi ko wowašte kin niçu kte.

26 Niyate wicayawašte kin he wawokihika, he ohimiyan he cin isanpa. Paha owihanke wanice cin taku wiciyokipi aicage cin he Josep pa kin en, qa

tuwe hunka wanjin wicaye cin etanhan yukinukanpi qon, pedsede kin en unpi kte.

27 Benjamin śunktokeca yaťesa heca anpao kte cin hehanyan yute kta ece ; hitayetu eca wawicaki kin pamni kta.

28 Israel wicoun ake nonpa kin hena owasin heepi, qa hecen ate yapi kin ewicakiye ça wicahdawašte, otoiyohti towašte kin iye-cen wicayawašte.

29 Qa hecen wahokonwicakiya, Miś oyate mitawa kin en ope mayanpi kta, ate wicawaye cin om emahnakapo, imnija ohdoka maga wan Epron Ĥeti kin tawa qon en un kin, he en.

30 Kanan makoce kin etu, Mamore itokam, Makpela maga kin en imnija ohdoka wanke cin he ohna. Abereyam wicašta ohna hnakapi kte cin he tawa kta e maga kin he Epron Ĥeti kin he opekicon.

31 Hen Abereyam tawicu Sara kici wicahnakapi, hen Izak tawicu Rebeka kici wicahnakapi, qa hen miś Leha wehnaka.

32 Maga kin he imnija ohdoka ohna wanke cin ko, Het cinca wicaye cin opewicakicon qon, ewicakiya.

33 Hecen Jakob cinkśi wicaye cin wahokonwicakiye cin ayaśtan qehan, siha kin ohehdepi kin en ehdaku qa řa ; unkan taoyate kin ekta okipe yapi.

WICOWOYAKE 50.

1 Hehan Josep atkuku ite kin akan ehpeiciye ça iiputake ça ceya.

2 Qa Josep taokiye peji huta wicaštapi kin atkuku yuhwin śni waśtemna ye wicaśi. Unkan peji huta wicašta kin Israel waśtemna yanpi ; anpetu wicemna tom hecakiconpi.

3 Tona yuhwin śni waśtemna yanpi eca behanyan yuśtanpi ece. Unkan Egupton anpetu wikcemna śakowin Jakob aceyapi.

4 Anpetu hena aceyapi kin wanna iyokiptapi, hehan Josep Paro tiyohnaka tawa kin hewicakiya, Wanna waśte mayadapike cinhan *miye makapi qa* Paro itokam hecen eyapo.

5 Ate hecen emakiya, Iho miś wanna maŕe kta ce. Kanan makece kin heciya ohna hnakapi wan miŕe cin he ohna mahnaka wo, eye a Wakantanka caje-yate maśi. Unkan tokin wanna itawankanhde mde a ate wehnaken, kinhan wahdi kta.

6 Unkan Paro ayupte a, Itawankanhde ye a niyate kihnaka wo, konza eye niśi qon iyecen.

7 Unkan Josep atkuku kihnake kta e itawankanhde ye a Paro taokiye kin owasin opapi, tiyohna hunka wicayapi, qa Egupta makece kin hunka wicayapi ko owasin.

8 Qa Josep tiyohnaka tawa, qa hunka wanjin wicaye cin atkuku tiyohnaka tawa owasin; taśiceca qa tahinca, pte ko yuhapi kin henana Gośen makece kin en kihnakapi.

9 Canpahmihma qa wicaśta ŕuktanka akan yotankapi ko opapi, hecen ośpaye tanka linca.

10 Unkan Atad tahocoka kin ekta ipi he Jordan akasanpa wanka, qa heciya woceye tanka anpetu śakowin atkuku kin nina aceyapi.

11 Unkan makece wojutipi kin Kanani hena Atad tahocoka ohna ceyapi kin he wanyakapi qa, Egupton de nina ceyapi ce, eyapi; heon oyanke kin he Egupton oceyapi kin eciyapi, he Jordan akasanpa wanka.

12 Hecen cinkśi wicaye cin token econ wicaśi qon, ecen ecakiconpi.

13 Qa cinkśi wicaye cin, hena Kanan makece kin ekta hduha yapi, qa Makpela maga kin en imnija ohdoka wanke cin he ohna kihnakapi; Mamore itokam; maga kin he Abereyam Epron Ĥeti kin etanhan opekicaton wicaśta ohnahnakapi tawa kta e hecon.

14 Unkan Josep Egupta ekta hda, atkuku hnakapi kin iyohakam; iye hunka wanjin wicaye cin, qa tona iye om atkuku hnakapi kta e itawankanhde yapi qon owasin.

15 Unkan Josep cinye wicaye cin ate yapi kin e cin, heon wikipapi qa heyapi, Okini Josep śicaya unkuwapi qa iye en taku śica ecaunkiconpi qon iś owasin tokicon kta.

16 Qa hecen Josep okiyag wicaśipi; Niyate e cin itokam hecen wahokonunkiyapi.

17 Josep kaken eyakiyapi kta, Tokin nicinye waħtanipi kin wicayecicajujun. Śicaya ecaniconpi tuka niyate ta Wakantanka kin wowindag wicaye cin waħtanipi qon kajujun; eya ce, eyapi. Unkan Josep wicaiie okiyakapi kin on ceya.

18 Ĥehan Josep cinye wicaye cin iye en ipi, qa itokam ehpeiciyapi qa, Iho unyaduhapi ce, eciyapi.

19 Unkan, Innuhan ininihanpi kin. Miś Wakantanka hemaceca he?

20 Niyepi kin śicaya ecamicon wacanipi, tuka Wakantanka waśte kta e cin, oyate ota ni wicaye kta anpe dehan iyecen hecon ce.

21 Heon nakaha inihanpi śni-po. Miś wo ciupi kta niyepi

WICOICAGE.

nitašicecapi ko, ewicakiye ça, hecen wicakihna qa cantowicahnaka.

22 Josep Egupta en ounyan; iye atkuku tawicoun koya, qa Josep waniyetu opawinge sanpa wikcemna ni.

23 Qa Josep Epraim cinca takojatpaku, qa sanpa cinca wanwicahdake ça nakun Manaše cinhintku Makir cinca kin hena Josep šiyoto akan wicahduha.

24 Hehan Josep hunka wanjin wicaye cin hewicakiya; Miš mašte kta tuka Wakantanka niyepi en nihipi kte ça, makoce

kin de etanhan itawankanhde ye niyanpi kta; makoce wan Aberyam Izak Jakob ko konza ewicakiye cin he ekta.

25 Qa Josep Israel cinca kin konza ewicakiya, Awicakehan Wakantanka niyepi kin en nihipi kta, qa mihu kin detanhan ayahdapi kta ce, eya.

26 Hehan Josep ta iyaya. Wana waniyetu opawinge sanpa wikcemna hehan. Unkan iye *tancan* yuhwin šni waštemna yanpi, qa Egupta makoce kin en can ohna knakapi wan ohna hnakapi.

HDINANPAPI.

WICOWOYAKE 1.

1 Wanna Israel cinca Jakob kici Egipta ekta hipi cajepi dena eepi, otoiyo hi tiyohnaka om hipi.

2 Ruben, Simeon, Lewi Juda,

3 Isakar, Zebulun, qa Benjamin,

4 Dan qa Naptali, Gad qa Aser.

5 Unkan wicanagi Jakob ceca etanhan inanpapi kin owasin wicanagi wikcemna sakowin, qa Josep ege wanna Egipta en un.

6 Unkan Josep ta cincu ko owasin, nakun tona kici icagapi kin owasin.

7 Unkan Israel cinca kin nina icagapi, qa ihduotapi, qa wasaka hinca ayapi, qa nina ota ayapi, on makoce kin owancaya unpi.

8 Unkan Egipta en wicasta yatapi tokeca wan najin, he Josep sdoney sni.

9 Unkan oyate tawa hewicakiya, Inyun, Israel cinca oyate kin unkiyepi sam iyeya otapi qa wasakapi.

10 Ito wacinksamya econ wicunkiyapi kta, okini ihduotapi, qa ozuye wan tatpe unhipi kinhan is eya toka unyanpi om kokijuyapi kta, qa azuunyanpi qa makoce kin etanhan hdinanpapi kta, eya.

11 Unkan tawaqinpi on wasaka sni wicakiyapi kta e wohtani itancan yuhe wicakiyapi. Unkan opiye otonwe, Piton qa Rameses Paro kicagapi.

12 Unkan token iyokisin wicayapi kin hecen ihduotapi, qa ica-

gapi, qa Israel cinca kin on etanhan nina kokipapi.

13 Unkan Egipton Israel cinca kin nina htani wicakiyapi.

14 Qa wohtani tehika owasin econ wicakiyapi on wiconi tawapi pa wicakagapi upsija en, qa maka omdoton en qa wohtani owasin tehiya econ wicakiyapi.

15 Unkan Egipton wicasta yatapi Heberi cincatonwicakiyapi wanji Sipera eciyapi qa unman Pua eciyapi kin hena hewicakiya;

16 Heberi winohinca cinca ton wicayakiyapi eca, qa can akan iyotankapi wanwicadakapi eca cinca wica kinhan te yayapi kta, tuka he winyan kinhan ege ni kta.

17 Tuka cincatonwicakiyapi kin Wakantanka kokipapi qa token Egipton wicasta yatapi kin econ wicasi ecen econpi sni, tuka cinca wica kin ni wicayapi.

18 Unkan Egipton wicasta yatapi kin cincatonwicakiyapi kin wicakico, qa hewicakiya, Tokeca decen ecanonpi qa cinca wica kin ni wicayayapi he? eya.

19 Unkan cincatonwicakiyapi kin Paro heciyapi, Heberi winohinca kin Egipton winohinca kin iyececapi sni ye, tuka minihecapi qa cincatonwicakiye cin en wicahi sni itokam cincatonpi heon heconkupi ye.

20 Unkan Wakantanka cincatonwicakiyapi tanyan ecawicakicon, unkan oyate kin ihduotapi qa wasaka hinca ayapi.

21 Unkan cincatonwicakiyapi

HDINANPAPI,

kin Wakantanka kokipapi heon tipi wicakicaga.

22 Unkan Paro oyate tawa owasin taku wanji econ wicaši, Cinca wica kin owasin wakpa kin en elipewicayayapi kta, tuka winyan kin, owasin niwicayayapi kta ce, eya,

WICOWOYAKE 2.

1 Unkan wicašta wan Lewi tiyohnaka etanhan Lewi cunwintku wan ekta i qa yuza.

2 Unkan winohinca kin ihdušake ça cinca wan tón, qa hokšidan wašte e wanhdake ça wi yamni nakihma.

3 Hehan sanpa nakihma okihi šni, qa huhba wakiškotpa wan icu qa bitumen canšin ko on apawinte ça he ohna hokšiyooqopa kin okihnake ça wakpaicahda psa en ehnaka.

4 Unkan tankeku token ecaki-conpi kte cin sdoney kta e itehanyan inajin.

5 Unkan Paro cunwintku ihdujaja kta wakpa ekta i, qa tawikoška wakpa hutata kin omanipi; qa wakiškotpa kin psa ehna wanyake ça tawikoška kin he huwe ye ši.

6 Qa yuhdoke ça hokšiyooqopa wanyaka. Unkan inyun hokšiyooqopa kin ceya. Unkan onšida qa, Heberi cinca wan dee, eya.

7 Unkan, Heberi winohinca waazinkiye cicipan mde ça hokšiyooqopa azin niciye kta ye, tankeku Paro cunwintku kin eciya.

8 Unkan, Ya ye, Paro cunwintku eciya. Hecen wiciyanna kihde ça hokšiyooqopa hunku kin kipan.

9 Unkan, Hokšiyooqopa kin de ahda, qa azin miciciya ye, kinhan cicicajuju kte ye, eya. Un-

kan winohinca kin hokšiyooqopa ikikcu qa azinkiya.

10 Unkan hokšidan tanka ica-ga. Unkan Paro cunwintku kin kahi, hecen he cinkši ya, qa miniyatanhan iwacu eya, heon Mowis eya cajehdata.

11 Unkan Mowis tanka icage cin he iyohakam kaketu; Mowis hunkawanjitku wicaye cin ekta i, qa token qin wicakiyapi atonwan, qa Egupton wicašta wan Heberi wicašta iye sunkaku wan kte wanyaka.

12 Qa anokatanhan ihduhomni, qa wicašta wanica wanyake çehan, Egupton kin he kte, qa wiyaka mahen nahma.

13 Qa inonpa can tankan i, unkan inyun Heberi wicašta nom kiczapi, unkan, Tokeca nitakoda ayapa he? šicaya econ kin eciya.

14 Unkan, Tuwe wicašta yata-pi, qa wayaco tawa unyayapi kta e nicaga he? Htanihan Egupton yakte kin he iyecen mayakte kta he? eya. Unkan Mowis kokepe ça awicakehan wicoie kin de sdoneyapi ce, eya.

15 Unkan Paro wicoie kin de nahon qa Mowis kte kta e akita, unkan Mowis najica, Paro ite kin etanhan qa Midian makoce kin en yanke ça miniyowe wan akan iyotanka.

16 Unkan Midian wawayušna kin cunwintku šakowin atkukupi taħinca tawa mini yatke wicakiyapi kta e hipi, qa etanhan icupi, qa wakiškotpa ojudan yapi.

17 Unkan wiħanwicakiyapi heca en hipi qa nape wicayapi; unkan Mowis najin, qa owicakiye ça taħinca tawapi mini wicaqu.

18 Unkan atkukupi kin Ruel en hdipi; unkan, Tokeca nakaha ecadan yahdipi he? eya.

WICOWOYAKE 3.

19 Unkan, Egupton wicašta wan wihan wicakiyapi etanhan eunhdakupi, qa nakun mini un-kicicupi, qa tahinca kin mini wicaqu, eyapi.

20 Unkan tukte he? tokeca wicašta kin elipe yayapi he? kicopo, aguyapi yute kta ce, eya.

21 Unkan wicašta kin he kici ounye kta Mowis iyokipi; unkan cunwintku Zipora tawicu kta e qu.

22 Unkan cinca wan kiciton, unkan, Oyate tokeca tamakoce kin en manka ce, eye ça heon Gersom eya caškiton.

23 Unkan anpetu ota iyohakam, Egupton wicašta yatapi ta. Unkan Israel cinca kin šica howayapi wolitanipi kin on, qa wolitanipi kin on ceyapi kin he wankantuya Wakantanka ekta i.

24 Unkan Wakantanka šica howayapi kin nahon, qa Abereham, qa Izak, qa Jakob om wicotakuye kage cion he kiksuya.

25 Qa Wakantanka Israel cinca kin awicatonwan, qa Wakan-tanka sdonwicaya.

WICOWOYAKE 3.

1 Unkan Mowis iye tunkanku Jetro Midian wawayušna tahinca tawa awanwicayake ça tahinca hopuze cin iheyata awicaye ça Wakantanka paha tawa kin Horeb ekta i.

2 Unkan Jehowa ohnihde kin otehi wan cokaya, peta ide wan en ihdutanin he wanyaka; unkan inyun otehi peta en itkon, tuka hulnage šni.

3 Unkan, Ito ekta mde ça wowanyake tanka kin he, tokeca otehi kin hulnage šni he wanmdake kta, Mowis cya.

4 Unkan wanyake kta e u kin he Jehowa wanyake ça Wakan-

tanka otehi cokaya tanhan kipan, qa Mowis, Mowis, eya. Unkan, Iho miye, eya.

5 Unkan, Ihnuhan deciya ikiyedan yahi kinhan. Maka kin tukten nayajin kin he wakan ce; heon nisiha etanhan hanpa hduš-doka wo;

6 Qa miš nihunkake taku wakandapi kin he miye, Abereham taku wakanda qa Izak taku wakanda kin, qa Jakob taku wakanda kin he miye ce, eya. Unkan Mowis Taku Wakan atonwe kta kokipa, heon ite kin aihdalpa.

7 Unkan, Egupta en oyate mitawa toiyokišicapi kin he wanmdake, ça wicakaliapapi kin on šicahowayapi kin he nawahon qa wayazanhdapi kin sdonwaya.

8 Qa Egupton napepi kin etanhan ewicawahdaku qa makoce kin he etanhan, makoce tanka qa wašte, makoce wan ohna pte asanpi qa canhanpi tiktica kaduze cin he, Kanani, qa Heti, qa Amori, qa Perazi, qa Hiwi, qa Jebusi ounyanpi kin, heciya awicamde kta e kun wahi ce.

9 Hantuke, Israel ceyapi kin wanna en mahi, qa iyokišicapi kin token Egupton iyokišin wicayapi kin he nakun wanmdaka.

10 Heon iho wanna oyate mitawa, Israel cinca kin Egupta etanhan hdinanpe wicayaye kta e Paro ekta ye ciši kta ce, Jehowa eya.

11 Unkan, Miš matuwe he on Paro ekta mde ça Israel cinca kin Egupta etanhan hdinanpe wicawaye kta, Mowis Wakan-tanka eciya.

12 Unkan heya, Awicakehan nici waun, qa ye ciši kin de etanhan sdonyaye kta, oyate kin Egupta etanhan hdinanpe wicayaye iyohakam he kin de akan Wakantanka ohoyadapi kta ce.

13 Unkan Mowis Wakantanka heciya, Iho Israel cinca kin en wai, qa nihunkakepi Taku Wakandapi kin he niyepi ekta u maši, epe cinhan; hehan, Token eciyapi emakiyapi kinhan, taku epe kta he?

14 Unkan, Taku waun kin he waun ce, qa Israel cinca kin hecen ewicayakiye kta, Waun kin he niyepi en u maši ce, Wakantanka Mowis eciya.

15 Qa nakun Wakantanka Mowis heciya, Israel cinca kin hecen ewicayakiye kta, Jehowa nihunkakepi Taku Wakan dapi kin, Aberaham Taku Wakan da kin, qa Izak Taku Wakan da kin qa Jakob Taku Wakan da kin he niyepi ekta u maši ce. Micaje kin hee owihanke wanin qa wicoicage yeye cin hecen mik-suyapi kta.

16 Ekta hde ça Israel hunkayapi kin mnciye wicayakiye ça hecen ewicayakiye kta; Jehowa nihunkakepi wakandapi kin he miye en ihdutanin, Aberaham qa Izak qa Jakob Taku Wakan dapi kin hemakiya; Awicakehan wanciyakapi qa Egupta en token ecannionpi kin.

17 Qa Egupton iyokišin niyanpi kin etanhan hdinanpe ciyapi kta, Kanani qa Hiti qa Amori qa Perazi, qa Hiwi qa Jebusi tamakocepi kin ekta, makoce wan pte asanpi qa canhanpi tiktica on kaduze cin he ekta, epa ce.

18 Qa niho kin nancihonpi kta, qa niš Israel hunkayapi kin om Egupton wicašta yatapi kin en yaipi kta, qa Heberi Taku Wakan dapi kin Jehowa unakapipi, heon tokin anpetu yamni oicimani hopuze ekta unyanpi, qa Jehowa Wakan undapi kin taku waunkiyušnapin, eyakiyapi kta.

19 Unkan miye he sdonwaya, Egupton wicašta yatapi kin dapi iyowinniciyapi kte šni, qa nape kin wašake kte šni.

20 Qa minape kin yewakiye ça taku tehihika mitawa Egupton cokaya ecamon kta, hena owasin on awicawape kta he iyohakam ye nišipi kta.

21 Qa Egupton kin oyate kin de cante wicakiyapi he wakage kta, hecen yaupi kinhan cokadan yaupi kte šni.

22 Tuka winohinca otioyohi tuwe ikiyedani ti kin, qa tuwe iye ti kin ohna ti kin, he etanhan mazaska oinpi qa mazaskazi oinpi qa wokoyake da kta, qa nicincapi wica winyan ko hena un wicayakiyapi kta, hecen Egupton wawicayakipi kta.

WICOWOYAKE 4.

1 Unkan Mowis ayupte ça, Ehaeš wicamadapi kte šni, qa Jehowa niye en ihdutanin šni, eyapi kta, hecen maho kin nahonpi kte šni, eya.

2 Unkan Jehowa heciya, Ninape ohna yanke cin he taku he? Unkan, Cansakadan, eya.

3 Unkan, Makata ehpeya wo, eya. Unkan makata ehpekiya qehan wanmduška icaga; unkan itokapa tanhan Mowis najica.

4 Unkan, Ninape hdugate ça sinte kin yuza wo, Jehowa Mowis eciya. Unkan nape hdugate ça he yuza, hehan nape kin ohna cansakadan icaga.

5 Heon Jehowa iye hunkakepi Taku Wakan dapi kin, Aberaham Taku Wakan da, qa Izak Taku Wakan da, qa Jakob Taku Wakan da kin he niye en ihdutanin kin he wicadapi kta.

6 Qa nakun, Ikpi kin ohna nape ye kiya wo, Jehowa eciya.

Unkan nape ikpi kin ohna ye kiyeye ça ehdaku; unkan inyun nape kin ska, wa iyececa.

7 Unkan, Ninape ake niikpi ohna ye kiya wo, eya. Unkan ake nape ikpi kin ohna ye kiye ça ikpi etanhan ehdaku, qa inyun ake iye celipi kin iyececa.

8 Unkan kaketu kta, wicanidapi kte sni, qa wowapetokeca tokaheya ho kin wicadapi kte sni esta, wowapetokeca unman ho kin wicadapi kta.

9 Qa wowapetokeca nonpa kin dena nakun wicadapi sni kinhan qa nihö kin nahonpi kte sni kinhan, wakpa kin etanhan mini iyacu, qa maka puze cin ayakastan kta, qa mini wakpa etanhan iyacu kin he maka puze cin akan we icu kta ce, eya.

10 Unkan, Itancan ceciciya ce, miš wicašta wamdapike sni, nitaokiye kici woyahdake cin ehantanhan nakun he itokam; tuka i matke, qa ceji matke, Mowis Jehowa eciya.

11 Unkan Jehowa heciya, Tuwe wicai kin kaga he? qa ia okitpani, qa nogetpa, qa wawan-yake cin, qa ista gonge cin? Jehowa he miye sni he?

12 Heon wanna ekta ya wo, unkan nii kin kici waun, qa token ehe kte cin he onspe ciciye kta ce.

13 Unkan, Itancan ceciciya, Tuwe nape kin on ye yaši kte cin he ye ši ye, eya.

14 Hehan Jehowa tocanniye kin Mowis aide qa heya, Aaron Lewi kin he nicinye heca sni he? Iye wayapika he sdonwaya, qa nakun, iho wanna itkonicipe kta u ce; qa wanniyake cinhan cante kin iyuskin kta.

15 Qa he taku eyakiye kta, qa i kin ohna wicoie kin yeyakiye kta, qa miš nii kici waun kta, qa

iyeye i kin kici, qa token ecanonpi kta he onspe ciciyapi kta.

16 Qa iye niye on oyate kin taku ewicakiye kta, qa hecen iye nii kin ee yakiye kta, qa iye Taku Wakan niyuhe kta.

17 Unkan cansakadan kin de ninape ohna iyacu kta, qa he on wowapetokeca ecanon kta.

18 Unkan Mowis iye tunkanku Jetro ekta kihde ça heciya, Ito mde ça mihunkawanji Egipta obna unpi kin ekta wahde ça nahanhin ni unpi kinhan wanmdake kta ce. Unkan, Zaniyan hda wo, Jetro Mowis eciya.

19 Wanna Midian ohna Jehowa Mowis heciye ciqon, Iho Egipton ekta hda wo, wicašta tona ninagi akitapi qon hena owasin tapi ce.

20 Unkan Mowis iye tawicu qa cinhintku napin ewicahdaku, qa šuktanka šonšouna akan iyotangwicakiye ça Egipta makocce kin ekta kihda; qa Mowis Wakantanka cansakadan tawa kin nape kin ohna icu.

21 Unkan Jehowa Mowis heciya, Egipta ekta yaki kinhan waktaya un wo. Wowapetokeca owasin ninape ohna ciçu kin Paro itokam ecanon kta, qa miš Paro cante kin mdusuta kta, hecen oyate kin kihde wicaye kte sni.

22 Qa Paro hecen eyakiye kta, Jehowa hecen eya, Israel micinkši tokapa kin hee.

23 Qa heciya, Micinkši omakiye kta hde ši wo; qa hde kta teyahinda kinhan nicinkši tokapa te waye kta ce.

24 Unkan, kaketu tahapi tukten iwankapi kin en Jehowa akipe ça te ye kta cin.

25 Unkan Zipora wanhi wan icu, qa cinhintku ce inkpa ha kin bakihdaya, qa siha kin ekta

HDINANPAPI,

elipeye ça, Awicakehan we wicašta takuciya ye, eya.

26 Unkan he ayuŝtan hehan, Bahday ipi on etanhan we on takuciye ye, eya.

27 Unkan Jehowa Aaron kaken eciye ciqon, Mowis itkokipe kta e iyŝya wo, hopuze cin ekta, unkan iyaye ça Wakantanka he tawa kin ekta akipe ça i itputaka.

28 Unkan Jehowa yeŝi kin, oie kin owasin, qa wowapetokeca econ ŝi kin owasin, Mowis Aaron okiyaka.

29 Unkan Mowis iyaya Aaron kici, qa Israel cinca hunkayapi kin owasin mniciye wicayapi.

30 Qa wicoie Jehowa Mowis eciye ciqon owasin Aaron ewicakiya, qa wowapetokeca kin econ, oyate kin wicitokam.

31 Unkan oyate kin wicadapi; qa Jehowa Israel cinca kin en wicahi, qa iyokiŝicapi kin wan yake cin he naŝionpi qehan patujapi qa cekiyapi.

WICOWOYAKE 5.

1 Unkan iyohakam Mowis qa Aaron Paro en hipi, qa heciyapi, Oyate mitawa hewotahedan wohanpi wan micicagapi kta e iyowin wicakiya wo, Jehowa Israel Taku Wakan dapi kin eya ce.

2 Unkan Paro heya, Jehowa he tuwe on ho kin nawalŝion, qa Israel ye wicawaŝi kta he? Jehowa sdonwaye ŝni qa Israel amduŝtan kte ŝni ce, Paro eya.

3 Unkan heyapi, Heberi Taku Wakan dapi kin unakapapi, ceunniciyapi, iyowinunkiyapi, hopuza ekta anpetu yamni unyanpi, qa Jehowa Taku Wakan undapi waunkiciyuŝnapi kte, okini makoŝica qaiŝ canlipi on iyaunkihpayapi kta.

4 Unkan, Tokeca Mowis qa

Aaron oyate kin wicohtani ayuŝtan wicaya kiyapi he? Nitawaqinpi kin ekta hda po, Egupton wicašta yatapi kin ewicakiya.

5 Qa, Inyun makoce oyate kin wanna ota ce, qa tawaqinpi kin kpalhe wicayakiyapi, Paro eya.

6 Qa anpetu kin he Paro oyate wicakaŝapapi, qa itancanpi kin econ wicaŝi qa hewicakiya,

7 Dehanyan oyate maka omdoton kagapi kta e peji puza wicayaqupi ece, tokata ecanonpi kte ŝni. Iye yapi qa peji puza mnakiyapi kta.

8 Qa dehanyan maka omdoton iyuta kagapi kin he kali wicayakiyapi kta, duoptetupi kte ŝni; kujapi nakaŝ, heon ho yeyapi qa, Ito unyanpi qa Taku Wakan undapi kin waunkiciyuŝnapi kta, eyapi.

9 Wicašta kin wohtani tehika econ wicayakiyapi kta, hecen htanipi kta, qa wicoie ecinŝniyan ihaktapi kte ŝni ce.

10 Unkan oyate wicakaŝapapi kin, qa itancanpi kin tankan ipi, qa oyate kin hewicakiyapi; Paro hecen eya, Peji puza ciqupi kte ŝni ce.

11 Niŝ hunktiya po, qa peji puza tukten iyeyayapi kin hetanhan ikikeu po, qa htayanipi kin takudan yuoptetupi kte ŝni.

12 Hecen oyate kin Egupta makoce kin owancaya enanakiya iyayapi, qa peji puza hee kiya aguyapi hu kin mnayanpi.

13 Unkan wicakaŝapapi kin inalni wicayapi, qa Nitohitanipi kin hduŝtan po; anpetu otaiyohi peji yuke ciqon he iyecen; eyapi.

14 Unkan Israel cinca itancanpi kin Paro wicakaŝapapi kin yuhe wicakiyapi kin hena awicapapi qa, Tokeca maka omdoton kah niŝipi kin htanihan qa

WICOWOYAKE 6.

nakaha duŝtanpi ŝni, hekta ecanonpi qon he iyecen.

15 Hehan Israel cinca itancanpi kin upi, qa Paro ho yekiyapi, qa heyapi, Tokeca nitaokiye hecen ecawicayecon he?

16 Peji puza takudan nitaokiye unqupi ŝni; Maka omdoton kaga po; unkekiyapi, qa nitaokiye unkapapi tuka, oyate nitawa kin hena ee taku ŝica econpi.

17 Unkan, Niŝ nikujapi, nikuja-pi ce, heon, Unkiyayapi qa Jehowa waunkiciyuŝnapi kta, ehapi.

18 Heon wanna hunktiya po, qa ĥtani po. Peji takudan niçupi kte ŝni, qa maka omdoton iyenaka yakagapi kta, eya.

19 Unkan, Anpetu otoiyoŝi maka omdoton yakagapi qon he duoptetupi kte ŝni, ewicakiyapi qehan, taku ŝica ehna unpi Israel cinca itancanpi kin wanihdakapi.

20 Unkan Paro etanhan hdi-nanpapi qehan, Mowis Aaron kici, canku ohna najinpi, unkan itkowicakipapi.

21 Qa hewicakiyapi, Jehowa anitonwanpi qa wayaco kta. Paro iŝta kin ohna qa taokiye iŝtapi kin ohna ounmnapi ŝicamna unyakagapi, qa napepi kin en isan wan on unktepi kta wicayapupi ce.

22 Unkan Mowis Jehowa ekta ihdamna, qa heya, Itancan tokeca oyate kin de, ŝicaya ecawicayecon, qa tokeca ekta ye mayaŝi he?

23 Qa nicajeyan Paro takewakiya ekta wahi kin ehantanhan oyate kin de taku ŝica ecawicakicon, qa dehanyan oyate nitawa ecaca wicayakiduŝke ŝni, eya.

WICOWOYAKE 6.

1 Unkan Jehowa Mowis heciye, Ito token Paro ecawecon kte

cin he wandake kta. Nape waŝaka on ye wicaŝi kta, qa makoce tawa etanhan nape waŝaka on wicakahaŝe kta.

2 Unkan Wakantanka Mowis kici wohdaka, qa heciya, Jehowa he miye.

3 Qa Abereham qa Izak qa Jakob en Taku Wakan waŝaka mihdutanin, tuka micaje Jehowa he sdonmayanpi ŝni.

4 Qa nakun wicotakuye mitawa wicaweciyusuta; makoce tawapi ŝni ohna ihdakapi kin he, Kanan makoce kin he wicawaqu kta.

5 Nakun Israel cinca ŝicahowayapi kin he nawahon, Egupton wowidag wicayapi kin he on, qa wicotakuye mitawa kin weksuya.

6 Heon Israel cinca kin hecen ewicakiya wo, Jehowa he miye, qa Egupton waqin niciyapi kin ihukuya tanhan hdi-nape ciyapi kte, ça ĥtani niciyapi kin etanhan ecihdakupi kta; qa isto hdu-gata qa woyaco tanka on opeçitonpi kta.

7 Qa oyate mitawa kta e ciyuzapi kta, qa Taku Wakan yadapi kin he miye kta, qa Jehowa wakan yadapi Egupton waqin niciyapi ihukuya tanhan hdi-nape niyanpi kin he miye, sdonyayapi kte.

8 Qa makoce wan Abereham qa Izak qa Jakob wicawaqu kta kepa, qa minape wankan yewakiya, he ekta aciupi, qa tawayayapi kta e ciçupi kta ce, Jehowa he miye.

9 Unkan Mowis Israel cinca kin hecen ewicakiya; tuka toksape kicaksapi, qa wicoĥtan tehiha, heon Mowis anagoptanpi ŝni.

10 Unkan Jehowa ie ça Mowis heciya;

HDINANPAPI,

11 Paro Egupton wicašta yatapi kin ekta ya wo ; qa iye tamakoce kin etanhan Israel cinca kin ye wicaši kta, keciya wo.

12 Unkan Mowis Jehowa itokam ie ça, Inyun, Israel cinca kin namañonpi šni, qa iha bamakiñdayapi šni hecen token Paro namañon kta he ? eya.

13 Unkan Jehowa Mowis Aaron kici Israel cinca kin ekta, qa Paro Egupton wicašta yatapi kin ekta ye wicaši, qa Egupta makoce kin etanhan hdinape wicaye kta, kewicakiya.

14 Hunkake wicayapi tiyohnaka itancanpi kin dena eepi. Israel cinca tokapa kin Ruben, he cinca kin Hanok, qa Pallu, qa Hezron, qa Karmi ; Ruben wicowazi kin hena eepi.

15 Simeon cinca kin, Jemuel, qa Jamin, qa Ohad, qa Jakin, qa Zohar, qa Kanani winohinca wan cinca Šaul ; Simeon wicowazi kin dena eepi.

16 Qa Lewi cinca cajepi wicoicagepi kin iyececa ; Geršom, qa Qohat, qa Merari. Qa waniyetu Lewi ni kin opawinge sanpa waniyetu wikcemna yamni sanpa šakowin.

17 Geršom cinca kin Libni, qa Šimi wicowazi tawapi kin iyececa.

18 Qa Qohat cinca kin Amram, qa Izhar, qa Hebron, qa Uziel ; qa waniyetu Qohat ni kin waniyetu opawinge sanpa wikcemna yamni sanpa yamni.

19 Qa Merari cinca kin, Mañli, qa Muši. Lewi wicowazi kin hena eepi wicoicage tawapi kin iyececa.

20 Unkan Amram iye tunwicu Jokebed e yuza ; unkan he Aaron, qa Mowis kiciton ; qa waniyetu Amram ni kin hena waniyetu opawinge sanpa wikcemna yamni sanpa šakowin.

21 Qa Izhar cinca kin Qora, qa Nepeg, qa Zikri.

22 Unkan Uziel cinca kin Mišael, qa Elizapan, qa Sitri.

23 Unkan Aaron Aminadab cunwintku, Nañson tawinoñtin, Elišeba yuza ; unkan Nadab, qa Abihu, qa Eleazar, qa Itamar hena kiciton.

24 Unkan Qora cinca kin Ašer qa Elqana, qa Abiasap ; Qorahi wicowazipi kin hena eepi.

25 Unkan Aaron cinhintku Eleazar, Putiel cunwintku kin etanhan wanji yuza ; unkan he Pinehas kiciton. Lewi ateyapi kin itancanpi kin hena eepi, wicowazipi kin iyececa.

26 Egupta makoce etanhan Israel cinca kin obe tawapi eecen hdinape wicaya po, Jehowa tuwe ewicakiye ciqon, he Aaron qa Mowis dena eepi.

27 Tuwe Israel cinca kin Egupta etanhan hdinape wicaye kta, Paro, Egupton wicašta yatapi eciyapi qon, Mowis qa Aaron hena eepi.

28 Qa anpetu wan Jehowa Mowis Egupta makoce kin ohna taku eciya he en kaketu.

29 Unkan Jehowa ie ça, Mowis heciya, Jehowa he miye, taku eciciye cin owasin Paro Egupton wicašta yatapi eciya wo, eya.

30 Unkan, Inyun iha bamakiñdayapi šni, heon Paro namañon kte šni, Mowis, Jehowa itokam, eya.

WICOWOYAKE 7.

1 Unkan Jehowa Mowis heciya, Wan Paro taku wakan niye kta e cicaga. qa Aaron nicinye ie yakiye kta.

2 Niš taku eye ciši kin owasin ecen ehe kta, qa nicinye Aaron Paro iye tamakocepi kin etanhan

Israel cinca kin kihde wicaśi kta, eciye kta.

3 Tuka miś Paro cante kin mdu-suta kta, qa Egupta makoce kin ohna wowapetogtokeca mitawa, qa taku woyuśinya wahduota kta.

4 Tuka Paro nanihonpi kte śni, hecen Egupton akan minape ewahnake kte qa woyaco tan-kinkinyan on Israel cinca kin, oyate mitawa, obe mitawa kin, Egupta makoce kin etanhan hdi-nape wicawaye kta.

5 Hecen Jehowa he miye Egup-ton sdonyapi kta, minape Egup-ton akan ye wakiye qa wicaco-kaya tanhan Israel cinca kin hdi-nape wicawakiye cinhan.

6 Unkan Mowis qa Aaron Jeho-wa token econ wicaśi kin owa-sin ecen econpi.

7 Unkan Mowis waniyetu wik-cemna śahdogan, qa Aaron wa-niyetu wikcemna śahdogan san-pa yamni, hehan Paro en wohda-kapi.

8 Unkan Jehowa ie qa Mowis Aaron kici hewicakiya;

9 Tohan, Wowapetokeca kin kpazo po, Paro eniciyapi kinhan, Cansakadan ikikcu, qa Paro ito-kam ehpe kiya wo; Aaron eya-kiye kta; unkan wamduśka ica-ge kta.

10 Unkan Mowis qa Aaron Pa-ro en hipi; qa token Jehowa econ wicaśi kin ecen econpi, qa Aaron cansakadan kin ehpe ki-ya, Paro itokam, qa taokiye wi-citokam; unkan wamduśka ica-ga.

11 Unkan Paro nakun wicaśta ksapa qa pejuta wicaśta wica-kico, unkan Egupton pejuta wi-caśta iś eya taku wakanyan ohanyanpi on iyecen econpi.

12 Qa otoiyohe cansakadan e-hpe kiya; unkan wamduśka ica-

gapi, tuka Aaron cansakadan ta-wa kin he cansakadan tawapi kin napca.

13 Unkan Paro cante kin ihdu-suta, qa nawicalion śni, Jehowa eye ciqon he iyecen.

14 Unkan Jehowa Mowis heci-ya. Paro cante kin tke, oyate kin ye wicaśi wicada śni.

15 Iho hanhanna Paro mini ek-ta i kta; ekta ya wo, qa wakpa hutata itkokim nayajin kta, qa cansakadan wamduśka icage ci-qon he ninape ohna iyacu kta.

16 Qa heyakiye kta, Jehowa Heberi Taku Wakan dapi kin niye ekta u maśi qa, Mitaokiye, oyate mitawa kin, hopuze cin ekta ye wicaśi wo, eniciye maśi; tuka dehanh wanayahon śni.

17 Ito Jehowa hecen eya, Jeho-wa he miye, de etanhan sdonya-ye kta. Miś cansakadan mina-pe ohna mduhe cin on mini wak-pa ohna un kin awape kta; he-cen mini kin we icu kta.

18 Qa hogan wakpa ohna ya-konpi kin tapi kta, qa wakpa kin śicamna kta, hecen Egupton wakpa mini kin yatkanpi hiti-hdapi kta.

19 Unkan Jehowa Mowis heci-ya, Aaron heciya wo, Cansaka-dan ikikcu; qa Egupton mini ta-wapi ektakiya nape hdugata wo; wakpa tawapi ektakiya, qa ta-wakpadanpi ektakiya, qa cokan tawapi ektakiya, qa minikiwita-ya tawapi ektakiya, hecen hena we icu kta; qa Egupta makoce kin owancaya we yuke kta; na-kun can-opiye ohna qa inyan opiye ohna.

20 Unkan Mowis qa Aaron to-ken Jehowa econ wicaśi kin he iyecen econpi, qa cansakadan qon yuwankan icu, qa mini wakpa ohna un kin apa, he Paro wan-yaka, qa taokiye wanyakapi; he-

cen mini wakpa ohna un kin owasin we icu.

21 Qa hogan wakpa ohna yakonpi kin tapi, qa wakpa kin sicamna, qa Egupton mini wakpa etanhan yatkanpi okihihi sñi; qa Egupta makoce kin owancaya we yukan.

22 Unkan Egupton pejuta wicašta is eya taku wakanyan ohanyanpi on iyecen econpi, hecen Paro cante kin ihdusuta, qa nawicalion sñi, Jehowa eye cigon he iyecen.

23 Unkan Paro ihdamna, qa ti kin ekta kihda, qa he nakun ekta cante kin ye kiye sñi.

24 Unkan Egupton owasin mini wakpa etanhan yatkanpi okihihi sñi, heon mini yatkanpi kta e wakpa icahda qapi.

25 Unkan Jehowa wakpa kin apa ehantanhan anpetu šakowin wanna henakeca.

26 Unkan Jehowa Mowis heciya, Paro ekta ya, qa heciya wo; Jehowa hecen eya, Oyate mitawa omakiyapi kta ye wicaši wo.

27 Tuka yapi kta teyahda kinhan, inyun makoce nitawa owancaya hnaška on awape kta.

28 Qa wakpa kin hnaška ota icah ye kta, hecen hinanpapi qa yati kin en hiyupi kta, qa tipi ohna inonke cin mahentuya, qa owinja nitawa akan, qa nitaokiye tipi kin mahen, qa ohna aguyapi španyayapi kin en; qa oyaptapi wopiye nitawapi kin en;

29 Qa niye en, qa nitaoyate kin en, qa nitaokiye owasin en, hnaška wankan hiyupi kta.

WICOWOYAKE 8.

1 Unkan Jehowa Mowis heciya, Aaron hecen eciya wo; Cansakadan hduha ninape hdugata

wo, wakpa kin ektakiya, qa wakpadan kin ektakiya, qa cakan ektakiya, hecen hnaška kin Egupta makoce kin akan hinanpapi kta.

2 Unkan Aaron Egupton mini tawapi ektakiya nape hdugata, unkan hnaška kin hinanpapi qa Egupton tamakocepi kin akahipapi.

3 Unkan pejuta wicašta wakanyan ohanyanpi ece on hecen econpi, unkan hnaška kin Egupta makoce kin akan hinanpapi.

4 Unkan Paro Mowis Aaron kici wicakico qa, Jehowa cekiyapo, hecen hnaška kin yutokan kta; miye etanhan qa oyate mitawa etanhan; kinhan oyate kin ye wicawaši kta, qa Jehowa wakiciyušnapi kta, eya.

5 Unkan Miye on ihdatan wo; tohantu kte, niye qa nitaokiye, qa nitaoyate wocekiye eciciyapi kta, qa hnaška awihnunipi kta; niye etanhan qa yati kin etanhan; wakpa kin heceedan ohna ihanpi kta? Mowis Paro eciya.

6 Unkan, Heyakecinhan, eya; Unkan heya, Jehowa Wakan undapi kin he tuwedan iyececa sñi sdonyaye kta e heon token elhe cin hecetu kta;

7 Qa hnaška kin aniyuštanpi kta, qa yati kin, qa nitaokiye, qa oyate nitawa, wakpa heceedan ohna ihanpi kta.

8 Qa Mowis qa Aaron Paro etanhan inanpapi, qa Mowis Jehowa hoyekiya; hnaška Paro en hiyuye cigon heon etanhan.

9 Unkan Mowis eye cin he iyecen Jehowa econ, qa hnaška kin tapi, tipi kin etanhan, qa tonwanyanpi kin etanhan qa maga etanhan.

10 Unkan hena mnayanpi paha ota, unkan makoce kin sicamna.

11 Unkan iyozi yukan he Paro

wanyake ça cante kin ihdutke, qa nawicañon śni, Jehowa eye ciqon he iyecen.

12 Unkan Jehowa Mowis heciya, Aaron heciya wo, Cansakadan ye kiye ça makamdu kin apa wo, hecen Egupta makoce kin owancaya hoponkadan icage kta.

13 Unkan hecen econpi, qa Aaron cansakadan hduha nape hdugate ça makamdu kin apa, hecen hoponkadan icaga, wicaśta akan qa woteca akan, Egupta makoce kin owancaya makamdu kin owasin hoponkadan icaga.

14 Unkan Pejuta wicaśta taku wakanyan oñanyanpi on he iyecen econpi hoponkadan hinanpe yapi kta, tuka okihipi śni; hececa eśta hoponkañan yukan, wicaśta akan qa woteca akan.

15 Unkan Pejuta wicaśta kin Wakantanka napsukaza kin dee, Paro eciyapi; tuka Paro cante kin ihdusuta, qa nawicañon śni; Jehowa eye ciqon he iyecen.

16 Unkan Jehowa Mowis heciya, Hanñanna ñin kikta, qa Paro itokam inajin wo, iho mini ekta inanpe kta, qa heyakiye kta; Jehowa hecen eya, Oyate mitawa ye wicaśi wo, hecen omakiyapi kta.

17 Tuka niye mitaoyate kin ye wicayaśi śni kinhan, ito miś tatawamduśka ye wicawaśi kta, niye en, qa nitaokiye en, qa nitaoyate en, qa yatipi kin en; hecen tatawamduśka kin Egupton tipi kin ojun yapi kta, qa maka akan yakonpi kin he nakun.

18 Qa anpetu kin he en, Gośen makoce kin akan mitaoyate yakonpi kin he mdukinukan kte, he ohna tatawamduśka wanice kta; hecen maka cokaya kin Jehowa he miye sdonyaye kta.

19 Qa oyate mitawa oyate nitawa iyececapi kte śni wakage kta. Heyakecinhan wowapetokeca kin de tanin kta.

20 Unkan Jehowa hecen econ, qa tatawamduśka tehika Paro ti kin ekta hipi; qa taokiye tipi kin, qa Egupta makoce owancaya en, makoce kin awihnuni tatawamduśka kin on.

21 Hehan Paro Mowis Aaron kici wicakico, qa heya, Hunktiya po, makoce kin ohna Taku Wakan yadapi kin wakiciyuśna po.

22 Unkan Mowis heya, Hecen econkupi kta iyecetu śni. Jehowa Wakan undapi waunkiciyuśnapi kin he Egupton walite dapi śni. Inyun Egupton taku walite dapi śni ištapi kin itokam waunyuśnapi kinhan inyan on unkininpi kta.

23 Anpetu yamni imanipi hewoskantu kin ohna unyanpi, qa Jehowa Wakan undapi kin waunkiciyuśnapi kta, unkekiyapi qon he iyecen.

24 Unkan Paro heya, Ye ciśipi kta qa hewoskantu ohna Jehowa Wakan yadapi kin wayeciduśnapi kta, tuka sanpa tehan idadapi kte śni. Wocekiye emiciciya po.

25 Unkan Mowis heya, Ito miś niye etanhan inawape ça Jehowa cewakiye kta; unkan tatawamduśka, kin yutokan kta, Paro etanhan, qa taokiye etanhan, qa taoyate etanhan; tuka ihnuhan Paro ake wahnayan, qa oyate kin Jehowa wakiyuśnapi kta ye wicaśi śni.

26 Hehan Mowis Paro etanhan tankan inanpe ça Jehowa cekiya.

27 Unkan Jehowa Mowis eye ciqon he iyecen econ, qa tatawamduśka kin yutokan, Paro etanhan, qa taokiye etanhan, qa

taoyate etanhan, wanjidan ihe
śni.

28 Tuka Paro dehan nakun
cante kin ihdutke, qa oyate kin
ye wicaśi śni.

WICOWOYAKE 9.

1 Unkan Jehowa Mowis heci-
ya, Paro ekta ya wo, unkan he-
yakiye kta; Jehowa Heberi Wa-
kan dapi kin hecen eya, Oyate
mitawa omakiyapi kta ye wica-
śi wo.

2 Qa yapi kta teyahinda, qa na-
hanhin sutaya wicaduze cinhan;

3 Ito Jehowa nape kin wanun-
yanpi nitawa tinta ohna yakon-
pi kin akan un kta, śuktanka en,
śuktanka śonśonna en, camo en,
pte en, qa tahnca en makośice
tehika hinca kta.

4 Qa Jehowa Israel tawanun-
yanpi, qa Egupton tawanunyan-
pi otahedan yukinukan kta, he-
cen Israel cinca taku tawapi kin
owasin etanhan takudan te kte
śni.

5 Nakun tohantu kte Jehowa
yaotanin, qa heya; heyakecin-
han Jehowa wicoie kin de econ
kta, makoce ohna.

6 Unkan ihanhanna wicoie kin
he econ; unkan Egupton tawan-
unyanpi kin owasiu tpi, tuka
Israel cinca tawanunyanpi wan-
jidan te śni.

7 Unkan Paro tuwe ekta ye śi,
unkan inyun, Israel tawanun-
yanpi kin wanjidan te śni, tuka
cante kin ihdutke qa oyate kin
ye wicaśi śni.

8 Unkan Jehowa Mowis Aaron
kici hewicakiya, Maza śdoyapi
oceti cahota kin ninape ohnaka-
pi kin icu po, qa Mowis he ma-
hiya ektakiya kadada iyeye kta,
Paro iśta kin itokam.

9 Qa he watuśekśeca kta, Egup-

ta makoce kin owancaya, qa śi-
yaka wicao ton icahiye cin heca
kta, wicaśta akan, qa woteca
akan, Egupta makoce kin owan-
caya.

10 Unkan Maza śdoyapi oceti
etanhan cahota icupi, qa Paro
itokam inajinpi, qa Mowis he
mahpiya ektakiya kadada iyeya.
Unkan he śiyaka wicao ton icah
ye cin heca, wicaśta en, qa wo-
teca en.

11 Unkan śiyaka wicao on etan-
han pejuta wicaśta kin Mowis
itokam najin okitpanipi; nakaś
śiyaka wicao pejuta wicaśta en,
qa Egupton owasin en.

12 Tuka Jehowa Paro cante
kin yusuta, hecen nawicahon
śni, Jehowa Mowis eciye cion
he iyecen.

13 Unkan Jehowa Mowis heci-
ya, Hanhannahin kikta, qa Paro
itokam inajin wo, qa heyakiye
kta; Jehowa Heberi Wakan da-
pi kin hecen eya, Oyate mitawa
ye wicaśi wo, unkan ohomadapi
kta.

14 Dehan wowayazan mitawa
owasin nicante ekta hiyu waye
kta, qa nitaokiye en, qa nitaoya-
te en, hecen maka kin owancaya
tuwedan iyemaceca śni sdonya-
ye kta, heon.

15 Nakaha minape ye wakiye
ca acipe kta, qa oyate nitawa
makośice on, qa maka kin etan-
han nitanin kte śni;

16 Qa awicakehan heon najin
ciye, mitowaśake kin niye en
wahdutanin kta; qa micaje kin
maka kin owancaya oyakapi kte.

17 Dehanyan niś nihduwankan-
tuya, oyate mitawa en, qa yapi
kta iyowin wacayakiye śni.

18 Ito miś heyakecinhan de-
hantu Egupta ohna hinhewaye
kta, wasu tehika hinca anpetu
tokaheya en onunyanpi ehantan-

han ecen dehanyan, tohinni hececa šni.

19 Heon wanna ye wicaši, qa nita wanunyanpi kin nape wicaya wo, qa taku nitawa tinta en un kin owasin, wicašta, qa woteca tona tinta ohna yakonpi, qa tipi en mnawicayapi šni, hena owasin wasu ahinhewicaye kta, unkan tapi kta.

20 Paro taokiye tuwewe Jehowa oie kin ikope cinhan iye taokiye, qa tawanunyanpi tipi kin ekta awicahdi.

21 Tuka tuwe Jehowa oie kin ekta cante kin ye kiye šni kinhan, taokiye qa tawanunyanpi kin tinta ohna elipe wicaya.

22 Unkan Jehowa Mowis heciya, Małpiya ektakiya nape hdugata wo, hecen Egipta makoce owancaya wasu yuke kta, wicašta akan, qa woteca akan, qa tinta wato owasin akan, Egipta makoce ohna.

23 Unkan Mowis cansakadan hdugata małpiya ektakiya, unkan Jehowa hoton, qa wasu hiyuya, qa peta maka ainyanka, hecen Jehowa wasu Egipta makoce ahinhe kiya.

24 Unkan wasu, qa peta wasu kici icicahiya telika hinca, Egipton oyate yukan ehantahan makoce owancaya ohna tohinni hececa šni.

25 Qa Egipta makoce kin owancaya wasu kin taku tankan un kin owasin apa, wicašta, qa woteca, qa tinta wato kin owasin apa, qa wasu kin can iheye cin owasin kawega.

26 Tuka Gošen makoce kin Israel cinca ohna yakonpi kin, heceedan ohna wasu wanica.

27 Unkan Paro tuwe ekta ye ši, qa Mowis Aaron kici wicakico, qa hewicakiya; Dehan wawahitani, Jehowa hee ohan owo-

tanna tuka miš qa oyate mitawa unšicapi.

28 Jehowa cekiya po, qa hena-keca kta, sanpa Wakantanka hoton kte šni, qa wasu wanice kta; unkan ye cisipi kta, qa sanpa owanji nayajinpi kte šni.

29 Unkan Mowis heciya, Otonwe etanhan inanwape cinhan Jehowa ektakiya nape wahdumdaye kta hecen hoton kin henakeca kta, qa wasu kin sanpa wanice kta; heon Jehowa maka kin tawaya sdonyaye kta.

30 Tuka niye qa nitaokiye dehanyan Jehowa Wakantanka yakinihanpi kte šni sdonwaya.

31 Unkan hałonta on kagapi, qa barle kin hena kawankapi; nakaš barle kin wanna itka hinanpa, qa hałonta on kagapi wałica.

32 Tuka aguyapi hu kin qa wamnaheza kin hena kawankapi šni, nakaš hena oicah tehan.

33 Unkan Mowis Paro etanhan otonwe itankan inanpe qa nape hdumdaya, Jehowa ektakiya; unkan hotonpi kin qa wasu kin anapta, qa magaju maka kin sanpa ahinhe šni.

34 Unkan magaju kin qa wasu kin qa hotonpi kin anaptapi, Paro wanyake qa ake wałitani, qa cante kin ihdutke; iye qa taokiye nakun.

35 Hecen Paro cante kin ihdusuta, qa Israel cinca kin ye wicaši šni, Jehowa Mowis on eye ciqon he iyecen.

WICOWOYAKE 10.

1 Unkan Jehowa Mowis heciya, Paro ekta ya wo, miš iye cante kin mdutke, qa taokiye cantepi kin nakun; hecen wicacokaya wowapetokeca kin dena wahdutanin kta, heon etanhan.

2 Qa hecen Egipta ohna taku wakanyan owahanmda, qa w-wapetokeca mitawa ecawicawecan kin hena nicinksi, qa nita-koja owicayakidake kta, nogepi ohna, qa Jehowa he miye sdon-yayapi kta.

3 Unkan Mowis qa Aaron Paro en hipi, qa heciyapi, Jehowa Heberu Wakan dapi kin hecen eya, Tohanyan mitokam nihduhukuya tawatenyaye kte sni he? Oyate mitawa ye wicasu wo, unkan omakiyapi kta.

4 Tuka mitaoyate yapi kta teyahinda kinhan, ito heyakecinhan mis psipsicadan ota nitamakoce en hiyu waye kta.

5 Unkan maka itohnake kin akalipapi kta, hecen tuwe maka kin wanyake kte sni, qa taku nahanhin ecen han, taku wasu kin onicicaptapi kin he temyapi kta, qa maga ohna can nitawapi kin tona camni uye cin owasin temyapi kta.

6 Qa yati kin ohna otapi kta, qa nitaokiye tipi kin owasin, qa Egipton owasin tipi kin ohna otapi kta, niyatepi qa niyate ateyapi kin takudan he iyececa wanyakapi sni, maka akan unpi ehantanhan ecen anpetu kin de iyehantu; eya qa ihduhomni qa Paro etanhan inanpa.

7 Unkan Paro taokiye heciyapi, Tohanyan wicasta kin de unhmunkapi kta he? Wicasta kin Jehowa wakan dapi kin okiyapi kta e ye wicasu wo; Egipta awihnuni nahanhin sdonyaye sni he?

8 Unkan ake Mowis, Aaron kici Paro en hiyuwicayapi, unkan hewicakiya, Hunktiyapo, Jehowa Wakan yadapi kin okiya po; tuwewe dapi kta he?

9 Unkan Mowis heya, Koska, wicahinea ko unyanpi kte, unki-

cincapi wica winyan ko opapi kta, tahinea pte ko hduha unyanpi kta, Nakaś Jehowa wounkicihanpi kta.

10 Unkan hewicakiya, Nis nitašicecapi ko ye cisipi kta e Jehowa nicipi un kte. Wanyaka po; nitokam taku šica yukan.

11 Hecetu sni do. Wicasta tanka kin wanna yapo, qa Jehowa okiyapo yacinpi qon hee. Unkan Paro itokapatanhan ham wicayapi.

12 Unkan Jehowa Mowis heciya, Egipta makoce ektakiya nape hdugata wo, psipsicadan on, unkan Egipta makoce kin akan hiyupi kta, qa makoce wato kin owasin temyapi kte, taku wasu kin okapte cin iyuhpa.

13 Unkan Mowis cansakadan kin hdugate, Egipta makoce kin ektakiya; unkan Jehowa wiyohianpa tanhan tateyanpa makoce en hiyuya, anpetu kin he osan, qa hanyetu osan, qa ihanhanna wiyohianpa tanhan tateyanpa kin psipsicadan hiyuya.

14 Unkan psipsicadan kin Egipta makoce owancaya iwankam iyayapi, qa Egipta ihduksan owancaya iyahanpi, telhika hinea, hena itokam psipsicadan hececa wanica, qa iyohakam hececa kte sni.

15 Qa makoce itohnake kin owancaya akalipapi, qa makoce kin aotpas yapi, qa makoce wato kin owasin temyapi, qa can waskuyeca wasu okapte cin nakun owasin; hecen Egipta makoce owancaya can akan, qa tinta peji ohna takudan to ihe sni

16 Unkan Paro inalniyan Mowis Aaron kici wicakico, qa heya, Wawahtani, Jehowa Wakan yadapi kin en, qa niyepi nakun en.

WICOWOYAKE 11

17 Qa wanna tokin wawahtani kin nakaha heceedan miyecicajujun, qa Jehowa Wakan yadapi kin cekiya po, hecen wiconte kin de heceedan miciyutokan kta.

18 Unkan Paro etanhan inanpe ça Jehowa cekiya.

19 Unkan Jehowa tateyanpa kin yuhomni wiyohpeya tanhan suta linca, qa he psipsicadan icu, qa Mde sa en iyohpe wicaya, Egipta makoce owancaya psipsicadan wanjidan ihe sni.

20 Unkan Jehowa Paro cante kin yusuta unkan Israel cinca kin ye wicasa sni.

21 Unkan Jehowa Mowis heciya, Mahpiya ektakiya nape hdugata wo, hecen Egipta makoce akan otpaza kta, qa otpaza kin yutanpica kta.

22 Unkan Mowis mahpiya ektakiya nape hdugata, hecen Egipta makoce kin owancaya otpaza soka linca yukan, anpetu yamni.

23 Tuwedan sunkaku wanhdake sni, qa tuwedan towinja kin etanhan najin sni, anpetu yamni; tuka Israel cinca owasin tipi kin ohna ojanjan wicayukan.

24 Unkan Paro Mowis kico qa heya, Hunktiyapo, Jehowa okiyapo nitašicecapi nakun onipapi kta. Tahinca nitawapi qa pte nitawapi kin heceedan owanji yakonpi kta.

25 Unkan Mowis heya, Wošnapi, qa wohulinahiyapi nakun hduhe unyakiyapi kta, hecen Jehowa Wakan undapi waunkiciyušnapi kta.

26 Qa nakun wanunyanpi unkitawapi opapi kta, tašake wanjidan ihe kte sni. Hena etanhan Jehowa Wakan undapi kin ounkiyapi kta. Nakaš unkiš ekta unkipi sni hehanyan taku on Jehowa ounkiyapi kta sdon unkiyapi sni.

27 Unkan Jehowa Paro cante kin yusuta; unkan ye wicasa tawatenye sni.

28 Qa Paro heciya, Mitan tanhan hunktiya wo. Ihnunhan miite kin ake wandake cinhan. Tohan miite wandake cinhan anpetu kin he en niite kta.

29 Unkan Mowis heya, Token ehe cin hecetu kta. Niite kin ake icimana wanmdake kte sni.

WICOWOYAKE 11.

1 Wanna Jehowa Mowis heciye cigon, Ehake wowayazan wanjidan Paro akan hiyu waye kta, qa Egipton akan. He iyohakam detanhan ye nišipi kta, tohan ye nišipi kinhan ocowasin detanhan nicašapapi kta.

2 Wanna oyate nogepi ohna kewicakiya wo, qa wicašta otoiyohi takodaku etanhan, qa winohinca tuwe kodaye cin etanhan mazaska oinpi, qa mazaskazi oinpi kidapi kta.

3 Unkan Egipton kin oyate kin cante wicakiye Jehowa kaga. Nakun Mowis wicašta kin tanka linca, Egipta makoce ohna, Paro taokiye wicitokam, qa oyate kin wicitokam.

4 Unkan Mowis heya, Jehowa hecen eya, Hanyetu cokaya miš Egipton cokaya inanwape kta.

5 Qa tuwe caske owasin Egipta makoce ohna tapi kta Paro cinhintku tokapa oiyotanke tawa akan iyotanke kte cin etanhan, wikoška wiyukpan icahda iyotanke cin cinhintku tokapa kin aiyahdeya; nakun woteca cinca tokaheya wica tonpi kin owasin.

6 Qa Egipta makoce owancaya woceye tanka kta; he iyececa hektapatanhan wanica, qa tokata ake he iyecece kte sni.

7 Tuka Israel cinca owasin ekta šunka wanjidan keš ceji hduškan kte šni, wicašta qa woteca unman tukte ekta. Hecen Egupton, qa Israel cinca kin otahedan Jehowa yukinukan sdon yayapi kta.

8 Qa nitaokiye dena owasin en mahipi qa miye en patujapi kta, qa Toki iyaya ye niye, qa oyate nihukuya unpi kin owasin, emakiyapi kta, qa he iyohakam toki mde kta, eye ça Paro nina canniye cin etanhan inanpa.

9 Wanna Jehowa Mowis heciye ciqon, Mita wowapetokeca Egupta makoce ohna yuotapi kta; heon Paro nanihonpi kte šni.

10 Unkan Mowis Aaron kici wowapetokeca kin dena owasin Paro itokam econpi, unkan Jehowa Paro cante kin yusuta, heon iye tamakoce etanhan Israel cinca kin ye wicaši šni.

WICOWOYAKE 12.

1 Wanna Jehowa Mowis Aaron kici Egupta makoce kin ohna hewicakiye ciqon.

2 Wi kin de wi itancan dawapi kta; omaka wi kin de tokaheya dawapi kta ce.

3 Israel omniciye owasin hecen ewicakiya po; Wi kin de anpetu iwikcemna kin tipi otoiyohi on tacincadan ikikcupi kta, ateyapi tipi kin iyececa.

4 Tuka tiyohnaka tonana on tacincadan yutapi okihipi šni kinhan, iye qa tuwe ikiyedana ti kin he kici icu kta, wicanagi yawapi iyecen, wicašta otoiyohi token yute kta okihi, tacincadan on dawapi kta.

5 Tacincadan wašte, mdoka waniyetu wanjidan kta, tašin wannyanpi, qa is tatokadan etanhan iyekcupi kta.

6 Qa wi kin de anpetu iaketo-pa kin, hehanyan kaška yahduhapi kta, qa htayetu otahedan, Israel omniciye owasin he patapi kta.

7 Qa we kin etanhan icupi qa tošu tiyopa anokatanhan, qa iwankam amnimnipi kta, tipi ohna he yutapi kte cin he akan.

8 Qa hanyetu kin he en celhipi kin peta on ceonpapi yutapi kta, aguyapi onapohiye codan, qa peji pa kici he yutapi kta.

9 Hetanhan ongedan saka qa mini ohna ohanpi yatapi kte šni, tuka petan ceonpapi; pa kin qa huhu šupe kici yatapi kta.

10 Hetanhan ihanhanna hehanyan oyahdaptapi kte šni; qa ihanhanna hehanyan ongedan oyaptapi kinhan, he peta on hūhnañ yayapi kta.

11 Qa hecen yatapi kte, nite ipiyag yakitonpi, qa siha hanpa oyakihanpi, qa sagye nape ohna yahduhapi kta, qa inahniyan yatapi kta; Jehowa toacakšin kin hee.

12 Qa hanyetu kin de Egupta makoce opta mde ça tona tokapa Egupta makoce ohna, wicašta woteca ko owasin awicawape kta, qa Egupton taku wakan dapi kin owasin akan woyaco ecamon kta. Jehowa he miye.

13 Unkan tipi ohna dukanpi kin hena we kin on wapetog yakitonpi kta, hecen we kin wammdake ça niwankam acakšin mde ça Egupta makoce kin awape cinhan wowayazan on niŋapi kta iyonhipi kte šni.

14 Unkan anpetu kin de wokiksuye duhapi kta, qa he ohna wohanpi Jehowa woyecihanpi kta; nitoicagepi ohna wokage, owihanke wanica wohanpi yayapi kta.

15 Anpetu šakowin aguyapi

onapohye codan yatapi kta; anpetu tokaheya awicakehan yatipi kin etanhan onapohye dutokanpi kta. Nakaś anpetu tokaheya etanhan anpetu isakowin kin hehanyan tuwe kašta onapohye yute cinhan, wicanagi kin he Israel etanhan yutokanpi kta.

16 Anpetu tokaheya kin en wicakicopi wakan, qa anpetu isakowin en wicakicopi wakan duhapi kte, anpetu kin hena en wohtani takudan econpi kte śni, tuka wicanagi iyohi taku yute kta wiyeya kagapi kta, hecedan ecanonpi kta.

17 Qa onapohye codan wohanpi kin yapatanpi kta, nakaś anpetu kin de en obe nitawapi kin Egipta makoce etanhan hdinanpe ciyapi, heon anpetu kin de yapatanpi kta, nitoicagepi yeye cin wokage owihanke wanica.

18 Wi tokaheya, anpetu iaketopa, litayetu etanhan aguyapi onapohye codan yatapi kte, wi anpetu wikcemna nonpa sanpa wanjidan litayetu kta hehanyan.

19 Anpetu isakowin onapohye yatipi kin ohna iyeyapi kte śni, nakaś hehanyan tuwe taku napohyapi yute cinhan wicanagi kin he oyate tokeca qa is makoce he en tonpi kin unman tukte kašta, Israel omniciye etanhan yutokanpi kta.

20 Takudan napohyapi yatapi kte śni. Yatipi kin owasin ohna aguyapi napohyapi śni yatapi kta, eya.

21 Unkan Mowis Israel hunkeyapi kin owasin wicakico, qa hewicakiya, Ekta hdapo, qa wicoun nitawapi on tacincadan ikikcupo, qa woacakśin kin patapo.

22 Qa peji liota opahte wan iyacupi kta, qa we kin tiyopa

icahda un kin he en oyaputkanpi, qa tośu tiyopa anokatanhan, qa iwankapatanhan ayamnimpipi kta, we tiyopa icahda un kin he on. Unkan ihanhanna kin hehanyan tuwedan iye tiyopa etanhan inanpe kte śni.

23 Hecen Jehowa Egipton wicakaštaka hiyaye kta, qa tośu tiyopa anokatanhan qa iwankam hena akan we kin wanyake cinhan Jehowa tiyopa kin acakśin kta, qa waihang ye cin he anipe kta e yatipi en hiyu iyowinkiye kte śni.

24 Unkan wicoie kin de yapatanpi kta, he wokage owihanke wanica niye qa nicinca duhapi kta.

25 Qa hecetu kta, tohan makoce wan Jehowa niçupi kin ekta yaipi, eye ciqon iyecen, wohtani kin de oyapapi kta.

26 Qa tohan nicincapi kin, Wohtani kin de ecannonpi kin he taku he? eniciyapi kinhan;

27 Hehan hehapi kta, Woacakśin Jehowa wakiyuśnapi kin dee, Iye Egipton wicakaštake cehan, Egipta makoce ohna Israel cinca tipi kin acakśin, qa untipi kin patan ce. Unkan oyate kin patujapi qa ohodapi.

28 Unkan Israel cinca kin ekta hdapi, qa token Jehowa Mowis Aaron kici econ wicaśi kin he iyecen econpi.

29 Unkan kaketu, hanyetu cokaya hehan Jehowa tona Egipta makoce ohna caske owasin wicakaštaka, Paro cinhintku tokapa toiyotanke akan iyotanke kta etanhan, wayaka wicakaška tipi ohna yanke cin cinhintku tokapa aiyahdeya, qa woteca cinca tokapa nakun owasin.

30 Unkan Paro hanyen kikta, iye qa taokiye owasin, qa Egipton owasin. Unkan Egipta

HDINANPAPI,

ohna śicahowayapi tanka, nakaś tipu tukte tuwedan te śni wánica.

31 Unkan hanyen Mowis, Aaron kici wicakico, qa heya, Najinpo, oyate mitawa wicehnatanhan inanpapo, niye qa nakun Israel cinca kin *owasin*, qa hunktiyapo, Jehowa okiyapo ehapi qon iyecen.

32 Nakun tahinca nitawapi qa pte nitawapi kin ikikcupo, ehapi qon iyecen; nakun miś eya mayawaśtepo.

33 Unkan Egupton iyowicapaśtakapi, qa owasin unťapi se eyapi, heon oyate kin makoce etanhan ye wicayapi kta inahniipi.

34 Unkan oyate kin aguyapi mdu kin nahanhin napohiyapi śni ikikcupi, waksica towokoyakepi ohna pahťapi tahpapi kin akan.

35 Qa Israel cinca kin Mowis eye cion he iyecen econpi, qa Egupton etanhan mazaska oinpi, qa mazaskazi oinpi, qa wokoyake dapi.

36 Unkan Egupton kin oyate kin cante wicakiyapi kin he Jehowa kaga; heon wicacupi, unkan taku Egupton tawapi yuha iyayapi.

37 Qa Israel cinca kin Rameses etanhan ihdakapi, Sukot ekta, wicaśta kektopawinge opawinge śakpe Huninyunkenken manipi qa śicecapi kin hena wicayawapi śni.

38 Qa oyate tokeca wicota opapi qa tahinca qa pte, wanuyanpi ota hinca.

39 Qa aguyapi mdu Egupta etanhan yuha hdinanpapi kin he śpanyanpi, aguyapi hmiyanyan he napohiyapi śni, ecin Egupta etanhan nape wicayapi, qa owanji unpi okihipi śni, qa nakun wanya icicagapi śni, nakaś.

40 Israel cinca Egupta en iyo-

tankapi kin wanna waniyetu opawinge topa sanpa wikcemna yamni en ounyanpi.

41 Qa waniyetu opawinge topa sanpa wikcemna yamni owihan-keta, anpetu kin he en, Jehowa obe tawa owasin, Egupta etanhan hdinanpapi.

42 Hanyetu kin de Jehowa on awacinpi kta; Egupta makoce etanhan hdinanpe wicaya, heon Israel cinca kin owasin wicoicage yeye cin ecekcen Jehowa hanyetu tawa kin he awacinpi kta.

43 Unkan Jehowa Mowis Aaron kici hewicakiye cion; Woacakśin wokonze kin dee, oyate tokeca cinca kin tuwedan hetanhan yute kte śni.

44 Tuka wicaśta otioyohi taokiyemazaska on opetonpi, he bayahdaye cinhan, hehan hetanhan yute kta.

45 Tuwe oyate tokeca makoce en ti, qa iś tohtani opeyaton eśta he yute kte śni.

46 Tipi wanjidan ohna he yutapi kta, qa celipi kin ongedan tipi kin he etanhan tankan adapi kte śni, qa huhu kin wanjidan duwegapi kte śni.

47 Israel omniciye ocowasin heconpi kta.

48 Qa tuwe oyate tokeca niye kici onnye qa woacakśin Jehowa on ope kte cinhan, tona wica iye ti kin ohna owasin baħdayapi kte, hehan ikiyedani hi, qa hecon kta; hecen tuwe makoce ohna tonpi kin iyececa kta; tuka baħdayapi śni tuwedani hetanhan yute kte śni.

49 Tona makoce en tonpi, qa oyate tokeca niyepi ehna ounyanpi kin wicoope wanjidani yuhapi kta.

50 Unkan token Jehowa Mowis qa Aaron econ wicaśi kin he iye-

WICOWOYAKE 13.

cen Israel cinca kin owasin econpi.

51 Unkan anpetu kin he Jehowa Israel cinca kin obe tawapi kin ecekcen, Egipta makoce kin etanhan hdinanpe wicaya.

WICOWOYAKE 13.

1 Unkan Jehowa ie ça Mowis heciya,

2 Tona caske owasin miciyuwakan wo, Israel cinca kin ehna tona winyan tamni nahdoke cin wicašta woteka ko owasin mitawa.

3 Unkan Mowis oyate kin hewicakiya, Anpetu kin de kiksuya po, he en Egipta makoce kin etanhan, wayaka tipi kin etanhan yahdinanpapi, Jehowa nape wašaka on betanhan hdinanpe niyanpi, heon takudan napohiyapi yutapi kte šni.

4 Aguyapi itka hinanpe, Abibi kin anpetu kin de yahdinanpapi.

5 Unkan makoce wan Jehowa niču kta e niyate wokonze on ewicakiya, Kanani qa Ĥiti kin, qa Amori kin qa Ĥiwi kin qa Jebusi kin tamakocepi kin he en Jehowa hiyuniye cinhan, makoce wan ohna pte asanpi qa canhanpi tiktica kaduze cin he ohna, wi kin de en wicohan kin de ecannon kta.

6 Anpetu šakowin hehanyan aguyapi napohiyapi šni yate kta, qa anpetu išakowin kin Jehowa wohanpi kicagapi kta.

7 Aguyapi napohiyapi šni, anpetu šakowin yutapi kta, qa aguyapi napohiyapi nicipi wanyakapi kte šni, qa onnapohiyapi kin makoce nitawapi kin ohna wanyakapi kte šni.

8 Qa anpetu kin he nicinkši oyakidake ça heyakiye kta,

Egipta makoce etanhan wau qehan Jehowa taku ecamicon heon de ecamon.

9 Unkan he ninape akan wowapetokeca duhe kta, qa ništa otahedan wokiksuye kta, hecen Jehowa toope kin nii kin ohna un kta; nakaš nape wašaka on Jehowa Egipta etanhan hiyu niyan.

10 Heon wokonze kin de omakaya iyehantu ca oyape kta, waniyetu otoiyo.

11 Unkan tohan Jehowa Kanani makoce kin ekta aniye cinhan, qa he niču, niš qa nihunkakepi eniciya qon he iyecen;

12 Hehan winyan cinca tokapa kin owasin, Jehowa on dutokan kta, qa wanunyanpi nitawa cinca tokapa mdoka kin owasin Jehowa tawa kta.

13 Qa šuktanka šonšonna cinca tokapa kin owasin opeyakiton kta, tahinca cinca wan he iyopeyakiye kta, qa opeyakiton šni kinhan pakin yakakse kta; qa wicašta nicincapi kin tona caskepi owasin opeyakiton kta.

14 Qa kaketu kta, tokata tohan nicinca, De taku hwo? eya iniwange cinhan, hehan heyakiye kta, Nape wašaka on Egipta etanhan, wayaka tipi kin etanhan, Jehowa hdinanpe unyanpi.

15 Unkan unhdapi Paro katinyan tehinda; heon Jehowa tona caskepi Egipta makoce ohna owasin wicakte, wicašta cinca tokapa, qa nakun woteka cinca tokapa, heon tona caskepi owasin Jehowa wawakiyušna, qa micinca caske opewakiton, ehe kta.

16 Qa he ninape akan wowapetokeca kta, qa ite akašpe ništa otahedan niciyuke kta, nakaš nape wašaka on Jehowa Egipta etanhan hdinanpe niyanpi.

HDINANPAPI,

17 Unkan kaketu, Paro oyate ye wicaši qehan Wakantanka Pilistim tamakocepi canku kin ohna awicaye šni, he ptecedan tuka okini oyate ozuye wanyakapi kinhan iyope içiyapi qa Egupta ekta hdapi kta, eya.

18 Heon Wakantanka oyate kin wicayuhomni, qa Mde-ša hopuze canku kin ohna awicaya; unkan Israel cinca kin ipiyag kintonpi Egupta makoce kin etanhan inaupapi.

19 Unkan Mowis Josep huhu kin yuha hda, nakaš Israel cinca kin Taku Wakan icajeyan wicaši qa heya, Awicakehan Wakantanka en nihipi kta, qa huhu mitawa yuha detanhan inayapapi kta.

20 Unkan Sukot etanhan ihdakapi, qa hopuze kin icahda Elam en etipi.

21 Unkan Jehowa wicitokam anpa eca małpiya bosdata wan ohna, canku kin ohna ye wicaya, qa hanyetu eca peta bosdata, hecen anpetu hanyetu ko, mani okihipi ece.

22 Anpetu eca małpiya bosdata ewicakicihdaku šni, qa hanyetu eca peta bosdata wicitokapa tanhan.

WICOWOYAKE 14.

1 Unkan Jehowa ie ca Mowis heciya,

2 Israel cinca kin decen ewicakiya wo; Ihdamnapi qa Hahiro i kin itokam etipi kta, Migdol qa Mde kin otahedan, Baal Zepon itokapatanhan he iyotakons, mde icahda eyatipi kta.

3 Unkan, Israel cinca kin makoce ohna nunipi hewoskan onawicataka, Paro eye kta.

4 Hecen Paro cante kin mdusuta kta, unkan tawicape kta; he-

cen Paro qa ozuye tawa kin owasin etanhan wowitan waton kta; qa Jehowa he miye Egupton sonyapi kta, eya. Unkan hecen econpi.

5 Unkan oyate kin najicapi kin Egupton wicašta yatapi kin okiyakapi, hehan Paro cante kin, qa taokiye cantepi kin oyate ekta ayuhomnipi, qa tokeca de econkupi, qa Israel wowidag wicunyanpi qon tokan ye wicunšipi hwo? eyapi.

6 Qa canpahmihma aqin kicaton qa taoyate kin hduha eyaya.

7 Qa canpahmihma opawinge šakpe kałnił icu, qa Egupton tancanpahmihma owasin, qa otoiyohi ohna wicašta yamni.

8 Unkan Jehowa Egupton wicašta yatapi kin Paro cante kin yusuta; hecen Israel cinca kin tawicapa; tuka Israel cinca kin nape hduwankan iyayapi.

9 Unkan Egupton kin tawicapapi, qa Paro šuktanka tawa owasin, canpahmihma qa šuktanka akan iyotankapi, qa ozuye tawa kin wicakihdegapi, mde icahda wankapi, Hahiro i kin ekta Baal Zepon iyotakons.

10 Unkan Paro ikiyedani hi qehan, Israel cinca išta wankan ikikecupi, unkan inyun Egupton wicihakam natan au, heon nina koki-papi, qa Israel cinca kin Jehowa hoyekiyapi.

11 Qa Mowis heciyapi, Egupta ekta wicałhapi wanica nace, heon Hewoskan ohna unłapi kta e hetanhan hiyu unyayapi he? Tokeca de ecaunyeconpi, qa Egupta etanhan hiyu unyayapi he?

12 Oie wan Egupta en unkeniciyapi qon dee seca. Unkayus-tanpo, hecen Egupton wowidag unyanpi kta, unkeyapi. Egupton wowidag unyanpi kin hee

WICOWOYAKE 14.

wašte, qa Hewoskan unŕapi kin hee śica.

13 Unkan Mowis oyate kin he-wicakiya, Ihnuhan koyakipapi kin. Owanji najin po, hecen Jehowa woehdaku ecanionpi kte cin he wandakapi kta; Egupton token nakaha wandakapi, he iyecen ake icimana wanwicadakapi kte śni.

14 Jehowa niyepi on kize kta, qa niś inina dukanpi kta.

15 Unkan Jehowa Mowis heciya, Tokeca miye hoyemayakiya he? Israel cinca kin ihdag wicaśi wo.

16 Qa niś cansakadan yuwankan ikikcu, qa ninape kin mde kin iwankan ye kiya wo; qa he yuakipam iyeya wo, hecen Israel cinca kin mde cokaya maka puza ohna manipi kta.

17 Unkan miś Egupton cantepi kin mdusuta, kta, hecen wicapasipi kta, qa Paro on, qa ozuye tawa ocowasin, canpahmihma qa śuktanka akan yotankapi on mayutanpi kta.

18 Qa Paro on, canpahmihma tawa on, qa śuktanka akan yotankapi on, wowitan waton kinhan hehan Jehowa he miye, Egupton sdonypapi kta, eya.

19 Unkan Wakantanka ohni-hde kin Israel ihdakapi wicitokam mani qon śkanskan, qa wicihektam u, qa mahpiya bosdata wicitokapatanhan iyaya, qa wicihakam najin.

20 Qa Egupton owanka kin, qa Israel owanka kin otahedan u, qa mahpiya śapa qa otpaza heca, tuka dena hanyen iyoyamya, hecen hanyetu osan icikiyedan upi śni.

21 Unkan Mowis mde kin iwankam nape hdugata, unkan Jehowa hanyetu osan wiyohiyanpatanhan tateyanpa waśaka on

mde kin yutokan, mini kin kicaśpe qa mde kin puza kaga.

22 Unkan Israel cinca kin mde cokaya ipi, puze cin olina, qa etapa tanhan catka tanhan ko mini kin aconkaśke wicaya.

23 Unkan Egupton kuwa awicayapi, qa Paro śuktanka tawa owasin, canpahmihma, śuktanka akan yotankapi koya, mde kin cokaya wicihakam ipi.

24 Unkan hanhanna iwaktapi hehan, Jehowa Egupton ihdakapi ekta etonwan, peta bosdata qa mahpiya śapa ohna, qa Egupton ihdakapi kin yuśinye wicaya.

25 Qa canpahmihma huha kin yuśdoka hecen tketkeya tokśupi; unkan Jehowa Israel on Egupton wicakiza, heon etanhan Israel etanhan naunjicapi kta, Egupton eyapi.

26 Hehan Jehowa Mowis heciya, Mde kin ektakiya ninape ki-yugata wo, hecen mini kin ecen hdiwanke kta Egupton akan, canpahmihma tawapi, qa śuktanka tawapi akan.

27 Unkan Mowis mde kin iwankam nape yekiya; unkan hanhanna hehan mde kin token un qon he iyecen hdiwanka; unkan Egupton najicapi kin he itkoki-papi, hecen Jehowa Egupton kin mde cokaya elipe wicaya.

28 Unkan mini hdiwanka qa canpahmihma, śuktanka akan yotankapi ko awicakaħpa, Paro ozuye tawa owasin, tona wicihakam mde kin en hipi wanjidan kaś ni śni.

29 Unkan Israel cinca kin mde cokaya puze cin amanipi, qa etapa tanhan catka tanhan ko mini kin aconkaśke wicaya.

30 Unkan Jehowa anpetu kin he en Israel niwicaya, Egupton napepi etanhan. Unkan Israel

Egupton tapi wanwicayaka, mde kin hutata ekta.

31 Qa Israel wicohan tanka Jehowa Egupton ecawicakicon kin he wanyakapi, qa oyate kin Jehowa kokipapi, qa Jehowa wacinyanpi, taokiye Mowis nakun.

WICOWOYAKE 15.

1 Hehan Mowis Israel cinca ko odowan kin de Jehowa kahiya-yapi, qa heyapi.

Jehowa iwadowan kta, wowitan tanka icicaga.

Suktanka qa tuwe akan iyotanke cin mde kin en elipe wicaya.

2 Ja mitowaśake qa mitadowan kin hee, qa nakaha nimayan.

Taku wakan wada kin hee, heon mdatan kta.

Ate taku wakanda, heon, mda-wankantu ye kta.

3 Jehowa wicaśta kicizapi itancan kin heca, caje tawa kin Jehowa ee.

4 Paro tacanpahmihma, ozuye tawa ko, mde en elipe wicaya.

Unkan taakicita kahniyapi mde śa ohna minin tapi.

5 Wośbe kin awicakaha; mini śbe kin ohna kun iyayapi; inyan wan iyecen.

6 Jehowa ninape etapa kin wowaśake on yutanpi ce.

Ninape etapa, Jehowa, toka kin wicakawanka.

7 Nitowitan tanka on tona nicipajinpi kin ihang wicayaya.

Nitocanniye kin yeyakiye cin he peji śeca iyecen huhnahwicaya.

8 Nipoge oniye kin on mini kin kiwitayapi.

Minitan kin paha iyecen bosdan najin.

Mde cokaya wośbe kin tasag icu.

9 Toka kin heya, Wicawakuwa kta ewicawehdege kta, woyuha wapamni kta, hena on minagi innayanpi kta, isan wahduśdoke kta, minape ihang wicaye kta.

10 Tate nitawa ipoh yakiya,

Mde kin awicakaha.

Mini waśaka aohdute wicaya, maza su iyecen.

11 Jehowa taku wakan ehna tuwe iyeniceca?

Tuwe iyeniceca wowakan on yutanpi kta?

Yatanpi kin nicinihanpi kta, wowapetokeca ecannon.

12 Ninape etapa kin yeyakiya, maka kin nawicapca.

13 Oyate kin de opewicayakiton, nitocantekiye on awicada.

Nitowaśake on oyanke wakan nitawa kin en hiyuwicayaye kta.

14 Oyate nahonpi qa kokipapi kta, Palestina onyanpi kin wokokipe wicayuze kta.

15 Hehan Edom itancanpi kin wicayusi nyayapi kta.

Moab wicaśta waśaka wocancan wicayuze kta.

Kanan onyanpi iyuhpa skanpi kta.

16 Nihinciyapi, wokokipe ko awicahinhpaye kta.

Niisto tanka kin on tasag tapi kta, inyan iyecen.

Oyate nitawa iyoopta iyaye kte cin hehanyan, Jehowa;

Oyate kin de opeyakiton iyoopta iyaye kte cin hehanyan.

17 He nitawa kin he ekta hiyu wicayaye ca ohna hu hde wicayaye kta.

Oyanke ohna yakidotanké kta ewiyeya yakaga, Jehowa.

Tipi wakan, Itancan, ninape niçicage kte cin he ekta.

18 Jehowa owihanke wanin wicaśta yatapi kta.

19 Hecen Paro súktanka tawa, canpahmihma qa súktanka akan yotankapi kin mde kin en hipi, unkan Jehowa mde mini kin he-na akan awicahdi; tuka Israel cinca kin mde cokaya taku puze cin amanipi.

20 Unkan Miriam, winyan wokcan, Aaron tankeku cancega wan nape ohna icu, unkan winohinca owasin cancega yuha opapi, qa wacipi.

21 Unkan Miriam awicayupta, qa heya, Jehowa idowanpo, wowitzan tanka içicaga, súktanka qa akan yotanka kin he mde en ehpe wicaya.

22 Unkan Mowis Israel Mdeša etanhan ihdag wicaya, unkan Šur hopuze kin ekta ipi, qa anpetu yamni Hopuza ohna manipi, qa mini iyeyapi šni.

23 Qa Mara en hipi qa Mara mini yatkanpi okihipi šni, ecin pa ce, heon he Mara (pa hee) ecipyapi.

24 Unkan oyate kin Mowis kipajinpi qa taku unyatkanpi kta hwe? eyapi.

25 Unkan Jehowa hoyekiya, unkan Jehowa he can wan sdonyekiya; he mini kin en ehpe ye cin hehan mini wašte icu. Hen wokage wan qa woyaco wan wicacu, qa hen iyutan wicaya.

26 Qa heya, Jehowa wakan yada ho kin ohinniyen anayagoptan, qa taku iye išta kin ohna ecetu kin hecannon, qa woahope tawa kin owasin nayañon, qa wokage tawa owasin duhe cinhan, wawayazan tona Egupton awicawahnaka wanjidan acihnake kte šni, nakaš Jehowa asniniye cin he miye.

27 Unkan Elim en hipi, hen miniyowe ake nonpa, qa tamar can wikcemna šakowin, qa hen etipi mini icahda.

WICOWOYAKE 16.

1 Unkan Elim etanhan ihdaka-pi, qa Egupta makoce etanhan iyayapi, wi inonpa anpetu iake zaptan hehan Israel cinca omniciye owasin Sin Hopuze cin ekta hipi; he Elim qa Sina otahedan.

2 Qa Israel cinca omniciye owasin Hopuze cin ohna Mowis qa Aaron en kipajinpi.

3 Qa Israel cinca kin hewicakiyapi, Tokin Egupta makoce ohna Jehowa nape on unťapin, celipi cega icahda iyotankehan aguyapi imnahan untapi qehan; omniciye kin de ocowasin akihhan te unyayapi kta e Hopuze cin de ekta hiyu unyayapi.

4 Unkan Jehowa Mowis heciya, Inyun, mahpiya etanhan aguyapi amagaju ciciyapi kta, qa oyate kin tankan yapi, qa anpetu otoiyohi taku anpetu wan iyohiye cin he mnayanpi kta; hecen iyutan wicawaye kta, mitoope omanipi kta, qaiš omanipi kte šni.

5 Qa anpetu išakpe hehan taku anpetu otoiyohi mnayanpi kin he nonpa akihde ahdipi kta, qa he španyanpi kta.

6 Unkan Mowis Aaron kici Israel cinca kin owasin hewicakiya, Htayetu kinhan Egupta makoce etanhan hdinanpe niyanpi kin Jehowa hee sdonyayapi kta.

7 Qa hanñanna eca Jehowa wowitzan kin wandakapi kta; Jehowa en wiyahnupi kin he nañon, tuka unkiyepi untakupi hwo? on wiunyahnupe he?

8 Qa Mowis heya, Htayetu eca Jehowa celipi yatapi kta e ničupi, qa hanñanna ca aguyapi inimnapi kta, heon etanhan Jehowa wiyahnupi kin iš iye en wiya-

hnupi kin he nahon sdoniyayapi kta; tuka unkiš untakupi he? unkiyepi en wiunyahnupi šni, tuka Jehowa he en.

9 Unkan Mowis Aaron heciya, Israel cinca omniciye ocowasin hewicakiya wo; Jehowa wiyahnupi kin nahon, heon ikiyeddan upo.

10 Unkan Aaron Israel omniciye ocowasin ewicakiye cin he icunhan, Hopuze cin ekta ihduhonnipi, qa inyun, Jehowa to-witan kin malipiya šoka kin ohna wanyakapi

11 Unkan Jehowa ie ça Mowis heciya;

12 Israel cinca wihnupi kin nahon, hecen ewicakiya wo, Htayetueca celipi yatapi ece kta, qa hanhanna eca aguyapi inimnapi kta, qa Jehowa wakan yadapi kin he miye sdoniyayapi kta.

13 Unkan htayetueciyo en hipi qa owanke kin akahpapi, qa hanhanna eca owanke ihduksan eu kin makata wanka ece.

14 Qa eu makata wanke cin akan hiyu qehan, inyun hopuze ite akan taku cistinna wa suta iyecen, hewanke iyecen cistinna maka akan wanka.

15 Unkan Israel cinca kin he wanyakapi, qa wicašta otoiyo hi hunkawanjitku kin hekiciyapi, Man hu (de taku hee:) eya; nakaš he taku sdoniyapi šni. Unkan Mowis hewicakiya, Aguyapi yutapi kte Jehowa ničupi kin dee.

16 Taku Jehowa econ nišipi kin dee, Hetanhan mnayanpo, wicašta otoiyo hi token yute kta iyacinyan wicašta iyohi, wicanagi tona wakeya tawa ohna yakonpi, pahu otoiyo hi on omer iyutapi wanjidand icu kta.

17 Unkan Israel cinca kin ecen

econpi, qa hunhi ota mnayanpi, qa hunhi aoptetu mnayanpi.

18 Qa omer ohna iyutapi qehan tuwe ota mnaye cin he taku iyakicuya yuhe šni, qa tuwe cistinna mnaye cin he aokpani yuhe šni; otoiyo hi token yute kta iyececa hecen mnayan.

19 Unkan Mowis hewicakiya; Ihnuhan tuwe hetanhan ihanhanna hehanyan onge oyapte cinhan.

20 Unkan Mowis nahonpi šni, qa wicašta wanjikši ihanhanna kin hehanyan onge oyaptapi; unkan he šicamna qa ohna wamdudan icagapi; unkan Mowis canniye wicaya.

21 He hanhanna otoiyo hi mnayanpi, wicašta otoiyo hi token yute kta iyececa; tuka anpetu wi kin kate cin hehan skan.

22 Unkan anpetu išakpe hehan aguyapi nonpa akihde mnayanpi, otoiyo hi on omer iyutapi nonpa; unkan omniciye itancan kin owasin en hipi, qa Mowis okiyakapi.

23 Unkan hewicakiya, Jehowa eye cion dee, Heyakecinhan Sabaton Jehowa okihpapi wakan tawa kin hee. Taku aguyayapi kte cin he aguyapo, qa taku cega en oyahanpi kte cin he ohanpo, qa taku ihe cin owasin kihnakapo; heyakecinhan hehanyan he yahduhapi kta.

24 Unkan hanhanna hehanyan kihnakapi, Mowis econ wicaši kin he iyecen; tuka šicamna šni, qa ohna wamdudan yuke šni.

25 Unkan Mowis heya, Naka ha he yutapo, anpetu kin de Jehowa okihpapi tawa kin ee. Ecin tinta ekta he iyeyayapi kte šni.

26 Anpetu šakpe he mnayayapi kta, qa anpetu išakowin kin he okihpapi, he icunhan wanice kta.

27 Unkan anpetu isákowin kin hehan oyate etanhan wanjiksi mnayanpi kta tankan ipi, tuka takudan iyeyapi sñi.

28 Unkan Jehowa Mowis heciya, Tohanyan mitawoahope, qa mitoope oyapapi tawatén yayapi kte sñi he.

29 Wanyakapo, Jehowa okihpapi niçupi kin, heon anpetu isákpe kin he en nonpa can on woyute niçupi, owanji yankapo, otoiyohe tohe kin ohna. Anpetu isákowin icunhan tuwedan oyanke tawa etanhan tankan iyaye kte sñi, eya.

30 Unkan oyate kin anpetu isákowin kin he en okihpapi.

31 Qa Israel ti kin he Manna eya caje yatapi, he taku su kin iyececa ska, qa he utapi kin he aguyapi zibzipedan canhanpi tik-tica icicahiyapi iyececa.

32 Unkan Mowis heya, Taku Jehowa econ nisipi kin dee, hetanhan omer wanjidan ojuyapo he inicagapi yeye cin yuha yanpi kta; hecen Egipta makoce etanhan hdinanpe ciyapi qehan, Hopuze cin ohna aguyapi yun ciyapi kin he wanyakapi kta.

33 Unkan Mowis Aaron heciya, Cega wan icu qa he ohna manna omer iyutapi wan yeya wo, qa he Jehowa itokam kihnaka wo, Inicagapi yeye cin he yuha unpi kta.

34 Unkan Aaron he woyaatanin kin itokam, he yuhapi kta e kihnaka, Jehowa Mowis econ si qon he iyecen.

35 Unkan Israel cinca kin manna yutapi, waniyetu wikcemna tom hehanyan, makoce ohna wuju tipi wan en ipi kin hehanyan, Kanan makoce ihanke kin en ipi kin hehanyan manna kin yutapi.

36 Unkan omer iyutapi wikcemna ca epah wanji ojnyanpi.

WICOWOYAKE 17.

1 Unkan Israel cinca kin omni-ciye owasin Jehowa oie kin eciyatanhan ihdakapi kin hena Sin hopuze etanhan ihdakapi, qa Repidim en etipi tuka oyate yatkanpi kta e mini wanica.

2 Unkan oyate kin Mowis iyope yapi qa, Mini unqupo, unyatkanpi kta eyapi; unkan, Tokeca mis iyope mayayapi? Tokeca Jehowa iyutan yayapi? Mowis ewicakiya.

3 Unkan hen oyate kin mini on ipuzapi, qa oyate kin Mowis i en hiyeyapi, qa, 'De tokeca hwo? Egipta etanhan inape unyayapi qa ipuza te mayaye kta, qa micinca, qa mitawanuyanpi kin, eyapi.

4 Unkan Mowis Jehowa hoyekiya, qa, Oyate kin de taku eawicawecon kta he? unhanketa e inyan on makininpi kta, eya.

5 Unkan Jehowa Mowis heciya, Oyate kin itokam ya wo, qa Israel hunkayapi etanhan ope wicaya si kta, qa cansakadan on wakpa ayape cigon ninape ohna ikikeu, qa iyaya wo.

6 Inyun mis Horeb heciya imnija kin akan nitokam iyawaheta kta, qa imnija kin ayape kta, qa hetanhan mini hiyu kta; hecen oyate kin mini yatkanpi kta. Unkan Israel hunkayapi kin wanyakapi, Mowis hecen econ.

7 Unkan oyanke kin he Masa (Iyutanyanpi) qa Meriba (Iyopeyapi) cajeyata, Israel cinca kin iyopeyapi qa Jehowa iyutan yanpi, qa Jehowa unkiyopeya un, qais un sñi he? eyapi kin heon etanhan.

8 Hehan Amaleqi en hipi, qa Repidim ohna Israel azuya.

9 Unkan Mowis Josuwa heciya,

HDINANPAPI,

Wicašta unkcicahniga wo, qa Amaleqi wicakiza wo. Heyakecinhan Wakantanka cansakadan tawa nape ohna yuha paha iya-wahe kta.

10 Unkan Jošuwa Amaleqi wicakiza, token Mowis eciye cin he iyecen econ. Unkan Mowis, Aaron qa Hur paha akan itanwankanhdeya iyayapi.

11 Unkan tohan Mowis nape kin wankantuya hdugate hehanyan Israel ohiya, qa tohan nape ozikiya ca Amaleqi ohiya.

12 Unkan Mowis nape kin tke heon inyan wan icupi, qa ihukuya ehnakapi; unkan he akan iyotanka; hehan Aaron Hur kici nape en yuzapi, unman etapa tanhan, qa unman catka tanhan; hecen nape kin patin anpetu wi kin iyaya, hehanyan.

13 Unkan Jošuwa tacanhipi hi kin on Amaleqi, qa taoyate wicakawanka.

14 Unkan Jehowa Mowis heciya; Wokiksuye kin de wowapi wan en kage ca Jošuwa noge kin en kihnaka wo. Amaleqi kiksuyapi kin mahpiya ihukuya tanhan wapajuju kta.

15 Unkan Mowis wahna wošnapi wan kage ca, Jehowa Nisi (Mitawiyokihedan) eya caje yata.

16 Qa heya, Nape kin Ja toiyo-tanke kin akan heon wicoicage yeye cin ohinniyan Jehowa Amaleqi kize kta.

WICOWOYAKE 18.

1 Unkan Jetro Mowis tunkanku, Midian wawayušna kin, Wakantanka taoyate Israel, qa Mowis token ecawicakicon owasin nahon, Jehowa Israel Egupta etanhan hdinanpe wicaye cin he.

2 Hehan Jetro Mowis tunkanku

kin Zipora Mowis tawicu kin icu, he kihdeye ciqon iyohakam.

3 Qa cinhintku nonpa, tokapa Geršom (Hen ounwaya) eciyapi, Makoce tokeca obna ounwaya, eya, heon etanhan.

4 Qa unman Eliezer (Taku wakan wada omakiya) eciyapi; Ate Taku Wakanda kin omakiye ca Paro tacanhipi kin etanhan emahdaku, eya, heon etanhan.

5 Unkan Wakantanka he tawa kin icahda, hopuze ohna Mowis ti kin he ekta Jetro Mowis tunkanku hi, qa cinhintku qa tawicu nakun.

6 Qa Mowis heciya, Nitunkan Jetro he miye, niye en wahi, nakun nitawiu, qa nicinca nonpa opapi.

7 Unkan Mowis, iye tunkanku itkokipe kta tankan iyaye ca pakicapsan, qa i iputaka, qa Zaniyan unpi hecinhan ikiciwangapi, qa wakeya kin en hipi.

8 Unkan Jehowa taku Paro qa Egupton ecawicakicon, Israel on etanhan owasin Mowis iye tunkanku okiyaka, taku tehika canku ohna awicakipa owasin, qa Jehowa ewicahdaku kin nakun, Mowis iye tunkanku okiyaka.

9 Unkan Jehowa Egupton napepi etanhan Israel ehdaku, qa taku wašte ecawicakicon owasin on Jetro iyuškin.

10 Qa Jetro heya, Jehowa Egupton napepi etanhan, qa Paro nape etanhan enihdakupi kin he yawaštepi nunwe. He Egupton napepi ihukuya tanhan taoyate kin ewicahdaku.

11 Wanna Jehowa taku wakan kin owasin isanpa tanka eè sdonwaya, taku en wahan içidaya škanpi kin he en ohiwicaya ce.

12 Unkan Mowis tunkanku Jetro wošnapi, qa wohuħnah yapi Wakantanka wakiciyušna. Un-

WICOWOYAKE 19.

kan Aaron qa Israel hunkayapi, Wakantanka itokam, Mowis tunkanku kici aguyapi yutapi kta en hipi.

13 Unkan ihanhanna Mowis oyate kin wicayaco kta e iyotankahan yanka. Unkan oyate kin Mowis ihduksan najinpi, hanhanna etanhan ecen hitayetu.

14 Unkan Mowis tunkanku taku iye taoyate kin ecawicakicon owasin wanyake ça heya, De taku oyate kin ecawicayecon hwo? Tokeca nis nana yakidotanka, qa oyate kin owasin hanhanna etanhan ecen hitayetu nihduksan najinpi he?

15 Unkan Mowis iye tunkanku heciya, Oyate kin Wakantanka iwangapi kta en mahipi ece.

16 Nakaš taku akinicapi eca en mahipi ece, qa wicašta wiciyotahedan mdaco, qa Wakantanka tokage, toope, ko sdonye wicawakiya ece.

17 Unkan Mowis tunkanku kin heya, Taku ecannon kin de wašte šni.

18 Hanyaye kta, nis qa oyate kin de onipapi owasin nakun; Taku kin de tke heon nis nana hecon oyakihi šni nakaš.

19 Wanna maho kin nahon, wahokon ciciya, qa Wakantanka nici un kta. Oyate kin ie skaninpi kta, Wakantanka ekta, qa oiepi kin Wakantanka oyakidake kta.

20 Qa wokage, woope ko onspe wicayakiyé kta, qa canku ohna omanipi kta, qa wocon econpi kte cin hena sdonye wicayakiye kta.

21 Qa niye oyate kin owasin etanhan wicašta waditaka yakalinige kta, wicašta wicakapi, Wakantanka kokipapi qa basminyanpi kin šice dakapi kin hecapi, qa kektopawingege itancanpi,

opawingege itancanpi, qa wikcemna zaptanptan itancanpi, qa wikcemnamna itancanpi kin hena wicayecage kta.

22 Unkan hena ohinniyan oyate kin yacopi kta, qa taku tanka kin owasin en anhipi kta; hecen iyepi nicičinpi kta qa kapojedan nicicagapi kta.

23 Taku kin de ecannon, qa Wakantanka hecon niši kinhan, najinhan oyakihi kta, unkan oyate kin de owasin oyanke tawapi kin en zaniyan kipi kta.

24 Unkan Mowis iye tunkanku ho kin anagoptan, qa token eye cin owasin ecen econ.

25 Qa Mowis Israel owasin etanhan wicašta waditaka wicakalnige ça oyate pa wicayapi kta, kektopawingege itancanpi, opawingege itancanpi, wikcemna zaptanptan itancanpi, qa wikcemnamna itancanpi wicakaga.

26 Unkan hena ohinniyan oyate kin yacopi, taku tehike cin he Mowis en ahipi, qa taku cistinna akinicapi kin he iye yacopi.

27 Unkan Mowis iye tunkanku kihde ya; unkan iye tamakoce kin ekta kihda.

WICOWOYAKE 19.

1 Israel cinca Egupta makoce etanhan inanpapi kin etanhan, wi iyamni, wi tanin kin anpetu kin en Sina ho puze cin en hipi.

2 Nakaš Repidim etanhan ihdakapi qon, qa Hopuze en hipi, qa Hopuze ohna e tipi, qa Israel hen wankapi lie itokam.

3 Unkan Mowis itanwankanhdeya Wakantanka ekta i, unkan Jehowa paha kin etanhan hoyekiye ça heya, Jakob tiyohnaka hecen eyakiye ça Israel cinca kin owicayakidake kta;

4 Taku Egupton ecawicawecon niś wandakapi, qa Wamdi ħupahu akan ciyuhapi, qa miye en cicahipi.

5 Qa wanna maho kin katin-yan nayahonpi, qa wicotakuye mitawa yapatampi kinhan, maka kin ocowasin mitawa, tuka oyate owasin isanpa miś tawa ciyapi kta.

6 Unkan niye oyate wakan, qa wicašta yatapi wawayuśnapi ciyuhapi kta. Wicoie kin hena Israel cinca kin owicayakidake kta.

7 Unkan Mowis en hi, qa oyate hunkayapi kin wicakico, qa wicoie kin hena owasin wicitokam ehde, Jehowa econ si kin iyecen.

8 Unkan oyate kin owasin okonwanjidan ayuptapi qa heyapi, Token Jehowa eye cin owasin ecen econkupi kta. Unkan Mowis itkom oyate oiepi kin Jehowa okiyaka.

9 Unkan Jehowa Mowis heciya, Inyun mahipiya śoka wan ohna en cihi kta, hecen ociciye cin he oyate kin nahonpi kta, qa owihanke wanin wicanidapi kta. Unkan Mowis oyate oiepi kin Jehowa okiyaka.

10 Unkan Jehowa Mowis heciya, Oyate kin ekta hda, qa wicayuwakan wo, ecin qa nakun heyakecinhan, qa wokoyake hdujajapi kta.

11 Unkan anpetu iyamni on wiyeya icĥnakapi kte, anpetu iyamni kin hehan Jehowa kun u, qa Sina paha akan iyahe kte cin he oyate owasin wanyakapi kta.

12 Unkan ihduksan oyate kin iwicayecago kta, qa hehe kta, Ihnuhan paha akan idadapi kin, qa ihanke kin ešta odutanpi kin; tuwe kašta he yutan kinhan ktepi kta.

13 Ihnuhan wicanape wanjidan he yutan kin, tuka inyan on kininpi kta qa is wanhinkpe on ipahdan iheyapi kte, woteca wicašta unman tukte kašta ni kte śni. Maza yahotonpi tehan hotonkinhan iyepi paha en itanwan-kanhdeya yapi kte.

14 Unkan Mowis paha kin etanhan apamahdedan ku, oyate kin ekta, qa oyate kin wicayuwakan, unkan wokoyake kin hdujajapi.

15 Unkan oyate kin hewicakiya, Anpetu iyamni on wiyeya un po. Ihnuhan winohinca odutanpi kin.

16 Unkan anpetu iyamni hanĥanna hehan wakinyan hotonpi, qa wakanhdi, qa paha akan mahipiya wan śoka hinca, qa maza yahotonpi nina hoton, unkan oyate kin owanka ohna owasin cancanpi.

17 Unkan Mowis oyate kin Wakantanka itkokipapi kta owanke etanhan inanpe wicaya; unkan paha ihukuya inajinpi.

18 Unkan Jehowa peta ohna Sina paha akan kun hiyu, heon paha kin owancaya śotoju, qa śota wankan hiyaya, maza śdoyapi oceti śota kin iyececa, qa paha kin owancaya nina cancan.

19 Unkan maza yahotonpi kin tehan nina hoton qehan, Mowis ia, unkan Wakantanka ho wan on ayupta.

20 Unkan Jehowa Sina paha kin akan kun hiyu, ĥe paha kin akan, qa Jehowa Mowis kipan ĥe paha kin ekta, qa Mowis itanwankanhdeya ekta i.

21 Unkan Jehowa Mowis heciya, kun hda oyate kin wicakiyaotanin, okini wanyakapi kta e Jehowa ekta iyoptapi kta, qa etanhan wicota ihpayapi kta.

22 Qa wawayuśnapi Jehowa ikiyedan hipi ece kin, is eya

WICOWOYAKE 20.

ihduwakanpi kte, okini Jehowa wicakaohpe kta.

23 Unkan He kin yuwakan, qa ihdukšan icago wo, unyakidaotanin, qa eha, heon oyate kin Sina he kin ekta ipi okitpanipi ce, Mowis Jehowa eciya.

24 Unkan, Hunktiya kun hda, qa itanwankanhdeya yau kta nis qa Aaron yecica kta, tuka wayayusnapi kin, qa oyate kin ihnunhan Jehowa ekta yapi kta e naoksapi, okini wicakaohpe kte, Jehowa eciya.

25 Unkan Mowis oyate ekta kun hde qa owawicakiye.

WICOWOYAKE 20.

1 Unkan Wakantanka ie qa oie kin dena owasin eya.

2 Jehowa wakanyada, qa Egupta makoce etanhan, wayaka tipi etanhan, inanpe niye cin he miye ce.

3 Mitokam Taku Wakan tokeca duhe kte sni.

4 Ihnunhan wakagapi pagopi niçicage cin, qa malhiya wankan taku ohnaka, qa ihukuya taku maka kin ohnaka, qa mini maka ihukuya taku ohnaka kin hena owasin taku iyececa niçicage cin.

5 Hena ohoyada kte sni, qa itokam yapatuje kte sni. Nakaš Jehowa wakanyada, Taku Wakan winawizi he miye, tona šice madapi wicoicage iyamni, qa itopa kin hehanyan ateyapi wahanipi iye cincapi kin en awicawai ece.

6 Qa tona wašte madapi qa mitawoahope patanpi kin hena wicoicage kektopawinge hehanyan cantewicawakiya ece.

7 Jehowa wakan yada kin he ikcekceya caje date kte sni, Jehowa tuwe ikcekceya caje yate cinhan yaowotanna kte sni.

8 Anpetu isakowin wakan yada kta e kiksuya wo,

9 Anpetu šakpe litayani, qa nitohitani kin owasin ecannon kta.

10 Tuka anpetu isakowin kin Jehowa Wakan yada kin he tawa, he en wolitani takudan ecannon kte sni; niye qa nicinksi, qa nicunksi, nitahoksidan, qa wiciyanna nitawa, qa wanuyanpi nitawa, qa tuwe oyate to keca otonwe nitawa ohna un kin.

11 Nakaš anpetu šakpe en Jehowa, malhiya kin, qa maka kin, miniwanca, qa taku hena ohna un kin owasin kage qa anpetu isakowin kin en okilpa, heon Jehowa anpetu isakowin kin he hdawašte qa hdawakan.

12 Niyate qa nihun wicahduonihan wo, hecen Jehowa wakan yada kin makoce niçu kin he en tehan yani kta.

13 Tin wicayakte kte sni.

14 Wawicihalapi ecannon kte sni.

15 Wamayanon kte sni.

16 Nitakoda on woyaotanin iton sniyan odake kte sni.

17 Nitakoda ti kin cantiheyaye kte sni. Nitakoda tawicu, qa hoksidan tawa, qa wiciyanna tawa, qa tatanka tawa, qa šuktanka tawa, qa taku kašta nitakoda tawa cantiheyaye kte sni.

18 Unkan oyate owasin taku hotonpi kin qa taku ide kin qa mazayahotonpi kin hoton, qa he šotoju kin he wanyakapi qehan, oyate kin kokipapi, qa cancanpi, qa itehan kinajinpi.

19 Qa, Niš unkokiyapo, hecen naunhonpi kta, tuka Wakantanka unkokiyapi kte sni, okini untapi kta, Mowis eciyapi.

20 Unkan Mowis oyate kin hewicakiya, Inihanpišnipo; iyutanianpi kta on Wakantanka hi, qa tokokipe niitepi itokam un

HDINANPAPI,

kta, hecen wayahtanipi kte śni, heon etanhan.

21 Unkan oyate kin itehan najinpi, tuka Mowis otpaza śoka ohna Wakantanka yanke cin he ikiyedani.

22 Unkan Jehowa Mowis heciya, Israel cinca kin hecen ewicayakiye kta, Mahpiya etanhan, ociciyapi kin he niś wandakapi.

23 Mitokam mazaska taku wakan, qa mazaskazi taku wakan nićicagapi kte śni.

24 Maka owayuśna miyecage kta, qa he akan peta wośnapi, qa wopida wośnapi nitawa kin, tahinca nitawa qa pte nitawa kin wayaduśna kta; tuktee kaśta micaje kiksuye ciyapi kin he en cihhi qa ciyawašte kta.

25 Qa inyan owayuśna miyecage cinhan, wokakanpi on yakage kte śni, maziya pe nitawa kin he ekta yeyakiye cinhan duśape kta.

26 Qa owayuśna mitawa kin ekta itanwankanhdeya idada eca, woyadipi akan mayani kte śni ece, okini tanconikadan tanin kta.

WICOWOYAKE 21.

1 Unkan woyaco wicitokam eyahde kta dena ee.

2 Heberi ookiye wan opeyaton kinhan waniyetu śakpe wowidag yaye kta, tuka iśakowin hehan iyuwin codan ikceya tankan iyaye kta.

3 Tanśnana en hi kinhan tanśnana tankan ye kta, tawicu ton kinhan, tawicu kici tankan ye kta.

4 Yuhe cin he winohinca wan qu kinhan, qa cinca wica qa iś winyan kiciton kinhan, tawicu cinca ko yuhe cin tawaye kta, qa iye taśnana inape kta.

5 Tuka, Mayuhe cin wašte wa-

daka, mitawin, micinca nakun, ikceya inawape kte śni, ookiye kin he katinyan eye cinhan,

6 Yuhe cin he wayaco ekta aye kta, qa tiyopa, qa iś tiyopa icahda tośu kin ekta, qa tahinśpa wan on noge kin pahdoke kta, hecen owihanke wanin he okiye kta.

7 Unkan wicaśta wan iye cunwintku wiciyanna on wiyope kiye cinhan, he hokśipidan tankan yapi kin he iyecen tankan inape kte śni.

8 Yuhe cin he wokihpe śni, qa śicedake cinhan he opekiron wicakiye kta, wanna he hnayan, heon wiyopekiye ća oyate tokeca qu kta okihi śni.

9 Qa iye cinhintku on he wokihpe cinhan, cunwintku yapi woyaco kin he iyecen ecakicon kta.

10 Winohinca tokeca yuza eśta tado tawa, qa wokoyake tawa qa kici un kin he ekiciyaku kte śni.

11 Qa hena yamni ecakicon śni kinhan, mazaska wanica ikceya inape kta.

12 Tuwe wicaśta wan apa, unkan țe cinhan, awicakehan țe yapi kta.

13 Unkan tuwe he kuwa śni unkanś, tuka nape ekta Taku Wakan hiyukiye cinhan, oyanke wan ociciyake kta hen inape kta

14 Tuka tuwe takodaku kte kta e hnayan kicañ kuwa kinhan, owayuśna mitawa eśta etanhan ktepi kta e iyacu kta.

15 Unkan tuwe iye atkuku qaiś hunku ape cinhan awicakehan țe yapi kta.

16 Unkan tuwe wicaśta wan manun qa wiyope ye cinhan, qaiś yuha iyeyapi kinhan țe yapi kta.

17 Unkan tuwe atkuku qaiś hunku ihakta śni kinhan awicakehan țe yapi kta.

18 Unkan wicašta nom akini-capi qa wanji tawašitku inyan on, qaiš nape hdupsunka on ape cinhan, unkan te šni tuka hin-hipaya makan wanka.

19 Najin, qa sagye kiton tankan mani kinhan, tuwe he ape cin he te kte šni ; tuka okizi yapi kajuju kta, qa nakun makan wanke cin on.

20 Unkan wicašta wan tahokšidan, qaiš wiciyanna tawa cansakadan on ape cinhan, qa nape kin ihukuya te cinhan, katinyan tokiconpi kta.

21 Tuka anpetu wanji, qaiš nonpa can najin kinhan, tokiconpi kte šni, he mazaska tawa nakaš.

22 Unkan wicašta nom akicipapi qa winohinca ihdušaka wan kiuniyanpi kinhan, unkan cinca hiyu tuka taku šica sanpa ope šni kinhan, mazaska on kajuju kiyapi kta, token winohinca hihnaku eye ça wayaco konzapi kin he qu kta.

23 Tuka taku šica ope cinhan wiconi on wiconi yaqu kta,

24 Išta on išta, hi on hi, nape on nape, siha on siha,

25 Guyapi on guyapi kta, capapi on capapi kta, apapi on apapi kta.

26 Unkan wicašta wan tahokšidan išta kin, qaiš tawiciyanna išta kin apa, unkan kpe cinhan, išta kin on ikceya kiyuške kta.

27 Qa tahokšidan hi wan qaiš tawiciyanna hi wan kapsun kinhan, hi kin on ikceya kiyuške kta.

28 Unkan tatanka wan wicašta qaiš winohinca capa, unkan te cinhan, tatanka inyan on kininpi kta, qa celpi kin yutapi kte šni ; tuka yuhe cin takudan ecakiconpi kte šni.

29 Tuka he itokam tatanka kin he wacapa, qa yuhe cin okiya-

kapi ešta, he hdaške šni kinhan, tatanka wicašta qaiš winohinca te kiye cinhan, inyan on kininpi kta, qa yuhe cin nakun te yapi kta.

30 Mazaska on kajuju šipi kinhan token nagi kin on kajuju šipi kin owasin qu kta.

31 Cinca wica qaiš winyan cape cinhan, woyaco kin de iye-cen ecakiconpi kta.

32 Tatanka kin hokšidan, qaiš wiciyanna cape cinhan, wicayuhe cin mazaska wikcemna yamni kicu kta, qa tatanka inyan on ktepi kta.

33 Unkan wicašta wan woħa wan yulidoke cinhan, qaiš woħa wan qe ça akaħpe kiton šni kinhan, unkan tatanka wan, qaiš šuktanka šonšonna wan he oiyo-hipaye cinhan,

34 Woħa tawa kin kajuju kta, qa yuhe cin mazaska qu kta, qa taku te cin he tawa kta.

35 Unkan wicašta wan tatanka tawa tawašitku tatanka tawa kiunni on te cinhan, tatanka ni kin he wiyope kiyapi kta, qa mazaska kin yuakipam icupi kta, qa te cin nakun cokaya kibašpapi kta.

36 Tuka tatanka kin wacapa he itokam sonyapi ešta, yuhe cin he hdaške šni kinhan, yuhe cin tatanka te cin on tatanka wan qu kte ça te cin he tawaye kta.

WICOWOYAKE 22.

1 Wicašta wan tatanka qaiš tahinca manun kinhan, qa he pata qaiš wiyope ye cinhan, tatanka zaptan, tatanka wanjidan on kicu kta, qa tahinca topa tahinca wanjidan on.

2 Wamanun wan tipi kaħdoka-han iyeyapi, qa apapi on ta ešta he on weyapi wanice kta.

HDINANPAPI,

3 Wi kin iyoyam ye cinhan wokajuju on kajuju kiyapi kte, takudan yuhe šni ešta, womanun kin on wiyope kiyapi kta tuka, heon tuwe he kte kinhan we yapi kta.

4 Taku manun kin he niyake nape kin ohna iyeyapi kinhan, tatanka, šuktanka šonšonna, tahinca ešta, wanjidan on nonpa hdajuju kta.

5 Wicašta wan taku wiňan ye kte cin tokan tamaga, qaiš tahastanhanka iyuwi oju kin en iyaye ye ča maga qaiš hastanhanka iyuwi oju kin temye cinhan, iye tamaga wašte qa hastanhanka iyuwi wašte kin on hdajuju kta.

6 Cetipi qa tinta ideyapi, qa peji paha, qaiš aguyapi bašdapi šni, qaiš maga wan huňnage cinhan he hdajuju kta.

7 Wicašta wan tawašitku kin mazaska qaiš waksica kicihňake kta e qu kinhan qa tipi tawa etanhan manunpi kinhan wamanun iyeya kinhan nonpa akihde hdajuju kta.

8 Wamanun kin iyeyapi šni kinhan, tipi yuhe cin he tawašitku woyuha tawa ekta nape yekiye šni taku wakan ekta ohdag kiyapi kta.

9 Taku akinicapi owasin on, tatanka on, šuktanka šonšonna on, tahinca on, wokoyake on, taku kašta tuwe tawa tanin šni akinicapi kinhan, napin taku wakan kin ekta ohdag wicakiyapi kta, qa tuwe taku wakan kin yašicapi kinhan tawašitku nonpa akihde kicu kta.

10 Wicašta wan tawašitku šuktanka šonšonna, qaiš tatanka, qaiš tahinca wanuyanpi, taku kašta awanyake kta e qu kinhan, unkan te cinhan, qaiš tuwedan wanyake šni kiunniyanpi, qaiš tokan kaňapapi kinhan;

11 Tawašitku taku tawa kin ekta nape kin yekiye šni, Jehowa namaňon keya ohdake kta, hecen tawa qon he iyowin kiye kta, unkan kajuju kte šni.

12 Tuka manunpi kinhan tawa qon taku iyehantu kicu kta.

13 Yahdecapi kinhan onšpa yahdecapi yuotanin kta e ahi kta, qa hecen yahdecapi on takudan kicu kte šni.

14 Unkan wicašta wan takodaku etanhan taku odote, qa tawa kin kici un šni icunhan kiunniyanpi, qaiš te cinhan wokajuju kicu kta.

15 Tawa kin kici un kinhan kajuju kte šni, opeton odote cinhan iyuwin kin he on u ce.

16 Wicašta wan hokšiwina wan wahoye kuns okiye ča kici wanke cinhan tawicu kta e awicakehan wicakicida kta.

17 Tuka wikoška atkuku kin kicu kta e katinyan tehinda kinhan, wikoška woňpapi kin he iyecen mazaska qu kte.

18 Wicahmugesa niyakiye kte šni.

19 Tuwe woteca wan kici wanke cinhan katinyan ktepi kta.

20 Jehowa hecedan wakiyušnapi kta, qa tuwe taku wakan tokeca wan wakiyušna kinhan ocowasin ihangyapi kte.

21 Tuwe oyate tokeca nici ounye cinhan iyokišin yaye kte šni, qa yakiduše kte šni, nakaš niš Egipta makoce kin ohna oyate tokeca ounyayapi.

22 Wiwazica qa wamdenica wanjidan dušicapi kte šni.

23 He dušice unkan hoye makiye cinhan ho kin naňon manke kta ce.

24 Qa mitocanniye ideye kta, qa canňpi on ciktepi kta, hecen nitawinpi wiwazicapi kta, qa nicinca wamdenicapi kta.

25 Oyate mitawa tuwe onśika nici un kin mazaska oyaqu kinhan, wayahtakesa iyecen ecayecon kte śni, woyahtake yakidake kte śni.

26 Nitakoda taku oyaqu nicicajuju kta e taśina iyacu kinhan tohan wi iyaye cinhan yecu kta.

27 Taśina uka kin hee, taku hdown kta heceedan kinhan, taku ohna iśtinbe kta he? hecen hoye makiye cinhan nawaħon kta; wacantkiya waun ce.

28 Taku wakan duśice kte śni, qa oyate nitawa itancan kin ihnuhan waħte yada śni kinhan.

29 Nicinkśi tokapa kin mayaqu kte; a taku icaħ yaye tokaheya suton kin woyute woyatke ko mayaqu dutehan kte śni.

30 He iyecen pte nitawa qa talinea nitawa kin ecayecon kte; anpetu śakowin, hunku kici yanke kte a iśahdogan can hehan mayaqu kta.

31 Wicaśta wakan mitawa kin yaunpi kta, heon taku tinta ekta yaħdecapi kin he yatapi kte śni, he śunka ekta eħpe yayapi kta.

WICOWOYAKE 23.

1 Taku ecinkta oyakapi kin iyacu kte śni, qa itonśniyan wadaatanin kta e wicaśta śica nape duze kte śni.

2 Wicota taku śica econpi owicayape kte śni, qa taku akinicapi en wicota yaśkopapi eśta yaśkoppe kta e awicadupte kte śni.

3 Nakun wicaśta waħpanica toakinice kin en duonihan kte śni.

4 Tuwe niciyuśe tatanka tawa, qaiś taśunke śonśonna nuni kin ayakipe cinhan, he ekta hdiyakiye kta.

5 Tuwe śice nidake taśunka śonśonna tawaqin ihukuya ma-

kata wanka wandake cinhan duśke kta yakapin eśta kici duśke kta.

6 Wicaśta waħpanica nici un kin toakinice kin en woyaco dapemni kte śni.

7 Wicoie itonśni etanhan ihdu-tehan wo, ihnuhan wicaśta owotanna qa tuwe taku śica econ śni yakte kinhan nakaś tuwe śice cin he mdaowotanna kte śni.

8 Taku ituħanpi kin iyacu kte śni; Nakaś taku ituħanpi tona iśta mdezapi kin hena iśta gonge wicaye a oħan owotanpidan eśta oiėpi kin wicakiyupemni.

9 Egupta makoce kin ohna ounyayapi qon, heon wicaśta oyate tokeca ohna ounyanpi cantepi kin sdonyayapi, qa tuwe oyate tokeca yakiduśe kte śni.

10 Waniyetu śakpe makoce nitawa woyaju kte a taku aicage cin mnayaye kta.

11 Tuka iśakowin kin he aduśtan kte a eħpe yaye kta, hecen oyate nitawa tona onśika he yutapi kta, unkan taku ihe cin tinta wamanica kin yutapi kta; hastanhanka iyuwi nitawa qa wihdi can nitawa kin nakun he iyecen ecayecon kta ce.

12 Anpetu śakpe nitoħtani ecannon kte a anpetu iśakowin kin en oziniiye kta ce, hecen tantanka nitawa qa nitaśunke śonśonna okiħpe kta; qa nitawiciyanna cinca, qa tuwe oyate tokeca nakun magaga iiye kta.

13 Taku eciciyapi kin owasin en ikpatanpo, qa taku wakan tokeca caje kin he kiksuye yakiye kte śni nii kin etanhan tuwedan he naħon kte śni.

14 MdoKETU eca yamni akihde womiyecihe ece kta.

15 Aguyapi napoħye codan woħanpi yapatanpi kta, Abib wi

HDINANPAPI,

kin (aguyapi itka hinanpe cin wi kin) he en Egupta etanhan yahdinape, heon etanhan iyehantu eca anpetu šakowin aguyapi napohye codan yatapi ece kta, econ cišipi kin he iyecen, qa wošna codan tuwedan mitokam wanyakapi kte šni.

16 Nakun bašdapi wohanpi kin nitohitani taku maga ohna oyaju tokaheya icage cin hee, qa wamnayanpi wohanpi kin omaka owihanketa, nitohitani kin maga etanhan mnayaye cin iyehantu eca.

17 Mdoketu eca, yamni akihde tona wica owasin Jehowa itancan kin itokam nihdutaninpi ece kta.

18 Taku wamayakidušna we kin aguyapi napohiyapi kici mayaqu kte šni, qa wohanpi mitawa wašin kin ihanhanna kin hehanyan ihe kte šni.

19 Maga nitawa taku tokaheya aicage cin he Jehowa wakanyada ti kin en ayahi ece kta. Tatomkada cinca kin he hunku asanpi kin ohna oyahe kte šni.

20 Inyun miš ohnihde wan nitokam ye waši he canku ohna awanniyake ča oyanke wiyeya cicihnake cin he ekta aniye kta.

21 Ite kin awacin wo, qa ho kin nañon wo, ihnuhan yakipajin kin, wayahtanipi kin tokan anianpi kte šni, nakaš he cokaya micaje yanka.

22 Tuka awicakehan ho kin anayagoptan, qa taku eciciye cin owasin ecen ecannon kinhan tona toka niyanpi kin owasin toka waye kta, qa tona nicipajinpi kin hena wicawakipajin kta.

23 Mitaohnihde nitokam ye kta, qa Amori kin, qa Ĥiti kin, qa Perazi kin, qa Kanani kin, qa Hiwi kin, qa Jebuši kin ekta aniye kta, qa awihnuni wicawaye kta ce.

24 Hena taku wakan dapi kin ekta yapatuje kte šni, qa ohoyada kte šni, qa token econpi kin he iyecen ecannon kte šni; tuka tawakagapi kin yakawanke kta, qa ocowasin yakamdemdece kte ce.

25 Tuka Jehowa wakan yadapi kin he oyecipapi kte, hecen aguyapi nitawapi kin he yawašte kta qa mini nitawa kin nakun, qa nicokayatanhan wowayazan mdutokan kta.

26 Qa makoce nitawa kin ohna takudan okaškan ton kte šni, qa cinca nica yuke kte šni, anpetu nitawa oyawa kin ojuwaye kta.

27 Qa wokokipe mitawa kin nitokam yewaye ča oyate ekta wicaya i kte cin owasin yušinye wicawaye kta, qa tona toka niyanpi kin owasin tahupi kin ciču kta.

28 Unkan tuhmaga nitokam yewaye kta, unkan hena Ĥiwi kin, Kanani kin, qa Ĥiti kin nitokapatnhan wicakahaŋpapi kta.

29 Waniyetu wanjidan en ĥam wicawaye kte šni, okini makoce kin hewoskantuu kta, qa wamanica ota kta niyepi ehna.

30 Tonana qa hehan tonana nitokapatnhan ĥam wicawaye kta, ecen nihduota, qa makoce kin tawayaye kta.

31 Qa Mde-ša etanhan Pilistimtamde kin aiyahdeya, qa Ĥopuze cin etanhan wakpa kin ekta, hehanyan makoce kin ciču kta, nakaš makoce kin he tona ounyanpi kin hena ninape en waqu kta; unkan nitokapatnhan ĥam wicayaye kta.

32 Hena om, qa taku wakandapi om wicotakuye yakage kte šni.

33 Makoce nitawa kin en ounyanpi kte šni, okini miye en wahtani niyanpi kta. Taku wa-

WICOWOYAKE 24.

kandapi kin oyakiye cinhan he nihmunke kta.

WICOWOYAKE 24.

1 Unkan Mowis heciya, Jehowa ekta itanwankanhdeya u wo, niś qa Aaron, Nadab qa Abihu, qa Israel hunkayapi kin wikcemna śakowin, qa itehanyan yapa-tujapi kte.

2 Qa Mowis iś nana Jehowa ikiyedani hi kta, tuka hena ikiyedani hipi kte śni ; nakun iye kici oyate kin itanwankanhdeya upi kte śni.

3 Unkan Mowis ekta hda, qa Jehowa oie kin owasin, qa woyaco kin owasin oyate kin owicakiyaka ; unkan oyate kin owasin ayuptapi, qa ho wanjidan heyapi ; wicoie owasin Jehowa eye cin ecen econkupi kte ce.

4 Unkan Mowis Jehowa oie kin owasin owa, qa hanhanna hin kikta, qa wahna wośnapi wan paha ihukuya ehde, qa inyan wokiksuye wikcemna sanpa nonpa Israel wiconn akenonpa on ;

5 Qa Israel cinca kin etanhan kośka ye wicaśi, unkan woħuħnahyapi huħnahyapi, qa tatan-ka wopida wośna Jehowa wa kiyuśnapi.

6 Unkan Mowis we kin hanke maza wakśica ohna icu, qa we kin hanke wahna wośnapi akan ehpeya.

7 Qa wicotakuye wowapi kin icu, qa yawa oyate nogepi kin ohna ; unkan, Taħu Jehowa eye cin owasin ohinniyan ecen econkupi kta, eyapi.

8 Unkan Mowis we kin icu qa oyate kin awicammimni, qa, Inyun wicoie kin dena on Jehowa wicotakuye nicicagapi we kin dee ce, eya.

9 Hehan Mowis qa Aaron, Na-

dab qa Abihu, qa Israel hunkayapi kin etanhan wikcemna śakowin itanwankanhdeya yapi.

10 Qa Israel Taku Wakan dapi kin wanyakapi, unkan siha kin ihukuya Sapir inyan kamdayapi qa owanka kagapi kin iyecen, qa mahpiya hinca kamdeza kin he iyecen.

11 Qa Israel cinca otancanke kin Wakantanka wanyakapi, qa wotapi qa wayatkanpi, tuka nape kin awicahnake śni.

12 Unkan Jehowa Mowis heciya, Itanwankanhdeya kuwa, he kin ekta, miye en, qa hen yanka wo, qa onspe wicayakiye kta e inyan mdaska qa wope woahope akan owawa kin hena ciħu kta ce.

13 Unkan Mowis najin, taokiye Jośuwa kici, qa Mowis Wakantanka he tawa kin ekta itanwankanhdeya iyaya.

14 Qa hunkayapi kin hewicakiya, Deciya unkapepo, niyepi en unhdipi kte kin hehanyan, qa ihopo Aaron qa Ĥur niyepi om unpi, qa tuwe taku akinice cinhan hena en hi kte ce.

15 Qa Mowis itanwankanhdeya paha akan i, qa mahpiya śoka kin paha kin akaħpa.

16 Unkan Jehowa towitan kin Sina paha akan owanji yanka, qa anpetu śakpe kin hehanyan mahpiya śoka kin paha akaħpa, qa anpetu iśakowin kin hehan mahpiya śoka cokayatanhan Mowis kipan.

17 Unkan Israel cinca kin Jehowa towitan kin peta wahuħnahye cin he iyecen he ipa akan wanyakapi.

18 Unkan Mowis mahpiya śoka cokaya i, qa he kin akan i, qa Mowis anpetu wikcemna topa, qa hanyetu wikcemna topa he kin ohna yanka.

WICOWOYAKE 25.

1 Unkan Jehowa Mowis okiye
ça heya;

2 Taku ituhanpi kte cin he ma-
kahipi kta e Israel cinca kin
hewicakiya wo, wicašta tona
cante kin iyopaštake cin hena
owasin taku itumakihanpi kin
he iyacupi kta.

3 Qa hena etanhan taku itu-
hanpi iyacupi kte cin dee; ma-
zaskazi, qa mazaska, qa mazaša;

4 Qa tahinca hin to, qa stan,
qa duta, qa minihuha ska, qa ta-
tokadan hin,

5 Qa tamdoka ha śayapi, qa
hoka ha, qa śitim can;

6 Wihdi petijanjan on, qa taku
waštemna wihdi sdawicayapi on
kagapi kin heon, qa izin yapi
kin on.

7 Inyan wicaśake iyececa, qa
inyan amdo akaħpe, qa maku
akaħpe otaśpuyapi.

8 Unkan tipi wakan wan mi-
cagapi kta, hecen wicacokaya
ounwaye kta.

9 Wakeya okagapi kin, qa taku
wo winyunyanpi owasin okagapi
kin hena wanyag ciciye cin owa-
sin, he iyecen yakage kta.

10 Qa can wohnaka wan mica-
gapi kta, śitim can kin on, wi-
ciśpa nom sanpa hanke ohanske
cin, qa wiciśpa sanpa hanke
ohdakinyan kin, qa obosdatu
kin wiciśpa sanpa hanke.

11 Qa mazaskazi ecedan on
ayapawinte kta, mahentanhan,
akapatanhan koya ayapawiute
kta, qa mazaskazi wateśdake
wan he akan ihdukšan yakage
kte.

12 Qa mazaskazi napcupe topa
oyecicašte kta, qa hena oise topa
ekta ikoyag yaye kta, cuwi to-
kaheya ekta napcupe nonpa, qa
cuwi inonpa ekta napcupe nonpa.

13 Unkan śitim can tośu nonpa
yakage kte ça hena mazaskazi
on ayapawinte kte.

14 Qa canwohnake akiyuhapi
kta e tośu kin napcupe canwo-
hnake cuwi ekta ikoyakapi kin
hena ohna iyeyaye kta.

15 Qa tośu kin canwohnaka
napcupe kin ohna yakonpi kta,
hetanhan icupi kte śni.

16 Unkan woyaatanin ciçu kte
cin he canwohnaka kin en ye-
hnake kta.

17 Qa wokajuju iha wan ma-
zaskazi ecedan on yakage kta,
wiciśpa nonpa sanpa hanke
ohanske cin, qa wiciśpa wan
sanpa hanke ohdakinyan kin.

18 Qa Kerubi nonpa mazaskazi
pagopi on yakage kta, wokajuju
iha ihanke nonpa etanhan hena
yakage kta.

19 Hecen Kerubi wanji woka-
juju iha ihanke deciyatanhan
kaga wo, qa Kerubi unman
ihanke unman eciyatanhan wo-
kajuju iha kin hetanhan, ihanke
anokatanhan akan Kerubi kin
yakage kta.

20 Qa Kerubi ħupahu wankan
kamdaħ yakonpi kte, ħupahupi
kin wokajuju iha kin akaħpa un-
pi kta, qa itepi kin napin unman
ektakiya kta; Kerubi itepi kin
wokajuju iha kin ektakiya ton-
wanpi kta.

21 Qa woyaatanin ciçu kte cin
he canwohnake mahen oyakih-
nake kta, qa he iwankam can-
wohnaka akan wokajuju iha kin
eyahnake kte.

22 Qa hen itkocicipe kte ça
wokajuju iha kin iwanka-patan-
han Kerubi nonpa woyaatanin
canwohnaka akan unpi kin hena
cokayatanhan ociciye kte, taku
Israel cinca kin owicakiyag ciśi
kte cin owasin.

23 Qa śitim can wahna wotapi

WICOWOYAKE 26.

wan yakage kta, wiciśpa nom ohanske cin, qa wiciśpa wanjidan ohdakinyan kin, qa obosdatu kin wiciśpa sanpa hanke.

24 Qa he mazaskazi ecedan on ayapawinte kte, qa ihdukśan mazaskazi wateśdake wan yecage kta.

25 Qa he ihdukśan iyuskite nape hdakinyan yecage kta, qa iyuskite kin ihdukśan mazaskazi ecedan wateśdake wan yecage kta.

26 Qa mazaskazi napcupe topa he yecage kta qa siha topa kin itepi topa kin akan napcupe kin ikoyag yaye kta.

27 Wahna wotapi akiyuhapi kta e mazanapcupe kin tośu icupi kta on iyuskite iyotakons unpi kta.

28 Qa tośu kin śitim can on yakage kte qa mazaskazi on ayapawinte kta, hena on wahna wotapi kin akiyuhapi kte.

29 Qa wahna wotapi kin wakśica, qa tukiha, qa wiyatke, qa cega, hena owasin yecage kta, on wakanyan okaśtanpi, qa mazaskazi ecedan on hena yakage kta.

30 Qa wahna wotapi kin akan aguyapi itokam hnakapi eyahna ke kta, mitokam ohinniyan un kte.

31 Unkan mazaskazi ecedan petijanjan ihupa wan yakage kta, pagopi he yakage kta, ceca kin, qa adetka kin, qa tawakśica kin, qa pśonka kin, qa walica kin.

32 Qa petijanjan ihupa cuwi etanhan adetka śakpe inanpe kta, adetka yamni cuwi wanji etanhan, qa adetka yamni petijanjan cuwi unman kin eciyatanhan.

33 Wakśica yamni uma iyececa, pśonka wan, qa walica wan kicica adetka wanjidan en, qa

wakśica yamni uma iyececa, qa pśonka wan qa walica wan adetka unman en, adetka śakpe petijanjan ihupa etanhan inanpe cin owasin hececa kta.

34 Qa petijanjan ihupa kin en wakśica topa uma iyececa, otioyohi pśonka wan qa walica wan kicica kta.

35 Qa pśonka wan adetka nonpa ihukuya, qa ake pśonka wan adetka nonpa ihu kuya, qa pśonka wan adetka nonpa ihukuya, adetka śakpe petijanjan ihupa etanhan inanpe cin owasin hececa kta.

36 Petijanjan ihupa pśonka tawa, qa adetka tawa kin, okonwanjidan kta, mazaskazi ecedan onśpa wanjidan pagopi on owasin kagapi kta.

37 Unkan petijanjan śakowin yecage kta, qa akan petijanjan ehna kapi kta, qa he itokapatanhan iyoyam ye kta.

38 Qa petijanjan iyukse, qa ohna caliota icupi mazaskazi ecedan.

39 He qa on kicanyanpi kin hena owasin mazaskazi ecedan woqin wanjidan on kagapi kta.

40 Qa waktaya wo owasin okagapi paha en wandake cin he iyecen kaga wo.

WICOWOYAKE 26.

1 Unkan tipi kin ozanpi wikcemna miniuhaha ska nonpa kahmupi, to, qa stan, qa duta Kerubi kazuntapi hecen yakage kte.

2 Ozanpi wanji ohanske cin wiciśpa wikcemna nonpa sanpa śahdogan, qa ohdakinyan kin wiciśpa topa, ozanpi owasin otioyohi hinskokeca kta.

3 Ozanpi zaptan icikoyag yapi kte, qa ozanpi zaptan icikoyag yapi kta,

4 Qa icikoyag yapi kta e ozanpi tokaheya opapun kin en sunjoyake to yakage kta, apahdate ekta, qa ozanpi inonpa ihanke opapun icikoyag yapi en hecen yakage kta.

5 Sunjoyake wikcemna zaptan ozanpi tokaheya en yakage kta, qa icikoyag yapi kin ekta sunjoyake wikcemna zaptan ozanpi inonpa opapun en yakage kta, sunjoyake iyotakonzapi kta, wanji unman ekta.

6 Unkan mazaskazi taspu wikcemna zaptan yakage kta, qa maza taspu kin on ozanpi kin icikoyag yaye kte, hecen wakeya wanjidan kte.

7 Unkan tatokadan hin ozanpi wakeya kin yecage kte, tipi kin iwankam; ozanpi kin ake wanji yakage kte.

8 Ozanpi wanji ohanske cin wiciŝpa wikcemna yamni, qa ohdakinyan kin wiciŝpa topa; ozanpi akewanji owasin iakedecea hinskoceca kte.

9 Qa ozanpi zaptan yuwitaya icikoyag yaye kte, qa ozanpi ŝakpe icikoyag yaye kta, qa ozanpi iŝakpe kin wakeya tiyopa kin iwankam yape han kte.

10 Qa icikoyag yapi kta e ozanpi opapun ihanke kin en sunjoyake wikcemna zaptan yakage kte, qa ozanpi inonpa opapun en ikoyag-yapi kta e sunjoyake wikcemna zaptan.

11 Qa mazaŝa taspu wikcemna zaptan yakage kte, qa mazataspu kin sunjoyake ohna yeyaye kte, hecen wakeya kin icikoyag yaye kte, qa wanjidan kte.

12 Qa wakeya ozanpi etanhan taku ihe cin he ozanpi wan hanke iyaye cin he tipi kin ihektam okazeze he kta.

13 Qa wakeya anokatanhan ozanpi ohanske cin wiciŝpa wanji

iyaye cin he tipi cuwi anokatanhan okazeze he kta.

14 Unkan tamdoka wanunyanpi ha ŝayapi woakalipe wakeya kin yecage kta, qa akapatanhan hoka ha woakalipe wan.

15 Unkan ŝitim can canmdaska bosdan unpi kta tipi kin yecage kta.

16 Canmdaska otoiyoŝi ohanske cin wiciŝpa wikcemna, qa ohdakinyan kin wiciŝpa sanpa hanke.

17 Qa canmdaska wanji nape nonpa yecage kta, on icikoyag yapi kte; tipi canmdaska kin owasin hecen yecage kta.

18 Qa tipi on canmdaska kin hecen yecage kta, canmdaska wikcemna nonpa itokaga cuwi kin on, wiyotanhan ektakiya.

19 Qa mazaska sicu wikcemna tom canmdaska wikcemna nonpa ihukuya yakage kta, canmdaska wanji nape nonpa kin on maza sicu nonpa, canmdaska wanji ihukuya, canmdaska otoiyoŝi on hecen maza sicu nonpa kta.

20 Qa tipi cuwi inonpa on waziyatakiya canmdaska wikcemna nonpa kta,

21 Qa mazaska sicu wikcemna topa; canmdaska wanji ihukuya sicu nonpa, qa canmdaska iyokihe ihukuya sicu nonpa kta.

22 Qa tipi catku wiyolipeyata ektakiya canmdaska ŝakpe yecage kta.

23 Qa tipi catku kaŝmin nonpa kin on canmdaska nonpa yecage kta.

24 Qa napin iakedececapi kta, ihukuyatanhan, qa napin otoiyoŝi pa kin ekta maza napcupe tokaheya en ikoyag yapi kte kaŝmin nonpa kin on hena nonpa okonwanjidan kta.

25 Hecen canmdaska kin ŝahdogan kta, qa maza sicu kin ake ŝak-

WICOWOYAKE 27.

pe, maza sicu nonpa canmdaska wanjidan ihukuya, qa maza sicu nonpa canmdaska wanjtdan ihukuya.

26 Qa sitim canhdakinyan yakage kta, zaptan tipi onnaptan tokaheya canmdaska kin on.

27 Qa canhdakinyan zaptan tipi onnaptan inonpa canmdaska on, qa canhdakinyan zaptan tipi ihanke wiyohpeyata ektakiya catkuta canmdaska on.

28 Qa canhdakinyan cokaya kin canmdaska cokaya ohna iyaye kta, ihanke wanji etanhan ihanke unman ekta iyohi ye kta.

29 Qa canmdaska kin mazaskazi ayapawinte kta, qa mazaskazi napcupe yecage kta, qa hena ohna canhdakinyan iyaye kta, qa canhdakinyan kin mazaskazi ayapawinte kta.

30 Qa tipi kin eyahde kta, he en okagapi kin wanyag niyanpi kin he iyecen.

31 Unkan cokaya ozanpi wan yakage kte, minihuha ska nonpa kahmupi, qa to qa stan, qa duta kazuntapi, Kerubi akan kazuntapi kte.

32 Unkan mazaska sicu topa akan sitim can ipatan tom mazaskazi apawintapi qa mazaskazi yuksanpi tom akan cokaya ozanpi otkeyaye kte.

33 Qa cokaya ozanpi kin maza yuksanpi kin ihukuya otkeyaye kta, qa cokaya ozanpi kin he mahen woayaanin can wohnake kin ade kta, qa niyepi on cokaya ozanpi kin tipi wakan qa wakan hinca otahedan yukinukan kta.

34 Qa wokajuju iha kin woayaanin can wohnake akan eyahnake kta, tipi wakanhinca mahen.

35 Qa wahna wotapi kin he cokaya ozanpi kin itankan eyahde kta, qa petijanjan ihupa kin

wahna wotapi iyotakons, tipi cuwi itokaga ekta, qa wahna wotapi kin cuwi waziyata kin ekta eyahnake kta.

36 Qa wakeya tiyopa woakahpe wan yecage kta, minihuha ska nonpa kahmupi, to qa stan qa duta hdehdega ipatapi.

37 Unkan sitim can ipatan zaptan woakahpe kin yecage kta, qa hena mazaskazi ayapawinte kta, qa yuksanpi kin mazaskazi kta; qa hena on mazaša sicu zaptan sdoiyakiye kte.

WICOWOYAKE 27.

1 Unkan owayusna wan sitim can on yakage kte, ohanske cin wicišpa zaptan, qa ohdakinyan kin wicišpa zaptan; owayusna topa omdoton kta; qa obosdata kin wicišpa yamni kta.

2 Qa oise topa kin akan he yakage kta, he kin owayusna en ikoyakapi kta, qa owayusna oowasin mazaša ayapawinte kte.

3 Qa cahota waksica yecage kta, qa maza mdaska qa waksica on aminimnipi, qa mazajata, qa mazaoceti kin hena owasin mazaša on yakage kta.

4 Qa mazaša oceti wan ho kagapi iyececa, owayusna kin yecage kta, qa oceti kin akan mazaša napcupe topa oise topa kin akan.

5 Qa owayusna opapun kin ihukuya oceti kin otkeyaye kta, qa owayusna cokaya kin iyohi kta.

6 Qa sitim can tošu nonpa owayusna kin yecage kta, qa tošu kin mazaša ayapawinte kte.

7 Qa tošu kin mazanapcupe ohna yeyaye kta, qa tošu kin owayusna cuwi napin akan unpi kta, hena on akiyuhapi kta.

8 Canmdaska on yakage kta

HDINANPAPI,

hdogeca, paha akan okagapi kin wanyag niyanpi kin he iyecen he kagapi kte.

9 Unkan tipi tahocoka kin yakage kta, cuwi itokaga wiyotanhan ektakiya hocoka cuwi wanjidan on ozanpi wan minihuha ska nonpa kahmupi ohanske cin wicišpa opawinge kta.

10 Qa mazaša ipatan kin wikcemna nonpa, qa mazaša sicu kin wikcemna nonpa, qa ipatan yukšanpi kin, qa icikoyag yapi kin hena mazaska on kagapi kta.

11 He iyecen waziyata cuwi on ozanpi ohanske cin wicišpa opawinge, qa mazaša ipatan kin wikcemna nonpa, qa mazaša sicu kin wikcemna nonpa, ipatan maza yukšanpi kin, qa icikoyag yapi kin hena maza ska kta.

12 Qa hocoka hdakinyan wiyohpeyata ihanke on ozanpi kin wicišpa wikcemna zaptan, ipatan wikcemna, qa sicu wikcemna.

13 Qa ihanke wihinanpe ektakiya tiyopata hocoka hdakinyan kin wicišpa wikcemna zaptan kta.

14 Qa hiyete wanji on ozanpi kin wicišpa akezaptan, ipatan kin yamni qa sicu kin yamni.

15 Qa hiyete unman kin on ozanpi akezaptan, ipatan kin yamni, qa sicu kin yamni kta.

16 Qa hocoka tiyopa akaŋpe kin minihuha ska nonpa kahmupi, to qa stan, qa duta ipatapi, wicišpa wikcemna nonpa, qa ipatan topa, qa sicu topa.

17 Ipatan owasin hocoka ihdukšan mazaska on ikoyag yapi kta, qa yukšanpi kin hena mazaska kta, qa tasiu kin mazaša kta.

18 Hocoka ohanske cin wicišpa opawinge, qa anog ihanke ohdakinyan kin wicišpa wikcemna

zaptan, qa obosdatu kin wicišpa zaptan, anog ihanke ozanpi kin minihuha ska nonpa kahmupi, qa sicu kin mazaša kta.

19 Tipi wakšica kin owasin on kicanyanpi, qa wihutipaspe kin owasin, qa hocoka wihutipaspe kin owasin mazaša kta.

20 Unkan Israel cinca kin can ihdi bopanpi hecedan nicahi wicayaši kta, petijanjan on, hecen ohinniyan ideye kta.

21 Aaron qa iye cinca kin itkkipapi wakeya kin ohna, cokaya ozanpi kin woayaanin itokam yanke cin, he itankan petijanjan kin kicanyanpi kta ece, htayetu etanhan ihanhanna aiyalideya Jehowa itokam, Israel cinca kin wicoicage yeye cin, wicoope kin de ohinniyan yuhapi kta.

WICOWOYAKE 28.

1 Unkan niš Israel cinca cokayatanhan nicinye Aaron iye cinca om nikiyedani hiyu wicayakiye kte, wayušnapi ece omakiyapi kte, Aaron qa iye cinca Nadab qa Abihu, Eleazer qa Itamar.

2 Qa wokoyake wakan wowitan on owanyag wašte hinca nicinye Aaron yecage kte.

3 Qa tona cante ksapapi woniya ksapa ojun wicawaye cin owasin Aaron yuwakanpi kte on wamiciyušna kta e wokoyake kicagapi kta, ewicayakiye kte.

4 Qa wokoyake kagapi kta dena ee; maku akaŋpe, qa amdo akaŋpe, qa nitoške, qa mahen unpi hdeškaška, paipahte, qa ipiyaka, hecen wokoyake wakan nicinye Aaron, qa iye cinca wicakicagapi kte; unkan wayušnapi ece omakiyapi kte.

5 Unkan mazaskazi kin, qa minihuha ska kin, qa to kin, qa stan

kin, qa, duta kin hena icupi kta.

6 Qa amdo akalipe kin kagapi kta, mazaskazi qa minihuha ska nonpa kahmupi to qa stan qa duta kazuntapi kin he kagapi kta.

7 Hiyete icaške nonpa yuke kta, ihanke nonpa kin ekta hecen ikoyag yapi kta.

8 Qa amdo akalipe ipiyaka kin he akan un kin he iyecen mazaskazi qa minihuha ska qa to qa stan qa duta on kagapi kte.

9 Unkan inyan wicaške iyececa nonpa iyacu kta, qa hena akan Israel cinca cajepi kin yapago kta.

10 Cajepi kin šakpe inyan tokaheya kin akan, qa cajepi unman šakpe inyan inonpa kin akan, token icagapi kin he iyecen.

11 Inyan apagopi iyecen ipuspe akan owapi he iyecen, Israel cinhintku cajepi kin inyan nonpa kin akan apago kta, mazaskazi ozapi en tašpuyapi kta e hena yakage kta.

12 Qa inyan nonpa kin amdo akalipe hiyete akan eyahnake kta, wokiksuye inyan Israel cinca on, qa wicakiksuye kta e Aaron iye hiyete anokatanhan akan cajepi Jehowa itokam yuha kta.

13 Qa mazaskazi ozapi yakage kta.

14 Qa mazaskazi hecedan maza icicaliha yuhmunpi nonpa yakage kta, kazuntapi qa maza icicaliha yuhmunpi kin ozapi kin ekta ikoyag yaye kta.

15 Unkan woyaco maku akalipe kin yakage kta, amdo akalipe kagapi kin he iyecen, mazaskazi qa minihuha ska nonpa kahmupi, to qa stan qa duta kazuntapi kin he yakage kte.

16 Topa omdoton kta, icitakhna, ohanske cin napapašdecapi,

qa ohdakinyan kin napapašdecapi kta.

17 Qa inyan tašpuyapi cankuye topa he ohna ojuyaye kta, sardius qa topaz qa petaga canku tokaheya kin hee kta.

18 Qa cankuye inonpa kin he smaragdos, qa sapiros, qa inyan paksa ;

19 Qa canku iyamni kin he ligurion, agate, qa ametustos ;

20 Qa cankuye itopa kin krusolitos qa inyan wicaške iyececa, qa iyaspis, qa mazaskazi ozapi ohna hena tašpuyapi kta.

21 Qa inyan kin hena Israel cinca akenonpa cajepi kin hena iyececa ipuspa pagopi kin he iyecen wicoun akenonpa cajepi kin otoiyo hi akan pagopi kta.

22 Qa maku akalipe kin akan mazaskazi ecedan ikan maza icicaliha yuhmunpi yakage kta.

23 Qa maku akalipe kin mazaskazi napcupe nonpa yecage kta, qa maza napcupe nonpa kin hena maku akalipe ihanke nonpa en koyag yaye kta.

24 Qa mazaskazi ikan nonpa kin maza napcupe nonpa maku akalipe oise nonpa akan unpi kin hena ohna iyeyaye kta.

25 Qa ikan nonpa ihanke nonpa ozanpi nonpa kin en koyag yaye kta, qa amdo akalipe hiyete kin akan itankan eyahnake kta.

26 Qa mazaskazi napcupe nonpa yakage kta, qa hena maku akalipe oise nonpa opapun en ikoyag yaye kta, amdo akalipe mahentuya iyotakonza.

27 Qa mazaskazi napcupe nonpa yakage kte amdo akalipe opapun nonpa kin ihukuya tanhan itokam en ikoyag yaye kta, ikoyag yapi iyotakons, maku akalipe ipiyaka kin iwankapatanhan.

28 Qa maku akalipe kin maza

napcupe tawa kin on amdo aka-
lipe napcupe kin en iyakaškapi
kte, haħonta to wan on, hecen
amdo akaħpe ipiyaka kin akan
yanke kta, qa maku akaħpe kin
amdo akaħpe kin etanhan yuki-
nukan kte šni.

29 Unkan Aaron Israel cinhint-
ku cajepi kin iye cante kin akan
yuha kta, woyaco maku akaħpe
ohna, tipi wakan en ya eca, Je-
howa itokam ohinniyan wokik-
suye kte.

30 Unkan iyoyamwicaye cin qa
yuřtanwicakiye cin hena woyaco
maku akaħpe kin ekta ikoyag
yaye kta, qa Aaron Jehowa ito-
kam u eca hena cante kin akan
yanke kta, hecen Aaron Israel
cinca woyacopi kin iye cante kin
akan ohinniyan Jehowa itokam
yuha kta.

31 Unkan amdo akaħpe nitoške
kin ocowasin to yakage kta.

32 Qa he cokaya pa i kin yuke
kta, qa i kin ihduřsan apahđate
kazuntapi maku akaħpe i kin
iyececa kta, hecen nahđece kte
řni.

33 Unkan upi akan taspan tan-
ka seca, to qa stan qa duta ya-
kage kta, opapun ihduřsan, qa
mazaskazi hđahđa hena otahe-
dan.

34 Mazaskazi hđahđa wan, qa
taspan tanka seca wan, maza-
skazi hđahđa wan, qa taspan-
tanka seca wan, nitoške opapun
akan ihduřsan.

35 Qa Aaron omakiye kta e he
koyake kta, qa Jehowa itokam,
tipi wakan en u eca, qa tankan
inanpa eca he sna kin nahonpi
kta, hecen ře kte řni.

36 Qa mazaskazi ecedan mda-
ska wan yakage kta, qa ipuspe
pagopi kin he iyecen, he akan
Jehowa wakan da wo, yapago
kta.

37 Qa ikan to wan ikoyag yaye
kta, hecen pa iyuskite akan un
kta, pa iyuskite itokapatanhan
kta.

38 Qa Aaron ite kin akan un kta,
Israel cinca taku yuwakanpi, wo-
qupi yuwakanpi kin hena owasin
woahđani kin yuha kta, qa Jeho-
wa iyokipi yapi kta e he ite kin
akan ohinniyan yanke kta.

39 Unkan mahenunpi minihđuha
hdehđega yakazonte kta, qa mi-
nihđuha ska pa iyuskite yakage
kta, qa ipiyaka ipatapi yakage
kta.

40 Unkan Aaron cinca kin ma-
henunpi wicayecage kta, qa ipi-
yaka wicayecage kta, qa wapa-
ha, owanyag wařte qa wowitan
on yakage kta.

41 Qa hena nicinye Aaron iye
cinca kici koyag wicayaye kta,
qa napepi kin ojudan wicayakiye
kta, hecen wamiciyuřnapi kta e
wicayaduwakan kta.

42 Qa minihđuha onzeoge wica-
yecage kta, on řelipi iřtecapi
akaħpapi kta, wicapakřin etan-
han wicaceca ekta iyohiye kta.

43 Qa Aaron qa iye cinca kin
hena koyakapi kta, itkokipapi
wakeya ekta upi eca, qa tipi wa-
kan ohna omakiyapi kta e owa-
yuřna ikiyedani upi eca, hecen
woahđani yuhapi kte řni, qa řapi
kte řni; iye, qa tona iye etanhan
icagapi kte, wicoope kin he owi-
hanke wanin yuhapi kte.

WICOWOYAKE 29.

1 Unkan wamiciyuřnapi kta wi-
caduwakan kta e taku ecawica-
yecon kte cin dee, tatanka wan,
pte wanunyanpi cinca, qa tamdo-
ka wanunyanpi nonpa owasin
wařte icu wo.

2 Qa aguyapi napolıye codan,
qa aguyapi hmiyanyanna ona-

poŋye codan, wiŋdi icicahiyapi, qa aguyapi ceguguyapi napoŋyapi ŋni, wiŋdi on sdayapi; hena owasin aguyapi mdu on yakage kta.

3 Qa makanopiye wanjidan en oyahnake kta, qa hena makan opiyedan ohna, qa tatanka kin, qa tamdoka nonpa kin ikiyedana awicayahi kta.

4 Qa itkokipapi wakeya tiyopa ikiyedana, Aaron qa iye cinca awicayahi kta, qa mini on wicadujaja kta.

5 Qa wokoyake kin iyacu kta, qa mahen unpi kin, qa amdo akahpe nitoške kin, qa amdo akahpe kin, qa maku akahpe kin, hena owasin Aaron koyag yaye kta, qa amdo akahpe ipiyaka kin ipiyag yaye kta.

6 Qa pa iyuskite cin pa akan payahite kta, qa wateŋdake wakan kin pa iyuskite akan.

7 Qa wiŋdi on sdayapi kin he iyacu kta, qa pa akan yakaŋtan kta, hecen he sda yaye kta.

8 Qa cinhintku kin ikiyedana awicayahi kta, qa mahenunpi kin koyag wicayaye kta.

9 Qa ipiyake on ipiyag wicayaye kta, Aaron qa cinhintku, qa wapaha kin iyawicayakicaške kta, hecen wawayuŋna hecapi kta, wicoope owihanke wanin, hecen Aaron iye cinca ko napepi ojudana wicayaye kta.

10 Qa tatanka qon itkokipapi wakeya kin itokam ikiyedana ayahi kta, qa Aaron iye cinca koya napepi kin tatanka pa kin akan aputakapi kta;

11 Qa tatanka qon yakte kta, Jehowa itokam, itkokipapi wakeya tiyopa ekta.

12 Qa tatanka we kin onge iyacu kta, qa owayuŋna he kin akan eŋpe yaye kta, ninapsukaza on, qa we kin ocowasin owa-

yuŋna sicu kin ekta oyakaŋtan kta.

13 Qa watejiksija kin ocowasin, qa pizi pi kin ikoyake cin he, qa pakŋin nonpa kin waŋin ikoyake cin iyahna, qa owayuŋna izin yaye kta.

14 Tuka tatanka qon ceŋpi kin, qa ha kin, qa tacesdi kin owanka ihayata peta on huŋnah yaye kta, woahitani woŋna hee.

15 Unkan tamdoka tokaheya kin he iyacu kta, unkan Aaron qa iye cinca kin napepi kin tamdoka pa aputakapi kta.

16 Unkan niye tamdoka kin yakte kta, qa we kin iyacu kta, qa owayuŋna akan ihdukŋan eŋpeyaye kta.

17 Qa tamdoka kin yapate kta wobaŋpe iyececa, qa ŋupe kin huha kin ko dujaja kta, qa hena wobaŋpe kin qa pa kin ekta eyahnake kta.

18 Qa tamdoka kin ocowasin on owayuŋna izin yaye kta. Jehowa wokicihulinagapi wan hee; woomna wiciyokipi wan Jehowa kicagapi hee.

19 Unkan tamdoka inonpa kin iyacu kta, qa Aaron, qa iye cinca kin napepi kin tamdoka pa kin aputakapi kta.

20 Qa niŋ tamdoka kin yakte kta, qa we kin etanhan iyacu kta, qa Aaron noge inkpa akan, qa cinhintku nogepi inkpa akan eyahnake kta, etapa kin eciyatanhan, qa napepi etapa hunka akan qa sipahunkepi etapa akan, qa we kin owayuŋna akan ihdukŋan eŋpe yaye kta.

21 Qa we owayuŋna akan un kin he etanhan iyacu kta, qa wiŋdi on sdawicayapi kin he etanhan, qa hena Aaron iyakiun kta, tawokoyake ko, qa cinhintku tawokoyakepi koya, hecen Aaron duwakan kta, qa tawokoyake,

HDINANPAPI,

qa cinhintku tawokoyakepi koya.

22 Qa tamdoka etanhan wasin kin iyacu kta, qa sinte, qa watejiksija kin he, qa pi pizi kin, qa paksin napin, qa wasin hena akan un kin, qa hiyete etapa kin, tamdoka wicayustan kin hee.

23 Qa aguyapi wanji, qa aguyapi hmiyanayanna wihdi icicahiyapi wanjidan, qa aguyapi ceguguyapi wanji aguyapi napohye codan makan opiye kin Jehowa itokam yanke cin hetanhan.

24 Qa hena owasin Aaron nape kin en eyahnake kta, qa cinhintku napepi kin en, qa Jehowa itokam hena yakoze kta, wozapi wan hee.

25 Qa napepi kin etanhan hena iyacu kta, qa owayusna kin izin yaye kta, wohuhnahyapi woomna wiciyokipi Jehowa itokam, peta wošnapi wan Jehowa kicagapi hee.

26 Qa tamdoka Aaron on yustanpi kin he maku kin iyacu kta, qa Jehowa itokam he yakoze kta, qa obaspe kin he nitawa kta.

27 Hecen tamdoka on Aaron ojunyapi, qa iye cinca nakun ojun wicayapi kin he maku kozapi qa hiyete yuwintapi, taku kozapi, qa taku yuwintapi kin he duwakan kta.

28 Qa he Aaron qa cinhintku tawapi kta, Israel cinca kin etanhan wicoope owihanke wanice kta, he yuwintapi heon Israel cinca wopida wošnapi etanhan he yuwintapi kta, Jehowa ekta yuwintapi kta.

29 Unkan wokoyake wakan Aaron tawa kin he cinhintku, iye iyohakam tawapi kta, hena ohna sdawicayapi kta, qa napepi kin ojun wicayapi kta.

30 Cinhintku etanhan tuwe heekiya wawayusna kta, qa tipi wa-

kan ohna omakiye kta e itkokipapi wakeya ekta hi kinhan, anpetu sakowin hena koyake kta.

31 Unkan tamdoka ojunwicaye cin he iyacu kta, qa celpi kin oyanke wakan kin ohna oyahe kta.

32 Unkan Aaron qa cinhintku tamdoka celpi kin yutapi kte, aguyapi makan opiye ohna un kin he nakun, itkokipapi wakeya tiyopa kin ekta.

33 Taku on woakalpe kagapi napepi ojun wicayapi, wicayuwakanpi kte cin, hena yutapi kta, tuka tuwe tokeca hena yute kte sni, nakaes hena wakan.

34 Unkan ojun wicayapi celpi kin onge oyaptapi kinhan qais aguyapi kin onge ihanhanna hehanyan, taku oyaptapi kin he huhnah yaye kta hee wakan heon yutapi kte sni.

35 Unkan Aaron qa cinhintku hecen ecawicayecon kta, token econ cisi kin owasin iyecen, anpetu sakowin napepi kin ojun wicayaye kta.

36 Qa woakalpapi on anpetu otoyohi tatanka woalitani wošnapi yapate kta, hecen owayusna kin duteca kta, woakalpe akan yakage cin on, qa duwakan kta e sdayaye kta.

37 Anpetu sakowin owayusna on woakalpe yakage kta, qa he duwakan kta, hecen owayusna kin wakan linca kta, taku kasta he yutan kinhan wakan kta.

38 Unkan owayusna akan taku wadusna kte cin dee; amnos (tahin wanuyanpi) waniyetu wanjidan, nonpa anpetu otoyohi ohinniyan.

39 Hanhanna eca amnos tokaheya yapate kta, qa amnos inonpa kin ohtayetu otahedan yapate kta.

40 Qa amnos wanji kici aguya-

WICQWOYAKE 30.

pi mdu iyutapi iwikcemna (wiyatke ohnaka šakpe) qa wihdi bopanpi hin itopa kin (wiyatke ohnaka nonpa) icicahiyapi qa woakaštan qupi miniša hin itopa kin.

41 Unkan talinca inonpa kin ohtayetü otahedan yapate kta hanhanna minha kin qa woakaštan kin he iyecen ecayecon kta peta wošnapi woomna Jehowa iyokipi ye kta.

42 Jehowa itokam itkokipapi wakeya tiyopa kin ekta wicoicage nitawapi kin yeye cin he peta wošna wan ohinniyan un kte; hen ociciye kta e heciya itkocicipapi kta.

43 Qa hen Israel cinca kin itkowicawakipe kta, qa mitowitan kin he yuwakanpi kta.

44 Qa itkokipapi wakeya kin, qa owayušna kin mduwakan kta, qa wamiciyušnapi kta e Aaron cinhintku ko wicamduwakan kta.

45 Qa Israel cinca kin wicehna ounwaye kta, qa taku wakan dapi kin he miye kta.

46 Qa Jehowa wakandapi E-gupta makoce etanhan hđinanpe wicaye cin he miye sdonyapi kta, wicehna ounwaye heon etanhan; Jehowa Wakandapi kin he miye.

WICOWOYAKE 30.

1 Unkan taku waštemna izin yapi kta e wizinya owayušna wan yakage kta, šitim can on yakage kta.

2 Ohanske cin he wicišpa wanjidan kta, qa ohdakinyan kin wicišpa wanjidan, topa omdoton kta, qa obosdatu wicišpa nonpa, he kiyuke kta.

3 Qa mazaskazi ecedan on ayapawinte kta, toakalipe kin,

qa cuwi kin ihduksan, qa he kin; qa ihduksan mazaskazi watešdake wan yecage kta.

4 Qa mazaskazi napcupe nonpa yecage kta, watešdake ihukuya cuwi nonpa akan anokatanhan hena yakage kta, qa hena tošu on akiyuhapi icupi kta e yuke kta.

5 Qa šitim can tošu kin yakage kta, qa mazaskazi ayapawinte kta.

6 Qa cokaya ozanpi kin itokam woyaatanin can ohnaka iyotakons, tukten itkocicipe kta, wokajuju iha woyaatanin can wohnake kin akan yanke cin he itokam eyahde kta.

7 Qa he akan Aaron pejuta waštemna izinye kta, hanhanna otoiyo hi petijanjan pikiya eca he izinye kta.

8 Qa Aaron petijanjan wankan ehnaka eca ohtayetü otahedan taku waštemna he akan izinye kta, ohinniyan Jehowa itokam nitoicagepi yeye cin.

9 He akan wizinyapi tokeca, qa wohulinahiyapi, qa minha hulinali yaye kte šni, qa woakaštan ayakaštan kte šni.

10 Tuka he kin akan ptanyetu otoiyo hi wancadan Aaron woakalipe kage kta; nitoicagepi yeye cin ptanyetu eca wancadan woahitani kajujupi we on he akan waakalipe kta. He Jehowa tawa wakan linca.

11 Unkan Jehowa ie ča Mowis heciya,

12 Tohan Israel cinca kin wicadawa eca, wicayawapi kta e wicašta otoiyo hi nagi kin on woakalipe Jehowa qu kta, wicayawapi icunhan, hecen wicayawapi icunhan makošice awicakipe kte šni.

13 Hecen qupi kta, tona wicayawapi kin iyoopta ya otoiyo hi

HDINANPAPI,

šeqel hanke tipi wakan šeqel iyececa (omnica wikcemna nonpa šeqel ee ce) šeqel hanke Jehowa qu kta.

14 Tona wicayawapi iyoopta ya wica waniyetu wikcemna nonpa qa iwankam owasin woahi Jehowa qupi kta.

15 Tuwe wijica ešta šeqel hanke yuota kte šni, qa tuwe onsika ešta yuoptetu kte šni, ninagipi on hdajujupi kta woahi wan Jehowa qupi eca.

16 Qa woakahpe mazaska kin Israel cinca etanhan iyacu kta, qa itkokipapi wakeya kicanyanpi on yaqu kta, qa Israel cinca wokiksuye yapi kte, Jehowa itokam ninagipi kin on wokajuju kta.

17 Unkan Jehowa ie ça Mowis heciya ;

18 Nakun mazaša koka wan yakage kta, qa mazaša cetetahe kin, ekta ihdujajapi kta, qa itkokipapi wakeya qa owayušna otahedan eyahde kta, qa he ohna mini oyakaštan kta.

19 Unkan Aaron iye cinca koya hetanhan napepi sihapi ko ihdujajapi kta.

20 Itkokipapi wakeya kin en yapi eca mini on ihdujajapi kta ece, hecen ŧapi kte šni, qa tohan Jehowa ókiyapi owayušna ikiyedan upi, peta wošna izin kiyapi ece kta.

21 Napepi sihapi ko ihdujajapi kta, hecen ŧapi kte šni ; he wokage owihanke wanice kta, iye qa cinca kin wicoicagepi ecen econ kta.

22 Unkan Jehowa ie ça Mowis heciya,

23 Nakun niš pejuta waštemna itancan icu wo, mur šbušbu šeqel opawinge zaptan, qa canhaša waštemna he hanke, opawinge nonpa sanpa wikcemna zaptan,

qa sinkpe tawote waštemna opawinge nonpa sanpa hanke,

24 Qa kasia opawinge zaptan, tipi wakan šeqel ohna iyutapi kta, qa can ihdi hina wanjidan.

25 Qa hena sdayapi wakan wihdi yakage kta, pejuta wicašta taku waštemna kagapi kin he iyecen, sdayapi wakan wihdi waštemna hee kta.

26 Qa he on itkokipapi wakeya kin sdayaye kta, qa woyaatanin canwohnaka kin,

27 Qa wahna wotapi kin, qa wakšica tawa kin owasin, qa petijanjan ihupa, qa on kicanyanpi kin, qa izin yapi owayušna kin.

28 Qa wohuñahiyapi owayušna kin, qa taku on kicanyanpi owasin, qa koka kin qa tacetetahe koya.

29 Hecen hena duwakan kta, qa wakanhincapi kta, taku kašta hena yutan kinhan wakan kta.

30 Unkan Aaron qa iye cinca kin sdawicayaye kta, qa wamicuyušnapi kta e wicaduwan kta.

31 Qa Israel cinca kin hecen ewicayakiye kta, wakan sdayapi wihdi mitawa kin dee kta, nitocagepi yeye cin ohna.

32 Wicašta celpi kin akan he akaštanpi kte šni qa he icicahiyapi kin, qa taku on kagapi iyecen yakagapi kte šni, hee wakan, qa wakanyan yadapi kte.

33 Tuwe he iyecen wihdi waštemna ye cin, qa tuwe wicašta tokéca akan he akaštan kinhan, oyate tawa kin etanhan kašpapi kta.

34 Unkan Jehowa Mowis heciya, Taku waštemna icu wo, canšín qa tukiha waštemna, qa galbanum oomna suta, qa canšín ska, otoiyo hi iakedenakeca.

35 Qa hena wizinyapi yakage kta, pejuta wicašta taku icicahiyapi kin he iyecen yakage kta

WICOWOYAKE 31.

miniskuya ecedan icicahiyapi wakan kta.

36 Qa hetanhan boyapan kta, mduhinca yakage kta, qa onge wo yaatanin itokam itkokipapi wakeya ohna tukten itkocicipe kta eyahnake kta, he wakanhinca dawapi kta.

37 Qa taku wastemna kin de yakage cin he iyecen takudan niçicagapi kte šni; he Jehowa tawa, he wakan dawa kta.

38 Tuwe omna kta e taku he iyecen kage cinhan, oyate tawa kin etanhan kašpapi kta.

WICOWOYAKE 31.

1 Unkan Jehowa ie ça Mowis heciya,

2 Iho wo Betzalel Uri cinhintku, Hur cinhintku, Juda wicoun etanhan caje kin on weco.

3 Qa taku wakan toniya on ojuwaya woksape qa wookahni-ge, qa wosdonye on, qa wolitani owasin en.

4 Taku wayupiya kagapi iyukean kta, mazaskazi, qa maza-ska, qa mazaša on kage kta.

5 Qa inyan ojuyapi kin pago kta, qa can pago kta, qa taku kagapi owasin kage kta.

6 Qa he kici miš miye Aholiab Ahišamak cinhintku, Dan wicoun kin etanhan waqu, qa tona cante ksapapi cautepe ohna woksape wicawaqu, hecen taku kahi ciši kin owasin kagapi kta.

7 Itkokipapi wakeya kin, qa canwohnake wo yaatanin on, qa he akahpe cin, wokajuju iha kin, qa taku wakeya kicanyanpi owasin.

8 Qa wahna wotapi waksica tawa iyahna, qa petijanjan ihupa ecedan kin, qa taku on kicanyanpi owasin, qa wizinyapi owayušna kin.

9 Qa wohuñnahiyapi owayušna kin, qa taku on kicanyanpi owasin, qa maza koka kin, qa taceta-tahe kin.

10 Qa šina ozanpi kin, qa Aaron wawayušna tawokoyake wakan kin, qa cinhintku tawokoyakepi ohna wayušnapi kte.

11 Qa wihdi on sdayapi kin, qa wizinyapi wastemna kin tipi wakan kin on; token econ ciši kin owasin iyecen econpi kta.

12 Unkan Jehowa ie ça Mowis heciya,

13 Niš Israel cinca kin hecen ewicakiya wo, Tokešta anpetu wakan mitawa kin yapatanpi kta, nakaš nitoicagepi yeye cin niyepi qa miye unkiotahedan, he wowapetokeca on ciyuwakanpi; Jehowa he miye sdonyapi kta.

*14 Qa anpetu okiħpapi kin he yapatanpi kta, nakaš niyepi on he wakan, tuwe he yušape cinhan he ktepi kta, heon tuwe he icunhan wolitani taku kašta econ kin he taoyate kin cokayatanhan kašpapi kta.

15 Anpetu šakpe wolitani econpi kta, tuka anpetu išakowin kin he anpetu wakan, okiħpapi wakan Jehowa tawa, tuwe kašta anpetu okiħpapi en wolitani econ kinhan he awicakehan ktepi kta.

16 Heon Israel cinca kin anpetu okiħpapi kin he patanpi kta, wicoicagepi yeye cin wicotakuye owihanke wanica, anpetu okiħpapi kin kagapi kta.

17 Miye qa Israel cinca unkiotahedan he wowapetokeca owihanke wanice kta, nakaš anpetu šakpe en Jehowa mahpiya kin qa maka kin kage ça anpetu išakowin kin en okiħpe ça oziçiye.

18 Unkan Sina he kin ohna Mowis kici okiye enakiye çehan inyan mdaska wo yaatanin qu, in-

yan mdaska nonpa Jehowa napsukaza on owapi.

WICOWOYAKE 32.

1 Unkan oyate kin Mowis he kin etanhan apamahdeya hiyu hdutehan kin he wanyakapi qehan, oyate kin Aaron en mniciyapi, qa heciyapi, Najin wo, taku wakan unkiyepi itokam yapi kta unkicicagapo. Ecah Mowis wicasta Egupta makoce etanhan hinanpe unyanpi kin he toki un kin sdonunyanpi sini ce.

2 Unkan Aaron hewicakiya, Mazaskazi oinpi kin nitawinpi qa nicincapi wica winyan ko, nogepi ikoyakapi kin hena yuksapi qa en makahipo.

3 Unkan oyate kin owasin mazaskazi oinpi kin nogepi kin etanhan hduksapi, qa Aaron en kahipi.

4 Unkan Aaron hena napepi kin etanhan icu, qa ojuha wan en palta qa ptejicadan sdoiyapi wan kaga. Unkan, Israel taku wakan nitawa Egupta makoce etanhan hinanpe niyanpi kin dena ee ce, eyapi.

5 Unkan Aaron wanyake ca he itokam owayusna wan kage ca, Heyakecinhan Jehowa wakan wokicihanpi kta, Aaron ieyanpaha, eya.

6 Unkan ihanhanna kin kiktapi, qa wuhnahiyapi hulahiyapi, qa wopida wosnapi ahipi, qa oyate kin wotapi qa wayatkanpi kta e iyotankapi, qa skatapi kta e najinpi.

7 Unkan Jehowa Mowis heciya, Kun hda, oyate nitawa Egupta makoce etanhan hinanpe yaye cin wanna ihduhowinpi ce.

8 Canku wan ope wicawasi qon he etanhan kohanna ihdutokanpi, ptejicadan sdoiyapi wan ici-

cagapi, qa ekta pakicapsanpi, qa wakiciyušnapi, qa Israel taku wakan yada, Egupta makoce etanhan hdinanpe niye cin dena ee ce, eyapi.

9 Unkan Jehowa Mowis heciya, Oyate kin de wanmdake ca inyun oyate tahu patin hecapi.

10 Qa wanna micuni wo, hecen mitocanniye kin awicakate kta, qa ihang wicawaye kta, qa nis oyate tanka cicage kta ce.

11 Unkan Mowis Jehowa taku iye wakan da kin cin kiye ca heya, Jehowa, tokeca oyate nitawa kin canniye yaya he? hena Egupta makoce etanhan hdinanpe wicayaya, wowaŝake tanka on, qa nape waŝaka on.

12 Tokeca Egupton heyapi kta, Taku sica on inanpe wicaya, he kin ohna wicakte kta, qa maka ite kin etanhan awihnuni wicaye kta heon etanhan, eyapi kta; nitocanniye kate cin etanhan ihduhomni, qa oyate nitawa en taku sice cin de on iyope iciya ye.

13 Nitaokiye Aberaham, qa Izak, qa Israel wicakiksuya ye, token caje nihdate ca konze hewicayakiya, Nicincapi kin mduota kta, mahpiya wicanhpi kin iye-nakecapi kta, qa makoce kin de cajemdate cin ocowasin nicincapi kin wicawaqu kta, qa owihanke wanin tawayapi kta.

14 Unkan Jehowa taku sica taoyate kin ecawicakicon kta, eye cizon on iyope iciya.

15 Unkan Mowis ihdamna, qa he kin etanhan apamahdeya hda, qa woyaatanin inyan mdaska nonpa qon nape kin ohna hdo-hda, inyan mdaska kin hena anokatanhan owapi, deciyatanhan qa unman eciyatanhan nakan, inyan mdaska owapi ce.

16 Inyan mdaska kin hena Wakantanka kaga, qa owapi kin he

Wakantanka owa ce, inyan mdaska kin akan pago.

17 Unkan Joŝuwa oyate oqoyapi kin nahon qa, Owanka ohna kieizapi iyecen oqoyapi ce, Mowis eciya.

18 Unkan, Wicaŝta ohiyapi, qa panpanpi ho kin hee ŝni, qa wicaŝta wicaktepidan howayapi kin hee ŝni ce, tuka wicaŝta dowanpi ho kin nawahon, eya.

19 Qa owanka kin ikiyedan u qehan, qa ptejicadan, qa wacipi kin wanyake qehan, Mowis ŝin-hda, qa inyan mdaska qon nape etanhan ehpeya, qa kamdeca, he kin ihukuya.

20 Qa ptejicadan kagapi qon he icu qa peta on huhnaga, qa yukpan, hecen mdu kage qa mini kin akada; qa Israel cinca kin yatke wicakiya.

21 Unkan Mowis Aaron heciya, Oyate kin de taku ecannionpi kin on woahtani tanka kin de awicayakahi he?

22 Unkan Aaron heya, Itancan, ihnuhan ŝinyahda kin. Niŝ oyate kin de ŝicapi ce, sdonwicayaya.

23 Qa hemakiyapi; Taku wakan unkitokam yapi kta unkicicagapo, Mowis wicaŝta kin he Egupta makoce kin etanhan, itanwankanhde mani unyanpi kin, tuktee hesdonunyanpi ŝni ce.

24 Unkan, Tuwe mazaskazi onge yuhe cinhan hdukse kta, ewicawakiya, unkan he maqupi, unkan petan ehpeyaya, qa ptejicadan kin de inanpa ce.

25 Hehan oyate kin ŝdokahanpi e Mowis wanyaka, nakaŝ toka-wicayapi iwicaŝahapi kta Aaron wicayusdoka;

26 Qa owanka tiyopa kin ohna Mowis najin qa, Tuwe Jehowa ope cin en mahi wo, eya. Unkan Lewi cinca kin owasin en kawitavapi.

27 Unkañ hewicakiya, Wicaŝta otoiyoŝi tamazasagye kihnake kta, ceca akan qa owanka ohna tiyopa iyaza ye kta, qa wicaŝta otoiyoŝi iye sunkaku qa takodaku, qa tuwe iye ikiyedan ti kin wicakikte kta, Jehowa Israel wakandapi kin he eya ce.

28 Unkan Lewi cinca kin Mowis eye cin he iyecen econpi; unkan anpetu kin he oyate kin etanhan wicaŝta kektopawinge yamni csetu ihpayapi.

29 Nakaŝ Mowis hewicakiye ciqon, Jehowa on anpetu kin de ninapepi kin ojunkiyo, wicaŝta iye cinhintku qaiŝ sunkaku kin on, hecen anpetu kin de woyawaŝte wan niçupi kta ce.

30 Unkan ihanhanna Mowis oyate kin hewicakiya, Woahtani tanka wan wayahtanipi, heon wanna itanwankanhdoya mde kta, Jehowa ekta, okini wayahtanipi kin akaŝpe waye kta ce.

31 Qa Mowis icicawin Jehowa ekta ye qa heya, Hehe, oyate kin de woahtani tanka wahtanipi, qa mazaskazi taku wakan icicagapi;

32 Qa wanna tokin wahtanipi kin wicakiciyutokan, qa hecetu ŝni kinhan wowapi wan oyakiwa kin hetanhan mapajujuye, ceci-ciya.

33 Unkan Jehowa Mowis heciya, Tuwe amawahtani kin he wowapi mitawa kin etanhan wapajuju kta ce.

34 Qa wanna ekta hda, tokiya caje mdata qon heciya oyate kin awicaya wo, ito ohnihde wakiye cin he nitokam ye kta, tuka, tohan en wahi eca wahtanipi kin awicawahi ece kta.

35 Unkan Jehowa ptejicadan kagapi on, Aaron kage cin hee, on etanhan oyate kin wicakaŝta-ka.

WICOWOYAKE 33.

1 Wanna Jehowa Mowis hecen eciye ciqon, Hunktiya detanhan itanwankanhdeya ya wo, nis qa oyate Egupta makoce etanhan hdinanpe wicayaye cin, makoce wan nicinca kin he waqu kta ce, Aberaham, qa Izak, qa Jakob iwicawakonze ciqon he ekta.

2 Qa ohnihde wakiye cin he nitokam ye wasi kta, qa nitokapatnanhan Kanani kin, qa Amori kin, qa Hiti kin, qa Perazi kin, qa Hiwi kin, qa Jebusi kin, ham wicawaye kta ;

3 Makoce wan asanpi qa canhanpi tiktica kaduze cin he ekta ; oyate tahu patin henicapi heon niyepi cokaya mde kte sni, okini tahepi tem ciyapi kta.

4 Unkan oyate kin wicoie sice cin he nahonpi, qa iyokisin icyapi, qa tuwedan oinpi kin ikoyag kiye sni.

5 Nakaš Jehowa Mowis heciye ciqon, Nis oyate tahu patin henicapi, ihnuhanna niyepi cokaya inawape kte ca ihang ciyapi kta ; heon wanna oinpi nitawa kin niye etanhan makata ehpe kiya wo, hecen taku ecacicon kta sdonwakiye kta, Israel cinca kin ewicakiya wo.

6 Hecen Israel cinca kin oinpi kin hdušdokapi, Horeb he kin ihukuya.

7 Unkan Mowis wakeya kin icu, qa owanka kin itankan ehde, owanka kin itehan, qa itkokipapi wakeya kin, eya cajeyata. Unkan tona Jehowa akitapi kin hena owasin itkokipapi wakeya kin ekta owanka kin itankan inanpapi.

8 Unkan Mowis wakeya kin ektakiya inanpa eca oyate kin owasin najinpi ece, otoiyo hi ta-

wakeya tiyopa kin ekta qa Mowis ihakam etonwanpi wakeya kin ekta i kin behanyan.

9 Unkan Mowis wakeya kin ekta i eca malpiya šoka bosdata kin kun hiyu, wakeya tiyopa kin ekta, qa Mowis okiya ece.

10 Unkan oyate kin owasin malpiya bosdata qon, wakeya tiyopa kin ekta najin e wanyakapi, qa oyate kin owasin najinpi qa cekiyapi, otoiyo hi tawakeya tiyopa ekta.

11 Unkan Jehowa Mowis kici wohdaka, kaicitkokim, wicašta wan takodaku kici wohdaka he iyececa, unkan owanka kin ekta kihda, qa taokiye Jošuwa Nun cinhintku koška kin, tuka malpiya bosdata wakeya cokaya-tanhan tokan ye sni.

12 Unkan Mowis Jehowa heciya, Iho oyate kin de itanwankanhdeya awicaya wo, eha tuka tuwe mici ye yaši kta sdonye mayakiye sni, tuka nicaje on sdon ciya, qa nakun mišta kin iyokipi yaya ce, eha.

13 Qa wanna ništa kin iyokipi waye cinhan nitacanku kin sdonye makiya ye ; hecen ništa kin ohna woiyokipi iyewaye cin he sdotciye kta, qa oyate kin de oyate nitawa kin ee, awacin wo.

14 Unkan, Miite kin ye kta qa oziciciye kta ce, eya.

15 Unkan heciya, Niite kin ye sni kinhan, detanhan itanwankanhdeya unkayapi sni ye.

16 Qa wanna ništa kin ohna woiyokipi iyewaye, miye qa oyate nitawa kin tokiyatnanhan sdonyapi kta he ? unkipi idade cin hee sni he ? hecen miye qa oyate nitawa kin oyate maka itohnake akan unpi kin owasin etanhan unyukinukanpi kta.

17 Unkan Jehowa Mowis heciya, Taku ehe cin he nakun eca-

WICOWOYAKE 34.

mon kta, nakaś mišta kin ohna woiyokipi iyeyaya, qa nicaje kin on sdonciya.

18 Unkan, Tokin nitowitan he wanyag makiya ye, eya.

19 Unkan, Mitowašte kin owasin niite kin itokam iyaye wakiye kta, qa Jehowa caje kin eyanwapaha kta, nitokam, qa tuwe cante wakiye cin he cante wakiye kta, qa tuwe onśiwada kin he onśiwakidake kta ce.

20 Tuka mište kin wandaka oyakihi śni, nakaś wicašta tuwe wanmayake cinhan ni kte śni ce, eya.

21 Nakun Jehowa heya, Inyun oyanke wan mikiyedani, qa imnija kin akan ayahe kta.

22 Qa mitowitan kin ahiyaye cin hehan imnija olidoka wan olidateya ecihde kta, qa awahimdamde cin icunhan minape on akalipe ciye kta.

23 Qa minape kin mihdutokan kta, hecen mitapete tanhan wandake kta, tuka mište (wicašta) wanyakapi kte śni.

WICOWOYAKE 34.

1 Unkan Jehowa Mowis heciya, Inyan mdaska nonpa kakan wo, tokaheya qon he iyececa, qa inyan mdaska tokaheya ya kamdeca, oie akan un qon, hena inyan mdaska kin akan owawa kta.

2 Qa hanhanna on ihduwiyeya wo, qa hanhanna Sina he kin ekta itanwankanhdewa yau kta, qa heciya he paha kin akan iyamiyecihe kta.

3 Qa wicašta tuwedan niciu kte śni, qa nakon he kin owancaya wicašta tuwedan ihdutanin kte śni; nakon taħinca qa pte kin he kin he icahda wiħanpi kte śni.

4 Unkan inyan mdaska nonpa kakan, tokaheya qon hena iyececa, qa Mowis hanhannaħin kikta, qa Sina he kin ekta itanwankanhdewa i, Jehowa econsi qon he iyececa, qa inyan mdaska nonpa kin nape kin ohna yuha.

5 Unkan Jehowa mahpiya šoka ohna kun hiyu, qa kici hen iyahan, qa Jehowa caje kin ieyanpaha.

6 Qa Jehowa he itokam ahiyaye qa ieyanpaha, Jehowa, Jehowa, Taku Wakan waonśida, qa wacantkiya, tehan śihda śni, tocantekiye, towicake ko ota.

7 Wicoicage yeye kektopawinge cantewicakiya ece, wicoħan śica qa wokipajin qa woħitani kajuju ece, tuka ohinnian kajuju kte śni, ateyapi wicoħan śicapi cincapi qa sanpa cincapi kin en awicahi ece, wicoicage iyamni qa itopa kin hehanyan.

8 Unkan Mowis inahni, qa makata pakicapsan, qa cekiya.

9 Qa heya, Itancan wanna ništa kin ohna woiyokipi iyewaye cinhan, Itancan kin unkiyepi cokaya ye kta ceciciya, qa wicoħan śica unkitawapi, qa wanħitanipi kin unkićajuju miye, qa tawa unkiya miye, nakaś oyate kin tahu patin hecapi.

10 Unkan heya, Inyun miye wicotakuye wakaga, oyate nitawa kin owasin itokam, wicoħan wowinihan ecamon kta, hena iyececa maka kin owancaya ikcewicašta owasin ehna tuwedan tohini econ śni, qa oyate wicehna yaun kin he owasin Jehowa oħan kin wanyakapi kta nakaś taku wokokipe ħinca nici ecamon kta.

11 Taku nakaha econ ciši kin awacin wo. Ito nitokapa tanhan Amori kin, qa Kanani kin qa Ĥiti kin qa Perazi kin, qa

HDINANPAPI,

Hiwi kin, qa Jebusi kin nape wicawaye kta.

12 Waktaya wo. Inuhan oyate makoce ekta idade cin he ounyanpi kin om wicotakuye yakage cinhan okini he niyepi cokaya wihmunke kta.

13 Tuka owayuśnapi tawapi kin ihang ya yapi kta, qa wakagapi tawapi kin yakamdecapi kta, qa can pasdatapi kin hena yakawankapi kta.

14 Taku wakan tokeca ekta payecapsan kte śni; Jehowa winawizi eciyapi kin he Taku Wakan winawizi kin ee.

15 Okini makoce en ounyanpi kin om wicotakuye yakage cinhan, qa taku wakandapi kin ókiyapi, qa taku wakandapi kin wakiyuśnapi, qa nicopi qa taku wośnapi kin he yate kta.

16 Qa nicinkśi kin cunwintkupi kin etanhan yus yakiya, qa cunwintkupi kin taku wakandapi ókiyapi qa nakun nicinkśi taku wakandapi kin ókiye yapi kta.

17 Taku wakan śdoyapi kin nićicage kte śni.

18 Aguyapi napoħyapi śni wohanpi kin yapatan kta. Anpetu śakowin aguyapi napoħyapi śni yate kta, econ ciśi kin he iyeccen. Aguyapi itka hinanpa wi kin iyehantu kin hehan, nakaś aguyapi itka hinanpe cin wi kin he en Egupta etanhan yahdinanpa ce.

19 Winyan cinca tokaheya ton kin hena owasin mitawa, qa wanunyanpi nitawa, pte, qa tahinca cinca tokapa owasin mdoka kinhan.

20 Tuka śuktanka śonśonna cinca tokapa kin he opeyakiton kta; tahinca cinca kin iyope yakiye kta, qa opeyakiton kte śni kinhan tahu kin bayakse kta.

Qa nicinca tokapa kin opeyakiton kta. Qa tuwedan mitokam cokadan ihdutanin kte śni.

21 Anpetu śakpe litayani kta, qa anpetu isakowin en ozinićiye kta, maga yumdupi, qa woksapi iyehantu eśta ozinićiye kta.

22 Anpetu wakan isakowin wohanpi kin nakun miyecagapi kta, aguyapi baksapi tokaheya ahipi kin hee, qa womnayanpi wohanpi kin, omaka ihuniyanpi kinhan.

23 Waniyetu otahedan yamni akihde nicinca wica kin owasin Itancan Jehowa Israel Taku Wakan dapi kin he itokam ihdutaninpi kta.

24 Nitokapa tanhan Ikcewicasta kin token ye wicawaye kta; qa nitamakoce kin mdutanka kta, qa waniyetu otahedan Jehowa itokam nihdutanin kta, yamni akihde, itanwankanhdeya idade cinhan tuwedan nitamakoce kin cin kte śni.

25 Taku wamayakiduśna we kin onapoħye ayakaśtan kte śni. Qa acakśin wohanpi wośna kin ihanhanna kin en yanke kte śni.

26 Maga nitawa taku tokaheya icalhya tokapa kin Jehowa wakan yada ti kin ekta ayahi kta. Tatokadan cincadan hunku asanpi kin en oyahe kte śni.

27 Unkan Jehowa Mowis heciya, Wicoie kin dena owa wo; nakaś wicoie kin dena i kin iyececa wicotakuye cicicaga, Israel kici nakun.

28 Unkan Jehowa kici hen yanke anpetu wikcemna tom, qa hanyetu wikcemna tom, aguyapi yute śni, qa mini yatke śni. Unkan wicotakuye oie kin inyan mdaya kin akan owa wicoie wikcemna kin.

29 Unkan Mowis woyaatanin inyan mdaska nonpa napoħna yuha apamahdeya u, qa Mowis Si-

WICOWOYAKE 35.

na he kin etanhan apamahdeya u qehan, he kici wohdaka icunhan ite uka kin iyege cin he sdotkiye šni.

30 Unkan Aaron qa Israel cinca kin owasin Mowis ite kin wanyakapi; unkan inyun ite uka kin iyega, unkan ikiyedani upi kin ikopapi.

31 Unkan Mowis wicakipan, unkan Aaron qa omniciye itancan owasin en hdipi, unkan hena om Mowis wohdaka.

32 Unkan he iyohakam Israel cinca kin owasin ikiyedani hipi, unkan Jehowa Sina paha ohna taku eciye cin owasin econ wicaši.

33 Qa Mowis owicakiye hdaštan kin hehayan ite akałpe wan ite kin akan ehnaka.

34 Qa Mowis Jehowa kici wohdaka en i qehan, ite akałpe kin hdutokan, tankan i kin hehayan, qa tankan inanpe qa taku econ ši pi kin owicakiyaka.

35 Unkan Israel cinca kin Mowis ite kin wanyakapi, Mowis ite uka kin iyega; heon Mowis ite akałpe kin ake ite akan hiyuya, kici wohdake kta en i kte cin hehayan.

WICOWOYAKE 35.

1 Unkan Mowis Israel cinca omniciye ocowasin yuwitaya u wicakiye, qa hewicakiya, Wicoie Jehowa econ nišipi dena ee.

2 Anpetu šakpe wołtani ecanon kta, tuka anpetu isakowin kin he wakan yada kta, anpetu okiłpapi wakan Jehowa tawa, he icunhan tuwe kašta wołtani econ kinhan te yapi kta.

3 Ounyayapi kin owasin ohna anpetu okiłpapi icunhan ceyatipi kte šni.

4 Unkan Mowis ie qa Israel cinca omniciye ocowasin hewicakiya, Taku Jehowa econ nišipi kin dee, qa heya;

5 Taku Jehowa ituyakiłpani kta he icupo. Tuwe cante kin iyopaštaka, taku Jehowa itukiłhan kte cin he ahi kta, mazaska zi, qa mazaska, qa mazaša;

6 Qa tałince hin to, qa stan, qa duta, qa miniłuha ska, qa tato kadan hin;

7 Qa tamdoka ha šayapi, qa hoka ha, qa šitim can;

8 Qa wiłdi petijanjan on, qa taku waštemna wiłdi sdayapi kin on, qa wizin yapi waštemna on;

9 Qa inyan wicašake iyececa, qa inyan ojuyapi kta, amdo akałpe ohna, qa maku akałpe ohna.

10 Qa niyepi ehna tona cante ksapapi kin owasin upi kta, qa taku Jehowa kał ši kin owasin kagapi kta;

11 Tipi kin, tawakeya, qa toakałpe kin nakun, tamaza tašpu kin, qa canmdaska kin, canhdakinyan kin, can bosdata tawa qa sicu tawa kin;

12 Can wohnake kin, qa tatošu kin, wokajuju iha kin, qa oakałpe ozanpi kin;

13 Wahna wotapi, qa tatošu kin, qa taku on kicanyanpi kin owasin, qa aguyapi itokam hnakapi kin;

14 Qa petijanjan ihupa kin, qa taku on kicanyanpi kin, qa wiłdi on iyoyam yapi kin;

15. Qa wizin yapi owayušna kin, qa tošu on akiyuhapi kin, qa wiłdi on sdawicayapi kin, qa taku waštemna on wizin yapi kin; qa ozanpi tipi tiyopa akałpe cin he.

16 Qa peta wošnapi owayušna kin, qa mazaša oceti tawa; qa

HDINANPAPI,

tošu on akiyuhapi kin, qa taku on kicanyanpi kin, qa koka kin, ta-cetetahe iyahna ;

17 Hocoka ozanpi kin, ipatan kin, qa sicu kin, qa hocoka ti-yopa akalipe kin ;

18 Tipi wihutipaspe kin qa hocoka wihutipaspe, qa ikan kin owasin ;

19 Qa tipi wakan ohna taku wakan ohodapi kta e ohodapi wokoyake, wokoyake wakan, Aaron wawayuśna kin on, qa cinhintku tawokoyakepi ohna wayuśnapi kta.

20 Unkan Mowis itokapa tanhan Israel cinca omniciye owasin inanpapi.

21 Unkan tuwe cante kin iyopaštaka, qa tuwe taniya kin iyokipi kin hena owasin upi ; qa taku Jehowa itukihanpi ahipi, itkokipapi wakeya kin kagapi kta e, qa taku kicanyanpi on, qa wokoyake wakan on.

22 Unkan wicašta qa winohinca upi, tona cantepi iyokipipi owasin maza taśpudan, qa oinpi, qa mazanapcupe, qa maza śipto, mazaskazi oinpi owasin hiyuyapi ; qa wicašta tona taku kosyapi kin hena owasin Jehowa mazaskazi kos yapi.

23 Qa wicašta tona hin to, qa stan, qa duta, qa minihuha ska, qa tatokadan hin, qa tamdoka ha śayapi, qa hoka ha yuha iyewicayapi kin hena ahipi.

24 Qa tona mazaska qa mazaśa wankan hiyuyapi kin hena Jehowa taku itukihanpi kin he kahipi, qa tuwe śitim can on taku kaħi wicaśi kagapica he kahipi.

25 Qa winohinca tona cante ksapapi owasin hin to, qa stan, qa duta, qa minihuha ska napepi on kahmupi, qa taku kahmupi kin he kahipi.

26 Qa winohinca tona cantepi kin iyowicapaštakapi woksape en, tatokadan hin kahmupi.

27 Unkan wicašta itancanpi kin inyan wicaśake iyececa ahipi, qa inyan ojuyapi kta ahipi, amdo akalipe kin en, qa maku akalipe kin en.

28 Qa taku waśtemna, qa wihdi petijanjan on, qa wihdi sdawicayapi on, qa wizin yapi waśtemna on.

29 Wicašta qa winohinca owasin tona cantepi kin taku kahipi kta iyowicapaštake, taku kagapi Jehowa Mowis nape on kaħi wicaśi kin hena owasin on, Israel cinca kin iyokipiya Jehowa itukihanpi.

30 Unkan Mowis Israel cinca kin hewicakiya, Jehowa Betza-leel Uri cinhintku Hur cinhintku Juda wicoun etanhan he caje kin on kipan.

31 Qa Taku Wakan woniya ojunya, woksape, qa wookalinige en, qa wosdoney, qa wolitani ocaje owasin en.

32 Taku wayupiya kagapi iyukan kta, mazaskazi, qa mazaska, qa mazaśa kage kta.

33 Qa inyan ojuyapi kta e pago kta, qa can pago kta, taku wayupiya kagapi kin owasin kage kta.

34 Qa waonspe kiye kta e iye cante en qu, iye qa Aholiyab Ahisamak cinhintku Dan wicoun etanhan.

35 Hena cante woksape kin ojun wicaya, wapagopi wicoħan, qa taku wayupiya kagapi owasin econpi kta, qa to qa stan, qa duta, qa minihuha ska on wipatapi kta, qa kazuntapi kte, taku kagapi owasin, qa taku wayupiya econpi iyukeanpi kta.

WICOWOYAKE 36.

1 Unkan Betzaleel qa Aholiyab hitanipi, nakun wicašta tona cante ksapapi, tona tipi wakan token Jehowa kañ wicaši, taku kagapi owasin sdonyapi kta, qa kagapi kta e Jehowa woksape qa wookahnige yuhe wicakiya.

2 Nakaš Mowis Betzaleel qa Aholiyab wicakipan qon, nakun tona cante ksapapi, tona cante mahen Jehowa woksape yuhe wicakiya, tona taku kagapi kage kta e cante hitani kta e iyowicapaštaka owasin ikiyedani hiyu wicakiya.

3 Unkan Mowis itokapa tanhan taku ituhanpi kin icupi, tipi wakan kagapi kta, qa kicanyanpi kta e taku Israel cinca kin ahipi kin, nakun nahanhin hahanna otioyohi taku iyokipiya ahipi.

4 Unkan tona ksapapi tipi wakan wohtani econpi kin owasin wohtani econpi etauhan en hipi;

5 Qa Mowis heciyapi, Taku kagapi kta, Jehowa kañ unšipi kin iyehantu, qa iyakicuya oyate kin ahipi ce, eyapi.

6 Hehan Mowis wicoti ohna ieyanpaha wicaši, Wicašta winohinca unmanna tipi wakan kagapi itukihanpi kta e tokata taku kage kte šni, eya, hecen oyate taku ahipi kin ayuštani wicakiya.

7 Taku kañ wicaši owasin kagapi kta iyohiya qa nakun ihan.

8 Unkan tipi wakan kin hitanipi wicehna tona cante ksapapi kin hena ozanpi wikcemna kagapi, minihuha ska nonpa kahmupi, qa to, qa stan, qa duta, kerubi kanzunfapi hena kagapi.

9 Ozanpi wanji ohanske cin wicišpa wikcemna nonpa sanpa ša-

hdogan, qa ozanpi wanji ohdakin-yan kin wicišpa topa, ozanpi owasin hinskoskocecapa.

10 Unkan ozanpi zaptan icikoyag ya, qa ozanpi zaptan icikoyagya.

11 Hañonta to šunjoyake ozanpi wanji opapun ekta kaga, apañdate etanhan icikoyag yapi en, he iyecen ozanpi unman icikoyag yapi kta e opapun apañdate ekta kaga.

12 Šunjoyake wikcemna zaptan ozanpi tokaheya en kage ça šunjoyake wikcemna zaptan ozanpi inonpa opapun ekta, tokaheya kici ikoyag yapi kta e šunjoyake kin iciyotakonzapi.

13 Unkan mazaskazi tašpu wikcemna zaptan kaga, qa maza tašpu kin on ozanpi wanji unman ekta ikoyag ya; hecen wakeya wanjidan.

14 Unkan tatokadan hin ozanpi wakeya tipi akapatanhan unkin kicaga, hena ozanpi ake wanji kaga.

15 Ozanpi wanji ohanske cin, wicišpa wikcemna yamni, qa ozanpi ohdakinyan kin wicišpa tom, ozanpi ake wanji kin owasin iyakehinskoceca.

16 Unkan ozanpi zaptan icikoyag ya, qa ozanpi šakpe icikoyagya.

17 Unkan icikoyag yapi kta e šunjoyake wikcemna zaptan ozanpi tokaheya opapun akan kaga, qa šunjoyake wikcemna zaptan ozanpi inonpa opapun ekta ikoyag yapi kta e kaga.

18 Qa mazaša tašpu wikcemna zaptan wakeya icikoyag ye kta e kaga, hecen wanjidan kta.

19 Unkan tamdoka ha šayapi woakahpe wan wakeya kin kicaga, qa he akapatanhan kta hoka ha woakahpe wan kaga.

20 Unkan tipi kin sitim can can mdaska bosdan unpi kta e kicaga.

21 Can mdaska wan ohanske cin wicišpa wikcemna, qa ohdakinyan kin wicišpa wan sanpa wicišpa hanke.

22 Can mdaska ekiciyuzapi kta e otoiyoŋhi nape nonpa kicaga, tipi can mdaska owasin hecen kicaga.

23 Unkan tipi can mdaska kin ti onnaptan itokaga wiyotanhan ektakiya can mdaska wikcemna nonpa tipi kin kicaga.

24 Qa mazaska sicu wikcemna tom kaga, can mdaska wikcemna nonpa ihukuya, sicu nonpa, canmdaska wanji nape nonpa yuke cin on he ihukuya un kta, canmdaska otoiyoŋhi nape nonpa kiyuke cin on, he ihukuya sicu nonpa kta.

25 Qa tipi onnaptan inonpa waziyata ekta-kiya canmdaska wikcemna nonpa kicaga.

26 Qa mazaska sicu wikcemna topa, canmdaska otoiyoŋhi ihukuya maza sicu nonpa.

27 Qa tipi catku kin wiyohpeyata ektakiya kin he canmdaska šakpe kicaga.

28 Qa canmdaska nonpa tipi kaŋmi catkutanhan kin hena kicaga.

29 Unkan napin iyakedececap i hukuya tanhan, qa napin otoiyoŋhi pa kin ekta mazaska napeupe tokaheya en ikoyagyapi, kaŋmi nonpa on hena nonpa okonwanjidan.

30 Hecen canmdaska kin šahdogan, qa mazaska sicu kin ake šakpe, canmdaska otoiyoŋhi ihukuya sicu nonpa.

31 Qa tipi onnaptan tokaheya canmdaska kin on sitim can hdakinyan zaptan kicaga.

32 Qa tipi onnaptan inonpa can-

mdaska kin on canhdakinyan zaptan, qa tipi catku kin wiyohpeyata ekta-kiya canmdaska kin canhdakinyan zaptan kicaga.

33 Qa canhdakinyan wanji cokaya un kin he canmdaska cokaya. ohna iyopte kta e kaga, ihanke wanji etanhan ihanke unman ekta kiya.

34 Qa canmdaska kin mazaskazi on apawinta, qa maza napeupe ohna canhdakinyan yakonpi kin hena mazaskazi on kaga, qa canhdakinyan kin mazaskazi apawinta.

35 Qa cokaya ozanpi kin minihuha ska, qa to, qa stan, qa duta kerubi kazuntapi he kaga.

36 Qa sitim can bosdata tom he kicage ča hena mazaskazi apawinta, qa mazaskazi yukšanpi hena kicage ča mazaska sicu tom šdoypi kicaga.

37 Qa wakeya tiyopa kin oakaŋpe wan, minihuha ska, qa to qa stan, qa duta wipatapi kin he kicaga.

38 Qa he on can bosdata zaptan mazayukšanpi iyahna, qa hena pa kin, qa can icikoyagyapi kin hena mazaskazi apawinta, tuka sicu zaptan kin hena mazaša.

WICOWOYAKE 37.

1 Unkan Betzaleel canwohna-ke kin sitim can on kaga, wicišpa nonpa sanpa hanke ohanske cin, qa wicišpa sanpa hanke ohdakinyan kin, qa wicišpa sanpa hanke obosdatu kin.

2 Qa he mazaskazi ecedan on apawinta, mahentuya, qa akapatanhan, qa ihdukšan mazaskazi watešdake wan kicaga.

3 Qa mazaskazi šdoye ča maza napeupe tom he kicaga, siha topa kin akan, maza napeupe nonpa onnaptan wanji akan, qa

maza napcupe nonpa onnaptan unman akan.

4 Qa šitim can tošu kageça mazaskazi on apawinta.

5 Qa canwohnake kin akiyuhapi kta e maza napcupe canwohnakeanokatanhan onnaptan ikoyag yapi kin hena ohna tošu kin iyopte ya.

6 Unkan woalitani kajuju iha kin mazaskazi ecedan on kaga, ohanske cin wicišpa nonpa sanpa hanke qa ohdakinyan kin wicišpa sanpa hanke.

7 Qa kerubi nonpa kaga wanji wokajuju iha ihanke anokatanhan akan ; mazaskazi pagopi hena kaga.

8 Kerubi wanji ihanke deciyatanhan qa kerubi unman kin ihanke kakiya tanhan, woalitani kajuju iha kin etanhan kerubi kin kaga ; ihanke nonpa kin etanhan.

9 Unkan kerubi kin wankantuya hupahu kamdañ yakonpi, hupahupi on woalitani kajuju iha kin ahanzipi, qa itepi kin otoiyo hi unman ekta kiya, kerubi itepi kin wokajuju iha ekta kiya yakonpi.

10 Unkan wahna wotapi šitim can on kaga, ohanske cin wicišpa nonpa, qa ohdakinyan kin wicišpa, qa obosdatu kin wicišpa sanpa hanke.

11 Qa he mazaskazi ecedan on apawinta, qa ihdukšan mazaskazi watešdake wan kicaga.

12 Nakun ihdukšan iyuskite wan nape mdaska hinskokeca kicaga ; qa iyuskite akan mazaskazi watešdake wan kicaga.

13 Qa mazaskazi šdoye qa maza napcupe topa kicage ça oise topa siha topa yuke cin hena ekta maza napcupe kin ikoyag ya.

14 Wahna wotapi akiyuhapi

kta e maza napcupe iyuskite iyotakons kagapi, qa hena ohna tošu kin iyeyapi.

15 Unkan šitim can tošu kin kage ça mazaskazi apawinta hena on wahna wotapi kin akiyuhapi.

16 Qa taku wahna wotapi akan un taku on kicanyanpi kin, tawakšica, qa maza tukiha tawa, qa wiyatke on waakaštanpi kin hena owasin mazaskazi ecedan on kaga.

17 Unkan petijanjan ihupa kin he kaga, mazaskazi ecedan pagopi petijanjan ceca kin, taadetka kin, tawakšica kin, tapšonka kin qa tawalica kin, hena owasin he etanhan kaga.

18 Qa adetka šakpe petijanjan ihupa cuwi kin etanhan inanpapi, petijanjan ihupa cuwi wanji etanhan adetka yamni, qa petijanjan cuwi unman kin etanhan adetka yamni.

19 Adetka wanjidan en wakšica yamni hma iyececa, otoiyo hi pšonka wan, qa walica wan kicica adetka wanjidan en, qa ake wakšica yamni otoiyo hi hma iyececa pšonka wan qa walica wan kicica adetka wanjidan en, adetka šakpe petijanjan ihupa etanhan inanpapi, owasin hececapi.

20 Qa petijanjan ihupa en wakšica topa hma iyececa, otoiyo hi pšonka wan qa walica wan kicica.

21 Hecen petijanjan adetka nonpa ihukuya pšonka wanji, qa adetka nonpa ihukuya pšonka wanji, qa adetka nonpa ihu kuya pšonka wanji petijanjan ihupa etanhan adetka šakpe inanpapi owasin hececapi.

22 Petijanjan ihupa tapšonka, qa taadetka okonwanjidan, mazaskazi ecedan onšpadan pagopi on owasin kagapi.

23 Qa mazaskazi ecedan petijanjan śakowin petijanjan ihupa kin kicaga, nakun petijanjan iyukse qa ohna cahota icupi kin.

24 Mazaskazi ecedan woqin wanjidan on he kage a tawakśica owasin.

25 Unkan wizinya owayuśna kin śitim can on kaga; ohanske cin wiciśpa, qa ohdakinyan wiciśpa, topa omdoton, qa obosdatu kin wiciśpa nonpa; he kicagapi.

26 Qa mazaskazi ecedan on apawinta iwankam qa onnaptan-yan kin ihdukśan, qa he kin; qa ihdukśan mazaskazi ecedan wateśdake wan kicaga.

27 Qa mazaskazi napcupe nonpa he kicaga, wateśdake kin ihukuya onnaptan nonpa akan, tośu on akiyuhapi kin icupi kta e hena owayuśna cuwi nonpa akan kaga.

28 Qa tośu kin śitim can on kage, a mazaskazi on apawinta.

29 Unkan wihdi wakan on sda-wicayapi kaga, nakun taku waśtemna on wizinyapi ecedan kin, pejuta wicaśta kagapi kin iyececa.

WICOWOYAKE 38.

1 Unkan śitim can peta wośnapi owayuśna kin kaga, ohanske cin wiciśpa zaptan, qa ohdakinyan kin wiciśpa zaptan, topa omdoton, qa obosdatu kin wiciśpa yamni.

2 Qa oise topa kin akan he kicaga, owayuśna on he kin kaga, qa mazaśa on apawinta.

3 Unkan owayuśna taku on kicanyanpi kin owasin kaga; cega kin, qa maza mdaska kin, qa wakśica kin, qa mazajanjata kin, qa petaga wakśica kin, owayuśna

taku on kicanyanpi kin owasin mazaśa on kaga.

4 Qa mazaśa oceti wan ho kagapi iyececa owayuśna kin kicaga, opapun ihukuya, oħdateya cokaya ekta.

5 Qa oceti oise topa kin en mazaśa śdoyapi napcupe tom kaga, hena ohna tośu iyeyapi kta.

6 Unkan śitim can tośu kin kage, a mazaśa on apawinta.

7 Qa owayuśna akiyuhapi kta e maza napcupe kin owayuśna onnaptan en unpi kin ohna tośu kin iyeya; owayuśna canmdaska on kaga, hdogeca.

8 Unkan mazaśa koka kin he kaga, tacetetahe mazaśa on kaga, winoħinca itkokipapi wakeya tiyopa ekta obe itokto yuwitaya cekiyapi taiħdiyomdasinpi on hena kaga.

9 Unkan hocoka kin kaga, itokali onnaptan wiyotanhan ektakiya on miniħuha ska nonpa kahmupi ozanpi wan wiciśpa opawinge.

10 Ipatan wikcemna nonpa, qa sicupi wikcemna nonpa, mazaśa on kicaga, tuka ipatan yukśanpi kin qa satapi kin hena mazaska on kaga.

11 Unkan waziyata onnaptan ozanpi kin wiciśpa opawinge, ipatan kin wikcemna nonpa, qa sicu wikcemna nonpa, mazaśa on kaga, tuka ipatan yukśanpi kin, qa satapi kin hena mazaska.

12 Unkan ihanke wiyohpeyata ektakiya ozanpi kin wiciśpa wikcemna zaptan, ipatan wikcemna, qa sicu kin wikcemna, tuka ipatan yukśanpi kin qa satapi kin hena mazaska.

13 Qa ihanke wihinanpe ektakiya wiciśpa wikcemna zaptan.

14 Hiyete tokaheya ozanpi kin wiciśpa wikcemna sanpa zaptan, ipatan yamni, qa sicu yamni.

WICOWOYAKE 39.

15 **Qa** hiyete inonpa ozanpi kin wiciśpa wikcemna sanpa zaptan, ipatan yamni, qa sicu yamni, hocoka tiyopa kin anokatanhan hececa.

16 **Hocoka** ihdukśan ozanpi kin owasin miniñuha ska nonpa kahmupi.

17 **Ipatan** sicupi kin hena mazaśa, qa ipatan yukśanpi kin, qa satapi kin mazaska, qa ipatan pahapi kiu mazaska on apawinta; qa hocoka ipatan kin owasin mazaska on icikoyag yapi.

18 **Qa** hocoka tiyopa toakalipe kin he miniñuha ska nonpa kahmupi, qa to, qa stan qa duta ipatapi; qa ohanske cin wiciśpa wikcemna nonpa, qa obosdatu ohdakinyan kin hee wiciśpa zaptan hocoka ozanpi kin iyececa.

19 **Qa** ipatan topa, qa sicupi topa mazaśa; qa yukśanpi kin mazaska; qa pahapi qa satapi kin mazaska on apawintapi.

20 **Qa** tipi wihutipaspe, qa hocoka ihdukśan wihutipaspe kin owasin mazaśa.

21 **Tipi** wakan woyakapi kin hee, woyaatanin tipi kin, Mowis i kin oyaka, Lewi kin kicanyanpi kta Aaron wawayuśna cinhintku Itamar ihukuya.

22 **Unkan** Betzaleel Uri cinhintku, Hur cinhintku, Juda wicoun etanhan, taku Jehowa Mowis kañ śi kin owasin kaga.

23 **Qa** he kici Aholiyab, Ahisamak cinhintku, Dan wicoun etanhan, he wayupiya wapago, qa wapazunta, qa wipata, miniñuha ska, qa to, qa stan, qa duta on.

24 **Taku** kagapi owasin tipi wakan kin on kagapi, mazaskazi ocowasin mazaskazi ituñanpi kin lie woqin wikcemna nonpa sanpa napciwanka, qa śeqel opawinge śakowin, qa wikcemna yamni, tipi wakan śeqel he iyececa.

25 **Qa** omniciye wicayawapi kin etanhan mazaska kin woqin opawinge, qa śeqel kektopawinge sanpa opawinge śakowin, sanpa wikcemna śakowin sanpa zaptan tipi wakan śeqel iyececa.

26 **Kibaśpapi** wan wicapa otoi-yohi on śeqel hanke kin hee, tipi wakan śeqel iyececa, tona wicayawapi kta ahiyayapi, waniyetu wikcemna nonpa qa iwan-kam, kektopawinge opawinge śakpe qa kektopawinge yamni, qa opawinge zaptan qa wikcemna zaptan.

27 **Unkan** maza ska woqin opawinge kin hena śdoyapi qa tipi wakan sicu kin, qa cokaya ozanpi sicu kin kaga, woqin opawinge on sicu opawinge, woqin wan on sicu wanjidan.

28 **Qa** śeqel kektopawinge sanpa opawinge śakowin sanpa wikcemna śakowin sanpa zaptan on ipatan papi kin, qa satapi kin apawintapi qa ipatan yukśanpi kin kaga.

29 **Qa** mazaśa ituñanpi kin woqin wikcemna śakowin, qa śeqel kektopawinge nonpa qa opawinge topa.

30 **Qa** he etanhan itkokipapi wakeya tiyopa sicu kin kage ca mazaśa owayuśna kin, qa mazaśa oceti kin, qa owayuśna tawakśica kin owasin.

31 **Qa** hocoka ihdukśan sicu kin, qa hocoka tiyopa sicu kin, qa tipi wihutipaspe owasin, qa hocoka ihdukśan wihutipaspe owasin.

WICOWOYAKE 39.

1 **Unkan** hañonta to, qa stan, qa duta on ohodapi wokoyake kin tipi wakan ohna wolñtani econpi kin hena heyake wicakicagapi qa wokoyake wakan

Aaron on kagapi, Jehowa Mowis econ sí qon he iyececa.

2 Unkan amdo akañpe kin kaga mazaskazi, qa hañonta to qa stan qa duta, qa miniñuha ska.

3 Qa mazaskazi kin zibzipedan kamdayapi qa basosopi, hecen hañonta to qa stan qa duta, qa miniñuha ska icicahiya kazon-tapi kta.

4 Qa amdo akañpe kin, icikoyag yapi kta e hiyete ikan kin kicagapi, ihanke napin ekta icikoyag yapi.

5 Qa amdo ipiyake kin he akapatanhan un kin he iyecen kagapi, mazaskazi qa hañonta to, qa stan qa duta, qa miniñuha ska, nonpa kahmupi on kagapi, Jehowa Mowis econsí kin he iyecen.

6 Unkan inyan wicaśake iyecen hena kicanyanpi Israel cinhintku cajepi kin hena akan apagopi, ipuspe pagopi kin he iyecen, qa mazaskazi ozepi ohna iyeyapi.

7 Qa amdo akañpe hiyete akan hena ahnaka, wokiksuyé Israel cinca kin on, Jehowa Mowis econ sí kin he iyecen.

8 Unkan maku akañpe kin kaga, mazaskazi, hañonta to, qa stan, qa duta, qa miniñuha ska nonpa kahmupi kin hena kazuntapi, amdo akañpe kin he iyecen.

9 He topa omdoton, icitakhna he kagapi, ohanske cin napapaśdecapi qa ohdakinyan kin napapaśdecapi, icitakhna.

10 Qa he ohna inyan ocankuye topa ojuyapi, ocankuye wan, sardius, qa topaz qa petaga, ocankuye tokaheya kin hee.

11 Qa ocankuye inonpa kin he, smaragdos, qa sapiron, qa diamon ;

12 Qa ocankuye iyamni kin he ligurion, qa agate, qa ametuston ;

13 Qa ocankuye itopa kin he krusolitos, (mazaskazi inyan) qa

inyan wicaśake iyececa, qa iyaspis ; hena ihdukśan mazaskazi ozepi en ojuyapi.

14 Qa inyan kin hena Israel cinca ake nonpa cajepi kin iyececa, ipuspe pagopi kin he iyecen, wicoun ake nonpa cajepi kin otoiyohi inyan wanji akan apagopi.

15 Qa maku akañpe kin ihanke anog ekta mazaskazi ecedan icicahiña yuhmupi.kagapi.

16 Qa mazaskazi ozepi nonpa kagapi, qa mazaskazi napcupe nonpa, qa maku akañpe oise nonpa kin en, maza napcupe nonpa ikoyag yapi.

17 Qa maza napcupe nonpa maku akañpe oise en unpi kin hena ohna mazaskazi ikan nonpa kin iyeyapi.

18 Qa ikan nonpa ihanke nonpa maza ozepi nonpa en iyakaśkapi qa amdo akañpe hiyete akan ite ekta-kiya iyakaśkapi.

19 Qa mazaskazi napcupe nonpa kagapi, qa maku akañpe oise nonpa en iyakaśkapi, mahentuya amdo akañpe ektakiya opapun en.

20 Unkan mazaskazi napcupe nonpa kagapi, qa amdo akañpe hiyete nonpa en ikoyag yapi, ihukuya ite ekta kiya, icikoyag yapi iyotakons, amdo akañpe, ipiyaka iwankam.

21 Qa hañonta to wan on maku akañpe maza napcupe ekta iyakaśkapi, hecen amdo akañpe ipiyaka akan yanke kta, qa maku akañpe kin amdo akañpe kin etanhan yukinukan kte śni.

22 Unkan amdo akañpe nitośke kin ocowasin to kazuntapi kin he kaga.

23 Qa nitośke i kin he nitośke cokaya, miniñuha maku akañpe i kin he iyececa, i kin ihdukśan apañdan tonpi, nañdece kte śni heon etanhan.

WICOWOYAKE 40.

24 Unkan nitoške upi akan taspantanka seca to, qa stan qa duta nonpa kahmupi on kagapi.

25 Unkan mazaskazi ecedan hida hida kicagapi, qa mazahida hida kin tasan tanka seca ehna kaskapi, nitoške upi akan ihduksan taspantanka seca otahedan.

26 Mazahida hida qa taspantanka seca, mazahida hida qa taspantanka seca, nitoške ohna ohoda kin upi kin ihduksan akan, Jehowa Mowis econ si kin he iyecen.

27 Unkan mahen unpi Aaron on, qa iye cinhintku, wicakicagapi, minihuha ska kazuntapi.

28 Unkan minihuha pa ipahite kin qa minihuha wapaha waste, qa minihuha onzeoge minihuha ska nonpa kahmupi.

29 Qa ipiyaka minihuha ska nonpa kahmupi, qa to, qa stan, qa duta, ipatapi he kagapi, Jehowa Mowis econsi qon he iyecen.

30 Unkan mazaskazi ecedan mdaska watedake wakan kin kagapi, qa Jehowa wakandapo, akan owapi, ipuspe pagopi kin he iyecen owapi.

31 Qa hahonta to wan ekta iyakaskapi, he on pa ipahite kin akan akapatanhan iyakaskapi; Jehowa Mowis econsi qon he iyecen.

32 Hecen itkokipapi wakeya tipi kagapi kin ocowasin yustanpi, token Jehowa Mowis econsi kin owasin he iyecen Israel cinca kin yustanpi.

33 Unkan tipi kin Mowis ekta kahipi; wakeya kin, qa taku on kicanyanpi kin owasin, tamaza taspu, tacanmdaska, tacanhda kinyan, qa taipatan, qa tasiu kin;

34 Qa tamdoka ha sayapi on

akalipe kin, qa hoka ha on akalipe kin, qa cokaya ozanpi kin;

35 Qa woyaatanin canwohna ka kin, qa tosu kin, qa wokajuju iha kin;

36 Wahna wotapi tawaksica koya owasin, qa aguyapi itokam hnakapi kin;

37 Petijanjan ihupa ecedan kin, petijanjan kin koya, petijanjan kicanyanpi kin hena, qa taku on kicanyanpi kin owasin, qa wihdi on iyoyam yapi kin;

38 Qa mazaskazi owayusna kin qa sdawicayapi wihdi kin, qa taku wastemna on wizin yapi kin, qa wakeya tiyopa akalipe kin;

39 Mazaša owayusna kin, qa mazaša oceti tawa kin, qa tatošu kin qa taku on kicanyanpi kin owasin; mazaša koka kin, tacetetahe koya.

40 Hocoka ozanpi kin, can bosdata kin qa sicu kin, qa hocoka tiyopa oakalipe kin, taikan kin, qa tawihutipaspe kin qa itkoki-papi wakeya ohna ohodapi kin, tawaksica koya owasin;

41 Ohodapi wokoyake kin on tipi wakan ohna ohodapi, Aaron wawayusna tawokoyake wakan kin, qa cinhintku wokoyake unpi wawayusnapi ece kta.

42 Taku Jehowa Mowis econsi kin owasin, he iyecen Israel cinca kin taku owasin kagapi.

43 Unkan Mowis taku kagapi kin owasin wanyaka; unkan inyun taku Jehowa ka h wicasi kin owasin he iyecen kagapi, unkan Mowis wicayawaste.

WICOWOYAKE 40.

1 Unkan Jehowa ie ca Mowis heciya,

2 Wi tokaheya, anpetu tokahe-

ya en itkokipapi wakeya tipi kin eyahde kta.

3 Qa he ohna woayaanin can wohnaka kin eyahnake kta, qa can wohnaka kin akapatanhan cokaya ozanpi kin otkeyaye kta.

4 Qa wahna wotapi kin he en hiyuyaye kta, qa taku akan hnakapi kin hena akan eyahnake kta, qa petijanjan ihupa kin yakahi kta, qa petijanjan kin ideyaye kta.

5 Qa mazaskazi owayuśna kin wizinyapi kta e woayaanin can wohnaka itokam eyahnake kta, qa tipi tiyopa oakahpe otkeyaye kta.

6 Qa peta wośnapi owayuśna kin itkokipapi wakeya tipi tiyopa itokam eyahde kta.

7 Qa koka kin he itkokipapi wakeya kin, qa owayuśna kin otahedan eyahde kta, qa he ohna mini oyakaśtan kta.

8 Qa he ihdukśan hocoka kin eyahde kta, qa hocoka tiyopa oakahpe kin otkeyaye kta.

9 Qa sdawicayapi wihdi kin he iyacu kte qa tipi kin, qa taku ohna un kin, owasin sdayaye kta, hecen he qa taku on kicanyanpi kin owasin duwakan kta, unkan wakan kta.

10 Qa peta wośnapi owayuśna kin he sda yaye kta, taku on kicanyanpi nakun owasin; hecen owayuśna kin duwakan kta; qa owayuśna kin wakan ģinca kta.

11 Qa koka kin he sdayaye kta, tacetetahe nakun, hecen he duwakan kta.

12 Unkan Aaron, iye cinhintku om, itkokipapi wakeya tiyopa kin ikiyeddan hiyu wicayaye kta, qa mini on wicadujaja kta.

13 Qa wokoyake wakan kin he Aaron koyag yaye kta, qa sda yaye kta, hecen wamiciyuśna kta e duwakan kta.

14 Unkan cinhintku kin ikiyeddan hiyu wicayaye kta, qa mahen unpi kin hena koyag wicayaye kta.

15 Qa atkukupi kin sda yaye cigon he iyecen sda wicayaye kta, hecen wamiciyuśnapi kta, qa sdawicayapi kin on owihanke wanin wawayuśna hecapi kta, wicoicagepi yeye cin ohna.

16 Unkan token Jehowa Mowis econśi kin owasin he iyecen econ.

17 Unkan kaketu wetu inonpa wi tokaheya, anpetu tokaheya kin he ehan tipi wakan kin ehdepi.

18 Qa Mowis tipi kin ehde qehan tasicu kin eju, qa tacanmdaska kin en iyeya, qa tacanhdakinyan ohna iyoopte iyeya, qa taipatan kin ehde.

19 Qa tipi iwankapatanhan wakeya kin yumdaya, qa wakeya oakahpe kin he wakeya akapatanhan iwankam yumdaya, Jehowa Mowis econśi qon he iyecen.

20 Unkan woayaanin kin he icu, qa canwohnaka mahen ehna, qa tośu kin canwohnaka ekta iyeya, qa wokajuju iha kin canwohnaka akan ehna iwan-kapatanhan.

21 Qa canwohnake kin tipi kin mahen hiyuye qa cokaya ozanpi kin otkeya, hecen woayaanin canwohnaka kin akahpa, Jehowa Mowis econ śi kin he iyecen.

22 Qa wahna wotapi kin he itkokipapi wakeya ohna ehde, tipi cuwi waziyata ekta kiya, cokaya ozanpi itankan.

23 Qa he akan aguyapi itokam hnakapi kin heca tanyan ehna, Jehowa itokam, Jehowa Mowis econ śi kin he iyecen.

24 Qa petijanjan ihupa kin itkokipapi wakeya mahen ehde, wahna wotapi kin iyotakons, tipi cuwi itokaga ekta kiya.

25 Qa petijanjan kin hena ide-

ya, Jehowa itokam, Jehowa Mowis econ ši kin he iyecen.

26 Unkan mazaskazi owayuśna kin he itkokipapi wakeya mahen ehde, cokaya ozanpi kin itokam.

27 Qa he akan taku waśtemna wizinyapi kin izin ya, Jehowa Mowis econ ši kin he iyecen.

28 Qa tipi tiyopa akaŋpe kin he otkeya.

29 Qa waŋuŋnaŋi yapi owayuśna kin he itkokipapi wakeya tipi tiyopa kin ikiyedani ehde, qa he akan woŋuŋnaŋiyapi qa minŋa kin ŋuŋnaŋiya.

30 Qa koka kin itkokipapi wakeya kin, qa owayuśna kin otahedan ehde qa mini on yujajapi kte hen okaśtan.

31 Unkan hetanhan Mowis qa Aaron iye cinhintku om napepi sihani ko ihdujajapi.

32 Itkokipapi wakeya en ipi eca; qa owayuśna ikiyedani ipi eca ihdujajapi ece, Jehowa Mowis econ ši kin he iyecen.

33 Unkan tipi kin owayuśna

kin koya ihduśan hocoka kin ehde, qa hocoka tiyopa akaŋpe kin otkeya, hecen Mowis woŋtani kin hduśtan.

34 Hehan maŋpiya śoka qon itkokipapi wakeya kin akaŋpa, qa Jehowa towitan kin tipi kin ojunya.

35 Unkan Mowis itkokipapi wakeya en i kta okihi śni, maŋpiya qon he akan onyan qa Jehowa towitan kin tipi kin oju ya nakaś.

36 Unkan maŋpiya kin wankan iyaya eca, Israel cinca kin ihdakapi ece, unhdakapi kin owasin en hececa.

37 Tuka maŋpiya kin wankan iyaye śni kinhan, ihdakapi śni ece, wankan iyaye śni kin hehayan.

38 Jehowa maŋpiya śoka kin tipi kin akan yanka, anposkantu eca, tuka hanyetu ca he ohna peti eca, Israel cinca tipi kin owasin unhdakapi owasin en he wanyakapi.

LEWI TOOPE.

WICOWOYAKE 1.

1 Unkan Jehowa Mowis kipan, qa itkokipapi wakeya etanhan heciya,

2 Israel cinca kin hecen ewicakiya wo, Niyepi etanhan wicasta tuwe woahi wan Jehowa kahi kte cinhan, woteca etanhan woahi nitawapi yakahipi kta, pte wanunyanpi etanhan, qais talinca wanunyanpi etanhan.

3 Pte wanunyanpi etanhan woluhalnyapi on toahi kinhan, mdoka zanika ahi kte, iyokipiye kta e Jehowa itokam, itkokipapi wakeya tiyopa ekta kahi kta.

4 Hehan woluhalnyapi pa akan nape kin aputake kta, hecen iye walitani kin akalipe kta e iyokipi ye kta.

5 Unkan Jehowa itokam tantakadan kin patapi kta; unkan Aaron cinca wawayusnapi kin we kin ahipi kta, qa wahna wošnapi kin itkokipapi wakeya tiyopa ekta yanke cin akan we kin ailipe yapi kta.

6 Unkan woluhalnyapi ha kin yuze kta, qa wobaŝpe kin baŝpuŝpu kta.

7 Unkan wawayusna Aaron cinca kin wahna wošnapi akan peta ehnakapi kta, qa peta akan can aonpapi kta.

8 Unkan Aaron cinca wawayusnapi kin wobaŝpe kin, pa kin, qa wasin kin, can akan peta wahna wošnapi akan yanke cin abnakapi kta.

9 Unkan ŝupe kin, qa huha kin mini on yujaja kta, qa ahi kta,

Levit.

J

unkan wawayusna kin he oco-wasin izin ye kta, peta on woluhalnyapi wan waŝtemna Jehowa iyokipi kin hee.

10 Unkan talinca etanhan woluhalnyapi taku ahi kinhan, talin wanunyanpi etanhan qa is tatokadan etanhan mdoka zanika wan ahi kta.

11 Unkan Jehowa itokam wahna wošnapi icahda, iwaziya tanhan he pate kta. Unkan Aaron cinca wawayusnapi kin we kin amnimnipi kta, wahna wošnapi aihduksan.

12 Unkan wobaŝpe kin baŝpuŝpu kta, qa pa kin, qa wasin kin, unkan wawayusna kin hena can akan ehnake kta, peta wahna wošnapi akan yanke cin he akan.

13 Unkan ŝupe kin qa huha kin mini en yujaja kta. Unkan hena owasin wawayusna kin ahi kta, qa wahna wošnapi izin ye kta. Peta on woluhalnyapi wan waŝtemna Jehowa iyokipi kin hee.

14 Unkan taku kinye cin etanhan woluhalnyapi wan Jehowa kahi kte cinhan, wakiyedan cinca qais tinwakiyedan etanhan toahi kin ahi kta.

15 Unkan wawayusna kin he wahna wošnapi ikiyedan kahi kta, qa pa kin cape kta; qa wahna wošnapi kin izin ye kta; tuka. we kin yuskice kta, wahna wošnapi cuwi kin ekta.

16 Qa ŝupe kin, cesdi ohna yuke cin koya icu kta, qa wahna wošnapi icahda iwiyohinyanpatanhan cahota yanke cin ekta elipe ye kta.

LEWI TOOPE.

17 Unkan maku bamdaze kta, hupahu en, tuka kibaŝpe kte ŝni, qa wawayuŝna kin he on wahna woŝnapi kin izin ye kta, can akan peta wahna woŝnapi akan yanke cin he akan. Peta on woŝnapi wan waŝtemna Jehowa iyokipi hee.

WICOWOYAKE 2.

1 Unkan wicanagi wan minŝa woahi Jehowa kahi kte cinhan, aguyapi mdu kin kahi kta, qa wihdi he akaŝtan kta, qa canŝin waŝtemna akan ehnake kta.

2 Qa he Aaron cinca wawayuŝnapi kin wicakahi kta, qa he etanhan aguyapi mdu qa wihdi nape ohnaka wanjidan, qa canŝin ocowasin icu kta; unkan wawayuŝna kin wokiksuye kin he on wahna woŝnapi kin izin ye kta, peta woŝnapi waŝtemna wan Jehowa iyokipi kin hee.

3 Unkan minŝa kin he etanhan taku okapte cin he Aaron qa iye cinca kin tawapi, Jehowa peta woŝnapi tawa wakan linca hee.

4 Unkan taku makacega ohna ŝpanyanpi minŝa woahi wan yakahi kte cinhan, he aguyapi onnapoŝye codan wihdi icicahi-yapi, qaiŝ aguyapi zipzibedan onapoŝye codan wihdi on sdayapi kin heca kta.

5 Unkan minŝa woahi nitawa mazawiceonpe akan ŝpanyanpi kinhan, he aguyapi onapoŝye codan wihdi on sdayapi heca kta.

6 He duŝpaŝpa kta qa onŝpaŝpa akan wihdi ayakaŝtan kta, minŝa wan hee.

7 Unkan minŝa woahi nitawa kin he cega ihupa tonna ohna ŝpanyanpi kinhan, he aguyapi on wihdi en yakage kta.

8 Qa minŝa hena etanhan kagapi kin he Jehowa ekta hiyu-

yaye kta, unkan wawayuŝna en kahi kinhan iye he wahna woŝnapi ekta kahi kta.

9 Unkan wawayuŝna kin minŝa kin etanhan wokiksuye wan icu kta, qa heon wahna woŝnapi kin izin ye kta, he peta woŝnapi waŝtemna Jehowa iyokipi kin heca.

10 Unkan minŝa etanhan taku okaptapi kin he Aaron qa iye cinhintku tawapi kta, taku peta on Jehowa wakiyuŝnapi wakan linca hee.

11 Minŝa Jehowa yecicahi-pi kin wanjidan onnapoŝye on yakage kte ŝni. Onnapoŝye qa canhanpi tiktica etanhan peta on Jehowa izinyaye kte ŝni.

12 Taku tokaheya suton kin woahi kin hena Jehowa yakahi kta, tuka wahna woŝnapi akan waŝtemnayanpi iyokipi kte ŝni.

13 Qa minŝa woahi kin hena owasin miniskuya kici icicahi-yaye kta, qa taku wakan yada miniskuya on takuyayapi kin he minŝa kin he etanhan miniskuya teyahinda kte ŝni. Woahi nitawa kin owasin akan miniskuya yakahi kta.

14 Unkan taku tokaheya suton etanhan minŝa wan Jehowa yakahi kte cinhan, aguyapi itka ŝtonkadan petan ceonpapi, bopanpi kin heca taku tokaheya suton minŝa nitawa yakahi kta.

15 Qa he akan wihdi ayakaŝtan kta, qa canŝin waŝtemna ayakakada kta, minŝa wan hee.

16 Unkan wawayuŝna kin taku bopanpi etanhan, qa wihdi etanhan onge canŝin ocowasin iyahna wokiksuye on izin ye kta. Peta on Jehowa wakiyuŝnapi wan hee.

WICOWOYAKE 3.

1 Unkan wopida woŝnapi wan kahi kte cinhan, pte wanunyanpi

WICOWOYAKE 4.

etanhan mdoka qaiś wiye unman tukte kašta wanji zanika, Jehowa kahi kta.

2 Qa taku kahi kin pa akan nape kin aputake kta. Hehan itkokipapi wakeya tiyopa ekta he pate kta ; unkan Aaron cinca wawayuśnapi kin we kin amninnipi kta, wahna wośnapi aihdukśan.

3 Unkan wopida wośnapi etanhan peta wośnapi wan Jehowa kahi kta tejikśije qa ūpe ūn kin owaśin.

4 Qa pakśin kin napin, qa pakśin ūn kin, mica en yanke cin he, nakun pizi pi ikoyake cin he icu kta.

5 Unkan Aaron cinca kin he on wahna wośnapi kin izin yapi kta, woħuħnalyapi kin iyahna, he can peta akan yanke cin he akan, peta wośnapi waśtemna Jehowa iyokipi wan hee.

6 Unkan tahinca etanhan wopida wośnapi Jehowa kahi kte cinhan, mdoka qaiś wiye unman tukte kašta zanika kahi kta.

7 Woahi tawa amnos wan kahi kinhan, he Jehowa itokam kahi kta.

8 Qa woahi tawa pa kin akan iye nape kin aputake kta, qa itkokipapi wakeya tiyopa kin ekta pate ktá, unkan Aaron cinca kin we kin amninnipi kta, wahna wośnapi aihdukśan.

9 Unkan wopida wośnapi etanhan peta wośnapi wan Jehowa kahi kte, waśin kin, sinte oco-wasin nite kin ekta baśpe kta, qa watejikśije, qa ūpe ūn kin owasin,

10 Qa pakśin napin, qa pakśin ūn kin mica en yanke cin he, qa pizi kin pi ikoyake cin he icn kta.

11 Unkan wawayuśna kin he on wahna wośnapi izinye kta, peta wośnapi Jehowa tawote kin hee.

12 Unkan tatokadan wan kahi kinhan, he Jehowa itokam kahi kta.

13 Qa pa kin akan iye nape kin aputake kta, qa itkokipapi wakeya tiyopa kin ekta he pate kta, unkan Aaron cinca kin we kin amninnipi kta, wahna wośnapi aihdukśan.

14 Unkan he etanhan toahi peta wośnapi wan Jehowa kahi kte, watejikśije kin he, qa ūpe ūn kin owasin ;

15 Qa pakśin kin napin, qa pakśin ūn kin mica en yanke cin he, qa pizi kin pi ikoyake cin pakśin iyahna icu kta.

16 Unkan wawayuśna kin hena on walina wośnapi kin izin ye kta, woyute peta wośnapi waśtemna wiciyokipi, waśin kin owasin he Jehowa tawa.

17 Nitoicagepi yeye cin tukte e kaeś yatipi kin owasin ohna waśin qaiś we takudan yatapi kte ūni, he wokage owihanke wanice kta.

WICOWOYAKE 4.

1 Unkan Jehowa ie a Mowis heciya,

2 Iśrael cinca kin hecen ewica-kiya wo ; Wicanagi wan ecinśni waħtani kinhan, qa Jehowa tawoahope wan taku econ ūni wicaśi kin hena wanji econ kinhan :

3 Wawayuśna sdayapi kin he waħtani, qa oyate kin waħtani wicaye cinhan, woaħtani waħtani kin on tatankadan pte cinca wan zanika Jehowa kahi kta, woaħtani wośnapi kin on.

4 Qa tatankadan itkokipapi wakeya tiyopa kin ekta hiyuye kta, Jehowa itokam, qa tatankadan pa kin nape kin aputake kta, qa tatankadan kin pate kta, Jehowa itokam.

5 Qa wawayuŝna sdayapi kin he tatankadan we kin onge icu kta, qa itkokipapi wakeya tiyopa kin ekta hiyuŷe kta.

6 Qa wawayuŝna kin napsukaza wan we en oputkan qa ŝakowin akihde we onge elipeye kta, Jehowa itokam, tipi wakan cokaya ozanpi kin ektakiya.

7 Unkan wawayuŝna kin we kin etanhan onge wahna woŝnapi izinyapi waŝtemna he kin akan iun kta; he itkokipapi wakeya ohna yanke cin, Jehowa itokam, qa tatankadan we kin ocowasin woŷuhnaŷyapi wahna woŝnapi sicu ekta akaŝtan kta, he itkokipapi wakeya tiyopa ekta yanka.

8 Qa woalhtani woŝnapi tatanka etanhan waŝin kin owasin icu kta, watejikŝije kin qa ŝupe ŝin kin owasin.

9 Qa pakŝin kin napin qa pakŝin ŝin mica en yanke cin he, qa pizi pi kin ikoyake cin mica en yanke cin he icu kta.

10 Wopida woŝnapi tatanka etanhan icupi qon he iyecen, qa wawayuŝna kin hena woŷuhnaŷyapi wahna woŝnapi akan izin ye kta.

11 Tuka tatanka ha kin qa eelipi kin ocowasin, pa kici, qa huha kici, qa ŝupe kin qa tacesdi kin.

12 Tatanka kin ocowasin he-woskantuya ayapi kta, tukten taku ŝica wanica ekta, caŷota okadapi kin heciya, qa can akan peta on huŷnaŷyapi kta, caŷota okadapi kin he akan huŷnaŷyapi kta.

13 Unkan Israel omniciye ocowasin ecinŝniyan wahtanipi kinhan, qa Jehowa tawoahope taku econŝni wicaŝi kin wanji econpi, tuka okodakiciye kin he sdonye ŝni econpi qa wahtanipi kinhan,

14 Tohan woalhtani woahope awahtanipi kin he sdotkiyapi kinhan, okodakiciye kin walhtanipi kin on tatankadan wan ahipi kta, qa itkokipapi wakeya itokam hiyuyapi kta.

15 Unkan omniciye honkayapi kin tatanka pa kin akan napepi kin aputakapi kta, Jehowa itokam, qa tatankadan kin patapi kta, Jehowa itokam.

16 Unkan wawayuŝna sdayapi kin tatanka we kin etanhan onge itkokipapi wakeya ekta hiyuŷe kta;

17 Qa wawayuŝna kin napsukaza wan we oputkan kta, qa he etanhan ŝakowin akihde elipeye kta, Jehowa itokam cokaya ozanpi ekta kiya.

18 Qa we kin onge wahna woŝnapi he kin hena akan iun kta, he Jehowa itokam itkokipapi wakeya ohna yanka, qa we kin owasin woŷuhnaŷyapi wahna woŝnapi kin itkokipapi wakeya tiyopa ekta yanke cin he ceteta kin ekta okaŝtan kta.

19 Qa waŝin kin owasin he etanhan icu kta, qa on wahna woŝnapi kin izin ye kta.

20 Qa woalhtani woŝnapi tatankadan ecakicon qon he iyecen tatanka kin he ecakicon kta, hecen wawayuŝna kin wahtanipi kin akalipe wicakiye kta; unkan wicakicicajujupi kta.

21 Unkan tatankadan kin he-woskantuya ayapi kta, qa tatankadan tokaheya huŷnaŷyapi qon he iyecen de huŷnaŷyapi kta. Okodakiciye woalhtani woŝnapi kin hee.

22 Wicaŝtayatapi kin wahtani kinhan, qa taku iye wakanda Jehowa tawoahope teŷinda kin wanji ecinŝni econ kinhan qa ihduŝica,

WICOWOYAKE 5.

23 Tohan woalitani kin hena en wahtani kin sdotkiye cinhan toahi kin tatokadan mdoka zanika wan hiyuye kta.

24 Qa tamdoka pa akan iye nape kin aputake kta, qa Jehowa itokam tukten woħulnaħyapi patapi kin hen he pate kta; woalitani wošnapi wan hee.

25 Unkan wawayuřna kin woalitani wošnapi we kin etanhan napsukaza wan on icu kta, qa woħulnaħyapi wahna wošnapi he kin hena akan iun kta, qa we kin woħulnaħyapi wahna wošnapi sicu ekta okařtan kta;

26 Qa wařin kin owasin on wahna wošnapi izinye kta, wopida wošnapi wařin kin he iyecen, hecen walitani kin wawayuřna kin akaħpe kiciye kta, unkan kicicajujupi kta.

27 Unkan oyate tokecinyan unpi etanhan wicanagi wanji walitani, qa Jehowa tawoahope taku econřni wicaři wan ecinřniyan econ, qa ihduřice cinhan;

28 Tohan woalitani wahtani kin he sdotkiye cinhan, woalitani wahtani kin on toahi tatokadan wiye wan zanika hiyuye kta.

29 Qa woalitani wošnapi pa akan iye nape kin aputake kta, qa woħulnaħyapi tukten patapi kin hen woalitani wošnapi kin pate kta.

30 Unkan wawayuřna kin he we kin onge napsukaza wan on icu kta, qa woħulnaħyapi wahna wošnapi he kin hena akan iun kta, qa we kin owasin wahna wošnapi sicu ekta okařtan kta.

31 Qa wopida wošnapi wařin kin icupi qon, he iyecen wařin kin owasin icu kta, qa wawayuřna kin wahna wošnapi kin izinye kta; wařtemnayanpi Je-

howa iyokipi, hecen wawayuřna kin akaħpe kiciye kta, unkan kicicajujupi kta.

32 Unkan woalitani wošnapi on amnos wan toahi hiyuye cinhan, wiyedan zanika wan hiyuye kta.

33 Qa woalitani wošnapi pa akan iye nape kin aputake kta, unkan tukte woħulnaħyapi patapi ece kin hen woalitani wošnapi kin patapi kte.

34 Unkan wawayuřna kin woalitani wošnapi we onge napsukaza wan on icu kta, qa woħulnaħyapi wahna wošnapi he kin hena akan iun kta, qa we kin ocowasin wahna wošnapi sicu ekta akařtan kta.

35 Qa wopida wošnapi amnos wařin kin icupi qon he iyecen wařin kin owasin icu kta; unkan wawayuřna kin heon wahna wošnapi kin izin ye kta, Jehowa peta on wakiyuřnapi he iyecen, hecen wawayuřna kin akaħpe kiciye kta, woalitani wahtani kin on, unkan kicicajujupi kta.

WICOWOYAKE 5.

1 Unkan wicanagi wan walitani, qa tuwe Taku wakan cajeyata naħon, qa wayaatanin řipi, taku naħon qaiř sdonya kin he, tuka oyake řni kinhan, wahtani kin kiçin kta.

2 Qa iř wicanagi tuwe taku řapa wan icaltake cinhan, wamanica ře řapa, qa woteca ře řapa, qa watutka ře řapa unman tukte kařta sdotkiye řni econ eřta, hee řape kta, qa hdajuju kte.

3 Qa iř tuwe wicařta řapa wan icaltake cinhan, wořape taku kařta on wicařta wan ihduřape cinhan, he sdonye řni econ eřta, tohan sdonye cinhan hdajuju kta.

4 Qaiř wicanagi tuwe Taku

wakan cajeyate ça awacinšniyan iha on taku eye cinhan, taku šica econ kta, qaiš taku wašte econ kta wicašta kin awacinšniyan eye cinhan, iyukcan šniyan econ ešta, tohan he sdonye cinhan hena wanji on hdajuju kta.

5 Unkan tohan hena wanji on hdajuju kte cinhan, taku en wahtani kin he ohdake kta.

6 Qa woahitani wahtani kin on taku on hdajuju kta Jehowa ekta hiyu ye kta, wahtani kin on talinca etanhan wiyedan wan talinca ska, qaiš tatokadan etanhan, unkan wawayušna kin he on akałpe kiciye kta.

7 Unkan nape kin tacincadan wan iyohiye kte šni kinhan, wahtani kin hdajuju kta e tinwakiyedon nonpa, qaiš wakiyedon cinca nonpa, Jehowa kahi kta, wanji woahitani wošnapi on, qa unman wołuhnahyapi on.

8 Qa hena wawayušna kin ekta hiyuye kta, unkan woahitani wošnapi kin he tokaheya ahi kta, qa pa ołdateya dote cape kta, tuka bašpe kte šni.

9 Qa woahitani wošnapi kin we onge wahna wošnapi cuwi akan ełpe ye kta, qa we okapte cin owasin wahna wošnapi sicu ekta yuškice kta woahitani wošnapi wan hee.

10 Unkan inonpa kin wołuhnahyapi wan kage kta, econ wicašipi kin iyecen, hecen wawayušna kin woahitani wahtani qon akałpe kiciye kta, unkan kicicajujupi kta.

11 Tuka nape kin tinwakiyedon nonpa, qaiš wakiyedon cinca nonpa iyohiye kte šni kinhan, wahtani kin on toahi kin aguyapi mdu can wakšica ohnaka wanjidon woahitani wošnapi on hiyuye kta. He akan wiłdi

akaštan kte šni, qa canšin waštemna aehnake kte šni, woahitani wošnapi wan hee nakaeš.

12 Qa he wawayušna ekta hiyuye kta. Unkan wawayušna kin he etanhan napohnaka wanji icu kta, he wokiksuye ee, qa on wahna wošnapi kin izin ye kta, peta on Jehowa wakiyušna iyecen, woahitani wošnapi wan hee.

13 Hecen hena on woahitani wan wahtani kin on wawayušna kin akałpe kiciye kta, unkan kicicajujupi kta. Unkan taku okapte cin he wawayušna tawa kta, minha wan iyecen.

14 Unkan Jehowa ie ça Mowis heciya;

15 Wicanagi wan šicaya ołan-yan, qa Jehowa taku wakanyan tawa en ecinšniyan wahtani kinhan, tohdajuju kin Jehowa ekta hiyuye kta, tamdoka wan talinca etanhan mazaska šeqel tona idacin, tipi wakan šeqel iyececa kici on hdajuju kta.

16 Hecen taku wakanyanpi kin manon qon kicu kta, qa izaptan kin he kici aopekiciciye kta, qa wawayušna kin he qu kta, unkan wawayušna kin on hdajujupi tamdoka on akałpe kiciye kta, unkan kicicajujupi kta.

17 Unkan wicanagi wan wahtani kinhan, qa taku wanji Jehowa econ šni wicaši econ kinhan, he sdonye šni ešta he wahtani, qa on hdajuju kta.

18 Qa hdajuju kta e wawayušna ekta talinca etanhan tamdoka wan, taku idacin kici hiyuye kta, unkan taku ecinšniyan wahtani, qa iyukcanšniyan nuni kin heon wawayušna kin akałpe kiciye kta, unkan kicicajujupi kta.

19 On hdajujupi wan hee; Jehowa en wahtani kin on hdajuju kta.

WICOWOYAKE 6.

20 Unkan Jehowa ie ça Mowis heciya ;

21 Wicanagi wan wahtani qa taku Jehowa tawa wan manon kinhan, qais tuwe ikiyedani en itonśni, taku yuhe šipi qais taku wicakicihnaka on, qais taku wicaki kin on qais tuwe ikiyedani ti kiyuše kinhan ;

22 Qais taku wicakitaninpi šni iyeye ça on itonśni, qa taku kašta wicašta econpi kin hena wanji en wahtani, qa itonšniyan on taku wakan caje yate cinhan ;

23 Hehan kaketu kta, wahtani kin on hdajuju kta e taku wicaki qon kicu kta, qa is taku wicahnayan on yuha, qa is taku kicihnakapi qon, qais taku wicakitanin šni iyeye ciqon.

24 Qa taku kašta on taku wakan cajeyate ça itonśni kin, he ocowasin kicu kta, qa anpetu tohan hdajuju kin hehan izaptan wan aopekiciye kta, qa tuwe tawa kin kicu kta.

25 Nakun on hdajuju kta Jehowa wakiyušnapi wan taħinea etanhan, tamdoka wan zanika, taku idacin kici hdajuju kta e wawayušna ekta hiyuye kta.

26 Unkan wawayušna kin Jehowa itokam akahpe kiciye kta, unkan taku kašta on hdajuju kta econ qon, iyohi kicicajujupi kta.

WICOWOYAKE 6.

1 Unkan Jehowa ie ça Mowis heciya,

2 Aaron qa iye cinca hecon wicaši, qa hewicakiya wo ; Wohuhnalyapi wošnapi woope kin dee : Hanyetu osan wahna wošnapi akan itkonyan un kta, ihanhanna kin hehanyan, qa wahna wošnapi akan peta kin itkonye cin heon wohuhnalyapi kin eciyapi.

3 Unkan wawayušna kin mini-

huha ska mahen unpi kin kičun qa minihuha ska onze oge koyake kta, iye celipi akan, qa wohuhnalyapi wošnapi cahota peta wahna wošnapi akan huhnage cin he icu kta, qa wahna wošnapi kin icahda ehnake kta.

4 Hehan wokoyake kin hdušdoke kta, qa wokoyake tokeca kičun kta, qa cahota kin hewoskantuya aye kta, tukten taku šica wanica ekta.

5 Unkan peta wahna wošnapi akan yanke cin he ohinniyan itkon yapi kta, he kasnipi kte šni. Unkan he akan hanhanna otioyohi wawayušna kin can ideye kta, qa he akan wohuhnalyapi kin aehnake kta, qa he akan wopida wošnapi wašin kin izin ye kta.

6 Peta kin ohinniyan wahna wošnapi akan itkon yapi kta, tohinni sni kte šni.

7 Unkan minħa woope kin dee, Aaron cinhintku wanji he Jehowa itokam wahna wošnapi ekta kahi kta.

8 Qa minħa aguyapi mdu qa wihdi etanhan napohnaka wan icu kta, qa cansin minħa akan un kin he ocowasin, qa wahna wošnapi kin izin ye kta, he wokiksuye waštemna Jehowa iyokipi.

9 Unkan taku minħa etanhan okapte cin he Aaron qa iye cinca kin aguyapi onapohye codan yutapi kta, oyanke wakan kin ohna, he yutapi kta, itkokipapi wakeya hocoka kin ohna he yutapi kta.

10 Onnapohye on španyanpi kte šni, tuka peta on wamiciyušnapi etanhan wopamni kin he wicawaqu. He wakan ĩnca, woahntani wošnapi kin iyecen, qa wokajuju wošnapi kin iyecen.

11 Aaron cinca kin tona wica kin hena owasin he yutapi kta.

LEWI TOOPE.

Nitoicagepi yeye cin wokage kin de owihanke wanice kta, tona wakanpi kin henana taku peta on Jehowa wakiyušnapi kin yutanpi kta.

12 Unkan Jehowa ie ça Mowis heciya,

13 Aaron qa iye cinca anpetu en wanji sdayapi kinhan, woahi kin de kahipi kta, aguyapi mdu can wakšica ohnaka wanji, minha ohinniyan wan, hanke hanhan- na eca, qa hanke hitayetu eca.

14 Maza wiceonpa akan wihti en cegugu yaye kta, špan hehan hiyu yaye kta, minha yušpušpu- pi waštemna Jehowa iyokipi ya- kahi kta.

15 Qa tuwe iye cinca etanhan hee kiya wawayušna sdayapi kin he kage kta, he ocowasin Jehowa tawa izinyapi kta, wo- kage kin de owihanke wanice kta.

16 Hecen wawayušna minha tawa kin he ocowasin hušnalya- pi kta, tuwedan he etanhan yute kte šni.

17 Unkan Jehowa ie ça Mowis heciya,

18 Aaron qa iye cinca kin he- cen ewicakiya wo: Woahtani wošnapi wope kin dee, tukten wošnalyapi patapi kin he en woahntani wošnapi kin patapi kta, Jehowa itokam he wakan linca.

19 Wawayušna tuwe heon wo- kajuju kage cin he yute kta, oyan- ke wakan kin itkokipapi wakeya hocoka kin en he yutapi kta.

20 Taku kašta he cełpi kin icahtake cinhan wakan kta, qa wokoyake taku kašta he we kin akan ełpeyapi kin, he akan hin- ĩpaye cin on, oyanke wakan en yujajapi kta.

21 Qa maka cega ohna he špan- yanpi kin he kamdecapi kta, qa mazaša cega ohna he španyanpi

kinhan, he payezapi qa mini on yujajapi kta.

22 Wawayušna tona wicapi kin hena owasin yutapi kta, he wa- kan linca.

23 Qa woahtani wošnapi tona we kin on akałpapi kta e tipi wakan ohna itkokipapi wakeya en hiyuyapi hena yutapi kte šni, peta on hušnalyapi kta.

WICOWOYAKE 7.

1 Unkan on hdajuju wošnapi wope kin dee, he wakan linca.

2 Tukte wošnalyapi wošna- pi ktepi kin he en on hdajujupi ktepi kta, qa we kin he wahna wošnapi akan ihdukšan ełpeya- pi kta.

3 He etanhan wašin owasin ahi kta, sinte kin qa wašin šupe aka- ĩpe cin he;

4 Qa pakšin kin napin, qa pa- kšin šin mica en yanke cin he, qa pizi pi ikoyake cin, pakšin icahda he yutokan kte;

5 Qa hena on wawayušna kin wahna wošnapi kin izin ye kte, peta on Jehowa wakiyušnapi, on hdajujupi kin hee.

6 Wawayušna wica kin hena owasin he yutapi kta, oyanke wakan ohna yutapi kta, he wa- kan linca.

7 Woahtani wošnapi kin, qa on hdajuju wošnapi kin hena wope kin okonwanjidan; wawayušna kin tuwe hena on woakałpe ka- ge cin he tawa kta.

8 Qa wawayušna tuwe wicašta wan wošnalyapi kicicahi kin- han, wošnalyapi ha kin he wawayušna ahi kin he tawa kta.

9 Qa minha kin oceti akan španyanpi kin he owasin, qa ce- ga ohna qa cega ihupatonna akan kagapi kin he owasin wawayuš-

na kin tuwe he ahi kin he tawa kta.

10 Tuka minha wihdi icicahiyapi, qa aguyapi mdu kin hena iyulipa Aaron cinca kin owasin otoyohi hunkawanjitku iyececa tawapi kta.

11 Unkan wopida wošnapi Jehowa kahipi kta wope kin dee.

12 Tuwe he woyatan on ahi kinhan, woyatan wošnapi kici aguyapi napohyapi šni wihdi icicahiyapi, qa aguyapi zibzibedan napohyapi šni, wihdi on sdayapi, qa aguyapi ceguguyapi wihdi akaštanpi ;

13 Aguyapi napohyapi šni kici aguyapi napohyapi ahi kta, toahi wopida woyatan wošnapi tawa on.

14 Qa woahi kin ocaje owasin etanhan aguyapi wanjidan wokosyapi Jehowa tawa, wawayušna wopida we kin amnimni kin he ektakiya kahi kta, he tawa kta.

15 Qa woyatan wopida wošnapi celpi kin he yutapi kta, anpetu en ahipi kin en, hetanhan ongedan ihanhanna hehanyan okaptapi kte šni.

16 Tuka toahi kin woyakapi wošnapi qaiš, itukilianpi wošnapi kinhan, anpetu en taku wošna ahi kin hen yutapi kta, qa taku okapte cin he ihanhanna nakun yutapi kta.

17 Qa tado wošnapi anpetu iyamni kin hehanyan okapte cin he peta on hułnahyapi kta.

18 Qa wopida wošnapi tado onge anpetu iyamni en yutapi kinhan, iyokipi kte šni, qa tuwe ahi kin kiciyawapi kte šni, taku šicamna iyecece kta, wicanagi kin tuwe hetanhan yute cinhan wošice cin hduhe kta.

19 Celpi taku šapa wan icalta-ke cin he yutapi kte šni, he pe-

tañ hułnahyapi kta. Unkan celpi kin tona ecepidan kin hena owasin celpi yutapi kta.

20 Tuka wicanagi tuwe toašape ikoyake cin, wopida wošnapi celpi kin Jehowa wakiyušnapi kin he yute cinhan, wicanagi kin he taoyate kin etanhan kašpapi kta.

21 Qa wicanagi tuwe taku šapa yutan kinhan, wicašta towa ašape qaiš woteca towašape, qaiš watutka šapa wan, qa wopida wošnapi Jehowa wakiyušnapi celpi etanhan yute cinhan wicanagi kin he taoyate etanhan kašpapi kta.

22 Unkan Jehowa ie ça Mowis heciya,

23 Israel cinca kin hecen ewicakiya wo ; Pte wašin kin, qa tahinca ska wašin kin, qa tatkadan wanunyanpi wašin kin ongedan yatapi kte šni.

24 Taku wayazanka te cin wašin kin, qa taku wamanica yačapi kin wašin kin he wowiyunyanpi kta, tuka he yutapi kte šni.

25 Tuwe kašta woteca peta on Jehowa wakiyušnapi kin he etanhan wašin onge yute cinhan wicanagi kin he iye taoyate etanhan kašpapi kta.

26 Nakun yatipi owasin ohna we ongedan yatapi kte šni, wahupakoza we kin, qa woteca we kin unman tukte kašta.

27 Wicanagi tuwe kašta we ongedan yute cinhan wicanagi kin he taoyate kin etanhan kašpapi kta.

28 Unkan Jehowa ie ça Mowis heciya ;

29 Israel cinca kin hecen ewicakiya wo, Tuwe kašta wopida wošnapi wan Jehowa kahi kte cinhan, he wopida wošnapi toahi kin Jehowa ekta hiyuye kta.

30 Iye nape kin Jehowa peta woŋnapi tawa hiyuye kta, waŋin maku iyahna, maku yuwintapi, Jehowa itokam he yuwintapi kta e hiyuye kta.

31 Unkan wawayuŋna kin waŋin kin on wahna woŋnapi kin izinye kta, tuka maku kin he Aaron qa iye cinca kin he tawapi kta.

32 Qa hiyete etapa kin he wopida woŋnapi nitawapi etanhan wokozapi wan wawayuŋna kin yaqupi kta.

33 Aaron cinca etanhan tuwe wopida woŋnapi we kin, qa waŋin kin ahi kinhan, hiyete etapa kin wobaŋpe tawa kta.

34 Israel cinca wopida woŋnapi tawapi etanhan, maku yuwintapi, qa hiyete kozapi kin hena iwicawacu, qa Aaron qa iye cinca wicawaqu, Israel cinca etanhan, wokage owihanke wanica.

35 Taku peta on Jehowa wakiyuŋnapi etanhan Aaron wiyutapi tawa, qa iye cinca wiyutapi tawapi kin hee: Jehowa wawakiyuŋnapi kta e en awicahi anpetu kin he en.

36 He Jehowa wicaqu ŋi kin anpetu en sdawicaye cin he ehan, Israel cinca etanhan wicocagepi yeye cin, wokage owihanke wanica.

37 Wohaŋnahiyapi on woope kin hee, qa nakun minha on, qa woahitani woŋnapi on, qa wokajuju woŋnapi on, qa wojunyapi on, qa wopida woŋnapi on.

38 Jehowa Mowis hecon ŋi, Sina he ohna anpetu wan Israel cinca toahipi Sina hoŋuze cin en, Jehowa ekta ahi wicaŋi qehan.

WICOWOYAKE 8.

1 Unkan Jehowa ie qa Mowis heciya,

2 Aaron qa iye cinca om iwicacu wo, nakun wokoyake kin, qa wihdi on sdawicayapi kin, qa woahitani tatanka kin, qa tamdoka nonpa kin, qa aguyapi napohiyapi ŋni wakiŋkotpa kin.

3 Qa omniciye owasin itkokipapi wakeya tiyopa ekta wicakico wo.

4 Unkan token Jehowa econ ŋi kin he iyecen Mowis econ; unkan omniciye owasin itkokipapi wakeya tiyopa ekta mniciyapi.

5 Unkan Mowis omniciye kin hewicakiya, Taku Jehowa econ unŋipi kin dee.

6 Hehan Mowis Aaron qa iye cinca kin awicahi, qa mini on wicayujaja.

7 Qa mahenunpi kin koyag ya, qa ipiyake on ipiyag kiciton, qa nitoŋke kin koyag ya, qa amdo akaŋpe kin akihnake qa amdo akaŋpe ipiyake kazuntapi kin on ipiyag kiya, hecen amdo kin akaŋpe kiya.

8 Qa maku akaŋpe kin akihnake qa iyoyam wicaye qa ecetu wicaye cin maku akaŋpe kin en iyeya.

9 Qa pa akan pa ipaŋte kin paŋta, qa pa ipaŋte akan ite ektakiya mazaskazi mdaska wateŋdake wakan paŋta; Jehowa hecon ŋi kin he iyecen.

10 Unkan Mowis wihdi on sdawicayapi kin icu, qa tipi kin sdaya, nakun taku ohna un kin owasin; hecen hena yuwakan.

11 Qa he etanhan ŋakowin akihde wahnawoŋnapi akan eŋpeya, qa wahnawoŋnapi kin sdaya, nakun taku on kicanyanpi owasin, nakun maza koka kin, qa taceteta kin; hecen hena yuwakan.

12 Qa wihdi on sdayapi onge Aaron pa kin akaŋtan, qa he yuwakan kta e sdaya.

13 Unkan Mowis Aaron cinca

kin awicahi, qa mahen unpi kin ikoyag wicaya, qa ipiyake on ipiyag wicakiciton, Jehowa Mowis hecon ši kin he iyecen.

14 Qa woahntani tatanka kin ikiyedan hiyuya; unkan Aaron qa iye cinca kin tatanka pa akan napepi aputakapi.

15 Unkan pata, qa Mowis we kin icu qa napsukaza wan on wahna wošnapı he kin aihdukšan iun, hecen wahna wošnapı kin wakiyušna, qa we kin wahna wošnapı sicu ekta kaštan, hecen he akan akałpapi kta e he yuwakan.

16 Unkan watejikšija kin he owašin icu, qa pi pizi kin, qa pakšin napin, qa pakšin šin, qa Mowis hena on wahna wošnapı kin izinya.

17 Tuka tatanka pa kin, qa celipi kin peta on hulnalya, otipi kin itankan, Jehowa Mowis hecon ši kin he iyecen.

18 Hehan wohulnalyapi tamdoka kin ahi, unkan Aaron qa iye cinca kin napepi tamdoka pa kin aputakapi.

19 Unkan he pata, qa Mowis he we kin wahna wošnapı aihdukšan akaštan.

20 Unkan tamdoka kin token bašpapi kta iyececa bašpašpa; unkan Mowis tamdoka pa kin, qa obašpe kin, qa wašin kin izinya.

21 Unkan šupe kin qa huha kin mini on yujaja, unkan Mowis tamdoka ocowasin on wahna wošnapı kin izinya, peta on Jehowa wakiyušnapı wan wohulnalyapi waštemna wiciyokipi wan hee, Jehowa Mowis hecon ši kin he iyecen.

22 Unkan tamdoka inonpa kin he ahi, ojunyapi tamdoka kin hee; unkan Aaron qa iye cinca kin napepi kin tamdoka pa kin aputakapi.

23 Unkan he pata, qa Mowis he we kin etanhan icu, qa Aaron noge etapa inkpa akan ikiciun, nakun napahunka etapa akan, qa sipahunka etapa akan.

24 Qa Aaron cinca kin awicahi, qa Mowis nogepi etapa inkpapi akan we kin onge iwicakiciun, nakun napahunkepi, qa sipahunkepi etapa akan, qa we ihe cin wahna wošnapı aihdukšan akaštan.

25 Qa wašin kin icu, nakun sinte kin, qa watejikšija ocowasin, qa pi pizi kin, qa pakšin napin, qa pakšin šin kin qa hiyete etapa kin;

26 Nakun aguyapi napohyapi šni wakiškotpa Jehowa itokam yanke cin etanhan aguyapi napohyapi šni hmiyanyan wanjidan, qa wihdi aguyapi hmiyanyan wanjidan, qa aguyapi zibzibedan wanjidan, qa hena wašin akan, qa hiyete etapa akan ehnaka.

27 Qa hena owasin Aaron nape en qu, nakun cinhintku napepi en; unkan hena kozapi, Jehowa itokam; wokozapi wan hee.

28 Unkan napepi etanhan Mowis hena icu, qa on wahna wošnapı kin izinya, wohulnalyapi akan, wojunyapi kin hena eepi, woomna wiciyokipi peta wakiyušnapı wan hee.

29 Unkan Mowis maku kin icu, qa Jehowa itokam koza, wokosyapi ojunyapi tamdoka etanhan obašpe kin he Mowis tawa, Jehowa Mowis hecon ši kin he iyecen.

30 Unkan Mowis sdayapi wihdi etanhan icu, qa we wahna wošnapı akan un kin etanhan, qa Aaron akan ehpeya, nakun wokoyake tawa akan, qa cinhintku akan, qa cinhintku tawokoyakepi akan, hecen Aaron yuwa-

han, qa tawokoyake, qa cinhintku, qa nakun cinhintku tawokoyakepi.

31 Unkan Mowis Aaron qa iye cinhintku hewicakiya, Itkokipapi wakeya tiyopa kin ekta tado kin ohanpo, qa heciya he yatapi kta, qa aguyapi ojunyapi kin wakiškotpa ohna un kin he nakun, hecon cišipi kin he iyecen, Aaron qa iye cinca kin he yutapi kta, epa.

32 Qa taku okaptapi tado kin etanhan, qa aguyapi kin etanhan, petan ešpeyayapi kta.

33 Qa šakowin can itkokipapi wakeya tiyopa etanhan inayapapi kte šni, anpetu ojunnianpi kin henakecapi kte cin hehan, anpetu šakowin ninapepi ojunnianpi kta nakaš.

34 Nakaha econ cišipi kin he iyecen Jehowa econ unšipi; akašpe niciyapi kta heon.

35 Qa anpetu šakowin, anpetu hanyetu koya, itkokipapi wakeya tiyopa ekta nankapi kta, qa Jehowa topatan kin yapatanpi kta, hecen nišipi kte šni, hecen econ cišipi heon etanhan.

36 Unkan Aaron, qa iye cinca kin taku Jehowa Mowis nape on econ wicaši kin owasin econpi.

WICOWOYAKE 9.

1 Unkan anpetu išahdogan hehan Mowis Aaron qa iye cinca kin wicakico, nakun Israel hunkawicayapi.

2 Qa Aaron heciya, Ptejicadan wan pte wanunyanpi cinca woahšani wošnapi on icu, qa tamdoka wan wošnahiyapi on, napin zanipi, qa Jehowa itokam awicahi wo.

3 Qa Israel cinca kin hecen ewicayakiye kta, Tatokadan mdoka wan woahšani wošnapi

on icupo, qa wošnahiyapi on ptejicadan wan, qa amnos wan, napin waniyetu wanjidan zanipi.

4 Qa tatanka wan, qa tamdoka wan wopida wošnapi on, Jehowa itokam wakiyušnapi kta; nakun minša wišdi icicahiyapi; anpetu kin de Jehowa niyepi en ihdutinin kta, heon etanhan.

5 Unkan taku Mowis itkokipapi wakeya tiyopa ekta au wicaši kin he aupi, qa omniciye kin ocowasin ikiyedan hiyupi qa Jehowa itokam najinpi.

6 Unkan Mowis heya, Taku Jehowa hecon nišipi kin dee, hecen Jehowa towitankin niyepi en ihdutinin kta.

7 Unkan Mowis Aaron heciya, Wahna wošnapi kin ikiyedan u, qa woahšani wošnapi nitawa, qa wošnahiyapi nitawa kin kaga wo, hecen niye on, qa oyate kin on akašpe yakiye kta, nakun oyate toahi kin kaga wo, hecen hena on akašpe yakiye kta, Jehowa econ niši kin he iyecen.

8 Unkan Aaron wahna wošnapi kin ikiyedan hiyu, qa ptejicadan woahšani wošnapi tawa kin pata.

9 Unkan Aaron cinca kin we kin kašipi, unkan napsukaza wan we kin en oputkan, qa wahna wošnapi he akan iun, qa we kin wahna wošnapi sicu ekta kaštan.

10 Unkan woahšani wošnapi etanhan wašin kin, qa pakšin kin, qa pi etanhan pizi on wahna wošnapi kin izinya, Mowis econ ši kin he iyecen.

11 Unkan tado kin, qa ha kin hušnahya, owanka itankan.

12 Hehan wošnahiyapi kin pata; unkan Aaron cinca kin we kin kašipi, unkan he wahna wošnapi aihduksan akaštan.

13 Unkan wošnahiyapi kin kašipi, obašpe kin, qa pa kin, unkan izinya wahna wošnapi akan.

14 Qa šupe kin, qa huhu kin, yujaja, qa wohuhnahiyapi wahna wošnapi akan izinya.

15 Qa oyate toahi kin he ahi, qa tatokadan mdoka woalitani wošnapi oyate tawapi kin he icu, qa pate ça wayušna, tokaheya qon he iyecen.

16 Qa wohuhnahiyapi kin ahi, qa woyaco kin he iyecen ecakicon.

17 Qa minlia kin he ahi, qa hetanhan napohnaka wan icu, qa hanhanna wohuhnahiyapi iyahna wahna wošnapi akan izinya.

18 Qa tatanka qa tamdoka oyate wopida wakiyušnapi kin hena pata; unkan Aaron cinca kin we kin kahipi, unkan he wahna wošnapi aihdukšan akaštan.

19 Unkan tatanka etanhan, qa tamdoka etanhan wašin kin, sinte kin, qa watejikšija, qa pakšin kin, qa pi pizi kin kahipi.

20 Qa wašin kin maku kin akan ehnakapi, qa wašin kin on wahna wošnapi kin izinya.

21 Qa maku, qa hiyete etapa kin Aaron kosya, Jehowa itokam wokosyapi, Mowis econ ši kin he iyecen.

22 Qa Aaron oyate ektakiya nape kin hduwinta, qa wicayawašte; hehan woalitani wošnapi, qa wohuhnahiyapi, qa wopida wošnapi kage cin etanhan hdicu.

23 Unkan Mowis Aaron kiei itkokipapi wakeya en ipi, qa tankan inanpapi, qa oyate kin wicayawaštepi; unkan Jehowa to-witan kin oyate kin owasin en ihdutanin.

24 Unkan Jehowa itokapatanhan peta inanpe ça wohuhnahiyapi kin, qa wašin kin wahna wošnapi akan huhnahya. Unkan oyate kin owasin he wanyakapi, qa panpanpi, qa makipusdiya ih-payapi.

WICOWOYAKE 10.

1 Unkan Aaron cinca kin Nadab qa Abihu iyohi tamaza mdaska icu, qa hena akan peta ehnakapi, qa he akan wizinyapi kadapi, qa peta tokeca Jehowa itokam kahipi, hecon wicaši šni tuka.

2 Unkan Jehowa itokapa tanhan peta inanpe ça huhnahi wicaya.

3 Unkan Mowis Aaron heciya, Jehowa heye ciqon he dee, Tona mikiyedani hipi kin, mayawakanpi kta, qa oyate owasin itokam mayutanpi kta, eya, Unkan Aaron inina yanka.

4 Unkan Mowis Aaron ateye Uziel cinca kin Mišael qa Elitzapapan wicakipan, qa hewicakiya, Ikiyedani upo, qa nihunkawanjipi kin tipi wakan itokapa tanhan awicayapo, hewoskantuya.

5 Unkan en hipi, qa mahen unpi ohna owanka itankan awicayapi, Mowis eye cin he iyecen.

6 Unkan Mowis Aaron qa iye cinca kin Eleazar qa Itamar hewicakiya, Pa bakišdapi šni po, qa wokoyake hdutokecapi šni po; hecanonpi kinhan okini nišapi kta, qa omniciye ocowasin en wocanteptanye u kta; tuka nihunkawanjipi, Israel cinca tipi ocowasin wogu kin Jehowa guye cin he aceyapi kta.

7 Unkan Jehowa tosdaye wi-hdi aniunpi, heon itkokipapi wakeya tiyopa etanhan inayapapi kte šni, okini ni šapi kta, eya. Unkan Mowis eye cin ecen econpi.

8 Unkan Jehowa ie ça Aaron heciya,

9 Itkokipapi wakeya ekta yahipi eca miniša, qa miniwakan datke kte šni, niye qa nakun nicinca, hecen nišapi kte šni. Woka-

ge kin de owihanke wanica nitocagepi yeye cin.

10 Qa hecen taku wakan qa taku wakan šni otahedan dukinkanpi kta, qa taku šapa qa taku ecedan otahedan :

11 Qa hecen wokage Jehowa Mowis nape eciyatanhan eniciyapi kin, hena owasin Israel cinca kin onspe wicayakiyapi kta.

12 Unkan Mowis Aaron qa iye cinca kin nahanhin en unpi, Eleazar qa Itamar hewicakiya, Minha Jehowa tapeta wošnapu etanhan taku okaptapi kin he icu, qa napohiyapi šni yutapo, wahna wošnapu icahda, he wakan hinca.

13 Qa he oyanke wakan ohna yutapi kta ; taku peta on Jehowa wakiyušnapu etanhan wopamni nitawa, qa nicinca wopamni tawapi kin hee, heon hecen econ cišipi nakaš.

14 Qa maku kosyapi, qa hiyete yuwintapi kin, hena oyanke wakašote šni ohna yatapi kta, niye qa nicinkši qa nicunkši opapi kta, wopamni nitawa, qa nicinca wopamni tawapi Israel cinca wopida wošnapu kin etanhan nicupu nakaš.

15 Hiyete yuwintapi kin qa maku kosyapi kin wašin iyahna hiyuyapi kta, wokosyapi Jehowa itokam kosyapi kta heon, qa he nitawa kta, qa nicinca nakun tawapi kta, wokage owihanke wanica, Jehowa econ unšipi kin he iyecen.

16 Unkan Mowis tatokadan wošnapu kin he nina akita, tuka hušnašyapi ; heon Eleazar qa Itamar Aaron cinca nahahin en unpi canniye wicaye ča heya,

17 Tokeca wošnapu kin he yatapi šni, oyanke wakan ohna, he wakan hinca, qa omni-

ciye šicaya ohanyanpi kin duhapi kta e he nicupi, qa akalipe wicayayapi kta e Jehowa itokam.

18 Ito hē we kin tipu wakan mahen hiyuyapi šni heon tipu wakan ohna he yatapi kta iyececa, econ cišipi kin he iyecen.

19 Unkan Aaron Mowis heciya, Ito nakaha wošnapu kin hena Jehowa itokam ahipi, unkan taku hececa amakipapi, unkan anpetu kin de wošnapu wate kte cin he Jehowa iyokipi ye kta hē ?

20 Unkan Mowis he nahon qehan he iyokipi.

WICOWOYAKE 11.

1 Unkan Jehowa ie ča Mowis Aaron kici hewicakiya,

2 Israel cinca kin hecen ewicakiyapo. Taku maka akan ni un kin owasin etanhan woteca kin dena yatapi kta.

3 Woteca tona wayatakonza šake jate šake ocowasin kinašpe cin hena owasin yatapi kta.

4 Tuka dena wayatakonzapi qaiš šake jatapi ešta yatapi kte šni ; camo kin he wayatakonza ešta šake kin kinašpe šni, he šapa yadakapi kta.

5 Qa šapan kin he wayatakonza ešta šake kin kinašpe šni heon he šapa yadakapi kta.

6 Qa maštinca kin he wayatakonza ešta šake kinašpe šni heon he šapa yadakapi kta.

7 Qa kukuše kin he šake jata, qa šake ocowašin kinašpe ešta wayatakonze šni heon he šapa yadakapi kta.

8 Hena celipi kin ongedan yatapi kte šni, qa tapan tančan dutanpi kte šni, hena šapa yadakapi kta.

9 Unkan taku mini oicage cin

owasin etanhan dena yatapi kta, Taku hoape, qa hocespu yukan, mini oicage, mde ohna, qa wakpa ohna, hena owasin yatapi kta.

10 Qa taku mde ohna qa wakpa ohna hoape qa hocespu wanice cinhan, taku mini oniwan, qa taku nagi ni un kin, hena owasin etanhan yatapi kte sni, hena wowahtesni yadapi kta.

11 Hena wowahtesni yadapi kta, heon celhipi etanhan yatapi kte sni, qa tapi tancan wahtesni yadapi kta.

12 Taku mini ohna hoape, qa hocespu wanice cin hena owasin wowahtesni yadapi kta.

13 Unkan wahupakoza dena wahtesni yadapi kta, huya, qa wamdi, qa anog paska; hena yatapi kte sni, hena wowahte sni.

14 Qa daa, qa canska wanmdidan ocaje owasin;

15 Qa kangsi ocaje owasin;

16 Qa hinhanska, qa heca, qa canska, qa cetan ocaje owasin;

17 Qa hinhan kaga, qa huntkan, qa yanesupa,

18 Qa tinsamet, qa mdega, qa mdoza;

19 Qa hoka, qa pehan, qa upupa, qa hupawakihdaka.

20 Taku kinyan sdohan, siha topa awinta kin hena owasin wowahtesni yadapi kta.

21 Tuka taku kinyan sdohan siha topa awinta etanhan dena yatapi kta, tona siha iwankam hu nonpa yukanpi on maka aipsicapi kin hena.

22 Hena etanhan dena yatapi kta, psipsicadan qa, hehakacanteyušnísnija ocaje owasin.

23 Tuka taku kinyan sdohan siha topa yuke sni kin hena owasin wowahtesni yadakapi kta.

24 Qa dena on niyusapapi kta, tuwe kasta dena wanji te cin

yutan kinhan hitayetu aiyahdeya sape kta.

25 Qa tuwe hena wanji te cin qin kinhan wokoyake hdujaja kta, qa hitayetu aiyahdeya sape kta.

26 Woteca tona sake gangata esta sake ocowasin kinaspe sni, qa wayatakonze sni kin hena owasin sapa yadakapi kta, tuwe kasta hena wanji te cin yutan kinhan sape kta.

27 Qa wamanica tona nape amani, hu topa amani kin hena owasin sapa yadapi kta, tuwe kasta hena tapi wanji yutan kinhan hitayetu aiyahdeya sape kta,

28 Qa tuwe hena tapi qin kinhan wokoyake hdujaja kta, qa hitayetu aiyahdeya sape kta, hena sapa yadapi kta nakaś.

29 Unkan taku maka asdohan ehna dena sapa yadapi kta, napeheyatahdedan kin, qa hitunka, qa kezunta ocaje owasin.

30 Qa ahdeskadan, qa koha, qa mini wamnuhadan, qa homat, qa tinsamet,

31 Taku sdohan ehna hena sapa yadapi kta, tuwe kasta hena tapi wanji yutan kinhan hitayetu aiyahdeya sape kta.

32 Taku kasta hena etanhan wanji te cin ahinhpaye cinhan sape kta, canwaksica, qa ogepi, qa wakihdaka, qa wojuha, taku kasta on wohtani econpi kin hena owasin minin iyeyapi kta, qa hitayetu aiyahdeya sape kta, hehan ska kta.

33 Qa maka waksica tona ohna hena wanji ohinhpaye cin taku ohna un kin owasin sape kta, qa waksica kin kamdecapi kta.

34 Taku yutapi tona hena etanhan mini atpaponpi kin hena owasin sape kta, qa woyatke waksica kin hena ohna yatkanpi kin sape kta.

35 Qa taku kašta hena te onśpa ahinłpaye cin he śape kta, maka cega qa maka oceti kinhan kamdecapi kta, hena śapapi, qa śapa yadakapi kta.

36 Tuka wakoniya, qa miniowe mini ota kiwitaye cin he śape kte śni; tuka taku tancanpi te wan icalıtake cinhan śape kta,

37 Unkan tancanpi te etanhan su wojupi ahinłpaye cinhan wojupi kin śape kte śni.

38 Tuka wojupi minin lipanyanpi qa tancanpi te etanhan onśpa ahinłpaye cinhan śapa yadakapi kta.

39 Unkan woteca yatapi kin wanji te cinhan tuwe tancan te yutan kinhan łıtayetu aiyahdeya śape kta.

40 Qa tuwe hena tancan te onśpa yute cinhan wokoyake kin hdujaja kta, qa łıtayetu aiyahdeya śape kta, qa tuwe tancan te cin onśpa qin kinhan wokoyake hdujaja kta, qa łıtayetu aiyahdeya śape kta.

41 Qa watutka maka asdohan kin hena owasin wowalıte śni, hena yutapi kte śni.

42 Taku itpi asdohan, qa siha topa ešta sdohan, qa siha ota nakun taku kašta maka asdohan kin hena yatapi kte śni, hena wowalıte śni nakaś.

43 Ihnuhan watutka sdohan kin on ninagipi wowalıteśni ničicagapi kin, qa ihnuhan hena on nihduśapapi kin, qa hecen hena on niśapapi kta.

44 Jehowa Wakanyadapi kin he miye heon nihduwakanpi kta, qa miś mawakan heon wakanyan yaunpi kta; qa ihnuhan watutka wan taku kašta maka asdohan on ninagipi kin nihduśapapi kin.

45 Jehowa he miye qa wakanmayadapi kta e heon Egupta makoce etanhan hdinanpe ciya-

pi, qa miś mawakan heon wakanyan yaunpi kta.

46 Woteca on, qa walıupakoza on, qa nagi niyake mini ośkanśkan owasin on, qa nagi maka asdohan owasin on woope kin hee.

47 Taku śapa qa taku ecedan otahedan yukinukan kta, qa taku niya yutapi kta, qa taku niya yutapi kte śni otahedan.

WICOWOYAKE 12.

1 Unkan Jehowa ie ęa Mowis heciya,

2 Israel cinca kin hecen ewicakiya wo, Winolıncan wan ihduśake ęa cinca wica wan ton kinhan, anpetu śakowin śape kta anpetu iśnati ececa kin hehanyan śape kta.

3 Unkan anpetu iśahdogan en cinhintku ce inkpaha kin bakiłdayapi kta.

4 Unkan winolıncan kin anpetu wikcemna yamni sanpa yamni we yuskapi kin en yanke kta, taku kašta yuwakanpi kin icalıtake kte śni, qa tipi wakan kin en i kte śni, anpetu yuskapi hena keca kte cin hehanyan.

5 Unkan cinca ton kin he winyan kinhan anpetu aketopa śape kta iśnati kin iyececa, qa anpetu wikcemna śakpe sanpa śakpe we yuskapi en yanke kta.

6 Unkan anpetu yuskapi cinhintku on, qaiś cunwintku on henakeca kinhan, wolułnahıyapi on amnos wan waniyetu wanjidandan, qa woalıtani wośnapi on wakiyedandan cinca wan, qaiś tin wakiyedandan wanji itkokipapi wakeya tiyopa ekta wawayuśna ekta kahi kta.

7 Unkan hena Jehowa itokam ahi kta qa winolıncan on akałıpe kta, unkan we kaduze cin etan-

han ska kta. Winohinea cinca wica qais winyan ton kin on woope kin hee.

8 Qa nape kin taku tahinea wan iyohi iyeye sni kinhan tinwakiyedana nonpa qais wakiyedana cinca nonpa icu kta, wanji wohulnaliyapi on qa wanji woahtani wošnapi on, unkan wawayuśna akałpe kiciye kta, hecen ska kta.

WICOWOYAKE 13.

1 Unkan Jehowa ie a Mowis Aaron kici hewicakiya,

2 Wicaśta wan celpi uka ohna oyulhi wan, qais ģan wan, qais wiyega wan tanin, qa he celpi uka ohna leprosi makośica iyececa kinhan, Aaron wawayuśna qais iye cinca wawayuśnapi wan en hiyuyapi kta.

3 Unkan wawayuśna kin makośica celpi uka ohna wanyake kta; unkan makośica ohna ģin kin ģota aye cinhan qa makośica kin celpi uka sanpa mahen iyaya tanin kinhan, leprosi makośica hee: heon wawayuśna kin he wanyake a yaśape kta.

4 Tuka wiyege celpi uka ohna kin he ģota qa uka sanpa mahen iyaye sni tanin kinhan, qa ģin kin ģota aye sni kinhan, wawayuśna kin makośica ececa kin anpetu śakowin kaśkahnake kta.

5 Unkan anpetu śakowin en wawayuśna kin wanyake kta; unkan makośica kin ecen yanke a uka ohna sanpa iyaye sni wanyake cinhan, wa yuśna kin he anpetu śakowin inonpa kaśka hnake kta.

6 Unkan anpetu śakowin inonpa en ake wawayuśna kin wanyake kta, unkan awicakehan makośica kin san, qa uka ohna makośica kin kałtanye sni kin-

han, wawayuśna kin yaska kta, ceśpu wan hee, heon wokoyake hdujaja kta qa ska kta.

7 Ĵuka wawayuśna yuska kta e wanyake cin he iyohakam, ceśpu kin uka ohna kałtan aye cinhan ake wawayuśna kin en ihdutanin kta.

8 Unkan wawayuśna kin wanyake kta, unkan awicakehan ceśpu kin uka en kałtan aye cinhan, wawayuśna kin he yaśape kta; leprosi hee.

9 Tohan leprosi makośica wicaśta wan en un kinhan, he wawayuśna kin en hiyuyapi kta.

10 Unkan wawayuśna kin atonwan kta, unkan inyun ha ohna oyulhi ģota wan, qa ģin kin ģota aya, qa oyulhi ohna celpi ni tanin kinhan,

11 Leprosi tanina celpi uka ohna hee, unkan wawayuśna kin he yaśape kta, hee śapa heon kaśka hnake kte sni.

12 Unkan leprosi ha ohna nina ahinape a leprosi kin makośica ececa ha kin ocowasin pa etanhan siha aiyahdeya wawayuśna taku wanyake cin iyulpa akałpe cinhan,

13 Qa inyun leprosi celpi iyulpa akałpe cin he wawayuśna kin wanyake cinhan, makośica ececa kin he yaska kta, ocowasin ģota icu, hee ska.

14 Tuka tohan he ohna celpi niyake tanin kinhan śape kta.

15 Qa wawayuśna celpi niyake cin he wanyake a yaśape kta, celpi niyake cin hee śapa, leprosi hee.

16 Tuka celpi niyake ihdutokeca, qa ģota icu kinhan, ake wawayuśna en hi kta.

17 Unkan wawayuśna wanyake kta, unkan makośica kin ģota icu kinhan, wawayuśna kin ma-

košica ececa kin yaska kta, hee ska.

18 Unkan cełpi uka hin ohna siyakao qon okiziyapi,

19 Qa siyakao yanke ciqon ohna oyulhi ĥota wan, qaiš wiyega ĥota kitanna ša kinhan, wawayušna kin wanyag yapi kta.

20 Unkan wawayušna kin he wanyake ča inyun uka kin sanpa mahen iyaye ča hin kin ĥota icu kinhan, wawayušna kin he yašape kta, leprosi makošica siyakao qon ohna ahinape cin hee.

21 Tuka wawayušna kin he wanyaka unkan ohna hin ĥota wanice ča uka sam mahen iyaye šni qa hee san kinhan, wawayušna kin he kaškahnake kta anpetu šakowin.

22 Unkan uka ohna kałtan aye cinhan yašape kta, makošica wan hee.

23 Tuka wiyega cin ohna yanke ciqon ecen han, qa kałtanye šni kinhan, siyakao osnaze wan hee, heon wawayušna kin yaska kta.

24 Unkan tohan cełpi uka kin ohna peta ogu yuke ča ogu owe kin wiyega ĥota kitanna ša qaiš ocowasin ĥota kinhan,

25 Wawayušna kin wanyake kta, unkan wiyega kin uka sanpa mahen iyaya tanin, qa he ohna hin kin ĥota aye cinhan, leprosi osnaze ohna ahinanpe cin hee, unkan wawayušna kin he yašape kta; leprosi makošica hee.

26 Tuka wawayušna he wanyaka, unkan awicakehan wiyega ohna hin ĥota wanice ča uka kin sanpa mahen iyaye šni, tuka hee san kinhan, wawayušna kin šakowin can kaška hnake kta.

27 Qa anpetu išakowin en wawayušna kin he wanyake kta,

uka ohna kałtan aye cinhan wawayušna kin he yašape kta, leprosi makošica hee.

28 Tuka wiyega kin ohna yanke ciqon ecen han, ha ohna kałtan šni tuka hee san kinhan, ogu kin oyulhi wan hee, heon wawayušna kin he yaska kta, ogu osnaze wan hee.

29 Unkan wicašta qaiš winoħinca paha ohna, qaiš putinħin ohna makošica yuke cinhan,

30 Wawayušna kin makošica kin wanyake kta, unkan uka sanpa mahen iyaya tanin kinhan, qa ohna hin zi zibzipedan yuke cinhan, wawayušna kin he yašape kta, netaq hee paha qaiš putinħin leprosi hee.

31 Unkan wawayušna kin netaq makošica wanyaka, uka ihukuya tanin šni kinhan, qa ohna hin sapa wanice cinhan, wawayušna kin netaq makošica ececa kin anpetu šakowin kaška hnake kta.

32 Unkan anpetu išakowin en wawayušna kin makošica kin wanyake kta, unkan netaq kin awicakehan kałtan iyaye šni, qa ohna hin zi wanice cinhan, qa netaq uka ihukuya iyaye šni tanin kinhan,

33 Iħdasan kta, tuka netaq kin ĥdasan kte šni, unkan ake wawayušna kin netaq ececa kin anpetu šakowin inonpa kin kaška hnake kta.

34 Qa anpetu išakowin en wawayušna kin netaq ececa kin wanyake kta, unkan awicakehan netaq uka ohna sanpa kałtan šni, qa uka ihukuya tanin šni kinhan, wawayušna kin yaska kta; unkan wokoyake hdujaja kta, qa ska kta.

35 Tuka yaskapi kin iyohakam netaq uka ohna kałtan aye cinhan,

36 Wawayuśna kin wanyake kta, unkan netaq kin uka okahlan aye cinhan, wawayuśna kin hin zizi kin akite kte śni, hee śapa.

37 Tuka netaq ecen han wanyake cinhan, qa ohna hin sapa inape cinhan netaq wanna okizi yapi, hee ska, unkan wawayuśna kin he yaska kta.

38 Unkan wicaśta wan qaiś winohinca wan ceĥpi uka ohna wiyegaga hota yuke cinhan,

39 Wawayuśna kin wanyake kta; unkan ceĥpi uka hin ohna wiyega kin san kitanna hota kinhan, bohaq uka ohna ahinape wan hee, hee ska.

40 Unkan wicaśta wan pesdete śda kinhan, he pesdete śda eśta hee ska.

41 Unkan ite ektakiya śda kinhan pa śda eśta hee ska.

42 Tuka paśda ohna makośica hota kitanna śa yuke cinhan, leprosi paśda ohna ahinape cin hee.

43 Unkan wawayuśna kin he wanyake kta, unkan awicakehan paśda ohna makośica oyuhĥi kin hota kitanna śa leprosi ceĥpi uka ohna tanin kin iyececa kinhan,

44 Wicaśta kin he leprosi ececa, hee śapa, pa kin akan makośica yukan, wawayuśna kin he yaśape kta.

45 Unkan wicaśta tuwe leprosi makośica ececa kin he tawokoyake hdehdecahe kta, qa pa codan kta, qa pute akahpe ton kta, qa, Śapa śapa, pan kta.

46 Tohan makośica ececa hehanyan śape kta, śapa kin heon isnana ti kta, otonwe itankan ounye kta.

47 Unkan taku koyakapi ohna leprosi makośica yuke cinhan, wokoyake talinca hin on kagapi

qaiś minihuha unman tukte kaśta ohna;

48 Kazuntapi qaiś kahmupi, hahonta on kagapi qaiś talinca hin etanhan, qaiś wakihdaka, qaiś taku kaśta taha on kagapi ohna.

49 Qa wokoyake kin ohna makośica kin san, qaiś kitanna śa kinhan, wakihdaka ohna, qaiś taku kazuntapi ohna, qaiś taku kahmupi ohna, qaiś taku kaśta taha on kagapi ohna, leprosi makośica kin hee; unkan wawayuśna kin wanyake kta.

50 Qa wawayuśna kin makośica kin wanyake cinhan, anpetu śakowin taku makośica ohna un kin kaśka hnake kta.

51 Qa anpetu isakowin en wokoyake ohna makośica kalitan aya wanyake cinhan, taku kazuntapi ohna, qaiś taku kahmupi ohna, qa taha ohna, qaiś taku kaśta unpi kta e taha on kagapi ohna, leprosi pahinca makośica hee, hee śapa.

52 Unkan wokoyake kin he huĥnahyapi kta kazuntapi qaiś kahmupi, talinca hin qaiś hahonta on kagapi ohna, qaiś taku kaśta taha on kagapi ohna, leprosi pahinca hee nakaś peta ohna huĥnahyapi kta.

53 Tuka wawayuśna kin wanyaka, unkan awicakehan makośica kin wokoyake kazuntapi ohna, qaiś kahmupi ohna, qaiś taha ohna, qaiś taku kaśta taha on kagapi ohna kalitan aye śni kinhan;

54 Wawayuśna kin taku ohna makośica yuke cin yujaja wicaśi kta, qa ake anpetu śakowin kaśka hnake kta.

55 Qa makośica yujajapi iyohakam wawayuśna kin wanyake kta, unkan awicakehan makośica otanin kin ihdutokeca śni, qa makośica kin sanpa kaĥtan śni

ešta hee šapa, wayašdoka hee, mahentanhan šda qaiš akapatanhan šda.

56 Unkan yujajapi iyohakam makošica kin hee san, wawayušna wanyake cinhan, he wokoyake etanhan bašpe kta, kazuntapi etanhan, qaiš kahmupi etanhan, qaiš taha etanhan;

57 Unkan ake wokoyake ohna ihdutanin kinhan, taku kazuntapi ohna, qaiš taku kahmupi ohna, qaiš taku taha on kagapi ohna, makošica icaga wan hee, taku ohna un kin he hūhnaŋ ye kta.

58 Tuka wokoyake kahmupi, qaiš kazuntapi, qaiš taku kašta taha on kagapi kin yujajapi iyohakam makošica kin ayušan kinhan, ake yujajapi kta qa ska kta.

59 Leprosi makošica woepe kin hee, wokoyake taŋinca hin, qaiš haŋonta on kagapi, kazuntapi qaiš kahmupi, qaiš taku kašta taha on kagapi on yaskapi kta qaiš yašapapi kta.

WICOWOYAKE 14.

1 Unkan Jehowa ie ɕa Mowis heciya;

2 Leprosi ececa on woepe kin dee, anpetu yuskapi kin en wawayušna kin en hiyuyapi kta.

3 Unkan wawayušna kin tonwanyanpi itankan inape kta, qa leprosi makošica ececa qon leprosi etanhan awicakehan akisni kinhan;

4 Yuskapi kta e wawayušna zitkadan nonpa zanika, ska icu wicaši kta, nakun hante ša can, qa hin duta, qa pejihota.

5 Qa wawayušna kin zitkadan wanji maka wakšica ohna mini kaduze cin iwankam tuwe kte ši kta.

6 Qa zitkadan ni kin he icu kta, nakun hante ša can, qa hin

duta kin, qa pejihota kin, qa hena owasin zitkadan ni un kin iyahna zitkadan ktepi we en oputkan kta, mini kaduza iwankam.

7 Qa tuwe leprosi etanhan yuskapi kin he šakowin akihde amnimni kta, hecen yuska kta, hehan zitkadan ni kin tinta ekta-kiya eŋpeye kta.

8 Unkan tuwe yuskapi kin wokoyake hdujaja kta, qa hin owasin hdasar kta, qa mini en niwe kta, hecen ska kta, hehan otonwe en hi kta; tuka anpetu šakowin wakeya tawa itankan yanke kta.

9 Qa anpetu išakowin en hin owasin hdasar kta, paha hin qa putinŋin, qa ištahe lin, qa tancan hin owasin hdasar kta, qa wokoyake hdujaja kta, qa tancan mini en niwe kta hehan ska kta.

10 Unkan anpetu išahdogan en amnos mdoka zanika nonpa, qa amnos wiyedan wanjidani, waniyetu wanjidani, zanika icu kta, nakun minŋia on aguyapi mdu can wakšica ohnaka nonpa wiŋdi icicahiyapi, qa wiŋdi wiyatke ohnaka wanjidani.

11 Unkan wawayušna wayaska kin wicašta yuskapi kte cin he, qa hena owasin Jehowa itokam ehde kta, itkokipapi wakeya tiyopa ekta.

12 Qa wawayušna kin amnos mdoka wanji icu qa wohdajuju on ahi kta, nakun wiŋdi wiyatke ohnaka kin, qa hena koze kta, wokosyapi Jehowa itokam.

13 Qa amnos kin pate kta, tukte woalhtani wošnapi, qa woŋhūhnaŋiyapi kin patapi, oyanke wakan ohna; wohdajuju kin woalhtani wošnapi kin he iyececa, wawayušna kin he tawa, he wakan hinca.

14 Unkan wawayušna kin wohdajuju we kin etanhan icu kta,

qa tuwe yaska kta noge etapa inkpa akan ikiciun kta, qa nape etapa hunka akan, qa sipa hunka etapa akan.

15 Qa wawayuśna kin wihdi wiyatke ohnaka etanhan icu kta, qa wawayuśna nape coka catka kin okaśtan kta.

16 Unkan wawayuśna kin nape apazo etapa kin wihdi nape catka ohna un kin okputkan kta, qa nape apazo on we kin śakowin akihde ehpe ye kta, Jehowa itokam.

17 Qa nape kin ohna wihdi ihe cin he etanhan wawayuśna kin tuwe yaska kta noge etapa inkpa akan ikiciun kta, nakun nape hunka etapa akan, qa sipahunka etapa akan, wohdajuju we akan.

18 Qa wihdi okapte cin wawayuśna nape coka ohna kin he tuwe yaska kte cin he pa akan ikiciun kta, qa wawayuśna kin akałpekiciye kta, Jehowa itokam.

19 Qa wawayuśna kin woahłani wośnapi kin kage kta, qa tuwe yaska kte cin toaśape etanhan akałpe kiciye kta, qa he iyohakam wołuhłnahyapi kin pate kta.

20 Qa wawayuśna kin wołuhłnahyapi kin qa minħa kin wahna wośnapi akan hulnahye kta, hecen wawayuśna kin akałpe kiciye kta, unkan ska kta.

21 Tuka wałpanica on nape kin hena iyohi śni kinħan, akałpe kiciye kta e amnos wanjidani icu kta, wohdajuju wokosyapi on, nakun aguyapi mdu can wakśica ohnaka wanjidani wihdi icicahiyapi minħa on, qa wihdi wiyatke ohnaka wanjidani.

22 Qa tin wakiyedan nonpa qaiś wakiyedan cinca nonpa, unman tukte nape kin iyohiye kta, wanji woahłtani wośnapi on, qa unma wołuhłnahyapi on.

23 Qa yuskapi kta e anpetu iśahdogan hehan hena wawayuśna kin ekta hiyuye kta, Jehowa itokam itkokipapi wakeya tiyopa ekta.

24 Unkan wawayuśna kin amnos wohdajuju kin icu kta, qa wihdi wiyatke ohnaka kin, qa hena koze kta, wokosyapi Jehowa itokam.

25 Qa amnos wohdajuju kin pate kta, qa wawayuśna kin wohdajuju we etanhan icu kta, qa noge inkpa etapa akan, qa nape hunka etapa akan, qa sipa hunka etapa akan ikiciun kta.

26 Qa wawayuśna kin wihdi etanhan wawayuśna napeoka catka kin oihdaśtan kta.

27 Qa wawayuśna kin napsukaza etapa on wihdi napcoka catka ohna un kin etanhan śakowin akihde ehpeye kta, Jehowa itokam.

28 Qa wawayuśna kin wihdi napcoka ohnaka un kin etanhan, tuwe yuskapi kte cin noge inkpa etapa akan ikiciun kta, qa napa-hunka etapa akan, qa sipa hunka etapa akan tukten wohdajuju we ikiciun he akan.

29 Qa wihdi wawayuśna napcoka ohna okapte cin he tuwe yuskapi kte cin he pa akan ikiciun kta, Jehowa itokam akałpe kiciye kta heon etanhan.

30 Qa tin wakiyedan etanhan wanji qaiś wakiyedan cinca etanhan taku nape kin hiyohiya etanhan.

31 Taku nape kin hiyohiye cin wanji woahłtani wośnapi kta, qa unman wołuhłnahyapi kta, minħa iyahna hecen wawayuśna kin tuwe yuskapi kte cin he on akałpe kiciye kta, Jehowa itokam.

32 Tuwe leprosi makośice ececa, qa taku yuskapi kta iyececa

nape kin hiyohi śni woope kin hee.

33 Unkan Jehowa ie ɕa Mowis Aaron kici hewicakiya;

34 Kanan makoce tawayayapi kta e ciɕupi kin he en yakipi kinhan, qa makoce tawayayapi kin he ohna leprosi makošice tipi wan iyohpewakiye cinhan;

35 Tipi tawa kin wawayuśna kin en hi kta, qa oyake qa heciye kta, tipi ohna makošice wan iyececa makitanin epca.

36 Unkan wawayuśna kin makošice wanyag en i śni itokam tipi kin yucokaka wicaśi kta, hecen taku tipi kin ohna owasin yuśapapi kte śni, hehan wawayuśna kin wanyake kta en i kta.

37 Qa makošice kin wanyake kta, qa inyun tipi conkaśke ohna makošice kin toto, qaiś śaśa śkopa, qa cuwi kin mahen iyaye tanin kinhan;

38 Wawayuśna kin tipi etanhan inanpc kta, tiyopa ekta, qa tipi kin anpetu śakowin natake kta.

39 Qa wawayuśna kin anpetu iśakowin ake en hi kta, qa wanyake kta, unkan inyun tipi conkaśke en makošice kin sanpa iyaye cinhan;

40 Wawayuśna kin inyan tona makošice en un kin hena icu wicaśi kta, qa otonwe itankan tukten taku śapa ehpeyapi heciya hena ehpeyapi kta.

41 Qa ihdukśan tipi kin ti mahen paticapi kta, qa maka paticapi kin he otonwe itankan oyanke śapa wan ekta okadapi kta.

42 Qa inyan tokeca icupi kta, qa inyan qon hena ee kiya ehnakapi kta, qa maka tokeca icupi qa tipi apawintapi kta.

43 Unkan inyan ehpeyapi iyohakam, qa tipi paticapi iyoha-

kam, qa apawintapi iyohakam makošice ake en hi, qa tipi ohna ahinanpe cinhan,

44 Wawayuśna kin hi kta, qa wanyake kta, unkan inyun makošice kin tipi ohna iyaye cinhan, leprosi iyokiśin wicaye cin tipi ohna hee, he yaśape kta.

45 Unkan tipi kin yujujupi kta, qa tipi inyan kin, qa can kin qa maka kin owasin otonwe itankan ayapi kta, oyanke śapa wan ekta.

46 Qa natakapu icunhan tuwe tipi kin he en i kinhan h̄tayetu aiyahdeya śape kta.

47 Qa tuwe tipi kin ohna makan wanke cin he wokoyake hdujaja kta, qa tuwe tipi ohna wote cin he wokoyake hdujaja kta.

48 Tuka wawayuśna kin en i qa wanyaka, unkan inyun tipi apawintapi iyohakam makošice kin tipi en ahinanpe śni kinhan, wawayuśna kin tipi yaska kta, makošice kin he wanna okizi nakaś.

49 Qa tipi woalitani wośnapi on zitkadan nonpa icu kta, nakun hanteśa can, qa tahin duta qa peji h̄ota.

50 Qa zitkadan wan cape kta, makawakśica wan ohna, mini ni iwankam.

51 Qa h̄anteśa can kin, qa peji h̄ota kin, qa tahin duta kin, qa zitkadan niyake kin hena icu kta, hena owasin zitkadan ktepi qon we en oputkan kta, qa mini ni un kin nakun en qa śakowin akihde tipi kin ekta ehpeye kta.

52 Hecen tipi toaśape kin akaħpe kiciye kta, zitkadan we kin on, qa mini ni un kin on qa zitkadan niyake on, qa h̄ante śa can on, qa tahinduta on.

53 Tuka zitkadan ni kin he otonwe itankan tinta ekta iyaye ye kta, hecen tipi kin akaħpe kiciye kta, unkan ska kta.

54 Leprosi makošice owasin on woope kin hee.

55 Qa leprosi wokoyake en, qa tipi en.

56 Qa kapo kin on, qa cešpu kin on, qa wiyega on;

57 Leprosi woope kin hee, tohan šapa qa tohan ska onspewicakiye kta.

WICOWOYAKE 15.

1 Unkan Jehowa ie a Mowis qa Aaron hewicakiya;

2 Israel cinca kin hecen ewicakiya po; Wicašta tuwe kašta celpi kin taku kaduze cinhan wokaduze cin he on hee šapa.

3 Qa tokaduze cin en toihdušape cin dee kta. Celpi kaduze cin kajo, qaiš celpi kaduze cin anapte cinhan unman tukte kašta hee šapa.

4 Tuwe wakaduze cin owinja tona akan iwanke cin hena owasin šape kta, qa taku kašta akan iyotanke cin hee šape kta.

5 Qa tuwe towinja kin yutan kinhan wokoyake hdujaja kta, qa minin niwan kta, qa litayetu kin hehanyan šape kta.

6 Qa wakaduze cin taku akan iyotanke cin tuwe he akan iyotanke cinhan litayetu aiyahdeya šape kta.

7 Unkan tuwe kašta wakaduze celpi kin yutan kinhan wokoyake hdujaja kta, qa minin niwan kta, qa litayetu hehanyan šape kta.

8 Unkan wakaduze cin tuwe šape šni atagoše cinhan he wokoyake hdujaja kta, qa minin niwan kta, qa litayetu hehanyan šape kta.

9 Unkan šuktanka aqin tona wakaduze cin akan iyotanke cin hena owasin šape kta.

10 Qa taku kašta he ihukuya

yanke cin tuwe he yutan kinhan litayetu hehanyan šape kta, qa taku hececa tuwe qin kinhan wokoyake hdujaja kta, qa minin niwan kta, qa litayetu hehanyan šape kta.

11 Qa tuwe kašta wakaduze cin nape minin hdujaja šni yutan kinhan, wokoyake hdujaja kta, minin niwan kta, qa litayetu hehanyan šape kta.

12 Qa maka wakšica tona wakaduze cin yutan kin hena owasin kamdecapi kta, qa can wakšica kin hena owasin minin yujajapi kta.

13 Unkan wakaduze cin he tokaduze cin etanhan akisni kinhan, hehan ihduška kta e anpetu šakowin hdawa kta, qa wokoyake hdujaja kta, qa mini ni kin en niwan kta, qa hehan ska kta.

14 Unkan anpetu išahdogan tin wakiyedani nonpa, qaiš wakiyedani cinca nonpa icu kte a itkkipapi wakeya tiyopa ekta Jehowa itokam hi kte a hena wawayušna qu kta.

15 Unkan wawayušna kin hena wakiyušna kta, wanji woahntani on qa unman woħulnahyapi on, hecen wawayušna kin Jehowa itokam akaħpe kiciye kta, tokaduze etanhan.

16 Unkan wicašta wan wankapi su inanpe cinhan celpi kin owasin minin hdujaja kta, qa litayetu hehanyan šape kta.

17 Unkan wokoyake, qa owinja tona wankapi su ahinħpaye cin hena owasin minin yujajapi kta, qa litayetu hehanyan šape kta.

18 Unkan winoħinca wan wicašta wan wankapi su on kici wanke cinhan niwan kte a litayetu hehanyan šape kta.

19 Unkan winoħinca wan we kaduza, qa celpi olna kaduze cinhan, anpetu šakowin išnana

ti kta, qa taku kašta icalitake cinhan owasin litayetu hehanyan šape kta.

20 Qa tohanyan isna ti kin hehanyan taku akan wanke cin owasin šape kta, qa taku akan iyotanke cin owasin šape kta.

21 Nakun tuwe taku akan iwanke cin he yutan kinhan wokoyake kin hdujaja kta, qa minin niwan kte, ça litayetu hehanyan šape kta.

22 Qa taku kašta akan iyotanke cin he tuwe yutan kinhan wokoyake kin hdujaja kta, qa minin niwan kte ça litayetu hehanyan šape kta.

23 Nakun towinje qais taku akan iyotanke cin tuwe he yutan kinhan litayetu hehanyan šape kta.

24 Unkan wicašta wan isna ti kin icunhan kici iwanke cinhan he anpetu šakowin šape kta, qa owinja tona akan iwanke cin hena owasin šape kta.

25 Unkan winohinca wan isna ti kta iyehantu šni anpetu ota we kaduze cinhan, qais isna ti kta iyohakam wakaduze cinhan, tona can tošape kaduze cin hena owasin šape kta, isna ti kin anpetu kin iyececa.

26 Anpetu tona wakaduze cin owasin owinja akan iwanke cin hena owasin isna ti towinja kin iyececa kta, qa taku kašta akan iyotanke cin šape kta, isna ti tošape kin iyececa.

27 Qa tuwe kašta hena yutan kinhan šape kta, wokoyake hdujaja qa minin niwan qa litayetu hehanyan šape kta.

28 Qa tokaduze cin etanhan akisni kinhan anpetu šakowin ihdawa kte ça iyohakam ska kta.

29 Qa anpetu isahdogan tin wakiyedan nonpa, qais wakiyedan cinca nonpa icu kta, qa hena wa-

wayušna ekta hiyuye kta, itkkipapi wakeya tiyopa ekta.

30 Unkan wawayušna kin wanjiji woalitani on wošna kta, qa unman wohuhnahyapi on, hecen wawayušna kin wakaduze tošape on akašpe kiciye kta, Jehowa itokam.

31 Hecen Israel cinca kin tošapapi kin etanhan wicadukinunkan kta, qa wati kin hena cokaya un kin tošapapi on yušapapi kte šni, qa tapi kte šni.

32 Tuwe wakaduze cin on, qa tuwe wankapi su inanpe cin on, ihdušape cin on woope kin hee.

33 Qa nakun tuwe isna ti wazazanke cin on, qa tuwe wakaduze kaduza, wica qais winyan on, qa wicašta winohinca šapa wan kici wanke cin he on.

WICOWOYAKE 16.

1 Unkan Aaron cinca nonpa Jehowa itokam ikiyedan hipi qa tapi kin hena tapi kin iyohakam Jehowa Mowis kici wohdaka.

2 Qa Jehowa Mowis heciya; Nicinye Aaron tipi wakan cokaya ozanpi mahen wokajuju iha can wohnake akan un kin he ekta anpetu owasin hi kte šni, hecen te kte šni, keciya wo; mahpiya ohna wokajuju iha kin iwankam mihdutanin kta nakaš.

3 Kaken Aaron tipi wakan en hi kta, tatankadan pte wanunyanpi cinca wan woahntani on, qa tamdoka wan wohuhnahyapi on.

4 Minihuha mahenunpi wakan kin koyake kta, qa minihuha onze oge cešpi akan un kta, qa minihuha ipiyake on ipihdake kta, qa minihuha pa iyuskite kin pašte kta, wokoyake wakan hena ee, heon cešpi minin hdujaja kta, qa hena koyake kta.

5 Unkan Israel cinca omniciye etanhan tatokadan mdoka nonpa icu kta, woahitani wošnapi on; qa tahinca wanunyanpi mdoka wanjidan wohuhnaŋyapi on.

6 Unkan Aaron woahitani wošnapi tatanka tawa kahi kta, qa akahpe içiye kta, qa iye ti kin akahpe kiciye kta.

7 Qa tatokadan nonpa kin icu kta, qa Jehowa itokam ewicahde kta, itkokipapi wakeya tiyopa ekta.

8 Qa tatokadan nonpa on Aaron oeonna econ kta, oeonna on wanji Jehowa tawa kta, qa oeonna on unman Azazel tawa kta.

9 Qa Aaron tatokadan oeonna eciyatanhan Jehowa tawa kin ahi kta, qa woahitani on wošna kage kta.

10 Qa tatokadan oeonna eciyatanhan Azazel tawa kin niyake Jehowa itokam ehde kta, he on woakahpekiciye kta, qa hewoškantuya ekta iyaye ye kta.

11 Hehan Aaron woahitani tatanka tawa kin ahi kta, qa akahpe içiye kta, qa ti kin akahpe kiciye kta, qa woahitani tatanka tawa kpatē kta.

12 Qa oizinye wan petaga ojudan owayušna etanhan Jehowa itokapatanhan icu kta, qa nape sakim wizinyapi waštemna bomdupi on ojudan, qa cokaya ozanpi mahen hiyuye kta.

13 Qa Jehowa itokam wizinyapi kin peta akada kta, unkan wizinyapi šota kin wokajuju iha kin woyaatanin akan yanke cin akahpe kta hecen te kte šni.

14 Qa tatankadan we kin icu kta qa nape apazo on wokajuju iha itokam wiyohiyanpata ekta-kiya elipeye kta, hecen šakowin akihde nape apazo on we kin onge wokajuju iha itokam elipeye kta.

15 Hehan woahitani tatokadan oyate tawapi kin pate kta, qa we kin cokaya ozanpi ti mahen hiyuye kta, qa token tatankadan we kin ecakicon qon he iyecen we kin he ecakicon kta, qa wokajuju iha kin akan qa wokajuju iha ektakiya elipeye kta.

16 Hecen tipi wakan kin akahpe kiciye kta, Israel cinca toašapapi etanhan qa wahtanipi etanhan, šicaya oŋanyanpi owasin on, qa itkokipapi wakeya hena om yan-ka toašapapi ehna hecen ecakicon kta.

17 Unkan tipi wakan akahpe kiciye kta, en hi kin etanhan tankan iyaye cin hehanyan tuwe-dan itkokipapi wakeya ti mahen un kte šni; hecen akahpe içiye kta qa iye ti kin on, qa Israel omniciye owasin on akahpe wicakiciye kta.

18 Hehan owayušna Jehowa itokam yanke cin ekta hinanpe kta, qa he akahpe kiciye kta qa tatankadan we etanhan icu kta, nakun tatokadan we etanhan, qa owayušna he kin aihdukšan ai-un kta.

19 Qa he ektakiya nape apazo on we kin šakowin akihde elipeye kta; hecen Israel cinca toašapapi etanhan he yuska kta, qa yuwakan kta.

20 Unkan tipi wakan kin, qa itkokipapi wakeya kin, qa owayušna kin hena akahpe kiciya yušan kinhan, hehan tatokadan niyake kahi kta.

21 Qa Aaron nape napin tatokadan niyake pa kin aputake kta, qa akan Israel cinca šicaya oŋanyanpi kin owasin ohdake kta; nakun wokipajinpi owasin, token wahtanipi kin owasin, qa hena tatokadan pa akan ehna kta; hehan wicašta wan wiyeya un kin iyaye ši kta.

22 Unkan tatokadan qon sícaya ohanyanpi kin owasin makoce tuwedan oti síni ekta yuha kta. Unkan tatokadan hiewoskan yuške kta.

23 Unkan Aaron itkokipapi wakeya ekta hi kta, qa tipi wakan ekta hi qehan minihuha wokoyake koyake cigon hena hdušdoke kta, qa hen kihnake kta.

24 Qa oyanke wakan ohna celipi kin hdujaja kta, hehan tawokoyake kohdake kta, qa tawohuhinahyapi, qa oyate tawohuhinahyapi kin wakiyušna kta, hecen akałpe icıye kta, qa oyate kin akałpe wicakiciye kta.

25 Qa wołtani wošnapi wašin kin owayušna kin aizinye kta.

26 Unkan tuwe tatokadan Azazel tawa kin kiyuške cin he wokoyake hdujaje ça minin niwe kta, qa ohakam owanka en hi kte.

27 Unkan wołtani tatankadan kin, qa wołtani tatokadan kin hena wepi kin akałpe kiciyapi kta e tipi wakan en hiyuyapi qon, owanka itankan ayapi kta, qa hapi kin, qa celipipi kin, qa cesdipi kin, peta on hułnahyapi kta.

28 Unkan tuwe hena hułnahyey cin he wokoyake hdujaje ça minin niwe kta, qa ohakam owanka en hdi kta.

29 Qa wokage kin de owihanke wanin duhapi kta, wi isakowin wi anpetu iwikcemna kin en ninagipi iyokišin niçiyapi kta ; wicašta makoce tawapi qaiš oyate tokeca niyepi ehna ounye cin unman tukte kašta wołtani takudan econ kte síni.

30 Anpetu kin he en akałpe niçiyapi kta, niyuskapi kta heon etanhan, hecen wayałtanipi owasin etanhan Jehowa itokam niyuskapi kta.

31 Anpetu okilpapi wakan hinca he niçiyukanpi kta, qa ninagipi iyokišin niçiyapi kte, wokage owihanke wanica.

32 Unkan wawayušna tuwe atkuku heekiya wawayušna kta e sdayapi, qa nape kin ojunyapi kin he waakałpe kta, qa minihuha wokoyake kin, wokoyake wakan kin koyake kta.

33 Qa tipi wakan hinca akałpe kiciye kta, nakun itkokipapi wakeya kin, qa owayušna kin akałpe kiciye kta, qa wawayušnapı kin, qa oyate omniciye owasin akałpe wicakiciye kta.

34 Wokage owihanke wanica he duhapi kta, Israel cinca wołtanipi owasin etanhan akałpe wicakiciyapi kta, waniyetu otıyohi wancadan. Unkan token Jehowa Mowis econ ši he iyecen econ.

WICOWOYAKE 17.

1 Unkan Jehowa ie ça Mowis heciya,

2 Ie ça Aaron qa iye cinca qa Israel cinca owasin hewicakiya wo ; Taku Jehowa econ unšipi kin dee.

3 Wicašta Israel ti kin etanhan tuwe kašta tatanka wan pata, qaiš talinca, qaiš tatokadan owanka ohna, qaiš owanka itankan pata ;

4 Qa Jehowa ti itokam woahi Jehowa kahi kta e itkokipapi wakeya tiyopa ekta hiyuye síni kinhan, wicašta kin he tin wicakte wan iyecen yawapi kta, wicašta kin he weye cin heon oyate tawa wicehna tanhan he kašpapi kta.

5 Hecen Israel cinca kin taku wošnapi, tinta akan wošnapi qon hena Jehowa ekta hiyuyapi kta, qa hena itkokipapi wakeya tiyo-

WICOWOYAKE 18.

pa ekta hiyuyapi kta, wawayuśna ekta, qa hena wopida wośnapi Jehowa wawicakiciyuśnapi kta.

6 Unkan wawayuśna kin we kin Jehowa owayuśna tawa akan ełpe ye kta, itkokipapi wakeya tiyopa ekta, qa waśin kin izinye kta, woomna Jehowa iyokipi ye kta.

7 Hecen icimanna wośnapi tawapi wamanica wakiciyuśnapi kta, hena okiyapi iyecen wokage kin he owihanke wanica wicociagepi yeye cin yuhapi kta.

8 Unkan hecen ewicayakiye kta, Wicaśta tuwe kaśta Israel ti kin etanhan, qaiś oyate tokeca niyepi ehna ounye cin etanhan, tuwe kaśta wohuñnahiyapi wan, qaiś wośnapi wan wośna kinhan;

9 Qa Jehowa wakiyuśna kta e itkokipapi wakeya tiyopa ekta hiyuye śni kinhan, wicaśta kin he oyate tawa etanhan kaśpapi kta.

10 Qa wicaśta Israel ti etanhan, qaiś oyate tokeca niyepi ehna ounye cin etanhan, tuwe kaśta we onge yute cinhan, wicanagi we yute cin miite awehnake kta, qa oyate tawa etanhan wakaśpe kta.

11 Celpi nagi kin we kin ohna yanka heon ninagipi akałpe niciyapi kta e owayuśna akan we kin ciçupi, wicanagi akałpe kiciye cin we kin hee nakaś.

12 Heon Israel cinca kin hewicawakiya, Niyepi etanhan tuwedan we yute kte śni, qa oyate tokeca niyepi ehna ounye etanhan tuwedan we yute kte śni.

13 Qa wicaśta Israel cinca etanhan, qa oyate tokeca niyepi ehna ounye cin etanhan, tuwe kaśta wotihni, qa woteca, qaiś wahupakoza wanji yutapi kta iyececa kte kinhan, we kin papson kta, qa maka on akałpe kta.

14 Celpi owasin nagi kin we kin hee, nagi kin he ohna yanka, heon Israel cinca kin hewicawakiya, Celpi owasin etanhan we ongedan yutapi kte śni, celpi owasin nagi kin we kin hee nakaś; tuwe he yute cinhan kaśpapi kta.

15 Tuwe kaśta makoce en icağa, qaiś oyate tokeca taku wazanka te, qaiś taku yaçapi ongedan yute cinhan wokoyake hdujaja kta qa minin niwe kta, qa łtayetu aiyahdeya śape kta.

16 Tuka wahdujaja śni qa niwe śni kinhan, tohan śica hduha kta.

WICOWOYAKE 18.

1 Unkan Jehowa ie ça Mowis heciya,

2 Israel cinca hecen kewicakiya wo, Jehowa taku wakan yadapi kin he miye;

3 Egipta makoce ohna ounyayapi qon, token ohanyanpi kin he iyecen oyałhandapi kte śni, qa Kanan makoce ekta ye ciyapi ohanyanpi kin he iyecen oyałhandapi kte śni, qa tawokagepi omayanipi kte śni.

4 Woyaco mitawa ecen econpo, qa wokage mitawa patanpo, qa hena omanipo, Jehowa taku wakan yadapi kin he miye.

5 Qa wokage mitawa kin yapatanpi kta, woyaco mitawa nakun; wicaśta tuwe hena iyecen econ kinhan hena on ni kta, Jehowa he miye.

6 Tuwedan iye celpi takuye hinca tancodan yuzamni kta e ikiyedani hi kte śni, Jehowa he miye.

7 Niyate tancodan kin, qa nihun tancodan kin duzamni kte śni, ni hun kin hee heon tancodan kin duzamni kte śni.

8 Niyate tawicu tancodan kin

LEWI TOOPE.

duzamni kte śni, niyate tancodan kin hee.

9 Nitawinohtin niyate cunwintku, qaiś nihun cunwintku woli-papi qaiś nahmana yuzapi en tonpi unman tukte kašta tancodan kin duzamni kte śni.

10 Nicinksi cunwintku qa nicunksi cunwintku tancodan kin duzamni kte śni, niye tanconikadan kin hee.

11 Niyate tawicu cunwintku niyate cinca kin tancodan kin duzamni kte śni, nitawinohtin kin hee, heon tancodan kin duzamni kte śni.

12 Niyate tawinohtin tancodan kin duzamni kte śni, niyate celipi kin hee.

13 Nihun tankaku tancodan kin duzamni kte śni, nihun celipi kin hee.

14 Niyate sunkaku tancodan kin duzamni kte śni, tawicu ikiye dan yai kte śni, nihun kin hee.

15 Nitakoś tancodan kin duzamni kte śni, nicinksi tawicu kin hee, tancodan kin duzamni kte śni.

16 Nicinye tawicu, qa nisunka tawicu tancodan kin duzamni kte śni, nisunka tancodan kin hee.

17 Winohinca wan qa iye cunwintku tancodan kin duzamni kte śni, iye cinhintku cunwintku qaiś cunwintku cunwintku tancodan kin duzamni kta e duze kte śni, he wowicašta śni, hena celipi tawa hecapi nakaś.

18 Nakun winohinca wan cunku kici duze kte śni, hecannon kinhan tancodan duzamni, qa tohanyan ni kin iyokiśin yaye kta.

19 Unkan winohinca tohan toaśape on isna ti kin hehanyan tancodan duzamni kta e ikiyedat yai kte śni.

20 Nakun tuwe nikiyedat ti tawicu kin kici inonke kte śni. Hecannon kinhan kici nihduśape kta.

21 Nakun nicinca etanhan wanjidat Molok ekta iyopta yaye kte śni, qa taku wakan yada caje kin duśape kte śni; Jehowa he miye.

22 Nakun winyan kici wankapi kin he iyecen wica kici inonke kte śni, wowahite śni hee.

23 Nakun woteca taku kašta kici inonke kte śni, hecannon kinhan kici nihduśape kta, nakun winohinca wan woteca kici kiyuhe kta e he itokam wanke kte śni, wośape hee.

24 Ihnuhan hena on nihduśapapi kin, oyate nitokapa tanhan ye wicawaye cin hena owasin on ihduśapapi.

25 Unkan makoce kin he śapa, heon tohan śice cin he akan hiyu waye kta, unkan makoce kin wicašta en ounyanpi kin hena hdem wicaya.

26 Tuka niyepi wokage mitawa, qa woyaco mitawa kin yapatatpi kta, qa wowahite śni kin hena ecannonpi kte śni, niye makoce tawayayapi qa wicašta oyate tokeca niyepi ehna ounye cin unmana.

27 Wicašta niyepi itokam makoce kin hen tipi kin wowahite śni kin hena owasin econpi, qa makoce yuśapapi.

28 Hecen makoce kin duśapapi kte śni, qa oyate nitokapa tanhan wieahdepe cin he iyecen nihdepapi kte śni.

29 Wicanagi tona wowahite śni kin hena wanjidat econpi kin, hena owasin taoyatepi etanhan kaśpapi kta.

30 Heon wopatant mitawa yapatatpi kta, qa wowahite śni wokage nitokam econpi kin hena ecannon pi kte śni, hecen hena

on nihdušapapi kte šni, Jehowa wakan yadapi kin he miye.

WICOWOYAKE 19.

1 Unkan Jehowa ie ɕa Mowis heciya,

2 Israel cinca omniciye ocowasin ieyanpaha hewicakiya wo, Jehowa wakan yadapi kin he miye, mawakan, heon wakan yaunpi kta.

3 Otoiyo hi hunku kin yakinihan kta, nakun atkuku, qa anpetu okihpapi mitawa kin yapatanpi kta, Jehowa wakan yadapi kin he miye.

4 Ihnuhan takušnišni ekta nihduhomnipi kin, qa ihnuhan taku wakan šdoyapi niɕicagapi kin, Jehowa wakan yadapi kin he miye.

5 Unkan wopida wošnap i wan Jehowa wayakidušnap i kte cinhan token iyokipi yayapi kte cin hecen wayakidušnap i kte.

6 Anpetu en wadušnap i qa ihanhanna hena en he yatapi kta, tuka taku anpetu iyamni hehanyan oyapte cin, he petan hiuhna h yapi kta.

7 Unkan anpetu iyamni en onge yutapi kinhan he wošicamna kta, iyokipi kte šni.

8 Qa tuwe he yute cin he taku Jehowa on yuwakanpi kin yuša pe cin heon tohan šice cin hduha kta, qa wicanagi kin he taoyate etanhan kašpapi kta.

9 Unkan nitamakoce woksapi bayaksapi eca nitamaga kalimin owasin bayakse kte šni, qa baksapi icunhan taku hinhpaye cin he mnayaye kte šni.

10 Qa hastanhanka iyuwi nitawa akta dušpi kte šni, qa hastanhanka makata ihpayapi kin hena mna yaye kte šni, hena wicašta onšika, qa oyate tokeca

ekta ehpe wicaya kiye kta, Jehowa wakanyadapi kin he miye.

11 Ihnuhan wamayanunpi, qa ihnuhan iyatonpi šni, qa ihnuhan otoiyo hi yecihnayanpi kin.

12 Qa ihnuhan micaje itonšniyan cajedatapi qa taku wakan yada caje kin dašapapi kin, Jehowa he miye.

13 Ihnuhan nitakoda yakiduše kin, qa taku tawa yaki kinhan. Ihnuhan tuwe tohtani opeyaton iyuwin tawa ihanhanna hehanyan niciyanke cin.

14 Tuwe nogetpa dašice kte šni, qa tuwe išt agonge cin itokam taku iboto kta yecihnake kte šni, tuka taku wakan yada kin he ikoyape kta, Jehowa he miye.

15 Wayacopi en wopemni ecanon kte šni, wicašta walpanica ite kin ihayakta kte šni, qa wicašta tanka ite kin yakinihan kte šni. Tuwe nikiyed an ti kin ece tuya daco kta.

16 Ihnuhan oyate nitawa tipi iyaza waiesa mayani kin, qa ihnuhan nitakoda we kin anayajin kin, Jehowa he miye.

17 Nihunka wanji nicante mahen šice yada kte šni; tuwe niciti kin atayed an iyope yakiye kta, hecen iye on etanhan woahitani duha kte šni.

18 Toyeɕon kte šni, qa oyate nitawa cincapi kin canniye wicayaya ešta ecanan enayakiye kta, qa token wašte niɕida kin he iyecen tuwe nikiyed an ti kin wašte yadake kta.

19 Wokage mitawa yapatanpi kta. Wanunyanpi nitawa kin ocaje tokeca kici kiyuha yaki ye kte šni. Maga nitawa su ocaje nonpa icicahiya oju yakiye kte šni, qa wokoyake tahinea hin qa hañonta onkagapi icicahiya kazuntapi kodake kte šni.

LEWI TOOPE.

20 Unkan wikoška wan wayaka heca wicašta wan he wahoyatuka nahanhin wolipe šni qa kiyuškapi šni, wicašta tokeca wan winoħinca kin he kici wanke cinhan napin wicakapsinsintapi kta, wikoška kin ihduhe šni, heon te wicayapi kte šni.

21 Unkan wicašta kin wohdajuju Jehowa kahi kte itkokipapi wakeya tiyopa ekta, tamdoka wan on hdajuju kta.

22 Unkan woalıtani walıtani kin on wawayuřna kin akalıpe kiciye kta wohdajuju tamdoka on, Jehowa itokam, hecen woalıtani walıtani kin he kicicajuju kta.

23 Unkan makoce kin en yakipi, qa waskuyeca can hu yahdepi kinhan, waskuyeca kin mdoketu yamni taku řapa iyecen elıpe yayapi kta, řapa yadapi kta, tuwedan he yute kte šni.

24 Unkan mdoketu itopa kinhan waskuyeca kin owasin Jehowa yatanpi kta e wakan kta.

25 Tuka mdoketu izaptan kin waskuyeca kin yatapi kta, hecen waskuyeca ota icalı niciyapi kta, Jehowa wakan yadapi kin he miye.

26 Taku we akan un kin yatapi kte šni. Wamduřka etanhan waadatapi kte šni, qa malıpiya etanhan waadatapi kte šni.

27 Pa nitawapi ihdukřan ihanke kin yahduřdapi kte šni, qa putihin nitawa ihanke kin ihang yakiyapi kte šni.

28 Tuwe nagi ye cin on niřicagopi kte šni nicełıpipi en, qa akito niřiyapi kte šni; Jehowa he miye

29 Ihnuhan nicunkři duřape řa wihomni win yakage cin, hecen makoce en witkowin ota kte šni, qa makoce kin wowicašta šni on ojudan kte šni.

30 Okilıpapi mitawa yapatanpi kta, qa tipi wakan mitawa yakinihanpi kta; Jehowa he miye.

31 Ihnuhan wapiyesa ekta niħduhomnıpi, qa ihnuhan wakan iřidapi kin awicayakite cin, hecannon kinhan hena on niħduřape kta; Jehowa wakan yada kin he miye.

32 Tuwe paska kin he itokam nayajın kta, qa wicalıinca ite kin duonihan kta, qa taku wakan yada kin yakinihan kta, Jehowa he miye.

33 Unkan wicašta oyate tokeca nici ounye cinhan he yakiduře kte šni.

34 Tuwe oyate tokeca nici ounye cin he wicašta makoce tawa yapi kin iyecen nicipi un kta, qa waře niřida kin he iyecen waře yadake kta, oyate tokeca Egupta makoce en ounyayapi qon nakař; Jehowa wakan yadapi kin he miye.

35 Ihnuhan wayacopi en taku owotanna šni ecannopi kin, ohanske iyutapi en, qa aspe yetonpi en, qa taku kašta ohna iyutapi en.

36 Taku on aspeyapi ecetu qa epah ecetu, qa hina ecetu duhapi kta; Jehowa wakanyadapi Egupta makoce etanhan hdinanpe niyanpi kin he miye.

37 Heon wokage mitawa owasin, qa woyaco mitawa owasin yapatanpi kta, qa hena ecanonpi kta; Jehowa he miye.

WICOWOYAKE 20.

1 Unkan Jehowa ie řa Mowis heciya;

2 Hecen Israel cinca kin ewicayakiye kta, Wicašta tuwe kašta Israel cinca etanhan, qaiř oyate tokeca Israel om ounye cin etanhan, iye cinca wan Mo-

lok qu kinhan, awicakehan te yapi kta; makoce oyate kin inyan on ktepi kta.

3 Unkan miś wicašta kin he ekta ite ye wakiye kta, qa cinhintku Molok qu kin heon oyate tawa etanhan wakaŝpe kta, tipi wakan mitawa yuŝape qa micaje wakan yuzamni heon etanhan.

4 Unkan makoce oyate kin wicašta tuwe iye cinhintku Molok qu kin wanyakapi kte ŝni e iŝtapi katinyan hduohmuzapi, qa hecen ktepi ŝni kinhan,

5 Miś wicašta kin he miišta awehnake kta, nakun tona taku wicaya, qa oyate tawapi etanhan wicawakaŝpe kta, iye qa tona Molok kici wankapi kta iye opeya okiyapi owasin.

6 Unkan wicanagi tuwe wapiyesapi, qa wicašta wakan icidapi kin hena opeya okiyapi kta e ekta ihduhomni kinhan, miś miite wicanagi kin he ekta ye wakiye qa taoyate kin wicelna tanhan wakaŝpe kta.

7 Unkan Jehowa wakan yadapi kin he miye, heon ihduwakan po, hecen niwakanpi kta.

8 Qa wokage mitawa yapatanpi kta, qa hecanonpi kta; Jehowa niyuwakanpi kin he miye.

9 Hecen tuwe kašta atkuku qaiŝ hunku yaŝice cinhan awicakehan te yapi kta, atkuku qaiŝ hunku yaŝica, hecen we icıya.

10 Unkan wicašta tuwe wicašta tokeca tawicu kici wawicilaŝapi econ, takodaku tawicu ešta kici wawicilaŝapi econ kinhan, awicakehan te yapi kta, wicašta qa winohinca wawicilaŝapi econpi napin.

11 Unkan wicašta wan atkuku tawicu kici wanke cinhan atkuku tancodan kin yuzamni tokešta napin te wicayapi kta, iye we icıyapi.

12 Unkan wicašta wan iye takoŝku kici wanke cinhan tokešta sakim te wicayapi kta, wowicaštaŝni ohanyapi iye we icıyapi.

13 Unkan wicašta wan winohinca kici wankapi kin he iye cen wica wan kici wanke cinhan, sakim wowalite ŝni econpi tokešta te wicayapi kta, iye we icıyapi.

14 Unkan wicašta wan winohinca wan hunku kici wicayuze cinhan wicaŝtapiŝniyan ohanyan, iye qa hena nakun, peta ohna huŝnalı wicayapi kta, hecen niyepi ehna wowicaštaŝni wanice kta.

15 Unkan wicašta wan woteca wan kici wanke cinhan tokešta te kta qa woteca kin nakun yaktepi kta.

16 Unkan winohinca wan woteca wan kici wanke kta e ikıyedani kinhan, winohinca kin woteca kin kici wicayakte kta, tokešta ŝapi kta, iye we icıyapi.

17 Unkan wicašta wan iye tawinohtin yuze cinhan, atkuku cunwintku qaiŝ hunku cunwintku tancodan wanyake cinhan, unkan winyan kin wicašta tancodan kin wanyake cinhan hec wowiŝteca wicakaŝpapi kta, oyate tawapi cincapi iŝtapi itokam, tawinohtin tancodan kin yuzamni woalıtani kin hduha kta.

18 Unkan wicašta wan winohinca iŝna ti kici wanke cinhan, qa tancodan kin yuzamni kinhan, tawakoniya yutanin; unkan winyan kin we wakoniya kin hduzamni, heon napin oyate tawapi wicelna tanhan wicakaŝpapi kta.

19 Nakun nihun tawinohtin, qa niyate tawinohtin tancodan kin duzamni kte ŝni, tuwe hecon kin he iye celipi kin hduutanin woalıtani hduhapi kta.

20 Unkan wicašta wan iye tun-

wincu kici wanke cinhan, tunwincu tancodan kin yuzamni, walitanipi kin hduhapi kta, cinca nica ewicakiyapi tapi kta.

21 Unkan wicašta wan iye sunkaku tawicu yuze cinhan, wowahte šni hee, sunkaku tancodan kin yuzamni cinca nica ewicakiyapi kta.

22 Hecen wokage mitawa owasin qa woyaco mitawa owasin yapatanpi kta, qa ecanonpi kta, unkan makece ohna onyayapi kta e eakta yeciyapi kin he inihdepapi kte šni.

23 Unkan oyate nitokapa tanhan iyaye wicawaye cin hena wokagepi omanipi kte šni. Iye hena owasin econpi heon hiti wicawahda.

24 Unkan heciciyapi, Maka tawapi kin tawayayapi kta, qa makece kin he pteasanpi qa canhanpi tiktica kaduze cin he tawayayapi kta e cičupi kta; Jehowa wakanyadapi oyate tokeca etanhan yukinukan ciyapi kin he miye.

25 Heon woteca ska, qa tona šapapi yukinukan yayapi kta, nakun wahupakoza šapa qa ska dukinukanpi kta, ihnuhan ninagipi nihduwalitepi šni woteca on, qaiš taku kinyan on, qaiš taku kašta maka asdohan on. Hena šapa yadapi kta e niyepi etanhan mdukinukan.

26 Unkan tawa ciyapi kta e miye oyate tokeca etanhan ciyukinukanpi, Jehowa mawakan heon miyeci wakanyan yaunpi kta.

27 Unkan wicašta wan, qaiš winohinca wan niyepi ehna wapiyesa, qaiš wicašta wakan içidake cinhan, awicakehan te kta, tona hecapi inyan on wicayaktepi kta, iye we içiyapi.

WICOWOYAKE 21.

1 Unkan Jehowa Mowis heciya, Aaron cinca wawayušnapi kin hecen kewicayakiye kta; Tuwe nagi ye cin on ihdušapapi kte šni, oyate tawapi ehna.

2 Tuka iye celipi takuye linca hunku on, qa atkuku on, qa cinhintku on, qa cunwintku on, qa sunkaku on,

3 Qa iye ta winohtin linca wikoška tuwedan yuze šni, henana on ihdušape kta.

4 Winohinca oyate tawa ehna yuhe cin on ihdušape kte šni, qa ihduikceka kte šni.

5 Papi tuktedan pašda içicagapi kte šni, qa putinhinpi oise kin bašdapi kte šni qa celipi içicagapi kte šni.

6 Tuwe wakandapi on wakanyan unpi kta, qa tuwe wakandapi caje kin yuikcekapi kte šni, Jehowa tapeta wošnapi, tuwe wakandapi taaguyapi kin kahipi nakaš, heon wakanyan unpi kta.

7 Witkowin qaiš wakikšanpi wan yuzapi kte šni, nakun winohinca hihnaku elpe kiye cin he yuzapi kte šni; tuwe wakandapi on wakanpi nakaš.

8 Tuwe wakan yadapi taaguyapi kahipi heon wicaduwakan kta; Jehowa niyuwakanpi kin he miye mawakan heon hena niye om wakanpi kta.

9 Unkan wawayušna cunwintku wan witkowin ohanyan on ihdušape cinhan, he atkuku yušapa, petan hulinahyapi kta.

10 Unkan wawayušna sunka wicaye cin ehna itancan tawokoyake kin koyake kta e sdawicayapi wihdi kin pa akašanpi, qa nape ojun yapi kin he pa kin hdušda kte šni, qa wokoyake hduhdece kte šni.

11 Qa tuwedan nagiye tancan

te cin ekta i kte śni, atkuku on, qa hunku on ihdušape kte śni.

12 Qa tipi wakan etanhan inanpe kte śni, qa taku wakanda toti wakan kin yuikceka kte śni. Tuwe wakanda wateśdake wi-hdi sdayapi tawa kin he akaštanpi nakaś, Jehowa he miye.

13 Qa wikoška wan tuwedan kici wanke śni heca yuze kta.

14 Wiwazica qa tuwe ełpe ki-yapi qa wakikšanpi, qa witkowin, tona hecapi etanhan winohinca yuze kte śni; tuka iye taoyate etanhan wikoška wan yuze kta.

15 Qa tona iye etanhan icagapi kin wica hduikceka kte śni taoyate ehna; Jehowa he yuwakan kin he miye.

16 Unkan Jehowa ie a Mowis heciya,

17 Aaron hecen eciya wo. Nicinca wicoicage yeye cin tuwe ošteka, Taku wakanda taaguyapi kahi kta e ikiyedan hi kte śni.

18 Nakun tuwe kašta ošteke cin he ikiyedan hi kte śni, wicašta išta gonge, qaiś hušte, qaiś poge mdaška, qaiś huha unman tukte kašta iyotan hanska,

19 Qaiś siha ksa, qaiś nape ksa,

20 Qaiś cankahu pawegapi, qaiś tanyan icage śni, qaiś išta aska, qaiś tuwe ayašpuya, qaiś hałdi, qaiś susu kapopapi.

21 Aaron wawayuśna cinca etanhan wicašta ošteka tuwedan Jehowa peta wošnapi tawa kahi kta e ikiyedan hi kte śni, he ošteka heon tuwe wakanda taaguyapi kin kahi kta e ikiyedan hi kte śni.

22 Tuwe wakan da taaguyapi wakan, qa nakun wakan hinca etanhan yute kta;

23 Tuka cokaya ozanpi kin ekta i kte śni, ošteka nakaś, heon taku miciyuwakanpi kin he yuikceke kte śni; Jehowa niyuwa-

kanpi kin he miye heon etanhan.

24 Unkan Mowis Aaron qa iye cinca kin, qa Israel cinca owasin owicakiyaka.

WICOWOYAKE 22.

1 Unkan Jehowa ie a Mowis heciya,

2 Aaron qa iye cinca kewicakiya wo, Israel cinca kin taku hduwakanpi kin on waktaya unpi kta, hecen taku miciyuwakanpi on micaje wakan kin yuikcekapi kte śni, Jehowa he miye.

3 Hećen ewicakiya wo, Nitocagepi yeye cin nicincapi owasin etanhan wicašta tuwe toaşape hduhe cin icunhan, taku yuwakanpi Israel cinca taku Jehowa kicihduwakanpi kin ikiyedan hi kinhan, wicanagi kin he miite itokapa tanhan kašpapi kta; Jehowa he miye.

4 Aaron cinca etanhan wicašta leprosi ececa, qaiś wakaduze cin, tohanyan yuskapi śni taku yuwakanpi kin ongedan yute kte śni; nakun tuwe taku nagije cin on śapa icalitake cinhan, qaiś wicašta tuwe wanke cin su hiyuye cin.

5 Qaiś tuwe watutka on wicašta śape kta wan icalitake cinhan, qaiś wicašta wan taku hececa on śapa, taku kašta on ihdušape kta icalitake cinhan,

6 Wicanagi tuwe taku hececa icalitake cin litayetu aiyahdeya śape kta, qa mini on cełpi hdujaja śni kinhan, taku yuwakanpi kin yute kte śni.

7 Qa wi kin tohan iyaye cinhan ska kta, qa he iyohakam taku yuwakanpi kin yute kta, aguyapi tawa kin hee nakaś.

8 Taku wayazanka e qa taku yapotapi kin yute kte śni, qa

hena on ihdušape kte šni ; Jehowa he miye.

9 Qa taku patan wicawaši kin he patanpi kta, hecen hena on ihduikcekapi kte šni, qa woahitani hduhapi kte šni ; Jehowa wicayuwakan kin he miye.

10 Tuwe tokeca taku yuwakanpi kin yute kte šni, wawayušna kici ti, qaiš wohtani opeton kin, he taku yuwakanpi kin yute kte šni.

11 Tuka wawayušna kin wicanagi wan opeton, mazaska tawa on opetonpi kin he etanhan yute kta ; nakun tuwe ti ohna tonpi kin he, hena aguyapi tawa etanhan yutapi kta.

12 Unkan wawayušna cunwintku wan wicašta tokeca he yuze cinhan, taku ikce qupi yuwakanpi kin etanhan yute kte šni.

13 Tuka wawayušna cunwintku wan wiwazica, qaiš ehpe kiyapi kinhan, qa cinca nice ça atkuku ti en hdi kinhan, atkuku taaguyapi etanhan yute kta, wikoška qon iyececa, tuka tuwe tokeca hetanhan yute kte šni.

14 Unkan wicašta wan taku yuwakanpi onuniyan yute cinhan, he izaptan aokijuye kta, qa taku yuwakanpi kici wawayušna kin qu kta.

15 Hecen taku Israel cinca yuwakanpi taku Jehowa ektakiya yuwintapi kin hena yuikcekapi kte šni.

16 Tuka taku yuwakanpi kin hena yutapi kinhan, oicazopi woahitani kin he wicakiciyuhapi kta ; Jehowa wicayuwakan kin he miye, nakaš.

17 Unkan Jehowa ie ça Mowis heciya,

18 Aaron qa iye cinca, qa Israel cinca owasin hecen ewicakiya wo, Wicašta tuwe kašta Israel tiohnaka etanhan, qaiš oyate to-

keca etanhan, Israel om ounye cin woahi wan makahi kte cinhan, taku iciconzapi on, qaiš taku ikce qupi kin owasin on, woahinahi yapi wan makahi kte cinhan ;

19 Iyokipi yayapi kta heon mdoka zanika, pte etanhan qaiš taħinca etanhan, qaiš tatokadan etanhan kahi kta.

20 Tona ošteka wanjidani yakahi kte šni, hena on iyokipi yayapi kte šni.

21 Unkan wicašta wan taku iciconze hduacetu kta e wopida wošnapi wan Jehowa kahi kte cinhan, qaiš taku ikceya qu kta, pte wanunyanpi, qaiš taħinca etanhan iyokipi ye kta e he zanike kta, tuktedan ošteke kte šni.

22 Išta gonga, qaiš huha wan kašujapi, qaiš kašpapi, qaiš cešpu yukan, qaiš ayašpuya, qaiš ħidiħidi, taku hececa Jehowa yakahipi kte šni qa hena etanhan peta wošnapi wan owayušna akan Jehowa yaqupi kte šni.

23 Tatanka qa taħinca huha iyakicuya, qaiš huha aokpani kin he ikceya yaqu kta, tuka woyakapi wošnapi on iyokipi ye kte šni.

24 Nakun taku kašujapi, qa kawegapi, qa naħdecapi, qa bašpapi kin Jehowa yakahipi kte šni, qa nitamakocepi ohna taku hececa ecannonpi kte šni.

25 Nakun taku hececa owasin oyate tokeca cinca nape etanhan taku wakanyadapi taaguyapi kin yakahipi kte šni, taku on ħowinpi hena mahen un nakaš, oštekapı, niyepi on iyokipi yapi kte šni.

26 Unkan Jehowa ie ça Mowis heciya,

27 Tatanka qaiš taħinca qaiš tatokadan wanji tonpi ehantanhan šakowin can hunku kici un kta,

WICOWOYAKE 23.

tuka anpetu isahdogan qa oha-kam Jehowa wakiyuśnapi woahi on iyokipi kta.

28 Unkan pte qais tawiyedan wan iye cinca kici anpetu wanji-dan en yapatapi kte śni.

29 Unkan wopida wośnapi wan Jehowa wayakiduśnapi kinhan, iyokipi yayapi kta e wayakidu-śnapi kta.

30 Anpetu kin he en temyayapi kta, ihanhanna hehanyan ongedan oyahdaptapi kte śni; Jehowa he miye.

31 Qa woahope mitawa yapa-tanpi kta, qa ecen ecanonpi kta, Jehowa he miye.

32 Qa micaje wakan kin dui-kcekapi kte śni, tuka Israel cinca wicehna mayawakanpi kta, Jehowa niyuwakanpi kin he miye.

33 Wakanmayadapi kta heon Egipta miakoce etanhan hdinan-pe ciyapi, Jehowa he miye.

WICOWOYAKE 23.

1 Unkan Jehowa ie a Mowis heciya,

2 Israel cinca kin hecen ewica-kiya wo, Jehowa omniciye tawa ieyanyapahapi kta, omniciye wakan ieyanpahapi mitawa kin de-na ee.

3 Anpetu śakpe woħtani ecan-non kta, tuka anpetu isakowin kin he anpetu okihpapi wakan, ieyanpahapi wakan, onyayapi owasin ohna, woħtani takudan econpi kte śni; Jehowa taoki-ħpapi kin hee nakaś.

4 Jehowa ta omniciye ieyanpa-hapi wakan iyehantu eca ieyan-yapahapi kta dena ee.

5 Wi tokaheya anpetu iake to-pa en litayetu otahedan Jehowa toacakśin kin hee.

6 Qa wi kin he anpetu iake zaptan en aguyapi napohiyapi śni

wohanpi Jehowa tawa, anpetu śakowin aguyapi napohiyapi śni yatapi kta.

7 Anpetu tokaheya ieyanpahapi wakan duhapi kta, wayaka wo-ħtani ecannonpi kte śni.

8 Qa anpetu śakowin peta wo-śnapi Jehowa yakahipi kta, anpe-tu isakowin ieyanpahapi wakan kta, wayaka woħtani takudan ecannonpi kte śni,

9 Unkan Jehowa ie a Mowis heciya,

10 Israel cinca kin hecen ewi-cakiya wo, Makoce ciĉupi kin he ekta yaipi, qa woksapi bayaksapi kinhan, tokaheya bayaksapi etan-han opaħte wan wawayuśna ekta hiyuyayapi kta.

11 Unkan iyokipi yayapi kta e Jehowa itokam wopaħte kin he koze kta; anpetu okihpapi ihan-hanna behan wawayuśna kin he koze kta.

12 Unkan anpetu wopaħte yako-zapi kin en, amnos wan zanika, waniyetu wanjidan, wohuħnali-yapi Jehowa yecicagapi kta.

13 Unkan minħa tawa aguyapi mdu can waksica ohnaka nonpa wihdi icicahiyapi, peta wośnapi waśtemna Jehowa iyokipi ye kta, qa woakaśtan kin mini śa wiya-tke ohnaka nonpa.

14 Tuwe wakan yadapi kin ekta woahi hiyuyapi śni anpetu kin hehanyan, aguyapi, qa wamna-heza ceunpapi, qa paśdayapi un-mana yatapi kte śni; onyayapi owasin ohna nitoicagepi yeye cin wokage kin he owihanke wanica.

15 Unkan wopaħte kosyapi ya-kahipi anpetu wakan ihanhanna etanhan anpetu wakan śakowin dawapi kta, anpetu wakan oco-wasin dawapi kta.

16 Anpetu wakan isakowin ihanhanna etu dawapi kta, anpe-tu wikcemna zaptan hehanyan,

qa minha teca wan Jehowa yakahi kta.

17 Ounyayapi etanhan aguyapi kozapi nonpa, aguyapi mdu can wakšica ohnaka nonpa, napohyapi španyanpi, taku tokaheya suton kin Jehowa ekta hiyuyayapi kta.

18 Qa aguyapi kici amnos šakowin zanika waniyetu wanjidan, qa tatankadan pte wanuyanpi cinca wanjidan, qa tamdoka nonpa yakahipi kta, Jehowa huhnali-kiciyapi kta, qa minha tawapi, qa woakaštan tawapi, peta wošnapı waštemna Jehowa iyokipi.

19 Hehan tatokadan mdoka wan woahntani wošnapı on, qa amnos nonpa waniyetu wanjidan wopida wošnapı on, wayakidušnapı kta.

20 Unkan wawayušna kin hena koze kta aguyapi tokaheya suton kin ahna, nakun amnos nonpa qon, Jehowa itokam wokosyapi wan, hena Jehowa on wakanpi kta, wawayušna tawa kta.

21 Unkan anpetu kin he en niyepi on omniciye wakan iyanpahapi kta, wayaka wolhtani takudan ecannonpi kte šni, ounyayapi owasin ohna nitoicagepi yeye cin, he wokage owihanke wanice kta.

22 Unkan makoce nitawapi woksapi kin bayaksapi kinhan, maga nitawapi kalimin owasin bayakse kte šni, qa woksapi nitawa taku okapte cin mnayaye kte šni, wicašta onšika, qa oyate tokeca on he elpe wicayeciye kta; Jehowa wakan yadapi kin he miye.

23 Unkan Jehowa ie ça Mowis heciya,

24 Israel cinca kin hecen ewicakiya wo, Wi išakowin anpetu tokaheya kin wookilpe duhapi

kta, mazayahotonpi on kiksuyapi, ieyanpahapi wakan,

25 Wayaka wolhtani takudan ecannonpi kte šni, qa peta wošnapı wan Jehowa yakahipi kta.

26 Unkan Jehowa ie ça Mowis heciya,

27 Awicakehan wi išakowin anpetu iwikcemna kin waakalhpapi anpetu kin hee, eyanpahapi wakan duhapi kta, qa ninagipi iyokišin ničiyapi kta, qa peta wošnapı wan Jehowa yakahipi kta.

28 Anpetu kin he en wolhtani takudan ecannonpi kte šni, waakalhpapi anpetu kin hee. Jehowa wakan yadapi itokam akahpe ničiyapi kta e hee nakaš.

29 Wicanagi tuwe kašta anpetu kin he en iyokišin ičiye šni kinhan taoyate etanhan kašpapi kta.

30 Unkan wicanagi tona anpetu kin he en wolhtani econpi wicanagi kin hena owasin taoyatepi etanhan ibang wicawaye kta.

31 Ounyayapi owasin ohna wolhtani takudan ecannonpi kte šni, nitoicagepi yeyecin wokage owihanke wanica.

32 Anpetu okilhpapi wakan he duhapi kta, qa ninagipi iyokišin ničiyapi kta, wi anpetu inapcinwanka litayetu etanhan ake litayetu kte cin hehanyan wookilpe nitawapi kin okilpe yayapi kta.

33 Unkan Jehowa ie ça Mowis heciya,

34 Israel cinca kin hecen ewicakiya wo, Wi išakowin anpetu iake zaptan kin en ohanzi hdepi wohanpi kin hee, anpetu šakowin Jehowa tawa.

35 Anpetu tokaheya ieyanpahapi wakan, he en wayaka wolhtani takudan ecannonpi kte šni.

36 Anpetu šakowin peta wošnapı Jehowa yakahipi kta, anpetu išahdogan eyanpahapi wakan du-

hapi kta, qa peta wošnapi Jehowa yakahipi kta, witaya iheyapi wan hee, wayaka wohtani ecannonpi kte šni.

37 Jehowa taomniciye ieyanypahapi kta anpetu kin hena ee, eyanpahapi wakan on woħulinahyapi, qa minħa wošnapi, qa woakaštanpi Jehowa yakahipi kta, anpetu iyohi taku tawa kin iyececa.

38 Nakun Jehowa taokihpapi, qa nakun taku yaqupi, qa nakun taku ničiconzapi kin, nakun taku ikce yaqupi kin Jehowa yaqupi kin owasin isanpa.

39 Awicakehan wi išakowin anpetu iakezaptan makece taku aicage cin mnayayapi kinhan, anpetu šakowin Jehowa tawohanpi oyakihanpi kta, anpetu tokaheya wookihpe, qa anpetu išahdogan wookihpe kta.

40 Unkan anpetu tokaheya can wiciyokipi waskuyeca iyacupi kta, tamar can adetka, qa canħahaka adetka, qa wakpa cohwanjica nakun, qa anpetu šakowin Jehowa wakan yadapi kin itokam widuškinpi kta.

41 Qa wohanpi Jehowa oyakicihanpi kta, anpetu šakowin ptanyetu otoiyohi nitoicagepi yeye cin, wokage owihanke wanica, wi išakowin en he woyakihanpi kta.

42 Anpetu šakowin can adetka ohanzi hdepi oyatipi kta, tona Israel tamakoce en tonpi kin hena owasin can adetka ohanzi hdepi ohna tipi kta.

43 Hecen Israel cinca Egipta makece etanhan hdinanpe wicawaye čehan ohanzi hdepi ohna tipi wicawaya, nitoicagepi sdonyapi kta; Jehowa wakan yadapi kin he miye.

44 Unkan Mowis Jehowa wokicihanpi toketu Israel cinca owicakiyaka.

WICOWOYAKE 24.

1 Unkan Jehowa ie ča Mowis heciya;

2 Petijanjan on can ihdi ecedan bopanpi nicahipi kta, Israel cinca icu wicaši wo, hecen ide kin ohinniyan wankan ye kta.

3 Woyaatanin cokaya ozanpi itankan, itkokipapi wakeya ohna, ħtayetu etanhan ihanħanna kta eca Aaron he ideye kta, ohinniyan nitoicagepi yeye cin wokage owihanke wanica.

4 Petijanjan ihupa ecedan akan petijanjan ideye kta, Jehowa itokam ohinniyan.

5 Unkan aguyapi mdu iyacu kta, qa he špan yaye kta, aguyapi wikcemna sanpa nonpa, aguyapi otoiyohi ohna can waksica ohnaka nonpa kta.

6 Unkan hena Jehowa itokam wahna wotapi ecedan akan eyahnake kta, ocankuye nonpa ocankuye iyohi ohna šakpe.

7 Unkan ocankuye akan cansin ska kohdi eyahnake kta, unkan he aguyapi on wokiksuye kta, peta on Jehowa wakiciyušnapi kta.

8 Anpetu okihpapi otoiyohi Israel cinca etanhan hena Jehowa itokam ehnakapi kta, ohinniyan wicotakuye owihanke wanica.

9 Qa Aaron qa iye cinca kin he tawapi kta, qa he yutapi kta, oyanke wakan ohna, Jehowa peta wošnapi tawa etanhan, iye on he wakan ħinca nakaš; wokage owihanke wanica.

10 Unkan Israel winohinca wan cinhintku, qa he Egipta wicašta wan cinhintku, Israel cinca wicehna inanpa, qa Israel winohinca cinhintku, qa Israel wicašta wan owanka ohna kicizapi.

11 Qa Israel winohinca cinhintku caje kin atayedan ie ča ya-

šica, unkan Mowis ekta hiyuyapi he hunku Selomit eciyapi; Dibri cunwintku, Dan wicoun etanhan.

12 Unkan kaška hnakapi Jehowa i kin etanhan owicakiyakapi kte cin hehanyan.

13 Unkan Jehowa ie ça Mowis heciya,

14 Wicašta yašice cin he owanka etanhan inanpe ya wo, unkan tona nañonpi kin owasin pa kin nape aputakapi kta, unkan omniciye owasin inyan on ktepi kta.

15 Unkan Israel cinca kin hecen ewicayakiye kta, wicašta tuwe kašta taku iye wakanda yašice cinhan, iye wahtani kin hduha kta.

16 Jehowa caje kin yašice cinhan tokešta te yapi kta, omniciye owasin inyan on aohduteyapi kta, wicašta oyate tokeca, qaiš makoce en tonpi caje kin yašice cinhan te kta.

17 Unkan tuwe kašta wicašta nagi kaštake cinhan he ktepi kta.

18 Unkan tuwe woteca wan nagi kaštake cinhan hdajuju kta, nagi on nagi.

19 Unkan wicašta wan tuwe iye ikiyedani kin kiunniye cinhan token econ kin he iyecen ecakiconpi kta.

20 Kawegapi on kawegapi kta, išta on išta, hi on hi token wicašta wan kiunniye cin he iyecen kiunniyanpi kta.

21 Unkan tuwe woteca wan kte kinhan he on hdajuju kta, qa tuwe wicašta wan kte kin he ktepi kta.

22 Wicašta oyate tokeca on, qa tuwe makoce en tonpi on, woyaco wanjidani duhapi kta; Jehowa wakan yadapi kin he miye.

23 Unkan Mowis Israel cinca kin owicakiyaka, unkan wicašta wayašice cin he owanka itankan

inanpe yapi, qa inyan on ktepi hecen Israel token Jehowa Mowis econ ši kin he iyecen econpi.

WICOWOYAKE 25.

1 Unkan Jehowa Sina he kin akan ie ça Mowis heciya,

2 Israel cinca kin ekta i qa hecen ewicakiya wo. Makoce wan ciçupi kin he ekta yaipi kinhan, makoce kin wookihpapi wan Jehowa on oziçiye kta.

3 Waniyetu šakpe maga nitawa oyaju kta, qa waniyetu šakpe haštanhanka iyuwi nitawa ade-tka bayašpe kta, qa taku aicage cin mnayaye kta;

4 Tuka waniyetu isakowin kin he makoce tookihpe wakan kta, Jehowa tookihpe, maga nitawa oyaju kte šni, qa hastanhanka iyuwi nitawa ade-tka kin bayašpe kte šni.

5 Bayakse ciçon etanhan taku icage cin he bayakse kte šni, qa hastanhanka iyuwi nitawa ade-tka bašpapi šni hastanhanka aicage cin dušpi kte šni, makoce kin tookihpe omaka kin hee nakaš.

6 Qa waniyetu okihpapi kin he woyute yayapi kta, niye, qa nitahoksidan qa nitawicinnyanna, qa tuwe tohtani opeyaton, qa tona oyate tokeca nici ounyanpi kin.

7 Qa woteca nitawa, qa wamanica makoce nitawa en unpi taku icage cin owasin woyute yapi kta.

8 Unkan waniyetu okihpapi šakowin yahdawa kta, šakowin akihde waniyetu šakowin, hecen waniyetu okihpapi šakowin, waniyetu wikcemna tom sanpa napcinwanka anpetu iyenakeca kta.

9 Hehan wi isakowin wi anpetu iwikcemna mazayahotonpi

hoton yakiye kta, woakalipapi anpetu en, makoce nitawa owancaya mazayahotonpi hoton yayapi kta.

10 Qa waniyetu iwikcemna zaptan waniyetu kin he duwakanpi kta, qa makoce ohna tona en ounyanpi owasin iye ihduhapi kta, eyanpaha yayapi kta, he Jubele yayapi kta, qa yahdapi kta, otoiyo hi tamaga ekta, qa takuwicaye cin ekta.

11 Qa waniyetu iwikcemna zaptan waniyetu kin he Jubele yayapi kta, woyajupi kte šni, qa taku baksapi qon etanhan icage cin he bayaksapi kte šni, qa hastanhanka iyuwi bašpapi šni taku aicage cin dušpi kte šni.

12 Jubele hee nakaš, wakan yayapi kta, maka kicanyanpi šni, taku aicage cin he yatapi kta.

13 Jubele waniyetu kinhan yahdapi kta, otoiyo hi iye tamaga ekta.

14 Unkan tuwe nikiyedani kin ekta taku wiyopeyapi iyope yakiye cinhan, qaiš tuwe nikiyedani kin nape etanhan taku opeyaton kinhan, ihnuhan nihunkawanji duhukuye cinhan.

15 Jubele etanhan waniyetu yawapi kin eciyatanhan opeyaton kta, tuwe nikiyedani kin etanhan, qa waniyetu taku aicage kte cin iyenaka eciyatanhan iyopeniciye kta.

16 Waniyetu ota on iyuwin kin duota kta, qa waniyetu tonana on iyuwin kin duoptetu kta, nakaš tona taku aicage cin yawapi eciyatanhan he iyopeye nicaton.

17 Unkan wicašta wan tuwe ikiyedani kin yakiduše kte šni, tuka tuwe wakan yada kin koyakipe kta; Jehowa wakan yadapi kin he miye nakaš.

18 Heon wokage mitawa kin

ecen ecanonpi kta, qa mitawoyaco yapatanpi kta, qa ecen ecanonpi kta, hecen okope wanin makoce kin ounyayapi kta.

19 Hecen maka kin waskuyecatawa niču kte ça imnahan wayatapi kta, qa okope wanin he ounyayapi kta.

20 Unkan, Inyun unkojupi kte šni, qa taku icalhunkiciyapi mnanunkiyapi kte šni, taku untapi kta hwo, ehapi kinhan.

21 Woyawašte mitawa cičupi kta, waniyetu išakpe en, hecen waniyetu yamni on woicalhiye icalhniciyapi kta.

22 Unkan waniyetu išahdogan woyajupi kta, qa woicalhiye tannina etanhan yatapi kta, waniyetu inapcinwanka kin hehanyan taku aicage cin mnayanpi kin hehanyan tannina yatapi kta.

23 Makoce kin owihanke wanca iyope yapi kte šni, makoce kin he mitawa nakaš, wicašta ihdakapi, qa mici tipi henicapi heon etanhan.

24 Unkan makoce tawayayapi kin owasin en wopekitionpi yajupi kta.

25 Nihunkawanji wahpanice ça makoce tawa etanhan iyope kiye cinhan taku wicaya wan opekicition cin kinhan, taku hunkawanjitku wiyopekiye cin he opekicition kta.

26 Unkan wicašta wan tuwe dan opekicition šni kinhan, qa iye nape wašaka on taku iyohiya iyeye cinhan, iye opekition kta.

27 Qa wiyopekiye ciqon ehanthanhan omaka yawa kta, qa taku iyaye tuwe he opeton qu kte ça maga tawa kin en hdi kta.

28 Tuka taku kicupi kta iyohiya nape kin iyeye šni kinhan, taku iyopekiye cin tuwe he opeton kin nape obna yanke kta, Jubele waniyetu kin hehantu kta; un-

LEWI TOOPE.

kan Jubele waniyetu hehan inape kta; unkan maga tawa qon en hdi kta.

29 Unkan wicašta wan otonwe aconkaškayapi ohna tipi ounyanpi wan iyope kiye cin he opekiton kinhan iyopekiyapi ehantahan waniyetu wanjidan mdoketu iyahna anpetu kin hehanyan wopekitonpi kta.

30 Tuka waniyetu mdoketu iyahna ihunniyan hehanyan opekitonpi šni kinhan, tipi otonwe conkaškayapi ohna tuwe he opeton, qa toicage yeye cin owihanke wanica tawa kta, Jubele en inanpe kte šni.

31 Tuka tipi otonwe cistinna tona ihdukšan conkaške wanice cin ohna hena owasin makoce maga kin iyecen yawapi kta, hena opekitonpi kta, qa Jubele en inanpe kta.

32 Unkan Lewi otonwe tawapi tipi otonwe tawayapi, Lewi kin tohantu kašta opekitonpi kta.

33 Unkan tuwe Lewi kin etanhan opeton kinhan, tipi opeton etanhan, qa otonwé tawaye cin etanhan Jubele en inanpe kta, Lewi otonwe tawapi tipi kin hena taku tawayapi ee; Israel cinca ehna nakaš.

34 Tuka otonwe tawapi ihdukšan tinta maga kin hena wiyopeyapi kte šni, he tawayapi owihanke wanica nakaš.

35 Unkan nihunkawanji nici walipanica aye ça nape hdugate cinhan, he wašagyakiye kta, he oyate tokeca ešta, en ounye cinhan, hecen nici ni kta.

36 Ihnuhan he etanhan woyahtake qa oicage iyacu kinhan, tuwe wakan yada kin ikoyape kta, hecen nihunkawanji ni kta niyepi kici.

37 Mazaska nitawa woyahtake on yaqu kte šni, qa woyute

nitawa oicage cin on yaqu kte šni.

38 Jehowa wakanyadapi Kanan makoce ničupi kta e Egipta makoce etanhan hdinanpe niyanpi kin he miye, hecen taku wakan yadapi kin he miye kta.

39 Nihunkawanji walipanica, qa niye en wiyopeičiye cinhan, wawaka wolitani on wowidag yakie kte šni.

40 Wicašta wolitani opekitonpi iyecece kta. Tuwe makoce ounye cin iyecen nici un kta, Jubele omaka kin hehanyan nici htani kta.

41 Hehan niye etanhan inanpe kta, qa iye cinca nakun opapi kta, qa takuwicaye cin ekta hde kta, qa atewicaye cin makoce tawapi kin en hde kta.

42 Mitaokiye Egipta etanhan hdinanpe wicawaye cin hena eepi, heon wawaka iyope wicayapi kin he iyecen iyope wicayapi kte šni.

43 Wacinkoya wowidagwicawaye kte šni, tuka tuwe wakan yada kin koyakipe kta.

44 Oyate nihdukšan yakonpi kin hena etanhan hokšidan wicinyanna koya duhe kta, ookiye wica qa winyan hena etanhan opeyaton kta.

45 Nakun wicašta oyate tokeca niye om ounyanpi kin cincapi kin opewicayaton kta, qa takuwicayapi nitamakocce en tonpi, qa niyepi ehna unpi kin hena etanhan, qa hena tawawicayayapi kta.

46 Qa nicincapi niyepi iyohakam icagapi kin hena tawawicayapi kta e iwicayacupi kta, owihanke wanin hena wowidag wicayayapi kta, tuka nihunkawanjipi kin Israel cinca kin wacinkoya wowidag wicayeciayapi kte šni.

47 Unkan tuwe oyate tokeca, qa nici ounye cin wijice cinhan, qa nihunkawanji niciwahpanica wicašta oyate tokeca nici ounye cin ekta wiyopeičiye cinhan, qaiš oyate tokeca takuwicaye cin wan ekta.

48 Wiyopeyapi iyohakam wopekitonpi kta; iye hunkawanjitu wan opekiton kta.

49 Dekšitku qaiš tahansitku he opekiton kta, qaiš iye celipi etanhan tuwe takuye cin he opekiton kta, qaiš iye nape wašake cinhan, opeiçiton kta.

50 Unkan tuwe he opeton kici waniyetu yawa kta iyopeičiye cin ehantanhan, Jubele waniyetu kin iyehantu kta, qa mazaska iyopeičiye cin etanhan waniyetu yawapi kta, wicašta wohtani opetonpi kin he iyecen anpetu yawapi kta.

51 Nahanhin waniyetu ota kinhan hena eciyatanhan mazaska on opetonpi qon iyecen kicu kta.

52 Qa waniyetu tonana okaptapi Jubele iyehantu kinhan, waniyetu iyenakeca yawapi eciyatanhan wopekitonpi kicu kta.

53 Tuwe wohtani waniyetu wanjidan opetonpi kin he iyecen, he kici yanke kta, ništa itokam wacinkoya wowindag ye kte šni.

54 Qa hena on opekitonpi šni kinhan Jubele waniyetu kinhan inanpe kta, iye qa cinca kin opapi kta.

55 Israel cinca kin ookiye wicamduha nakaš, mita ookiye Egupta makoce etanhan hdinanpewicawaye cin hena eepi; Jehowa Wakan yadapi kin he miye.

WICOWOYAKE 26.

1 Wakan taku šnišni, qa wakagapi pagopi ničicagapi kte šni,

qa wakagapi bosdata eničihdepi kte šni, qa inyan šayapi wan itokam patujapi kta e nitamakoce ohna duhapi kte šni, Jehowa wakan yadapi kin he miye nakaš.

2 Okihpapi mitawa kin yapatanpi kta, qa tipi wakan mitawa yakinihanpi kta.

3 Wokage mitawa omayanipi, qa mitawoahope yapatanpi qa ecen ecanonpi kinhan,

4 Iyehantu eca amagaju ciciyapi kta, unkan maka kta taku aicage kta iyececa qu kta, qa waskuyeca can kin tawaskuyeca kin qu kta.

5 Hecen wonapanpi nitawa kin hastanhanka yušpipi kin iyohi kta, qa hastanhanka yušpipi kin wojupi kte cin iyohi kta, qa aguyapi imnahan yahdutapi kta, qa nitamakocepi ohna okope wanin ounyayapi kta.

6 Unkan makoce ohna wookiye waqu kta, hecen makan inonkapi eca yušinye niyanpi wanice kta, qa makoce nitawa etanhan wamanica šica enawakiye kta, qa ozuye nitamakoce kin omanipi kte šni.

7 Unkan toka niyanpi kin wicayakuwapi kta, unkan nitokam canłipi on hicahanpi kta.

8 Unkan niyepi etanhan wicašta zaptan wicašta opawinge tawicapapi kta, qa niyepi etanhan opawinge wanjidan kektopawinge wikcemna wicapasipi kta, qa tokaniyanpi nitokam canłipi on hicahanpi kta.

9 Unkan acitonwanpi kta, qa icahiciyapi, qa ciyuotapi kta, qa wicotakuye nicipi wahdusuta kta.

10 Hecen tannina šeca kin yatapi kta, qa teca on tannina kin tankan hiyuyayapi kta.

11 Unkan niyepi ehna tipi mitawa ewahde kte, qa minagi hitinihdapi kte šni.

12 Qa niyepi ehna mawani kta, qa taku wakan yadapi kin he miye kta, qa oyate mitawa kin he niyepi kta ;

13 Jehowa wakan yadapi, Egu-pta makoce etanhan hdiinanpe niyanpi kin he miye, qa wowidag niyanpi kte šni, heon wičin ičaške nitawapi kin wapaksa, qa bosdan maniciyapi.

14 Tuka namayahonpi šni, qa mitawoahope kin dena owasin ecen ecanonpi šni kinhan ;

15 Qa wokage mitawa ihayaktapi šni kinhan, qa ninagipi woyaco mitawa hitihdapi on mitawoahope owasin ecen ecanonpi šni, hecen wicotakuye mitawa duksapi kinhan,

16 Miš eya hecen ecaciconpi kta, woyušinye, qa wašinkte, qa tancan kata yuhe niyanpi waši kta, hena ništapi kin sotapi, qa ninagipi kin skan niyanpi kta, hecen wojupi nitawapi taku šni on oyajupi kta, qa toka niyanpi kin he yutapi kta.

17 Qa miite acihnakapi kta, qa toka niyanpi kin nicaštakapi kta, qa wicašta šice nidapi kin hena wowidag niyanpi kta, qa tuwedan nipasipi šni ešta nayajicapi kta.

18 Unkan hena on etanhan nayahonpi šni kinhan, sanpa šakowin akihde wayahtanipi on iyopeciayapi kta.

19 Qa nitowašakapi on wahaničidapi kin wakakse kta, qa malipiya nitawapi maza sapa iyececa, qa maka nitawapi kin mazaša iyececa wakage kta.

20 Qa nitowašakapi kin taku šni on sote kta, qa nitamakoce kin takudan aicage kte šni, qa makoce can kin tawaskuyeca kin icahyapi kte šni.

21 Unkan makipajinyan mayanipi, qa namañon tawañen yayapi

šni kinhan, ake šakowin akihde cicaštakapi kta, wayahtanipi kin iyececa.

22 Qa tinta wamanica kin nitatpe yewaye kta, unkan nicincapi yasotapi kta, qa nitawanunyanpi kin yaťapi kta, hecen niyatona-napi kta, qa canku nitawapi kin tuwedan omani kte šni.

23 Unkan hena on miye en nihducetupi šni, qa makipajinyan mayanipi kinhan ;

24 Hehan miš eya cicipajinpi kta, qa nakun miš wayahtanipi kin on šakowin akihde cicaštakapi kta.

25 Qa canhipi wan anihiyu waye kta, he wicotakuye mitawa oyapapi šni tokicon kta, hecen otonwe tanka nitawapi en kataihe-yayapi kta, unkan niyepi ehna makosiće yewaye kta, qa toka niyanpi kin napepi en cičupi kta.

26 Unkan aguyapi sagye cica-ksapi kinhan winohinca wikcemna maķacega wanjidani ohna aguyapi nitawapi kin španyanpi kta, qa aguyapi nitawapi tkeutapi eciyatanhan ničupi kta, unkan wayatapi kta, tuka inimnapi kte šni.

27 Unkan he on namayahonpi šni, qa mayakipajinpi kinhan,

28 Hehan wocanksiya cicipajinpi kta, qa ake miš eya šakowin akihde wayahtanipi on cicaštakapi kta.

29 Unkan nicinkšipi celhipi kin yatapi kta, qa nicunkšipi celhipi kin yatapi kta.

30 Unkan paha tehanwankan-tuya nitawapi kin wapajuju kta, qa anpetu wi kagapi nitawa wakawanke kta, qa nitancan řapi kin wakagapi nitawapi řapi akan wehnake kta, qa minagi kin wahtenidapi kte šni.

31 Qa otonwe nitawapi hewoskan wakage kta, qa tipi wakan

nitawapi otiwota wakage kta, qa izinyapi waštemna nitawapi owamna kte šni.

32 Qa miš makoce kin hewoskan wakage kta, hecen toka niyanpi kin he en onnyanpi kin yušinyayapi kta.

33 Qa niyepi ikcewicašta ehna enanakiya iyaye ciyapi kta, qa nihakam isan wahdušdoke kta, qa makoce nitawapi kin hewoskantu kta, qa otonwe nitawapi kin tuwedan oti kte šni.

34 Hecen makoce kin tookilipapi kin iyokipi kta, tona can hewoskan, qa niyepi toka niyanpi tamakocepi en dukanpi behanyan makoce okilipe kta, qa tookilipapi kin iyokipi kta.

35 Akan onnyayapi qehan okilipapi tawa icunhan okilipe šni, he on anpetu tona hewoskan okilipe kta.

36 Unkan niyepi etanhan tona iyahanpi nicantepi wankapidan wakage kta, tokaniyanpi tamakocepi kin ohna; canwapa hapa hoton nicalhapapi kta, qa canhipi etanhan najicapi iyecen nayajicapi kta, qa nihicalhanpi kta, tuwedan nicuwapi šni ešta.

37 Qa iyahdaskin nihinlipayapi kta, canhipi etanhan najicapi iyecen tuwedan nipasipi šni ešta, qa toka niyanpi itokam najin oyakhipi kte šni.

38 Qa Ikcewicašta ehna aniwihunipi kta, qa toka niyanpi tamakocepi kin niyasotapi kta.

39 Qa niyepi etanhan tona ihanpi kin hena šicaya ohanyanpi kin en skanpi kta, toka niyanpi tamakocepi ohna, qa nakun hunkake wicayapi šicaya ohanyanpi en skanpi kta.

40 Hehan iye šicaya ohanyanpi kin, qa hunkakepi šicaya ohanyanpi kin ohdakapi kta, woki-

pajin on makipajinpi, qa nakun token makiza manipi;

41 Nakun miš wicakipajinyan mawani, qa toka wicayapi tamakocepi en awicamda, hehan cantepi bakilidayapi šni ihduhukuyapi kinhan, qa šicaya ohanyanpi on šitkiydayapi iyowin kiyapi kinhan;

42 Hehan wicotakuye mitawa Jakob kici weksuye kta, qa wicotakuye mitawa Izak kici qa wicotakuye mitawa Abereham kici weksuye kta, qa makoce kin weksuye kta.

43 Unkan makoce kin ehpeyapi kin, qa tookilipapi on iyuškin kta, hena en unpi šni icunhan, unkan iye wahtanipi šitkiydayapi kin iyowinkiyapi kta, woyaco mitawa ihaktapi šni, qa nagipi kin wokage mitawa wahtedapi šni kin he on etanhan.

44 Takomni tokawicayapi tamakocepi ohna yakonpi ešta ehpe wicawakiye kte šni, qa ihangwicaye kta, qa wicotakuye wicawecicage cin wahdujuju kta e hitiwicawalda kte šni, Jehowa wakandapi kin he miye.

45 Tuka iyepi on wicotakuye hunkakewicayapi Egipta makoce etanhan wakanmadapi kta e inanpe wicawaye cin he ikcewicašta wanyakapi hena om wicotakuye weksuye kta, Jehowa he miye.

46 Wokage, qa woyaco, qa wooppe Jehowa Sina lie ekta, Mowis nape eciyatanhan, iye qa Israel cinca otahedan wicaqu kin hena ee.

WICOWOYAKE 27.

1 Unkan Jehowa ie ça Mowis heciya;

2 Israel cinca kin hecen ewicakiya wo; Wicašta wan tuwe hdu-

kinukan kta içiconze cinhan, token nagi niyawapi kin Jehowa qu kta.

3 Unkan hecen niyawapi kta, wica wan waniyetu wikcemna nonpa etanhan wikcemna şakpe aiyahdeya mazaska şeqel wikcemna zaptan niyawapi kta, tipi wakan şeqel iyececa.

4 Tuka he winyan hecinhan şeqel wikcemna yamni niyawapi kta.

5 Unkan waniyetu zaptan etanhan waniyetu wikcemna nonpa aiyahdeya, wica kinhan şeqel wikcemna nonpa niyawapi kta, qa winyan ege şeqel wikcemna.

6 Unkan wi wanjidhan etanhan waniyetu zaptan aiyahdeya niyawapi kinhan wica kin mazaska şeqel zaptan, qa winyan ege mazaska şeqel yamni niyawapi kta.

7 Unkan waniyetu wikcemna şakpe etanhan, qa iwankapathanhan, wica kinhan şeqel wikcemna sanpa zaptan niyawapi kta, qa winyan ege şeqel wikcemna.

8 Tuka taku niyawapi kin iyohiye şni kinhan, wawayuşna kin itokam inajin kta, unkan wawayuşna kin he yawa kta, tuwe içiconze taku nape kin iyohiye cin he wawayuşna kin iyukcan kta.

9 Unkan wanunyanpi etanhan woahi Jehowa kahipi kin hena etanhan taku qu kin owasin Jehowa on wakan kta.

10 He yutokeca kte şni, qa waşte şica on tokiyopeye kte şni, qa nakun şica waşte on, qa wanunyanpi wan wanunyanpi tokeca on tokiyopeye kte cinhan sakim wakan kta.

11 Unkan wanunyanpi şapa etanhan woahi Jehowa kahipi şni hena owasin etanhan kinhan,

wanunyanpi kin he wawayuşna kin itokam najin kiye kta.

12 Unkan wawayuşna kin he niciyawa kta, waşte qa şica unman tukte kašta, token wawayuşna kin he niciyawa kinhan, hecetu kta.

13 Unkan he opekiton kte cinhan, token niciyawapi, qa nakun sanpa izaptan qu kta.

14 Unkan wicašta wan Jehowa on wakan kta tipi kin hduwakan kte cinhan, wawayuşna kin he waşte qaiş şica iyawa kta, qa token wawayuşna niciyawa kinhan, hecetu kta.

15 Unkan tuwe tipi hduwakan kin he opekiton kte cinhan, token kiciyawapi, qa nakun sanpa izaptan qu kta, hehan hduhe kta.

16 Unkan wicašta wan maga tawaye cin etanhan onşpa Jehowa on hduwakan kte cinhan, su on wojupi kin eciyatanhan niciyawapi kta, Barle Homer wan woju iyohiye kte cin he mazaska şeqel wikcemna zaptan niciyawapi kta.

17 Unkan Jubele waniyetu etanhan maga hduwakan, token niciyawapi kin hecetu kta.

18 Unkan Jubele iyohakam maga hduwakan kinhan niciyawapi qon etanhan yuaoptetu kta, qa wawayuşna kin waniyetu tona Jubele waniyetu iyehantu eciyatanhan mazaska kiciyawa kta.

19 Unkan tuwe maga hduwakan kin he opekiton kte cinhan, mazaska niciyawapi qa nakun he kici izaptan qu kta, hecen eki-cetupi kta.

20 Unkan maga kin opekiton kte şni, ecen wicašta tokeca maga kin he opeton kinhan, icimanna opekiton kte şni.

21 Qa maga kin he wakan kta, Jubele kinhan tankan ye kte şni, Jehowa tawa kta, maga yuwa-

kanpi hinca iyececa, wawayuśna kin he tawaye kta.

22 Unkan maga wan opetonpi, qa hunkakewicaye cin etanhan maga kin he tawaye śni, he yuwakan kta, qa Jehowa qu kte cinhan ;

23 Wawayuśna niciyawapi kin eciyatanhan. Jubele waniyetu iyehantu kin taku iyehantu kiciyawa kta, unkan anpetu kin he en token niciyawapi qu kta, he wakan Jehowa tawa.

24 Jubele waniyetu kinhan maga tuwe etanhan opetonpi kin he ekta hdi kta, wicaśta makoce tawaye ciqon he ekta.

25 Taku niciyawapi kin owasin tipi wakan ŕeqel eciyatanhan, omnica wikcemna nonpa ŕeqel wanjidan kta.

26 Tokeśta woteca tokaheya wiconpi kin he Jehowa tawa, heon tokaheya wiconpi kin he tuwedan yuwakan kte śni, he pte qaiś tahinca unman tukte kaśta Jehowa tawa.

27 Unkan woteca śapa heca opekiton kte cinhan niciyawapi iyecen he izaptan kici qu kta, qa opekiton kte śni kinhan wiyopeyapi kta, niciyawapi kin iyecen.

28 Tokeśta taku yuwakanpi hinca, taku wicaśta wan Jehowa

ekta yuwakan hinca kin, taku tawaye cin owasin etanhan wicaśta, qa wanunyanpi etanhan, qa maga tawaye cin etanhan he wiyopeyapi kte śni, qa opekitonpi kte śni, taku yuwakanpi hinca kin he owasin Jehowa tawa, wakan hinca.

29 Wicaśta tona wicayuwakanpi hinca kin hena opewicakitonpi kte śni, tuwe yuwakanpi hinca kin he ŕe kta.

30 Unkan maka taku aicage cin iwikcemna kin maka ojupi etanhan, qa can waskuyeca etanhan, he owasin Jehowa tawa, he Jehowa on wakan.

31 Unkan wicaśta wan iwikcemna kin etanhan taku opekiton kte cinhan, iyehantu, qa nakun kici izaptan kin qu kta.

32 Unkan, pte qa tahinca iwikcemna kin owasin tona cansakadan ihukuya iyoptapi kin hena owasin iwikcemna kin Jehowa on wakan kta :

33 Waśte qaiś śica unmanna on kalnige kte śni qa he yutokeca kte śni, qa tokiyopekiya eśta he, qa wanji on tokiyopekiyapi koya wakan kta, opekiton kte śni.

34 Sina he ohna Israel cinca on Jehowa Mowis woahope qu kin hena ee.

Number 4
Wā tawai (TE)

WICAYAWAPI.

WICOWOYAKE 1.

1 Unkan Egipta makoce etanhan hdiNapapi kin waniyetu inonpa wi inonpa anpetu tokaheya en, Sina hōpuze cin ohna, itkōkipapi wakeya ohna, Jehowa ie, ʻa Mowis heciya.

2 Israel cinca omniciye ocowasin pa kin wicayawapo, wicowazipi iyecen, ateyapi tipi kin iyecen wicapa kin owasin cajepi yawapi iyecen.

3 Waniyetu wikcemna nonpa etanhan qa aktonpi, Israel ohna wica tona ozuye yapi, niye, qa Aaron wicadawapi kta, obe tawapi kin iyecen,

4 Unkan wicoun otoiyo hi etanhan wicašta wan niyepi om un kta, wicašta ateyapi tipi itancan heca.

5 Unkan wicašta niyepi om najinpi kta, wicasta cajepi kin dena eepi, Ruben etanhan Elitzur Sēdeur cinhintku.

6 Simeon etanhan Šelumiel Tzurišada cinhintku.

7 Juda etanhan Našōn Aminadab cinhintku.

8 Isakar etanhan Netaneel Tzuar cinhintku.

9 Zūbulun etanhan Eliab Helon cinhintku.

10 Josep cinca etanhan, Epraim etanhan, Elišama Amihud cinhintku, Manaše etanhan Gamaliel Pedatzur cinhintku.

11 Benjamin etanhan Abidan Gideoni cinhintku.

12 Dan etanhan Ahiezer Amišada cinhintku.

Num.

13 Ašer etanhan Pagiel Okran cinhintku.

14 Gad etanhan Eleasap Deuel cinhintku.

15 Neptali etanhan Ahira Enan cinhintku.

16 Omniciye etanhan hena wicakicopi, ateyapi wicoun wicašta yatapi kin, Israel kektopawinge itancan hecapi.

17 Unkan Mowis qa Aaron wicašta caje wicayatapi qon hena icupi.

18 Qa wi inonpa anpetu tokaheya en, omniciye owasin yuwitaya hiyu wicayapi, unkan tuwe we etanhan tonpi kin ohdakapi, wicowazipi iyecen, ateyapi tipi on, waniyetu wikcemna nonpa aktonpi caje wicayawapi, wicapa owasin.

19 Qa Sina hōpuze ohna wicayawapi, Jehowa Mowis hecon ši kin he iyecen.

20 Unkan Israel cinhintku tokapa Ruben cinca kin token wicatonpi wicowazipi iyecen, qa ateyapi tipi kin iyecen caje wicayawapi wicapa kin iyecen, wica waniyetu wikcemna nonpa aktonpi owasin, tona ozuye yapi owasin;

21 Ruben wicoun etanhan [kektopawinge wikcemna topa sanpa opawinge zaptan wicayawapi.

22 Unkan Simeon cinca etanhan token wicatonpi, wicowazipi iyecen, qa ateyapi tipi kin iyecen, caje wicayawapi wicapa iyecen, wica waniyetu wikcemna nonpa aktonpi owasin, tona ozuye yapi owasin.

23 Simeon wicoun etanhan kektopawinge wikcemna zaptan sanpa kektopawinge napcinwan-ka sanpa opawinge yamni wicayawapi.

24 Unkan Gad cinca etanhan token wicatonpi, wicowazipi iyecen, ateyapi tipi kin iyecen, caje wicayawapi wica waniyetu wikcemna nonpa aktonpi, tona ozuye yapi owasin ;

25 Gad wicoun etanhan kektopawinge wikcemna topa sanpa kektopawinge zaptan sanpa opawinge šakpe sanpa wikcemna zaptan wicayawapi.

26 Juda cinca etanhan token wicatonpi wicowazipi iyecen, ateyapi tipi kin iyecen, caje wicayawapi waniyetu wikcemna nonpa aktonpi, tona ozuye yapi owasin ;

27 Juda wicoun etanhan kektopawinge wikcemna šakowin sanpa kektopawinge topa sanpa opawinge šakpe wicayawapi.

28 Isakar cinca etanhan token wicatonpi wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

29 Isakar wicoun etanhan kektopawinge wikcemna zaptan sanpa kektopawinge topa sanpa opawinge topa wicayawapi.

30 Zebulun cinca etanhan token wicatonpi wicowazipi iyecen, ateyapi tipi kin iyecen waniyetu wikcemna nonpa aktonpi caje wicayawapi, tona ozuye yapi owasin ;

31 Zebulun wicoun etanhan kektopawinge wikcemna zaptan sanpa kektopawinge šakowin sanpa opawinge topa wicayawapi.

32 Josep cinca etanhan Epraim cinca etanhan token wicatonpi

wicowazipi iyecen, ateyapi tipi kin iyecen, waniyetu wikcemna nonpa aktonpi, caje wicayawapi, tona ozuye yapi owasin ;

33 Epraim wicoun etanhan kektopawinge wikcemna topa sanpa opawinge zaptan wicayawapi.

34 Manaše cinca etanhan, token wicatonpi wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

35 Manaše wicoun etanhan kektopawinge wikcemna yamni sanpa kektopawinge nonpa, sanpa opawinge nonpa wicayawapi.

36 Benjamin cinca etanhan token wicatonpi, wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin :

37 Benjamin wicoun etanhan kektopawinge wikcemna yamni sanpa kektopawinge zaptan sanpa opawinge topa wicayawapi.

38 Dan cinca etanhan token wicatonpi, wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

39 Dan wicoun etanhan kektopawinge wikcemna šakpe sanpa kektopawinge nonpa sanpa opawinge šakowin wicayawapi.

40 Ašer cinca etanhan token wicatonpi wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

41 Ašer wicoun etanhan kektopawinge wikcemna topa sanpa kektopawinge wanjidan sanpa opawinge zaptan wicayawapi,

42 Neptali cinca etanhan token

WICOWOYAKE 2.

wicatonpi wicowazipi iyecen, ateyapi tipi kin iyecen, waniyetu wikcemna nonpa aktonpi caje wicayawapi, tona ozuye yapi owasin ;

43 Neptali wicoun etanhan kektopawinge wikcemna zaptan sanpa kektopawinge yamni sanpa opawinge topa wicayawapi.

44 Mowis qa Aaron qa Israel itancan wikcemna sanpa nonpa ateyapi tipi otoiyo hi etanhan wicasta wanjidan, hena wicayawapi.

45 Hecen Israel cinca kin ateyapi tipi kin iyecen, tona wicayawapi, waniyetu wikcemna nonpa aktonpi, Israel ohna tona ozuye yapi kin owasin ;

46 Tona wicayawapi owasin kektopawinge opawinge sakpe sanpa kektopawinge yamni sanpa opawinge zaptan sanpa wikcemna zaptan eepi.

47 Tuka Lewi kin ateyapi wicoun iyecen hena om wicayawapi sni.

48 Nakaš Jehowa Mowis hecen eciye cigon ;

49 Ihnunhan Lewi wicoun kin wicadawa kin, qa hena oyawa kin Israel cinca kin wicahna aokiju yaye kte sni.

50 Tuka niye Lewi kin wayaatanin tipi kin, qa tawaksica owasin, qa taku ohna un kin owasin yuhe wicayakiye kta. Hena tipi kin he, qa waksica tawa owasin qinpi kta, qa he kicanyanpi kta, qa tipi kin he ihduksan etipi kta.

51 Ihdakapi eca Lewi kin tipi kin yujupipi kta, qa etipi eca Lewi kin tipi kin piya iticagapi kta. Unkan tuwe tokeca ikiyedani hi kinhan te yapi kta.

52 Unkan Israel cinca kin otoiyo hi wicobe iyecen wicoti tawa, qa wiyokiye tawa ekta ti kta.

53 Tuka Lewi kin wayaatanin tipi kin ihduksan etipi kta, hecen Israel cinca omniciye kin wocanniye awicahinhpaye kte sni, Lewi kin wayaatanin tipi awanyag wicasipi kin he iyecen awanyakapi kinhan.

54 Unkan Israel cinca kin token Jehowa Mowis econpi kta eciye cin he iyecen taku owasin econpi.

WICOWOYAKE 2.

1 Unkan Jehowa ie qa Mowis, qa Aaron hewicakiya.

2 Israel cinca kin otoiyo hi wiyokiye tawa ekta, ateyapi tipi wiyokiyedan kin icahda wakeya iticage kta, itkokipapi wakeya ihduksan owasin wakeya iticagapi kta.

3 Unkan he itokam wi hinape ektakiya Juda wicoti wiyokiye kin obe tawapi kin iyecen wakeya iticagapi kta. Unkan Nalison Aminadab cinhintku kin Juda cinca itancan kin hee.

4 Qa obe tawa kektopawinge wikcemna sakowin sanpa kektopawinge topa sanpa opawinge sakpe wicayawapi.

5 Unkan he icahda Isakar wicoun tipi kta, qa Isakar cinca itancan kin Netanael Tzuar cinhintku kin hee.

6 Qa obetawa kektopawinge wikcemna zaptan sanpa kektopawinge topa sanpa opawinge topa wicayawapi.

7 Hehan Zebulun wicoun, qa Zebulun cinca itancan kin Eliab Helon cinhintku kin hee.

8 Qa obe tawa kektopawinge wikcemna zaptan sanpa kektopawinge sakowin sanpa opawinge topa wicayawapi.

9 Juda wicoti wicayawapi owasin kektopawinge opawinge san-

WICAYAWAPI,

pa kektopawinge wikcemna śahdogan sanpa kektopawinge śakpe sanpa opawinge topa wicayawapi.

10 Ruben wicoti wiyokiye kin wiyotanhan ektakiya tipi kta, obe tawapi kin iyecen, qa Ruben cinca itancan kin Elitzur Śe-deur cinhintku kin hee.

11 Qa obe tawa kektopawinge wikcemna topa sanpa kektopawinge śakpe sanpa opawinge zaptan wicayawapi.

12 Unkan he icahda Simeon wicoun tipi kta, qa Simeon cinca itancan kin Selumiel Tzuriśada cinhintku kin hee.

13 Qa obe tawa kektopawinge wikcemna zaptan sanpa kektopawinge nappcinwanka sanpa opawinge yamni wicayawapi.

14 Hehan Gad wicoun, qa Gad cinca itancan kin Eliasap Reuel cinhintku kin hee.

15 Qa obe tawa kektopawinge wikcemna topa sanpa kektopawinge zaptan sanpa opawinge śakpe sanpa wikcemna zaptan wicayawapi.

16 Ruben om tipi wicayawapi owasin kektopawinge opawinge sanpa kektopawinge wikcemna zaptan sanpa kektopawinge wanjidan, sanpa opawinge topa sanpa wikcemna zaptan, obe tawapi kin iyecen, qa hena inonpa ihdakapi kta.

17 Hehan itkokipapi wakeya kin ihdake kta, Lewi wicoti om wicoti cokaya, token tipi kin he iyecen ihdakapi kte, otoiyo hi oyanke tawa ohna wiyokiyepi om.

18 Epraim wiyokiye obe tawapi kin iyecen wiyohpeyata ektakiya tipi kta, qa Epraim cinca itancan kin Eliśama Amihud cinhintku kin hee.

19 Qa obe tawa kektopawinge

wikcemna topa sanpa opawinge zaptan wicayawapi.

20 Qa he icahda Manaśe wicoun, qa Manaśe cinca itancan kin Gamaliel Pedatzur cinhintku kin hee.

21 Qa obe tawa kektopawinge wikcemna yamni sanpa kektopawinge nonpa sanpa opawinge nonpa wicayawapi.

22 Hehan Benjamin wicoun etipi kta, qa Benjamin cinca itancan kin Abidan Gideoni cinhintku kin hee.

23 Qa obe tawa kektopawinge wikcemna yamni sanpa kektopawinge zaptan sanpa opawinge tapa wicayawapi.

24 Epraim wicoti om wicayawapi owasin kektopawinge opawinge sanpa kektopawinge śahdogan sanpa opawinge wanjidan, obe tawapi kin iyecen, qa hena iyamni ihdakapi kta.

25 Dan wiyokiye waziyata ektakiya tipi kta obe tawapi kin iyecen, qa Dan cinca itancan kin Ahiezer Amiśada cinhintku kin hee.

26 Qa obe tawa kektopawinge wikcemna śakpe sanpa kektopawinge nonpa sanpa opawinge śakowin wicayawapi.

27 Unkan he icahda tipi kin dena eepi; Aśer wicoun, qa Aśer cinca itancan kin Pagieli Okran cinhintku kin hee.

28 Obe tawa kektopawinge wikcemna topa sanpa kektopawinge wanjidan sanpa opawinge zaptan wicayawapi.

29 Qa Naptali wicoun kin, qa Naptali cinca itancan kin Ahira Enan cinhintku kin hee.

30 Qa obe tawa kektopawinge wikcemna zaptan sanpa kektopawinge yamni sanpa opawinge topa wicayawapi.

31 Dan wicoti wicayawapi owa-

WICOWOYAKE 3.

sin kektopawinge opawinge sanpa kektopawinge wikcemna zaptan sanpa kektopawinge šakowin sanpa opawinge šakpe hena ehake ihdakapi kta, wiyokiye tawapi kin iyahna.

32 Israel cinca ate wicayapi tipi ecekcn hena wicayawapi, obe tawapi kin ohnahna, wicoti owancaya denakeca wicayawapi, kektopawinge opawinge šakpe sanpa kektopawinge yamni sanpa opawinge zaptan sanpa wikcemna zaptan.

33 Tuka Lewi kin hena Israel cinca wicehna wicayawapi šni, Jehowa Mowis hecen econ ší nakaes.

34 Unkan token Jehowa Mowis econ ší kin owasin he iyecen Israel cinca kin econpi, hecen wiyokiye tawapi kin icahda iticagapi, qa hecen otoiyo hi wicotakuye tawa kin iyecen atewicaya tipi kin om ihdakapi.

WICOWOYAKE 3.

1 Unkan Aaron, qa Mowis wicoicage kin dee, Sina he kin ohna Jehowa Mowis kici wohdake cehan.

2 Aaron cinca kin cajepi kin dena eepi, Cinhintku tokapa Nadab, hehan Abihu, Eleazar, qa Itamar.

3 Aaron cinca sda wicayapi cajepi kin hena eepi, hena wošna kagapi kta e nape ojun wicayapi.

4 Tuka Nadab, qa Abihu Jehowa itokam tapi Sina hopuze cin ohna, peta tokeca Jehowa itokam hiyuyapi qehan, qa cinca nicapi. Unkan Eleazar qa Itamar wawayušnapi ateyapi Aaron itokam.

5 Unkan Jehowa ie ça Mowis heciya,

6 Lewi wicoun kin awicahi wo, qa Aaron wawayušna kin itokam najin wicayakiye kta, hecen okiyapi kta.

7 Qa iye taku awanyake kte cin, qa omniciye owasin taku awanyakapi kte cin he awanyakapi kta, itkokipapi wakeya itokam, qa tipi tohtani kin econpi kta.

8 Qa itkokipapi wakeya wakšica kin owasin awanyakapi kta, nakun Israel cinca kin toawayake kin owasin, hecen tipi tohtani kin econpi kta.

9 Qa Lewi kin taku qupi wan iyecen Aaron qa iye cinca kin wicayaqu kta, Israel cinca kin wicehna tanhan hena iye wicakicupi kta.

10 Unkan Aaron qa iye cinca kin hena yuhe wicayaši kta, unkan wawayušnapi kin awanyakapi kta, unkan tuwe tokeca ikiyedan hi kinhan țeyapi kta.

11 Unkan Jehowa ie ça Mowis heciya.

12 Iho miš Israel cinca wicehna tanhan Lewi kin iwicawacu, Israel cinca tokapapi, tona winyan tamni nahdoke cin owasin hena eekiya, hecen Lewi kin wicamduhe kta.

13 Tona tokapa kin owasin mitawa, Egupta makoce ohna tona caske owasin awicawape cin anpetu kin he en Israel wicehna wicašta, qa woteca tona caske owasin mici wahduwakan, hena mitawa kta, Jehowa he miye.

14 Unkan Sina hopuze cin ohna Jehowa ie ça Mowis heciya.

15 Lewi cinca ateyapi tipi kin iyecen, wicowazipi iyecen, tona wica owasin wicayawa wo, wi wanjidan aktonpi wicadawa kta.

16 Unkan Jehowa i kin eciya-

WICAYAWAPI,

tanhan token econ ši kin he iyecen Mowis wicayawa.

17 Unkan Lewi cinca cajepi kin dena eepi, Gerson, qa Qohat, qa Merari.

18 Qa Gerson cinca cajepi kin wicowazipi iyecen, dena eepi Libni, qa Simeï.

19 Unkan Qohat cinca kin wicowazipi iyecen, Amram qa Itzar, Hebron qa Uziel.

20 Unkan Merari cinca kin wicowazipi iyecen, Mahli qa Musi, Lewi ateyapi tipi wicowazipi kin dena eepi.

21 Gerson etanhan Libni wicowazi, qa Simeï wicowazi; Gersoni wicowazi hena eepi.

22 Hena wicayawapi tona wica waniyetu wanjidan aktonpi owasin kektopawinge šakowin sanpa opawinge zaptan.

23 Gersoni wicowazi tipi catku tanhan wiyohpeya ektakiya etipi kta.

24 Qa Gersoni ateyapi tipi itancan kin Eleasap Lael cinhintku kin hee.

25 Qa itkokipapi wakeya etanhan Gersoni cinca taku awanyakapi kte cin dee, tipi kin, qa wakeya kin, qa toakalpe kin, qa itkokipapi wakeya tiyopa akalpe cin.

26 Qa hocoka ozanpi kin, qa hocoka tiyopa akalpe cin, he tipi kin qa wahna wošnapi ihdukšan yanka, nakun ikanyanpi kin owasin.

27 Unkan Qohat etanhan Amrami wicowazi, qa Itzar wicowazi, Hebroni wicowazi, qa Uzieli yicowazi; Qohati wicowazi kin hena eepi.

28 Wi wanjidan aktonpi kin wica owasin, kektopawinge šahdogan sanpa opawinge šakpe, tipi wakan wokicanye kin awanyakapi.

29 Qohat cinca wicowazi kin tipi icahda, wiyotanhan ektakiya etipi kta.

30 Qa Qohati wicowazi ateyapi tipi itancan kin Elitzapan Uziel cinhintku kin hee.

31 Qa hena can wohbaka kin, qa wahna wotapi kin, qa petijanjan ihupa kin, qa wahna wošnapi kin, qa tipi wakan tawakšica kin hena on tohtani econpi kin, qa taku on kicanyanpi owasin, qa tiyopa akalpe kin.

32 Unkan Lewi itancan itancanpi kin Aaron wawayušna cinhintku kin Eleazar hee kta, iye tipi wakan awanyakapi kin hena awanwicayake kta.

33 Merari etanhan Mahli wicowazi kin qa Musi wicowazi kin; Merari wicowazi kin hena eepi.

34 Wica owasin wi wanjidan aktonpi kektopawinge šakpe sanpa opawinge nonpa.

35 Qa Merari ateyapi tipi wicowazipi itancan kin Tzuriel Abihael cinhintku kin hee; hena waziyata ekta kiya tipi kta.

36 Unkan Merari cinca kin tipi canmdaska kin, qa can hdakin-yan kin, qa can bosdata kin, qa sicu kin, qa tawakšica kin owasin, qa taku on kicanyanpi kin owasin awanyag wicayaši kta.

37 Nakun hocoka ihdukšan can bosdata kin, qa sicupi kin qa wihutipaspepi kin, qa ikanpi kin owasin.

38 Unkan Mowis qa Aaron qa iye cinca kin tipi itokam wiyohiyanpa ektakiya, itkokipapi wakeya itokam wi hinanpa ektakiya etipi kta, Israel cinca kin tipi wakan awanyakapi kin hena awanyakapi kta, qa tuwe tokeca ikiyedan hi kinhan te yapi kta.

39 Lewi kin Jehowa i eciyatanhan Mowis qa Aaron wicayawa-

WICOWOYAKE 4.

pi owasin wicowazipi iyecen, wica wi wanjidan aktonpi wicayawapi owasin kektopawinge wikcemna nonpa sanpa kektopawinge nonpa.

40 Unkan Jehowa Mowis heciya, Israel cinca caskepi owasin wicayawa wo, wi wanjidan aktonpi kin hena, qa cajepi oyawa icu wo.

41 Qa Jehowa he miye, heon Israel cinca caskepi owasin hee kiya Lewi kin imicicu wo, qa Israel cinca tawanunyanpi caskepi owasin hee kiya Lewi tawanunyanpi kin ;

42 Unkan Mowis Israel cinca caskepi owasin wicayawa, Jehowa hecon ši kin he iyecen.

43 Unkan caskepi owasin wi wanjidan aktonpi, cajepi wicayawapi iyecen, kektopawinge wikcemna nonpa sanpa kektopawinge nonpa sanpa wikcemna šakowin sanpa yamni wicayawapi.

44 Unkan Jehowa ie ça Mowis heciya,

45 Lewi kin iwicacu wo, qa Lewi tawanunyanpi Israel cinca caskepi, qa tawanunyanpi hee kiya, hecen Lewi kin mitawa kta.

46 Qa Israel cinca caskepi opawinge nonpa sanpa wikcemna šakowin sanpa yamni Lewi kin isanpa hena ope wicakitonpi kta.

47 Hena otioyohi etanhan pa wicayawapi kin iyecen šeqel zaptan, tipi wakan šeqel iyecen iyacu kta. Šeqel wanjidan omnica wikcemna nonpa hec.

48 Qa wicayawapi iyaye cin mazaska on ope wicatonpi kin he Aaron qa iye cinca kin wicayaqu kta.

49 Unkan Mowis Lewi ope wicakitonpi sanpa iyayapi kin hena

etanhan mazaska on opeiçitonpi kin he icu.

50 Israel cinca caskepi etanhan mazaska kin icu, šeqel kektopawinge wanjidan sanpa opawinge yamni sanpa wikcemna šakpe sanpa zaptan tipi wakan šeqel iyececa.

51 Qa Mowis mazaska on ope wicakitonpi kin he Aaron qa iye cinca kin wicayu ; Jehowa i kin eciyatanhan Jehowa Mowis, cconši kin he iyecen.

WICOWOYAKE 4.

1 Unkan Jehowa ie ça Mowis qa Aaron hewicakiya.

2 Lewi cinca wicchna tanhan Qohat cinca kin tonaka wicayawa wo, wicowazipi iyecen, ateyapi tipi kin iyecen.

3 Waniyetu wikcemna yamni aktonpi, qa waniyetu wikcemna zaptan aiyahdeya, tona itkokipapi wakeya wolhtani econpi kta e obe en opapi owasin.

4 Qa Qohat cinca wolhtani econpi kta dee, itkokipapi wakeya ohna taku wakan linca.

5 Wicoti ihdakapi kte cinhan Aaron qa iye cinca kin en hipi kta, qa cokaya ozanpi woakalipe kin kun icupi kta, qa he on woyaatanin can wohnake kin akalipapi kta.

6 Qa he iwankam hoka ha woakalipe wan ehnakapi kta, qa he iwankam šina wan ocowašin to ayumdayapi kta, qa tošu kin en iyeyapi kta.

7 Qa wahna wotapi itokam hnakapi akan šina to wan ayumdayapi kta, qa he akan wakšica kin, qa maza tukiha kin, qa wiyatke kin, qa cega etanhan wakanyan kaštanpi kin chnakapi kta, qa aguyapi ohunniyan kin he akan yanke kta.

8 Qa hena akan sina duta wan ayumdayapi kta, qa hoka ha woakalipe wan on akahpapi kta, qa can akiyuhapi kin wiyeya kagapi kta.

9 Qa sina to wan icupi kta, qa petijanjan ihupa kin, qa petijanjan kin, qa petijanjan iyukse kin, qa ohna cahota icupi kin, qa wihdi waksica on he kicanyanpi owasin akahpapi kta.

10 Qa he qa tawasica owasin hoka ha ojuha wan en ohnakapi kta, qa can akiyuhapi wan akan ikoyag yapi kta.

11 Qa mazaskazi wahna wošnapi akan sina to wan ayumdayapi kta, qa hoka ha woakalipe wan on akahpapi kta, qa can akiyuhapi kin he ikoyag yapi kta.

12 Qa waksica kicanyanpi, tipi wakan ohna taku econpi kin hena owasin icupi kta, qa sina to wan akan ehnakapi kta, qa hoka ha ojuha wan en iyeyapi kta, qa can akiyuhapi wan akan ikoyag yapi kta.

13 Qa wahna wošnapi etanhan cahota pakintapi kta, qa akan sina stan wan ayumdayapi kta.

14 Qa he akan taku on kicanyanpi owasin, petaga waksica kin, qa mazajanjata kin, qa mazamdaska kin, qa waksica kin, taku on wahna wošnapi kicanyanpi owasin ehnakapi kta, qa akan hoka ha woakalipe wan ayumdayapi kta, qa can akiyuhapi kin ekta ikoyag yapi kta.

15 Unkan tipi ihdakapi eca Aaron qa iye cinca tipi wakan qa taku on kicanyanpi kin owasin akahpapi yustanpi kinhan, hena qinpi kta e Qohat cinca kin en hipi kta, tuka taku wakan seca yutanpi kte sni, heconpi kinhan okini tapi kta. Itkokipapi wa-

keya ohna Qohat cinca tawaqinpi kin hena eepi.

16 Unkan Eleazar Aaron wayusna cinhintku kin wihdi iyoyam yapi kin, qa pejuta izin-yapi wastemna, qa anpetu iyohi minha kin, qa wihdi on sdawicayapi kin hena awanyake kta; tipi wakan ocowasin, qa taku ohna un kin owasin, tipi wakan ohna, qa tawaksica ohna taku un kin awanyake kta.

17 Unkan Jehowa ie ca Mowis qa Aaron hewicakiya,

18 Ihnuhan Lewi kin wicehna tanhan Qohati wicoun wicowazi kin wicayakaspapi kin.

19 Qa hecen ecawicayeconpi kta, hecen nipi kta, qa taku wakan, qa taku wakan hinca ikiyedān hipi esta tapi kte sni; Aaron qa iye cinca kin en ipi, qa otioyohi taku econ, qa taku qin kta okiyakapi kta.

20 Tuka taku tipi wakan ohna akahpapi eca wanyakapi kta e en hipi kte sni, okini tapi kta.

21 Unkan Jehowa ie ca Mowis heciya.

22 Gerson cinca nakun wicayawa wo, ateyapi tipi kin iyecen, qa wicowazipi kin iyecen;

23 Waniyetu wikcemna yamni aktonpi etanhan waniyetu wikcemna zaptan aiyahdeya wicadawa kta, obe itkokipapi wakeya ohna wolhani econpi kta e en yapi kin owasin.

24 Gersoni wicowazi kin wolhani econpi kta, qa taku qinpi kte cin dee.

25 Tipi ozanpi kin qa itkokipapi wakeya he akalipe cin, qa hoka ha woakalipe kin he iwan-kam akapa tanhan yanke cin, qa itkokipapi wakeya tiyopa ozanpi kin hena qinpi kta.

26 Nakun hocoka ozanpi kin, hocoka tipi ihduksan, qa wahna

WICOWOYAKE 4.

wošnapi ihduksán yanke cin tiyo-
pa ozanpi kin, qa ikan kin qa
tawaksíca kin owasin, qa taku
on hena kicanyanpi kin owasin.

27 Gersóni cinca taku qinpi, qa
taku kicanyanpi kin owasin Aa-
ron qa iye cinca oiepi eciyatan-
han econpi kta, qa taku qinpi
kta owasin awanyag wicayašipi
kta.

28 Gersóni cinca wicowazipi
itkokipapi wakeya ohna wohtani-
pi kin hee, qa hena taku awanya-
kapi kte cin he Itamar Aaron
wawayušna cinhintku nape ihu-
kuya un kta.

29 Merari cinca kin wicowazi-
pi iyecen, ateyapi tipi kin iye-
cen wicadawa kta ;

30 Waniyetu wikcemna yamni
aktonpi waniyetu wikcemna za-
ptan aiyahdeya, obe itkokipapi
wakeya wohtani econpi kta e en
upi kin owasin wicadawapi kta.

31 Qa itkokipapi wakya on
wohtanipi kin tawaqinpi awan-
yakapi kte cin dee; tipi can-
mdaska kin, qa can hdakinyan
kin qa can ipatan kin, qa maza
sieu kin.

32 Qa hocoka ihduksán maza
ipatan kin, qa sicupi kin, qa wi-
hutipaspepi, qa ikanpi kin; na-
kun taku on hena kicanyanpi, qa
yuhapi kin owasin, qa waqinpi
awanyakapi kin cajepi on wica-
yecidawapi kta.

33 Merari cinca wicowazi woht-
tani owasin itkokipapi wakeya
ohna litanipi kte cin hee, Itamar
Aaron wawayušna kin cinhintku
nape kin ikukuya.

34 Unkan Mowis qa Aaron qa
omniciye itancanpi kin Qohat cin-
ca wicowazipi iyecen, qa ateya-
pi tipi kin iyecen wicayawapi,

35 Waniyetu wikcemna ya-
mni aktonpi qa waniyetu wikce-
mna zaptan aiyahdeya tona itko-

kipapi wakeya wohtani econpi
kta obe en hipi kin owasin.

36 Kektopawinge nonpa sanpa
opawinge šakowin sanpa wikce-
mna zaptan wicayawapi wicowa-
zipi iyecen qa ateyapi tipi kin
iyecen.

37 Qohati wicowazipi etanhan
tona itkokipapi wakeya en lita-
nipi owasin wicayawapi kin
hena eepi; hena Mowis qa Aa-
ron wicayawapi Jehowa i kin
eciyanhan Mowis nape kin
on.

38 Unkan Gersón cinca kin
wicowazipi iyecen qa ateyapi ti-
pi kin iyecen wicayawapi.

39 Waniyetu wikcemna yamni
aktonpi qa waniyetu wikcemna
zaptan wicatonpi aiyahdeya,
tona itkokipapi wakeya en lita-
nipi kta e obe en hipi kin owa-
sin.

40 Kektopawinge nonpa sanpa
opawinge šakpe sanpa wikce-
mna yamni wicayawapi, wico-
wazipi iyecen, qa ateyapi tipi
kin iyecen.

41 Gersón cinca wicowazipi e-
tanhan wicayawapi kin hena ee-
pi, tona itkokipapi wakya ohna
litanipi owasin hena Mowis qa
Aaron wicayawapi Jehowa i
eciyanhan.

42 Unkan Merari cinca wico-
wazi wicayawapi wicowazipi
kin iyecen, qa ateyapi tipi kin
iyecen.

43 Waniyetu wikcemna yamni
aktonpi qa waniyetu wikcemna
zaptan aiyahdeya, tona itkoki-
papi wakeya ohna litanipi kta e
obe en opapi kin owasin.

44 Kektopawinge yamni sanpa
opawinge nonpa, wicowazipi iye-
cen wicayawapi.

45 Merari cinca wicowazipi
etanhan wicayawapi hena Mo-
wis qa Aaron wicayawapi Jeho-

WICAYAWAPI,

wa i eciyatanhan Mowis nape kin on.

46 Mowis qa Aaron qa Israel itancanpi kin Lewi kin wicowazipi iyecen, qa ateyapi tipi kin iyecen, wicayawapi owasin,

47 Waniyetu wikcemna yamni aktonpi, qa waniyetu wikcemna zaptan aiyahdeya, tona wohtani econpi kta, qa waqinpi econpi kta e itkokipapi wakeya en hipi kin owasin.

48 Kektopawinge şahdogan sanpa opawinge zaptan sanpa wikcemna şahdogan wicayawapi.

49 Jehowa i eciyatanhan Mowis wicayawa otoiyo hi taku econ kta, qa taku qin kta owicakiyaka, Jehowa Mowis econ ši kin he iyecen.

WICOWOYAKE 5.

1 Unkan Jehowa ie ça Mowis heciya.

2 Israel cinca kin tona leprosi ececa, qa tona ton kaduze cin, qa tona taku nagi iyaye cin on şape cin, hena owasin wicoti etanhan token iyaye wicayapi wicaşi wo.

3 Wica, winyan unman tukte kašta ye wicayaşipi kta, wicoti, etanhan iyaye wicayayapi kta, hecen wicoti cokaya wati kin he yuşapapi kte şni.

4 Unkan Israel cinca kin ecen econpi, qa hena wicoti itankan iyaye wicayapi, token Jehowa Mowis eciye cin hecen Israel cinca kin econpi.

5 Unkan Jehowa ie ça Mowis heciya,

6 Israel cinca kin hewicakiya wo. Wicašta qaiş winohinca wicašta wan en wohtani econ kinhan, qa itonşniyan Jehowa caje yate qa wicanagi kin he hdajuju kta sdotkiye cinhan,

7 Wohtani econ qon ohdake kta, qa wokajuju ocowasin hdajuju kta, qa he izaptan aope kiciye ça tuwe en wohtani kin kieu kta.

8 Tuka wicašta takuye wo hdajuju kicupi kta wanice cinhan, wohdajuju kin Jehowa kicupi kta, wawayuşna akaşpe kiciye cin he ekta woakaşpe tamdoka iyahna.

9 Unkan Israel cinca taku woşnapi etanhan wokosyapi owasin wawayuşna ekta kahipi kin he tawa kta.

10 Qa wicašta tuwe kašta taku woşna kin he wawayuşna he kahi kinhan he tawa kta.

11 Unkan Jehowa ie ça Mowis heciya.

12 Israel cinca kin hecen ewicakiya wo. Wicašta tuwe kašta tawicu ihduhomni; qa iye en nahmana awohtani kinhan;

13 Qa wicašta tokeca wan kici iwanke cinhan, he nahmana econ, qa hişnaku išta kin wan-yake şni, qa ihduşape tuka wayaatanin wanica, hecon icunhan iyeyapi şni nakaş;

14 Unkan wowinawizi woniya wan en iyopte ça tawicu kin inakiwizi, unkan he ihduşapa; qaiş wowinawizi woniya wan en iyopte ça tawicu inakiwizi, tuka he ihduşape şni kinhan;

15 Wicašta kin he tawicu kin wawayuşna kin ekta u kiye kta, nakun tawicu toahi kin hiyuye kta, barle mdu can wakşica ohnaka wanjidan, wişdi akaştan kte şni, qa canşin waştamna aehnake kte şni, wowinawizi minha hee nakaş, wokiksuye minha on wicohan şica kiksuyapi kta.

16 Unkan wawayuşna kin he ikiyedani hiyuye ça Jehowa itokam najin kiye kta.

WICOWOYAKE 6.

17 Qa wawayuŕna kin mini yu-wakanpi maka waksica wan ohna icu kta, qa tipi wakan owanka etanhan maka mdu nakun wawayuŕna icu kta, qa mini kin akada kta.

18 Unkan wawayuŕna kin winohinca kin Jehowa itokam najin kiye kta, qa pa yugan iyeye kta, qa nape kin akan wokiksuye minha, wowinawizi minha kin hee aehnake kta ; tuka mini pa taku tehika icalye cin he wawayuŕna kin nape ohna yuhe kta.

19 Qa wawayuŕna kin winohinca kin taku wakan cajeyan kiye kta, qa winohinca heciye kta, Nihduŕape ŕni kinhan, qa nihihna etanhan nihduhomni ŕni, qa wicaŕta tokeca kici inonke ŕni kinhan, mini pa taku tehika icalye cin de kiunni niye kte ŕni.

20 Tuka nihihna etanhan nihduhomni, qa nihduŕape a nihihna hee kiya wicaŕta tokeca kici inonke cinhan ;

21 Hecen wawayuŕna kin winohinca kin taku wakan cajeyan wowicake ohdag ŕi kta, qa wawayuŕna kin winohinca kin heciye kta, Jehowa oyate nitawa wicehna woyaŕice nŕage kta, Jehowa niceca kin hdi niye a nitezi po niye cinhan ;

22 Qa mini taku tehike icalye cin de niŕupe en ye cinhan tezi nipo kta, qa ceca nihdi kta, eye kta : Unkan hecetu nunwe amen, winohinca kin eye kta.

23 Unkan wawayuŕna kin woyaŕice kin he wowapi wan akan owa kta, qa mini pa kin on paja kta.

24 Qa winohinca kin mini pa taku tehika icalye cin he yatke kiye kta : Unkan mini taku tehika icalye cin he tan mahen iyaye a pa kta.

25 Hehan wawayuŕna kin wowinawizi minha kin winohinca nape etanhan icu kta, qa Jehowa itokam yuwinte kta, qa wahna woŕnapi ekta kahi kta.

26 Qa wawayuŕna kin minha etanhan nape ohnaka wan wokiksuye on icu kta, qa wahna woŕnapi izinye kta, hehan winohinca kin mini yatke kiye kta.

27 Unkan mini yatke kiye cin iyohakam kaketu kta, he ihduŕape a hihnaku nahmana awahtani unkanŕ, mini taku tehika icalye cin tan mahen iyaye a pa kta, heon tezi kin po kta, qa ceca kin hdi kta, unkan winohinca kin he oyate tawa ehna woyaŕice kta.

28 Tuka winohinca kin ihduŕape ŕni, qa ska kinhan he kiunniye kte ŕni. tuka cinca ton kta.

29 Wowinawizi woope kin hee, winohinca wan hihnaku etanhan ihduhomni qa ihduŕape cinhan.

30 Nakun wowinawizi woniya wan wicaŕta wan en iyaye cinhan, qa tawicu kin inakiwizi, qa Jehowa itokam najin kiye kta ; unkan wawayuŕna kin woope kin de owasin iyecen ecakicon kta.

31 Hecen wicaŕta kin woahhani kiciyawapi kte ŕni, tuka winohinca iye wahtani kin hduhe kta.

WICOWOYAKE 6.

1 Unkan Jehowa ie a Mowis heciya.

2 Israel cinca kin hecen ewicakiya wo : Wicaŕta wan qaiŕ winohinca wan Jehowa ekta ihdukinuncan, Nazari wohdakapi on, Nazari heca kta e iciconze cinhan.

3 Miniŕa qa mini wakan etanhan ihdukinuncan kta, minisku-

WICAYAWAPI,

mna miniša etanhan, qa mini wakan etanhan miniskumna yakte kte šni, qa taku kašta hastanhanka en hpanyanpi kin yatke kte šni, qa hastanhanka do, qaiš puza unmanna yute kte šni.

4 Tohanyan Nazari heca anpetu owasin hastanhanka iyuwi taku aicage cin ha etanhan qaiš su etanhan kagapi ongedan yute kte šni

5 Tohanyan Nazari ičiconze cin icasan wan pa akan ye kte šni, Jehowa on ihdukinunkan ohdake cin anpetu henakeca kin hehanyan paha kin hanska icage kta.

6 Jehowa en Nazari ičicu anpetu kin hena icunhan tuwe nagi ye cin en i kte šni.

7 Atkuku on, qaiš hunku on, qaiš sunkaku on, qaiš tawinołitin on, hena řapi on ihdušape kte šni. Tuwe wakan da Nazari kin iye pa akan un nakaš.

8 Tohan Nazari heca hehanyan Jehowa on wakan kta.

9 Unkan tukten yanke cin tuwe ihnuhanna en ře cinhan, Nazari pa kin šape kta; unkan anpetu en yuskapi kinhan, pa hdašda kta, anpetu išakowin hehan ihdašda kta.

10 Qa anpetu išahdogan tinwakiyedan nonpa, qaiš wakiyedan cinca nonpa wawayušna kin ekta kahi kta, itkokipapi wakeya tiyopa ekta.

11 Unkan wawayušna kin wanji wołıtani wošnapı kage kta, qa unman wołıhnałıyapı kta, hecen wicašta nagiye cin en wałıtani kin akałıpe kiciye kta, qa piya pa kin yuwakan kta, anpetu kin he en.

12 Unkan Nazari anpetu kin Jehowa on hdukinunkan kta, nakun wohdajuju on amnos wan waniyetu wanjidani kahi kta, qa

Nazari kin hdušape cin on anpetu tokaheya kin yawa kte šni.

13 Unkan Nazari woope kin dee tohan Nazari anpetu henakeca kinhan, anpetu kin he en itkokipapi wakeya tiyopa ekta ihdohi kta.

14 Qa toahi kin Jehowa kahi kte, wołıhnałıyapı on amnos mdoka wan zanika, waniyetu wanjidani, qa wołıtani wošnapı on amnos wıyedan waniyetu wanjidani zanika, qa wopida wošnapı on tamdoka wanjidani zanika.

15 Qa minłıa tawapı qa woakaštan tawapı, qa aguyapı napohıyapı šni, aguyapı mdı linca on kagapı, wakiškotpa ohnaka wan aguyapı hmiyanıan wiłdı icicałıyapı, qa aguyapı napohıyapı šni wiłdı on sdıyapı.

16 Unkan wawayušna kin hena Jehowa itokam kahi kta, qa wołıtani wošnapı, qa wołıhnałıyapı kin wošna kta.

17 Qa tamdoka kin wopida wošnapı kin Jehowa wakiyušna kta, aguyapı napohıyapı šni wakiškotpa kin iyahna, qa wawayušna kin minłıa kin, qa woakaštan kin kage kta.

18 Unkan Nazari kin pa kin hdašda kta, itkokipapi wakeya tiyopa ekta, qa Nazari heca paha kin peta wopida wošnapı ihukuya un kin he akan ełıpe kiye kta.

19 Hehan wawayušna kin tamdoka isto španyanpi kin icu kta, nakun wakiškotpa etanhan aguyapı napohıyapı šni wanjidani, qa Nazari nape akan ehnake kta, Nazari heca kašdapi iyohakam.

20 Qa wawayušna kin hena Jehowa itokam yuwinte kta; woyuwintapı wakan hee, wawayušna tawa kta, maku yuwinta-

WICOWOYAKE 7.

pi kici, qa hiyete kozapi kici. Unkan he iyohakam Nazari kin miniša yatke kta okihi.

21 Nazari woope kin hee; tuwe Jehowa ekta ihdukinunkan kta oyaka, woahi kahi kte cin taku nape kin iyohiye cin iyahna, token oyake cin he iyecen kahi kta, Nazari woope kin he kici.

22 Unkan Jehowa ie ça Mowis heciya.

23 Aaron qa iye cinca kin hecen ewicakiya wo. Israel cinca kin hecen wicadawaštepi kta, qa hewicayakiyapi kta.

24 Jehowa niyawašte, qa nipatan:

25 Jehowa ite kin iyoyam niciya, qa onšinida kta;

26 Jehowa ite kin anitonwe ça wookiye niču nunwe.

27 Hecen micaje kin Israel cinca kin awicahnakapi kta, unkan miye wicamdawašte kta.

WICOWOYAKE 7.

1 Unkan kaketu, Mowis tipi kin ehde yušan qehan, qa sdaye ça yuwakan, nakun taku on kicanyanpi owasin; qa wahna wošnapi, qa taku on kicanyanpi owasin, nakun hena sdaye ça yuwakan.

2 Hehan Israel itancan kin ateyapi tipi pa kin hena wakhipi, wicoun itancanpi wicayawapi icunhan en najinpi kin hena eepi.

3 Toahipi kin Jehowa itokam hiyuyapi; canpahmihma aka-hpetonpi šakpe, qa tatanka ake-nonpa, itancan nonpa on canpahmihma wanjidan, qa otoiyo hi on tatanka wanjidan, qa hena tipi kin itokam ahipi.

4 Unkan Jehowa ie ça Mowis heciya.

5 Hena icu wo, hecen itkoki-papi wakeya wohtani econpi kta e hena unpi kta, qa hena Lewi kin wicayaqu kta, otoiyo hi wohtani econ kin iyecen.

6 Unkan Mowis canpahmihma qa tatanka kin hena icu, qa Lewi kin wicaqu.

7 Canpahmihma nonpa, qa tatanka topa Geršon cinca kin wicaqu, wohtani econpi kin on.

8 Qa canpahmihma topa, qa tatanka šahdogan Merari cinca kin wicaqu, wohtani econpi kin on; Aaron wawayušna kin cinhintku Itamar nape kin ihukuya.

9 Tuka Qohat cinca kin takudan wicaqu šni, heña tipi wakan tawohtanipi hiyete pi akan qinpi nakaš.

10 Unkan wahna wošnapi sdayapi anpetu kin he en, itancanpi kin wahna wošnapi kin yuwakanpi kta e toahipi kin hdoi pi, qa itancanpikin toahipi wahna wošnapi itokam hdoi pi.

11 Unkan Jehowa Mowis heciya, Wahna wošnapi yuwakanpi kta e itancan otoiyo hi anpetu wan tawakiya en toahi kin hdoi kta.

12 Unkan Našon Aminadab cinhintku Juda wicoun itancan kin anpetu tokaheya kin toahi kin hdoi.

13 Qa toahi kin mazaska waksica wan šeqel opawinge sanpa wikcemna yamni aspeyapi, qa mazaska waksica on amninnipi wan šeqel wikcemna šakowin tipi wakan šeqel iyececa, napin aguyapi mdu hinca wihdi icicahiyapi on ojudan minha kin hee.

14 Mazaskazi tukiha wan šeqel wikcemna wizinyapi on ojudan;

15 Tatanka wanji ptewanunyanpi cinca, tamdoka wanji, a-

WICAYA WAPI,

mnos wan waniyetu wanjidan woluñnalyapi hee ;

16 Woahitani woñnapi on tatokadan wanunyanpi mdoka wan ;

17 Qa wopida woñnapi on tataka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan ; Naliñon Aminadab cinhintku toaki kin hee.

18 Unkan anpetu inonpa kin Natanael Zuhar cinhintku Isakar itancan kin hdoi,

19 Qa toahi kin dee, mazaska waksica wan seqel opawinge sanpa wikcemna yamni aspeyapi, qa mazaska waksica on amninnipi wan seqel wikcemna sakowin, tipi wakan seqel iyececa, napin aguyapi mdu linca wiñdi icicahiyapi on ojudan, minha kin hee ;

20 Mazaskazi tukiha wan seqel wikcemna wizinyapi on ojudan ;

21 Tatanka wanji ptewanunyanpi cinca, tamdoka wanji, amnos wanji waniyetu wanji, woluñnalyapi hee ;

22 Tatokadan wanunyanpi mdoka wan woahitani woñnapi on ;

23 Qa wopida woñnapi on tataka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan, Natanael Zuhar cinhintku toahi kin hee.

24 Anpetu iyamni Zebulun cinca itancan kin Eliab Helon cinhintku hdoi,

25 Toahi kin mazaska waksica wan seqel opawinge sanpa wikcemna yamni aspeyapi, mazaska waksica on amninnipi seqel wikcemna sakowin, tipi wakan seqel iyececa, napin aguyapi mdu linca wiñdi icicahiyapi on ojudan, minha kin hee ;

26 Mazaskazi tukiha wan seqel

wikcemna wizinyapi on ojudan.

27 Tatanka wanji ptewanunyanpi cinca, tamdoka wanji, amnos waniyetu wanjidan wanji, woluñnalyapi kin hee ;

28 Tatokadan wanunyanpi mdoka wanji, woahitani woñnapi on ;

29 Qa wopida woñnapi on tataka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan ; Eliab Helon cinhintku toahi kin hee.

30 Anpetu itopa kin Ruben cinca itancan kin Elitzur Sedeur cinhintku hdoi ;

31 Toahi kin mazaska waksica wanji seqel opawinge sanpa wikcemna yamni aspeyapi, mazaska waksica on amninnipi wan seqel wikcemna sakowin, tipi wakan seqel iyececa, napin aguyapi mdu linca wiñdi icicahiyapi on ojudan, minha kin hee ;

32 Mazaskazi tukiha wanji seqel wikcemna wizinyapi on ojudan ;

33 Tatanka wanji pte wanunyanpi cinca, tamdoka wanji, amnos wanji waniyetu wanjidan, woluñnalyapi hee ;

34 Tatokadan mdoka wanji woahitani woñnapi on.

35 Qa wopida woñnapi on tataka nonpa, tahinca ska mdoka zaptan, tatokadan mdoka zaptan, amnos waniyetu wanjidan zaptan, Elitzur Sedeur cinhintku toahi kin hee.

36 Anpetu izaptan kin Simeon cinca itancan kin Selumiel Tzurisada cinhintku kin hdoi,

37 Toahi kin mazaska waksica wan seqel opawinge sanpa wikcemna yamni aspeyapi, mazaska waksica on amninnipi seqel wikcemna sakowin, tipi wakan seqel iyececa, napin aguyapi

WICOWOYAKE 7.

yapi mdu hinca wihdi icicahiyapi on ojudan, minha kin hee.

38 Mazaskazi tukiha wanji seqel wikcemna wizinyapi on ojudan ;

39 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee ;

40 Tatokadan wanunyanpi mdoka wanji, woahitani wošnapi on ;

41 Qa wopida wošnapi on tatanka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan, Selumiel Tzurišada cinhintku toahi kin hee.

42 Anpetu isakpe en Gad cinca itancan kin Eleasap Duel cinhintku kin hdoi.

43 Toahi mazaska wakšica wan seqel opawinge sanpa wikcemna yamni aspeyapi, mazaska wakšica on amnimnipi wanji seqel wikcemna šakowin, tipi wakan seqel iyececa, napin aguyapi mdu hinca wihdi icicahiyapi ojudan, minha kin hee.

44 Mazaskazi tukiha wan seqel wikcemna wizinyapi on ojudan ;

45 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee.

46 Tatokadan mdoka wanji woahitani wošnapi on ;

47 Qa wopida wošnapi on tatanka nonpa, tahincaska mdoka zaptan, tatokadan mdoka zaptan, amnos waniyetu wanjidan zaptan, Eleasap Duel cinhintku toahi kin hee.

48 Anpetu isakowin en Epraim cinca itancan kin Elišama Amihud cinhintku hdoi,

49 Toahi kin mazaska wakšica wan seqel opawinge sanpa wikcemna yamni aspeyapi, ma-

zaska wakšica on amnimnipi wanji seqel wikcemna šakowin, tipi wakan seqel iyececa, napin aguyapi mdu hinca wihdi icicahiyapi on ojudan, minha kin hee.

50 Mazaskazi tukiha wanji seqel wikcemna wizinyapi on ojudan.

51 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee ;

52 Tatokadan mdoka wanji woahitani wošnapi on ;

53 Qa wopida wošnapi on tatanka nonpa, tahinca ska mdoka zaptan, tatokadan mdoka zaptan amnos waniyetu wanjidan zaptan, Elišama Amihud cinhintku toahi kin hee.

54 Anpetu isahdogan Manaše cinca itancan kin Gamaliel Pedatzur cinhintku hdoi,

55 Toahi mazaska wakšica wan seqel opawinge sanpa wikcemna yamni aspeyapi, mazaska wakšica on amnimnipi wan seqel wikcemna šakowin, tipi wakan seqel iyececa, napin aguyapi mdu hinca wihdi icicahiyapi on ojudan, minha kin hee.

56 Mazaskazi tukiha wan seqel wikcemna wizinyapi on ojudan ;

57 Tatanka wanji pte wanunyanpi cinca, tamdoka wanji, amnos wanji waniyetu wanjidan, wohuhnahiyapi kin hee.

58 Tatokadan mdoka wanji woahitani wošnapi on ;

59 Qa wopida wošnapi on tatanka nonpa, tamdoka zaptan, tatokadan mdoka zaptan, amnos waniyetu wanjidan zaptan, Gamaliel Pedatzur cinhintku taohi kin hee.

60 Anpetu inapcinwanka en Benjamin cinca itancan kin Abidan Gideoni cinhintku hdoi,

61 Toahi kin mazaska wakšica

WICAYAWAPI,

wan séqel opawinge sanpa wikcemna yamni aspeyapi, mazaska wakśica on amnimnipi wanji séqel wikcemna śakowin, tipi wakan séqel iyececa, napin aguyapi mdu hinca wihdi icicahiyapi on ojudan minħa kin hee.

62 Mazaskazi tukiha wan séqel wikcemna wizinyapi on ojudan ;

63 Tatanka wanji pte wanunyanpi cinca, tamdoka wanji, amnos wanji waniyetu wanjidand, wohulnahyapi kin hee.

64 Tatokadan mdoka wanji woahitani wośnapi on ;

65 Qa wopida wośnapi on tatanka nonpa, tamdoka zaptan, tatokadan mdoka zaptan, amnos waniyetu wanjidand zaptan ; Abidand Gideoni cinhintku toahi kin hee.

66 Anpetu iwikcemna en Dan cinca itancan kin Ahiezer Amisada cinhintku kin hdoi.

67 Toahi kin mazaska wakśica wan séqel opawinge sanpa wikcemna yamni aspeyapi, mazaska wakśica on amnimnipi wanji séqel wikcemna śakowin tipi wakan séqel iyececa, napin aguyapi mdu hinca wihdi icicahiyapi on ojudan minħa kin hee ;

68 Mazaskazi tukiha wanji séqel wikcemna wizinyapi on ojudan ;

69 Tatanka wanji pte wanunyanpi cinca, tamdoka wanji, amnos wanji waniyetu wanjidand, wohulnahyapi kin hee ;

70 Tatokadan mdoka wanji woahitani wośnapi on ;

71 Qa wopida wośnapi on tatanka nonpa, tahinca ska mdoka zaptan, tatokadan mdoka zaptan, amnos waniyetu wanjidand zaptan, Ahiezer Amisada cinhintku toahi kin hee.

72 Anpetu iakewanji Aśer cin-

ca itancan kin Pagiel Okran cinhintku kin hdoi.

73 Toahi kin mazaska wakśica wan séqel opawinge sanpa wikcemna yamni aspeyapi, mazaska wakśica on amnimnipi séqel wikcemna śakowin tipi wakan séqel iyececa, napin aguyapi mdu hinca wihdi icicahiyapi on ojudand, minħa kin hee.

74 Mazaskazi tukiha wanji séqel wikcemna wizinyapi on ojudand ;

75 Tatanka wanji pte wanunyanpi cinca, tamdoka wanji, amnos wanji waniyetu wanjidand, wohulnahyapi kin hee ;

76 Tatokadan mdoka wanji woahitani wośnapi on ;

77 Qa wopida wośnapi on tatanka nonpa, tamdoka zaptan, tatokadan mdoka zaptan, amnos waniyetu wanjidand zaptan Pagiel Okran cinhintku toahi kin hee.

78 Anpetu iake nonpa Naptali cinca itancan kin Ahira Enan cinhintku kin hdoi.

79 Toahi kin mazaska wakśica wan séqel opawinge sanpa wikcemna yamni aspeyapi, mazaska wakśica on amnimnipi wanji séqel wikcemna śakowin, tipi wakan séqel iyececa, napin aguyapi mdu hinca wihdi icicahiyapi on ojudand, minħa kin hee.

80 Mazaskazi tukiha wan séqel wikcemna wizinyapi on ojudand ;

81 Tatanka wanji pte wanunyanpi cinca, tamdoka wanji, amnos wanji waniyetu wanjidand, wohulnahyapi kin hee.

82 Tatokadan mdoka wanji woahitani wośnapi on ;

83 Qa wopida wośnapi on tatanka nonpa, tamdoka zaptan, tatokadan mdoka zaptan, amnos waniyetu wanjidand zaptan, Ahi-

WICOWOYAKE 8.

ra Enan cinhintku toahi kin hee.

84 Wahna woŋnapi sdayapi qe-
han Israel itancanpi etanhan yu-
wakanpi kin dee, mazaska wa-
kŋsica akenonpa, mazaska wa-
kŋsica on amnimnipi akenonpa ma-
zaskazi tukiha akenonpa,

85 Wakŋsica tanka otoiyoŋi ŋe-
qel opawinge sanpa wikcemna
yamni, qa wakŋsica on amnimni-
pi otoiyoŋi wikcemna ŋakowin,
wakŋsica owasin mazaska kin
tke utapi kin ŋeqel kektopawinge
nonpa sanpa opawinge topa, tipi
wakan ŋeqel iyececa.

86 Mazaskazi tukiha wikce-
mna sanpa nonpa wizinyapi on
ojudan, otoiyoŋi ŋeqel wikcemna,
tipi wakan ŋeqel iyececa, tukiha
owasin mazaskazi ŋeqel opa-
winge sanpa wikcemna nonpa ;

87 Woŋuhnaŋyapi on tatanka
wanunyanpi owasin wikcemna
sanpa nonpa, tamdoka wikce-
mna sanpa nonpa, amnos wani-
yetu wanjidan wikcemna sanpa
nonpa, minha tawapi iyahna, qa
woahtani woŋnapi on tatokadan
mdoka wikcemna sanpa nonpa ;

88 Qa wopida woŋnapi on ta-
tanka wikcemna nonpa sanpa
topa, tamdoka wikcemna ŋakpe,
tatokadan mdoka wikcemna ŋa-
kpe, amnos waniyetu wanjidan
wikcemna ŋakpe ; wahna woŋna-
pi sdayapi iyohakam on yuwa-
kanpi kin hee.

89 Unkan kici wohdake kta
e Mowis itkokipapi wakeya ekta
i eca, ho kin naŋon, woyaatanin
can wohnaka iwankapa tanhan
taku eciya, kerubi nonpa otahe-
dan etanhan taku eciya. .

WICOWOYAKE 8.

1 Unkan Jehowa ie a Mowis
heciya,

2 Ie a Aaron hecen eciya wo,
Petijanjan yuwankan yeyaya eca,
petijanjan ŋakowin kin petijan-
jan ihupa itokapa tanhan iyoyam-
yapi kta.

3 Unkan Aaron hecen econ
petijanjan oide kin petijanjan
ihupa itokapa tanhan wankan
ye kiya : Jehowa Mowis hecon
ŋi kin he iyecen.

4 Unkan petijanjan ihupa kin
kaken kagapi, mazaskazi pagopi,
ceca kin, qa adetka kin nakun
pagopi : token Jehowa Mowis
wanyagkiye ciqon he iyecen
petijanjan ihupa kagapi.

5 Unkan Jehowa ie a Mowi
heciya,

6 Lewi kin Israel cinca wice-
hna tanhan iwicacu, qa wicayu-
ska wo.

7 Qa wicayuskapi kta e hecen
ecawicayecon kta, Mini on wi-
cayuskapi kin he akan eŋpeya wo ;
uncan ukapi kin owancaya hda-
sanpi kta, qa wokoyake hdujaja-
pi kta, hecen skapi kta.

8 Unkan tatankadan pte wa-
nunyanpi cinca wan icupi kta,
qa minha tawa aguyapi mdu
wihdi icicaliyapi, unkan tatanka
inonpa pte wanunyanpi cinca
kin iyacu kta woahtani woŋnapi
on.

9 Qa itkokipapi wakeya itokam
Lewi kin ikiyedan awicayahi
kta, qa Israel cinca omniciye
owasin yuwitaya hiyu wicayaye
kta.

10 Qa Lewi kin Jehowa itokam
awicayahi kta ; unkan Israel
cinca napepi kin Lewi kin awi-
caputakapi kta.

11 Unkan Aaron Lewi kin wi-
cayuwinte kta, Jehowa itokam,
wokosyapi wan Israel cinca etan-
han, hecen Jehowa okiyapi kta
e wiyeya unpi kta.

12 Unkan Lewi kin napepi ta-

tanka pa akan awicatputakapi kta, unkan wanji wołtani woš-napi, qa unman wohuñnañyapi Jehowa kicaga wo; hecen Lewi akahpe wicakiciyapi kta.

13 Unkan Aaron itokam, qa iye cinca itokam, Lewi kin najin wicayaye kta, qa wicaduwašte kta, Jehowa tawokosyapi.

14 Israel cinca wicehna tanhan Lewi kin wicadukinunkan kta, hecen Lewi kin mitawa kta.

15 Unkan he iyohakam Lewi kin itkokipapi wakeya wołtani econpi kta e en upi kta; wicaduska, qa wokosyapi on wicaduwinte cinhan.

16 Hena ocowasin maqupi nakaš, Israel cinca wicehna tanhan winyan owasin cinca tokapa hee kiya, Israel cinca caskepi owasin hee kiya, hena mitawa kta e iwicawacu.

17 Israel cinca ehna wicašta woteca koya, tona caskepi owasin mitawa, Egupta makoce ohna caskepi owasin wicawakaštaka, anpetu kin he en hena miciwahduwakan nakaš.

18 Unkan Lewi kin wanna iwicawacu, Israel cinca caskepi owasin hee kiya.

19 Qa Aaron, qa iye cinca hena yuhapi kta e Israel cinca wicehna tanhan Lewi kin wicawaqu, itkokipapi wakeya ohna Israel cinca tołtanipi econpi kta, qa Israel cinca akalipe wicakiciyapi kta, hecen Israel cinca kin tipi wakan ikiyedani hipi kte šni qa wicehna makošice wanice kta, ikiyedani hipi unkanš makošice yuke kta tuka.

20 Unkan Mowis, qa Aaron, qa Israel cinca omniciye owasin, token Jehowa Mowis Lewi kin ecawicakicon wicaši kin owasin, he iyecen Israel cinca Lewi kin ecawicakiconpi.

21 Unkan Lewi kin ihduskapi, qa wokoyake hdujajapi, unkan Aaron wicayuwinta, Jehowa itokam, wokosyapi wan, qa wicayuska kta e Aaron akalipe wicakiciya.

22 Unkan he iyohakam, Lewi kin itkokipapi wakeya ohna wołtani econpi kta e Aaron itokam, qa iye cinca itokam hipi. Token Jehowa Mowis Lewi kin ecawicakicon ši kin he iyecen ecawicakiconpi.

23 Unkan Jehowa ie qa Mowis heciya.

24 Lewi kin kaken econpi kta, waniyetu wikcemna nonpa sanpa zaptan aktonpi kin hena itkokipapi wakeya en łtanipi kin obe en opapi kta.

25 Qa waniyetu wikcemna zaptan aktonpi kin hena wołtani obe kin ayuštanpi kta, qa icimanna en łtanipi kte šni,

26 Tuka sunka wicayapi om taku awanyakapi kin awanyakapi kta e itkokipapi wakeya ohna apeya unpi kta, qa wołtani takudan econpi kte šni, Lewi kin taku awanyakapi kin icaštaka hecen ecawicayecon kta.

WICOWOYAKE 9.

1 Unkan Israel cinca Egupta makoce etanhan hdinanpapi, waniyetu inonpa wi tokaheya en, Sina łopuza ohna, Jehowa ie qa Mowis heciya.

2 Iyehantu eca Israel cinca woacakšin econpi kta.

3 Wi kin de anpetu iake topa en łtayetu otahedan he yakagapi kta, iyehantu kinhan tokage owasin, qa tawoyaco owasin iyecen he ecanonpi kta.

4 Unkan Mowiš Israel cinca kin woacakšin kagapi kta kewicakiya.

5 Unkan wi tokaheya anpetu iake topa en, ohtayetu otahedan, Sina hopuza ohna, woacaksin kin kagapi: token Jehowa Mowis econ si kin owasin hecen Israel cinca kin econpi.

6 Unkan wicašta wanjigji, wicašta wan nagi ye cin on šapapi, heon anpetu kin he en woacaksin kagapi okihipi šni, heon anpetu kin he en Mowis itokam, qa Aaron itokam hinajinpi.

7 Qa wicašta kin hena heciyapi, Unkiyepi wicašta wan nagi ye cin on unšapapi, tokeca heyata iyeunyanpi on iyehantu eca, Israel cinca wicehna Jehowa woahi wan unkahipi kte šni he?

8 Unkan Mowis hewicakiya, Kakiya najinpo, Token Jehowa econ nišipi kte cin he nawalion kta.

9 Unkan Jehowa ie ça Mowis heciya,

10 Israel cinca kin hecen ewicakiya wo, Niyepi ehna, qaiš nitocagepi yeye cin ehna, wicašta tuwe kašta wicašta wan nagiye cin on šapa, qaiš tehan icimani un ešta, woacaksin kin Jehowa kicage kta,

11 Wi inonpa anpetu iake topa en ohtayetu otahedan he kage kta, aguyapi napohyapi šni kici, qa peji pa kici he yute kta.

12 Ongedan hanhanna aiya hdeya ohdaptapi kte šni, qa hetanhan huhu wanjidan kaš kawegapi kte šni, woacaksin wokage owasin iyecen heconpi kta.

13 Unkan wicašta tuwe ska qa icimani un šni, qa woacaksin kage kapin kinhan, wicanagi kin he iye taoyate etanhan kašpapi kta, iyehantu Jehowa toahi kin kahi šni, heon wicašta kin he woahani kin hduhe kta.

14 Unkan wicašta wan oyate tokeca niyepi om ounye ça wo-

caksin kin Jehowa kicage kte cinhan, woacaksin wokage kin, qa woyaco kin owasin iyecen he kage kta. Wicašta oyate tokeca on, qa tona makoce en tonpi kin on wokage wanjidan duhapi kta.

15 Unkan tipi kin ehdepi anpetu kin he en mašpiya kin tipi kin akahpa, woyataanin wakeya kin hee, qa litayetu eca tipi iwankam peta iyececa tanin, ihanhanna hehanyan.

16 Ohinniyan hececa mašpiya kin he akahpe ça hanyen peta iyececa tanin.

17 Unkan tohan mašpiya kin wakeya iwankapa tanhan wankan iyaya, hehan Israel cinca ihdakapi, qa tukten mašpiya kin owanji najin kin, heciya Israel cinca kin etipi.

18 Jehowa i kin eciyatanhan Israel cinca kin ihdakapi, qa Jehowa i kin eciyatanhan tipi ehdepi; tona can mašpiya kin tipi kin iwankam yanka hehanyan ihdakapi šni.

19 Qa mašpiya kin tipi iwankam yanka anpetu ota kinhan, Israel cinca taku Jehowa awacin wicaši kin he awacinpi, qa ihdakapi šni.

20 Unkan he iyecen mašpiya kin anpetu tonana tipi iwankam yanke cinhan, Jehowa i kin eciyatanhan owanji unpi, qa Jehowa i eciyatanhan ihdakapi.

21 Unkan mašpiya kin litayetu etanhan ihanhanna hehanyan owanji yanke ça hanhanna yuwankan iyaye cinhan ihdakapi, anposkan qa hanyen unman tukte kašta mašpiya kin wankan iyaye cinhan ihdakapi.

22 Anpetu nonpa, qaiš wi wanjidan, qaiš sanpa anpetu ota ešta, mašpiya tipi kin iwankam yanke cinhan, hehanyan

WICAYAWAPI,

Israel cinca kin wakeya ohna owanji unpi, qa ihdakapi šni ; tuka tohan yuwankan iyaya hehan ihdakapi.

23 Jehowa i kin eciyatanhan wakeya iticagapi, qa Jehowa i eciyatanhan ihdakapi, Jehowa taku awacin wicaši kin he awacinpi, token Mowis nape on Jehowa econši kin he iyecen.

WICOWOYAKE 10.

1 Unkan Jehowa ie ça Mowis heciya,

2 Mazaska yahotonpi nonpa icicaga wo, pagopi hena yakage kta, qa omniciye eyanwicayapaha kta, qa oyate ihdag wicaya-kiye kta e hena duhe kta.

3 Unkan napin on yahotonpi kinhan omniciye ocowasin niye en yuwitaya hipi kta, itkokipapi wakeya tiyopa ekta.

4 Qa wanjidan on yahotonpi kinhan, itancanpi Israel kekto-pawinge en tokapapi kin niye en mniciyapi kta,

5 Qa panyanhanhan dahotonpi kinhan, oyate iwiyohianpata tipi kin ihdakapi kta.

6 Qa ake panyanhanhan dahotonpi kinhan, oyate itokaga tipi kin ihdakapi kta ; ihdakapi kta e panyanhanhan yahotonpi kta.

7 Qa oyate kin yuwitaya mniciyapi kte cinhan dahotonpi kta, tuka panyanhanhanpi kte šni.

8 Unkan Aaron cinca wawayušnapi, kin maza yahotonpi kin yahotonpi kta, nitoicagepi yeye cin wokage kin owihanke wanca duhapi kta.

9 Unkan toka niyanpi niciyušepi kin nitanaköcepi ohna azu wicayayapi kinhan, mazayahotonpi kin panyanhanhan ho dahotonpi kta ; unkan Jehowa wakan ya-

dapi kin itokam niksuyapi kta, qa toka niyanpi etanhan enihdakupi kta.

10 Unkan anpetu widuškinpi, qa mniciyapi kin en, qa wi nitawapi anpetu tokaheya en mazayahotonpi kin hoton yayapi kta, wošuhualiyapi nitawapi iwankam, qa wopida wošnapi nitawapi iwankam, qa hena on tuwe wakan yadapi itokam niksuyapi kta, Jehowa wakan yadapi kin he miye.

11 Unkan waniyetu inonpa wi inonpa wi anpetu wikcemna nonpa en, malhipiya kin wayatanin tipi iwankapa tanhan wankan iyaya.

12 Unkan Israel cinca kin unhdakapi iyecen Sina hopuze kin etanhan ihdakapi ; unkan malpiya kin Paran hopuze kin en iyotanka.

13 Hehan tokaheya Mowis nape eciyatanhan Jehowa ie cin iyecen ihdakapi.

14 Unkan Juda cinca wicoti obe wiyokiye kin tokaheya ihdakapi, qa obe tawa mdetanhunka kin Našson Aminadab cinhintku kin hee.

15 Unkan Isakar cinca wicoun mdetanhunka kin Netaneel Tzuhar cinhintku kin hee.

16 Unkan Zebulun cinca wicoun mdetanhunka kin Eliyab Helon cinhintku kin hee.

17 Hehan tipi wakan kin yujujupi qa Geršon cinca kin, qa Merari cinca kin tipi kin yuha ihdakapi.

18 Hehan Ruben wicoti obe wiyokiye ihdakapi, qa obe tawa mdetanhunka kin Elitzur Šedeur cinhintku kin hee.

19 Unkan Simeon cinca wicoun mdetanhunka kin šelumiel Tzurisada cinhintku kin hee.

20 Qa Gad cinca wicoun mde-

WICOWOYAKE 11.

tanhunka kin Eleasap Duel cinhintku kin hee.

21 Hehan Qohati kin taku yuwakanpi kin yuha ihdakapi, qa nahanhin ekta kipi šni unmanpi tipi kin ehdepi.

22 Hehan Epraim cinca wicoti wiyokiye kin ihdaka obe tawapi kin iyecen, qa obe tawa mdetanhunka kin Amihud cinhintku Elišama hee.

23 Unkan Manaše cinca wicoun obe mdetanhunka kin Gamaliel Pedatzur cinhintku kin hee.

24 Unkan Benjamin cinca wicoun obe mdetanhunka kin Abidan Gideoni cinhintku kin hee.

25 Hehan wicoti owasin hakam Dan cinca wicoti wiyokiye ihdaka, obe tawa kin iyecen, qa obe tawa mdetanhunka kin Ahiezer Amišada cinhintku kin hee.

26 Unkan Ašer cinca wicoun obe mdetanhunka kin Pagiel Okran cinhintku kin hee.

27 Unkan Naptali cinca wicoun obe mdetanhunka kin Ahira Enan cinhintku kin hee.

28 Israel cinca obepi ihdakapi eca hecen ihdakapi.

29 Unkan Mowis Hobab Raguel cinhintku Midiani kin, Mowis tahanku kin heciya, Unkiyepi oyanke wan Jehowa cajeyate ça he ciçupi kta unkekiyapi heciya unkihdakapi, Iho opa wo, kinhan taku wašte ecaunniconpi kta, Jehowa Israel taku wašte icaje wicayate nakaš.

30 Unkan, Mde kte šni, tuka makoce mitawa, qa wicowazi mitawa ekta wahde kta, eciya.

31 Unkan tokin ehpe unyayapi šnin. Niye hopuze kin sdonyaya tukten euntipi kta, hecen išta unniyanpi kta.

32 Qa unkiyepi om idade cinhan kaketu kta, token Jehowa

taku wašte ecaunkiconpi, he iyecen taku wašte ecaunniconpi kta,eya.

33 Unkan Jehowa he tawa etanhan ihdakapi, anpetu yamni canku yeyapi, unkan Jehowa wicotakuye can wohnake kin wicotokam iyaya anpetu yamni canku yapi kin, tukten etipi kta iwanwicakiciyake kta heon etanhan.

34 Qa wicotipi etanhan ihdakapi eca, Jehowa tamašpiya kin anposkan wiciwankan un.

35 Unkan kaketu can wohnaka kin iyaya eca Mowis heya, Jehowa najin ye, qa toka niyanpi kin enanakiya iyayapi kta, qa tona šicenidapi kin nitokapa tanhan najicapi kte.

36 Unkan tipi ehdepi eca, Jehowa hdi ye Israel kektopawinge ota kin ekta, eya.

WICOWOYAKE 11.

1 Unkan oyate kin Jehowa noge ohna šicaya šicahowayapi Jehowa nañon qehan canniyan, qa Jehowa tapeta aide wicaye ça wicoti ihanke en huñnañ wicaya.

2 Unkan oyate kin Mowis hoye kiyapi; unkan Mowis Jehowa cekiya, hecen peta kin anapta.

3 Unkan oyanke kin he Tabera (Woluñnaga) eya caje yata; hen Jehowa tapeta huñnañ wicaya nakaš.

4 Wanna wicota yuwitaya hipi, qa owicapapi kin hena nina wakonpi; unkan Israel cinca kin nakun ake ceyapi qa heyapi, Tuwe tado yun unkiyapi kta hwo.

5 Egipta ohna hogan imnahan untapi kin he unkiksuyapi; nakun saka yutapi ocaje nonpa, qa pšin ocaje yamni.

WICAYAWAPI,

6 Tuka wanna unnagipi šeca aya, takudan wanunyakapi šni, manna kin de liecedan.

7 Unkan manna kin korianna su kin hinskokeca, qa wanyakapi kin inyan wicašake iyececa tanin.

8 Unkan oyate kin enanakiya iyayapi, qa he mnayanpi, qa wi-yukpan ohna yukpanpi, qaiš wi-bope en bopanpi, qa cega ohna španyanpi, qaiš aguyapi hmiyan-yanna cahota ohna španyanpi, qa utapi kin aguyapi skuya wi-lidi icicayapi utapi kin he iye-ceca.

9 Unkan cu kin hanyen wicoti ahinšpaye čehan manna kin he akan hiyu.

10 Unkan Mowis oyate kin wicowazipi kin ecekcen ceyapi nawicalon, wicašta otioyohi tawakeya tiyopa ohna, unkan Jehowa nina šiħda nakun Mowis he ši-cedaka.

11 Unkan Mowis Jehowa heciya, Tokeca nitaokiye šicaya icayecon, qa tokeca nitokam woiyokipi iyewaye šni he? oyate kin de iyulħpa wicaqin mayakiya he?

12 Miye oyate kin de iyulħpa cinca wicawaton he? qaiš miye cinca wicawakaga on, Itpi ohna wicayuha wo, wicašta wan iye cinhintku azin hduhe cin he iyecen emayakiya, hecen makece wan hunkake wicayapi wicaya-qu kta yakonze cin heciya awicamde kta.

13 Tokiya tanhan tado mduhe ča oyate kin de iyulħpa wicawa-qu kta he? wanna amaceyapi, qa, Tado unqu po, hecen untapi kta, eyapi

14 Oyate kin de mišnana mduha kta owakihi šni, waqin kta isanpa tke nakaš.

15 Hecen ecamiyecon kinhan,

tokin te mayayen, woiyokipi nitokam iyewaye cinhan, hecen mitoiyokišice cin wanwahdake kte šni.

16 Unkan Jehowa Mowis heciya, Oyate hunkayapi etanhan wicašta wikcemna šakowin mni-ciye wicakiya wo, miye ckta, wicašta oyate kin hunka wicayapi heca sdonwicayaya, qa itancan hecapi, qa itkokipapi wakeya ekta hiyu wicayaye kta; unkan niye k ci hen najinpi kta.

17 Unkan miš kun wau, qa hen nici wowahdake kta, qa woniya niye en un kin etanhan emdaku kta, qa hena en ye waye kta; unkan nišnana oyate kin wicaduha kte šni, hena nici wicayuhapi kta.

18 Unkan oyate kin hewicaya-kiye kta, Heyake cinhan on ihduwakan po; hecen tado yatapi kta; yaceyapi, qa Tuwe tado yun unkiyapi kta he? Egupta ohna tanyan unyakonpi ehapi kin he Jehowa noge kin iyulħpaya, heon Jehowa tado nicupi kta, qa yatapi kta.

19 Anpetu wanjidan yatapi kte šni, qa anpctu nonpa kte šni, qa anpetu zaptan kte šni, qa anpetu wikcemna kte šni, qa anpetu wikcemna nonpa kte šni;

20 Tuka wi wanji anpetu owasin hehanyan, nipogepi etanhan inanpe ča hitiyahdapi kte cin hehanyan; Jehowa niyepi ehna un kin he ihayaktapi šni, qa yaeeyapi qa, Tokeca Egupta etanhan inanunpapi he? chapi, heon etanhan.

21 Unkan Mowis heya, Oyate ehna waun kin de kektopawinge opawinge šakpe ozuye huiyunpi; unkan tado wicawaqu kta, qa wi wanji ihunniyan yutapi kta, eha.

22 Tahinca qa pte wicakipa-

WICOWOYAKE 12.

tapi kta, qa hecen iyowicahi kta ?
qais miniyowancaya hogan owasin
mnawicakiciyapi kta, qa hecen
iyowicahi kta he ?

23 Unkan Jehowa Mowis heciya,
Jehowa nape kin kaksapi he ?
Dehan mioie ecetu niciye kta,
qais ecetu niciye kte sni hecinhan
wandake kta.

24 Unkan Mowis tankan inanpe
ca Jehowa oie kin oyate kin
owicakiyaka, qa oyate hunkawicayapi
etanhan wicasta wikcemna sakowin
mnawicaya, qa wakeya qon ihdukšan
najin wicakiya.

25 Unkan Jehowa malpiya šapa
wan ohna kun hiyu, qa kici wohdake
ca woniya iye en un kin hetanhan
icu, qa hunkayapi wicasta wikcemna
sakowin qon akan awicahnaka ; unkan
woniya kin aози wicaye cehan waayatapi,
tuka icimana econpi šni.

26 Tuka wicasta nonpa wicoti
ohna owanji yakonpi, wanji Eldad
eciyapi, qa unman Medad eciyapi,
qa woniya kin iyawicahan, qa hena
owicawapi qon en opapi, tuka
wakeya qon ekta ipi šni, qa hena
wicoti ohna waayatapi.

27 Unkan koška wan inyanke
ca Mowis okiyake ca, Eldad qa
Medad wicoti ohna waayatapi ce,
eya.

28 Unkan Nun cinhintku Jošua ;
Mowis taokiye, koška kahngapi
heca wan ayupte ca heya, Itancan
Mowis wicakišica wo.

29 Unkan Mowis heciya. Miye
on etanhan winayawizi he ?
Tokin Jehowa taoyate kin iyuhpa
waayatapin, qa Jehowa toniya kin
owasin wicaqun.

30 Unkan Mowis wicoti kin ekta
kihda, iye qa Israel hunkawicayapi.

31 Unkan tateyanpa wan Jehowa
eciyatanhan iyaye ca mde kin
akotanhan šiyu icu, qa wicoti akan,
qa wicoti ihdukšan anokatanhan,
anpetu wan imanipi kin hehanyan
ahinhe wicaya, wicišpa nonpa
maka akan.

32 Unkan oyate kin najinpi,
anpetu kin he osan, qa hanyetu
osan, qa ihanlianna anpetu osan,
qa šiyu kin mnayanpi ; tuwe aopten
mnayan ešta opaha wikcemna
mnayan, qa hduhapi kta e wicoti
ihdukšan hena pceyapi.

33 Unkan conica nahanhin hipi
ohna yanka, yasotapi šni itokam
Jehowa tocanniye oyate kin aide
wicaya, qa Jehowa makošice
telike linca on oyate kin awicapa.

34 Unkan oyanke kin he Qiberot
Hatawa (Akaskapi kin wicahnakapi,
eya cajeyatapi ; oyate akaskapi
kin hen wicahnakapi nakaš.

35 Unkan Qiberot Hatawa etanhan
ihdakapi, Hazerot ekta, qa Hazerot
en yakonpi.

WICOWOYAKE 12.

1 Hehan Miriam qa Aaron Mowis
kigepi, Kuši winohinca yuze cin
heon etanhan, Kuši winohinca
wan yuza nakaš.

2 Qa heyapi, Awicakehan Jehowa
Mowis isnana ie kiya he ?
Unkiš nakun ie unkiyapi šni he ?
uncan Jehowa he nahon.

3 Wanna wicasta maka akan
hiyeye cin owasin Mowis isnana
wicasta walbadan.

4 Unkan ihnuhanna Jehowa
Mowis, Aaron, qa Miriam hewicakiya ;
Upo niyamnipi itkokipapi wakeya
ekta, Unkan hena yamni ekta ipi.

5 Unkan Jehowa malpiya bo-

WICAYAWAPI,

sdata ohna kun hiyu, qa itkokipapi wakeya tiyopa ekta yanke ça Aaron qa Miriam wicakipan; unkan napin ekta inanpapi.

6 Unkan heya, Mioie kin nationpo, Niyepi ehna waayate wan yuke cinhan, iye en Jehowa mihdutanin kta wowanyake en, qa wowihamde en taku ewakiye kta.

7 Tuka mitaokiye Mowis is hecece sni, wati ocowasin ohna iye wacinye pica.

8 He i i kici wowahdake taninyan, qa hanmdohdake sniyan, qa Jehowa ouncage kin he atonwan, heon tokeca mitaokiye Mowis ayaiapi kin koyakipapi sni he?

9 Qa Jehowa canniye wicaye ça kihda.

10 Qa mahpiya kin wakeya kin etanhan wankan iyaya; unkan inyun Miriam leprosi ececa, wa iyececa, unkan Aaron Miriam ekta etonwan, unkan leprosi ececa.

11 Hehan Aaron Mowis heciya, Itancan ceciya, tokin woalitani kin de ecinsniyan waunhtanipi kin aukihnakapi sni miyen.

12 Tokin taku hunku tezi kin etanhan ta inanpe ça celipi hanke sote cin iyecece kte snin.

13 Unkan Mowis Jehowa hoyekiye ça heya, Iyotan wasaka ceciciye, wanna okiziya ye.

14 Unkan Jehowa Mowis heciya, Atkuku kin he ite kin atagoša unkanš anpetu šakowin istece kte sni he? anpetu šakowin wicoti itankan natakapi kta, qa ohakam en hdi kta.

15 Unkan anpetu šakowin hehanyan Miriam wicoti itankan natakapi, qa Miriam en hdi sni kin hehanyan oyate kin ihdakapi sni.

16 Unkan ohakam oyate kin ihdakapi, Hazerot etanhan, qa Paran hopuza en etipi.

WICOWOYAKE 13.

1 Unkan Jehowa ie ça Mowis heciya,

2 Kanan makece Israel cinca wicawaqu kin he iwanničiyakapi kta e wicašta ye wicaši wo. Ate wicayapi wicoun otoiyohi etanhan wicašta wan ye yaši kta, hena wicehna owasin itancanpi hecapi.

3 Unkan Mowis Jehowa i kin eciyatanhan Paran hopuze kin etanhan ye wicaši, wicašta kin hena owasin Israel cinca mde-tanhunka hecapi.

4 Qa cajepi kin dena eepi, Ruben wicoun etanhan Šamuha Jakur cinhintku.

5 Simeon wicoun etanhan Šapat Hori cinhintku.

6 Juda wicoun etanhan Kaleb Jepune cinhintku.

7 Isakar wicoun etanhan Igal Josep cinhintku.

8 Epraim wicoun etanhan Hošeya Nun cinhintku.

9 Benjamin wicoun etanhan Patti Rapu cinhintku.

10 Zebulun wicoun etanhan Gadiel Sodi cinhintku.

11 Josep wicoun on Manaše wicoun etanhan Gadi Susi cinhintku.

12 Dan wicoun etanhan Ammiel Gemali cinhintku.

13 Ašer wicoun etanhan Setur Mikael cinhintku.

14 Naptali wicoun etanhan Naħbi Wapsi cinhintku.

15 Gad wicoun etanhan Guel Maki cinhintku.

16 Wicašta Mowis makece kin iwanyag ye wicaši cajepi kin hena eepi. Qa Mowis Hošeya

Nun cinhintku kin Jehošuwa eya cajeyata.

17 Unkan Mowis Kanan makoce kin iwanyag ye wicaši, qa he-wicakiya, Deciya itokaga en yapo, qa he kin itanwankanhdoyapi.

18 Qa makoce kin he toketu wandakapi kta, nakun oyate en oonyanpi kin, wašakapi, qaiš wankapidan unman tukte hecinhan, nakun tonana, qaiš otapi.

19 Qa makoce oonyanpi kin he wašte qaiš šica, qa otonwe otipi kin hena, wakeya otipi, qaiš conkaške otipi.

20 Qa makoce kin cepa qaiš tamaheca unman tukte, ohna can yukan qaiš can wanica. Waditakapo, qa makoce waskuyeca kin etanhan icupo, eya. Unkan he ehan hastanhanka toka suton.

21 Unkan iyayapi qa makoce kin iwanyakapi, Tzin hopuza etanhan Hamat ektakiya yapi, Rehob ekta hehanyan.

22 Qa itokaga en ipi, qa Hebron ekta hipi. Unkan Anaq cinca Ahiman, Šeša, qa Talma hen yakonpi. Unkan Tzohan Egipta ohna kagapi he itokam waniyetu šakowin Hebron kagapi.

23 Unkan Eškol kaksiza kin en hipi, qa hetanhan adetka wan kaksapi, qa hastanhanka iyage wanjidan, qa cansagye wan akan akiyuhapi, nakun taspan-tanka su ota, qa witanšnan etanhan akiyuhapi.

24 Oyanke kin he Eškol (Iyage) kaksiza eciyapi, Israel cinca kin hastanhanka iyage wan hetanhan kaksapi heon etanhan.

25 Unkan anpetu wikcemna topa hehan makoce iwanyakapi kin etanhan hdipi.

26 Hecen iyayapi qa Mowis ekta, qa Aaron, qa Israel cinca omniciye ocowasin ekta hdipi,

Qadeš, Paran hopuza ohna un kin ekta, qa hoši wicakahdipi, qa makoce waskuyeca wicakipazopi.

27 Qa okiyakapi qa heyapi, Makoce wan ekta ye unyašipi kin he ekta unkipi, qa awicakehan pteasanpi qa canhanpi tiktica ohna kaduza, qa waskuyeca aicage cin dee.

28 Hececa ešta oyate makoce oonyanpi kin wašakapi, qa otonwe tawapi kin aconkaškapi, qa nina tankinyanyan. Nakun Anaq cinca kin heciya wanwicunyakapi.

29 Amaleqi makoce itokah oonyanpi, qa Heeti kin qa Jebusi kin qa Amori kin He kin en oonyanpi, qa Kanani miniwanca icahda, qa Jordan omdaye kin oonyanpi.

30 Unkan Kaleb Mowis itokam oyate inina yanke wicasi, qa heya, Itanwankanhde unyanpi, qa unhduhapi kta iyececa, ohiunyanpi kta waunšakapi.

31 Tuka wicašta iye kici iyayapi qon heyapi, Oyate kin he ekta itanwankanhde unyanpi unkokihipi šni; hena unkiyepi isanpa wašakapi nakaš.

32 Qa makoce iwanyag ipi qon Israel cinca itokam aiapi, qa heyapi, makoce ohna iyaunyuptapi, qa iwanunyakapi kin tona oonyanpi kin wicayasota, qa oyate ohna wanunyakapi kin owasin wicašta hanskaskapi.

33 Qa hen waziya wanwicunyakapi Anaq cinca kin, hena waziya etanhan icagapi qa wicito-kam psipsicadan iyeuncecap.

WICOWOYAKE 14.

1 Unkan omniciye ocowasin hoyeyapi, qa oyate kin hanyetu kin he ceyapi.

WICAYAWAPI,

2 Qa Israel cinca owasin Mowis qa Aaron aiwicañnupi, qa omniciye owasin hena hewicakiyapi, Tokin Egupta makoce ohna unṭapin, qaiś ho puza kin de ohna unṭapin.

3 Qa tokeca Jehowa makoce kin de ekta hiyu unyanpi, hecen canḥpi on unhinḥpayapi kta, unkitawinpi, qa unkićinćapi nakun wayaka unpi kta? Egupta ekta unḥdapi kinhan wašte kta naceca.

4 Unkan hekićiyapi, Mdetan-hunka wan unkagapi, qa Egupta ekta unḥdapi kta.

5 Unkan Mowis qa Aaron maki-pusdiya hinḥpeiciyapi, Israel cinca omniciye owasin wicito-kam.

6 Unkan Jośuwa Nun cinhin-tku, qa Kaleb Jepune cinhintku makoce iwanyakapi etanhanpi wokoyake hduḥdeḥdecapi.

7 Qa Israel cinca omniciye owasin hewicakiyapi, makoce iwan-yakapi kta e iyaunyuptapi kin he makoce wan nina wašte ḥinca.

8 Jehowa iyounkipipi kinhan, makoce kin he ekta ye unki-yapi kta, qa makoce pte asanpi qa canhanpi tiktica kaduze cin he unqupi kta.

9 Takomni ihnuhan yakipajinpi kin, qa makoce oyate kin ihnuhan ikowicayapapi kin aguyapi unkitawapi iyecećapi kta, taku wacinyanpi kin he eḥpewicaya ; tuka Jehowa unkićipi un. Ihnuhan ikowicayapapi kin.

10 Unkan omniciye owasin inyan on wicaktepi kta keyapi qehan, Jehowa towitan kin itko-kipapi wakeya akan Israel cinca owasin ekta ihdutanin.

11 Unkan Jehowa Mowiś he-ćiya, Tohanyan oyate kin de ihamaktapi kte śni he? qa to-

hanyan wowapetokeca wicehna ecamon on wicamadapi kte śni he?

12 Makośice on awicawape qa ihang wicawaye kta, qa niye etanhan oyate wan tanka, qa hena isanpa waśaka wakage kta.

13 Unkan Mowis Jehowa heci-ya, Kinhan Egupton he naḥon-pi kta, hena wicehna tanhan nitowaśake tanka on oyate kin de hiyu wicayaya.

14 Qa makoce kin de ounyanpi kin hewicakiyapi, Niye Jehowa oyate kin de wicehna yaun, qa niye Jehowa iśta kin iśtapi en niḥdutanin, maḥpiya bosdata wiciwankan, qa anposkan ma-ḥpiye bosdata ohna wicitokam idade, qa hanyetu eca peta bosdata ohna, he wanna naḥon-pi.

15 Unkan oyate kin de wicaśta wanjidan iyecen ṭe wicayaye cinhan, oyate niye on wotanin naḥonpi kin hecen eyapi kta.

16 Jehowa makoce wakicons owicakiyake ciqon, he ekta hiyu wicaye kta okihi śni, heon ho-puza ohna wicakte.

17 Tokin, itancan towaśake kin tanka kten, kehe ciqon he iyecen.

18 Jehowa tehan śihda śni, to-cantekiye tanka ; wicoḥan śica, qa wokipajin kajuju ece, tuka ohinniyan kajuju kte śni, ate-yapi wicoḥan śićapi kin wicoi-cage iyamni, qa itopa kin hehan-yan awicahi ece.

19 Tokin oyate kin de waḥta-nipi kin wicakicajujun, nitowa-cantkiye tanka kin iyecen, qa Egupta etanhan deḥanyan oyate kin de wicayecicajuju kin he iyecen.

20 Unkan Jehowa heya, wi-cawecicajuju, ehe cin he iyecen.

WICOWOYAKE 14.

21 Qa hececa ešta wani kin iyecen Jehowa towitan kin maka owancaya ojudan ye kta.

22 Takomni wicašta kin tona mitowitan wanyakapi, nakun wowapetokeca ecamon Egipta ohna, qa Hopuza ohna, qa wikcemna akihde iyutan mayanpi, qa maho kin nahonpi šni kin hena owasin,

23 Makoce hunkake wicayapi kin wakicons owicawakiye cin he wanyakapi kte šni; ihamaktapi šni kin hena etanhan wanjidan he wanyakapi kte šni.

24 Tuka mitaokiye Kaleb woniya tokeca yuhe cin heon, qa ohinniyan mihakam u, heon makoce ekta i qon he ekta hiyu waye kta, qa iye cinca kin he tawayapi kta.

25 Wanna Amaleqi qa Kanani kaksiza ohna yakonpi, heon he yakecinhan ihdannapi, qa Mdeša ekta-kiya, Hopuza ohna ihdaka po.

26 Unkan Jehowa ie ça Mowis, qa Aaron hewicakiya;

27 Tohanyan omniciye šice kin de imahnupi kin wicawecicajuju kta he? Israel cinca wihnupi imahnupi kin he nawahon ce.

28 Hecen ewicakiya wo. Jehowa heya, Wani kin hecen token ehapi nawaron kin he iyecen ecaciconpi kta.

29 Hopuza kin de ohna nitancanpi kin hinhpayapi kta, tona niyawapi, oniwapi qon iyecen waniyetu wikcemnanonpa aktonpi, tona imahnupi owasin etanhan;

30 Ohna onunyayapi kta nape hduwankan iwacu qon awicakehan makoce kin he en yaipi kte šni; tuka Kaleb Jepune cinhintku qa Jošuwa Nun cinhintku kin henana en ipi kta.

31 Nakun nitašicecapi kin wa-

yaka unpi kta kehapi qon, hena ekta awicamde kta, unkan makoce ihayaktapi šni kin he sdonyapi kta.

32 Tuka niyepi nitancanpi kin hopuze kin den hinhpayapi kta.

33 Tuka nicincapi hopuza ohna wihankiya unpi kta, waniyetu wikcemna topa, qa wawicihahapi ecanonpi kin hdajujupi kta, nitancanpi kin owasin hopuza ohna sotapi kte cin hehanyan.

34 Tona can makoce iwanyakapi kin anpetu wikcemna topa anpetu otoiyo hi on waniyetu wan yawapi kta, waniyetu wikcemna tom, hehanyan wayahtanipi kin yahdajujupi kta, qa mitocanniye kin sdonyayapi kta.

35 Jehowa miye hepa, omniciye šice cin de miye en amamniciyapi kin awicakehan hecawicawecon kta, hopuza kin de ohna sotapi, qa ťapi kta.

36 Unkan wicašta Mowis makoce iwanyag ye wicaši, qa makoce šicaya cajeyan hdipi kin heon omniciye ocowasin aihnu wicayapi.

37 Wicašta makoce šicaya cajeyatapi kin hena makošice on Jehowa itokam ťapi.

38 Unkan makoce iwanyag ipi qon hena etanhan Jošuwa Nun cinhintku, qa Kaleb Jepune cinhintku henana nipi.

39 Unkan Mowis wicoie kin hena Israel cinca omniciye owasin owicakiyaka; unkan oyate kin nina hin iyokišin iciyapi.

40 Unkan hanhanna hin kiktapi qa heyapi, Hopo, oyanke Jehowa cajeyate kin he ekta itanwankanhde unyanpi kte, wanhtanipi nakaš. Qa he paha kin ekta itanwankanhde ipi.

41 Tuka Mowis hewicakiya, Tokeca decen Jehowa oie kin

WICAYAWAPI,

acayaksinpi he? He ohna tan-
yan iyahunipi kte sni.

42 Itanwankanhde yapi sni po,
Jehowa niyepi ehna un sni heon,
hecen toka niyanpi kin wicito-
kam anipapi kte sni.

43 Amaleqi qa Kanani kin he-
ciya nitokam yakonpi, unkan
canhpi on nihinhpayapi kta. Je-
howa etanhan nihdamnapi, heon
Jehowa nicipi un sni.

44 Unkan lie paha ekta-kiya
ihaktapi sniyan itanwankanhde
yapi, tuka Jehowa wicotakuye
can-wohnaka kin, qa Mowis wi-
coti cokaya tanhan tokidan ipi
sni.

45 Unkan Amaleqi qa Kanani
lie kin he ounyanpi kin apama-
hdedan upi qa wicakaštakapi, qa
wicaktepi Horma ekta hehan-
yan.

WICOWOYAKE 15.

1 Unkan Jehowa ie ça Mowis
heciya.

2 Ic ça Israel cinca kin hecen
ewicakiya wo, makoce ounyaya-
pi kta e cicupi kin he ekta yaipi
kinhan.

3 Qa peta wošnapi wan Jehowa
yecagapi, wohuhnahyapi, qais
woyakapi hdajujupi wošnapi,
qais taku ikce qupi on, qais mni-
niciyapi on, woomna Jehowa
iyokipi yecagapi kinhan, pte
etanhan qais tahinca etanhan.

4 Tuwe woahi Jehowa kahi
kinhan, minha wan aguyapi mdu
can waksica ohnaka wan wi-
hdi wiyatke ohnaka wan icica-
hiyapi ahi kta;

5 Qa woakaštan on miniša wi-
yatke ohnaka wan wohuhnahya-
pi kin, qais wošnapi kin ayaka-
štan kta e amnos otoiyo hi on;

6 Qa tamdoka wanjidan on
aguyapi mdu can waksica ohna-

ka nonpa, wihdi wiyatke ohnaka
wanji sanpa hanke icicahiyapi
minha yecage kta.

7 Qa miniša wiyatke ohnaka
wanji sanpa hanke woakaštan
yakahi kta, woomna Jehowa
iyokipi.

8 Qa pte wanunyanpi cinca wo-
huhnahyapi qais woyakapi hda-
juju wošnapi, qais wopida wo-
šnapi Jehowa yecage kte cin-
han;

9 Pte cinca wan on aguyapi
mdu can waksica ohnaka yamni,
wihdi wiyatke ohnaka nonpa
icicahiyapi minha kahi kta.

10 Qa woakaštan on miniša wi-
yatke ohnaka nonpa yakahi kta,
peta wošnapi woomna Jehowa
iyokipi.

11 Hecen econpi kta tatanka
otoiyohi on, qa tamdoka otoiyo-
hi on, qa tacincadan on, tahinca
ska qais tatokadan cincadan on.

12 Tona wadušnapi kin iyena-
ka yawapi iyecen otoiyo hi on
hecen ecanonpi kta.

13 Tona makoce en tonpi kin
hena owasin hecen econpi kta,
peta wošnapi woomna Jehowa
iyokipi kahipi eca.

14 Unkan tuwe oyate tokeca
niyepi ehna ihdaka, qais niyepi
ehna ounye cinhan nitoicagepi
yeye cin, qa peta wošnapi wa-
štemna Jehowa iyokipi kage cin-
han token niye ecanonpi kin he
iyecen econ kta.

15 Omniciye, wokage wanjidan
kta, niyepi on, qa tuwe oyate to-
keca niyepi ehna yanke cin on;
wokage owihanke wanica nito-
icagepi yeye cin, Jehowa itokam
token yaunpi kin he iyecen tu-
we oyate tokeca kin un kta.

16 Niyepi on, qa tuwe oyate to-
keca niyepi ehna ounye cin on
woope wanjidan, qa woyaco
wanjidan kta.

WICOWOYAKE 15.

17 Unkan Jehowa ie ça Mowis heciya,

18 Ie ça Israel cinca kin hecen ewicakiya wo, Makoce wan ekta ye ciyapi kin he ekta yaipi kinhan ;

19 Qa makoce taku aicage cin yatapi kinhan, wokosyapi wan Jehowa yaqupi kta.

20 Taku tokaheya boyapanpi kin etanhan aguyapi hmianyana wokosyapi wan yaqupi kta, aguyapi su kapanpi wokosyapi kin he iyecen, he yakozapi kta.

21 Tokaheya boyapanpi etanhan wokosyapi wan Jehowa yaqupi kta, nitoicagepi yeye cin.

22 Unkan ecinšniyan wayahitanipi, qa woahope kin dena Jehowa Mowis eciye cin owasin ecanonpi šni kinhan ;

23 Taku Jehowa Mowis nape on econ nišipi owasin, anpetu wan Jehowa Mowis taku econ ši kin hetanhan, qa tokata nitoicagepi yeye cin ohna ecanonpi šni kinhan ;

24 Qa omniciye sdotkiyapi šni taku ecinšniyan econpi kinhan, omniciye ocowasin tatanka wan pte wanunyanpi cinca wohuhnahiyapi kage kta, woomna wašte Jehowa iyokipi, minha kin iyahna, qa nakun woakaštan kin woyaco kin iyecen, nakun tato-kadan mdoka wan woahitani wošnapi on.

25 Unkan wawayušna kin Israel omniciye ocowasin akahepe wicakiciye kta, unkan wicakicicajujupi kta, ecinšniyan econpi nakaš, qa toahipi peta wošnapi kin Jehowa kahipi, qa ecinšniyan econpi Jehowa itokam on woahitani wošnapi nakun,

26 Hecen oyate iyuhpa sdoney šni econpi heon Israel cinca, qa tuwe oyate tokeca wicehna ti

kin omniciye ocowasin wicakicicajujupi kta.

27 Unkan wicanagi wan ecinšniyan wahtani kinhan, tatokadan wiyedan waniyetu wanjidan wahtani kin on ahi kta.

28 Unkan wawayušna kin wicanagi ecinšniyan wahtani kin akahepe kiciye kta, ecinšniyan wahtani wošnapi Jehowa itokam akahepe kiciye kta on, unkan kicicajujupi kta.

29 Tona ecinšniyan wahtanipi on woope wanjidan duhapi kta Israel cinca makoce tawayapi on, qa tuwe oyate tokeca niyepi ehna ti kin on.

30 Unkan wicanagi tuwe wahtan-icidayu taku šica econ kin he makoce tawayapi etanhan, qaiš oyate tokeca etanhan, wicanagi kin he Jehowa kipajin, heon oyate tawa etanhan kašpapi kta.

31 Jehowa oie kin ihakta šni, qa tawoahope kin ištenya, heon wicanagi kin he tohan šica hduha taoyate kin etanhan kašpapi kta.

32 Unkan Israel cinca Hopuza en yakonpi qehan, wicašta wan anpetu wakan icunhan, cande kin iyeyapi.

33 Qa he cande iyeyapi kin hena Mowis ekta, qa Aaron ekta, qa omniciye ocowasin ekta kahipi.

34 Qa kaška hnakapi, token ecakiconpi kta, nahahin owicakiyakapi šni nakaš.

35 Unkan Jehowa Mowis heciya, Wicašta kin awicakehan te kta, omniciye ocowasin, wicoti itankan, inyan on kininpi kta.

36 Unkan omniciye ocowasin wicoti itankan inanpe yapi, qa inyan on kininpi, Jehowa Mowis econ ši kin he iyecen, unkan ta.

37 Unkan Jehowa ie ça Mowis heciya.

WICAYAWAPI,

38 Israel cinca owawicakiye ça wicoicagepi yeye cin tawokoyakepi opapun ekta olcilici içicagapi kta, qa opapun olcilici akan hañonta to wan pahtapi kta, kewicakiya wo.

39 Qa he wowapetogton duhapi kta, qa wandakapi kta, qa Jehowa tawoahope owasin yeksuyapi qa ecanonpi kta, hecen nicantepi opeya, qa miištapi opeya yanunipi kte śni, hena opeya wiyacinpi ece qon iyecen.

40 Hecen mitawoahope owasin yeksuyapi qa oyapapi kta, qa tuwe wakanyadapi taoyate wakan yaunpi kta.

41 Jehowa Wakan yadapi kin he miye, qa Wakan mayadapi kta e Egipta makoce etanhan hdinanpe ciyapi, Jehowa Wakan yadapi kin he miye.

WICOWOYAKE 16.

1 Unkan Qora Itzar cinhintku Qohat cinhintku Lewi cinhintku, qa Datan qa Abiram Eliab cinca kin, qa On Pelet cinhintku Ruben cinca etanhan wohdakapi.

2 Qa Mowis anajinpi, nakon Israel cinca etanhan wicašta opawinge nonpa sanpa wikcemna zaptan omniciye itancanpi, wicašta okinihanpi, omniciye ekta wicakicopi hecapi.

3 Qa Mowis Aaron kici amniciyapi, qa hewicakiyapi, Omniciye ocowasin wicašta otoiyo hi owasin wakanpi, qa Jehowa wicacokaya un; heon tokeca Jehowa taomniciye iwankam ye niciyapi, qa niyepi on taku ota yacinpi he?

4 Unkan Mowis he nañon qehan makipusdiya elipe içiya.

5 Qa Qora, qa okodakiciye tawa owasin hewicakiya, Hanhanna

kinhan Jehowa tuwe tawa kin, qa tuwe wakan, qa tuwe iye ikiyeddan hiyuye cin hdutanin kta, qa tuwe kalnige cin he iye ekta ikiyeddan hiyuye kta.

6 Decen econ po, Qora qa okodakiciye tawa owasin oizinye icupo.

7 Qa hena ohna peta ehnaka po, qa akan wizinyapi akada po. Jehowa itokam heyakecinhan, hehan wicašta tuwe Jehowa kalnige cin hee wakan kta; Lewi cinca niyepi on taku ota yacinpi.

8 Nakon Mowis Qora heciya, Lewi cinca kin namañonpo.

9 Taku Israel wakandapi kin Israel omniciye etanhan niyepi niyukinunkanpi, iye ikiyeddan hiyu niyanpi, Jehowa ti wohtani kin ecanonpi kta, qa omniciye itokam nayajinpi qa owicayakiyapi kta, he taku śni yadapi he?

10 Nakon niye qa nihunkawanji Lewi cinca owasin niye kici ikiyeddan hiyunianpi: unkan nakon wawayuśnapi henicapi kta e ayakitapi he?

11 Hecen niye qa okodakiciye nitawa owasin Jehowa en amniciyapi, tuka Aaron taku econ hwo on he iyahnupi.

12 Unkan Mowis tuwe Datan qa Abiram Eliab cinca wicakico ye śi qon, unkan, Ekta unyanpi kte śni eyapi.

13 Hopuza ohna te unyayapi kta, makoce wan pte asanpi qa canhanpi tiktica ohna kaduze cin etanhan inanpe unyayapi kin he taku śni yada, heon unkiyepi iwankam wicašta yatapi itancan nicicage kte he?

14 Hiya makoce pte asanpi qa canhanpi tiktica ekta hiyu unyayapi śni qa maga qa hanstanhanka iyuwu ojupi tawa un-

yanpi kta e unyaqupi śni, Wicašta kin dena ištapi kin duśdoke kta he? Ekta unyanpi kte śni ce.

15 Unkan Mowis nina cantepnyan, qa Jehowa heciya, Minha tawapi kin ihakta śni ye. Hena etanhan śuktanka śonsonna wanjidan iwacu śni, qa iyepi wanjidan wakimduše śni.

16 Unkan Mowis Qora heciya, Heyakecinhan niye qa okodakiciye nitawa owasin Jehowa itokam u po, niye qa iyepi qa Aaron.

17 Qa niyepi otoiyo hi oizin e ikikcupo, qa hena akan wizinyapi akada po, qa wicašta opawinge nonpa sanpa wikcemna zaptan oizinyapi ayahipi kta, Jehowa itokam; nakon niye qa Aaron otoiyo hi oizinya tawa hduha po.

18 Unkan otoiyo hi oizinye ikikcupi, qa peta aehnakapi, qa wizinye akadapi, qa itkokipapi wakeya tiyopa ekta najinpi, nakon Mowis qa Aaron.

19 Unkan Qora okodakiye tawaiyuħpa mnawicaya, itkokipapi wakeya tiyopa ekta; unkan Jehowa towitan kin omniciye oowasin en ihdutanin.

20 Unkan Jehowa ie qa Mowis Aaron kici hewicakiya,

21 Omniciye kin de etanhan ihdukinunkanpo, kinhan ihnuhana wicamdušote kta.

22 Tuka makipusdiya ehpeiçiyapi, qa heyapi, Iyotan Waşaka wicaceħpi owasin toniyapi wakan nidapi, wicašta wanjidan waħtani kin heon omniciye iyuhpa canniye wicayaye kta he?

23 Unkan Jehowa ie qa Mowis heciya.

24 Ie qa oyate kin Qora qa Datan qa Abiram totipi ihdukšan

tanhan token iyaya po, ewicakiya wo.

25 Unkan Mowis najin qa Datan qa Abiram yakonpi kin ekta i, qa Israel hunkayapi kin ihakam ipi.

26 Qa ie qa oyate kin hewicakiya, Ihopo, wicašta śice kin dena tawakeyapi etanhan token iyaya po; qa ihnuhan taku tawapi kin wanji dutanpi kin. Hecanonpi kinhan okini hena waħtanipi owasin ohna ihang niyanpi kta.

27 Unkan Qora Datan qa Abiram tipi kin ihdukšan tanhan token iyayapi; Unkan Datan qa Abiram inanpapi qa tawakeyapi tiyopa ekta najinpi, tawicupi qa cinhintkupi qa cunwintkupi nakon.

28 Unkan Mowis heya, wicoħan kin dena owasin ecamon kta Jehowa u maši, qa miye cinka eciyatanhan śni, detanhan sdonyayapi kta.

29 Wicašta owasin token tapi kin he iyecen wicašta kin dena tapi kinhan, qa wicašta owasin taku akipapi kin dena akipapi kinhan Jehowa u maši śni.

30 Tuka Jehowa taku teca wan kage qa maka kin i hdukawa, qa nawicapca, nakon taku tawapi kin iyuhpa hecen niyake Hades ekta kun yapi kinhan, wicašta kin dena Jehowa waħtedapi śni sdonyayapi kta.

31 Unkan wicoie kin hena owasin eya hdaħtan qehan, maka kin wicihukuya naptuja;

32 Qa maka kin i kin hdukawa, qa nawicapca, qa tipi kin nakon, qa Qora wicašta tawa owasin, nakon taku tawapi kin owasin.

33 Hecen iyepi qa taku tawapi owasin Hades ekta niyake ipi, qa maka kin okaħpe wicaya, he-

WICAYAWAPI,

cen omniciye etanhan awihnuni-pi.

34 Unkan Israel wicihdukšan yakonpi kin owasin hena šica-howayapi etanhan najicapi, qa heyapi, Okini maka kin naunpcapi kta.

35 Unkan peta Jehowa etanhan inanpe ça wicašta opawinge nonpa sanpa wikcemna zaptan wizinyapi ahipi qon hena hułnalı wicaya.

36 Unkan Jehowa ie ça Mowis heciya,

37 Eleazar Aaron wawayuřna cinhintku kin heciya wo. Hułnalı wicayapi wicehna tanhan oizinyapi icu, qa peta kin kakiya ełpeya wo; hena wakan nakař.

38 Qa wicašta iye nagipi kin en wałtanipi kin hena oizinyapi tawapi kin kamdayapi kta, qa on wahna wořnapi kin akałipapi kta, hena Jehowa itokam ahipi, heon hena wakan; hecen Israel cinca kin hena wowapetogton yuhapi kta.

39 Unkan Eleazar wawayuřna kin mazařa oizinyapi kin wicašta hułnalı wicayapi ahipi qon icu, unkan wahna wořnapi akałipapi kta kamdayapi.

40 Israel cinca kin he wokiksuye yapi, hecen wicašta tokcca Aaron cinca hetanhan řni wizinyapi izinye kta e Jehowa itokam ikiyedan hi kte řni, qa Qora qa okodakiciye tawa iyecece kte řni; Jehowa Mowis nape eciyatanhan eciye ciqon he iyecen.

41 Unkan ihanłanna Israel cinca omniciye ocowasin Mowis qa Aaron iwicahnupi qa heyapi, Niyepi Jehowa taoyate ře wicayayapi.

42 Unkan omniciye kin Mowis qa Aaron amniciyapi qehan, Itkokipapi wakcya ektakiya etonwanpi; unkan inyun, ma-

łpiya qon he akałpa qa Jehowa towitan kin ihdutanin.

43 Unkan Mowis qa Aaron itkokipapi wakeya itokam hipi.

44 Unkan Jehowa ie ça Mowis heciya.

45 Oyate kin wicehna tanhan ihdukinuncan po, kinhan ihnuhanna wicamdasote kta. Unkan makipusdiya ilipayapi.

46 Unkan Mowis Aaron heciya, Oizinye ikikcu qa wahna wořnapi akan tanhan peta aonpa wo, qa wizinyapi akada wo, qa oyate ekta, kohanna aya wo, qa akałpe wicakiciya wo. Jehowa etanhan wocanniye iyaya, makořice wanna en wicahi.

47 Unkan Mowis eye cin he iyecen Aaron icu, qa omniciye wicacokaya inyanka; unkan inyun makořice wanna en wicahi. Unkan wizinyapi akada qa akałpe wicakiciya.

48 Unkan řapi qa nipi kin otahedan inajin qehan makořice kin anapta.

49 Wicašta kektopawinge wikcemna sanpa kektopawinge topa sanpa opawinge řakowin makořica on řapi, Qora oie on řapi qon isanpa.

50 Unkan makořice anapte cin ohakam Aaron Mowis en hdi itkokipapi wakeya tiyopa ekta.

WICOWOYAKE 17.

1 Unkan Jehowa ie ça Mowis heciya,

2 Israel cinca kin kewicakiya, qa hena etanhan cansakadan icu wo, ateyapi tipi otoiyo hi on cansakadan, ateyapi itancanpi owasin on, cansakadan wikcemna sanpa nonpa, wicašta otoiyo hi caje kin cansakadan tawa akan oyawa kta.

3 Qa Lewi cansakadan tawa

WICOWOYAKE 18.

akan Aaron caje kin oyawa kta, ateyapi tipi mdetanhunka iyohi on cansakadan wanjidan kta.

4 Qa hena itkokipapi wakeya ohna, woyaatanin itokam, tukten itkocicipapi eca, hen eyahnake kta.

5 Unkan wicašta tuwe wakanhige cin he cansakadan tawa kin lica kta, hecen Israel cinca imahnupi kin anawapte kta, niyepi inihnupi kin hena.

6 Unkan Mowis Israel cinca kin ecen ewicakiya; unkan itancanpi owasin cansakadan qupi itancan otioyohi on cansakadan wanjidan, ateyapi tipi itancan iyohi cansakadan wan, cansakadan akenonpa, qa Aaron cansakadan tawa cansakadan tawapi ehna.

7 Unkan Mowis cansakadan kin hena ehna Jehowa itokam itkokipapi wakeya ohna.

8 Unkan ihanhanna Mowis woyaatanin wakeya ekta hi, unkan inyun Aaron cansakadan tawa Lewi ti kin on camni uye ça wahca inanpe ye ça hmaska sutton.

9 Unkan Mowis cansakadan kin owasin hiyuya, Jehowa itokapa tanhan Israel cinca owasin ekta, unkan wanyakapi, qa otioyohi cansakadan ikikecupi.

10 Unkan Jehowa Mowis heciya, Aaron cansakadan tawa woyaatanin itokam ake kihnaka wo, qa he yapatan kta; wowapetokeca wokipajin cinca kin on, hecen imahnupi ayaştan wicayakiye kta, qa tapi kte şni.

11 Unkan token Jehowa econ şi kin he iyecen Mowis econ.

12 Unkan Israel cinca kin iapi qa Mowis heciyapi, unta-pi untakunipi şni owasin untakunipi şni.

13 Tona Jehowa ti kin ikiye-

dan hipi kin owasin tapi; unta-pi on unsotapi kta he?

WICOWOYAKE 18.

1 Unkan Jehowa Aaron heciya, niye qa nicinca, qa niyate tiwahe kin nakun tipi wakan wolıtani kin duhapi kta, qa niye qa nicinca kin wawaduşnapi wolıtani kin duhapi kta.

2 Nakun nihunkawanjipi kin Lewi wicoun, ateyaya wicoun kin nici hiyuwicaya wo. Hecen onicipapi kta, qa oniciyapi kta; tuka niye qa nicinca kin woyaatanin tiyopa ikiyedana unpi kta.

3 Qa wakeya kin ocowasin patanpi kin, qa taku patan wicayaşı kin patanpi kta; tuka tipi wakan waksica kin, qa wahna woşnapi kin yutanpi kte şni, hecen tapi kte şni, iyepi, qa niyepi nakun.

4 Unkan onicipapi kta, qa itkokipapi wakeya kin wopatanpi kin patanpi kta, wakeya wolıtani kin owasin, tuka tuwe tokeca nicipi ikiyedana hi kte şni.

5 Unkan niyepi tipi wakan awanyakapi kin duhapi kta, nakun wahna woşnapi wopatan kin, hecen wocanniye Israel cinca kin icimanna awicahi kte şni.

6 Unkan ito miye nihunkawanji Lewi kin Israel cinca wiceknatanhan iwicawacu, qa taku ikcecupi wan he iyecen hena nicupi, Jehowa on itkokipapi wakeya wolıtani kin econpi kta, heon etanhan.

7 Tuka niye qa nicinca om wowayuşnapi kin yakpatanpi kta, taku wahna woşnapi ekta econpi owasin, qa taku cokaya ozanpi mahen econpi, qa wolıtani kin ecanonpi kta; taku ikcecupi wan iyecen wowayuşnapi wo-

WICAYAWAPI,

litani kin cicupi, qa tuwe tokeca ikiyedan hi kinhan tɛyapi kta.

8 Unkan Jehowa Aaron heciya, Iho miye wokosyapi patanpi kin cicu, Israel cinca taku yuwakanpi owasin etanhan cicu, wiyutapi nitawa, qa nicinca kin tawapi kta, wokage owihanke wanica.

9 Taku wakan hinca peta etanhan okaptapi kin de niye nitawa kta, woahi tawapi owasin, minha tawapi owasin, qa woahitani wošnapi kin owasin, qa tohdajujupi makahipi kin owasin, wakan hinca hee, niye on, qa nicinca on.

10 Tipi wakan hinca mahen hena yatapi kta, tona wica owasin hetanhan yutapi kta; niye on he wakan kta.

11 De nakun nitawa kta, wokosyapi, Israel cinca taku yuwintapi owasin etanhan, taku qupi kin, he cicu, qa nicinksi, qa nicunksi nakun opapi kta; wokage owihanke wanica on, oyate ohna tona skapi owasin hetanhan yutapi kta.

12 Taku iyotan wašte wihdi etanhan, qa minisa etanhan, qa aguyapi etanhan taku iyotan wašte, taku tokaheya suton Jehowa qupi kin hena cicu.

13 Tamakocepi ohna taku tokaheya suton Jehowa kahipi kin nitawa kta; tona skapi yati ohna hetanhan yutapi kta.

14 Israel ohna taku yuwakanpi hinca owasin nitawa kta.

15 Tona caske celipi owasin etanhan Jehowa kahipi, wicašta qais woteca unman tukte kašta niye nitawa kta. Tuka wicašta caske kin opekiton wicayakiye kta, nakun wanunyanpi šapa cinca tokapa kin opeton wicayakiye kta.

16 Unkan opekitonpi kta wi

wanji tonpi ehantanhan opeyton kta, dawa kin he iyecen, mazaska seqel zaptan tipi wakan seqel iyececa, omnica wikcemna nonpa seqel wanjidan.

17 Tuka pte tokapa, qa tahincaska tokapa, qa tatokadan tokapa kin opekitonpi kte šni; hena wakanpi, wepi kin wahna wošnapi akan ayakaštan kta, qa wašnpi kin izinyaye kta, peta wošnapi waštemna Jehowa iyokipi.

18 Tuka celipipi kin he nitawa kta, maku kosyapi kin, qa hiyete etapa kin he iyecen nitawa kta.

19 Israel cinca taku yuwakanpi kin owasin etanhan, taku Jehowa ekta kozapi wokosyapi owasin cicu, niye, qa nicinksi, qa nicunksi nakun, wokage kin de owihanke wanica miniskuya wicotakuye ohinniyan Jehowa itokam, he niye nitawa kta, qa nakun tona niye etanhan icagapi he tawapi kta.

20 Unkan Jehowa Aaron heciya, Makoce tawapi ohna maga tawayaye kte šni, qa wicehna makoce onšpa duhe kte šni; Israel cinca wicehna wopamni nitawa, qa taku tawa yaye kte cin he miye.

21 Unkan ito Lewi cinca Israel ehna iwikcemna kin owasin tawayapi kta e wicawaqu, wohtani econpi kin on, iyuwin itkokipapi wakeya wohtani kin on.

22 Hecen Israel cinca kin icimana itkokipapi wakeya ekta hipi kte šni, okini woahitani hduhapi kta, qa ŧapi kta.

23 Tuka Lewi kin itkokipapi wakeya wohtani kin econpi kta, qa iyepi walitanipi hduhapi kta, wokage kin de owihanke wanica, nitoicagepi yeye cin maga tawayapi kte šni, Israel cinca wicehna.

24 Tuka Israel cinca taku icahiyapi etanhan iwikcemna kin Jehowa kahipi wokosyapi kin he Lewi kin wicawaqu, he tawa yapipi kta, heon hewicawakiya Israel cinca wicelna maga tawayapi kte šni.

25 Unkan Jehowa ie ça Mowis heciya,

26 Ie ça Lewi kin hecen ewicayakiye kta, Israel cinca etanhan iwikcemna maga heekiya ciçupi kin hena iyacupi eca hena etanhan Jehowa tawokosyapi kin yakahipi kta, iwikcemna etanhan iwikcemna kin.

27 Qa wokosyapi nitawapi aguyapi su kapanpi oyanke etanhan icupi he iyecen, qa miniša hastanhanka yuškica etanhan he iyecen niciyawapi kta.

28 Hecen niyepi nakun Jehowa tawokosyapi yakahipi kta; iwikcemna Israel cinca niçupi kin owasin etanhan Jehowa wokosyapi kin Aaron wawayušna kin yaqupi kta,

29 Taku niçupi kin owasin etanhan Jehowa wokosyapi iyohi yakahipi kta, taku iyotan wašte taku yuwakanpi etanhan.

30 Unkan hewicayakiye kta, Taku iyotan wašte yakahipi eca he Lewi wicakiciyawapi kta, maga taku aicage cin, qa hastanhanka iyuwi taku aicage cin he iyecen.

31 Unkan he yatapi kta tukte en yaunpi kta, niyepi qa tona yatipi ohna unpi kta itkokipapi wakeya ohna wohtani ecanonpi on iyuwin niçupi kin hee.

32 Qa he etanhan taku iyotan wašte yakahipi kinhan wohtani yahduhapi kte šni, qa Israel cinca taku, yuwakanpi kin duikcekapi kte šni, qa niçupi kte šni.

WICOWOYAKE 19.

1 Unkan Jehowa ie ça Mowis qa Aaron hewicakiya,

2 Wokage wope Jehowa econ nišipi kin dee, qa heya, Israel cinca kin kewicayakiye kta, Pte he-yuktanna hinša wan zanika tuktedan ošteke šni, cannapi tohinni un kiyapi šni, heca icupi qa nicahipi kta, kehe kta.

3 Qa Eleazar he yaqupi kta, qa wicoti itankan ayapi kta, qa iye itokam patapi kta.

4 Unkan Eleazar wawayušna kin napsukaza ou we kin etanhan icu kta, qa itkokipapi wakeya tiyopa ektakiya we kin etanhan šakowin akihde elpeye kta.

5 Unkan iye išta kin itokam pte-heyuktanna kin huhnahiyapi kta; ha kin, qa tado kin, qa we kin, qa cesdi kin huhnahiyapi kta.

6 Unkan wawayušna kin liantesadan can, pejihota, qa tahincaska hin duta icu kta, qa pte-heyuktanna huhnage cin akan elpeye kta.

7 Qa wawayušna kin wokoyake hdujaja kta, qa celpi minin iyeiçiye kta, qa ohakam wicoti en hi kta, qa ihtayetu kte cin hehanyan šape kta.

8 Qa tuwe he huhnahiyeye cin he wokoyake hdujaja kta, qa celpi kin minin niwc kta, qa ihtayetu hehanyan šape kta.

9 Unkan wicašta šape šni wan pte heyuktanna cahota kin mnaye kta, qa wicoti itankan kihna-ke kta, oyanke wan šape šni en, qa he patanpi kta mini awicamnimni kin on, Israel cinca oyate on wohtani ipakinte cin hee.

10 Unkan tuwe pte-heyuktanna cahota mnaye cin he woko-

WICAYAWAPI,

yake hdujaja kta qa hitayetu kte cin hehanyan šape kta; qa he Israel cinca on qa tuwe oyate tokeca wicenna onnye cin on en yanke kta, wokage kin de owihanke wanice kta.

11 Tuwe wicašta nagiye cin celipi yutan kinhan, anpetu šakowin šape kta.

12 Qa he on ikpakinte kta, anpetu iyamni en, hecen anpetu isakowin en ska kta, tuka anpetu iyamni en ikpakinte šni kinhan, anpetu isakowin en ska kte šni.

13 Tuwe taku te cin, wicašta nagiye ca te cin icalitake cinhan, qa ikpakinte šni kinhan, Jehowa toti kin yušapa, qa wicanagi kin he Israel etanhan kašpapi kta, wipakintapi mini kin he amninnipi šni heon hee šapa, toašape nahanhin askapa.

14 Wicašta wan wakeya ohna te cin woope kin dee, tona wakeya ohna unpi kin owasin, nakun tona wakeya en hiyupi kin hena owasin anpetu šakowin šapapi kta.

15 Qa waksica iha ton šni owasin, qa iha akahpapi šni kin hena šape kta.

16 Unkan tuwe wicašta wan makoskan canhipi on ktepi, qaiš wayazanka ta, qaiš wicahu wan, qaiš ohna wicahnakapi wan icalitake cinhan anpetu šakowin hehanyan šape kta.

17 Qa tuwe šape cin on wipakintapi kta e pte kuhnahyapi qon cahota etanhan icupi kta, qa waksica wan ohna mini kaduze cin akaštanpi kta.

18 Unkan wicašta wan šape šni pejihota icu kta, qa mini kin he en oputkan kta, qa wakeya kin qa waksica owasin, qa wicanagi hen yakonpi kin owasin awicamninni kta, nakun tuwe

wicahu wan icalitake qaiš tuwe ktepi, qaiš wayazanka te, qaiš ohnahnakapi wan icalitake cinhan.

19 Unkan wicašta šape šni kin he tuwe šape cin he amninni kta, anpetu iyamni en, qa anpetu isakowin en, unkan anpetu isakowin en ihdkusa kta, wokoyake hdujaja kta, qa minin niwe kta, hecen hitayetu en ska kta.

20 Qa wicašta tuwe šape ca ihduska šni kinhan, wicanagi kin he omniciye etanhan kašpapi kta, Jehowa tipi wakan tawa kin yušape cin heon etanhan, wipakintapi mini kin amninnipi šni heon hee šapa.

21 Unkan woope kin de owihanke wanin yuhapi kta, tuwe wipakintapi mini amninni kin wokoyake hdujaja kta; qa tuwe wipakintapi mini kin icalitake cinhan hitayetu hehanyan šape kta.

22 Qa taku kašta tuwe šapa yutan kinhan šape kta, qa wicanagi tuwe he icalitake cin hitayetu kta hehanyan šape kta.

WICOWOYAKE 20.

1 Unkan wi tokaheya en Israel cinca oyate kin owasin Tzin hopuze cin en hipi, qa oyate kin Qadeš en iyotankapi, qa hen Miriam ta, unkan hen hnakapi.

2 Unkan mini yatkanpi kta wanica, heon oyate Mowis qa Aaron amnicipi.

3 Qa oyate kin Mowis kigepi, qa heyapi, Tokin unki hunkanwanjipi Jehowa itokam tapi qehan unkiš eya untapin.

4 Qa tokeca unkiye untapin kta e, qa nakun wanunyanpi unkita-wapi, hopuze cin de ekta Jehowa taomniciye hiyuwicayayapi he?

5 Qa tokeca Egipta etanhan itanwankanhde mani unyayapi, qa makoce síce kin den hiyu unyayapi he? tukten wojupi iyecece šni, nakun witanšna hu wanica, qa hastanhanka iyuwi wanica, qa taspantanka su ota wanica, qa mini yatkanpi kta wanica.

6 Unkan Mowis qa Aaron omniciye etanhan upi, qa itkokipapi wakeya tiyopa ekta hipi, qa makipusdiya elpe içiyapi, qa Jehowa towitan kin wanyakapi.

7 Unkan Jehowa ie ça Mowis heciya,

8 Cansakadan qon icu, qa niye qa Aaron nicinye oyate kin mniciye wicayayapi kta, qa wanyakapi icunhan imnija kin eyakiyapi kta, unkan mini tawa wicakicu kta; hecen imnija etanhan mini hinanpe wicayeciye kta, qa oyate kin, qa tawanunyanpi kin yatke wicayakiye kta.

9 Unkan Mowis Jehowa itokapa tanhan cansakadan icu, econ ši kin he iyecen.

10 Unkan Mowis, qa Aaron omniciye kin mniciye wicayapi, imnija itokam, qa hewicakiya. Wawakipajinpi sa anagoptan po. Imnija kin de etanhan mini inanpe unniciyapi kta he?

11 Unkan Mowis nape yuwankan ikikcu, qa cansakadan on imnija kin apa; unkan mini ota inanpa; unkan oyate kin yatkanpi, tawanunyanpi nakun.

12 Unkan Jehowa ie ça Mowis qa Aaron hewicakiya. Wicamayadapi šni, qa Israel cinca wicitokam mayaduwakanpi šni, heon omniciye kin de makoce wicawaqu kin ekta hiyuwicayayapi kte šni.

13 Meriba (Kigepi) mini kin hee; hen Israel cinca kin Jehowa kigepi, unkan hen ihduwakan.

14 Unkan Qadeš etanhan Mowis Edom wicaštayatapi ekta wicašta ye wicaši, qa heciya. Nisunka Israel hecen eya, Niye woiyokišice unakapapi kin owasin sdonyaya.

15 Token hunkake wicunyanpi Egipta ekta ipi, qa Egipta ohna unyakonpi anpetu ota, qa token Egipton unkiyušepi, unkiyepi, qa nakun hunkake wicunyanpi.

16 Unkan Jehowa hoye unkiyapi, unkan ho naunkihonpi, qa ohnihde wan ye ši, qa Egipta etanhan hdinanpe unyanpi, unkan iho wanna Qadeš en unyakonpi, otonwe wan makoce nitawa ihanke ekta.

17 Tokin nitamakoce ohna unkiyayapi kten. Maga nitawa ohna, qa hastanhanka iyuwi ojupi ohna unyanpi kte šni, qa miniyowe nitawapi etanhan unyatkanpi kte šni, wicaštayatapi tacanku ohna maunnipi kta, he tanhan etapa tanhan qa catka tanhan unmanna unyanpi kte šni, nitamakoce isanpa unkiyayapi šni kin hehayan.

18 Unkan Edom heciya. Miye ohna idade kte šni okini canhipi hduha itkocicipe kta.

19 Unkan Israel cinca kin heciyapi, canku tanka ohna unyanpi kta, qa mini nitawa unyatkanpi kinhan miye qa wanunyanpi mitawa on iyuwii eçu kta. Takudan econ šni siha ecedan wecon opta mde kta.

20 Unkan heya, Iyoopta idade kte šni, qa Edom wicota om qa nape wašaka on inanpe ça itkokim u.

21 Hecen Edom iye tamakoce ohna Israel ye kta iyoki šni;

22 Qa Qadeš etanhan ihdakapi, qa Israel cinca omniciye owasin Hor he ekta hipi.

23 Unkan Jehowa ie ça Edom

WICAYAWAPI,

makoce ihanke ekta, Hor he ohna Mowis qa Aaron hewicakiya.

24 Aaron iye taoyate ekta okipe yapi kia. makoce Israel cinca wicawaqu kin he ekta i kte šni, nakaš, Kigepi mini kin ekta mioie yakipajinpi heon etanhan.

25 Aaron qa iye cinhintku Eleazar iwicacu, qa Hor he akan hiyuwicaya wo.

26 Qa Aaron tawokoyake kin dušdoke kta, qa cinhintku Eleazar he koyag yaye kta, qa hen Aaron te kta, qa okipe yapi kta.

27 Unkan token Jehowa econ ši kin he iyecen Mowis econ, qa Hor he akan ipi kin he oyate owasin wanyakapi.

28 Unkan Mowis Aaron tawokoyake kin kiciyušdoke qa cinhintku Eleazar he koyag kiya; unkan Aaron hen ta, Hor he paha akan: unkan Mowis qa Eleazar he kin etanhan kun hdicupi.

29 Unkan omniciye owasin Aaron te cin sdonyapi, heon Israel cinca tiyohnaka ocowasin Aaron aceyapi, anpetu wikcemna yamni hehanyan.

WICOWOYAKE 21.

1 Unkan Arad wicaštayatapi Kanani kin itokah makoce ounye cin he Israel Atarim canku ohna u nahon qehan azuwicaya, qa etanhan wayaka iwicacu.

2 Unkan Israel wokonze wan Jehowa en iciconzapi, qa heyapi, Oyate kin de minape en katinyan mayaqu kinhan, otonwe tawapi ocowasin ihang waye kta.

3 Unkan Jehowa Israel ho kin nahon, qa Kanani kin wicaqu: unkan ocowasin ihang wicayapi, otonwe tawapi nakun, heon makoce kin he Horma (Woihangye) eciyapi.

4 Unkan Hor he kin etanhan ihdakapi, qa Edom makoce ihdukšan yapi kta, heon Mde ša canku ohna yapi, qa oyate nagipi kin hanyan, canku kin on etanhan.

5 Qa oyate kin Wakantanka aiapi, qa Mowis aiapi, Tokeca Hopuze cin ohna untaŋpi kta e Egipta etanhan hdinanpe unyayapi he? aguyapi wanica, qa mini wanica, qa unnagipi woyute kapojedan kin de hitihda, eyapi.

6 Heon Jehowa wamduška wahuňnahya, oyate kin en hiyu wicaya, unkan wicayahtakapi, hecen Israel oyate etanhan wicota taŋpi.

7 Hehan oyate kin Mowis ekta hipi, qa heyapi, Waunhtanipi, Jehowa unkaiaŋpi, qa niš nakun; Jehowa wamduška yutokan iyeunkiciciyapi kta e icekiya wo; unkan Mowis oyate on cewicakiciya.

8 Unkan Jehowa Mowis heciya, Wamduška wahuňnahya wan icicaga wo, qa can pasdatapi wan akan ikoyag ya wo, unkan tona wicayahtakapi qa he wanyakapi kinhan hena owasin nipi kta.

9 Unkan Mowis mazaša wamduška wan kage qa can pasdatapi wan akan ikoyag ya; unkan kaketu wamduška wicašta wan yahtake cinhan, mazaša wamduška kin atonwan eca ni ece.

10 Unkan Israel cinca kin ihdakapi, qa Obot (Miniiyokaštan) en etipi.

11 Unkan Obot etanhan ihdakapi, qa Ije-Abarim (Abarim Otiwota) en etipi, he hopuza ohna Moab itokam wihinanpe ektakiya yanka.

12 Unkan hetanhan ihdakapi, qa Zered kaksiza ohna etipi.

13 Hetanhan ihdakapi qa Arnon akasanpa etipi, he hopuza

ohna un, Amori tamakoce ihanke ekta, Arnon Moab ihanke kin hee, Moab qa Amori kin otaheadan.

14 Heon Jehowa azuye wicaya oyakapi wowapi kin en heyapi, Waheb ekta Supa en, qa Arnon wakpadan ekta.

15 Qa wakpadan omdaye kin he Ar tipi kin iyohiya, qa Moab *makoce* ihanke kin icalitaka.

16 Unkan Beer (Miniyowe) ekta hipi, Miniyowe kin he Jehowa ke qa Mowis heciya, Oyate kin yuwitaya u wicakiya wo, kinhan mini wicawaqu kta.

17 Hehan Israel odowan kin de ahiyayapi, Miniyowe inanpa wo. He kahiyayapo.

18 Itancan miniyowe qapi kin hee, oyate akicita yapi kin tasag-yepi on, Wicoope kage cin eye cin iyecen. Unkan hopuze cin etanhan Matana en hipi.

19 Unkan Matana etanhan Nahaliel (Kaksiza wakan) en hipi, Nahaliel etanhan Bamot (Pahata) ekta.

20 Qa Bamot etanhan Makomdaye ekta, he Moab tatinta ohna yanka, Pisga paha ihukuya, qa he etanhan hewoskan kin wanyakapi.

21 Hehan Israel Sihon Amori wicastayatapi kin ekta ohnihde ye wicasi, qa heciya,

22 Nitamakoce kin iyopta mde kta; maga nitawa en unyanpi kte sni, qa hastanhanka iyuwijupi nitawa ohna unyanpi kte sni; qa miniyowe nitawa etanhan mini unyatkanpi kte sni; nitamakoce iyopta unyanpi kin hehanyan, wicastayatapi tacanku kin omaunnipi kta.

23 Tuka Sihon iye tamakoce Israel opta yapi kta iyowinwicakiye sni, qa Sihon taoyate kin iyuhpa yuwitaya u wicakiye qa

Israel itkokim hiyu, hopuza ektakiya, qa Jahatz (Anatanpi) ekta i, qa Israel azu wicaya.

24 Unkan Israel tacanhipi hi on kastakapi, qa tamakoce kin tawa yapi, Arnon etanhan, Jaboq hehanyan, Amon cinca kin ekta; Amon cinca tamokoce ihanke kin he aconkaškayapi, nakaś.

25 Unkan Israel otonwe kin hena owasin icupi, qa Israel Amori totonwepi owasin en iyotankapi, Heşbon qa otonwe cunksi wicaya owasin.

26 Heşbon Sihon Amori wicastayatapi totonwe kin hee. Iye he itokam Moab wicasta yatapi kin azuye qa tamakoce Arnon ekta owasin nape kin etanhan icu.

27 Heon dowanpi qa heyapi, Heşbon otonwe ekta u po. Sihon totonwe kagapi qa aconkaškaya po.

28 Heşbon etanhan peta wan inanpa, Sihon totonwe etanhan ide wan. Ar Moab hulinaliya, Arnon paha itancan nakun.

29 Moab hehehe, Kemoś taoyate nitakuni sni, cinhintku tona najicapi cunwintku nakun Amori wicastayatapi Sihon wowidag wicaye kta e wicaqu.

30 Unkan wicunkutepi, Heşbon ihang yapi. Dibon ekta, qa Nopa ekta hewoskan kagapi, he Medeba ekta iyohiya.

31 Hecen Israel Amori tamakoce kin en iyotankapi.

32 Unkan Mowis wicasta Jazer ekta tonwe ye wicasi, unkan totonwe kin icupi, qa Amori henunpi kin nape wicayapi.

33 Hehan ihduhomnipi, qa Bašan canku ohna itanwankanlde yapi; unkan Og Bašan wicastayatapi kin itkowicakipe kta inanpa, iye qa taoyate owasin Edrei okicize ekta.

WICAYAWAPI,

34 Unkan Jehowa Mowis heciya, Ihnuhan he ikoyape cin, ninape en he waqu kta, qa taoyate owasin, qa makoce tawa nakun; unkan token Sihon Amori wicaštayapi Hešbon en yanke ciqon ecayecou, he iyecen he ecayecou kta.

35 Unkan kaštakapi iye qa cinca kin, qa taoyate owasin, hecen wanjidan niyake okapte šni.

WICOWOYAKE 22.

1 Unkan Israel cinca kin ihdakapi, qa Moab makomdaya ohna Jordan icahda Jeriko itakasam etipi.

2 Unkan Balaq Tzipor cinhintku taku Israel Amori kin ecawicakicon owasin wanyaka.

3 Unkan Moab nina kokipa, oyate wicitokam, wicotapi nakaš, qa Israel cinca kin on Moab hanyan.

4 Unkan Moab Midiyani hunkawicayapi kin hewicakiya, Wanna obe kin de taku unkihdukšan un kin owasin sdipapi kta, tatanka wan tinta wato kin sdipa he iyecen. Unkan hehan Moab wicaštayatapi kin Balaq Zipor cinhintku kin hee.

5 Qa ohnihde Balam Beyor cinhintku ekta ye wicaši, Potori ekta, he iye tamakoce wakpa kin icahda yanka; kico kta, qa heciya, Iho oyate wan Egipta etanhan inanpa, qa inyun maka ite kin akahpe qa micahda iyotankapi.

6 Heon wanna ceciciya, u qa oyate kin de wicamiciyašica wo; wamašaka ešta hena sanpa wašakapi, okini wicawakaštaka, qa makoce etanhan nape wicawaya owakihi kta. Tuwe dawaste kin he yawaštepi, qa tuwe dašice cin hee yašicapi e sdon waya nakaš.

7 Unkan Moab hunkayapi, qa Midiyani hunkayapi woayate iyunwin nape ohna yuha iyayapi, qa Balam ekta ipi, qa Balaq oie kin eciyapi.

8 Unkan hewicakiya, Hanyetu kin de den yanka po, qa token Jehowa emakiye cin he iyecen wicoie kin aciyuptapi kta. Unkan Moab itancan kin Balam kici wankapi.

9 Unkan Wakantanka Balam ekta hi, qa heciya, Wicašta kin dena nici unpi kin tuwepi hwo?

10 Unkan Balam Wakantanka heciya, Balaq Beyor cinhintku, Moab wicaštayatapi wahomayan,

11 Inyun, oyate wan Egipta etanhan inanpe qa maka ite kin akahpa. Wanna u, qa miciwicayašica wo, hecen azu wicawaye qa nape wicawaya owakihi kta.

12 Unkan Wakantanka Balam heciya, Ihnuhan om idade cin, ihnuhan oyate kin dašice cin, yawaštepi nakaš.

13 Unkan Balam hanhanna kikta, qa Balaq ohnihde wicaya, hewicakiya, Nitamakoce ekta hdapo. Niyepi om mde kta Jehowa iyowin makiye šni.

14 Unkan Moab itancan kin najinpi, qa Balaq ekta hdapi, qa heciyapi, Balam unkicipi u kte šni, keya.

15 Unkan Balaq ake wicašta sanpa wicakinhanpi, qa sanpa ota ye wicaši.

16 Unkan Balam ekta hipi, qa heciyapi, Balaq Tzipor cinhintku kin hecen eya, Ceciciya, ihnuhan ekta mau yakapin kin.

17 Wowitan tanka hinca ciču, qa taku emayakiye cin owasin ecamon kta. U wo, ceciciya, oyate kin de wicamiciyašica wo.

18 Unkan Balam ayupte ça Balaq taokiye hewicakiya, Balaq iye ti kin mazaska qa mazaskazi ojudan maqu ešta, Taku wakan oie kin kawape ça taku eistinna qaiš taku tanka unman-na econ owakihi kte šni.

19 Heon ceciyapi hanyetu kin de nakun den wankapo, hecen taku Jehowa ake emakiye kta sdon waye kta.

20 Unkan Wakantanka hanyen Balam ekta hi, qa heciya, Wicašta kin nico hipi hecinhan, najin, qa om ya wo; tuka wicoie eciciye cin hecedan ecanon kta.

21 Unkan Balam hanhanna kikta, qa šonšonna aqin kiton, qa Moab itancan om iyaya.

22 Unkan iyaye cin heon Wakantanka canniyan, qa kize kta e Jehowa ohnihde kin canku ohna najin. Unkan šonšonna akan iyotanka, qa tahokšidan nonpa opapi.

23 Unkan šonšonna kin Jehowa ohnihde kin canku ohna najin, qa isan hdušdoka nape ohna wanyaka, heon šonšonna kin canku etanhan ihdutokan, qa tinta omani. Unkan Balam šonšonna kin apa, canku ohna iyaye ye kta heon etanhan.

24 Unkan Jehowa ohnihde kin hastanhanka iyuiw ojupe ehna canku qapi wan ohna najin anonkatanhan acankaškayapi.

25 Unkan šonšonna kin Jehowa ohnihde kin wanyake ça conkaške ipuskica, qa Balam siha kin conkaške ekta inatan; unkan ake he apa.

26 Hehan Jehowa ohnihde kin ake ako iyaye ça tukten ocistiye-dan ohna inajin: heu canku etanhan tokan iyaye pica šni, etapa tanhan qaiš catka tanhan.

27 Unkan šonšonna kin Jehowa

ohnihde kin wanyake ça makipusdi ešpe içiye, Balam ihukuya. Unkan Balam canniye ça sagye on šonšonna kin apa.

28 Hehan Jehowa šonšonna i kin yukawa; unkan Balam heciya, Taku ecacicon hwo on etanhan wanna yamni akihde amayapa he?

29 Unkan Balam šonšonna kin heciya, Iyokišin mayaya heon hecamon, Tokin isan wan minape ohna yukan, unkanš cikte kta tuka.

30 Unkan šonšonna kin Balam heciya, šonšonna nitawa totanhan mayaduhe cin ecen anpe dehanyan akan dotanke šni he? Qa ijehan hecen hecacicon he? Unkan, Hiya, eya.

31 Hehan Jehowa Balam išta kin yuzamni, unkan Jehowa ohnihde nape kin ohna isan yušdog hduha, canku onajin wanyake ça makipusdiya ešpe içiya.

32 Unkan Jehowa ohnihde kin heciya, Tokeca wanna yamni akihde šonšonna ayapa he? Niohan mitokam pemni ce, heon miš cicize kta e wahinawapa.

33 Qa šonšonna wanmayake ça yamni akihde mitokapa tanhan ihdutokan šni unkanš he niwaye kta, qa wanna awicakehan ci kte kta tuka.

34 Unkan Balam Jehowa ohnihde kin heciya, Wawahtani, canku ohna amayakipe kta nayajin kin sdon waye šni nakaš, qa wanna hecen iyonicipi šni kinhan wahde kta.

35 Unkan Jehowa ohnihde kin Balam heciya. Wicašta qon om ya wo. Tuka wicoie eciciye cin hecedan ehe kta. Unkan Balam Balaq ohnihde wicaya owicapa.

36 Unkan Balam u kin he Ba-

WICAYAWAPI,

laq nañon, qa itkokipe kta e iyaya, Moab otonwe ekta, he Arnon icahda makoce ihanke kin hee.

37 Unkan Balaq Balam heciya, Cico kta e hoye ciciye šni he? qa tokeca ekta mayahi šni he? Awicakehan nina ciyutan owakihi šni he?

38 Unkan Balam Balaq heciya, Inyun wanna en cihi, taku iwae kta owakihi he? wicoie Jehowa mi-en maqu kin hecedan iwae kta.

39 Unkan Balam Balaq kici iyaya, qa Hutzot otonwe ekta ipi.

40 Unkan Balaq tatanka, qa tañinca ska wayuřna, qa Balam qa itancan opapi kin tuwe wicakico yeři.

41 Unkan ihanñanna Balaq Balam icu qa Baal paha kin ekta i, qa hetanhan oyate *wicoti* ihanke wan wanyaka.

WICOWOYAKE 23.

1 Unkan Balam Balaq heciya, Wahna wořnapi řakowin den micicaga wo; qa den tatanka řakowin, qa tañin wanunyanpi řakowin wiyeya micicaga wo.

2 Unkan token Balam eye cin hecen econ, qa Balaq qa Balam tatanka wan, qa tamdoka wan wahna wořnapi otioyohi akan hññahya.

3 Unkan Balam Balaq heciya, Wohññahñ yaye cin icahda den yanka wo. Miř kakiya mda, okini Jehowa itko makipe u kta, qa wicoie wanyag makiye cin owasin ociciyake kta, eye řa paha řdayehna *ekta* iyaya.

4 Unkan Wakantanka Balam itkokipa, unkan heciya, Wahna wořnapi řakowin ewahde, qa wahna wořnapi iyohi akan ta-

tanka wan, qa tamdoka wan hññahñ waya.

5 Unkan Jehowa wicoie wan Balam i en yekiye řa heciya, Balaq ekta hde, qa heyakiye kta.

6 Unkan ekta hda, unkan inyun wohññahñ ye cin icahda yanka, iye qa Moab itancan owasin.

7 Unkan Balam wicoie wakan kin ohdake řa heya, Balaq Moab wicařtayatapi kin Aram etanhan, Wiyohianpa he kin etanhan u makiye řa heya, Iho Jakob micियाřica wo, qa kuwa Israel mici canniye ya wo.

8 Iyotan wařake cin he canniye ye šni, miř token canniye waye kta he? Jehowa wicayařice šni, token wicamdařice kta he?

9 Inyan paha etanhan wammdaka, pajodan etanhan aowakasin, Inyun oyate kin de iřnana ounye kta, qa oyate tokeca om wicayawapi kte šni.

10 Jakob maka mdu suřaza kin, qa Israel ořpaye itopa kin, tuwe yawa okihi he? Tokin wicařta ecetu řapi kin iyecen minagi ře kten qa owihanketa hena iyemacece kten.

11 Unkan Balaq Balam heciya, Taku ecamiyecon hwo? Toka wicawaye cin dařice kta e cico, unkan inyun nina wicadawařte.

12 Unkan ayupte řa heya, Taku Jehowa mii en ye kiya he patanyan iwae kte šni he?

13 Unkan Balaq heciya, Oyanke tokeca wan ekta mici u wo, qa hetanhan wanwicadake kta, ihanke hñca wan hecedan wandake kta, owasin wanwicadake kte šni, qa hetanhan wicamicियाřica wo.

14 Qa Tzopim (Iwanyakapi) tinta en Pisga paha ekta hiyuye řa wahna wořnapi řakowin kage řa tatanka wan, qa tamdoka

WICOWOYAKE 24.

wan wahna wošnapi iyohi akan hulinahya.

15 Qa Balaq heciya, Den yanka wo, wohulinah yaye cin icalhda, tuka miš kakiya itkowakipe kta.

16 Unkan Jehowa Balam itkokiye ça wicoie wan i kin en ye kiye ça heciya, Balaq ekta hde ça hecen eya wo.

17 Unkan en hdi, unkan inyun wohulinah ye cin icalhda yanka, nakun Moab itancan kin opapi, qa Balaq heciya, Jehowa taku eya he ?

18 Unkan wicoie wakan kin ohdake ça heya, Balaq najin qa nahon wo. Tzipor cinhintku kin anoh makiciya wo.

19 Iyotan wašake cin wicašta heca šni, tohini itonšni, qa Adam cinca šni iyope içiye šni. Is eye cinhan ecen econ kte šni he ? Ie cinhan hduwicake kte šni he ?

20 Inyun iye yawašte qa yawašte maši, unkan mdatokeca owakihni šni.

21 Jakob en wicohan šica atonwe kte šni, qa Israel en wo iyokišice wanyake kte šni, Jehowa wakan dapi kin wica kici un, wicašta yatapi iyašapi kin.

22 Iyotan wašake cin Egupta etanhan hdinanpa ya, tinta tatanka iyecen wašaka ce.

23 Jakob en wapiyapi wanica ce, qa Israel en wakan kagapi wanica. Iyotan wašaka Jakob on, qa Israel on, taku econ he ? detanhan eyapi kta.

24 Inyun oyate kin mnaja wiyedan iyecen najin hiyaye kta, qa mnaja mdoka wan iyecen yuwankan iye içiye kta. Taku yahtake cin we kin yatke, ça taku yapota yute šni kin hehan-yan makan iwanke kte šni.

25 Hehan Balaq Balam heciya,

Ilnuhan wicadašice cin, qa nakun ihnuhan wicadawašte kin.

26 Unkan Balam ayupte ça Balaq heciya, Taku Jehowa emakiye cin owašin ecamon kta eciciye šni he ?

27 Unkan Balaq Balam heciya, Wanna kuwa, oyanke tokeca ekta unye kta, okini hetanhan miyeciwicadašice kta e Wakantanka išta kin en ecetu kta.

28 Qa Balaq Balam iyaye ya, Peyor paha kin ekta, hetanhan Ješimon (Hewoskan) wanyakapi.

29 Unkan Balam Balaq heciya, Wahna wošnapi šakowin den micicaga wo, qa den tatanka šakowin, qa tamdoka šakowin, wiyeya micicaga wo.

30 Unkan token Balam eye cin he iyecen Balaq econ; unkan wahna wošnapi otoiyo hi akan tatanka wan, qa tamdoka wan hulinah ya.

WICOWOYAKE 24.

1 Unkan Israel wicayawašte kin he Jehowa išta kin en wašte Balam wanyaka, heon woayate akin iyaye šni, econ qon iyecen, tuka hopuze cin ektakiya etonwan.

2 Qa Balam išta yuwankan ikikcu, qa Israel wicoun iyecen tipi kin wanwicayaka, unkan Wakantanka toniya kin he akan un.

3 Hehan wicoie wakan ohdake ça heya, Balam Beyor cinhintku heya, wicašta išta yuhdokapi kin heya ;

4 Tuwe El oie kin nahon qa Iyotan wašaka towanyake kin wanyaka, he hicahan ešta išta yuzamni hduhe cin he heya ;

5 Israel yatipi kin qa Jakob nitawakeya kin hena wašte hinca.

WICAYAWAPI,

6 Wakpadan kin iyecen yeye cin, taškoju wakpa icahda iyecen, hanteša Jehowa oju kin iyecen, wazi can mini icahda iyecęapi.

7 Koka tawa etanhan mini kaduze kta, qa taku iye etanhan icage cin mini ota akan un kta, qa wicaštayatapi tawa Agag iwankam yanke kta, qa tokiconze kin pajodan kta.

8 Taku wakan wašaka Egupta etanhan inanpe wicaya; Oyate tona tokayapi kin hena temwicaye kta, huhupi kin wicakiyukse kta; tawahinkpe kin ipahdan ihewicaye kta.

9 Patuja mnaja iyecen, qa makan iwanka mnaja wiyedan iyecen, tuwe pańice kta he? Tuwe niywašte kin yawaštepi kta, qa tuwe niyašice cin yašicapi kta.

10 Hehan Balaq Balam nina canniye ya, qa nape hdaskape ęa Balaq Balam heciya, Toka wicawaye wicadašice kta e cico, unkan inyun yamni akihde katinyan wicadawašte ce.

11 Heon wanna najica ekta hda, wowitan tanka cięu kta epa, tuka inyun niyutanpi kta Jehowa iyoki šni.

12 Unkan Balam Balaq heciya, ohnihde wicayaya mico ye wicayaši qon hecen ewicawakiye šni he?

13 Balaq iye ti kin mazaska, qa mazaskazi ojudan maqu ešta, Jehowa i kin kawape, qa taku wašte qaiš taku šica econ owakihi šni, tuka taku Jehowa ie cin hecedan iwae kta.

14 Unkan ito wanna oyate mitawa ekta wahde kta, Kuwa wo, taku oyate kin de oyate nitawa ecawicakiconpi kta, tokata anpetu ota iyohakam, he ociciyake kta.

15 Qa Balam wicoie wakan ohdake ęa heya, Balaq Beyor cinhintku kin heya, wicašta išta yuhdokapi kin he heya:

16 Tuwe El oie kin nańon, qa Otancanke tosdonye kin okaliniga, Iyotan wašaka towanyake kin wanyaka, makipusdiya hinhpaya ešta išta yuzamni hduhe cin he heya;

17 He wanmdake kta tuka dehantu šni, awatonwe kta tuka ikiyedani kte šni, wicanhpi wan Jakob etanhan u kta, mazasagye wan Israel etanhan najin kta, qa Moab ihanke kin owasin kaštake kta, qa Šet (Owodutton) cinca kin owasin ihang ye kta.

18 Qa Edom tawaye kta, qa Seyir tokayapi kin he tawaye kta, qa Israel waditagya econ kta.

19 Qa tuwe idake ye kta Jakob etanhan kta, qa tona otonwe etanhan okaptapi ihang wicaye kta.

20 Hehan Amaleq wanyake ęa heya, Amaleq oyate tokaheya kin hee, tuka tokata iš eya awihnuni kta.

21 Hehan Qeni kin wanwicayake ęa wicoie wakan ohdake ęa heya, yatipi kin sutaya aconkaškayapi, qa inyan ehna hołpi nięicaga.

22 Hececa ešta Qeni kin tokan awicayapi kta; Tohantu kta he? Ašur wayaka aniye kta.

23 Unkan wicoie wakan kin ohdake ęa heya, Hehehe, El hena econ kin tuwe hehanyan ni kta he?

24 Unkan witawata Kitim huta kin etanhan upi kta, qa Ašur iyokišin yapi kta, qa Eber iyokišin yapi kta: unkan iš eya owihanketa awihnuni kta.

25 Hehan Balam najin qa

WICOWOYAKE 26.

ekta kihda, qa Balaq is eya
ekta hda.

WICOWOYAKE 25.

1 Unkan Israel Sitim en ounyanpi, qa oyate kin Moab cunwintkupi inawicahmanpi on ihdušapapi.

2 Unkan winyan kin hena taku wakandapi wakiyušnapi ekta oyate wicakicopi, unkan oyate kin yutapi, qa winyan kin taku wakandapi kin ohodapi.

3 Hecen Israel Baal Peyor (Peyor Itancan kin) en ikoyag içiyapi; unkan Jehowa Israel canniye wicaya.

4 Qa Jehowa Mowis heciya, Oyate itancanpi kin owasin wicakico wo, unkan hena Jehowa on anpetu wi itokam otke wicayapi kta, hecen Jehowa Israel nina canniye wicaya anapte kta.

5 Unkan Mowis Israel wayacopi kin hewicakiya, Otoiyo hi wicašta tawa tona Baal Peyor en ikoyag içiyapi kin hena wicaktepo.

6 Unkan Inyun Mowis qa Israel cinca oyate kin itkokipapi wakeya tiyopa ekta ceyapi icunhan, Israel cinca etanhan wicašta wan ku, qa Midiyani winohinca wan sunka wicaye cin ekta hiyuya, Mowis qa oyate kin wanyakapi.

7 Unkan Aaron wawayušna cinhintku Eleazar cinhintku Pinehas he wanyake cehan oyate cokaya tanhan najin iyaye ça nape ohna wahukeza wan icu;

8 Qa Israel wicašta kin ihakam iyaya, wakeya catkuta ekta, qa napin, cawicapa, wicašta kin, qa winohinca nakun tezi kin ohna, hecen makošice kin Israel cinca etanhan anapta.

9 Wanna makošice on tapi kin

hena wicašta ketkopawinge wickemna nonpa sanpa kektopawinge topa.

10 Unkan Jehowa ie ça Mowis heciya,

11 Pinehas Eleazar cinhintku Aaron wawayušna cinhintku kin, Israel cinca etanhan mitocanniye yutokan, inawawizi iye cen iye wicehna inawizi, qa hecen inawawizi kin en ihang wicawaye šni.

12 Heon hecen eciya wo. Ito wookiye wicotakuye waqu;

13 Qa wicotakuye wawayušna wicohan owihanke wanica yuhe kta, iye qa cinkši wicaye cin iye iyohakam, Wakantanka on inawizi kin Israel cinca akahpe wicaya heon etanhan.

14 Wanna Israel wicašta ktepi kin Midiyani winohinca kici ktepi kin he Zimri eciyapi, Salu cinhintku, Simeon ateyapi tipi wan en itancan wan hee.

15 Qa Midiyani winohinca ktepi kin he Kozbi eciyapi, Tzur cunwintku Midiyani ateyapi tipi wan en itancan wan hee.

16 Unkan Jehowa ie ça Mowis heciya,

17 Midiyani toka wicaye ça wicakaštaka wo.

18 Iyepi toka niyanpi qa nihnanpi ecinšniyan ohanyanpi on, Peyor wicoie icalitaka, qa tawinohtinpi Kozbi Midiyani itancan wan cunwintku, Peyor on etanhan, makošice anpetu kin en ktepi heon etanhan.

WICOWOYAKE 26.

1 Unkan makošice iyohakam Jehowa ie ça Mowis qa Eleazar Aaron wawayušna cinhintku kin hewicakiya.

2 Israel cinca oyate kin owasin wicayawa wo, wica waniye-

WICAYAWAPI,

tu wikcemna nonpa aktonpi, ateyapi tipi kin iyecen, Israel ohna tona ozuye yapi kin owasin.

3 Unkan Mowis qa Eleazar wawayuŝna kin wicoie kin hewicakiyapi, Moab makomdaye ohna, Jordan icahda Jeriho iyotakons.

4 Waniyetu wikcemna nonpa aktonpi wicayawapo, token Jehowa Mowis qa Israel cinca econ wicaŝi qon, Egupta etanhan inanpapi qehan, he iyecen.

5 Ruben Israel cinhintku tokapa, Ruben cinca Hanok etanhan Hanoki wicowazi kin, Palu etanhan Palui wicowazi kin,

6 Hetzron etanhan Hetzroni wicowazi kin, Karmi etanhan Karmi wicowazi kin.

7 Rubeni wicowazi kin hena eepi, Kektowawinge wikcemna topa sanpa kektowawinge yamni sanpa opawinge ŝakowin sanpa wikcemna yamni wicayawapi.

8 Unkan Palu cinhintku Eliab hee.

9 Qa Eliab cinca kin Nemuel, qa Datan qa Abiram. Datan qa Abiram obe wicakicopi kin hena eepi, hena Mowis qa Aaron wicakipajinpi. Qora taomniciye en Jehowa kipajinpi qehan.

10 Qa maka kin i hdukawa, qa nawicapca, qa Qora taobe kin tapi qehan, peta kin wicaŝta opawinge nonpa sanpa wikcemna zaptan wicaluhnage qehan; unkan hena wowapetokeca hecapi.

11 Tuka Qora cinca kin tapi ŝni.

12 Simeon cinca kin wicowazipi kin iyecen, Nemuel etanhan Nemueli wicowazi, Jamin etanhan Jamini wicowazi kin, qa Jakin etanhan Jakini wicowazi kin.

13 Zerah etanhan Zerah wico-

wazi kin, Saul etanhan Sauli wicowazi kin.

14 Simeoni wicowazipi kin hena eepi; kektowawinge wikcemna nonpa sanpa kektowawinge nonpa sanpa opawinge nonpa.

15 Gad cinca kin wicowazipi kin iyecen, Tzepon etanhan Tzeponi wicowazi kin, Hagi etanhan Hagi wicowazi kin, Suni etanhan Suni wicowazi kin,

16 Ozni etanhan Ozni wicowazi kin, Eri etanhan Eri wicowazi kin,

17 Arod etanhan Arodi wicowazi kin, Areli etanhan Areli wicowazi kin.

18 Gad cinca wicowazipi kin hena eepi wicayawapi iyecen, kektowawinge wikcemna topa sanpa opawinge zaptan.

19 Juda cinca kin Er qa Onan, tuka Er qa Onan Kanan makece ohna tapi.

20 Unkan Juda cinca kin wicowazipi kin iyecen dena eepi, Ŝela etanhan Ŝelani wicowazi kin, Perets etanhan Peretzi wicowazi kin, Zerah etanhan Zerehi wicowazi kin

21 Unkan Peretz cinca kin Hetzron etanhan Hetzroni wicowazi kin, Hamul etanhan Hamuli wicowazi kin.

22 Juda wicowazipi kin hena eepi wicayawapi iyecen kektowawinge wikcemna ŝakowin sanpa kektowawinge ŝakpe sanpa opawinge zaptan wicayawapi.

23 Unkan Isakar cinca kin wicowazipi kin iyecen, Tola etanhan Tolai wicowazi kin, Puwa etanhan Puwani wicowazi kin,

24 Jaŝub etanhan Jaŝubi wicowazi kin, Ŝimron etanhan Ŝimroni wicowazi kin.

25 Isakar wicowazipi kin hena eepi wicayawapi kin iyecen kektowawinge wikcemna ŝakpe

sanpa kektopawinge topa sanpa opawinge yamni, wicayawapi.

26 Zebulun cinca wicowazipi kin iyecen, Sered etanhan Saredi wicowazi kin, Elon etanhan Eloni wicowazi kin, Jahleel etanhan Jahleeli wicowazi kin.

27 Zebulun wicowazipi kin hena eepi kektopawinge wikcemna šakpe sanpa opawinge zaptan wicayawapi.

28 Josep cinca wicowazipi kin iyecen Manaše qa Epraim.

29 Manaše cinca Makir etanhan Makiri wicowazi kin, qa Makir Gilead kicitonpi, Gilead etanhan Gileadi wicowazi kin.

30 Gilead cinca kin dena eepi, Jezer Jezeri wicowazi, Heleq etanhan Heleqi wicowazi kin,

31 Qa Asriel Asrieli wicowazi kin; qa Šekem Šekemi wicowazi kin,

32 Qa Šemida Šemidai wicowazi kin, qa Heper etanhan Heperi wicowazi kin.

33 Qa Tzelopohad Heper cinhintku cinca wica nica cunwintku hecedan, qa Tzelopohad cunwintkn cajepi kin dena eepi Mahla, qa Noya, Hogla Milka, qa Tirtza.

34 Manaše wicowazipi kin hena eepi kektopawinge wikcemna zaptan sanpa kektopawinge nonpa, sanpa opawinge šakowin wicayawapi.

35 Epraim cinca kin dena eepi wicowazipi kin iyecen, Šutelah etanhan Šutelahi wicowazi kin, Beker etanhan Bekiri wicowazi kin, Tahian etanhan Tahani wicowazi kin.

36 Qa Šutelah cinca kin dena eepi, Enan etanhan Enani wicowazi kin.

37 Epraim cinca wicowazipi kin hena eepi, wicayawapi kin iyecen kektopawinge wikcemna

yamni sanpa kektopawinge nonpa sanpa opawinge zaptan; Josep cinca wicowazipi kin hena eepi.

38 Benjamin cinca wicowazipi kin iyecen, Bela etanhan Belayi wicowazi kin, Ašbel etanhan Ašbeli wicowazi kin, Ahiram etanhan Ahirami wicowazi kin.

39 Šupam etanhan Šupami wicowazi kin, Hupam etanhan Hupami wicowazi kin.

40 Qa Bela cinca kin Ard, qa Naaman, Ardi wicowazi kin, Naaman etanhan Naamani wicowazi kin.

41 Benjamin cinca hena eepi wicowazipi kin iyecen, qa kektopawinge wikcemna topa sanpa kektopawinge zaptan sanpa opawinge šakpe wicayawapi.

42 Dan cinca kin wicowazipi kin iyecen dena eepi; Šuham etanhan Šuhami wicowazi kin, Dan wicowazi kin hee wicowazipi kin iyecen.

43 Šuhami wicowazi kin owasin wicayawapi kin iyecen kektopawinge wikcemna šakpe sanpa kektopawinge topa sanpa opawinge topa.

44 Ašer cinca wicowazipi kin iyecen, Jimna etanhan Jimnahi wicowazi kin, Jišui etanhan Jišui wicowazi kin, Beriya etanhan Beriwi wicowazi kin.

45 Beriya cinca etanhan, Heber etanhan Heberi wicowazi kin, Malkiel etanhan Malkieli wicowazi kin.

46 Qa Ašer cunwintku Sarah eciyapi.

47 Ašer cinca wicowazipi kin hena eepi, wicayawapi kin iyecen kektopawinge wikcemna zaptan sanpa kektopawinge yamni sanpa opawinge topa.

48 Naptali cinca wicowazipi kin iyecen Jahtzel etanhan Jah-

tzeli wicowazi kin, Guni etanhan Guni wicowazi kin.

49 Jetzer etanhan Jetzeri wicowazi kin, Šilem etanhan Šilemi wicowazi kin.

50 Naptali wicowazipi kin hena eepi wicowazipi kin iyecen: kektopawinge wikcemna topa sanpa kektopawinge zaptan sanpa opawinge topa wicayawapi.

51 Israel cinca wicayawapi kin hena eepi, kektopawinge opawinge šakpe sanpa kektopawinge wanjidan sanpa opawinge šakowin sanpa wikcemna yamni.

52 Unkan Jehowa ie a Mowis heciya,

53 Makoce tawayayapi kta e hena wicakicipamnipi kta, cajepi wicayawapi kin iyecen.

54 Wicota kin tankaya tawayapi kta wicayaqu kta, a tonana on tawayapi cistiyedan wicayecage kta; otoiyo hi tona yawapi kin eciyatanhan tawaye kta e qupi kta.

55 Hececa ešta oeconna eciyatanhan makoce pamnipi kta, ateyapi wicoun cajepi eciyatanhan tawayapi kta.

56 Oeconna i kin eciyatanhan makoce tawapi wicakicipamnipi kta, wicota a tonana otahe dan.

57 Lewi kin wicayawapi kin dena eepi, wicowazipi kin iyecen, Geršon etanhan Geršoni wicowazi kin, a Qohat etanhan Qohati wicowazi kin, a Merari etanhan Merari wicowazi kin.

58 Lewi wicowazipi kin dena eepi, Libni wicowazi kin, Hebronni wicowazi kin, Mahli wicowazi kin Muši wicowazi kin; Qorahi wicowazi kin. Unkan Qohat Amram kicitonpi.

59 Unkan Amram tawicu Jokebed eciyapi, Lewi cunwintku,

Egupta ohna he Lewi kicitonpi, unkan he Aaron a Mowis a tawinohtinpi Miriam Amram kiciton.

60 Unkan Aaron cinca kin Nadab, a Abihu, Eleazar a Itamar.

61 Tuka Nadab a Abihu peta tokeca Jehowa itokam ahipi qehan api.

62 Unkan kektopawinge wikcemna nonpa sanpa kektopawinge yamni wicayawapi, wicawi wanjidan aktonpi owasin. Tuka Israel cinca wicehna makoce tawayapi wicaqupi šni, heon Israel cinca wicehna wicayawapi šni.

63 Mowis a Eleazar wawayušna kin hena wicayawapi, Israel cinca wicayawapi qehan, Moab makomdaye ohna Jordan ica hda Jerižo iyotakonza.

64 a wicehna wicašta Mowis a Aaron wawayušna kin Israel cinca Sina ho puza ohna wicayawapi qon wanjidan ope šni.

65 Hena ho puza ohna api kta Jehowa kewicakiya nakaš, hecen hena etanhan wanjidan okapte šni, Caleb Jepune cinhintku, a Jošuwa Nun cinhintku henana.

WICOWOYAKE 27.

1 Hehan Josep cinhintku Manaše wicowazi kin etanhan Manaše cinhintku Makir cinhintku Gilead cinhintku Heper cinhintku Tzelopehad cunwintku hipi, a Tzelopehad cunwintku cajepi kin dena eepi: Mahla a Noya Hogla Milka a Tirza.

2 a Mowis itokam a Eleazar wawayušna itokam, a omniciye owasin a itancanpi itokam itokkipapi wakeya tiyopa ekta najinpi a heyapi;

3 Ate unyanpi ho puza ohna a

tuka omniciye Jehowa amniciyapi kin ope šni, Qora obe kin he; tuka iye wahtani kin on ta, qa cinca wica nica.

4 Tokeca ate unyanpi cinhintku nica heon caje kin wicowazi tawa etanhan kajujupi kta he? Ate sunka wicaye cin wicehina makoce onšpa unqumiye.

5 Unkan token ecawicakiconpi kta Mowis Jehowa iwanga.

6 Unkan Jehowa ie ça Mowis heciya,

7 Tzelopehad cunwintku kin ecetuya eyapi. Ate yapi tamaga kin hena ekta iyopta yaye kta.

8 Unkan Israel cinca kin hecen ewicayakiye kta, Wicašta wan cinca wica nica te cinhan, maga tawa kin cunwintku ekta iyopte yayapi kta.

9 Qa cunwintku nice cinhan cincu qa sunkaku maga tawa yaqupi kta.

10 Qa hunkawanjitku nice cinhan, atkuku hunkawanjitku kin maga tawa yaqupi kta.

11 Qa atkuku hunkawanjitku nice cinhan, tuwe wicowazi tawa etanhan iye cełpi takuye linca kin maga tawa yaqupi kta; unkan iye he tawaye kta. Woyaco kin de Israel cinca owihanke wanin yuhapi kta, Jehowa Mowis econ ší kin he iyecen.

12 Unkan Jehowa Mowis heciya, Abarim he kin de itanwanhahde ye ça makoce Israel cinca kin wicawaqu kin he wanyaka wo.

13 He wandake kta, hehan niš eya oyate nitawa ekta okipe niyanpi kta, Aaron nicinye okipe yapi kin he iyecen.

14 Tzin łopuza ohna mii kin yakiyajinpi oyate kin kigepi qehan, ištapi en mayaduwakanpi šni, mini ekta, Kigepi mini kin hee, Qadeš ekta, Tzin łopuza ohna.

15 Unkan Mowis ie ça Jehowa heciya,

16 Tokin Jehowa taku wakan wicacełpi toniyapi owasin wicayuhe cin wicašta wan oyate kin wicayuhe ší kten.

17 He wicitokam inanpe kta, qa wicitokam ku kta, qa inanpe wicaye kta, qa hdi wicaye kta, hecen Jehowa taomniciye kin talin wanunyanpi waawanyake nica iyececapı kte šni.

18 Unkan Jehowa Mowis heciya, Jošuwa Nun cinhintku icu wo, wicašta kin he woniya ohna yanka qa nape aputaka wo.

19 Qa Eleazar wawayušna itokam, qa omniciye ocowasin itokam, najin yakiye kta, qa token econ yaši kin hena wanyakapi kta.

20 Qa wowitan nitawa etanhan he yaqu kta, hecen Israel cinca omniciye owasin he nahonpi kta.

21 Unkan Eleazar wawayušna kin itokam najin kta; unkan he Jehowa ikiciwange kta, iyoyam wicaya woyaco eciyatanhan, Iye i kin eciyatanhan inanpapi kta, qa iye i eciyatanhan hdipi kta, iye qa nakun Israel cinca owasin omniciye ocowasin.

22 Unkan token Jehowa Mowis econ ší he iyecen econ, qa Jošuwa icu qa Eleazar wawayušna itokam, qa omniciye ocowasin itokam najin kiya.

23 Qa akan nape aputaka, Jehowa Mowis eciye ciqon he iyecen.

WICOWOYAKE 28.

1 Unkan Jehowa ie ça Mowis heciya,

2 Israel cinca kin wahokon wicakiye ça hewicakiya wo. Waktaya unpo, iyehantu eca woa hi mitawa, woyute mitawa peta

wośnapi waśtemna wiciyokipi makahipi kta.

3 Qa hewicayakiye kta. Peta wośnapi Jehowa yakahipi kte cin dee, amnos nonpa, napin zanika, waniyetu wanjidan woħulnahiyapi ohinniyan anpetu otoi-yohi.

4 Amnos wanji hanhanna eca waduśnapi kta, qa amnos inonpa kin oħtayetu otahedan ecanonpi kta.

5 Qa minħa on aguyapi mdu can wakśica ohnaka wanjidan, wihdi bopanpi wiyatke ohnaka wanjidan icicahiyapi.

6 Woħulnahiyapi ohinniyan Sina he en kagapi, peta wośnapi waśtemna Jehowa iyokipi.

7 Qa toakaśtan kin amnos wanjidan on wiyatke ohnaka wanjidan, tipi wakan ohna miniśa kin Jehowa okicicaśtan wo.

8 Qa amnos inonpa kin oħtayetu otahedan waduśna kta, hanhanna minħa kin qa woakaśtan kin kici yakage kta, peta wośnapi waśtemna Jehowa iyokipi.

9 Unkan anpetu okiħpapi en amnos nonpa waniyetu wanjidan zanika, qa aguyapi mdu can wakśica ohnaka nonpa wihdi icicahiyapi, minħa hee, nakun toakaśtan kin.

10 Anpetu okiħpapi woħulnahiyapi kin hee, anpetu okiħpapi otoi-yohi on ohinniyan woħulnahiyapi, qa toakaśtan kici.

11 Qa wi anpetu tokaheya kin en woħulnahiyapi Jehowa yakahipi kta, tatanka pte wanunyanpi cinca nonpa, tamdoka wanjidan, qa amnos śakowin zanika.

12 Qa minħa kin aguyapi mdu can wakśica ohnaka yamni, wihdi icicahiyapi, tatanka otoi-yohi on, qa tamdoka on minħa aguyapi mdu can wakśica ohnaka nonpa, wihdi icicahiyapi.

13 Qa minħa amnos otoi-yohi on aguyapi mdu can wakśica ohnaka wanjidan, wihdi icicahiyapi, peta wośnapi waśtemna Jehowa iyokipi.

14 Qa toakaśtanpi kin miniśa wiyatke ohnaka nonpa, tatanka wan on, qa wiyatke ohnaka wanji sanpa hanke tamdoka kin on, qa wiyatke ohnaka wanjidan amnos otoi-yohi on; omaka wi otoi-yohi on wi toka tanin eca woħulnahiyapi kin hee,

15 Nakun tatokadan mdoka wan woħtani wośnapi Jehowa wakiyuśnapi kta, ohinniyan wośnapi kici, qa toakaśtan kici.

16 Unkan wi tokaheya anpetu iake topa en woacakśin Jehowa kicagapi kta.

17 Unkan wi kin he anpetu iake zaptan en Jehowa wokicihanpi kta, Anpetu śakowin aguyapi napoliyapi śni yutapi kta.

18 Anpetu tokaheya en wicakicopi wakan, wayaka woħtani takudan econpi kte śni.

19 Qa peta wośnapi woħulnahiyapi wan Jehowa yakahipi kta, tatanka pte wanunyanpi cinca nonpa, tamdoka wanjidan, qa amnos waniyetu wanjidan śakowin, niyepi on zanipike kta.

20 Qa minħapi aguyapi mdu wihdi icicahiyapi can wakśica ohnaka yamni tatanka otoi-yohi on, qa tamdoka on can wakśica ohnaka nonpa yecagapi kta.

21 Qa amnos śakowin on can wakśica ohnaka śakowin, amnos otoi-yohi on can wakśica ohnaka wanjidan, wicayecagapi kta.

22 Qa tatokadan wanjidan woħtani wośnapi akalipe niçiyapi kta.

23 Hena wośnapi yakagapi kta, hanhanna woħulnahiyapi kici, woħulnahiyapi ohinniyan kin hee.

24 Anpetu śakowin kin anpetu

otoiyohi peta tawote waštemna Jehowa iyokipi yakagapi kta, woħuhnaħiyapi ohinniyan toakaštan kici nakun kagapi kta.

25 Unkan anpetu išakowin en wicakicopi wakan duhapi kta, wayaka woħtani takudan ecanonpi kte šni.

26 Nakun taku tokaheya suton anpetu en minħa teca Jehowa yakahipi eca, anpetu wakan šakowin owihanketa wicakicopi wakan duhapi kta, wayaka woħtani takudan ecanonpi kte šni.

27 Qa woħuhnaħiyapi waštemna Jehowa iyokipi yakahipi kta, tatanka pte wanunyanpi cinca nonpa, tamdoka wanjidan, qa amnos waniyetu wanjidan šakowin.

28 Qa minħapi aguyapi mdu wihdi icicahiyapi can waksica ohnaka yamni tatanka otoiyohi on, qa can waksica ohnaka nonpa tamdoka wan on.

29 Qa can waksica ohnaka šakowin amnos šakowin on, amnos otoiyohi on can waksica ohnaka wanjidan.

30 Tatokadan mdoka wanjidan akaħpe niciyapi kta heon.

31 Woħuhnaħiyapi ohinniyan, qa taminħa kici, hena yakagapi kta, woakaštanpi kin nakun niyepi on hena zanipike kta.

WICOWOYAKE 29.

1 Unkan wi išakowin, wi anpetu tokaheya en wicakicopi wakan duhapi kta, wayaka woħtani takudan ecanonpi kte šni, anpetu mazayahotonpi wiyuškinyan hotonpi kin duhapi kta.

2 Qa woħuhnaħiyapi waštemna Jehowa iyokipi yakagapi kta, tatanka wanji ptewanunyanpi cinca, tamdoka wanji, amnos

waniyetu wanjidan šakowin zanika.

3 Qa taminħapi kin aguyapi mdu wihdi icicahiyapi, can waksica ohnaka yamni tatanka kin on, qa ohnaka nonpa tamdoka on,

4 Qa amnos šakowin on otoiyohi on can waksica ohnaka wanjidan.

5 Qa tatokadan mdoka wanjidan woħtani wošnapi hee akaħpe niciyapi kta.

6 Nakun wi woħuhnaħiyapi kin taminħa kici, qa ohinniyan woħuhnaħiyapi kin taminħa kici, qa toakaštanpi kin woyaco iyećen, peta wošnapi waštemna Jehowa iyokipi.

7 Unkan wi išakowin kin he anpetu iwikcemna en wicakicopi wakan duhapi kta, qa ninagipi iyokišin niciyapi kta, he en wayaka woħtani takudan ecanonpi kte šni.

8 Qa woħuhnaħiyapi wan Jehowa yecahipi kta, waštemna wicahiyokipi, tatanka ptewanunyanpi cinca wanji, tamdoka wanji, amnos waniyetu wanjidan šakowin zanika niyepi on.

9 Qa minħapi kin aguyapi mdu wihdi icicahiyapi can waksica ohnaka yamni tatanka wan on, qa can waksica ohnaka nonpa tamdoka wanjidan kin on.

10 Qa amnos šakowin on, amnos otoiyohi on can waksica ohnaka wanjidan.

11 Tatokadan mdoka wanjidan woħtani wošnapi on, nakun akaħpe wicakiyapi woħtani wošnapi, qa ohinniyan woħuhnaħiyapi kin, qa minħa kin, qa toakaštanpi kin.

12 Unkan wi išakowin anpetu iake zaptan en wicakicopi wakan duhapi kta, wayaka woħtani takudan ecanonpi kte šni, qa

WICAYAWAPI,

anpetu šakowin wohanpi Jehowa oyecihanpi kta.

13 Qa wohuhnaŋyapi wan Jehowa yakahipi kta, peta wošnapi waštemna wiciyokipi, tatanka ptewanunyanpi cinca wikcemna sanpa yamni, tamdoka nonpa, amnos waniyetu wanjidan ake-
tom zanipike kta.

14 Qa taminhapi aguyapi mdu wihdi icicahiyapi can waksica ohnaka yamni tatanka otoiyo-
hi on, tatanka iakeyamni on, qa tamdoka nonpa on, otoiyo-
hi on can waksica ohnaka nonpa.

15 Qa amnos aketopa on, amnos otoiyo-
hi on can waksica ohnaka wanjidan.

16 Qa tatokadan mdoka wan-
jidan woahitani wošnapi, nakun ohinniyan wohuhnaŋyapi kin, taminha kin qa toakaštan kici.

17 Qa anpetu inonpa en tatan-
ka ptewanunyanpi cinca wikcemna sanpa nonpa, tamdoka nonpa, amnos waniyetu wanjidan aketopa zanipika.

18 Qa taminhapi kin, qa toakaštanpi kin, tatanka on, qa tamdoka on, qa amnos on, woyaco eciyatanhan iyenakecapi iyecen.

19 Qa tatokadan mdoka wan-
jidan woahitani wošnapi, nakun wohuhnaŋyapi ohinniyan, qa minha tawa, qa toakaštanpi kin.

20 Qa anpetu iyamni en tatan-
ka akewanji, tamdoka nonpa, amnos waniyetu wanjidan aketopa zanika.

21 Qa taminhapi, kin qa toakaštanpi kin, tatanka on, qa tamdoka on, qa amnos on, woyaco eciyatanhan iyenakecapi iyecen.

22 Qa tatokadan mdoka wan-
jidan woahitani wošnapi, nakun wohuhnaŋyapi ohinniyan, qa minha tawa, qa toakaštan kin.

23 Qa anpetu itopa en tatanka wikcemna, tamdoka nonpa, a-

mnos waniyetu wanjidan aketopa zanika.

24 Tatanka on, qa tamdoka on, qa amnos on iyenakecapi, taminhapi, qa toakaštanpi kin woyaco iyecen.

25 Qa tatokadan mdoka wan-
jidan woahitani wošnapi, nakun wohuhnaŋyapi ohinniyan, taminha kin, qa toakaštan kici.

26 Qa anpetu izaptan en tatan-
ka napcinwanka, tamdoka nonpa, amnos waniyetu wanjidan aketopa zanika.

27 Qa tatanka, qa tamdoka, qa amnos iyenakecapi on taminhapi, qa toakaštanpi, woyaco eciyatanhan.

28 Qa tatokadan mdoka woahitani wošnapi wanjidan, nakun wohuhnaŋyapi ohinniyan, qa taminha, qa toakaštan kici.

29 Qa anpetu isakpe en, tatan-
ka šahdogan, tamdoka nonpa, amnos waniyetu wanjidan aketopa zanika.

30 Qa taminhapi, qa toakaštanpi kin, tatanka on, qa tamdoka on, qa amnos iyenakecapi on, woyaco eciyatanhan.

31 Qa tatokadan mdoka woahitani wošnapi wanjidan, nakun wohuhnaŋyapi ohinniyan kin, taminha qa toakaštan kici.

32 Qa anpetu isakowin en tatan-
ka šakowin, tamdoka nonpa, amnos waniyetu wanjidan aketopa zanika.

33 Qa taminhapi, qa toakaštanpi kin tatanka iyenaka on, qa tamdoka iyenaka on, qa amnos iyenaka on, woyaco eciyatanhan.

34 Qa tatokadan mdoka woahitani wošnapi wanjidan, nakun wohuhnaŋyapi ohinniyan, taminha kin qa toakaštan kici.

35 Anpetu isahdogan en omni-
ciye wakan duhapi kta, wayaka

WICOWOYAKE 30.

wohtani takudan ecanonpi kte
śni.

36 Qa woħuħnaħyapi peta
woħnapı waħtemna wıciyokıpi
Jehowa yakahıpi kta, tatanka
wanji, tamdoka wanji, amnos wa-
niyetu wanjidana řakowın zani-
ka.

37 Taminħapi qa toakaħtanpi
kin tatanka on, qa tamdoka on,
qa amnos iyenakecapı on, woya-
co eciyatanhan.

38 Qa tatokadan mdoka wo-
ħtani woħnapı wanjidana, nakun
woħuħnaħyapi ohınnıyan kin,
qa taminħa kin toakaħtan kici.

39 Taku odakapi kin qa taku
ıkceya waduħnapı kin, woħu-
ħnaħyapi nitawapi on, qa minħa
nitawapi on, qa woakaħtanpi
nitawapi on, qa wopıda woħna-
pi nitawapi on, isanpa woħanpi
ıyehantu eca henā Jehowa yeca-
gapi kta.

40 Unkan token Jehowa Mo-
wis econ řı he iyecen Mowis
Israel cinca kin owıcakıyaka.

WICOWOYAKE 30.

1 Unkan Mowis Israel cinca
wicoun itancanpi kin hewıcakı-
ya, Wıeıe Jehowa econ niřıpi
kin dee.

2 Wıcaħta wan woyake wan
Jehowa okıyake cinhan qaiř ta-
ku wakan cajeyate on nagi ihda-
ške cinhan, oie kin ihduıkceke
kte řni, tuka taku i kin eciyatan-
han inanpe cin owasin iyecen
econ kta.

3 Unkan winohınca wan wo-
yake wan Jehowa okıyake cin-
han, qa nahanħın wıkořka atku-
ku ti ohna wıcaħke on ihdaške
cinhan,

4 Qa atkuku woyake kin qa
wıcaħke on nagi ihdaške cin he
naħon, qa atkuku inına yanke

cinhan taku oyake cin owasin
suta kta, qa wıcaħke on nagi kin
ihdaške cin owasin ecetu kta.

5 Tuka toħan atkuku woyake
kin, qa wıcaħke on nagi ihdaške
cin naħon, anpetu kin he en te-
ħında kinhan, ecetu kte řni, qa
atkuku he teħında kin heon Je-
howa kıcıcajuju kta.

6 Unkan woyake on ihdaška,
qaiř iħa on ecınřniyan nagi i-
hdaške ċehan wıcaħta wan he
yuħe cinhan ;

7 Qa hıħnaku he naħon, qa
anpetu en naħon inına yanke
cinhan, woyake kin ecetu kta,
qa wıcaħke on nagi kin ihdaške
cin suta kta.

8 Tuka hıħnaku toħan naħon
anpetu kin he en teħında kin-
han, woyake kin qa taku iħa
ecınřniyan nagi kin ihdaške cin
he yujuju kta, unkan Jehowa he
kıcıcajuju kta.

9 Unkan woyake qa taku on
wiwazıca qaiř winohınca ehpe-
kıyapi nagi ihdaške cin owasin
suta kta.

10 Unkan hıħnaku ti kin ohna
oyake, qaiř taku wakan caje ya-
te ċa wıcaħke on nagi kin ihda-
řka :

11 Qa hıħnaku naħon eřta
inına yanke ċa teħında řni kin-
han, woyake kin ecetu kta, qa
wıcaħke on nagi kin ihdaške
cin owasin suta kta.

12 Tuka hıħnaku toħan naħon
taku iħa kin etanhan inanpe cin
owasin katınyan yujuju kinhan,
woyake kin, qa wıcaħke on nagi
ihdaške cin he suta kte řni. hı-
ħnaku he yujuju he on Jehowa
kıcıcajuju kta.

13 Woyake owasin; qa nagi
ıyokıřınye kta e taku wakan ca-
je yate, wıcaħke owasin hıħna-
ku yasuta okıħı, qa yajuju okıħı.

14 Tuka hıħnaku anpetu wan-

WICAYAWAPI,

ji qa anpetu iyokihe katinyan inina yanka cinhan, taku oyake owasin, qa wicaske on ihdaske cin owasin hena yasuta, hena nahon qehan anpetu kin he en inina yanka nakaś.

15 Tuka nahon kin iyobakam hena katinyan yajuju kinhan winyan wahitani kin hihnaku yuhe kta.

16 Wokage wicaśta wan, qa tawicu otahedan, qa wicaśta ateyapi qa cunwintku wikośka atkuku ti ohna yanke cin otahedan, Jehowa Mowis eciye cin hena eepi.

WICOWOYAKE 31.

1 Unkan Jehowa ie ça Mowis heciya,

2 Israel cinca on Midiyani tokiçon wicaya wo, ohakam oyate nitawa ekta okipe niyanpi kta.

3 Unkan Mowis ie ça oyate kin hewicakiya, Niyepi etanhan ozuye yapi kta e wicaśta wipe kiton wicaya po, unkan Midiyani azu wicayapi kta, hecen Jehowa on Midiyani en watoyeçonpi kta.

4 Israel wicoun owasin etanhan wicoun otoiyohe etanhan kektopawinge wanjidan ozuye ye wicayaşıpi kta.

5 Unkan Israel kektopawinge etanhan wicoun iyohi etanhan kektopawinge wan, kañigapi, kektopawinge akenonpa ozuye on wipe kitonpi.

6 Unkan Mowis wicoun iyohi etanhan kektopawinge wan ozuye ye wicaśi nakun Pinehas Eleazar wawayuśna cinhintku kin ozuye yeśi, qa taku on tipi wakan kicanyanpi, qa mazayahotonpi on panyanhanhan yahotonpi kin nape kin ohna.

7 Unkan Midiyani kin azu wicayapi, Jehowa Mowis econ śi kin he iyecen, qa tona wica owasin wicaktepi.

8 Qa wicaktepi iyahna Midiyani wicaśtayatapi kin wicaktepi. Ewi, qa Reqem, qa Tzur, qa Hur, qa Reba Midiyani wicaśtayatapi zaptan, nakun Balam Beyor cinhintku canłipi on ktepi.

9 Unkan Israel cinca kin Midiyani winohinca kin, qa śicecapi kin, wayaka iwicacupi, nakun tawanunyanpi pte talinca ko owasin, qa taku yuhapi kin owasin kipi.

10 Qa otonwe ohna oonyanpi qon owasin, qa taconkaśkepi owasin peta on hihnahyapi.

11 Unkan taku kipi kin owasin icupi, wicaśta woteca koya.

12 Qa wayaqa qa taku icupi, qa taku kipi owasin hdohdapi, Mowis ekta, qa Eleazar wawayuśna ekta, qa Israel cinca omniciye ocowasin ekta, wicoti kin ekta; he Moab makomdaya ohna un, Jordan icahda Jeriħo iyotakonza.

13 Unkan Mowis qa Eleazar wawayuśna kin, qa omniciye itancan wicaye cin owasin itkowicakipe kta wicoti itankan inanpapi.

14 Unkan Mowis ozuye mde-tanhunkapi kektopawinge itancanpi, qa opawinge itancanpi obe ozuye etanhan hdipi kin canniye wicaya.

15 Qa Mowis hewicakiya, Winyanpi kin owasin ni wicayayapi he?

16 Inyun hena Balam oie eciyatanhan Israel cinca kin Jehowa kipajin wicakiyapi, Peyor wicoie en, heon Jehowa taomniciye en makośice yukan.

17 Heon wanna śiceca ehna

tona wica owasin wicatke po, qa winohinca tona wicašta kici wankapi on wicašta sdonyapi owasin wicakte po.

18 Tuka šiceca winyanpi wicašta sdonyapi šni, qa wica kici wankapi šni hena niyepi on ni wicayapo.

19 Qa niyepi anpetu šakowin wicoti itankan yankapo, qa tona wicanagi wan ktepi owasin, qa tona wicatančan řa icařtakapi owasin anpetu iyamni en, qa anpetu išakowin en ihduskapo, qa wayaka duhapi kin hena wicayuska po.

20 Qa heyake owasin, qa taku kašta taha on kagapi, qa tatakadan hin on kagapi, qa can on kagapi hduska po.

21 Unkan Eleazar wawayuřna kin ozuye wicašta wokicize etanhan hdipi kin hewicakiya, Wooke wokage Jehowa Mowis eciye cin dee.

22 Awicakehan mazaskazi, qa mazaska, qa mazařa, qa mazasapa, qa mazaskařdoyapi kin, qa mazasu,

23 Taku kašta peta ohna opta ya okihi he peta iyopte yayapi kta ; nakun wipakintapi mini on pakintapi kta, hecen ska kta, qa taku peta en ye kta okihi šni kin he owasin minin iyopte yayapi kta.

24 Qa anpetu išakowin en heyake kin hdujajapo, qa ihduskapo, qa ohakam wicoti en yahipi kta.

25 Unkan Jehowa ie řa Mowis heciya,

26 Ozuye ipi taku icupi kin wicašta wanunyanpi koya yawa wo, niye qa Eleazar, qa omniciye ateyapi otokapapi kin.

27 Qa taku icupi kin yapamni kta, obe kizapi kta ozuye ipi kin hena hanke wicayaqu kta, qa

omniciye ocowasin hanke wicayaqu kta.

28 Qa ozuye obe wicašta kizapi kta iyayapi kin hena etanhan Jehowa on onřpa kosyaye kta, opawinge zaptan etanhan wicanagi wanřidan iyacu kta, wicařta etanhan, nakun pte etanhan, qa řonřonna etanhan, qa tařinca etanhan.

29 Hanke tawapi etanhan Jehowa tawokosyapi kin iyacu kta, qa Eleazar wawayuřna kin yaqu kta.

30 Unkan Israel cinca hanke tawapi etanhan wikcemna zaptan etanhan wanřidan iyacu kta, wicařta etanhan, qa pte etanhan, qa řonřonna etanhan, qa tařinca etanhan, wanunyanpi owasin etanhan, qa hena Lewi Jehowa toti kin awanyakapi kin wicayaqu kta.

31 Unkan token Jehowa Mowis econ ři hecen Mowis qa Eleazar econpi.

32 Unkan taku icupi ihe cin oyate ozuye ipi taku kipi kin he tařinca kektopawinge opawinge řakpe sanpa kektopawinge wikcemna řakowin, sanpa kektopawinge zaptan.

33 Qa pte kektopawinge wikcemna řakowin sanpa kektopawinge nonpa.

34 Qa řonřonna kektopawinge wikcemna řakpe sanpa kektopawinge wanřidan.

35 Qa wicanagi wicinyanřidan wica kici wankapi eciyatanhan wicařta sdonyapi šni, winyan wicanagi owasin kektopawinge wikcemna yamni sanpa kektopawinge nonpa.

36 Qa he hanke obe ozuye ipi wopamni tawapi kin tařinca yawapi kin etanhan kektopawinge opawinge yamni sanpa kektopawinge wikcemna yamni san-

WICAYAWAPI,

pa kektopawinge śakowin sanpa opawinge zaptan.

37 Qa taħınca etanhan Jehowa onśpa tawa kin opawinge śakpe sanpa wikcemna śakowin sanpa zaptan.

38 Qa pte kektopawinge wikcemna yamni sanpa kektopawinge śakpe, qa Jehowa onśpa tawa wikcemna śakowin sanpa nonpa.

39 Qa śonśonna kektopawinge wikcemna yamni sanpa opawinge zaptan, qa Jehowa onśpa tawa wikcemna śakpe sanpa wanjidan

40 Qa wicanagi kektopawinge wikcemna sanpa kektopawinge śakpe, qa hena etanhan Jehowa onśpa tawa wicanagi wikcemna yamni sanpa nonpa.

41 Unkan Mowis Jehowa onśpa tawa wokosyapi kin Eleazar wawayuśna kin qu, Jehowa Mowis econ śi kin he iyecen.

42 Unkan Israel cinca hanke tawapi wicaśta ozuye ipi kin etanhan Mowis icu qon etanhan:

43 Wanna omniciye hanke tawapi kin taħınca etanhan kektopawinge opawinge yamni sanpa kektopawinge wikcemna yamni sanpa kektopawinge śakowin sanpa opawinge zaptan.

44 Qa pte kektopawinge wikcemna yamni sanpa kektopawinge śakpe.

45 Qa śonśonna kektopawinge wikcemna yamni sanpa opawinge zaptan.

46 Qa wicanagi kektopawinge wikcemna sanpa kektopawinge śakpe.

47 Unkan Mowis Israel cinca hanke tawapi kin etanhan taku icu wikcemna zaptan etanhan wanjidan icu, wicaśta etanhan, qa wanunyanpi etanhan, qa he-

na Lewi Jehowa toti awanyakapi kin wicaqu, Jehowa Mowis econ śi kin he iyecen.

48 Unkan ozuye kektopawinge mdetanhunkapi, kektopawinge itancanpi, qa opawinge itancanpi kin Mowis ekta hipi :

49 Qa Mowis heciyapi, Nita-okiye wicaśta unnapepi ihukuya okicize ekta ipi kin hena wicunyawapi, qa unkiyepi etanhan wicaśta wanjidan aokpani.

50 Heon woahi wan Jehowa unkahipi wicaśta otoiyoħi mazaśkazi oinpi iyeye cin, mazaicicalihia, qa mazahuhu, mazanapcupe, oinpi, qa maza śipto, nagi akaħpe unkiciyapi kta Jehowa itokam.

51 Unkan Mowis qa Eleazar taku mazaskazi on kagapi owasin hena etanhan icupi.

52 Mazaskazi wokosyapi Jehowa ekta kosyapi kin he seqel kektopawinge akeśakpe sanpa opawinge śakowin sanpa wikcemna zaptan henakeca, kektopawinge itancanpi qa opawinge itancanpi etanhan.

53 Obe wicaśta kin otoiyoħi iye on taku ki.

54 Unkan Mowis qa Eleazar wawayuśna kin mazaskazi kin icupi kektopawinge, qa opawinge itancanpi etanhan, qa itkoki-papi wakeya en ahipi, Israel cinca on wokiksuye Jehowa itokam.

WICOWOYAKE 32.

1 Unkan Ruben cinca qa Gad cinca kin wanunyanpi ota yuhapi, ota ħınca, qa Jazer makoce kin, qa Gilead makoce kin wan-yakapi, qa inyun makoce kin he wanunyanpi makoce heca.

2 Qa Gad cinca qa Ruben cinca upi, qa Mowis qa Eleazar

wawayuśna kin, qa omniciye itancanpi kin hewicakiyapi ;

3 Atarot, qa Dibon, qa Jazer qa Nimra, qa Heśbon, qa Eleale, qa Šebam, qa Nebo, qa Beon.

4 Makoce Jehowa Israel omni-ciye itokam kaštake cin, he wanunyanpi on makoce wašte hinca, qa nitaokiye wanunyanpi yuhapi.

5 Niišta kin en woiyokipi iye-unyanpi kinhan, makoce kin he nitaokiye unqumiye, tawa unyanpi, kta, qa Jordan akasanpa unyanpi kte śni, eyapi.

6 Unkan Mowis Gad cinca, qa Ruben cinca kin hewicakiya, Nihunkawanjipi wokicize ekta yapi, qa niyepi den yakidotankapi kta he ?

7 Tokeca Israel cinca cantepi kin wankadan yakagapi ? hecen makoce Jehowa wicaqu kin en iyoptapi kte śni.

8 Niyatepi Qadeś Barneya etanhan makoce iwanyag ye wicawaśi qehan hecen econpi.

9 Hehan Eśkol kaksiza ekta ipi, qa Israel cinca canwankapidan wicakagapi, heon makoce Jehowa wicaqu kin he ekta ipi śni.

10 Unkan anpetu kin he en Jehowa canniye ça caje ihdate konze ça heya,

11 Wicašta waniyetu wikcemna nonpa aktonpi Egipta etanhan itanwankanhde upi kin hena makoce Aberaham qa Izak qa Jakob konza ewicawakiye ciqon he wanyakapi kte śni, ocowasin omapapi śni nakaś.

12 Kaleb Jepune Qenizi kin, qa Jośuwa Nun cinhintku hena, hena Jehowa iyohakam yuštanpi nakaś.

13 Unkan Jehowa Israel canniye wicaya, unkan hopuza ohna waniyetu wikcemna topa

ihdakapi, wicoicage Jehowa išta kin en taku śica econpi kin hena sotapi kin hehanyan.

14 Unkan inyun niyatepi heekiya wicašta walitanipisa wicoicage nayajinpi, qa Jehowa Israel canniye wicaye cin he sanpa tanka yakagapi kta.

15 Tuka iye etanhan nihdamnapi kinhan, ake hopuza en yanke wicaye kta, qa oyate kin de owasin awihnuni wicayayapi kta.

16 Unkan ikiyedani hipi qa heciyapi, Deciya talinca wanunyanpi tipi wicunkicagapi kta, qa unkiincapi otonwe wicunkicagapi kta.

17 Qa unkiyepi wipe kiton waditagya Israel cinca wicitokam unyanpi kta, tukten yakonpi kta ekta hiyuwicunyanpi kin hehanyan, tuka śiceca unkitawapi otonwe aconkaškayapi ohnaiyotankapi kta, oyate makoce kin den unpi kin heon etanhan.

18 Israel cinca otoiyo hi maga tawa tawaye śni kin hehanyan untipi en unhdipi kte śni.

19 Qa hena om Jordan akasanpa takudan tawa unyanpi kte śni, Jordan itato wiyohiyanpata ektakiya maga unkitawapi yanke nakaś.

20 Unkan Mowis hewicakiya, Token ehapi hecen ecanonpi kinhan, Jehowa itokam wipe kiton ozuye dapi kinhan,

21 Qa otoiyo hi wipe kiton Jehowa itokam Jordan akasanpa idadapi, iye itokapa tanhan toka wicaye cin nape wicaye cin hehanyan.

22 Qa makoce Jehowa itokam ktepidan, qa ohakam yahdipi kinhan, Jehowa itokam, qa Israel itokam iyaonpepicaśni yaunpi kta, qa Jehowa itokam makoce kin de tawa yayapi kta.

WICAYAWAPI,

23 Tuka hecen ecanonpi šni kinhan, inyun Jehowa awayahtanipi, qa wayahtanipi kin iye-niyanpi kta sdonyapo.

24 Šiceca nitawapi on otonwe ičicagapo, qa tahinea nitawapi tipi wicakicagapo, qa taku niihapi etanhan inanpe cin econpo.

25 Unkan Gad cinca, qa Ruben cinca iapi, qa Mowis heciyapi, Token Itancan unyanpi eye cin ecen econkunpi kta.

26 Unkicincapi unkitawicupi, tahinea unkitawapi, qa wanunyanpi unkitawapi owasin, heciya Gileyad otonwe en yakonpi kta.

27 Tuka nitaokiye wipe kiton obe owasin Jehowa itokam wokicize ekta iyountapi kta, itancan unyanpi eye cin iyecen.

28 Unkan Mowis hena on Eleazar wawayušna kin qa Jošuwa Nun cinhintku kin, qa Israel cinca wicoun ateyapi itancanpi kin wahokonwicakiya.

29 Qa Mowis hewicakiya, Gad cinca, qa Ruben cinca wipe kitonpi owasin niyepi om Jehowa itokam wokicize ekta iyoptapi, qa nitokam makoce ktepitan kinhan, Gileyad makoce kin tawayapi kta, e wicayaqupi kta.

30 Tuka wipe kiton niyepi om iyoptapi šni kinhan, niyepi ehna Kanan makoce onšpa tawayapi kta.

31 Unkan Gad cinca, qa Ruben cinca ayuptapi, qa heyapi, Taku Jehowa nitaokiye unkekiyapi he econkunpi kta.

32 Unkiyepi wipe kiton Jehowa itokam Kanan makoce ekta iyountapi kta, hecen Jordan itato makoce kin tawa unyanpi kta.

33 Unkan Mowis Gad cinca, qa Ruben cinca, qa Josep cinhintku Manaše wicoun hanke, Si-

hon Amori wicaštayatapi kin makoce idake cin he, qa Og Bašan wicaštayatapi makoce idake cin, makoce otonwe kin, qa otonwe ihdukšan makoce wanke cin wicaqu.

34 Unkan Gad cinca kin otonwe kagapi Dibon, qa Atarot, qa Aroyer,

35 Qa Aterot-Šopan, qa Jazer, qa Jogbeha.

36 Qa Bet-Nimra, qa Bet-Haran, otonwe conkaškeyapi, nakun tahinea tipi *kagapi*.

37 Unkan Ruben cinca kin Hešbon, qa Eleale, qa Qireyataim kagapi,

38 Nakun Nebo, qa Bayal Meyon, caje yatokecapi, qa Sibma, qa otonwe kagapi cajepi kin cajehdatapi.

39 Unkan Manaše cinhintku Makir cinca kin Gileyad ekta ipi, qa he icupi, qa Amori hen tipi kin nape wicayapi.

40 Unkan Mowis Gileyad makoce Manaše cinhintku Makir cinca kin wicaqu, unkan hen iyotankapi.

41 Unkan Manaše cinhintku Jair, wicotipi kin ekta i qa hena icu, qa hena Hawot-Jair (Jair totonwe) eya caje yata.

42 Unkan Noba Qenat ekta i qa icu, nakun otonwe ciqadan cunkši wicaya, qa he Noba eya cajeyata iye caje eciyatanhan.

WICOWOYAKE 33.

1 Israel cinca obe tawapi iyecen Egipta makoce etanhan inanpapi, Mowis qa Aaron nape kin ihukuya, oihdakapi kin dena eepi.

2 Unkan inanpapi kin ihdakapi iyecen, Jehowa i kin eciyatanhan Mowis owa, qa ihdakapi inanpapi eciyatanhan dena eepi.

3 Unkan wi tokaheya en wi anpetu iakezaptan en Rameses etanhan ihdakapi, woacaksin ihanhanna, Israel cinca nape yuwankan icupi inanpapi, Egupton owasin wanyakapi.

4 Unkan Egupton tona iyepi etanhan Jehowa wicakaštaka, caskepi owasin wicahnakapi, nakun taku wakan dapi kin Jehowa woyaco ecawicakicon.

5 Unkan Israel cinca Rameses etanhan ihdakapi, qa Sukot (ohanzihdepi) ekta etipi.

6 Unkan Sukot etanhan ihdakapi, qa Etam ekta etipi, he hopuza ihanke ekta yanka.

7 Unkan Etam etanhan ihdakapi qa ihdamnapi Pi-Hahiroť ektakiya, he Bayal Tzepon itokam yanka, qa Migdol (Conkaške) itokam etipi.

8 Unkan Hahiroť itokapa tanhan ihdakapi, qa mde cokaya iyoptapi, hopuza ekta, qa Etam hopuza ohna anpetu yamni ihdakapi, qa Mara en etipi.

9 Unkan Mara etanhan ihdakapi, qa Elim en etipi, qa Elim ohna miniyowe akenonpa, qa tamar can wikcemna šakowin, qa hen ticagapi.

10 Unkan Elim etanhan ihdakapi qa Mde ša icahda etipi.

11 Unkan Mde ša etanhan ihdakapi qa Sin hopuza ohna etipi.

12 Unkan Sin hopuza etanhan ihdakapi qa Dopqa ohna etipi.

13 Unkan Dopqa etanhan ihdakapi qa Aluš ohna etipi.

14 Unkan Aluš etanhan ihdakapi qa Repidim ohna etipi, qa hen mini yatkanpi kta wanica.

15 Unkan Repidim etanhan ihdakapi qa Sina hopuza ohna etipi.

16 Unkan Sina hopuza etanhan ihdakapi qa Qibrot-Hatawa ohna etipi.

17 Qa Qibrot-Hatawa etanhan ihdakapi qa Hatzerot ohna etipi.

18 Qa Hatzerot etanhan ihdakapi qa Ritma ohna etipi.

19 Unkan Ritma etanhan ihdakapi qa Rimmon-Parets ohna etipi.

20 Unkan Rimmon-Parets etanhan ihdakapi qa Libna ohna etipi.

21 Unkan Libna etanhan ihdakapi qa Risa ohna etipi.

22 Unkan Risa etanhan ihdakapi qa Qehelata ohna etipi.

23 Unkan Qehelata etanhan ihdakapi, qa Šaper he kin ekta etipi.

24 Unkan Šaper he etanhan ihdakapi qa Harada ohna etipi.

25 Unkan Harada etanhan ihdakapi qa Maqhelot ohna etipi.

26 Unkan Maqhelot etanhan ihdakapi qa Tahat ohna etipi.

27 Unkan Tahat etanhan ihdakapi qa Tarah ohna etipi.

28 Unkan Tarah etanhan ihdakapi qa Mitqa ohna etipi.

29 Unkan Mitqa etanhan ihdakapi qa Hašmona ohna etipi.

30 Unkan Hašmona etanhan ihdakapi, qa Moserot ohna etipi.

31 Unkan Moserot etanhan ihdakapi qa Bene-Jaaqan ohna etipi.

32 Unkan Bene-Jaaqan etanhan ihdakapi qa Hor-Hagidgad (wakinyan ti kin) ekta etipi.

33 Unkan Hor-Hagidgad etanhan ihdakapi qa Jotbata ohna etipi.

34 Unkan Jotbata etanhan ihdakapi qa Abrona ohna etipi.

35 Unkan Abrona etanhan ihdakapi qa Etzion-Gaber (wicasta cankahu) ekta etipi.

36 Unkan Etzion-Gaber etanhan ihdakapi qa Tzin, Qadeš hee, hopuza ohna etipi.

37 Unkan Qadeš etanhan ihda-

WICAYAWAPI,

kapi, qa Hor he kin ekta etipi, Edom makoce ihanke ekta.

38 Unkan Jehowa i eciyatanhan Aaron wawayuŝna kin Hor he kin akan itanwankanhde i, qa hen ƚa, Israel cinca Egupta makoce etanhan hdinanpapi waniyetu wikcemna topa wi iza-ptan anpetu tokaheya en.

39 Qa Aaron waniyetu opawinge sanpa wikcemna nonpa sanpa yamni tonpi ehantanhan Hor he kin en ƚa.

40 Hehan Arad wicaŝtayatapi Kanani kin Kanan makoce itokaga en ounye cin Israel cinca upi kin naŝion.

41 Unkan Hor he kin etanhan ihdakapi qa Tzalmona ohna etipi.

42 Unkan Tzalmona etanhan ihdakapi, qa Punon ohna etipi.

43 Unkan Punon etanhan ihdakapi qa Obot ekta etipi.

44 Unkan Obot etanhan ihdakapi qa Ije-Abarim Moab makoce ihanke ekta etipi.

45 Unkan Ije-Abarim etanhan ihdakapi qa Dibon-Gad ohna etipi.

46 Unkan Dibon-Gad etanhan ihdakapi qa Almon ohna Diblataim ektakiya etipi.

47 Unkan Almon Diblataim ektakiya tanhan ihdakapi qa Abarim he ohna, Nebo itokam etipi.

48 Unkan Abarim he etanhan ihdakapi qa Moab makomdaye Jordan icahda Jeriŝo iyotakons etipi.

49 Unkan Jordan icahda Bet Jeŝimot etanhan Abel (Woiyokiŝica) Ŝitim ekta Moab makomdaya ohna etipi.

50 Unkan Moab makomdaya ohna Jordan icahda Jeriŝo iyotakons Jehowa ie ƚa Mowis heciya,

51 Ie ƚa Israel cinca kin hewica-

kiya wo, Kanan makoce ekta Jordan iduwegapi kinhan;

52 Makoce ounyanpi owasin nitokapa tanhan nape wicayayapi kta, qa wakagapi owapi tawapi kin owasin awihnuni yayapi kta, qa wakagapi ŝdoyapi tawapi kin owasin ihang yayapi kta, qa tawahnawoŝnapi kin owasin dujupupi kta.

53 Hecen nape wicayayapi kta makoce etanhan, qa ohna yakidotankapi kta, makoce kin he tawayayapi kta e ciƚupi nakaŝ.

54 Unkan oeconna eciyatanhan makoce yapamnipi kta, wicowazipi nitawa iyecen, wicotapi kinhan makoce tankaya wicayaqupi kta, qa tonanapi kinhan makoce aoptetu wicayaqupi kta, otoiyoŝi taku oeconna eciyatanhan icu kin he tawa ye kta, ate wicayayapi wicowazipi kin iyecen tawa yayapi kta.

55 Tuka makoce ounyanpi kin nitokapa tanhan nape wicayayapi ŝni kinhan, kaketu kta; tona owicayakaptapi kin hena, wapepeka niiŝtapi ohna iyececapu kta, qa taku pepe nicuwipi en, qa makoce ohna yakidotankapi akan toka niyanpi kta.

56 Unkan token ecawicawecon kta kepece cin hecen ecaciconpi kta.

WICOWOYAKE 34.

1 Unkan Jehowa ie ƚa Mowis heciya,

2 Israel cinca wahokon wicakiye ƚa hecen ewicayakiye kta, Kanan makoce en yaipi kinhan makoce tawayayapi kta niƚupi kta dee, Kanan makoce ihanke owasin ekta.

3 Qa itokaga ihanke kin Tzin hopuza etanhan Edom icahda duhapi kta, qa wihinanpe ektakiya miniskuya mde ihanke ito-

kaga etanhan ihanke duhapi kta.

4 Qa makoce nitawa ihanke kin Aqrabim iyakaptapi itokaga tanhan iyaye kta, Tzin ekta i kta; qa Qades-Barnea itokaga tanhan iyaye kta Hadar ti ekta, qa Atzmon ekta iyopte kta.

5 Qa Atzmon etanhan ihanke kin yuktanyan ye kta, Egipta wakpa ekta, qa miniowanca ekta ihunni kta.

6 Unkan ihanke wiyohpeyata ekta miniowanca huta kin hee duhapi kta, qa he huta kin wiyohpeyata ektakiya ihanke duhapi kta.

7 Unkan waziyata ektakiya ihanke kin de duhapi kta, miniowanca etanhan Hor he kin ekta iyecagopi kta.

8 Qa Hor he kin etanhan Hamat ocanku ektakiya iyakagopi kta, qa makoce ihanke kin Tzedad ekta iyohi kta.

9 Qa makoce ihanke kin Zipron iyohi kta, qa Hatzar-Enan (Miniyowe Otonwe) hehanyan ye kta, waziyata ektakiya ihanke duhapi kta hee.

10 Qa wiyohianpata ektakiya ihanke iyecagopi kta Hatzar-Enan etanhan Sepam ekta.

11 Qa ihanke Sepam etanhan Ribla ekta Ain (Miniyowe) iwiyohianpa tanhan qa opapun kin itokaga ye kta, qa Kiniret mde huta kin icahtake kta wi hinanpe ektakiya;

12 Qa opapun kin Jordan iyokaga ye kta, makoce hecen ihdukšan icagopi duhapi kta hee.

13 Unkan Mowis Israel cinca wahokon wicakiye ça heya, Makoce oeonna eciyatanhan tawayayapi kte cin hee, Jehowa wicoun napeinwanka qa wicoun wan hanke wicaqu masi hee.

14 Ruben cinca wicoun kin ateyapi tipi kin iyecen, qa Gad cinca wicoun ateyapi tipi kin iyecen wanna icupi qa Manaşe wicoun hanke makoce tawa yapı kte cin he wanna icupi.

15 Wicoun nonpa qa wicoun wan hanke makoce tawayapi kte cin he wanna icupi, Jordan itato Jeriho iwiyohianpa tanhan wi hinanpe ektakiya.

16 Unkan Jehowa ie ça Mowis heciya,

17 Wicašta makoce nicipamni-pi kta cajepi kin dena eepi, Eleazar wawayušna kin, qa Jošuwa, Nun cinhintku.

18 Qa wicoun otoiyohe etanhan itancan wan makoce pamni-pi kta e iyacupi kta.

19 Qa wicašta cajepi kin dena eepi, Juda wicoun etanhan Kaleb Jepune cinhintku,

20 Qa Simeon cinca wicoun etanhan Šemuel Amihud cinhintku,

21 Benjamin wicoun etanhan Elidad Kiselon cinhintku,

22 Dan cinca wicoun etanhan itancan kin Buqi Jogeli cinhintku,

23 Josep cinca etanhan, Manaşe cinca wicoun etanhan itancan kin Haniyel Epod cinhintku,

24 Qa Epraim cinca wicoun etanhan itancan kin Qemuel Šiptan cinhintku.

25 Qa Zebulun cinca wicoun etanhan itancan kin, Elitzapan Parenak cinhintku,

26 Qa Isakar cinca wicoun etanhan itancan kin, Paltiel Azan cinhintku,

27 Qa Ašer cinca wicoun etanhan itancan kin Ašihud Šelomi cinhintku.

28 Qa Naptali cinca wicoun etanhan itancan kin Pedahel Amihud cinhintku,

29 Hena Jehowa Kanan makoce Israel cinca wicakicipamni wicaşi.

WICOWOYAKE 35.

1 Unkan Moab makomdaye ohna Jordan icahda Jeriho iyotakons Jehowa ie ça Mowis heciya.

2 Israel cinca wahokon wicakiye ça makoce oeonna eciyatanhan tawayapi kta etanhan Lewi otonwe ohna iyotankapi kta e wicaqupi kta kewicakiya wo; qa tonwanyanpi kin ihdukşan tinta onşpa wicayaqupi kta ehe kta.

3 Qa otonwe ounyanpi kta e yuhapi kta, qa tinta kin tawotecapi on, qa tawanunyanpi, qa taku yuhapi owasin on yuhapi kta.

4 Qa otonwe tinta kin, otonwe conkaşke anokatanhan ihdukşan wicişpa kektopawinge iyohi ye kta.

5 Unkan otonwe itankapa tanhan wiyohiyanpata ihanke kin wicişpa kektopawinge nonpa idutapi kta, qa itokaga ihanke kin wicişpa kektopawinge nonpa, qa wiyohipeyata ihanke kin wicişpa kektopawinge nonpa, qa waziyata ihanke kin wicişpa kektopawinge nonpa, cokaya tonwanyanpi kta otonwe tinta heca yuhapi kta.

6 Unkan otonwe Lewi wicayaqupi şakpe wowinape otonwe heca wicayaqupi kta, on tuwe wicaşta wan kte kinhan ekta inyanke kta, qa nakun otonwe wikcemna topa sanpa nonpa wicayaqupi kta.

7 Otonwe Lewi wicayaqupi kta owasin otonwe wikcemna topa sanpa şahdogan, hena qa tinta ihdukşan koya.

8 Qa Israel cinca taku tawayapi etanhan otonwe wicayaqupi kta, otoiyo hi otonwe tawa etanhan, Lewi wicaqu kta, makoce oeonna eciyatanhan tawaye cin iyecen, ota etanhan ota yaqupi kta, qa tonana etanhan tonana yaqupi kta.

9 Unkan Jehowa ie ça Mowis heciya,

10 Ie ça Israel cinca kin hecen ewicakiya wo, Kanan makoce ekta Jordan iduwegapi kinhan,

11 Wowinape otonwe niçicagapi kta, qa tuwe wanun wicaşta wanji kte kinhan hena wanji ekta inyanke kta e hena duhapi kta.

12 Qa hena watokiçon etanhan wowinape otonwe duhapi kta; hecen tuwe wicaşta wan kte kinhan, yacopi kta e omniciye itokam najin şni kin hehanyan te kte şni.

13 Otonwe wicayaqupi etanhan wowinape otonwe şakpe duhapi kta.

14 Otonwe yamni Jordan itato yaqupi kta, qa Kanan makoce en otonwe yamni yaqupi kta, wowinape otonwe hecapi kta.

15 Otonwe şakpe kin hena wowinape hecapi kta, Israel cinca on, qa tuwe oyate tokeca, qa niye ehna ounye cin on, tuwe wicanagi wan wanun kaştake cinhan heciya nape kta.

16 Fuka maza şapa wipe wan on kaştake on te cinhan tin kte, qa tinwicakte awicakehan te kta.

17 Unkan inyan on wicaşta te kta iyececa on apa, unkan ta, tuwe he ape cinhan te kta, tinwicakte heca, tuwe tinwicakte awicakehan te kta.

18 Qaiş can wanji on wicaşta apapi te kta iyececa on ape ça te cinhan tinwicakte heca, qa

WICOWOYAKE 36.

tuwe tinwicakte heca awicakehan te kta.

19 Tuwe we tokiçon kin tinwicakte kin kte kta, tohan he akipe cinhan kte kta.

20 Qa he sícedaka on taku patan, qais ehpeye cinhan, qa hecon kte linca on te cinhan ;

21 Qais tokaye cin on nape on ape ça on te cinhan, tuwe he ape cin awicakehan te kta, he tinkte ; tuwe tokiçon kin tohan tinwicakte cin akipe cinhan he kte kta.

22 Tuka he sícedake sni qa ihnunhanna wipe taku kašta patan, qais ehpeye cinhan, qa econ kte hince sni.

23 Qais he wanyake sni, qa inyan wan taku kašta on wicašta te kta iyececa ehpeye ça akan ihpaye ça on te cinhan, tuka he tokaye sni, qa akite sni *kinhan*,

24 Omniciyc kin tuwe ape cin qa we tokiçon kin otahedan yacopi kta, woyaco kin hena eciyatanhan.

25 Qa omniciye kin tuwe wicakte kin we tokicon nape kin etanhan eyakupi kta, qa omniciye kin wowinape otonwe ekta nape ciqon ake ekta ayapi kta, qa hen yanke kta, wawayuśna tanka wihdi wakan on sdayapi te kte cin hehanyan.

26 Tuka tuwe wicakte wowinape otonwe ekta nape ciqon ihanke itankan inanpe cinhan,

27 Unkan we tokicon kin he wowinape otonwe ihanke itankan iyeye cinhan, qa we tokiçon kin wicakte kin kte kinhan, he on tuwedan we yapi kte sni.

28 Wowinape otonwe tawa en yanke kta iyececa, wawayuśna tanka te kte cin hehanyan, qa wawayuśna tanka te cin iyohakam wicakte kin makoce tawaye cin en hdi kta.

29 Wokage woope kin hena duhapi kta, nitoicagepi yeye cin tonwanyayapi kin owasin ohna.

30 Tuwe wicanagi wan ape cinhan wayaatanin nonpa ipieciyatanhan ktepi kta, tuka wayaatanin wanjidan wicanagi ktepi kta ayuptapi kte sni.

31 Tuwe tinwicakte yacopi nagi kin akahpe kta e woakahpe iyacupi kte sni, tuka awicakehan te kta.

32 Nakun woakahpe iyacupi kte sni on tuwe wowinape otonwe ekta nape cin wawayusna te sni itokam makoce ounye kta ekta hde kta.

33 Qa makoce en dukanpi kta duśapapi kte sni, maka kin yuśape cin we kin hee, qa we makoce ohna papsonpi taku tokeca akahpe kta okihi sni tuwe he papson we tawa on hecedan.

34 Qa makoce ohna ounyayapi kin he duśapapi kte sni, he ohna miye ounwaya, miye Jehowa Israel cinca wicehna ounwaye nakaś.

WICOWOYAKE 36.

1 Unkan Manaśe cinhintku Makir cinhintku Gileyad cinca wicowazi ateyapi itancanpi Josep cinca wicowazipi etanhan ikiyedan hipi qa Mowis itokam qa Israel cinca ateyapi watokapapi itancanpi itokam iapi.

2 Qa heyapi, Makoce tawayapi kta e Israel cinca oeonna eciyatanhan Jehowa itancan mitawa wicaqu śi, qa Tzelopeliad maga tawa iye cunwintku Jehowa itancan mitawa wicaqu śi.

3 Unkan Israel cinca wicoun wan cinca etanhan wicašta wan wicayuze cinhan, maga tawapi ate unyanpi makoce tawapi etanhan yuśpapi kta, qa tuwe wica-

WICAYAWAPI.

yuze cin tawicoun tamakoce ekta okijuyapi kta, hecen makoce oeconna eciyatanhan tawa unyanpi kin he cistinna kagapi kta.

4 Israel cinca Jubele yuhapi kinhan, winyanpi tamakocepi tuwe wicayuze wicoun tamakoce ekta okijuyapi kta, qa maga tawapi ate unyanpi wicoun tamakoce etanhan yuŕpapi kta.

5 Unkan Mowis Israel cinca Jehowa i eciyatanhan wahokon wicakiye a heya, Josep cinca oiepi kin iyececepi.

6 Wicoie Jehowa Tzelopehad cunwintku econ wicaŕi kin dee, heya, Ateyapi wicoun wicowazi etanhan heceedan tuwe wicayuze kta, tuka hena etanhan tuwe iŕtapi en waŕte wicayuze kta.

7 Israel cinca makoce oeconna eciyatanhan tawayapi kin wicoun wanji etanhan wicoun tokeca ekta yutokanpi kte ŕni ; tuka Israel cinca otoiyoŕi ate wicaye wicoun tamakoce kin ekta ihdaŕke kta.

8 Unkan Israel cinca wicoun

254

etanhan tuwe kaŕta cunwintku maga tawa ye kta, wicaŕta wan ateye wicoun wicowazi etanhan he tawicu kta hecen Israel cinca otoiyoŕi ate wicaya tamakocepi kin tawaye kta.

9 Qa makoce kin wicoun wanji etanhan wicoun tokeca ekta yutokanpi kte ŕni, tuka Israel cinca wicoun etanhan wicaŕta otoiyoŕi makoce oeconna etanhan tawaye cin he en ihdaŕke kta.

10 Token Jehowa Mowis eciye cin hecen Tzelopehad cunwintku econpi,

11 Unkan Maŕila Tirtza qa Hoglaqa Milka qa Noya Tzelopehad cunwintku ate wicayapi cinca wicayuzapi.

12 Josep cinhintku Manaŕe cinca wicowazipi etanhan wicayuzapi qa maga tawapi ateyapi wicowazi wicoun en yanka.


13 Wokage qa woyaco Jehowa Mowis nape on Israel cinca econ wicaŕi, Moab makomdaya ohna, Jordan icahda, Jeriŕho iyotakons dena eepi.

WICAYAWAPI IHANKE.

Microformed by
Preservation
Services

mfm # 6524.01

30 OCT 95



S or Uwaan ke
PSALM WOWAPI.

THE
BOOK OF PSALMS,

IN THE

Dakota Language:

TRANSLATED FROM THE HEBREW,

BY S. R. RIGGS, A. M.,

MISSIONARY OF THE A. B. C. F. M.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1871.

1840

...

...

...

...

...

...

...

...

PSALM WOWAPI.

PSALM 1.

- 1 Wicašta cante wašte linca ;
Tuwe wicašta śica tawowahokonkiye kin ohna mani śni,
Qa wahtanipi sa tacanku kin en inajin śni,
Qa wauncapi oyanke tawapi kin en iyotanke śni :
- 2 Tuka Jehowa toope kin wowiyuśkin ya ;
Qa tawoahope kin awacin un kta, anpetu hanyetu koya.
- 3 Unkan he can wan mini wakpa icahda ojupi,
Qa iyehantu eca waskuyeca icahiya ece kin he iyecece kta ;
Nakun ape tawa kin śnije kte śni,
Qa taku econ kte cin owasin tanyan yuśtan kta.
- 4 Wicašta śicapi kin hececapi śni ;
Tuka hena aguyapi ha tate kaħbog iyeye cin he iyececapi.
- 5 Heon wicašta śica woyaco kin en najinpi kte śni ;
Qa wahtanipi sa wicašta owotanna tomniciye kin en unpi kte
śni.
- 6 Jehowa wicašta owotanpidan tacanku kin he sdonya ;
Tuka wicašta śicapi tacanku kin atakuni kte śni.

PSALM 2.

- 1 Tokeca Ikcewicašta kin oqoyapi,
Qa oyatepi takuśni awacinpi kta he.
- 2 Maka wicaštayatapi kin odakonkiciyapi,
Qa wicašta itancanpi witaya wohdakapi,
Jehowa qa Tuwe Sdakiye cin on.
- 3 Wicaške tawapi kin unpapsakapi kta ,
Qa hakahmonpi tawapi elipeunyanpi kta ce.
- 4 Mahpiya kin en iyotanke cin he iħa kta ;
Itancan kin iwicahaħa kta.
- 5 Hehan tocanniye en wowicakiyake kta ;
Qa śinhda linca en śitkihda wicaye kta.
- 6 Tuka Zion Paha Wakan mitawa kin akan,
Wicaštayatapi mitawa sdawakiya ce.
- 7 Wokonze kin owahdake kta ;
Jehowa hemakiya, Micinkśi kin he niye,
Anpe dehan cinca cicaga ce.
- 8 Makida wo, kinhan Ikcewicašta tawa wicayaye kta,
Qa maka ihanke kin nitawa kta e ciçu kta.
- 9 Maza icapsinte wan on wicayakawihnnuni kta ,
Maka wakśica iyecen wicayakamdece kta ce.

PSALM 4.

- 10 Heon etanhan wicaštayatapi, ksapa po ;
Maka wayacopi, waonspeiçiciya po :
- 11 Wokokipe yuha Jehowa ohoda po ;
Qa wonihinciye on iyaša po.
- 12 Cinhintku kin i iputaka po,
Okinni šinhda kta, qa tocanniye kitanna ide kinhan,
Canku kin etanhan nitakunipi kte šni.
Tona iye wacinyanpi owasin cante waštepi ece.

PSALM 3.

Dawid tadowan, iye cinhintku Absalom ite kin nakicipa, he ehan.

- 1 Jehowa, toka mayanpi kin hena ota aya ;
Tona takpe maupi kin hena wicota.
- 2 Wicota minagi heciyapi ;
Wakantanka en nikiyapi wanica ce. Sela.
- 3 Unkan Jehowa, mihdukšan wahacanka kin he niye ;
Wowitan mitawa qa pa yuwankan imacu kin.
- 4 Miho kin on Jehowa hoyewakiya ;
Unkan iye Paha Wakan tawa kin etanhan namañon. Sela.
- 5 Miye imunke ça mištınbe ;
Ake wekta ; Jehowa mayuhe cin heon.
- 6 Oyate kektopawinge wikcemna kowicawakipe kte šni,
Ihdukšan tanhan takpe maupi kin.
- 7 Jehowa inajin wo ;
Wakantanka mitawa nimayan wo ;
Tokamayanpi owasin tapon hu kin en awicayapa ;
Wicašta šica hi kin wicayecamdeca.
- 8 Woehdaku kin he Jehowa tawa ;
Woyawašte nitawa nitaoyate kin en un nınwe. Sela.

PSALM 4.

David tadowan. Candowankiyapi on dowan itancau kin.

- 1 Wakantanka owotanna mitawa,
Houwaye cinhan amayupta wo ;
Makakija en mayadutanka ;
Onšimakida, qa wocekiye mitawa nañon wo.
- 2 Wicašta cinca, tohanyan mitowitan wowištece yayapi kta he ;
Tohanyan takuśni wašteyadapi qa woitonšni ayakitapi kta he.
Sela.
- 3 Tuka Jehowa wicašta wacantkiye cin iye on eiçihde e sdonya
po ;
Hoyewakiya eca Jehowa namakilhon ece kta.
- 4 Kokipa po, qa wañtanipi šni po ,
Nitowinjapi akan nicantepi on awaiçicinpi,
Qa inina yukan po. Sela.
- 5 Wicoowotanna wošnapı kin wošna po,
Qa Jehowa wacinyan po.

PSALM 6.

- 6 Tawe taku wašte unkipazopi kta he, wicota eyapi ece :
Jehowa, niye nitohnake iyoyanpa kin unkayuhomni po.
- 7 Wowiyuŝkin micante kin en eyahnaka,
Aguyapi qa miniŝa wicakiciyuotapi kin he isanpa.
- 8 Wookiye en imunke a nakun miŝtinbe kta ;
Jehowa, niye niŝnana wowacinye en ounye mayakiye cin heon.

PSALM 5.

Dawid tadowan. Cotanka on dowan itancan kin kicagapi.

- 1 Jehowa mioie kin nañon wo ;
Mitawacin kin he iyukcan ye.
- 2 Mitawocekiye ho kin he nañon wo,
Wicaŝtayatapi mitawa, qa Wakantanka mitawa ;
Ceciciye kta heon etanhan.
- 3 Jehowa, hanhanna eca miho kin nayañon kta ;
Hanhanna eca houciciye a wankan ewatonwe kta.
- 4 Taku Wakan woahtani en iyuŝkin kin henica ŝni ;
Taku ŝice cin he niciti kte ŝni.
- 5 Tona witkotkoke cin niŝta itokam najinpi kte ŝni :
Tona woahtani econpi kin iyulpa ŝice wicayadaka ece.
- 6 Tona itonpiŝni kin hena ihangwicayaye kta ;
We wicaŝta qa wicahnaye sa kin he Jehowa wahteda kte ŝni.
- 7 Tuka miye nitowaonŝida ota kin on yati en wau kte ;
Kocicipe cin on tipi wakan nitawa etkiya ohowada kta.
- 8 Jehowa, nitoowotanna on amayan wo, toka mayanpi kin on
etanhan ;
Miite itokam canku nitawa owotanna kaga wo.
- 9 I kin ohna wowicake wanica :
Mahen tanhan wicoŝice yukan ;
Dotepi kin wicawoħa yuħdokapi kin heca .
Cejiipi on wicahnayanpi ece.
- 10 Wakantanka, kakiŝwicaya wo ;
Wowahokonkiye tawapi on hinħpayapi nunwe ;
Woahtani hduotapi kin on ehpewicaya wo ;
Niye nicipajinpi kin heon etanhan.
- 11 Tuka wacinniyanpi kin owasin wiyuŝkinpi kte ;
Ohinniyan wiyuŝkinyan dowanpi kte ;
Niye awanwicayahdake cin heon etanhan :
Nakun tona nicaje waŝtedakapi kin hena iniyuŝkinpi kte.
- 12 Wicaŝta owotanna kin niye dawašte kta ;
Jehowa, wahacanka iyeececa, wowašte wateŝdag yaye kta.

PSALM 6.

Dawid tadowan. Kuya ahiyayapi en candowankiyapi on dowan itancan kin.

- 1 Jehowa, nitocanniye en iyopemaye ŝni ye ;
Qa ŝinyahda en kakiŝmaye ŝni wo.
- 2 Jehowa, onŝimakida ye, wamaŝake ŝni ;

PSALM 7.

- Jehowa asnimayan ye, mahuhu tehiya kakija.
 3 Minagi kin ís eya nina kakija ;
 Tuka niye Jehowa, tohanyan kta he.
 4 Jehowa hdicu ye, minagi ehdaku wo ;
 Nitowaonśida kin on nimayan wo.
 5 Wiconṭe en niksuyapi kin wanica ;
 Hades ekta tuwe wopida eniciye kta he.
 6 Comniwahdazi on waśake śni amayan ;
 Hanyetu osan mitowinja amnitan waya ;
 Ístamnihanpe amau kin on ipahin spaye wakiya ece.
 7 Ceyapi on ísta amatakuni śni ;
 Tokamayanpi owasin on kan amayan.
 8 Taku śica ecanonpi kin owasin mitan tanhan ya po ;
 Jehowa woceye mitawa ho mamañon kin heon.
 9 Jehowa hoyewakiye cin he namañon ;
 Wocekiye mitawa kin he Jehowa icu kta.
 10 Tokamayanpi owasin ístecapi qa nihinciyapi kte ;
 Ihnuhanna hdicupi qa ístecapi nunwe.

PSALM 7.

Dawid tadowan. Kuś Benjamite oie kin on Jehowa kahiyaye cigon.

- 1 Jehowa Wakantanka mitawa, niye wacinciye ;
 Tehiya makuwapi owasin etanhan nimayan qa emahdaku wo :
 2 Okinni mnaja iyecen minagi yaśpaśpa qa yahdehedece kta ;
 Unkan waehdaku wanice kta.
 3 Jehowa Wakantanka mitawa, hecen ecamon kinhan ;
 Minape ohna taku śica yuke cinhan ;
 4 Tuwe wookiye en mici un kin itkom taku śica ecawecon kinhan ;
 Han, tuwe taku on etanhan śni śicaya makuwa kin he emdaku ece :
 5 Hehan toka kin minagi tapa qa ehdege kte ;
 Han, mitaniya maka kin en namdu kte ;
 Qa mitowitan watuśekśeca en onnye kiya nunwe. Sela.
 6 Jehowa, canniniye cin en inajin wo ;
 Tokamayanpi śinhdapi kin on wankan iyeiçiya wo ;
 Qa miye on woyaco cajedate cin on ihduhica wo.
 7 Unkan oyate mniciyapi kin aohduteniyanpi kta ;
 Heon etanhan hena on wankan ihdoku wo.
 8 Jehowa oyatepi kin wicayaco kta ;
 Jehowa, mitowotanna qa mitowašte en maun kin he iyecen mayaco ye.
 9 Tokin wicašta śica toñanpi śica hena owihanke yen ;
 Tuka wicašta owotanna kin he yusuta wo ;
 Taku Wakan owotanna wicacante qa wicapakśin iyukcan kin he niye.
 10 Wahacanka mitawa kin he Wakantanka etanhan ;
 Tona cante owotanna niwicaye cin hee.

PSALM 9.

- 11 Wakantanka wayaco owotanna ;
Qa Wakantanka anpetu iyohi canniyan un :
- 12 Ihduhomni śni kinhan isan hdube kta ;
Tinazipe wanna nawinja qa wiyeya ehnaka :
- 13 Qa wiconęe wipe kin ekta epazo ;
Tunwanhinkpe kin ide kiye kta.
- 14 Wanyaka wo, woahani on ęinge ;
Taku śica on ihduśaka, qa woitonśni hiyuya.
- 15 Woħa wan kage ęa iye kięa ;
Qa oqapi iye kage cin en ohinhpaya.
- 16 Tohtani iye pa kin en hdi kta ;
Qa toħian śica iye pesdete ahdihpaye kta.
- 17 Jehowa toowotanna kin on wakahindamde kta ;
Qa Jehowa Tehan wankantu ęaje kin iwadowan kta.

PSALM 8.

Dawid tadowan. Gittith on dowan itancan kin.

- 1 Jehowa Itancan unkitawapi,
Maka kin owancaya nicaje wokitanin ģinca ;
Nitowitan mahpiya kin iwankam eyehde.
- 2 Hokśiyopa qa azin unpi ipi kin etanhan woyatan yakaga ;
Tona toka niyanpi kin hena on,
Toka watokięon ko wicaduinina kta heon.
- 3 Mahpiya nitawa ninapsukaza kage cin he wanmdaka eca ;
Hanyetu wi qa wicanłipi eyahnake cin ;
- 4 Wicaśta kin taku, hecen ekta ewacanni he ;
Qa wicaśta cinhintku kin, on en yahi kta he.
- 5 Kitan ecinyan Taku Wakan kin ihukuya yakaga ;
Wowitan qa woyuonihan on wateśdag yecatn ;
- 6 Ninape taku kage cin hena idake yakiya ;
Taku owasin iye siha ihukuya eyahnaka ;
- 7 Tahinca optaye, tatanka ko owasin ;
Qa nakun tinta woteca kin ;
- 8 Mahpiya okinyanpi, qa miniwanca hogan kin,
Taku miniwanca ohna cankuye cin hena.
- 9 Jehowa Itancan unkitawapi,
Maka kin owancaya nicaje wokitanin ģinca.

PSALM 9.

Dawid tadowan. Muth-laben on dowan itancan kin.

- 1 Micante ocowasin on Jehowa mdatan kta ;
Taku wowinihan nitawa owasin mdatanin kta.
- 2 Cante mawaśte qa niye on wimduśkin kta ;
Tehan Wankan yaun nicaje iwadowan kta.
- 3 Tokamayanpi hekta itoheya hdicuyapi kinhan,
Nitokam ģicahanpi qa hinłipayapi kte.
- 4 Woakinica qa woyaco mitawa dusuta ;

PSALM 10.

- Oiyotanke kin akan owotanna wayaco idotanke.
 5 Ikcewicašta iyopewicayaya, tona śice cin hena ihangwicayaya ;
 Ohinniyan qa owihanke wanica cajepi yapajuju.
 6 Toka woihangye tawapi kin wanna owihanke :
 Qa totonwepi kin hena dujuju ;
 Ahna wicakiksuyapi kin he atakuni śni.
 7 Tuka Jehowa owihanke wanica ounye kte ;
 Woyaco on oiyotanke tawa wiyeya ekihde.
 8 Unkan wowašte on maka kin hdaco kta ;
 Woowotanna on oyate kin wicayaco kta.
 9 Nakun śicaya wicakuwapi kin hena Jehowa wowinape yapi kta ;
 Wokakije anpetu kin en he wowinape yapi kta.
 10 Unkan tona nicaje sdonyapi hena wacinniyanpi kta ;
 Niye Jehowa, tona anicitapi kin hena elhpewicayaye śni ece.
 11 Jehowa Zion en ounye cin he idowan po ;
 Toħan tanka oyate kin en oyaka po.
 12 Toħan wicawe akita eca hena kiksuya ece ;
 Tona kakija hoyeyapi kin he akiktonje śni.
 13 Jehowa onśimákida wo ;
 Tona śicemadapi token kakiśmayanpi kin he wanyaka wo .
 Wiconțe tiyopa etanhan imacu kin he niye.
 14 Hecen Zion cunwintku tatiyopa kin en nitowitan ocowasin
 omdake kta ;
 Wiconi nitawa on imduśkin kta.
 15 Ikcewicašta woħa wan kagapi kin he ohna ilıpayapi ;
 Wohmunke wan iye nahmanpi kin he ohna siha içihmunkapi.
 16 Woyaco econ kin eciyatanhan Jehowa sdonyapi :
 Tuwe śice cin he iye nape oħan kin on hmunkapi ece. Higga-
 on. Sela.
 17 Wicašta śicapi Hades en hdicuwicayapi kta ;
 Oyate Wakantanka akiktonjapi kin iyulıpa.
 18 Waħpanicapi kin ohinniyan akiktonjapi kte śni ;
 Wicašta onśika wacinyanpi kin he owihanke wanica ihanke
 kte śni.
 19 Jehowa inajin ye, wicašta akantu waśake śni nunwe ;
 Nitokam Ikcewicašta kin wicayacopi kte.
 20 Jehowa, wakokipe wicakicaga wo ;
 Hecen Ikcewicašta wicašta ikceka hecapi e sdonıciyapi kta.
 Sela.

PSALM 10.

- 1 Jehowa, tokeca itehan nayajin he ;
 Wokakije anpetu kin en nayakiħbe kta he.
 2 Wicašta śica wahanıcida on kakije cin teħiya kuwa ece ;
 Wohnaye awacinpi kin he on içihduzapi nunwe.
 3 Wicašta śica iye nagi taku cantiheye cin on ihdatan ;
 Qa waicucu kinhan ihdawašte ;
 Jehowa he waħteda śni tuka.

PSALM 11.

- 4 Wicašta síca, ite wahaniçida kin on,
Takudan akite kte śni, Wakantanka wanica ;
Hecen tawacin ece.
- 5 Tacanku kin ohinniyan suta ;
Nitawoyaco kin iwankam un, íšta kin itehan ;
Tokawicaye cin owasin awicapogan kta.
- 6 Cante mahen heya ; Icimana mayutokanpi kte śni ;
Wicoicage qa wicoicage hehanyan woyokiśice wanice kta ce.
- 7 Woyaśice, woyahnayan qa woyuśice on i kin ojudan ;
Ceji ihukuya woyaśkiśkapi qa woah̄tani hiyeya.
- 8 Otonwe en waiyapepi kin hen iyotanke kta ;
Woinalibe oyanke kin en wicašta owotanna wicakte kta ;
Iye íšta wicašta onśika iyawicape kta.
- 9 Mnaja wan waśun ohna yanka,
He iyecen, woinalibe oyanke kin ohna waiyape un kta ;
Wicašta onśika yuze kta e iyape kta ;
Wohmunke tawa kin en wicašta onśika au eca yuza ece.
- 10 Patuś inajin qa makata iwanka,
Hecen wicašta waśaka wicayuhe cin on wicašta onśika hinl̄pa-
yapi kta.
- 11 Cante mahen heya ; Wakantanka akiktonja ;
Ite nakih̄man ; icimana wanyake kte śni ce.
- 12 Jehowa, najin ye ;
Wakantanka, nape yuwankan ehdaku wo ;
Onśike cin hena akiktonje śni wo.
- 13 Tokeca wicašta síca Wakantanka wahteda śni he ;
Niye wawinunge kte śni, cante mahen keya he.
- 14 Niye wandaka ; ninape on toyeyon kta e
Wicolian síca wocanniye ko ayatonwan ece :
Tuwe onśike cin he wacinniye kta ;
Wamdenica kin oyakiya ece.
- 15 Wahtani sa isto kin kawega wo ;
Wicašta síca tośice cin ayakite kta,
Takudan iyeyaye kte śni hehanyan.
- 16 Jehowa Wicaštayatapi ohinniyan qa owihanke wanice kta :
Makoce tawa kin etanhan Ikcewicašta kin atakunipi śni.
- 17 Tona onśika taku icekiyapi kin he, Jehowa niye nayañon ;
Cantepi dusuta kta ; ninoge anoñyakiye kta.
- 18 Wamdenica qa kakiśyapi kin towicayeciñon kta ;
Hecen wicašta maka akan icimana wakokipe wicakicage kte
śni.

PSALM 11.

Dawid tadowan. Dowan itancan kin kicagapi.

- 1 Jehowa wowinape waye ;
Tokeca minagi heyakiyapi he ;
He nitawapi onakipa po, zitkadan iyececa.
- 2 Wan, wicašta śicapi tinazipe nakiwinjapi ;
Ikan kin ekta tunwanhinkpe wiyeya ehnakapi ;

PSALM 13.

- Otpaza en wicašta cante owotanna wicakutepi kta.
3 Woahde kin hena yujujupi kta :
Wicašta owotanna taku econ okihi kta he.
4 Jehowa tipi wakan tawa kin ohna yanka ;
Jehowa oiyotanke tawa mahpiya kin ekta wanka ;
Iye išta kin wanyaka, iye ištojuha wicašta cinca wicayukcan
ece.
5 Jehowa wicašta owotanna kin yukcan kta ;
Tuka wicašta síca qa tona wawicakipi waštedake cin hena
Iye nagi sícewicadaka ece.
6 Wicašta síce cin hena wakanhdi awicamagaju kte,
Peta qa inyanzi, tate iyumni wohitike linca ;
Miniyatke ohna wicakupi kin hee.
7 Jehowa owotanna un, woowotanna waštedaka ece :
Tona ecetupi kin hena iye ite kin wanyakapi kta.

PSALM 12.

Išahdogan on dowankiya itancan kin. Dawid tadowan.

- 1 Jehowa wanikiya wo ; wicašta wacantkiye cin he owihanke ;
Wicašta wicake cin Adam cinca kin etanhan atakunipi šni ce.
2 Otoiyo hi iye takodaku kici woitonšni okiciciyapi kta ;
Iha šdušduta qa cante nonpa on iapi kta.
3 Jehowa wicaiha šdušduta owasin bašpe kte,
Wicaceji watankaičidaya ie cin he nakun.
4 Hena heyapi ; Uncejipi on wounhitikapi kta ;
Iha unyukanpi ; tuwe itancan unyuhapi he.
5 Wicašta onšika kakijapi kin on,
Wicašta walipanica ceyapi kin on,
Wanna nawajin kta ce, Jehowa eye kta ;
Tuwe he cantokpani linca kinhan, wankan wapa ewahnake
kta ce.
6 Jehowa taku eye cin hena wicoie ecedan ;
Mazaska maka oceti ohna yuecedan,
Šakowin akihde šdoyapi.
7 Jehowa, niye hena wicayakpatan kta ;
Wicoicage kin de etanhan ohinniy an eyahdaku kta.
8 Wicašta cinca walitepi šni kin wankan ehdepi kinhan,
Wicašta síca đwancaya manipi kta.

PSALM 13.

Dowankiya itancan tawa. Dawid tadowan.

- 1 Jehowa, tohanyan amiyektonje kta he, ohinniy an kta he ;
Tohanyan niite namayakišbe kta he.
2 Tohanyan minagi on awacin waun kta,
Anpetu otoiyo hi cante mašice kta he ;
Tohanyan tokamaye cin miwankam un kta he.
3 Wanyaka wo, Jehowa Wakantanka mitawa, namalion wo :

PSALM 15.

- Išta iyoyammayan wo, okinni wiconṭe en mištinbe kta.
4 Okinni tuwe tokamaye cin, Wanna ohiwaya ce, eye kta ;
Maḥicahe cinhan śicaya makuwapi kin iyaśapi kta.
5 Tuka miye nitowaonśida wacinwaya ;
Micante nitowiconi kin on iyaśa kte.
6 Jehowa iwadowan kta,
Tanyan ecamicon heon etanhan.

PSALM 14.

Dowan itancan kin kicagapi. Dawid tawa.

- 1 Witkotkoke cin he, Taku Wakan wanica ce, cante mahen eya.
Hena ihduśicapi, wicoḥan waḥte śni econpi ;
Tuwedan taku wašte econ śni.
2 Jehowa maḥipiya eciyatanhan Adam cinca kin ahiwicatonwan ;
Tuwe wacinksamya oḥanyan hecinhan wanyake kta ;
Tuwe Wakantanka akita hecinhan.
3 Iyuhpa icunonpa iyayapi ; witaya ihduśicapi ;
Tuwedan taku wašte econ śni ; han, wanjidān śni.
4 Taku śica econpi kin owasin takudan sdonyapi śni he ;
Mitaoyate aguyapi iyecen wicayutapi,
Qa Jehowa hoyekiyapi śni.
5 Hen wokokipe on kopehdapi ;
Wakantanka wicoicage owotanna kin en un, heon.
6 Wicašta onśika tawowacinye kin ištenyayapi kta ;
Jehowa wowinapeye cin heon.
7 Tokin Israel woehdaku tawa kin Zion etanhan u nunwe :
Tohan Jehowa taoyate wayaka unpi kin awicahdi kinhan,
Jakob iyuśkin kta, Israel pida kta.

PSALM 15.

Dawid tadowan.

- 1 Jehowa, tuwe nitawakeya en ounye kta he ;
Tuwe paha wakan nitawa kin en ti kta he.
2 Tuwe iyaonpepicaśniyan mani, qa woowotanna econ,
Qa cante mahen wowicake ia ece ;
3 Tuwe iye ceji on waaie śni,
Tuwe ikiyedān un kin taku śica ecakicon śni ;
Qa takodaku on woyake śica wan icu śni :
4 Iye išta en wicašta waḥteśni kin waḥtedapi śni ;
Tuka tona Johowa kokipapi kin hena wicayuonihan kta :
Iye iḥiconza on kiunniḥiya ešta hdutokeca kte śni :
5 Mazaska tawa ota kamna kta ehnaḳe śni ;
Qa wicašta iyaonpepica śni un kin on wokajuju icu śni ;
Tuwe dena econ kin he ohinniyan pahohopi kte śni.

PSALM 17.

PSALM 16.

Dawid tawoinalibe.

- 1 Wakantanka makpatan wo ;
Niye wacinciya, heon etanhan.
- 2 Jehowa heyakiya ; Itancan mitawa kin he niye ;
Mitowašte kin he niye ekta iyahde šni :
- 3 Makoce kin en wicašta wacantkiye cin hena ekta,
Qa itancanpi kin, hena en ocowasin wimduškin.
- 4 Tona wanji tokeca wolipapi kin hena woiyokišice ota yuhapi
kta :
We wošnapı kin hena wapapson kte šni,
Qa cajepi kin miiha ohna iwacu kte šni.
- 5 Jehowa wopamni mitawa qa wiyatke mitawa kin hee ;
Woailhepeye mitawa kin he niye dutanka kta.
- 6 Taku wiciyokipi kin imakiyutapi :
Han, maga wašte linca mduha.
- 7 Jehowa wahokonmakiye cin he mdatan kta ;
Nakun hanyetu eca mitapakšin onspemakiya ece.
- 8 Mitokam Jehowa ohinnıyan ewahde ;
Mietapa ekta un, heon mahohopi kte šni.
- 9 Heon etanhan micante wiyuškin,
Qa mitowitan ipsica ece :
Han, micelipi wowacinye en wanke kta.
- 10 Minagi Hades en amayaduštan kte šni ;
Wanji Wakan nitawa kin he wicalıwin wanyagyakiye kte šni.
- 11 Wiconi canku kin he onspemayakiye kta ;
Niite kin he wowiyuškin ojudan ;
Nietapa ekta ohinnıyan wiciyokipi.

PSALM 17.

Dawid tawoekiye.

- 1 Jehowa, taku owotanna kin nahon ye ;
Šicahowamde cin he anohkiya wo ;
Wocekiye mitawa namakilhon ye,
Iha wicahnaye šni etanhan u kin he.
- 2 Mayaowotanpidan kin he nitohnake etanhan u kta ;
Ništa taku ocitkonza kin hena wanyake kta.
- 3 Cante imayaduta, hanyetu en mayahi ;
Imayadukan, takudan iyeyaye kte šni ;
Mii kin mitawacin kakipe kte šni.
- 4 Wicašta wicołan tawapi ekta, niiha oie kin on,
Waihangye sa ołhanpi kin iwanmdaka ece.
- 5 Mioye kin nitacanku yus un ;
Siha ewahde kin našdute šni.
- 6 Wakantanka houciyiya ; amayadupte kta heon ;
Anohmakiya wo, taku epe cin namakilhon wo.

P S A L M 18.

- 7 Tona wacinyanpi niwicayaye nitocantekiye hdutanin wo ;
Tona najinpi kin etanhan, ninape etapa on.
- 8 Wicišta su kin iyecen makpatan wo ;
Nihupahu ohanzi ihukuya namayahbe kte ;
- 9 Wicašta śica ihangmayanpi itepi kin etanhan ;
Minagi tokayapi aohdutemayanpi kin hena.
- 10 Wašin tawapi kin en aconkaškapi ;
Ipi on wahaničidaya iapi ece.
- 11 Wanna unkowepi kin en aohduteunyanpi ;
Išta on wanyag iheyapi, hdatapi kta heon.
- 12 Mnaja iyececa, wayapota inalni ;
Qa mnaja koška woinalibe en iyotanke cin iyececa.
- 13 Jehowa najin wo, itkokim ya wo, patuškiya wo ;
Mazasagye nitawa on wicašta śica etanhan minagi eyaku wo :
- 14 Jehowa, ninape on, wicašta kin etanhan ;
Wicoicage wicašta etanhan,
Taku tawapi wiconi kin den un ;
Qa taku nahmana yahnake cin on tezi ojuwicayakiye kta :
Hena cinca wipipi kta ;
Qa taku ohdaptapi kin hokśiyooqopa aihpewicakiyapi kta.
- 15 Tuka miye woowotanna en niite wanmdake kta ;
Tohan ouncege nitawa yuha wekta kinhan, cante mawašte kta.

PSALM 18.

Dowankiya itancan kin. Dawid Jehowa taokiyeye kin he kaga : Jehowa tokayapi owasin napepi etanhan, qa Saul nape etanhan eyaku qon, anpetu kin he en odowan oie kin dena Jehowa eciya.

- 1 Unkan heya ;
Jehowa mitowaśake, nina wašte cidake kta.
- 2 Jehowa imnija mitawa, qa conkaške mitawa, qa emahdaku ece kin hee :
Wakantanka mitawa, wowinape mitawa, he wacinwaye kta ;
Wahacanka mitawa, qa ni makiya he kin, paha tehanwankantu mitawa kin hee.
- 3 Jehowa yatanpi kte cin he hoyewakiye kta ;
Unkan tokamayanpi etanhan nimayanpi kta.
- 4 Wiconęe ikan kin on mayuskiskitapi ;
Qa wicośice wakpa kin mayuśinyaye kta.
- 5 Hades ikan kin aohdutemayanpi ;
Wiconęe mazahtakiyapi kin mayuzapi.
- 6 Iyotanhana iyewakiye cin en Jehowa hoyewakiye kta ;
Qa Wakantanka mitawa cewakiye kta ;
Tipi wakan tawa kin eciyatanhan miho kin nahon kta ;
Qa wocekiye mitawa iye itokam u kte, iye noge kin en.
- 7 Hehan maka kin yuhuhuzapi qa cancan ;
He oahde kin yuhuhuzapi qa śkanskan ;
Iye śinhda heon etanhan.
- 8 Canniyan etanhan śota wankan iyaya ;

- Qa i kin etanhan peta wahuhnaga ;
Heon petaga ideyapi.
- 9 Nakun mahpiya kin patuskiye ça kun u ;
Qa iye siha ihukuya otpaza.
- 10 Qa Kerub wan akan iyotanke ça kinyan iyaya ;
Han, tate lupahu kin akan kinyan.
- 11 Woinalibe tawa otpaza kin he kaga ;
Ihdukšan tawokeya kin mini otpaza ;
Mahpiya en mahpiya šoka kin hee.
- 12 Itokam iyoyanpa on mahpiya šoka tawa kin hiyaya ;
Wasu qa petaga.
- 13 Hehan mahpiya ekta Jehowa wakinyan hotonkiya ;
Qa Iyotan Wankan kin ho hdatanin ;
Wasu qa petaga.
- 14 Unkan tunwanhinkpe kihiyeya qa napewicaya ;
Nakun wakanhdi hiyuye ça yušinyewicaya.
- 15 Hehan mini sicu kin wanyakapi ;
Qa maka oahde kin yutaninpi ;
Jehowa niye he iyoheyaya ;
Nitocanniye oniya ipogan kin heon.
- 16 Hehan wankantanhan hiyu qa mayuze kta ;
Mini ota etanhan imacu kta.
- 17 Tokamaye wašake cin etanhan emayaku kta ;
Qa tona šicemadapi kin etanhan ;
Hena mikapeya wašakapi nakaes.
- 18 Iyomakisica anpetu kin en iyamahpayapi kta ;
Tuka Jehowa mayusuta kin hee.
- 19 Unkan makoce tanka en amahi ;
Iyokipwaye cin heon emayaku kta.
- 20 Mitoowotanna iyecen Jehowa ecamicon kta ;
Minape ska kin iyecen micicajuju kta.
- 21 Jehowa tacanku kin hena owape ;
Qa Taku Wakan mitawa šicaya amduštan šni.
- 22 Iye tawoyaco kin owasin mitokam un ;
Qa toope kin mitantanhan ehpeyaye kte šni.
- 23 Nakun iye itokam ecetu waun ;
Qa wawahtani kin etanhan ťinsmičiya.
- 24 Heon mitoowotanna iyecen Jehowa micicajuju ;
Iye išta itokam minape ska kin heon.
- 25 Tuwe wacantkiye cin he kici wacantkiya nihdutanin kta ;
Wicašta owotanna kici oniwotanna kta :
- 26 Tuwe ecedan un kin he kici ecedan nihdutanin kta ;
Qa tuwe pemni un kin he kici nihdupemni kta.
- 27 Niye oyate onšika niwicayaye kte :
Tuka išta wankantupi kin kun hiyuwicayaye kta.
- 28 Niye petijanjan mitawa ideyaye kta :
Jehowa mita Wakantanka otpaza iyoyammiciye kte.
- 29 Niye on ozuye wan awaimnanke kta ;
Wakantanka mitawa on conkaške wan awapsice kta.

PSALM 18.

- 30 Iyotan Waśaka tacanku kin he yuŝtanpi ;
 Jehowa oie kin he yuecepidan ;
 Tona wacinyanpi owasin he wahacanka yapi.
- 31 Hecen Jehowa icunonpa tanhan Taku Wakan kin tukte e he ;
 Qa. Wakantanka unkitawapi icunonpa tanhan tuwe imnija
 he.
- 32 Iyotan Waśake cin wowaśake on ipiyag makiton ;
 Qa mitacanku miciyuŝtan.
- 33 Misiha tatokadan iyececa micaga ;
 Qa pajodan mitawa akan najin makiya.
- 34 Minape kiczapi onspemakiya,
 Hecen miisto mazaśa itazipa kin yuwinja.
- 35 Unkan nitowiconi wahacanka kin mayaqu :
 Nakun ninape etapa kin najin makiye kta ;
 Qa nitowahbadan tanka makage kta,
- 36 Mihukuya caewahde kin hena mayadutanka kte ;
 Hecen miiskahu naśdute kte ŝni.
- 37 Tokamayanpi tawicawapa qa ewicawehdege kta ;
 Qa bowicasotapi ŝni hehanyan wahdicu kte ŝni.
- 38 Wicawakalahuge kta, hecen najin okihipi ŝni ;
 Misiha ihukuya ilipayapi kta.
- 39 Unkan okicize kta wowaśake on ipiyag mayakiton ;
 Tona takpe maupi kin hena mihukuya iyewicayaye kta.
- 40 Nakun tokamayanpi tahupi kin mayaqu ;
 Qa tona ŝice madapi kin hena ihangwicawaye kta.
- 41 Hena howayapi kta, tuka wanikiya wanica :
 Jehowa hoyekiyapi kta, tuka awicayupte ŝni.
- 42 Hehan wicawakamdumdu kta, tate itokam maka mdu iye-
 ceca ;
 Canku upŝija iyecen tankan ehewicawaye kta.
- 43 Oyate kiczapi kin etanhan emayahdaku kte ;
 Ikcewicaśta kin en itancan emayahnake kte ;
 Oyate sdonwicawaye ŝni qon hena wowidagwaye kta.
- 44 Noge on nahonpi kinhan anamagoptanpi kta ;
 Wicaśta tokeca cinca kin mayaonihanpi kte.
- 45 Oyate tokeca cinca kin atakunipi kte ŝni ;
 Qa conkaśke tawapi etanhan cancanyan hiyupi kta.
- 46 Jehowa ni un ; qa Imnija mitawa yawaŝtepi nunwe ;
 Qa Wakantanka Wanikiya mitawa kin he yatanpi nunwe.
- 47 Iyotan Waśaka watokiçonpi maqu ece kin hee ;
 Qa nakun mihukuya oyatepi wicaktedan.
- 48 Tokamaye cin etanhan emahdaku ;
 Han, tona takpe maupi kin wiciwankam emayahde kta ;
 Wicaśta waihangye cin etanhan emayahdaku kta.
- 49 Heon, Jehowa, Ikcewicaśta ehna ciyatan kte ;
 Qa nicaje iwadowan kta.
- 50 Wicaśtatapi tawa kin woehdaku kiciyutanka ;
 Qa tuwe Sdakiye cin he wowaonśida ecakicon ece ;
 Dawid qa iye cinca kin, owihanke wanica.

PSALM 20.

PSALM 19.

Dowan itancan kin. Dawid tadowan.

- 1 Malhipiya kin Wakantanka towitan kin oyaka ;
Qa okotonyan kin iye nape ohan kin yuotanin ece.
- 2 Anpetu wan anpetu iapi okiciyake kta ;
Qa hanyetu wan hanyetu wosdonye kiciyuotanin kta.
- 3 Iapi wanica qa wicoie wanica ;
Hena ho kin ecaca nalionpi šni.
- 4 Hena iyutapi ikan kin maka owancaya iyaya ;
Qa oiepi kin maka ihanke kin ekta.
Hena ehna anpetu wi kin wokeya wan kicaga.
- 5 Unkan he winohinca yuze kte cin wan
Wankan tipi etanhan hdinanpe cin iyececa ;
Wicašta wašaka iyecen kiinyanka iyuškin.
- 6 Malhipiya ihanke kin hetanhan ya ece ;
Qa unma ihanke kin ekta ki :
Qa iyokate cin etanhan takudan nalimanpi šni.
- 7 Jehowa toope kin yušanpi, wicanagi kin yuhomni ;
Jehowa tawoyaotanin kin he wowicake,
Witkotkoke cin wicayuksapa ece.
- 8 Jehowa taku econ wicaši kin hena ecetu,
Wicacante iyuškinikiya ;
Jehowa tawoahope kin ecedan, wicaišta iyoyamya ece.
- 9 Jehowa kokipapi kin he ska, ohinniyān he kta ;
Jehowa tawoyaco kin he wowicake, ocowasin owotanna.
- 10 Hena mazaskazi isanpa waštedapi kte ;
Han, mazaskazi ecedan ota kin isanpa :
Nakun tulimaga canhanpi isanpa skuya ;
Qa tulimaga canhanpi šbu kin.
- 11 Nakun hena on nitaokiye wahokonkiyapi ;
Hena yuhapi kin wokajuju tanka.
- 12 Tuwe walitani ohdašniga okihi he ;
Nalimanpi kin hena micicajuju wo.
- 13 Nakun woalitani tanka kin etanhan nitaokiye ehdaku wo ;
Hena wowidagmaye šni nunwe ; kinhan omaowotanna kta,
Qa woalitani ota iyaonpepica šni waun kta.
- 14 Jehowa immija mitawa qa tuwe opemakiton kin,
Mii oie kin qa micante taku awacin kin,
Hena niye iyonicipi nunwe.

PSALM 20.

Dowan itancan kin on. Dawid tadowan.

- 1 Wicocante šica anpetu kin en Jehowa nanihon kte ;
Jakob ta Wakantanka caje kin wankan enihde nunwe.
- 2 Tipi wakan kin etanhan oniciye kte ;
Qa Zion etanhan niyuwašake kta.
- 3 Nitawošna owasin kiksuye kte ;
Qa peta on wadušna kin hena icu kta. Sela.

PSALM 21.

- 4 Nicante yuze cin eciyatanhan niçu kte ;
Qa nitawacin owasin ecetuniciciye kta.
- 5 Woehdaku nitawa on unkiyuşkinpi kta ;
Qa Wakantanka unkitawapi caje kin on
Wiyokihedan eunkihdepi kta.
Wocekiye nitawa owasin Jehowa ecetuniciciye kte.
- 6 Jehowa iye Sdakiye cin he nikiya wanna sdonwaya ;
Małpiya wakan tawa eciyatanhan nakilion kta.
Nape etapa waniye wowaşake kin he on.
- 7 Hunł canpahmihma qa hunł ŗuktanka,
Tuka unkiye Jehowa Wakantanka unkitawapi caje on unkiwin-
ktapi kta.
- 8 Hena e patujapi qa hinłpayapi :
Tuka unkiye naunjinpi qa bosdan unyakonpi.
- 9 Jehowa wanikiya wo ;
Hoyeunyanpi anpetu kin en,
Wicaştayatapi kin naunkilionpi kte.

PSALM 21.

Dowan itancan kin on. Dawid tadowan.

- 1 Jehowa, nitowaşake on wicaştayatapi kin cante waşte kta ;
Qa woehdaku nitawa on nina iyuşkin kta.
- 2 Taku cantokpani kin he yaqu ;
Qa iye iha taku da kin he teyałinda ŗni. Sela.
- 3 Woyawaşte waşte kin yuha itkoyakipe kta ;
Mazaskazi wateşdake wan pa akan eyecihnake kta.
- 4 Wiconi nicida, he yaqu ;
Anpetu hanska, ohinnian qa owihanke wanica.
- 5 Waniyakiye cin on towitan tanka kte ;
Woyuonihan qa wowaşte akan eyahnake kta.
- 6 He woyuwaşte owihanke wanica yakage kta ;
Niite etanhan wowiyuşkin on iyuşkinyakiye kta.
- 7 Wicaştayatapi kin Jehowa wacinyan un ;
Unkan Iyotan Wankan un tawocantekiye en kahuhuzapi kte
ŗni.
- 8 Tokaniyanpi owasin ninape iyewicaye kta ;
Tona ŗicenidapi kin ninape etapa iyewicaye kta.
- 9 Niite itokam maza ŗdoypapi oceti ide kin iyecen wicayakage
kta ;
Jehowa tocanniye on nawicapce kta ;
Qa peta kin hułnałwicaye kta.
- 10 Taku icalıyapi kin maka etanhan ihangyaye kta ;
Qa cincapi kin Adam cinca kin etanhan.
- 11 Taku ŗica nihiyohi kta cinpi ;
Taku ŗica konzapi, tuka okihipi kte ŗni.
- 12 Heon etanhan wicitokam eyakate cinhan,
Hekta itoheya hđicu wicayaye kta.
- 13 Jehowa, nitowaşake on nihduwankantuya nunwe,
Unkahiyayapi kta, qa nitowaşake unkidowanpi kta.

P S A L M 22.

PSALM 22.

Dowankiya itancan: Anpao tahiinca kin on. Dawid tadowan.

- 1 Wakantanka mitawa, Wakantanka mitawa,
Tokeea ehpemayaya he :
Wašicahowamde oie kin en tehan omayakiye šni.
- 2 Wakantanka mitawa, anpetu icunhan hoyewaye kta,
Tuka amayaɗupte kte šni ;
Nakun hanyetu en, qa inina manke šni.
- 3 Tuka niye niwakan,
Israel yatanpi kin en ounyaye cin.
- 4 Atewicunyanpi wacinniyampi qon ;
Wacinniyampi unkan ewicayahdaku.
- 5 Hoyeniciyapi unkan ewicahɗakupi ;
Wacinniyampi unkan ištecapi šni.
- 6 Tuka miye wamdudan hemaca, qa wicašta hemaca šni ;
Wicašta ekta wowištece mayanpi, qa oyate kin wahtemadapi
šni.
- 7 Tona wanmayakapi owasin wowihaha mayanpi ;
Aikšınmayanpi, apomnammakiyapi.
- 8 Jehowa ihduzeze ce ; ehdaku kta ;
Waštedake cin heon nikiye kta ce, *eyapi*.
- 9 Tuka wicatamni etanhan imacu qon he niye ;
Ina aze kin akan wowacinye mayaqu.
- 10 Wicatamni kin etanhan niye en aihpemayanpi ;
Ina tezi kin hetanhan Wakantanka mitawa he niye.
- 11 Mitehanyan un šni wo, woiyokišice kiyedan un ;
Nakun waokiya wanica, heon etanhan.
- 12 Tatanka ota aohdutemayanpi ;
Bašan etanhan wašakapi kin ohomni takpe maupi.
- 13 Mnaja ocinšica qa hoton ece kin,
He iyecen aimayukawapi.
- 14 Mini iyecen mapapsonpi ; qa huhu mitawa owasin makap
sunpi ;
Micante cansın iyececa, mitezi mahen šdoyapi.
- 15 Maka cega onšpa iyecen mitowašake špan ;
Nakun miceji macaka en askapa,
Qa wiconŋe maka mdu kin en amayade kta.
- 16 Šunka ohomni imayayapi ;
Wicašta šica omniciye kin aohdutemayanpi ;
Minape misiha ko capapi.
- 17 Huhu mitawa owasin wahdawa ;
Ahitonwanpi qa opamahtapi.
- 18 Wokoyake mitawa kicipamnipi ;
Qa mitašina on kansu kutepi.
- 19 Tuka Jehowa niye mitehanyan un šni ye ;
Mitowašake he niye, omakiya inahni wo.
- 20 Mazasagye etanhan minagi ehdaku wo ;
Mitawa ecedan kin šunka nape kin etanhan.

P S A L M 23.

- 21 Mnaja i kin etanhan nimayan wo :
Unkan tatanka he kin hetanhan amayadupta.
- 22 Nicaje mihunkawanji owicawakiyake kta ;
Omniciye kin cokaya tanhan icidowan kta.
- 23 Jehowa kokipa yaunpi kin, he idowan po ;
Jakob cinca owasin, he yuonihan po :
Qa Israel cinca owasin, kokipa po.
- 24 Tuwe onśika kakije cin he ihaha śni qa śicedake śni ;
Nakun ite inakilibe śni ; tuka hoyekiya eca nakilhon eca.
- 25 Omniciye tanka kin en niye on wadowan kta ;
Tona kokipapi wicitokam wośna mitawa wahdajuju kta.
- 26 Wahbapidan kin hena wotapi qa imnanpi kta ;
Tona Jehowa akitapi kin hena idowanpi kte :
Nicantepi owihanke wanin ni kte.
- 27 Maka ihanke kin owasin kiksuyapi qa Jehowa ekta ihduho-
mnipi kta ;
Qa Ikcewicaśta en wicowazi owasin nitokam ohodapi kta.
- 28 Wokiconze kin he Jehowa tawa ;
Qa iye Ikcewicaśta kin wowidagwicaya ece.
- 29 Maka akan tona cepapi owasin wotapi qa ohodapi kta ;
Watuśekśeca ekta kun yapi kin iyulipa he itokam patujapi
kta :
Qa tuwe iye nagi nikiya okihi śni kin
- 30 Wicacınca wowidagwicaye kta ;
Hena Itancan kin wicoicage wicahdawa kta.
- 31 Upi qa toowotanna kin oyakapi kta ;
Oyate wan tonpi kte cin en ;
Iye hecon kin heon.

PSALM 23.

Dawid tadowan.

- 1 Wonmakiye cin Jehowa hee ;
Takudan imakakije kte śni.
- 2 Peji toto en iwanke maye kta ;
Wicoozi mini kin icahda yus amaye kta.
- 3 Minagi yuecetu kte ;
Woowotanna canku kin ohna amaye kta ;
Iye caje kin on.
- 4 Han, wiconṭe ohanzi kaksiza kin en mawani kinhan,
Taku śica kowakipe kte śni, niye mici yaun heon ;
Cansakadan nitawa qa cansagye nitawa, hena cantohnagmaye
kta.
- 5 Tokamayanpi wicitokam wahna wotapi wan wiyeya miyeci-
hnake kta ;
Wihdi on pa sdamayakiye ;
Wiyatke mitawa iyatahde.
- 6 Awicakehan wani kta anpetu owasin,
Wowaśte wowaonśida ko miyahna un kta :
Qa Jehowa ti kin en onunwaye kta, anpetu hanskaska.

PSALM 25.

PSALM 24.

Dawid tadowan.

- 1 Maka kin Jehowa tawa, qa wojudan kin ;
Makowancaya qa tona ounyanpi kin.
- 2 He iye miniwanca kin akan ehde ;
Qa wakpa kin iwankam sutaya kaga.
- 3 Jehowa Paha tawa kin tuwe ekta ye kta he ;
Qa oyanke wakan tawa ohna tuwe yanke kta he.
- 4 Tuwe nape kin ska, qa cante kin ecedan ;
Tuwe takuśniśni ekta nagi yeiçiyeśni ;
Qa wohnye on içiconześni kin.
- 5 He Jehowa etanhan woyawašte icu kta ;
Qa woowotanna, Wakantanka Wanikiya tawa kin etanhan.
- 6 Wicoicage okide unpi kin he dee :
Niite akitapi kin hena Jakob eepi. Sela.
- 7 Tiyopa kin, pa yuwankan ehdaku po ;
Qa tiyopa ohinniyan un wankan iyeiçiya po :
Unkan Wowitan Wicaštayatapi kin tin hiyu kta.
- 8 Wowitan Wicaštayatapi kin he tuwe he :
Jehowa wašake ça waditake ;
Jehowa kicizapi en mdetahunka.
- 9 Tiyopa kin, pa yuwankan ehdaku po ;
Qa tiyopa ohinniyan un wankan iyeiçiya po :
Unkan Wowitan Wicaštayatapi kin tin hiyu kta.
- 10 Wowitan Wicaštayatapi kin he tuwe he :
Jehowa Sabaoth,
Wowitan Wicaštayatapi kin hee. Sela.

PSALM 25.

Dawid tawa.

- 1 Jehowa, niye ekta,
Minagi wankan wahdomde kta.
- 2 Wakantanka mitawa, niye wacinciya ;
Imašteceśni nunwe ;
Tokamayanpi ohimayanpiśni nunwe.
- 3 Nakun tona anipepi owasin ištecapi kteśni :
Takuśni on walitanipi kin hena ištecapi kta.
- 4 Jehowa, nitacanku kin hena makipazo wo ;
Niohan kin hena onspemakiya ye.
- 5 Nitowicake en omani makiye ça onspemakiya wo ;
Wakantanka Wanikiya mitawa kin he niye ;
Anpetu owasin niye acipe waun.
- 6 Jehowa, nitowaonšida qa nitocantekiye kiksuya ye ;
Hena otokahe wanica heon etanhan.
- 7 Komaška ehan wawalitani qa taku šica ecamon qon hena ki-
ksuyeśni ye ;
Wawacinkta duza tanka eciyatanhan miksuya wo ;
Jehowa, nitowašte kin heon etanhan.

PSALM 26.

- 8 Jehowa wašte qa owotanna ;
Heon canku kin ohna wahtanipi sa onspewicakiye kta.
- 9 Tona onšihanpi kin woyaco en yus awicaye kta ;
Qa onšihanpi kin iye tacanku onspewicakiye kta.
- 10 Jehowa tohan kin owāsin wowaonšida qa wowicake,
Tona wicotakuye tawa qa'woyaatanin tawa opapi kin hena en.
- 11 Jehowa, nicaje kin on etanhan,
Wawalitani micicajuju ye, he tanka nakaes.
- 12 Wicašta Jehowa kokipe cin tukte e he ;
Canku hdašnige kte cin he onspekiye kta.
- 13 Iye nagi wowašte en wanke kta ;
Qa cinca kin makoce kin tawayapi kte.
- 14 Tona Jehowa kokipapi kin hena kici wohdakapi ece ;
Unkan wicotakuye tawa kin sonyewicakiye kta.
- 15 Miišta ohinniyān Jehowa ekta ;
Wohmunke etanhan misiha eyaku kta, heon.
- 16 Miye ekta ihduhomni qa onšimakida ye ;
Mišnana waun qa makakija, heon etanhan.
- 17 Micante iyotanhan iyekiye cin yutankapi ;
Makakije cin etanhan emayaku wo.
- 18 Iyomakišica qa wamayazan kin wanyaka wo ;
Qa wawalitani owasin micicajuju ye.
- 19 Tokamayanpi kin wanwicayaka wo ; hena otapi ;
Qa wošicedake wohitika on šicemadapi ece.
- 20 Minagi micipatan qa emayaku wo ;
Imaštece šni nunwe ; wacinciya heon.
- 21 Woyuecetu qa wicoowotanna mapatanpi kta ;
Acipe waun kin heon etanhan.
- 22 Wakantanka, wicokakije owasin etanhan
Israel ewicahdaku wo.

PSALM 26.

Dawid tawa.

- 1 Jehowa woyaco maqu wo :
Mitocetu kin ohna mawani, heon :
Nakun Jehowa wacinyan waun ;
Maħicahe kte šni.
- 2 Jehowa mayukcan qa imayutan wo ;
Mapakšin micante ko yuecedan ye.
- 3 Nitowaonšida miišta itokam un ;
Qa wowicake nitawa ohna mawani.
- 4 Wicašta itonpišni om imdotanke šni ;
Qa wanakiħmanpi kin en mde kte šni.
- 5 Šicaya econpi omniciye kin šice wadaka ;
Qa wahtanipi sa om imdotanke kte šni.
- 6 Wiyaonpepicašni ohna nape wahdujaja ;
Hecen Jehowa, owayušna nitawa ohomni mde kta.
- 7 Wopida ho kin on eyanwapaha kta ;

PSALM 27.

- Qa niohan wakan owasin omdake kta.
 8 Jehowa, yati ounyanpi kin he wašte wadaka ;
 Qa nitowitan wokeya oyanke kin he nakun.
 9 Wahtanipi sa om minagi mnakiye šni wo ;
 Qa mitaniya, we wicašta kin om.
 10 Hena napepi ohna wicowicašta šni ;
 Qa nape etapapi wiyopeyapi ojudan.
 11 Tuka miye qe mitoecetu ohna mawani kta :
 Opemakiton qa onšimakida wo.
 12 Misiha makomdaya ohna han :
 Mniciyapi kin en Jehowa mdawašte kta.

PSALM 27.

Dawid tawa.

- 1 Jehowa iyoyanpa mitawa qa Wanikiya mitawa hee, tuwe ko-
 wakipe kta he ;
 Jehowa wiconi mitawa wowašake kin hee, tuwe on kopewahda
 kta he.
 2 Wicašta šica micehpi yutapi kta e mikiyedani upi qehan,
 Tokamayanpi qa šicemadapi kin hena eepi licahanpi qa hin-
 hpayapi.
 3 Wicota en ahimawanka ešta, micante kokipe kte šni ;
 Ozuye wan ahimanajin ešta, de wacinyan waun.
 4 Taku wanji Jehowa wakida, he awakita ece kta ;
 Anpetu tona wani kin owasin Jehowa ti kin en waun kta ;
 Jehowa toiyokipi wanmdake kta,
 Qa tipi wakan tawa kin ohna wawimunge kte.
 5 Anpetu šice cin en tawokeya ohna namahibe kta ;
 Iye tawakeya onahibe kin en inahibe makiye kta ;
 Innija wan akan wankan emahnake kte.
 6 Unkan nakaha mapa kin toka mihdukšan hiyeya wiciwankam
 un kte ;
 Heon iye tawakeya ohna wowiyuškin wošna kin wawakiyušna
 kta ;
 Wadowan kta, han, Jehowa odowan wakahiyaye kte.
 7 Jehowa anagoptan wo, miho on wahowamde ;
 Hecen onšimakida qa amayupta wo.
 8 Miite akita po : Micante heniciya ;
 Jehowa, niite awakite kta ce.
 9 Niite inamañihibe šni wo ;
 Canniniyan nitaokiye elipeye šni ye ;
 Omakiye cin he niye ; amayuštan šni wo ;
 Qa ehpeyaye šni, Wakantanka Wanikiya mitawa.
 10 Tohan ate qa ina ehpeyayanpi kinhan,
 Hehan Jehowa imacu kte.
 11 Jehowa, nitacanku kin onspemakiya ye ;
 Qa ocanku owetanna ohna amayan wo,
 Tona iwanmayakapi kin hena on.

PSALM 29.

- 12 Tokamayanpi tawacinpi kin en wicamaqu šni wo ;
Wayaanin itonpi šni kin itkom mahinajinpi,
Qa tona wošitkihda apoganpi kin.
- 13 Wiconi makoce kin en,
Jehowa towašte opahta wacinwaye šni kinhan.
- 14 Jehowa wacinyan wo ;
Waditaka wo, kinhan cante niyuwašake kte :
Han, Jehowa wacinyan wo.

PSALM 28.

Dawid tawa.

- 1 Jehowa, niye hoyeciciye kta ;
Imnija mitawa, miye on inina yanke šni wo ;
Miye on noge nikpe cinhan,
Hehan wicahapi ekta yapi kin iyemacece kta.
- 2 Houciciya eca wocekiye mitawa ho kin nahon wo ;
Nitawakeya wakan ektakiya nape mdugata eca.
- 3 Wicašta šica om ehpemaye šni wo ;
Qa tona woalitani econpi kin om ;
Hena wicikiyedani unpi kin om wookiye eyapi ;
Tuka cantepi en woyušica yukan.
- 4 Taku econpi kin iyecen wicaqu wo ;
Qa šicaya ohanyanpi kin iyececa ;
Iye nape ohanpi kin on niye wicaqu wo ;
Taku econpi kin iyecen wicakicu wo.
- 5 Jehowa tohan kin hena awacinpi kte šni,
Qa iye nape taku kage cin hena,
Heon wicakawanke kta, qa icahwicaye kte šni.
- 6 Jehowa yawaštepi nunwe ;
Wocekiye mitawa ho nahon kin heon.
- 7 Jehowa mitowašake qa wahacanka mitawa kin hee :
Micante wacinyan un, unkan omakiyapi :
Heon micante nina iyuškin kta ;
Qa odowan mitawa on mdatan kte.
- 8 Wowašake tawapi kin Jehowa hee ;
Qa wiconi conkaške wan iye Sdakiye cin tawa.
- 9 Nitaoyate niwicakiya wo ;
Qa taku nitawa kin hdawašte wo :
Nakun wonwicaya wo,
Qa owihanke wanica hehanyan wicahduha ye.

PSALM 29.

Dawid tadowan.

- 1 Wašakapi cinca kin, Jehowa qu po ;
Jehowa wowitan wowašake ko qu po.
- 2 Iye caje towitan kin Jehowa kicu po ;
Wokoyake wakan un Jehowa ohoda po.

PSALM 30.

- 3 Jehowa ho kin mini kin akan ;
Wowitan Wakantanka wakinyan hotonkiya ;
Jehowa mini tanka kin akan un.
- 4 Jehowa ho kin wowaśake en ;
Jehowa ho kin wowitan en un.
- 5 Jehowa ho kin hanteśa bowehwega ;
Han, Jehowa Lebanon hanteśa kin kawehwega :
- 6 Qa ptejincadan wan iyecen psipsinwicaya ;
Lebanon qa Sirion, tatanka cinca iyececa.
- 7 Jehowa ho kin peta ide kin yapta ece.
- 8 Jehowa ho contanka kin yahuhuze kta ,
Qadeś contanka kin Jehowa yuhuhuze kta.
- 9 Jehowa ho kin tawiyedan hoksiksuye kiya ;
Qa can kin kahna okihi kta :
Unkan iye ti kin ohna owasin, Wowitan, eyapi ece.
- 10 Jehowa mini tanka kin akan iyotanka ;
Han, Jehowa Wicaśtayatapi iyotanka, owihanke wanica.
- 11 Jehowa iye taoyate wowaśake wicaqu kte :
Jehowa iye taoyate wookiye on wicayawaśte kta.

PSALM 30.

Odowan. Tipi yuwakanpi kin on downanpi. Dawid tawa.

- 1 Jehowa, iyotan ciyawa kta, niye wankan emayahde ;
Qa tokamayanpi miye on iyuśkinwicayaye śni heon.
- 2 Jehowa Wakantanka mitawa,
Hoyeciciya, unkan niye asnimayaya.
- 3 Jehowa, Hades etanhan minagi iyacu ;
Wohia ekta yapi kin etanhan nimayaya.
- 4 Wicaśta wacantkiye tawa, niye Jehowa kahiyaya po ;
Qa iye towakan kiksuyapi kin on wopida eya po.
- 5 Tocanniye kin iśta kakpapi hehanyan ;
Toiyokipi kin he wiconi :
Ĥtayetu eca wicaceya yuke kta,
Tuka hanhanna downanpi kta.
- 6 Unkan miye tanyan waun kin en,
Owihanke wanin mapahohopi kte śni ce, epa.
- 7 Jehowa, nitoyokipi kin on paha mitawa wowaśake yakaga ;
Niite nayakihbe, unkan mayuśinyaya.
- 8 Jehowa, niye hoyeciciye kta ;
Qa Jehowa wocekiye ewakiye kta.
- 9 Mawe kin en wokamna yukan he,
Wohia ekta kun mde cinhan :
Maka mdu kin niyatan kta he ;
Nitowicake kin oyake kta he.
- 10 Jehowa, anagoptan qa onśimakida ye ;
Jehowa, omakiye cin he niye nunwe.
- 11 Waśinwahda kin he wacipi miyecaga ;
Heyake śica mayakiduśdoke a wowiyuśkin on ipiyag mayakiton.

PSALM 31.

- 12 Heon wowitan inidowan kta, qa inina un kte śni :
Jehowa Wakantanka mitawa, owihanke wanin wopida eciciye
kta.

PSALM 31.

Dowan itancan kin on. Dawid tadowan.

- 1 Jehowa niye wacinciya :
Owihanke wanin imaštece śni nunwe :
Nitoowotanna on emahdaku wo.
- 2 Anohmakiya ye ; emayaku inañini wo :
Wowaśake imnija mitawa kin he niye nunwe ;
Qa conkaśke tipi on nimayanpi kte.
- 3 Imnija mitawa qa conkaśke mitawa kin he niye ;
Heon nicaje on napata mayaduze ça yus amayade kta.
- 4 On hmunkapi nahmana emakionpapi kin etanhan mayadusdute
kta ;
Wowaśake mitawa kin he niye, heon etanhan.
- 5 Mitaniya ninape en owehnake kta ;
Jehowa wowicake Wakantanka, niye opemayakiton.
- 6 Tona takuśni itonśni awacinpi kin hena śicewicawadaka ;
Tuka Jehowa wacinwaya ece.
- 7 Nitowaonśida on piwada qa imduśkin kte :
Woiyokiśice mitawa niye wandaka ;
Wokakije en minagi sdonyaye ciqon.
- 8 Nakun toka nape en onamayatake śni ;
Makoce tanka en siha emayahde.
- 9 Jehowa, onśimada wo, makakija heon :
Woiyokiśica on išta maśica amayan ;
Minagi qa mitezi nakun.
- 10 Wani kin woiyokiśica on masote ;
Qa waniyetu mitawa connihdazipi on ;
Wawahani on waśake śni amayan ;
Qa mahuhu kin hena śiħtin.
- 11 Tokamayanpi owasin wowaliteda śni mayanpi,
Nakun mikiyeddan unpi kin hena iyotan ;
Qa tona sdommayanpi kin wokokipe mayanpi ;
Tona tankan wanmayakapi kin hena namakipapi.
- 12 Taku řa iyecen cante on amiktonjapi ;
Wakśica kamdecapi wan iyemaceca.
- 13 Wicota waaiapi kin nawahon ;
Ihdukśan wokokipe, wiyamaonpapi kin icunhan,
Mitaniya icupi kta akitapi.
- 14 Tuka Jehowa, niye wacinciya ;
Wakantanka mitawa kin he niye ce, epa.
- 15 Mitaanpetu ninape ohna un ;
Tokamayanpi qa śicaya makuwapi napepi etanhan emahdaku
wo.
- 16 Niite nitaakiye aiyehkiya ye ;
Nitowaonśida on nimayan wo.

P S A L M 32.

- 17 Jehowa, imaštece šni nunwe, hoyeciciye cin heon :
Tona śicapi kin hena ištecapi nunwe, Hades en inina unpi kte.
- 18 Woitonšni ihapi kin inina unpi nunwe ;
Hena wahaničidaya qa wawoštehdaya
Ikceya wicašta owotanna aiapi.
- 19 Tona konicipapi nitowašte wicayecihnake cin he tanka linca ;
Wicašta cinca itokam tona wacinniyanpi kin en he wicayaki-
dutanin.
- 20 Hena nitohnake woinahbe kin en nawicayahbe kta,
Wicašta mniciyapi kin etanhan ;
Wicaceji wakiniyapi etanhan wokeya wan ohna wicayakpatan
kta.
- 21 Otonwe suta wan ohna wowinihanyan cantemakiya,
Heon Jehowa yawaštepi nunwe.
- 22 Tuka miś imanihan qehan,
Niišta itokapatanhan makašpapi ce, epa :
Hececa ešta cewakiya ho kin namayakiñon,
Hoyeciciye qehan.
- 23 Wicašta wacantkiye tawa kin owasin, Jehowa waštedaka po :
Tona wicakapi kin hena Jehowa wicakpatan ;
Qa tuwe walianhaničidaya ohanye cin he iyakiçuya kicicajuju
eee.
- 24 Wašaka po, hecen cante niyužinzapi kte ;
Jehowa wacinyayapi kin owasin.

PSALM 32.

Wowahokonkiye odowan. Dawid tawa.

- 1 Tuwe taku śica econ kin kicicajujupi,
Qa walitani akalipapi kin he cante wašte :
- 2 Wicašta kin he cante wašte,
Tuwe Jehowa woahitani kiciyawa šni,
Qa taniya en wohnayan wanice cin he.
- 3 Inina manke qehan mahuhu śeca aya,
Anpetu osan wašicahowamde qehan.
- 4 Anpetu hanyetu ko ninape amahdaskin yanka ;
Mawe kin mdoketu puze cin iyecen aya. Sela.
- 5 Wawalitani niye ociciyake kta ;
Qa taku śica ecamon kin anawakiñbe šni :
Taku śica ecamon kin hena Jehowa owakiyake kta ce, epe :
Unkan wawalitani śice cin miyecicajuju. Sela.
- 6 He on tona wacantkiye cin owasin ceniciyapi kta,
Tohan iyeniyampi kte cinhan :
Awicakehan mini ota apašboka ešta,
He hiyohipi kte šni.
- 7 Woinahbe mitawa kin he niye ;
Wokakije etanhan emayahdaku kta ;
Woehdaku odowan on aohdutemayaye kta. Sela.
- 8 Wahokonkiciye qa canku ohna de kte cin he onspeciciye kta ;

P S A L M 33.

Miišta opacilita wahokonciciye kta.

- 9 Ihnuhan súktanka qa šonšonna wan iyenicapi kinhan ;
Hena takudan okahnigapi šni ;
Iiyuwi qa ikan oiyokipi on i pawicahtapi ;
Nikiyedán upi šni heon etanhan.
- 10 Tona šice cin wokakije ota yuhapi kte :
Tuka tuwe Jehowa wacinye cin he wowaonšida aohduteye kta.
- 11 Tona owotanna yaunpi, Jehowa on pidapi qa iyuškin po ;
Qa tona cante ecetu yaunpi owasin, wiyuškinyan iyaša po.

PSALM 33.

- 1 Wicašta owotanna yaunpi, Jehowa on wiyuškin po :
Yatanpi kin tona ecetupi iyokipipi ece.
- 2 Candowankiyapi on Jehowa wopida eciya po ;
Candowankiyapi ikan wikcemna on idowan po.
- 3 Odowan teca wan kahiyaya miye ;
Ho tanka on wayupiya yajo po.
- 4 Jehowa oie kin he ecetu ;
Qa ohan kin owasin wowicake.
- 5 Woowotanna qa wokonze waštedaka ;
Maka kin Jehowa towaonšida on ojudan.
- 6 Jehowa oie on mahpiya kin kagapi ;
Qa iye i taniya on hena obe kin owasin.
- 7 Miniwanca mini kin kawitaya, paha iyececa ;
Ošbe kin mazopiye en ekihnaka.
- 8 Maka kin ocowasin Jehowa kokipapi kte ;
Maka akan ounyanpi iyulpa itokam inihanpi nunwe.
- 9 Iye ia, unkan ecetu ;
Iye kaken eya, unkan sutaya han.
- 10 Ikcwicašta tawacinpi kin Jehowa ecetu šni ya ;
Oyate token wakiconzapi kin he yujuju ece.
- 11 Jehowa tawokonze kin ohinniyan he kta ;
Iye cante yuze cin wicoicage qa wicoicage hehanyan.
- 12 Oyate wan Jehowa Taku Wakan yuhapi kin he cante waš-
tepi ;
Wicašta iye tawawicaye kta wicahdahñige cin hena.
- 13 Jehowa mahpiya eciyatanhan ahitonwan ;
Adam cinca kin owasin wanwicayaka.
- 14 Tukten onnye cin hetanhan etonwan,
Maka akan ounyanpi owasin ekta :
- 15 Cantepi kin owasin wicakaga ;
Wicohan tawapi owasin awacin un.
- 16 Wicaštayatapi tuwedan ozuye tanka on niyanpi šni :
Wicašta wašaka keš wowašake tanka on ihduške kte šni.
- 17 Niwicayapi kta on súktanka kin wacinyepica šni ;
Qa iye towašake tanka on waeyaku kte šni.
- 18 Iho, Jehowa išta kin tona kokipapi kin hena awicatonwan ;
Tona iye towaonšida apepi kin hena.

PSALM 34.

- 19 Wiconṭe etanhan nagipi ewicahdaku kta ;
 Qa wicaakihan en niwicaye kta.
 20 Unnagipi Jehowa wacinyanpi ;
 Ounkiyapi qa wahacanka unkitawapi kin he iye.
 21 Iye on uncantepi iyuskin kte ;
 Iye caje wakan wacinunyanpi heon.
 22 Jehowa, nitowaonsida unkiyepi en un nunwe ;
 Unkanipepi kin heon etanhan.

PSALM 34.

Dawid tawa. Abimelek itokam togye oliyanan ; unkan hdeši hehan kihda, he ehan.

- 1 Anpetu owasin Jehowa mdawašte kta ;
 Iye idowanpi kin ohinniyan mii ohna un kta.
 2 Jehowa on minagi itan kta :
 Tona onsihanpi nañonpi kta qa iyuskinpi kta.
 3 Jehowa mici yatanka miye ;
 Qa yuwitaya iye caje kin unyawankantupi kte.
 4 Jehowa awakita, unkan amayupta ;
 Qa wakowakipe cin owasin etanhan emahdaku.
 5 Ekta etonwanpi, unkan iyoyamyapi ;
 Qa ite naşapi şni nunwe.
 6 Onşike cin de howaya, unkan Jehowa nañon,
 Qa tokakije owasin etanhan ehdaku.
 7 Tona kokipapi kin hena wicihdukşan,
 Jehowa taohnihde kin iwanka,
 Qa ewicayaku ece.
 8 Uta miye, qa Jehowa wašte e wanyaka po :
 Tuwe wacinye cinhan wicašta kin he cante wašte.
 9 Wacantkiya yaunpi tawaniyanpi, Jehowa kokipa po ;
 Tona kokipapi kin hena takudan icakijapi kte şni.
 10 Mnaja cinca wicakiş unpi qa wotektehdapi ;
 Tuka Jehowa akitapi kin hena taku wašte takudan icakijapi
 kte şni.
 11 Iho po, micinca, anamagoptan po ;
 Jehowa tokokipe kin onspeciciyapi kta.
 12 Wicašta wiconi cin, qa taku wašte
 Wanyake kta e anpetu waştedake cin he tuwe he.
 13 Taku şica etanhan niceji ehdaku wo ;
 Qa niiha wohmayan eyapi kte şni.
 14 Taku şica eñpeya wo, qa taku wašte e econ wo :
 Wookiye akite ça kuwa aya wo.
 15 Jehowa išta wicašta owotanna awicatonwan ;
 Qa howayapi eca anohwicakiya ece.
 16 Tona taku şica econpi Jehowa ite kin itkowicakim un ;
 Maka kin etanhan wicakiksuyapi kin icu kte.
 17 Hoyeyapi, unkan Jehowa nañon,
 Qa tokakijepi iyulpa etanhan ewicahdaku.

PSALM 35.

- 18 Jehowa cante kicaksapi kin wicikiyedan un ;
 Qa tona taniya onśike cin hena niwicaya ece.
 19 Wicašta owotanna tokakije kin ota ;
 Tuka owasin etanhan Jehowa eyaku kta.
 20 Huhu tawa owasin awankiciyaka ;
 Hecen wanjidan kaeś kawegapi śni.
 21 Wośice tona śice cin hena wicakte kta ;
 Qa wicašta owotanna śice wicadakapi kin hena yacopi kta.
 22 Jehowa taokiye nagipi kin opewicakiton ;
 Qa tona iye wacinyanpi kin tuwedan yacopi kte śni.

PSALM 35.

Dawid tawa.

- 1 Jehowa, tona makigepi kin hena wicakige wo ;
 Tona makizapi kin hena wicakiza wo.
 2 Mazamakuakalipe wahacanka ko ikikcu,
 Qa omakiya inajin wo.
 3 Nakun wahukeza ehdaku,
 Qa tona śicaya makuwapi wicakagi wo ;
 Wiconi nitawa kin he miye ce, minagi eciya wo.
 4 Minagi odepi kin hena inihanpi qa ištecapi nunwe ;
 Tehiya amawacinpi kin hena hekta hdicuwicayapi qa ištenwi-
 cayapi nunwe.
 5 Aguyapi ha tate itokam hena iyececapi nunwe ;
 Qa Jehowa taohnihde hena wicakaštate kte.
 6 Tacankupi kin otpaza qa śduśduta nunwe ;
 Qa Jehowa taohnihde kin kuwa awicaye kte.
 7 Taku on etanhan śni wohmunke wan miye on nahmana eon-
 papi ;
 Taku on etanhan śni minagi on woħa wan qapi.
 8 Sdonye śni kinhan woihangye kin en u nunwe ;
 Qa wohmunke nahbe cin he iye içihmunka nunwe ;
 Woihangye kin hee en ohinłpaya nunwe.
 9 Hehan minagi Jehowa on iyuśkin kta ;
 Wiconi tawa kin idowan kta.
 10 Mahuhu owasin heyapi kta ;
 Jehowa, tuwe iyeniceca he ;
 Tuwe isanpa waśaka etanhan onśike cin eyahdaku ;
 Han, onśike a walıpanica kin, tuwe wamakinon kin etanhan.
 11 Itonśniyan woyakapi kin hinajinpi ;
 Taku sdonwaye śni kin hena on imawangapi.
 12 Taku wašte on taku śica maqupi ;
 On minagi kakiśyapi kta.
 13 Tuka miye qe, wayazankapi qehan, wakihdaka komdaka ;
 Akilianmiçiya on minagi kakiśwaye ;
 Unkan wocekiye mitawa mamaku en hdihan.
 14 Mitakoda se, misunka hee, he iyecen mawani ;
 Tuwe hunku akiceye cin iyecen waśihda pamahdedan waun.

P S A L M 36.

- 15 Tuka nakaha nawaśduta, hehan iyuśkinpi qa witaya mniciyapi ;
Waaie sa kin hena miye en mniciyapi, unkan sdonwaye śni :
Wayahdehdecapi qa inina unpi śni.
- 16 Wota ia śicapi kin hena om ;
Hi amahdakinskinzapi.
- 17 Itancan, tohanyan opalīta nanke kta he :
Woihangye tawapi etanhan minagi hdohdi wo ;
Waśtewakidake cin, mnaja kin etanhan.
- 18 Omniciye tanka kin en wopida eciciye kta ;
Oyate waśaka om ciyatan kta.
- 19 Tokamayanpi itonpiśni kin hena miye on iyuśkinpi śni nunwe :
Tona taku on etanhan śni śicemadapi kin hena iśta kakpanpi.
- 20 Hena wookiye iapi kte śni ;
Tuka tona makoce kin en, inina unpi kin
Hena wohmayan wicoie wicakicagapi kta.
- 21 Han, hena nina i makapapi :
Qa heyapi ; Hoho, hoho,
Iśta on wanunyakapi ce.
- 22 Jehowa niye wandaka, inina yanke śni wo ;
Itancan, mitehanyan un śni wo.
- 23 Ihduhica ye, qa mayacopi kte cin on kikta wo ;
Makiyuśepi kin on,
Wakantanka mitawa, qa Itancan mitawa.
- 24 Jehowa Wakantanka mitawa,
Nitoowotanna eciyatanhan mayukean wo ;
Qa hena miye on iyuśkinpi śni nunwe.
- 25 Cante mahen, Hoho, hecen uncinpi ce, eyapi śni nunwe ;
Naunkipeapi ce, eyapi śni nunwe.
- 26 Tona makakija on iyuśkinpi kin hena iśtecapi,
Qa witaya ite naśapi nunwe ;
Tona miye on ihdatankapi kin hena wowahteda śni,
Qa wowiśtece koyakapi nunwe.
- 27 Tona mitoowotanna cinpi kin hena iyaśapi,
Qa wiyuśkinpi nunwe ;
Han, ohinniyan heyapi kte ; Jehowa tanka ce,
Iye taokiye wookiye kicicin kin hee.
- 28 Unkan miceji nitoowotanna cajeyate kta ;
Niyatanpi kin anpetu osan.

PSALM 36.

Dowan itancan kin on. Jehowa taokiye wan kaga. Dawid tawa.

- 1 Micante mahen, wicośice wicaśta śica heciya ;
Iye iśta itokam Taku Wakan kokipapi wanica ce.
- 2 Iye iśta kin en ihdawaśte ;
Tuka wahtani kin iyeyapi qa śicedapi kta.
- 3 Iye i oie kin hena woitonśni qa wohmayan ;
Wacinksamya waśteya econ kta he ayuśtan.
- 4 Towinja akan woitonśni awacin un kta ;

PSALM 37.

- Canku wašte śni wan ohna iyahe kta ;
 Taku śica ayuŝtan kte śni.
- 5 Jehowa, nitowaonśida kin he małpiya ekta un ;
 Nitowicake małpiya śapa iyahde.
- 6 Nitoowotanna kin he Iyotan Waśaka ta ĩe kin iyececa :
 Wokonze nitawa kin he woŝbe tanka :
 Jehowa, wicaŝta woteca ko ni wicayaya.
- 7 Wakantanka, nitowaonśida kin he wašte ĩinca ;
 Heon Adam cinca niĥupahu ohanzi kin en wacinyanpi kta.
- 8 Yati wasna kin on imnanpi kte ;
 Qa wowašte nitawa wakpa kin etanhan yatke wicayaye kta.
- 9 Wiconi minihdoka wan nici wanke :
 Iyoyanpa nitawa en iyoyanpa wanunyakapi kta.
- 10 Tona sdonniyanpi kin hena nitowaonśida iyohi wicakiya wo :
 Qa nitoowotanna, tona cante ecepidan kin.
- 11 Waliñicidapi siha kin anamatan śni nunwe ;
 Qa ohan śica nape kin napemaye śni nunwe.
- 12 Hen wicoĥan śica econpi kin ĩinĥpayapi ;
 Hena makata ehpeyapi, qa najin okihipi kte śni.

PSALM 37.

Dawid tawa.

- 1 Wicoĥan śica econpi kin hena on iyokiśiniĥiye śni wo ;
 Qa woalitani econpi kin on winawizi śni wo.
- 2 Hena ecadan kaŝdapi kta, peji iyececa ;
 Qa wato iyecen śnijapi kta.
- 3 Jehowa wacinyan wo, qa taku wašte econ wo :
 Makoce kin en ounye ĥa wowicake akita wo :
- 4 Nakun Jehowa en iyokipiĥiya wo ;
 Kinhan taku iceyakiye cin hena niĥu kta.
- 5 Nitacanku kin Jehowa yuhekiya wo ;
 Nakun wacinyan wo ; kinhan ecetuye kta :
- 6 Qa nitoowotanna iyoyanpa iyecen yutanin kta ;
 Qa wokonze nitawa kin wiyotanhan iyececa.
- 7 Jehowa en inina un, qa wacintankaya ape wo :
 Tuwe canku ohna wapiya un kin he on iyokiśiniĥiye śni wo ;
 Tuwe wicotawacin śica hduecetu kin on.
- 8 Wocanniye ayuŝtan qa woŝihda ehpeya wo ;
 Taku śica ecanon kta e iyokiśiniĥiye śni wo.
- 9 Tona taku śica econpi kin hena ihangwicayapi kta ;
 Tuka Jehowa wacinyanpi kin hena maĥkoce kin yuhapi kta.
- 10 Ehake cistiyedan hehan wicaŝta śica en un kte śni ;
 Han, tohe kin opaliĥa yaun kta, tuka en un śni.
- 11 Tuka tona onśiicidapi kin hena makoce kin tawayapi kta ;
 Qa wookiye ota on iyuŝkiniĥiyapi kta.
- 12 Wicaŝta śica wicaŝta owotanna iyape un ;
 Qa ĥi ahdakinskinza ece.
- 13 Itancan kin iĥaliĥa kta ;

P S A L M 37.

- Taanpetu u kta wanyake cin heon.
- 14 Wicašta śicapi mazasagye ehdakupi ;
 Qa tinazipepi nakiwinjapi ;
 Onśika qa walipanica kin makata el̄pewicayapi kta ;
 Qa tona ohan owotanna kin wicaktepi kta.
- 15 Mazasagye tawapi kin on iye cante caiçipapi kta ;
 Qa tinazipepi kin kawegapi kta.
- 16 Taku cistinna wicašta owotanna tawa kin he wašte ;
 Wicašta śica ota wowijice yuhapi kin isanpa.
- 17 Wicašta śica isto kawegapi kta :
 Tuka Jehowa wicašta owotanna najin wicakiya ece.
- 18 Wicašta ecetu taanpetu kin hena Jehowa sdonya :
 Qa taku yuhapi kin he owihanke wanice kta.
- 19 Anpetu śica en ištecapi kte śni ;
 Qa wicaakihan anpetu kin en imnahan wotapi kta.
- 20 Tuka wicašta śice cin hena atakunipi kte śni ;
 Qa Jehowa tokayapi kin ;
 Tahinca cinca śin kin iyecen huĥnagapi ;
 Śota en taninpi śni.
- 21 Wicašta śica wodota keś wicakicu kte śni :
 Tuka wicašta owotanna wacantkiye ça wawicaqu ece.
- 22 Tona wicayawašte kin hena makoce kin tawapi kta :
 Qa tona wicayaśice cin hena ihangyapi kta.
- 23 Jehowa eciyatanhan wicašta caehde kin yuecetupi ;
 Qa tacanku kin on iyuśkin kte.
- 24 Hinĥpaye kta, tuka makata el̄peyapi kte śni ;
 Jehowa nape yuze cin heon etanhan.
- 25 Homakśidan waun, qa wanna wimacahinca ;
 Tuka wicašta owotanna kin el̄peyapi,
 Qa cinca woda unpi wanmdake śni.
- 26 Anpetu osan waonśida qa owicaqu ece :
 Unkan cinca kin hena woyawašte.
- 27 Taku śica ayuśtan qa taku wašte e econ wo ;
 Qa owihanke wanin ounyan wo.
- 28 Jehowa wokonze waštedaka ece ;
 Qa wicašta wacantkiye tawa kin hena el̄pewicaye kte śni ;
 Hena ohinniyān wicakpatanpi :
 Tuka wicašta śica cinca kin hena ihangwicayapi.
- 29 Wicašta owotanna makoce kin tawayapi kta ;
 Qa owihanke wanin en ounyanpi kte.
- 30 Wicašta owotanna i kin woksape ie kta ;
 Qa ceji wokonze iwohdake kte.
- 31 Iye ta Wakantanka tawoahope kin cante mahen un ;
 Caehde tawa kin kaktihanhan kte śni.
- 32 Wicašta śica wicašta owotanna iwanyaka ;
 Qa kte kta akita ece.
- 33 Tuka nape en Jehowa el̄peye kte śni ;
 Qa aiapi kinhañ yaco kte śni.
- 34 Jehowa ape un wo, qa tacanku patan wo ;

PSALM 38.

- Unkan makoce tawayaye kta e yuwankan inicu kta ;
 Wicašta śica ihangyapi kinhan wandake kta.
 35 Wicašta śica wohitika wan wanmdaka ;
 Qa ihdutanka, can teca icage cin iyececa :
 36 Tuka tanin śni iyaya, unkan inyun en un śni ;
 Han owade, tuka iyeyapi śni.
 37 Wicašta ecetu kin he iyukcan, qa owotanna kin wanyaka wo ;
 Wicašta kin he owihanke kin wookiye.
 38 Tuka wawakipajinpi kin witaya ihangyapi kte ;
 Wahtanipi sa owihanke kin he baśpa iyeyapi.
 39 Tuka wicašta owotanna niwicayapi kin he Jehowa etanhan :
 Wokakije anpetu kin en wowaśake tawapi kin hee.
 40 Unkan Jehowa owicakiye a ewicahdaku :
 Wicašta śica etanhan ewicayaku qa niwicaye kta ;
 Iye wacinyanpi, heon etanhan.

PSALM 38.

Dawid tadowan. Wokiksuye on.

- 1 Jehowa, wocanniye nitawa en iyopemaye śni wo ;
 Qa śinyahda hinca en makapsinpsinte śni wo.
 2 Nitunwanhinkpe kin bomalhidokapi ;
 Qa ninape sutaya amapaskica.
 3 Nitocanniye on micelipi zaniyan un śni ;
 Wawahtani on mahuhu en woozi wanica.
 4 Wawahtani kin hena pa iwankam imayaya ;
 Waqin tke hinca iyecen on mduśaka ece.
 5 Amapapi kin tonyan qa śicamna ;
 Wimatkotkoke cin heon etanhan.
 6 Mahnaśkinyan, nina patuś nawajin ;
 Anpetu osan waśihda waun.
 7 Wowayazan śica wan on pakśin omajudan ;
 Qa micelipi tuktedan zani śni.
 8 Wamaśake śni qa nina makaśuśujapi ;
 Cante mayazan heon waśicahowamda ece.
 9 Itancan, token cantowakpani owasin nitokam un ;
 Qa waśicahowamde cin he nanicilmanpi śni.
 10 Cante mahniyanyan, waśake śni amayan ;
 Nakun miišta iyoyanpa kin hee kaeś iyemacetu śni.
 11 Tona waśtemadapi qa mitakuye wamayazan kin en najinpi
 kte śni ;
 Qa mikiyedan unpi qon itehanyan injinpi.
 12 Unkan minagi akitapi kin hena mahmunkapi ;
 Qa tona śicaya waun kta cinpi kin hena taku śica eyapi ;
 Qa anpetu osan wohnayan awacinpi kta.
 13 Tuka miye, noge tpa iyececa, nawañon kte śni ;
 Qa ia okitpani i hdukawa kte śni kin iyemaceca.
 14 Hecen wicašta wawañon śni kin iyecen waun ;
 Qa tuwe i ohna iyopeyapi wanice cin.

P S A L M 39.

- 15 Jehowa niye acipe waun kin heon,
Niye waadupte kte, Itancan Wakantanka mitawa.
- 16 Unkan hepa; Okinni miye on iyuškinpi kta;
Siha nawašduta eča miye on ihdatanpi ece.
- 17 Miye humašte waun kin heon;
Qa iyomakišice cin ohinniyan mitokam un.
- 18 Miohan šice cin owahdake kta;
Qa wawahtani kin on iyokišinmičiye kta.
- 19 Tuka tokamayanpi ni unpi kin hena wašakapi;
Qa tona taku on etanhan šni šicemadapi kin hena ota aya.
- 20 Tona taku wašte on taku šica econpi kin hena,
Taku wašte awakite cin on makiyušepi kta.
- 21 Jehowa, amayušan šni wo:
Wakantanka mitawa, mitehanyan un šni ye.
- 22 Omakiya inalini wo;
Itancan, Wanikiya mitawa.

PSALM 39.

Jeduthun dowan itancan kin on. Dawid tadowan.

- 1 Miohan iwanwahdake kta, epa;
Hecen miceji on wawahtani kte šni:
Ionatake wan mii on mduhe kta;
Wicašta šica mitokam unpi icunhan.
- 2 Ia okitpani iyecen inina manka;
Taku wašte ee kaeš ie šni waun;
Qa mitoiyokišica yušošapi.
- 3 Cante mahen makate linca;
Waawacin waun icunhan peta itkon:
Hehan miceji on iwaa:
- 4 Jehowa, omawihanke kin sdoneye makiya wo;
Qa mitaanpetu kin tohanyan kta hecinhan;
Tohan en waun kte šni sdonwakiye kte.
- 5 Wan, mitaanpetu kin nape hdakinyan yakaga;
Qa nitokam wani kin he takušni iyececa:
Awicakehan wicašta otoiyoži, sutaya najin ešta, ocowasin ta-
kušni. Sela.
- 6 Awicakehan wicašta kin ohanzi wan en omani;
Awicakehan takušni on nihinciyapi ece:
Waeju ece, tuka tuwe hena yuhe kta sdoneye šni.
- 7 Unkan pakaha, Itancan, taku e ape waun he;
Niye hincā wacinciya ece.
- 8 Wawahtani owasin etanhan emayaku wo;
Wicašta witkotkoka wowihaliamayanpi kta makage šni wo.
- 9 Inina waun, i wahdukawa kte šni;
Niye hecanon kin heon etanhan.
- 10 Amayape cin he imicicu wo;
Ninape makaštate cin on atakuni šni amayan.
- 11 Iyopeyapi on wicašta wahtani kin on iyopeyaya;

P S A L M 40.

Qa wayapote sa iyecen taku iyokipi kin dutakuni śni :
Awicakehan wicaśta otoyohi takuśni. Sela.

- 12 Jehowa, wocekiye mitawa nahon wo ;
Qa houwaye cin anolikiya ye :
Ištammihanpe amau kin on inina yanke śni wo ;
Niye kici wicaśta matokeca,
Unhdaka waun, atewicawaye cin owasin iyececa.
- 13 Makpatan wo, hecen waśagmiçiyeye kta,
Imdamde śni qa en waun śni itokam.

PSALM 40.

Dowan itancan kin on. Dawid tadowan.

- 1 Apepi on Jehowa ape waun ;
Unkan anohmakiye ça hoyewaye cin namakihon.
- 2 Nakun wicotakuniśni woħa wan etanhan hiyu makiya, upsija
hinca etanhan ;
Qa misiha imnija wan ahan makiye ; mioye miciyusuta.
- 3 Qa odowan teca wan mii kin en ohnaka ;
Wakantanka unkitawapi yatanpi kin :
Wicota wanyakapi qa kokipapi kta ;
Qa Jehowa wacinyanpi kte.
- 4 Wicaśta wan cante wašte hinca,
Jehowa wowinape yuhe cin hee ;
Qa tona wahanhanicidapi kin,
Woitonśni opapi kin hena koya ekta etonwe śni.
- 5 Jehowa mita Wakantanka taku ota ecanon ;
Niolhan wakan qa unkiyepi on nitawacin kin,
Hena owecinhan niciyawapi kte śni ;
Cajemdate ça omdake kta ešta, hena yawapica śni.
- 6 Wośnapi qa wawicaqupi kin hena iyonicipi śni ;
Noge mayakidulidoka :
Wahuhnahiyapi qa woahťani on wośnapi kin yada śni.
- 7 Hehan hepa ; Wanyaka wo, wau ce ;
Wowapi yuhmihmapi kin en hecen omiciwapi :
- 8 Wakantanka mitawa nitawacin ecen ecamon kta iyomakipi ;
Qa nitoope kin micante mahen un.
- 9 Omnicieye tanka kin en woowotanna eyanwapaha :
Wanyaka wo, miha wakpatan kte śni ;
Jehowa niye sdonyaya.
- 10 Nitoowotanna micante mahen nawalibe śni ;
Wacinniyepica qa waniyakiya omdaka ;
Nitowaonśida qa nitowicake omnicieye tanka kiń etanhan na-
walibe śni.
- 11 Jehowa niye,
Nitowaonśida temiyecilida kte śni ;
Nitocantekiye qa nitowicake ohinniyan mapatan kte.
- 12 Taku śica yawapica śni aohdutemayanpi ;
Wawahtani kin hena emihdegapi,

PSALM 41.

- Qa hecen wawanyaka owakihi šni;
 Hena mapa hin isanpa ota ;
 Qa on cante mawanica.
- 13 Jehowa, emahdaku iyonicipi nunwe ;
 Jehowa, omakiya inalini ye.
- 14 Tona minagi ihangya akitapi kin
 Hena witaya cante toketu taninšni qa ištecapi kte ;
 Tona šicaya waun kta cinpi kin
 Hena hekta hdicupi qa ištecapi kte.
- 15 Tona, Hanhan, hanhan, emakiyapi kin
 Hena wowištece on atakunipi kte šni.
- 16 Tona anicitapi kin hena owasin cante waštepi qa iniciyuškin-
 pi kte ;
 Tona wiconi nitawa waštedapi kin hena, Jehowa yatankapi
 nunwe, eyapi kte.
- 17 Tuka miye onmašike ça mawahpanica ;
 Itancan kin amawacin un kta :
 Tuwe omakiye ça emahdaku kin he niye ;
 Wakantanka mitawa yutehan šni ye.

PSALM 41.

Dowan itancan kin on. Dawid tadowan.

- 1 Tuwe wicašta onšika en ewacin kin he cante wašte ;
 Anpetu šice cin en Jehowa ehdaku kte.
- 2 Jehowa awanhdake ça nikiye kta ;
 Maka akan tanyan un kte ;
 Qa tokayapi tawacin kin en wicayaqu kte šni.
- 3 Wowayazan ohe akan Jehowa yuwašake kta ;
 Wayazanka icunhan towinja ocowasin piyaya.
- 4 Miye hepe ; Jehowa onšimakida wo ;
 Minagi asniyan wo ; wacicihtani kin heon.
- 5 Tokamayanpi kin hena taku šica emakiyapi kta ;
 Tohan že kta qa caje atakuni kte šni he.
- 6 Qa wanmayag hi kinhan woitonšni oyaka ece kta ;
 Cante mahen woahntani mnakiya ;
 Tokiya ye kte ça oyake kta.
- 7 Tona šiceniadapi owasin witaya amajijipi kta ;
 Hena šicaya cante makiyuzapi kta.
- 8 Taku šiçe hinca wan aokaštanpi ce :
 Qa tuwe makata wanke cin he ake kinajin kte šni.
- 9 Han, wicašta kici wowakiye, wacinwakiye cigon,
 Aguyapi mitawa yute cin he siyete on namahntaka.
- 10 Tuka, Jehowa niye, onšimada qa najinmakiya wo ;
 Hecen wicawecicajuju kta.
- 11 Detanhan waštemayadaka sdonwakiya ;
 Tokamaye cin maktedan šni kin heon.
- 12 Unkan miye, mitocetu kin en mayadusuta ;
 Qa ohinniyan niite itokam najin mayakiya.

PSALM 43.

- 13 Jehowa, Israel ta Wakantanka, yawaštepi nunwe ;
 Otokahe wanica qa owihanke wanica.
 Amen qa amen.

PSALM 42.

Dowan itancan kin. Qora cinca wahokonwicakiyapi.

- 1 Tatokadan mini wakpadan cantokpani,
 He iyecen, Wakantanka, minagi cantonikpani ece.
 2 Wakantanka on minagi ipuza, Wakantanka ni un kin ;
 Tohan wau qa Wakantanka ite kin en mihdutanin kta he.
 3 Istammihanpe amau kin hena woyute waye, anpetu hanyetu
 koya ;
 Nita Wakantanka tukten un he, ohinniyan emakiyapi heon.
 4 Dena weksuye ça minagi amihdapson kta ;
 Wicota om imdamde cinhan ;
 Hena om Wakantanka ti kin ekta wai ;
 Wowiyuŝkin qa woyatan ho kin yuha ;
 Wicota anpetu wakan opapi kin hena om.
 5 Minagi, tokeca pamahdedan yaun,
 Qa tokeca miye mahen iyonicisica he ;
 Wakantanka wacinyan wo, ake mdatan kte,
 Miite omakiye ça mita Wakantanka kin hee.
 6 Mahentanhan minagi iyokisica un ;
 Heon cikŝuye kta, Jordan makoce kin etanhan,
 Qa Hermon he, paha cistinna kin hetanhan.
 7 Mini tanka nitawa ho kin on, mini ŝma kin mini ŝma kipan ;
 Taja nitawa qa mini ihaha nitawa owasin miwankam iyaya.
 8 Anpetu icunhan Jehowa towaonsida kin ekihde kta ;
 Qa hanyetu eca iye tadowan kin mici un ;
 Wakantanka nimaye cin he cewakiye kte.
 9 Wakantanka imnija mitawa hewakiye kta ;
 Tokeca amiyektonja he ;
 Tokeca waŝihda imdamda he,
 Toka ŝicaya makuwapi kin on.
 10 Tokamayampi kin iyopemayanpi, mahuhu kaŝuŝujapi kin iye-
 ceca ;
 Anpetu otoyohi, Nita Wakantanka toki un he, emakiyapi
 kinhan.
 11 Minagi, tokeca pamahdedan yaun,
 Qa tokeca miye mahen iyonicisica he ;
 Wakantanka wacinyan wo, ake mdatan kta,
 Miite omakiye ça Wakantanka mitawa kin hee. ,

PSALM 43.

- 1 Wakantanka mayaco qa imakiya wo ;
 Oyate wacantkiye ŝni kin on ;
 Wohnayan wicaŝta qa wahtani sa etanhan emayahdaku kte.
 2 Wakantanka conkaŝke mitawa kin he niye ;

PSALM 44.

- Tokeca elipemayaya he ;
 Tokeca wašihda indamde kta he,
 Toka śicaya makuwapi kin on.
- 3 Iyoyanpa nitawa qa wowicake nitawa u kiya wo ;
 Hena yus amaye kte ;
 Paha wakan nitawa kin en hi makiye kte ;
 Qa nakun wokeya nitawa ekta.
- 4 Hehan Wakantanka owayuśna tawa ekta wau kte ;
 Taku Wakan mitowiyuśkin tanka ekta.
 Unkan candowankiyapi on icidowan kta,
 Wakantanka, Wakantanka mitawa.
- 5 Minagi, tokeca pamahdedan yaun,
 Qa tokeca miye mahen iyonicisica he :
 Wakantanka wacinyan wo, ake mdatan kta ;
 Miite omakiye a Wakantanka mitawa kin hee.

PSALM 44.

Dowan itancan kin on. Qora cinca wahokonwicakiyapi.

- 1 Wakantanka, noge on naunhonpi,
 Atewicunyanpi unkokiyakapi,
 Iye taanpetu kin en wicohan ecanon qon,
 Wanakaja anpetu kin en.
- 2 Niye ninape on Ikcewicaśta hamwicayaya,
 Qa iyepi en owicayakiju ;
 Oyatepi kin ihangwicayaya,
 Qa iye icahwicayakiya.
- 3 Mazasagye tawapi on makoce kin icupi śni ;
 Qa iye isto kin he on eiihdakupi śni ;
 Tuka ninape etapa, qa niisto, qa niite iyoyanpa kin ;
 Niye cantowicayahnahe cin heon.
- 4 Wakantanka, Wicaśtayatapi mitawa kin he niye ;
 Jakob woehdaku kiconza wo.
- 5 Niye on tokaunyanpi kin paha iyewicunyanpi kta ;
 Nicaje on tona itkounkipapi kin nawicunpanpi kta.
- 6 Mitinazipe wacinwakiye kte śni ;
 Qa mazasagye mitawa nimaye kte śni.
- 7 Tuka niye tokaunyanpi kin etanhan eunyahdakupi ;
 Qa tona śiceundapi kin iśtenwicayaya.
- 8 Anpetu osan Wakantanka unkidowanpi ;
 Qa nicaje ohinniyan unyatanpi kta. Sela.
- 9 Hececa eśta, ehpeunyanpi qa wowištece unyakagapi ;
 Qa ozuye unkitawapi kin om de kte śni.
- 10 Toka kin itokapatanhan hdicuunyanpi kta :
 Qa tona śiceundapi kin hena wakte hdapi.
- 11 Tahinca wanunyanpi yutapi kte cin iyececa unyakagapi kta :
 Qa Ikcewicaśta ehna enanakiya iyeunyanpi.
- 12 Nitaoyate inyunwin codan wiyopeyakiye kta :
 Qa iyopeyapi on takudan yakamna śni.

PSALM 45.

- 13 Unkikiyepidan unpi kin en wowištece unyakagapi kta ;
Unkihdukšan unpi kin en wowihahaunyanpi qa poptanptanun-
kiyapi.
- 14 Ikcewicašta ekta oweštepi unyakagapi kta ;
Oyatepi en pomnamnaunkiyapi kte.
- 15 Anpetu osan ištenmayanpi kin mitokam un ;
Qa miite ištece cin he amahdahpa :
- 16 Tuwe wawiopeye ça wayašica ho kin on ;
Toka ite qa waihangye cin on etanhan.
- 17 Dena owasin unkakipapi, tuka unkaniktonjapi šni ;
Qa wicotakuye nitawa unhnayanpi šni.
- 18 Uncantepi hekta hdicu šni ;
Qa unkojepi nitacanku icunonpa ye šni.
- 19 Unktehi owanka kin en unyakaweliwegapi ;
Qa wiconęe on unkayakahpapi.
- 20 Wakantanka unkitawapi caje unkakiktonjapi,
Qa taku wakan tokeca ekta nape unhdugatapi kinhan ;
- 21 Wakantanka he ode kte šni he :
Wicacante woinahbe kin hena iye sdonya nakaeš.
- 22 Niye on anpetu osan unktepi unyakonpi ;
Talinca wanunyanpi wicaktepi kte cin iyecen unyawapi.
- 23 Itancan, ihduhica wo, tokeca ništinma he ;
Kikta wo, hecehin ehpeunyanpi šni po.
- 24 Tokeca niite nayakihbe kta he ;
Iyounkišicapi qa šicaya unkuwapi kin ayektonje kta he.
- 25 Unnagipi watušekšeca ekta patuš yanka ;
Untancanpi maka kin ahdaskin wanka.
- 26 Ounyakiyapi kta on inajin wo ;
Qa nitowaonšida on opeunkiton po.

PSALM 45.

Mnaliclica on dowan itancan kin. Qora cinca wahokonwicakiyapi. Wowašte odowan.

- 1 Micante wicoie wašte on ipiga ;
Miohan wicaštayatapi kin owakimdake ;
Wowapi icage wowapi kaga wayupika tawa miceji kin hee.
- 2 Adam cinca ehna niye iyotan owanyag niwašte ;
Niiha en wowašte okaštanpi ;
Heon Wakantanka ohinniyān niyawašte.
- 3 Iyotan Wašaka, mazasagye nitawa ceca en iyahdaška wo ;
Nitowitan qa nitoiyokipi ahna :
- 4 Qa nitowitan hduha šuktanka akan iyoopta ya wo ;
Wowicake qa woowotanna onšike cin hena on ;
Unkan nape nietapa taku wowinihan onspeniciye kta.
- 5 Wanhinkpe nitawa pepe linca ;
Nitokam oyatepi hināpayapi kta ;
Tona Wicaštayatapi tokayapi cantepi kin en.
- 6 Wakantanka, oiyotanke nitawa ohinniyān qa owihanke wanica ;

PSALM 46.

- Nitokiconze sagye kin he woowotanna sagye.
 7 Woowotanna wašteyadaka, qa woahntani śiceyadaka ;
 Heon Wakantanka, nita Wakantanka kin,
 Wowiyuśkin wihdi on sdaniciya,
 Kodawicayaye cin isanpa.
 8 Nitawokoyake owasin canśin, qa canhaśa, qa pejihuta wa-
 śtemna ;
 Huhu tipi wašte kin etanhan wiyuśkinnianpi.
 9 Wicaśtayatapi cunwintkupi kin winolinea waštešte nitawa om
 unpi ;
 Wicaśtayatapi tawicu kin nietapa ekta najin,
 Mazaskazi Ophir etanhan en.
 10 Cunś, anagoptan qa wanyaka qa on anolikiya wo ;
 Qa nitaoyate niyate ti ko akiktonja wo :
 11 Unkan wicaśtayatapi kin nitowašte waštedake kte :
 He itancan nitawa, hecen itokam patuja wo.
 12 Tuos cunwintku taku itulhanpi wan on niite akite kta ;
 Oyate kin en wijicapi kin hena.
 13 Ti mahen wicaśtayatapi cunwintku kin ocowasin wowitan ;
 Tawokoyake kin mazaskazi kazontapi.
 14 Śina ipatapi in wicaśtayatapi kin en ahipi kta ;
 Wikośkapi takodawicaye ihakam unpi kin hena niye en awi-
 cahipi kta.
 15 Wowiyuśkin qa wopida yuha en awicahipi kta ;
 Wicaśtayatapi ti kin timahen hipi kte.
 16 Niyatepi eekiya nicinkśipi yuke kta ;
 Hena maka kin owancaya wicaśta itancan ewicayahde kte.
 17 Wicoicage qa wicoicage owasin en nicaje kiksuyewicawaye
 kta :
 Heon oyatepi kin niyatanpi kta, owihanke wanica.

PSALM 46.

Qora cinca on ; dowan itancan kin. Wikośka dowanpi.

- 1 Wowinape qa wowaśake unkitawapi kin Wakantanka hee ;
 Awicakehan wokakije en waokiye iyeyapi ece.
 2 Heon etanhan kopeunhdapi kte śni, maka kin yutokecapi,
 Qa he kin miniwanca cante en ayapi eśta.
 3 Mini kin hotanin qa śkanśkan kte ;
 Taś tanka on he kin yuhuhuzapi kte. Sela.
 4 Wakpa wan—adetka kin Wakantanka totonwe kin iyuśkinnye.
 kta ;
 Tipi wakan kin—Iyotan Wankan un ounye cin he.
 5 Wakantanka cokaya un, heon pahohopi kte śni ;
 Anpao hinanpa hehan Wakantanka okiye kta.
 6 Ikcewicaśta oqoyapi, wicokiconze kin śkanśkanpi ;
 Iye ho hduatanin, maka kin skan kta.
 7 Jehowa Sabaoth unkicipi un ;
 Jakob ta Wakantanka wowinape unyanpi. Sela.

PSALM 48.

- 8 U miye, Jehowa tohan kin wanyaka po;¹
Makoce kin en woihangye kaga ece.
- 9 Maka ihanke hehanyan ozuye ayuŕtan kiya;
Itazipa kin kawege kta, qa wahukeza kakse kta;
Canpahmihma kin peta on hulinahye kta.
- 10 Ayuŕtan po, qa Wakantanka kin he miye e sdonya po,
Ikcewicaŕta ehna mayatanpi kte, maka akan mayatankapi kte.
- 11 Jehowa Sabaoth unkipi un:
Jakob ta Wakantanka wowinape unyanpi. Sela.

PSALM 47.

Dowan itancau kin on. Odowan; Qora cinca tawapi.

- 1 Oyate owasin, nape hdaskapa miye;
Wowiyuŕkin ho kin on Wakantanka iyaŕa po.
- 2 Jehowa Tehan Wankan kin he wowinihan;
Wicaŕtayatapi tanka, maka kin owancaya.
- 3 Unkihukun wicaŕta kin ewicahnake kta;
Qa oyatepi unsihapi ihukuya.
- 4 Makoce wan unkipi kinigapi kte;
Jakob waŕtedake ciqon toiyokipi kin hee. Sela.
- 5 Iyaŕapi yuha Wakantanka wankantkiya ikiyopta;
Jehowa mazayahotonpi ho kin hduha.
- 6 Dowan po, Wakantanka idowan po;
Dowan po, Wicaŕtayatapi unkitawapi idowan miye.
- 7 Wakantanka maka kin owancaya Wicaŕtayatapi;
Wowahokonkiye wan on dowan miye.
- 8 Wakantanka Ikcewicaŕta kin wowidagwicaya;
Wakantanka oiyotanke wakan kin akan kiyotanka.
- 9 Oyatepi en itancau kin mniciyapi;
Abraham ta Wakantanka taoyate kin:
Makoce wahacanka kin hena Wakantanka tawa:
Iye nina tehanwankan un.

PSALM 48.

Qora cinca tawapi. Psalm odowan.

- 1 Jehowa he tanka; qa nina yatanpi kte;
Taku Wakan unkitawapi totonwe, Paha wakan tawa kin en.
- 2 Oyanke waŕte hinca, maka ocowasin wowiyuŕkin;
Zion Paha kin, waziyata opapun ekta;
Wicaŕtayatapi tanka totonwe kin.
- 3 Tipi waŕteŕte tawa kin ohna,
Wakantanka wowinape yapi kta sdonyapi.
- 4 Iho, maka wicaŕtayatapi kin mniciyapi;
Witaya en hiyayapi:
- 5 Hena wanyakapi, unkan inihanpi;
Kopehdapi qa najica iyayapi.
- 6 Hen cancan hinhdapi;

PSALM 49.

- Wayazan hdapi, wiholinca hoksíksuya iyececa.
 7 Wiyohiyanpa tanhan tate kin on,
 Tarsís wita wata kin yakajuju kta.
 8 Naunhonpi qon he iyecen wanunyakapi;
 Jehowa Sabaoth totonwe kin en,
 Wakantanka unkitawapi totonwe ohna;
 He Wakantanka ohinniyan hdusuta kte. Sela.
 9 Wakantanka, tipi wakan nitawa ohna,
 Nitocantekiye kin awauncinpi.
 10 Wakantanka, nicaje iyececa,
 Niyatanpi maka ihanke kin hehanyan;
 Ninape etapa woowotanna ojudan.
 11 Zion Paha kin iyuskin kte;
 Juda cunwinkupi cante waštepi kte;
 Woyaco nitawa kin on etanhan.
 12 Zion ihdukšan ya miye, ohomni mani po;
 Canpasotka kin hena yawa po:
 13 Conkaške tawa kin ekta cante yekiya po;
 Tipi waštešte kin hena awacin miye;
 Hecen wicoicage u kte cin owicayakidakapi kte.
 14 Taku Wakan kin de Wakantanka unkitawapi, owihanke wa-
 nica:
 Wiconte hehanyan yus unkayapi kte.

PSALM 49.

Dowan itancan kin. Odowan Qora cinca tawapi.

- 1 Oyate owasin, de nahon miye;
 Maka akan onyanpi kin owasin, anagoptan po:
 2 Adam cinca, nakun wicašta cinca,
 Wijicapi walpanicapi kin om.
 3 Mii woksape oyake kta;
 Qa micante taku awacin kin he wookalinige.
 4 Wiyacinpi wan ekta minoge yewaye kta;
 Candowankiyapi on mitadowan mduotanin kta.
 5 Anpetu síca en tokeca kopewahda kta he;
 Tona amahanpi walhanipi kin aohdudemayan kinhan.
 6 Iye towaškepi kin wacinkiyapi;
 Qa taku ota tonpi kin on ihdatanpi ece:
 7 Wicašta wan iye sunkaku ecaca opekiton kte sni:
 On wiyopeyapi Wakantanka qu kta okihi sni.
 8 Unkan nagipi opekitonpi kin he telika;
 Qa owihanke wanica okihipica sni:
 9 Hecen hinyahin ohinniyan ni un kta;
 Qa wicaliwín wanyake kte sni.
 10 Wicašta ksapa tapi kte cin he wanyake kta;
 Nakun witkotkoka wacintonšni ko atakunipi kte sni;
 Qa taku tonpi kin toktokeca aihpewicakiyapi kte.
 11 Cante mahen, tipi tawapi owihanke wanice kta, kecimpi;

PSALM 50.

- Ohna yukanpi kin wicoicage qa wicoicage hehanyan ;
 Makoce tawapi iye cajepi icajeyatapi ece.
- 12 Tuka wicašta woyuonihan en yanke kte śni ;
 Woteca iyecen kagapi ; hena atakunipi śni.
- 13 Hecen ohanyanpi ; hecen witkotkokapi :
 Tuka tona ihakam upi kin hena
 Token eyapi qon he waštedakapi kta. Sela.
- 14 Optaye wan iyecen Hades ekta awicayapi ;
 Wiconęte wonwicaye kta ;
 Qa wicašta owotanna, anpao kinhan, wowidagwicayapi kta :
 Nakun towašakepi kin Hades yusote kta ;
 Iye tipi kin etanhan tawawicaya.
- 15 Tuka Wakantanka minagi Hades nape etanhan opemakiton kta ;
 Iye emahdaku kta, heon.
- 16 Wicašta wan wijica icage cinhan kopehda śni wo ;
 Tipi tawa wowitan tanka aye cinhan :
- 17 Tohan ęte cinhan takudan hduha ye kte śni ;
 Towitan ihakam kun ye kte śni.
- 18 Tuka ni un icunhan nagi hdawašte kta :
 Nakun tanyan nięicuwa kinhan niyatanpi kta.
- 19 Atewicaye wicoicage kin ekta ye kta :
 Hena icimana iyoyanpa wanyakapi kte śni.
- 20 Wicašta yuonihanpi, tuka okałnige śni kin
 He woteca kin iyacinpi, hena atakunipi kte śni.

PSALM 50.

Asaph tadowan.

- 1 Jehowa Wakantanka Iyotan Wašake cin ia,
 Qa maka kin kipan,
 Wihinanpa etanhan wi iyaye cin hehanyan.
- 2 Zion woiyokipi iyotan lince cin etanhan
 Wakantanka iyega.
- 3 Wakantanka unkitawapi u kta, qa inina un kte śni ;
 Itokam peta wahulnahye kta ;
 Qa ihdukšan nina icamna kte.
- 4 Wankan małpiya kin kipan kta,
 Qa nakun maka kin, iye taoyate wicahdaco kta.
- 5 Wicašta cante wicawakiye cin miye en awicau po ;
 Tona wošnapi on wicotakuye micagapi kin.
- 6 Unkan małpiya kin iye toowotanna kin oyake kta ;
 Wakantanka wayaco un kin heon. Sela.
- 7 Mitaoyate nałon po, kinhan iwae kta ;
 Qa Israel, wahokonciciye kta ;
 Wakantanka, Wakantanka nitawa kin he miye.
- 8 Nitawošnapi kin on iyopeciye kte śni ;
 Qa peta on wadušnapi kin ohinniyan mitokam un :
- 9 Yati etanhan tatanka wan iwacu kte śni ;
 Optaye nitawa etanhan tamdoka kin :

PSALM 51.

- 10 Contanka en wamanica otoiyo hi mitawa ;
Qa woteca paha kektopawinge akan unpi kin.
- 11 He ekta taku kinyan un kin otoiyo hi sdonwaya ;
Qa makomdaye en woteca owasin micium.
- 12 Wotektewahda esta ociciyake kte sni ;
Maka kin he mitawa qa taku ohnaka kin.
- 13 Tatanka conica wate kta he ;
Qa tamdoka we mdatke kta he.
- 14 Wakantanka woyatan wakiyu sna wo ;
Qa Iyotan Wankan un kin taku iwahoyaya hdajuju wo.
- 15 Hehan woiyoki sica anpetu kin en, houmakiya wo ;
Kinhan ecihdaku kta, hecen imayadowan kta ce.
- 16 Tuka Wakantanka wica sta sica heciya ;
Token on mitoope kin odake kta ;
Qa wicotakuye mitawa tokeca cajedate kta he.
- 17 Wahokonkiyapi kin he sice yadaka ;
Qa mioie kin niheyata elipeyaya.
- 18 Wamanon sa wan wandaka eca takodayaya ;
Qa wawicihahapi econpi kin owicayapa ece.
- 19 Nii taku sica en owicayaqu ;
Qa niceji wohnaye kazonte kta.
- 20 Nisunka akiia idotanke kta ;
Nihun cinhintku kin waayape kta.
- 21 Hena hecen ecanon, tuka inina manke :
Niye yaun kin ocowasin iyemaceca kecanni :
Iyopeciye kta, qa ni s ta itokam hena ewahde kta.
- 22 De awacin po, Wakantanka ayektonjapi kin ;
Okinni waehdaku wanin ciya s pa s papi kta.
- 23 Tuwe woyatan wayu s na kinhan, he mayuonihan kta :
Qa tuwe tacanku hduecetu kin
He Wakantanka towiconi kin wakipazo kta.

PSALM 51.

Dowan itancan kin. Dawid tadowan: Nathan wica s ta wokcan en hi qehan, iye
Bath s eba en hi qon iyececa.

- 1 Wakantanka, nitocantekiye on on s imada ye ;
Nitowaon s ida ota on wawahtani micicajuju wo.
- 2 Taku s ica ecamon kin on ocowasin mayujaja ye ;
Qa wawahtani kin hena makipakinta wo.
- 3 Wawahtani kin hena s donwakiya ;
Qa taku s ica ecamon kin ohinniyan mitokam un.
- 4 Niye ni s nana en wacicih tani,
Qa ni s ta kin en taku s ica ecamon ;
Hecen iyae cin en oniwotanna kte ;
Wadaco kinhan iyaonpepica s ni yaun kta.
- 5 Wanyaka ye, taku s ica en matonpi ;
Qa woalitani en ina mahduha.
- 6 Wanyaka ye, tanmahen tanhan wowicake yacin ece :

P S A L M 52.

- Qa woinahbe ekta woksape sdoneye mayaye kte.
 7 Ceyakata on mayakipakiute kta, unkan ecedan waun kta ;
 Mayadujaja kta, kinhan wa isanpa maska kte.
 8 Wicocante wašte wowiyuŝkin ko nahon mayaye kte ;
 Hehan huhu yakaŝuje cin hena iyuŝkin kta.
 9 Wawahtani etanhan niite nakihman ye ;
 Qa taku ŝica ecamon kin owasin micicajuju wo.
 10 Wakantanka, cante ska micaga ye ;
 Qa miye mahen woniya yuŝtanpi miciyuteca wo.
 11 Niite etanhan ehpemaye ŝni ye ;
 Qa Nitaniya Wakan kin emicihdaku ŝni wo.
 12 Wiconi nitawa wowiyuŝkin kin he mieu ye ;
 Qa woniya wašte wan yuhe makiya wo.
 13 Hehan ŝicaya econpi kin nitacanku onspewicawakiye kta ;
 Qa wahtanipi sa niye ekta ihduhomnipi kta.
 14 Wakantanka, wicawe etanhan emahdaku wo ;
 Wakantanka, Wanikiya mitawa ;
 Miceji nitoowotanna iyuŝkinyan idowan kte.
 15 Itancan, miiha miyecidukawa kta ;
 Hecen mii woyatan nitawa oyake kte.
 16 Woŝnapi kin yacin kte ŝni, he waqu kta tuka ;
 Peta on woŝnapi kin iyonicipi ŝni.
 17 Woŝnapi Wakantanka tawa woniya kicaksapi kin hena ee ;
 Wicacante kieaksapi qa kaŝuŝujapi kin,
 Wakantanka, ŝiceyadake kte ŝni.
 18 Nitoiyokipi kin en Zion taku wašte ecakicon wo :
 Jerusalem conkaŝke kin niye yecage kta.
 19 Hehan woowotanna woŝnapi kin iyonicipi kta ;
 Peta on woŝnapi qa woŝnapi ocowasin huhnahyapi :
 Hehan tatanka owayuŝna nitawa adipi kte.

PSALM 52.

Dowan itancan kin on. Dawid tawowahokonkiye. Doeg Edomi kin en hi qa
 Saul wokiyaka qa heciya ; Dawid Ahimelek ti en hi ce, eye ciqon.

- 1 Wicaŝta waŝaka, tokeca taku ŝica on nihdatan kta he ;
 Iyotan Waŝaka towaonŝida kin he anpetu osan.
 2 Niceji wicohan ŝica kicanye kta ;
 Wohnayan kaga, putinhin icasan yumanpi iyececa.
 3 Taku ŝica waŝteyadaka, taku wašte isanpa ;
 Qa woitonŝni, woowotanna oyakapi kin isanpa. Sela.
 4 Wicoie waihangye cin owasin waŝteyadaka,
 Wicaceji wicahnayan yaun kin.
 5 Heon etanhan Wakantanka owihankeŝniyan ihangniye kta ;
 Yutokan iyeniye kta, qa wakeya etanhan inicu kte ;
 Qa wiconi maŝoce kin etanhan yujun ehpeniye kta. Sela.
 6 Unkan wicaŝta owotanna wanyakapi qa kokipapi kta ;
 Qa he on ihapi kta :
 7 Wanyaka po, wicaŝta kin he

PSALM 54.

- Wakantanka wowaśake yuhe kte śni ;
 Tuka iye towijice icage cin wacinkiye kta ;
 Qa tohan śice cin on waśagiçiye kte.
- 8 Tuka miye Ōliwe can teca wan iyemaceca,
 Wakantanka ti kin ohna ;
 Wakantanka tocantekiye wacinwaya,
 Owihanke wanica hehanyan.
- 9 Niye hecanon kin heon ohinniyan ciyatan kta ;
 Qa nicaje wacinwakiye kta ;
 He wicaśta wacantkiya nitawa itokam wašte kin heon.

PSALM 53.

Dowan itancan kin on. Wowayazan on Dawid tawowahokonkiye.

- 1 Taku Wakan wanica ce, witkotkoke cin cante mahen eya :
 Ihduśicapi qa wicohan śica wahte śni econpi ;
 Tuwedan taku wašte econ śni.
- 2 Wakantanka mahpiya eciyatanhan Adam cinca kin ahiwicaton-
 wan ;
 Tuwe wacinksamya ohanyan hecinhan,
 Tuwe Wakantanka akita hecinhan, he wanyake kta.
- 3 Iyulipa nunipi, witaya liwinpi ;
 Tuwedan taku wašte econ śni ; han, wanjidan śni.
- 4 Woalitani econpi kin hena takudan sdonyapi śni he ;
 Aguyapi iyecen mitaoyate wicayutapi ;
 Qa Wakantanka hoyekiyapi śni.
- 5 Wokokipe wanica eśta hen nina wikopapi ;
 Tuwe en ahiniwanka huhu kin Wakantanka enanakiya ehpeya ;
 Istenwicayaya, Wakantanka wahtewicada śni nakaes.
- 6 Tokin Israel woehdaku tawa kin Zion etanhan u nunwe :
 Tohan Wakantanka taoyate wayaka unpi kin en wicahdi kinhan,
 Jakob iyuskin kta, Israel pidapi kte.

PSALM 54.

Candowankiyapi on dowan itancan kin. Dawid tawowahokonkiye. Ziph oyate
 upi qa Saul heciyapi ; Dawid unkipi inahbe śni he, eyapi qon he ehan.

- 1 Wakantanka, nicaje on nimayan wo :
 Qa nitowaśake on woyaco ecamiyecon kte.
- 2 Wakantanka, wocekiye mitawa nañon ye ;
 Mii oie kin hena anoñkiya wo.
- 3 Wicaśta tokeca en ahimanajinpi heon ;
 Qa tehiya wakuwapi kin minagi akitapi :
 Iye itokam Wakantanka ehdepi śni. Sela.
- 4 Wanyaka wo, Wakantanka omakiya ece :
 Itancan kin tona minagi waśagyapi kin hena om un.
- 5 Wośice kin tokamayanpi en awicahdi kte :
 Nitowicake en hena ihanwicaya wo.
- 6 Taku ituhanpi on waciciyuśna kte ;

P S A L M 55.

Jehowa, nicaje wašte heon mdatan kta.

- 7 Wokakije owasin etanhan emahdaku ;
Qa miišta tokamayanpi kin opawicalita, heon.

PSALM 55.

Dawid tawa. Candowankiyapi on dowan itancan kin. Wowahokonkiye odowan.

- 1 Wakantanka, mitawocekiye anohikiya wo ;
Qa hoyewaye cin on naiçilibe šni ye..
- 2 Namañon qa amayupta wo ;
Awacin waun qa howamde kta :
- 3 Toka ho kin on, wicašta šica šicaya kuwapi kin on ;
Hena woalitani aomakawinlihyapi kta ;
Qa šinhdapi en tokamayanpi kte.
- 4 Mitan mahen micante škanškan ;
Qa wiconęe ikopapi kin amahinlipaya.
- 5 Kopehdapi qa cancanpi kin mahiyohi ;
Qa wonihinciye amakalipa.
- 6 Unkan hepe ; Tuwe wakiyedani iyecen hupahu wan maqu kta
he :
Kinyan imdamde ęa ozimięiye kta.
- 7 Ho, tehan wanuni kte ;
Hewoskan owati kta. Sela.
- 8 Wowinape onawakipa inawalini kta ;
Tateyanpa hinca etanhan, icamna kin etanhan.
- 9 Itancan, nawicapca wo, cejipi wicakiyuškiška wo :
Otonwe kin en wicokicize qa wicokicige wanmdaka heon.
- 10 Anpetu hanyetu ko otonwe conkaške akan ohomni yapi kte ;
Qa wicošice wicoiyokišice ko mahen un.
- 11 Woalitani cokaya un,
Qa šicaya wicakuwapi wohnayan ko tahocoka kin ayuštani kte
šni.
- 12 Toka wan iyopemaye kte cin hee šni ;
Kinhan inina manke kta tuka :
Tuwe miye on walanięida šicemadake cin hee šni ;
He heca unkanš etanhan namičilibe kta tuka.
- 13 Tuka he niye, wicašta kici iakinimaskokeca ;
Mitakoda qa wacinwaye cięon hee.
- 14 Unkiye okonwanjidan wicotawacin skuya unkięicaga :
Wicota om Wakantanka ti kin en unye cięon.
- 15 Woihangye awicakipa nunwe ;
Niyake Hades ekta kun yapi kte :
Tipi tawapi ohna wicoñan šica yukan,
Iye cantepi kin en.
- 16 Miye ęe Wakantanka hoyewakiye kta ;
Unkan Jehowā nimaye kte.
- 17 Htayetü qa hanñanna qa wioytanhan, cewakiye ęa hoyewaye
kta :
Unkan iye miho kin nañon kte.

PSALM 56.

- 18 Makizapi etanhan, wookiye en, nagi opemakiton ;
Wicota om ecamon kin heon etanhan.
- 19 Iyotan Waŝake cin he nawicalion qa awicayupte kte ;
Qa tuwe wanakajatanhan ounye cin he. Sela.
Tona wicayutokanpi wanin unpi,
Qa Wakantanka kokipapi ŝni kin hena.
- 20 Tona om wookiye en un qon hena nape awicahnaka ;
Wicotakuye tawa kin he hdaksa.
- 21 Pteasanpi ihdi iyecen i kin ŝduŝduta ;
Tuka cante kin he okicize :
Wihdi isanpa iye oie kin ŝduŝduta ;
Tuka hena mazasagye ecedan.
- 22 Taku niçu kin he Jehowa aihpeya wo ;
Unkan iye awanniyake kta :
Wicaŝta owotanna wicapahohopi kta tohinni iyowinye kte ŝni.
- 23 Tuka niye, Wakantanka, wicotakuniŝni woħa en kun iyaye wicayaye kta :
Wicawe wicaŝta qa wicahnaye sa kin
Hena anpetu tawapi cokaya iyohipi kte ŝni.
Hececa tuka miye qe wacinciye kte.

PSALM 56.

Wicaŝta tokeca om wakiyedān inna un kin on, dowan itancan kin kicagapi. Dawid tawoinaħbe. Gath ekta Philistine yuzapi qon he ehan.

- 1 Wakantanka, onŝimakida ye, wicaŝta i amahdukawa ;
Anpetu osan watemya kin he kuwa amau ece.
- 2 Anpetu osan tona iwanmayakapi kin hena i amahdukawapi ;
Wahānhāniçidapi ota temmakiyapi kta tuka.
- 3 Anpetu kin en kopewahda kinhan,
Hehan wacinciye kta.
- 4 Wakantanka en iye oie kin mdatan kte ;
Wakantanka wacinwaya, kopewahda kte ŝni ;
Wicaceħpi taku ecamicon kta okihi he.
- 5 Anpetu otoiyohi mioie yapemnipi ;
Amawacinpi kin owasin ŝica.
- 6 Witaya mniciyapi, waiyape yukanpi kta ;
Mioye kin hena awanyakapi kta ;
Minagi iyapepi kin iyececa.
- 7 Woahānani on ihduŝkapi kta he ;
Wakantanka, wocanniye en oyatepi kun eħpewicaya wo.
- 8 Wanuni kin hena dawa ece :
Iŝtamnihanpe mitawa ojuha nitawa en ohnaka wo :
Hena nitawowapi en un ŝni he.
- 9 Anpetu en hoyewaye cinhan,
Hehan tokamayanpi kin namnipi kta :
He sdonwaya ; Wakantanka micium kin he.
- 10 Wakantanka en oie kin mdatan kta ;
Jehowa en iye oie kin iwadowan kta.

P S A L M 58.

- 11 Wakantanka wacinwaya ; kopewahda kte śni ;
Wicašta taku ecamicon kta okihi he.
- 12 Wakantanka, taku iwahociye cin hena mduha ;
Woyatan wośnapi kin ciçu kte.
- 13 Wiconṭe etanhan minagi edaku ;
Misiha hinlipaye kte śni :
Wakantanka itokam mawani kta ;
Wiconi iyoyanpa kin en.

PSALM 57.

Dowan itancan kin kicagapi. Waihangye śni wo. Dawid tawoinalibe. Makohdo-
ka en Saul ite kin etanhan najice ciqon he ehan.

- 1 Onśimakida wo, Wakantanka onśimakida wo ;
Minagi wacinniyan, heon etanhan ;
Han, nihupahu ohanzi kin en wowinape awakite kta ;
Wośice kin iyoopte kte cin hehayan.
- 2 Wakantanka Iyotan Wankan hoyewakiye kta ;
Iyotan Waśaka tanyan miciyuśtan kin hee.
- 3 Maḥpiya eciyatanhan u wicaśi qa emahdaku kta ;
Tuwe amapogan kin he iyopeye kta. Sela.
Wakantanka iye towaonśida towicake ko hiyuye kta.
- 4 Minagi mnaja wicehna un ;
Ideya unpi kin hena ehna imunke kta ;
Wicašta cincapi hi kin wahukeza qa wanhinkpe ;
Qa cejipi kin mazasagye pe linca.
- 5 Wakantanka, maḥpiya kin iwankam niyatanpi nunwe ;
Nitowitan maka kin ocowasin iwankam.
- 6 Wohmunke wan misiha on wiyeya ehnakapi ;
Minagi kin patuś ya ;
Mitokam woha wan qapi ;
He en iye ohinlipayapi. Sela.
- 7 Micante wiyeya, Wakantanka, micante wiyeya un ;
Wadowan kta qa mdatan kta.
- 8 Mitowitan, kikta wo, cotanke candowankiyapi ko kikta miye ;
Miye qe anpao kin mduhice kta.
- 9 Itancan, oyate kin ehna ciyatan kte ;
Oyatepi wicehna icidowan kta.
- 10 Nitocantekiye tanka kin maḥpiya iyapaṭo ;
Qa nitowicake kin maḥpiya śapa iyahde.
- 11 Wakantanka, maḥpiya kin iwankam niyatanpi nunwe ;
Nitowitan maka kin ocowasin iwankam.

PSALM 58.

Waihangye śni wo. Dawid tawoinalibe.

- 1 Wicašta cincapi, awicakehan ia oyakitpanipi he ;
Hecen taku owotanna odakapi kte śni,
Taku ecetu kin dukcanpi kte śni.

P S A L M 59.

- 2 Han, cante mahen taku síca ecanonpi kta ;
Makoce kin en ninapepi wicowicaštašni kin tkeuyatapi kte.
- 3 Wicašta sícapi wicatamni etanhan nunipi ;
Itonpišni, tonpi ehantanhan sícaya econpi.
- 4 Wamduška tage síca he iyecen tage síca wicakiyukan ;
Sinteħda noge kpe cin he iyecen noge ohmus hduza :
- 5 He wajijipi ho naħon kte šni ;
Wayupiya wajijipi econ ešta.
- 6 Wakantanka, hena ipi ohna hi wicakicaksa wo ;
Jehowa, mnaja koška hi kin kašušuja wo.
- 7 Mini ohinniyan kaduze cin iyecen skan ayapi nunwe ;
Tunwanhinkpe nakiwinje kte, kawegapi iyececa.
- 8 Tusda skan aye cin iyecen tanin kte šni :
Winohinca hinyaħinke šni cinca ton kin iyecen,
Anpetu wi kin wanyakapi šni.
- 9 Cega nitawapi wapepeka sdonye šni,
Saka qa is špan, ecen kahin iyeye kta.
- 10 Tokiçonpi kin he wicašta owotanna wanyake cinhan iyuškin
kte :
Wicašta síca we kin en siha hdujaja kte.
- 11 Hecen wicašta wan heye kta ;
Han, wicašta owotanna waskuyeca ton ;
Han, Taku Wakan maka akan wayaco yanka ce.

PSALM 59.

Dowan itancan kin kicagapi. Walhangye šni wo. Dawid tawoinalibe. Saul ye-
wicaši qehan, qa Dawid ti kin awanyaka, kte kta e heon.

- 1 Wakantanka mitawa, tokamayanpi kin etanhan makiyuška wo ;
Tona takpe maupi kin on wankan emayahde kta.
- 2 Tona woħtani econpi kin etanhan makiyuška wo ;
Qa we wicašta kin etanhan nimayan ye.
- 3 Wan, minagi iyape yukanpi ;
Wašakapi kin miye on mniciyapi ;
Jehowa, wawalħtani šni qa taku síca ecamon šni ye.
- 4 Mioħan síce šni ešta anamatanpi qa eicħdepi :
Kikta wo, itkomayakipa qa wandake kte.
- 5 Heon niye, Jehowa, Wakantanka Sabaoth,
Israel ta Wakantanka, kikta wo,
Oyatepi owasin wanwicadake kte ;
Wicašta síca wahnayanpi kin owasin wicakpatan šni wo.
- 6 Ĥtayetu kinhan hdicupi kte ; šunka iyecen ĥidopi kte ;
Qa otonwe ohomni inyankapi kte.
- 7 Inyun, ipi kin etanhan hiyuyapi ;
Iħapi kin en mazasagye yukan ;
Qa tuwe naħon kta he, eyapi.
- 8 Tuka Jehowa, niye iwicayahaha kta ;
Ikcewicašta owasin wowihaha wicayaye kte.
- 9 Towašake kin on acipe waun kta ;

P S A L M 60.

- Conkaške mitawa Wakantanka hee.
- 10 Mita Wakantanka iye towaonsida on itkomakipe kta ;
Tokamayanpi kin Wakantanka opawicahta makiye kta.
- 11 Itancan, wahacanka unkitawapi,
Hena wicakte šni wo, okinni mitaoyate akiktonjapi kte :
Nitowašake on onuniwicaye ça kun ehpewicaya wo.
- 12 Ihapi oie kin hena ipi woahani kin hee :
Hecen wahaničidapi kin on wicayuzapi kte ;
Woitonšni qa iapi šica eyapi kte cin hena on.
- 13 Waihangya wo, wocanniye on wicayusota wo ;
Qa en unpi kte šni ;
Hecen Jakob en Wakantanka wicaštayatapi yanka e sdonyapi
kte ;
Maka ihanke kin hehayan. Sela.
- 14 Unkan htayetú kinhan hđicupi kta ;
Šunka iyecen hđopi kte ;
Qa otonwe kin ohomni inyankapi kte.
- 15 Taku yutapi imani unpi kta ;
Imnanpi šni ešta hanyetu osan wankapi kta.
- 16 Tuka miye nitowašake iwadowan kta ;
Qa hanhanna nitowaonsida mdatan kta :
Conkaške mitawa kin he niye ;
Qa iyomakišica anpetu kin en wowinape mitawa.
- 17 Wowasake mitawa, niye icidowan kta :
Wakantanka conkaške mitawa kin hee,
Wowaonsida Wakantanka mitawa.

PSALM 60.

Dowan itancan kin kicagapi. Woyaotanin Mnahcalica kin on. Dawid tawoinalibe.
Waonspekiyapi kta. Aram wakpa nonpa otahedan, qa Aram Zoba ohiwicaya
qon, hehan Joab hđicu qa Miniskuya kaksiza en, Edom etanhan kektopawinge
akenonpa wicakte.

- 1 Wakantanka, ehpeunyayapi, unyakaweliwegapi ;
Canniniyan ; tuka ake oonyakiyapi kta.
- 2 Maka kin duškanskan qa naptušyaya,
Naptuptujapi kin yuecetu wo, cancan nakaeš.
- 3 Nitaoyate taku tehika wanyagwicayakiya ;
Miniša on cekcegyapi kin yatke unyakiyapi.
- 4 Tona konicipapi kin wiyokihedan wan wicayaqu,
Wowicake on yuwankan iyeyapi kta. Sela.
- 5 Tona cantewicayakiye cin wicayukcapi kta ;
Heon ninape etapa on niunkiyapi qa naunhon po.
- 6 Wakantanka iye towakan kin en ia ;
Wakte wahdi kta ;
Šekem wapamni kta ;
Qa Sukoth kaksiza kin imdute kta.
- 7 Gilead he mitawa, qa Manassa he mitawa ;
Ephraim nakun mapa wowasake kin ;
Juda woope kaga mitawa kin hee.

PSALM 62.

- 8 Moab cega oyujaja mitawa kin hee ;
Edom en mitahanpe ehpewaye kta ;
Philistia, miye on iyaša wo.
- 9 Tuwe otonwe aconkaškapi kin en amaye kta ;
Tuwe Edom ekta amai he.
- 10 Wakantanka, elipeunyayapi qon he niye kte šni he ;
Qa Wakantanka, ozuye unkitawapi om de kte šni qon.
- 11 Toka kin on etanhan ounkiya miye :
Qa wicašta akantu waehdakupi kin he taku šni.
- 12 Wakantanka en wowašake unkičicagapi kte :
Unkan iye tona tokaunyanpi kin nawicapan kte.

PSALM 61.

Dowan itancan kin kicagapi. Candowankiyapi Dawid tawa on.

- 1 Wakantanka, houwaye cin nahon ye ;
Wocekiye mitawa awacin un wo.
- 2 Micante iyokišica en, maka ihanke kin etanhan houčiciye kta :
Imnija wan miwankam tehanwankantu kin he en amayai kte.
- 3 Wowinape mitawa qon he niye ;
Toka kin itokam, conkaške suta linca.
- 4 Ohinniyan nitawakeya ohna wati kta ;
Nihupahu ohanzi kin en inawape kta.
- 5 Wakantanka, niye taku iwahowaye cin he nayahon :
Tona nicaje kokipapi taku tawa kte cin he mayaqu.
- 6 Wicaštayatapi taanpetu kin en anpetu yecage kta ;
Waniyetu tawa kin wicoicage qa wicoicage iyececa.
- 7 Ohinniyan Wakantanka itokam iyotanke kte ;
Wowaonšida wowicake ko yuhe yakiye kte ;
Hena patanpi kta.
- 8 Heon ohinniyan nicaje iwadowan kta :
Anpetu eca taku iwahowaye cin wakajuju ece kta.

PSALM 62.

Jeduthun eciyatanhan dowan itancan. Dawid tadowan.

- 1 Wakantanka ecedan en minagi inina yanka ;
Iye eciyatanhan nimayanpi.
- 2 Iye isnana imnija mitawa qa Wanikiya mitawa ;
Conkaške suta mitawa kin hee ;
Nina mapahohopi kte šni.
- 3 Tohanyan wicašta wan inihanyayapi kta he ;
Niyepi owasin nicamdecapi kte ;
Conkaške takinyan yanka,
Małinatake yujujupi kin iyececa.
- 4 Wankan yanke cin etanhan isnana kun elipeye wacinpi ;
Woitonšni waštedakapi ;
Ipi kin on wayawaštepi kta,
Qa tanmahentanhan wayašicapi kta. Sela.

PSALM 63.

- 5 Wakantanka ecedan en, minagi, inina un wo ;
Wowacinye mitawa kin he iye eciyatanhan.
- 6 Iye isnana imnija mitawa qa Wanikiya mitawa ;
Conkaške mitawa kin hee ;
Mapahohopi kte šni.
- 7 Wiconi mitawa qa wowitan mitawa kin
Wakantanka eciyatanhan ;
Imnija suta mitawa qa wowacinye mitawa
Wakantanka en un.
- 8 Oyate kin, anpetu otoiyo hi he wacinyan po ;
Itokam nicantepi tpapson po :
Wowacinye unkitawapi kin Wakantanka hee. Sela.
- 9 Adam cinca kin takušni ecedan,
Wicašta cincapi kin hena woitonšni ;
On tkeutapi kin en wankan yapi ece ;
Hena witaya takupišni.
- 10 Wowidagyapi kin wacinyanpi šni po ;
Qa wawicakipi on wahaničidapi šni po ;
Wowijice icage cinhan cantohnakapi šni po.
- 11 Wakantanka wancadan ia ;
Nonpakiya de nawahon ;
Wowasake he Wakantanka tawa :
- 12 Nakun Itancan, wocantekiye kin he nitawa ;
Tuka otoiyo hi iye ohan kin eciyatanhan,
Wicayaqu ece kta.

PSALM 63.

Dawid tadowan—Juda hewoskan en un qehan.

- 1 Wakantanka, Taku Wakan mitawa kin he niye ;
Hanhanna hinca ocide kta ;
Niye on minagi ipuza , micelipi cantonikpani ;
Makoce puza en, qa mini codan en mdokišta.
- 2 Tipi wakan kin ohna wanciyaka qon iyecen,
Nitowašake qa nitowitan kin wanmdake kta.
- 3 Nitocantekiye kin wiconi isanpa wašte ;
Heon miiha niyatanpi kta.
- 4 Hecen wani kin en icidowan kta ;
Nica je on nape wahdugate kte.
- 5 Tacupe qa wasna on iyecen minagi imna kte ;
Qa iha wiyuškin on mii niyatan kta.
- 6 Mitowinja akan ciksuye cinhan,
Hanyetu osan niye awacicin kta.
- 7 Omakiye cin he niye ;
Unkan niħupahu ohanzi kin en imduškin kta.
- 8 Minagi kiyedan onicihan un ;
Ninape etapa sutaya mayuza.
- 9 Tuka tona minagi ihangya akitapi kin
Hena kun yapi kta, maka cokaya ekta.

PSALM 65.

- 10 Mazasagye nape kin en ehpewicayapi kte ;
Hena sungidan taku tawa unpi kta.
- 11 Tuka wicaštayatapi kin Wakantanka en iyuškin kta ;
Tona he cajeyatapi owasin ihdatanpi kta ;
Tona itonpišni kin hena iohmus icupi kta.

PSALM 64.

Dowan itancan kin kicagapi. Dawid tadowan.

- 1 Wakantanka, wocekiye mitawa en miho nahon wo ;
Toka kokipapi kin etanhan wiconi mitawa yapatan kte.
- 2 Wicašta šica takodakiciyapi etanhan namayahbe kta ;
Šicaya econpi oqoyapi kin etanhan.
- 3 Hena, mazasagye iyecen, ceji hđumanpi ;
Wanhinkpe iyecen, oie pa kin ekatapi ;
- 4 Wicašta ecetu kin nahmana kutepi kte ;
Ihnuhanna kutepi kta, qa kokipapi kte šni.
- 5 Wicoie šice cin en wašagiciyapi kta ;
Nahmana on hmunkapi eonpapi kin he ohdakapi kta ;
Tuwe wanwicayake kta he, eyapi.
- 6 Wicoňan šica nina akitapi ;
Wiyeya unkanpi ; tanyan yuštanpi ce :
Unkan mahen wicašta tawacin qa cante kin temahentu.
- 7 Tuka Wakantanka ihnuhanna wanhinkpe on wicakute :
Hen taopi wicayukan.
- 8 Hecen našna wicakiyapi ; iye cejipi kin en wicahdi ;
Tona opawicahitapi kin owasin najicapi kta.
- 9 Heon wicašta owasin nihinciyapi kta ;
Qa Wakantanka oňan kin he oyakapi kte ;
Qa taku econ kin awacinpi kta.
- 10 Wicašta owotanna Jehowa en iyuškin kta,
Qa he wacinye kta ;
Qa tona cante ecetupi kin owasin witanpi kta.

PSALM 65.

Dowan itancan kin kicagapi. Psalm odowan. Dawid tawa.

- 1 Wakantanka, Zion en ainina yatanpi kin he nitawa ;
Qa taku iwahoyapi kin ničupi kte.
- 2 Wocekiye nayahon ece kin,
Niye ekta wicaceňpi owasin u kte.
- 3 Woahitani wicoie kin iyakapemayanpi ;
Taku šica econkupi kin hena niye yakajuju kta.
- 4 Tuwe yakahnige ča kiyedan ayau kin he cante wašte ;
Tihocoka nitawa kin en ounye kta ;
Yati wowašte on iunmnanpi kte ;
Tipi wakan nitawa kin he.
- 5 Woowotanna en taku wowitonpe on unkayaduptapi kta,
Wakantanka Wanikiya unkitawapi ;

PSALM 66.

- Niye maka ihanke kin owasin wacinniyanpi ;
 Qa tona miniwanca ekta tehan unpi kin.
- 6 Towaśake on ĩe kin sutaya ehde ;
 Wookihi ipiyagkiton kin heon.
- 7 Miniwanca sa kin yuinina ;
 Taja sa qa oyate owodutaton kin.
- 8 Nakun tona ihanke ekta tipi kin
 Hena wowapetokeca nitawa kin kokipapi ;
 Wiinanpe qa wiiyaya oenape kin hena dowanyakiye kta.
- 9 Maka kin en yahi qa aminitanyaya :
 Wašte ĩinca yakage kta ;
 Wakantanka tawakpa kin mini ojudan :
 Aguyapi icahwicayeciciye kta ;
 Wiyeya yakaga nakaes.
- 10 Maka yumdupi kin duspaya ;
 Cankuyetonton kin boyamdaya ;
 Magaju on panpanna yakaga ;
 Taku aicaga ece kin he dawašte kta.
- 11 Nitowašte omaka kin wateśdag yecatun ;
 Qa nitacanku wasna śbuya.
- 12 Tinta makoskantu kin śbuya ;
 Qa pajodan kin wowiyuśkin ipiyagkiton.
- 13 Tahin optaye kin cincota ogekiton ;
 Qa omdaye kin aguyapi aihdalĩpa :
 Wowiyuśkin on iyaśapi kta ;
 Han, dowanpi kta.

PSALM 66.

Dowan itancan kin kicagapi. Woyatan odowan.

- 1 Maka kin ocowasin,
 Wakantanka on iyaśa po.
- 2 Iye caje wowitan kin idowan miye ;
 Iye yatanpi wowitan kin qu po.
- 3 Wakantanka heciya po ;
 Niolhan wowinihan ĩinca ce ;
 Nitowaśake tanka on tokaniyanpi kin
 Niye en itonpi kte śni :
- 4 Maka kin ocowasin ohonidapi kta,
 Qa inidowanpi kta ;
 Nicaje kin idowanpi kte. Sela.
- 5 U miye, Wakantanka oĩan kin wanyaka po ;
 Wicašta cinca kin en wowinihanyan oĩhanyan.
- 6 Miniwanca kin he puza kaga ;
 Wakpa kin opta huinyun yapi kta :
 Hen iye on unkiyuśkinpi kte.
- 7 Towaśake on ohinniyan iye wicaštayatapi ;
 Iye išta Ikcewicašta kin iwanwicayaka :
 Wahanhaniĩidapi kin wankan yeiĩiyapi kte śni. Sela.

P S A L M 67.

- 8 Oyatepi, Wakantanka unkitawapi yawašte po ;
Iye yatanpi ho kin nañion wicakiya miye.
- 9 Unnagipi wiconi en ehnaka ;
Qa unsihapi hicahe kta iyowinkiye śni.
- 10 Wakantanka, niye iyutanunyayapi ;
Mazaska śdoyapi iyecen unyaduecepidan.
- 11 On hmunkapi kin en unkayaupi ;
Pakśin unkitawapi en wokakije eyahnaka.
- 12 Pa unkitawapi akan wicašta yanke wicayakiya ;
Peta qa mini ehna unhiyupi :
Hehan taku utkanna en inanpe unyakiyapi.
- 13 Peta wośnapi kin yuha yati en hibu kte ;
Taku iwahociye. cin hena cicicajuju kta.
- 14 Miiha hdaotanin qon hena ;
Qa makakija en mii taku eye ciqon.
- 15 Tahinca cepa peta wośnapi waciciyuśna kta,
Tamdoka wasna kin iyahna :
Tatanka tatokadan kici wamduśna kta. Sela.
- 16 U miye, tona Wakantanka koyakipapi kin, nañion po ;
Unkan taku minagi ecakicon kin he ociciyakapi kte.
- 17 Mii on hoyewakiya ;
Qa woyatan miceji ihukuya un.
- 18 Micante en woalitani awacanmi kinhan,
Itancan kin nañion kte śni.
- 19 Tuka awicakehan Wakantanka nañion ;
Wocekiye mitawa ho kin he anagoptan.
- 20 Wakantanka yawaštepi nunwe,
Wocekiye mitawa yutokan iyeye śni,
Qa iye tocantekiye kin emicihdaku śni.

PSALM 67.

Candowankiyapi on dowan itancan kin. Woyatan odowan.

- 1 Wakantanka onśiunkidapi qa unyawaštepi kte ;
Qa iye ite on iyounyanpapi nunwe. Sela.
- 2 Hecen maka akan nitacanku sdoniyapi kte ;
Wiconi nitawa, oyatepi owasin ehna.
- 3 Wakantanka, oyatepi kin wopida eniciyapi kta ;
Oyatepi owasin wopida eniciyapi kte.
- 4 Oyatepi wiyuśkinpi qa iyaśapi kta ;
Oyate kin owotanna wicadaco kta heon ;
Qa maka akan oyatepi yus awicade kta. Sela.
- 5 Wakantanka, oyatepi kin wopida eniciyapi kte ;
Oyatepi iyulipa wopida eniciyapi kta.
- 6 Maka kin waskuyeca aicage :
Wakantanka, Wakantanka unkitawapi unyawaštepi kte :
- 7 Wakantanka unyuwaštepi kta ;
Qa maka ihanke owasin iye kokipapi kte.

P S A L M 68.

PSALM 68.

Dowan itancan kin kicagapi. Woyatan odowan. Dawid tawa.

- 1 Wakantanka inajin kta ;
Tokayapi kin hena enanakiya yapi kta ;
Qa tona sicedapi iye itokapatanhan najicapi kta.
- 2 Sota kaliboka he iyecen wicayakahape kta ;
Peta en cansin sdo kin he iyecen,
Wicašta sica Wakantanka itokam taninpi kte sni.
- 3 Unkan wicašta owotanna pidapi kta ;
Wakantanka itokam iyašapi kte ;
Qa wowiyuškin on iyuskinpi kte.
- 4 Wakantanka idowan po, iye caje kin yatan miye ;
Tuwe hewoskan šunka wakan akan ye cin he canku kicaga po ;
He Jah eciyapi, heon itokam wiyuškin po.
- 5 Wamdenica ateyapi, qa wiwazica wayaco tawapi,
Wakantanka hee, wowakan oyanke tawa ohna.
- 6 Tona tanšnana unpi kin hena Wakantanka tipi en owicahnaka ;
Tona kaška yakonpi kin hena wowaste en hiyu wicakiya ece :
Tuka toka kin hena makoce puza en ounyanpi kta.
- 7 Wakantanka, nitaoyate wicitokam idade ciqon ;
Hewoskan makoce kin ehna mayani qehan ; Sela.
- 8 Maka kin škanškan ;
Han, mahpiya kin sbuyapi, Wakantanka itokam ;
Sina kin de, Wakantanka itokam,
Israel ta Wakantanka kin.
- 9 Wakantanka, taku ituhanpi kin magajuyaya :
Nitaoyate qa mdokiša kin he niye duwašaka.
- 10 Optaye nitawa kin hen ounyanpi ;
Wakantanka, nitowaste on wicašta onšika taku wicayecamna
kta.
- 11 Itancan kin wicoic kin wicaqu kta :
Tona eyanpahapi kin wicota hinca.
- 12 Ozuye wicaštayatapi kin najicapi kta, najicapi kta ;
Unkan winohinca mdogyanke cin he taku icupi kin pamni kta.
- 13 Tohan makoce opapun kin en inunkapi kinhan,
Wakiyedan hupahu mazaska apawintapi kin iyenicecapi kta ;
Qa šun kin mazaskazi on wiyatpatpa.
- 14 Hen Iyotan Wašake cin wicaštayatapi najice wicaye qehan,
Zalmon en wapa iyececa.
- 15 Bašan paha kin he Wakantanka paha tawa ;
Bašan paha kin he imnija he kin heca.
- 16 Paha imnija kin, tokeca aiksinya eyatonwanpi he ;
Paha ohna Wakantanka ti kta hdašnige cin hee ;
Han, Jehowa ohinniyen en ounye kta.
- 17 Wakantanka canpahmihma tawa kin
Hena woyawa tanka nonpa, kektopawinge yuotapi ;
Itancan kin he en owicapa ;

- Tawokeya wakan kin Sina en un.
- 18 Wankan wapa yakiyahda ;
Wayaka awicahdapi kin hena ayahdi ;
Wicašta kin ehna taku wicaqupi kin iyacu ;
Han, tokapi kin ehna ;
Jehowa Wakantanka en ounye kte.
- 19 Anpetu qa anpetu Itancan kin yawaštepi nunwe :
Waqinunkiyapi, tuka Iyotan Wašake cin niunkiyapi kin hee.
Sela.
- 20 Taku Wakan kin de wiconi Wakantanka unkitawapi kin hee ;
Qa wiconŕe oenape kin hena Jehowa Itancan tawa.
- 21 Han, Wakantanka tona tokayapi pa wicakahdehdece kta ;
Tuwe woahitani en mani un paha kin.
- 22 Itancan kin heya ;
Bašan etanhan awicawaku kte ;
Miniwanca ošbe kin etanhan awicawahdi kta :
- 23 Hecen nisiha toka we kin en šayapi kta ;
Nitašunke ceji kin he nakun.
- 24 Wakantanka, iniyopte cin he wanyakapi ;
Mita Wakantanka iyoopte cin ;
Wicaštayatapi mitawa, owanka wakan kin ohna.
- 25 Tona dowanpi kin hena tokaheya yapi ;
Hektam candowankiyapi kin ;
Wicihdukšan wikoška cancega kabupi.
- 26 Omniciye kin en Wakantanka yawašte po ;
Itancan kin, Israel minihdoka kin etanhan.
- 27 Benjamin cistinna kin hen un, ohiwicaya ;
Juda itancanpi kin, inyan on wakininpi ;
Zebulon itancanpi ; Naphtali itancanpi kin.
- 28 Nita Wakantanka nitowašake kiconza ;
Wakantanka, taku unkoyecihanyanpi kin he yuwašaka wo.
- 29 Jerusalem en tipi wakan nitawa kin on,
Wicaštayatapi kin taku nicahipi kta.
- 30 Woteca psa ehna unpi kin hena niye iyopewicaya wo ;
Wicota wašakapi kin, oyate ptejicadan om ;
Mazaska onšpašpa yuha ahi patujapi kin ;
Oyate okicize waštedapi kin wicayuumdeca wo.
- 31 Egupta etanhan wicašta cepa upi kta ;
Kuš Wakantanka ekta nape hdugate kta.
- 32 Maka wokiconze kin, Wakantanka yatan po ;
Itancan kin idowan miye : Sela.
- 33 Tuwe mašpiya kin akan iyotanka,
Mašpiya wanakaja kin ;
Inyun, ho hdaotanin, wowašake ho kin.
- 34 Wakantanka yawašaka miye ;
Iye towitan Israel akan un,
Qa towašake kin mašpiya kin ekta.
- 35 Wakantanka, oyanke wakan nitawa etanhan wowinihan yaun ;
Israel ta Wakantanka ;

PSALM 69.

Wowaśake qa wookihi kin oyate wicaqu ece.
Wakantanka yawaštepi nunwe.

PSALM 69.

Mnalicalica kın on dowan itancan kin. Dawid tawa.

- 1 Wakantanka, nimayan wo ;
Mini kin minagi ee kaeś hiyohi, heon.
- 2 Upśija temahentu mahen indamde,
Tukten najinpica śni ;
Mini śma kin en wau ;
Qa mini kin iwankam imayaya.
- 3 Waceya on mihduśiħtin ; dote masaka ;
Wakantanka mitawa ape waun kin on iħta mayazan.
- 4 Tona taku on etanhan śni śicemdapi kin
Hena mapa hin isanpa ota ;
Tona ihangmayanpi kta,
Tokamayampi itonpiśni kin hena waśakapi ;
Taku iwacu śni kin he wicawecu kta.
- 5 Wakantanka, wimatkotkoke cin he sdonyaya ;
Qa wawaħtani kın hena naniciħmanpi śni.
- 6 Tona anipepi kin hena miye on iħtecapi śni nunwe ;
Itancan Jehowa Sabaoth :
Tona anicitapi kin hena miye on iħtenwicayapi śni nunwe ;
Israel ta Wakantanka kin.
- 7 Niye on amaiapi waun ;
Wowištece ite amakaħpa.
- 8 Mihunkawanji ehna togmahdapi waun ;
Qa ina cincawicaye cin hena om wicaħta matokeca.
- 9 Yati cantokpanipi kin he mayutakuni śni ;
Qa tona iyopeniyanpi wawiyopeyapi kin he amahinħpaya.
- 10 Unkan waceya, minagi woteśni un ;
Qa he nakun on amaiapi ece.
- 11 Unkan wakihdaka ogeweton ;
Qa heon oweštepi makagapi.
- 12 Otonwe tiyopa en iyotankapi kin hena amaiapi ;
Qa tona woyatke suta yatkanpi kin hena dowanpi.
- 13 Tuka, Jehowa, miye wocekiye eciciya ;
Woiyokipi anpetu kin en,
Wakantanka, nitowaonśida untkana on ;
Namaħon wo, wiconi nitawa wowicake kin on.
- 14 Upśija kin etanhan emayaku ye,
Qa mahen indamde kta iyowinmaye śni ye ;
Tona śicemadapi kin etanhan emayakupi nunwe,
Mini śma kin etanhan.
- 15 Mini tanka kin aomakahpe śni nunwe ;
Qa mini śma kin namapce śni nunwe ;
Qa woħa i kin aokibe maye śni nunwe.
- 16 Jehowa, namaħon ye, nitowaonśida wašte kin on ;

PSALM 70.

- Wawacinkta duza tanka ota kin on miye ekta ihduhomni ye.
- 17 Qa niite nitaokiye nakicilibe śni wo :
Makakija he on namañon inañni wo.
- 18 Minagi ikiyedani u wo, he opekiton ye ;
Tokamayanpi kin on etanhan makiyuška wo.
- 19 Amaiapi qa ištenmayanpi qa iyopemayanpi kin, niye sdonyaya ;
Tokamayanpi owasin nitokam yakonpi.
- 20 Waaiapi kin micante kaksa ; heon wamayazan ;
Unkan onśimadapi kta ape waun, tuka wanica ;
Qa cantohnagmayanpi kta, tuka tuwedani iyewaye śni.
- 21 Nakun wate kta on pizi maqupi ;
Qa imapuza hehan miniskuya yatkemakiyapi.
- 22 Wicitokam wahna wōtapi kin he wohmunke eekiyapi nunwe ;
Qa tanyan yukanpi kin he mazahtakiyapi kte.
- 23 Išta tawapi aotpasyapi nunwe ;
Wawanyakapi kte śni ;
Qa nitepi ohinniyan patuświcakiya wo.
- 24 Nitocanniyē kin awicakaštān wo ;
Qa wośihda kata nitawa iyahdewicaya nunwe.
- 25 Hocoka tawapi kin he otiwota ehpeyapi kte ;
Qa tawakeyapi ohna tuwedani ti śni nunwe.
- 26 Tuwe yakastake cin he śicaya kuwapi ;
Qa wicayapañdoke iyokiśicapi kin he oyakapi ece.
- 27 Wahitanipi on woahitani wicaqu wo ;
Qa nitoowotanna kin en upi śni nunwe.
- 28 Wiconi wōwapi kin etanhan wicapajujupi nunwe ;
Qa wicašta owotanna om owicawapi kte śni.
- 29 Tuka miye iyomakiśice qa makakija ;
Wakantanka, wiconi nitawa wankan emahde kte.
- 30 Odowan wan on Wakantanka caje kin mdatan kta ;
Woyatan dowanpi on mdatanka kta.
- 31 Unkan he Jehowa iyokipi kta,
Tatanka, tatangmdoka he śake ko yuhe cin isanpa.
- 32 Wicašta wahbadan he wanyakapi, qa iyuśkinpi kta ;
Qa Wakantanka ayakitapi kin niye nicantepi ni kte :
- 33 Tona onśike cin hena Jehowa nawicañon ;
Qa wicakaškapi tawa kin hena śice wicadake śni.
- 34 Mañpiya qa maka kin he yatanpi nunwe ;
Miniwanca qa taku ohna śkanśkan owasin.
- 35 Wakantanka Zion nikiye kta ;
Qa Juda totonwe kin hena piya kage kta :
Hecen en ounyanpi kta qa tawayapi kta.
- 36 Nakun iye taokiye cinca kin tawapi kta ;
Qa tona iye caje waštadapi kin hena hen tipi kta.

PSALM 70.

Dowan itancan kin kicagapi. Dawid tawa. Wokiksuye kta.

- 1 Wakantanka, emahdaku wo :

PSALM 71.

- Jehowa, omakiya inahni wo.
- 2 Tona minagi odepi kin hena token cante yuzapi taninsni qa istecapi nunwe ;
Tona sicaya waun kta cinpi kin hena namnipi qa istenwicayapi kte.
- 3 Istecapi on namnipi kta ;
Tona, Hanhan, hanhan, eyapi kin.
- 4 Tona anicitapi kin owasin iyuskinpi qa pidapi kte ;
Qa, Jehowa yatankapi nunwe, ohinniyan eyapi kta ;
Tona wiconi nitawa wastedapi kin hena.
- 5 Tuka miye makakije ca onmasika ;
Wakantanka en mahi inahni wo ;
Tuwe omakiye ca emahdaku kin he niye ;
Jehowa yutehan sni ye.

PSALM 71.

- 1 Jehowa niye wacinciya ;
Icimana istenmayanpi sni nunwe.
- 2 Nitoowotanna on emayahdaku qa inapemayakiye kta :
Anohmakiye ca nimayan wo.
- 3 Tokin imnija tipi ciciyuhen, ohinniyan en waku kte ;
Nimakiyapi kta econwicayasi :
Imnija mitawa qa conkaske mitawa kin he niye.
- 4 Mita Wakantanka, wicasta sica nape etanhan emahdaku wo ;
Sicaya ohanye ca walitesni kin napeokaya etanhan.
- 5 Itancan, wowacinyeciya heon etanhan ;
Jehowa, homaksiyopa ehantanhan wacinciya.
- 6 Wicatamni etanhan niye eu imunka ;
Ina tezi kin etanhan yus amau kin he niye ;
Niye en ohinniyan mitadowan.
- 7 Wicota wowinihan mayanpi ;
Tuka wowinape suta mitawa kin he niye.
- 8 Niyatanpi kin on mii ojudan kta ;
Qa, anpetu osan, nitowitan kin on.
- 9 Wimacahinca kinhan elipemaye sni ye ;
Wasake sni amayan en amayuстан sni wo.
- 10 Tokamayanpi kin hena amaiapi ;
Qa tona minagi iyapepi kin hena witaya wohdakapi ;
- 11 Qa heyapi ; Wakantanka elipeya ce ;
Kuwa aye ca yuza wo, tuwedan eyaku kte sni.
- 12 Wakantanka, mitehanyan un sni ye ;
Mita Wakantanka omakiya inahni wo.
- 13 Tona minagi tokayapi kin,
Hena istecapi qa atakunipi sni nunwe ;
Tona sicaya waun kta cinpi kin,
Hena waaiapi qa wowistece koyakapi nunwe.
- 14 Tuka miye ohinniyan ape waun kta ;
Qa niyatanpi kin owasin mdaota kta.

PSALM 72.

- 15 Nitoowotanna kin mii oyake kta ;
Anpetu osan, wiconi nitawa kin ;
Tonakeca sdonwaye sni nakaes.
- 16 Jehowa Itancan ohan wasake cin hena en wau kta ;
Nitoowotanna omdake kta, nitawa ecedan.
- 17 Wakantanka, homakšiyopa ehantanhan niye onspemayakiya :
Unkan dehanyan niohan wakan kin mdaotanin kta.
- 18 Nakun winiacahinca qa pa maska hehanyan,
Wakantanka, amayuŝtan sni ye ;
Hecen niisto kin wicoicage kin de owakiyake kta ;
Nitowasake, tona u kta owasin en.
- 19 Nitoowotanna nakun, Wakantanka, tehanwankantu ;
Taku tanka hinca ecanon ece ;
Wakantanka, tuwe iyeniceca he.
- 20 Niye wokakijè ota qa tanka wanyag unyakiyapi :
Yahdicu qa niunyakiyapi kta ;
Qa maka oŝbe kin etanhan hdicu unyakiyapi kta.
- 21 Niye mayadutanka kte ;
Qa ake cante waŝte mayakage kta.
- 22 Nakun candowankiyapi on ciyatan kta ;
Nitowicake on, Wakantanka mitawa :
Israel Taku Wakan tawa, cotanka on ciciyajo kta.
- 23 Tohan ciciyajo kinhan miiha iyuŝkin kta ;
Qa minagi opeyakiton kin he nakun.
- 24 Nakun miceji, anpetu osan, nitoowotanna cajeyate kta :
Tona tanyan waun kte sni cinpi qon,
Hena iŝtecapi, hena ite naŝapi, heon.

PSALM 72.

Solomon tawa.

- 1 Wakantanka, nitawoyaco wicaŝtayatapi kin qu wo ;
Qa nitoowotanna, wicaŝtayatapi cinhintku kin.
- 2 Woowotanna on nitaoyate wicayukcan kta ;
Qa onŝikapi nitawa kin, woyaco on.
- 3 Hehan he kin oyate wookiyè icaliwicakiciye kta ;
Qa paha kin, woowotanna on.
- 4 Oyate en tona onŝikapi kin on wayaco kta ;
Wahpanica cinca kin hena niwicayè kta ;
Qa tehiya wicakuwa kin he kamdemdece kta.
- 5 Konicipapi kta, tohanyan anpetu wi,
Qa hanyetu wi kin yuke kta,
Wicoicage qa wicoicage hehanyan.
- 6 Maga kaŝdapi kin amagaju he iyecen hdihe kta ;
Magaju maka bospaya kin he iyececa.
- 7 Iye taanpetu kin en wicaŝta owotanna icage kta ;
Qa wookiyè untkana, hanyetu wi henakeca kta hehanyan.
- 8 Unkan iye miniwanca etanhan miniwanca ekta wicaŝtayatapi
kta ;

PSALM 73.

- Qa wakpa kin etanhan maka ihanke kin hehanyan.
 9 Iye itokam Ikcewicašta kin patujapi kta ;
 Qa tona tokayapi kin hena maka mdu kin iputakapi kta.
 10 Tarśiś wicaštayatapi qa wita kin
 Hena wopida wośna ahiyupi kta ;
 Śeba qa Śeba wicaštayatapi kin taku itukihanpi kta.
 11 Han, wicaštayatapi owasin iye itokam makipusdiyapi kta ;
 Oyatepi owasin wowidagwicaye kta.
 12 Wałpanica hoyekiye cin he ehdaku kta ;
 Qa onśike cin, qa nukun tuwe okiyapi śni.
 13 Wicašta onśika wałpanica ko wicakpatan kta ;
 Qa wałpanica nagipi kin niwicaye kta.
 14 Wohnayan qa wicokicize etanhan nagi opewicakiton kta ;
 Qa hena wepi kin telike kta, iye išta kin en.
 15 Unkan ni kta, qa mazaska Śeba etanhan qu kta ;
 Nakun ohinniyan wocekiye ekiciye kta ;
 Anpetu osan yawašte kta.
 16 Makoce kin en wamnaheza napohnaka wanjidan ešta, he ipa
 kin en ;
 Waskuyeca icage cin Lebanon iyecen kahnahnapi kta :
 Unkan otonwe etanhanpi kin maka wato iyecen ĩca aye kta.
 17 Iye caje kin owihanke wanice kta ;
 Anpetu wi itokam iye caje icage kta :
 Unkan iye on wicašta ihdawaštepi kta ;
 Oyate owasin iye yawaštepi kta.
 18 Jehowa Wakantanka yawaštepi nunwe ;
 Israel ta Wakantanka kin ;
 Iśnana wowinihan wicoħan econ ece.
 19 Qa iye caje wakan kin ohinniyan yawaštepi nunwe ;
 Qa iye towakan kin on maka kin ocowasin ojudan kte.
 Amen qa amen.
 20 Dawid Jesse cinhintku tawocekiye kin henakeca.

PSALM 73.

Asaph tadowan.

- 1 Awicakehan Wakantanka Israel wicakiciwašte ;
 Tona cante ecepidan kin hena.
 2 Tuka miye qe misiha naśdute kta ikeyedan ;
 Mioye kin kaicucuya hiyeya tuka.
 3 Waħanħaniçidapi kin inawawizi ;
 Wicašta śica wookiye en unpi wanmdake çehan.
 4 Hena řapi kinhan wicakaškapi śni ;
 Qa wowaśake tawapi kin he cepa.
 5 Wicašta iyotanhan iyekiyapi kin en opapi śni ;
 Qa wicašta tokeca om kakijapi śni.
 6 Heon etanhan waħanħaniçidapi kin he wanapin kiyapi ;
 Qa wicokicize wokoyake iyecen awicakalpa.
 7 Cepapi on išta pajoya unpi ;

PSALM 73.

- Token canteyuzapi ahinanpa ece.
 8 Owehanhanpi qa taku síca eyapi;
 Wankantanhan wicokicize cajeyatapi ece.
 9 Ipi kin mahpiya iyahdekiyapi;
 Qa cejipi kin maka kin omani un.
 10 Heon etanhan iye taoyate dehanyan ahdi;
 Qa mini ojudan hdahepapi.
 11 Unkan heyapi; Tokiyatanhan Wakantanka sdonye kta he:
 Qa Iyotan Wankan kin he wookahnige yuha he.
 12 Wanyaka po, dena wicašta sícapi;
 Tuka ohinniyan tanyan unpi,
 Sanpa wijica ayapi.
 13 Awicakehan ituya micante wahduska;
 Qa wiyaonpepicašni en nape wahdujaja.
 14 Nakun anpetu otoyohi makaštakapi;
 Qa hanhanna eca iyopemayanpi ece.
 15 Hecen omdake kta ce, epe cinhan,
 Iho, nicinca wicoicage kin iyokišínwicawaye kta.
 16 Unkan de okašinili awacanmi qehan,
 Miišta kin en tehike:
 17 Tipi wakan Wakantanka tawa kin en hibu kinhan,
 Hehan owihankepi kin wanmdake kta.
 18 Awicakehan canku šdušduta en ewicayahde kta:
 Woihangye en ohinlipaye wicayaye.
 19 Inyun, ihnuhanna wicotakunišni en iyohipayapi:
 Wanna taninpi šni, wonihinciye on atakunipi šni:
 20 Wihamnanpi wan ogungapi ekta he iyececa;
 Itancan, yekta kinhan, touncagepi kin síceyadake kta.
 21 Hecen cante šinmiciya;
 Qa mapakšín wakpalidoka:
 22 Qa wimatkotkoka qa takudan sdonwaye šni;
 Niye en woteca iyemaceca.
 23 Tuka miye hinyašin cici waun;
 Minape etapa kin yus mayaun.
 24 Nitowahokonkiye on yus amayade kta;
 Qa iyohakam wowitan iyahdemayaye kta.
 25 Mahpiya ekta tuwe mduha he;
 Qa maka akan niye kici tuwedan wacin šni.
 26 Micełipi qa micante atakuni šni;
 Micante imnija, qa taku ohinniyan mitawa kin Wakantanka hee.
 27 Iho, tona nitehanyan unpi kin hena atakunipi kte šni;
 Tona elipeniyan wicin iyayapi kin owasin ihangwicayaya.
 28 Tuka miye qe Wakantanka mikiyedana u kin he wašte:
 Jehowa Itancan kin wacinwaye:
 Niohan owasin omdake kta.

PSALM 74.

Waonspekiyapi kta. Asaph tawa.

- 1 Wakantanka, tokeca ohinniyan waayakta śni he ;
Tinta nitawa optaye kin en nitocanniye ide kta he.
- 2 Omniciye nitawa kiksuya wo,
Wanakajatanhan opeyaton ;
Taku nitawa cansakadan opeyakiton qon ;
Zion Paha kin de en ounyaye cin.
- 3 Ohinniyan ihangyapi kin ekta caehde nitawa hiyuya wo ;
Toka taku śica owasin econ, tipi wakan nitawa ohna.
- 4 Tokaniyanpi nitomniciye kin en hotonpi ece ;
Wiyokihedan tawapi kin wiyokihedan ehdepi.
- 5 Tuwe contanka en onspe yuwankan ikikeu kin
He sdonyapi tuka qon.
- 6 Tuka nakaha ayuco pagopi kin witaya
Onspe maziya ko on kawankapi.
- 7 Tipi wakan nitawa kin ideyapi ;
Nicaje ohna ti qon he makata ehpeyapi.
- 8 Witaya ihangunyanpi kta ce, cante mahen eyapi ;
Makoce kin owancaya Wakantanka tomniciye kin huħnaħyapi.
- 9 Wowakta wanunhdakapi śni ;
Wicaśta wokcan wanica ;
Qa tohanyan kta hecinhan sdonya unkokihipi śni.
- 10 Wakantanka, tohanyan toka owehanhan kta he ;
Toka kin ohinniyan nicaje waliteda kte śni he.
- 11 Tokeca ninape, han ninape etapa kin, eyaħdaku kta he ;
Nimaku cokaya tanhan ihangwicaya wo.
- 12 Tuka Wakantanka wanakajatanhan
Wicaśtayatapi mitawa ;
Makoce cokaya wiconi kaga ece.
- 13 Niye nitowaśake on miniwanca kin duptuja ;
Mini akan hogan tankinyanyan pa kin yakaksaksa.
- 14 Niye unkteħi pa kin yakahuħuga ;
Oyate yutapi kta wicayaqu kta, makoskan unpi kin.
- 15 Niye miniyowe qa mini tanka kin dukinukan ;
Wakpa ohinniyan minitan kin dupuza.
- 16 Anpetu kin nitawa, han, hanyetu kin nitawa ;
Iyoyanpa qa anpetu wi kin niye yakaga :
- 17 Niye maka opapun kin owasin eyahnaka ;
Mdoketu qa waniyetu, hena niye yakaga.
- 18 De kiksuya wo ; toka wan Jehowa yaśica ;
Qa oyate witkotkoka wan nicaje wowiħaħaya.
- 19 Wakiyedani nitawa optaye wotektehapi kin en wicaqu śni wo ;
Onśika nitawa optaye kin ohinniyan akiktonje śni wo.
- 20 Wicotakuye kin he atonwan wo ;
Maka akan otpaza kin wicakipi ounyanpi kin ojudan.
- 21 Kiyuśepi kin he iśteca hdicu śni nunwe ;

PSALM 76.

- Wicašta onsika wahpanica ko nicaje yatanpi kta.
 22 Wakantanka najin wo; oihdaka wo;
 Anpetu osan witkotkoka niyašice cin he kiksuya wo.
 23 Tokaniyanpi ho kin he akiktonje šni wo;
 Takpe niupi oqoyapi ohinniyan wankan ye cin.

PSALM 75.

Dowan itancan kin kicagapi. Asaph tadowan. Waihangye šni wo. Woahiyaye wan.

- 1 Wakantanka, wopida unkeniciyapi;
 Unkiye wopida unkeyapi;
 Qa nicaje ikiyedan kin he niohan wakan oyakapi.
- 2 Tohan mniciyapi kta cajemdate cinhan,
 Woowotanna on miye wamdaco kta.
- 3 Maka kin šdo, qa tona akan tipi kin owasin;
 Can ipatan tawa kin hena tkeuwata. Sela.
- 4 Tona ihdatanpi kin, Ihdatanpi šni po, ewicawakiya;
 Qa wicašta šica, He hduwankan iyeyapi šni po.
- 5 He nitawapi hduwankan iyeyapi šni po;
 Qa tahu suta hduha iapi šni miye.
- 6 Wankan yeyapi kin he wiyohiyanpatanhan šni,
 Qa wiyohiyeatanhan šni;
 Qa hewoskan makoce kin eciyatanhan šni.
- 7 Tuka Wakantanka wayaco yanka;
 De kun ehpeye kta, qa he wankan iyeye kta.
- 8 Jehowa nape ohna wiyatke wan;
 Qa miniša ipiga, pejihuta icahiyapi;
 Unkan hetanhan kaštan ece;
 Ceteta en hiyeye cin henana yahepapi kta;
 Maka akan wicašta šica owasin yatkanpi kta.
- 9 Tuka miye qe ohinniyan womdake kta;
 Jakob ta Wakantanka iwadowan kta.
- 10 Qa wicašta šica he kin owasin wakašpe kte:
 Tuka wicašta owotanna he kin wankan icage kta.

PSALM 76.

Candowankiyapi on dowan itancan kin kicagapi. Asaph tadowan. Woahiyaye wan.

- 1 Juda en Wakantanka sonyapi;
 Israel en iye caje kin tanka linca.
- 2 Nakun tawokeya Salem en han;
 Qa Zion en onunyan ece.
- 3 Hen itazipe wanhinkpe kin kaweliwega;
 Wahacanka qa mazasagye qa okicize kin. Sela.
- 4 Niye wiyatpa yaun, wakinihan linca,
 He akan wapatapi ece kin isanpa.
- 5 Tona cante sutapi kin hena taninpi šni;
 Woištinma tawa ištinmapi;
 Qa wicašta wašakapi tuwedan nape iyekiyapi šni.

PSALM 77.

- 6 Jakob ta Wakantanka, iyopewicayaye cin on,
Canpahmihma qa nakun súktanka ístinma tapi.
- 7 Niye nišnana konicipapi kta ;
Qa tuwe nitokam najin kta he, šinyahda kinhan.
- 8 Mahpiya eciyatanhan woyaco nahonwicayaya ;
Maka kin kokipe ça inina yanka ;
- 9 Wakantanka wicayaco najin qehan :
Maka akan onšike cin owasin niwicaye kta. Sela.
- 10 Awicakehan wicašta šinhdapi kin niyatan kta ;
Qa šinhdapi ihe cin he ipiyagyeton kta.
- 11 Jehowa Wakantanka nitawapi taku iwahoyapi qa hdajuju po ;
Tona ihdukšan yaunpi kin owasin ;
Tuwe kokipapi kte cin he taku kahipi kta iyececa.
- 12 Iye wicašta itancanpi taniya kin baksa ece :
Maka akan wicaštayatapi kin kokipapi kta.

PSALM 77.

Dowan itancan Jeduthun etanhan. Asaph tadowan.

- 1 Miho kin Wakantanka ekta *yewaya*, qa cewakiye kta ;
Miho kin Wakantanka ekta *yewaye* kta :
Unkan anamagoptan kte.
- 2 Makakija anpetu kin en Itancan kin awakita ;
Hanyetu hehan minape yugan un, qa tasaka šni ;
Minagi wakihnapi cin šni.
- 3 Wakantanka weksuya, qa nihinmiciya ;
Awacin manka, unkan mitaniya iyokišica hinca. Sela.
- 4 Miišta ištojuha sutaya yus yaun ;
Makaštakapi, qa ia owakihni šni.
- 5 Anpetu wanakaja ekta ewacanmi ;
Wanakaja tanhan waniyetu kin hena.
- 6 Hanyetu en mitadowan qon he weksuye kta ;
Micante on awacin waun kta ;
Qa mitaniya kin nina wiwanga ece.
- 7 Ohinniyan Itancan kin waakta kte šni he ;
Qa ake icimana wacantkiye kte šni he.
- 8 Towaonšida kin he ohinniyan owihanke he ;
Wicoicage qa wicoicage hehanyan, oie kin ayušan he.
- 9 Iyotan Wašake cin he waonšida akiktonja ;
Qa wocanniye on tocantekiye anakipta he. Sela.
- 10 Unkan hepa ; Makakije cin he dee ;
Iyotan Wankan un nape etapa waniyetu kin.
- 11 Jah ošan kin mdaotanin kta ;
Wanakaja tanhan nišan wakan kin hena weksuye kta.
- 12 Nakun nišan owasin awacanmi kta ;
Qa taku ecanon kin hena awacin waun kta.
- 13 Wakantanka, woowotanna en nitacanku :
Wanji wašaka tukte e Wakantanka iyecen tanka he.
- 14 Iyotan Wašaka wicošan wakan econ kin he niye ;

PSALM 78.

- Oyate kin nitowaśake sdoney wicayakiya.
 15 Niisto on nitaoyate opewicayakiton ;
 Jakob qa Joseph cinca kin. Sela.
 16 Wakantanka, mini kin wanniyakapi :
 Mini kin wanniyakapi ; śkanśkanpi ;
 Han, mini śbe cin cancan.
 17 Mahpiya śapa kin mini hdaśtanpi ;
 Mahpiya kin hotanin ;
 Han, nitunwanhinkpe kin kinyan hiyaya.
 18 Wakinyan nitawa ho kin tate iyumni en un ;
 Wakanhdi makæ kin iyoyamya ;
 Maka kin cancan qa śkanśkan.
 19 Miniwanca kin en nitacanku ;
 Qa mini ota ohna cankuyaye ;
 Hecen nioye kin sdonyapi śni.
 20 Optaye wan iyecen nitaoyate yus awicade ;
 Moses qa Aaron nape kin on.

PSALM 78.

Asaph tawa. Waonspekiyapi kta.

- 1 Mitaoyate, mitoope kin anagoptan po ;
 Mii oie kin hena anohkiya miye.
 2 Wicoie wakan wan on i wahdukawa kta ;
 Wanakaja tanhan wiyukcanpi kin omdake kta.
 3 Hena unkiye naunhionpi qa sdonunyanpi ;
 Qa ate wicunyanpi unkokiyakapi qon ;
 4 Hena iye cinca anawicunkihmanpi kte śni,
 Wicoicage u kte cin,
 Jehowa yatanpi kin owicunkiyakapi kta ;
 Qa iye towaśake, qa wicohan wakan econ qon hena.
 5 Unkan Jakob en wayuotanin wan ehde ;
 Qa Israel en wope wan kaga ;
 Hena hunkake wicunyanpi econ wicaśi,
 Iye cincapi owicakiyakapi kta.
 6 Hecen wicoicage u kte cin sdonyapi kta ;
 Wicacinca icagapi kte cin,
 Hena najinpi qa iye cinca owicakiyakapi kta.
 7 Hecen Wakantanka wacinyanpi kta ;
 Qa Iyotan Waśaka ohan kin akiktonjapi kte śni ;
 Tuka tawoahope kin opapi kta.
 8 Hecen atewicayapi kin iyećecapi kte śni ;
 He wicoicage tahu suta qa wakize sa ;
 Wicoicage cante hduwiyeye śni ;
 Qa taniya kin Wakantanka ekta owotanna śni.
 9 Ephraim cinca, wanhinkpe wotawe yuhapi kin,
 Hena namnipi, kicizapi anpetu kin en.
 10 Wakantanka wicotakuye tawa yuhapi śni ;
 Qa tawoahope eciyatanhan mani wicadapi śni.

PSALM 78.

- 11 Tuka taku econ qon hena akiktonjapi ;
Qa iye ohan wakan wanyagwicakiye ciqon.
- 12 Atewicayapi wicitokam wicohan wakan econ ;
Egupta makoce kin en, Zoan tinta kin etu.
- 13 Miniwanca kin yukinukan qa ohna iyaye wicaya ;
Qa mini kin maya iyecen najin kiya.
- 14 Hehan anpetu icunhan mahpiya sapa wan on awicaya ;
Qa hanyetu osan peta iyoyanpa kin on.
- 15 Hewotahedan makoce kin en imnija kin kaptuja ;
Qa osbe tanka etanhan iyecen yatkewicakiya.
- 16 Hecen imnija wan etanhan mini ihaaha kiya ;
Qa wakpa iyecen mini kin hiyuya.
- 17 Hececa esta nakun iye en wahtanipi ;
Hewoskan makoce kin en,
Iyotan Wankan kin i en hiyeyapi :
- 18 Qa iye cante en Wakantanka iyutanyanpi ;
Wipipi kta on woyute kidapi qehan.
- 19 Han, Wakantanka aiapi, qa heyapi ;
Iyotan Wasake cin hewoskan makoce kin en,
Wahna wotapi wan wiyeya ehde kta okihi he.
- 20 Iho, imnija kin apa, unkan mini hiyu ;
Qa etanhan wakpa wan kaduza :
Nakun aguyapi hiyuya okihi,
Qa taoyate kin tado wicaqu kta he.
- 21 Heon Jehowa nahon qa sinhda :
Unkan Jakob en peta wan ideyapi ;
Qa nakun Israel en wocanniye awicau :
- 22 Wakantanka wicadapi sni heon etanhan ;
Qa niwicaye cin he wacinyanpi sni.
- 23 Unkan wankan mahpiya sapa kin econ si ;
Qa mahpiya tiyopa kin hduhdoka ;
- 24 Qa manna yutapi kta e ahinhe wicakiya ;
Qa mahpiya wamnaheza kin wicaqu.
- 25 Wasakapi taaguyapi kin wicasta yutapi ;
Qa waneya imnahan yuhewicakiya.
- 26 Mahpiya kin ekta wiyohiyanpatanhan tate wan yekiya ;
Qa iye towasake on tate itokagatanhan ukiya :
- 27 Qa maka mdu iyecen conica ahinhewicakiya ;
Qa taku kinyanpi kin miniwanca wiyaka iyececa.
- 28 Qa iye tahocoka kin cokaya ahinhpayeya ;
Tipi kin ihduksan hiyeya.
- 29 Unkan yutapi qa imnanpi linca ;
Taku cinpi qon he wicakahi nakaes.
- 30 Hinyanhin taku cinpi qon sicekidapi sni ;
Woyute nahanhin i ohnakapi ;
- 31 Unkan Wakantanka tocanniye kin en wicahi ;
Qa tona cepapi kin etanhan wicakte ;
Qa Israel kalnigapi kin patuSwicakiya.
- 32 Hececa esta nakun wahtanipi ;

PSALM 78.

- Qa wakanyan ohanyan ešta wicadapi šni.
 33 Unkan anpetu tawapi kin takušni en wicakiyusota ;
 Qa waniyetu tawapi, wokakije en.
 34 Wicakte qehan, hehan, akitapi, "
 Qa hdicupi, qa hanhanna linca Wakantanka on wiwangapi.
 35 Nakun imnija tawapi qon Wakantanka hee e kiksuyapi ;
 Qa Iyotan Waśaka, Iyotan Wankan kin opewicakiton kin hee.
 36 Hececa ešta iye ipi on hnayanpi ;
 Qa cejipi on oitonpi šni.
 37 Qa ekta cante ecetu yuzapi šni ;
 Qa wicotakuye tawa kin en wicakapi šni.
 38 Tuka iye, Waonśida kin, woahani kajuju, qa ihangwicaye šni ;
 Nakun ijehan tocanniye anakipta ;
 Qa tośinhda ocowasin hduhice šni.
 39 Unkan hena wicacehpi heca kiksuya ;
 Tateyanpa wan iyaye ça ake hdi kte šni.
 40 Hewoskan makoce kin ekta i en hiyeyapi ;
 Qa makoskan ijehan iyokišinyapi.
 41 Nakun namnipi qa Wakantanka iyutanyanpi ;
 Qa Israel Taku Wakan tawapi Wanji aowehanhanpi.
 42 Iye nape kin kiksuyapi šni,
 Anpetu en wokakije etanhan ewicahdaku qon.
 43 Egipta en wowakta tawa kin ehna ;
 Qa iye ohan wakan kin, Zoan makoce kin en.
 44 Nakun wakpa tawapi kin we kaga :
 Qa mini wakpadan kin yatkan okihipi šni.
 45 Tatawamduška en hiyuya, unkan wicayajipapi ;
 Qa hnaška, unkan ihangwicayapi.
 46 Unkan taku icahyapi kin wamduškadan wicaqu ;
 Qa wicohtani tawapi kin he psipsicadan qu.
 47 Hastanyanka iyuwi yuhapi kin wasu on kte ;
 Qa sakomin can kin, hewanke on.
 48 Nakun tawanunyanpi kin wasu en onawicataka ;
 Qa optaye yuhapi kin, peta ide kin en.
 49 Iye tocanniye kata en au wicakiya ;
 Wośinhda qa wocanniye qa wonihinciye ;
 Ohnihde śicapi kin hena u wicaśi.
 50 Iye tocanniye kin canku wan kiyumdaya ;
 Hena nagipi wiconęte ipiwicada šni ;
 Qa taniyapi makośica en wicaqu.
 51 Hecen Egipta en tona tokapa kin owasin awicapa ;
 Ham tawakeyapi ohna towaśakepi tokaheya kin hena.
 52 Hehan tahinca optaye iyecen, iye taoyate kin awicahiyu ;
 Qa hewoskan makoce kin en optaye iyecen yus awicaya.
 53 Qa tanyan awicaya, unkan wikopapi šni ;
 Tuka tokawicayapi kin hena miniwanca awicakalpa.
 54 Hecen opapun wakan tawa kin en awicahi ;
 Paha kin de en, iye nape etapa ehdaku qon he.
 55 Nakun wicitokam oyatepi napewicaya ;

PSALM 79.

- Qa ounyanpi kte cin iyuta wicaqu ;
 Qa tawakeyapi ohna Israel wicoun oti wicakiya.
- 56 Tuka Wakantanka Iyotan Wankan kin
 He iyutanyanpi qa sínhdayapi ;
 Qa tawoahope kin kiciyuhapi sní.
- 57 Nakun namnipi, qa hunkake wicayapi iyecen wahnayan oñan-
 yanpi ;
 Icuonpa iyayapi, itazipa wahnaye sa iyececa.
- 58 Qa paha tawapi kin on sínhdayapi ;
 Qa wakagapi bagopi kin on nawiziyapi.
- 59 Wakantanka he nahon, unkan sínhda ;
 Qa Israel nina sícewicakidake.
- 60 Hecen Sílo en ounye cin he ayuśtan ;
 Wakeya wicaśta ehna ti kicage ciqon :
- 61 Qa iye towaśake kin wayaka ahde kiya ;
 Qa iye towitan kin toka nape kin en wicaqu.
- 62 Nakun taoyate mazasagye en onawicataka ;
 Qa taku tawa hince cin he canniyeya.
- 63 Wicaśta kañnigapi tawa kin hena peta hulinahwicaya ;
 Qa wikośkapi tawa kin hena wicayatanpi sní.
- 64 Wawayuśnapi tawa kin mazasagye on hinhipayapi ;
 Qa wiwazicapi kin hena ceyapi sní.
- 65 Hehan, wicaśta ístinma se iyecen, Itancan kin kikta ;
 Wicaśta waśaka miniśa on iyaśa kin iyececa.
- 66 Qa tokayapi kin heyata ehpewicaya ;
 Wowiśtece owihanke kte sní wicaqu.
- 67 Nakun Joseph tawakeya kin akta sní ;
 Qa Ephraim tawicoun kin kañnige sní.
- 68 Tuka Juda tawicoun kin he hdañniga ;
 Zion Paha kin de waśtedake ciqon.
- 69 Qa tipi wakan tawa kin tewankantuya kaga ;
 Maka kin iyecen owihankeśniyan ekihde.
- 70 Nakun iye taokiye Dawid kañniga ;
 Qa tañnca tipi kin etanhan ikikcu ;
- 71 Tawiye azinpi kin wicihektapatanhan ehdaku ;
 Jakob iye taoyate kin wonwicaye kta ;
 Qa Israel iye tawa hince cin.
- 72 Unkan iye cante ecetu kin on wonwicaya ;
 Nakun iye nape wayupike cin on yus awicaye kta.

PSALM 79.

Asaph tadowan.

- 1 Wakantanka, Ikcewicacśta makoce nitawa kin en hipi ;
 Tipi wakan nitawa kin he yuśapapi ;
 Jerusalem paha seksen ehpeyapi.
- 2 Mañpiya okinyanpi kin yutapi kta e
 Nitaokiye tancanpi kin wicaqupi ;
 Wicaśta wacantkiye nitawa ceñpi kin maka wamanica wicaqupi.

PSALM 80.

- 3 Jerusalem ihdukšan mini iyecen we papsonpi ;
Qa tuwedan wicahe šni.
- 4 Tona ikiyedan unyakonpi kin hena unkaiapi :
Unkihdukšanpi kin hena pomnamnaunkiyapi qa wowihaha-
unyanpi.
- 5 Jehowa, tohanyan kta he ;
Ohinniyan canniniye kta he ;
Winayawizi kin he peta iyecen ide kta he.
- 6 Oyatepi sdonniyanpi šni kin
Hena nitocanniye awicakaštan wo ;
Qa wokiconze nicaje hoyekiyapi šni kin hena.
- 7 Jakob wanna temyapi ;
Qa tamaga kin ihangyapi.
- 8 Unkitokam unpi wahtanipi qon unkiyepi en kiksuye šni wo ;
Inašni wo, wacanyakiye cin he itkounkipapi nunwe ;
Nina iyotanhan iyeunkiyapi, heon etanhan.
- 9 Wakantanka niunkiyapi kin, ounkiya po ;
Nicaje wowitan kin heon etanhan ;
Nakun unkiyukca po, qa waunhtanipi kin kajuju wo ;
Niye nicaje kin on etanhan.
- 10 Taku Wakan tawapi kin toki un he,
Tokeca Ikcewicašta eyapi kta he :
Nitaokiye we papsonpi tokiconpi kin he,
Unkištapi itokam, Ikcewicašta sdonyapi kte.
- 11 Kaška unpi comnihdazipi kin, he nitokam u nunwe ;
Niisto tanka kin eciyatanhan,
Tona tapi kte cin hena niwicaya wo.
- 12 Itancan, tona ikiyedan unyakonpi,
Wowihaha on inihahapi kin he,
Iye maku kin ohna, šakowin akihde wicakicu wo.
- 13 Hecen unkiye, nitaoyate qa tahinca wonwicayaye cin,
Ohinniyan wopida unkeniciyapi kta ;
Wicoicage qa wicoicage en niyatanpi kin owicunkiyakapi kta.

PSALM 80.

Asaph tadowan. Mnalicalica on dowan itancan kin kicagapi. Wayaotaninpi kta.

- 1 Israel wonwicaye cin, anagoptan ye ;
Optaye wan iyecen Joseph yus ade cin ;
Kerubim ehna idotanke, iyoyanpa wo.
- 2 Ephraim qa Benjamin qa Manasse itokam,
Nitowašake hduhica wo ;
Qa niunkiyapi kta u wo.
- 3 Wakantanka, piya kiyotang unkiya po ;
Qa niite hduwiyakpa, qa niunkiya miye.
- 4 Jehowa, Wakantanka Sabaoth,
Tohanyan nitaoyate cekiyapi kin izinyaye kta he.
- 5 Ištamnihanpe aguyapi yunwicayakiya ;
Qa ištamnihanpe ota linca yatke wicayakiya.

P S A L M 81.

- 6 Oyate ikiyedān unyakonpi kin en woakinica unyakagapi ;
Qa tokaunyanpi kin iye iyakitedān ihapi.
- 7 Wakantanka Sabaoth,
Piya kiyotang unkiya po ;
Qa niite hduwiyakpa, qa niunkiya miye.
- 8 Egupta etanhan hastanyanka iyuwi wan ayahdiyaku :
Ikcewicašta kin heyata elpewicayaye ça he huyahde.
- 9 Itokam wayakahinta ;
Unkan hutkan icage ça makoce ojudan.
- 10 Ohanzi kin he paha kin akahpa :
Qa adetka, hante ša Wakantanka tawa kin iyececa.
- 11 Adetka kin miniwanca kin iyahde ;
Qa hutkan, wakpa kin ekta.
- 12 Tokeca conkaške kin dujuju he :
Hecen tona en hiyayapi owasin yuksaksapi.
- 13 Taškoju etanhan kukuše mdoka kin yatakuni šni ;
Qa tinta wamanica kin etanhan yutapi ece.
- 14 Wakantanka Sabaoth, tokin yahdicun ;
Małhiya eciyatanhan ahitonwan, qa wanyaka,
Qa hastanyanka iyuwi kin de en hdi wo :
- 15 Qa nape nietapa huhde qon he hdušuta wo ;
Qa cinca niye icahiyakiye cin he.
- 16 Peta on hulinaga ; kaksapi ;
Niite iyopewicaye cin on atakunipi šni.
- 17 Nietapa wicašta kin akan ninape un nunwe ;
Adam cinhintku niye yahduwašake cin.
- 18 Hehan unkiye elpeunŋiyanpi kte šni :
Niye niunyakiyapi kta,
Unkan nicaje hoyeunkiyapi kta.
- 19 Jehowa, Wakantanka Sabaoth,
Piya kiyotang unkiya po ;
Niite hduwiyakpa, qa niunkiya miye.

PSALM 81.

Asaph tawa. Gittith on dowan itancan kin kicagapi.

- 1 Wakantanka wowašake unkitawapi kin
Taninyan idowan miye ;
Jakob ta Wakantanka iyuškinyan kahiyaya po.
- 2 Odowan ahियaya po, qa cancega apa po ;
Candowankiyapi wašte cotanka kici.
- 3 Wi teca kin en, mazayahotonpi yajo po ;
Wi mibe cin en, wounhanpi anpetu kin en.
- 4 Israel en woahope wanji dee ;
Jakob ta Wakantanka toope kin.
- 5 Joseph en wayuotannin kin de kaga ;
Egupta makoce etanhan hinanpe cin he ehan :
Iapi wan owakałnige šni kin he nawałon.
- 6 Waqinpi kin etanhan tapete eweciyaku ;

PSALM 82.

- Iye nape wakiskokpa kin ayuŕtanpi.
 7 Wokakije en yapan, unkan ecihdaku ;
 Nakun wakinyan hoton oinaŕbe etanhan aciyupta :
 Woakinica mini kin ekta iyutanciya. Sela.
 8 Mitaoyate, naŕhon wo, kinhan wahokonciciye kta ;
 Israel, anamayagoptan kta hecinhan :
 9 Taku wakan tokeca niyepi en un kte ŕni ;
 Qa ihnuhan oyate tokeca taku wakan
 Tawa kin en makata eŕpeniŕiye cinhan.
 10 Jehowa Taku Wakan nitawa,
 Egupta makoce etanhan uniye cin he miye :
 Nina i hdukawa wo, kinhan ojuwaye kta ce.
 11 Tuka mitaoyate miho kin anagoptan ŕni ;
 Qa Israel wicamicida ŕni.
 12 Hecen iye cante hdusutapi kin en eŕpewicawaya :
 Iye tawacinpi kin en omanipi kta.
 13 Tokin mitaoyate anamagoptanpi kinhan ;
 Qa Israel mitacanku ohna manipi kta :
 14 Ecadan tokawicayapi kin patuŕ wicawaye kta ;
 Qa tona ŕicewicadapi kin minape awicawaknake kta tuka.
 15 Jehowa ŕicedakapi kin hena iye en ihdaŕkapi kta :
 Tuka iye anpetu tawapi kin owihanke wanice kta.
 16 Nakun aguyapi conica kin yunkiye kta :
 Qa imnija etanhan tuhmagá canhanpi on imnaciye kta.

PSALM 82.

Asaph tadowan.

- 1 Iyotan Waŕaka tomniciye kin en Wakantanka najin ;
 Taku wakan kin wicehna wayaco yanka.
 2 Tohanyan ecinŕniyan wadacopi kta he ;
 Qa wicaŕta ŕica itepi kin yakinihanpi kta. Sela.
 3 Onŕika qa wamdenica kin hena wicakiciyukcan po ;
 Tuwe kakije ƕa waŕpanica kin owotanna ecawicakicon miye.
 4 Onŕika qa waŕpanica kin hdinape wicaya po ;
 Wicaŕta ŕica nape kin etanhan ehdaku miye.
 5 Sdonyapi ŕni qa okaŕniŕi wacinpi ŕni ;
 Otpaza en manipi kte hincea :
 Maka oahde kin owasin yuhohopi.
 6 Taku wakan henicapi ce, miye epa ;
 Owasin Iyotan Wankan un cinca kin niyepi.
 7 Tuka awicakehan wicaŕta iyecen niŕapi kta ;
 Qa wicaŕta itancanpi wanji iyecen nihinŕpayapi kte.
 8 Wakantanka inajin wo, maka kin hdaco wo :
 Oyate iyuhpa tawawicaye kte cin he niye.

PSALM 84.

PSALM 83.

Psalm odowan. Asaph tawa.

- 1 Wakantanka, inina yaun šni nunwe :
Iyotan Wašaka, inina yanke šni qa owanji yanke šni wo.
- 2 Iho, tokaniyanpi kin hena hotonpi ;
Qa šicenidapi kin hena pa yuwankan ikikecupi.
- 3 Nitaoyate kin šicaya awicaiapi ;
Qa nawicayakihbe cin hena on wohdakapi ece.
- 4 Hena heyapi ; Upo, oyate kin he ihangwicunyanpi kte ;
Qa Israel caje kin icimana kiksuyapi kte šni ce.
- 5 Cante eciyatanhan witaya awacinpi ;
Niye on wicotakuye wan hduštanpi.
- 6 Edom tawakeyapi, qa Išmaeli kin ;
Moab, qa Hagari kin hena :
- 7 Gebal, qa Ammon, qa Amalek ;
Philistia, Turos en ounyanpi kin hena om :
- 8 Nakun Assur hena owicapa :
Hena Lot cinca isto owicakupi. Sela.
- 9 Midian en iyecececa, Jabin iyecececa, Kišon wakpadan en.
- 10 Endor ekta ihangwicayapi qon :
Maga akan tacesdi iyecececa icagapi.
- 11 Akicita tancanpi kin Oreb qa Zeeb iyecececa wicakaga wo ;
Han, wicašta itancanpi owasin, Zeba qa Zalmunna iyecececa.
- 12 Hena heyapi ; Wakantanka tamaga kin
Hena unkiye tawaunyanpi kta ce.
- 13 Wakantanka mitawa,
Hena tate iyumni iyecececa wicakaga wo ;
Tateyanpa itokam aguyapi ha kin iyecececa :
- 14 Peta contanka wan huhnage cin iyecececa ;
Qa ide wan lie aide kin iyecececa :
- 15 Hecen tateyanpa nitawa on kuwa awicade kta ;
Qa tate iyumni nitawa on nihinciye wicayaye kta ;
- 16 Itepi kin wowištece on ojuwicaya wo :
Unkan, Jehowa, nicaje wicašta akitapi kte.
- 17 Ištecapi kta, qa nihinciyapi kta, owihanke wanica ;
Qa ite našapi kta, qa atakunipi kte šni.
- 18 Unkan niye Jehowa eniciyapi kin sdoniyapi kta ;
Nišnana Iyotan Wankan yaun, maka kin owancaya.

PSALM 84.

Gittith on dowan itancan kin kicagapi. Qora cinca tadowanpi.

- 1 Jehowa Sabaoth,
Nitawakeya kin nina wiciyokipi.
- 2 Jehowa tahocoka kin on,
Minagi cantokpani qa nakun niya šni te kta seca :

PSALM 85.

- Micante qa micelipi Taku Wakan ni un kin hoyekiya ece.
- 3 Upijate hee kaeś tipi wan iyekiya,
Qa icapśinpśincadan holipi wan,
En cinca ekihnake kta ;
Jehowa Sabaoth, owayuśna nitawa kin hena,
Wicaśtayatapi mitawa, qa mita Wakantanka.
- 4 Yati en ounyanpi kin hena cante waśtepi ;
Hena ohinniyan niyatanpi kta. Sela.
- 5 Wicaśta tuwe towaśake niye en un kin he cante waśte :
Canku tankapi kin iye cantepi ohna wanka.
- 6 Iśtamnihanpe Kaksiza ohna yapi kinhan,
He miniyowe kagapi ;
Nakun magaju kin woyawaśte on akałpa.
- 7 Wowaśake etanhan wowaśake ekta yapi kta :
Zion en Wakantanka itokam ihdutanin kta.
- 8 Jehowa, Wakantanka Sabaoth,
Wocekiye mitawa nałion wo ;
Jakob ta Wakantanka, anagoptan ye. Sela.
- 9 Wakantanka, wahacanka unkitawapi wanyaka wo ;
Qa Sdayakiye ite kin atonwan wo.
- 10 Nitahocoka ohna anpetu wanjidani keś
Kektopawinge isanpa waśte :
Mita Wakantanka ti tiyopa kin en
Imunke kta wakalniga :
Qa wicowicaśtaśni wakeya kin ohna wati kte śni.
- 11 Jehowa Wakantanka anpetu wi qa wahacanka kin heca ;
Jehowa wowaonśida wowitan ko wicaqu kta ;
Tona ecetuya manipi kin taku waśte ipiwicada kte śni.
- 12 Jehowa Sabaoth,
Wicaśta wacinniye cin he cante waśte.

PSALM 85.

Dowan itancan kin kicagapi. Qora cinca tadowanpi.

- 1 Jehowa, makoce nitawa canteyakiya ;
Jakob wayaka unpi kin hdicu wicayakiya.
- 2 Nitaoyate taku śica econpi kin yecicajuju ;
Wałtanipi kin owasin ayakalpa. Sela.
- 3 Śinyahda kin ocowasin anayecipta ;
Nitocanniye kin ide śni yakiya.
- 4 Unkiyepi en hdicu wo, Wakantanka Wanikiya unkitawapi ;
Qa canniyeunyakiyapi kin anakipta wo.
- 5 Owihanke wanin canniyeunyayapi kta he ;
Nitocanniye wicoicage qa wicoicage ekta iyahdeyaye kta he.
- 6 Ake yahdicu qa niunyakiyapi kte śni he :
Kinhan, nitaokiye iniyuśkinpi kta.
- 7 Jehowa, nitowaonśida wanyagunkiya po :
Qa nitowiconi kin unyaqupi kte.
- 8 Jehowa Iyotan Waśake cin he taku eye cin he nawalion kta ;

PSALM 86.

Iye taoyate qa wicašta wacantkiye tawa kin wookiye on owi-
cakiye kta :

- Tuka ihnuhan wowitkotkoke cin ekta ihdoyapi kinhan.
9 Tona kokipapi kin henana wiconi tawa wicikiyedani un ;
Hecen makoce unkitawapi ohna wowitan ounye kta.
10 Wowaońsida qa wowicake itkokicipapi : *
Woowotanna qa wookiye i ikiciputakapi.
11 Wowicake maka kin etanhan icaga ;
Qa woowotanna mahpiya eciyatanhan kun ahitonwan.
12 Nakun Jehowa taku wašte kin wicaqu kta ;
Qa makoce unkitawapi taku icaliye kta.
13 Woowotanna iye itokam mani kta ;
Qa iye oye kin ohna aunhdepi kte.

PSALM 86.

Dawid tawočekiye.

- 1 Jehowa, ninoge ukiye qa amayupta wo ;
Makakije qa onmaška, heon.
2 Minagi awanyaka ye, wacantkiye wanji he miye :
Nitaokiyeni nikiya wo, Wakantanka mitawa he niye ;
Wacinniye cin heon.
3 Itancan, onśimakida wo ;
Anpetu osan hoyeciciye kta heon.
4 Nitaokiyeni nagi kin iyuśkinkiya wo ;
Itancan, niye ekta minagi wahdomda.
5 Niye, Itancan, niwašte qa wayakajuju ece ;
Qa tona hoyeniciyapi kin owasin,
Wocantekiye utkanna wicayeciyuha.
6 Jehowa, wočekiye mitawa nahon ye ;
Qa cewakiya ho kin he anagoptan wo.
7 Anpetu en makakije cinhan houcíciye kta :
Unkan niye amayadupte kta.
8 Itancan, taku wakan ehna tuwedani iyenicece śni ;
Qa takudan niohan iyecece śni.
9 Itancan, oyate wicayakage cin owasin,
Hena nitokam upi qa ohodapi kta ;
Qa nicaje yaonihanpi kta.
10 Niye nitanka qa wowapetokeca ecanon ;
Niśnana Wakannitanka.
11 Jehowa, nitacanku onspemakiya ye ;
Nitowicake ohna mawani kta ;
Micante nicaje kokipe kta en iyakaška wo.
12 Itancan, Wakantanka mitawa,
Micante ocowasin on, wopida eciciye kta ;
Qa nicaje mdaonihan kta, owihanke wanica.
13 Miye en nitowaonśida kin tanka ;
Qa Hades temahentu kin etanhan minagi edaku.
14 Wakantanka, walianlianiciđapi kin takpe maupi ;

PSALM 88.

- Qa wicašta wohitika omniciye kin minagi akitapi ;
Qa wicitokam niye enihdepi šni.
- 15 Tuka Itancan,
Taku Wakan waonsida qa wacantkiya kin he niye,
Wawacinkta yuza tanka,
Qa wowaonsida wɔwicake ko on winijice.
- 16 En mahdiyaku qa onsimakida wo ;
Nitowašake kin nitaokiye qu wo ;
Qa nitaokiye win cinhintku kin nikiya wo.
- 17 Wowakta wašte wan makipazo wo ;
Hehan tona sicemadapi wanyakapi qa ištecapi kta :
Jehowa, niye omayakiye ɔa wacintonhnag mayaye cin heon.

PSALM 87.

Qora cinca tawapi. Psalm odowan.

- 1 Oahde tawa kin wowakan paha kin en un.
2 Zion tatiyopa kin hena Jehowa waštekidaka ;
Jakob en ounyanpi kin owasin isanpa.
3 Niye en wicoie wakan kin oyakapi,
Wakantanka totonwe kin. Sela.
4 Rahab qa Babel sdonmayanpi kin he omdake kta ;
Iho, Philistia qa Turos Kuš kici ;
De hen teca ni en tonpi ce.
5 Qa Zion on heyapi kta ;
Wicašta kin de qa kae hen tonpi ce :
Unkan iye Iyotan Wankan kin hdusuta kte.
6 Jehowa oyate owicawa kinhan wicayawa kta ;
De en teca ni en tonpi ce. Sela.
7 Unkan tona dowanpi, tona yajopi ko ;
Minihdoka mitawa owasin niye en un ce, eyapi kta.

PSALM 88.

Psalm odowan. Qora cinca tawapi. Dowan itancan kin licagapi. Wowayazan
kakišye cin on. Waonspekiyapi kta. Heman Ezrahi he kaga.

- 1 Jehowa, Wakantanka Wanikiya mitawa,
Nitokam anpetu hanyetu ko hoyewaye.
2 Wocekiye mitawa nitokam u nunwe ;
Hoyewaye cin he anolikiya wo.
3 Wokakije minagi innahan un ;
Qa mitaniya Hades ikiyedan ayapi.
4 Wolia ekta iyayapi kin opeya mayawapi ;
Wicašta wowašake nice cin he iyemaceca.
5 Tapi kin opeya makiyuškapi,
Wicaktepi wicalhapi en wankapi kin iyececa,
Hena owihanke wanica wicayeksuye šni :
Qa hena ninape etanhan ehɔewicayapi.
6 Wolia wan temahentu kin en omayahnaka ;

PSALM 89.

- Otpaza tipi kin en, ošbe kin en.
 7 Nitocanniye tkeya iyamahdaskica ;
 Qa taja nitawa owasin on kakišmayaya. Sela.
 8 Tona sdonmayanpi kin hena mitehanyan iyeyaya ;
 Hena waħtemadapi šni yakaga ;
 Onamatakapi, qa tankan waku owakihi šni.
 9 Wokakije on mišta atakunišni ;
 Jehowa, anpetu otoiyoħi houciyiye ;
 Minape ciciyugata ece.
 10 Tapi kin hena wicoħan wakan ecawicayecon kta he ;
 Wanagi hdinanpapi qa wopida eniciyapi kta he. Sela.
 11 Wicaħapi en nitowaonšida oyakapi kta he ;
 Nitowicake kin wicotakunišni en.
 12 Wicoħan wakan nitawa otpaza en sdonyapi kta he ;
 Qa nitoowotanna, woakiktonje makoce kin en.
 13 Tuka miye, Jehowa, hoyeciciya ;
 Qa hanħanna eca mitawocekiye nitokam u kte.
 14 Jehowa, tokeca minagi ayakta kte šni ;
 Niite anamayakiħbe kta he.
 15 Homakšiyopa ehantanhan makakije ĉa maħe kta seca ;
 Wonihinciye nitawa qin waun ;
 Token cante mduza tanin šni.
 16 Nitocanniye miwankam iyaya ;
 Wonihinciye nitawa ihangmayanpi :
 17 Mini iyececa, anpetu osan, aohdutemayanpi ;
 Witaya ohomni imayayapi.
 18 Waštemadake ĉa mitakuye kin mitehanyan iyewicayaya ;
 Tona sdonmayanpi qon hena otpaza.

PSALM 89.

Waonspekiyapi kta. Ethan Ezrahi kin he tawa.

- 1 Jehowa towaonšida kin ohinniyan iwadowan kta ;
 Wicoicage qa wicoicage hehanyan,
 Mii on nitowicake omdake kta.
 2 Wowaonšida ohinniyan icaħyapi kta ce, epe ciqon :
 Maħpiya kin hena en nitowicake eyehde kta.
 3 Wanji wakaħnige cin he kici wicotakuye wakaga ;
 Dawid mitaokkiye kici iapi weciyasuta :
 4 Owihanke wanica hehanyan nicinca sutaya ewahde kta ;
 Qa wicoicage owasin hehanyan oiyotanke nitawa icaħwaye kta.
 Sela.
 5 Unkan, Jehowa, maħpiya kin nioħan wakan oyakapi kta ;
 Nakun nitowicake, oyate wakan mniciyapi kin en.
 6 Tuwe maħpiya kin ekta Jehowa iyececa he ;
 Wašakapi cinca kin Jehowa iyacinpica he.
 7 Oyate wakan onalibeya mniciyapi kin en,
 Taku Wakan nina kokipapi kta iyececa ;
 Qa tona ihduksan unpi kin isanpa kinihanpi kte.

P S A L M 89.

- 8 Jehowa, Wakantanka Sabaoth,
 Jah Iyotan Waśaka, tuwe iyeniceca he ;
 Qa nitowicake nihdukśan un kin.
- 9 Miniwanca wankan ye cin he wowidagya ;
 Taja wankan aya eca niye amdakedan yakaga ece.
- 10 Wicaktepi iyecen Rahab yakaśuśuja ;
 Niisto waśaka on tokaniyanpi kin wicaduomdeca.
- 11 Małpiya kin he niye nitawa,
 Nakun maka kin nitawa ;
 Makoce owasin qa woojudan kin
 Hena niye yakaga.
- 12 Waziyata qa itokaga, hena niye yakaga ;
 Tabor qa Hermon nicaje on iyuśkinpi kta.
- 13 Isto waśaka wan niyukan ;
 Ninape waśaka, nape enitapa kin tehanwankantu.
- 14 Woowotanna qa woyaco oiyotanke nitawa oyanke kin hee ;
 Wowaońsida qa wowicake niite itokam yapi kta.
- 15 Oyate wotanin wašte sdonye cin hena cante waštepi ;
 Jehowa, niite iyoyanpa kin en omanipi kta.
- 16 Anpetu osan nicaje on iyuśkinpi kta ;
 Qa nitoowotanna on wankan ihdoyapi kta.
- 17 Iye towaśakepi wowitan kin he niye,
 Qa nitoiyokipi kin en he wankan iyeunyeciciyapi kta.
- 18 Wahacanka unkitawapi kin he Jehowa tawa ;
 Qa wicaštayatapi unkitawapi kin he
 Israel Wakandapi kin he tawa.
- 19 Hehan wanji wacantkiye nitawa woyuotanin en oyakiya,
 Qa heha ; Wanji Waśake cin akan wowaśake ewehnaka ;
 Wanji oyate etanhan kalnigapi kin wankan ewehde :
- 20 Dawid mitaokiye kin iyewaye ;
 Wihdi wakan mitawa on sdawakiya :
- 21 Minape ohinniyan kici un kta ;
 Nakun miisto yuwaśake kta.
- 22 Tokapi kin iyokiśinyapi kte śni ;
 Qa woalıtani cincapi kakiśyapi kte śni.
- 23 Unkan iye itokam tona tokayapi kin wicawakaśuśuje kta ;
 Qa tona śicedapi kin awicawape kta.
- 24 Nakun mitowicake qa mitowaonśida kici un kta ;
 Qa micaje on iye he kin wankan icage kta.
- 25 Qa iye nape kin miniwanca en ewahnake kta ;
 Qa nape etapa kin mini tanka kin en.
- 26 Iye hoyemakiye kta ; Atewaye cin he niye ;
 Mita Wakantanka, qa imnija nimaye cin.
- 27 Unkan miye he micinca tokapa wakiye kta ;
 Maka wicaštayatapi kin isanpa wankan un kta.
- 28 Ohinniyan mitowaonśida weciyuhe kta ;
 Qa wicotakuye mitawa kici wicake kta.
- 29 Nakun iye cinca owihanke wanica mdusuta kta ;
 Qa oiyotanke tawa kin małpiya anpetu kin iyecece kta.

PSALM 89.

- 30 Iye cinca kin mitoope ehpeyapi kinhan ;
 Qa mitawoyaco ohna mani wacinpi s̄ni ;
- 31 Taku omdake cin taku ikceka yawapi ;
 Qa mitawoahope opapi s̄ni kinhan :
- 32 Hehan taku s̄ica econpi kin, icapsinte wan on,
 Qa walitanipi kin, apapi on iyopewicawaye kta :
- 33 Tuka mitowaons̄ida ewecihdaku kte s̄ni ;
 Qa wowicake mitawa kin en iton̄s̄ni miçicage kte s̄ni.
- 34 Wicotakuye mitawa taku ikceka wakage kte s̄ni ;
 Qa miiha taku enapeye cin mdatokeca kte s̄ni.
- 35 Taku wanji mitowakan kin on wakonza ce ;
 Dawid en iton̄s̄ni owakihi s̄ni :
- 36 Iye cinca kin owihanke wanice kta ;
 Qa oiyotanke tawa anpetu wi mitokam iyecece kta.
- 37 Ohinniyān sutaya yanke kta, hanyetu wi iyececa ;
 Qa mah̄piya ekta wayuotanin wicaka. Sela.
- 38 Hececa ēsta niye ehpeyaye ç̄a ayakta s̄ni ;
 S̄dayakiye ciqon he canniyeyaya :
- 39 Nitaokiye wicotakuye tawa yecaksa ;
 Watēsdake tawa kin makata ehpeyaya :
- 40 Inatake tawa owasin dujuju ;
 Conkāske tawa kin woihangye yakaga :
- 41 Tona canku ohna hiyayapi owasin he ihangyapi ;
 Tona ikiyedān unpi kin hena walitedapi s̄ni :
- 42 Tona s̄icedakapi nape etapa kin yuwankan iyeyaya ;
 Tona tokayapi owasin iyūskinwicayaya.
- 43 Nakun mazasagye tawa kin pe s̄ni yakaga ;
 Qa okicize en kici nayajin s̄ni.
- 44 Toiyege kin ayūstanyakiya ;
 Qa oiyotanke tawa kin makata ehpeyaya.
- 45 Kōska taanpetu kin duptecedan ;
 Wowīstece on akāhpeyeton. Sela.
- 46 Tohanyan kta ; Jehowa, ohinniyān nayakilibe kta he ;
 Peta iyecen nitocanniye ide kta he.
- 47 Miye ptenyedān wani kin he kiksuya wo ;
 Tokeca Adam cinca owasin itūh yakaga he.
- 48 Wicāsta tuwe ni un qa wicon̄te wanyake kte s̄ni ;
 Hades nape etanhan nagi eihdaku kta he. Sela.
- 49 Itancan, otokahe ekta nitowaons̄ida kin tukte e he ;
 Nitowicake en Dawid wahoyaye ciqon.
- 50 Itancan, nitaokiye i en hdepi kin he kiksuya wo ;
 Miikpi ohna oyate ota owasin wicamduha :
- 51 Jehowa, tokaniyanpi i en iyeyapi qon he ;
 On S̄dayakiya oye kin i en iyeyapi qon.
- 52 Jehowa owihanke wanin yawāstepi nunwe.
 Amen qa amen.

P S A L M 90.

PSALM 90.

Wocekiye wan. Moses Wakantanka tawicašta tawa.

- 1 Itancan, niye otiunniyanpi,
Wicoicage qa wicoicage kin en.
- 2 He kin icage šni he itokam ;
Qa maša maga ko yakage šni he ehan ;
Otokahe wanica qa owihanke wanica,
Iyotan Wašaka kin he niye.
- 3 Maka mdu ee kaeš ekta wicašta hdicuyaya ;
Qa, Adam cinca hdicu miye, eha ece.
- 4 Waniyetu kektopawinge, ništa kin en,
Htanihan wanna henakeca he iyececa ;
Qa hanyetu en akicita onajin kin iyececa.
- 5 Okahbog iyewicayaya ;
Woištinma wan iyececapi ;
Hanhanna eca, wato iyecen, taninpi šni.
- 6 Hanhanna eca hea aya, qa hehan tanin šni ;
Htayetu hehan kašdapi qa šnija.
- 7 Nitocanniye kin on unsotapi ;
Qa šinyahda kin on kopeunhdapi ece.
- 8 Waunhtanipi kin nitokam eyahnaka ;
Woanahbe unkitawapi kin niite iyoyanpa kin en.
- 9 Anpetu unkitawapi owasin nitocanniye en iyaya ;
Waniyetu unkitawapi wicotawacin wan iyecen enaunkiyapi.
- 10 Waniyetu unkitawapi anpetu kin
Hena waniyetu wikcemna šakowin,
Qa wowašake yuke cinhan, waniyetu wikcemna šahdogan ;
Hececa ešta wowašake kin he wokakije qa wicošice ;
Ihnuhanna atakuni šni, unkan kinyan unkiyayapi.
- 11 Nitocanniye wowašake kin tuwe okašniga he ;
Qa šinyahda kin he konicipapi kin iyececa.
- 12 Hecen anpetu unkitawapi hdawa onspeunkiya po ;
Kinhan woksape ekta cante yeunkiya kta.
- 13 Jehowa hdicu wo ; tohayan kta he :
Qa nitaokiyepi on tawacin hdutokeca wo.
- 14 Hanhanna eca nitowaonšida on imnaunyan po ;
Kinhan unkiyuškinpi qa piundapi kta,
Anpetu unkitawapi owasin en.
- 15 Anpetu en kakišunyanpi kin he iyecen wiyuškinunkiya miye ;
Waniyetu en taku šica wanunyakapi iyececa.
- 16 Niohan kin nitaokiye wanyagwicaya wo ;
Qa iye cinca kin, nitowitan kin.
- 17 Qa Jehowa Wakantanka unkitawapi
Towašte kin unkipi un nunwe ;
Qa unnapepi ohan kin unkiyusuta miye ;
Han, unnapepi ohan kin yuecetu wo.

PSALM 92.

PSALM 91.

- 1 Iyotan Wankan un toinalibe kin en,
Tuwe iyotanke cin he,
Iyotan Waśaka ohanzi tawa ihukuya iwanke kta.
- 2 Jehowa hewakiye kta ;
Wowinape mitawa, qa conkaśke mitawa,
Mita Wakantanka, he wacinwaye kta ce.
- 3 Wahmung ye cin wohmunke tawa kin
Etanhan, iye eniyaku kta ;
Makośica waihangye cin etanhan.
- 4 Iye śun kin on akaĥpenicaton kta ;
Qa taĥupahu ihukuya wowinape iyeyaye kta ;
Towicake kin wahacanka qa maza makuakaĥpe.
- 5 Hanyetu wokokipe kin he koyakipe kte śni ;
Qa anpetu en wanhinkpe kinyan iyaye cin ;
- 6 Makośica otpaza en omani un ;
Qa wowayazan wiyotanhan eca wayutakuniśni kin.
- 7 Nicaĥda kektopawinge ĥinĥpayapi kta ;
Qa nietapa ekta kektopawinge wikcemna ;
Tuka niye nikiyedani u kte śni.
- 8 Niśta ecedan on ekta eyatonwe kta ;
Qa wicaśta śica tokiĥonpi kin wandake kta.
- 9 Jehowa, wowinape mitawa kin he niye :
Iyotan Wankan kin he otipi niĥicaga :
- 10 Heon taku śica niĥiyahde kte śni ;
Qa makośica wan nitawakeya ikiyedani u kte śni.
- 11 Taĥnihde kin niye on wahowicaye kta ;
Nitacanku owasin en awanniyakapi kta ;
- 12 Napepi ohna niyuhapi kta ;
Hecen inyan siha ibonito kte śni.
- 13 Mnaja qa wamduśka si ayahde kta ;
Mnaja kośka qa sinteĥda kin amayani kta.
- 14 Iye cantomahnaka, unkan eweĥdaku kta ;
Micaje sdonye cin on wankan eweĥde kta.
- 15 Hoyemakiye kta, kinhan amdupte kta :
Woiyokiśica en kici waun :
Eweĥdaku qa mduonihan kta :
- 16 Anpetu hanskaska on imnawaye kta ;
Qa wiconi mitawa wanyagwakiye kta.

PSALM 92.

Anpetu wakan on woyatan odowan.

- 1 Jehowa yatanpi kin he waśte ;
Qa nicaje idowanpi kin, Iyotan Wankan yaun.
- 2 Hanhanna eca nitowaonśida oyakapi ;
Qa nitowicake, hanyetu kin en.
- 3 Candowankiyapi ikan wikcemna, qa cancega on ;

PSALM 94.

- Cotanke on awacinpi kin he nakun.
- 4 Jehowa, niohan kin on iyuşkinmayaya ;
Ninape ohan kin on imduşkin kta.
- 5 Jehowa, niohan tanka hinca ;
Nitawacin kin temahentu hinca.
- 6 Wicaşta wacintonşni kin he sdoneye kte şni ;
Qa witkotkoke cin he de okahnige kte şni.
- 7 Wicaşta şica peji iyecen icagapi ;
Qa woalitani econpi kin owasin hca ayapi ;
Owihanke wanica yutakunipi kte şni heon.
- 8 Tuka, Jehowa owihanke wanica,
Iyotan Wankan kin he niye.
- 9 Iho, Jehowa, tokaniyanpi kin ,
Iho, tona tokaniyanpi kin atakunipi kte şni :
Woalitani econpi kin owasin enanakiya iyewicayapi kta.
- 10 Tuka tinta tatanka he kin iyecen,
He mitawa icaliyaya :
Wihdi to on sdamayanpi.
- 11 Nakun tokamayanpi kin miişta wanwicayake kta ;
Tona wicohan şica econpi takpe maupi kin
Hena on minoge nahon kta.
- 12 Wicaşta owotanna kin wazi can iyecen uye kta ;
Lebanon hante kin iyecen icage kta.
- 13 Jehowa ti kin en huhdepi ;
Wakantanka unkitawapi tahocoka ohna hıcapı kta :
- 14 Pa skapi hehanyan waskuyeca icaliyapi kta ;
Cepapi kta, qa toto unpi kta.
- 15 Jehowa ecetu kin he oyakapi kta ;
He imniya mitawa, qa woowotanua şni takudan en un şni.

PSALM 93.

- 1 Jehowa wicaştayatapi, wowitan kohdaka ;
Jehowa wowaşake kohdaka, ipiyagkiton ;
Nakun maka kin ehdepi, hecen yuhohopi kte şni.
- 2 Wanakajatanhan oiyotanke nitawa yusutapi ;
Niye otokahe niwanica.
- 3 Mini tanka kin wankan iyeiçiya ;
Jehowa, mini tanka kin ho hdawankan iyeya ;
Mini tanka kin taja wankan iyeya
- 4 Mini ota ho kin isanpa ;
Miniwanca taja tanka kin isanpa ;
Jehowa wankan un kin he waşaka.
- 5 Taku odate cin hena wicakapi hinca ;
Wowakan yati kin oiyokipi ;
Jehowa, anpetu hanskaska hehanyan.

PSALM 94.

- 1 Jehowa, watokiçon Wakantanka ;
Watokiçon Wakantanka, iyoyanpa wo.

PSALM 95.

- 2 Maka Wayaco yaun, najin wo;
Wahanhaniçidapi kin towicakiçon wo.
- 3 Jehowa, wicašta śica tohanyan kta he;
Tohanyan wicašta śica iwakicipi kta he.
- 4 Iwašicunpi, taku śica eyapi;
Woahitani econpi kin owasin ihdatanpi.
- 5 Jehowa, nitaoyate wicakapanpi;
Qa taku nitawa kakişyapi ece.
- 6 Wiwazica qa tuwe oyate tokeca etanhan tewicayapi;
Qa wamdenica kin tin wicaktepi.
- 7 Tuka heyapi; Jah wanyake kte śni;
Qa Jakob ta Wakantanka awacin kte śni ce.
- 8 Oyate en wacintonşni yaunpi, awacin po;
Qa winitkotkokapi, tohan wacinksamya niohanpi kta he.
- 9 Tuwe wicanoge kage cin he wanañon kte śni he:
Qa tuwe wicašta kage cin he wawanyake kte śni he.
- 10 Tuwe oyatepi iyopewicaye cin he wicakaştake kte śni he;
Tuwe wicašta waonspewicakiye cin.
- 11 Wicašta tawacinpi kin Jehowa sdonya ece;
Hena taku śni.
- 12 Jah, wicašta iyopeyaye cin he cante wašte;
Qa nitoope eciyatanhan onspeyakiye cin:
- 13 Anpetu śice cin etanhan ozikiye yaye kta;
Wicašta śica woħa wan wicakicapi kta hehanyan.
- 14 Jehowa taoyate kin awicayuştan kte śni;
Qa taku tawa kin ehpekiye kte śni.
- 15 Tuka woyaco woowotanna en hdi kta;
Qa tona cante ecetu kin owasin he pasipi kta.
- 16 Śicaya econpi kin on tuwe mici najin kta he;
Woahitani econpi kin on tuwe micica kta he.
- 17 Jehowa omakiye śni unkanş,
Ecadan minagi woinina en un kta tuka.
- 18 Misiha naşduta ce, epe cinhan;
Jehowa, nitowaonşida najin makiye kta.
- 19 Miye mahen mitawacin iyokişica ota icunhan,
Wacintonhnake nitawa minagi iyuşkinkiye kta.
- 20 Woahitani oiyotanke kin he nicica kta he;
Wicoħan śica wope iyecen konze cin he.
- 21 Wicašta owotanna nagi kin takpe hipi;
Qa wicawe taku iyaonpepica śni kin he yacopi.
- 22 Tuka Jehowa conkaške mitawa kin hee;
Qa mita Wakantanka imnija wowinape waye.
- 23 Unkan iye waħtanipi kin iyahdewicaya;
Qa taku śica econpi kin en ihangwicaye kta;
Jehowa Wakantanka unkitawapi ihangwicaye kta.

PSALM 95.

- 1 U miye, Jehowa unkahiyayapi kte;
Wiconi unkitawapi Imnija kin unkidowanpi kte.

P S A L M 96.

- 2 Wopida yuha iye ite kin en unkupi kte ;
Wowiyuŝkin odowan on unkiyaŝapi kta.
- 3 Jehowa Taku Wakan Tanka ;
Qa taku wakan owasin iwankan Wicaŝtayatapi tanka.
- 4 Maka oŝbe kin hena iye nape ohna hduha ;
Qa paha ipa kin hena iye tawa.
- 5 Miniwanca kin he tawa, qa iye kaga ;
Nakun maka puze cin he iye nape kaga.
- 6 U miye, patuŝ inaunjinpi qa ohoundapi kte ;
Jehowa Waicalihye unkitawapi kin itokam,
Canpeŝka makehde unkanpi kte.
- 7 Wakantanka unkitawapi kin he iye ;
Qa makoce tawa oyate kin unkiyepi ;
Qa iye nape ohna taŝin wanunyanpi kin :
Anpetu kin de iye ho kin nayahonpi kta hecinhan ;
- 8 Meribah iyecen cante hdutehipi ŝni po ;
Makoskan Massa anpetu kin iyececa.
- 9 Hunkakewicayayapi imayutanpi qehan ;
Imayukcanpi, nakun mioŝan wanyakapi.
- 10 Waniyetu wikcemna topa hehanyan wicoicage kin he iyoki-
ŝinmayan ;
Unkan hepe ; Oyate kin de cante ekta nunipi ;
Qa mitacanku sdonyapi ŝni.
- 11 Hecen canmaniyon konza kewicawakiya ;
Woozi mitawa kin en opapi kte ŝni.

PSALM 96.

- 1 Jehowa odowan tecca wan kahiyaya po ;
Maka kin ocowasin, Jehowa idowan po.
- 2 Jehowa kahiyaya po, iye caje yawaŝte po ;
Anpetu otaiyohi waniwicakiye cin he yaotanin po.
- 3 Ikcewicaŝta kin ehna iye towitan oyaka po ;
Oyate owasin en iye oŝan wakan kin.
- 4 Jehowa tanka, qa nina yatanpi kte ;
Taku wakan owasin isanpa kokipapi kta iyececa.
- 5 Ikcewicaŝta taku wakan yuhapi kin owasin taku ŝni ;
Tuka Jehowa maŝpiya kin kaga.
- 6 Iye itokam woyuonihan qa wowitan ;
Tipi wakan tawa ohna, wowaŝake qa wowaŝte.
- 7 Jehowa qu miye, oyate wicowazipi kin,
Wowitan qa wowaŝake Jehowa qu miye.
- 8 Iye caje towitan kin Jehowa kicu po ;
Wopida woŝna wan icupi qa tahocoka kin en u po.
- 9 Wowakan oiyoŝipi kin en Jehowa ohoda po ;
Iye itokam, maka kin ocowasin, inihan miye.
- 10 Oyatepi ehna, Jehowa Wicaŝtayatapi ce, eya po ;
Nakun maka kin ehdepi, yuhohopi kte ŝni :
Oyate kin woecetu eciyatanhan wicayaco kta.
- 11 Maŝpiya kin iyuŝkin, qa maka kin pida nunwe ;

PSALM 98.

- Miniwanca qa woojudan kin hotanin nunwe.
12 Maga kin iyuşkin kte, qa taku ohna un kin owasin;
Hehan contanka can owasin wiyuşkinyan dowan kta :
13 Jehowa itokam: He wanna u;
Maka kin hdaco u ce :
Woowotanna on wicoicage kin yaco kta ;
Qa oyate kin, iye towicake eciyatanhan.

PSALM 97.

- 1 Jehowa Wicaştayatapi, maka kin iyuşkin kte ;
Wita ota hince cin hena pidapi nunwe.
2 Ihdukşan małpiya şapa qa otpaza ;
Oiyotanke tawa woowotanna qa woyaco akan han.
3 Iye ite kin itokam peta iyaya ;
Qa ihdukşan tokayapi kin hulinalıwicaye kta.
4 Wakanhdi tawa makoce kin iyoyamya ;
Maka kin wanyaka qa cancan.
5 Jehowa itokam paha kin canşin iyecen şdoyapi ;
Maka ocowasin Itancan tawa kin itokam.
6 Małpiya kin hena iye toowotanna yuotaninpi ;
Qa oyate owasin iye towitan wanyakapi.
7 Tona okagapi wan okiyapi kin owasin iştecapi kte ;
Tona takuşni on ihdatanpi kin hena :
Iye en patuja po, taku wakan owasin.
8 Zion he nañon qa iyuşkin ;
Qa Juda cunwintku wowiyuşkin on iyaşapi :
Jehowa, nitawoyaco kin hena on.
9 Niye, Jehowa, maka owancaya Iyotan Wankan yaun ;
Taku wakan owasin iwankam tehanwankantu.
10 Jehowa waşteyadakapi, taku şica şicedaka po ;
Wicaşta wacantkiye tawa nagipi kin awanwicayaka ;
Wicaşta şica napepi etanhan wicayukce kta.
11 Wicaşta owotanna kin iyoyanpa owicakicijupi ;
Qa wowiyuşkin, tona cante ecetupi kin on.
12 Owotanna yaunpi kin, Jehowa en iyuşkin po ;
Qa iye towakan kiksuyapi kin he yatan miye.

PSALM 98.

Odowan.

- 1 Odowan teca wan Jehowa kahiyaya po ;
Wicolian wakan kin heca econ ece :
Nape etapa qa isto wakan kin on woohiye içicaga.
2 Jehowa wiconi tawa kin hduotanin ;
Ikcewicaşta iştá kin en toowotanna hduzamni.
3 Iye towaonşida qa towicake kin kiksuya,
Israel tiyohnaka kin on ;
Wakantanka unkitawapi waniwicakiye cin,

PSALM 100.

- Maka ihanke kin owasin wanyakapi.
4 Maka kin ocowasin, Jehowa kahiyaya po ;
Iyaşapi qa wiyuşkinpi qa dowan po.
5 Candowankiyapi on Jehowa kahiyaya po ;
Candowankiyapi qa odowan ho kin on.
6 Mazayahotonpi tanka qa cotanka ho kin on,
Jehowa Wicaştayatapi kin itokam iyaşa po.
7 Miniwanca kin sa nunwe, qa woojudan kin ;
Maka kin, qa tona en oonyanpi nakun.
8 Wakpa kin nape hdaskapapi nunwe ;
Qa paha kin witaya iyuşkinpi kte ;
9 Jehowa itokam :
He maka kin hdaco u ce ;
Woowotanna on wicoicage kin hdaco kta ;
Qa oyatepi kin, wokonze eciyatanhan.

PSALM 99.

- 1 Jehowa Wicaştayatapi, oyate kin cancانpi ;
Kerubim otahedan iyotanka, maka kin şkanşkan.
2 Zion en Jehowa tanka ;
Qa oyate owasin iwankam tehanwankan yanka.
3 Nicaje tanka qa wowinihan kin he yatanpi kte ;
He Wakan hinca.
4 Unkan wicaştayatapi towaşake kin woyaco waştedaka ; }
Niye wicoecetu yahdusuta ;
Jakob en woyaco qa woowotanna yakaga.
5 Jehowa Wakantanka unkitawapi yatanka po ;
Qa iye siha oahe kin en makata ehpeiçiya po :
Iye Wakan hinca heon.
6 Moses qa Aaron, wawayuşna tawa kin ehna ;
Qa Samuel tona caje hoyekiyapi kin om ;
Hena Jehowa hoyekiyapi, unkan iye awicayupta ece.
7 Malpiya bosdata kin en owawicakiye :
Woyaotanin tawa kin opapi, qa wokage wicaqu kin.
8 Jehowa Wakantanka unkitawapi, niye awicayadupte ;
Iyotan Waşaka, niye wicayecicajuju ;
Tuka wahtanipi kin hena towicayeciçon.
9 Jehowa Wakantanka unkitawapi yatanka po ;
Qa iye paha wakan tawa kin ohna patuja po ;
Jehowa Wakantanka unkitawapi kin he wakan nakaes.

PSALM 100.

Odowan wan. Wopida eyapi kta.

- 1 Maka kin ocowasin, Jehowa iyaşa miye.
2 Wowiyuşkin on Jehowa okiya po ;
Itokam dowanwan u miye.
3 Jehowa he Wakantanka e sdonya po :

PSALM 102.

Iye unkgapi, qa unkiye unkiçicagapi šni :
Taoyate qa tahnca tinta tawa kin en
Hena unkiyepi.

- 4 Tatiyopa kin en wopida eya u po ,
Woyatan yuha iye tahocoka ohna u miye ;
Wopida eciya miye ;
Iye caje kin yawašte po.
- 5 Jehowa wašte, towaonšida kin owihanke šni ;
Qa towicake kin he wicoicage qa wicoicage hehanyan.

PSALM 101.

Dawid tadowan.

- 1 Wowaoonšida qa woyaco on wadowan kta ;
Jehowa, niye icidowan kta.
- 2 Canku yuštampi wan ohna wacin waksape kta :
Tohan en mayahi kta he :
Cante ocowasin hduha wati ohna mawani kta.
- 3 Miišta itokam wicoie šica ewehnake kte šni ;
Taku šica econpi kin hena šice wadaka ;
Miye en amaskape kte šni.
- 4 Wicacante pemni kin he amayuštan kta ;
Taku šica sdonwakiye kte šni.
- 5 Tuwe takodaku nahmana aie cin he ihangwaye kta :
Tuwe išta tanka qa wahaniçida kin iyowinwakiye kte šni.
- 6 Makoce en tona wicakapi kin miišta awicatonwan ;
Hena mici unpi kta ;
Tuwe canku yuštampi omani kin he omakiye kta.
- 7 Tuwe wohnyan econ kin he wati en ounye kte šni ;
Tuwe itonšni kin he miišta itokam yanke kte šni.
- 8 Hanhanna eca, makoce kin en, tona šicapi
Owasin ihangwicawaye kta ;
Hecen Jehowa totonwe kin etanhan,
Tona šicaya econpi kin owasin ehpewicawaye kta.

PSALM 102.

Wocekiye wan. Tuwe iyotanhan iyekiye, kakija qa Jehowa itokam wašicahowaye cin he tawa.

- 1 Jehowa, wocekiye mitawa nahon wo ;
Qa houwaye cin he en niu nunwe.
- 2 Niite anamakilibe šni wo ;
Makakija anpetu kin en anohmakiya wo ;
Houwaye anpetu kin en amayupta inahni wo.
- 3 Mitaanpetu kin šota iyaya ;
Qa mahuhu can šeca iyecen itkon.
- 4 Micante peji iyecen šnišyapi qa pus aya ;
Aguyapi hduta awektonja :
- 5 Wašicahowamda ho kin on,

P S A L M 102.

- Micehpi kin mahuhu en askapa.
- 6 Tinta mdega wan iyemaceca ;
Hin Hankaga otiwota en iyecen waun.
- 7 Kiktahan waun, qa zirkadan wan
Tice ekta isnana un kin iyemaceca.
- 8 Anpetu osan tokamayanpi kin iyopemayanpi ;
Tona canniyemayanpi kin hena ostemahdapi ece.
- 9 Aguyapi iyecen cahota wata ;
Qa wamdatke cin he ceyapi kici icahiwaya ;
- 10 Wošinhda qa wocanniye nitawa kin on etanhan :
Yuwankan imayacu qa ehpemayaye cin heon.
- 11 Mitaanpetu ohanzi takinyan ye cin iyececa ;
Qa miye qe peji iyecen mašnija.
- 12 Tuka niye, Jehowa, owihanke wanin idotanke kta ;
Qa wokiksuye nitawa kin he wicoicage qa wicoicage hehanyan.
- 13 Niye nayajin kta, Zion onšiyakida kta ;
Tohan okiyapi kta wanna iyehantu,
Han, tohan iyehantu hince cinhan :
- 14 Tohan inyan tawa kin nitaokiye waštedakapi ;
Qa watušekšeca on iyokipipi kinhan.
- 15 Unkan Ikcewicašta Jehowa caje kin kokipapi kta ;
Qa nitowitan kin, maka wicaštayatapi owasin.
- 16 Jehowa Zion kage cin hecn ;
Iye towitan en ihdutanin.
- 17 Onšike tawocekiye ekta ihduhomni ;
Qa wocekiye tawapi kin šicedake šni.
- 18 Wicoicage u kte cin on de owapi kta ;
Qa oyate wan icage kte cin he Jah yatanpi kta.
- 19 Towakan paha kin etanhan eyokasin ;
Jehowa mahpiya etanhan maka kin ahitonwan ;
- 20 Kaška unpi comnihdazipi kin naħon kta ;
Wiconte cinca kin wicakiyukce kta.
- 21 Zion en Jehowa caje kin oyakapi kta ;
Qa iye yatanpi kin, Jerusalem en :
- 22 Oyatepi witaya mniciyapi kin en ;
Qa wokiconze kin, Jehowa ohodapi kta.
- 23 Canku ohna mitowašake kin kun ehpeya ;
Mitaanpetu kin yuptecedan.
- 24 Mita Wakantanka, mitaanpetu cokaya en, emayaku šni wo, epe
kta :
Waniyetu nitawa wicoicage wicoicage hehanyan.
- 25 Otokahe ekta maka kin sutaya eyahde ;
Qa ninape taku kage cin mahpiya kin hee.
- 26 Hena awihnuni kta, tuka niye yani kta ;
Qa hena owasin šina iyecen kuke kta ;
Wokoyake iyecen hena dutokeca kta ;
Unkan yutokecapi kta.
- 27 Tuka he niye,
Qa waniyetu nitawa owihanke kte šni.

P S A L M 103.

- 28 Nitaokiye cinca kin ounyanpi kte ;
Qa iye cincapi kin nitokam wicayusutapi kte.

PSALM 103.

Dawid tawa.

- 1 Minagi, Jehowa yawašte wo ;
Qa taku mahen maun kin owasin, iye caje wakan kin.
- 2 Minagi, Jehowa yawašte wo ;
Qa taku wašte econ kin owasin akiktonje šni wo.
- 3 He wayalitani owasin nicicajuju ;
Waniyazan kin iyulpa asniniyan :
- 4 Wicotakunišni etanhan nitaniya opekiton ;
Wowaonšida qa wocantekiye on watešdagnicaton.
- 5 Taku wašte on nitaanpetu ojudan ya ;
Hecen koniška ihduteca, wamdi iyececa.
- 6 Jehowa woowotanna ece econ,
Qa woyaco, tona kakišwicayapi owasin on.
- 7 Iye tacanku kin Moses sdonyekiya ;
Qa Israel cinca, iye ohan tanka kin.
- 8 Jehowa wacantkiye ça waonšida ;
Tehan canteptanye šni, qa wawacinkta yuza tanka.
- 9 Ohinniyan wicakige kte šni ;
Qa owihanke wanin canniye wicaye kte šni.
- 10 Waunhtanipi kin iyecen ecaunkiconpi šni ;
Qa taku šica unkitawapi iyecen unqupi šni.
- 11 Małpiya kin maka iwankam tehanwankantu kin,
He iyecen iye towaonšida tona kokipapi kin iwankam wašake
linca.
- 12 Wiyohiyanpa etanhan wiyohpeyata hehanyan ;
Ihehanyan waunhtanipi kin yutokan elpeunkiciciyapi.
- 13 Ateyapi wan iye cinca onšiwicakida kin iyececa,
Jehowa tona kokipapi kin onšiwicakida ece.
- 14 Token unkiagapi kin he sdonya ;
Maka mdu heuncapi he kiksuya.
- 15 Wicašta taanpetu kin hena wato iyececa ;
Tinta walica kin he iyecen hca aya :
- 16 Tate oniya wan iwankam iyaya,
Unkan en un šni ;
Qa tohe kin icimana sdonkiye kte šni.
- 17 Tuka Jehowa towaonšida otokahe wanica,
Qa owihanke wanice kta, tona kokipapi kin on ;
Qa toowotanna kin cincapi sanpa cincapi kin en :
- 18 Tona wicotakuye tawa kiciyuhapi ;
Qa tawoahope econpi kta on kiksuyapi kin hena.
- 19 Jehowa małpiya kin en oiyotanke ekihde ;
Qa tokiconze kin taku owasin wowidagya.
- 20 Ohnihde wakan tawa, Jehowa yawašte po ;
Wowašake itancanpi, iye oie ecen ecanonpi ;

PSALM 104.

- Iye oie ho kin anayagoptanpi kta.
 21 Taobe kin owasin, Jehowa yawašte po ;
 Taokiyenyanpi, iye tawacin ecen ecanonpi.
 22 Taku kage cin owasin, Jehowa yawašte wo ;
 Tokiconze owanka kin owasin ohna :
 Minagi, Jehowa yawašte wo.

PSALM 104.

- 1 Minagi, Jehowa yawašte ye :
 Jehowa, mita Wakantanka, niye nitanka hinca :
 Woyuonihan qa wotanka koyahdaka.
 2 Šina wan iyecen iyoyanpa hdoin :
 Ozanpi wan iyecen mahpiya kin hdúmdaya.
 3 Mini tanka on tipi içicaga ;
 Mahpiya šapa kin canpahmihma ya ;
 Tate lupahu kin on icimani ece.
 4 Tateyanpa kin hena ohnihde wicakaga ;
 Peta ide kin taokiye ya ece.
 5 Maka kin tohe akan sutaya ehde ; .
 Hecen owihanke wanica yutokanpi kte šni.
 6 Miniwanca on wokoyake iyecen ayakalipa ;
 Mini tanka kin paha iwankam hiyeya.
 7 Yakišica hehan najicapi ;
 Wakinyan nitawa hoton kin on napapi.
 8 Paha iyecen wankan yapi ;
 Kaksiza iyecen kun ipi ;
 Owanka kin de yecage cin ekta.
 9 Oicago wan yakaga, sanpa yapi kte šni ;
 Ake maka kin apašbog hiyu kte šni.
 10 Kaksiza kin en minihdoka inanpe ya ;
 Hena paha kin otahedan kaduza ece.
 11 Tinta wamanica owasin etanhan mini yatkanpi :
 Hen šonšonna itu unpi kin ipuza enakiyapi.
 12 Iwankam mahpiya okinyanpi kin otipi ;
 Can adetka ehna hotonpi ece.
 13 Wankan tipi tawa etanhan he kin amagajuya :
 Niolian etanhan taku icage cin on maka kin innahan.
 14 Wato kin he woteca icahwicakiciya ;
 Qa waskuyeca, wicašta woju kin on ;
 Hecen maka kin etanhan aguyapi hinanpe ye kta.
 15 Qa miniša wicašta cante iyuškinikiya,
 Wihdi isanpa ite kin iyehkiye kta ;
 Qa aguyapi wicacante yusuta ece kin he.
 16 Jehowa can tawa kin innahan ;
 Lebanon hante iye oju kin hena.
 17 Hena en zitkadan holpi kagapi ;
 Hoka wacantkiye cin he wazi en otipi.
 18 He tehanwankantu kin tatokadan tawapi ;

P S A L M 105.

- Qa imnija kin hitunkasan wowinape yapi.
 19 Makoncage on hanyetu wi kin kicaga :
 Anpetu wi tohan iyaye kte cin he sdonkiya.
 20 Otpaza yakaga, unkan ecen hanyetu ;
 Hehan contanka wamanica owasin hinanpapi.
 21 Mnaja cinca taku iyahpayapi kta ahotonpi ;
 Qa Wakantanka woyute kidapi ece.
 22 Wi hinanpa, hehan witaya hdipi ;
 Qa wasunpi kin en hdiwankapi ece.
 23 Hehan wicašta wicohtani ekta ya ;
 Qa litayetu hehanyan wicohan econ ece.
 24 Jehowa, niohan kin hena ota hinca ;
 Woksape on hena owasin yakaga :
 Wowijice nitawa on maka kin ojudan.
 25 Miniwanca kin de tanka qa ohdakinyan hanska ;
 Hen taku skanskan yukan, qa yawapica sni ;
 Taku niyake un cikcistinna tankinyanyan koya.
 26 He ohna wita wata kin ohnihdapi :
 Unktehi kin de ohna skate kta yakaga.
 27 Hena owasin niye wacinniyanpi :
 Tohan iyehantu eca woyute wicayaqu ece kta.
 28 Niye wawicayaqu, hena pahipi ;
 Ninape yahdumdaya, taku wašte on imnanpi ece.
 29 Niye niite nayakilibe, hena nihinci yapi :
 Woniya ewicayeciyaku, hena tapi ;
 Qa maka mdu ekta hdapi.
 30 Nitaniya yeyaši, hena icagapi :
 Qa makoce ite kin duteca ece.
 31 Jehowa towitan kin owihanke wanice kte :
 Jehowa iye ohan kin on ihduškin nunwe.
 32 He maka kin en etonwan, unkan cancan :
 Paha kin yutan, unkan hena izitapi.
 33 Tohanyan wani kin Jehowa iwadowan kta ;
 Waun kin hehanyan mita Wakantanka wakahimdamde kta.
 34 Iye awacin waun kin he skuye kta :
 Jehowa en imduškin kta.
 35 Walhtanipi sa maka kin etanhan owihankepi kta ;
 Qa wicašta šica icimana en unpi kte sni.
 Minagi, Jehowa yawašte wo.
 Jah yatan miye.

PSALM 105.

- 1 Jehowa wopida eciya po,
 Iye caje hoyekiya miye ;
 Iye ohan tanka oyatepi ehna oyaka po.
 2 Iye idowan po, odowan kahiyaya miye ;
 Iye tawowapetokeca kin owasin awacin po.
 3 Iye caje wakan kin itan miye ;

P S A L M 105.

- Tona Jehowa akitapi kin hena cante waštepi kta.
 4 Jehowa ode miye, qa iye towašake kin ;
 Ohinniyan ite kin akita miye.
 5 Wicohan wakan econ qon hena kiksuya po ;
 Iye tawowapetokeca, qa woyaco iye i kin etanhan.
 6 Abraham iye taokiye etanhan inicagapi ;
 Jakob cinca wicakalnige ciqon.
 7 Jehowa Wakantanka unkitawapi kin he iye ;
 Tawoyaco kin maka kin owancaya un.
 8 Wicotakuye tawa kin he ohinniyan kiksuya ;
 Wicoie econ wicaši qon, wicoicage kektopawinge hehyanan :
 9 Abraham kici hduštan qon he ;
 Qa Isaak en wokonze eciya :
 10 Nakun Jakob he wokage kiciyusuta ;
 Israel en wicotakuye owihanke wanica.
 11 Niye Kanaan makoce kin ciçu kta,
 Makoce iyutapi nitawapi kta ce, eya.
 12 Hinyahin wicayawapi wašakadan ;
 Tonana linca, qa en unhdaka unpi.
 13 Qa oyate kin wicehna ihdaka yapi ;
 Wokiconze wan etanhan oyate tokeca ekta.
 14 Tuwedan kakišwicaya iyowinkiye šni ;
 Qa iyepi on wicaštayatapi iyopewicaya :
 15 Sdawicawakiye cin hena owicayutanpi šni po ;
 Qa waayate mitawa taku šica ecawicakiconpi šni po.
 16 Hehan makoce kin he en wicaakihan wan u ši ;
 Aguyapi sagye kin owasin kaksa.
 17 Wicitokam wicašta wan ye ši ;
 Joseph wowidake kta e wiyopeyapi :
 18 Wicaške on siha kiunniyanpi ;
 Iye nagi mazasapa kin en u.
 19 Oie kin he ecetu hehyanan,
 Jehowa taku eye ciqon he iyutanye.
 20 Wicaštayatapi kin he ye wicaši, qa kiyukca ;
 Oyatepi itancan kin hee, qa kiciyuhdoka.
 21 Iye ti kin ohna itancan kaga ;
 Qa wowijice tawa kin owasin tawakiya.
 22 Tohan iyokipi kinhan akicita tancan wicakaške kta ;
 Qa hunkayapi wicayuhe cin ksapa wicakage kta.
 23 Hehan Israel Egupta en ahiti ;
 Qa Jakob Ham makoce kin en ounyan.
 24 Unkan taoyate kin nina wicahduota ;
 Qa tokayapi kin isanpa wicayuwašake.
 25 Hehan cante wicayutokeca, taoyate šice wicadakapi kta ;
 Taokiye wicaye cin hnayan wicakuwapi kta.
 26 Moses iye taokiye kin ye ši ;
 Qa Aaron kalnige ciqon he.
 27 Iye tawowapetokeca oie kin wicakipazopi :
 Qa tohan wakan, Ham makoce kin en.

P S A L M 106

- 28 Otpaza ye śi, qa otpaza kaga ;
Unkan iye oie kin kizapi śni.
- 29 Mini tawapi kin he we kaga ;
Qa hogan tawapi kin wicakte.
- 30 Makoce tawapi hnaška ota icaħya ;
Wicaštayatapi yuhapi wankan tipi kin ohna.
- 31 Ecen eya, unkan hoponkadan hiyupi ;
Qa heya, makoce tawapi owancaya.
- 32 Magaju kte cin he wasu wicaqu ;
Peta ide kin makoce tawapi owancaya.
- 33 Hastanyanka iyuwi qa suken can tawapi kin hena apa ;
Qa tamakocepi ihdukšan can kin kawega.
- 34 Ecen eya, unkan psipsicadan tanka hiyupi ;
Psipsicadan nakun, qa hena yawapica śni :
- 35 Qa tamakocepi kin en wato owasin yaśdapi ;
Qa tamagapi en taku icage cin temyapi.
- 36 Nakun tamakocepi en tona tokapapi owasin wicakte ;
Iye towaśakepi tokaheya icage cin owasin.
- 37 Hehan mazaska mazaskazi ko yuha hinapewicaya :
Unkan wicowazi tawa kin en wanjidan hustake śni.
- 38 Iyayapi qehan Egupta iyuśkin :
Nina kowicakipapi, heon etanhan.
- 39 Woakalpe kta on maħpiya śapa hdumdaya ;
Qa peta wan, hanyetu en iyojanjan kta.
- 40 Kidapi, unkan wakiyedana u wicakiya :
Qa maħpiya aguyapi on imnawicaya.
- 41 Imnija wan kalidoka, unkan mini hiyu ;
Hopuza en wakpa wan hiyaya.
- 42 Iye oie wakan qon he kiksuya heon ;
Taokiye Abraham taku eciye ciqon.
- 43 Qa iye taoyate iyuśkinyan hinanpe wicaya ;
Tona wicakalnige cin hena iyakiśapi.
- 44 Qa makoce Ikcewicašta tawapi qon he wicaqu :
Unkan oyatepi htanipi qon he yuhapi.
- 45 Hecen iye tawoahope kin opapi kta ;
Qa toope kin hena yuhapi kta.
Jah yatan miye.

PSALM 106.

- 1 Jah yatan miye.
Jehowa wopida eciya po ;
Iye wašte, heon etanhan ;
Qa towaonśida kin owihanke wanica.
- 2 Jehowa tohan tanka kin tuwe oyake kta he ;
Iye yatanpi ocowasin tuwe naħonwicaye kta he.
- 3 Tona wokonze opapi kin hena cante waštepi ;
Tuwe ohinniyan woowotanna econ kin.
- 4 Jehowa, nitaoyate cantewicayakiye cin iyecen miksuya ye ;

PSALM 106.

- Nitowiconi kin hiyumakiya wo.
- 5 Tona yakahniga wowašte yuhapi kin wanmdake kta ;
Nitaoyate wiyuŝkinpi kin on imduŝkin kta ;
Woaihpeye nitawa kin en wowitan miçiye kta.
- 6 Hunkakewicunyanpi om waunhitanipi ;
Pemniyan unkoňhanyanpi, ŝicaya econkupi.
- 7 Egupta en niohan wakan kin
Hunkakewicunyanpi okañnigapi ŝni ;
Nitowaonŝida untkana kin kiksuyapi ŝni ;
Tuka wawakipajinpi, mde kin ekta, Mde Ŝa kin en.
- 8 Heca eŝta iye caje kin on niwicakiya ;
Towaŝake sđonyewicakiye kta e heon.
- 9 Nakun Mde Ŝa kin kiŝica, unkan pus aya ;
Hecen oŝbe kin ehna iyaye wicaya, ĥopuza iyececa.
- 10 Qa waŝicedake nape kin etanhan ewicayaku ;
Qa toka nape kin etanhan opewicakiton.
- 11 Unkan tokawicayapi kin mini awicakaĥpa ;
Etanhan wanjidan eŝta okaptapi ŝni.
- 12 Hehan oie kin wicadapi ;
Iye yatanpi kin ahiyayapi.
- 13 Koyahanna iye ohan kin akiktonjapi ;
Iye tawowahokonkiye kin akipepi ŝni.
- 14 Tuka ĥewotahedan wocantiheye wan cantiheyapi ;
Qa ĥopuza en Wakantanka iyutanpi.
- 15 Unkan taku kidapi qon he awicayupta ;
Tuka wicotamaheca nagipi en ye ŝi.
- 16 Nakun otiwita en Moses inakiwizipi ;
Qa Aaron, Jehowa yuwakan kin he.
- 17 Hehan maka kin ihduĥdoka, qa Dathan napca ;
Qa Abiram tona om un ko awicakaĥpa.
- 18 Unkan oŝpaye kin hena peta wicahuĥnaga ;
Ide wan ŝicapi kin hena ĥuĥnahiwicaya.
- 19 Horeb en ptejicadan wan kagapi ;
Qa taku ŝđoya kagapi kin itokam patujapi.
- 20 Hecen iye towitanpi kin hdutokecapi,
Tatanka wato yute cin ouncage iyececa.
- 21 Wakantanka niwicaye ciqon he akiktonjapi ;
Egupta en wicoňan tanka econ qon :
- 22 Wowapetokeca Ham makoce kin en ;
Mde Ŝa ekta taku wowinihan.
- 23 Hehan ihangwicaye kta, keya ;
Moses iye kaĥnige ciqon he itokam,
Otahedan najin ŝni unkanŝ ;
Tocanniye yutokan iyeye kta, on waihangye kte ŝni.
- 24 Qa makoce wiciyokipi kin he aktapi ŝni ;
Iye oie kin wicadapi ŝni :
- 25 Tuka tawakeyapi ohna wihnupi ;
Jehowa ho kin he anagoptanpi ŝni.
- 26 Hehan hena on nape hdugata ;

- Tintoskan ihpaye wicakiye kta :
- 27 Qa cincapi oyatepi wicehna hinhpaye wicaye kta ;
Qa makoce tokeca ekta iyewicaye kta.
- 28 Unkan Baal Peor en ikoyagiçiyapi ;
Qa tapi taku wakiyuşnapi kin yutapi.
- 29 Hecen taku şica econpi kin on iyokişinyapi :
Unkan makoşica iyowicalhpaya.
- 30 Hehan Phinehas inajin qa wayaco :
Unkan makoşica kin anaptapi.
- 31 Unkan he woowotanna kiciyawapi ;
Wicoicage qa wicoicage ekta owihanke wanica .
- 32 Nakun Woakinica mini kin ekta şihdayapi :
Hecen iyepi on Moses taku şica akipa :
- 33 Iye taniya kin kipajinpi :
Unkan iha on ecinşniyan ia.
- 34 Oyatepi kin ihangwicayapi şni ;
Jehowa kewicakiye ciqon iyececa.
- 35 Tuka oyatepi kin om icicahiyapi,
Qa wicohan tawapi onspeiçiciyapi :
- 36 Qa wakagapi tawapi ohodapi ;
Unkan hena e wohmunke yapi kin ee.
- 37 Han, cinhintkupi qa cunwintkupi kin,
Taku wakan şica wawicakiyuşnapi.
- 38 Hecen wicawe taku iyaonpepicaşni papsonpi,
Cinhintkupi qa cunwintkupi we kin,
He Kanaan wakagapi kin wawicakiyuşnapi ;
Hecen makoce kin wicawe on yuşapapi.
- 39 Nakun iye oħanpi kin on ihduşicapi ;
Qa şicaya econpi kin on wawicihalhapi içicagapi.
- 40 Unkan Jehowa iye taoyate canniyewicaya ;
Qa woailhpeye tawa kin waħtekida şni.
- 41 Hehan Ikcewicaşta napepi kin en wicaqu .
Unkan tona şicewicadapi kin hena wowidake wicayapi :
- 42 Qa tokawicayapi kin şicaya wicakuwapi :
Hecen napepi kin ihukuya patujapi.
- 43 Iye ijehan wicakiyukca ;
Tuka wakiconzapi on kipajinpi ;
Hecen waħtanipi kin on atakunipi şni.
- 44 Tuka iyokişicapi kin he wanyaka,
Şicahowayapi nahon qehan.
- 45 Qa iyepi on wicotakuye tawa kin he kiksuya ;
Qa towaonşida untkanna on tawacin hdutokeca.
- 46 Qa wayaka wicayuhapi owasin itokam,
Hena onşiwicadapi kta wicaqu.
- 47 Jehowa Wakantanka unkitawapi, niunkiya po ;
Qa Ikcewicaşta etanhan ake unhduwitaya po :
Nicaje wakan kin unyatanpi kta ;
Nitowitan kin en unkihdatanpi kta.
- 48 Jehowa Israel ta Wakantanka kin yawaştepi nunwe ;

P S A L M 107.

Otokahe wanintanhan qa owihanke wanica.
Unkan wicašta owasin, Amen, eyapi.
Jah yatan miye.

PSALM 107.

- 1 Jehowa wopida eciya po, iye wašte kin heon ;
Towaonšida kin he owihanke wanica :
- 2 Tona Jehowa opewicakiton kin hena eyapi kta ;
Tona toka nape kin etanhan opewicakiton kin.
- 3 Qa makoce tokeca etanhan wicahduwitaya ;
Wiyohyanpa tanhan qa wiyohpeya tanhan,
Waziyatanhan qa miniwanca etanhan.
- 4 Makoskan onunipi, hewoskan canku ohna ;
Otonwe en ounyanpi kte cin iyeyapi šni.
- 5 Wotektehđapi, nakun ipuzapi ;
Tanmahen tanhan nagipi hanyanpi.
- 6 Hehan iyokišicapi en Jehowa hoyekiyapi :
Unkan wicokakije etanhan ewicayaku ;
- 7 Qa canku owotanna ohna cankuye wicaya ;
Otonwe en ounyanpi kta he ekta yapi kta.
- 8 Jehowa wopida eciyapi kte,
Iye towaonšida kin on,
Qa wowapetokeca Adam cinca ecawicakicon kin hena on.
- 9 Wicanagi cantokpani kin he imnaya ece ;
Qa nagi wotektehđa kin he taku wašte on ojuya.
- 10 Tona otpaza qa wiconšte ohanzi en iyotankapi ;
Wokakije mazasapa ko on wicakaškapi :
- 11 Hena Iyotan Wašaka oie kin kipajinpi ;
Qa Iyotan Wankan tawowahokonkiye kin aktapi šni :
- 12 Hecen wicohtani on cante onšika wicakaga :
Hicahanpi qa waokiye wanica.
- 13 Hehan iyokišicapi en Jehowa hoyekiyapi :
Unkan wicokakije etanhan ewicayaku :
- 14 Otpaza qa wiconšte ohanzi etanhan iwicacu ;
Qa on wicakaškapi kin hena yuksa.
- 15 Jehowa wopida eciyapi kta, towaonšida kin on ;
Qa wowapetokeca Adam cinca ecawicakicon kin hena on :
- 16 Mazaša tiyopa kin kaptuptuja heon ;
Qa mazasapa inatake kin kaksaksa.
- 17 Witkotkopi kin, wahtanipi canku kin on,
Qa taku šica econpi kin on, kakišiciyapi.
- 18 Iye nagipi woyute owasin hitihđapi ;
Qa wiconšte tiyopa kin ikikedan yapi.
- 19 Hehan iyokišicapi en Jehowa hoyekiyapi :
Unkan wicokakije etanhan ewicayaku :
- 20 Iye oie kin ukiye ça asniwicaya ;
Qa wicotakunišni etanhan hđinanpe wicaya.
- 21 Jehowa wopida eciyapi kte, towaonšida kin on,

P S A L M 108.

- Qa wowapetokeca Adam cinca ecawicakicon kin hena on :
- 22 Qa wopida wośnapi wayuśnapi kte ;
Qa dowanpi on iye oħan kin oyakapi kte.
- 23 Tona miniwanca ekta wita wata ohna yapi,
Qa mini ota kin ohna wicoħan econpi kin ;
- 24 Hena Jehowa oħan kin wanyakapi ;
Qa ośbe kin en wowapetokeca econ kin.
- 25 Hehan ecen eya, unkan tate wohitika wan uye ;
Qa taja kin wankan icu.
- 26 Maħpiya ekta wankan yapi ;
Kuya wośbe kin ekta ipi ;
Śicaya unpi kin on nagipi nihinciyapi.
- 27 Itohomnipi qa kacegya manipi, witkopi iyececa ;
Qa wacinksapapi qon iyulħa taninśni iyaya.
- 28 Hehan iyokiśicapi en Jehowa hoyekiyapi ;
Unkan wokakije etanhan hinanpe wicaya.
- 29 Tate wohitika qon he amdakedan kaga :
Unkan taja tawapi kin inina hiyeya.
- 30 Hehan owanji yukanpi on pidapi :
Hecen oihunni cinpi qon en awicahi.
- 31 Jehowa wopida eciyapi kte, towaonśida kin on ;
Qa wowapetokeca Adam cinca ecawicakicon kin hena on.
- 32 Nakun oyate mniciyapi kin en yatankapi kte ;
Qa hunkayapi omniciye kin en idowanpi kte.
- 33 Wakpadan kin hena tintoskan ee kiya ;
Qa mħnihdoka kin ħopuza kaga :
- 34 Waskuyeca makoce wan miniskuya icu kiya ;
Tona en ounyanpi śicaya econpi kin he on.
- 35 Tintoskan kin he miniyowe kiya ;
Qa ħopuza kin he minihdoka eepi kaga :
- 36 Qa hen wotektehdapi kin ewicahnaka ;
Unkan otonwe en ounyanpi kte cin he kagapi :
- 37 Qa maga ojupi, qa hastanyanka iyuwi huhdepi ;
Qa woicage waskuyeca icahyapi.
- 38 Nakun wicayawaśte, hecen nina ihduotapi ;
Qa tawanuyanpi kin wicayutonna śni.
- 39 Hena wanistinna ayapi qa patuś unpi tuka qon ;
Wokakije, wowayazan qa woiyokiśice kin on.
- 40 Wicaśtayatapi wowahħteda śni wicakaga ;
Qa canku codan makoskan onuniwicaya.
- 41 Tuka waħpanicapi kin wokakije etanhan ewicayaku ;
Qa optaye iyececa wicowazi wicakaga.
- 42 Wicaśta ecetupi wanyakapi qa iyuśkinpi kta ;
Qa woahħtani owasin iohmus icu kta.
- 43 Tona wacinksapapi qa dena awacinpi kinhan,
Hena Jehowa towaonśida kin iyukecanpi kta.

P S A L M 109.

PSALM 108.

Psalm odowan. David tawa.

- 1 Wakantanka, micante wiyeya un ;
Wadowan qa mdatan kta, mitowitan kin he on.
- 2 Cotanka candowankiyapi ko kikta miye ;
Miye qe anpao kin mduhice kta.
- 3 Jehowa, oyatepi ehna ciyatan kta ;
Oyate kin en ciyaonihan kta.
- 4 Mahpiya iwankapatanhan nitowaonsida kin tanka ;
Qa nitowicake kin mahpiya šapa iyahde.
- 5 Wakantanka, mahpiya isanpa niyawankantuyapi nunwe ;
Qa maka kin ocowasin iwankam nitowitan.
- 6 Waštwicayadake cin hena ewicayakupi kta,
Heon ninape etapa on niunkiyapi qa unkayupta po.
- 7 Wakantanka iye towitan en wohdaka ;
Wimduškin kta ; Šekem wapamni kta ;
Sukoth kaksiza kin imdute kta ce.
- 8 Gilead he mitawa, Manassa mitawa ;
Ephraim nakun mapa wowašake kin ;
Juda wope kaga mitawa kin hee :
- 9 Moab woyujaja koka mitawa kin hee ;
Edom akan mitahanpe ehpewaye kta ;
Philistia on wimduškin kta.
- 10 Tuwe otonwe aconkaškapi kin en amaye kta he ;
Tuwe Edom en amai kta he.
- 11 Wakantanka ehpeunyanpi qon hee kte šni he ;
Qa Wakantanka ozuye unkitawapi om ye šni qon.
- 12 Toka kin etanhan ounkiya miye :
Wicašta akantu waehdakupi kin he taku šni.
- 13 Wakantanka eciyatanhan wowašake unkiagapi kta ;
Qa iye tokaunyanpi kin nawicapce kta.

PSALM 109.

Dowan itancan kin kicagapi. Dawid tadowan.

- 1 Wakantanka mdatan ece kin,
Inina yanke šni ye.
- 2 Wicai šica qa wicai wahnayan amahdukawapi ;
Wicaceji itonšni on amaiapi.
- 3 Nakun šicedakapi wicoie on aohdutemayanpi ;
Qa taku on etanhan šni makizapi.
- 4 Wacanwakiye cin on toka mayanpi ;
Tuka miye qe wocekiye en waun.
- 5 Wašte on taku šica iyamaonpapi ;
Qa wošicedake, wocantekiye kin on.
- 6 Wicašta šica wan iye awanyagkiya wo ;
Qa etapa eciyatanhan Satan inajin nunwe.

P S A L M 109.

- 7 Tohan yacopi kinhan síca yawapi kte ;
Qa tawocekiye kin he woalitani kte.
- 8 Anpetu tawa kin tonnana kte ;
Qa toawanyake kin tuwe tokeca icu kte.
- 9 Cinca kin wamdenicapi kta ;
Qa tawicu kin wiwazice kta.
- 10 Qa cinca kin onuniyan unpi qa wo dapi nunwe ;
Qa tihuha kin ehna waakitapi kte.
- 11 Taku tawa kin owasin icazokiye cin he iyahpaye kte ;
Qa tohitani kin oyate tokeca kipi kte.
- 12 Tuwedan katinyan onsíkidida kte sni ;
Qa wamdenica tawa kin tuwedan cantewicakiye kte sni.
- 13 Tona etanhan icage cin hena awihnunipi kte ;
Wicoicage iyokihe en cajepi pajujupi nunwe.
- 14 Iye atewicaye walitanipi kin Jehowa kiksuye kte ;
Qa hunku taku síca econ kin he kajujupi sni nunwe.
- 15 Hena ohinniyan Jehowa itokam wanke kte ;
Hecen kiksuyapi kin maka kin etanhan icu kte.
- 16 Iye wowaonsida econ kta kiksuye sni heon ;
Nakun wicašta onsíka qa walipanica kin sícaya kuwa ;
Qa wanji cante kasujapi kin kte kta tuka.
- 17 Tuka wayašicapi kin he waštedaka, hecen akipa ;
Qa wayawaštepi kin he waštedake sni, hecen he itehan iyeyapi.
- 18 Unkan wokoyake iyecen wayašicapi kohdaka ;
Hecen mini iyecen tan mahen hiyu ;
Qa wihdi iyecen huhu kin en hiyohi.
- 19 Wokoyake un kin he iyecen kohdake kta ;
Qa ipiyaka iyececa ohinniyan ipiyagkiton kte.
- 20 Tona tokamayanpi Jehowa etanhan wokajuju tawapi kin dee ;
Qa tona minagi taku síca eciyapi kin hena.
- 21 Tuka niye, Jehowa, Itancan,
Nicaje eciyatanhan ecamicon wo ;
Nitowaonsida wašte, heon makiyuška wo.
- 22 Miye makakije ça onmašika ;
Qa mahentanhan cante mapahdokapi.
- 23 Ohanzi wan takinyan ye cin iyecen mataninšni.
Qa psipsicadan iyecen kalam iyemayanpi.
- 24 Akilianpi on hupahu wamašake sni ;
Qa šin manica on micelipi son aya.
- 25 Nakun miye wowihahamayanpi ;
Wanmayakapi, pomnammakiyapi.
- 26 Jehowa, Wakantanka mitawa, omakiya wo ;
Nitowaonsida eciyatanhan nimayan wo.
- 27 Unkan ninape kin he dee sdonyapi kta ;
Jehowa niye hecanon kin.
- 28 Hena wayašicapi kta, tuka niye wadawašte kta :
Hena najinpi qa ístecapi kta ;
Tuka nitaokiye iyuškin kta.
- 29 Tona tokamayanpi wonihinciye koyakapi kta ;

PSALM 111.

- Qa wowištece kin he šina iyecen inpi kta.
30 Mii on Jehowa nina wopida ewakiye kta ;
Qa wicota ehna, mdatan kta.
31 Iye wicašta onšike cin etapa eciyatanhan najin kta ;
Tona nagi yacopi kin etanhan eyaku kta.

PSALM 110.

Dawid tadowan.

- 1 Jehowa Itancan mitawa kin heciya ;
Mietapa ekta iyotanka wo,
Tona tokaniyanpi siha oahde nitawa wakage kta hehanyan.
2 Nitowašake icapsinte kin Jehowa Zion etanhan hiyuye kta :
Tokaniyanpi kin cokaya wicaštayatapi yanka wo.
3 Nitowašake anpetu kin en, nitaoyate waihdušnapi ;
Wowakan wiciyokipi kin on ;
Anpao tamni kin etanhan,
Koniška cu kin he yahduha.
4 Jehowa wakonza, qa tawacin hdutokeca kte šni ;
Niye wawayušna owihanke wanica henica kta,
Melkizedek touncage kin eciyatanhan.
5 Itancan kin nietapa ekta yanke cin,
Iye tocanniye anpetu kin en,
Wicaštayatapi katpa iyewicaya.
6 Ikcewicašta ehna wayaco kta ;
Wicašta tapi on ojuya ;
Maka ohdakinyan hehanyan pa wicakaliuge.
7 Canku ohna minihdoka kin etanhan yatke kta :
Heon etanhan pa yuwankan icu kta.

PSALM 111.

- 1 Jah yatan miye.
Micante ocowasin on Jehowa mdatan kta ,
Wicašta ecetu takodakiciyapi qa omniciye kin en.
2 Jehowa ohan kin hena tankinyanyan ;
Tona iyokipipi owasin hena akitapi ece.
3 Iye ohan kin woyuonihan qa wotanka ;
Qa toowotanna kin owihanke wanica.
4 Iye ohan wakan kin wokiksuye kicaga :
Jehowa waonšida qa wacantkiya.
5 Tona kokipapi kin woyute wicaqu ;
Wicotakuye tawa kin ohinniyan kiksuye kta.
6 Iye tohtani wowašake kin taoyate owicakiyaka ;
Ikcewicašta tamakoce kin wicaqu kta.
7 Iye nape taku econ kin hena wowicake qa wokonze :
Tawowahokonkiye kin owasin wicakapi :
8 Owihanke wanica hehanyan yusutapi ;
Wowicake qa woowotanna on econpi.

P S A L M 113.

- 9 Iye taoyate woehdaku wicaqu ;
Wicotakuye tawa kin owihankešniyan hdušuta :
Iye caje kin wakan qa wokokipe.
- 10 Woksape otokahe Jehowa kokipapi kin hee ;
Tona heconpi kin hena owasin wayupikapi :
Iye yatanpi kin he owihanke wanice kta.

PSALM 112.

- 1 Jah yatan miye.
Wicašta Jehowa kokipe cin he cante wašte ;
Tawoahope kin on iyuškin hinca.
- 2 Iye cinca maka akan wašakapi kta ;
Tona ecetupi wicoicage kin he yawaštepi kta.
- 3 Woyuha qa wowijice iye ti kin ohna ;
Qa toowotanna kin owihanke wanice kta.
- 4 Otpaza en wicašta ecetu iyoyanpa awicahinanpa ;
Waonšida qa wacantkiya qa owotanna.
- 5 Wicašta wacantkiye ça wawicaqu kin he wašte ;
He wokonze on tohan kin hduštan kta.
- 6 Awicakehan ohinniyan yuhohopi kte šni :
Wicašta owotanna kin owihankešniyan kiksuyapi kta.
- 7 Taku šica nahonpi kin on kopehda kte šni ;
Cante yusutapi, Jehowa wacinyan un.
- 8 Iye cante kin yusutapi, wakokipe kte šni ;
Tokawicaya awicatonwe kte cin hehanyan.
- 9 Ituwicakihan, walpanicapi taku wicaqu ;
Toowotanna kin owihanke wanice kta :
Iye he kin wowitan on wankan un kta.
- 10 Wicašta šice cin he wanyake ça šinhda kta ;
Hi hdakinskinze ça skan kta :
Wicašta šica taku cin kin he awihunni kta.

PSALM 113.

- 1 Jah yatan miye.
Yatan po, Jehowa taokiye kin ;
Jehowa caje kin he yatan miye.
- 2 Jehowa caje kin yawaštepi nunwe ;
Detanhan qa owihanke wanica.
- 3 Wi hinanpe cin hetanhan, iyaye cin hehanyan,
Jehowa caje kin yatanpi nunwe.
- 4 Jehowa tehan wankan un, oyate owasin iwankam ;
Iye towitan mahpiya kin iwankam.
- 5 Jehowa Wakantanka unkitawapi,
Tehanwankantu kiyotanke cin he tuwe iyececa he :
- 6 Temahentuya etonwe cin hee ;
Mahpiya en qa maka kin en.
- 7 Walpanica kin watušekšeca etanhan eyaku ;

PSALM 115.

- Onsíke cin tacesdi paha kin etanhan yuwankan eyaku kta ;
8 Wicašta itancanpi kin om iyotanke kiye kta ;
Iye taoyate itancanpi kin om.
9 Winohinca cinca ton šni ti kin
He iyuškinyan cinca hduha iyotanke kiya. .
Jah yatan miye.

PSALM 114.

- 1 Israel Egupta etanhan hinanpe çehan ;
Jakob ti kin oyate wan ša iapi kin hetanhan ;
2 Juda he tipi wakan tawa kin icaga ;
Tokiconze kin Israel hee.
3 Mini tanka kin he wanyake ça najica ;
Jordan he nakun namni :
4 Paha kin hena tamdoka iyecen ipsicapi ;
Qa pajodan kin tacinca kin iyececapí.
5 Mini tanka, tonikeca on nayajica he ;
Jordan, tokeca nayamni he.
6 Paha kin, tokeca tamdoka iyecen iyapsicapi he ;
Pajodan, tokeca tacinea iyenicecapi he.
7 Maka kin, Itancan kin itokam, cancan wo ;
Jakob ta Wakantanka kin itokam.
8 He imnija kin minihdoka kaga ;
Wanhi inyan kin he miniyowe ee kiya.

PSALM 115.

- 1 Unkiyepi šni, Jehowa, unkiyepi šni ;
Tuka nicaje wowitan qu wo ;
Nitowaonsída on, nitowicake kin on.
2 Tokeca Ikcewicašta heyapi kta ;
Wanna Taku Wakan tawapi tokiya un he.
3 Tuka Wakantanka unkitawapi mahpiya ekta yanka ;
Token iyokipi kin owasin econ ece.
4 Wakagapi tawapi kin hena mazaska qa mazaskazi ;
Wicašta nape taku kage cin hena.
5 Hena i yukanpi, tuka iapi šni ;
Išta yukanpi, tuka wawanyakapi šni :
6 Noge yukanpi, tuka winahonpi šni ;
Poge yukanpi, tuka taku omnanpi šni :
7 Nape yukanpi, tuka wiyuzapi šni ;
Siha yukanpi, tuka manipi šni ;
Nakun dote eciyatanhan ho enapeyapi šni.
8 Tona kagapi kin hena is iyececapi kta ;
Tona hena wacinyanpi kin owasin.
9 Israel, niye Jehowa wacinyan wo ;
Owicakiye ça wahacanka tawapi kin he iye.
10 Aaron ti kin, Jehowa wacinyan wo ;

PSALM 116.

- Owicakiye ça wahacanka tawapi kin he iye.
 11 Jehowa koyakipapi kin, Jehowa wacinyan po ;
 Owicakiye ça wahacanka tawapi kin he iye.
 12 Jehowa unkiye unkiksuyapi ; wayawašte kta ;
 Israel ti kin wicayawašte kta ;
 Aaron ti kin wicayawašte kta.
 13 Tona Jehowa kokipapi kin hena wicayawašte kta ;
 Cistinpidan tankinkinyanpi om.
 14 Jehowa niyuotapi nunwe ;
 Niyepi qa nakun nicincapi kin.
 15 Jehowa eciyatanhan niyawaštepi ;
 Mahpiya qa maka kage cin hee.
 16 Mahpiya mahpiya kin he Jehowa tawa ;
 Tuka maka kin Adam cinca wicaqu.
 17 Tona tapi kin hena Jah yatanpi šni ;
 Tona woinina ekta yapi kin owasin nakun.
 18 Tuka unkiye Jah unyawaštepi kta ;
 Detanhan qa owihanke wanica.
 Jah yatan miye.

PSALM 116.

- 1 Jehowa waštewadaka,
 Miho qa mita wocekiye nahon kin heon.
 2 Iye anohmakiye cin heon,
 Mitaanpetu kin en, hoyewakiye kta.
 3 Wiconțe icaške kin aohdudemayan ;
 Qa Hades wowayazan kin mayuze ;
 Wokakije woiyokišica ko iyewaye.
 4 Hehan Jehowa caje kin hoyewakiye kta :
 Jehowa, ceciciya ce, minagi ehdaku wo.
 5 Jehowa wacantkiye ça owotanna ;
 Qa Wakantanka unkitawapi kin he waonšida.
 6 Jehowa ksapapi šni kin hena awanwicayaka :
 Miye kun ehpemayanpi, unkan nimayan.
 7 Minagi, woozi nitawa ekta hdicu wo ;
 Jehowa tanyan ecanicon kin heon etanhan.
 8 Niye wiconțe etanhan minagi edaku ;
 Miišta kin ceyapi etanhan,
 Misiha hicanhanpi etanhan edaku.
 9 Jehowa itokam mawani kta,
 Wiconi makoce kin en.
 10 Wicawada, heon iwaa :
 Nina makakija qon.
 11 Nihinmiciye cin en hepa ;
 Wicašta owasin itonpi šni ce.
 12 Jehowa taku ota maqu kin,
 Taku on wecicajuju kta he.
 13 Wiconi miniyatke kin iwacu kta,

PSALM 118.

- Qa Jehowa caje kin hoyewakiye kta.
 14 Jehowa taku iwahowaye cin wecicajuju kta,
 Iho, iye taoyate owasin wicitokam.
 15 Tona wacantkiye tawa kin hena tapi kin
 He Jehowa ista kin en tehika.
 16 Tokin, Jehowa, nitaokiye miyen ;
 Nitaokiye, nitaokiyewin cinhintku kin miyen :
 Makaškapi kin mayakidukca.
 17 Wopida wošna wan waciciyušna kta ;
 Qa Jehowa caje kin hoyewakiye kta :
 18 Jehowa taku iwahowaye cin wecicajuju kta,
 Iye taoyate owasin wicitokam :
 19 Jehowa ti hocoka kin en ;
 Jerusalem, niye cokaya.
 Jah yatan miye.

PSALM 117.

- 1 Oyate owasin, Jehowa yatan miye ;
 Wicašta hiyeye cin owasin, he idowan po.
 2 Towaonsida kin unkiyepi en tanka linca ;
 Qa Jehowa towicake kin he owihanke wanica.
 Jah yatan miye.

PSALM 118.

- 1 Jehowa wopida eciya po, iye wašte heon ;
 Towaonsida kin he owihanke wanica.
 2 Tokin Israel heyapin ;
 Iye towaonsida kin he owihanke wanica.
 3 Tokin Aaron ti kin heyapin ;
 Iye towaonsida kin he owihanke wanica.
 4 Tokin tona Jehowa kokipapi kin heyapin ;
 Iye towaonsida kin he owihanke wanica ce.
 5 Wokaške etanhan Jah hoyewakiya ;
 Owanka tanka en Jah amayupta.
 6 Jehowa mici un ; wakowakipe kte šni ;
 Wicašta akantu taku ecamicon okihi he.
 7 Jehowa mici un, tona omakiyapi kin ehna ;
 Hecen tona šicemadapi kin awicawatonwe kta.
 8 Jehowa wacinyanpi kin he wašte,
 Wicašta wacinwicayapi kin isanpa.
 9 Jehowa wacinyanpi kin he wašte ;
 Wicaštayatapi wacinwicayapi kin isanpa.
 10 Ikcewicašta owasin aohdudemayanpi ;
 Tuka Jehowa caje kin on bawicawašpe kta.
 11 Aohdudemayanpi, han, aohdudemayanpi ;
 Tuka Jehowa caje kin on bawicawašpe kta.
 12 Tuhmaga iyececa aohdudemayanpi ;

PSALM 119.

- Wapepeka ide kin iyececa bowicasnipi ;
Tuka Jehowa caje kin on bawicawaŝpe kta.
- 13 Wacayape, mahinhpaye kta on camayapa ;
Tuka Jehowa omakiya.
- 14 Mitowaŝake qa mitadowan kin Jah hee ;
Nakun he wanikiya mitawa.
- 15 Wiconi qa wowiyuŝkin ho kin he
Wicaŝta owotanna tawakeya kin ohna :
Jehowa nape etapa kin he wowaŝake kaga.
- 16 Jehowa nape etapa hduwankan icu ;
Jehowa nape etapa kin he wowaŝake kaga.
- 17 Maŝe kte ŝni, tuka wani kta ;
Qa Jah ohan kin omdake kta.
- 18 Awicakehan Jah nina iyopemayan ;
Tuka wiconŝe ekta yemaye ŝni.
- 19 Woowotanna tiyopa kin makiyulhdoka ye ;
Hena ohna hibu kta, Jah wopida ewakiye kta.
- 20 Jehowa tatiyopa kin he dee ;
Ohna wicaŝta owotanna tin hiyupi kta.
- 21 Amayadupta, heon wopida eciciye kta ;
Qa wiconi mitawa kin he niye.
- 22 Inyan wan ticagapi aktapi ŝni qon
He oise pa kin icaga ce :
- 23 He Jehowa eciyatanhan,
Qa unkiŝtapi kin en taku wowinihan.
- 24 Jehowa anpetu kage cin he dee ;
En unkiyuŝkinpi qa piundapi kta.
- 25 Ceunniciyapi, Jehowa, dehan niunkiya po ;
Ceunniciyapi, Jehowa, dehan wapi unyan po.
- 26 Tuwe Jehowa caje on u kin he yawaŝtepi :
Jehowa ti kin etanhan unniyawawaŝtepi.
- 27 Jehowa Iyotan Waŝaka qa iyoyanpa unqupi :
Woŝnapi kin he haŝonta on kaŝka po,
Owayuŝna he kin en.
- 28 Iyotan Waŝaka mitawa kin he niye,
Heon ciyatan kta ;
Wakantanka mitawa, icidowan kta.
- 29 Jehowa wopida eciya po ;
Iye waŝte kin heon etanhan ;
Towaonŝida kin he owihanke wanica.

PSALM 119.

ALEPH.

- 1 Canku ohna ecetupi kin hena cante waŝtepi ;
Tona Jehowa toope omanipi kin hena.
- 2 Tawoyaotanin opapi kin hena cante waŝtepi ;
Tona cante ocowasin on akitapi kin hena :
- 3 Nakun taku ŝica econpi ŝni ;

PSALM 119.

Tuka iye tacanku kin ohna manipi.

- 4 Woonspe nitawa yakonza ;
Awicakehan ounpapi kta e heon.
5 Tokin mitacanku yusutapin,
Wokage nitawa owape kta heon.
6 Hehan imaštece kte šni,
Nitawoahope owasin en ewatonwe cinhan.
7 Cante ecetu kin on wopida eciciye kta ;
Woyaco owotanna nitawa onmaspe kinhan.
8 Wokage nitawa owape kta ;
Tokin ocowasin elipemayaye šnin.

BETH.

- 9 Koška wan taku on tacanku kpakinte kta,
Hecen nioie eciyatanhan hduhe kta he.
10 Micante ocowasin on acicita ;
Nitawoahope etanhan wanuni šni nunwe.
11 Taku ehe cin he cante mahen nawahman ;
Hecen wacicihtani kte šni.
12 Jehowa, niye niyawaštepi nunwe ;
Nitoope kin onspemakiya ye.
13 Nii wayaco kin owasin,
Hena miiha on omdaka.
14 Nitawoyaotanin canku kin ohna imduškin ;
Wowijice owasin on iyececa.
15 Wowahokonkiye nitawa awacin waun kta ;
Qa nitacanku ekta ewatonwe kta.
16 Wokage nitawa en iyuškin mičiye kta ;
Nioie kin awektonje kte šni.

GIMEL.

- 17 Nitaokiyeye miye wani kta maqu wo ;
Kinhan nioie awanmdake kta.
18 Išta mayukawa wo, kinhan ewatonwe kta ;
Nitoope eciyatanhan wicohan wakan.
19 Maka akan unhdaka waun ;
Nitawoahope kin anamakihbe šni wo.
20 Ohinniyan minagi nitawoyaco
Cantokpani on kašušujapi.
21 Wahanhanicidapi kin hena iyopewicayaya,
Wicayašicapi kin ;
Hena nitawoahope etanhan nunipi.
22 Waaiapi qa šicedakapi kin yutokan iyemiciciya wo ;
Nitawoyaotanin awacanmi kin heon.
23 Wicašta itancanpi nakun iyotankapi qa amaiapi :
Tuka nitaokiyeye wokage nitawa awacin yanka.
24 Nakun woayaotanin nitawa wowiyuškin waye ;
Wicašta waonspemakiye cin hena ee.

DALETH.

- 25 Minagi maka mdu en askamičiya :

P S A L M 119.

Nioie eciyatanhan nimayan wo.

26 Mitacanku kin owahdaka ;

Unkan amayadupta ;

Wokage nitawa onspemakiya wo.

27 Nitawoonspe ocanku kin okahnihimayan ye ,

Kinhan niohan wakan kin awacanmi kta.

28 Woiyokišica on minagi ceya un ;

Nioie eciyatanhan najin makiya wo.

29 Woitonšni canku kin yutokan iyemiciciya wo ;

Qa nitoope kin he ionšimakida ye.

30 Wowicake canku kin he wakaniniga ;

Nitawoyaco kin hena mitokam ewahnaka.

31 Nitawoyaotanin sutaya mduza ;

Jehowa, ištenmaye šni wo.

32 Nitawoahope canku kin ohna waimnanke kta ;

Cante mayakidutanka kta, heon etanhan.

HE.

33 Jehowa, wokage nitawa canku ohna amayan wo ;

Kinhan, owihanke hehanyan owape kta.

34 Okahnihimayan wo, kinhan nitoope awacanmi kta ;

Qa cante ocowasin on owape kta.

35 Nitawoahope canku ohna mani mayan wo ;

He en winduškin ece.

36 Nitawoyaotanin ekta cante yemayan ye ;

Qa wowijice ekta šni.

37 Takušni wanyakapi etanhan išta mayuhomni wo :

Nitacanku ohna nimakiya wo.

38 Nitaokiye nioie kin kiciyusuta wo ;

He on konicipapi kta.

39 Wowištece mitawa kowakipe cin he miciyutokan wo ;

Woyaco nitawa kin wašte, heon etanhan.

40 Iho, nitawoonspe kin cantowakpani hinca ;

Nitoowotanna kin en nimayan wo.

VAU.

41 Nakun, Jehowa, nitocantekiye en mau nunwe ;

Nitowiconi, nioie kin eciyatanhan.

42 Hecen tuwe taku iyamaonpe cin amdupte kta ;

Nioie wacinwaye cin heon etanhan.

43 Nakun mii etanhan wowicake oie kin

Ocowasin ehdaku šni wo ;

Woyaco nitawa ape waun kin heon.

44 Hecen nitoope kin ohinniyan ahowape kta ;

Owihanke wanica, qa owihanke wanica.

45 Unkan makoce tanka wan omawani kta ;

Nitawowahokonkiye awakite cin heon.

46 Nakun wicaštayatapi wicitokam

Nitawoyaotanin caje mdate kta ;

Qa imaštece kte šni.

47 Nakun nitawoahope en iyuškin mičiye kta ;

PSALM 119.

Hena waštewadake hinca.

- 48 Nitawoahope waštewadake cin hena on,
Nape wankan yewaye kta ;
Qa wokage nitawa awacin manke kta.

ZAIN.

- 49 Nioie kin nitaokiye kiciksuya wo ;
Wacinye mayakiye cin heon.
50 Makakija en wacintonhnagmaye cin he dee ;
Qa nioie kin he kinimakiya.
51 Wahaniçidapi kin hena nina imahañapi ;
Tuka nitoope amduŝtan ŝni.
52 Jehowa, nitawoyaco wanakaja kin hena weksuya ;
Qa cante wašte miçicaga.
53 Wicaŝta ŝicapi on nina ŝinwahda ;
Nitoope elipeyapi kin heon.
54 Wokage nitawa odowan mitawa kin hee ;
Ounhdaka tipi mitawa ohna.
55 Jehowa, hanyetu icunhan nicaje weksuya ;
Qa nitoope ahowapa ece.
56 Nitawoonspe owape cin he on,
De mduha ece qon.

CETH.

- 57 Jehowa, taku mitawa kin he niye ;
Nioie kin mduhe kta, kepa.
58 Nitocantekiye micante ocowasin on awakita ;
Nioie eciyatanhan onŝimakida wo.
59 Mitacanku kin awakicanmi ;
Qa nitawoyaotanin ekta misiha hdicu wakiya.
60 Woonspe nitawa mduhe kta e,
Heon inawahni qa mdutehan ŝni.
61 Wicaŝta ŝica ikan tawapi mihdukŝan hiyeya ;
Tuka nitoope awektonje ŝni.
62 Ciyatan kta hanyecokaya imdotanke kta,
Nitoowotanna woyaco kin hena on.
63 Tona konicipapi kin owasin kodawicawaya ;
Qa tona nitawoonspe opapi kin hena.
64 Jehowa, nitowaonŝida on maka kin ojudan ;
Wokage nitawa kin onspemakiya wo.

TETH.

- 65 Jehowa, nitaokiye taku wašte ecayecon,
Nioie kin eciyatanhan.
66 Wiyukcanpi wašte qa wookahnige onspemakiya wo ;
Nitawoahope wicawada kin heon.
67 Makakije ŝni he ehan wanuni ;
Tuka nakaha iyae cin he owape.
68 Niye niwašte qa taku wašte ecanon ece ;
Wokage nitawa onspemakiya wo.
69 Wahaniçidapi kin hena woitonŝni amakagapi ;
Miye qe micante ocowasin on nitawoonspe kin owape kta.

P S A L M 119.

- 70 Iye cantepi kin wasna iyecen cepa ;
Miye qe nitoope on imduškin.
71 Kakišmayanpi kin he wašte ;
He on wokage nitawa onspemičiciye kta.
72 Nii woope kin he miciwašte,
Mazaska qa mazaskazi kektopawinge isanpa.

YOD.

- 73 Ninape makage ça icalımayan ;
Onspemakiya wo, kinhan nitawoahope onmaspe kta.
74 Tona konicipapi kin hena wanmayakapi qa wiyuškinpi kta ;
Nioie wacinwaye cin heon etanhan.
75 Jehowa, nitawoyaco kin hena woowotanna sdonwaya ;
Qa wowicake on kakišmayaya.
76 Tokin nitowaonsıda wacintonhnagmayen :
Nitaokiye taku eyakiye ciqon iyececa.
77 Wacanyakiye cin he mahiyohi kte, hecen wani kta ;
Nitoope kin he wowiyuškinwaye, heon.
78 Wahaničidapi kin ištecapi nunwe,
Woitonšni on mayapemnipi, heon :
Miye qe nitawoonspe awacin manke kta.
79 Tona konicipapi kin hena miye en maupi kte ;
Qa tona nitawoyaotanin sdonyapi kin hena.
80 Wokage nitawa en micante zanika un nunwe ;
Hecen imaštece kte šni.

KAPH.

- 81 Wiconi nitawa on minagi niyašni iyaya ;
Nioie kin on ape waun.
82 Iyae cin on išta manaka ;
Hecen, Tohan cante wašte mayakage kta he, epa.
83 Wjuha wan šota en un kin iyemaceca ;
Wokage nitawa kin hena awektonje šni.
84 Nitaokiye taanpetu kin tonakeca he ;
Tona šicaya makuwapi kin tohan wicadaco kta he.
85 Wahaničidapi kin hena woħa mičapi ;
Hena nitoope kin eciyatanhan šni.
86 Nitawoahope kin owasin wowicake ;
Woitonšni on šicaya makuwapi ; niye omakiya wo.
87 İsnikaeš makoce kin etanhan ihangmayanpi šni ;
Tuka nitawoonspe kin amduštan šni.
88 Nitowaonsıda eciyatanhan nimayan wo :
Kinhan nii taku yaotanin kin owape kta.

LAMED.

- 89 Jehowa, nioie owihanke wanica,
Maħpiya kin ekta yusutapi.
90 Wowicake nitawa kin he wicoicage qa wicoicage hehyanan :
Maka kin dusuta, unkan ecen han.
91 Nitawoyaco on anpetu kin dehan hena ecen un ;
Hena owasin wowidagyaye cin heon.
92 Nitoope kin he wowiyuškinwaye šni unkanš,

P S A L M 119.

Makakije cin en matakuni kte śni tuka.

93 Nitawoonspe kin ohinniyan awektonje kte śni ;
Hena en kinimayakiya nakaes̄.

94 Tawamayaya, nimayan wo ;
Nitawoonspe kin awakite cin heon.

95 Wicašta śica ihangmayan iyapepi ;
Nitawoyaotanin kin hena owakañnige kta.

96 Woecetu kin owasin ihanke kin wanmdaka ;
Nitawoahope ohdakinyan tanka hinca.

MEM.

97 Nitoope waštewadake hinca :
Anpetu osan he awacin manka.

98 Nitawoahope ksapa makaga,
Tokamayanpi kin isanpa ;
He ohinniyan mitawa nakaes̄.

99 Waonspemakiyapi owasin isanpa,
Wacinksamya mioħan ;
Nitawoyaotanin kin hena awacin waun.

100 Wicañincapi kin isanpa wowakañniga ;
Nitawoonspe wapatan kin heon.

101 Canku śica owasin etanhan misiha ewehdaku ;
Nioie mduhe kta heon etanhan.

102 Nitawoyaco kin icunonpa mde śni ;
Niye onspemayakiye cin heon.

103 Micaka en nioie kin skuye hinca ;
Tuhmaga canhanpi mii kin ohna he isanpa.

104 Wowahokonkiye nitawa etanhan wookañniga mduha ;
Heon woitonśni canku owasin śice wadaka.

NUN.

105 Nioie misiha kin en petijanjan hee ;
Qa mitacanku ohna iyoyanpa kin.

106 Wakonza, nakun ecen ecamon kta ;
Woyaco owotanna nitawa kin ahowape kta.

107 Miye nina hin makakija ;
Jehowa, nioie eciyatanhan kinimayan wo.

108 Jehowa ceciciya, mii taku itunicihan kin
Hena iyonicipi nunwe ;
Qa nitawoyaco kin hena onspemakiya wo.

109 Minagi ohinniyan minape ohna yanka ;
Tuka nitoope kin he awektonje śni.

110 Wicašta śica mahmunkapi kta ;
Tuka nitawoonspe etanhan wanuni śni.

111 Nitawoyaotanin kin hena ohinniyan mitawa kta ;
Micante towiyuśkin kin hena ee.

112 Wokage nitawa ecamon kta e cante ekta yewaye ;
Ohinniyan qa owihanketa heħanyan.

SAMEK.

113 Tona cante nonpa kin hena śicewadaka ;
Tuka nitoope kin he waštewadaka.

P S A L M 119.

- 114 Wowinape mitawa qa wahacanka mitawa kin he niye ;
Nioie kin he ape manka.
- 115 Śicaya ecanonpi kin, micuni po :
Kinnan mita Wakantanka tawoahope kin wapatan kta.
- 116 Wahomayaye cin eciyatanhan najin makiya wo ;
Kinnan wani kta ;
Qa wacinwaye cin on imaštece kte śni.
- 117 Sutaya mayuza wo, kinnan tanyan waun kta ;
Qa ohinniyān wokage nitawa en ewatonwe kta.
- 118 Tona wokage nitawa etanhan nunipi kin
Hena owasin wahtewicayada śni ;
Wohnaye tawapi kin he wowištece.
- 119 Ginginca iyececa, maka akan
Wicašta śica owasin ihangwicayaya ;
Heon nitawoyaotanin kin hena waštewadaka.
- 120 Kocicipe cin heon micelipi cancan ;
Qa nitawoyaco kin hena kowakipa.

AYIN.

- 121 Woyaco qa woowotanna ecamon ece ;
Tehiya makuwapi kin en elipemaye śni wo.
- 122 Taku wašte on nitaokiye acakšin wo ;
Wahaničidapi kin hena makiyušepi śni nunwe.
- 123 Nitowiconi kin on išta mamdeze śni ;
Qa nakun nitoowotanna oie kin on.
- 124 Nitocantekiye eciyatanhan nitaokiye ecakicon wo ;
Qa wokage nitawa onspemakiya wo.
- 125 Nitaokiye kin he miye, waokahnihmayan wo ;
Qa nitawoyaotanin kin sdonyemakiya wo.
- 126 Jehowa wanna ohanye kta iyececa ;
Nitoope kin kicaksapi heon.
- 127 Heon etanhan nitawoahope waštewadaka ;
Mazaskazi isanpa, han mazaskazi hinca.
- 128 Heon etanhan nitawoonspe owasin owotanna wadaka ;
Woitonśni canku otoiyohi śicewadaka

PE.

- 129 Nitawoyaotanin kin hena wowinihan ;
Heon etanhan minagi hena ahopa.
- 130 Nioie yuzamnipi kin he iyoyamya ece ;
Tona wacinton śni kin hena wokahnihwicaya.
- 131 Mii wahdukawa qa niya śni maťa nun seca ;
Nitawoahope cantowakpani, heon etanhan.
- 132 Miye ekta ihduhomni qa cantemakiya wo .
Tona nicaje waštewadakapi kin iyececa.
- 133 Njoie kin on mioye kin yasuta wo ;
Qa taku śica takudan wowidagmaye śni nunwe.
- 134 Wicašta wakakišye cin etanhan opemakiton wo ;
Hecen nitawoonspe kin ahowape kta.
- 135 Niite kin nitaokiye aojanjanya wo ;
Qa wokage nitawa onspemakiya ye.

PSALM 119.

136 Miišta etanhan mini wakpadan kaduza ;
Nitoope opapi šni kin heon etanhan.

TSADI.

137 Jehowa, niye oniwotanna ;

Qa nitawoyaco kin hena eceetu.

138 Nitawoyaotanin kin woowotanna eyehde,

Qa wowicake hinca.

139 Wacantawahde kin he mahdusota ;

Tokamayanpi nioie akiktonjapi kin heon.

140 Nioie kin ecedan hinca ;

Heon nitaokiye he waštedaka.

141 Miye macistinna qa waitemadapi šni ;

Tuka nitawoonspe awektonje šni.

142 Nitoowotanna kin he woowotanna owihanke šni ;

Qa nitoope kin he wowicake.

143 Wonihinciye qa wokakije mayuzapi ;

Nitawoahope kin hena wowiyuškinwaye.

144 Nitawoyaotanin kin ohinniyan owotanna ;

Okahinimayan wo, kinhan wani kta.

QOPH.

145 Micante ocowasin on hoyeciciya ;

Jehowa amayupta wo ;

Wokage nitawa kin hena owape kta.

146 Houciciya ce, nimayan wo ;

Kinhan nitawoyaotanin awacanmi kta.

147 Anpao kin en nitokam wau qa houciciya :

Nioie kin on ape waun.

148 Miišta hankiktapi kin kawicapa ;

Nioie kin awacanmi kta heon.

149 Nitocantekiye eciyatanhan ho namakihon wo ;

Jehowa, nitawoyaco kin on nimayan wo.

150 Tona taku šica kuwapi kin hena kiyedan unpi ;

Tuka nitoope kin itehanyan unpi

151 Jehowa, niye kiyedan yaun ;

Qa nitawoahope kin owasin wowicake.

152 Wanakajatanhan nitoope kin on sdonwaya ;

Hena otokahe wanin tanhan yahduštan.

REŠ.

153 Mitokakije wanyake ça emayaku wo ;

Nitoope awektonje šni, heon etanhan.

154 Woakinica mitawa amicinica qa opemakiton wo ;

Nioie kin eciyatanhan nimayan wo.

155 Wanikiyapi kin he wicašta šica itehan un ;

Wokage nitawa odepi šni kin heon.

156 Jehowa, wocantekiye nitawa kin hena ota ;

Nitawoyaco kin on kinimakiya wo.

157 Šicaya makuwapi qa tokamayanpi kin hena otapi ;

Tuka nitawoyaotanin kin amduštan šni.

158 Wahtanipi sa wanwicamdaka qa wamayazan ;

PSALM 120.

Hena nioie opapi śni kin heon.

159 Jehowa, nitawoonspe waštewadake cin he wanyaka ye ;
Nitocantekiye eciyatanhan nimayan wo.

160 Nioie otokahe kin he wowicake ;
Qa nitoowotanna woyaco kin owasin owihanke wanica.

ŚIN.

161 Ituh wicašta itancanpi śicaya makuwapi ;
Tuka micante nioie kin kokipa.

162 Taku ehe cin on wimduškin ;
Tuwe woyuha tanka iyeye cin iyececa.

163 Woitonśni śicewadake ça waštewada śni ;
Nitoope kin he waštewadaka.

164 Anpetu eca śakowin akihde ciyatan ece ;
Nitoowotanna woyaco kin hena on.

165 Nitoope waštadakapi kin hena wookiye ota yuhapi ;
Qa takudan ibowicato kte śni.

166 Jehowa, nitowiconi kin ape waun ;
Qa nitawoahope kin ecamon ece.

167 Minagi nitawoyaotanin kin patan ;
Qa hena nina waštewadaka ece.

168 Nitawoonspe qa nitawoyaotanin kin mduha ;
Miohan owasin nitokam hiyeye cin heon.

TAU.

169 Jehowa, waceye cin nitokam ikiyedani u nunwe ;
Nioie eciyatanhan okalinimayan wo.

170 Mitawocekiye nitokam u nunwe ;
Nioie kin on makiyuška wo.

171 Miiha woyatan hiyuye kta ;
Wokage nitawa onspemayakiye kta heon.

172 Miceji iyae cin ayupta nunwe ;
Nitawoahope kin owasin owotanna ce.

173 Ninape omakiya un nunwe ;
Nitawoonspe kin hena wakaliniga heon.

174 Jehowa, waniyakiye cin he cantowakpani ;
Qa nitoope kin he wowiyuškinwaye.

175 Minagi ni un nunwe, kinhan niyatan kta ;
Qa nitawoyaco kin omakiya nunwe.

176 Tahinca wan taninśni iyecen wanuni ;
Nitaakiye okide wo ;
Nitawoahope awektonje śni, heon etanhan.

PSALM 120.

Oicimani odowan.

1 Makakija en Jehowa hoyewakiya :
Unkan iye amayupta.

2 Jehowa, woitonśni iha etanhan minagi eyaku wo ;
Wohnayan ceji kin etanhan.

3 Taku niču kta he, wohmayan ceji kin ;

P S A L M 122

- Qa taku sanpa yuheniciye kta he.
4 Wicašta wašaka tiwanhinkpe pe hinca,
Genista petaga koya.
5 Hehehe, miye Mešek en ounwaye;
Kedar tawakeyapi kin ohna wati.
6 Tuwe wookiye śicedake cin he
Minagi wanna tehan kici ti.
7 Miye wookiye wacin, tuka iwaa eca,
Hena e kicizapi kta.

PSALM 121.

Oicimani odowan.

- 1 Paha kin ekta miišta wankan yewaya :
Omakiyapi kin he tokiyatanhan u he.
2 Omakiyapi kin he Jehowa eciyatanhan,
Małipiya maka ko kage cin he.
3 Nisiha naśdute kta iyowinkiye kte śni :
Tuwe awanniyake cin he iştinbe kte śni.
4 Iho, Israel Waawanyake tawa kin
He liba kte śni qa iştinbe kte śni.
5 Waawanyake nitawa kin Jehowa hee ;
Nietapa ekta ahanziniye cin Jehowa hee.
6 Anpetu eca anpetu wi kin kiunniniye kte śni ;
Qa hanyetu wi kin, hanyetu icunhan.
7 Taku śica owasin etanhan Jehowa awanniyake kta ;
Ninagi awanyake kta.
8 Tankan de ça tin yahdi eca,
Jehowa awanniyake kta,
Detanhan qa owihanke wanica.

PSALM 122.

Oicimani odowan. Dawid tawa.

- 1 Jehowa ti kin ekta unyanpi kta ce,
Emakiyapi kin on imduşkin.
2 Jerusalem, nitat iyopa kin en
Unsihapi iyahanpi.
3 Otonwe wan icikoyagya he cin
He iyececa Jerusalem kagapi.
4 Heciya wicowazipi wankan yapi ece ;
Jah tawicowazi kin, Israel yaotaninpi kta ;
Jehowa caje yatanpi kta heon.
5 Hen woyaco oiyotanke kin hdepi ;
Dawid tiyohnaka oiyotanke tawapi.
6 Jerusalem wookiye kin icekiya po ;
Tona waštenidapi kin hena wookiye yuhapi nunwe.
7 Wookiye conkaške nitawa mahen un nunwe ;
Qa woozi iciyapi tipi waštešte nitawa mahen.

PSALM 125.

- 8 Mihunkawanji qa mitakuye on,
Wookiye mahen niun nunwe, epe kta.
- 9 Jehowa Wakantanka unkitawapi ti kin on,
Tanyan yaun kta awakite kta.

PSALM 123.

Oicimani odowan.

- 1 Maḥpiya kin en yakidotanke cin
Niye ekta miišta wankan yewaye.
- 2 Wan, wicašta taokiye wicayuhapi napepi kin ekta išta yeyapi ;
Winyan taokiye yuhe cin nape ekta ctonwan ece ;
He iyecen unkištapi
Jehowa Wakantanka unkitawapi ekta etonwanpi,
Onśiunkidapi kte cin hehanyan.
- 3 Onśiunkida po, Jehowa onśiunkida po ;
Wowalitedaśni on nina iunmnanpi ;
- 4 Tona owanji yukanpi kin hena
Walitedapiśni on unnagipi imnan linca ;
Walianičidapi wowalitedaśni kin he.

PSALM 124.

Oicimani odowan. Dawid tawa.

- 1 Jehowa unkicipi un śni unkanś ;
Hecen Israel eyapi kta ;
- 2 Unkicipi un kin Jehowa ee śni unkanś,
Wicašta akantu anauntanpi qehan ;
- 3 Hehan niyake naunpcapi kta tuka,
Wocantahdeunyanpi ide qehan :
- 4 Hehan mini kin unkiwankam iyaye kta,
Wakpa wan unnagipi iwankam iyayc kta ;
- 5 Hehan unnagipi iwankam,
Mini ipiga kin iyaye kta tuka.
- 6 Iye hipi kin on unyahtakapi kta unqupi śni.
Heon Jehowa yawaštepi kte.
- 7 Unnagipi ihduške,
Zitkadan wan wicašta wahmunke etanhan he iyececa ;
On hmunkapi kin yuhdecapi,
Unkan unkiye unkiyucapi.
- 8 Ounkiyapi kin he Jehowa caje kin en un ;
Maḥpiya qa maka kage cin he.

PSALM 125.

Oicimani odowan.

- 1 Jehowa wacinyanpi kin hena,
Zion Paha kin iyececapi ;
Yuhohopi śni, ohinniyan han.

PSALM 127.

- 2 Paha kin Jerusalem ihdukšan hiyeya ;
Qa Jehowa iye taoyate wicihdukšan un,
Detanhan qa owihanke wanica.
- 3 Wicošice can sagye kin wicašta owotanna
Tamakoce kin akan wanke kte šni ;
Hecen wicašta owotanna taku šica
Ekta nape yeyapi kte šni.
- 4 Jehowa, tona wašte taku wašte ecakicon wo ;
Qa tona cante ecetu kin hena.
- 5 Tuka tona canku pemni ekta icunom yapi kin,
Hena wicošan šica econpi kin om Jehowa iyaye wicaye kta.
Israel wookiye kici un nunwe.

PSALM 126.

Oicimani odowan.

- 1 Zion hdicu kin en Jehowa ihdohdi qehan,
Wihanmnanpi kin iyeuncecapi.
- 2 Hehan ihapi on i unkojupidan ;
Qa uncejipi wowiyuškin on :
Hehan lkcewicašta ehna heyapi ;
Jehowa taku tanka ecawicakicon ce.
- 3 Jehowa taku tanka ecaunkiconpi ;
On unkiye piundapi.
- 4 Jehowa, unhdicupi kin en ihdoku wo,
Itokah wakpadan kin iyececa.
- 5 Tona ceya wojupi kin
Hena wiyuškinyan wamnayanpi kta.
- 6 Ceya ye kta, wojupi opahte yuha ye kta ;
Wiyuškinyan ku kta,
Aguyapi palitapi hduha ku kta.

PSALM 127.

Oicimani odowan. Solomon tawa.

- 1 Tipi kin Jehowa kage šni kinhan,
He en tona kagapi kin ituya škanpi.
Jehowa otonwe kin awanyake šni kinhan,
Waawanyake kin ituya kiktahan un.
- 2 Ituh hanhanna hin yektapi ;
Tehan oziničiyapi šni ;
Wicohtani woyute yatapi kta.
Waštekidake cin hecen woistinma qu ece.
- 3 Iho, wicacınca Jehowa taku wicaqu kin hee ;
Wicatamni oicage cin he wokajuju ee.
- 4 Wanhinkpe wicašta wašaka nape ohna,
Wicakoška cinca kin hena iyececa.
- 5 Tuwe hena on wanju okikju kinhan,
Wicašta kin he cante wašte hinca :

PSALM 130.

Hena ístecapi kte śni ;
Tiyopa kin ohna toka om wohdakapi kta.

PSALM 128.

Oicimani odowan.

- 1 Jehowa kokipapi kin otoiyo hi cante wašte ;
Iye tacanku ohna manipi kin hena.
- 2 Ninape oħtani kin he yahdute cinhan,
Cante niwašte ĥinca, qa tanyan nanke kta.
- 3 Nitawin hastanyanka iyuwi waicage cin he iyececa,
Tipi nitawa mahen ;
Nicinca kin hena Oliwe ojupi kin iyececapı,
Wahna wotapi nitawa ihdukśan.
- 4 Wanyaka wo, wicaśta Jehowa kokipe cin,
He hecen yawaštepi kta.
- 5 Jehowa Zion etanhan niyawašte kte ;
Qa Jerusalem towašte kin wandake kta,
Yani kin anpetu owasin.
- 6 Nakun nicinca cinca kin wanyahdake kta.
Israel wookiye kici un nunwe.

PSALM 129.

Oicimani odowan.

- 1 Komaśka ehantanhan ota kakiśmayanpi ce ;
Israel eye kta iyececa ;
- 2 Komaśka ehantanhan ota kakiśmayanpi,
Tuka maktepidan śni.
- 3 Maħyumdupi kin mitapete ayumdupi ;
Cankuyetonton hanskaska kagapi,
- 4 Jehowa owotanna ;
Wicaśta śica ikan tawa kin he bapsaka.
- 5 Tona Zion śicedakapi kin hena
Owasin ístecapi qa hekta hdicuyapi kta.
- 6 Tipi akan wato icage cin he iyececapı kta ;
He yujunpi śni itokam śnija ece.
- 7 He on aguyapi bakse cin nape okikju śni ;
Qa tuwe paħte cin he maku en ohnaka śni.
- 8 Nakun tona en hiyayapi kin heyapi śni ;
Jehowa tawoyawašte en niunpi nunwe ;
Jehowa caje on unniyawaštepi ce, eyapi śni.

PSALM 130.

Oicimani odowan.

- 1 Jehowa, wośbe kin etanhan, houciciya ece.
- 2 Itancan miho kin naħon ye ;
Wocekiye mitawa ho kin anoħkiya wo.

PSALM 132.

- 3 Jah, woahitani cajeyakiyate cinhan,
Itancan, tuwe en najin okihi kta he.
- 4 Tuka wokajuju kin he niye duha ;
Hecen konicipapi kta.
- 5 Jehowa ape waun, minagi ape un ;
Qa iye oie kin wacinwaye.
- 6 Minagi Itancan kin akipe ;
Anpao kta ape unpi kin isanpa ;
Anpao kta ape unpi kin hena.
- 7 Israel, Jehowa wacinyan wo ;
Jehowa wowaonsida hduha ;
Qa wopektonpi untkanna kici un.
- 8 Unkan iye Israel opekton kta,
Wahtani owasin etanhan.

PSALM 131.

Oicimani odowan. Dawid tawa.

- 1 Jehowa, micante wahanicida sni,
Qa miišta wankantuye sni ;
Nakun taku tanka kin en opimiciye sni,
Qa taku miwankam hiyeye cin.
- 2 Awicakehan minagi wahduwahibadan,
Qa wahduinina ;
Tuwe hunku azin ehpeye cin iyececa ;
Azin enakiya wanji minagi iyececa.
- 3 Israel, Jehowa wacinyan wo ;
Detanhan qa owihanke wanica.

PSALM 132.

Oicimani odowan.

- 1 Jehowa, Dawid on kiksuya wo,
Tawokakije kin owasin.
- 2 He Jehowa ekta iciconza ;
Awicakehan Wanji Wasaka Jakob tawa kin heciya ;
- 3 Wakeya ohna wati kin en wahde kte sni ;
Ohehdepi akan manke cin en mde kte sni ;
- 4 Miišta woištinma waqu kte sni ;
Qa miištojuha, owicagunga ;
- 5 Jehowa owanka wan iyeweciye sni ;
Tipi wan Wanji Wasaka Jakob tawa kin on.
- 6 Iho, Ephrata en he naunhonpi ;
Can wojupi kin ohna iyeunyanpi ce.
- 7 Iye ti kin en unkupi kta ;
Iye siha hde kin en canpeška makehde inaunjinpi kta.
- 8 Jehowa najin wo, woozi nitawa kin en ;
Niye qa nitowašake can koka kin.
- 9 Wawayušnapi nitawa woowotanna koyakapi kte ;

PSALM 134.

- Qa wicašta wacantkiya nitawa iyaşapi nunwe.
 10 Dawid nitaokiye kin on etanhan,
 Sdayakiye cin ite kin hduhomni şni wo.
 11 Jehowa wowicake eciyatanhan Dawid heciya ;
 Etanhan namni kte şni ;
 Nitancan etanhan icage cin he
 Oiyotanke nitawa akan iyotangwakiye kta ce.
 12 Nicinca wicotakuye mitawa patanpi kinhan ;
 Qa mitawoyaotanin onspewicawakiye cin hena ;
 Hehan nakun iye cinca kin ohinniyan
 Oiyotanke kin akan nici iyotankapi kta.
 13 Jehowa Zion hdahniga ;
 Ohna ti kta cin kin heon.
 14 Ohinniyan woozi mitawa kin he dee ;
 Den manke kta, wahdahniga heon etanhan.
 15 Tawoyute woyawaşte on mdawaşte kta ;
 Wahpanicapi tawa kin hena
 Aguyapi on innawicawaye kta.
 16 Nakun wawayuşnapi tawa kin
 Hena wiconi koyagwicawaye kta ;
 Qa wicašta wacantkiya tawa kin
 Hena iyaşapi, iyaşapi kta.
 17 Hen Dawid he wan icahweciye kta ;
 Petijanjan wan Sdawakiye cin piweciya.
 18 Tona tokawicaye cin wowiştece koyagwicawaye kta.
 Tuka iye akan tawateşdake kin hea kta.

PSALM 133.

Oicimani odowan. Dawid tawa.

- 1 Wanyaka wo, hunkawanjinkiciyapi
 Nakun witaya tipi kin
 He waşte qa wiciyokipi linca.
 2 He wihdi waşte kin iyececa, pa akan,
 Putinhin ekta kaduza, Aaron putinhin tawa ;
 Qa taonhdohda okagege kin ekta iyahde.
 3 Hermon cu kin iyececa,
 Zion paha kin ahinhe cin hee :
 Hen Jehowa woyawaşte wan u şi ;
 Owihanke wanin wiconi kin hee.

PSALM 134.

Oicimani odowan.

- 1 Iho, Jehowa taokiye kin owasin,
 Jehowa yawaşte miye ;
 Hanyetu eca Jehowa ti kin ohna nayajinpi kin.
 2 Oyanke wakan kin ekta nape kiyugata po ;
 Qa Jehowa yawaşte miye.

P S A L M 135.

3 Jehowa Zion etanhan niyawašte kta ;
Tuwe mahpiya maka ko kage cin he.

PSALM 135.

Jah yatan miye.

- 1 Jehowa caje kin he yatan po ;
Jehowa taokiye yaunpi, he idowan po.
- 2 Tona Jehowa ti kin ohna nayajinpi kin ;
Wakantanka unkitawapi ti hocoka en yaunpi :
- 3 Jah yatan miye ; Jehowa wašte ;
Iye caje kin idowan po, he oiyokipi nakaes.
- 4 Jehowa Jakob hdahniga ;
Israel tawaye kte cin heon.
- 5 Jehowa tanka hinca he sdonwaya ;
Qa Itancan unkitawapi taku wakan owasin isanpa.
- 6 Jehowa taku cin kin owasin econ ece ;
Mahpiya kin ekta qa maka akan ;
Miniwanca qa wošbe owasin en.
- 7 Maka ihanke etanhan opo wankantkiya iyayeya ;
Magaju kin wakanhdi kicaga ;
Mazopiye tawa etanhan tate kin hiyu kiya.
- 8 Egipta en tokaheya tonpi kin wicakaštaka ;
Wicašta qa nakun wanunyanpi kin.
- 9 Wowapetokeca qa taku wowinihan,
Egipta, niye en ukiye ciqon ;
Pharoh qa taokiye kin owasin en.
- 10 Oyate ota wicakaštaka,
Qa wicaštayatapi wašakšaka wicakte :
- 11 Sihon, Amori wicaštayatapi kin ;
Qa Og, Bašan wicaštayatapi ;
Qa Kanan wokiconze kin owasin :
- 12 Qa makoce tawapi qon yuhapi kta wicaqu ;
Israel iye taoyate yuhapi kta.
- 13 Jehowa, nicaje kin he owihanke wanica :
Jehowa, niksuyapi kin he
Wicoicage qa wicoicage lehanyan.
- 14 Jehowa iye taoyate kin hdaco kta ;
Qa iye taokiye kin hena on ihduhomni kta.
- 15 Ikcewicašta taku wakan tawapi kin
Hena mazaska qa mazaskazi ;
Wicašta nape on kagapi.
- 16 I yukanpi, tuka iapi šni ;
Išta yukanpi, tuka wawanyakapi šni ;
- 17 Noge yukanpi, tuka winahonpi šni ;
Nakun ipi ohna oniya wanica.
- 18 Tuwe hena kage cin hena iyececapa ;
Nakun tona wacinyanpi kin owasin.
- 19 Israel tiyohnaka, Jehowa yawašte po ;

PSALM 136.

- Aaron tiyohnaka, Jehowa yawašte po.
20 Lewi tiyohnaka, Jehowa yawašte po ;
Jehowa koyakipapi kin, Jehowa yawašte po.
21 Jehowa Zion etanhan yawaštepi nunwe,
Jerusalem en ounye cin.
Jah yatan miye.

PSALM 136.

- 1 Jehowa wašte, hecen wopida eciya po ;
Towaonšida kin he owihanke wanica.
2 Taku wakan ta Wakantanka kin wopida eciya po ;
Towaonšida kin he owihanke wanica.
3 Itancanpi kin en Itancan kin wopida eciya po ;
Towaonšida kin he owihanke wanica.
4 Tuwe isnana taku tanka wowinihan econ kin ;
Towaonšida kin he owihanke wanica.
5 Tuwe woksape on mahpiya kage cin ;
Towaonšida kin he owihanke wanica.
6 Tuwe maka kin mini akan yumdaya ;
Towaonšida kin he owihanke wanica.
7 Tuwe iyoyanpa tanka kage cin ;
Towaonšida kin he owihanke wanica.
8 Anpetu wi anpetu en ounye kte cin ;
Towaonšida kin he owihanke wanica.
9 Hanyetu wi wicanhipi ko hanyetu en ounyanpi kta ;
Towaonšida kin he owihanke wanica.
10 Tuwe Egipta en tokaheya wicatonpi wicakaštaka cigon ;
Towaonšida kin he owihanke wanica.
11 Qa wicacokaya tanhan Israel ewicahdaku ;
Towaonšida kin he owihanke wanica.
12 Nape wašake ça isto hdugate cin on ;
Towaonšida kin he owihanke wanica.
13 Tuwe Mde ša kin yukinukan ehnaka ;
Towaonšida kin he owihanke wanica.
14 Qa cokaya Israel iyayeye cin ;
Towaonšida kin he owihanke wanica.
15 Tuka Pharo qa ozuye tawa kin Mde ša kin en ehpewicaya ;
Towaonšida kin he owihanke wanica.
16 Tuwe iye taoyate hewotahedan yus awicaye cin ;
Towaonšida kin he owihanke wanica.
17 Tuwe wicaštayatapi tanka wicakaštaka ;
Towaonšida kin he owihanke wanica.
18 Qa wicaštayatapi wašaka wicakte ;
Towaonšida kin he owihanke wanica.
19 Sihon, Amori wicaštayatapi kin ;
Towaonšida kin he owihanke wanica.
20 Qa Og, Bašan wicaštayatapi kin ;
Towaonšida kin he owihanke wanica.

P S A L M 138.

- 21 Qa tamakocepi kin yuhapi kta wicaqu ;
Towaonsída kin he owihanke wanica.
- 22 Iye taokiye Israel yube kta ;
Towaonsída kin he owihanke wanica.
- 23 Tuwe unwahpanicapi en unkiksuyapi ;
Towaonsída kin he owihanke wanica.
- 24 Qa tokaunyanpi kin etanhan eunhdakupi ;
Towaonsída kin he owihanke wanica.
- 25 Tuwe celipi ton owasin woyute wicaqu ;
Towaonsída kin he owihanke wanica.
- 26 Mahpiya ta Wakantanka kin wopida eciya po ;
Towaonsída kin he owihanke wanica.

PSALM 137.

- 1 Babel tawakpa kin icahda,
Hen unkiyotankapi, nakun unceyapi,
Zion unkiksuyapi qehan.
- 2 He cokaya cohwanjica kin en,
Candowankiyapi unkitawapi otkeunyanpi.
- 3 Hen wayaka unyuhapi dowanpi oie kin unkidapi ;
Qa waunkipi kin hena wowiyu^skin dapi ;
Zion tadowan etanhan unکیدowan po, eyapi.
- 4 Token Jehowa tadowan kin,
Makoce tokeca en, unkahiyayapi kta he.
- 5 Jerusalem aciktonje cinhan,
Minape etapa kin akiktonja nunwe :
- 6 Miceji macaka en askapa nunwe,
Ciksuye ^sni kinhan ;
Mitowiyu^skin tokapa ekta
Jerusalem ewahnake ^sni kinhan.
- 7 Jehowa, Edom cinca kin ekta,
Jerusalem taanpetu kin kiksuya wo :
Yujuju po, yujuju po,
Taku ahdehe cin hehanyan, eyapi.
- 8 Babel cunwintku, ihangyapi kte cin,
Tuwe ecaunyeconpi kin iyecen
Nicaajuju kinhan he cante wašte kta.
- 9 Tuwe hoksiyopa nitawa iyawicalipaya,
Qa inyan en ehpewicaye cinhan, he cante wašte kta.

PSALM 138.

Dawid tawa.

- 1 Micante ocowasin on wopida eciciye kta ;
Taku wakan kin wicitokam icidowan kta.
- 2 Tipi wakan nitawa ekta canpeška makehde inawajin kta ;
Qa nicaje mdatan kta, nitowaonsída qa nitowicake on :
Nioie kin nicaje ocowasin isanpa tanka yakaga heon.

P S A L M 139.

- 3 Anpetu en hoyewaya, hehan amayadupte ;
Minagi en wowaśake on waditag mayaya.
- 4 Jehowa, maka wicaśtayatapi owasin niyatanpi kta ;
Nii oie kin nahonpi kinhan.
- 5 Qa Jehowa tacanku ohna downpi kta ;
Jehowa towitan kin he tanka nakaes.
- 6 Jehowa tehanwankantu eśta kun unpi kin awicatonwan ;
Tuka wahaniçidapi kin tehantanhan sdonwicaya.
- 7 Wokakije cokaya mda eśta nimayaye kta ;
Tokamayanpi śinhdapi kin ekta nape yahdugate kta ;
Qa ninape etapa on nimayaye kta.
- 8 Jehowa taku miciyuśtan kta :
Jehowa, nitowaonsida kin he owihanke wanica :
Ninape taku kage cin ehpeye śni wo.

PSALM 139.

Down itancan kin kicagapi. Dawid tadowan.

- 1 Jehowa, mayadukcan qa sdonyaya ;
- 2 Imdotanka nawajin ko sdonyaya ;
Mitawacin tehantanhan oyakaliniga.
- 3 Omawani qa imunke cin wapetogyaton ;
Qa miolhan kin owasin tanyan idukcan.
- 4 Miceji en wicoie wanjidan eśta,
Iho, Jehowa, niye ocowasin sdonyaya.
- 5 Miheyata qa mitokam aohdutemayaya,
Qa ninape amayahnaka.
- 6 Wosdonye kin he okañniñ owakihi śni ;
Tehan wankantu, hecen owakihi kte śni.
- 7 Nitaniya etanhan toki mde kta he ;
Qa niite etanhan toki nawajin kta he.
- 8 Wankan malipiya ekta mde cinhan, hen niye yaun ,
Qa Hades en owinśwatton kinhan, inyun, niye.
- 9 Anpao hupahu kin wakamdage kta ;
Miniwanca ihanke kin en onunwaye kta :
- 10 Heciya eśta ninape amayan ;
Qa nape nietapa kin mayuza.
- 11 Awicakehan otpaza amahinlipaye kta, epa eśta ;
Hehan hanyetu kin mihdukśan iyoyanpa.
- 12 Otpaza hee kaeś aotpasniye śni ;
Qa hanyetu kin anpetu iyecen iyojanjan :
Otpaza kin he iyoyanpa kin iyececa.
- 13 Mitapakśin kin niye yakaga ;
Ina tamni mahen akahpemayaton.
- 14 Wowinihanyan makagapi heon ciyatan kta ;
Niolhan kin hena wowinihan ;
Qa he minagi tanyan sdonya.
- 15 Woinalibe en makagapi qehan,
Mahuhu kin ananicihmanpi śni,

PSALM 140.

- Maka ošbe kin en makazontapi qehan.
- 16 Wiyapemni waun qon niišta wanmayaka,
Qa mitaanpetu icage kte cin,
Hinahin wanica ehan,
Owasin nitawowapi kin en owapi.
- 17 Unkan Iyotan Wašaka nitawacin kin hena nina tewahinda ;
Hena yuwitayapi kin tanka hinca.
- 18 Hena mdawa kta, tuka wiyaka kin isanpa ota :
Wekta qa hinahin cici waun.
- 19 Wakantanka, awicakehan wicašta šica yakte kta :
Heon we wicašta yaunpi kin, amayuštan po.
- 20 Hena taku šica on cajeniyatapi ece :
Tokaniyanpi kin ikcekceya cajeniyatapi.
- 21 Jehowa, tona šicenidapi kin hena šicewicawada kte šni he ;
Qa tona nicipajinpi kin hena wahtewicawada kte šni he.
- 22 Wošicedake wowicake on šicewicawadaka ;
Hena tokawicawaya iyececa.
- 23 Wakantanka, imayukcan qa micante sdonya wo ,
Imayute qa micanteoze kin sdonya wo.
- 24 Qa wokakije canku wan en maun kinhan wanyaka wo ;
Qa canku owihanke wanice cin en amayan wo.

PSALM 140.

Dowan itancan kin kicagapi. Dawid tadowan.

- 1 Jehowa, wicašta šice cin etanhan emayaku wo ;
Wicašta wohitika etanhan mayakpatan kta.
- 2 Hena cante mahen wicohan šica awacinpi ;
Anpetu osan wokicize on mniciyapi ece.
- 3 Ceji hdumanpi, wamduška iyececa ;
Ihapi mahen sintehda tage yukan. Sela.
- 4 Jehowa, wicašta šica nape etanhan emayaku wo ;
Wicašta wawicaki sa etanhan mayakpatan kta ;
Hena mioye yutehi wacinpi.
- 5 Wahanicidapi kin hena,
On hmunkapi wan emeonpapi, hañonta nakun ;
Canku icahda wohmunke wan ehnapapi ;
Qa mazahtakiyapi emeonpapi. Sela.
- 6 Wakantanka mitawa kin he niye, Jehowa ewakiya ;
Jehowa, wocekiye mitawa ho kin nañon wo.
- 7 Jehowa Itancan, wowašake wanimakiye cin ;
Kiczapi anpetu kin en pa akañpemayaton.
- 8 Jehowa, wicašta šica taku cin kin ayupte šni wo ;
Taku awacin kin ecetu šni kiya wo ;
Wahanicidapi kta. Sela.
- 9 Tona mihdukšan hiyeye cin
Hena iha taku wayusice cin pa ahdañpapi kta.
- 10 Petaga añpewicayapi kta ;
Peta en iyewicaye kta, qa mini šma en :

PSALM 142.

Hecen ake najinpi kte śni.

- 11 Wicaśta iwakan kin hena
Makoce kin en yusutapi śni nunwe :
Taku śica wicaśta wawicaki sa ihangya kuwa kta.
- 12 Jehowa wicaśta onśika woowotanna,
Qa wicaśta walipanica kin woyaco ecakicon kta sdonwaya.
- 13 Wicaśta owotanna ecedan nicaje yatanpi kta ;
Wicaśta ecetupi kin nitokam iyotankapi kta.

PSALM 141.

Dawid tadowan.

1. Jehowa, houciciya, en mau inahni ye ;
Ceciciya eca maho kin nahon wo.
- 2 Wocekiye mitawa azintonpi kin nitokam un nunwe ;
Minape yugatapi htayetu wośnapi kin iyececa.
- 3 Jehowa, mii kin en akicita najin wicaśi wo ;
Miiha tiyopa kin awanyaka ye.
- 4 Wicoie śica wan ekta micante yekiye śni wo ;
Wicaśta woahntani econpi kin om,
Wicośice en htawani kte śni.
Qa woyute wašte yuhapi kin wate kte śni.
- 5 Wowaońsida on wicaśta owotanna amape ;
Qa iyopemayan ; he ihepi ee kta,
Mapa tehinda kte śni ;
Tuka nakun iye kakijapi kin en cewakiye kta.
- 6 Wayaco tawapi kin hena inyan en ehpewicayapi :
Unkan mioie nahonpi, hena skuya nakaes.
- 7 Tuwe maka yumdu qa yuksaksa iyececa,
Huhu unkitawapi Hades i kin en kada ehpeyapi.
- 8 Jehowa Itanean, miśta kin niye ekta yanke ;
Wowacinye mitawa kin he niye ;
Minagi papson śni wo.
- 9 Mazalhtakiyapi emaonpapi kin etanhan imacu wo ;
Qa woalitani econpi wohmunke tawapi etanhan.
- 10 Wicaśta śica wohmunke iye tawapi en ehpeiciyapi nunwe ;
Tuka miye qe sam imdamde kta.

PSALM 142.

Dawid tawoonspe, makońdoka en un qchan. Wocekiye wan.

- 1 Miho kin on Jehowa hoyewakiya ;
Miho kin-on Jehowa cewakiya.
- 2 Iye itokam taku awacanmi wakpapon ;
Itokam woyokiśice mitawa owahdaka.
- 3 Mahentanhan mitaniya ktepidan ;
Tuka mitacanku kin niye sdonyaya ;
Canku ohna mde cin en wohmunke wan emakionpapi.
- 4 Etaba tanhan etonwe ca wanyaka wo ;

PSALM 143.

- Unkan tuwedan sdonmaye s̄ni ;
 Wowinape takudan mduhe s̄ni ;
 Tuwedan minagi ekta ctonwe s̄ni.
- 5 Jehowa, niye houciya :
 Wiconi makoce kin en taku mitawa,
 Wowinape mitawa kin he niye, epa.
- 6 Waceye cin he nahon wo, nina makakija ;
 Tona s̄caya makuwapi etanhan emayaku wo ;
 Hena mikapeya waśakapi nakaes̄.
- 7 Wicakaśka tipi kin etanhan minagi icu wo,
 Hecen nicaje mdatan kta :
 Tanyan ecamiyecon kinhan,
 Wicaśta owotanna mihdukśan hiyeye kta.

PSALM 143.

Dawid tadowan.

- 1 Jehowa, wocekiye mitawa nahon wo ;
 Onsiya hoyewaye cin he anoħkiya ye :
 Nitoowotanna eciyatanhan nitowicake on amayupta wo.
- 2 Qa nitaokiyeye kici woyaco akite s̄ni wo ;
 Niye nitokam ni unpi kin tuwedan owotanna s̄ni.
- 3 Toka kin he minagi s̄caya kuwa ;
 Wiconi mitawa makata elipeya ;
 Wanakaś tapi kin iyecen otpaza en ounye makiya.
- 4 Heon mahentanhan mitaniya aopaskicapi ;
 Mahentanhan micante atakuni s̄ni.
- 5 Anpetu wanakaja kin hena weksuya ;
 Niohan kin owasin awacanmi ;
 Ninape taku kage cin hena awacin waun.
- 6 Minape ciciyugata ;
 Maka puze cin iyecen minagi nitokam wanka. Sela.
- 7 Inaħni wo, Jehowa amayupta wo ;
 Minagi atakuni s̄ni.
 Niite inalibe makiye s̄ni wo ;
 Okinni wicahapi ekta yapi kin iyemacece kta.
- 8 Hanhanna eca wocantekiyeye nitawa nahon mayan wo ;
 Niye wacinciya, heon :
 Canku ohna mde ktc cin he s̄donye mayan wo ;
 Niye ekta minagi wahdomda, heon etanhan
- 9 Tokamayanpi kin etanhan emayaku wo ;
 Jehowa, niye en inawalibe.
- 10 Nitawacin ecamon kta onspemakiya wo ;
 Taku Wakan mitawa kin he niye :
 Nitaniya kin he waśte ;
 Makoce omdaya en amayan nunwe.
- 11 Jehowa, nicaje on etanhan nimayaye kta ;
 Nitoowotanna ou minagi wokakije etanhan inape yaye kta.
- 12 Nakun nitowaonśida on tokamaye cin ihangyaye kta ;

PSALM 144.

Qa tona minagi iyokišinyapi kin owasin atakunišni iyewica-
yaye kta ;
Nitaokiye kin he miye, heon etanhan.

PSALM 144.

Dawid tawa.

- 1 Jehowa, Imnija mitawa, yawaštepi nunwe ;
He minape zuyapi onspekiya ;
Qa minapsukaza, kicizapi kin.
- 2 Wacanmakiye ça conkaške mitawa,
Wowinape mitawa qa emahdaku ece ;
Wahacanka mitawa qa tuwe wacinwaye cin,
Mitaoyate mihukuya hiyuye cin he.
- 3 Jehowa, wicašta kin taku he, on sdonyaye kta ;
Qa wicašta cinhintku, unkan en yahi kta he.
- 4 Wicašta kin taku šni iyececa ;
Taanpetu kin ohanzi wan hiyaye cin iyececa.
- 5 Jehowa, mahpiya nitawa hduhukuye ça kun u wo ;
He kin hena yutan wo, kinhan hena izite kta.
- 6 Wakanhdi hdutanin qa wicakamdeca wo ;
Wanhinkpe nitawa hiyuye ça yušinye wicaya wo.
- 7 Wankantanhan ninape hiyukiya wo ;
Makiyuška qa mini ota etanhan imacu wo ;
Toka cinca nape kin etanhan.
- 8 Hena ipi wohnayan iapi ece ;
Qa nape etapa tawapi kin he nape itonšni.
- 9 Wakantanka, odowan teca wan cicahiyaye kta ;
Candowankiyapi ikan wikcemna on icidowan kta.
- 10 He wicaštayatapi wanikiyapi wicaqu ;
Iye taokiye Dawid isan šice cin etanhan icu ece.
- 11 Makiyuška qa toka cinca nape kin etanhan imacu wo ;
Hena ipi kin wohnayan iapi ece ;
Qa nape etapa tawapi kin he nape itonšni.
- 12 Hecen unkcinkšipi koškapi ehan
Taku ojupi tanka icage cin iyececapi kta ;
Unkcinkšipi kin tipi wakan oise
Inyan ayuco bagopi kin iyececapi kta.
- 13 Dotopiye unkitawapi kin ocaje owasin on ojudan kta :
Tahinca unkitawapi kin kektopawinge cinca tonpi kta,
Qa kektopawinge yuotapi canku unkitawapi ohna.
- 14 Tatanka unkitawapi yuškapi kta ;
Yuksapi wanica qa yujujupi wanica ;
Qa canku unkitawapi ohna ceyapi wanice kta.
- 15 Oyate wan hecen unpi kin he cante waštepi :
Oyate Taku Wakan tawapi kin
Jehowa hee hecinhan he cante waštepi.

PSALM 145.

PSALM 145.

Dawid tawa. Woyatan.

- 1 Wakantanka, Wicaštayatapi mitawa ciyawankantuya kta ;
Qa nicaje mdawašte kta, ohinniyan qa owihanke šni.
- 2 Anpetu owasin ciyawašte kta ;
Qa nicaje iwadowan kta,
Ohinniyan qa owihanke šni.
- 3 Jehowa tanka qa nina yatanpi kta iyececa ;
Qa tanka kin he iyukcanpica šni.
- 4 Wicoicage wicoicage iyahdeya taku ecanon kin yatanpi ;
Qa niolhan wašaka oyakapi kta.
- 5 Wotanka nitawa wowitan oiyokipi kin he,
Qa wicoie wowinihan nitawa awacanmi kta.
- 6 Nakun niolhan wakan wokokipe kin he oyakapi ;
Unkan miye wotanka nitawa mdaotanin kta.
- 7 Nitowašte tanka wokiksuye kin he yatanpi ;
Qa nitoowotanna kin on iyašapi ece.
- 8 Jehowa waonšida qa wacantkiya ;
Tehan canteptanye šni qa tocantekiye tanka.
- 9 Owasin ekta Jehowa wašte ;
Qa tocantekiye taku kage cin owasin en un.
- 10 Jehowa, taku icaliyaye cin owasin niyatanpi ;
Qa wicašta wacantkiya nitawa kin hena niyawaštepi kta.
- 11 Nitokiconze wowitan kin he oyakapi ;
Qa nitowašake kin cajeyatapi ece.
- 12 Tohan tanka kin wicašta cinca sdyewicayapi kta ;
Qa tokiconze wotanka wowitan kin.
- 13 Nitokiconze kin he wokiconze owihanke wanica ocowasin ;
Qa wicašta niyatapi kin he wicoicage qa wicoicage en.
- 14 Tona licahanpi owasin Jehowa najin wicakiya ;
Qa patujapi kin hena owasin wicayubosdata.
- 15 Taku išta yuke cin owasin niye anipepi ;
Unkan iyehantu eca woyute wicayaqu ece.
- 16 Ninape yahdumdaya,
Qa taku ni un kin owasin imna wicayaya.
- 17 Tacanku owasin en Jehowa owotanna ;
Qa ohan owasin en wacantkiya.
- 18 Jehowa tona hoyekiyapi kin owasin wicikiyedana un ;
Tona wowicake en hoyekiyapi kin owasin.
- 19 Tona iye kokipapi taku cinpi kin ecetuye kta ;
Qa nakun hoyeyapi kin nahon, qa niwicaye kta.
- 20 Tona waštedapi kin hena owasin Jehowa wicapatan ;
Tuka šicapi kin hena owasin ihangwicaye kta.
- 21 Jehowa yatanpi kin he mii cajeyate kta ;
Qa wicacehpi owasin iye caje wakan kin he yawaštepi kta ;
Ohinniyan qa owihanke wanica.

PSALM 147.

PSALM 146.

- 1 Halleluya :
Minagi, Jehowa yatan wo.
- 2 Tohanyan wani kin hehanyan
Jehowa mdatan kta ;
Tohanyan en waun hehanyan
Mita Wakantanka iwadowan kta.
- 3 Wicaštayatapi wacinwicayapi śni po ;
Adam cinca kin, en wanikiyapi wanica.
- 4 Taniya kin iyaya, hehan maka ekta hda ;
Anpetu kin he en tawacin kin atakuni śni.
- 5 Jakob ta Wakantanka tuwe okiye cin he cante wašte ;
Ta Wakantanka Jehowa he wacinye cinhan.
- 6 He mahpiya qa maka kin kaga ;
Miniwanca qa taku ohnaka kin owasin :
He wowicake ohinniyan kpatan.
- 7 Tona śicaya wicakuwapi kin on woyaco econ ece ;
Wotektehdapi kin hena aguyapi wicaqu ;
Kaška unpi kin hena Jehowa wicayukca.
- 8 Ištagongapi kin hena Jehowa išta wicakiyukawa ;
Pakopi kin hena Jehowa wicayuowotanna ;
Wicašta owotanna kin hena Jehowa wašte wicadaka.
- 9 Jehowa tona oyate tokeca kin hena awanwicayaka ;
Wamdenica qa wiwazica kin owicakiya ece :
Tuka wicašta śica tacanku kin yupemni.
- 10 Jehowa owihanke wanin wicaštayatapi un kta ;
Zion, nita Wakantanka ohinniyan qa ohinniyan kta.
Halleluya.

PSALM 147.

- 1 Halleluya.
Wakantanka unkitawapi idowanpi kin he wašte ;
He wiciyokipi, heon yatanpi kin he wicimdeza.
- 2 Jehowa Jerusalem piya kaga ;
Israel enanakiya iyayapi kin hena mnawicakiya.
- 3 Tona cante kicaksapi kin okiziwicaya ;
Qa capapi kin pawicakilhta ece.
- 4 Wicanłpi kin tonakeca ešta hena yawa ;
Owasin cajeyata ece.
- 5 Itancan unkitawapi kin tanka, qa towaśake kin ota ;
Qa tookalnige kin he yawapica śni.
- 6 Walıpanicapi kin hena Jehowa najin wicakiya ;
Śicapi kin hena makata elıpewicaya ece.
- 7 Wopida odowan on Jehowa ayupta po ;
Candowankiyapi on Wakantanka unkitawapi kahiyaya po.
- 8 He mahpiya kin mahpiya śapa on akałpa ;
Maka kin magaju kicaga ;

PSALM 148.

- Qa he kin peji oicahiya ece.
- 9 Woteca kin woyute wicaqu ;
Kangi cinca nakun, ceyapi kinhan.
- 10 Šuktanka towašake kin he iyokipi šni ;
Wicašta huha kin hena on iyuškin šni.
- 11 Tona kokipapi kin hena Jehowa iyokipi ;
Tona iye towaonsida apepi kin hena.
- 12 Jerusalem, Jehowa yatan wo ;
Zion, Wakantanka nitawa idowan wo.
- 13 Nitatiyopa ihupa kin hena yusuta ;
Nicokaya nicinca kin wicayawašte.
- 14 Nihdukšan wookiye kaga ece ;
Aguyapi šin kin on imnaniyan.
- 15 Taku eye cin he maka kin ekta ye ši ;
Iye oie kin dus inyanka ece.
- 16 Wa kin he hiyuya, taħinca hin iyececa ;
Hewanke kin cahota iyecen kada ece.
- 17 Wasu tawa kin onšpašpa iyecen elipeya ;
Osni tawa itokam tuwe najinhan najin okihi he.
- 18 Iye oie kin ye ši, qa hena span kiya ;
Tate tawa ukiya eca mini kaduza ece.
- 19 Iye oie kin Jakob okiyaka ;
Tawoahope qa tawoyaco kin, Israel en.
- 20 Oyate kin owasin hecen ecawicakicon šni ;
Qa tawoyaco kin hena sdonyapi šni.
Halleluya.

PSALM 148.

- 1 Halleluya.
Maħpiya kin etanhan Jehowa yatan po ;
Tehanwankantu ekta he yatan miye.
- 2 Taohnihdewicaye cin owasin, he yatan po ;
Wicobe tawa iyuhpa, he yatan miye.
- 3 Anpetu wi qa hanyetu wi, he yatan po ;
Iyoyanpa wicanłipi owasin, he yatan miye.
- 4 Maħpiya maħpiya kin, he yatan po ;
Qa mini, maħpiya iwankam un kin nakun.
- 5 Hena Jehowa caje kin yatanpi kte ;
Iye ecen eya, unkan kagapi, heon etanhan.
- 6 Qa hena yusuta, owihanke šni hehanyan ;
Woope wan wicaqu, unkan he acakšinpi šni.
- 7 Maka kin etanhan, Jehowa yatan miye ;
Hogan tankinyanyan qa ošbe kin owasin.
- 8 Peta qa wasu, wa qa šota ;
Tateiyumni iye oie econ ece kin :
- 9 He kin hena, qa paha owasin ;
Waskuyeca can, qa hante owasin :
- 10 Wamanica, qa woteca owasin ;
Watatka, qa taku kinyan un kin :

PSALM 150.

- 11 Maka wicaštayatapi, qa oyate owasin ;
Wicašta itancanpi, qa maka akan wayaco owasin :
- 12 Koška, qa nakun wikoška ;
Wicahinca qa hokšiyopa om :
- 13 Hena Jehowa caje kin yatanpi kte ;
Iye caje kin ecedan yatanpi ece ;
Towitan kin maka qa malhipiya kin iwankam.
- 14 Unkan iye taoyate he wan icaliwicakiciya ;
Wicašta wacantkiya tawa owasin on wowitan kin hee ;
Israel cinca kin on, oyate wan iye ikiyedon unpi.
Halleluya.

PSALM 149.

- 1 Halleluya.
Jehowa odowan teca wan kahiyaya po ;
Towitan kin, wicašta wacantkiya mniciyapi kin en.
- 2 Waicalhye cin on Israel iyuškin nunwe ;
Zion cinca Wicaštayatapi tawapi kin on icidowanpi kte.
- 3 Wacipi kin on iye caje kin yatanpi nunwe ;
Cancega cotanka ko on idowan miye.
- 4 Jehowa iye taoyate kin on iyuškin ;
Onšiičidapi kin hena wiconi koyagwicaya ece.
- 5 Wowitan on wicašta wacantkiya iyuškinpi kte ;
Towinjapi akan dowanpi nunwe.
- 6 Iyotan Wašaka yatanpi kin dotepi ohna un ;
Qa napepi ohna mazasagye anog ope kin.
- 7 Hecen Ikcewicašta ehna watokičonpi kta ;
Qa oyatepi kin kakišwicayapi kta.
- 8 Wicaštayatapi wicayahapi mazaicicalhiha on wicakaškapi kta ;
Qa tona wicakinicapi kin hena maza icaške on.
- 9 Hena en woyaco owapi kin yuštampi kta ;
Wowitan kin de wicašta wacantkiya tawa owasin yuhapi.
Halleluya.

PSALM 150.

- 1 Halleluya.
Tipi wakan tawa ohna Wakantanka yatan po ;
Wowašake malhipiya tawa kin ohna idowan po.
- 2 Wicohan tanka econ kin on yatan miye ;
Iyotan tanka kin iyececa idowan po.
- 3 Mazayahotonpi on yatan miye ;
Cotanka candowankiyapi ko on yatan po
- 4 Cancega wacipi ko on he yatan miye ;
Candowankiyapi cotanka ko on yatan po.
- 5 Mazasnasna hotanka on yatan po ;
Mazasnasna wiyuškin on he yatan miye.
- 6 Taku niya un kin owasin Jah yatan po.
Halleluya.

WICOIE WAKAN.

WICOWOYAKE 1.

1 Wicoie wakan Israel wicašta yatapi kin, Dawid cinhintku Salomon he tawa.

2 Woksape woonspe ko sdonye wicakiye kte, wowiyukan iapi kin okañnih wicakiye kta,

3 Woksape, woonspe, woecetu, woyaco qa wicohan owotanna yuhe wicakiye kta ;

4 Tona wacintonšni ksam wicaye kta ; koška kin woksape wowayupike ko wicaqu kta.

5 Wicašta ksapa nañon kinhan sanpa ksape kta, qa wicašta wokcan wokonze okañnige kta.

6 Heon wicoie wakan kin okañnigapi kta, wicašta ksapa oiepi qa taku okañnigapi tehika eyapi kin koya.

7 Jehowa kokipapi kin wosdonye otokahe kin hee, tuka wicašta witkotkopi woksape qa woonspe ihaktapi šni.

8 Micinkši, niyate taku onspe niciye cin nañon wo, qa nihun taku ope niši kin eñpeye šni wo.

9 He watešdake wašte nipa kin ihdukšan, qa wanapin nitahu kin en un kta.

10 Micinkši, wañtanipisa niyutitan cinpi ešta ihnuhan wicayada kin.

11 Ito unyanpi kte, wicašta ktepi kta e nañmana awicunpepi kta, taku šica econpi šni kin hena ituñ wicunhmukapi kte ;

12 Woña en iyohpayapi ocowasin, qa Hades iyecen ni unpi nawicunpcapi kta ;

13 Taku wašte ota iyeunyanpi

kta, untipi woyuha ojugjudan unhapi kta :

14 Hena owasin eñ onyapapi kta, mazaska opiye okonwanjidan unhapi kta, eniciyapi kinhan :

15 Micinkši ihnuhan canku kin he en owicayape cin ; oye tawapi kin etanhan nisiha kin ehdaku wo.

16 Sihapi kin taku šica oinyankapi, qa wicawe papson inañnipi.

17 Taku hupahu ton hiyeye cin owasin wanyakapi icunhan mazahitakiyapi ituñ onpapi.

18 Tuka hena iye we kin hmunkapi, iye nagipi kin on inahmanpi.

19 Tona šicaya taku kamnapi, qa tuwe tawa ktepi kin hena owasin tacankupi kin hececa.

20 Woksape tankan pan, canku kin ohna hoyeya ece ;

21 Otonwe canku ihanke kin ohna, tiyopa icahda mniciyapi ohna ieyanpaha, qa heya,

22 Wacintonpi šni tohanyan wicawitkotkoke cin he wašte yadakapi kta, qa waoncesapi tohanyan wowaonce kin he iyonicipipi kta, qa witkotkopika wosdonye šiceyadakapi kta he ?

23 Miye ocihanpi heon ihduccetupo ; mitaniya kin acicaštanpi kta, mioie kin okañnih ciciyapi kta.

24 Hoyeciciyapi tuka ayakta-pi šni, minape kin mdumdaya tuka tuwedan en ewacin šni.

25 Wahokonciciyapi kin owasin eñpeyayapi, qa wakta ciyapi kin iyonicipipi šni.

26 Miś eya nihnaśkinyanpi kin icihapi kta, tohan nina koyakipapi kinhan oncicapi kta.

27 Woihangye tohan hiyohi qa koyakipapi kinhan, iyoniciśicapi, wamniomni iyececa wocante śica wicokakije ahna nihiyohipi kinhan :

28 Hehan houmakiyapi kta tuka waamdupte kte śni, hanhan-na omadepi eśta iyemayanpi kte śni.

29 Wosdonye śice dakapi, qa Jehowa kokipapi kin kañnigapi śni.

30 Wahokonwicawakiye cin tawaŕenyapi śni, iyopewicawaye cin owasin wahtedapi śni ;

31 Heon oħanyanpi waskuyeca kin hdutapi kta, qa iye waho-konkiciyapi kin he imna kiciyapi kta.

32 Oziiċiyapi kin witkotkopi kin ŕe wicaya, qa iyokipiċiyapi kin wacintonpi śni kin ihang wicaya ece.

33 Tuka tuwe anamagoptan kin wikope wanin ounye kta, qa taku śica ikope śni owanji un kta ce.

WICOWOYAKE 2.

1 Micinkśi, tokin mioie kin iyacu qa wahokonciċiye cin nahmana niciyehnaken ;

2 Ninoge kin woksape anagoptan qa nicante kin wookalnige ekta ye yakiyen.

3 Han wokcan yakipan, qa wookalnige hoyeyakiye kta ;

4 Mazaska iyecen ayakite ċa patanyan mazaska wokihnake iyecen oyade cinhan ;

5 Hehan Jehowa kokipapi kin oyakahnige kta, qa Wakantanka sdonyapi kin iyeyaye kta.

6 Jehowa woksape wicaqu ece, iye i kin etanhan wosdonye wokañnige koya.

7 Tona owotanna kin hena wiconi awicakicihnaka ; tona ece-tuya oħanyanpi kin Jehowa wahacanka yapi ;

8 Hecen wicoope canku kin ope wicakiye ċa, tona wašte wicakida hena canku awanwicakiciyaka ece.

9 Hehan wicoowotanna, woyaco, wokonze, oye wašte owasin oyakahnige kta ;

10 Woksape nicante kin en hiyu kinhan, qa wosdonye ninagi kin iyokipi kinhan ;

11 Wacintonpi kin awanniciyake kta, wookahnige niyuhe kta.

12 Heon canku śica etanhan enihdaku kta, wicaśta pemniyan ie cin etanhan ;

13 Hena canku owotanna eħpeyapi, qa otpaza canku kin omalnipi ;

14 Taku śica econpi kta e iyuśkinpi, pemniyan oħanyanpi kin wowinktayapi ;

15 Oye tawapi kin śkośkopa, qa tacankupi kin pemnimni ece.

16 Wihomniwin kin etanhan enihdaku kta, witkowiwin i skuya etanhan.

17 He tokaheya yuze cin eħpekiye ċa, taku wakan tawa tawicoun kin akiktonja.

18 Tiyohnaka kin wiconŕe ekta-kiya atakinyan ya, qa oye tawa kin wanna ŕapi iyahde.

19 Tona en yapi kin hetanhan wanjidand ku śni, qa wiconi canku kin iyahde śni do.

20 Hecen wicaśta wašte tacankupi kin omayani kta, qa wicaśta owotanna tacankupi kin oyape kta.

21 Wicaśta ecetupi kin hena maka kin otipi kta, wicaśta wašte kin hen ounyanpi kta.

22 Tuka wicaśta śica kin maka kin etanhan wicakawankapi

WICOWOYAKE 3.

kta, qa tona sícaya oňhyanpi kin hena wicakawihnunipi kta.

WICOWOYAKE 3.

1 Micinksí, mitoope kin ihnuhan ayektonje cin, qa mitawoa-hope kin nicante kin ekta yuha wo.

2 He wookiye anpetu hanska-ska qa wiconi omaka ota aokijuniciye kta.

3 Ihnuhan wocantkiye qa wovicake aniyuŝtan kin, hena nitahu kin en apalita wo, qa nican-tojuha kin akan okiwa wo.

4 Hecen yaksape kta, qa Wakantanka wicaŝta ko cante ni-ciye kta.

5 Nicante ocowasin on Jehowa wacinyan wo, qa nitawacin kin ikpatan ŝni wo ;

6 Canku nitawa kin owasin ohna he kiksuya wo, kinhan ni-oye kin owasin awanniciyake kta.

7 Ihnuhan ksape niçida kin, Jehowa kokipeyahan un qa taku síce cin etanhan ihduhomni wo.

8 He nicełpi zaniyan niniye kta, qa nihuhu acuniciye kta.

9 Woicihde duhe cin on Jehowa ohoda wo, qa taku icahyaye cin otokapa iyahna :

10 Kinhan tipi womnayaye cin woicewinyan on ojudan kta, qa miniŝa iyuŝkice nitawa kin anapsonpson kta.

11 Cinŝ Jehowa nicapsinpsinte cin he ihnuhan ihayakta ŝni ; qa iyopeniye cinhan wacin ibo-ŝake ŝni wo.

12 Jehowa tona waŝte wicakidake cin hena iyopewicakiya ece, wicaŝta wan cinca iyotan kida kin he iyececa.

13 Wicaŝta kin woksape iyeye cin, qa wicaŝta wookalhnige enapeye cin he wopida yuha.

14 He opetonpi kin hee waŝte, mazaska opetonpi kin hee ŝni ce ; hetanhan icage cin hee iyotan, qa mazaskazi kapeya.

15 He inyan telihika kin he sam iyeya telika, qa taku iyonicipi iyeye cin owasin hena iyowaja ŝni.

16 He etapa kin ohna anpetu hanskaska, qa catka kin ohna woyuha wowitan iyahna un.

17 Owe tawa kin owe wiciyokipi, qa tacanku kin owasin wokiye ;

18 Tona kaskita yuzapi kin he can wiconi yanpi, qa tuwe he patan kinhan he wopida ya.

19 Jehowa woksape on maka kin ŝinsaya ehna ke ça, wookalhnige kin on malipiya kin yuŝtan.

20 Tosdonye kin on woŝbe kin naptujapi, qa malipiya kin cu kin ŝbuya.

21 Micinksí, woksape wicake, wowayupike iyahna awanyaka wo. Ihnuhan hena niŝta kin etanhan nunipi kin ;

22 Kinhan hena nitahu en wana-pin waŝte kta, qa ninagi wiconi yuhe kta.

23 Hecen okope wanin nitacanku kin ohna mayani kta, qa nisiha kin wanahnaye kte ŝni.

24 Makan inonke cinhan takudan koyakipe kte ŝni, makan inonka eca tanyan niŝtinbe kta ece.

25 Ihnuhanna yuŝinye wicaye çin he koyakipe kte ŝni, qa wicaŝta síca wayutakunipiŝni wicahiyohi eŝta nakun.

26 Nakaeŝ Jehowa wacinyaye kta, qa nisiha icupi kte ŝni e awanniyake kta ce.

27 Tona onŝika ninape taku waŝte ecawicakicon okihi kinhan ihnuhan teyahinda kin.

28 Nitawaŝi taku yakiduhe cin-

han, Ekta hda qa ake kuwa wo, heyakecinhan ciçu kta, ihnuhan eyakiye cinhan.

29 Nitakoda takudan ikopesniyan nikiyedani kinhan takudan šica ecakicon šni wo.

30 Wicašta taku šica ecanicon šni kinhan ihnuhan kici ayakinica kin.

31 Wicašta wakisa kin icekin šni wo, qa ohan tawa kin wanjidan kašnige šni wo.

32 Jehowa tona pemniyan oħanyanpi kin waħte wicada šni, tuka wicašta ecetupi kin om woldaka.

33 Jehowa wicašta šica ti kin yašica, tuka wicašta owotanna ounye cin hee yawašte.

34 Waoncapi-en Jehowa waonca, ešta onšiičidapi kin wowašte wicaqu ece.

35 Tona ksapapi kin hena wowitzan ohiyapi kta, tuka tona wiktokopike cin hena wowištece en ihduwankantupi.

WICOWOYAKE 4.

1 Hokšiyopa niyate wahokonniciyapi kin naħonpo, qa wowiyukcan sonyapi kin cantotpanipo.

2 Woonspe wašte cičupi ce, mitoope kin ihnuhan ehpeyayapi kin.

3 Ate cincamayan nahanħin mawankadan, qa mišnana ina icahda waun qehan;

4 Onspemakiya, qa hemakiya; Mioie kin nicante kin yuhe kte, woahope mitawa kin yuha wo, hecen yani kta ce.

5 Woksape kin opeton wo; wokcan kin opeton wo; akiktonje šni wo, qa mii kin etanhan mioie kin nakicipe šni wo.

6 Ehpeye šni wo, hecen awanriyake kta; wašte daka wo, hecen nipatan kta.

7 Wicoksape kin he iyotan; wicoksape kin he opeton wo, qa taku mnayaye cin owasin on wowiyukcan kin opeton wo.

8 He iyotan yada kinhan yuwankan inicu kta, kaskita duze cinhan hehan niyuwitan kta.

9 He nipa kin ihduksan wowicyokipi yuwitaye kta; watešdake okitanin niçu kta.

10 Cins, anagoptan wo, qa mioie kin icu wo, hecen omaka wiconi nitawa kin niciyuotapi kta.

11 Wicoksape canku kin ociciyaka, canku owotanna kin ohna omaniciciya.

12 Ohna mayani kinhan oihe yaye cin aotinsyapi kte šni, qa yainanka ešta nihicahe kte šni.

13 Woonspe kaskita yuza wo; ihnuhan adušan kin, awanyaka wo heon yani kta ece.

14 Wicašta ohan šica tacankupi kin ihnuhan ohna idade cin, qa wicašta pemni kin tacanku kin ohna mayani kte šni.

15 He ehpeya wo, ihnuhan ohna de cinhan, he etanhan ihduhomni qa tokan iyaya wo.

16 Taku šica econpi šni kinhan ištmapi šni ce: Tuwedan wanakaheyapi šni kinhan wicoħba kin wicakipi ece.

17 Wicoħan šica aguyapi kin he yutapi; boticapi miniša kin he yatkanpi ece.

18 Tuka wicašta owotanna canku tawapi kin he iyoyanpa iyega ohinniyan sam wiyatpa aya ecen anpetu wiyotanhan he iyececa.

19 Wicašta šica tacankupi kin he aotpaza; taku en ħicahanpi kte cin he sdotkiyapi šni.

20 Micinkši, mioie kin awacin wo, taku eciciye cin anoh kiciya wo.

21 Ihnuhan he ništa kin icunom iyeyakiye cin, nicante kin cokaya yuha wo.

WICOWOYAKE 5.

22 Tona he iyeyapi kin he wiconi tawapi ee, qa celipi kin oowasin okizi wicaya ce.

23 Taku duhe cin owasin isanpa nicante kin awanhdaka wo, hetanhan wiconi owahinanpe kin hee ce.

24 Wicopemni nii kin etanhan yutokan wo, qa wicaštapi šni niiha etanhan hdutehan wo.

25 Niišta kin nitokam owotanana etonwan kte, niištojuha kin nitokapa ecetuya tonwanhanpi kte.

26 Nisiha oye kin awacin wo; hecen canku yaye cin owasin tanyan yahduštan kta.

27 Nietapa nicatka ihnuhan unmana eciyatanhan nihduhomi kin, taku šice cin etanhan nisiha kin ehdaku wo.

WICOWOYAKE 5.

1 Micinkši, mitoksape kin awacin wo, wookalnige mitawa kin anoh kiciya wo;

2 Hecen wowayupike duhe kta, qa nisiha kin wosdonye patan kta.

3 Witkowin iha kin etanhan tuhмага canhanpi kaduza, qa caka kin wiłdi isanpa šduta.

4 Tuka hetanhan taku icage cin peji hota iyecen pa, isan pesto kin iyecen pe hinca.

5 Siha kin apamahdedan wiconte oiyahdeya, oye kin wakanšica ti kin iyohiya.

6 Wiconi canku kin našna niciye kta e oye kin kpakšikšan, hecen idukcan kte šni.

7 Hokšiyopa detanhan anamagoptanpo, qa wicoie mii kin etanhan inape cin ihnuhan ehpeyayapi kin.

8 Witkowin kin etanhan canku kin hdutehan wo, qa tatiyopa kin ihnuhan kiyadan de cin.

9 Okini nitowašake tokan wicayaqu kta, qa omaka nitawa kin wicašta waonšidapi šni yuhapi kta.

10 Okini toka woyuha nitawa kin on imnapi kta, qa taku on htayani kin witkowin ti kin ohna yanke kta;

11 Okini oniwihanketa woyute nitawa nicełpi ko sotapi kinhan šicahowade kta;

12 Qa, Hehehe, tokeca woonpe šice wadaka, qa wahokonmakiyapi kin ihawakta šni he.

13 Tona waonspemakiyapi kin nawicawahon šni, qa wahokonmakiyapi ho kin anawagoptan šni ece.

14 Wicota qa omniciye cokaya taku šica owasin en ye mičiye kta tuka, ehe kta.

15 Miniłdoka nitawa kin etanhan hdatkan wo, qa wakpadan mini owe nitawa etanhan kaduze cin nakun etanhan.

16 Hecen wakoniya nitawa kin tankaya kaduze kta; otonwe canku kin ohna mini wakpadan kaduze kta;

17 Hena nišnana nitawa kte, tokan tuwedan tawa kte šni.

18 Hecen wakoniya nitawa kin yawaštepi kta, qa honikšidan qehan winohinca duze ciqon he nihduškin kte;

19 Tawiyedan wašte dakapi, qa tatokadan wiciyokipi iyecece kta, azinpi kin imna ničiye kte, anpetu owasin, qa wašte yaki-dake cin ohinniyan wanipi nunwe.

20 Tokeca micinkši winohinca tokeca wanipi kta, qa witkowin maku kin adoksohan duze kta he?

21 Jehowa wicašta canku kin owasin wanyake ca token ohan-yanpi kin wicakicitkeuta.

22 Iye ecinšniyan ohanye cin he wicašta sice cin kihdege kta, qa iye wahtani ikan kin on hmunkapi kte;

23 Witkoya ohanye cin ota onuni kta, qa onspekiyapi šni on te kta.

WICOWOYAKE 6.

1 Micinkši, nitakoda wanji taku yecicajuju kta kehe cinhan, qa on wicašta tokeca nape duza hecinhan;

2 Nii kin etanhan nioie kin he iyanicaškapi; nii kin on taku ehe cin he niyuzapi ce.

3 Heon micinkši hecen econ wo, qa ihduška wo, nitakoda nape kin iyalpade cinhan hunktiya, ihduhukuya qa nitakoda iyopaštaka wo.

4 Niišta kin en wicaliba kin qu šni wo, qa niištojuha kin on ištibe šni wo.

5 Zitkadan tuwe hmunke kta nape kin etanhan ihduška, qa tatokadan wicanape kin etanhan ihduške cin he iyecen ihduška wo.

6 Kuja nanke cin tajuška kin ekta ya wo, yaksape kta e olanyanpi kin wanyaka wo.

7 He itancan nica, akicita nica, qa wicašta yatapi nica;

8 Tuka mdoketu eca taku yutapi kihnaka, qa woksapi eca woyute tawa mnayan ece.

9 Tohantu kinhan makan inonke kta? kuja, ništibe cin etanhan tohantu yekta kta he?

10 Nihba onge qa ništibe onge, qa makan inonke kta e nape pakšijapi onge;

11 Hecen wowałpanice kin wicašta icimani wan he iyecen en niu kta, qa wicašta wipe hduha en nihi kin he iyecen taku owasin inicakije kta.

12 Wicašta šica wicaštapi šni i pemni hduha mani;

13 Išta kin on wiyuta, qa iye siha okiya, qa iye napsukaza on waonspekiya ece;

14 Wacanšinyapi kin cante mahen ohinniyan taku šica kaga, okicize kin he kada elipeya.

15 He etanhan ihnuhanna ihduktakuni kte šni, olankoya yukukapi kta, qa wokicizi wanice kta.

16 Taku šakpe Jehowa sice daka, qa šakowin nagi kin wałtedašni.

17 Wicišta wankantuya, qa wicaceji itonpi šni, qa wicanape tona taku šica econpi šni wewicayapi;

18 Wicacante wicołhan šica ewacin, wicasiba taku šica econpi kta e inalniiyan inyankapi;

19 Wayaatanin ecinšniyan woi-tonšni ipolıya, qa tuwe hunkanwanjin kiciyapi iyakitedan kicikigepi oju kin he nakun.

20 Cinš, niyate wahokonniciye cin tanyan yuha wo, qa nihun toope kin elıpeye šni wo.

21 Hena ohinniyan nicante kin en palıta wo, qa nitahu kin en iyakaška wo.

22 Hecen mayani eca yus anıye kta ece, ništima eca awanniyake kta, qa tohan yekta eca oniciye kta ece.

23 Woahope kin he petijanjan qa wicoope kin he iyoyanpa, qa iyopewicayapi woonspe kin he wiconi canku kin ee.

24 He winołinca šica etanhan awannihdake kta, winołinca oyate tokeca ceji skuya etanhan.

25 He owanyag wašte ešta nicante kin ekta kon šni wo; qa ištojuha kin on ihnuhan inicu kin.

26 Witkowin kin wicašta wan

WICOWOYAKE 7.

aguyapi ciqadan ekta aye kta, qa wawicihañapi econsa kin wicanagi tehika apasi kta.

27 Wicašta wan peta ikpihnake cinhan tawokoyake kin hūhna-ge kte śni he ?

28 Tuwe petaga amani kinhan siha kin gu kte śni he ?

29 He iyecen tuwe wicašta tokeca tawicu kici iwanke cinhan ; tuwe kašta he yutan kinhan taku śica iyahdeya.

30 Tuwe wotektehda on wo-yute manun qa wipiñiya ešta nina śicedakapi śni ;

31 Tuka iyeyapi kinhan śakowin akihde wicakicu kta ; ti kin ohna taku yuke cin owasin ešta wicaqu kta.

32 Tuka tuwe wawicihañapi winohinca wan kici econ kin he cante wanica, tuwe hecon kinhan ñagi kin ihang kiya.

33 He apapi kta, qa ištenyapi kta, qa wowištece kin he kajujupi kte śni.

34 Wowinawizi he wicašta tocanteptanye kin ee, tohan tokicon kinhan wawitonpe kte śni.

35 Wokajuju tanka ešta ihakta kte śni, taku ota yaqu ešta iyokipi kte śni.

WICOWOYAKE 7.

1 Micinkśi, mioie kin yuha wo, qa mitawoahope kin niye eniñihaka wo.

2 Mitawoahope ništa su kin iyecen yuha wo, qa mitoope kin, hecen yani kta ;

3 Hena ninapsukaza en apañta wo, qa nicante ojuha kin akan owa wo.

4 Wicoksape kin, Nis tanke ciya eciya wo, qa wookahnige, Mitakuye caje yata wo.

5 Hecen witkowin kin etanhan

nipatan kta, wihomniwin i skuya kin etanhan.

6 Wati owanyeye kin hetanhan can ipuskica ohna aowakasin qehan ;

7 Wacintonpi śni wicehna ewatonwan, cincapi ehna koškadan cante nica iyewaya ;

8 Witkowin oise tawa kin ikiyedan mani, canku wan ti kin iyahde kin he ohna ya ;

9 Anpetu owihanketa htayetu, hanyetu otpaza he ehan ;

10 Unkan inyun winohinca kin he itkokipa, witkowin wan iyecen ihduze ça cante kin nakiñbe.

11 Owanji yanke śni qa wicakihna, siha kin tipi tawa ohna yakonpi śni.

12 Tuktekten tiyopa ekta, tuktekten canku kin ohna, qa oise owasin ikiyedan wicahmonka.

13 He yuze ça i iputake ça waditagya heciya,

14 Wopida woñnapi mduha, nakaha hanmdepi wahduştan :

15 Heon itkocicipe kta e tankan wahnawape ; niite kin wanciyake kte hinca qa wanna iyeciye.

16 Ohewahde kin śina owinś waya ; Egupton wipatapi on apañdan waton ;

17 Mitowinja kin mura, canśin qa canhaśa okañtan waya.

18 Ito unhde ça iyokipi kiciya imnaunkiciye kte : Hanyetu osan waštekidaya unkiciyuskin kte ;

19 Wicašta kin tin yanke śni, tehan icimani iyaya ;

20 Mazaska ojutonpi nape ohna icu, wi mibe kin anpetu kin he en hdi kta ce.

21 Wicoie skuya ota on he yahomni, iha skuya on yaptanye ya.

22 Unkan ihnuhana ihakamya

WICOIE WAKAN.

mani, tatanka wan tutken patapi kta ekta ye cin he iyecen, qa tahinca hmunkapi kin en inyanke cin he iyecen.

23 Ecen wanhinkpe wan pi kin ipahdan iheyapi; zitkadan wan hmunkapi en kinyan iyopta, qa on te kta sdotkiye sni he iyecen.

24 Heon micinca anamagoptanpo, qa wicoie mii kin ie cin awacinpo.

25 Ihnuhan nicante kin winohinca kin he oye kin en nihduhomni kinhan, tacanku kin ohna onuniye sni wo.

26 Wicota capapi makata ehpewicaya, wicakte kin hena owasin wasakapi.

27 Ti kin he Hades canku iyahde kin hee, wiconte temahentuya ohna iyaye wicaya.

WICOWOYAKE 8.

1 Awicakehan woksape kin waiyanpaha, qa wookahnige kin hoyeya ece.

2 Paha hinca akan najin, canku icipawega ohna.

3 Tiyopa icahda, otonwe tiyopa en, tukten tiyopa ohna hiyupi ekta wicakipan.

4 Ihopo, wicašta cicipanpi qa Adam cinca kin hoyeciciyapi ce.

5 Tona wacinnitonpi sni kin wowayupike onspeiciciyapo, qa winitkotkopika cante kiksapanpo.

6 Anagoptanpo, qa iha wahdukawa ca taku owotanna epe kta.

7 Micaka kin wowicake eye kta, qa wowicašta sni miha kin wahte da sni.

8 Mii kin etanhan wicoie kin owasin ecetupi, hena en takudan skope sni qa pemni sni.

9 Wicašta wiyukcan kin hena owasin mdeza e iyeya, tuwe wo-

sdonye akite cinhan hena owotanna e iyeye kta.

10 Mazaska hee sni, tuka wonspeciciyapi kin he icupo, qa mazaskazi hinca hee sni tuka wosdonye kin he kahinigapo.

11 Woksape kin he inyan tehiliika kin sam iyeya tehika, qa taku kašta iyowicakipi owasin he iyowaja sni.

12 Woksape he miye, qa iyotan wamdupika; taku wayupika sdonyapi kin hena owasin iyewayaya ce.

13 Tona Jehowa kokipapi kin hena wicohan šica šicedakapi; wahaničidapi, watanka ičidapi, šicaya opiiciciyapi, qa wicai pemni kin hena šice wadaka.

14 Wahokonwicakiyapi wiconi ko hena mitawa, wokcan kin he miye, wowašake he mitawa.

15 Miye eciyatanhan wicašta yatapi wawidakapi, qa itancanpi taku owotanna wakiconzapi ece.

16 Miye eciyatanhan itancanpi oyate yuhapi, qa tona maka akan wayacopi itancanyan unpi.

17 Tona wašte madapi kin hena wašte wadaka, qa tona hanhanna hin amakitapi kinhan iyemayanpi kta.

18 Woyuha ota qa wowitan miciyukan, woicihde suta qa wokiconze.

19 Mazaskazi ecedan hin ešta mitawaskuyeca kin he iyotan, qa mazaska kahinigapi ešta taku icahwaye cin hee iyotan wašte.

20 Wicoowotanna canku ohna mani wicawaya, wokiconze oye kin cokaya ohna.

21 Hecen tona wašte madapi kin hena taku hohošni tawayapi kta, qa wopiye tawapi ojudan wicawakiye kta.

22 Jehowa tolian tokaheya mayuhe ciqon, takudan icahye sni he itokam kici waun.

WICOWOYAKE 9.

23 Otokahe wanin ehantanhan sdamayanpi, otokahe ekta maka kin itokam.

24 Ošbe wanica hehan matonpi, wakoniya mini ojudan itokam icalmayanpi;

25 He imnija kin sutaya ehdepi šni, qa paha kin itokam icalmayanpi;

26 Maga qa tinta qa maka mdu paha kin kage šni itokam;

27 Małpiya ehnahe çehan en waun; ošbe akan wohmihbe ehde he ehan.

28 Wançantanhan małpiya šoka otke ya; ošbe kin etanhan wakoniya yušan he ehan;

29 Miniwanca kin toope qu, qa mini kin huta kin sanpa ye kte šni konze çehan, maka kin sicu kin yasuta qehan;

30 He ehan ikiyedan manka, kici icalimayanpi, anpetu otioyohi toiyokipi kin he miye, qa ohinniyen itokam wimduškin.

31 Wicašta cincapi om imduškin, qa maka ounyanpi kin he iyomakipi.

32 He etanhan dehan micinca anamagoptanpo. Tona mitacanku opapi kinhan hena pidaiçiyapi.

33 Woonspe kin nałonpo, qa ihduksapapo, ihnuhan he ehpeyayapi kin.

34 Wicašta tuwe anamagoptan anpetu owasin mitat iyopa awanyake ça tiyopa icalhda najin kin he wopida.

35 Tuwe iyemaye cin he wiconi iyeya, qa Jehowa en woiyokipi aihdutan.

36 Tuwe miye en wahtani kin he nagi kin kiunniyan, tona šice madapike cin hena wiconte wašte dakapi ece.

WICOWOYAKE 9.

1 Woksape tipi tawa wanna

kage ça inyan šakowin oahe kin hdakan:

2 Tado wanna kpata, miniša kin icicahi, qa wahna wotapi kin ekihde.

3 Wikoška tawa kin ye wicaši, wicoie wakan otonwe ohna he ipa kin akan pan yanka.

4 Tuwe wacintonšni deci u wo, cante nicapi kin hewicakiya,

5 Kuwapo, aguyapi mitawa etanhan yutapo, qa miniša wiye-ya ewehde kin etanhan yatkanpo.

6 Wicowitkotko kin ehpeyapo, hecen yanipi kta; qa wokcan canku kin ohna manipo.

7 Tuwe waonca wahokonkiye cin he wowištece iyahdeičiya, qa tuwe wicašta šica iyopeye cin he ihdušape kta.

8 Wicašta waonca ihnuhan iyopeyaye cin, šice nidake kta naceca; tuka wicašta ksapa he iyopeya wo, hecen wašte nidake kta.

9 Wicašta ksape cin waonspekiya wo, hecen sanpa ksape kta; wicašta owotanna wosdonye qu wo, he icu kta.

10 Woksape otokaheya kin he Jehowa kokipapi kin ee, qa taku wakan sdonyapi kin wokcan itancan kin hee.

11 Miye on anpetu nitawa niciyuotapi kta; nakun wiconi omaka yuhe ciciye kta.

12 Yaksape cinhan nitoksape taku aicage cin he nitawa kta, qa waonyace cinhan nišnana šitkihda niçiyekta.

13 Winohinca witkotkoka kin he iwakan, wacintonšni qa takudan sdonye šni.

14 Iye ti tiyopa kin icalhda iyotanka, otonwe pajodan ohna canakanyotankapi akan.

15 Ahiyayapi kin wicakipan, canku katinyan omanipi kin hena;

WICOIE WAKAN.

16 Tuwe wacinton śni kinhan, kuwa wo, eciya, qa tona cante nicapi hewicakiya,

17 Mini manonpi kin he skuya ce, qa aguyapi nahmana yutapi kin he wiciyokipi ce, eya.

18 Tuka hen wicanagi yakonpi, tona wicakico Hades osmaka kin ohinipayapi wicašta kin sdoneye śni.

WICOWOYAKE 10.

1 Wicoie wakan Salomon tawa. Hoksiyopa ksapa eca atku ku iyuskin kiya ece; tuka hoksiyopa witkotkoke cin he hunku kin iyokişinya.

2 Wicohan śica on mazaska mnayanpi kin owicakiyapi śni; tuka wicoowotanna wiconęe c-tanhan waehdaku.

3 Jehowa wicašta owotanna nagi kin akihan ye kte śni, tuka wicašta śica taku cinpi ehpe-wicakiciya ecc.

4 Tuwe nape kuje cinhan ihdu-wahpanica, tuka wicanape minihcca kin he wjinwicaya ece.

5 Tuwe mdoketu eca wamnan ece kin he hoksiyopa wayupika, tuka tuwe wamnayanpi icunhan iştinbe cin he hoksiyopa wawištenya ece.

6 Wicašta owotanna pa kin yawaştepi, tuka wowiştece wicašta śica i kin aohdute ye kta.

7 Wicašta owotanna kiksuyapi kin yawaştepi kta, tuka wicašta śica caje kin kuke kta.

8 Tuwe cante ksape cin he wahokonkiyapi icu kta, tuka tuwe iha witkotkoke cin he wan-kahe kta.

9 Tuwe wohnaye wanin mani kinhan okope codan mani kta; tuka tuwe canku kin hdupemni kin he sdoniyapi kta.

10 Tuwe išta kin on wiyute

cin he woiyokişice icaliya, qa tuwe iha witkotkoke cin he hi-cahe kta.

11 Wicašta owotanna i kin wiconi minihdoka kin hee, tuka wicowohitike kin wicašta śica ipi kin akaşpe kta.

12 Woşicedake kin wicakigepi kaga, tuka wowaşteedake kin he woahitani owasin akaşpa.

13 Wicašta wiyukean iha kin ohna woksape iyeyapi kta, tuka wicašta cante nice cin nite ekta cansakadan kta.

14 Wicašta ksape cin hena woksape nakihmanpi, tuka tuwe witkotkoka i kin ecadan inihan kta.

15 Wicašta wawokihika towijice kin conkaşke sutu kin hda-wa, tuka wowahpanice wicašta onşika yuşinye wicaya.

16 Wicašta owotanna kin wiconi iyuwin yapi, tuka wicašta śica woahitani icaliyapi ece.

17 Tuwe woonspe hduhe cin he canku wiconi iyahde kin he opa; tuka tuwe wahokonkiyapi awakicin śni kinhan nuni.

18 Tuwe iha itonpi śni on wo-canniye anakilibe, ca tuwe wowiştece yaotanin kin is eya witkotkoka.

19 Tuwe wicoie ota ie cin wahtani, tuka tuwe iha nina hduhc cin he ksapa.

20 Wicašta ohan owotanna cante kin he mazaska kalnigapi, wicašta śica cante kin he taku śni.

21 Wicašta owotanna iha kin wicašta won wicaya ece, tuka wicašta witkotkopi kin cante nicapi on şapi kta.

22 Jehowa toyawaşte kin wawijinya kin hec, qa iyahna woi-yokişica opeye śni.

23 Taku śica econpi kin wicašta witkotko imagaga iciyapi,

WICOWOYAKE 11.

tuka wicašta wiyukcan woksape opa.

24 Wicašta śica taku ikope cin he akipe kta, qa wicašta owotanna taku cin kin he kiçupi kta.

25 Tate iyumni ahiyaya eca wicašta śica en un kte śni; tuka wicašta owotanna oahe kin owihanke wanica.

26 Hastanhanka toto wicahi kiuniyan, qa śota wicišta kin en he iyecen wicašta kuja tona yešipi kin en.

27 Jehowa kokipapi kin he anpetu wicakiciyuota, tuka wicašta śica omaka tawapi kin wicakiciyuptecedanpi kta.

28 Wicašta owotanna wowiyuški kin apepi, tuka wicašta śica taku apepi awihnuni kta.

29 Jehowa tacanku kin wicašta wašte wašag wicaya ece, tuka wicašta śica yušinyewicaya.

30 Wicašta owotanna ohinniyah yuhohopi kte śni, tuka wicašta śica maka kin ounyanpi kte śni.

31 Wicašta owotanna i kin woksape hinanpe ya, tuka wope mni ceji kin bašpapi kta.

32 Wicašta owotanna iha kin taku wiciyokipi sonya, tuka wicašta śica ipi kin wicoškiške.

WICOWOYAKE 11.

1 Wohnayan tke utapi kin he Jehowa wahtedaśni, tuka tke utapi ecetu kin he Jehowa toiyokipi ee.

2 Tohan wahanicidapi hi kin kan wowištece he nakun u ece, tuka woksape onšihanpi kin wicayakan.

3 Wicašta wašte towaštepi kin awicaye kta, qa wicašta śica topemnipi kin ihang wicaye kta.

4 Wocanniye anpetu ehan woyuha takudan okihi śni, tuka

wicoowotanna wiconę etanhan waehdaku.

5 Wicašta wašte toowotanna kin canku wicakiciyumdaye kte, qa wicašta śica tolian śicapi kin on hicahanpi kta.

6 Wicašta ecetupi kin toowotanpi kin wicakiyuška ece, tuka wicašta wakonsa tawohnayanpi kin wicahmunka.

7 Tohan wicašta śica ę cinhan taku cin qon awihnuni kta, qa taku wicašta ohan śica apepi atakuni śni ece.

8 Wicašta owotanna woiyokišice etanhan inapa, qa wicašta śica wan he en hiyu.

9 Wicašta wahnayan iye i kin on takodaku ihangya, tuka wicašta owotanna tosdonyepi kin he ewicahdaku.

10 Wicašta owotanna tanyan unpi kinhan otonwe kin iyuški kin, qa wicašta śica awihnunipi eca wiyuškiinyan dowanpi ece.

11 Wicašta ecetupi yawaštepi kin he otonwe kin yawankan tuya, tuka wicašta śica ipi kin he yajuju.

12 Tuwe takodaku wahtedaśni kin he cante nica, tuka wookah nige wicašta kin inina yanka.

13 Waaiesa kin taku nahmana oyakapi kin he yaotanin, tuka tona woniya wacinyepica kin hena wicoie anahmanpi ece.

14 Tukten wahokonkiyapi wance cin hen oyate wankahe kta, tuka wiyukcanpi ota on etanhan wicani.

15 Tuwe wicašta tokeca taku icazo kicicajuju kta keye cinhan kiunni kta, tuka tuwe he weci cajuju kta eye kapin kin he wacinyepica.

16 Winohinca wašte wowitan yuhe kta, qa wicašta wašaka woyuha patanpi ece.

17 Wicašta wacantkiya iye na-

gi tanyan ecakicon; tuka tuwe waonsida s̄ni kin he iye cēpi kin kiunni.

18 Wicašta śica woh̄naye wohtani econpi; tuka tuwe wootanna oju kin iyuwin wicaka yuhe kta.

19 He iyecen wicoowotanna on wicani, qa tuwe wicoħan śica ope cinhan ŧeĩciya.

20 Tona cante pemniyan unpi kin hena Jehowa wowalitedašni, tuka tona tacanku ecetupi kin hena iyokipi yapi.

21 Wicanape tokan nape ekta yekiyapi ešta wicašta śica ūitki-hdayapi kta; tuka wicašta owotanna cincupi kin he inape kta.

22 Winolinca owanyag wašte tuka woksape nice cin he mazaska oinna kukuše pasu kin ohna kin he iyececa.

23 Wicašta owotanna taku wašte heceedan cinpi, tuka wicašta śica woçanniye aepi.

24 Wanji wakadada ešta sanpa mnayan, qa wanji taku owotanna isanpa tehinda ešta ihduwaħpanica.

25 Wicanagi wayawašte kin he cepe kta, qa tuwe waamnimi kinhan amnimnipi kta.

26 Tuwe wamnaheza tehinda kin he oyate kin yaścapi kta, tuka tuwe he iyopeye cinhan woyawašte pa akan un kta.

27 Tuwe wowašte nina akite cinhan woiyokipi iyeye kta, qa tuwe taku śica ode kinhan he iyohi kta.

28 Tuwe towijice kin wacinkiyey cinhan ħicahe kta, tuka wicašta owotanna canwapa iyecen tanyan icagapi kta.

29 Tuwe iye ti kin iyokišinye cinhan tateyanpa ekicihnakapi kta, qa tona witkotkokapi kin hena, tuwe ksape cin wowidag wicaye kta.

30 Wicašta owotanna taku icahye cin he can wiconi kin ee, qa tuwe wicanagi ohiwicaye cin he wicašta ksapa.

31 Wicašta owotanna maka akan iyuwin yuhe kta, hecinhan wicašta śica qa walitanisa isanpa hececapi kta.

WICOWOYAKE 12.

1 Tuwe wahokonkiyapi wašte dake cinhan wosdonye wašte daka qa tuwe iyopekiyapi kin śice daka he witkotkoka.

2 Jehowa wicašta wašte cantekiya, tuka tuwe taku śica awacin kin he yaco kta.

3 Wicašta wicoħan śica eciyatanhan sutaya he kte s̄ni, tuka wicašta owotanna hutkan tawapi kin hohodan kte s̄ni.

4 Tuwe hihnaku ištenkiye cin he huhu owasin kuke kiya iyececa, tuka winolinca ksapa wan hihnaku watešdake tawa kin hee.

5 Wicašta owotanna cante ozepe kin hena ecetupi, tuka wicašta śica wahokonkiyapi kin he woh̄naye.

6 Tona śica oiepi on wicawe hmunkapi, tuka wicašta owotanna i tawapi ewicayakupi kta.

7 Wicašta śica kawankapi qa en unpi s̄ni, tuka wicašta owotanna tipi kin sutaya he kta.

8 Wicašta token ksapa he iyecen yatanpi kta, qa tuwe cante pemni kin woihaktapi s̄ni un kta.

9 Tuwe ihaktapi s̄ni ešta ookiye wan yuhe cinhan tuwe ihduonihan qa aguyapi codan un kin he isanpa tanyan un ece.

10 Wicašta owotanna kin tawoteca ni un kin en ewacin cee, tuka wicašta śica wawacinkta yuzapi kin he wohitika.

11 Tuwe tamaga kicanye cin

WICOWOYAKE 13.

he aguyapi imnaiciye kta, tuka tuwe takuśniśni kuwa kin he cante wanica.

12 Wicašta śica kin śicapi conkaške tawapi cin ece, tuka tona owotanna hutkan tawapi kin taku icañya.

13 Iha itonpi śni kin on śicaya wicahmunkapi, tuka wicašta owotanna wokakije etanhan inanpe kta.

14 Wicašta i waskuyeca tawa kin he etanhan taku wašte on innapi kta, qa taku iye nape kage cin he kicupi kta.

15 Wicašta witkotko canku tawa kin he owotanna kecin, tuka tuwe wahokonkiyapi anaoptan kin he ksapa.

16 Wicašta witkotko tocanniyek kin ecanan hdutanin, tuka wicašta wayupika ištenyapi kin ahdałpa.

17 Tuwe wowicake ie cinhan taku owotanna yaotanin, tuka wayaatanin itonśni kin he wohnaye.

18 Wicašta wan isan cawicape iyecen ia, tuka tona ksapa cejipi kin he wookizi.

19 Wowicake iha kin he ohinniyan suta kta, tuka ceji itonśni kin he aškayedan.

20 Tona taku śica awacinpi cantepi kin ohna wohnaye yukan, tuka wookiye wahokonkiyapi kin hena wowiyuśkin.

21 Wicašta owotanna takudan śica iyahde śni unpi kta, tuka tona śicapi kin hena taku śica ojupidan.

22 Wicaiha itonpiśni kin Jehowa wahtedaśni, tuka tona ecetu oħanyanpi kin hena toiyokipi kin ee.

23 Wicašta ksapa wosdonye ahdałpa, tuka tona witkotkoka cantepi kin wacintonpi śni ieyanpaha.

24 Wicanape miniheca kin he wawidake kta, tuka wicašta kuje cin he wowidake yapi kta.

25 Woiyokiśice wicašta cante mahen he patuśya, tuka wicoie wašte wan he iyuśkin ya.

26 Wicašta owotanna kin tawařitku kin kapeya, tuka wicašta śica tacankupi kin wicahnayan.

27 Wicašta kuja taku ihni kin he pasnu śni, tuka wicašta miniheca woyuha tawa kin he teħika.

28 Wicoowotanna canku kin ohna wiconi, qa oye canku kin ohna wiconęte wanica.

WICOWOYAKE 13.

1 Hokśidan ksape cin he atku ku wahokonkiya naħon, tuka waoncesa iyopekiyapi ešta naħon śni.

2 Wicašta wan i kin taku icañye cin etanhan taku wašte yute kta, tuka tona pemniyan oħanye cin nagipi kin wicowohitike yutapi kta.

3 Tuwe i kin awanhdake cin he nagi kin kpatan, tuka tuwe iha kin hdugaga woiyokiśica yuhe kta.

4 Wicašta kuja nagi kin taku cin tuka wanica; tuka tona miniheca nagipi cepapi kta.

5 Wicašta owotanna wicoie wicake śni śice daka, tuka wicašta śica lionwin qa ištece kta.

6 Wicoowotanna tona ecetupi kin wicapatan, qa wicoħan śica kin waħtanipisa nawicahnaye kta.

7 Wanji ihdawijica tuka takudan yuhe śni, qa wanji ihdawahpanica ešta woyuha ota ton.

8 Wicašta wan toni kin opekiton kta e towijice kin iyopekiya, tuka wicašta śica iyopeyapi naħon śni.

WICOIE WAKAN.

9 Wicašta owotanna toiyoyanpa kin wiyuŝkin kiya, tuka wicašta ŝica petijanjan tawapi kin bowicakisnipi kta.

10 Wahaničidapi kin hecedan waakinicapi kaga, tuka tuwe wahokonkiyapi nañon kin he ksapa.

11 Wicahnayanpi kin eciyatanhan woyuha kin he wanistina aye kta, tuka tuwe iye nape kin on kamna kin he hduota kta.

12 Woape kin yutehanpi kin cante kin iyokiŝin ya, tuka taku cinpi kin iyohipi kin he wiconi can kin he iyececa.

13 Tuwe wicoie kin ihakta ŝni kin ihang ičiye kta, tuka tuwe woahope kin ikope cin iyuwin yuhe kta.

14 Wicašta ksapa toope kin he wiconi wakoniya kin heca, on wiconțe wihmunke yuiyokapi.

15 Tawacin wašte kin wicoiyokipi icahya, tuka tona wahtedaŝniyan ohanyanpi kin canku tawapi kin he tehika.

16 Wicašta ksapa otoiyo hi woŝdonye on taku econ, tuka tuwe wacintonŝni towitkotkoke cin hduotanin.

17 Wahoŝiya ŝica taku ŝica ohinlpaya ece, tuka wahoŝiya wicake cin he wookizi.

18 Tuwe woonspe ehpekiye cinhan wowahpanica wowištece iyahna ičiçaga, tuka tuwe iyopekiyapi awacin kin he kinihanpi kta.

19 Taku cinpi kin iyohipi kinhan wicanagi kin iyokipi, tuka wicoñan ŝica ayuŝtanpi kin he wicašta witkotpki wahtedapi ŝni.

20 Tuwe wicašta ksapa ommani kinhan ksape kta, tuka tuwe wicašta witkotkoke koda wicaye cinhan hee ihang yapki kta.

21 Taku ŝica wahtanipisa wicapasi, tuka tona owotanna taku wašte wicakicupi kta.

22 Wahtanisa woyuha tawa kin wicašta owotanna wicakicihnakapi, qa wicašta wašte cinhintku cincapi kin woyuha tawa wicakiye kta.

23 Wicašta wahpanica mahkicanyanpi on woyute ota icaga, tuka owotanna ohanyanpi ŝni on apa awihñuni.

24 Tuwe wicapsinte tpatan kin he cinhintku ŝice kidaka, tuka tuwe he wašte kidake cin he kohanna iyopekiya.

25 Wicašta owotanna nagi kin innahan wota ece, tuka wicašta ŝica tezipi kin akiñanpi kta.

WICOWOYAKE 14.

1 Winolinca ksape cin otoiyo hi tipi ičiçaga ece; tuka witkotkoke cin he iye nape kin on ti kin hdujuju.

2 Tuwe iye toecetu kin omani kin he Jehowa kokipa, tuka tuwe canku kin hdupemni kin he ihakta ŝni.

3 Wicašta witkotko ipi kin ohna wahaničidapi sagye yukan, tuka tona ksapapi ihapi kin wicahduhapi.

4 Tukten tatanka wanica hen aguyapi tipi takudan ohnaka ŝni, qa oicage ota kin he tatanka waŝake cin he eciyatanhan u ce.

5 Wayaatanin wicake cin he itonŝni wanice kta, tuka wayaatanin ecinŝniyan kin he woitonŝni ipohya.

6 Waoncesa woksape akita ešta he iyeye ŝni, tuka tuwe wokalnige cin he woŝdonye waŝakadan iyeya.

7 Wicašta witkotkoka itokapatnhan ya wo, qa nakun tuwe

woksape iha yuhe śni sdonyaye cinhan.

8 Wicašta wayupika toksape kin he tacanku kin iyukean, tuka wicašta witkotko towitkotkopike cin he wohuaye.

9 Wicašta witkotpiki kin woahtani iħahayapi, tuka tona ece-tupi kin ehna wacantkiyapi yukan.

10 Wicacante nagi kin toiyoki-šice cin sdotkiya, qa towiyuški- en tokan icicahiye śni.

11 Wicašta śica tipi kin kawan- kapi kta, tuka wicašta ecetupi tawakeyapi icage kta.

12 Canku wanji ecetu seca wicašta itokam, tuka he iyohakam- ya wiconęe iyahdeya.

13 Nakun tuktektan iħahapi icunhan cante śicapi, qa wowi- yuški kin he ihanke kin ekta woiyokišica.

14 Tuwe cante namni kin iye tacanku kin on imna kta, qa wicašta wašte iye cante oze on ipi kta.

15 Tuwe wacintonśni kin wi- coie owasin wicada, tuka wica- šta wayupika caehde kin iwan- hdaka.

16 Wicašta ksapa kokipe ęa ta- ku śica etanhan ihduhomni ece, tuka wicašta witkotkoke cin iyo- pta iyaye ęa wacinięiya.

17 Tuwe wacinko kinhan wi- tkotkoya oħanyan, qa tuwe taku śica cantiheye cin śice dakapi kta.

18 Tona wacintonpi śni wowi- tkotko kin tawayapi, tuka wica- šta ksapa wosdonye watešdag tonpi.

19 Wicašta śica tona waštepi wicitokam patujapi, qa tona owotanna tatiyopa itokam.

20 Kodawicaya ešta wicašta waħpanica kin śicedakapi, tuka wicota wijica wan taku yapi.

21 Tuwe takodaku ihakta śni kin wahtani, tuka tuwe tona onśika onśiwicakida yawaštepi kta.

22 Tona taku śica kagapi kin hena nunipi, tuka tona taku wa- šte kagapi wacantkiyapi wo- waonśida ahna tawayapi.

23 Taku kicanyanpi kin owasin on taku mnayanpi ece, tuka wi- caiha iapi kin wicayuwaħpanica heceedan.

24 Wicašta ksapa woyuha ta- wapi kin he watešdag tonpi, tu- ka tona wacintonpi śni towitko- tkopike cin he wowitkotko.

25 Wayaatanin wicake cin he wicanagi ewicayaku, tuka wa- yaatanin wahnaye cin woiton- śni ipohya.

26 Jehowa kokipapi kin en wo- wacinye suta yukan, qa tuwe hecon cinca kin hena wowinape yuhapi kta.

27 Jehowa kokipapi kin he wi- coni minihdoka kin hee, on wi- conęe wihmunke kin etanhan ihdušpapi.

28 Oyate ihduotapi eca wicašta yatapi kin wowitan yuha ece, tuka oyate kin wanistina aye cinhan atakuni kte śni e ikopa.

29 Tuwe tehan canteptanye śni kin he wiyukean tanka, qa tuwe wacinko kin he towitko- tkoke cin hdutanin.

30 Cante zanika celipi nikiya kin hee, tuka winawizipi kin he wicahu kin yukuka kin hee.

31 Tuwe wicašta onśika wan sanpa yuwaħpanice cin he tuwe he icahiye cin he ištenya, tuka tuwe he ohoda kin he waħpa- nicapi kin cante wicakiya ece.

32 Wicašta śice cin taku śica en napeyapi kta, tuka wicašta owotanna ęa ešta taku wacinyan un.

33 Woksape kin wicašta wiyu-

WICOIE WAKAN.

kcan cante kin ohna iyozi, qa wicašta witkotko cokaya kin sdonyapi kta.

34 Wicoowotanna kin he oyate kin wowitan icalwicakiciye cin ee, tuka woahṭani kin he oyate wowištece kin ee.

35 Ookiye ksapa kin wicašta yatapi toiyokipi kin hee, tuka tuwe wowištece kage cin he canniye kta.

WICOWOYAKE 15.

1 H̄bayedan waayupte cin he wowacinko anapta, tuka wicoie teḥike cin he wocanteptanyan kaga.

2 Wicašta ksapa cejipi kin wosdonye yawašte, tuka wicašta witkotko ipi kin wowitkotko enapeya.

3 Jehowa išta kin owancaya wicašta śica wicašta wašte ko owasin iyohi wicaya.

4 Wicaceji wawokizi ye cin he can wiconi kin iyececa, tuka wicaceji wayapemni kin wicanagi kin he yawega.

5 Tuwe witkotko kin he atku-ku wahokonkiye cin ihakta śni, tuka tuwe iyopeyapi iyowiničiye cin he ksapa.

6 Wicašta owotanna ti kin ohna woyuha tanka yanka, tuka wicašta śica taku mnayanpi kin en woškiške yukan.

7 Tona ksapa ihapi kin wosdonye kadadapi, tuka tona witkotko cantepi kin hecetu śni.

8 Wicašta śica woṣnapi kin he Jehowa wowaḥteda śni, qa wicašta ecetupi kin cekiyapi kin he iyokipi.

9 Wicašta śica tacanku kin he Jehowa waḥtedaśni, qa tuwe woowotanna ope cin he wašte daka.

10 Tuwe canku elipeye cin

wahokonkiyapi kin iyokipi śni, qa tuwe iyopekiyapi śice dake cin he ṭe kta.

11 Jehowa wicaṭe cin nagipi kin qa tancan atakunipi śni owasin wanyaka, nakun Adam cinca cante ozepi kin owasin.

12 Waoncesa wahokonkiyapi wašte dake śni, qa wicašta ksapapi kin ekta ye kte śni.

13 Wicacante wiyuśkin kin he itohnake wašte kaga, tuka cante wicaśice cin on wicoksape kin kawanka.

14 Wicacante ksape cin wosdonye akita, tuka witkotko ipi kin wowitkotkoke woyute yapi.

15 Tona iyokiśica anpetu tawapi owasin śicapi, tuka cante wašte kin wohanpi en ohinniyan opapi kin he iyececa.

16 Jehowa wokokipe yapi taku cistina yuhapi ešta hee wašte, tuka woyuha tanka wicoškiške iyahna hee wašte śni.

17 Waḥpe tanka heceedan ešta cante wašteya kiciyus yutapi kin hee wašte, qa tatanka cepa ešta cante śicaya kiciyus yutapi kin hee śica.

18 Wicašta wacinko kicigepi kaga, qa tuwe tehan canteptanye śni woakinica anapta ece.

19 Wicašta kujapi tacankupi kin wapepeka maḥinatake wān iyececa, tuka wicašta owotanna tacanku kin he yumdayapi.

20 Hokaśidan ksape cin he atku-ku wiyuśkin kiya, tuka wicašta witkotkoke cin he hunku kin ihakta śni.

21 Tuwe canṭe nice cin he wowitkotkoke cin wiyuśkinyan, tuka wookaliniga wicašta ece-tuya mani.

22 Wiyukcanpi wanice cinhan cante ozepi kin atakuni śni ece, tuka wiyukcanpi ota on yusutapi kta.

WICOWOYAKE 16.

23 Wicašta i kin tanyan wa-ayupte cin on iyuskin kta, qa wicoie iyehantu kin he wašte hinca.

24 Wiconi canku kin wankan-tuya wicašta ksapa opa, hecen Hades ihukuya kin yuiyogya.

25 Jehowa wahanicida ti kin yujuju, tuka wiwazica ti kin yusuta ece.

26 Cante ozepi šiksica kin Jehowa wahtedašni, tuka wicoie wakašotešni kin he iyokipi.

27 Tuwe šikšicaya wakamna kin he iye ti kin iyokišinya ece, tuka tuwe taku qupi kin šice dake cin hee ni kta.

28 Wicašta owotanna cantepi token waayupte kta awacin, tuka tona šica ipi kin taku šica enapeya ece.

29 Wicašta šicapi kin Jehowa itehanyan wicaun, tuka wicašta owotanna cekiyapi eca nawicašion ece.

30 Wicašta iyoyanpa kin he wicacante iyuskin, qa taku wašte nahonpi kin wicahuhu cemya ece.

31 Wicanoge wiconi woiyopeye nahon kin he wicašta ksapa om wanke kta.

32 Tuwe woonspe aktašni kin he iye nagi kin ehpekiya, qa tuwe woiyopeye nahon kin he cante ton.

33 Jehowa kokipapi kin woksape woonspe kin ee, qa onšihan icidapi kin he wowitan itokamya u ece.

WICOWOYAKE 16.

1 Cante ozepi kin wicašta etanhan, tuka Jehowa ceji wo-ayupte kin he qu.

2 Wicašta iye tacanku kin owasin ecedan kecin, tuka woniya wicatkeuta Jehowa hee.

3 Nitohitani kin Jehowa en yakizamni wo, hecen nicante ozepi kin yusutapi kta.

4 Taku Jehowa kage cin owasin akiciyuptapi, qa wicašta šica anpetu šice cin on nakun.

5 Wicacante wahanicida kin otioyohi Jehowa wowahtedašni, nape iciyahdeyapi ešta iyopewicayapi kta ce.

6 Wowoaonšida wowicake iyahna on woahitani kajujupi, qa Jehowa kokipapi kin on taku šica etanhan inapapi.

7 Tohan wicašta wan ohan kin Jehowa iyokipi kinhan tona tokayapi qon takuyapi kta e kaga.

8 Woowotanna kici taku cistina ešta hee wašte, qa woyuhata tanka ecetu šni mnayanpi kin he šica.

9 Wicašta cante kin tacanku kin hdukcan, tuka cahde tawa kin Jehowa konza.

10 Wokcan wicoie wan wicašta yatapi iha kin etanhan, wacyaco eca i kin nuni kte.šni.

11 Tke utapi ecetu kin he Jehowa etanhan, ojuhadan ohna inyan un kin hena owasin iye kaga.

12 Wicašta yatapi kin šicaya ohanyanpi kin wowahtedašni yanpi kte, nakaeš woowotanna kin oiyotanke kin yusuta.

13 Wiciha owotanna wicašta yatapi iyowicakipi, qa tuwe ecetuya ie cin he wašte dakapi kta.

14 Wicašta yatapi tocanniye kin he wiconte wahošiwicaya iyececa, tuka wicašta ksapa wan he anapte kta.

15 Wicašta yatapi itohnake kin iyoyanpa kin ohna wiconi yukan, qa cante wicakiye cin he magaju ehake kin he iyececa.

16 Woksape mnayanpi kin hee iyotan, qa mazaskazi hee šni;

WICOIE WAKAN.

qa wokcan iyohiyapi kin he mazaska isanpa cinpi kte.

17 Taku síca yuiyokapi kin he wicašta ecetupi tacanku yumdayapi kin hee, qa tuwe iye ohan kin awanhdake cin he nagi kin kpatan.

18 Wicotakunišni itokamya watankaicidapi u, qa wicawan-kahe kte cin itokam woniya wahanicida ya ece.

19 Onšipika om woniya onšihan icida kin hee wašte, qa wahanicidapi om taku kipi kicipamnipi kin en opapi kin he síca.

20 Tuwe wicoie kin awacin kinhan taku wašte iyeya, qa tuwe Jehowa wacinye cin he yawaštepi kta.

21 Tuwe cante ksape cinhan wokcan eciyapi kta, qa iha oskuye cin he woonspe icalye kta.

22 Tuwe woksape yuhe cin he wiconi wakoniya wan seca yuha, tuka wicašta witkotko onspekiyapi kin he wowitkotko.

23 Wicacante ksape cin he i kin wayupikiya, qa iha kin akan woonspe aokijuya ece.

24 Wicoie wiciyokipi tuhмага canhanpi kin he iyececa, wicannagi woskuye kin, qa wicahuhu okizi kin hee.

25 Canku wanji ecetu seca wicašta itokam ešta, iyohakamya wiconte canku kin iyahdeya.

26 Tuwe litani kin he iye on litani, i kin iyopaštaka nakaes.

27 Wicašta wicaštapi šni kin taku síca kicanye ça, iha kin ohna peta ideya seca.

28 Woopcmni wicašta kin he woakinice icalya, qa wicašta šin woyag un kin he takodakiciyapi wicayamdece cin hee.

29 Wicašta wakisa kin takodaku kihnayan, qa canku wan wašte šni kin omanikiya.

30 Woyapemni kin yukcan kta e išta kin ohmus ikikcu, qa iha kin hdahtaka wicohan síca hduštan.

31 Wicapa ska woowotanna canku kin ohna iyeyapi kinhan watešdake owaštecaka kin hee.

32 Tuwe tehan canteptanye šni kin he wicašta wašaka kapeya, qa tuwe toniya wowidag kiyecin he wicašta otonwe icu kin he kapeya.

33 Wicašta cconpidan kansu kin ojuha ohna iyeyapi, tuka token hinanpe kta Jehowa konza.

WICOWOYAKE 17.

1 Aguyapi onšpadan wapaye codan ešta wokiyapi en hee wašte, qa tipi wan tado akinicapi ojudan kin hee síca.

2 Ookiye ksape cin he cinca ištenwicakiye cin he wowidag ye kta, qa sunka kiciyapi om taku tawayapi kta en wopamni yuhe kta.

3 Maka wakšica ohna mazaška iyutapi, qa maza oceti ohna mazaskazi, tuka Jehowa wicacante pi kin iwicayuta.

4 Wicašta síca wiciha ecinšniyan anagoptan, qa tuwe itonšni kin ceji awihnuniyan kin anoh kiciya.

5 Tuwe wicašta walpanica kin iha kin he tuwe he kage cin ištenya, qa tuwe tokan yuškapi kin on iyuškin šitkiydayapi kta.

6 Cinca qa sanpa cinca kin he na wicahinca watešdag yapi, qa hokšipidan atkukupi kin wowitan wicayapi ece.

7 Iapi tanka kin wicašta witkotkopika iyewicacecapi šni, qa he isanpa iha itonpi šni kin wicašta tokapapi kin iyowiniciyapi kte šni.

8 Taku wicakupi inyan wici-

WICOWOYAKE 18.

mdeza iyececa tuwe he yuhe cin išta kin itokam, taku kašta ektakiya yuhomnipi taku okihi.

9 Tuwe woalitani akahpeton kin he otakuye akita, qa tuwe he oyakesa he kodakiciyapi tanka yujuju.

10 Iyopeyapi kin wicašta ksa-pa nina yaskinya, tuka opawinge apapi keš wicašta witkotko kin awacin šni.

11 Tuwe wakipajin taku šica hecedan akita, heon wahoši wohitika ekta ye šipi kta.

12 Eeš wicašta wanji wahan-ksica cinca owasin kitanin šni akipe cin he tehika ešta, wicašta witkotkoka towitkotkoke cin ohna he isanpa tehika.

13 Tuwe taku wašte on taku šica iyowinye cinhan, taku šica iyc ti kin ayušan kte šni.

14 Okicigepi otokahe kin he mini okadusyapi kin he iyececa, heon akinicapi kin ihdutaninšni itokam ehpeya wo.

15 Tuwe wicašta šica yaowotanna, qa tuwe wicašta owotanna yašice cin hena napin Jehowa wowahitedašni.

16 Taku on etanhan woksape opeton kta e witkotkoka nape ohna maza yukan tuka cante wanica ?

17 Kodayapi wan ohinniyen takodaku cante kiye kta, qa tehija unpi eca owicakiye kta ece kin heon sunkayapi wan wicakicitonpi.

18 Wicašta cante nice cin takodaku itokam icazopi kicicajuju kta keye ça nape yekiya.

19 Tuwe wokipajin wašte dake cin he akinicapi wašte daka, qa tuwe tatiyopa kin hduwankantuya kin he ihang içiye kta e akita.

20 Tuwe cante pemni kin he taku wašte iyeyc kte šni, qa tu-

we ceji kin hdatokeca kin he taku šica ohinipaye kta.

21 Tuwe cinca witkotko wan kage cin he woiyokišin içiya, qa hokšidan wicaštašni atkuku kin iyuškin kte šni.

22 Wicacante wiyuškinyan tanyan okizi wicaya, qa woniya iyokišice cin he wicahuhu kin našeca.

23 Taku itpi etanhan qupi kin he wicašta šica ieu, qa woyaco canku kin yapemni.

24 Wokcan wicašta kin itokamya woksape yukan, tuka wicašta witkotko išta kin maka ihankeya kin etonwanpi.

25 Hokšidan witkotko kin he atkuku okičuninya, qa tuwe ton kin iyokišinya ece.

26 Wicašta owotanna iyopewicayapi kin he wašte šni, wicašta tokapapi kin taku ecetu kin on awicapapi kin he nakun.

27 Tuwe oie kin kpatan kin he wosdonye sdonya, qa woniya inina kin he wookahnige wicašta.

28 Tuwe witkotkoka ešta inina un kin hehanyan ksapa kecinpi kta, iohmus un kin he wiyukan.

WICOWOYAKE 18.

1 Wicašta wan iyokipi içiye kta e išnana iyaye ça taku awacinpi kin owasin on wicakige.

2 Wicašta witkotko wookalini-ge iyokipi šni, tuka cante kin toketu ihdutanin kta he iyokipi.

3 Wicašta šica u kinhan woa-ktašni nakun u, qa wicakigepi kin he iwicašteca opa.

4 Woksape wakoniya kin he wakpa kaduze cin heca, wicašta i kin etanhan wicoie kin mini šma kin he iyececa.

5 Wayacopi en wicašta šica wan ihaktapi on wicašta owotanna yapemni kin he wašte šni.

WICOIE WAKAN.

6 Wicašta witkotko iha kin akinicapi en ye içiya, qa i kin apapi kin kipan..

7 Wicašta witkotko i kin ihdutakunišni, qa iha kin iye nagi kin kihmunka ece.

8 Tuwe iwakan kin oie kin woyute skuya kin iyececa, wicatezi kin mahentuya iyaya ece.

9 Nakun tuwe tohtani on kuje cinhan tuwe woyuha ihang ye cin he cinye ya.

10 Jehowa caje kin conkaške suta wan heca, wicašta owotan-na kin hen onapa qa okope wanninge.

11 Wicašta wijica taku yuhe cin he otonwe suta, qa conkaške tehanwankantuya iyececa kecin.

12 Nawegapi kin itokam wicacante kin wahaniçida, qa wowitan itokam onšihan içidapi kin.

13 Tuwe taku nahon šni itokam waayupte cin he witkotko içiye ça kiunniçiya.

14 Wicašta tancan yazan ešta taniya kin wakišaka ece, tuka wicaniya naşujapi kinhan tuwe wakišake kta okihi he?

15 Wicacante wiyukcan kin he wosdonye ton kta, qa wicašta ksapa nogepi kin wosdonye akite kta.

16 Taku ituhan kin wicašta kiciyukan kta, qa wicašta tanka wicitokam hiyuye kta.

17 Waakinicapi en tuwe tokaheya wohdake cin he ihdaowotanna, tuka uman hi qa iwange kta.

18 Oeonna kin akinicapi kin anapte ça wicašta waşaka wicayukinukan.

19 Sunkakiciyapi akinicapi kin conkaške tiyopa onatakapi kin iyececa, qa otonwe suta ohiyapi tchika ešta sunkakiciyapi kicipajinpi kin he sanpa tehika.

20 Wicašta tezi kin taku i kin icalhye cin on imna kta, taku iha kin etanhan inape cin heon imna kta.

21 Wiconęte wiconi ko wicaceji nape kin ohna un, qa tuwe he wašte dake cinhan taku icalhye cin he etanhan yute kta.

22 Tuwe tawicu iyeye cinhan taku wašte iyeya, qa Jehowa wicašta kin he cante kiya.

23 Wicašta wahpanica wacekiya yanka, tuka tuwe wijice cin he sutaya waayupta.

24 Tuwe wicota kodawicaye cin he kodayapi iyecen ihdutanin kta, qa wanji wacantkiya sunkayapi wicapatan ešta sam iyeya wicapatan.

WICOWOYAKE 19.

1 Tuwe iha pemni qa witkotkoka hee šni, tuka tuwe ecetuya mani wahpanica ešta hee wašte.

2 Wicanagi kin wosdonye nice cin he nakun wašte šni, qa tuwe siha kin inahni kin he nuni.

3 Wicašta towitkotkoke cin canku kin hdupemni, qa cante kin Jehowa canniyeya.

4 Wowijice kodayapi ota icalhya, tuka tuwe wahpanica kin he takodaku yukinukan.

5 Wayaatanin itonšni kin he iyopeyapi kta, qa tuwe taku ecinkta enapeye cinhan ihduşpe kte šni.

6 Tuwe nina wo wicaqu kin wicota he ite kin kastostopi kta, qa tuwe ituhanza kin he owasin kodayapi kta.

7 Tuwe onşika eca hunkanwanjitku owasin şice dakapi, qa hecen sam iyeya kodawicaya ihdutehanpi, wicoie pasi tuka hena taku šni.

8 Tuwe cante ton kin he nagi

WICOWOYAKE 20.

kin wašte kidaka, tuwe wooka-
lnige patan kin taku wašte iye-
ye kta.

9 Wayaatanin itonśni kin iyo-
peyapi kta, qa tuwe taku ecin-
kta enapeye cinhan awihnuni
kta.

10 Wicašta witkotko taku wi-
ciyokipi yuhe kta he iyecece
śni, qa ookiye yuhapi qon wica-
šta itancan wowidag wicaye
kta e sanpa tehika.

11 Wicašta toksape kin tocan-
niye kin kihnaka, qa śicaya eca-
kiconpi kin iwankam iyaye cin
towitan kin hee.

12 Wicašta yatapi tocanniye
kin he mnaja hoton kin iyececa,
qa toiyokipi kin cu kin wato
akan he iyececa.

13 Hokśidan witkotko atkuku
toiyokiśice kin ee, qa winoñinca
kigesa kin śbuyapi ohinniyan
kin heca.

14 Tipi qa woyuha hunkake
yapi etanhan tawayapi, tuka ta-
wicu ksape cin he Jehowa etan-
han.

15 Wokuje kin he libapi kaga,
qa wicanagi econkapin kin he
wotektehda un kta.

16 Tuwe woope kin yuhe cin-
han nagi kin hduha, qa tuwe
tacanku kin iyakiktaśni kin he
te kta.

17 Tuwe walhpanicapi cante
wicakiye cin he Jehowa oqu, qa
taku wašte kin he iyecen tan-
yan kicu kta.

18 Nahanhin taku wašte ape
oyakihi nicinca iyopekiya wo,
qa te yakiye kta ihnuhan ninagi
en inape cin.

19 Tuwe wocanteptanye tanka
kin he śitkihdayapi kta, hetan-
han edaku ešta ake ecanon kta.

20 Wahokonniciyapi kin awa-
cin wo, hecen iyohakamya ya-
ksape kta.

21 Wicacante ekta taku ota
awacinpi, tuka Jehowa taku kon-
ze cin he sutaya he kta.

22 Wicašta toiyokipi towacan-
tkiye kin hee, qa wicašta wa-
hpanica kin wicašta itonśni kin
kapeya.

23 Jehowa kokipapi kin on wi-
coni, qa tuwe hecon kin he
imnahan yanke kta, taku śica
he iyohi kte śni.

24 Wicašta kuje cin nape kin
wakśica ohna yekiya, ake i kin
ekta ešta hiyukiye kte śni.

25 Waoncesa nina ayape cin-
han tuwe wacintonśni kin he
ksape kta, qa wicašta wokalni-
ge kin he iyopeya wo, wosdonye
okalnige kta.

26 Hokśidan waištenya qa wa-
ihakta śni kin he atkuku kin
hdutakuniśni, qa hunku napeki-
ya.

27 Micinkśi woonspe kin wo-
sdonye wicoie kin etanhan nuni
wicakiye cin he nañon kta ayu-
šťan wo.

28 Wayaatanin wicašta śni kin
he woyaco ihaña, qa wicašta śi-
ca ipi kin taku śniśni napcapi.

29 Woyaco wicašta śica wiye-
ya wicakicihnakapi, qa wicašta
witkotkopi tapetepi kapsinpsin-
tapi kta.

WICOWOYAKE 20.

1 Miniśa kin he waihaña qa
mini wakan kin he owodutaton
wicaya; tuwe unman tukte ka-
šta on nuni kinhan ksape kte
śni.

2 Wicašta yatapi kin yuśinye-
wicaye cin he mnaja hoton kin
he iyececa, tuwe he canniyeye
cinhan iye nagi kin awahtani.

3 Akinicapi anapte cin wicašta
towitan kin ee, tuka wicašta wi-
tkotko otoiyo hi wakigepi en ye-
ciye kta.

WICOIE WAKAN.

4 Wicašta kuja osni kin on maga hdumdu kte śni, he on woksapi icunhan woda kta, tuka wanice kta.

5 Wicašta taku konze cin he cante mahen mini śma kin iyececa, tuka wicašta wookahnige kin he tankan hiyuye kta.

6 Wicašta ota otioyohi towacantkiye kin ohdake kta, tuka wicašta wowicake tuwe iyeye kta he ?

7 Tuwe ecetuya mani kin he oħan owotanna, cinca iyohakam icagapi is eya tanyan unpi ece.

8 Wicašta yatapi woyaco oiyo-tanke akan yanke cin he ista kin on taku śica owasin bomden iyaye ya.

9 Micante kin mihducedan, wawaħtani kin etanhan mihduska, tuwe eye kta okihi he ?

10 Wiyutapi toktokeca, qa tke utapi toktokeca henioza Jehowa waħtedaśni.

11 Koška ešta oħanye cin etanhan ihdutanin, oħan kin ecedan kinhan qa ecetu kinhan.

12 Noge wanahon kin qa ista wawanyaka kin henioza Jehowa kaga.

13 Ihnuhan woistima wašte yadake cin, okini nihduwahpanice kta ; ista hdukawa hecen aguyapi inimna kta.

14 Śica, śica ce, tuwe opeton kta eye ca wanna tawa tankan iyaya hehan ihdatan.

15 Mazaskazi yukan, qa tukihasan śa ota ešta, wosdonye wicaha kin he wojuha tehike ħinca hee.

16 Tuwe oyate tokeca wicašta on, wecicajuju kta, eniciye cinhan tašina kin icu wo, qa tuwe wicašta sdonwicaye śni, wicawecicajuju kta, eye cinhan taku tohanyan kajuju śni duhe kte cin he icu wo.

17 Tokan wicakicicajuju e-yapi kin he aguyapi itonśni, qa iyohakam i kin isbudan oju ye kta.

18 Taku konzapi kin wiyukeanpi kin on yusutapi kta, qa tanyan iyukeanpi kin hehan ozuye kaga wo.

19 Tuwe waaia mani kin he taku nahmana oyakapi kin yaotanin, heon tuwe iha hdakawahan he kici icicahiye śni wo.

20 Tuwe atkuku hunku ko wicayašice cinhan otpaza cokaya kin petijanjan tawa kin bokicisni kta.

21 Woyuha otokahe ekta inahnina mnayanpi kin he owihan-keta yawaštepi kte śni.

22 Taku śica toweconkta, ihnuhan ehe cin ; Jehowa apeya wo, iye niniye kta.

23 Nonpakiya tke utapi kin Jehowa waħteda śni, qa wohnaye aspekiyapi kin he wašte śni.

24 Wicašta oye kin he Jehowa etanhan, hecen tokiya tanhan wicašta canku kin hdukcan kta he ?

25 Wicašta tuwe ihnuhana taku tawa hdawakan kin he hmug iciye, nakun tuwe konze cin iyohakan iwange cinhan.

26 Wicašta yatapi ksape cin he wicašta śica wicayamdece ca canpahmihma wiciwankam hiyuya.

27 Jehowa petijanjan tawa kin wicašta taniya kin ee, taku wicacante mahentuya un kin owasin iwanyaka.

28 Wocantekiye wowicake ahna wicašta yatapi kin awanyakapi, qa oiyo-tanke tawa wocantekiye on hdusuta.

29 Koška towašakapi kin iwin ktapi kin hee, qa wicahinca kin pa skapi kin wowitan yapi.

30 Bahonpi paskitapi kin he

WICOWOYAKE 21.

taku síca patehan ya, qa apapi kin tezi cokaya iyohi kin he nakun.

WICOWOYAKE 21.

1 Jehowa wicašta yatapi cante kin mini wakpadan iyecen nape kin ohna yuhe ça toki cin kin heciya he yuptanyan.

2 Wicašta iyohi tacanku kin owasin ecetu kecin, tuka Jehowa wicacante owasin aspe kiya.

3 Wošnapi Jehowa iyokipi ešta taku owotanna qa ecetu econpi kin he isanpa iyokipi.

4 Íšta ihduwankantuyapi qa cante kin ihdatankapi kin hena wicašta síca petijanjan yapi tuka woahitani.

5 Wicašta miniheca cante-ozepi on taku mnayanpi ece, tuka tona inalnipi kin owasin on ihdukakijapi ece.

6 Woyuha ota ceji itonśni on mnayanpi kin hena takuśniśni bomdu iyayapi, qa tona heconpi kin hena wiconte akitapi.

7 Wicašta síca wakipi kin ihang wicaye kta, nakaš woyaco econ tawaŕenyapi šni.

8 Wicašta canku pemnimni kin he oyate tokeca, tuka tuwe ecedan kin he tancanku kin ecetu.

9 Tice kałmin otipi kin hee wašte, tuka winohinca wakigesasa kici tipi tankaya ešta otipi kin he tehika.

10 Wicašta síca nagi kin taku síca cin ece, íšta kin takodaku ešta wacantkiya yuze šni.

11 Waoncesa aonpapi kinhan tuwe wacintonśni ksape kta, qa wicašta ksapa onspe kiyapi kinhan wosdonye icu kta.

12 Wicašta owotanna kin wicašta síca toti kin iyukan : Tuwe wicašta síca taku síca ohna napewicaya.

13 Tuwe tohan wicašta onsíka hoyekiyapi ca noge kin onakitake cinhan ís eya hoyeye kta, tuka tuwedan ayupte kte šni.

14 Taku nahmana qupi kin he wocanniye anapte, ça itpi kin ohna taku ituhanpi kin he canteptanye tanka.

15 Woyaco econpi kin he tona owotanna iyuškin wicakiya, tuka sícaya ohanyanpi kin wicakahintapi kta.

16 Wicašta wan wookalınige canku kin etanhan nuni kin he wicašta tapi yuwitayapi om yanke kta.

17 Tuwe iyokipi içiye kta wašte dake cinhan ihduwahpanica, qa tuwe miniša wihdi ko wašte dake cin he wijice kte šni.

18 Wicašta síca tona owotanna ohanyanpi kin wicakicicajujupi kta, qa wicašta wakisa kin tona ecetupi on.

19 Tinta hewoskantuya ounyanpi kin he wašte, tuka winohinca wakigesasa qa wacanniyesa kici tipi kin he síca.

20 Wicašta ksapa ounye cin ohna woyuha wiciyokipi qa wihdi yukan, tuka wicašta witkotko kin he napea iyeya.

21 Tuwe woowotanna wocantekiye ohna ope cinhan wiconi woowotanna qa wowitan iyeye kta.

22 Wicašta ksape cin he wašakapi otonwepi kin ohiye ça, taku suta wacinyanpi kin he yuhukuya ece.

23 Tuwe i kin qa ceji kin awandake cin he nagi kin taku tehika etanhan kpatan.

24 Tuwe wahaniçidaya wocanniye kage cin he wamnaicida, wahaniçida waoncesa eciyapi kta.

25 Wicašta kuja nape kin hitani kapin, heon wocin kin te kiye.

WICOIE WAKAN.

26 Anpetu osan wahduhaha kte cin cantotpani, tuka wicašta owotanna woqu qa tehinda šni.

27 Wicašta šica wošnapı kin he wowalitedašni ece, ecalı taku šica awacinyan au kinhan isanpa.

28 Woitonšni wayaatanin kin awihnuni kta, tuka wicašta token nañon kin yatanin kin he ohinniyan ie kta.

29 Wicašta šice cin itohnake kin hdusuta, tuka wicašta owotanna kin canku kin hducetü.

30 Jehowa itkokim wicoksape wanica, qa wookalnige wanice ça wokcan wanica ce.

31 Kicizapi anpetu kin heon šuktanka kin wiyeya kihnakapi, tuka niwicaye cin Jehowa hee.

WICOWOYAKE 22.

1 Woyuha ota hee šni, tuka tanyan caje niyatapi kin he kalniga wo; mazaska mazaskazi kici hee šni, tuka tanyan wacin en niyuzapi kin.

2 Wicašta wijica qa walıpanica itkokicipapi, Jehowa napin wicakaga.

3 Wicašta ksape cin taku šice cin he wanyake ça inalıma, tuka tona wacintonpi šni kin hena iyoptapi qa kakišwicayapi.

4 Jehowa kokipapi qa onšılın icıdapi iyuwin kin he wowitan qa wowijice qa wiconi.

5 Wicašta pemni tacanku kin ohna wapepeka on hmunkapi ko yukan, tuwe nagi kin awanhdake cinhan hena ihdutehan kta.

6 Otokahe etanhan hokšıdan tacanku kin ohna kihıya wo, hecen wicalınca ešta ehpekiye kte šni.

7 Wicašta wijica walıpanıcapı wowıdag wıcaı, unkan tuwe

waodote cin he waoqu kin he okıya ece.

8 Tuwe wicoñan šica oju kin he wıcotanıñni mnaye kta, qa tocannıye sagye kin sote kta.

9 İsta wacantkiya kin he ya-waštepi kta, nakaš aguyapi tawa kin onšpa wakanheja wıcaqu.

10 Waoncesa napeya wo, hecen wakıgepi kin tokan ye kta, nakun waakınicapı kicıbapı ko enakıyapı kta.

11 Tuwe wıcacante ecedan kin he wašte kidake cin he iha wıciyokıpi on wicašta yatapı kin kodaye kta.

12 Jehowa İsta kin wosdoneı patan ece, qa wicašta wahnaye-sa oie kin yuptanyeya.

13 Mnaja wan tankan yanka, otınwe canku kin ohna makte kta, wicašta kuje cin eya.

14 Wıhomniwin i kin he wolıa šbe lınca, tona Jehowa walıte wıcadašni kin hena ohınhpayapı kta.

15 Hokšıdan cante kin ohna wopemni opalıtapı ešta iyopekiyapı icapsınte kin he yutehan yekiciye kta.

16 Tuwe taku tawa hduota kta e wicašta onšıka wıcaıyuwalıpanıca, qa tuwe watonka wawıcaqu kin he awıcakehan walıpanıce kta.

17 Nogoıtan qa wicašta ksapa oiepi kin nañon wo, qa nicante kin mitoksape kin awacın kta.

18 Hena maku mahen yapatan kinhan wıciyokıpi; niha kin akan yuecetupı kta.

19 Niš niye Jehowa wacınıya-ye kta, heon nakaha hena sdoneıye ciciya.

20 Wahokıncıciyapı qa wosdoneıye kin taku itancanyan oci-cıyake šni he?

21 Hecen wowıcake wıcoie kin

WICOWOYAKE 23.

woecetu kin sdoneye ciciye, heon tona ye nišipi kin hena wicoie wicake cin wicayakahdi kta.

22 Wicašta onšike cin he on-šiya un kin on etanhan ihnuhan taku tawa yaki kinhan, qa wicašta walpanice cin he wayacopi en yašuje šni wo ;

23 Awicanicapi en Jehowa iwicakiye kta, qa tuwe wawicaki kin he nagi kin ki kta.

24 Ihnuhan wicašta wacinko wan kodayaye cin, qa wicašta wacanniyesa kin kici ye šni wo ;

25 Okini ohan tawa kin ecewayakta nace, qa ninagi kin niciphunkapi nun ce.

26 Tokan on taku wicakicicajujupi kta, icazopi kin wicakicicajujupi kta eyapi kin, ihnuhan owicayape cinhan ;

27 Taku on kajujupi oyakihi šni kinhan tokeca owinja nihuhuya tanhan eniciyakupi kta he ?

28 Maga wapetokeca wanakaja nihunkakepi ehdepi qon he dutokan kte šni.

29 Wicašta wohtani en minihca wandaka he ? wicašta yatapi wicitokam najin kta ; wicašta caje wicayatapi šni kin hena wicitokam najin kte šni.

WICOWOYAKE 23.

1 Wicašta yatapi wanji kici wayate kta idotanke cinhan, taku nitokam he cin he en ewacin wo.

2 Wayate cin iyakape niye cinhan isan wan dote kin hakinyan iniyakiye non ce.

3 Woyute tawa wiciyokipi kin he iyotan da šni wo, he woyute kin wicahnayan.

4 Wijinniçiye kta e ihdustute šni wo, wookalnige nitawa kin he ahduštan wo. Wp.

5 Taku kin he ekta

išta kin yeyakiya he ? wanmdi wan mahpiya ektakiya kinyan iyaye cin he iyecen wowijice hupahu içicage ça iyaya ece.

6 Tuwe wohinyesa kin aguyapi tawa kin etanhan yute šni wo, qa woyute skuya tawa kin kon šni wo ;

7 Nakaš token nagi mahen ecin kin he iyececa, Wote ça wayatkan wo, eniciya ešta cante kin nici un šni.

8 Onšpa yate cin he hdemyaye kta, qa nioie wašte kin owasin ehpeyakiye kta.

9 Wicašta witkotkoka noge kin olma ie šni wo, nioie woksa-
pe kin ihakta kte šni.

10 Maga wapetokcea wanakaja kin he dutokan kte šni, qa wamdenica maga tawapi kin an ye šni wo.

11 Nakaš tuwe taku wicaye cin he wašaka, iye linca taku tawapi kin on nici akinice kta.

12 Woonspe ekta nicante kin hiyukiya wo, qa ninoge kin wo-
ksape wicoie kin ekta.

13 Hokšidan iyopekiyapi patan šni wo ; cansakadan on ayapa ešta te kte šni.

14 Cansakadan on ayape kta, hecen nagi kin Hades etanhan edaku kta.

15 Micinkši nicante kin ksape cinhan micante kin iyuškin kta, miye linca ;

16 Qa pakšin mitawa nina pida kta, niiha taku ecetu eye cinhan.

17 Ihnuhan nicante walitanisa icewicakin kin, tuka anpetu osan Jehowa kokipeyahan un wo.

18 Nakaš woyušan yuke cinhan taku wacinyan ayape kin he nicicašpe kte šni.

19 Micinkši niye anagoptan, qa ksapa wo ; qa canku ohna nican-
te kin hduowotanna wo.

20 Miniša yatkanpisa qa iyokipi içiyapi kta e tado napcapisa owicape šni wo.

21 Witkosa qa wotesa kin hena ihduwahpanicapi, qa ogungapi kin hena wokoyake hdehdecahan koyakapi kta.

22 Niyate cinca nicage cin he nañon wo, qa nihun wakanka ešta ihnuhan ihayaktašni kin.

23 Wowicake kin opeton wo, qa wiyopekiye šni wo, nakun woksape qa woonspe qa wookahnige.

24 Tuwe oñan owotanna kin he atkuku nina iyuškin kta, qa tuwe hokšidan ksapa wan icañiye cinhan he etanhan pida kta;

25 Hecen niyate nihun kici iyuškinpi kta, qa tuwe niton kin nina pida kta.

26 Cinš nicante kin maqu wo, qa canku mitawa kin he ništa kin awanyaka nunwe.

27 Witkowin kin he makoñdoka temahentuya, qa wihomniwin kin he woña cistiyedan ec;

28 Awicakehan he wabotica iyecen wawihmunke ça wicašta ehna wahtanipisa wicayuota.

29 Tuwe, Hehehe, eya hc? tuwe ccya he? Tuwe kicikigepi yuha he? tuwe woyokišice yuha hc? tuwe taku on etanhan taninšni apapi he? išta samyahan un kin he tuwe?

30 Tona miniša tehan opapi kin, tona miniša icicahiyapi kin akin yapi kin hena.

31 Miniša tohan šaiçiye, tohan wiyatke ohna išta kin hdutanin, wiciyokipiya kaduze cin hehan atonwe šni wo.

32 He iyohakam wamduška iyecen wayahtake kta, qa sinteñda wan iyecen wakiunniye kta.

33 Hehan ništa kin winohinca tokeca wanwicayake kta, qa ni-

cante kin taku pemnimni kin enapeye kta;

34 Qa tuwe miniwanca cokaya kin iwanke cin he iyenicece kta, qa tuwe šina watopekiyapi ihupa inkpata wanke cin he iyenicece kta.

35 Makaštakapi tuka mayazan šni, amapapi tuka weksuye šni, tohan wekta kinhan ake awakite kta, ehe kta.

WICOWOYAKE 24.

1 Wicašta šice cin icewicakin šni wo, qa owicayape kta cin šni wo.

2 Cantepi kin waboticapi awacimpi, qa ihapi kin waapařayapi kin ccedan cajeyatapi.

3 Woksape on tipi kagapi ece, qa wookahnige on sutaya he kta.

4 Wosdonye on wopiye owasin woyuha teñike ça wiciyokipi ojudan yapi kta.

5 Wicašta ksape cin he wařaka, qa wosdonye wicašta kin he tuwe wařake cin he kapeya.

6 Ozuye yakage cinhan wayupiya econ wo, qa wiyukcanpi ota on ohiyapi ece.

7 Woksape kin he tehanwan kantuya un, hecen wicašta wiktotko kin he iyohi šni, otonwe tiyopa kin ohna i kin hdukawa šni.

8 Tuwe taku šica econ wacin kinhan he wicoñan šica itancan cciyapi kta.

9 Witkotkoka cante oze kin he woahtani kin ee, qa waoncesa kin he wicašta wowahteđašni yapi kta.

10 Iyokišicapi anpetu kin (en cante niwankadan kinhan nitowařake kin cistinna kta.

11 Tona wiconțe en yusdohan awicayapi, qa wicaktepi kta e kaktihar... kin hena ewicayahdaku kta... kinhan.

WICOWOYAKE 25.

12 He sdonunyanpi śni, eha cšta, tuwe wicacante kin iyukcan kin he iyukcan kte śni he? tuwe ninagi kin awanyake cin he sdonye kta, qa wicašta otoi-yohi token ohanye cin he iyecen yuhekiye kta.

13 Cinś tuhмага canhanpi kin he wašte heon yuta wo, qa canhunpute kin he nicaka ekta skuye kta;

14 Woksape ninagi kin ekta hecece kta, tohan he iyeyaye cinhan iyuwın yuke kta, qa taku ayape kin heon niçihnaye kte śni he sdonya wo.

15 Wicašta śica, ihnuhan wicašta owotanna ounye cin iwan-dake cin, qa tipi tawa kin awih-nuniye śni wo.

16 Wicašta owotanna śakowin akihde hicahan ešta najin kta, tuka wicohan śice cin he taku śica oihpaye kta.

17 Toka niye cin hicahe cinhan ihnuhan iduŝkin kin, qa nai-çipson ešta ihnuhan nicante kin iyokipi içiye cin;

18 Okinni Jehowa he wanya-ke cinhan iyokipi kte śni, qa to-canniye kin he etanhan niye en aniyuhomni nun ce.

19 Wicašta śicapi išta ihnuhan iyonyake cin, qa wicohan śice cin he icekin śni wo;

20 Nakaŝ wicašta śica iyuwın yuhe kte śni, qa wicohan śicapi kin hena petijanjan wicakiyusnipi kta.

21 Cinś, Jehowa kokipeyahan un wo, wicašta yatapi nakun; qa tona taku toktokeca akıtapi kin hena om opiçiye śni wo.

22 Heniyoza tohan kakiŝ wica-yapi kta tuwe sdonya he? woi-yokiŝicapi ihnuhanna anawica-jin kta.

23 Wicašta ksapa oiepi kin he-na nakun eepi: Wayacopi kin

en wicite iyekiyapi kin he wa-šte śni.

24 Tuwe wicašta śice cin, oni-wotanna eciye cin he oyate kin yaŝicapi kta; han, owasin wo-walitedaŝni yapi kta.

25 Tuka tona he iyopeyapi ta-ku wiciyokipi iyeyapi kta, qa tuwe wašte kin wicayawašte kta.

26 Tuwe wicoie ecetu ayupte cinhan iha kin iputakapi kta.

27 Nitohani tankan iwanhda-ka wo, qa nitamaga kin tanyan hduŝtan wo, qa hehan tipi yeca-ge kta.

28 Ihnuhan ituh nitakoda on taku śica odate cin; niiha kin on wicayahnaye kta he?

29 Token ecamiconpi kin he iyecen ecawecon kta, wicašta otoi-yohi token ohanye cin he iyecen owakihanye kta, eye śni wo.

30 Wicašta kuja wan tamaga kin icahda iyamdupta, qa wica-šta cante nica wan wiyuwi tawa ikiyedani;

31 Unkan inyun hena owanca-ya haŝbe aicage ça itohnake kin osan wapepeka on akahpetonpi, qa inyan on inataktonpi kin he yuwankapi;

32 Hena awatonwan, qa mi-cante kin ekta ewahnaka; wan-mdake ça waonspemiçiciye.

33 Ehake cŝtiyedani niŝtibe, cistiyedan makan inunke kta e nape pakŝijapi;

34 Hecen nitowaŝpanice kin he wicašta icimani wan he iyecen en nihi kta, qa wicašta wipe hduhe cin en u kin iyecen taku owasin inicakije kta.

WICOWOYAKE 25.

1 Wicoie wakan kin dena na-kun Salomon tawa, qa Juda o-

WICOIE WAKAN.

yate wicašta yatapi Hizekiya wicašta tawa kin dena akta owapi.

2 Wakantanka taku anakihbe kta towitan kin ee, tuka taku tanyan iyukcan kta e wicašta yatapi kin towitan kin hee.

3 Malpiya tehanwankantuya kin, qa maka temahentuya kin, qa wicašta yatapi cante kin hena owasin iyukeanpicašni.

4 Mazaska etanhan gigi kin he yutokan iyeya wo, hecen wakšica wan mazakage cin un kta e hiyu kta.

5 Wicašta yatapi itokapa tanhan wicohan šicapi kin hena wicayutokan wo, hecen oiyotanke tawa woowotanna on sutaya he kta.

6 Wicašta yatapi kin itokam ihdutan šni wo, qa wicašta tokapapi ohe kin ohna najin šni wo.

7 Nakaš, Wankantuya deciya u wo, eniciyapi kin hee wašte, tuka wicašta itancan ništa wanyake cin he itokam niyuhukuyapi kin hee wašte šni.

8 Ihnuhan inahniyan woakinice en yeniciye cin, okini owihanketa tuwe kici ayakinice cin he ištenniye kta, hehan token ecanon kta he?

9 Tuwe kici ayakinice cin he kicišnana wohdaka wo, unkan tokan taku nahmana oniciyake cin he yuotanin šni wo.

10 Okini tuwe nanihon kin he iyopeniye kta, qa ištenniyanpi kin niciyutokanpi kte šni.

11 Wicoie wan tohan iyececa iapi kin he taspan tanka zizi kin mazaska wakiškotpa ohna he iyececa.

12 Wawiyopeye ksape cin noge wanahon kin ekta he mazaska oinpi kin, qa mazaskazi wanapin kin he iyececa.

13 Wahoši wacinyepica wan tona ye šipi kin iyowicakipi kin he, mdoketu cokaya wa osni kin iyecen, qa itancan tawa nagi kin ekicetu.

14 Tuwe taku wicaqu kta itonšniyan on ihdatan kin he malpiya sapa qa tate magaju wanica kin he iyececa.

15 Wacintankapi on wicašta yatapi kin cinkiyapi, qa ceji skuya kin he wicahulu kin yaksa ece.

16 Tuħmaga canhanpi iyeyaya he? winipi kta e heceedan yuta wo. Okini iyatahdeniciye cinhan yahdepe kta.

17 Ihnuhan nisiha kin anpetu owasin nitakoda ti kin en ye yakiye cin; okini ijehan en de cinhan šice nidake kta.

18 Tuwe takodaku oitonšniyan wayaatanin kin he wanhinkpe, qa isan qa canłipi wan iyececa.

19 Wohnaye wicašta wan, anpetu iyokišicapi en wacinyanpi kin he hi wan ksahan qa siha pšunwahan kin he iyececa ece.

20 Tuwe cante šice cin he ekta wiyuškinyan odowan ahiyayapi kin he anpetu sni icunhan heyake yušdokapi kin, qa wipajaja miniskuya akaštanpi kin he iyececa.

21 Tuwe šice nidake cin he wotektehda kinhan aguyapi yunkiya wo, qa ipuza kinhan mini yatkekiya wo;

22 Hecen petaga iye pa kin akan mnayaye kta, unkan Jehowa iyuwin niču kta.

23 Tate waziya tanhan u kin he magaju kaha iyeya, he iyecen itohnake canksiya wicaceji taku šica nahmana oyake cin.

24 Tice okahimin otipi kin hee wašte, tuka winohinca wakigesa kici tipi tankaya ešta he tehika.

WICOWOYAKE 26.

25 Wootanin wašte wan ma-koce tebantahan aupi kin he mini sni tuwe ipuza kin ekta he iyececa.

26 Wicašta owotanna wan wicašta šica itokam patuje cin he mini owe omanipi kin, qa wakoniya waihang ye cin he iyececa.

27 Tuhmaga canhanpi ota yutapi kin he wašte šni, he iyecen taku tke owasin iyukcanpi kin he tehika.

28 Tuwe toniya hduhe kta okihi šni kin he otonwe wan kawankapi, qa conkaške wanica he iyececa.

WICOWOYAKE 26.

1 Mdoketu eca wa, qa woksapi icunhan magaju, he iyecen tuwe witkotkoka kinihanpi kin he wiciyokipi šni.

2 Zitkadan kinyanyan, qa icašpšinpšincadan anawinyan kin, he iyecen ituli yašicapi kin he iyowicahi kte šni.

3 Šuktanka on wicapsinte, qa šonšonna on iiyuwi kin, qa wicašta witkotkopi tapetepi kin on cansakadan.

4 Ihnuhan wicašta witkotko towitkotkoke cin he iyecen adupte cin, okini niš eya he inihda cin kta.

5 Wicašta witkotko towitkotkoke cin he iyecen ayupta wo; hecanon šni kinhan okini ksape ičida kta.

6 Tuwe taku tanka on wicašta witkotko wahošī ye cin he siha kin kakse ča iye kiunniičeye.

7 Wicoie wakan wan wicašta witkotko i kin ohna, tuwe hušte sicogan natitantan kin he iyececa.

8 Tuwe wicašta witkotko wan wowitan qu kin he inyan tehiki-

ka opahte wan inyan paha wan en ešpeye cin he iyececa.

9 Wicoie wakan witkotkoka ipi kin ohna qa wapepeka wan wicašta witko nape kin ohna hena iyececa.

10 Tuwe tanka kin he owasin yušinye wicaya, wicašta witkotko iyuwin qu, qa tona kapapi nakun iyuwin wicaqu ece.

11 Šunka taku hdepe cin he ake en hdi kin, he iyecen wicašta witkotko towitkotkoke cin ake econ ece.

12 Wicašta wan ksape ičida wandaka he? hee šni tuka wicašta witkotko kin hee ksape kta kecanni kta.

13 Inmutanka canku icahda yukan, otonwe canku kin ohna mnaja wan yanka ce, wicašta kuje cin cya.

14 Tiyopa wan iyuze kin akan ihduhomnimni he iyecen wicašta kuje cin towinja kin akan ihduptanptan.

15 Wicašta kuja wakšica ohna nape kin ye kiya, ake i kin ckta hiyukiye kapin.

16 Wicašta kuje cin he wicašta šakowin wayupiya waayuptapi kin hena isanpa ksape ičida.

17 Tuwe taku tawa šni akiničapi abiyaye ča en ye ičeye, he tuwe šunka noge kin yuze cin he iyececa.

18 Tuwe magaga ičeye kta e petuspe waninkpe qa wiconče kašo iyeye cin,

19 He iyecen wicašta takodaku hnaye ča, tokešta waškate šni he? eye cinhan.

20 Can wanice cinhan peta kin sni kta, he iyecen woyakesa wanice cinhan kicigepi kin ayušanpi ece.

21 Cahdi petaga aonpapi, qa can peta akan, he iyecen wica-

WICOIE WAKAN.

šta wakigesa woakinice ideya ece.

22 Tuwe iwakan kin oie kin woyute skuya iyececa, qa wicatezi kin mahentuya iyaya ce.

23 Wiciha kata cante wahnaye kici mazaska icicahiyapi kin maka wakšica apawintapi kin he iyececa.

24 Tuwe šice dake cin he iha kin on ihdatokeca, qa iye mahentuya wohnaye kihnaka;

25 Tohan ho kin wiciyokipi kaga he wacinye šni wo, hehan cante mahen taku wahtedapi šni šakowin yukan.

26 Wocanniye kin wohnaye on akaŕipe, tohan šice cin he omnicaye ohna yazamnipi kta.

27 Tuwe woŕha wan qc cin he iye ōhinŕpaye kta, qa tuwe inyan wan paptanye cin he en icicawin hdi kta.

28 Wicaceji itonšni kin he tona wicayašuje cin šice wicadaka, qa wical šdute cin wicotakuni šni kaga.

WICOWOYAKE 27.

1 Ihnuhan heyakecinhan on nihdatan kinhan, anpetu wan taku ton kta he sdonyaye šni.

2 Nii kin hee kte šni, tuka tuwe tokeca niyatan nunwe, wicašta wan oyate tokeca, tuka niiha kin hee kte šni.

3 Inyan wan tke qa wiyaka kin he yušagwicaya, tuka wicašta witkotko tocanniye kin heniyoza isanpa tke.

4 Wocanniye he wohitika, qa wocanteptanye kin he minitan wan iyececa, tuka wowinawizi itokam tuwe najin kta okihi he?

5 Nahmana wašte dakapi kin hee šni, tuka taninyan iyopekiyapi kin hee wašte.

6 Kodayapi iyopewicaye cin

he wicaka, tuka tuwe šicedake cin i iwicaputaka ešta wicahnayan.

7 Tuwe wipi kin he tuhmaga canhanpi ihakta šni, tuka tuwe wotektehda kin woyute pa ešta owasin skuye daka.

8 Wicašta oyanke tawa etanhan nuni kin he zitkadan wan holipi kin etanhan nuni kin he iyececa.

9 Wihdi qa wizinyapi kin wicacante iyuškin kiya; nakun takodaku nagi kin etanhan wahokonkiye cin oskuya.

10 Nitakoda qa niyate takodaku kin ayušan šni wo, qa anpetu winicakije cin hehan nisunka ti kin en ye šni wo; sunkayapi wan tehan yanke cin hee šni, tuka tuwe nikiyedani kin hee wašte.

11 Micinkši ksapa wo, hecen micante kin iyuškin kta, qa tuwe taku šica emakiye cin itkom taku ewakiye kta.

12 Wicašta ksape cin taku šica wanyake qa inalhma, tuka tona wacintonpi šni kin hena iyoptapi qa kakišwicayapi.

13 Tuwe oyate tokeca wicašta on wecicajuju kta, eniciye cinhan tašina kin icu wo; qa tuwe wicašta sdonwicaye šni on wicawecicajuju kta, eye cinhan taku tohanyan kajuju šni duhe kte cin he icu wo.

14 Tuwe hanhanna hin kikta qa takodaku hotankakiya yawašte kinhan he yašicapi kiciyawapi kta.

15 Magaju anpetu icunhan ohinnyan ošbuyapi wan, qa winohinca wakigesan wan hena iakedececa;

16 Tuwe he anakihbe cin he tate kin anahma he iyececa, qa nape etapa wihdi waštemua kin he ihdutanin kta.

WICOWOYAKE 28.

17 Mazasapa on mazasapa pekiyapi, qa wicašta kin takodaku ite kin on pe kiyapi.

18 Tuwe witašna hu patan kinhan hetanhan waskuyeca yute kta, qa tuwe itancan awandake cin he yutanpi kta.

19 Mini ohna ite wan ite kin iyececa, he iyecen wicacante kin wicašta kin iyececa.

20 Hades qa wiconęte kin imnapi šni, he iyecen wicišta kin imna kte šni.

21 Mazaska maka waksica on, qa mazaskazi maza oceti on, qa wicašta kin wicai yatanpi kin on iyutapi.

22 Wicašta witkotko wan wibope ohna wamnaheza kici wibope ihupa on boyapan ešta, to-witkotkoke cin he ayuštaan kte šni.

23 Tahinca nitawa kin token taninpi tanyan sdotkiya wo, qa wanuyanpi kin awakicin wo:

24 Nakaš woyuha kin he ohinnian en un šni, qa wicašta yatapi wicowazi wanjidān etanhan ohinnian un kta he?

25 Peji kin inanpa qa wato kin tanin, qa lie peji kin he mnayanpi kta.

26 Tahinca ska kin etanhan wokoyake yaton kta, qa tatokadan wanuyanpi on maga wan opeyaton kta;

27 Hecen tatokadan asanpi imna wayate kta, qa tiyohnaka nitawa nakun, qa he on wikoška nitawa nipi kta.

WICOWOYAKE 28.

1 Wicašta šica tuwedan wikuwa šni ešta najicapi ece, tuka wicašta owotanna mnaja iyecen waditakapi.

2 Makoce wokipajin kin on wicašta yatapi ota, tuka wooka-

hnige wosdonye wicašta wan eciyatanhan tehan ecetu kta.

3 Wicašta wašpanica wan tona onšika wicayuwališpanice cin he magaju wakawankeya wan on woyute wanica he iyececa.

4 Tona woope opapi šni kin hena wicašta šice cin yatanpi, tuka tona woope opapi kin hena wicakigepi ece.

5 Wicašta šica woyaco okašnigapi šni, tuka Jehowa akitapi kin hena owasin okašnigapi ece.

6 Wicašta wašpanica toecetu kin omani kin hee wašte, tuka tuwe canku kin hdupemni wijica ešta hee wašte šni.

7 Tuwe woope patan kin he hokšidan ksapa, tuka tuwe wotapisa kodawicaye cin he atkuku ištenya.

8 Tuwe woyahtake qa ota wicakida on woyuha kin hduota kin he tuwe wašpanicapi onšiwicada kte cin he on he mnaye kta.

9 Tuwe woope našon kte šni e noge kin hduotan kin he wocekiye eye cin he wowaliteda šni yapi kta.

10 Tuwe wicašta ecetu kin canku šica onuni wicakiye cin he woša wan iye qe cin he ohinšipaye kta, tuka tona ecetupi kin hena taku wašte tawayapi kta.

11 Wicašta watonka kin ksape icida, tuka wicašta wakašnige cin he iyukean kta.

12 Wicašta owotanna iyuškinpi eca wowitan tanka ece, tuka wicašta šica wankan ayapi eca wicašta inahmanpi ece.

13 Tuwe walitani kin ahdašipe cin he tanyan ihuni kte šni, tuka tuwe ohdake ęa ayuštaan kinhan onšidapi kta.

14 Tuwe ohinnian kokipe cin he wowašte wicašta kin heca,

WICOIE WAKAN.

tuka tuwe cante kin hdusuta kin he taku śica ohinłpaye kta.

15 Wicaśta yatapi śice cin he oyate onśika akan he mnaja lidoya, qa mato waanatan wan he iyececa.

16 Wicaśta yatapi wookahnige nice cin he taoyate kin nina wicayuwalıpanica, tuka tuwe wicakipi śice dake cinhan anpetu tawa kin hduota kta.

17 Tuwe wicaśta we kin on yuśakapi kin he tuwedan yuze kte śni e woha kin ekta inyan-ka.

18 Tuwe ecetu kiya mani kin he ni kta, tuka tuwe canku ota ohna ihdupemni kin he wanji ohinłpaye kta.

19 Tuwe tamaga kin kicanye cin he woyute imna kta, tuka tuwe tona takuska econpi owi-cape cin he wowicakakije on imna iciye kta.

20 Wicaśta wicake cin he wo-wašte ota, tuka tuwe ihduwijice kta e inahni kin he taku śica akipe kta.

21 Wicite iyekiyapi kin he wa-šte śni, wicaśta hecon kin he aguyapi onśpadan on wałtani kta.

22 Tuwe ihduwijice kta inahni kin he išta śica, qa heon wowa-łpanice akipe kta sdotkiye śni.

23 Tuwe ceji skuye cin hee śni, tuka wicaśta iyopeye cin hee iyohakam wašte dapi kta.

24 Tuwe atkuku qa hunku e-šta taku tawa icu qa, taku śica ecamon śni, eye cin he wai-hangyesa dakonya.

25 Tuwe nagi tanka icida kin he kicigepi kaga, tuka tuwe Jehowa wacinye cin he cepa aye kta.

26 Cante kin wacinkiyeye cin he witkotkoka, tuka tuwe woksape omani kin he ihduške kta.

27 Tuwe onśipike cin hena cante wicakiye cin he wicakije kte śni, tuka tuwe išta anakilıbe cin he wicota yaśicapi kta.

28 Wicaśta śica najinpi eca wicaśta inahmanpi ece, tuka hena atakunipi śni eca wicaśta owotanna ota ayapi ece.

WICOWOYAKE 29.

1 Wicaśta ijehan iyopeyapi e-šta tahu kin ihdusuta kin he ihnuhanna kaśujapi kta, qa wo-asni wanice kta.

2 Tohan wicaśta owotanna ota ayapi eca oyate kin wiyuśkinpi kta, tuka wicaśta śica widakapi eca oyate kin śicahowayapi ece.

3 Tuwe woksape wašte dake cin he atkuku iyuśkinkiye kta, tuka tuwe witkowin om iyokipi iciye cin tawoyuha kin toki e-łpekiye kta.

4 Wicaśta yatapi kin woyaco on makoce tawa kin sutaya he kiye kta, tuka tuwe mazaska qupi wašte dake cin he pawanke kta.

5 Tuwe takodaku on ceji kin hduskuye cin he śiha kin on mazalitakiyapi wan eonpa.

6 Wicaśta śica wałtani kin ohna mazhtakiyapi wan yukan, tuka wicaśta owotanna wiyuśkin qa dowan kta.

7 Wicaśta owotanna tona on-śika wicayacopi kin sdonya, tuka wicaśta śica he sdonye kta okahnige śni.

8 Wicaśta waoncesa otonwe kin ideyapi, tuka wicaśta ksapa wocanniye anaptapi ece.

9 Wicaśta ksapa wan wicaśta witkotko wahokonkiye cinhan, canksiya ia qa iha ešta iyozi wance kta.

10 We wicaśta kin hena tuwe

WICOWOYAKE 30.

wašte kin śicedakapi, qa wicašta ecetu nagi kin akitapi.

11 Wicašta witkotko tawacin kin ocowasin hiyuya, tuka wicašta ksape cin he tokata ekihnaka.

12 Wicašta yatapi wicoie itonśni anagoptan kinhan ookiye wicaye cin owasin śicapi kta.

13 Wicašta wakiyuşe qa wahpanica akicipapi, Jehowa napin ištapi kin iyoyam wicaya ece.

14 Wicašta yatapi tona onśika wowicake eciyatanhan wicayaco kinhan oiyotanke tawa kin owihanke wanin sutaya he kta.

15 Hokśidan kiyuškapi kin he hunku ištenya, tuka icapsinte iyopekiyapi iyahna he ksapa kaga.

16 Wicašta śica ihduotapi eca wicoħan śica nakun ota kta, tuka wicašta owotanna hena atakunipi śni kin atonwanpi kta.

17 Nicinkśi kin iyopekiya wo, hecen oziniĉiyc kte ĉa ninagi kin iyokipi kta.

18 Tukten Wakantanka oie kin wanice cinhan oyate kin wohitika, tuka wope yuhapi kin he wowašte oyate.

19 Wowidake wan wicoie on yuecetupi śni, okaħniga ešta ayupte kte śni.

20 Wicašta ia oħanko wandake cinhan hee śni, tuka wicašta witkotko kin hee etanhan taku wašte ayape kta iyececa.

21 Tuwe tawowidake kin hokśiyopa ehantanhan kihna kinhan, owihanketa he cinca ye kta.

22 Wicašta wacinko kicigepi kin icahya, qa wocanniye wicašta kin woalitani ota.

23 Wicašta wamnaĉida kin on ihdukuye kta, tuka tuwe woniya kucedan kin he wowitan ton kta.

24 Tuwe wamanusa kici wopamni yuhe cin he nagi kin śice

kidaka, yaścapi kin nahon tuka oyake śni.

25 Wicašta kokipapi kin he wicahmunka, tuka tuwe Jehowa wacinye cinhan okope wanin un kta.

26 Wicota wicašta yatapi ite kin akitapi, tuka wicašta wicayaco kin Jehowa hee.

27 Wicašta owotanna wicašta śicc cin he wowahitedapi śni, qa wicašta śica tuwe oħan owotanna kin he wowahitedapi śni.

WICOWOYAKE 30.

1 Agur Jake cinhintku kin wicoie tawa, odowan wan, Itael eciya, Itael Yukal ko ewicakiya.

2 Woteca iyemacceca qa wicašta iyemacece śni, qa wicašta towiyukcan kin mayuke śni.

3 Awicakehan woksape kin onmaspe śni qa wicašta wakan wodonye kin he sdonwaye śni.

4 Tuwe wankantuya Maħpiya ekta i he? qa tuwe hetanhan kun hdi he? Tuwe nape kin ohna tate kin mnayan he? Tuwe mini kin śina wan ohna opahita he? Tuwe maka ihanke kin owasin ehde he? Token eciyapi qa cinhintku token eciyapi he? sdonyaye cinhan oyaka wo.

5 Taku wakan oie kin owasin peta on yuecepidan; tona he wacinyanpi kin hena wahacanka yapi.

6 Ihnuhan oie tawa kin ekta taku aokijuyaye cinhan, okini iyopeniye kta, qa iyatonśni iyenianpi kta.

7 Taku nom cicida, maře śni ecen hena temicilida śni wo;

8 Wicoħan śica qa iapi ecinkta iniciyutehan ye, wowahpanice wowijice unmana maqu śni, woyute wate kta iyececa wonmayan ye;

WICOIE WAKAN.

9 Okini wimapi kinhan miçinaye ça, Jehowa he tuwe, epe kta ; qa wimakakije cinhan okini wamawanun, qa iwaton šni ešta taku wakan namañon epe kta.

10 Ihnuhan wowidake wan yuhe cin ekta ayakiia, okini niyašice kta qa taku šica ayakipe kta.

11 Wicoicage wan atkuku kin yašice ça hunku kin yawašte šni.

12 Wicoicage wan wakašotešni içidapi, tuka unkce kin wicakiyujajapi šni.

13 Wicoicage wan išta hduwankanpi hinca, qa ištojuha wankan ayapi ece.

14 Wicoicage wan hipi kin canhipi kin iyeceçapi, qa hiskepi kin isan iyeceçapi ; hecen tona onšika maka etanhan temwicayapi, qa tona wañpanica wicašta ehna unpi kte šni.

15 Tusda cunwintku nonpa, napin, Maqu ye, maqu ye, eyapi. Taku yamni imnapi šni, qa taku topa, Henakeca, eyapi šni ;

16 Hades, qa tamni cinca ton šni, qa maka kin mini imna šni, qa peta, Henakeca, eye šni.

17 Wicašta wan atkuku ihaña, qa hunku kin nañon kta e iha-ktašni kin he kaksiza kangi kin capapi kta, qa wanmdi cinca kin he yutapi kta.

18 Taku yamni yušinyemayan, qa taku topa owakahnige šni ;

19 Wanmdi canku kin mañpiya ohna, wamduška canku kin imnija akan, wata canku kin mde cokaya, qa wicašta canku kin wikoška kici.

20 Winohinca wawicihahapi econ canku tawa kin he iyececa, wota qa i kin itpakinte ça, Taku šica eçamon šni ce, eya.

21 Taku yamni on maka kin škanškan qa taku topa on oziçiye kta okihi šni.

22 Wowidake on tohan wicašta yatapi un ece, qa wicašta witkotko on aguyapi imna wota ece ;

23 Winohinca canniyesa on hihna ton kinhan, qa wayakawin on yuhe ciqon woyuha kin tawaye cinhan.

24 Taku topa maka akan iyotan cistinna tuka ksape hinca ;

25 Tajuška kin oyate wašake šni tuka mdoketu eca woyute kihnakapi ece ;

26 Hitunkasan kin tancan sutapi šni, tuka imnija ohna tipi kicagapi ece ;

27 Arebe (psipsicadan ocaje wan) wicašta yatapi nicapi tuka obe tawapi owasin yuwitaya icimanipi ;

28 Onktomi napepi on yuzapi qa wicašta yatapi ti kin ohna yakonpi ece.

29 Taku yamni tanyan manipi ece, qa taku topa tanyan yapi ;

30 Mnaja kin he wamanica iyotan wašake ça takudan etanhan ihduhomni šni ;

31 Šunka wakan nite ipiyag tonpi, qa tatokadan mdoka, qa wicašta yatapi oyate tawa opapi kin he.

32 Witkotkoya nihduwankantuya kinhan, qa taku šica yakonze cinhan, nii kin akan nape kin atputaka wo.

33 Awicakehan pte asanpi kin icicahiyapi kinhan pte asanpi ihdi kin hiyu kta, qa wicapoge yutitanpi kinhan we hiyu kta, qa wocanniye yutitanpi on kici-gepi hiyu kta.

WICOWOYAKE 31.

1 Lemuel wicašta yatapi wicoie tawa, odowan hunku kin he onspekiye cin dee.

2 Cinš taku hwo? mitamni cin-

WICOWOYAKE 31.

ca kin taku eciye kta he? womiciyake ota eciyatanhan citon kin taku hwo?

3 Ihnuhan nitowaśake kin he winohinea yaqu kin, qa canku nitawa taku wicaśta yatapi ihang wicaye cin ekta ye yakiye cin.

4 Wicaśta yatapi, Lemuel, wicaśta yatapi miniśa yatkanpi kta he iyecece śni, qa wicaśta yatapi cincapi kin mini wakan cinpi kta he iyecece śni.

5 Okini he yatke cinhan taku konzapi kin akiktonje kta, qa wicaśta onśika tawoyaco kin yaśkiśke kta.

6 Tuwe wanna ƣe kte cin he mini wakan kin qu wo, qa tona cante śicapi kin hena miniśa wicaqu wo.

7 Hecen yatke kta, qa tokakije cin akiktonje kta, qa toiyokiśice cin icimanna kiksuye kte śni.

8 Iapi okitpani kin he on i kin hdukawa wo, qa wamdenica owasin wicayacopi kinhan;

9 I kin hdukawa qa tona onśika qa wicakijapi owasin iwica-kiya owotanna wayaco wo.

10 Tuwe winohinea ksapa wanji iyeye kta he? Tukiha tehihika ee kaeś sam iyeya iyawapi.

11 Hihnaku cante kin he wacinkiya, qa woyuha icakije kte śni yan un kta.

12 Tohan ni kin hehanyan taku wašte ecakicon kta, qa taku śica wanice kta.

13 Tahinea hin hañonta on kagapi ko akita, qa nape kin iyokipi ya litani.

14 Wopeton witawata tawapi kin iyececa, tehantanhan woyute tawa kin en ihdoku.

15 Nahanhin anpa śni kikta, qa tiyohnaka tawa owasin woyute wicaqu, qa wikośka taku econpi kta sdonye wicakiya.

16 Maga wan awacin qa ope-

ton, taku nape kin kagapi kin on hastanhanka iyuwi wan huhde.

17 Ipiyaka sutaya iyahdaśka qa hupahu kin hduwaśaka.

18 Taku wiyopeye cin he wašte e sdonkiye; hanyetu osan petijanjan hde kin kicisni śni.

19 Wipahmu kin ekta nape ye-kiya qa napsukaza kin iyuhmu kin yuza.

20 Tona onśika kin hena on nape kin hdukata, qa wicaśta oncikpani owicakiye kta e nape kin ye kiya.

21 Wapa keś tiyohnaka tawa kin on ikope śni; nakaś owasin taku icitakihna ece koyakapi.

22 Owinja icicaga; qa mini-huka zibzipedan śinaśa ko koyaka ece.

23 Otonwe tiyopa kin ekta makoce hunkayapi wicehna hihnaku iyotanka eca iyekiyapi ece.

24 Minihuha zibzipedan kage ƣa wiyopekiye, ipiyaka nakun qa wopeton kin wicaqu.

25 Wowawaśake wowitan iyahna ihduze ƣa tokata anpetu u kte cin iha.

26 I kin hdukawa eca wico-ksape ia, qa ceji kin wacantkiya woope yuha.

27 Tiyohnaka tawa oñhyanpi kin owasin iwanyaka, qa kujahan aguyapi kin hdute śni.

28 Cinea kin najinpi eca hda-waštepi; hihnaku nakun qa hdatan.

29 Cunwintkupi ota ksamya oñhyanpi, tuka niye owasin kape wicayaya ce, eya.

30 Wowiciyokipi kin he wicahnayan qa wicite wašte kin he ptenyedon, tuka winohinea Jehowa kokipeyahan un kin he yawaštepi kta.

31 Nape kin taku icahye cin he qupo, qa otonwe tiyopa kin ohna iye oñan kin hena yatanpi nunwe.

EYANPAHA KIN.

WICOWOYAKE 1.

1 Eyanpaha kin, Dawid cinhin-
tku Jerusalem en Wicaštayatapi
oie kin dena ee.

2 Takušni, takušni, Eyanpaha
kin eya, takušni, takušni, iyulpa
takušni ce.

3 Anpetu wi ihukuya wicašta
wicohtani econ kin owasin on
iyunwin taku yuha he.

4 Wicoicage wanji iyaye ça
wicoicage wan u ece; tuka ma-
ka kin ohinniyan han.

5 Nakun anpetu wi kin hinan-
pa, qa anpetu wi kin iyaya, qa
totanhan hiyu qon he ekta ina-
lni hda ece.

6 Tate kin itokahkiya iyaye ça
waziyatakiya ihduhomni; tate
ihduhomnimni, qa totanhan iya-
ye cin ake en hdi ece.

7 Wakpa iyulpa miniwanca
kin en iyaya; tuka miniwanca
kin ojudan šni; wakpa kin to-
tanhan hiyupi qon he ake ekta
hdapi ece.

8 Wicoie owasin hunkitapi oju-
dan; wicašta oyake kta okihi
šni: wicišta kin he wawan-
yaka imnan šni, qa wicanoge
kin wanahonpi on imnan
šni.

9 Taku un qon he u kte cin
hee: qa taku econpi ece kin ta-
ku econpi kte cin ee: qa anpetu
wi kin ihukuya taku teca wa-
nica.

Eccle.

10 Taku on, Wanyaka wo, de
teca ce, eyepica he: wanna ta-
nina un qon hee, unkiye unkito-
kapatadhan yanke.

11 Taku hekta un qon he-
na kiksuyapi šni; qa nakun
taku tokata kin tona ohakam
unpi kte cin hena kiksuyapi
kte šni.

12 Eyanpaha kin he miye, Je-
rusalem en Wicaštayatapi man-
ka.

13 Unkan taku mahpiya ihuku-
ya econpi kin owasin woksape
on awakite kta, qa indukcan kta
e micante ekta yewaya: wico-
litani tehike cin de Wakantan-
ka wicašta cinca wicaqu, on
htanipi kta heon.

14 Anpetu wi kin ihukuya wi-
cohan econpi kin owasin wan-
mdaka, unkan iho, iyulpa taku-
šni qa woniya iyokišinyapi kin
hee.

15 Taku škope cin he yuowo-
tanpidan kta okihipica šni; qa
taku iyokpani un kin hena yawa-
pica šni.

16 Micante kici wowahdaka
qa hepa; Iho, tanka imacaga qa
woksape mnawakiya, tona Jeru-
salem en mitokam unpi qon
owasin isanpa: han, micante
woksape qa wosdonye ota wan-
yaka.

17 Nakun woksape sdonwaye
kta micante waqu, wicoksape
šni qa wowitkotkoke sdonwaye

EYANPAHA KIN,

kta : De nakun woniya iyokišinyapi kin hee imdukan.

18 Woksape ota en woiyokišice ota yukan ; qa tuwe wosdonye hduota kinhan he wicocantešica hduota ece.

WICOWOYAKE 2.

1 Micante en hepa ; Iho wo, wowiyuškin on iciyute kta ce ; hecen taku wiciyokipi sonya wo. Unkan iho, he nakun taku šni.

2 Ihapi kin he, Wowitkotkoka, ewakiya : qa wowiyuškin, He taku tokon he.

3 Micehpi miniša on wahdusuta kta micante en awakita, qa micante woksape sonyewakiye kta ; qa wowitkotkoka kin he mduze kta, hecen wicašta cinca on taku wašte kin tukte e he, anpetu towanakeca nipi kin en, małpiya ihukuya taku econpi kte cin he wanmdake kta.

4 Taku tanka mičicaga ; tipi mičicaga ; hastanhanka iyuwijupi kin hu wehde :

5 Maga qa canwojupi kin mičicaga, qa en waskuyeca can ocaje owasin hu wahde :

6 Miniyowe kagapi kin mičicaga, on contanka can icalıye cin he spayewaye kta :

7 Wicašta taokiye qa winyan taokiye opewicawaton, qa wati ohna tonpi wicamduha ; nakun tatanka qa tahinca wanunyanpi ota hinca wicawahduha, Jerusalem en mitokam unpi qon owasin isanpa :

8 Nakun mazaska qa mazaskazi mnamičiye, qa wicaštayatapi makoce tawapi ko tawokamna kin : wicašta downpi qa winohinca downpi heca icalıwica-wakiya, qa wicašta cinca tawo-

wiyuškinpi, winohinca qa winohincapi.

9 Hecen matanka, qa tona mi tokam Jerusalem en unpi qon ikapeya taku ota mičicaga : nakun woksape mitawa mi-ciun.

10 Qa taku mišta da kin takudan ipimičida šni, wowiyuškin wanjidān keš micante etanhan wakipatan šni ; mitohitani owasin on micante iyuškin nakaes : qa mitohitani oowasin on wokamna mitawa kin hee.

11 Hehan wicohan minape econ kin owasin en ewakitonwan, qa wicohitani hitawani kta ecamon kin hena ; unkan iho, ocowasin takušni qa woniya iyokisica hee, qa anpetu wi kin ihukuya wokamna wanica.

12 Unkan woksape qa wicoksapešni qa wowitkotkoke kin iwanmdake kta mihdamna : wicašta wan wicaštayatapi ihakam u kin he taku okihi kta he : taku wanna econpi kin heceedan.

13 Hehan woksape en wokamna yukan e wanmdaka, wowitkotkoke kin isanpa, iyoyanpa kin he otpaza isanpa wašte kin he iyececa.

14 Wicašta ksapa išta iye pa kin en un ; tuka witkotkoke cin he otpaza omani : hececa ešta miye qe taku wanjidān owasin awicakipa ece e wanmdaka.

15 Hehan cante mahen hepa ; Witkotkoke cin he taku akipa he iyecen miš eya awakipa ; hecen tokiyatanhan miye qe iyotan waksapa he. Hehan cante mahen, De iš eya takušni ce, epa.

16 Witkotkoke cin iyececa wi-

WICOWOYAKE 3.

cašta ksapa kin ohinniyan kiksuyapi šni nakaes; taku nakaha un kin hena tokata anpetu kin en owasin akiktonjapi kta, heon etanhan. Qa wicašta ksape cin is token te kta he; witkotkoke cin iyececa.

17 Heon etanhan wicanikinšicewakidaka; anpetu wi kin ihukuya wicoħan econpi kin he wacin iyowakišica nakaes: iyuhpa takušni qa woniya iyokišinyapi kin hee.

18 Han, mitoħtani anpetu wi ihukuya ecamon kin ocowasin šicewakidake; wicašta mihakam u kte cin he aihpewakiye kta, heon etanhan.

19 Qa he wicašta ksape kta, qa is witkotkoka kta tuwe sdonya he. Hececa ešta, mitoħtani ecamon kin owasin, qa en anpetu wi ihukuya ksapa mihdutanin kin hena iye tawaye kta. De nakun takušni.

20 Heon etanhan anpetu wi kin ihukuya wicoħtani ecamon kin iyuhpa micante kicunniwakiye kta mihdamna.

21 Wicašta wan toħtani kin woksape en, qa wosdonye en, qa wokonze en un: tuka he wicašta wan on ħitani šni kin he tawa kta aihpekiye kta. He nakun takušni qa taku šica tanka.

22 Wicašta iye toħtani owasin, qa cante iyokišica, on anpetu wi ihukuya ħtani kin etanhan taku hduha he:

23 Taanpetu kin iyuhpa wicocantešica, qa tokakije kin he woiyokišica nakaes: han, hanyetu en iye cante oziiciye šni. He nakun takušni.

24 Wicašta wote kta, qa wayatke kta, qa iye nagi toħtani kin on iyuškinkiye kta, taku sanpa wašte wanica. De is eya Wakan-

tanka nape kin etanhan wammdaka.

25 Tuwe wote kta he, qa miye mikapeya tuwe wiyuškin kta he.

26 Taku iye itokam wašte kin he Wakantanka wicašta wicaqu ece, woksape qa wosdonye qa wowiyuškin: tuka waħtani sa kin he wokakije qu, wamnaye kta qa waeju kta, hecen Wakan-tanka itokam taku wašte kin he qu kta. He nakun takušni qa woniya iyokišica.

WICOWOYAKE 3.

1 Taku iyuhpa iyehantu yukan, qa maħpiya kin ihukuya woawacin owasin toħantu kte cin yukan ece.

2 Wicatonpi iyehantu yukan,
Qa wicate kta iyehantu;
Wuju econpi iyehantu;
Qa wojupi yujunpi kta iyehantu:

3 Wicaktepi iyehantu yukan,
Qa okiziyapi iyehantu;
Wayujupi iyehantu,
Qa piya kagapi iyehantu yukan:

4 Wicaceya iyehantu yukan,
Qa ihapi kta iyehantu;
Wašihdapi iyehantu,
Qa škatapi iyehantu yukan:

5 Inyan ehpeyapi iyehantu yukan,
Qa inyan witaya pahipi kta;
Adoksohan wicayuzapi iyehantu yukan,
Qa poskin wicayuzapi ayuštanpi kta.

6 Waakitapi iyehantu yukan,
Qa toki ehpeyapi kta iyehantu;
Wapatanpi kta iyehantu,
Qa wapaganpi iyehantu yukan:

7 Wayuhdeħdecapi iyehantu yukan,

EYANPAHA KIN,

Qa wakagegepi iyehantu yukan ;

Inina yukanpi iyehantu,

Qa iapi kta iyehantu yukan :

8 Waštewicadaka iyehantu yukan,

Qa šicewicadaka iyehantu ;

Okicize iyehantu yukan,

Qa wookiye kagapi kta iyehantu.

9 Wicašta htani kin he iye tohtani eciyatanhan iyunwin taku hduha he.

10 Wicolitani en wicašta cinca htaničiyapi kta Wakantanka wicaqu kin he wanmdaka :

11 Taku owasin iyehantu eca owanyag wašte kaga : nakun iye cantepi kin en ohinniyan kte cin he ewicakicihnaka, hecen Wakantanka tohtani kage cin otokaheya tanhan qa owihanke ekta wicasta tuwedan okalinige kte šni.

12 Hena en taku wašte wanica sdonwaya ; tuka wiyuškin kta, qa ni un icunhan taku wašte econ kta :

13 Qa nakun wicašta otoiyo hi wote kta, qa wayatke kta, qa tohtani owasin taku wašte en un kin he on ihduškin kta ; Wakantanka taku qu kin hee.

14 Taku Wakantanka econ kin owasin owihanke wanice kta sdonwaya ; takudan en akagapi kte šni, qa takudan etanhan icupi kte šni : unkan iye itokam wakokipapi kta e Wakantanka hecon ece.

15 Taku hekta un qon he nakaha un, qa taku tokatam u kte cin he wanna hekta un : qa taku hekta un kin he Wakantanka kin ake hdiyohi kiye kta.

16 Unkan nakun anpetu wi ihukuya woyaco oyanke kin wanmdaka, wošice hen yanka ; qa

woowotanna oyanke kin, wicošice en yanka.

17 Cante mahen hepa ; Owotanna kin he qa šice cin Taku Wakan kin wicayaco kta : han, wicotawaein otoiyo hi qa wicohan otoiyo hi hen iyehantu yukan.

18 Wicašta cinca kin on cante mahen hepa ; Tokin Wakantanka hena iwicayuten, hecen iye qe woteca hecapi e wanhdakapi kta.

19 Wicašta cinca kin taku akipapi hecinhan, he woteca akipapi ; han, taku wanjidan awicakipa ece : wanji iš token ta hecinhan, unma kin iš iyecen ta : han, owasin woniya okonwanjidan yuhapi : hecen wicašta kin iš woteca isanpa takudan iciwašte šni ; iyuhpa takušni nakaes.

20 Owasin oyanke wanjidan ekta yapi ; iyuhpa maka mdu heca, qa iyuhpa ake maka mdu icagapi ece.

21 Wicašta cinca taniya wankan ye cinhan, qa woteca taniya kin iš maka ekta kun ye cinhan, tuwe sdonya he.

22 Heon etanhan wicašta iye tohan kin on ihduškin kta taku sanpa wašte wanica imdukan ; he taku tawa kin ee nakaes : qa iye iyohakam taku u kte cin he tuwe wanyagkiye kta he.

WICOWOYAKE 4.

1 Unkan wahdicu qa wokakišye anpetu wi ihukuya econpi kin hena owasin iwanmdaka : qa iho, kakišyapi ištamnihanpe awicau ; qa wicakicanpte yuhapi šni : unkan wakakišwicaye nape ohna wowašake yukan ; tuka wicakicanpte yuhapi šni.

2 Heon etanhan ťapi kin, tona wanna ťapi kin hena wicadma-

WICOWOYAKE 5.

wašte, nipi, tona nahanlin ni unpi kin isanpa :

3 Han, tuwe tohinni ni un šni kin he hena napin isanpa wašte, wicoľan šica anpetu wi ihukuya econpi kin hena wanyake šni nakaes.

4 Akeš wicoľitani owasin iwanmdaka, qa wicoľan yušanpi otaiyohi, on wicašta iye takodaku kici nakiciwizipi kin hee. De is eya takušni qa woniya iyokišica ce.

5 Witkotkoke cin he nape hduksija qa iye celipi hduta ece.

6 Napohnaka wanjidan woozi kici hee wašte, nape nonpa ojudan isanpa, wicoľitani econpi qa woniya iyokišica iyahna hecinhan, *eya*.

7 Hehan wahdiyaku qa anpetu wi ihukuya takušni kin he wammdaka.

8 Wanjidan yukan, qa inonpa wanica ; han he cinca qa sunkaku takudan hduhe šni ; tuka toľitani owasin ayušan šni ; nakun iye išta kin wowijice imna šni ; qa, Tuwe on ĥtawani qa minagi taku wašte icakišwaya he, eye šni. De nakun taku šni ; han, wicoľitani tehika.

9 Nonpa kinhan wanjidan isanpa waštepi ; wicoľitani econpi kin on wokajuju wašte yuhapi nakaes.

10 Hena hinľpayapi kinhan, unma kin is takodaku najin kiye kta : tuka, hehehe, tuwe isnana un hinľpaye cinhan ; tuwe najinkiye kta yuhe šni nakaes.

11 Akeš, nonpa sakim wankapi kinhan cozapi ece ; tuka tokiyatadhan wanjidan isnana coza kta he.

12 Unkan wanji kici econ obiye cinhan, nonpa kici inajinpi kta ; qa halonta yamni kahmonpi kin he yupsakapi tehika.

13 Hoksidan wan walľpanica qa ksapa he wašte, wicaštayatapi wan wicalinca qa witkotkoka wanna onspekiyapi kta wicada šni kin he isanpa.

14 He qe wicokaške tipi kin etanhan wicaštayatapi kta hiyu ; tuka nakun tuwe iye toľkanškan kin en tonpi kin he walľpanica aya.

15 Wicašta ni unpi owasin anpetu wi kin ihukuya manipi kin hena, hoksidan inonpa kin eekiya inajin kte cin kici iwanwicamdaka.

16 Oyate kin owasin wopteca šni, tona wicitokam unpi qon owasin : nakun tona ohakam upi kin hena he on iyuškinpi kte šni. Awicakehan he nakun takušni qa woniya iyokišice cin hee.

WICOWOYAKE 5.

1 Wakantanka ti kin ekta da eca nisiha awanhdaka wo, qa witkotkoka tawošna yaqu kte šni e wanahon yanka wo ; hena eqe taku šica econpi kecinpi šni.

2 Nii on oľhanko šni wo, qa nicante Wakantanka itokam taku eya inalini kte šni. Wakantanka malľpiya ekta yanka, qa niye maka akan yaun ; heon etanhan nioie tonana kta iyececa.

3 Wicoľian ota eciyatanhan wihanmnanpi icaga : qa witkotkoka ho kin wicoie ota en un.

4 Toľan Wakantanka ekta taku on ničiconze cinhan, hdajuju dutehan kte šni ; iye qe witkotkopi kin on wiyuškin šni ; taku on ničiconze cin he hdajuju wo.

5 Ničiconza qa yahdajuju šni kinhan, ničiconze šni unkanš hee wašte kta tuka.

6 Iľnuhan nii kin he niceľpi walitanikiye cinhan ; qa Wawa-

yušna kin itokam, He woyašna ce, ebe kte šni : Taku on etanhan Wakantanka niho on šinhda kta, qa ninape taku econ kin ihangye kta he.

7 Wihanmnanpi ota kin en takušnišni yukan, qa wicoie ota ; tuka niye Taku Wakan kin koki pa wo.

8 Wicašta onšika wicakipi kin he, qa makoce tehan yanke cin en woyaco woowotanna ko yu pe mnipi kin hena wandake cinhan, he taku kin on yušinyaye šni wo : tuwe wašaka keš isanpa wašake cin he awacin yanka ; qa hena isanpa wašakapi yukan.

9 Nakun maka wokamna kin he wicašta owasin tawapi ; wicaštayatapi hee kaeš maga kin wowidagya.

10 Tuwe mazaska waštedake cin he mazaska imnan kte šni ; qa tuwe woyuha ota waštedake cin he oicage on imnan kte šni. He nakun takušni.

11 Woyuha kin hena ota aye cinhan, tona yutapi kin hena yuotapi ; hecen tuwe tawapi kin hena taku iwaštepi he ; išta on wanhdakapi heceedan.

12 Tuwe litani ištınbe cin he skuya, taku toňana qa is ota yuta ešta : tuka wijice woyuha ota ton kin he ištınma okihi šni kiya.

13 Anpetu wi kin ihukuya taku šica tehika wan wanmdaka, woyuha tona tawapi išicapi kte cin on kihnakapi hee.

14 Tuka woyuha kin hena šicaya waakipapi on atakuni šni ece ; unkan cinca wan icahkiye ça takudan nape ohna yanke šni.

15 Iye hunku tamni etanhan u qon he iyecen tancodan hde kta, hiyu qon iyecen ye kta, tohtani etanhan taku nape ohna aye kte cin takudan icu kte šni.

16 Unkan de is eya taku šica tehika, token u qon he iyecelin ake hde kta : hecen tuwe tate htakicini kin wokamna taku yuha he.

17 Nakun taanpetu owasin otpaza en wota, qa wicocante šica ota yuha, qa wayazanka en woiyokišice.

18 Iho, taku wanmdake cin he dee ; taku wašte wan oiyokipi, wote kta qa wayatke kta, qa tohtani anpetu wi ihukuya econ kin owasin, anpetu ni un towanakeca Wakantanka qu kin hehanyan iyuškin kta ; taku tawa kte cin hee nakaes.

19 Nakun wicašta otoiyo hi Wakantanka woyuha qa wowijice qu kin he etanhan yute kta okihi, qa taku tawa kte cin hduhe kta, qa tohtani on iyuškin kta : Wakantanka taku qu kin hee.

20 Ota šni qeyas anpetu ni un kin kiksuye kta ; iye cante wiyuškin kin en Wakantanka to ayupte yanka nakaes.

WICOWOYAKE 6.

1 Anpetu wi kin ihukuya taku šica wanji yukan wanmdaka, qa he wicašta ehna tanka linca :

2 Wicašta wanji wowijice, woyuha qa woyuonihan Wakantanka qu, hecen iye nagi taku cin kin iyulpa takudan kiwanice šni, tuka hetanhan hdute kta Wakantanka okihikiye šni, tuka wicašta tokeca yuta. De is eya takušni qa woyazan tehike.

3 Wicašta wan opawinge cinaton, qa waniyetu ota ni un, hecen iye tawaniyetu anpetu ota qeyas, iye nagi taku wašte on imnan šni, qa nakun wicahapi hduhe šni kinhan, okaškan tonpi wan hee kaeš he isanpa wašte, epa.

WICOWOYAKE 7.

4 He qe opo etanhan hiyu, qa otpaza en iyaya, qa iye caje kin otpaza akañpe kta.

5 Nakun anpetu wi wanyake ñni qa sdoney ñni, eqe woozi yuha, unma qon isanpa.

6 Han, waniyetu kektopawinge nonpa hehayan ni qeyaş taku waşte takudan wanyake ñni: owasin ounyanpi wanjidan ekta yapi ñni he.

7 Wicašta tohtani ocowasin iye i kin on etanhan, hececa ešta iye nagi kin imnan ñni.

8 Wicašta ksapa wicašta witkotkoka isanpa taku yuha he: wicašta onşike cin ni unpi wicitokam mani sdoney cin he taku yuha he.

9 Wicašta wawanyake cin he wicanagi onuni kin isanpa waşte. De nakun takuñni qa woniya iyokişice cin hee.

10 Taku hekta un qon hena wanna cajeyatapi, qa he taku kin wicašta ee sdoneyapi: nakun tuwe iye isanpa waşake cin he kici econ kta okihi ñni.

11 Hecen wicoie ota takuñniñni yuotapi ece, heon wicašta hena taku iwaşteka he.

12 Wicašta wan ni un, takuñni ni un taanpetu iyulipa ohanzi iyecen hiyaye cin he taku waşte yuhe kta tuwe sdoney he: qa anpetu wi kin ihukuya wicašta wan iyohakam taku u kte cin tuwe he okiyake kta he.

WICOWOYAKE 7.

1 Wicacaje waşte kin he wi-hdi waştema isanpa waşte, qa anpetu en wicaşte cin he anpetu en tonpi kin isanpa waşte.

2 Wicaceya tipi ekta yapi kin he wayatkanpi tipi ekta yapi kin isanpa waşte; eqe wicašta owasin owihankepi kin hee,

qa ni un kin he iye cante en eki-hnake kta.

3 Waciniyokişicapi kin he iħapi kin isanpa waşte; wicite iyokişice cin on wicacante kin yu-waştepi nakaes.

4 Wicašta ksapapi cante kin he wicaceya tipi kin ohna yanka; tuka witkotkokapi cante kin iyaşapi tipi kin ohna yanka.

5 Wicašta ksapa wawiyopeye cin nahonpi kin he waşte, witkotkokapi downapi wicašta nahon kte cin he isanpa.

6 Cega wan ihukuya wapepeka ho kin witkotkokapi iħapi kin iyececa. He nakun taku ñni.

7 Awicakehan wokakişyapi kin he wicašta ksapa yuwitkotkoka; qa taku wicaqupi kin he wicacante kin yuşica ecc.

8 Wicoie ihanke kin he otokaheya kin isanpa waşte; qa woniya wacintanka kin he woniya waħaniçida kin isanpa waşte.

9 Ihnuhan nitaniya en canniniyan inayahni kinhan: wocanniye kin he witkotkokapi maku ohna yanka ecc.

10 Tokeca anpetu tokaheya qon anpetu kin dena isanpa waşte he, ihnuhan ehe cinhan: woksape eciyatanhan de on winunge ñni, heon etanhan.

11 Woksape kin he waşte, woyuha yuhapi kicica; qa tona anpetu wi wanyakapi wokamna ta-wapi kin hee.

12 Woksape kin he wowinape, qa mazaska he wowinape; tuka wosdoney wokamna kin, woksape tona yuhapi wiconi wicaqu ecc kin hee.

13 Wakantanka toħan kin awacin wo: taku şkopa kage cin tuwe owotanna kage kta okihi he.

14 Anpetu waşte kin en cante waşte wo; tuka woşice anpetu kin en waawacin wo: nakun

EYANPAHA KIN,

dena icitkokim Wakantanka kaga, wicašta iye iyohakam takudan iyeye kte šni heon etanhan.

15 Anpetu takušni mitawa kin icunhan dena iyuhpa wanmdaka : wicašta owotanna iye toowotanna en kašpapi, qa wicašta šica iye tohan šice cin en ihdutehan ece e yukan.

16 Ihnuhan owotanna linca yaun, qa ksape linca ničicage cinhan : tokeca nihdutakuni kte šni he.

17 Ihnuhan šice linca ničicage ça winitkotkoke cinhan : tokeca nahahin iyenhantu šni niče kta he.

18 De duze kte cin he wašte ; han, nakun detanhan ninape ehdaku šni wo : tuwe Wakantanka kokipe cin he iyuhpa etanhan hdinanpe kta.

19 Woksape he wicašta ksapa kin yuwašaka, wicašta wašaka wikcemna otonwe ohna yukanpi kin isanpa.

20 Awicakehan maka akan wicašta owotanna, taku wašte ece econ qa wahtani šni kin heca wanica.

21 Nakun wicoie eyapi kin owasin ekta cante yeye šni wo ; okinni nitaokiye niyašica naya-lion kta :

22 Niš eya nakun wicašta tokeca ijehan wicadašica nicante sdonkiya nakaes.

23 De ocowasin woksape on imdute : Waksape kta ce, epa ; tuka he mitehan un.

24 Taku itehanyan yanke ça temahentu hince cin he tuwe iyukcan okihi kta he.

25 Miye qa micante mihduhomi, sdonwaye kta, qa owade kta, qa woksape wowiyukcan ko awakite kta, qa wowitkotkoke wošice kin sdonwaye kta, han, wowitkotkoke wotakušni koya.

26 Unkan winohinca tuwe cante kin mazalitakiyapi qa on hmunkapi, nape kin mazaicaške kin heca he wiconče isanpa pa linca iyewaye : tuwe Wakantanka itokam wašte kin he etanhan ihdušpe kta ; tuka wahtani sa kin he iye on yuzapi kta.

27 Wanyaka wo, de iyewayace, Eyanpaha kin eya ; wanjidan wanjidan iyahna wowiyukcan kin iyeye kta ;

28 He hinyahin minagi akita, tuka iyewaye šni ce : kektopawinge ehna wicašta wanjidan iyewaye ; tuka dena owasin ehna winohinca wanjidan iyewaye šni.

29 Wanyaka wo, decedan iyewaye, Wakantanka wicašta owotanna kaga ; tuka iye qe wowiyukcan ota akitapi ece.

WICOWOYAKE 8.

1 Tuwe wicašta ksapa iyeececa he ; qa tuwe e wicoie iyukcan sdonya he : wicašta toksape kin he iye ite kin iyehkiya, qa ite tosuta kin yutokeca kta.

2 Miye *wahokonciciya*, wicaštayatapi tawoahope kin patan wo, qa Wakantanka tawokonze oie kin on etanhan.

3 Iye itokapatadhan de kta inahni šni wo ; wicoie šica en inahin šni wo ; iye qe taku cin kin owasin econ nakaes.

4 Wicaštayatapi oie kin tukten yanke cin hen wowašake yukan ; unkan tuwe, Taku ecanon he, eciye kta he.

5 Tuwe woahope kin patan kinhan he taku šica sdonye kte šni : qa wicašta ksapa cante kin he tohan iyehantu qa wowiyukcan kin sdonye kta.

6 Taku owasin on wiyukcanpi qa tohan iyehantu yukan ece ;

WICOWOYAKE 9.

heon etanhan wicašta wošice tanka kiciyanke :

7 Taku u kte cin he sdonye šni nakaes̄ : ecin tohantu kte cin tuwe okiyake kta he.

8 Wicašta tuwedan woniya on wašake šni, iye taniya hduhe kta heon ; qa nakun tuwedan wiconțe anpetu kin en wowašake hduhe šni : qa okicize kin de en tuwedan kiyuškapi šni : nakun taku šica tona en iyolipayapi kin hena wicayuspe kte šni.

9 De ocowasin wanmdaka, qa taku anpetu wi ihukuya econpi kin owasin ekta micante ewacin wakiya : tohan wicašta wanji is̄ wicašta tokeca wowidagya on taku šica akipa eiyehantu yukan.

10 Unkan hecen wicašta šica wicahapi wanmdaka, hena upi qa oyanke wakan kin etanhan iyayapi, unkan otonwe en heconpi kin hen awicakiktonjapi. De nakun takušni.

11 Taku šica econpi yacopi kin kohanna yuštampi šni, heon etanhan wicašta cinca cantepi kin šicaya econ wacinkiyuzapi hinca.

12 Wahtani sa wan opawinge akihde taku šica econ qa tehan ni ešta, tona Wakantanka kokipapi, tona iye itokam kokipapi kin hena tanyan unpi kta, awicakehan sdonwaya.

13 Tuka tuwe šice cin he taku wašte yuhe kte šni, qa taanpetu hdutehan kte šni, hena ohanzi iyececa ; Wakantanka itokam kokipe šni, heon etanhan.

14 Takušni wan maka akan econpi ; wicašta owotanna wicašta šica ohanpi kir eciyatanhan iyecen akipapi ; akeš wicašta šica kin is̄ wicašta owotanna ohanpi kin eciyatanhan iyecen akipapi. He nakun takušni ce, epa.

15 Hehan wiyuškini kin he mdawašte, wicašta anpetu wi ihukuya taku sanpa wašte yuhe šni, wote kta, qa wayatke kta, qa wiyuškini kta : iye tohtani etanhan, anpetu ni un, anpetu wi ihukuya Wakantanka taku qu kin he hduhe kta nakaes̄.

16 Unkan woksape sdonwaye kta e micante awacinwakiya, qa maka akan wicohan econpi kin wanmdake kta : nakun tuwe anpetu icunhan qa hanyetu icunhan išta on woštinnma wanyake šni yukan :

17 Hehan Wakantanka tohan owasin wanmdaka ; anpetu wi ihukuya wicohan econpi kin owasin wicašta wan iyeye kta okihi šni : wicašta wan he iyukecan kta htani qe yaš iyeye kte šni ; han, nakun wicašta ksapa he sdonye kta keya ešta, iyeya okihi kte šni.

WICOWOYAKE 9.

1 Dena owasin micante ekta yewaye, qa de ocowasin omdake kta, wicašta owotanna qa ksapapi, qa wicohan tawapi iyulipa Wakantanka nape ohna yakonpi : taku wicitokam un qon owasin on wicašta tuwedan wowaštédake qa wošicedake unmana sdonye kte šni.

2 Iyulipa akiyecen owasin en awicau ; wicašta owotanna qa wicašta šica taku wanjidhan awicakipa ; tona wašte, qa tona ska qa tona šapapi kin ; tuwe wošna qa tuwe wayušna šni kin : wašte kin he wahtani sa kin iyececa ; tuwe Taku wakan cajeyata eciyatanhan taku eye cin he tuwe Taku wakan cajeyata kokipe cin iyececa.

3 Anpetu wi ihukuya taku econpi kin owasin en dee šica,

EYANPAHA KIN,

owasin taku wanjidan akipapi kin hee : han, nakun wicašta cinca cantepi taku śica ojugjudan, nakun tohanyan ni unpi wowitkotko ke cantepi kin en un, qa he iyohakam ŧapi kin ekta iyayapi.

4 Tuwe ni unpi kin iyuhpa ekta kahngapi kin he wowacinye yuha ; śunka ni un kin he mnaja ŧe cin isanpa wašte nakaes.

5 Tona nipi kin hena ŧapi kta sdonkiyapi ; tuka ŧapi kin hena takudan sdonyapi śni, qa nakun sanpa iyunwin yuhapi śni ; hena wicakiksuyapi kin hee kaeś akiktonjapi.

6 Nakun wawaštedakapi qa wašicedakapi qa wawinawizipi qon wanna henakeca ; qa hetanhan anpetu wi ihukuya taku econpi kin takudan tawapi śni owihanke wanica.

7 Ya wo, aguyapi nitawa iyuškinyan hduta wo, qa cante waštaya miniša hdatkan wo ; nakaha niohan kin Wakantanka iyokipiya.

8 Nitawokoyake kin ohinniyanska nunwe ; qa nipa kin ihepi codan un śni nunwe.

9 Nitawin waštayakidake cin he kici wiyuškinyan ni wo, takuśni wiconi nitawa anpetu kin owasin, anpetu wi ihukuya takuśni anpetu niču kin iyuhpa : wiconi kin de en qa anpetu wi ihukuya wicolian ecanon kin en taku nitawa kte cin hee nakaes.

10 Ninape taku econ kta iyeye cin he token oyakihi econ wo : Hades ekta de cin heciya wicolian wanica, wicotawacin wanica, wosdonye wanica qa woksape wanica, heon etanhan.

11 Wahdicu qa anpetu wi ihukuya tuwe duzahe cin he oinyanke kin en ohiye śni wanmdaka, qa wašake cin he okicize en

ohiye śni, qa nakun ksapapi kin aguyapi yuhapi śni, qa wicašta wakahniga kin hena wowijice yuhapi śni, qa nakun wicašta wayupikapi woiyokipi yuhapi śni ; tuka tohantu qa toketu kin hena owasin en awicau ece.

12 Nakun tohantu kte cin wicašta sdonkiye śni : hogan ho śica wan on wicayuzapi kin iyececa, qa zitkadan on hmunkapi wan on wicayuzapi iyececa ; he iyecen wicašta cinca anpetu śica en wicayahakapi, ihnuhanna awicahinhpaye cinhan.

13 Nakun anpetu wi ihukuya woksape kin de wanmdaka, unkan he tanka wadaka :

14 Otonwe wan cistinna qa ohna wicašta tonana : unkan wicaštayatapi tanka wan he takpe u, qa aonataka qa conkaške tanka en akaga :

15 Unkan he ohna wicašta ksapa onśika wan iyeyapi, qa iye toksape kin eciyatanhan otonwe kin nikiya : hececa ešta tuwedan wicašta onśike cin kiksuye śni.

16 Hehan hepa ; Woksape he wowašake isanpa wašte : hececa ešta wicašta onśike cin he toksape kin dektayapi qa oie kin anagoptanpi śni.

17 Wicašta ksapa oiepi kin ainina anagoptanpi, tuwe witkotkokapi ehna itancan hoyeye cin he isanpa.

18 Woksape he okicize wipe kin isanpa wašte : tuka walitani sa wanjidan taku wašte ota ihangya ce.

WICOWOYAKE 10.

1 Honagidan ŧapi ihepi kaga tawihdi kin śicamna kiya ece : tuwe woksape qa woyuoniban, on yatankapi kin he wowitkotko-

WICOWOYAKE 11.

ke cistinna hduhe cinhan he iyececa.

2 Wicašta ksapa cante kin iye etapa eciyatanhan yanka, tuka witkotkoka cante kin he catka tanhan yanka.

3 Han, nakun tuwe witkotkoke cin he canku ohna mani eca cante kiwanica, qa iye witkotkoka e owasin owicakiyaka.

4 Tuwe itancan kin he taniya nitkokim inajin kinhan nitohé ayuŝtan ŝni wo; inina unpi kin he woahitani tanka yuwaŝte ece.

5 Anpetu wi ihukuya taku ŝica wanji wanmdaka, ecinŝniyan econpi wan tuwe itancan kin itokapatanhan hiyu :

6 Wowitkotkoke kin wankan wapa ehnapapi, qa wijicapi kin iŝ kuya iyotankapi :

7. Wowidake unpi kin hena ŝuktanka akan iyotankapi wanmdaka, qa wicaŝtayatapi makata manipi, wowidake unpi iyececa.

8 Tuwe woŝa wan qe cinhan en ohinhpaye kta, qa tuwe conkaŝke wan yujuju kinhan wamduŝka wan yalitake kta.

9 Tuwe inyan qe cinhan hena on kiunniye kta : tuwe can kasdesdece cin he on ksuweiçiye kta.

10 Mazasapa kin he pe ŝni, qa he hdube ŝni kinhan, nina hin waŝagya econ kta : tuka woksa-pe he yukcankiya okihi.

11 Wamduŝka kin ajijipi ŝni kinhan wicayahtake kta ; qa tuwe iwakan kin iŝ he isanpa waŝte ŝni.

12 Wicašta ksapa i oie kin hena wowaŝte ; tuka witkotkoka iha kin iye naiçipec kta.

13 Iye i oie tokaheya kin he wowitkotkoke ; qa taku eya owihanke kin he iŝ wowitkotkoke ŝice hinca.

14 Nakun tuwe witkotkoke cin

he oie ota : taku kte cin wicašta wan sdonye ŝni ; qa iye iyohakam taku u kte cin tuwe okiyake kta okihi he.

15 Witkotkokapi litanipi kin mdokitewicaya ece, ecin token otonwe ekta ye kta sdonkiye ŝni.

16 Hehehe makoce, wicaŝtayatapi nitawa hokŝiyopa kinhan, qa itancanpi nitawa hanhanna hinca wotapi kinhan.

17 Makoce, niyawawŝtepi ce, wicaŝtayatapi nitawa wicašta tanka cinca hecinhan, qa wicaŝta itancanpi nitawa tohan iye-hantu eca wotapi kinhan, waŝakapi kta heon qa witkopi kte ŝni.

18 Wokuje ota on tipi tihulia kin hinhpaya ; qa wicanape takudan econ ŝni kin on tipi kin ohiyu ece.

19 Ihapi kta on aguyapi kagapi, qa miniŝa wicani wiyuŝkin-kiya ece : tuka mazaska taku owasin on waayupte.

20 Nitawacin hee kaeŝ en wicaŝtayatapi kin yaŝice ŝni wo ; qa tipi ohna nunke cin mahen tanhan wijice cin yaŝice ŝni wo : mahpiya zitkadan wan wicaho kin aye kta, qa taku hupahu ton kin he wicoie kin oyake kta, heon.

WICOWOYAKE 11.

1 Aguyapi nitawa mini ite kin akan kada ehpeya wo ; anpetu ota kinhan ake iyeyakiye kta.

2 Onge ŝakowin wicaqu wo, qa nakun ŝahdogan : taku ŝica maka akan un kta tukte e sdonyaye ŝni nakaeŝ.

3 Mahpiya ŝapa kin mini ojuggedan kinhan maka akan ihducokapi ; qa can wan itokakiya hinhpaya, qa iŝ waziyatakiya hinhpaya kinhan, tukte en can

EYANPAHA KIN,

wankahan hecinhan hen wanke kta.

4 Tuwe tate kin iwanyake cinhan woju kte śni ; qa tuwe mahpiya śapa kin ekta ewacin kinhan aguyapi bakse kte śni.

5 Woniya tacanku kin he, tuwe ihduśaka tamni ohna token huhu icage cin sdonyaye śni, he iyecen Wakantanka taku owasin kage cin he toľhan kin sdonyaye śni.

6 Hanľhanna eca nitawoju kin okikju wo, qa litayetu eca ninape ehdaku śni wo : unma tukte icage kta, dee qa hee, qa iś napin akiyecen wašte kta sdonyaye śni.

7 Awicakehan iyoyanpa kin he oiyokipi linca, qa wicaišta anpetu wi wanyake cin he wašte :

8 Tuka wicašta wan waniyetu ota ni, owasin on iyuškin ešta, otpaza anpetu kin kiksuye kta iyeececa ; hena iś eya ota kta. Taku u kte cin iyulľpa takuśni.

9 Koška, honikśiyopa icunhan cante wašte wo ; qa koniška anpetu kin en nicante iyuškiničiya nunwe ; qa nicante tacanku kin ohna mani wo, qa ništa wawanyake cin en : tuka dena owasin on Wakantanka woyaco en aniu kta, he sdonya wo.

10 Heon etanhan nicante etanhan wicocanteśice hdutokan wo, qa niceľpi etanhan taku śica eľpeya wo : hokśiyopa qa koška unpi kin napin takuśni nakaeś.

WICOWOYAKE 12.

1 Wanna koniška anpetu kin en Wawicahniye cin he kiksuya wo, anpetu śice cin hinyaľhin ahi śni, qa waniyetu en, Hena ecaca iyomakipi śni ce, ehe kte cin hinyaľhin kiyanadan u śni :

2 Anpetu wi, qa iyoyanpa, qa

hanyetu wi, qa wicanľpi kin hinyaľhin aotpasyapi śni, qa malpiya śapa magaju iyokakam ake hdiyohi icunhan :

3 Anpetu kin en ti awanhdakapi kin cancanpi kta, qa wicašta waśaka patuś iciyapi kta, qa hi wiyakpan kin hena ayašťanpi kta, tonana heon, qa owanyeye eciyatanhan eyokasinpi kin aotpasyapi kta ;

4 Qa canku ohna tiyopa kin ecen icupi kta, wotpanpi ho kin ayušťankiyapi kinhan ; qa zitkadan hoton kin on inajin kta, qa dowanpi cunwintkupi iyulľpa kun eľpeyapi kta :

5 Nakun taku wankantu kin kokipapi kta, qa canku ohna kopehdapi kta ; qa uma kin he aktapi kte śni, qa psipsicadan kin he wośake dapi kta, qa cinpi kin he enakiyapi kta : wicašta tipi owihanke wanice cin he ekta hde kta nakaeś, qa tona ceyapi kin hena canku ohna yapi ece :

6 Nahanľhin mazaska ikan kin yuškapi śni, qa mazaskazi wiyaťke kin yuptujapi śni, qa wakśica miniyowe kin ekta kamdecapi śni, qa minilľdoka en iyuhmiľma kin yuwegapi śni itokam.

7 Hehan maka mdu kin token un qon maka kin ekta hde kta, qa wicaniya kin he Wakantanka qu qon he ekta hde kta.

8 Takuśni takuśni, Eyanpaha kin eya ; owasin takuśni ce.

9 Unkan Eyanpaha kin he sanpa ksapa nakaeś, heon etanhan nakun oyate kin wosdonye onspewicakiya ; han, nina awacin qa wicoie wakan ota owotanna kage kta akita.

10 Wicoie oiyokipi Eyanpaha kin iyeye kta akita : unkan taku owapi kin he owotanna, wovicake oie kin heca.

WICOWOYAKE 1.

11 Wicašta ksapa oie kin hena wicahtake kin iyececa, qa wonwicaye wanjidan etanhan qupi mazaiyokatkuge omniciye itancanpi okatanpi kin iyececa.

12 Nakun, micinksi, dena on onspeiciciya wo: wowapi ota kagapi kin he owihanke yuke sni; qa nina wayawapi kin he wicacehpi mdokiteya ece

13 Wicoie ocowasin yuŝtanpi kin he naunhonpi kte; Wakan-tanka kokipa wo, qa iye tawoa-hope kin ahopa wo: wicašta ocowasin kin hee.

14 Wakantanka wicohan owasin woyaco on au kta nakaes, taku nahmanpi iyuhpa koya, wašte qa ŝica unma tukte kašta.

DOWANPI ODOWAN.

WICOWOYAKE 1.

1 Dowanpi Odowan Solomon tawa kin he dee.

2 Iye i oiputake tawa on i imaputaka nunwe. Nitowaŝtedake kin he miniŝa isanpa wašte nakaes.

3 Ihepi waŝtemna nitawa oomna kin on nicaje wihdi okaŝtanpi kin iyececa: heon etanhan witanŝna unpi kin waŝtenidakapi.

4 Mayutitan ye. Nihakam unkinyankapi kta. Wicaŝtayatapi kin he iye ti kin timahen amahi. Piundapi kta qa unkiniyuŝkinpi kta; nitowaŝtedake kin he miniŝa isanpa unkiŝuyapi kta: tona ecetu kin hena waŝtenidakapi.

5 Jerusalem cunwintkupi, miye masapa tuka owanyag wašte, Kedar tawakeya iyececa, Solomon ozan hdepi tawa kin iyececa.

6 Masapa heon amatonwanpi sni pe, anpetu wi kin he on maŝtimaŝpan nakaes: ina cinca canniyamakiyapi; hastanhanka iyuwijupi kin awanyag emahdepi; hastanhanka iyuwijupi mitawa kin awanwahdake sni.

7 Minagi waŝtekidake cin niye, ito, omakiyaka ye, tukten wawihanyakiya, tukten wiyotanhan iwanke wicayakiya hecinhan: tokeca miye, nitawaŝi taoptaye kin en, wanji nuni kin iyemacece kta he.

8 Winohinca ehna owanyag niwašte hinca, he sdoniyaye sni kinhan, detanhan cankuya ye, optaye owepi ohna, qa wonwicayapi tawakeyapi kin icahda tatokadan cinca nitawa wihanwicakiya ye.

9 Wiwašte mitawa, Pharaoh tacanpahmihma en ŝung wiye kin he iciyacin.

10 Nitapon oinpi skaskadan on owanyag wašte, nitahu wanapin on.

11 Mazaskazi oinpi unnicagapi kta ye, mazaska taŝpudan koya.

12 Wicaŝtayatapi kin wahna wotapi kin en yanka icunhan nard mitawa oomna hiyuya ece.

13 Waŝtewakidake cin he canŝin waŝtemna opalite wan eewakiya, aze mitawa otahedan hanyetu osan wanke kta.

14 Waŝtewakidake cin he kopher iyage wan iyececa wada-

ka, Engedi hastanhanka iyuwi ojupi kin ehna.

15 Iho, wiwašte mitawa, owanyag niwašte; han, owanyag niwašte, ništa tinwakiyedan iyececa.

16 Iho we, waštécicidake, niye owanyag niwašte, han oiyokipi hınca; nakun owanka unkitawa kin he toto.

17 Untipi canhdakinyan wanke cin hena hanteša, wankan obagopi unkitawapi kin hena wazi can.

WICOWOYAKE 2.

1 Šaron onjinjintka, kaksiza en mnaħcaħca kin he miye.

2 Mnaħcaħca wapepeka ehna un kin he iyececa, wiwašte mitawa kin cunwintkuyapi kin owicapeya un.

3 Taspantanka hu taškoju can kin ehna, he iyecen waštewakidake cin he cinhintkuyapi kin owicapeya un ye. Iye ohanzi tawa kin on imduškin qa en imdotanka, unkan tawaskuyeca kin micaka en skuye hınca.

4 Miniša tipi kin en amahi; unkan tawiyokihedan miwankan un kin he wocantekiye.

5 Hastanhanka on wacintonhnagmayan ye; taspantanka on wašagmayan ye, wowaštédake on wamayazan heon.

6 Iye catka kin mapa kin ihukuya, qa iye nape etapa kin he poskin mahduza ce.

7 Jerusalem cunwintkupi, tinta tatokadan wiye qa tawiyedan on ceciciyapi ce, waštewakidake cin yapaninipi kte šni qa duħicapi kte šni, tohanyan iyokipi hehanyan.

8 Waštewakidake ho kin! wan, he kin akan psipsica, paha kin akan psipsin u ye.

9 Waštewakidake cin he tato-

kadan qa taħınca cinca wan iyececa ye: wan, conkaške iħeyata inajin, owanyeye eciyatanhan ahitonwan, ozanpi ohna taniniciya ye.

10 Waštewakidake cin he ie ĉa hemakiya; Wiwašte mitawa, owanyake wašte mitawa, najin qa kuwa wo.

11 Iho, waniyetu kin wanna henakeca, magaju kin hdapte, wanna sam iyaya;

12 Maka akan waħca kin taninin; dowanpi kte cin wanna hiyohi: qa makoce unkitawapi ohna tinwakiyedan ho kin naħonpi:

13 Suken can kin waskuyeca toto icaħya, qa hastanhanka iyuwi ĥca aye cin hena omnanpi wašte. Wiwašte mitawa, owanyag wašte mitawa, najin qa kuwa wo.

14 Tinwakiyedan mitawa, imniĵa ohdoka ohna, ĥe iyadipi oinaħbe kin ohna, tokin niite wanmdaken, niho nawaħon kta; niho kin he oiyokipi, qa niite kin owanyag wašte nakaes.

15 Tokadan, tokadan cikcistiinna hastanhanka iyuwi kiunniyanpi kin hena unkiĉiyuza miye: hastanhanka iyuwi unkitawapi hastanhanka štunkaka aicaga nakaes.

16 Waštewakidake cin he miye mitawa, qa iye tawamayan: mnaħcaħca kin ehna wawihankiya ece ye.

17 Anpao hinanpa qa ohanzi kin kinyan iyaye kte cin hehanyan, hdicu ye, waštécicidake, tatokadan wan iyececa un ye, qa taħınca cinca wan Bethel he kin akan iyececa.

WICOWOYAKE 3.

1 Hanyetu icunhan mitowinja akan tuwe minagi waštekidake

WICOWOYAKE 4.

cin he owakide ; owakide tuka iyewaye s̄ni.

2 Wanna nawajin kta, qa otowe kin en mde kta, canku kin ohna qa ocanku tanka ohna, tuwe minagi waštekidake cin he owakide kta ce. Owakide tuka iyewakiye s̄ni ye.

3 Waawanyake otowe ehna lna yapi ece kin hena iyema-yanpi. Minagi waštekidake cin he wandakapi he, *ewicawakiya*.

4 Kitan ecinyan hena sanpa imdamda hehan tuwe minagi waštekidake cin he iyewaye : mduza qa amdustan kte s̄ni, ecen ina ti kin en awahdi, qa tuwe cinca mayuhe cin ti mahen.

5 Jerusalem cunwintkupi, tinta tatokadan qa tawiyedan kin on ceciciyapi ce, waštewakidake cin he yapaninipi kte s̄ni qa duhicapi kte s̄ni, tohanyan iyokipi hehanyan.

6 Tuwe s̄ota wankan ye cin iyececa hewoskan tanhan u, cansin waštemna qa wihdi waštemna wopeton tapejihuta mdu kin owasin koya on aizinyapi kin he tuwe he.

7 Iho we, on akiyuhapi tawa he Solomon tawa ; wicašta waditaka wikcemna šakpe ihdukšan yakonpi, Israel waditakapi kin etanhan.

8 Hena owasin mazasagye hduhapi, kicizapi en wayupikapi : hanyetu en wokokipe on otoiyo-hi tamazasagye ceca akan yanka.

9 Solomon wicaštayatapi kin Lebanon can kin etanhan on akiyukapi wan ičicaga ye.

10 Bosdan he cin hena mazaska on kaga, onnaptan kin he mazaskazi on, oakalipe kin he minihuha ša stan on, ocokaya kin he wocantekiye en owinstonpi, Jerusalem cunwintkupi kin wicakicagapi.

11 Zion cunwintkupi, inanpa-piqa Solomon wicaštayatapi hunku watešdake tešdag kicaton un kin he wanyaka pe, wakanhduze anpetu kin en, qa iye cante wiyuškin anpetu kin en.

WICOWOYAKE 4.

1 Iho wo, wiwašte mitawa, owanyag niwašte ; iho, owanyag niwašte ; paha nisonpi otahedan ništa kin tinwakiyedaniyececa ; pa hin nitawa tatokadan optaye wan Gilead paha akan iwankapi kin iyececa.

2 Hi nitawa optaye wan yušdapi wicayujajapi etanhan upi kin iyececa, hena otoiyo-hi cekpa yuhapi, qa etanhan cinca ton s̄ni wanica.

3 Niiha haħonta duta wan iyececa ; iyae cin he wiciyokipi hinca ; nawate nitawa taspan-tanka su ota onšpa iyececa, paha nisonpi otahedan.

4 Nitahu kin he Dawid taconkaške kin iyececa, wipe on kagapi, wahacanka kektopawinge en otkeyapi, iyuhpa wicašta wašaka wahacanka tawapi.

5 Aze nom nitawa tacinca nom cekpapi, mnaħcaħca ehna wihanpi kin iyececa.

6 Anpao kta qa ohanzi kinyan iyaye kta, hehan cansin waštemna he kin ekta, qa cansin kohdihdi paha kin ekta, mde kte.

7 Wiwašte mitawa, ocowasin owanyag niwašte ; tuktedan oniyuhi s̄ni.

8 Lebanon etanhan micu wo, mitawin, Lebanon etanhan micu wo : Amanā ipa kin etanhan etonwan wo, Šenir qa Hermon paha pajodan kin etanhan, mnaja otipi kin etanhan, inmutanka he kin etanhan.

9 Cante mayaki, mitawin, mi-

DOWANPI ODOVAN,

tankši; ništa wanjidan on, nitahu tawanapin oboyaya wanjidan on cante mayaki.

10 Mitawin, mitankši, nitowaštedake kin he oiyo kipi hinca: nitowaštedake kin miniša isanpa wašte: qa ihepi nitawa omnanpi kin he taku waštemna owasin isanpa.

11 Mitawin, canhanpi tiktica šbu niiha hena ee: niceji ihukuya tuh maga canhanpi pte asanpi ko yukan: qa nitawokoyake omnanpi Lebanon omnanpi kin iyececa.

12 Mitawin, mitankši canwojupi nata kapi kin hee; minihdoka nata kapi, miniyowe askamtonpi kin heca.

13 Taku icaliyaye cin taspantanka su ota ojupi kin heca, waskuyeca wašte hinca nakun; cansin oomna wašte nard kici-ca:

14 Nard qa wiziye kici; sinkpe tawote qa canhaša, cansin kohdihdi can kin owasin koya; cansin waštemna qa cansin pa hinca, wizinye waštemna ocaje owasin koya:

15 Miniyowe canwojupi, minihdoka wakoniya, qa Lebanon etanhan wakpadan kin.

16 Waziyatanhan tate uya, kiktaye; qa itokagatanhan uye cin, u ye: mitawoju kin atateyanpa ye; hecen oomna waštemna kin hiyu kta. Tokin waštwakidake iye canwojupi tawa kin en ku, qa waskuyeca wašte kin hduten.

WICOWOYAKE 5.

1 Mitawin, mitankši, canwojupi mitawa kin en hibu: cansin mitawa taku omna waštemna ko mnawakiya: canhanpi tiktica mitawa tuh maga canhanpi

mitawa kici wahdute: miniša mitawa pte asanpi iyahna wahdatkan. Mitakuye, wota po; wayatkan po, han, waštecicidapi, wiyuškinyan wayatkan miye.

2 Mištinbe, tuka micante kiktahan yanke; Waštwakidake katoto yanka ho kin hee; Mitankši, wiwašte mitawa, tinwakiyedan mitawa, wanji taku iyaonpepica šni mitawa, makiyuhdoka wo; mapa kin cu ojudan, qa mapa hin hanyetu ošbuye kin ojudan nakaes.

3 Onhdohda wahdušdoka, token ake wecun kta he: siha wahdujaja, token ake šamwakiye kta he.

4 Waštwakidake cin he owanyeye eciyatanhan nape hiyuye, unkan iye on tanmahen mihduškanškan.

5 Waštwakidake wakiyuhdoka kta najin imdamda, unkan inatake iyuze akan minape etanhan cansin šbuya, qa minapsukaza cansin waštemna šbuya.

6 Waštwakidake wakiyuhdoka; tuka waštwakidake cin he wanna ihdutokan iyaya: ie cehan minagi hiyu tuka: owakide tuka iyewayaya owakihi šni: wakistan tuka amayupte šni ye.

7 Waawanyake otonwe ohomni yapi kin hena iyemayanpi, hena amapapi, hena ksuwemayanpi: conkaške awanyakapi kin hena ite akahpe kin makipi.

8 Jerusalem cunwinkupi, ceciyapi ce, waštwakidake cin he iyeyayapi kinhan wowaštedake on wamayazanka he oyakidakapi kte.

9 Winohinca wicehna owanyag niwašte hinca, waštwakidake cin he waštedakapi tokeca taku on isanpa he; waštwakidake cin taku on waštedakapi

WICOWOYAKE 6.

tokeca wan isanpa wašte he, on hecen ceunyakiyapi he.

10 Waštewakidake cin he ska qa šamna, kektopawinge wikcemna ehna okitanin hinca.

11 Pa kin he mazaskazi ecedan : pa hin kin hena yuħaħa qa sapsapa, kangı iyececa :

12 İsta kin tinwakiyedana mini wakpa icahda kin iyececa, pte asanpi ohna yujajapi, ayuco oštanpi :

13 Iye tapon taku omna waštemna oicage kin iyececa, waħca waštemna kin iyececa : iha kin mnaħcaħca iyececa, canšin waštemna šbuyapi :

14 Iye nape kin mazaskazi napeupe Taršıs inyan tehıka oštanpi kin iyececa : tezi kin he huhu wıyatpa inyan toto tehıka akalıpapi kin iyececa :

15 Iye hu kin inyan skaska ihupa mazaskazi ecedan oyuštanpi kin en ehdepi iyececa : ite kin Lebanon iyececa, ħanteša kin iyecen oiyokıpi ħınca.

16 Iye i kin skuye ħınca : han, ocowasin wašte ħınca. Jerusalem cunwıtkupi, waštewakidake cin he dee, qa mitakuye ħınca hee.

WICOWOYAKE 6.

1 Winohınca ehna owanyag niwašte ħınca, wašteyakidake cin he tokiya iyaya he : wašteyakidake cin he tokiya icunonpa iyaya he ; niyecı unkodepi kta ce.

2 Waštewakidake cin he iye canwojupi tawa kin ekta iyaya, taku omna waštemna oicage ekta : canwojupi kin en wawıħanye kta, qa mnaħcaħca hdušpi kta.

3 Waštewakidake cin he tawamayan, qa waštewakidake cin

he miye mitawa : mnaħcaħca kin ehna wawıħanyan ece ye.

4 Wiwašte mitawa, owanyag niwašte ħınca, Tirzeh iyececa, Jerusalem iyecen oiyokıpi ħınca, ozuye wıyokıhedan yuhapi iyecen wokokıpe ħınca.

5 Miye etanhan ništa hduħomni wo, hena maktepidan : pa hin nitawa tatokadan optaye Gilead en iwankapi kin iyececa.

6 Nihi kin hena taħınca wanonyanpi optaye wıcayujajapi etanhan iyayuptapi kin iyececa, henaotoiyohıcekpayuhapi, qa hena etanhan cinca ton šni wanıca.

7 Paha sonpi otahedan nawate nitawa taspantanka su ota onšpa iyececa.

8 Wıcaštayatapi winohınca wıkcemna šakpe, qa winohınca wıcayuhapi wıkcemna šahdogan, qa wıtanšna unpi yawapıca šni.

9 Tinwakiyedana mitawa, wıyaonpıca šni mitawa kin he wanjidana, hunku tawa kin he išnana, tuwe yuhe cıqonhdaħnıge cin hee. Cunwıtkuyapi kin hena wanyakapi qa yawaštepi ; wıcastayatapi winohınca qa winohınca wıcayuhapi kin hena nakun yaonıhanpi.

10 Tuwe anpao iyececa etonwan, hanyetu wı iyecen owanyag wašte, anpetu wı kin iyecen wıyatpa, ozuye wıyokıhedan yuhapi iyecen wokokıpe ħınca, he tuwe he.

11 Hma can wojuپی kin ekta kun imdamda, kaksıza en waskuyeca kin wanmdake kta, ħastanhanka iyuwi icaga hecinhan, taspantanka su ota canni uye wanmdake kta.

12 Sdonwakiye šni, ihnuhanna minagi Amminadib tacanpahmiħma iyececa mıçıca.

13 Hdıcu wo, hdıcu wo, Šulamıth ; hdıcu wo, hdıcu wo, wan-

DOWANPI ODOVAN,

unniyakapi kta. Šulamith en ta-ku wandakapi kta he. Ozuye nom owaci kin iyececa ce.

WICOWOYAKE 7.

1 Wicaštayatapi cunwintku, nisiha hanpokiton kin hena owanyag wašte hinca : ceca okihe nitawa wamnuha tuwe wayupika nape [on kage cin hena iyececa.

2 Nicekpa kin he wakšica ohmihma miniša iyujimnana kin hee : nitezi kin he aguyapi su opaha wan mnaħcaħca ihduksan hiyeye cin he iyececa.

3 Aze nom nitawa totokadan cinca cekpapi kin iyececa.

4 Nitahu kin he huhu wašte canpasotka kin iyececa : ništa Hešbon miniyowe kin iyececa, Bath Rabbim tatiyopa kin etu : nipoge Lebanon conkaške Damasek ektakiya etoħwe cin he iyececa.

5 Nipa akan niyanke cin he Karmel iyececa, qa nipa hin boyaya kin ša stan iyececa : sonpi kin on Wicaštayatapi kin kaška-pi ye.

6 Wiwašte mitawa, owanyag niwašte, qa wowiyuškin on oiyo-kihi hinca yaun.

7 Nihanske cin he tamar can kin iyececa, qa aze nitawa iyage kin iyececa.

8 Tamar can kin en mde kta, adetka kin mduze kta ce, epa : unkan hinnakaha aze nitawa hastanbanka iyage imdacin kta, qa nipoge omnanpi kin taspantanka iyececa kta :

9 Qa nicaka kin miniša wašte iyececa, he waštewakidake cin en katinyan ya, tona iština-mpi iha akan iwaštedan iwicaya-ya.

10 Waštewakidake cin he ta-

wamayan, qa iye tocantekiye kin miye en mau ye.

11 Waštəcicidake, kuwa, maga kin ekta unye kta, otonwe cistin-na kin hena ekta hanyetu unyakon kta.

12 Hanhanna hinca hastanbanka iyuwu ojupi kin ekta unye kta ; wiyuwu kin icage cinhan wanunyake kta, iyage štunkaka wanna tanin hecinhan, taspantanka su ota kin wanna camni uye cinhan : heciya mitocantekiye ciču kta.

13 Wocantekiye waskuyeca kin oomna hiyuya, qa tiyopa unkitawapi ohna waskuyeca wašte ocaje owasin, teca qa tanni, waštəcicidake, hena ecicihnaka ce.

WICOWOYAKE 8.

1 Mitimdo, ina aze hdazoke cigon, tokin henicecen ; unkanš canku ohna iyeciciya ehantanhan iiciputake kta : hececa ešta miye wahtemadapi kte šni.

2 Yus aciye kta, ina ti kin en acii kta, he onspemakiye kta : miniša icicabiyapi taspantanka su ota hanpi mitawa kin he yatkəciciye kta tuka ye.

3 Iye nape catka mapa kin ihukuya kta, qa etapa kin poskin mahduze kta tuka.

4 Jerusalem cunwintkupi, ceciciyapi ce, waštewakidake cin he yapaninipi kte šni, qa duħicapi kte šni, tohanyan iyokipi hehanyan.

5 Tuwe hewoskan tanhan u, waštəkidake cin he hdus un kin he tuwe he. Taspantanka hu kin ihukuya najinciciya ; nihun hen niton ; tuwe niyuhe cin he hen niton.

6 Askape wan iyecen nicante en, ipuspe wan iyececa ništo akan emahnaka ye : wowašteda-

WICOWOYAKE 1.

ke kin wiconṭe iyecen waśaka : wowinawizi kin he Hades iyecen suta : he pelnige kin peta pelnige ide hinca heca.

7 Mini ota wowaśtedake kasni kte śni, qa mini tanka kin spaye-ye kte śni : wicaśta wan iye ti tawahpaya kin iyulipa wowaśtedake on tokiyopekiya eśta, he ocowasin aktapi kte śni.

8 Tankśiunyanpi kin he cistin-na qa aze nica. Anpetu en tankśiunyanpi kin dapi kinhan token ecaunkiconpi kta he.

9 He conkaśke unkanś akan mazaska tipi wan unkagapi kta ; he tiyopa unkanś hante śa canmdaska on onauntakapi kta tuka do.

10 Miye qe conkaśke hemaca, qa aze mitawa pajodan iyececa. Heon iye iśta kin en wanji wo-

cantekiye iyekiye cin hemaceca ye.

11 Baal-Hamon en hastanhan-ka iyuwi ojupi wan Solomon yuha : wiyuwi ojupi kin he wawanyake owicaqu : waskuyeca on otoiyo hi mazaska kektopawinge kahi kta.

12 Wiyuwi ojupi mitawa mitokam wanke cin he mitawa. Solomon, niye kektopawinge duhe kta, qa tona waskuyeca awanyakapi kin hena opawinge nonpa yuhapi kta ye.

13 Canwojupi kin en ounyaye cin, okodakiciye kin hena niho anagoptanpi ece : he iś nahonmakiya wo.

14 Waśtecicidake, najica u ye, qa taku omnanpi waśte paha kin akan tatokadan wiye qa iś tahinca cinca wan iyececa un ye.

ISAYA TAWOYUKCAN KIN.

WICOWOYAKE 1.

1 Isaya Amoz cinhintku towanyake kin, Juda qa Jerusalem on wanyake, Juda wicaśtaytapi Uziya, Jotham, Ahaz, qa Hezekiya taanpetu kin en.

2 Malipiya, nahon wo, qa maka, anohya wo : Jehowa ia ; Cinca icahwicawakiye qa tanka wicawakaga, unkan makipajinpi ce.

3 Tatanka ee tuwe tawa kin sdonkiya, qa sonsonna kin he tuwe yuha dotopiye tawa sdonya ; tuka Israel wasdonye śni, mitaoyate waawacin śni.

4 Hehehe, oyate wan wahtani sa, wicaśta woahitani on hduśakapi. wicoicage-wan śicaya econ-

pi, wicacinea wayuśicapi ; Jehowa ayuśtanpi, Israel Wanji Wakan tawa kin he wahtedapi śni, hektam ihdoyapi.

5 Taku on sanpa anipapi kta he ; nakun wawakipajinpi ece ecanonpi kta ; wicapa ocowasin wayazanka, qa wicacante kin ocowasin hanyeca :

6 Sicu etanhan pa iyahdeya tuktedan zani śni ; capapi, kaśuśujapi qa ton awicau ; aohdu-
teyapi śni, yuskiskitapi sni qa wihdi on waśte kagapi śni.

7 Makoce nitawapi kin he otiwita, nitotonwepi kin peta on hulnagapi ; maga nitawapi wicaśta tokeca nitokam temyapi, qa hewoskan elpeyapi, wicaśta tokeca awihnunipi iyececa.

ISAYA TAWOYUKCAN KIN,

8 Zion cunwintku kin hastanyanka ojupi wan en ohanzi hdepi kin he iyecen ehpeyapi, sakayutapi ojupi en wakeya he cin iyececa, otonwe anatanpi kin iyececa.

9 Jehowa ozuyc tawa onajice cistinna wan unkokicicaptapi šni unkanš Sodom iyeuncecapi kta, qa Gomorräh iyecen unkicagapi kta tuka.

10 Sodom wicaštayatapi, Jehowa oie kin nahon po ; Gomorrh oyate, Wakantanka unkitawapi toope kin awacin po.

11 Tokeca taku ota wamaya-kidušnapi he, Jehowa eya ; tamdoka hulinagapi qa cemyapi wašna kin on imamna hinca ; qa tatánka, tacincadan qa tatokadan mdoka we kin iyomakipi šni.

12 Nakun tohan miye en ihdu-tanin yahipi kinhan, mitahocoka omayanipi kin, tuwe he ninapepi etanhan icu kta he.

13 Detanhan wošnapi takušni kin heca e aupi šni po ; wizinyapi kin he wahtewada šni ; wi teca qa wookihpe omniciye kagapi kin hena mduha owakihi šni ; omniciye wakan kin he hee kaes woalitani.

14 Wi teca nitawapi qa mniniciyapi ece kin hena minagi šicedaka ; hena woyušake mdawa ; yuha mdowakiša.

15 Unkan nape yahdugatapi kinhan miišta anacihmanpi kta ; han, wocekiye daotapi kinhan nawahon kte šni ; nape we onijupidan nakaes.

16 Ihdujaja po, ihduska po ; miišta itokapatanhan taka šica ecanonpi kin ehpeya po ; šicaya econpi ayušan po :

17 Taku wašte econpi onspeiciyiya po : wokonze akita po ; šicaya wicakuwapi kin hena owotanna ccawicakicon po, wa-

mdenica kin hena wicayaco po, wiwazica kin he iciya po.

18 Iho miye, nakaha wounhdakapi kta, Jehowa eya : wayahtanipi kin hena duta esta wa iyecen ska kta ; hena ša stan iyececa esta tahinca hin kin iyecece kta ce.

19 Hecen yačinpipi qa waanayagoptanpi kinhan, makoce taku wašte aicage cin he yatapi kta :

20 Tuka wicayadapi šni-qa wayakipajinpi kinhan, mazasagye on temniyanpi kta, Jehowa i kin he hecen eya ce.

21 Hehehe, otonwe owotanna qon he witkowinna icaga : wokonze on ojudan, woowotanna ohna ti tuka qon ; tuka nakaha tin wicaktepi sa.

22 Mazaska nitawa ginginca icaga ; miniša nitawa mini icahiyapi.

23 Wicaštayatapi nitawa kin hena wicaštapišni qa wamanonpi sa takodawicayapi : otioyohi taku wicakupi waštedaka qa icajuju akitapi ; wamdenica kin hena on wayacopi šni, qa wiwazica tawoakinica kin he en wicahi šni.

24 Heon etanhan Itancan kin, Jehowa ozuye yuha, Israel Iyotan Wašaka tawa kin he hecen eya ; Han, tona makipajinpi kin on iyokipimiciye kta, qa tokamaynpi kin hena towicawecičon kta ce.

25 Qa minape aciyuhomni kta, qa ginginca nitawa wišdoye on ciciyuecedan kta, qa maza šdoyapi kin ocowasin ehpeciyiye kta.

26 Qa wayaco nitawapi tokaheya ekta iyecen wicamduacetu kta, qa waaiewicakiyapi nitawa otokahe ekta iyececapi kta : hehan iyohakam, otonwe owotan-

na, otonwe wacinyepica, eniciyapi kta.

27 Woyaco on Zion opekitonpi kta, qa tona en hdipi kin hena woowotanna on.

28 Unkan sicaya econpi sa qa wãhtanipi kin witaya ihangwicayapi kta, qa tona Jehowa ayuštanpi kin hena yusotapi kta.

29 Qa utuhu can wašteyadakapi qon hena on ištécapi kta, qa can wojupi yahdahñigapi kin hena on iništécapi kta.

30 Utuhu can wan ape šnije cin he iyenicéapi kta, qa can wojupi wan mini wanice cin he iyececa.

31 Qa tuwe wašake cin he hahonta on kagapi kin he iyecece kta, qa iye ohan kin pešñija iyecece kta; unkan napin ptaya ideyapi kta, qa tuwedan kasni kte šni.

WICOWOYAKE 2.

1 Wicoie Juda qa Jerusalem on, Isaya Amoz cinhintku wan-yake cin he dee.

2 Unkan anpetu ehake kin en, Jehowa tipi Paha kin he he ipa kin en ehdepi kta, qa paha kin isanpa wankan kagapi kta; unkan oyate owasin en kawitaya iheye kta.

3 Unkan oyate ota upi qa heyapi kta; U miye, Jehowa Paha tawa kin ekta unyanpi kta, Jakob ta Wakantanka ti kin ekta; unkan iye tacanku kin onspeun-kiyapi kta, kinhan ocanku tawa ohna maunnipi kta: Zion etanhan woope kin inanpe kta, qa Jehowa oie kin Jerusalem etanhan.

4 Unkan iye Ikcewicašta ehna wayaco kta, qa oyate ota iyopewicaye kta; hecen mazasagye yuhapi kin mahiyumdu kagapi kta, qa wahukeza on isan škopa

kagapi kta: oyate wan oyate tokeca mazasagye apaha kte šni, qa icimana kiczapi onspeičiciyapi kte šni.

5 Jacob tiyohnaka, u po, Jehowa iyoyanpa tawa kin en maunnipi kta.

6 Heon nitaoyate, Jakob ti kin he, ehpeyakiya; wiyohiyanpata tanhan isanpa ihduotapi, qa hanmdepi, Philistia oyate kin iyececa, qa wicašta tokeca cinca takodawicayapi, heon etanhan.

7 Nakun makoce tawapi kin mazaska mazaskazi ko ojudan, qa wowijice tawapi kin wopteca šni; nakun makoce tawapi kin šuktanka on ojudan, qa canpahmihma tawapi kin wopteca šni.

8 Makoce tawapi nakun wakagapi on ojudan; iye nape ohan kin hena ohodapi ece, taku iye napsukaza kagapi kin hena:

9 Hecen wicašta ikceka patuš inajin, qa wicašta tanka kin he makata ehpeičiya ece; heon wicayecicajuju kte šni.

10 Imnija kin ihukuya ya wo, qa maka mdu kin en inahman wo, Jehowa tokokipe kin itokapa tanhan qa tawootanin wowitan kin heon.

11 Wicašta wahaničida išta kin kun iyeyapi kta, qa wicašta watankačidapi kin he kun ehpeyapi kta; qa anpetu kin he en Jehowa išnana yatankapi kta.

12 Jehowa ozuye tawa taanpetu kin he tona wahaničida qa watankačida owasin akan un, qa tona yuwankan iyeičiya owasin akan; unkan yuhukun ehpeyapi kta:

13 Nakun Lebanon hante ša tehanwankantu qa wankan iye-yapi owasin akan un, qa Bašan utuhu can kin owasin akan;

14 Qa he tehanwankantu kin

iyuhpa akan, qa paha wankan iyeyapi kin owasin akan yanke ;

15 Qa tipi tehanwankan otoiyohi, qa conkaşkesuta owasin akan ;

16 Qa Tarsiş wita wata iyuhpa, qa taku owanyag waşte kin owasin akan yanke.

17 Unkan wicašta wahañiçidapi kin kin he kun ehpeyapi kta, qa wicašta watankaiçidapi kin he patuşyapi kta ; qa anpetu kin he en Jehowa işnana yatan-kapi kta.

18 Nakun wakagapi kin hena ocowasin token aye kta :

19 Qa imnija ohdoka ohna, qa maka ohdoka kin ohna yapi kta, Jehowa tokokipe kin itokapatantahan, qa tawootanin wowitan kin heon, tohan maka kin wakokipe kicali inajin kinhan.

20 Anpetu kin he en wicašta mazaska wakagapi qa mazaskazi wakagapi tawa, iye ohoda kta on kagapi kin hena napeihelyatahedan qa hupawakihdakedan kin ekta ehpeyapi kta :

21 Imnija ohdoka ohna yapi kta, han imnija kahdokapi kin ohna, Jehowa tokokipe kin itokapatantahan, qa tawootanin wowitan kin heon, tohan maka kin wakokipe kicali inajin kinhan.

22 Wicašta, taniya poge ohna un kin, he ayuştan po : taku on he taku yawapi kta he.

WICOWOYAKE 3.

1 Wanyaka, Itancan kin Jehowa ozuye tawa Jerusalem qa Juda etanhan ipatan qa sagye kin icu kta, aguyapi sagye kin ocowasia, qa mini sagye kin ocowasin :

2 Wicašta waşaka qa wicašta zuye sa, wayaco qa wicašta wokcan, tuwe hanmdohdaka qa wicahinca kin ;

3 Wikcemna zaptan en itancan qa tuwe ite kinihanpi, qa wawiciye kin, qa wabago wayupika, qa tuwe ie ksapa.

4 Unkan koşka wicaştayatapi wicawaqu kta, qa hokşiyog^{ta} iwicadakapi kta.

5 Qa oyate kin otoiyohi kakikiciyapi kta, qa otoiyohi ti kiye-dan unpi kin nakun ; hokşidan kin he wicahinca en ihdatan kta, qa tuwe wahte şni kin he tuwe kinihanpi kin en.

6 Tohan wicašta wan iye cinyeku, atkuku ti kin etanhan, he hduze ça, Niye wokoyake niciun, itancan unniyuhapi kta, qa woihangye kin de niye ninape en un kta, eye cinhan ;

7 Anpetu kin he en nape hdugate heye kta ; Wawokiziya hemaca kte şni, wati kin ohna woyute wanica qa wokoyake wanica, heon oyate kin en itancan makagapi şni po.

8 Jerusalem atakuni şni qa Juda hinhpaya ; iye cejipi qa ohanpi kin Jehowa tawowitan işta kin iyokişinyapi kin heon etanhan.

9 Iye ite hdutaninpi kin he owicayaka, qa Sodom iyececa iye wahtanipi ohdakapi, nakihmanpi şni. Woiyokişice iye nagipi en kiciyankapi nunwe, taku şica ecaiciconpi nakaes.

10 Tuwe owotanna kin, Tanyan un kta ce, keciya po ; iye ohanpi waskuyeca kin hdutapi ece kta :

11 Hehehe, tuwe^a şice cin, tehike kta, iye nape ohan kin iye-cen ecakiconpi kta nakaes.

12 Mitaoyate hokşipidan on wowidagyapi, qa winolinca kin itancan wicayuhapi ece. Mitaoyate, tona wahokonniciyapi kin hena nuniniyanpi, qa canku o-mayanipi kin he awihnnuniyapi.

WICOWOYAKE 5.

13 Jehowa waakinin inajin, qa oyate wicahdaco yanka.

14 Jehowa iye taoyate en hun-kayapi kin wicahdaco kta, nakun wicaštayatapi kin. Niye hastanyanka iyuwi ojupi kin tem-yayapi; wowałpanica taku wicakipi kin he yatipi kin ohna yanke.

15 Tokeca mitaoyate wicayakapanpi qa wałpanica itepi kin wicadumanpi he, Jehowa ozuye Itancan kin eya.

16 Nakun Jehowa heya; Zion cunwintku tankaičidapi, qa pa hduwankan icu manipi, qa token cincin išta ycyapi, manipi qa kaicicuya yapi, qa siha on nasnasnapi;

17 Heon etanhan Itancan kin Zion cunwintku pesdete oyuhih on pešda kage kta, qa tancodan unpi kin Jehowa wicayutanin kta.

18 Qa anpetu kin he en Itancan kin sicogokaške wowitan kin ewicakiciyaku kta, qa watešdake mazaska wanapin koya;

19 Oinpidan, qa napokaške, qa ite akałhe kin;

20 Wapaha qa siha icaške, qa paipałte, qa wojuha wakan, qa oinpi wakan kin;

21 Napeupe qa poge oinpidan;

22 Wokoyake wašte, qa onłdołda, qa šina, qa mazaska opiye;

23 Ihdiyomdasin, qa mahen unpi wašte, qa watešdake, qa ite akałhe.

24 Unkan kaketu kte, taku wašemna on šicamna yuke kta; qa ipiyake on tehmisu; qa paha sonpi on nasušda kagapi; qa šina zipzipedan on wakihdaka ipiyagkitonpi; owanyag wašte on wicagupi ee yuke kta.

25 Wicašta nitawapi mazasagye on hinłpayapi kta, qa wicašta waditaka nitawapi kicizapi en.

* 13

26 Hecen iye tatiyopa iyokišica qa ceye kta, qa iye linca cokadan makata iyotanke kta.

WICOWOYAKE 4.

1 Unkan anpetu kin he en winolinca šakowin wicašta wanjidan en yuzapi qa heyapi kta; Aguyapi unłdutapi kta qa wokoyake kounhdakapi kta, tuka nicaje on cajeunyatapi nunwe, wiyaonpapi eunkiciyakupi kta.

2 Anpetu kin he en Jehowa toicage kin he woyuonihan qa wowitan kta, qa maka waskuyca kin he wowašte qa woiyokipi kta, Israel tona okaptapi kin hena on.

3 Unkan kaketu kte, Zion en okaptapi qa Jerusalem en mdogyanke cin hena, Owotanna, ewicakiyapi kta, tona wiconi on Jerusalem en owicawapi kin otioyohi;

4 Tohan woyaco oniya qa ide oniya kin on, Itancan kin Zion cunwintku tawošape kicicajuju, qa Jerusalem cokayatanhan we kin pakinte cinhan.

5 Unkan Jehowa Zion Paha oyanke otioyohi akan, qa tomniciye kin en, anposkan, małpiya šapa qa šota wan kage kta, qa hanyetu eca, peta ide iyega; wowitan ocowasin iwaukam wokałhe kta.

6 Unkan wakeya wan yuke kta, anpetu icunhan wašte kin on ohanzi kta, qa wowinapeyapi kta, qa icamna magaju ko on woinałhe kta.

WICOWOYAKE 5.

1 Iho, mitakoda wakidowan kta, mitakoda tadowan kin hee, hastanhanka iyuwi ojupi tawa kin on. Mitakoda hastanhanka

ISAYA TAWOYUKCAN KIN,

iyuwi ojupi wan yuha, pajodan wašte hinca wan en.

2 Unkan he ihdukšan nakitake, qa etanhan inyan pahi, qa hastanhanka iyuwi hu waštešte kin en oju, qa cokaya cowahe tehanwankantu wan kaga, qa en iyuškiye wanji nakun kicaga. Hehan hastanhanka aicage kta ape yanka, unkan hastanhanka ikceka aicaga.

3 Hecen dehan, Jerusalem en ounyayapi qa Juda wicašta, tokin miye qa hastanhanka iyuwi ojupi mitawa imiyeciuyukanpin.

4 Hastanhanka iyuwi ojupi mitawa kin en ecamon kin taku sanpa econpica he. Hecen hastanhanka aicage kta ape manka, tokeca hastanhanka šica aicaga he.

5 Unkan nakaha, iho, hastanhanka iyuwi ojupi mitawa taku ecawecon kta he ociciyakapi kta: Wapepeka inatake kin emdaku kta, unkan temyapi kta; conkaške kin he mdujuju kta, hecen amanipi kta:

6 Qa hewoskan ehpeyaye kta; adetka abasšpapi kte šni qa maka akatapi kte šni; tuka wapepeka can pepe ko en icage kta; nakun mahpiya šapa kin wahowaye kta, magaju takudan ahinhe kte šni.

7 Jehowa ozuye tawa hastanhanka iyuwi ojupi tawa kin Israel tiyohnaka kin hee, qa Juda wicašta wojupi waštešte tawa kin hena ee: unkan wokonze kta e ape yanka, tuka iho, we paponpi; woowotanna on ape un, tuka iho, šicahowayapi.

8 Tona tipi en tipi akagapi, maga en maga ikoyagyapi, hecen oyanke wanica, qa iye isna- na maka cokaya yankapi kta, he- na wotehi kiciyankapi nunwe.

9 Minoge en Jehowa ozuye yu-

he cin he hecen eya; Awicakehan tipi ota hewotahedan unpi kta tanka qa wašte tuwedan ohna ti kte šni.

10 Han, hastanhanka iyuwi ojupi maka iyutapi wikcemna bath wanji icaliye kta, qa homer wanji ojupi kin he epha wan icaliye kta.

11 Wotehi kiciyankapi nunwe, tona mini wakan kuwapi kta hankiktapi, litayetu hehanyan econpi, miniša wicayuwitko kta;

12 Qa wohanpi kin en candowankiyapi ikan wikcemna qa candowankiyapi ikceka, cancega miniša ko yukan; tuka Jehowa tohan kin ekta ewacinpi šni, qa iye nape taku econ kin awacinpi šni.

13 Mitaoyate taku yukcanpi šni heon wayaka ayapi, qa wicašta kinihanpi kin hena akihan ŧapi, qa wicota tawa ipuzapi on pus aya.

14 Heon etanhan Hades ihdu- tanka qa nina lin i hdukawa; unkan wowitan tawa, qa wicota tawa, qa owodutaton kagapi, qa tuwe wiyuškin nakun en yapi kta.

15 Hecen wicašta ikceka kin makata iyeyapi kta, qa wicašta tanka kin yuhukun ehpeyapi kta, qa wahaničidapi išta kin kun icu- pi kta:

16 Tuka Jehowa ozuye yuhe cin he woyaco en yatankapi kta, qa Wakantanka wakan kin he woowotanna on yawakanpi kta.

17 Hehan talinc^a cincapi kin tukten awicayapi hen wiħanpi kta, qa makotahedan tona cepa- pi kin hena wicašta tokeca tem- yapi kta.

18 Wotehi kiciyankapi nunwe, tona woħtani telmiso on wico- ħan šica hduħitanpi, qa canpa- hmihma ikan on iyecen waħtan- ipi kin:

WICOWOYAKE 6.

19 Tona heyapi; Oñanko kte, taku econ inañni kte, hecen wanunyakapi kta; qa Israel Taku Wakan tawa kin he ku qa kiyedan u kte, hecen sdonunyanpi kta ce.

20 Tona taku síca wašte eciyapi, qa taku wašte kin he síca ce, cyapi; tona iyoyanpa otpaza eekiyapi, qa otpaza iyoyanpa eekiyapi; tona taku skuya kin he pa kiyapi qa taku pa skuye kiyapi kin hena wotehi kiciyan-kapi nunwe.

21 Tona iye ísta kin en ksapapi, qa wayupikeicidapi kin hena wotehi kiciyan-kapi nunwe.

22 Tona miniša yatkan ohitakapi, qa mini wakan icahiya wicašta wašakapi kin hena wotehi kiciyan-kapi kta;

23 Tona taku wicaqupi on wicašta síca wicayaowotaupi, qa wicašta owotanna toowotanna ekiciyakupi kin hena.

24 Heon etanhan, peta ceji aguyapi hu yasota, qa peji ideyapi hinhpaye cin he iyecen, hena hutkan kin can ponpon iyecece kta, qa wañca tawapi kin maka mdu iyecen wankan ye kta; Jehowa ozuye tawa toope kin ehpeyapi, qa Israel Taku Wakan tawa oie kin aktapi šni, heon etanhan.

25 Heon Jehowa tocanniye kin iye taoyate aidewicakiya, qa iye nape awicapaha, qa wicakaštaka: Hecen paha kin cancan aya, qa wicašta tapi tacesdi iyecen canku cokaya wankapi. Hececa ešta tocanniye enakiye šni, tuka hinyañin nape hdugan un.

26 Unkan oyate tehanhan unpi kin wiyokihedan wan ewicakihde kta, qa maka ihanke tanhan hena wicakijojo kta; unkan iho, hena inañni dus upi kta.

27 Hena etanhan tuwedan mdo-

kiše šni, qa tuwedan kaktihahan kte šni; liba kte šni qa ístinbe kte šni; qa nite on ipiyag kitonpi kin he yukcapi kte šni, qa hanpkan tawapi kin yupsakapi kte šni:

28 Hena tiwanhinkpepi kin pepe, qa tinazipepi kin owasin ekatapi; šunka wakan tawapi šakapi kin inyan iyecen yawapi kta, qa canhdeška tawapi kin tateiyumni wan iyecece kta.

29 Hena hotaniupi kin mnaja iyececa, mnaja koška iyecen hotaniupi kta: han, iyašapi qa wawiyahpayapi kta, qa tanyan kihnakapi kta; unkan tuwedan ehdaku kte šni.

30 Unkan anpetu kin he en miniwanca sa wanke cin iyecen hena iyawicakišapi kta; hecen maka kin ekta etonwanpi kinhan, iho, otpaza woiyokišica, qa mañpiya kin ekta iyoyanpa kin he aotpasyapi.

WICOWOYAKE 6.

1 Waniyetu Uziya wicaštayatapi ta he ehan, Itancan kin oiyo-tanke tehanwankantu qa wakan ehdepi wan akan iyotanka wam-daka; unkan tawokoyake kin tipi wakan kin ojuya.

2 Hen icahda seraphim inajinpi; otoiyo hi lupahu šakpe yuhapi; nom on ite ahdalipa, qa nom on siha ahdalipa, qa nom on kinyanpi ece.

3 Unkan wanji wanji tokeca kipan qa heciya; Wakan, wakan, wakan, Jehowa ozuye hduha; towitan kin on maka kin oco-wasin ojudan ce.

4 Unkan tuwe pan ho kin on tiyopa taku akan he cin hena škanškan, qa tipi kin šota ojudan.

5 Hehan hepa; Hehehe, mata-kunišni ce: wicašta ilha šapa he-

maca, qa oyate wan iha śapapi om wati; miišta Wicaśtayatapi kin Jehowa ozuye yuhe cin he wanyakapi, heon etanhan.

6 Hehan seraphim. wanji kinyan en mahi, qa petaga wan peta oicu on owayuśna kin etanhan icu-qon he nape ohna yuha:

7 Qa he mii kin icalhtagya qa heya; Iho, de niiha kahtaka; qa niohan śice cin eniciyakupi, qa wayahtani kin nicicajujupi ce.

8 Nakun Itancan ho kin heya nawahon; Tuwe yewaśi kta, qa tuwe unkiyepi on ye kta he, eya. Hehan hepa; De miye ce, yemaśi ye.

9 Unkan heya; Ya wo, qa oyate kin de hewicakiya wo; Wanahonpi on nayahonpi, tuka oyakahnigapi śni; qa wanyakapi on wandakapi, tuka sdonayayapi śni ce.

10 Oyate kin de cantepi cemya wo, qa noge kpe wicakaga wo, qa iśtagonge wicakiya wo; okinni išta on wanyakapi kta, qa noge on nahonpi kta, qa cante on okahnigapi kta, qa ihduhomnipi kta, kinhan okiziwicawaye kta tuka.

11 Unkan hepa; Itancan, tohanyan kta he. Unkan heya; Otonwe kin ihangyapi kta tuwedan ohna ti śni, qa tipi wicaśta codan, qa makoce kin ocowasin hewoskan eħpeyapi kta;

12 Qa Jehowa wicaśta kin tehan iyewicaya, qa makoce cokaya yujujupi tanka wanke kta hehanyan.

13 Tuka iwikcemna wanji en un, qa he ake icage kta, qa he woyute yapi kta: wazi can qa utuhu can kin iyececa: kaksapi ešta oicage kin mahen un, he iyecen wicoicage wakan kin he oicage kta ce.

WICOWOYAKE 7.

1 Unkan Ahaz, Jotham cinhintku, Uziya cinhintku, Juda wicaśtayatapi taanpetu kin en, Rezin Aram wicaśtayatapi, qa Peka Remaliah cinhintku, Israel wicaśtayatapi kin, hena Jerusalem ekta hipi, azuyapi kta, tuka he ktedan okihipi śni.

2 Hehan, Aram Ephraim takodaya ce, Dawid tiyohnaka kin hecen eya okiyakapi. Unkan iye cante śkanśkan, nakun tao-yate cantepi kin, contanka en can tateyanpa on kahuhuzapi iyececa.

3 Unkan Jehowa Isaya heciya; Wanna ekta ya wo, qa Ahaz itkokipa wo, niye qa nicinkśi Śear-Jaśub kici, wankan wapa mde kagapi wakpa iyahde ihanke kin ekta, wayujaja tamaga canku kin ohna:

4 Qa heyakiye kta; Iwanihdake ĉa inina un wo; kopehda śni qa cante wankadan śni wo; petuspe śonya un sinte kin dena oza on, Rezin Aram kici qa Remaliah cinhintku tocanniye ide kin on:

5 Aram śicaya waniconza kin heon; nakun Ephraim qa Remaliah cinhintku kin hena heyapi;

6 Juda ekta unyanpi qa nagiyeyunyanpi kta, qa cokaya wicaśtayatapi wan Tabeal cinhintku kin hee, eunhdepi kta ce, eyapi:

7 Heon etanhan Jehowa Itancan kin he hecen eya; He ecen he kte śni, qa ecetu kte śni.

8 Aram pa kin he Damasek, qa Damasek pa kin Rezin hee; nakun waniyetu wikcemna śakpe sanpa zaptan iyotpani Ephraim yuksaksapi kta, hecen oyate kte śni.

9 Nakun Ephraim pa kin Samaria hee; qa Samaria pa kin

WICOWOYAKE 8.

Remaliah einhintku kin hee :
Wicayadapi śni kinhan niyusu-
tapi kte śni.

10 Nakun Jehowa ie ça Ahaz
heciya ;

11 Niye on Jehowa Wakantan-
ka nitawa wowakta wan kida
wo ; kuyatanhan qa is wankan-
tanhan he kida wo.

12 Tuka Ahaz heya ; Wakida
kte śni, qa nakun Jehowa iyutan-
waye kte śni ce.

13 Unkan heya ; Dawid tiyo-
hnaka, wanna nahon po ; wica-
šta akantu ikokišinyayapi kin he
taku cistinna, tuka nakun mita
Wakantanka iyokišinyayapi kta
he.

14 Heon etanhan Itancan kin
iye linca wowakta wan niçupi
kta : Iho, wikoška wan ihduša-
ke ça cinca ton ; unkan Emman-
uel—Wakantanka unkipi un—
eya caškiton kta.

15 Pteasanpi ihdi canhanpi tik-
tica ko yute kta, taku śica
akta śni qa taku wašte kałniga
sdoneye kta heon.

16 Hoksiyoqopa kin he taku śi-
ca akta śni, qa taku wašte kał-
niga sdoneye kta itokam, wicašta-
yatapi nom kowicayakipe ein
makoce tawapi kin he hewoskan
ehpeyapi kta.

17 Jehowa, niye en, qa nitao-
yate en, qa niyate ti kin en, an-
petu tohinni u śni kin heca au
kta, anpetu en Ephraim Juda
ayušan qon hetanhan ; Ašur wi-
caštayatapi kin hee kta.

18 Unkan anpetu kin he en ka-
ketu kte, honagidan Egipta wa-
kpa ihanke en un kin he Jehowa
kijojo kta, qa tulimaga Ašur
makoce en un kin he nakun.

19 Unkan hena upi kta, qa iyu-
lipa hewoskan kaksiza kin en
ounye kta, qa immija ohdoka kin
ohna, qa wapepeka ojupi owa-

sin en, qa owihankepi iyulipa
akan.

20 Anpetu kin he en, isan pe
linca opetonpi kin, wakpa kin
akotanhan kin hena, Ašur wi-
caštayatapi kin hee on, Itancan
kin pa kasan kta, qa siha kin
koya ; qa he putinhin nakun eya-
ku kta.

21 Unkan anpetu kin he en ka-
ketu kte ; wicašta wan pteheyu-
ktanna wanji qa tawiyedan noni
icałwicaye kta :

22 Unkan asanpi ota qupi kin
on asanpi ihdi hdute kta ; tona
inakoce cokaya okaptapi kin owa-
sin pteasanpi ihdi canhanpi tiki-
ca ko yutapi ece kta nakaes

23 Unkan anpetu kin he en ka-
ketu kte, makocajeyate owasin
tukten mazaska kektopawinge
on hastanhanka iyuwi he kecto-
pawinge yukan tuka qon, hen
wapepeka can pepe ko yuke kta.

24 Wanhinkpe itazipa ko hdu-
ha en hipi kta ; makoce owan-
caya wapepeka can pepe ko yu-
ke kta heon etanhan.

25 Qa paha owasin magicamna
on qapi qon hen wapepeka can
pepe ko kokipapi on ekta de kte
śni : tuka hen tatanka awicaya-
pi kta, qa talinca wanunyanpi
amanipi kta.

WICOWOYAKE 8.

1 Unkan Jehowa hemakiya ;
Tahasaka tanka wan ikikeu wo,
qa wowapi icage wicašta tawa
on, Maher-šalal-hašbaz, (Wopate
inahnikiya wapata inahni) eya
en owa wo.

2 Unkan waayatamin wacinye-
pica iwicawekeu, Uriah wawa-
yušna kin he qa Zekariah Jebera-
kiah einhintku :

3 Qa winohinca wawiyukan
kin he ikiyedan wai ; unkan

ISAYA TAWOYUKCAN KIN,

ihduśaka qa cinca ton. Hehan Jehowa hemakiya; Maher-śalal-ħaśbaz, eya caśkiton wo.

4 Hoksíyopa kin he hinahin, Ate qa ina, eya hoyeya onspe śni itokam, Damasek towijice qa Samaria tawahpaya kin hena yutokan icupi kta, Aśur wicaśtayatapi ite kin itokam.

5 Unkan ake Jehowa omakiye qa heya;

6 Oyate kin de Shiloa mini iwahnana iyaye cin wahtedaśni, qa Rezin qa Remaliah cinhintku kin on iyuskin;

7 Heon etanhan, iho, Itancan kin wakpa wan mini waśaka qa ota en awicau; unkan kaksiza owasin ohna hiyu kta, qa maya apaśbog ye kta:

8 Qa Juda ehna ye kta; apaśbog hiyu qa akam iyaye kta, dote kin hehanyan hiyohi kta: qa tahupahu akamdage kta, Emmanuel, nitamakoce ohdakinyan ojudan kta.

9 Oyate yaunpi, dakonkiciya po; unkan nicamdecapi kta: Makoce tehantu owasin, anagoptan po; ipiyagkiton miye; kinhan nicamdecapi kta; ipiyagkiton po, unkan nicamdecapi kta ce.

10 Woawacin awacin po, unkan yujupui kta; wicoie wan eya po, unkan ecen he kte śni: Wakantanka unkipi un nakes.

11 Jehowa nape waśaka wan on decen emakiya, qa oyate kin de tacanku kin ohna mawani kte śni e onspemakiya qa heya;

12 Oyate kin de tona, odakota eciyapi kin owasin, odakota eyakiyapi kte śni; qa iye taku koki-papi kin he koyakipapi kte śni, qa kopeyahdapi kte śni.

13 Jehowa ozuye tawa iye hinca daowotanpi kta; qa iye hinca

wowitonpe nitawapi kta, qa iye hinca wokokipe nitawapi ee kta.

14 Unkan iye wowinape kin heca kta: tuka Israel tiyohnaka napin on inyan ibotopi qa innija on hicahanpi ee kta, Jerusalem en tipi kin hena on wohmunke qa mazahtakiyapi heca kta.

15 Unkan hena wicota hicahanpi qa hinhpayapi kta, qa wicakamdecapi kta, qa wicahmun-kapi kta, qa wicayuzapi kta.

16 Woyaotanin kin pahita qa woope kin apuspa wo, waonspe-wicawakiye cin hena en.

17 Unkan Jehowa Jakob tiyohnaka on ite anakiħbe cin he miye awakipe kta, qa he ekta ewatonwe kta.

18 Wanyaka wo, miye qa micinca Jehowa maqu kin Israel en wowakta qa wowapetokeca unyakonpi, Jehowa ozuye tawa Zion paha en ti kin he eciyatanhan.

19 Unkan tohan, Tona hamdohdag iapi qa tona wahanicidapi jiji-pi qa wapiya dowanpi kin hena owicade po, eniciyapi kinhan;—oyate wan Taku Wakan tawapi kin akitapi kte śni he; tona nipi on tona ħapi kin owicadepi kta he.

20 Woope qa woyaotanin kin akita po; wicoie kin de iyecen iapi śni kinhan, iyoyanpa takudan en wicaun śni heon etanhan.

21 Unkan he ohna iyotanhan iyekiyapi qa wotektehda yapi kta; qa tohan wotehdapi kinhan śinhdaiciyapi kta, nakun wicaśtayatapi qa Taku Wakan tawapi wicahdaśicapi kta, qa wankan etonwanpi kta.

22 Nakun maka kin ekta etonwanpi kta, unkan, iho, wonihin-ciye qa otpaza; otpaza, woiyc-kiśica; tuka otpaza kin he yutokan iyeyapi kta.

WICOWOYAKE 9.

1 Hececa ešta iyokišinyapi kin en tokaheya otpaza qon iyecece šni, Zebulon makoce qa Naphtali makoce iwaštedan kakišye ciquon he ehan; tuka iyohakam mde kahda, Jordan akasanpatanhan, Galile Ikcewicašta ounyanpi en nina iyokišinya.

2 Oyate otpaza en manipi qon hena iyoyanpa tanka wan wanyakapi; wiconte ohanzi makoce en ounyanpi kin hena iyoyanpa awicahinanpa.

3 Oyate kin duota; wowiyuškin kin yeciyutanka; woksapi wowiyuškin kin ohna nitokam wiyuškinpi; woyuha kicipamnipi on cante waštepi kin he iyececa.

4 Can napinpi napin kin he, qa iye tapete cansakadan, qa wowidagye cansagye tawa kin hena duksaksa, Midian anpetu kin en iyececa.

5 Zuye cin otoiyo hi kicizapi owodutaton, qa wokoyake we en oputkanpi kin en hanpokihan ece; qa hūhnagapi kta, peta tawote kin hee.

6 Hoksīyoqopa wan unkcitonpi, cinca wan unqupi: unkan wokiconze kin he iye tapete akan yanke kta; qa caje kin, Wawinihan, Wawiciya, Taku Wakan Iyotan Wašaka, Ateyapi Owihanke Wanica, Wookiye Wicaštayatapi kin eciyapi kta.

7 Tokiconze oicage qa wookiye kin he owihanke wanice kta, Dawid oiyotanke tawa akan, qa tokiconze akan, ecen ehde kta, qa woyaco woowotanna ko on hdusuta kta, detanhan qa owihanke wanica: Jehowa ozuye hduha he tomniheca kin he de econ kta.

8 Itancan kin wicoie wan Ja-

kob en yeši, unkan he Israel ahinlipaya.

9 Unkan oyate owasin sdonyapi kta, Ephraim qa Samaria en tipi kin heepi kaeš, hena cante wahanici da qa suta kin on heyapi;

10 Maka španyanpi kin hena hinlipayapi, tuka inyan kakanpi on tipi untagapi kta; sukamin can kin hena kawankapi, tuka hanteša eeunkiyapi kta ce.

11 Heon etanhan Jehowa tona Rezin šicedakapi kin hena iye itkokim hiyuwicaye kta, qa tokawicaye cin hena wicayuwitaya kta:

12 Aram oyate wiyohiyanpatanhan, qa Philistia oyate wiyolipeyatanhan unpi; qa hena iocowasin on Israel temyapi kta. Hececa ešta iye tocanniye kin ayuhomnipi šni, tuka hinyahin nape hdugan un.

13 Oyate kin tuwe wicakaštake cin ekta ihduhomnipi šni, qa Jehowa ozuye yuhe cin he akitapi šni.

14 Heon etanhan, anpetu wanjidan en, Jehowa Israel etanhan pa sinte ko bakse kta, adetka qa psa hu kin nakun.

15 Hunkayapi qa wicaštayatapi kin he pa kin ee; qa wicašta wokcan woitonšni oyake cin he sinte kin ee.

16 Tona oyate kin wicayawaštepi kin hena nuniwicayapi; qa tona hena on yawaštepi kin hena napca iyewicayapi.

17 Heon etanhan koška wicayuhapi kin on Itancan kin wiyuškin kte šni; qa wamdenica wiwazica ko wicayuhapi kin hena onšiwicada kte šni: otoiyo hi wayušica qa taku šica econpi; qa wicai otoiyo hi witkotkoya ia ece. Hena owasin on iye tocanniye kin etanhan yuhomnipi

ISAYA TAWOYUKCAN KIN,

śni, tuka hinyahin nape hdugan un.

18 Wicošice peta iyecen itkon; wapepeka canpepe ko hulnage kta, qa contanka otehi kin ohna ide kta, hecen šota wankan ye cin en wankan kahbog yapi kta.

19 Jehowa ozuye yuha tošin-hda kin on maka kin aotpasyapi, qa oyate kin peta tawote kin iyecce kta; tuwedan iye sunkaku kin itonkipe kte śni.

20 Unkan etapa eciyatanhan wicaki kta, tuka wotektehda kta; qa catkatanhan wote kta, tuka hena imnanpi kte śni: wicašta otoiyo hi iye isto conica hdu tapani kta:

21 Manassa Ephraim, qa Ephraim Manassa; napin witaya Juda anatanpi. Hececa ešta iye tocanniye kin yuhomnipi śni, tuka hinyahin nape hdugan un.

WICOWOYAKE 10.

1 Tona woyaco owotanna śni yacopi, qa wowapi kagapi tona wokakišye owapi kin hena wotehi wicakiciyanka nunwe:

2 Wokonze etanhan wahpanica kin wicayuhomnipi kta, qa mitaoyate onšikapi woowotanna ewicakiciyakupi kta, wiwazica wamawicakinonpi kta, qa wamdenica wawicakipi kta, heon etanhan.

3 Hecen wokakišye anpetu kin en taku ecanonpi kta he, qa woihangye tehantanhan au kte cinhan, waokiyapi on tuwe ekta nayajicapi kta he; qa nitowitanpi kin tukten eyahnakapi kta he.

4 Miye codan wayaka unpi kin ihukuya canpeška makehde inajinpi kta, qa wicaktepi kin wicihukuya hinlipayapi kta. Hececa ešta iye tocanniye kin yuho-

mnipi śni, tuka hinyahin nape hdugan un.

5 Hehehe, Ašur, mitocanniye icapsinte, qa cansakadan iye napepi ohna wošinhda mitawa kin hee.

6 He oyate wahnayesa wan takpe yewaši kta, qa oyate canniyewicawaye cin hena on taku econ waši kta, wawicaki qa tawahpaya icu kta, qa canku upšija iyecen awicamani kta.

7 Hececa ešta iye hecen ke kte śni, qa cante mahen hecen awacin kte śni; tuka waihangyapi iye cante kin en un, qa oyate tonana śni wicakašpe kta.

8 He kaken eya; Akicita tancan mitawa kin hena ocowasin wicaštayatapi śni he.

9 Kalno he Karkemiš iyecce śni he; Hamath Arpad iyecce śni he; Samaria Damasek iyecce śni he:

10 Oyate takuśni śni wakandapi, qa wakagapi tawapi, Jerusalem qa Samaria tawa kapapi qon hena minape iyowicahi kin heon,

11 Samaria qa taku wakan tawa token ecawicawecon he iyecen Jerusalem qa taku wakan tawa kin ecawicawecon kte śni he, eya.

12 Heon etanhan kaketu kte, Itancan kin tohan Zion he kin en, qa Jerusalem en, ocowasin hduštan kinhan, hehen Ašur wicaštayatapi cante wahanicida waskuyeca kin he toweciçon kta, qa iye išta wankantu witantan kin.

13 He kaken eya; Minape wašake cin on hecamon, qa mitoksape on, wamdupika nakaes: nakun oyate makoce icagopi kin mdutokan, qa towijicepi wicawaki, qa tuwe wašaka iyecceca, en ounyanpi kin hena iwicawadaka:

14 Qa waholipi wan iyecen minape oyate towijicepi kin iyeya : qa wanji witka okaptapi pahi kin iyecen maka kin ocowasin mnawaye : unkan takudan hupahu hduškanškan šni, qa i hduka-wa šni, qa hoton šni ce, eya.

15 Onspe kin he tuwe on wakakan kin iwankam wahaniçida kta he ; canibakse kin he tuwe kaškanškan kin isanpa watankaiçida kta he : cansakadan wan tona he yuwankan yuzapi kin wicitokam ihduškanškan he iyecceca : cansagye kin, taku can šni iyecen bosdan eihde kte cin he iyecceca.

16 Heon etanhan Itancan kin, ozuye Itancan kin, tona cepapi wicayuhe cin en wicotamaheca ye šikta, qa iye towitan kin ihukuya ide wan ideye kta, peta ide iyecceca.

17 Unkan Israel Toiyoyanpa kin he peta heca kta, qa iye Towakan kin he ide kin ee kta; qa tanpetu wanjidan en wapepeka tawa canpepe koya huhnage çawihnnuni kta :

18 Nakun contanka tawa wowitzan, qa iye tamaga wašte kin yusote kta, nagi tancan koya : qa wayazanka wan hanye cin he iyecceca kta.

19 Qa contanka tawa can okaptapi kin hena tonana kta, hecen hokšiyopawan hena owa okihikta.

20 Unkan anpetu kin he en kaketu kte, tona Israel etanhan okaptapi, qa Jacob ti kin etanhan tona niyanpi kin hena tuwe wicakaštate cin he icimana wacinyanpi kte šni ; tuka Jehowa Israel Towakan kin he awicakehan wacinyanpi kta.

21 Tona okaptapi, Jakob etanhan owicakaptapi kin hena Taku Wakan Iyotan Wašaka en ihdoupi kta.

22 Israel, nitaoyate miniwanca wiyaka kin iyecceca qeyaš, tonana okaptapi kin hena hdi-pi kta : woihangye konzapi qon he woowotanna on iyatahde kta.

23 Woihangye wan, qa taku konzapi kin he, makoce ocowasin cokaya, Itancan Jehowa ozuye yuhe cin he iš econ kta.

24 Heon etanhan Jehowa ozuye Itancan kir kaken eya ; Mitaoyate Zion en ounye cin, Ašur kokipe šni wo : cansakadan on anipe kta, qa Egipta ekta econpi qon iyecen niye en cansagye hduwankan icu kta ;

25 Tuka ehake cistiyedan hehan wošihda kin henakeca kta, qa mitocanniye tona ihangyapi kin hena en un kta.

26 Unkan Jehowa ozuye yuhe cin he icapsinte wan icahkiciye kta, Midian Oreb immija ekta wicaktepi qon iyecceca ; qa cansakadan tawa Mdeša akan, qa Egipta ekta econ qon he iyecen hduwankan icu kta.

27 Unkan anpetu kin he en kaketu kte, woqin tawa nitapete etanhan eyakupi kta, qa cannapi tawa nitahu etanhan ; unkan sdayapi kin on cannapi kin yuwegapi kta.

28 Ayath en hi : Migron ekta iyoopte iyaya ; Mikmaš en tawahpaya kihnaka ;

29 He hdoka kin ohna iyayapi ; Geba ekta ewankapi : Rama kopahda ; Gibeah Saul najica.

30 Gallim cunwintku, ho wan-kan iyekiya wo : Anathoth onšika, Laša hehanyan ho hduwanin wo.

31 Madmena najica iyaya : Gebim en ounyanpi kin hena nape kta ihduwiyeyapi.

32 Tuka anpetu kin he Nob en owanji yanke kta ; Zion cun-

wintku he tawa, Jerusalem Pa-ha kin ektakiya nape koze kta.

33 Iho, Itancan Jehowa ozuye yuha wokokipe on adetka kin kaspe kta: qa tona hanska icagapi kin kaksapi kta, qa wahanicidapi kin hena yuhukun iyeyapi kta.

34 Unkan contanka can kin mazasapa on kawanke kta, qa Lebanon wanji wasaka on hinhpaye kta.

WICOWOYAKE 11.

1 Unkan Jesse canhute kin etanhan cansakadan wan hinanpe kta, qa tahutkan etanhan adetka wan icage kta;

2 Qa Jehowa Taniya kin iye akan yanke kta, woksape qa wookalinige woniya, wowiyukcan qa wowaśake woniya, wosdonye qa Jehowa kokipapi woniya kin he:

3 Unkan he Jehowa kokipapi kin en wakcanyan wayupika kage kta; iye ista wanyake cin eciyatanhan wayaco kte ŗni, qa iye noge nahon kin eciyatanhan wiyukcan kte ŗni:

4 Tuka woowotanna on wicaśta onśika wicayaco kta, qa wokonze on wakinica kta, maka akan wahpanicapi kin hena on etanhan; qa iye i icapsinte on maka kin ape kta, qa iye iha oniya kin on wicaśta śica wicakte kta.

5 Unkan woowotanna kin iye nite ipiyake kin hee kta, qa wovicake ipiyagkiton kta.

6 Nakun ŗunktokeca kin he tahinea wanunyanpi cinca kin kici ti kta, qa immuhdeśka kin he tacinca kin kici iwanke kta; qa tatankadan qa mnaja kośka ptejicadan koya witaya unpi kta; unkan hokśidan cistinna wan hena yus awicaye kta.

7 Pte kin nakun qa wahanksi-ca kin wiħanpi kta; hena cinca-pi kin witaya makata iwankapi kta; qa mnaja kin he tatanka iyecen aguyapi hu yute kta.

8 Unkan kokśiyooqopa azin kin he sintehda oti kin akan śkate kta, qa hokśiyopa azin enakiye cin he wamduśka śica ti kin akan nape yekiye kta.

9 He wakan mitawa kin owancaya wakiunniyanpi kte ŗni qa waihangyapi kte ŗni: miniwanca mini akalpe cin, he iyecen maka kin Jehowa sonyapi kin on ojudan kta nakaeś.

10 Unkan anpetu kin he en Jesse hutkan oicage wan yuke kta, he oyate kin en wiyokihedan he kta; iye ekta Ikcewicaśta kin ode upi kta: unkan iye ozikiye tawa kin he wowitan kta.

11 Nakun anpetu kin he en kaketu kte, Itancan kin ake icinonpa nape yeye kta, tona taoyate okaptapi kin opewicakiton kta, tona owicakaptapi kin hena, Aśur etanhan, qa Egipta etanhan, qa Pathros etanhan, qa Kuś etanhan, qa Elam etanhan, qa Śinar etanhan, qa Hamath etanhan, qa miniwanca wita kin etanhan.

12 Qa Ikcewicaśta wiyokihedan wan ewicakihde kta, qa Israel etanhan heyata iyewicayapi qon hena wicayuwitaya kta, qa Juda etanhan enanakiya iyayapi maka tate ouye topa kin etanhan wicapahi kta.

13 Unkan Ephraim tawowinawizi kin ayuśtan kta, qa Juda tokayapi kin hena wicakaśpapi kta; Ephraim Juda inakiwizi kte ŗni, qa Juda Ephraim nagiyeye kte ŗni.

14 Tuka Philistim hinyetepi akan wiyohpeyatakiya kinyanpi

kta; wiyohiyanpata cinca kin witaya wawicakipi kta; hena Edom qa Moab nape awicahnakipi kta; qa Amon cinca kin anawicagoptanpi kta.

15 Unkan Jehowa Egipta mde ceji kin ocowasin ihangye kta; qa tate waśaka tawa on wakpa kin en nape koza kta, qa adetka śakowin kin en ape kta, qa hanpokiton opta maniwicakiye kta.

16 Unkan iye taoyate okaptapi, Aśur etanhan owicakaptapi kin hena, canku tanka wan yuhapi kta; Israel Egipta makoce etanhan hinanpe cin anpetu qon he iyececa.

WICOWOYAKE 12.

1 Unkan anpetu kin he en hecen ehe kta; Jehowa, ciyatan kta, canniyemayaya qeyaś nitocanniye yutokan iyeyapi, qa cantohnag mayaya.

2 Iho, Taku Wakan nimakiye cin hee: he wacinwaye kta qa kopewahda kte śni: mitowaśake qa mitadowan kin Jehowa Iyotan Waśake cin hee; nakun iye Wanikiya mitawa kte cin hee.

3 Heon etanhan wowiyuśkin on wanikiyapi miniyowe kin etanhan mini edakupi kta.

4 Nakun anpetu kin he en hecen ehapi kta; Jehowa yaťan miye, iye caje kin hoyekiya po, iye oľan kin oyate ehna oyaka po, iye caje kin wankan un ce, eya po:

5 Jehowa idowan miye; taku wiciyokipi econ kin heon; maka kin owancaya de sonyapi ce.

6 Zion en ounye cin hoyeye ća iyaśa wo; Wanji Wakan Israel tawa nicokaya un kin he tanka ĩinca, heon etanhan.

WICOWOYAKE 13.

1 Babel tawoyake kin, Isaya Amoz cinhintku wanyake ciqon.

2 He tehanwankantu kin akan wiyokihedan wan ehde po, hena hoyewicakiyamiye, nape kozapo, hecen akicita tancanpi tiyopa tawa kin ohna yapi kta.

3 Wicaśta wakan mitawa wana econ wicawaśi, nakun mitocanniye on wicaśta waśaka mitawa wicaweco, tona mitawootanin on iyuśkinpi kin hena.

4 He kin ekta wicota hotaninpi, oyate ota iyececa; oyate wokiconze yuwitaya owodutatonyan hotaninpi: kiczapi kta on Jehowa ozuye tawa ozuye kin owicawa.

5 Makoce tehan tanhan upi, maľpiya ihanke kin etanhan, Jehowa qa iye tocanniye wotawe kin hena, makoce ocowasin ihangye kta heon etanhan.

6 Ceya miye; Jehowa taanpetu kin kiyedan ihan; Iyotan Waśake cin etanhan woihangye wan iyecen u kte.

7 Heon etanhan wicanape iyuhpa hinľpayapi kta, qa wicaśta otioyohi cante skan kta:

8 Qa kokipapi kta; wonihinciye qa woiyokiśice wicayuze kta; wanji cinca ton kte cin iyecen wayazankapi kta: wicaśta iye takodaku kici nihinciyapi kta; iye itepi kin ide ite kin hececapi kta.

9 Iho, Jehowa taanpetu kin u ce, wośinhdā qa wocanniye ide kin on wohitika, hecen makoce kin hewoskan kage kta; qa etanhan waľtanipi sa ihangwicaye kta.

10 Maľpiya wicanľpi qa wicanľpi tankapi kin hena iyoyanpa hiyuyapi kte śni; anpetu wi kin hinanpa eca aotpasyapi kta,

ISAYA TAWOYUKCAN KIN,

qa hanyetu wi kin is taiyoyanpa iyehye kte sni.

11 Unkan wošice on ctanhan wicoicage kin šitkihdawaye kta, qa wicašta šica iye wahtanipi kin on : nakun wicašta wahaničida towohitike kin he ayuštanwakiye kta, qa wicašta wohitika towahaničidapi kin he kun ehpewaye kta.

12 Wicašta wan mazaskazi isanpa telhika wakage kta ; han, wicašta wan Ophir mazaskazi tehike cin isanpa kta.

13 Heon etanhan mahpiya kin mduškanškan kta, qa maka kin towanke kin etanhan škanškan iyaye kta, Jehowa ozuye yuha tocanniye kin on, qa tošinhda ohitika anpetu kin on.

14 Hecen tatokadan wan niya šni kuwapi, qa tahinca wanunyanpi tuwedan wicayuwitaya šni kin he iyecece kta ; wicašta otoiyo hi iye taoyate ekta hde kte, qa iye tamakoce kin ekta wicašta otoiyo hi najice kta.

15 Tuwe iyeyapi kinhan capapi kta, qa tuwe opeya un kin he mazasagye on ktepi kta.

16 Nakun iye išta itokam iye cinca kin wicakicicaluhugapi kta ; tipi tawapi kin yucokapi kta, qa tawicupi wicakikšanpi kta.

17 Iho, Made oyate kin anawicatan wicawakiye kta, hena e mazaska aktapi kte sni, qa mazaskazi on iyuškinpi kte sni.

18 Unkan tinazipepi kin koškapi kin makata ehpewicayapi kta, qa wicatamni oicage cin onšidapi kte sni : iye ištapi wicacinca wicapatanpi kte sni.

19 Hecen Babel wokiconze wiciyokipi, Kasdim wowitan oinpi kin he Wakantanka Sodom qa Gomorrah ihangye cion he iyecece kta.

20 He icimana otipi kte sni, qa wicoicage yeye cin hehanyan tuwedan en ounye kte sni : nakun Arabi wicašta kin hen ticaage kte sni ; qa tahinca wanunyanpi wonwicayapi kin hen wankapi kte sni.

21 Tuka wamanica kin hena hen wankapi kta ; qa wicašta otipi qon hena hinhangagapi on ojudan kta ; qa kangci cinca kin hen tipi kta, qa canotidan kin hena hen wacipi kta.

22 Qa tipi tawapi yujupupi kin ohna wamanica hotonpi kta, qa tipi waštešte qon ohna unktehi yuke kta. Unkan he tawaniyetu kin kiyedan ihan, qa taanpetu kin yutehanpi kte sni.

WICOWOYAKE 14.

1 Jehowa Jakob onšikida kta, qa ehake Israel hdašnige kta, qa iye tamakoce kin ohna ewicahnage kta nakaeš : nakun oyate tokeca kin hena om witayapi kta, qa Jakob ti kin en kokijuyapi kta.

2 Unkan oyate kin is hena iwicacupi qa tohepi kin en awicahipi kta : qa Israel tiyohnaka kin hena wicašta taokiye qa winyan taokiye wicayuhapi kta, Jehowa tamakoce kin en : qa tona iye wayaka wicayuhapi qon hena is wayaka iwicacupi kta ; qa wowidagwicayapi qon hena is iwicadakapi kta.

3 Unkan anpetu kin he en, nitoyokišice etanhan, qa nitokokipe etanhan, qa wowidagyapi tehike en inidakapi qon etanhan Jehowa woozikiye niču kta :

4 Hehan Babel wicaštayatapi kin on wicoie kin de iyacu kta, qa hecen ehe kta ; Wawicakišye cin he ayuštan, wawicakišyapi kin he ayuštanpi ce.

5 Jehowa wicašta śica cansagye tawa kin he yuksaksa, wicaštayatapi tasagye kin.

6 Tuwe wośinhda on oyate ayuŝtan śni awicape ciqon, tuwe wocanniye on Ikcewicašta iwicadake cin he śicaya kuwapi, qa tuwedan tehinda śni.

7 Maka kin ocowasin ozikiya un, owanji yanke: hena dowanwan hinhdapi.

8 Han, niye on śinta can iyuŝkinpi, Lebanon hante śa kin; Inunka ehantanhan cankaksa tuwedan unkiyepi en unkupi śni ce, eyapi.

9 Kuyatanhan niye on Hades ihduŝkanŝkan, yau kin itkonicipe kta: niye on wicašta ŝapi kin hena wicayuhica, maka akan mdetahunkapi owasin: oyate wicaštayatapi owasin iye tohepi e-tanhan najinwicakiya.

10 Hena iyuhpa waayuptapi qa heniciyapi kta; Niŝ eya waunŝakapi śni iyecen inicaga he; unyakonpi kin iyeniceca he.

11 Nitowitan kin he Hades ekta kun ahipi, candowankiyapi nitawa ho kin: nihukuya wamdudan owinŝyapi, qa woakahpe nitawa wamduŝka kin hena ee.

12 Wicanhpi iyega, anpao cinca kin, mahpiya eciyatanhan nihinhpaya; oyate wicaduwaŝake śni qon niye qe makata nicawan-kapi.

13 Tuka niye nicante en hehe ciqon; Mahpiya ekta wankan mde kta; mitoyanke kin wicanhpi Taku Wakan tawa kin iwankam ewehde kta; nakun omniciye paha kin en waziyata ihanke kin ekta imdotanke kta;

14 Mahpiya ŝapa wankantu kin isanpa imdamde kta; Iyotan Wankan un kin iyemacece kta ce, eha.

15 Hececa ešta Hades ekta kun ehpeniyanpi kta, woħa cete-tete kin ekta.

16 Tona wanniyakapi kin hena opanihitapi kta, iniyukcanpi kta; Wicašta maka kin yuhubuza, wokiconze kin yuŝkanŝkan qon he dee se:

17 Makoce kin hewoskan kage ĉa otonwe en un kin hena ihangya; kaŝkawicahnaka tipi wicakiyuhdoke śni he dee he, eyapi kta.

18 Oyate wieaštayatapi kin owasin, han iyuhpa, wowitan ohna wankapi, otoiyoħi iye ti kin ohna.

19 Tuka niye qe nihapi śni tankan ehpeniyanpi, adetka walite śni wan iyececa, wicaktepi tawokoyakc, mazasagye on capapi, inyan woħa kin en ehpeyapi kin he iyececa; wicašta ŝa wanka amanipi kin iyececa.

20 Hena owicapeya nihapi kte śni; nitamakoce hewoskan yecage nitaoyate wicayekte nakaes. Śicaya econpi cinca kin tohinni wicayaotaninpi kte śni.

21 Iye cinca hunkakcwicayapi walitanipi on wicaktepi wicacigaga miye: hecen inajinpi kte śni, qa maka kin tawayapi kte śni, qa makoce ite kin otonwe on ojuyapi kte śni.

22 Tuka miye qe hena itkom inawajin kta, Jehowa ozuye yuhe cin he hecen eya; qa Babel ctanhan wicacaje, qa wookapte, qa wicacinsa, qa wicatakojakpa ko baweciŝpe kta, Jehowa eya.

23 Nakun pahin en ounyanpi kta e wakage kta, qa psa mde heca kta: qa wicotakuni śni icahinte kin on wakakinte kta ce, Jehowa ozuye yuhe cin he hecen eya.

24 Jehowa ozuye tawa wakon-

ISAYA TAWOYUKCAN KIN,

za on heya ; Awicakehan token awacanmi qon he iyecetu kta ; qa token wakonze cin he ecetu kta :

25 Makoce mitawa kin ohna Ašur wakamdece kta, qa amawani kta, he mitawa akan : hehan hena etanhan cannapinpi tawa kin tokan iyaye kta, woqin tawa iye tapetepi etanhan tokan ye kta.

26 Wokonze maka kin owancaya wakonza kin he dee : qa oyate owasin nape ayukatinpi kin he dee.

27 Jehowa ozuye tawa he wakonza, unkan tuwe ecetušniye kta he ; qa iye nape hdukatin, unkan tuwe he pakam iyeye kta he.

28 Ahaz wicaštayatapi ta waniyetu kin he en woyake kin he dee.

29 Palestina ocowasin, tuwe anipe icapsinte tawa kawegapi on iyuškin šni wo ; wamduška oicage etanhan sinteħda wan hinape kta, qa he cinca kin peta wamduška kinyan un kin heca kta e heon.

30 Unkan onšikapi cinca tokapapi kin hena wotapi kta, qa wahpanicapi kin wikopešniyan wankapi kta : tuka miye wicakilhan on hutkan nitawa wakte kta ; qa iye tona onicaptapi kin hena wicakte kta.

31 Tiyopa, śicahowaya wo ; otonwe, hotanin wo ; Palestina ocowasin, niye niskan : waziyanhan šota uye kta, qa tuwedan ozuye tawa etanhan najice kte šni.

32 Hehan oyate wahoši uwicaši kin hena token awicayuptapi kta he. Jehowa Zion sutaya ekiħde, hecen iye taoyate onšikapi kin hena he wowinape yapi kta.

WICOWOYAKE 15.

1 Moab tawoyake kin. Hanyetu icunhan Ar-Moab ihangyapi, kašpapi heon : Hanyetu kin en Kir-Moab ihangyapi, kašpapi heon etanhan.

2 Dibon tipi, owanka tehanwankantu ekta ceye kta wankan iyayapi : Nebo qa Madeba akan Moab śicahowaye kta ; wicapa iyuhpa nasuđdapi, qa putinhin otoiyoħi baksapi.

3 Iye tacankupi ohna wakiħdaka ipiyagkitonpi kta ; iye ti akahpapi akan qa tihocoka ohna otoiyoħi śicahowaye kta, ceyaya kun kupi kta.

4 Hecen Hešbon ceye kta qa Elealeħ ; Jahaz hehayan hohdataninpi kta : heon etanhan Moab taakicita śicahowayapi kta ; iye nagi tehikekida kta.

5 Moab on micante śicahowaye kta : tawonajice kin Zoar iyahdeyapi, pte wan wanna waniyetu yamni : Luhith ekta wankan yapi kin ohna itanwankanħde ceya yapi kta ; Horonaim canku iyahde ohna woihangye woceye yataninpi kta.

6 Nimrim mini kin ħopuza wanke kta ; peji kin šniya, wato wanin aya, taku toto wanice ħinca.

7 Heon etanhan taku okapta hduhapi, qa taku kihnakapi kin hena colwanjica kaksiza kin ekta hdoyapi kta.

8 Waśicahowayapi kin he Moab ihanke kin ohomni iyaya ; woceye kin he Eglaim ekta, han, woceye kin he Elim miniħdoka ekta iyohi.

9 Dimon mini kin we ojudan kta : Dimon en akiħdewaye kta ; tuwe Moab etanhan najice cinhan mnaja en awau kta, qa tona makoce en okaptapi kin hena.

WICOWOYAKE 16.

1 Makoce wicaštayatapi kin tacinca wan kaya po, Sela etanhan hewoskantu hehanyan, Zion cunwintku Paha tawa kin ekta.

2 Unkan kaketu kte, zitkadan wan, holpi kiyujupupi kinban, nuni kin he iyecen Moab cunwintkupi Arnon iyuwegapi kin ekta unpi kta.

3 Wiyukcan miye, woowotanna econ po; ohanzi nitawa wiyotanhan cokaya hanyetu iyecen kaga wo; heyata iyewicayapi kin hena nawicaliman wo; tuwe nuni kin he hnaye sni wo.

4 Moab, heyata iyewicayapi mitawa kin hena niye kici ounyewicakiya wo; waihangya ite kin etanhan niye hena awicakahpa yanka wo: wašitkihdaye cin he owihanke, waihangye cin he ayušan, waanatanpi kin hena makoce kin etanhan atakunipišni ce.

5 Unkan wowaonšida on oyanke kin sutaya ehdepi kta; qa iye wowicake on akan iyotanke kta, Dawid tawakeya ohna wayacoyanke, wokonze akite ça woowotanna yuinalni kta.

6 Moab towahaniciida kin he naunhonpi, nina wahanicida nakaeš; wotankaiciida tawa qa towahaniciida qa tošinhda kin hena: tuka woitonšni tawa kin iyecetu kte sni.

7 Heon etanhan Moab Moab on šicahowaye kta, ocowasin wašicahowaye kta: Kirhareš oahde kin on yaceyapi kta, awicakehan kaštakapi nakaeš.

8 Hešbon tamaga kin snija aya, qa Sibma hastanhanka iyuwi kin: adetka wašte icage cin hena lkcewicašta itancanpi kaksapi; Yazer hehanyan iyohi, tintoskan onunipi: adetka tawa han-

ska icaga mini kin akasanpa iya-ya.

9 Heon etanhan Yazer tawoceye on Sibma hastanhanka iyuwi kin awaceye kta: Hešbon, Elealeh kici, ištamnihanpe mitawa on amagajuciye kta: woceye wan nitawaskuyeca qa nitawojupi kin ahinhpaya heon.

10 Nakun maga wašte kin etanhan wowiyuškin qa wopida eyakupi: hecen hastanhanka ojupi kin en dowanpi wanice kta, nakun iyašapi yuke kte sni: wanapanpi kin iyuškice ohna miniša takudan naškicapi kte sni: iyašapi kin ayušan wakiya.

11 Heon etanhan mitezī Moab on, candowankiyapi wan iyecen houye kta, qa mitanmahentanhan Kirhareš on.

12 Unkan kaketu kte, tohan Moab oyanke tehanwankantu ohna mdokiša ihdutanin kinhan, hehan iye tawakeya wakan kin ekta cekiya hi kta; tuka ohiye kte sni.

13 Tanihan wicoie Jehowa Moab eciye ciqon he dee.

14 Tuka nakaha Jehowa ie ça hecen eya; Waniyetu yamni iyokpani, tuwe opetonpi tawaniyetu iyececa, hehan Moab towitan kin he takudapi kte sni, wicota tanka hince cin he nakun: unkan wookapte kin he tonana hince kta, ota sni.

WICOWOYAKE 17.

1 Damasek tawoyake kin. Iho, otonwe kin etanhan Damasek ihangyapi; hecen otiwita heca kta.

2 Aroer otonwe kin hena ehpeyapi; hen wanunyanpi optaye yuke kta, en wankapi kta, qa tuwedan wakokipe wicakicage kte sni.

ISAYA TAWOYUKCAN KIN,

3 Conkaške kin Ephraim etanhan yutokan iyeyapi kta, qa wokiconze kin Damasek etanhan, qa Aram okaptapi kin etanhan: hena Israel cinca towitan kin iyececapa kta, Jehowa ozuye yuhe cin he hecen eya.

4 Unkan anpetu kin he en Jakob towitan kin wašake šni aye kta, qa iye cełpi cepe cin he tamaheca aye kta.

5 Qa wicašta wamnayan aguyapi hu mnayan, qa isto on wahuwapa pahi ece kin he iyecece kta; nakun Rephaim kaksiza en wahuwapa mnayanpi kin iyecece kta.

6 Tuka hastanhanka yušnapi en okaptapi kta, Oliwe can kahnapa iyececa, waskuyeca, nonpa yamni adetka wankan oinkpa ekta, topa zaptan adetka waicalhya ece kin en, Jehowa Israel ta Wakantanka hecen eya.

7 Anpetu kin he en, wicašta wan Waicalhye tawa kin ekta ekitonwe kta, qa iye išta Israel Wanji Wakan tawa kin ihakta kta.

8 Qa owayušna iye nape kage cin hena ekta ekitonwe kte šni, qa iye napsukaza taku kage cin wanhdake kte šni, wakagapi qa nakun anpetu wi okagapi kin hena.

9 Anpetu kin he en iye totonwe suksuta kin hena, adetka ełpeyapi qa caninkpa tehanwan-kantu, Israel cinca on okaptapi qon he iyececapa kta: unkan he-woskantu kta.

10 Taku Wakan Wanikiya nitawa kin he ayektonja, qa Imnija nitowašake kin he yeksuye šni, heon etanhan wojupi waštešte oyaju kta, qa ehna can tokeca huyahde kta:

11 Anpetu icunhan taku huya-

hde kin he icalhyakiye kta, qa hanhanna eca woyaju kin hcayakiye kta: tuka anpetu tawayapi kte cin en womnayan kin he kinyan iyaye kta, qa woiyokišice tehike yuke kta.

12 Hehehe, oyate ota wicota kin, miniwanca hoton kin iyecen houyapi: qa oyate owodutatonpi, mini ota owodutaton iyecen owodutaton kagapi:

13 Mini ota kokijuya iyaye cin iyecen oyate kin owodutatonyan kokijupa kta: tuka iye iyowicalki kte šni, unkan tehan napapi kta, qa he kin akan aguyapi ha tate itokam he iyecen napeyapi kta, qa ohmihma wan tateiyumni itokam he iyececa.

14 Unkan iho, htayetu eca wonihinciye; hanhanna itokam he en un šni. Tona waunkipi taku tawapi, qa tona unyapotapi taku yuhapi kte cin he dee.

WICOWOYAKE 18.

1 Hehehe, makoce hupahu on ahanziyapi, Kuš tawakpa kin akotanhan wanke:

2 He wahošiyapi miniwanca akan yewicaši, han, psa wata ohna mini ite kin akan: Wahošiyeye dusduzahanpi, oyate wan hanskaska qa šicaya kuwapi ekta ya miye, oyate wan otokaheya tanhan qa dehanyan wohitikapi; oyate wašake hinca qa wanapan ece, wakpa kin makoce tawapi kicaksaksa:

3 Maka kin en ounyayapi qa makoce akan dukanpi kin owasin wanyaka po, tohan he akan wiyokihedan wan ehde kinhan; qa mazayahotonpi wan yahoton kinhan nahon po.

4 Jehowa kaken emakiya; Ozimičiye kta, qa mitowanka en awacin manke kta, wato akan

amdakedan mašte kin iyececa, womnayan mašte kin en amaŋpiya cu kin iyecece.

5 Wojupi mnayanpi ŋni itokam, camni wanna icage a waŋca ohna hastanhanka skuye cin he suton aye kta, hehan isan ŋkopa cu camni kin baŋpe kta, qa nakun adetka kin hena icu qa baksa elipeye kta.

6 Hena witaya elipeyapi kta, he wakinyanpi qa maka woteca kin hena yuhapi kta: qa wakinyanpi kin hena amdoketupi kta, qa maka woteca iyulipa hena awanietupi kta.

7 Hehan woqupi wan Jehowa ozuye yuha kahipi kta, oyate wan hanskaska qa ŋicaya kuwapi, qa oyate otokaheya tanhan qa dehayan wohitikapi, oyate waŋake ŋinca qa wanawicapan ece, wakpa kin makoce tawapi kicaksaksa kin hena, Jehowa ozuye yuha caje oyanke kin en, Zion Paha kin ekta.

WICOWOYAKE 19.

1 Egupta tawoyake kin. Iho, Jehowa maŋpiya ŋapa duzahan wan akan iyotanke a Egupta en u kta. Unkan iye itokam Egupta wakagapi tawa kin hena ŋkanskanpi kta, qa cokayatanhan Egupta cante skan kta.

2 Unkan Egupta wicaŋta Egupta oyate icitkokim ewicawahde kta; hecen kicizapi kta, wicaŋta otioyohi iye sunkaku kici, qa wicaŋta otioyohi iye takodaku kici; otonwe otonwe kici, woki-conze wokiconze kici.

3 Unkan tanmahentanhan Egupta toksape kin atakuni kte ŋni, qa iye tawacin kin ecetuŋniwaye kta: hecen wakagapi kin ekta ode yapi kta, qa tona jijipi, qa

tona hanmdepi, qa tona wapiyapi hena awicakitapi kta.

4 Unkan Egupta oyate kin itancan wan ksizeca nape kin en wicawaqu kta; qa wicaŋtayatapi wohitika wan wicayuhe kta ce, Itancan Jehowa ozuye yuha he hecen eya.

5 Unkan miniwanca etanhan mini kin wanica aye kta; qa wakpa kin mini oyahē qa puza aye kta.

6 Qa wakpa kin hena ŋicamna kta; Egupta wakpa kin hena honke ŋni qa puza aye kta; cedi psa ko ŋnije kta.

7 Wapicalhda tinta kin, wakpa mdote ekta, qa taku wakpicalhda ojupi kin hena iyulipa ŋnije kta, kaŋoya iyeyapi kta, qa en un kte ŋni.

8 Nakun tona hopsicapi kin hena comihdazipi kta, qa tona wakpa kin en hoiyupsice elipeyapi kin hen owasin ŋicahowayapi kta, qa tona ho minin ehnakapi kin hena hanyanpi kta.

9 Nakun tona halionta zipzipe-dan kagapi qa minihuha ska kazon-tapi kin hena iŋtecapa kta.

10 Qa tona en itancanpi kin hena kicaksapi kta, tona taku kannanpi ece kin hena owasin iyokiŋicapi kta.

11 Awicakehan Zoan itancanpi kin witkotkokapi; wiyukcan ksapapi Pharaoh tawa tawowiyukcan kin he wowitkotkoke icaga. Wicaŋta ksapa cinhintku, wanakaja wicaŋtayatapi cinhintku kin he miye ce, token Pharaoh eyakiyapi kta he.

12 Hena tokiya unpi he: wicaŋta ksapa nitawa tokiya unpi he. Tokin wanna oniciyakin; qa Jehowa ozuye yuha ken Egupta on wakonze cidosonyapi kte.

13 Zoan itancanpi kin

ISAYA TAWOYUKCAN KIN,

witkotkoka icagapi; Noph itan-
canpi kin wicahnayanpi; nakun
Egupta hnayanpi, tawicoun mde-
tahunkapi kin hena.

14 He cokaya Jehowa woaki-
nica woniya wan yuicicahi: he-
cen wicohan owasin en Egupta
nuniyapi, wicašta witko iye hde-
pe cin ohna kacegya mani kin
he iyececa.

15 Nakun Egupta tohtani wa-
nice kta, taku pa qa sinte, can
adetka qa cedi, econ kte cin yu-
ke šni.

16 Anpetu kin he en Egupta
winohinca wan iyecece kta; qa
nihinciye kta qa cancan kta, Je-
howa ozuye yuha nape koze cin
on, iye iwankam hduškanškan
kin heon etanhan.

17 Unkan Juda makoce kin he
Egupta ekta wokokipe ee kta;
tuwe kašta he cajeyate cin-
han nihinciye kta, Jehowa ozu-
ye yuha tawokonze he kiconze
cin heon etanhan.

18 Anpetu kin he en Egupta
makoce kin ohna otonwe za-
ptan Kanaan iapi on iapi kta,
qa Jehowa ozuye yuha en ic-
conzapi kta. Wanji, Wicota-
kunišni otonwe, eciyapi kta.

19 Anpetu kin he en Egupta
makoce cokaya owayušna wan
Jehowa kiciyanke kta, qa opa-
pun ihanke ekta obosdatu wan
Jehowa kicihe kta.

20 Qa he wowapetokeca qa
woyuotanin Jehowa ozuye yuha
tawa kta, Egupta makoce kin
en. Tehiya wicakuwapi kin on
hena Jehowa hoyekiyapi kta,
kinhan he Wanikiya wan, han,
wanji wašaka, wicaqu kta, qa
te ewicahdaku kta.

Unkan Egupta en Jehowa
wapi kta, qa anpetu kin he
Egupta wicašta kin Jehowa
wapi kta, qa wošnapi woqu-

pi ko econpi kta; han, Jehowa
taku qu iciconzapi kta qa econ-
pi kta.

22 Unkan Jehowa Egupta ka-
štake kta; hdaštake ça okiziye
kta. Hehan Jehowa en hdipi
kta, unkan iye anohwicakiye kta
qa okiziwicaye kta.

23 Anpetu kin he en canku
tanka wan Egupta etanhan Ašur
iyahde kta; unkan Ašur wicašta
Egupta en hi kta, qa Egupta
wicašta kin is Ašur ekta i kta,
qa Egupta oyate Ašur oyate ki-
ci wowidagičiyapi kta

24 Anpetu kin he en Israel
wiciyamni kta, Egupta kici qa
Ašur kici, makoce cokaya woya-
wašte kta:

25 He Jehowa ozuye yuhe cin
he heya yawašte kta; Egupta
mitaoyate, qa Ašur minape ica-
hye cin he, qa Israel tawa wica-
waye cin hena yawaštepi nunwe.

WICOWOYAKE 20.

1 Waniyetu wan Tartan Ašdod
ekta hi, Sargon Ašur wicaštaya-
tapi u ši, qa Ašdod kici kicize ça
icū qehan;

2 He ehan Jehowa oie kin Isa-
ya Amoz cinhintku nape en hi,
qa heciya; Ya wo, ka ninite
etanhan wakihdaka hdušdoka
wo, qa nisiha etanhan nitahanpe
hdušdoka wo. Unkan ecen e-
con, tancodan sicodan ko ma-
ni.

3 Unkan Jehowa heya; Isaya
mitaokiye Egupta ekta qa Kuš
ekta wowapetokeca qa woyušin-
yaye on waniyetu yamni tan-
codan sicodan ko mani kin,

4 He iyecen Ašur wicaštayata-
pi kin Egupta oyate wayaka
awicaye kta, qa Kuš oyate wa-
yaka awicaye kta, wicahakakta
qa wicatokapa, tancokapidan qa

WICOWOYAKE 21.

sicopidan, han, onze taninpi, Egupta ístece kta heon.

5 Unkan kopehdapi kta, qa Kuś wacinyanpi qa Egupta wowitzanyapi qon hena on ístecapi kta.

6 Unkan wita kin de en ounye cin he anpetu kin he en heye kta; Iho, wowacinye unkitawapi kin dececa, tukten ounkiyapi kta on naunpapi, Aśur wicaśtayatapi nape etanhan eunyakupi kta e heon. Hecen token naunjicapi kta he.

WICOWOYAKE 21.

1 Miniwanca hewoskantu tawoyake kin. Okaga ekta tate iyumni iyoopte iyaye cin he iyecen makoskan tanhan u, makoce okokipe kin etanhan.

2 Wowanyake tehike wan omakiyakapi: Wawicaki sa wawicaki ece, qa waihangye cin he waihangya ece. Elam, itanwan kanhde ya wo; Medea, niś aconkaśka wo: comnihdazipi kin owasin ayuśtan wakiya.

3 Heon etanhan nite wowayazan omajudan, winohinca hokśiksuya yazan kin he iyecen wayazan wahda: he nahonpi kin on pamahdedan waun he wanyakapi on mayuśinyaya.

4 Micante nuni, woyuśinyaye mayuśinyeya: hanyetu winduśkin kin he wokokipe micaga.

5 Wahna wotapi kin wiyeya ehnaka wo, owinja owinśkiton wo, wota wo, wayatkan wo: itancan yaunpi, najin po, waha-canka sdakiya miye.

6 Itancan kin kaken emakiya; ya wo, waawanyake wan ehde wo, taku wanyake cinhan ohdake kta.

7 Unkan canpahmihma wan, suktanka akan iyotankapi nom,

śonśonna tacanpahmihma, camo tacanpahmihma ko wanwicayaka: hehan wanahonpi on anohkiya yanka:

8 Qa muaja wan iyecen houya; Itancan, owanyake tipi ohna anpetu ícunban ohinniyan nawajin, qa oinajin nitawa ohna hanyetu otoiyohi emahdepi;

9 Unkan iho, hinnakaha canpahmihma wicaśta ohna, suktanka akan iyotankapi nom upi ce. Hehan waayupte qa heya; Hinlipaya, Babel hinlipaya, qa wakagapi tona wakanda kin hena iyulipa makata kamden ehpeya ce.

10 Onapanpi mitawa, qa onapan mitawa cinca kin: Jehowa ozuye yuha Israel ta Wakantanka takunahonmaye cin he ociciyakapi.

11 Duma tawoyake kin. Sier etanhan houmakiya; Waawanyake, hanyetu kin toketu he: Waawanyake, hanyetu kin toketu he.

12 Waawanyake kin hecen eya; Wihinanpa kin he u, qa nakun nanyetu kin: wawinungapi k'a hecinhan wawiwanga po: hdicu po, kuwa miye.

13 Woyake Arab akan un kin. Dedanim etanhan icimayanipi kin, Arab contanka kin en inunkapi kta.

14 Tema makoce en ounyanpi kin hena tuwe ipuza kin itkokim mini kaupi; tuwe najice cin he aguyapi yuha itkokipapi.

15 Hena mazasagye ite kin etanhan najicapi, mazasagye yuwankan icupi ite kin etanhan, qa itazipa nawinjapi etanhan qa kicizapi tehike etanhan.

16 Itancan kin kaken emakiya; Waniyetu wanjidan, tuwe wolithani opetonpi tawaniyetu iyecaca, hehan Kedar towitan oco-wasin tanin kte śni.

ISAYA TAWOYUKCAN KIN,

17 Qa itazipa yuhapi qon tona okaptipi, Kedar cinca wicašta wašakšakapi kin hena wicayutonananpidan kta, Jehowa Israel ta Wakantanka kin he hecen eya nakaes.

WICOWOYAKE 22.

1 Wowanyake Kaksiza tawoyake kin. Dehan tonikeca, hecen ocowasin tiakahpe kin ekta idada he.

2 Wicoškanškan ojudan, owodu'aton otonwe, otonwe wiyuškinyan yaun; tona nicitapi kin hena mazasagye on wicaktepi šni, qa kicizapi en-ťapi šni.

3 Itancanpi nitawa owasin witaya najicapi, itazipa yuhapi kin eqe hena wicakaškapi; tona niye en iyewicayapi kin hena iyuhpa witaya wicakaškapi, tehan najicapi.

4 Heon etanhan hepa; En ematonwanpi šni po, nina waceye kta; mitaoyate cunwintku wakipi kin on cantohnagmayan akitapi šni po.

5 Anpetu kin he woiyokišice qa waanatanpi qa wonihinciye, Jehowa Itancan wicobe tawa kin etanhan, wowanyake kaksiza kin en, conkaške oqapi qa he kin ekta hoyekiyapi.

6 Unkan Elam wanju hduha u, canpahmihma wicašta ohnaka, šuktanka akan iyotankapi koya; qa Kir wahacanka hducoka.

7 Unkan kaketu kte, kaksiza kašinigapi nitawa kin hena canpahmihma on ojudan, qa šuktanka akan iyotankapi kin hena tiyopa kin en wiyeya eičihdepi kta.

8 Hehan Juda tawoakahpe kin yuzamni: unkan anpetu kin he en contanka tipi wotawe kin ekta eyakitonwan.

9 Nakun Dawid totonwe ohna

oyujujupi kin wandakapi, hena ota; qa kuya mini ohnaka mini kin duwitayapi:

10 Qa Jerusalem tipi kin hena dawapi, qa conkaške piyayapi kta on tipi kin dujujupi.

11 Nakun conkaške nonpa otahedan tanina mini ohnaka kin on maka oškotpa wan yakagapi; tuka Waicahye cin he ekta eyatonwanpi šni, qa tuwe wanakaja he kage cin he ihayaktapi šni.

12 Unkan anpetu kin he en Jehowa Itancan wicobe tawa kin he ceyapi kta iwicakico, qa wašinhđapi, qa pa yuždapi, qa wakihdaka ogekitonpi kta:

13 Tuka iho, wicocante wašte, qa wowiyuškin, tatanka wicaktepi, qa tahinca wanunyanpi wicakaťapi, tado yutapi, qa miniša yatkanpi: Wauntapi qa waunyatkanpi kta, heyakecinhan unťapi kta ce.

14 Unkan minoge ohna Jehowa wicobe tawa kin he oihdake: Awicakehan woalitani kin de akahpeniciyapi kte šni ecen niťapi kta, Jehowa Itancan wicobe tawa kin he eya ce.

15 Jehowa Itancan wicobe tawa kin he hecen eya; Hunkatiya, wamnayan kin de ekta ya wo, Shebna tipi awanyake cin hee ekta;

16 *Qa heciya wo*; Den taku duha, qa tuwe den niciyanka he, hecen den wolha wan nihdakan, tuwe wankan wolha wan hdakan, imniya ohna tipi wanji ihdakan iyececa.

17 Iho, makata ehpeyapi on Jehowa makipusdiya ehpeniye kta, qa woakahpe on anicalipe kta.

18 Taku pahmihma se awicakehan pahmihma iyeniye kta, tapa wan makoce tanka kin en iyececa: hen niťe kta, qa hen

nitowitan canpahmihna kin niyaha ti wowistece kin ee kta.

19 Nakun nitoyanke kin etanhan ehpeciye kta, qa nitohe etanhan tuwe kun eniyaku kta.

20 Unkan anpetu kin he en kaketu kte, mitaokiye Eliakim Hilkiyah cinhintku kin weco kta :

21 Qa nitawokoyake koyagwakiye kta, qa ipiyake nitawa on wasagwakiye kta, qa wokiconze nitawa iye nape kin ohna ewahnake kta. Unkan Jerusalem en ounyanpi qa Juda tiyohnaka kin hena iye ateyapi kta.

22 Qa Dawid ti tiyopa iyuhdoke kin iye hinyete akan ewahmake kta; hecen yuhdoke kta qa tuwedan ecen icu kte sni; qa iye ecen icu kta qa tuwedan yuhdoke kte sni.

23 Qa he owakatan kta, iyokatkuge owanka wacinyepica kin en iyececa; hecen iye atkuku ti kin en wowitan oyanke heca kta.

24 Unkan atkuku tiyohnaka wowitan ocowasin iye en otkeyapi kta, taku etanhan icage ca inanpe cin, ceganstinna owasin owayujaja waksica qa cega mini oyuhapi kin iyuhpa.

25 Jehowa wicobe tawa kin he hecen eya; Anpetu kin he en, iyokatkuge owanka wacinyepica en okatanpi qon he yutokan iye-yapi kta, qa kaksapi kta, qa hinhpaye kta: qa taku en otkeyapi qon he kaspapi kta: Jehowa hecen eya nakaes.

WICOWOYAKE 23.

1 Turos tawoyake kin. Tarsiš wita wata tawa, sicahowaya po; he yujupui nakaes, hecen tipi wanica, mahen yapi kta wanica: Kittim makoce kin etanhan he wicakiyuotaninpi.

2 Wita en ounyayapi, inina unpo; Zidon wopeton tawa miniwanca akasanpa tanhan yapi kin hena ojuniyanpi.

3 Unkan mini tanka kin icahda Sihor tawoju kin, wakpa tawonmayan kin he tawokamna kin ee; qa hen Ikcewicašta wopetonpi ece.

4 Zidon isteca wo, miniwanca kin he ia; miniwanca towasake kin he hecen eya; Mihdušake sni qa cinca waton sni, qa koska icahwicawakiye sni, wikoška nakun icahwakiye sni ce.

5 Egipta oyakapi kin on, he iyecen Turos oyakapi kin on nina wayazanhdapi kta.

6 Tarsiš ekta akasanpa ya miye; wita kin en ounyayapi sicahowaya po.

7 Wanji wiyuŝkin nitawapi, otokahe ekta icage cin, anpetu wanakaja tanhan, he dee he: ounye kta e iye siha tehan aye kta.

8 Turos watešdake kiton kin on tuwe hecen wakiconza he; wicašta wopeton tawa kin hena wicaštayatapi, qa en wopeton yukanpi kin hena maka akan wicašta kinihanpi tuka.

9 Jehowa wicobe tawa kin he hecen wakiconza, wowinkta wowitan ocowasin yuŝice kta, maka akan wicašta kinihanpi owasin wahtewicada sni kage kta e heon.

10 Tarsiš cunwintku, wakpa wan iyecen nitamakoce opta ya wo; detanhan ipiyake wanica.

11 Miniwanca kin ekta nape hdukatin; wokiconze kin hena yuŝkanskan: Jehowa wopeton otonwe kin on econwicaši, towasake kin ihangyapi kta.

12 Qa heya; Ake icimana widuŝkin kte sni, Zidon cunwintku wikoška kakiŝyapi kin; najin

ISAYA TAWOYUKCAN KIN,

wo, Kittim ekta akasam ya wo ; heciya nakun oziiciyapi wanin yaun kta.

13 Kasdim makoce kin wanyaka wo ; he oyate šni ; Ašur tona tintoskan otipi qon hena he wicakicage ; conkaške kin hena bosdan ehdepi, tipi waštešte kagapi : tuka iye qe he otiwita kaga.

14 Tarsiš wita wata, śicahowaya po, nitowašakepi kin he ihangyapi ce.

15 Unkan anpetu kin he en kaketu kte, Turos akiktonjapi kta, waniyetu wikcemna šakowin, wicaštayatapi wanjidan taanpetu kin behanyan. Waniyetu wikcemna šakowin iyohakam hehan witkowinna wan iyececa Turos dowan kta.

16 Witkowinna akiktonjapi qon, niye candowankiyapi wan icu qa otonwe kin ohomni ya wo ; wayupiya dowan wo, odowan ota ahiyaya wo ; hecen niksuyapi kta.

17 Unkan kaketu kte, waniyetu wikcemna šakowin iyohakam, Jehowa ake Turos ekta etonwe kta ; unkan iye wokajuju tawa kin en ihdoku kta, qa maka ite kin owancaya wokiconze maka akan un kin owasin om wawicihalapi econ kta.

18 Tuka tokamna qa wokajuju tawa kin hena Jehowa ekta wakan kta ; hena kihnakapi kte šni qa ejupi kte šni ; tokamna kin he tona Jehowa itokam ounyanpi kin imnahan wotapi kta, qa wokoyake wašte hinca heon.

WICOWOYAKE 24.

1 Iho, Jehowa makoce kin yucoka, qa hewoskan kaga, qa ite yuahdapsinyan ehnaka, qa en ounyanpi kin hena enanakiya iye-wicaye kta.

2 Unkan kaketu kte, oyate unpi kin wawayušna kin iš iyececa ; wowidake un kin tuwe yuhe cin iyececa ; wikoška un kin tuwe yuhe cin iyececa ; wopeton un kin wiyopeye cin iyececa ; woqu un kin wodota he iyececa ; oicage on owicaqu kin tuwe oicage kicicajuju kin he iyecen un kta.

3 Makoce kin ocowasin yucokapi, qa ocowasin wakipi kta ; wicoie kin de Jehowa ecen eya nakaes.

4 Makoce kin ceya un, šniš aye ; wicoicage kin hanyan, šniš aya ; makoce kin en oyate tehanwan kan unpi kin hena hanyanpi.

5 Nakun makoce kin tona en ounyanpi ihukuya yušapapi ; hena woope kin ahtanipi, wokonze kin yutokecapi, wicotakuye owihanke šni kin he kicaksapi nakaes.

6 Heon etanhan woyašice kin he makoce kin temya iyeya ; qa en ounyanpi kin hena šitkihdawicayapi ; heon etanhan makoce en ounyanpi kin wicaluh nagapi, qa wicašta tonana okaptapi.

7 Miniša teca kin hanyan ; canwiyuwi kin šniš aya ; tona cante waštepi ece kin owasin comnihdazipi.

8 Cancega wiyuškinpi kin ayušan, tona wiyuškinpi iyašapi kin he owihanke, candowankiyapi towiyuškin he ayušan.

9 Dowanwan miniša yatkanpi kte šni ; mini wakan tona yatkanpi kin he wicakicipa hince kta.

10 Otonwe cokadan un kin he yujupipi ; tipi otioyohi natakapi, hecen tuwedan mahen ye kte šni.

11 Canku ohna miniša dapi tuka qon ; wowiyuškin ocowasin aotpasyapi, makoce wiyuškinpi kin he henakeca.

WICOWOYAKE 25.

12 Otonwe kin en woyujuju ecedan, qa tiyopa kin ocowasin kamdecapi.

13 Tohan makoce cokaya oyate kin ehna hecetu kinhan, oliwe can yuhnapi iyececa, hastanhanka yuŝpi yuŝtanpi opahipi kin iyecece kta.

14 Hena ho wankan yeyapi kta, Jehowa towitan on iyaŝapi kta, miniwanca etanhan nina houyapi kta.

15 Heon etanhan peta kin en Jehowa yatanka po, miniwanca wita kin ekta Jehowa Israel Taku Wakan tawapi kin.

16 Maka ihanke hinca etanhan dowanpi naunhonpi, wicaŝta owotanna wicayatampi kin he. Tuka hepa; Matakuniŝni, matakuniŝni, hebehe miye; wahnayan econpi kin hena wahnayanpi; han wahnayan econpi kin hena nina wahnayanpi.

17 Maka akan onunyaye cin, wokokipe, qa wolha, qa wohmunke kin hena akan niyanka.

18 Unkan kaketu kte, tuwe wokokipe hotanin kin etanhan najice cinhan he wolha ohinhpaye kta, qa tuwe wolha cokayatanhahan hdicu kinhan wohmunke kin on hmunkapi kta; wankantanhan owanyeye kin hena yuhdokapi, qa maka oahde kin hena ŝkanŝkan nakaes.

19 Kamdecapi on maka kin kamdecapi, yuksaksapi on maka kin yuksaksapi, maka kin nina ŝkanŝkan.

20 Witkopi iyececa maka kin kacegya un kta, qa cowahe wan iyecen kahuhuzapi kta: unkan woahitani tawa kin on hduŝaka; hecen hinhpaye kta qa ake najin kte ŝni.

21 Unkan anpetu kin he en kaketu kte, tona wankan unpi optaye wahaniçidapi kin hena Jeho-

wa kakiŝwicaye kta, qa makata wicaŝtayatapi maka akan unpi kin hena.

22 Unkan hena wicayuwitayapi kta, wayaka wokaŝke tipi ohna wicayuwitayapi kin om, qa conkaŝke en onawicatakapi kta, tuka anpetu ota iyohakam en wicahipi kta.

23 Unkan hanyetu wi kin ite naŝa kta, qa anpetu wi kin iŝtece kta, tohan Jehowa wicobe tawa kin he Zion Paha akan, qa Jerusalem en Wicaŝtayapi yanke kta, qa hunkawicayapi tawa wicitokam wowitanyan un kinhan.

WICOWOYAKE 25.

1 Jehowa Wakantanka mitawa kin he niye, ciyawankantuya kta, nicaje mdatan kta: taku wowinihan ecanon, nitowiyukkan kin hena wanakajatanhan wowacin-ye qa wowicake.

2 Otonwe kin he woyujuju pahaha yakaga; otonwe aconkaŝkapi kin he ihangyapi; oyate tokeca conkaŝke tawa kin he otonwe kte ŝni; icimana kagapi kte ŝni.

3 Heon etanhan oyate waŝake cin he niyatan kta, oyate wohitakapi totonwe kin konicipe kta.

4 Tona walpanica wowaŝake tawa kin he niye, onŝika kakiŝyapi kin wowaŝake tawa, icamna etanhan wowinape, omaŝte kin en ohanzi wan he niye, oyate wohitike taniya kin he conkaŝke aicamna kin iyececa qehan.

5 Toka owodutaton hin he dhukuya kta, hopuza en maŝte kin iyececa; omaŝte en malpiya ŝapa ohanzi kin he: oyate wohitikapi tadowanpi kin yuhukuyapi kta.

6 Unkan paha kin de akan Je-

ISAYA TAWOYUKCAN KIN,

howa wicobe tawa kin he taku cepa on wohanpi wan oyate owasin wicakicage kta, minisa koka ohna han oyatke, taku cepa cupe ojudan, minisa koka etanhan tanyan puskepapi kin.

7 Qa paha kin de en ite akahpe oyate owasin akahpapi kin he yatakuni kte sni, qa woakahpe kazontapi Ikcewicašta owasin awicakahpapi kin he nakun.

8 Wiconte ocowasin yatakuni kte sni; qa Jehowa Itancan kin wicite owasin etanhan istamnihanpe wicakipakinte kta; qa iye taoyate tawowistece kin maka ocowasin etanhan eyaku kta; Jehowa hecen eya nakaes.

9 Unkan anpetu kin he en he yapi kta; Iho, Wakantanka unkitawapi kin he dee; he unkapepi, unkan iye niunkiyapi kta: Jehowa dee, he unkapepi, cante unwaštepi kta qa iye towiconi on unkiyuškinpi kta.

10 Paha kin de en Jehowa nape kin yanke kta; unkan iye ihukuya Moab ahanpi kta, aguyapi hu tacesdi paha kin en amanipi iyececa.

11 Qa hena cokaya nape hdugate kta, tuwe niwan niwe kta nape hdugate cin iyececa: tuka iye nape oškiškeya ohanye cin on towahaničidapi kin he kun ehpeye kta.

12 Qa conkaške nitawa ipasotka tehanwankantu kin he yujuju kta, kun ehpeye kta, makata ehname kta, maka mdu kin en.

WICOWOYAKE 26.

1 Anpetu kin he en Juda makoce kin ohna odowan kin de ahiyayapi kta:

Otonwe suta wan unhapi;

Wanikiyapi kin he conkaške qa maka qapi kin eekiye kta.

2 Tiyopa kin yuhdoka miye, Hecen oyate owotanna wowicake patanpi kin mahen yapi kta.

3 Wicacante wacinyan un kin he wookiye hinca ohna duhe kta,

Iye wacinniyan nakaes.

4 Ohinniyan Jehowa wacinyan miye;

Wowasake owihanke wanice cin he Jah Jehowa en un nakaes.

5 Tona wankantuya tipi kin hena kun iwicacu;

Otonwe tehanwankantu kin kun ehpeye kta,

Kun ehpeye kta, maka kin ekta;

Maka mdu kin en icu kta.

6 He wicasiha ahe kta;

Onšika sihapi, wahpanica sicuhapi kin.

7 Tuwe owotanna tacanku kin he owotanna:

Owotanna hinca yaun, wicašta owotanna tacanku kin dumdaye kta.

8 Han, Jehowa, nitawoyaco canku kin ohna unkanipepi;

Unnagipi cantokpani kin he nicaje qa niksuyapi kin ekta.

9 Hanyetu en minagi on cantocikpani;

Han, tanmahen tanhan mitaniya on nina acicite kta:

Nitawoyaco kin maka akan unkinhan,

Makoce en ounyanpi kin woowotanna onspeiciyapi kta.

10 Tuwe šica cantekiyapi ešta woowotanna onspeiciyiye sni:

Woecetu makoce kin ohna šicaya ohanyan;

Qa Jehowa tokitanin kin wan-yake kte sni.

11 Jehowa, ninape yuwankan

WICOWOYAKE 27.

- icupi ésta hena wanyag wacinpí šni :
- Tuka wanyakapi kta, qa oyate inawicayakiwizi kin on ístecapi kta :
- Han, tokawicayaya ide kin he hũhnaħwicaye kta.
- 12 Jehowa, wookiye unyaqupi kta ;
Unkioħanpi owasin niye qe unkoyeciħanyanpi nakaes̄.
- 13 Jehowa Wakantanka unkita-wapi,
Nicunonpa itancanpi wowidagunyanpi ;
Tuka niye nišnana on nicaje cajeunyatapi kta.
- 14 Takpe wicayai qa ihangwicayaya ;
Qa tokiksuyapi kin ocowasin dutakuni šni :
Heon etanhan ħapi, ake kini-pi kte šni ;
Nagi iyayapi, hdinanpapi kte šni.
- 15 Oyate kin duota,
Jehowa, oyate kin duota ;
Nihduonihan ;
Makoce opapun iyuhpa dutanka.
- 16 Jehowa, wokakije on en nihipi ;
Kakišwicayaye cin he on Wocekiye wan hoyeniciyapi.
- 17 Tuwe ihdušaka wanna eadandan cinca ton kta,
He wayazanhdá, hokšiksuya on śicahowaya,
He iyecen, Jehowa, nitokam unyakonpi ce.
- 18 Unkihdušakapi, waunyazanpi,
Tate hiyuunyanpi seca ;
Makoce kin en owicakiyapi econkupi šni ;
Nakun maka onyanpi kin hena hinħpayapi šni.
- 19 Tona niciħapi kin hena nipi kta ;

- Mitancan te cin he kici hdi-nanpapi kta :
- Kikta po, iyaša miye, tona maka mdu en onnyayapi kin ;
Wato cu kin he cu nitawa ;
Qa maka kin wicaye cin hiyu-ye kta.
- 20 Iho ye, mitaoyate, tu mahen hdi-cu wo,
Qa tiyopa kin onaiħitag icu wo :
Cistiyedan se anaicħman wo ;
Wošinhda kin sam iyaye kta hehanyan.
- 21 Iho, Jehowa iye tohe etanhan hiyu,
Maka onnyanpi kin waħtanipi on kakišwicaye kta :
Nakun maka kin he we hdu-tanin kta,
Qa tona wicaktepi tawa kin icimana awicakaħpe kte šni.

WICOWOYAKE 27.

- 1 Unkan anpetu kin he en, Jehowa, iye tacanħpi tke, tanka qa suta on, Leviathan wanmduška duzahe cin he kaštate kta ; han, Leviathan wanmduška pemni kin he ; qa unkteħi tanka miniyata un kin he kte kta.
- 2 Anpetu kin he en hastanhan-ka ojupi wan kaħiyaya miye.
- 3 Jehowa miye he awanwahdaka ; ohinniyan amagajuwaye kta : okinni kiumniyanpi kta, heon hanyetu anpetu ko awanmdake kta.
- 4 Wošinhda en maun šni : tuwe okicize en wapepeka canpepe ko mitkokim ehna-ke kta he : hena takpe mde kta, hena ocowasin hũhnaħwaye kta tuka.
- 5 Qa is̄ mitowašake en sutaya yuze kta ; miye kici wookiye icicage kta : han, wookiye micicaga nunwe.

6 Anpetu u kte cin en Jakob lutkan icage kta : Israel paha kta qa hea aye kta, qa waskuyeca on maka ite kin ojuyapi kta.

7 Tuwe ape ciqon apapi kin iyecen apa he ; qa wicaktepi on iye wicakte qon iyecen ktepi he.

8 Ehpeyapi kin he kici iyuteya ayakinica kta : wiyohianpatanhan tate uye anpetu kin en tate wohitika tawa on yutokan iyeya ece.

9 Heon etanhan de on Jakob tohan síce cin kajujupi kta ; qa woahitani tawa yutokan iyeye kta oicage ocowasin he dee. Owayusna inyan kin iyulipa inyan acetipi kamdemdecapi kin iyecen ehpeye cinhan, wakagapi qa anpetu wi okagapi kin hena bosdan he kte sni.

10 Tuka otonwe aconkaškapi kin he hewoskan wanke kta : otipi yujujupi qa ehpeyapi, tintoskan iyeececa : hen ptejicadan wihan kta, qa hen makan iwanke kta, qa adetka kin temye kta.

11 Tohan adetka šnijapi kinhan yuksapi kta : winohinca kin upi qa hena ideyapi kta : He oyate wiyukcan šni, heon etanhan tuwe icaliwicaye cin he onsiwicada kte sni, qa tuwe wicakage cin he cantewicakiye kte sni.

12 Unkan anpetu kin he en wakpa tancan kin etanhan Egupta kaksiza kin hehanyan Jehowa kabna kta ; qa, Israel cinca, niyepi wanjigjidan nipahipi kta.

13 Nakun anpetu kin he en mazayahotonpi tanka wan yahotonpi kta ; hehan tona Asur makoce kin en enanakiya unpi, qa Egupta makoce en ehpewicayapi qon hena upi kta, qa Jerusalem ekta, Paha wakan kin akan, Jehowa ohodapi kta.

1 Watešdake tehanwankantu, Ephraim witkopi kin wotehi wicakiciyanka nunwe ; qa waheca šnije kta iye towašte wakan kin he, miniša on ohiyapi kaksiza cepa tawapi oinkpa kin ekta yanke cin he.

2 Iho, wanji wawokihi qa wašaka Itancan kin kici un, wasu hinhe, icamna waihangye cin iyeececa, mini tanka nina apašbogye cin iyecen iye nape on makata ehpeye kta.

3 Ephraim witkopi kin tawatešdake tehanwankantu kin he wicasiha ihukuya napanpi kta :

4 Qa towašte wakan kin, waheca šnije kta kaksiza cepa oinkpa kin ekta yanke cin he, mdoketu šni suken waskuyeca suton, tuwe ekta etonwe wanyake cinhan, nahalin nape ohna un icunhan temya iyeya he iyeecece kta.

5 Anpetu kin he en, iye taoyate okaptapi kin on Jehowa wicobe tawa kin he wowakan wapaha qa wowašte watešdake kin ee kta ;

6 Qa tona wayaco iyotankapi kin hena on woyaco woniya kin heca kta, qa tona otonwe tiyopa kin ohna okicize yuhomnipi kin hena on wowašake kta.

7 Tuka hena eqe nakun miniša on nunipi, qa mini wakan on icunonpa unpi ; wawayusna qa wicašta wokcan kin hena mini wakan on nunipi, hena miniša on napcapi, mini wakan on icunonpa unpi ; wawanyakapi en nunipi, wiyukcanpi en kaktihanhanpi.

8 Wahna wotapi iyulipa hdepapi šica on ojuggjudan ; owanka wanica.

9 Tuwe he wosdonye onspekiye kta he ; qa tuwe he woonspe

okahnihkiye kta he: tona asanpi ayuſtanwicakiyapi, tona aze etanhan ewicayakupi.

10 Woonspe woonspe iyahna, woonspe woonspeiyahna; woope woope iyahna, woope woope iyahna; deciya tonana, heciya tonana ece.

11 Heon etanhan wicaiha yaſkiſkapi qa wicaceji tokeca on oyate kin de om wowahdake kta.

12 Hena hecen ewicakiya; Woozi kin he dee; mdokitapi kin oziwicakiya miye; qa owanji yankapi kin he dee ce; tuka anagoptan wacinpi ſni.

13 Hececa eſta hena en Jehowa oie kin he woonspe woonspe iyahna; woope woope iyahna; deciya tonana, heciya tonana; hecen yapi kta qa itunkam hinhpayapi kta, qa wicakawegapi kta, qa wicahmunkapi kta, qa wicayuzapi kta.

14 Heon etanhan wicaſta wawihaha yaunpi, Jerusalem en oyate kin de iwicayadakapi kin, Jehowa oie kin nañon po.

15 Wiconſe kici wicotakuye unkiagapi, qa Hades kici okici-ciya unyakonpi; hecen tohan wawiyopeye apaſboka iyopta ye cinhan unkiyepidan u kte ſni; woitonſni he wowinape unyanpi nakaes, qa ecinkta eyapi kin en inaunkieilimanpi ce, ehapi;

16 Heon etanhan Jehowa Itancan kin he hecen eya; Iho, Zion en inyan wan oahehde ewahnaka, inyan iyutapi, oise inyan tehika, oahehde hdepi wan; tuwe wicada kin he inalini kte ſni.

17 Nakun woope kin en woyaco ewahnake kta, qa woowotanana, on tkeutapi kin en: unkan wasu kin he woitonſni wowinape kin kahin iyeye kta, qa mini kin woinalibe kin apaſboke kta.

18 Hecen wiconſe kici wicota-

kuye nitawapi kin he yujujupi kta, qa Hades kici oyeciciyapi kin he ecen he kte ſni; qa wawiyopeye apaſboke cin he iyopta iyaye cinhan, hehan anihanpi kta.

19 Tohan iyaya eca niyuzapi ece kta; hanhanna qa hanhanna iyaye kta, anpetu qa hanyetu: hecen onañonpi kin he okahnigapi kin he wonihinciye ecedan kta.

20 Owinja kin he tuwe anason kta iyehantu ſni, qa oakahpe kin he cistinna, hecen on iyaicipemni kte ſni nakaes.

21 Perazim paha kin ekta Jehowa iyecen inajin kta; Gibeon kaksiza qon en iyecen ſinhda kta; hecen iye tohan kin econ kta, iye tohan tokeca kin he; qa iye tohtani hduſtan kta, tohtani tokeca kin he.

22 Heon etanhan wawihahapi ſni po, okinni on nicaſkapi kin niciyusutapi kta: woyutakuniſni wan, qa he Itancan Jehowa wicobe tawa kin eciyatanhan nawañon, maka kin owancaya yuſtanpi.

23 Anohya miye, qa miho kin nañon po; anagoptan miye, qa iwae cin nañon po.

24 Mahyumdu kin woju kta e on anpetu otioyohi maga hdu-mdu he; tamaga hdupanpan qa hduhinta ece kta he.

25 Tohan maga ite kin yumdaya hehan qetsa kada ſni he; komin he oju, qa aguyapi su kin cankuyetonton ohnaka, qa ſuktanka tawote kin tukten hdañnige cin en, qa icage kte cin en wayahota kada elipeya ece.

26 Hecen iye Taku Wakan tawa wowiyukan onspekiya, wokañnihkiya ce.

27 Qetsa kin he maziyan on kapanpi ſni, qa canpahmihma

ISAYA TAWOYUKCAN KIN,

wan komin ayuhomnipi śni ; tuka qetsa kin he cansagye on kapanpi, qa komin he cansakadan on.

28 Aguyapi icañyapi kin he napanpi ece, tuka ohinniyān kapan kte śni, qa canpahmihma tawa kin ayuhmihma kte śni, qa śuktanka akan iyotankapi tawa kin on namdu kte śni.

29 De nakun Jehowa wicobe tawa kin etanhan u ece ; iye to-wiyukean kin wakan ħinca, toħan kin hdutanka ece.

WICOWOYAKE 29.

1 Hehehe, Ariel, Ariel otonwe en Dawid ti qon : waniyetu waniyetu en kokijuya po : wośnapi kin ihunnikiyapi kta.

2 Tuka Ariel tehiya wakuwa kta ; qa woiyokiśice woceye ko yuke kta : hececa eśta he Ariel iyececa micīyanke kta.

3 Tuka niye nihdukśan ewati kta, qa ozuye on aonacitake kta, qa niye en conkaśke awakage kta.

4 Hecen kun eħpeniyanpi kta, maka kin etanhan houyaye kta, qa iyae cin he kuya maka mdu etanhan kta, qa nihō kin wanagi maka etanhan iyecece kta, qa iyae cin he maka mdu kin etanhan jiji kta.

5 Nakun oyate tokeca ota wicaduhe cin hena watuśekśeca iyececapi kta, qa wicota waśakśakapi kin hena aguyapi ha kaħbog iyaye cin iyececapi kta : unkan he ihnuhana ħince kta.

6 Wakinyan hotonpi, qa maka śkanśkan, qa ho tanka on Jehowa wicobe tawa kin he en nihi kta, magaju qa icamna on, qa peta ide wahuhnaħye cin on.

7 Unkan oyate kin owasiu wicota ħinca, Ariel kici kicizapi,

tona iye qa taconkaśke kin kici kicizapi owasin, qa tona iyokiśinye cin hena hanyetu en wowanyake ihamnanpi kin iyececapi kta.

8 Tuwe wotektehda wihamna, unkan iho wota, tuka kikta, unkan nagi cokadan, he iyecece kta ; qa iś, tuwe ipuza wihamna, unkan iho wayatkan, tuka kikta, unkan iho waśake śni qa nagi ipuza : oyate ota ħinca Zion Paha kin en kicizapi kin owasin iyececapi kta.

9 Owanji yukan po, qa nihinciya po ; iyuśkiniċiya po qa iśtagonga po. Hena witkopi, tuka miniśa on etanhan śni ; kacekcegya manipi, tuka mini wakan on etanhan śni.

10 Woiśtinbe ħinca oniya wan Jehowa anicaśtanpi, qa iśta niyuotinzapi : wicaśta wokcan qa itancan nitawapi, tona wawan-yakapi kin hena wawieakaha.

11 Hecen wowanyake ocowasin niyepi ekta wowapi oie apuspapi kin iyececa ; tuwe wowapi onspe kin he qupi, qa ; De yawa wo, ceunniciyapi ce, eyapi : tuka, owakihi śni, he apuspapi ce, eya :

12 Hehan wowapi kin he tuwe wowapi onspe śni kin he qupi, qa ; De yawa wo, ceunniciyapi ce, eyapi : tuka, Wowapi onmaspe śni ce, eya.

13 Heon Itancan kin heya ; Oyate kin de i on mikiyedan upi, qa ihapi on mayaonihanpi, tuka cantepi mitehanyan iyeiċiyapi, qa komakipapi kin he wicaśta tawoonspe kin eciyatanhan onspewicakīyapi ;

14 Heon etanhan iho, oyate kin de ehna wakanyan owaħanmde kta, taku wowinihan qa wowapetokeca : tona ksapa wicayuhapi toksapepi kin he atakuni kte

śni, qa tona wiyukcanpi tooka-
hnigepi kin anakmanpi kta na-
kaeś.

15 Hehehe, tona towiyukcanpi
kin temahentuya Jehowa anaki-
cihan akitapi, qa tohanpi kin
otpaza en, qa heyapi, Tuwe
wanunyakapi he; qa tuwe sdon-
unyanpi he.

16 Awicakehan waduptanyan-
pi kin he maka cega kaga maka
tawa kin iyacinpi kta: wicohan
wan tuwe econ kin on, He ma-
kage śni ce, eye kta he; qa ta-
ku kagapi kin he tuwe kage cin
on, Takudan okahnige śni ce,
eye kta he.

17 Ehake cistiyedan hin hehan
Lebanon maga wašte icage kta,
qa maga wašte kin he contanka
yawapi kte śni he.

18 Qa anpetu kin he en noge-
tpapi kin wowapi oie kiu hena
nahonpi kta, qa išttagongapi išt-
tapi kin owotainin śni qa otpaza
etanhan wawanyakapi kta.

19 Wicašta onśiicidapi kin na-
kun Jehowa en sanpa wiyuśkin-
iciyapi kta, qa wicašta opeya on-
śikapi kin hena Israel Taku Wa-
kan tawa kin ikiciyuśkinpi kta.

20 Tuwe wohitike ciu he ata-
kuni śni, qa wawihaha kin he
ihangyapi, qa tona woahhani
iyapepi kin owasin wicakaksapi:

21 Wicoie wanjidan on wica-
šta wahtani yawapi, qa tuwe ti-
yopa ohna wayaco kin he hmung
wacinpi, qa takuśni on wicašta
owotanna icunonpa iyayeyapi
kin hena.

22 Heon etanhan Jehowa Abra-
ham opekiton qon he Jakob ti-
yohnaka kin hewicakiya; De-
han Jakob ištece kte śni, qa de-
han iye ite nasan kte śni.

23 Tuka tohan iye cinca, mina-
pe taku kage cin hena, iye coka-
ya wanwicahdake cinhan, mica-

je yawakanpi kta, qa Jakob Ta-
ku Wakan tawa yawakanpi kta,
qa Israel ta Wakantanka kokipa-
pi kta.

24 Qa tona tawiyukcanpi en
nunipi qon hena nakun wooka-
hnige sdonyapi kta, qa tona wa-
wakipajinpi qon hena woonspe
onspepi kta.

WICOWOYAKE 30.

1 Hehehe, wawakipajinpi cinca,
Jehowa eya; hena wokonze
hdušťanpi, tuka miye etanhan
śni; qa woyatke wan okašťanpi,
tuka Mitaniya kin eciyatanhan
śni, hecen woahhani woahhani
en ejupi kta.

2 Hena Egupta ekta apamahde
huinyun yapi, tuka mii etanhan
wawiwangapi śni; Pharaoh to-
waśake kin en waśagiciyapi kta,
qa Egupta ohanzi kin wacinyan-
pi kta.

3 Heon etanhan Pharaoh towa-
śake kin he wowišteceyayapi
kta, qa Egupta ohanzi wacinyan-
pi kin he wonihinciye kta.

4 Iye ta wicaštayatapi kin Zo-
an en unpi, qa iye uwicaśi qon
hena Hanes en hipi.

5 Hena owasin oyate wan owi-
cakiye kta okihi śni kin he on
ištecapi, waanakikśinpi qa wa-
okiyapi okihipi śni, tuka wowi-
štece qa nakun wowihaha ece-
dan.

6 Itokali woteca tawoyakapi
kin. Wonihinciye qa woiyoki-
śice makoce, etanhan mnaja wi-
ye qa mnaja waśaka, sintelida
qa wamduśka kinyan ideya, he-
na etanhan upi, he ekta towijice-
pi kin śunka wakan sonsonna
amdo akan ayapi kta, qa taku
kihnakapi kin camo pśunka kin
akan, oyate waokiye kte śni
wan ekta.

ISAYA TAWOYUKCAN KIN,

7 Egupta wawokiye cin he takuśni, qa takudan okihi śni: heon etanhan decen ewakiye cion; Wahaniçidapi owanji yankapi ce.

8 Iho wo, wanna wicitokam wahna wowapi wan en he owa wo, qa wowapi en kaga wo, hecen he anpetu u kte cin hehanyan kta, owihanke wanice:

9 Oyate kin de wawakipajin ece, wicacınca itonpi śni, wicacınca Jehowa toope kin anagoptan wacinpi śni hecapi:

10 Hena, Wawanyakapi śni po, wawanyakapi kin ewicakiyapi; qa wiyukcanpi kin, Taku ecetu unkiciyukcanpi śni po, iapi śduśduta unkokiyaka po, woitonśni ayata po:

11 Canku kin icunonpa ya po; ocanku icunonpa wahtani po: Israel Taku Wakan tawa kin he yutokan iyeunkiciciya po, eyapi.

12 Heon etanhan Israel Towakan kin he hecen eya; Oie kin de ayaktapi śni, qa wohnaye woyupemni ko wacinyayapi qa en eniçihnakapi;

13 Heon etanhan woahntani kin de conkaške tehanwankantu en okakse wan iyecen he apaha yanka qa hinhpaye kta se, okamdece kin he istakakpapi se ihnuhanna u kte cin he iyecen niciyankapi kta.

14 Qa he maka cega kaga takakişkotpa ocowasin kamdecapi wokamdece kin he iyecen kamdece kta; itonkipe kte śni: hecen okamdece kin he etanhan onśpa oceti etanhan on peta icupi kta, qa on miniyowe etanhan mini eyakupi kta, takudan iye-yapi kte śni.

15 Itancan Jehowa Israel Towakan kin he hecen eya; Hdicupi qa owanji yukampi kin he on yanipi kta; inina unpi qa wa-

cinyanpi kin on wanişakapi kta tuka: unkan wicayadapi śni.

16 Tuka hehapi; Hiya, şuktanka akan naunjicapi kta ce; heon etanhan nayajicapi kta: qa, Taku duzahan akan unkiyotankapi kta, ehapi; heon etanhan tona tanipapi kin hena duzahanpi kta.

17 Wanjidan wawiyopeye on kektopawinge wanji najicapi kta, zaptan wawiyopeyapi on nayajicapi kta: hecen niyuhuhuzapi kta, wiyokihedan he akan ehdepi qa wapahaşa wan paha ekta he cin iyececa.

18 Heca ešta Jehowa ape un kta, onşinidapi kta; qa heon inajin kta, cantonihnakapi kta e heon: Jehowa Taku Wakan kin he wayaco nakaeş: Tona apepi kin owasin cante waştepi ece.

19 Oyate kin Zion en Jerusalem ohna oonyanpi kta: istamnihanpe aniu yaceye kte śni; tuwe waonşida kin he ho uyaye cin on onşinida kta; he nahon kinhan aniyupte kta.

20 Unkan Itancan kin woiyokişice aguyapi qa wokakije mini kin niçupi qeyaş, tona waonspenicayapi kin hena ake icimana naiçihmanpi kte śni, tuka niştapi waonspenicayapi kin wanwicayakapi kte:

21 Qa niheyatanhan ninogepi wicoie wanji nahonpi kta, Canku kin he dee ce, ohna mani po, eye kta, tohan etapatanhan dapi kta, qa tohan catkatanhan dapi kta hecinhan.

22 Nakun nita mazaska waka-gapi oakahpe kin daşapapi kta, qa nita mazaskazi wakagapi okaştanpi oakahpe kin; isnati mahen unpi tawa iyecen hena ehpeyaye kta: Tokan yanka wo, eyakiye kta.

23 Hehan nitawojupi magaju

WICOWOYAKE 31.

kin hiyuye kta, hecen on nita-
maga kin oyekju kta ; qa maka
oicage etanhan aguyapi yuke
kta ; qa he cepa qa oicahi ota
kta. Anpetu kin he en nitawo-
teca tinta tanka en wiñanpi
kta.

24 Nakun tatanka qa šonšon-
pidan maga kicanyanpi kin hena
woyute skuyeyapi, mazaicu qa
icaduge on kadugapi kin he yu-
tapi kta.

25 Unkan he tehanwankan otoi-
yohi, qa paha pajodan otoiyo-
hi akan wakpadan yuke kta, mini
kaduze kta, anpetu kin en tanka-
ya wicaktepi, conkaške kin hin-
hpayapi kinhan.

26 Nakun hanyetu wi iyoyanpa
kin he anpetu wi iyoyanpa iye-
cece kta ; qa anpetu wi iyoyan-
pa kin he šakowin akihde kta,
anpetu šakowin iyoyanpa iyece-
ce kta ; anpetu kin en Jehowa
iye taoyate okamdece tawa pa-
kihte ča apapi okašpe kin okizi-
ye cinhan.

27 Iho, Jehowa caje kin tehan-
tanhan u, tocanniye ide, qaide kin
he tehike : iye iha kin wošinhda
on ojudan, qa ceji kin he peta wa-
luhnage cin iyececa.

28 Qa iye taniya wakpa apašbo-
ke wan iyecen tahu čokaya iya-
hde kta, wicotakunišni icaduge
wan on oyate kin wicakaduge
kta : qa nuniwicaye kta e iiyu-
wi wan oyate ipi kin ohna yanke
kta.

29 Odowan wan duhapi kta,
hanyetu en omniciye yuwakanpi
kin iyececa ; qa cante iyuškinpi,
tuwe čotanka wan hduha Jeho-
wa Paha tawa ekta ye kte cin
iyececa, Israel ta Imnija kin
ekta.

30 Unkan Jehowa towitan ho
kin nañon wicakiye kta, qa iye
isto kun u kin he hdutanin kta,

nakun wocanniye wošinhda, qa
peta waluhnage ide kin, ica-
mna qa magaju, qa wasu hin-
han.

31 Jehowa ho kin on, Ašur can-
šagye on wakaštaka ece qon he
kawankapi kta.

32 Unkan cansakadan kañniga-
pi kin Jehowa akan ehnae kte
cin he tukten hiyaye cin otoiyo-
hi, he cancega qa candowanki-
yapi kicica kta : qa okicize owo-
dutaton on om kicize kta.

33 Tanihanhan Tophet wi-
yeya kagapi ; han, wicaštayata-
pi kin on yuwiyeypapi ; tanka, te-
mahentu kaga ; peta qa can ota
ejupi ; Jehowa taniya kin, can-
šin wakpa wan iyececa, he ideye
kta.

WICOWOYAKE 31.

1 Hehehe, tona owicakiyapi
kta on Egipta ekta apamahde
iyayapi ; qa šunka wakan wa-
cinwicayapi, qa canpahmihma
inapapi, hena otapi heon ; qa
šuktanka akan iyotankapi, hena
wašakapi .hinca nakaes : tuka
Israel Towakan kin he ekta e-
tonwanpi šni, qa Jehowa akita-
pi šni.

2 Hececa ešta iye nakun ksa-
pa, qa taku šica au kta, qa iye
oie kin ehdaku kte šni : tuka wi-
colhan šica econpi tipi kin itkom
inajin kta, qa woalitani econpi
waokiyapi kin hena itkowicakipe
kta.

3 Nakaes, Egipta oyate kin
hena wicašta, qa Taku Wakan
hecapi šni ; qa iye tašunkepi kin
hena čepi qa woniya hecapi šni.
Tohan Jehowa nape hdugate
cinhan hehan tuwe waokiye cin
he kacegya mani kta, qa tuwe
okiyapi kin he nakun hinhpaye
kta, qa owasin witaya atakunipi
kte šni

ISAYA TAWOYUKCAN KIN,

4 Jehowa hecen emakiye cigon; Mnaja qa mnaja koška taku iyahpaya ahdo, waawanyake wicota takpe upi qeyaš hena hopi on kopehda kte šni, qa hena owodutaton kagapi kin on makata ehpeiçiye kte šni; he iyecen Jehowa wicobe tawa kin he Zion he kin on, qa paha tawa kin on kicis kun u kta.

5 Zitkadan waakahpapi ece kin he iyecen Jehowa wicobe tawa kin he Jerusalem ahdaŋpe kta; ahdaŋpa qa ehdaku kta; acakšín qa kpatan kta.

6 Israel cinca, tuwe itehan icunonpa idadapi kin he ekta ihdoku po.

7 Anpetu kin he en wicašta otoiyohi iye tamazaska wakagapi, qa tamazaskazi wakagapi, niye ninape woahťani on niçicagapi qon hena ehpeyapi kta.

8 Hehan Ašur oyate kin mazasagye on linhpaye kta, wicašta tawa šni, qa mazasagye wicašta akantu tawa šni kin he he temye kta: tuka mazasagye ite kin etanhan nape kta, qa koška tawa kin hena wayaka unpi kta.

9 Qa iye wokokipe on taconkaške kin en onajice kta, qa itancan wicayuhe cin hena wiyokihedan kin kokipapi kta ce, Jehowa iye tapeta Zion en un, qa oceti tawa Jerusalem en yanke cin he hecen eya.

WICOWOYAKE 32.

1 Iho, wicaštayatapi wan wowotanna on wicaštayatapi kta, qa itancanpi kin iš woyaco on wakonzapi kta.

2 Hecen wicašta wan tateyanpa etanhan woinahbe kta, qa icamna etanhan wowinape iyecece kta; hopuza en mini wakpadan iyececa, makoce ohna wicalitate

en imnija tanka ohanzi kin iyececa.

3 Qa tona wanyaka ištošnjapi kte šni, qa tona wanahonpi no-gepi anagoptanpi kta.

4 Nakun tona inahnipi cantepi kin wosdonye okalinigapi kta, qa ia yaškiškapi cejipi kin tanyan ia inahnipi kta.

5 Hehan witkotkoke cin icimana wacantkiya eciyapi kte šni, qa watehinda kin he ohanpi eciyapi kte šni.

6 Witkotkoke cin he wowitkotkoke ecen ie kta, qa iye cante woahťani kage kta, wicošice econ kta, qa Jehowa on woitonšni oyake kta; tuwe wotektehda un nagi kin he yucoka kta, qa tuwe ipuza tawoyatke kin yuwanice kte.

7 Nakun watehinda taku woinyunye kin hena šica; he woyušice wakiconza, woitonšni oie kin on wicakiš unpi kin wicayutakuni kte šni, wicašta onšika ecetuya ia ešta.

8 Tuka wacantkiye cin he taku wocantekiye kin konza ece; qa wocantekiye on sutaya najin kta.

9 Winohinca wahaniçidapi inajin miye; kopehda šni cunwintkupi, maho kin nahon po, iwae cin anagoptan po.

10 Waniyetu anpetu ota ahna nihinniciyapi kta, kopehda šni yaunpi; hastanhanka oicage yuke kte šni, mnayanpi kin he u kte šni.

11 Wahaniçida yaunpi, cancan po; kopehda šni yaunpi, nihinciya po, ihdušdoka po, qa tancokapidan po, qa nite en ipiyagkiton po.

12 Maku en aiçipapi kta, omdaye wašte hinca on, qa hastanhanka iyuwu waicalhye cin on.

13 Mitaoyate tamakoce kin en wapepeka can pepe ko uye kta;

han, wowiyuŝkin tipi iyuhpa akan, otõwe wiyuŝkin kin en.

14 Tipi tehanwankantu kin ayuŝtanpi, oyate ota tonwanyanpi kin he ehpeyapi; paha qa conkaŝke kin hena ohinniyana ma-kehdõke kta, ŝonŝonna itu unpi on wiyuŝkinpi, wanunyanpi en wihanpi kta :

15 Ecen Woniya kin wankan-tanhan unkakaŝtanpi kta, qa tintoskan kin he maga waŝte kta, qa maga waŝte kin he contanka yawapi kta.

16 Hehan wokõnze tintoskan ounye kta, qa woowõtanna maga waŝte kin ohna yanke kta.

17 Unkan woowõtanna õhan kin wookiye hee kta, qa woowõtanna yuŝtanpi kin he oziiçiyapi qa wowacinye owihanke wanice kta.

18 Qa mitaoyate wookiye owanka wan en ounyanpi kta, qa tipi wacinyepica ohna, qa wiko-pe ŝni ozikiyapi owanke kin en.

19 Unkan wasu contanka kin ahinhe kta, qa otõwe kin omdaye wan en yuhukun ehpeyapi kta.

20 Mini owasinicahda woyajupi cante niwaŝtepi, tatanka qa ŝonŝonna silha kin heciya yeyaŝipi.

WICOWOYAKE 33.

1 Hehehe, niye wawicayaki tuka wanicipi ŝni; qa wawicayahnayan tuka niye nihnayanpi ŝni : Tohan wawicaki aduŝtan kinhan hehan wanicipi kta; tohan wawicahnayan enayakiye cinhan hehan niye nihnayanpi kta.

2 Jehowa onŝiunkida miye; unkanipepi. Hanlianna eca hena isto niyuhapi nunwe; nakun wokakije anpetu kin en waniun-kiyapi kin he niye kte.

3 Owodutaton hoyeye cin on oyate kin najicapi; wankan nihdõhda on oyate kin enanakiya iyayapi.

4 Unkan wayakipi kin he mnanyanpi kta, psipsicadan mnaičiyapi kin hee kta; psipsica tanka inyankapi kin he iyecen ainyankapi kta.

5 Jehowa wankan hdoyapi; wankan ounyan nakaes : wokõnze qa woowõtanna on Zion ojuya.

6 Qa iye nitaanpetu woyusuta kin hee, wanikiyapi wowaŝake, woksape qa wosdõnye kin hena eepi kta : wokihnaka tawa Jehowa kokipapi kin hee.

7 Iho; mdetahunkapi wicayuhapi kin tankan ŝicahowayapi kta : wookiye on yewicaŝipi qon hena nina ceyapi kta.

8 Canku tanka kin hena hewõtahedan ehpeyapi; oicimani wanica. Wicotakuye kin he kica-ksa, otõwe kin wahtewicada ŝni, wicaŝta kin ihawicakta ŝni.

9 Maka kin hanyan, ceya : Lebanon iŝteca, ŝeca aya : ŝaron tintoskan iyecaca : qa Baŝan Karmel kici kahnapi.

10 Wanna nawajin kta ce, Jehowa eya : wanna wankan mahdoyapi kta; wanna mihduwan-tu kta ce.

11 Peji ŝeca on ihduniŝakapi kta, aguyapi hu yatõnpi kta; nitaniyapi kin petaiyecen huñnali-niyanpi kta.

12 Qa oyate kin inyan acetipi kin hecapi kta; wapepeka kahin iyeyapi iyecen peta en huñnagapi kta.

13 Tehan yaunpi, taku ecamon kin he nalion miye; qa kiyedan yaunpi, mitowaŝake kin he sdon-ya po.

14 Zion en wahtanipi kin hena kopehdapi; wicacancan wayuŝa-

papi kin wicayusa. Unkiyepi etanhan tuwe peta wahulinage cin en ounye kta he ; unkiyepi etanhan tuwe ide owihanke wance cin en ounye kta he.

15 Tuwe owotanna mani, qa ecetuya ia ece ; tuwe wohncye wokamna sícedaka, on opetonpi kte cin yusa nape hdatata, weyapi nahon kte śni on noge okihmuze, qa taku śica wanyake kte śni on ístohmuza icu ;

16 He wankan owanka kin en ounye kta ; imnija conkaške kin wowinapeye kta ; aguyapi qupi ecc kta ; mini tawa kin he ohinnyan kta.

17 Niišta wicaštayatapi iye toiyokipi kin en wanyakapi kta ; makoce tehantu hince cin he wanyakapi kta.

18 Nicante wonihinciye qon he kiksuye kta. Wowapi kage cin he tokiya un he ; tuwe waaspeya ece kin he tokiya un he ; tuwe conkaške yawa ece qon he tokiya un he.

19 Oyate wan ite wawinihan kin heca wandake kte śni ; oyate wan iapi nayahon kta isanpa telika ; ceji yaškiška, taku kapi tanin śni kin heca.

20 Zion otonwe ohna mniunkiciyapi ece kin he wanyaka wo : Jerusalem woozi ounyanpi kin he niišta wanyakapi kta ; wakeya kalipapi kte śni, canhutipaspe tawa icimana yujun icupi kte śni, qa taikan kin wanjidan yukšapi kte śni.

21 Tuka hen Jehowa wašake hince cin he wakpa qa wakpadan ohdakinyan tankapi kin e-eunkiyapi kta ; wamnaheca wata takudan he ohna ye kte śni, nakun wita wata wašaka en hiyaye kte śni.

22 Wayaco unkitawapi kin Jehowa hce ; woope kaga unkitawapi

Jehowa hee ; Jehowa he Wicaštayatapi unkitawapi ; iye niunyanpi kta.

23 Ikan nitawa yukeapi, can ihupa kin en sutaya iyakaškapi kte śni : śina on watopapi kin hena yumdayapi kte śni. Helan wawicakipi tanka wan kicipamni-pi kta : taku icupi kin tona hušte iyahpayapi.

24 Tuwe en ounye cin, Wamayazanka ce, eye kte śni ; oyate en tipi kin hena wahitanipi wicakicajujupi nakaes.

WICOWOYAKE 34.

1 Ikcewicašta, nayahonpi kta e kiyadan u miye, qa oyate yanunpi, anagoptan po : maka kin nahon kte, qa toojudan kin ; maka kin tona etanhan icagapi kin hena koya.

2 Jehowa tocanniye kin Ikcewicašta owasin akan yanke, qa ozuye tawapi owasin wośinhda awicaun : Hena iye wicakiconza, wicaktepi kta e wicaqu.

3 Unkan wicaktepi tawapi kin hena tankan ehpeyapi kta, qa tancan ŕapi kin etanhan śicamna au kta, qa hena we kin on he kin lipan kta.

4 Qa mahpiya taobe kin iyulipaskan kta, qa mahpiya kin hena tahasaka wan iyecen opehanpi kta, qa taobepi owasin hinhpaye kta, hastanhanka iyuwi ape hinhpaya, qa suken can etanhan ape śniye cin iyececa.

5 Han, mazasagye mitawa mahpiya kin en imnan : iho, wo-yaco on Edom en ahiyu kta, qa oyate wicamdašice cin en.

6 Jehowa tamazasagye kin he we on ojudan, wašin on cepa, tahn wanunyanpi cinca qa tatokadan we on, tamdoka tapakšin śin on : Bozra en wośna wan Jeho-

WICOWOYAKE 35.

wa kicagapi nakaes, qa wokte tanka wan Edom makoce kin en.

7 Unkan tinta tatanka hena om apamahde upi kta, qa tatan-ka tatang mdoka kin om : unkan iye tamakoce kin we on imnan kta, qa maka mdu kin wasin on cepe kta.

8 Jehowa towicakicon anpetu kin dee, Zion toakinica on wokajuju waniyetu kin hee nakaes.

9 Hecen tawakpa kin hena cansin icage kta, qa maka mdu kin inyanzizi kta, qa makoce kin cansin ide ecel icage kta.

10 Hanyetu qa anpetu he kasnipi kte sni ; etanhan sota kin he owihanke wanin wankantkiya ye kta ; wicoicage qa wicoicage hehanyan hewoskan wanke kta ; tuwedan he opta ye kte sni, owihanke wanica.

11 Tuka mdoga qa pahin he tawayapi kta ; nakun hoka qa kang'i hen unpi kta ; qa toketu tanin sni ikan kin he ayutitanpi kta, qa woihangye inyan kin.

12 Wicašta tankapi kin wicaštayatapi kta e iwicakicopi kta, tuka wanica ; qa akicita tancanpi tawa owasin sotapi kta.

13 Qa tipi waštešte tawa kin en wapepeka uye kta, hasbe canpepe ko conkaške tawa kin ohna : qa canotidan kin hena he tipi yapi kta, hinhankaga cinca tahocoka kin hee kta.

14 Qa tintoskan tanhan woteca kin wita etanhan wamanica kin itkowicakipapi kta, qa hohnogeca kin he takodaku kipan kta ; nakun wanagi kin he hen yanke kta, qa woozi makoce wan iye-iciye kta.

15 Hen wanhinkpe wamduška kin wasun icicage kta, qa witka kada kta, qa man kta, qa taohanzi kin en mnawicaye kta ; nakun heciya kang'i tanka kin mniciya-

pi kta, otoyohi iye takodaku kici.

16 Jehowa tawowapi kin ohna akita po, qa wanyaka po ; dena wanjidan en un sni wanice kta, otoyohi iye takodaku kicica kta. Mii kin he de econwicaši, qa iye taniya kin he hena mna-wicaya nakaes.

17 Is'eya hena makoce wicakipamni, qa iye nape ikan on de iwicakiciyute : hena ohinniyan tawayapi kta, wicoicage qa wicoicage hehanyan hen oonyanpi kta.

WICOWOYAKE 35.

1 Dena on tintoskan qa makoce puze cin iyuskin kta, qa hopuza kin he wiyuskin kta qa onjinjintka iyecen hca kta :

2 Hcahca kta qa iyuskin kta, han, wowiyuskin qa dowanpi kin on. Lebanon towitan kin qupi kta, Karmel qa Šaron toiyokipi kin : Hena Jehowa towitan wanyakapi kta, Wakantanka unkitawapi toiyokipi kin.

3 Wicanape suta sni kin hena yuwasaka po, wicahupahu wasake sni kin hena wicayusuta miye.

4 Tona cante inahnipi kin hena hewicakiya po ; Ihdutinza po ; kopehdapi sni po : Taku Wakan nitawapi wanhdaka po : watokiconpi u kta, Wakantanka tawokajuju kin he ; iye hinca u qa niniyanpi kta ce.

5 Hehan istagongapi kin ista wicakiyukawapi kta, qa noge tpapi kin hena noge wicakiyuhdokapi kta.

6 Hehan tuwe hušte kin he tandoka wan iyecen ipsice kta, qa ia okitpani ceji kin dowan kta : hewoskan mini bohdog hiyu nakaes, qa wakpa hopuza kin en.

7 Qa makoce aspanspan kin he mde icage kta, qa maka puze

ISAYA TAWOYUKCAN KIN,

cin he minihdoke kta: Canotidan oonyanpi tukten wankapi kin hen cedi psa ko yuke kta.

8 Unkan canku tanka wan hen wanke kta, qa ocanku kta; qa he Woowotanna canku eciyapi kta: tuwe šape cin he omani kte šni: tuka he iye tawapi kta: oicimanipi kin hena witkotkopi qeyaš nunipi kte šni.

9 Hen mnaja wanice kta, qa wamanica wayapote cin he ohna ye kte šni, hen iyayapi kte šni: tuka tona opewicakitonpi kin hena omanipi kta:

10 Qa tona Jehowa opewicakiton qon hena hdicupi kta, qa iye pa akan dowanpi qa wowiyuškin owihanke šni hduha Zion en hipi kta: wowiyuškin wopida ko hduhapi kta, qa woiyokišice comnihdazipi ko najice kta.

WICOWOYAKE 36.

1 Unkan Hezekiya waniyetu aketopa wicaštayatapi he en, Senakërib Ašur wicaštayatapi kin Juda otonwe aconkaškapi kin owasin takpe wicau qa iwicacu.

2 Qa Ašur wicaštayatapi kin Lakiš etanhan Rabšaka, ozuye tanka wan kici, Hezekiya Jerusalem en un kin he ekta ye ši. Unkan wankan miniyowe wakpa kagapi kin icahda hinajin, wayujaja tamaga canku tanka kin he ohna.

3 Hehan Eliakim Hilkiya cinhintku, tipi awanyake cin he, qa Šebna wowapi kaga ece, qa Joaš Asaph cinhintku, owicawa ece kin, hena ekta hinanpapi.

4 Unkan Rabšaka hewicakiya; Ito, Hezekiya heciya po; Wicaštayatapi tanka, Ašur wicaštayatapi kin he hecen eya; Wowacinye kin de wacinyaye cin he tukte e he.

5 Kicizapi on wowiyukcan qa wowašake, hena e wicoie takušni ecedan cajemdate. Iho, tuwe e wacinyaya qa on mayakipajin he.

6 Iho, cedi yuksapi sagye kin de, Egupta he wacinyaya; he wicašta wan apatan kinhan nape en iyaye ça pahdoke kta. Pharaoh Egupta wicaštayatapi kin hececa tona wacinyanpi kin owasin en.

7 Tuka, Jehowa Wakantanka unkitawapi kin he wacinunyanpi ce, emayakiye cinhan; tuwe pahata tipi kagapi tawa, qa owayušna tawa Hezekiya tokan ehpeye ça Juda Jerusalem kici, Owayušna kin de itokam ohoyadapi kta ce, ewicakiya, he dee šni he.

8 Heon nakaha ceciciya ce, mayuhe cin, Ašur wicaštayatapi kin, kici ekiciya wo, kinhan šuktanka kektopawinge nonpa ciçu kta, wicašta akan iyotangwicakiya oyakihi kinhan:

9 Hecen token mayuha taokiye itancan cistinna wanjidan qeyaš ite kin napeyakiye kta, qa canpahmihma šuktanka akan iyotankapi ko Egupta iwacinyaye kta he.

10 Qa nakaha Jehowa codan makoce kin de ihangya wau he. Makoce kin de takpe ya wo, qa ihangya wo, Jehowa emakiya ce.

11 Hehan Eliakim qa Šebna qa Joaš Rabšaka heciyapi; Tokin nitaokiye Aram iapi on unkokiypin; he unkokahinigapi: qa Juda iapi on unkokiyapi šni po, conkaške akan oyate yukanpi kin nañonpi kta.

12 Tuka Rabšaka heya; Mayuhe cin he niyuhapi qa niyepi wicoie kin dena eciciyapi kta e umaši he; qa wicašta conkaške

WICOWOYAKE 37.

akan iyotankapi, iye cesdi hdu-
tapi kta qa iye deje cin niyepi
om hdatkanpi kte cin hena ekta
umasi šni he.

13 Hehan Rabšaka najin qa Ju-
da iapi en hotankakiya hoyeye
ce heya; Wicaštayatapi tanka,
Ašur wicaštayatapi, oie kin na-
lion po.

14 Wicaštayatapi kin he heya
ce; Hezekiya nihnyanpi šni
nunwe; iye enihdakupi kta oki-
hi šni.

15 Nakun ihnuhan Hezekiya
Jehowa wacinye niyanpi kinhan:
Awicakehan Jehowa eunhdaku-
pi kta; otonwe kin de Ašur wi-
caštayatapi nape kin en qupi
kte šni ce, eya qeyaš:

16 Hezekiya anagoptanpi sni
po: Ašur wicaštayatapi kin he
kaken eya; Wookiye micaga po,
qa tankan en mau po; kinhan
wicašta otoiyo hi iye hastanhan-
ka iyuwi etanhan, qa suken can
tawa kin etanhan hdute kta, qa
otoiyohi miniyowe nitawapi etan-
han yahdatkanpi kta:

17 Ecen wau qa makoce wan
nitamakocepi kin iyececa, wa-
mnaheza miniša ko makoce, agu-
yapi qa hastanhanka iyuwi oju-
pi makoce kin ekta aciyapi kta
ce.

18 Jehowa eunhdakupi kta ce,
Hezekiya eye cin on ihnuhan
awacinniyanpi kinhan. Oyate
tokeca taku wakan yuhapi kin
iye tamakoce Ašur wicaštayata-
pi nape kin etanhan ehdaku he.

19 Hamat qa Arpad taku wa-
kan tawapi kin hena tokiya un
he: Sepharvaim taku wakan ta-
wa kin tokiya un he: qa Sama-
ria minape etanhan eyakupi he.

20 Makoce kin hena owasin ta-
ku wakan tawapi kin tukte wan-
ji iye tamakoce minape etanhan
ehdaku he; hecen Jehowa Jeru-

salem minape etanhan ehdaku
kta, eya.

21 Tuka inina yukampi qa oie
wanjidan ayuptapi šni: wicašta-
yatapi kin hecen econ wicaši, qa,
Takudan ayuptapi šni po, eye
ciqon.

22 Hehan Eliakim Hilkiya cin-
hintku tipi awanyake cin he, qa
Šebna wowapi kage cin, qa Jo-
ah Asaph cinhintku owicawa ece
kin, hena wokoyake hdupotapi,
Hezekiya en hdipi qa Rabšaka
oie kin okiyakapi.

WICOWOYAKE 37.

1 Unkan Hezekiya he nahon
qehan, tawokoyake hduhdece,
qa wakihdaka ogekiton, qa Jeho-
wa ti kin en tin iyaya:

2 Qa Eliakim tipi awanyake
cin he, qa Šebna wowapi kage
cin, qa wawayušna itancanpi kin
hena wakihdaka ogekitonpi Isa-
ya Amoz cinhintku wicašta wo-
kcan kin ekta ye wicaši.

3 Unkan hena heciyapi; Heze-
kiya hecen eya ce; Anpetu kin
de woiyokšice qa wošitkihda qa
woiyopecye anpetu kin hec: ho-
kšiyooqopa hiyupi kta wanna en
hipi, tuka hiyuwicayapi kta e
wowašake yuke šni.

4 Okinni Jehowa Wakantanka
nitawa Rabšaka oie kin nahon
kta, he iye yuhe cin Ašur wica-
štayatapi kin Taku Wakan ni un
kin yašice kta e uši, qa wicoie
Jehowa Wakantanka nitawa na-
lion kin hena iyopecye kta: heon
etanhan tona okaptapi en unpi
kin hena on wocekiye hdawan-
kan ewicayeciye kta.

5 Unkan Hezekiya wicaštaya-
tapi taokiye kin Isaya en hipi.

6 Unkan Isaya hewicakiya;
Niyuhapi kin hecen eyakiyapi
kta; Jehowa kaken eya ce; Wi-

ISAYA TAWOYUKCAN KIN,

coie nayahon kin on Aśur wicaśtayatapi taokiye wicaye cin mayāsicapi kin hena kokipe śni wo.

7 Iho, woniya wan en yewaśi kta, nakun woyake wan nahon kta, qa iye tamakoce kin ekta hde kta : qa iye tamakoce kin en mazasagye on hinlipaye waye kta ce.

8 Hecen Rabśaka hdicu qa Aśur wicaśtayatapi Libna kici kiciza en hdi : Lakiś etanhan kihda he nahon tuka qon.

9 Unkan iye Tirhaka Kuś wicaśtayatapi on heyapi nahon ; Nicize kta e wanna hiyu ce. Qa he nahon qehan Hezekiya ekta wahośi yewicaśi qa heya ;

10 Hezekiya Juda wicaśtayatapi kin oyakiyapi qa kaken eyakiyapi kta ; Innuhan Taku Wakan nitawa wacinyakiye cin he nihnayan kinhan, on hehe cin, Jerusalem Aśur wicaśtayatapi nape kin en qupi kte śni ce.

11 Iho, Aśur wicaśtayatapi kin makece owasin token ecawicakiconpi kin he niye nayahon, hena ocowasin ihangyapi ; unkan niye enihdakupi kta he.

12 Ikcewicaśta oyate tona atewicaye cin ihangyapi qon hena taku wakan tawapi ewicahdakupi he : Gozan, qa Haran, qa Rezep, qa Eden cincapi Telasar en unpi kin.

13 Hamat wicaśtayatapi kin tokiya un he, qa Arpad wicaśtayatapi, qa Sepharvaim otonwe, Hena qa Ivah en wicaśtayatapi kin tokiya un he.

14 Unkan wahośiyapi napepi etanhan Hezekiya wowapi kin he icu qa yawa. Hehan Hezekiya Jehowa ti kin ekta ye qa he Jehowa itokam yumdaya.

15 Qa Hezekiya Jehowa cekiye qa heya ;

16 Jehowa wicobe tawa, Israel

Taku Wakan tawa, Kerubim oyati, maka akan wokiconze owasin en niye niśnana Wakanitanka ; niye mahipiya qa maka kin yakaga :

17 Jehowa anohye qa nahon wo ; Jehowa niśta hdumdaye ca wanyaka wo ; qa Senakerib oie kin, on Wakantanka ni un yaśice kta e u wicaśi kin, hena owasin nahon wo.

18 Jehowa, awicakehan Aśur wicaśtayatapi kin maka onyanpi owasin qa makece tawapi kin yutakunipi śni ;

19 Qa taku wakan tawapi kin peta en qupi ; hena taku wakan śni nakaeś, tuka wicaśta nape taku kagapi kin heca, can qa inyan, heon etanhan hena ihangyapi.

20 Heon nakaha Jehowa Wakantanka unkitawapi, he nape etanhan niunkiya po ; hecen maka wokiconze kin owasin Jehowa he niye, niye niśnana e sdonyapi kta.

21 Hehan Isaya Amoz cinhintku Hezekiya ekta yewicaśi qa heciya ; Jehowa Israel ta Wakantanka kin hecen eya ; Senakerib Aśur wicaśtayatapi kin on wocekiye emayakiye cin heon etanhan,

22 Jehowa oie wan eciye cin he dee : Wikośka Zion cunwintku kin he wahtenidaśni, nina inihaha : Jerusalem cunwintku kin niye on pomnamna ce.

23 Wawiopeyaye qa daśice cin he tuwe he : tuwe on ho hdawankan iyeyaye qa niśta yahduwankan he : Israel Towakan kin hee.

24 Nitaokiye napepi on Itancan kin iyopeyaya, qa heha ; Canpahmihma ota mitawa on he paha kin ekta hibu, Lebanon opapun kin ekta ; qa hante śa tankinyan-

WICOWOYAKE 38.

yan qa wazi can kañigapi kin hena wakawanke kta, qa wankan ihanke kin ekta wai kta, qa maga waštešte contanka kin en.

25 Miye maka waqe ça mini mdatkan; qa misiha sicu kin on otonwe aconkaškapi wakpadan kin owasin oyañewaya ce, eha.

26 Wanakaja taku ecamon kin he nayalioñ ñni he; ehanna anpetu kin en he wakaga: Dehan nakaha ecetu wakiye, niye otonwe aconkaškapi kin wicotakuniñni on ihangyaye kta:

27 Heon en oonyanpi kin hena nape ptecedan, nihinciyapi qa wacinhnunipi; hena maga wato kin iyececapi, peji toto, tipi akañpapi kin ekta wato, qa taku icage ñni itokam ñniya he iyececapi.

28 Tuka tukten inunke cin he miye sdonwaya, qa tankan idada, qa tin hidu ece, qa canniyemayaye cin nakun:

29 Canniyemayaye ça nihdatanka kin hena noge en hiyomahpaya, heon etanhan mazi yukšan mitawa nipoge en iyewaye kta, qa iiyuwi mitawa niiha en, qa canku ohna hidu qon he ohna hdicu ciciye kta ce.

30 Unkan de wowakta yaye kta; Omaka kin detaku iye cinka icage cin etanhan yatapi kta; qa omaka inonpa taku he etanhan icage cin hena: tuka mdoketu iyamni hehan woju po, qa wamnyan po, qa hastanhanka iyuwi huhde po, qa waskuyeca etanhan hduta po.

31 Unkan tona najicapi, Juda tiyohnaka etanhan okaptapi kin, hena ake kuyatanhan hutkan icagapi kta, qa wankantanhan waskuyeca icahiyapi kta.

32 Jerusalem etanban wookapte hiyu kta, qa Zion etanhan niiciyapi yuke kta: Jehowa wicobe tawa kin he tocantekiye kin hecon kta ce.

33 Heon etanhan Jehowa Aşur wicaştayatapi kin on kaken eya; Otonwe kin de en hi kte ñni, qa wanhinkpe wanji en hiyuye kte ñni, qa wahacanka hduha itokam u kte ñni, qa ihdukšan maka qe kte ñni:

34 Canku ohna hiyu qon he ohna ake hde kta, qa otonwe kin de en u kte ñni, Jehowa eya.

35 Miye on etanhan qa mitaokiye Dawid on etanhan otonwe kin de niwaye kta e awahdalipe kta ce.

36 Hehan Jehowa tawahoşiye wan iyaye ça Aşur oyate wankapi kin en kektopawinge opawinge qa kektopawinge wikcemna şahdogan sanpa kektopawinge zaptan wicakaştaka. Unkan hanhanna hin kiktapi hehan, inyun, hena owasin ta wankapi.

37 Hecen Senakerib Aşur wicaştayatapi kin ihdake ça kihde ça hdicu qa Ninewa ekta eti.

38 Qa iye taku wakan tawa Nisrok ti kin ohna cekiya icunhan iye cinhintku Adramelek qa Şarezer mazasagye on hdaştakapi; qa Ararat makoce kin en niiciyapi. Unkan cinhintku Esarhadon iye eekiya wicaştayatapi yanka.

WICOWOYAKE 38.

1 Anpetu kin hena en Hezekiya te kta wayazanka. Unkan Isaya wicašta wokcan Amoz cinhintku kin he en hi qa heciya; Jehowa hecen eya ce; Yati kin hduwiye ya wo; nişe kta qa yani kte ñni, heon etanhan.

2 Hehan Hezekiya tiyonaptan ektakiya ite hduhomni qa Jehowa cekiya,

3 Qa heya; Hehehe, Jehowa ceciciya ce, wowicake en qa cante ecetu hduha nitokam ma-

ISAYA TAWOYUKCAN KIN,

wani, qa ništa kin en taku wašte ecamon ece kin he dehan kiksuya ye, eya. Unkan Hezekiya woceye tanka on ceya.

4 Hehan Jehowa oie kin Isaya en hi qa heya ;

5 Ya wo qa Hezekiya heciya wo ; Jehowa Dawid ateyaya ta Wakantanka kin he hecen eya ce ; Nitawocekiye kin he nawahon, istamnihanpe nitawa wanmdaka ; iho, nitaanpetu kin en waniyetu akezaptan ewaju kta.

6 Qa Ašur wicaštayatapi nape kin etanhan ecihdaku kta, niye qa otonwe kin de ; qa otonwe kin de awahdahpe kta.

7 Qa Jehowa taku cajeyata wicohan kin de econ kta e Jehowa etanhan decen wowakta yaye kta :

8 Iho, iyadipi ohanzi kin hdicuwakiye kta, Ahaz iyadipi tawa en anpetu wi kici iyaye cin, he iyadipi wikcemna hekta hdicu kta, eya. Unkan anpetu wi kin iyadipi wikcemna hdicu, iyadipi kin hena wanna iyaya nakaes.

9 Hezckiya Juda wicaštayatapi kin wayazanke ca wayazanke etanhan kini qon. he ehan tadowan kin he dee :

10 Miye hepe ciqon ;

Mitaanpetu kaksapi en Hades tiyopa ekta mde kta ;

Mitawaniyetu okaptapi kin hena makipi.

11 Jah wanmdake kte šni ce, epa,

Jah wicani makoce kin ohna :
Icimana wicašta wanmdake kte šni,

Nakun maka akan ounyanpi kin hena.

12 Mitoicage kin he ihdag iyaya, Qa tahinca awanyaka tawakeya iyecen emiciyakupi :

Wakazonta wan iyecen wani kin wahduksa :

Hahonta etanhan iye mayukse kta :

Anpetu etanhan hanyetu ekta owihanke mayaye kta.

13 Hanhanna hehanyan mitokam ewahde ;

Mnaja iyecen mahuhu iyuhpa yuwelwege kta ;

Anpetu etanhan hanyetu ekta owihanke mayaye kta.

14 Icapšinpšincadan ohomni kinyan he iyecen wahotonton ; Tinwakiyedani iyecen waceya :

Wankan etonwanpi on išta matke :

Woiyokišice micium, Jchowa anamakikšin wo.

15 Token cpe kta he ;

Iye omakiye ca nakun isnana he hdušan ;

Minagi iyokišica on waniyetu mitawa owasin iwaštedan mde kta.

16 Itancan, dena on wicani ece ; Qa dena owasin on mitaniyani un :

Hecen asnimayaye ca nimayaye kta.

17 Iho, wookiye on wicocante šice hinca imicicaga ;

Qa minagi canteyakiya on wicotakunišni wolha etanhan edaku :

Wawahtani owasin niheyata elpeyaya nakaes.

18 Hades niyatan kte šni, wiconte inidowan kte šni ;

Tona wolha kin ekta iyayapi hena nitowicake apepi kte šni.

19 Ni un kin, ni un kin he niyatan kta,

Anpetu kin de ecamon iyececa ;

Ateyapi kin iye cinca nitowicake kin sdonycwicakiye kta.

20 Jehowa nimaye cin hee :

WICOWOYAKE 40.

Hecen candowankiyapi on mitadowan unkahiyayapi kta, Anpetu unnipi kin owasin, Jehowa ti kin ohna.

21 Isaya heye ciqon; Suken waskuyeca kapanpi icupi kta qa siyaka ahnakapi kte, kinhan asni kta ce.

22 Nakun Hezekiya, Jehowa ti ekta mde kta e wowakta tukte e lie, eye ciqon.

WICOWOYAKE 39.

1 He ehan Merodak Baladan, Baladan cinhintku Babel wicaštayatapi kin he wowapi qa taku qu kin iyahna Hezekiya kaye wicaši: he wayazanka qa akisni nañon kin heon.

2 Unkan Hezekiya hena on iyuskin, qa tipi ohna wakihnake cin he wanyagwicakiya, mazaska, qa mazaskazi, qa taku waštemna, qa wihdi wašte, qa tawotawe tipi kin ocowasin, taku mazopiye tawa kin en iyeyapi kin iyuhpa koya; taku iye ti kin ohna qa toškanškan ocowasin en Hezekiya wanyagwicakiye šni wanica.

3 Hehan Isaya wicašta wokcan Hezekiya wicaštayatapi kin en hi qa heciya; Wicašta kin dena taku eyapi he; qa tokiyatanhan hipi he. Unkan Hezekiya heya; Makoce wan tehan tanhan Babel hee etanhan en mahipi.

4 Hehan heya; Yati ohna taku wanyakapi he. Unkan Hezekiya ayupta; Wati ohna taku owasin wanyakapi; taku wehnake cin taku wanyagwicawakiye šni wanica, eya.

5 Unkan Isaya Hezekiya heciya; Jehowa wicobe tawa he oie kin nañon wo:

6 Iho, anpetu kin u kta, hehan taku yati ohna yanke cin iyuhpa,

qa niyatepi taku kihnakapi anpetu kin dehanyan, hena owasin Babel ekta ayapi kta; takudan okaptapi kte šni ce, Jehowa eya.

7 Qa nicinca niye etanhan inanpapi kta, tona cincawicayaye cin etanhan awicayapi kta; qa hena Babel wicaštayatapi ti kin ohna wowidake unpi kta ce.

8 Hehan Hezekiya Isaya heciya; Jehowa oie odate cin he wašte. Nakun, Wookiye qa wowicake mitaanpetu kin en un kta ce, eya.

WICOWOYAKE 40.

1 Wacintonhnagya po, mitaoyate wacintonhnagya miye, nita Wakantanka eya.

2 Jerusalem cante kin okiya po qa hoyekiya po, toozuye kin yuštampi, taku šica econ qon hena kicicajujupi; iye wahtani owasin on Jehowa nape kin etanhan nonpa akihde kicupi nakaes.

3 Wicaho wan hewoskan hoyeya; Jehowa tacanku kin yuwiyeya po; hewoskantu Wakantanka unkitawapi canku tanka wan owotanna kicaga miye.

4 Kaksiza otoiyo hi wankan kagapi kta, qa lie paha ko otoiyo hi kun icupi kta; qa hoškiški kin makomdaya kta, qa tahtaga kin he yumdayapi kta:

5 Qa Jehowa towitan kin yutaninpi kta, qa he wicacehpi owasin yuwitaya wanyake kta; Jehowa i kin he hecen eya nakaes.

6 Wicaho kin he, Hoyeya wo, eya. Unkan, Taku eyanwapaha kta he, eya. Wicacehpi iyuhpa wato, qa towašte kin ocowasin maga wañca kin iyececa:

7 Wato kin šnija, wañca kin san aya; Jehowa taniya kin atateyanpa nakaes: awicakehan oyate kin wato heca.

ISAYA TAWOYUKCAN KIN,

8 Wato kin snija, wañca kin san aya : tuka Taku Wakan unkitawapi oie kin he ohinnian un kta.

9 Zion, wotanin wašte eyanyapaha kin, paha tehanwankantu ekta ihdoya wo ; Jerusalem, wotanin wašte eyanyapaha kin, wašagya niho hdawankan iyeya wo : Hdawankan iyeya kokipe sni wo ; Taku Wakan nitawa wanhdaka miye, Juda otonwe kin ewicakiya wo.

10 Iho, Jehowa Itancan kin wo-wašake hduha u kta, qa iye isto kin he wawidagye kta : Iho, iyopeyapi hduha un, qa tokajuju kin iye itokam yanka.

11 Wonwicaya wan iyececa iye optaye tawa kin wonwicakiye kta ; isto on tacincadan mna-wicakiye kta, qa maku ohna wicahduhe kta : tona azinwicakiye cin hena iwaštedan awicaye kta.

12 Tuwe mini kin nape cokaya ohna iyuta he, qa napapašdecapi on mañpiya kin iyuta : qa maka mdu kin wiyutapi wan en onakitaka, qa he kin hena on aspeyetonpi en, qa paha kin on tkeutapi on aspeyeton kin he tuwe he.

13 Tuwe Jehowa Taniya kin wahokonkiya he, qa iš wicašta wiyukcan tawa ; hecen waonspekiye kta he.

14 Tuwe he kici wohdaka, qa wokahniñkiya, qa woyaco canku en onspekiya, qa wosdonye onspekiya, qa wookahñige canku kin wanyagkiya he.

15 Iho, Ikcewicašta kin cega etanhan sbuyapi wan iyececapi qa on aspeyetonpi akan watuškšeca iyecen yawapi : iho, wita kin hena taku sni seiyecen yuwankan icu kta.

16 Qa Lebanon ideyapi kta henakeca sni, qa wamanica tawa

kin hena wohuhnage wošnapí on henakeca sni.

17 Iye itokam Ikcewicašta iyuhpa takupi sni ; qa hena taku wanica qa taku sni hdawa ece.

18 Hecen tuwe e Wakantanka idacinpi kta he ; qa wiyacinpi kin tukte e he iyececa yadapi kta he.

19 Wakagapi wan wabago kin kaga, qa mazazikage cin he mazaskazi on akañpa, qa mazaska icicahñha kicaga.

20 Tuwe wošna iwañpanica kin he can wan ponpon kte sni hdahnige kta ; wabago wayupika wan akite kta ; wakagapi bagopi wan yuhohopi kte sni kin heca ehde kta.

21 Sdonyayapi sni he ; nayañonpi sni he ; otokaheya tanhan he oniciyakapi sni he ; maka kagapi kin ehantanhan he oyakañigapi sni he ;

22 He maka mihbe akan iyotanke cin hee, unkan tona ounyanpi kin hena psipsicadan iyececapi : he ozanpi wan iyecen mañpiya kin hdumdaya, qa hena wakeya otipi kta iyecen hdulitan :

23 He iye wicašta itancanpi kin wicayutakuni sni ; maka akan wayaco yukanpi kin hena taku sni iyececa wicakaga ce.

24 Han, hena huhdepi sni ; han, hena ojupi sni ; han, hena tancanpi maka en hutkan icagapi sni : tuka iye hena awicatateyanpa, unkan snijapi kta, qa tateiyumni kin hena kañbog iyewicaye kta, aguyapi ha iyececa.

25 Hecen tuwe e imayadacinpi kta qa iyemacece kta he, Tuwe Wakan kin he hecen eya.

26 Niištapi wankan yeya po, qa wanyaka po, tuwe dena kaga he, wicayawa iyecen obepi kin dena hinanpe wicaye cin he tu-

WICOWOYAKE 41.

we he : tookihi tanka kin on hena owasin cajeyata ; wowaśake on waśake hinca he on wanjidan okapte śni.

27 Mitacanku Jehowa anakicilimanpi, qa Taku Wakan mitawa mitawoyaco kin acakśin ce, tokeca Jakob, hecen ehe kta he, qa Israel, tokeca hecen iyaa he.

28 Sdonyaye śni he ; nayahon śni he ; Taku Wakan Owihanke wanica, Jehowa, maka ihanke kage cin he hanye kte śni, qa mdokite kte śni : tookahnige kin he iyukcanpica śni.

29 Tona mdokitapi kin hena wookihi wicaqu, qa tona takudan okihipi śni kin hena wowaśake wicakicaga ece.

30 Kośka kin heepi kaeś mdokitapi qa hanyanpi kta, qa wicakahnigapi kin hena waśakapi śni, waśakapi kte śni :

31 Tuka tona Jehowa apepi kin hena sanpa ihduwaśakapi kta, wamdi iyecen hupahu on wankan yapi kta ; hena iyankapi kta, tuka mdokitapi kte śni ; manipi kta, tuka hustakapi kte śni.

WICOWOYAKE 41.

1 Wita, mitokam inina yukan po ; kinhan oyate kin ihduwaśakapi kte ; hena kiyedan upi kte ; hehan iapi kte ; woyaco oiyo-tanke kin en witaya kiyedan un-kupi kta.

2 Tuwe wiyohianpatanhan wicaśta owotanna kin yuhica he, iye siha ekta kico, qa itokam lkcewicaśta kin qu, qa wicaśta-yatapi wowidagyekiya he ; watusékśeca iyecen iye tamazasagye kin en, peji okañbogyapi kin iyecen iye tinazipe kin en wicaqu.

3 Hena kuwa awicaya, tanyan

iyopta, iye siha canku wan ohna ye śni kin he ohna.

4 Tuwe he kage ça hduśtan, otokaheya tanhan wicoicage kin cajewicayata he : Jehowa miye, tokaheya qa ehake un kin he miye ce.

5 Wita kin hena wanyakapi qa kokipapi ; maka ihanke kin hena cancanpi ; kiyedan hiyupi qa hipi.

6 Wicaśta otoiyohe iye takodaku kin okiciyapi kta, qa otoiyohe iye sunkaku, Waśaka wo, ekiciyapi kta.

7 Hecen wabago waśdoya kin waśagye ; tuwe maziyahe on kasduśdute cin he maziyahe ape cin he waśagya ; qa mazaśdoyapi kin he waśte ce, eya : Unkan iyokatkuge on kasutapi, hecen yuhohopi kte śni.

8 Tuka Israel mitaokiye, Jakob wahdahñige cin, mitakoda Abraham cinca kin he niye :

9 Maka ihanke kin etanhan ecihdaku, qa hunnaptan tanhan cico qa heciciya ; Mitaokiye kin he niye ; cihdahñige ça ehpeciye śni ce.

10 Wakokipe śni wo, cici waun naķaeś ; nihinciye śni wo, Wakantanka nitawa kin he miye : ciyuwaśaka ; han, ociciya ; han, mitoowotanna nape etapa kin on ciyuza.

11 Iho, tona cannieniyani kin hena owasin ištecapi qa nihinciyapi kta ; hena takuśni iyececapi kta ; qa wicaśta nicigepi kin hena atakunipi kte śni.

12 Wicaśta nicigepi qon hena awicayakite kta tuka iyewicayahe kte śni ; wicaśta nicizapi kin hena taku śni qa taku sotapi kin iyececapi kta.

13 Jehowa Taku Wakan nitawa, nape nietapa yus un kin he miye nakaes : Kokipe śni wo ;

ISAYA TAWOYUKCAN KIN,

ociciya ce, tuwe eniciye cin he miye.

14 Jakob wamdudan, wakokipe šni wo, qa Israel wicašta kin; miye ociciye kta ce, Jehowa, qa tuwe openiciton, Israel Towakan kin he hecen eya.

15 Iho, mazicapan pe hinca teca hi yukan heca cicage kta; lie kin hena yakapan qa yakamdu kta, qa paha kin hena aguyapi ha iyececa yakage kta.

16 Hena yakaduge kta, unkan tate kin hena yuwankan iwicacu kta, qa tateiyumni kin hena kahoya elpewicaye kta: Tuka niye Jehowa on iduškin kta, Israel Towakan kin on nihdatan kta.

17 Onšikapi qa walpanicapi kin hena mini odepi, unkan wanica, ipuzapi on ceji sakapi; hehan Jehowa miye nawicawahon kta, Israel Taku Wakan tawa kin miye hena elpewicawaye kte šni.

18 Hopuza en wakpa mdulidoke kta, qa kaksiza cokaya miniyowe kta: tintoskan kin he minidoka qa makoce puze cin he miniyowe wakage kta.

19 Hante ša, šitta can, qa he das can, qa wihdi can hena tintoskan owaju kta; wazisaka can utuhu can, qa wazi can hewoskan makoce kin en witaya huwahde kta.

20 Hecen wanyakapi kta, qa sdonyapi kta, qa iyukcanpi kta, qa witaya okahnigapi kta; Jehowa nape kin he de econ qa Israel Towakan kin he kaga.

21 Woakinica nitawapi kin aku po, Jehowa eya: Wicoie wařaka nitawapi hduha kiyedan u po, Jakob ta Wicařtayatapi kin eya.

22 Hena aupi kta, qa taku u kte cin wanyagunyanpi kte; taku otokahe ekta un qon hena

yutaninpi kta, hena taku hecinhan, hecen hena awauncinpi kta, qa hena owihanke kin sdonunyanpi kta; qa iš taku u kte cin hena unkokiyakapi kte.

23 Taku tokata u kte cin hena pazo po, hecen taku wakan henicapi sdonunyanpi kta: han, taku wařte qa iš taku šica econ po, kinlian ekta euntonwanpi kta qa wanunyakapi kta.

24 Iho, taku šni enitanhanpi, qa niohanpi kin taku šni; tuwe nicahnigapi kin he wowahite šni.

25 Waziyatanhan tuwe mduhica, unkan he u kta; wihinanpatanhan micaje hoyemakiye kta; wicařtayatapi kin en wicau kta, upšija iyececa, qa wakšica kaga wan maka nacoco kin iyececa.

26 Tuwe otokaheya tanhan oyaka he; hecen sdonunyanpi kta; qa itokamtu, hecen, Owotanna ce, unkeyapi kta: Han, tuwedan wayuotanin šni; han, tuwedan woyake šni; han, tuwedan nioiepi nahon šni.

27 Tokaheya kin he Zion heciye kta; Wanyaka, wanwicayaka wo: unkan tuwe wotanin wařte au kin he Jerusalem waku kta.

28 Unkan ewatonwan, tuka wicařta wanica; han, hena ekta, tuka wiyukcan wanica; qa hena wiwicamunga, tuka oie wanjidan amayuaptapi šni.

29 Iho, hena iyulipa takupi šni, iye ohanpi kin taku šni; wakagapi šdoyapi yuhapi kin hena tate qa toketu taninšni.

WICOWOYAKE 42.

1 Iho, mitaokiye sutaya wahduze; wahdahnige cin minagi iyuškin kin hee; he Mitaniya awahnaka; iye wokonze

Ikcewicašta kin wicakaye kiye kta.

2 Pan kte šni, qa hdawankan iyeye kte šni, qa canku ohna ho hdatanin kte šni.

3 Cedi kašujapi kin he yukse kte šni, qa hañonta kitanna ide kin he bosni kte šni : wowica-ke ekta wokonze au kta.

4 Iye hanye kte šni qa wacin ibošake kte šni, ecen wokonze maka kin en ekihde kta : qa wita kin hena iye toope kin apepi kta.

5 Jehowa Wakantanka, małipi-ya kin kage ça hdumdaya ; tuwe maka kin kamdaya qa taku etanhan uye cin ; tuwe oyate akan unpi wiconi wicaqu, qa tona amanipi woniya wicaqu ece kin he hecen eya :

6 Jehowa miye woowotanna en cico, nakun nape cihduze kta, qa cipatan kta, qa oyate wicota-kuyc tawapi kta, qa Ikcewicašta ekta iyoyanpa cicage kta.

7 Išta tonwanpi šni kin wica-dumdaye kta, wicakaškapi kin wicokaške etanhan hiyuwicaya-ye kta, tona otpaza en iyotankapi okaške tipi kin etanhan.

8 Jehowa he miye ; micaje kin hee : unkan mitowitan kin he tuwe tokeca waqu kte šni, qa mitoyatan kin taku bagopi kin waqu kte šni.

9 Iho, taku tokaheya qon hena yučetupi, nakun taku teca omdaka ece ; hena icage šni itokam nahonciyapi kta.

10 Odowan teca wan Jehowa kahiyaya po, iye toyatan maka ihanke kin etanhan, tona miniwanca ekta idadapi qa taku on ojudan ; wita kin hena, en ounyanpi kin hena koya :

11 Tintoskan qa en tonwanyanpi ho wankan yeyapi kte, Kedar en tonwanyanpi kin hena : imni-

ja ounyanpi kin hena downapi kte, he ipa kin etanhan iyašapi nunwe.

12 Wowitan Jehowa qupi nunwe, qa iye toyatan kin he wita kin ekta oyakapi kte.

13 Wicašta wašaka iyecen Jehowa hinanpe kta : wicašta zu-ye cin iyecen wowinawizi hduhice kta : iyaša kta, han, ho hdatanin kta ; tokawicaye cin on ihduwašake kta.

14 Wanakajatanhan inina manka ; ie šni waun ; ținsmiçiya ce ; tuka nakaha winohinca hoksi-ksuya, iyecen wašicahowamde kta ; wamdapote kta qa wancahna wanawapce kta.

15 He qa paha kin hena he-woskan wakage kta, qa wato en un kin iyulipa mdušnije kta ; qa wakpa kin hena ihewita wakage kta ; qa mdedan kin hena mdupuze kta :

16 Qa canku wan sdonyapi šni kin he ohna ištagongapi kin maniwicawaye kta ; ocanku sdonyapi šni kin ohna yus awicawau kta : wicitokam otpaza kin he iyoyanpa kta, qa taku škoškopa owotanna wakage kta. Dena taku kin ecawicawecon kta, qa awicamduštan kte šni.

17 Tona wakagapi bagopi wacinyanpi, tona wakagapi šdoypapi kin, Taka wakan unkitawapi kin he niyepi ce, eyapi kin hena nina ištecapi kta, hena hekta hdicuwicayapi kta.

18 Noge nitpapi, nañon po ; qa iştanigongapi, etonwan po, hecen wandakapi kta ce.

19 Tuwe mitaokiye iyecen ištagonga he ; qa tuwe wahošiya mitawa yewaši kte cin iyecen nogetpa he : tuwe koda iyecen ištagonga, qa tuwe Jehowa tao-kiye iyecen išta wanica he.

20 Taku ota wandaka, tuka

ISAYA TAWOYUKCAN KIN,

awacanni kte śni: noge yuħdo-kapi, tuka wanaħon kte śni.

21 Jehowa iye toowotanna on iyuħkin ĩnca; wope kin he ĩdutanka qa ĩduonihan kta.

22 Tuka oyate kin de wicakipi qa waboticapi; hena owasin makohdoka ohna wicayuzapi, qa wicokaške tipi ohna nawicalımanpi: hena wayaka awicayapi, qa tuwedan ewicahdaku śni; wawicakipi qa tuwedan, Wicakieu wo, eye śni.

23 Niyepi etanhan tuwe de awacin kta he; tuwe anohkiye ĩa tokata anagoptan kta he.

24 Jakob wakipi kta wicaqu, qa Israel wamanonpi en hiyuwicaye cin he tuwe he: Jehowa waunkicilıtanipi kin hee śni he. Iye tacanku kin ohna mani wacınpi śni, qa toope kin anagoptanpi śni nakaes.

25 Heon etanhan iye tocaniye wobitika qa wicokicize wowaħako kin he akaħtan: unkan he ohomni aidekiya, tuka sdoneyē śni; qa iye guya tuka cante ekta yus wacin śni.

WICOWOYAKE 43.

1 Tuka wanna Jakob, tuwe nicage cin he, qa Israel, tuwe icahniye, Jehowa hee hecen eya; Wakokipe śni wo, opeciciton nakaes; nicaje on cico, tawaciya.

2 Mini kin ehna idada kinhan cici waun kta; qa wakpa kin opta, he akam iniyaye kte śni; peta ehna mayani kinhan nigu kte śni, nakun ide kin ainide kte śni.

3 Jehowa Wakantanka nitawa kin he miye nakaes, Israel Towakan, Wanikiya nitawa; opeciciton kta on Egupta waqu, niye on Kuħ qa Seba iyopewayaya.

4 Miiħta en nitelika heon niyuonihanpi, nakun miye waħtecidaka; heon etanhan niye on wicaħta wicawaqu kta, qa oyate ninagi on.

5 Wakokipe śni wo, miye cici waun nakaes; wicoicage nitawa wiyohiyanpatanhan awaku kta, qa wiyohpeyanhan mnaciyekta:

6 Waziyata kin hewakiye kta; Hiyuya wo; qa itokaga kin; Patan śni wo; tehantanhan micinksi awicau wo, qa micunksi kin maka ihanke kin etanhan:

7 Tona micaje on caħtonpi qa mitowitan on wakaga owasin; miye wakaga nakaes, han icahwaya.

8 Oyate iħtagongapi kin hena hiyuwicaya wo, qa tona iħta yukanpi; qa nogetpapi, qa tona noge yukanpi:

9 Ikcewicaha owasin witaya upi kta, qa oyate kin mniciyapi kta; hena etanhan tuwe he de oyake kta, qa taku otokahe ekta un qon unkipazopi kta he: wayaotanin wicahdoui kte, hecen ihdaowotanpi kta; qa iħ nahonpi qa, He wowicake ce, eyapi kte.

10 Wayaotanin mitawa kin he niyepi, qa mitaokiyē wahdahniģe ciqon, Jehowa eya; hecen sdoniyayapi qa wicamayadapi kta, qa he miye e oyakahniģapi kta: mitokam taku wakan takudan kagapi śni, qa mihakam wanice kta.

11 Jehowa he miħ miye: qa micunonpatanhan Wanikiya wanica.

12 Miye womdake ĩa waniwakiya qa wamdaotanin, wanji tokēca niyepi ehna un śni qehan; heon etanhan wayaotanin mitawa kin niyepi, Wakantanka he miye e, Jehowa eya.

WICOWOYAKE 44.

13 Han, anpetu kin he itokam he miye; qa tuwedan minape etanhan waeyaku okihi śni: miye taku ecamon kta, qa tuwe anapte kta he.

14 Jehowa Wanikiya nitawapi, Israel Towakan kin he hecen eya; Niyepi on Babel ekta yewicawaśi, qa wonajice tawa iyupipa kun ehpewicawaya, nakun Kasdim oyate wita wata ohna iyaśapi kin heña.

15 Jehowa Taku Wakan nitawapi, Israel Icahwicaye cin, Wicaśtayatapi nitawapi kin he miye ce.

16 Tuwe miniwanca ohna canku wan kage ça mini tanka en ocanku wan;

17 Tuwe canpahmihma qa śuktanka, ozuye qa wowaśake hiyuye cin, Jehowa hee hecen eya; Witaya iwankapi kta, ake inajinpi kte śni: hena atakunipi śni, hañonta ide kin iyecen kasnipi ce.

18 Taku tokaheya qon hena kiksuyapi śni po; qa taku tanina un kin hena awacinpi śni po.

19 Iho, taku teca wan ecamon; wanna icage kta; he sdonyayapi kte śni he. Han, tintoskan canku wan wakage kta, hewotahedan wakpa wanke kta.

20 Tinta wamanica kin, unktehi qa hinhankaga cinca hena mayuonihanpi kta; tintaoskan mini hiywayne, hewotahedan wakpa wicawaqu, mitaoyate wahdahñige ciqon mini yatkewicawakiye kta heon.

21 Oyate kin de miye mićicaga: hena mitoyatan yaotaninpi kta.

22 Tuka Jakob, hoyemayakiye śni; Israel, miye on mdoyakiće ciqon:

23 Wohuhñage nitawa tañinca cinca mayakahi śni; qa nitawośna on mayaduonihan śni. Wo-

śnapi on wowidagciye śni, qa wowizite on iyotanhan iyeciciye śni.

24 Mazaska on sinkpe tawote takudan opemiyeciton śni, qa nitawośna cepa on imnamayaye śni: tuka wayahtani on wowidag mayaya, taku śica ecanon kin on iyotanhan iyemayakiya.

25 Miye, miye hinca on, tuwe taku śica nitawa nicicajuju kin he miye; qa wayahtani kin hena weksuye kte śni.

26 Kiksuyemayan ye; unkiciyukan kta: nihdaowotanna kta e on wohdaka wo.

27 Niyate tokaheya qon he wahitani, qa tona waonspeniciyapi kin hena makipajinpi.

28 Heon etanhan tipi wakan itancanpi kin wicamdaśica, qa Jakob woyaśice en iyewaya, qa Israel woiyopeye ekta.

WICOWOYAKE 44.

1 Tuka nakaha Jakob mitaokiye, nañon wo; qa Israel wahdahñige cin:

2 Jehowa hecen eya; Tuwe nicage ça wicatamni etanhan icahñiye cin he oniciye kta: Jakob mitaokiye, wakokipe śni wo; qa niye Jeśurun wahdahñige cin.

3 Tuwe ipuza kin he mini awakaśtan kta, qa mini tanka maka puza kin akan: nicinca kin Mitaniya awakaśtan kta, qa mitoyawašte cincawicayaye cin akan:

4 Hecen peji ehna icagapi kta, wakpicahda cohwanjica kin iyececa.

5 De, Jehowa tawamayan ce, eye kta; qa he Jakob caje eya caje ihdate kta; qa wanji is, Jehowa tawa ce, iye nape en okiwa kta, qa Israel caje eya caje ihdate kta.

6 Jehowa Israel ta Wicaśtaya-

tapi, qa tuwe opekiron qon, Jehowa wicobe tawa kin he hecen eya; Tokaheya kin he miye, qa ehake un kin he miye; qa micunonpatanhan Taku Wakan wanica ce.

7 Qa tuwe, miye iyececa eyanpaha kta, qa he oyake kta, qa wiyeya emicihnake kta, wanakaja oyate ewicawahde kin iyececa he: hecen taku tona u, qa taku u kte cin hena owicakiyakapi kta.

8 Cancanpi šni qa wakokipapi šni po: hetanhan miye nahonciyapi šni qa omdake šni he; wayaotanin mitawa kin he niyepi nakaes: Micunonpatanhan Taku Wakan yukan he. Hiya, Imnija wanica, takudan sdonwaye šni.

9 Tona wakagapi bagopi kagapi kin hena owasin takupi šni; taku waštedakapi kin hena takudan okihi kte šni: nakun iye ihdaotaninpi; hena wawanyakapi kte šni, qa wasdonyapi kte šni; hecen ištecapi kta tuka.

10 Tuwe taku wakan wan kaga, qa wakagapi wan takudan okihi šni kin heca šdoya he.

11 Iho, tawašitku kin iyuhpa ištecapi kta: qa tona kagapi kin hena wicašta etanhanpi: hena owasin yuwitayapi kta, hena najinpi kte; hena wakokipapi kta, hena witaya ištecapi kta.

12 Maza kage cin he onspe wan kaga, qa petaga ehna htani, qa nakun maziya on kicanyan qa iye isto wašake cin on yušan kta: han, iye hinca wotektehda, unkan towašake wanica; mini yatke šni, unkan hunkita.

13 Cankajipe cin he caniyute wan on iyuta; icago wan on icagokta; canicaħdoke onkašpekta; qa mazicago wan on kago kta; qa hehan wicašta ouncage iyece-

ca kage kta, wicašta towašte kin iyececa; hecen tipi kin ohna he kta.

14 Ĥante ša ĥdaksa, nakun uskuyeca qa utuku can icu, he contanka can kin ehna kiyuwašake kta; wazi can wan oju, unkan magaju kin icaliye kta.

15 Unkan he wicašta wan peta en aonpe kta; qa hetanhan iye icu kta, qa on cosiciye kta; han, iceti qa aguyapi španyan; han, on taku wakan wan kage ĥa ohoda; etanhan wakagapi bagopi wan kage ĥa itokam makata ehpeiciya.

16 Ĥanke etanhan peta en ĥuħnaga; hanke on tado yuta; wošpanye ceonpa qa imnan; han, cosiciya, qa, Aha, macoza, peta wanmdaka ce, eya:

17 Qa taku okaptapi kin he taku wakan kaga, wakagapi bagopi iye tawa kin hee; en makata ehpeiciya, qa ohoda, qa cekiya, qa, Emahdaku wo, taku wakan mitawa kin he niye nakaes, eya.

18 Hena sdonyapi šni, qa okaħnigapi šni; iye hena išta aohdutowicaya, hecen wanyakapi kte šni, cantepi nakun, hecen okaħnigapi kte šni.

19 Heon tuwedan cante on awacin šni, nakun wosdonye wanica, qa wookaħnige wanica, on heye kta tuka; Ĥanke peta en ĥuħnaħwaye; han, nakun he petaga on aguyapi španwaye; on tado cowaqin qa wata: unkan taku okaptapi kin he etanhan wowahtedašni wan wakage kta he; cankaga wan en makata ehpemiciye kta he.

20 Caħota yuta; cante hnanpanpi wan he icunonpa iyayeya, heon iye nagi eiħdaku kte šni, qa, Minape etapa ohna woitonšni yuke šni he, eye kte šni.

21 Dena kiksuya wo, Jakob qa

Israel; mitaokiye kin he niye nakaes: miye cicaga, mitaokiye kin he niye: Israel, miye aciktonje kte sni.

22 Taku sica ecanon kin, malpiya soka iyececa, wakajuju; qa wayahani kin malpiya sapa iyececa: Miye en ihdoku wo, opeciton kin heon ctanhan.

23 Malpiya, dowan miye, Jehowa hecon nakaes: maka ihukuya kin, iyaša po: paha kin niye, contanka qa ohna can otoiyo-hi, kahiyaya po: Jehowa Jakob opekton nakaes, qa Israel en wowitan icicaga.

24 Jehowa openicton qa wicatanmi etanhan icalniye cin he hecen cya; Jehowa taku owasin kaga, isnana malpiya kin hdumdaya qon he miye: maka kin misnana wahdumdaya:

25 Tona itonpi sni wowakta tawapi kin yuecetu sni, qa wapiye sa kin wicayuhnaškinye kta; wicašta ksapa hekta itoheya hdi-cuwicaya, qa tookalnigepi kin yuwitkotkoke kta:

26 Iye taokiye oie kin yuecetu, qa wahošiya tawa tawowahokonkiye kin ecetukiciciye kta; tuwe, Ounniyanpi kta ce, Jerusalem eciya; qa Juda otowwe kin, Ake nicagapi kta, qa makoskantuya wanke cin ake piwaye kta ce, eye cin he miye.

27 Tuwe mini šbe cin heciya; Puza wo, qa wakpa nitawa oyahe-waye kta ce:

28 Tuwe Kuros heciya; Wonwicaye mitawa hee, hecen mitoiyokipi ocowasin econ kta; qa Jerusalem heciye kta; Nicagapi kta; qa tipi wakan kin, Ohehdepi nitawa ehnakapi kta ce, eciye kta.

WICOWOYAKE 45.

1 Jehowa Kuros sdakiye cin

* 16

hee, itokam Ikcewicašta kin awicahanpi kta e nape etapa sutaya mduza; qa wicaštayatapi ipiyake wicawakiyuške kta, hecen he itokam tiyopa itakihna kin yuhdokapi kta; qa tiyopa kin hena ecen icupi kte sni, hecen eciya;

2 Nitokam miye mde kta, qa taku škopa kin he owotanna wakage kta: mazaša tiyopa kin mduweliwege kta, qa maza sapa inatake kin wakaksaksa kta.

3 Qa otpaza en womnaye kin eicu kta, qa wowijice onalibe en nahmanpi kin hena; hecen Jehowa miye, tuwe nicaje cajeyate cin, Israel Taku Wakan tawa kin he miye c sonyaye kta.

4 Jakob mitaokiye qa Israel wahdahniye cin heon nicaje on cico kta: sdonmayaye sni ešta cašceton kta.

5 Jehowa he miye, qa tokeca wanica, micunonpatanhan Taku Wakan wanica: miye ipiyagceton kta, sdonmayaye sni ešta.

6 Hecen tona wihinanpatanhan qa wiyohpeyanhan kin hena micunonpatanhan wanica e sdon-yapi kta. Jehowa he miye, qa tokeca wanica.

7 Iyoyanpa icalhwaya, qa otpaza wakaga; wookiye mdušan, qa wošice wakaga; Jehowa miye dena owasin ecamon ece.

8 Malpiya kin wankantanhan šbuya miye, qa malpiya soka kin hena woowotanna hinheya nunwe; maka kin ihduhdokekte, hecen wowanikiye icalhwayi kta, qa woowotanna kici icaga nunwe: Jehowa miye hena wakaga ce.

9 Hehehe, tuwe Waicaliye tawa kin kipajin hecinhan; wakšica onšpa maka wakšica onšpa kicica. Upšija kin he tuwe kage cin, Taku ecanon he, eciye

ISAYA TAWOYUKCAN KIN,

kta he : qa nitohtani, Nape wana ce, eye kta he.

10 Hehehe, tuwe atkuku heciya; Taku icaliyaya he; qa winohinca kin, Taku yaton he, eciye cinhan.

11 Jehowa Israel Towakan qa Waicalhye tawa kin he hecen eya; Micinca on taku tokata u kte cin hena imawanga po, qa minape taku kage cin on econ mayasipi kta.

12 Miye maka kin wakaga, qa wicasta aicalhwaye. Miye minape kin malhiya kin yumdayapi, qa obe tawa kin iyulipa mdusuta.

13 Woowotanna on iye icalhwaya, qa tacanku owasin mduwotanna kta: iye mitotonwe kin kage kta, qa wayaka mitawa hdicuwicakiye kta, on opetonpi qa wiyopeyapi wanica, Jehowa wicobc tawa kin he hecen eya.

14 Jehowa hecen eya; Egipta tohtani, qa Kus tokamna, nakun Sabea wicasta tanka tokamna kin niye en u kta, qa hena nitawa kta; nitokam upi kta; mazaicahihha ikoyag ihdoui kta, qa nitokam makata elpeiciyapi kta; hena ceniciyapi kta; Awicakehan Taku Wakan kin nici un, qa wanji tokeca yuke sni, taku wakan wanica ce, eyapi kta.

15 Israel ta Wakantanka, Wanikiye cin he, awicakchan Taku Wakan anaicilibe cin he niye.

16 Hena owasin witaya istecapi qa nakun nihinciyapi; wakagapi kagapi kin hena witaya wonihinciye ekta iyayapi.

17 Jehowa en wowanikiye owihanke wanica on Israel nikiyapi kta: niye iniistecapi kte sni, qa nihinniciyapi kte sni, owihanke wanica.

18 Jehowa malhiya kin kaga; Wakantanka iye hinca maka kin

icalhye ca kaga; he hdusuta, taku on etanhan sni kage sni, ohna tipi kta e icalhye cin he hecen eya; Jehowa he miye, qa tokeca wanica.

19 Woinalibe en, maka otpaza awanke cin ohna iwae sni: Jakob cinca kin, Taku sni on miite akita po, ewicawakiye sni: Jehowa woowotanna ohdake cin he miye, taku ecetu kin hena omdaka ece.

20 Mniciyapi qa u po; Ikcewicasta etanhan nayajicapi kin witaya kiyedan ihdou po. Tona wakagapi bagopi can kin ekihdepi qa taku wakan wanikiya okihi sni cekiyapi kin hena takudan sdonyapi sni.

21 Woyaka po qa kiyedan ihdou po: han witaya ikiciyukanpi kte. Wanakaja tanhan de tuwe oyaka he; hetanhan tuwe yaotanin he: Jehowa miye sni he; qa micunonpatanhan taku wakan wanica; Taku Wakan owotanna qa Wanikiya; micunonpa tanhan wanica.

22 Maka ihanke kin owasin ahimatonwan po, kinhan yanipi kta: Wakantanka he miye, qa tokeca wanica nakaes.

23 Miye hinca on wakanza, woowotanna on wicoie kin mii ctanhan enapeya, unkan hdicu kte sni: Miye en wicahupahu otioyohi patuje kta, qa wicaceji otioyohi wohdake kta:

24 Awicakehan Jehowa en woowotanna qa wowicake mduha ce, eye kta: iye en ahi kta; qa tona canniyeyapi kin owasin istecapi kta.

25 Israel cinca kin owasin Jehowa en ihdaowotanpi qa itanpi kta.

WICOWOYAKE 46.

1 Bel canpeska makehde ina-

WICOWOYAKE 47.

jin, Nebo patuš un : wakagapi tawapi kin hena woteca qa wanunyanpi kin akan hiyeya : waqinpi nitawapi kin iakan ehna-kapi ; mdokite cin he yušaka.

2 Patuš unpi, witaya canpeška makehde yukanpi ; taku qinpi kin anakikšín okihipi šni, tuka iyepi kaeš wayaka iyayapi.

3 Jakob tiyohnaka qa Israel tipi etanhan tona okaptapi, wicatezi etanhan wicayuhapi, wicatanmi etanhan wicaqinpi owasin niye anamagoptan po :

4 Wicahinca ehan yaipi kta behanyan he miye ; qa pa skapi behanyan ciqinpi kta ; miye wakaga nakun mduhe kta ; miye hinca wawaqin kta, qa ecihdakupi kta.

5 Hecen tuwe e imayadacinpi kta he, qa iyececa mayakagapi kta he, qa kici iwanmayadakapi kta, hecen akiyeuncecapi kta.

6 Mazaska opiye etanhan mazaskazi hiyuyapi, qa onaspeyapi kin on mazaska tkeutapi ; mazaskazi kage cin wan opetonpi kta ; unkan he taku wakan wan kage kta : en makata elipeiciyapi kta, han ohodapi kta :

7 Hinyete akan ehna-kapi kta, qinpi kta, qa tohe kin en ehdepi kta ; unkan en he kta ; tohe kin etanhan tokan ye kte šni : han, tuwe hoyekiya ešta ayupta okihi kte šni, qa tokakije etanhan eyaku kte šni.

8 De kiksuya po, qa wicašta yaunpi hdutanin po : ake cante en yuza miye, wayahtanipi sa.

9 Taku wanakajatanhan un kin hena kiksuya po ; Iyotan Wašake cin he miye, qa tokeea wanica ; Taku Wakan kin he miye, qa tuwedan iyemacece šni.

10 Otokaheya taňhan owihanke kin omdaka, qa wanakajatanhan taku nahanhin econpi šni

kin ; Mitowiyukcan kin ecen he kta, qa mitoiyokipi kin iyulpa mduštan kta ce, epa :

11 Wibinanpatanhan zitkadan wayapote sa wan weco, qa makece tehan wanke cin etanhan mitowiyukcan wicašta kin : Han, miye ecen epa, nakun ece-tuwakiye kta ; wakonza, nakun ecen ecamon kta ce.

12 Tona cante nisutapi, woowotanna itehan yaunpi kin, anamagoptan po :

13 Mitoowotanna kin he kiyedan awaku ; he itehan yanke kte šni, qa wowanikiye mitawa kin he hanhi kte šni. Tuka Israel mitowitan kin on Zion en wowanikiye ewehnake kta

WICOWOYAKE 47.

1 Babel eunwintku witanšna, kun u qa watušekšeca en iyotanka wo : makata iyotanka wo : Kasdim eunwintku, oiyotanke wašte wanica ; detanhan icimana wankadan qa suta šni eniciyapi kte šni.

2 Inyan wiyutpan kin icu qa wotpanpi kaga wo : ite akahpe nitawa eyaku wo, nitoške hdušdoka wo, sican hducoka wo, wakpa kin copa wo.

3 Tanconikadan šdayehna un kta ; han, nitowištece kin wan-yakapi kta : watokiçonpi ecamon kta, qa wicašta kici oweciye kte šni.

4 Opeunkitonpi kin he Jehowa wicobe tawa eciyapi, Israel Towakan kin hee.

5 Kasdim cunwintku, inina iyotanka wo, qa otpaza ekta ya wo ; detanhan icimana, Wokiconze wicaštayatapi winohinca, eniciyapi kte šni.

6 Mitaoyate eanniyewicawakiya, taku mitawa kin he mdušape

ISAYA TAWOYUKCAN KIN,

ça ninape en wicawaqu. Ecaca onsiwicayada sñi; wicahincapi kin hena cannapinpi nitawa tkeya awicayahnaka.

7 Qa heha; Ohinniyan wicaštayatapi wimanolinca kta ce. Hecen dena en nicante cyahnake sñi, cwihanke kte cin he yeksuye sñi.

8 Heon etanhan de nañon wo, giyokipiiciya nanke cin, oziiiciya idotanke, nicante en hehe cin; Miye qa micunonpatanhan tuwedan sñi, wiwazica imdotanke kte sñi, qa wicacınca taninpi sñi kin he sdonwaye kte sñi ce, eha.

9 Tuka dena oza ihnuhanna, anpetu wanjidan en aniu kta, wicacınca taninpi sñi, qa wiwazica unpi kin: hena ocowasin en ni u kta, wakan yakaga ota qeyaś; nina ħin wapiyapi eanon ešta.

10 Niohan síce cin he wacinyakiya; Tuwedan wanmayake sñi ce, eha. Nitoksape qa nitookaħnige kin he niñayan: hecen nicante en heha; Miye, qa micunonpatanhan tuwedan sñi ce.

11 Heon etanhan taku síca en niu kta; tokiyatanhan hinañpa sdonyaye kte sñi; qa wośice anihinlipaye kta; yutokan iyeyaye kta oyakihi kte sñi; qa woihangye sdonyaye kte sñi kin he ihnuhanna en niu kta.

12 Wanna wapiyapi nitawa, qa wakan yakaga ota ħinca, incaga ehantanhan ehna yaśkan kin hena bduha inajin wo; okinni iwašte yaun oyakihi kta, okinni wakokipe wicayecage kta.

13 Wowiyukcan nitawa ota on mdoyakiťa. Iho, wanna tona malipiya iyutapi kin, tona wicanlipi wanyakapi, tona wi kin on waayatapi ece kin hena inajinpi, qa taku en aniupi kte cin etanhan eniyakupi nunwe.

14 Iho, hena aguyapi hu iyececapi; peta ħuhnaħwicaye kta; ide nape kin etanhan iye nagi cihdakupi kte sñi: petaga on cosiciyapi, qa peta itokam iyotankapi kte cin wanice kta.

15 Tona inicaga chantanhan om ħtayani, wicašta wopeton nitawa kin hena hecen nicuwapi kta; otioyohi makoce tawa kin ekta hde kta; tuwedan niniye kte sñi.

WICOWOYAKE 48.

1 Jakob tiyohnaka, de nañon po, tona Israel caje on cajeniya-tapi, qa Juda mini kin etanhan inayapapi, tona Jehowa caje on wakonzapi qa Israel ta Wakan-tanka cajeyatapi ece, tuka wowicake qa woowotanna eciyatanhan sñi.

2 Hena otonwe wakan kin icajeiciyatapi, qa Taku Wakan Israel tawa kin he wacinyanpi nakacś: He Jehowa wicobe tawa eciyapi.

3 Otokaheya tanhan taku tokaheya qon hena omdaka; unkan hena mii etanhan enape, qa hena mdaotanin: ihnuhanna ecamon, unkan hena ecetu.

4 Niteħika e sdonwaya, qa nitahu maza ikan kin heca, qa nite mazaśa, nakaes:

5 Heon etanhan otokahcya tanhan hena ociciyaka; hinyaħin ecctu sñi chan ciciyaotanin: okinni, Wakagapi mitawa dena econ; qa wakagapi bagopi mitawa, qa wakagapi sđoyapi mitawa kin he hena yuśtan ce, ehe kta nace.

6 Wanna nayalion, dena owasin wanyaka wo; unkan niye odakapi kte sñi he. Detanhan taku teca wanyagciciya, taku naħmanpi qon, unkan hena sdonyaye sñi.

WICOWOYAKE 49.

7 Hena nakaha kagapi, qa otokaheya tanhan šni ; anpetu kin de itokam hena nayahon šni ; okinni, Iho, hena sdonwaya ce, ehe kta tuka qon.

8 Han, nayahon šni ; han, sdonyaye šni ; han, nakun itokam noge niyuhdokapi šni. Wahnyan oyahande kta, qa wicatamni etanhan wahitani sa eniciyapi kin he sdonwaya.

9 Micaje on etanhan mitocanniye wahdapte kta, qa mayatanpi kta e niye on anamiçipte kta, hecen cicakse kte šni.

10 Iho, ciyuecedan, tuka mazaska kicica šni ; wokakije oetti-kin en eihdalniga.

11 Miye on etanhan, miye linca on etanhan ecamon kta : tokeca micaje yuašapapi kta he : qa mitowitan kin he tuwe tokeca waqu kte šni.

12 Jakob anamagoptan wo, qa Israel weco qon ; He miye, Tokaheya qa nakun Ehake un kin he miye.

13 Nakun minape maka oahe cin ehna ; qa minape etapa mahpiya kin hdumdaya. Hena wicawakipan eca witaya inajinpi ece.

14 Niyepi owasin mniciyapi qa nahon po : hena etanhan wanji tukte dena oyaka he. Jehowa he waštedaka : iye toiyokipi kin Babel en econ kta, qa iye nape Kasdim akan yanke kta.

15 Miye, miye iwae ; han, miye he weco ; miye awahi ; unkan iye tacanku kin tanyan ihunnikiye kta.

16 Mikiyedana u po, de nahon miye : otokaheya tanhan oinalibe en iwae šni ; totanhan unkin hen miš waun. Unkan nakaha Jehowa Itancan kin u maš, qa iye Taniya kin.

17 Jehowa openiciton kin, Is-

rael Towakan kin he hecen eya ; Jehowa Taku Wakan nitawa, token oyakihi kta onspeniciye, canku opeya de kte cin he ohna aniye cin he miye.

18 Tokin mitawoahope kin hena anayagoptan unkanš ; hehan wookiye nitawa kin wakpa wan iyecece kta, qa nitoowotanna miniwanca taja kin iyecece kta tuka.

19 Nakun nicinca wiyaka kin iyecece kta, qa nitezi etanhan icage cin hena casmu iyececapiki kta : iye caje kin kaksapiki kte šni, qa mitokapatanhan ihangyapiki kte šni tuka.

20 Babel etanhan hdinanpa po, Kasdim etanhan najica po ; dowanpi ho kin on eyanpaha miye, de oyaka po, maka ihanke kin hehayan yaotanin miye ; Jehowa iye taokiye Jakob he opekiton ce, eya po.

21 Unkan hena hewotahedan makoce kin ohna awicaye ciqon hehan ipuzapiki šni : imnija kin etanhan mini hiyuwicakiciciya ; nakun imnija kin kahdoka, unkan mini bomdu hiyu.

22 Tona šicapi kin hena wookiye nicapi ce, Jehowa eya.

WICOWOYAKE 49.

1 Wita kin, niye namañon po ; qa oyate tehan yaunpi, anohkiya po : Wicatamni etanhan Jehowa makipan, ina tezi etanhan cajemayata.

2 Qa mii kin he mazasagye pe linca iyececa kaga ; iye nape ohanzi kin en namañbe, qa wanlinkpe pabezapiki makaga ; iye wanju tawa kin onamañman ;

3 Qa hemakiya ; Israel, mitaokiye kin he niye, niye on mihduwitan kta ce.

4 Hehan miye hepe ; Takušni

ISAYA TAWOYUKCAN KIN,

on ktawani; etanhan takudan icage s̄ni, qa takuśni on mitowaśake wahdusota; Tuka woyaco mitawa kin he Jehowa kici un, qa mitoh̄tani kin mita Wakantanka kici un.

5 Unkan nakaha Jehowa wicatanui etanhan taokiye maye kta makaga, Jakob iye en awaku kta, he kaken eya; Israel mnayanpi s̄ni qeyaś Jehowa iśta kin en wowitanyan waun kta, qa mita Wakantanka wowaśake mitawa kin hee kta.

6 Nakun hecen eya; Mitaokiye he niye, Jakob towicoun najin wicayakiye kta, qa Israel okaptapi kin wicaduecetu kte cin he taku tanka s̄ni: nakun Ikcewicaśta kin iyoyanpa yaun kta ciċu, heon maka ihanke kin hehanyan wowanikiye mitawa kin he niye kta.

7 Jehowa Israel opekiton, qa Towakan kin he, tuwe nina śicedakapi, tuwe Ikcewicaśta walitedapi s̄ni, wicaśtayatapi tawowidake kin he heciya; Wicaśtayatapi wanyakapi kta, qa wicaśta itancanpi kin inajinpi kta, nakun patujapi kta. Jehowa wacinyepica, Israel Towakan kin on; unkan iye nicalnigapi kta.

8 Jehowa kaken eya; Tohan oiyokipi kinhan naciĥon, qa wowanikiye anpetu kin en ociciya: Unkan awanciyake kta, qa oyate kin en wicotakuye wan ecihde kta, maka kin yusutapi kta, qa ounyanpi hewoskantu kin tawa wicayaye kta:

9 Hecen wicakaśkapi kin, Tankan u po, ewicayakiye kta: tona otpaza en unpi kin hena, Ihdutanin po, ewicayakiye kta. Canku kin ohna wotapi kta, qa paha śdayehna owasin akan tawih̄anpi yuke kta.

10 Hena e wotektehdapi kte

s̄ni, qa ipuzapi kte s̄ni; qa omaśte qa anpetu wi kin aśpanwicayapi kte s̄ni: Tuwe onśiwica, kida kin he yus awicaye kta nakaeś, qa miniyowe kin en awicai kta.

11 Qa he mitawa owasin canku wakage kta, qa ocanku tanka mitawa kin hena wankan yeyapi kta.

12 Iho, dena tehantanhan hipi kta; qa iho, dena waziyatanhan qa wiyoh̄ipeyatanhan; qa dena Sinim makoce kin etanhan.

13 Mah̄piya, dowan miye; qa maka, wiyuśkinyan un wo; nakun paha kin, dowan hinhda miye; Jehowa iye taoyate cantoh̄nagwicaya nakaeś, qa kakiświcaye cin hena onśiwicakida kta.

14 Tuka Zion heya; Jehowa amayuśtan, qa Itancan mitawa amiktonja ce.

15 Winoh̄inca hokśiyooqopa azin kin he akiktonje kta, hecen iye tamni cinca kin onśikida kte s̄ni he: Han, hena wakiktonjapi kta nace; tuka miye qe aciktonje kte s̄ni.

16 Iho, minape cokaya en bacigo; conkaśke nitawa ohinniyān mitokam wanke.

17 Nicinca inaln̄ipi: tona niyujupi qa niyutakunipi s̄ni qon hena nitantanhan napapi kta.

18 Ohomni iśta yuwankan ikiċu qa wanyaka wo: dena owasin ihduwitayapi; hena en niupi. Miye wani, Jehowa eya, hecen dena iyuh̄pa koyah̄dake kta, oinpi wan iyececa, qa winoh̄inca wan hihnaton kte cin iyecen ipiyah̄dake kta.

19 Tintoskan nitawa, qa hewoskan makoce nitawa, qa makoce en niyutakunipi s̄ni qon he dehan wicota en ounyanpi kin on onikan kte s̄ni, qa nanipeapi qon hena itehan unpi kta.

20 Nakun cinca nicitaninpi sñi gon hena ninoge en heyapi kta ; Makoce ocikan sñi, makiyukan wo, hecen en ounwaye kta ce.

21 Hehan nicante en hehe kta ; Dena tuwe icañmiciya he, cinca makitanin sñi, qa cinca codan wayaka waun qa unhdaka waun ; unkan dena tuwe icañwicaya he. Iho, mišnana omakaptapi ; dena tokiya unpi tuka he.

22 Jehowa Itancan kin he hecen eya : Iho, Ikcewicašta ekta nape wahdugate kta, qa oyate kin en wiyokihedan wan ewehde kta : unkan maku ohna nicinksi awicaupi kta, qa nicunksi pi kin hinyete akan wicaqinpi kta.

23 Qa ateyayapi wonicupi kte cin wicaštayatapi eepi kta, qa winohinca tanka tawapi kin hena azinniciyapi kta : hena niye en makipusdiya patuš inajinpi kta, qa nisiha watušekseca kin asdipapi kta : unkan Jehowa he miye sdonyaye kta ; tona wacinmayanpi kin hena ištecapi kte sñi nakaes.

24 Wakipi kin he wicašta wašaka etanhan icupi kta he, qa owotanna wayaka un kin le ehdakupi kta he.

25 Tuka Jehowa hecen eya ; Wicašta wašaka wayaka wicayuhapi kin hena ewicayakupi kta, qa wakipi kin wicašta wohitika ewicakicihdakupi kta ce. Tuwe nicize cin he kici wecize kta nakaes, qa nicinca niwicawaye kta.

26 Qa tona kakisniyanpi kin hena iye celipi hdunwicawakiye kta, qa iye we kin on witkopi kta, miniša teca on iyececa ; unkan Jehowa Wanikiya nitawa, qa tuwe openiciton, Wanji Wašaka Jakob tawa kin he miye e wicacelipi owasin sdonyapi kta.

WICOWOYAKE 50.

1 Jehowa hecen eya ; Kicipaganpi wowapi on nihun eñpewakiye cin tukte e he : qa icazo makiyapi kin tukte wanji en wiyopeciciyapi he. Iho, wayahtanipi on wiyopeniciyapi, qa taku šica ecanonpi kin on etanhan inayayapi kin kpaganpi.

2 Heon etanhan wahi qehan tokeca wicašta wanica he : wapan qehan tokeca tuwedan amayupte sñi he. Minape ptecedan, ptecedan, hecen wopekiton okihi sñi he ; qa waehdaku owakihhi sñi he. Iho, wawiyopewaye on miniwanca kin mdapuze kta ; wakpa kin hena liewotahedan wakage kta ; hogan tawapi šicamna kta, mini wanica nakaes, qa ipuza on tapi kta.

3 Mañpiya kin otpaza koyagwaye kta, qa wakihdaka woakalpe wecage kta ce.

4 Jehowa Itancan kin waonspekiyapi ceji kin maqu, hecen wicoie wanji on tuwe mdokita iwakiya onmaspe kta : hanhanna, hanhanna wayulice kta, minoge wicašta waonspe iyecen wanahion kta e yulice kta.

5 Jehowa Itancan kin noge makiyulidoka ; unkan wawakipajinyan waun sñi, qa hekta wahdicu sñi.

6 Mitapete waapapi kin wicawaqu, qa hin yujunpi kin iyoha mitawa wicawaqu : miite wowištenyapi qa atagošapi kin etanhan nawakilibe sñi.

7 Tuka Jehowa Itancan kin omakiye kta, heon etanhan mayušinyaye kte sñi : heon etanhan miite wanhi iyecen wahduza, hecen inaštece kte sñi sdonwakiya.

8 Tuwe mayaowotanna kin he ikiyedon un : tuwe amakinica

ISAYA TAWOYUKCAN KIN,

kta he; witaya naunjinpi kte : tuwe makipajin kta he; he mi-kiyedana u nunwe.

9 Iho, Jehowa Itancan kin oma-kiye kta; tuwe mayaco kta he: iho, hena owasin wokoyake iyecen kuke kta; wayapote sa kin hena wicayapotapi kta.

10 Niyepi etanhan tuwe Jehowa kokipe, tuwe e iye taokiye ho kin anagoptan, tuwe otpaza omani qa iyoyanpa codan un he; he Jehowa caje kin wacinye kta, qa ta Wakantanka en ecihde nunwe.

11 Iho, niyepi owasin ceyatipi, qa pešnija on aohduteničiyapi; peta nitawa iyoyanpa kin en mani po, qa pešnija ideyayapi kin en. Minape etanhan de nitawapi kta; woiyokišice en inunkapi kta.

WICOWOYAKE 51.

1 Tona woowotanna yapasipi, Jehowa ayakitapi, niye anamagoptan po : imnija etanhan nikanpi kin he ekta ekitonwan po, qa maka olidoka etanhan ničapi qon he ekta :

2 Abraham ateyayapi kin he ekta etonwan miye, qa Sara niyuhapi kin he ekta : iye ecedan weco, qa mdawašte qa mduota ce.

3 Jehowa Zion wacintonhnagya; makoce puza tawa ocowasin wacintonhnagya nakaes : qa tintoskan tawa kin he Eden iyececa kage kta, qa hopuza tawa Jehowa tawoju kin iyececa : wicocante wašte qa wiyuški-
pi hen un kta, wopida eyapi qa downpi ho kin hena.

4 Mitaoyate, anamagoptan po ; qa oyate mitawa, anohmakiya po : woope kin mitantanhan inanpe kta, qa mitawoyaco oyate kin en iyoyanpa ewehde kta nakaes.

5 Mitoowotanna kin he kiye-
dan un; wowanikiye mitawa hinanpa; qa miisto oyate kin wicayaco kta : wita kin hena amapepi kta, qa miisto kin he wacinyanpi kta.

6 Mahpiya kin ekta išta hduwankan iyeya po, qa kuya maka kin ekta etonwan po. Mahpiya kin šota iyecen tanin šni iyaya, qa maka kin wokoyake iyecen kuka aye kta; qa tona en ounyanpi kin is eya iyecen tapi kta; tuka wowanikiye mitawa kin he owihanke wanice kta, qa mitoowotanna kin he ihangyapi kte šni.

7 Tona woowotanna sdonyayapi, oyate mitoope nicantepi en un kin, anamagoptan po : wicašta wawiopeyapi kin he kokipapi šni po, qa wayašicapi kin hena on nihinciyapi šni po.

8 Hena wokoyake iyececa wayapote sa temwicaye kta, qa tahinca hin iyececa wamduškan hena wicayapotapi kta : tuka mitoowotanna kin he owihanke wanice kta, qa wowanikiye mitawa kin he wicoicage qa wicoicage hehanyan.

9 Ihduhica, ihduhica wo; Jehowa isto, ihduwašaka wo; wanakaja anpetu kin en iyececa, kikta wo, wanakaja wicoicage kin en iyececa. Rahab kaksaksa qa unktehi palidoke ciqon he niye šni he :

10 Miniwanca, mini tanka kin yupuze ciqon he niye šni he; tuwe miniwanca ošbe kin en canku kaga, hecen tona opewicakitonpi kin ohna yapi kta.

11 Heon etanhan Jehowa opewicakiton kin hena hdicupi kta, qa downwan Zion ekta kupi kta; unkan wowiyuški owihauke šni kin he iye pa akan yanke kta : wicocante wašte qa woi-

yuškin icupi kta; woiyokišice qa comnihdazipi kin hena najice kta.

12 Miye, han tuwe wacintonhnagnianpi kin he miye: tuwe niye he, hecen wicašta te kte cin koyakipe kta he, qa wicašta cinhintku peji iyececa kagapi kte cin he.

13 Qa Jehowa icalniye cin, mahpiya kin hdumdaya qa maka oahehde kin ehde kin he ayehtonja; qa wawakipajin tocaniye kin on anpetu otoiyo hi ohinnyan kopeyahda, waihangya okihi kta iyececa. Unkan wawakipajin tocanniye kin tukte e he.

14 Patuš un kin he kiyuškapi kta inahni, qa hecen woha kin ohna te kte šni, qa aguyapi kiwanice kte šni.

15 Tuka Jehowa he miye, Taku Wakan nitawa, miniwanca yuškaskan, unkan taš tawa hoton; Jehowa wicobe tawa eciyapi.

16 Unkan mioie kin hena nii en owahnaka, qa minape ohanzi kin ohna akahpecicaton; hecen mahpiya kin ti wecage kta, qa maka oahehde kin ewehde kta, qa, Mitaoyate kin niye, Zion ewakiye kta heon.

17 Ihduhica wo, ihduhica wo, Jerusalem, Jehowa nape etanhan iye tocanniye miniyatke dahpe cigon, inajin wo: witkopi miniyatke cetete hehanyan paskicapi kin dahpea.

18 Cinca wicaton kin owasin etanhan tuwedan yus aye šni; qa cinca icalwicakiye cin iyulipa etanhan wanjidand napata hduze šni.

19 Taku kin dena oza en niupi; tuwe aniceye kta he: wicotakuni šni qa woihangye, qa wicaakilian, qa mazasagye:

tokiyatanhan wacintonhnagciye kta he.

20 Nicinca kin hena hustakapi; canku otoiyo hi ipa kin en wankapi, tatokadan wan wohmunke en un kin iyececa. Jehowa tocanniye kin on ojupidan, Taku Wakan nitawa towiyopekiye kin on.

21 Heon etanhan, kakišniyanpi qa winitko yaun tuka miniša on etanhan šni, ceciciya, de nahon wo;

22 Jehowa Itancan nitawa qa Wakantankta nitawa, tuwe taoyate iwicakiye cin he hecen eya; Iho, witkopi miniyatke kin ninape etanhan emdaku, mitocanniye miniyatke hminyanna kin hee; ake icimana datke kte šni.

23 Tuka tona kakišniyanpi napepi kin en wicawaqu kta; tona ninagi heciyapi; Patuja wo, kinhan akan unkiyayapi kta ce: unkan iwankam iyayapi kin hena en nitancan maka iyecen enicahnaka, qa canku kin iyececa.

WICOWOYAKE 52.

1 Kikta wo, kikta wo; Zion, nitowašake kohdaka wo: Jerusalem otowwe wakan kin, wokoyake waštešte kin kohdaka wo; detanhan celipi bakihdayapi šni qa ašapapi kin icimana en niupi kte šni.

2 Maka mdu kin etanhan ihdatata wo; Jerusalem, najin, iyotanka wo; nitahu iyakaškapi kin hdušdoka wo, Zion cunwintku wayaka yaun kin.

3 Jehowa hecen eya; Taku šni on wiyopeniciyapi; unkan mazaska codan openicitonpi kta.

4 Jehowa Itancan kin he hecen eya; Ehanna mitaoyate Egipta en oonyanpi kta e ekta

ISAYA TAWOYUKCAN KIN,

apamahde iyayapi ; unkan taku on etanhan šni Ašur oyate kin kakišwicayapi.

5 Unkan nakaha den taku mici un he, hecen mitaoyate taku šni on ewicayakupi he, Jehowa eya ; tona iwicadakapi kin hena iyašapi, hecen ohinniyān anpetu osan micaje yašicapi ce, Jehowa eya.

6 Heon etanhan mitaoyate micaje sonyapi kta : heon etanhan anpetu kin he en he miye hepa e sonyapi kta ; iho, he miye.

7 He kin akan tuwe wotanin wašte au, tuwe wookiye eyanpaha, he siha oiyokipi hinca ; tuwe wowašte wotanin au, tuwe wowanikiye eyanpaha ; tuwe, Wakantanka nitawa he Wicaštayatapi ce, Zion eciye cin.

8 Waawanhake nitawa hopi kin ; ho wankan yeyapi ; witaya downpi kta ; išta išta itkokim wankiciyakapi kta nakaes, tohan Jehowa Zion ake en hdi kinhan.

9 Jerusalem otiwita kin, wiyuškin hinnda po, witaya down miye ; Jehowa iye taoyate wacintonhnagwicaya, Jerusalem opekton nakaes.

10 Oyate owasin išta kin itokam Jehowa iye isto wakan kin hduzanni : unkan maka ihanke kin iyuhpa Wakantanka unkitawapi tawowanikiye kin wanyakapi kta.

11 Hanta po, hanta po, hetanhan tankan ya po, taku šapa yutanpi šni po ; cokaya tanhan tankan u po ; Jehowa tawakšica yaqinpi kin niye ihduska miye.

12 Hetanhan inaliniyan inayapapi kte šni, qa najica dapi kte šni : Jehowa nitokapatanhan ye kta, qa Israel ta Wakantanka kin he hektapatanhan mnaniyanpi kta.

13 Iho, mitaokiye wacinksam-

ya oħanye kta, ihduwankantu kta, qa yuwankan iyeyapi kta, qa tehan wankan un kta.

14 Token niye on wicota nina yušinyayapi : iye tookitanin kin nina kašicapi, wicašta isanpa, qa itohnake kin Adam cinca isanpa.

15 He iyecen oyate ota awicamnimni kta : iye on wicaštayatapi iohmus icupi kta : taku owicakiyakapi šni kin he wanyakapi kta ; qa taku naħonpi šni qon he awacinpi kta nakaes.

WICOWOYAKE 53.

1 Wounyakapi kin he tuwe wicada he ; qa Jehowa isto kin, tuwe ekta yutaninpi he.

2 Unkan iye itokam camni wankadan iyecen uye kta, qa maka puza etanhan hutkan wan iyececa : wookitanin codan un, qa owanyag wašte šni ; hecen wanunyakapi kinhan wašteundakapi kta e owanyake wašte wanica.

3 Walitedapi šni qa wicašta on ehpeyapi ; wicašta cante šica qa woiyokišice sdonkiya ; qa tuwe ite anaunkičilmanpi kin iyececa ; walitedapi šni, unkan unkiye awauncinpi šni.

4 Awicakehan waunyazanpi kin hena iye yuha, qa wicocante šica unkitawapi kin hena iye qin : tuka kaštakapi, Wakantanka eciyatanhan apapi qa kakišyapi ecanunkinpi.

5 Tuka waunħitanipi kin hena on iye palħdokapi, taku šica e-conkupi kin on kašujapi : wookiye unkitawapi on wokakišye iye akan yanke ; qa iye apapi kin eciyatanhan woasni unhapi.

6 Unkiye owasin taħinca wanunyanpi iyecen unnumipi ; otoidyohi iye tacanku kin ekta unkihduhomnipi ; unkan Jehowa un-

kiye owasin taku síca econkupi kin hena iye en yuwitaya ehna-ka.

7 Nagiyeyapi qa iye hinca kakişyapi ešta ihdukawa kte şni; tañinca cinca iyecen kte-pi kta en ahipi, qa tañinca wanunyanpi hin yuşdapi, wicitokam inina yanke cin he iyecen iye i hdukawa kte şni.

8 Kaşkapi qa yacopi etanhan eyakupi; unkan toicage kin tuwe oyake kta he: wicani makoce kin etanhan kaşpapi nakaes; mitaoyate taku síca econpi kin on, iyepi on kaştakapi.

9 Unkan wicašta şicapi om woña qupi, tuka te çehan wijicapi kin owicapeya wanka: ecin woşice takudan econ şni, qa iye i ohna wohnaye wanica nakaes.

10 Tuka kaşuje kta Jehowa iyokipi; wanna iyokişinya: Tohan iye nagi woahñani woşna yakage cinhan, hehan cinca wanhdake kta, anpetu hduhanska kta, qa Jehowa toiyokipi kin iye nape ohna ecetu kta.

11 Iye nagi htani kin etanhan wanhdake kta, imnan kta: Iye sdonyapi kin on mitaokiye owotanna wicota wicayuowotanna kta; qa wañtanipi kin iye wicakiciñ kta.

12 Heon etanhan wicašta tanka om wecipamni kta; qa iye wakipi kin wicašta waşaka om okini kta; wiconte hehanyan iye nagi kpapson nakaes. Unkan şicaya econpi sa om yawapi; qa wicota wañtanipi kin hena iye wicakiciñ; hecen şicaya econpi sa kin hena iwicakiye kta.

WICOWOYAKE 54.

1 Cinca okitpani, cinca yaton şni, dowan wo: kokşinyeksuye şni, dowan hinnda qa iyaşa wo:

tuwe işnana ehpeyapi kin he cinca ota nakaes, winohinca hihnaton cinca kin isanpa, Jehowa eya.

2 Nitawakeya owanka kin hdutanka wo, qa yati ozanpi kin yutitanpi nunwe; kicunni şni wo, ikan hduhanska qa hutipaspe hdusuta wo.

3 Etapatanhan qa catkatanhan nihduota kta; qa nicinca Ikcewicašta kin tawawicayapi kta, qa otonwe otiwita ehpeyapi kin en ounyanpi kta.

4 Wakokipe şni wo, iniştece kte şni nakaes; nakun wiştece şni wo, iştenniyanpi kte şni nakaes: tokaheya inicaga wowiştece kin he ayektonje kta, qa wiwazica yaun iyoheyapi qon he icimana yeksuye kte şni.

5 Wawicahniye cin he nihhna ee nakaes; Jehowa wicobe tawa eciyapi; qa tuwe openiciton Israel Towakan kin hee, Taku Wakan maka ocowasin tawa eciyapi kta.

6 Winohinca wan ehpeyapi qa nagi iyokişica, qa aniktapi şni qehan wikoşka yuzapi kin iyecaca Jehowa nico ce, Wakan-tanka nitawa eya.

7 Išta kakpapi se hehanyan ehpeciya; tuka wowaonşida tanka on cikpahi kta.

8 Woşinhda hiyuyapi kin en išta kakpapi se hehanyan miite anacihbe; tuka wowaşte owihanke wanica on onşicida kta ce, Jehowa openiciton kin he hecen eya.

9 Miye ekta Nowa mini kin he de iyecaca: Nowa mini kin icimana ake maka akahpe ye kte şni, keya wakonze ciqon, he iyecen nakun icimana canniyeciye kte şni, qa iyopeciye kte şni, keya wakonza.

10 He kin hena tokan aye kta,

ISAYA TAWOYUKCAN KIN,

qa paha kin yutokan iyeyapi kta ; tuka mitowašte tokan inicyayeye kte šni, qa wookiye mitawa wicotakuye kin he yutokan iyeyapi kte šni, Jehowa cantenicyey cin he hecen eya.

11 Kakišyapi, kahuhuzapi, wacintonhnagyapi šni, iho, miye hinca inyan nitawa wašeša on ewahnake kta, qa oahehde nitawa inyan tehihika on.

12 Qa ipasotka nitawa inyan wiyatpatpa on wakage kta, qa nitatiyopa pešnišnja inyan kin on, qa nihdukšan owancaya inyan wiciyokipi kin on.

13 Unkan nicinca owasin Jehowa waonspewicakiye kta; qa nicinca wookiye tanka yuhapi kta.

14 Woowotanna on niyusutapi kta: wicokakišyapi kin itehan un wo; koyakipe kte šni nakaes: qa wonihinciye kin, he nikiyedani u kte šni.

15 Iho, mniciyapi, mniciyapi kta, tuka wapahaša mitawa ekta šni: tona niye itkokim mniciyey cin hena niye on hinhpaye kta.

16 Iho, mazakaga peta en petaga apogan, qa iye tohtani on ikicanye wan hiyuye cin he miye hinca icahwaya: qa nakun waihangye ihangye kte cin he miye wakaga ce.

17 Ikicanye otoiyo hi niye nicis kagapi kte cin he takudan okihi kte šni; qa wicaceji niye en wayaco inajin kte cinhan otoiyo hi niye daco kta. Jehowa takoiye taku yuhapi kte cin he dec, qa iye toowotanpidan kin he miye eciyatanhan, Jehowa eya.

WICOWOYAKE 55.

1 Ho, ipuzapi kin owasin, mini kin en u po; qa tuwe mazaska codan un ešta; kuwa miye, wo-

petonpi qa wota po; han, u miye, mazaska codan qa iyunwin codan miniša qa pteasanpi ope-ton po.

2 Tokeca aguyapi šni on mazaska yahdusotapi kta he; qa tokeca taku imnawicaye šni kin on hitayanipi he: Anagoptanyan anamagoptan po, qa taku wašte kin he yuta po; kinhan ninagipi wašin on iyuškiniciyapi kta.

3 Anohmakiyapi qa en mau po; waanagoptan miye, kinhan ninagipi ni kta; unkan wicotakuye owihanke wanica wan cici-cagapi kta, Dawid towaonšida wowicake kin hee.

4 Iho, iye wayaotanin kta e oyate kin wicawaqu, oyate kin en wicaštayatapi qa waonspekiya.

5 Iho, oyate wan sdonnyaye šni qon he yeco kta; qa oyate sdonnyanpi šni kin hena niye en inyang upi kta, Jehowa nita Wakantanka kin on, qa Israel Towakan kin on etanhan; iye niyuwakan nakaes.

6 Jehowa iyeyepica icunhan akita miye, ikiyedani un kin icunhan hoyekiya po:

7 Tuwe šice cin he tacanku ahdušan kte, qa wicašta walitani sa iye tawacin ehpekiye kta; qa Jehowa en ilidoku kta, kinhan onšikida kta; qa Wakantanka unkitawapi kin ekta, iye wokajuju hduota kta nakaes.

8 Niye nitawacinpi kin mitawacin kin ee šni, qa mitacanku kin he nitacankupi kin ee šni, Jehowa eya.

9 Mahpiya kin maka kin isanpa tehanwankantu, he iyecen nitacanku nitacankupi kin isanpa tehanwankan, qa mitawacin nitawacinpi kin isanpa nakaes.

10 Magaju kin he kun u, qa wa

kin malipiya eciyatanhan, qa ake ekta hnihde šni, tuka maka kin imnakiye ça waicahyekiye ça camni uyekiya, hecen tuwe woju kin ojupi qu kta, qa wayute cin he woyute qu kta ;

11 He mioie mii etanhan inanpe cin iyecece kta : miye en cokadan ihdoku kte šni ; tuka taku iyomakipi kin he yuŝtan kta, qa taku on yewaŝi kin he ece-tukiye kta.

12 Niye wowiyuŝkin yuha inayapapi kta, qa wookiye hduha yus aniyampi kta : nitokapatanhan he qa paha kin down hinhdapi kta, qa maga can kin iyulipa nape hdaskapapi kta.

13 Canpepe kin eekiya wazi can uye kta, qa wapepeka eekiya hanteŝa uye kta : unkan he Jehowa en wocajeyatapi ee kta, qa wowakta owihanke wanica kaŝpapi kte šni kin heca kta.

WICOWOYAKE 56.

1 Jehowa hecen eya ; Woyacopatan po, qa woowotanna econ miye : wowanikiye mitawa kin he kiyedan u nakaes, qa mitowotanna kin he yuotaninpi kta.

2 Wicaŝta tuwe de econ kte, ça wicaŝta cinhintku de sutaya yus un kte cinhan ; tuwe anpetu okihpapi yuŝape šni kpatan, qa iye nape taku ŝica econ šni awanihdake cinhan, he cante waŝte.

3 Unkan wicaŝta tokeca cinhintku Jehowa en askamiçiye cin he ie ça, Jehowa iye taoyate kin etanhan ocowasin heyata iyemayan ce, ihnuhan eye cinhan ; nakun, Wanyaka wo, can ŝeca hemaca ce, ihnuhan yunokos eye cinhan.

4 Jehowa hecen eya ; Yunokosona anpetu okihpapi mitawa

patanpi, qa taku iyomakipi ka-hnigapi, qa wicotakuye mitawayus unpi kinhan ;

5 Hena wati ohna qa conkaŝke mitawa mahen owanka wicawaqu kta, qa wicacaje cinhintkuyapi qa cunwintkuyapi isanpa waŝte ; wicacaje owihanke wanica icimana kaŝpapi kte šni waqu kta.

6 Nakun wicaŝta tokeca cinca Jehowa en askamiçiye, ohodapi kta, qa Jehowa caje kin waŝtedapi kta, iye wowidagwicaye kta, wicaŝta otoiyo hi anpetu ohilipapi yuŝape šni patan, qa wicotakuye mitawa sutaya yus un kinhan ;

7 Hena eepi kaeŝ paha wakan mitawa kin ekta awicawau kta, qa wocekiye tipi mitawa ohna, wiyuŝkin wicawaye kta : wolu-hnage wayuŝnapi qa woŝna tawapi kin owayuŝna mitawa akan oiyokipi kta ; wati kin he oyate owasin on wocekiye tipi eciyapi kta nakaes.

8 Jehowa Itancan Israel enanakiya iyewicayapi qon mniciye wicakiye cin he hecen eya ; Tona iye en mniciyapi kin isanpa nakun en mniciye wicawakiye kta ce.

9 Tinta wamanica owasin, niye watemya u miye ; contanka wamanica kin iyulpa.

10 Waawanyake tawa kin hena owasin iŝtagongapi, wasdonye šni unpi, owasin ŝunka inina unpi, wapa okihipi šni ; wihamnanpi. iwankapi, iŝtinma waŝtedakapi.

11 Han, hena ŝunka wotapi sa, imnanpi sdonkiyapi šni, qa hena iŝ wonwicaya okahnili okihipi šni ; hena owasin iye tacankupi ekta ekiktonwanpi, otoiyo hi iye oyanke tawa kin etanhan tawokamna kta ekta.

ISAYA TAWOYUKCAN KIN.

12 Kuwa miye, miniša iwacu kta, unkan mini wakan on wipi-unkiçiyapi kta; qa heyakecinhan anpetu kin de iyecece kta, tanka, wopteca šni, iyotan linca kta ce, eyapi.

WICOWOYAKE 57.

1 Wicašta owotanna taninšni iyaya, tuka tuwedan cante ekta yeye šni: qa wicašta waonšida ewicayakupi, tuka wicašta owotanna taku šica etanhan eyakupi tuwedan kecin šni.

2 Wookiye en ye kta; towankapi kin akan ozikiyapi kta; tuwe ecetuya mani kin.

3 Tuka wapiye sa cinhintkupi, deciya kiyedan u po, wiinalimanpi qa wawicihalapi econ sa cinca kin.

4 Tuwe on iyahałapi he: tuwe on i yahdukawapi he, ceji hiyuyayapi he: wokipajin cinca, wotonšni ojupi kin henicapi šni he:

5 Uskuyeca can ehna can teca otoiyo hi ihukuya iyokipiçiya yaunpi, hokšiyopapi kin kaksiza olha wicayaktepi, imnija yuptupujapi kin ihukuya:

6 Kaksiza en inyan šdušduta ehna taku oyakini qon yanke; hena, hena e taku tawayaye cin ee; nakun hena en woyatke wošna yahdaštan, wošna wayahdušna. Hena on iyokipimiçiye kta he.

7 Paha pajodan qa tehanwankantu akan nitohe eyehde; han, heciya wahdušna idada.

8 Nakun tiyopa can qa tiyopa kin ihayatadhan wokiksuye eyehde; miye icunonpatanhan nihduzamni, qa wankan idada; ohehdepi nitawa yahdutanka, qa hena om wicotakuye niçicaga; iye ohehdepi tawapi kin wašteyadaka, owanka yahdutanka.

9 Wihdi on wicaštayatapi kin anihduwiyeya, qa wihdi waštemna yahduota; qa makoce tehan ekta wahoši yewicayaši, qa Hades e qeš ekta nihduhukuya.

10 Canku hanska nitawa on mdokiçe niçiya; tuka, Wacinyepica šni ce, ehe šni; ninape towiconi kin he iyeyakiya; heon etanhan wašake šni niçida šni.

11 Unkan tuwe e on kopeyahda qa koyakipa he, hecen iyatonšni, qa miyeksuye šni, qa en cante duze šni he: wanakajatanhan kaes inina manke šni he: hecen komayakipe šni,

12 Miye nitoowotanna omdake kta, qa niolhan nakun; tuka hena iniwašte kte šni.

13 Hoyeyaye cinhan hehan nitomniciye kin hena enihdakupi nunwe: tuka tate kin he hena iyulpa kałbog iyewicaye kta, takušni iwicacu kta. Tuka tuwe wacinmaye cinhan makoce kin yuhe kta, qa paha wakan mitawa kin he tawaye kta:

14 Qa heye kta; Pahaya ehna-ka po, pahaya ehna-ka po, canku wiyeya kaga miye, can ibotopi kin mitaoyate ewicakiciyaku po.

15 Wanji tehanwankantu qa wankan un, otokahe wanica en ounyan, qa tuwe Wakan eciyapi kin he hecen eya; Tehanwankantu qa owanka wakan kin hen wati kta, nakun tuwe taniya kašujapi qa onšike cin he kici; tona onšikapi taniyapi niwicawaye kta, qa cante kašujapi kin hena kiniwicawakiye kta heon.

16 Owihanke wanica hehanyan wawakize kte šni, qa ohinniyan šinwahda kte šni: mitokam waniya kin hanye kta nakaeš, wicataniya wakage cin nakun.

17 Tokamna šica woalhtani kin on šinwahda qa wakaštaka: namičihbe qa šinwahda; heca ešta

iyē cante yuze canku kin ohna pemniyan ikiyopta.

18 Tacanku kin wanmdaka, unkan okiziyaye kta; nakun yus amde kta, qa iye akiceyapi qon hena koya om wacintonhnagwaye kta.

19 Wicaiha oicage cin he miye wakaga; Wookiye, wookiye, tuwe itehan un qa tuwe ikiyedan un kin kici, Jehowa ekiciya: unkan miye okiziyaye kta ce.

20 Tuka wicašta śicapi kin hena miniwanca taś ton kin iyececapi, he owanji yanka okihi śni, mini tawa kin upśija qa maka hiyuya ece.

21 Wicašta śicapi kin hena wookiye nicapi ce, Jehowa eya.

WICOWOYAKE 58.

1 Dote eciyatanhan pan wo, ihnuhan inina nanke cinhan, ma za yahotonpi wan iyecen niho wankan yeya wo; qa mitaoyate taku śica econpi, qa Jakob tiyohnaka iye walitanipi kin owicakiciyaka wo.

2 Tuka anpetu otioyohi omadepi, qa mitacanku sdonya iyokipipi, oyate wan woowotanna econ ece, qa Taku Wakan tawapi tawoahope ehpeye sni kin he iyececa: Woowotanna wokonze kin hena makidapi, Taku Wakan ikiyedan upi iyokipipi.

3 Tokeca akihan unkiçiyapi tuka wandake kte sni he: nagi iyokişinunkiciyapi tuka sdonye wacanni kte śni he, eyapi. Wanyaka wo, anpetu en akihanniçiyapi hehan iyokipi niçiyapi kta, qa wicohtani ecaniconpi kin oco-wasin wicayakidapi ece.

4 Wanyaka wo, wicokicige qa woakinica on akihanniçiyapi, qa woşice nape on waayapapi kta heon: Anpetu kin de iyececa

nihopi wankantanhan nahonwicayayapi kta e akihanniçiyapi kte śni.

5 Akihanniçiyapi wakafnige kte cin he de iyecece kta he: Anpetu wan en wicašta iyokişiniçiyeye kta: hintkan hu iyecen pamahdedan un kta, qa wakihdaka cahota ko owinşkiton kta he. He akihanniçiyapi qa anpetu Jehowa iyekipi kta, eya cajedate kta he.

6 Akihanniçiyapi wakafnige kte cin he dee śni he; wicoşice icaşke kin yukcapi kta, canwanapin wiçin kin kiyuškapi kta, tona kakişyapi kin hena wicakiyucapi kta, qa can napinpi owasin duksapi kta:

7 Wotektehdapi kin aguyapi nitawa wicayakipamni kte cin hee śni he; qa tona onşika kakişyapi kin hena yati en awicayaku kta; tuwe tancodan un wandake cinhan wakahpeyecaton kta, qa wicacehpi nitawa kin etanhan naniçihbe kte śni.

8 Hehan iyoyanpa nitawa anpao iyecen inanpe kta, qa woasni nitawa kohanna hiyu kta; nakun nitoowotanna nitokam ye kta, qa Jehowa towitan kin he hekpatanhan awanniyake kta.

9 Hehan niye hoyeyaye kta, unkan Jehowa waayupte kta; niye yapan kta, unkan iye, Iho, miye ce, eye kta. Nicokayatnhan canwanapin kin ehpeyakiye cinhan, napsukaza pazopi qa ecinkta eyapi kin hena:

10 Qa wotektehdapi kin ekta ninagi hiyuyaye ça wicanagi kakişyapi kin he imnayaye cinhan, hehan iyoyanpa nitawa kin otpaza en hinanpe kta, qa owotaninşni nitawa kin he wiyotanhan iyecece kta.

11 Unkan Jehowa ohinniyan yus aniyē kta, qa iwicapuza en

ISAYA TAWOYUKCAN KIN,

ninagi imnaye kta, qa nihuhu kin cemniciye kta: hecen niye maga wan mini imna kin he iye-nicece kta, qa minihdoka wan mini wicahnaye kte šni kin he iyececa.

12 Unkan niye eciyatanhan otiwita wanakaja kin hena piya kicagapi kta; wicoicage qa wicoicage oahedepi kin ake yakagè kta; qa, Conkaške kawankapi piya kage cin, Canku otipi kta yuecetu kin, eniciyapi kta.

13 Anpetu okihpapi kin etanhan siha eyahdaku, anpetu wakan mitawa en nitoyokipi kin ecen ecanon kte šni; qa anpetu okihpapi kin he woyokipi, Jehowa towakan kin he wowitan, keya cajedate cinhan; qa nitacanku ohna oyahande šni, nitoyokipi oyakide šni, qa niye nioie oyahdake šni, on he duonihan kinhan:

14 Hehan Jehowa en iyokipiniciye kta; unkan maka paha kin akan iyotanke ciciye kta, qa Jakob niyate taku tawa qon etanhan wonciye kta ce, Jehowa i kin he hecen eya nakaes.

WICOWOYAKE 59.

1 Iho, Jehowa nape niwicaya okiki kte šni e yuptecedan šni; qa iye noge wanañon okihi kte šni e kpe šni:

2 Tuka taku šica ecanonpi kin hena niyepi qa Taku Wakan nitawapi yukinukan iyeniyampi; qa wayahitanipi kin hena iye ite anahbeniciyapi, hecen nañon kte šni.

3 Ninapepi we on ašapapi nakaes, qa ninapsukazapi šicaya econpi kin on: niihapi woitonšni iapi, nicejipi wošice ajijipi ece.

4 Tuwedan woowotanna kipan

šni, qa tuwedan wowicake eciyatanhan wayaco šni: hena takušni wacinyanpi, qa woitonšni ohdakapi; wicoñan šica on ihdušakapi qa woahitani hiyuyapi.

5 Wamduška itka kin manpi, qa unktomi tahokata kazontapi: tuwe witka tawapi yute cinhan te kta, qa wanji pakpipi kinhan sintehda wan hiyu kta.

6 Taku kazontapi kin hena wokoyake kte šni, qa iye ohanpi kin on ihdahpapi kte šni: iye ohanpi kin wošice wicoñan kin heca, qa iye napepi ohna wakipi oñanyanpi yukan.

7 Iye siha taku šica ekta inyan-kapi, qa tona taku iyaonpepica šni unpi we kin he papson inahniipi; iye tawacinpi šicaya econpi wicotawacin kin heca; woihangye qa wokakse iye tancankupi ohna yanka.

8 Wookiye canku kin sonyapi šni; qa manipi kin en wokonze wanica: ocanku škoškopa icicagapi; tuwe ohna ye cinhan wookiye sdoneye kte šni.

9 Heon etanhan wokonze unkitehanpi yanka, qa woowotanna unkihdegapi kte šni: iyoyanpa unkaepi, tuka iho, otpaza; iyowotanin unkaepi, tuka owotanin šni unkomanipi.

10 Išttagongapi iyececa conkaške yutantan unkakitapi, išta codan iyecen unyutantanpi: wiyotanhan siha ibountopi, hanyetu en iyececa; maga waštešte ohna wicašta tapi iyeuncecapi.

11 Unkiye iyulipa wahanksica iyececa unhdopi, qa tinwakiyedandan ceya iyecen unceyapi: wokonze unkaepi, tuka wanica; wowanikiye unkaepi, tuka unkitehanpi yanka.

12 Taku šica econkupi kin hena nitokam yuotapi, qa waunhitanipi kin hena unkoyakapi

WICOWOYAKE 60.

ece : taku śica econkupi kin hena unkicipi hiyeya, qa waunhitanipi kin hena sdonunkiyapi :

13 Śicaya econpi, qa Jehowa en itonpi sni, qa Taku Wakan unkitawapi ayuśtanpi, wokakiśyapi qa okicize cajeyatapi, woi-tonśni oie awacinpi qa cante eciyatanhan eyapi kin hena on.

14 Hecen woyaco hekta itoheya iyeyapi, qa woowotanna itehan inajin ; hocoka ohna wowicake hinhpaya, qa woecetu kin en u kta okihi śni.

15 Han, wowicake wanica aya ; qa tuwe taku śica ayuśtan kin he wakipi ece : Unkan he Jehowa wanyake qa woyaco wanice cin he śicedaka.

16 Qa wicaśta wanica he wanyaka, qa wawiciya wanice cin heon yuśinyaya : heon etanhan iye isto wowanikiye hdamna ; qa iye toowotanna kin he ihdusuta.

17 Woowotanna kin he maku akaħpe iyecen kiçun : qa wowanikiye wateśdake wapaha kiyaya ; qa watokiçonpi wokoyake kin hena kohdaka, qa wowinawizi śina iyecen hdown nakaeś.

18 Iye oħanyanpi kin eciyatanhan wicakicu kta, tona kipajinpi kin, wocanniye ; tokayapi kin hena wotokiçon wicakicu kta ; wita kin hena wicoħan on towicakiciçon kta.

19 Heon wiyohpeyatanhan Jehowa caje kin kokipapi kta, qa iye towitan wihinanpatanhan. Wakiyuśe kin wakpa tanka iyecen hiyu kinhan, Jehowa Taniya kin itkokim wiyokihedan ekihde kta.

20 Hehan Wopekiron kin Zion en u kta, qa Jakob etanhan tona śicaya econpi ayuśtanpi kin hena en, Jehowa eya.

21 Unkan miye, wicotakuye

mitawa wicakici un kin he dee, Jehowa eya : Mitaniya en niun, qa mioie nii en owehnake cin hena nii ayuśtan kte śni, qa nicinca ipi kin, qa nicinca sanpa cincapi ipi kin awicayunśtan kte śni, detanhan qa owihanke wanica, Jehowa eya.

WICOWOYAKE 60.

1 Najin wo, iyojanjan wo ; iyojanpa nitawa wanna u, qa Jehowa towitan kin anihinanpa.

2 Iho, otpaza maka kin akaħpe kta, qa otpaza śoka oyate kin awicakaħpe kta ; tuka Jehowa anihinanpe kta, qa iye towitan kin anitanin kta.

3 Qa Ikcewicaśta kin iyoyanpa nitawa en manipi kta, qa wicaśtayatapi kin hena yahinanpa ojanjan kin en.

4 Ihdukśan iśta hduwankan iye-ye qa wanyaka wo ; hena owasin witaya mniciyapi, niye en niupi ; nicinkśipi tehantanhan upi kta, qa nicunkśipi adoksohan wicayuhapi kta.

5 Hehan wandake qa widuśkin kta ; qa nicante cancan qa tanka aye kta : miniwanca wicota kin niye en yuhomnipi kta, Ikcewicaśta towijicepi kin niye en niu kta.

6 Camo ota ĩinca anicalhpapi kta, Midian qa Epha etanhan camo kośka kin hena : Seba etanhan hena owasin upi kta ; mazaskazi qa cansin waśtemna kin ahipi kta, qa Jehowa yatanpi wotanin waśte oyakapi kta.

7 Kedar optaye kin iyuhpa niye en mniciyapi kta, Nebayoth tamdoka kin hena iwicadake kta ; hena oiyokipiya owayuśna mitawa adipi kta, unkan mitowitan tipi kin he wahduwitan kta.

8 Maħpiya śapa iyececa, qa tin-

ISAYA TAWOYUKCAN KIN,

wakiyedan iyecen iye tipi ekta kinyan upi kin dena tuwepi he.

9 Awicakehan wita kin hena amapepi kta ; qa Tarsiś tawitawata tokaheya, tehantanhan nincinksi awicaupi kta, mazaska qa mazaskazi tawapi koya, Jehowa Taku Wakan nitawa caje kin ekta, qa Israel Towakan kin ekta, he iye niyuwitan nakaes.

10 Unkan wicašta tokeca cincapi conkaške nitawa kagapi kta, qa wicaštayatapi tawapi kin hena oniciyapi kta. Sinwahda qehan cicaštaka, tuka canmawašte kin en onšicida nakaes.

11 Unkan nitatiyopa ohinniyan yuhdog he kta, hena anpetu hanyetu koya ecen iyeyapi kte šni ; hecen Ikcewicašta tawowijice kin niye ekta aupi kta, qa wicaštayatapi tawapi kin hena upi kta.

12 Oyate qa wicoškanskihan tukte wanji oniciye kte šni kinhan he atakuni kte šni ; han, Ikcewicašta kin hena ocowasin ihangyapi kta.

13 Lebanon towitan kin he en niu kta ; wazisaka can, wazi can qa hanteša kicica, tipi wakan nitawa owanka kin yuwašte kta ; unkan tukten siha wahde kin he wahduwitan kta ce.

14 Hehan tona kakišniyanpi qon hena cinca patuš en niupi kta ; qa tona waltenidapi šni qon owasin siha yahde kin en makata patujapi kta ; qa, Jehowa Totonwe, Zion Israel Towakan tawa, eniciyapi kta.

15 Niye ešpeniyanpi qa šiceni-dapi, hecen tuwedan opta ye šni ; heon etanhan wowašte owihanke wanica, wicoicage yeye cin hehanyan wowiyuškin cicage kta.

16 Nakun Ikcewicašta asanpi tawa dazoke kta, qa wicaštaya-

tapi aze ayazin kta : qa Jehowa Wanikiya nitawa qa Wopekiton nitawa, Wanji Wašaka Jakob tawa kin he miye e sdonyaye kta.

17 Mazaša on mazaskazi eekiya awau kta, qa mazasapa on mazaska eekiya awau kta, qa can on mazaša, qa inyan on mazasapa kta : Nakun akicita tancan nitawa wookiye wicawakage kta, qa wicaštayatapi nitawa woowotanna kta.

18 Wawicakipi kin he nitamakoce ohna icimana nahonpi kte šni, woihangye qa woyutakunišni nitaopapun mahentanhan ; tuka conkaške nitawa, Wowanikiye, qa nitatiyopa kin, Woyatan, eya cašyakiton kta.

19 Hetanhan anpetu icunhan anpetu wi kin iyoyanpa nitawa kte šni, qa iyojanjan kta on hanyetu wi kin iyoyamniye kte šni ; tuka niye en iyoyanpa owihanke wanica Jehowa ee kta, qa nita Wakantanka wowitan nitawa ee kta.

20 Anpetu wi nitawa ake icimana isinyan iyaye kte šni, qa hanyetu wi nitawa icimana eihdaku kte šni ; iyoyanpa owihanke wanica nitawa Jehowa ee kta, qa anpetu en yaceye cin hena henakeca kta.

21 Nakun nitaoyate iyuhpa owotanna kta : makoce kin ohinniyan tawapi kta, adetka huwahde, minape taku kage cin heepi, hecen mayuwitanpi kta.

22 Wanji cistinna kin he kektopawinge icage kta, qa tonana kin he oyate wašake kta. Tohan iyehantu kinhan Jehowa miye he mduinalni kta ce.

WICOWOYAKE 61.

1 Jehowa Itancan Taniya kin

akan mayanka; Jehowa sdama-kiya, wotanin wašte wicašta on-šihanpi owicawakiyake kta heon etanhan; tona cante kašujapi wicamduskiskite kta e yemaši; wayaka unpi wicayukcapi kta owicawakiyake kta, qa kaška unpi wicokaške tipi wicakiyuhdokapi kta :

2 Jehowa tawaniyetu oiyokipi kin omdake kta, qa Wakantanka unkitawapi anpetu watokiçonpi tawa kin; tona ceyapi owasin wacintonhnagwicawaye kta :

3 Tona Zion en ceyapi kin hena wakoyagwicayapi kta, caħota eekiya watešdake wicaqu kta, wicaceya eekiya wowiyuškin wihdi, cante wankadan eekiya woyatan wokoyake kin wicaqu kta : heon etanhan, Woowotanna uskuyeca can, Jehowa tawoju, ewicakiyapi kta, hecen iye yuwitanpi kta :

4 Unkañ otiwita kin hena piya kagapi kta, tanina yujujupi kin hena bosdan ehdepi kta, qa otowa otiwita wanke cin hena piyapi kta, wicoicage qa wicoicage hewoskantuya wanke ciqon.

5 Hehan oyate tokeca etanhan najinpi qa nitawanunyanpi wonwicayapi kta, qa wicašta tokeca cinca kin hena maga niciyumdupi qa hastanhanka iyawi nicipakintapi kta.

6 Tuka niyepi, Wawayušnapı Jehowa tawa, eniciyapi kta : Wakantanka unkitawapi taokiye, eniciyapi kta. Ikcewicašta tawowijicepi kin yatapi kta, qa towitanpi kin on nihdatanpi kta.

7 Nitowištecepi kin on nonpa akihde kta, qa wonihinciye on taku tawapi kin on wiyuškinpi kta; heon etanhan tawapi ohua nonpa akihde yuhapi kta; wowiyuškin owihanke wanica wicakiciun kta.

8 Jehowa miye, woyaco waštewadaka; wahuhnage wošnapı kta on wawicakipi kin šicewadaka; qa iye olihyanpi iyecen wicawaqu kta, wowicake eciyatanhan, qa wicotakuye owihanke wanica wan wicawecage kta.

9 Hehan iye oicage tawa Ikcewicašta ehna sdonwicayapi kta, qa etanhan icagapi kte cin oyate kin wicehna : Tona wanwicayakapi owasin, oicage Jehowa yuwašte kin hena eepi e sdonwicayapi kta.

10 Miye qe iyuškinyan Jehowa on imduškin kta, minagi mita Wakantanka on pida kta : iye wowanikiye wokoyake koyagmayan nakaes, woowotanna šina kin amakalpa; wicašta tawicun kta watešdake hduwašte, qa winohinca hihna ton kta oinpi kiçun kin iyececa.

11 Maka kin camni ukiye qa maga kin taku en ojupi icaħkiyc cin he iyecen Jehowa Itancan kin woowotanna qa woyatan oyate owasin wicitokam icaħye kta.

WICOWOYAKE 62.

1 Zion on etanhan inina manke kte šni; qa Jerusalem on etanhan oziwakiye kte šni; toowotanna kin woiyege iyececa inanpe kta, qa towanikiye kin petijanjan ide kin iyecece kta hehayan.

2 Unkan Ikcewicašta kin nitowotanna wanyakapi kta, qa wicaštayatapi owasin nitowitan kin. Qa wicacaje teca, Jehowa i cajeyate kte cin he icajeniyatapi kta.

3 Nakun Jehowa nape ohna wowitan watešdake kin he niye kta, qa wicaštayatapi tawapaha Wakantanka nitawa nape kin ohna.

ISAYA TAWOYUKCAN KIN,

4 Hetanhan icimana, (Azubah) Elpeyapi, eniciyapi kte śni; qa nitamakoce icimana, (Semamah) Hewoskan, eciyapi kte śni; tuka, (Hephzibah) Mitowiyuśkin-en-un, eniciyapi kta, qa makoce nitawa, (Beulah) Wakanyuzapi, eciyapi kta: Jehowa iniyuśkin, qa nitamakoce kin he wakan yuzapi kta nakaś.

5 Kośka wan wikośka wan wakan yuze cin he iyecen nicinkśipi wakan nihduzapi kta; qa wicaśta winohinca yuze cin on iyuśkin kin he iyecen nita Wakantanka iniyuśkin kta.

6 Jerusalem, conkaśke nitawa akan waawanyake ewicawahnaka, anpetu owasin qa hanyetu owasin ohimniyan inina unpi kte śni: tona Jehowa kiksuyeyayapi, ihnuhan inina dukanpi kinhan;

7 Qa woozikiye qupi śni po, Jerusalem hdusuta qa maka kin ohna woyatan kage kte cin hehanyan.

8 Jehowa iye nape etapa kin on, qa isto waśake cin on iciconza; Awicakehan icimana wamnaheza nitawa tokaniyanpi yutapi kta wicawaqu kte śni; qa oyate tokeca cincapi kin miniśa nitawa on litayanipi kin he yatkanpi kte śni.

9 Tuka tona mnakiyapi kin he hduyapi kta, qa Jehowa yatanpi kta; qa tona wayuśpipi kin henā mitowakan hocoka kin ohna hdatkanpi kta.

10 Ohna ya po, tiyopa kin ohna ya po; oyate tacanku kin wiyea kaga po: wankan ehnaka po, canku wankantu kaga po; etanhan inyan pahi po; wiyokihedan wan oyate kin wankan ewicakicihde po.

11 Iho, Jehowa maka ihanke hehanyan nañonwicaya; Zion

cunwintku kin heciya po; Iho, wowanikiye nitawa kin u ce; iho, inyunwin hduha un, qa woecon tawa kin he itokam yanke.

12 Unkan hena, Oyate wakan, Jehowa opewicakiton, ewicakiyapi kta: qa niye, Akitapi, otonwe elpeyapi śni, eniciyapi kta.

WICOWOYAKE 63.

1 Edom etanhan, Bozra etanhan śina duta in u kin he tuwe he; wokoyake waśte kohdaka, iye towaśake tanka on icimani un kin he tuwe he. Woowotana eciyatanhan ia, wanikiya waśake cin he miye ce.

2 Tokeca nitawokoyake kin duta, qa nitaśina tuwe miniśa iyuśkice naśkice cin iyececa he.

3 Miniśa iyuśkice cin miśnana nawaśkica; qa oyate kin etanhan tuwedan micica śni: heon mitocanniye on nawicawaśkice kta, qa mitośinhda on nāwicawapan kta; qa iye hanpi kin mitaśina amninnipi kta, qa mitawokoyake ocowasin wahdustan kta.

4 Watokiçonpi anpetu kin he micante en un, qa opewicawakiton tawaniyetu kin he wanna hiyohi nakaś.

5 Unkan ekta ewatonwe, tuka waokiya wanica; qa tuwedan wayusuta śni heon mayuśinyaya; heon etanhan miye miisto wowanikiye hdamna, qa mitośinhda kin he mahdusuta.

6 Hecen mitocanniye on oyate kin nawicawapan kta, qa mitośinhda on witkowicawakiye kta, qa iye hanpi kin he makata elpeyaye kta.

7 Jehowa wawacinkta yuza tanka kin he mdatan kta, Jehowa yatanpi kin, Jehowa taku icantounhnakapi kin owasin eci-

yatanhan, qa wowašte tanka Israel tiyohnaka icantowicahnaka, iye towaonsida eciyatanhan qa iye wawacinkta yuza tanka ota kin eciyatanhan.

8 Unkan iye heya; Awicakehan hena mitaoyate, wicacinca taku ecinkta eyapi kte šni ce. Hecen Wanikiya tawapi kin he iye.

9 Toiyokišicapi iyulipa en iye iyokišica; qa iye ite Taohnihde kin he niwicakiya: iye towašte-dake qa tocantekiye kin on ope-wicakiton, qa wicaqin, qa wanakaja anpetu kin owasin iye wicahduha un.

10 Tuka hena ege wawakipajinpi qa iye Taniya Wakan kin iyokišinyapi; heon etanhan iye tokawicaye kta ihduhomni, iye hinca wicakiza.

11 Hehan wanakaja anpetu kin hena kiksuya, Moses qa iye taoyate: Tuwe mini tanka etanhan awicau qon he tukten un he, obe tawa wonwicaye ciqon: Tuwe iye Taniya Wakan mahen ehna ke ciqon he tukten un he.

12 Tuwe Moses nape etapa on yus awicaya, iye isto wakan kin on wicitokam mini kin wicakiyukinukan, caje owihanke wanca wan icicage kta.

13 Tuwe mini šbe kin ehna maniwicakiya, šuktanka wan hopuza en un kin iyececa, hecen kaktihanhanpi kte šni.

14 Woteca wan kaksiza ekta iyaye cin iyecen Jehowa Taniya kin oziyekiya; he iyecen niye nitaoyate yus awicada, wowitan caje nicicage kta heon.

15 Małpiya kin eciyatanhan kun ahitonwan wo, qa nitoowotanna qa nitowitan tipi kin etanhan wanyaka ye: nitowinawizi qa nitowašake kin tukte e he; nitowaonsida qa miye en nito-

cantekiye kin hena anakiptapi he.

16 Awicakehan niye ateunniyanpi, Abraham sdonunkiyapi šni qa Israel iyeunkiyapi šni qe-yaš: niye, Jehowa, Ateunniyanpi, Wopekiron unkitawapi; nicaje kin he otokahe wanica.

17 Jehowa, tokeca nitacanku etanhan nuniunyakiyapi he; nitokokipe icunonpa cante unyadusutapi he. Nitaokiyepi on, wicoun tawawicayaye cin on etanhan hdicu ye.

18 Oyate wakan nitawa ptenyedan tawakiyapi: tokaunyanpi kin hena tipi wakan nitawa našapapi.

19 Unkiye wanakajatanhan unyakonpi: hena e tohinni wowidagwicayaye šni: hena nicaje icajewicayatapi šni.

WICOWOYAKE 64.

1 Tokin małpiya kin yahduhdecen, kun hidu kta; hecen nitohnake on he kin skan ayekta.

2 Peta canliaka ideya, peta mini ipiłiya ece kin iyececa; tona tokaniyanpi nicaje sdonyewicakiye kta, nitohnake on Ikcewicašta cancanpi kta heon.

3 Taku wowinihan ecanon qehan, hena unkaepi šni; kun hidu, nitohnake on he kin skan aya.

4 Wakantanka, nicunonpatanhan, tuwe wacinyan un taku kicage kte cin, otokaheyatanhan nañonpi šni, wicanoge kin en iyohpaye šni, wicašta wanyake šni.

5 Tuwe wiyuškin qa woowotanna econ ece kin he itkoyakipa; nitacanku ohna niksuyapi; kin hena: Iho, niye šinyahda; unkan waunhtanipi: dena en ohinnian, tuka niunyanpi kta.

ISAYA TAWOYUKCAN KIN,

6 Tuka unkiye owasin taku şapa iyeuncecapi, qa woowotanna unkitawapi iyuhpa wokoyake awe-pi kin iyececa; qa iyuhpa canwapa iyecen şniş unkiyapi; qa taku şica econkupi kin hena, tate iyececa, yutokan unkiyapi kta.

7 Hececa ešta tuwedan nicaje hoyekiye şni, tuwedan en niyuzze kta ihduhica şni; niye niite anaunyeciłmanpi nakaeş, qa taku şica econkupi kin on awihnu-niunyakiyapi.

8 Tuka nakaha Jehowa, Ate-unyanpi kin he niye; maka co-co kin he unkiyepi, qa cega kaga unkitawapi kin he niye; qa ninape taku kage cin he unkiyepi iyuhpa.

9 Jehowa nina şinhda şni wo, qa ohinniyan woahtani kiksuye şni ye: iho, wanyaka ye, ceun-niciyapi, unkiye owasin nitaoyate unyakonpi.

10 Otonwe wakan nitawa kin hena makoskantu; Zion hewoskantu; Jerusalem otiwita.

11 Tipi wakan qa owanyag wašte unkitawapi, ohna atewic-unyanpi niyatanpi qon he peta on huhnaga: qa taku oiyokipi unkitawapi iyuhpa ihangyapi.

12 Jehowa, dena on ananiçipte kta he; inina nanke ça nina kakisunyayapi kta he.

WICOWOYAKE 65.

1 Tona wimawangapi şni qon hena amakitapi; tona omadepi şni qon hena iyemayanpi: Ikce-wicašta micaje on icajeyatapi şni qon; Wanmayaka ye, wanmayaka ye, ewicawakiya.

2 Oyate wan wawakipajin, canku wašte şni ohna iye tawacinpi eciyatanhan mani kin he anpetu osan nape wicawakiyugate:

3 Oyate wan miite itokam ohin-niyan şinhdamayanpi, can woju-pi ehna wawayuşnapi, qa maka omdoton ohna wizinyapi ece.

4 Hena wicašta hnakapi ehna yukapı, qa woinahbe kin en iwankapi; kukuşe şin yutapi, qa cega ohna tado aşıpa hanpi hduhapi.

5 Hena heyapi; Ako inajin wo; mikiyedan u şni wo; niye isanpa miye mawakan nakaeş. Dena mapoge ohna şota heca, peta wan anpetu osan itkon.

6 Iho, mitokam wowapi; Inina manke kte şni, tuka watokiçon ecamon kta; han, iye maku ohna wicawecu kta;

7 Wayahtanipi qa niyatepi wahtanipi yuwitaya: hena he kin akan wizinyapi, qa paha kin akan ištenmayanpi: heon etanhan iye ohanyanpi qon hena maku ohna iwicaweciyute kta ce, Jehowa eya.

8 Jehowa kaken eya; Minişa teca kin hastanhanka iyage kin en un, qa, Ihangye şni wo, woyawašte wan en un ce, eyapi kin, he iyececa mitaokiye on ecamon kta, hecen iyuhpa ihangwicawaye kte şni.

9 Unkan Jakob etanhan oicage wan awau kta, qa Juda etanhan tuwe paha mitawa tawaye kta wan: hecen wicawahdałnige cin hena tawayapi kta; qa mitaokiye kin hena he en ounyanpi kta.

10 Unkan Şaron tałınca optaye otipi kin heca kta, qa Akor kaksıza kin he wanunyanpi owanka kin hee kta, mitaoyate amakitapi kin hena on.

11 Tuka Jehowa ayuştanpi, paha wakan mitawa akiktonjapi, Gad (wicanłpi tanka) wahna wotapi wan wiyeya ekicihnakapi, qa Meni, (anpao wicanłpi)

woyatke wan okicaŝtanpi kin hena niyepi.

12 Heon etanhan mazasagye ekta ciyawapi kta, qa niyepi owasin wicaktepi en yapatujapi kta: cicipanpi tuka amayaduptapi ŝni, iwaa tuka nayahonpi ŝni, tuka mišta itokam taku ŝica ecanonpi, qa taku iyomakipi ŝni kin he yakahnigapi;

13 Heon etanhan Jehowa Itancan kin hecen eya; Iho, mitaokiye wotapi kta, tuka niye wotekteyahdapi kta; iho, mitaokiye wayatkanpi kta, tuka niye inipuzapi kta; iho, mitaokiye wiyuŝkinpi kta, tuka niye winiŝtecapi kta:

14 Iho, mitaokiye cante waŝte on dowanpi kta, tuka niye cante ŝicapi on yaceyapi kta, qa woniya kaksapi on yaŝicahowadapi kta.

15 Qa nicajepi woyaŝice icajeyatapi kin he wicawahdahñige cin aihpewicayayapi kta: qa Jehowa Itancan kin nikte kta, qa iye taokiye kin wicacaje tokeca eya icakiton kta.

16 Hecen tuwe maka akan ihdawaŝte kinhan Taku Wakan wicake cin on ihdawaŝte kta; qa tuwe maka akan taku eya iciconze cinhan, Taku Wakan wicake cin on konze kta; tanina woyokiŝica kin hena akiktonjapi qa mišta etanhan analimanpi kin heon etanhan.

17 Iho, małpiya teca qa maka teca wakaga; unkan tanina qon hena kiksuyapi kte ŝni, qa wicacante kin en u kte ŝni.

18 Tuka niyepi, taku wakage cin on ohinniyan pidapi qa wiyuŝkin po; iho, Jerusalem he wiyuŝkinpi, qa taoyate kin woyiyuŝkin wakaga heon etanhan.

19 Hecen Jerusalem on imdu-

ŝkin kta, qa mitaoyate on cante mawaŝte kta: unkan he ohna wicaceya ho kin icimana nahonpi kte ŝni, qa ŝicahowayapi ho kin nakun.

20 Hetanhan anpetu hokŝiyogopa wan icimana yuke kte ŝni, qa wicahinca anpetu imna ŝni wanice kta: hokŝiyogopa kin ege waniyetu opawinge cinca hehan te kta nakaeŝ: tuka wahanisa kin he waniyetu opawinge kinhan yaŝicapi kta.

21 Unkan tipi kagapi kta qa ohna tipi kta; qa hastanhanka hu hdepi kta qa etanhan waskuyeca hduťapi kta:

22 Tipi kagapi kinhan tuwe tokeca ohna ti kte ŝni; wojupi kinhan tuwe tokeca yute kte ŝni: mitaoyate taanpetu kin can anpetu kin iyecece kta; qa tona wicawahdahñige cin hena iye nape ohanyanpi kin tehan hduťapi kta.

23 Takuŝni on łitanipi kte ŝni, qa woyokiŝica on cinca tonpi kte ŝni: tona Jehowa wicayawaŝte cinca kin hena eepi, qa tona hena etanhan icagapi nakun.

24 Unkan kaketu kte, hena hoyeyapi ŝni itokam waamdupte kta, qa iahan unpi icunhan nawahon kta.

25 ŝunktokeca qa tahinca cinca kin aiptan wiłhanpi kta; qa mnaja kin he tatanka iyececa peji yute kta; qa wamduŝka tawoyute maka mdu kin hee kta. Paha Wakan mitawa owancaya wayuŝicapi kte ŝni, qa waihangyapi kte ŝni, Jehowa eya.

WICOWOYAKE 66.

1 Jehowa hecen eya; Małpiya kin he mitoiyotanke kin ee, qa maka kin misiha oahde kin hee. Tipi miyecagapi kte cin tukte

ISAYA TAWOYUKCAN KIN,

e he; qa woozikiye mitawa kin tukten yanka he.

2 Dena owasin minape kaga, qa dena owasin ecen un, Jehowa eya: tuka de ekta ewatonwe kta, tuwe onśike ça taniya kasujapi, qa mioie on cancan kin he.

3 Tuwe tatanka kikte kin he wicaśta kaśtaka iyececa; tuwe tahinca cinca wayuśna kin śunka tahu kakse cin iyececa; tuwe minha wan wayuśna kin he kukuśe we iyececa; tuwe wizinyapi wokiksuye wośna kin he wakagapi wan yawaśte kin iyececa. Han, hena e canku hdałnigapi, qa taku śapa tawapi on nagi ihduśkinpi.

4 Miś eya wicoiyokiśica wicawecicahnige kta, qa taku koki-papi kin hena en awicawau kta. Wicawakipan qehan tuwedan waayupte śni; iwae qehan nahonpi śni; tuka miśta itokam taku śica econpi, qa taku iyomakipi śni kin hena hdałnigapi kin heon etanhan.

5 Tona iye oie on nicancanpi kin, Jehowa oie kin nahon miye: Nihunkawanjipi śicenidapi, qa micaje on etanhan tankan ełpe-niyanpi qon hena, Jehowa yuwitanpi nunwe, eyapi: tuka wi-duśkinpi kta on ihdutanin kta, qa hena ege iśtecapi kta.

6 Oqoyapi ho wan otonwe kin etanhan; tipi wakan kin etanhan wicaho wan; Jehowa tona tokayapi towicakiciqon ho kin hee.

7 Hokśiksuye śni itokam hiyuya, hinyałin wayazanhda śni itokam hokśidan wan ton.

8 Taku he iyececa tuwe nahon he; tuwe taku hececa wanyaka he. Maka kin anpetu wanjidhan en waicalıye kta he; oyate wan wancahna wicatonpi kta he:

Tuka Zion hokśiksuya hehantudan cinca hiyuwicaya.

9 Ihdułdece wakiye kta qa hiyuwakiye kte śni he, Jehowa eya: hiyuwakiya eśta onawata-ke kta he, nita Wakantanka eya.

10 Jerusalem kici wiyuśkin po, qa tona waśte yadakapi owasin kici cante waśte miye; wowiyuśkin on kici wiyuśkin po, tona ayakiceyapi kin iyulıpa.

11 Hecen ayazinpi kta qa tocantohnake aze on winipipi kta; hecen dazokapi kta, qa iye towitan aze ojudan kin etanhan wiyuśkinniqiyapi kta.

12 Jehowa kaken eya; Iho, wakpa iyecen wookiye waqu kta, qa Ikcewicacśta towitanpi kin mini kaduze cin iyececa. Hehan ayazinpi kta, maku ohna niyuhapi kta, qa śiyoto akan niyuhnahnapi kta.

13 Tuwe hunku cantohnagye cin he iyecen cantohnagciyapi kta; qa Jerusalem en wacintohnagniyanpi kta.

14 Tohan wandakapi kinhan nicantepi iyuśkin kta, qa nihuhupi kin wato iyecen icage kta. Unkan Jehowa nape kin he iye taokiye sonyapi kta, qa tokawicaye cin en iye tośinhda kin tanin kta.

15 Iho, Jehowa peta yuha u kta, qa canpahmihma tawa kin tate iyummi iyececa; hecen tocanniye kin wośinhda kici, qa toiyopeye kin peta ide kici wicaku kta.

16 Peta on qa iye tamazasagye on Jehowa wicacełpi iyuhpa om wohdake kta: unkan Jehowa wicakte kin hena ota kta.

17 Tona ihduwakanpi qa can wojupi ehna ihduśkapi, cokata wanji ihakam, kukuśe śin, qa taku aśapa, hitunkadan ko yutapi

kin hena yuwitaya awihnunipi kta, Jehowa eya.

18 Unkan kaketu kte, iye oħan-pi qa tawacinpi kin hena on etanhan Ikcewicašta qa wicaceji iyuhpa mduwitaya kta: unkan hena upi qa mitowitan kin wanyakapi kta.

19 Unkan hena wicehna wowakta wan ewahnake kta, qa tona etanhan najicapi kin hena Ikcewicašta kin ekta yewicawaši kta, Taršís, Pul qa Lud, hena itazipa ekatapi; Tubal qa Javan, wita tehan unpi kin, tona omayakapi nahonpi šni qa mitowitan wanyakapi šni. Unkan hena is Ikcewicašta ehna mitowitan yaotaninpi kta.

20 Qa hena nihunkawanjipi owasin awicaupi kta, Jehowa wakiyušnapi wan, Ikcewicašta owasin etanhan, šuktanka akan, qa canpahmihma ohna, qa tato-kadan akan, qa šonšonna akan, qa camo cincapi akan, Jerusalem

Paha Wakan mitawa ekta, Israel cinca wošna wan wakšica ska ohna Jehowa ti kin en ahipi kin he iyececa, Jehowa eya.

21 Unkan miš eya hena etanhan wawayušnapi qa Lewi wicašta hecapi kta e iwicawacu kta ce, Jehowa eya.

22 Maħpiya teca qa maka teca wakage kte cin hena mitokam wanke kta, he iyecen niye nicincapi qa nicajepi unpi kta ce, Jehowa eya.


23 Unkan kaketu kte, wi teca wan etanhan witeca ekta, qa wookilipe etanhan wookilipe ekta hehanyan, wicacełpi owasin mitokam waohoda au kta, Jehowa eya.

24 Qa hena yapi kta, qa wicašta wamicilħtanipi tancan ħapi kin wanwicayakapi kta. Wamduška tawapi kin te kte šni, qa petatawapi kin kasnapi kte šni: tuka wicacełpi owasin hena wowałteda šni yawapi kta.

Microformed by
Preservation
Services

6
mfra # 6524.04

30 OCT 95



WICOWAZI OWICAWAPI.

WAKANKICIYUZAPI.

WICOWAZI OWICAWAPI.

WICATONPI.

WICOWAZI OWICAWAPI.

WICATONPL.

WICOWAZI OWICAWAPI.

WICATE CIN.

DAKOTA
WOWAPI WAKĀN KIN.

THE NEW TESTAMENT,

IN THE

DAKOTA LANGUAGE:

TRANSLATED FROM THE ORIGINAL GREEK,

BY STEPHEN R. RIGGS, A. M.

MISSIONARY OF THE A. B. C. F. M.

NEW YORK:
AMERICAN BIBLE SOCIETY,
INSTITUTED IN THE YEAR MDCCXVI.

1871.

WICOTAKUYE TECA KIN.

	Wicowoyake.		Wicowoyake.
Mattheos	28	I. Timotheos.....	6
Markos	16	II. Timotheos.....	4
Lukas	24	Titos	3
Johannes	21	Philemon	1
Olhanyanpi kin	28	Hebrew.....	13
Roma.....	16	Jakob	5
I. Korinth	16	I. Inyan.....	5
II. Korinth	13	II. Inyan.....	3
Galatia.....	6	I. Johannes	5
Ephesos	6	II. Johannes	1
Philippi.....	4	III. Johannes	1
Kolosse.....	4	Judas.....	1
I. Thessalonike	5	Wayuotanin	22
II. Thessalonike.....	3		

*S. Mattheus aka ditau
Habaju udau utai te*

MATTHEOS

WOTANIN WAŠTE OYAKE CIN.

WICOWOYAKE 1.

1 Jesus Messiya, Dawid cinhintku, Abraham cinhintku, oicage wowapi kin he dee.

2 Abraham Isaak cincaya; qa Isaak Jakob cincaya; qa Jakob Judas qa hunkawanjitku ko cincawicaya:

3 Unkan Judas Phares qa Zara, Tamar etanhan, cincawicaya; qa Phares Esrom cincaya; qa Esrom Aram cincaya:

4 Qa Aram Aminadab cincaya; qa Aminadab Naasson cincaya; qa Naasson Salmon cincaya:

5 Qa Salmon, Racab etanhan, Booz cincaya; qa Booz, Ruth etanhan, Obed cincaya; qa Obed Jesse cincaya:

6 Qa Jesse Dawid wicaštaya-tapi kin cincaya; qa Dawid wicaštayatapi kin Solomon cincaya, Urias tawicu qon etanhan.

7 Qa Solomon Roboam cincaya; qa Roboam Abia cincaya; qa Abia Asa cincaya:

8 Qa Asa Josaphat cincaya; qa Josaphat Joram cincaya; qa Joram Ozias cincaya:

9 Qa Ozias Joatham cincaya; qa Joatham Akaz cincaya; qa Akaz Ezekias cincaya:

10 Qa Ezekias Manasses cincaya; qa Manasses Amon cincaya; qa Amon Josias cincaya:

11 Qa Josias Jekonias cincaya; hunkawanjitku hena koya, Babulon ekta awicayapi qon he ehan.

12 Unkan Babulon ekta awicayi hehan Jekonias Salathial

cincaya; qa Salathial Zorobabel cincaya:

13 Qa Zorobabel Abiud cincaya; qa Abiud Eliakim cincaya; qa Eliakim Azor cincaya:

14 Qa Azor Sadok cincaya; qa Sadok Akim cincaya; qa Akim Eliud cincaya:

15 Qa Eliud Eleazar cincaya; qa Eleazar Matthan cincaya; qa Matthan Jakob cincaya.

16 Unkan Jakob Joseph, Mary hihnaku kin, he cincaya; he etanhan Jesus Messiya eciyapi kin icaga.

17 Hecen wicoicage owasin, Abraham etanhan Dawid hehanyan, wicoicage ake topa; qa Dawid etanhan, Babulon ekta awicayapi qon hehanyan, wicoicage ake topa; qa Babulon ekta awicayapi etanhan, Messiya hehanyan, wicoicage ake topa.

18 Unkan Jesus Messiya icage cin he kaketu: Hunku Mary he Joseph yuze kta, tuka hinahin kici un šni, wanna Woniya Wakan kin on ihdušaka.

19 Unkan hihnaku Joseph he wicašta owotanna, qa taninyan oyake kta tawatenyé šni, heon nahmana elipeye kta kecin.

20 Tuka hena hecen awacin un qehan, iho, Itancan taohnihde wan wowihanmde en ihdutanin qa heya; Joseph, Dawid cinhintku, Mary winohinea nitawa kin he yahduze kta kokipe šni wo, taku itpihnake cin he Woniya Wakan kin etanhan.

21 He cinca ton kta, unkan

MATTHEOS.

Jesus eya caşyaton kta ; iye tao-yate kin walitanipi kin etanhan niwicaye kta, heon etanhan.

22 Unkan dena owasin hecen econpi, Itancan oie, wicaşta wokcan oyake ciqon he yuacetupi kta ; he hecen eya ;

23 Iho, witanşna un wan ihduşake ça cinca ton kta ; unkan İmmanuel eya caştonpi kta ; Wakantanka unkicipi un, eyapi kin he kapi.

24 Unkan Joseph iştinma etanhan kikta, hehan Itancan taohnihde token econşi qon he ecen econ, qa tawicu hduza.

25 Tuka cinca tokapa cinca ton şni hehanyan sdoneye şni ; unkan Jesus eya caşkiton.

WICOWOYAKE 2.

1 Unkan Herod wicaştayatapi taanpetu kin he ehan, Bethlehem Juda makoce kin en Jesus tonpi, hehan iho, wiyohiyanpatanhan wicaşta ksapa Jerusalem en hipi qa heyapi ;

2 Tuwe Juda oyate kin en wicaştayatapi kta tonpi kin he tukten un he ; wicanłpi tawa kin he wiyohiyanpata wanunyakapi qa ohoundapi kta on unhipi ce.

3 Herod wicaştayatapi kin he nałon, unkan nina yuşinyaya, Jerusalem ocowasin nakun.

4 Unkan woşnapi kagapi owasin qa oyate kin en wowapi kagapi kin hena wicayuwitaya, hehan Messiya tukten tonpi kta hecinhan, he iwicawanga.

5 Unkan heciyapi ; Juda makoce kin en Bethlehem otonwe kin hetu ce ; wicaşta wokcan kin en kaken owapi ;

6 Qa niş Bethlehem, Juda makoce kin en, Juda itancanpi kin ehna iyotan nicistinna şni ; enitanhan wicaştayatapi wan u kta,

he Israel mitaoyate kin wonwicaye kta.

7 Hehan Herod wicaşta ksa-papi qon nałmana wicakico, qa wicanłpi kin tohanhan tanin ece, he atayedan iwicawanga.

8 Hehan Bethlehem ekta ye wicaşi qa heya ; Ya po, qa hokşıyoqopa kin nina ode po ; qa iyeyayapi kinhan hoşimakahdi po ; miş eya wau qa ohowada kta, eya.

9 Wicaştayatapi ia nałonpi hehan tankan iyayapi ; unkan iho, wicanłpi wiyohiyanpata wanyakapi qon he wicitokam iyaye ça hokşıyoqopa wanke cin he iwan-kam inajin.

10 Unkan wicanłpi kin wanyakapi qehan wowiyuşkin tanka on iyuşkinpi.

11 Unkan ti mahen ipi hehan hokşıyoqopa kin wanyakapi, hunku Mary nakun, qa itokam makata ehpeiciyapi qa ohodapi : unkan wopiye hduhdokapi hehan taku qupi, mazaskazi, qa canşin pejihuta waştemma koya.

12 Unkan wowihanmde on Wakantanka wahowicaya, Herod ekta hdapi kte şni, hehan canku tokeca ohna iye tamakoce ekta hdapi.

13 Hena wanna kihdapi hehan, iho, Itancan taohnihde wan wowihanmde on Joseph en ihdutanin qa heya ; Najin qa hokşıyoqopa hunku kici iwicacu qa Egipta ekta najica wo, qa tohan ociciyake kte cin hehanyan hen un wo : Herod hokşıyoqopa kin kte wacin on etanhan ode kta ce.

14 Hecen hanyen najin hiyaye, ça hokşıyoqopa hunku kici ewicahdaku, qa Egipta ekta iyaya :

15 Qa hen un, Herod te cin hehanyan : Hecen Itancan wicaşta wokcan on taku eye ciqon

WICOWOYAKE 3.

he yuacetupi kta; Egupta etanhan micinkši weco ce.

16 Wicašta ksapapi qon Herod hmayanpi wanhdake çehan nina šiħda; qa *akicita* ekta yewicaši, qa Bethlehem qa makoce ihdukšan koya en, hokšiyopa owasin wicakte, tona waniyetu nonpa qa ihukuya, wicašta ksapapi wiwicawange ciqon he iyacinyan.

17 Unkan hehan Jeremiya wicašta wokcan oie qon yuacetupi, he kaken eya;

18 Rama en wicaho wan naħonpi, ičidowanpi, wicaceya qa wašiħdapi tanka; Racel cinca awicakiceya qa wacintonknakapi kta cin šni, cinca en unpi šni nakaeš.

19 Tuka Herod wanna řa hehan, iħo, Itancan taohnihde wan Egupta ekta Joseph en taniniçiya;

20 Qa heya; Najin qa hokšiyooqopa hunku kici ewicahdaku, qa Israel makoce tawa kin ekta ħda wo; tona hokšiyooqopa řa cinpi qon hena wanna řapi.

21 Unkan najin hiyaye ça hokšiyooqopa hunku kici ewicahdaku qa Israel tamakoce kin en ħdi.

22 Qa Arcelaos, Juda makoce kin en, atkuku Herod tohe kin en wicaštayatapi yanka, he naħon liehan ekta ħde kta kokipa; tuka wowihanmde on Wakantanka wahoye cin on, Galile makoce kin ekta iyaya:

23 Qa otonwe wan Nazareth eciyapi kin he en ħi qa hen yanka; hecen, Nazareth wicašta eciyapi kta ce, wicašta wokcan eye ciqon he yuacetupi.

WICOWOYAKE 3.

1 Unkan anpetu kin hena en, Johannes baptem wicaqu ece kin

he Juda tamakoce ħewoskan ekta woyaka ħi;

2 Qa heya; Ihduacetu po, maħpiya wokiconze kin wanna kiyeđan u ce.

3 Isaya wicašta wokcan caje-yate ciqon he dee, kaken eya; Wicaho ħewoskan en hotanin; Itancan tacanku kin wiyeya ehnaka po, ocanku tawa kin owotanna kaga po.

4 Unkan Johannes eqe tawokoyake taku wan kamel eciyapi he ħin kin on kagapi, qa teħmi-so wan ipiyagkiton; unkan tawoyute kin psipsicadan qa tuħmaga canhanpi kin hee.

5 Hehan Jerusalem qa Juda qa Jordan ihdukšan tanhan owasin en ħipi:

6 Unkan Jordan en baptem wicaqu, woalitani ohdakapi.

7 Unkan Pharisee qa Saddukee wicota baptem wicaqu kin en ħipi wanwicayaka, hehan hewicakiya; Wamduška wicoicage kin, wocanniye u kte cin naye-cipapi kta tuwe e wahokonniciyapi he.

8 Heon etanhan ihduacetupi kta iyececa waskuyeca icahya po:

9 Qa, Abraham ateunyanpi ce, eyeciyapi kta awacinpi šni po; miye heciciyapi, Inyan kin dena etanhan Wakantanka Abraham cinca kicage kta okiħi.

10 Unkan wanna onspe kin can ħute kin en eħnakapi; heon etanhan can otoiyoħi waskuyeca wašte aicage šni kin he kawan-kapi qa petan eħpeyapi ece.

11 Miye niħduacetupi kta on mini on baptem ciçupi; tuka wanji iyotan wařakā mihakam u, he tahanpe kin weciyuħe kta iyemicihantu šni; he qe Woniya Wakan qa peta on baptem niçupi kta.

MATTHEOS.

12 Icaduge nape ohna hduha, owanka tanyan hdahinte kta, qa aguyapi su kin dotopiye ohna mnakiye kta, tuka ha kin peta kasnipica šni on hūlnaliye kta.

13 Hehan Jesus Galile etanhan u, qa Jordan ekta Johannes en hi, baptem qupi kta e heon.

14 Tuka Johannes tehinda qa heya; Baptem mayaqu kta iye-maceca, qa niš en mayahi he.

15 Tuka Jesus ayupte ça heciya; Dehan iyowinyan wo; decen wicoowotanna ocowasin unštan kta iyececa. Hehan iyowinkiya.

16 Unkan Jesus baptem qupi gehan echankeya mini kin etanhan itawankanhde hda; unkan iho, mahipiya kin ayuzamnipi, qa Wakantanka Taniya kin wakiyedan kaħya kuntkiya u, qa en hiyahan, wanyaka.

17 Unkan iho, mahipiya eciyatanhan wicaho wan heya; Micinkši wašte wakidake cin he dee, on iyomakipi linca ce.

WICOWOYAKE 4.

1 Hehan Jesus woniya on lie-woskan makoce kin ekta ayapi, Wakansica iyutanye kta e heon.

2 Unkan wanna anpetu wikcemna topa qa hanyetu wikcemna topa wote šni un, hehan wotektehda.

3 Unkan wawiyutanyan kin en hi qa heciya; Wakantanka Cinhintku kin he niye hecinhan, inyan kin dena aguyapi icage kta keya wo.

4 Tuka iye ayupte ça heya; Aguyapi ecedan on wicašta ni kte šni, tuka wicoie otoiyoħi Wakantanka i eciyatanhan enanpe cin hena on, hecen wowapi kagapi qon.

5 Hehan Wakansica otonwe

wakan kin ekta aya, qa tipi wakan oinkpa wan akan ehde;

6 Qa heciya; Wakantanka Cinhintku kin he niye hecinhan, hetanhan kun ehpeiçiya wo; kaken wowapi en kagapi ce; Taoħnihde kin niye on econ wicašī kta, hecen nape ohna niyuhapi kta, inyan wan en siha ibonišo kte šni.

7 Tuka Jesus heciya; Akeš wowapi en kagapi; Itancan Wakantanka nitawa kin he iyutanyaye kte šni.

8 Hehan ake Wakansica paha wan tehanwankantuya kin he ekta aya, qa maka akan wokiconze kin owasin wowitan ko kipazo;

9 Qa heciya; Makata ehpeniçiye ça ohomayada kinhan, dena owasin ciçu kta ce.

10 Hehan Jesus heciya; Satan miheyata ya wo; Itancan Wakantanka nitawa kin he ohoyada kta, qa isnana wowidagniye kta ce, eya owapi tuka qon.

11 Hehan Wakansica ayušan; unkan iho, mahipiya ohnihde kin en hipi qa okiyapi.

12 Unkan Johannes kaškapi he naħion hehan *Jesus* Galile ekta iyaya:

13 Qa Nazareth ehpeya iyaye ça Kapernaum en hiyanka, he mde kin icahda, Zabulon qa Nephtalim opapun kin hetu.

14 Hecen Isaya oie qon yueceptupi kta;

15 Zabulon makoce qa Nephtalim makoce, mde kahda ocanku kin, Jordan akasanpa tanhan, Galile Ikcewicašta ounyanpi kin:

16 Oyate otpaza en iyotanke ciqon he iyoyanpa tanka wanyakapi, qa tona wiconte makoce qa ohanzi kin en iyotankapi kin hena iyoyanpa awicahinanpa ce.

17 Unkan hetanhan Jesus wo-

WICOWOYAKE 5.

yaka aye ça heya ece ; Ihduece-
tu po, mahpiya wokiconze kin
wana kiyedan u ce.

18 Unkan Galile mde kin ica-
hda mani icunhan, wicašta nom
sunkakiciyapi wanwicayaka, Si-
mon, Inyan eciyapi, qa sunkaku
Andrew *eciyapi*, ho wan mde kin
en iyeyapi ; hena hopsicapi kin
hecapi :

19 Unkan hewicakiya ; Miyahna
u po, kinhan wicašta wicadupsi-
capi ece e kta cicagapi kta ce.

20 Unkan ecahankeya ho kin
elipeyapi qa ihakam iyayapi.

21 Unkan hetanhan iyoopta ye
ça, nakun nom sunkakiciyapi
wanwicayaka, Jakob Zebede
cinhintku qa sunkaku Johannes,
wata kin ohna atkukupi Zebede
kici unpi qa ho piyapi ; unkan
hena wicakico.

22 Is eya wata kin atkukupi ko
ohankoya elipeyapi qa ihakam
iyayapi.

23 Unkan Jesus Galile owan-
caya iyaya, omniciye tipi yuhapi
kin ohna waonspewicakiye ça,
wokiconze wotanin wašte kin
oyaka ece, qa oyate kin en wo-
wayazan owasin qa wicocante
šica owasin asniyan ece.

24 Unkan ohan kin Suriya
owancaya oyakapi ; hecen tona
šicaya yukanpi, qa tona wowa-
yazan ocaje owasin on waya-
zanpi, qa tehiya unpi, qa tona
taku wakan šica yuhapi, qa ta-
ta-
pika cin hena koya owasin en
awicahipi ; unkan asniwicaya.

25 Hecen oyate ota ihakam
yapi ece, Galile etanhan, qa De-
kapolis qa Jerusalem qa Juda
etanhan, qa Jordan akasanpa
tanhan.

WICOWOYAKE 5.

1 Unkan wicota wanwicayaka
hehan paha wan ekta iyaya ; qa

hen iyotanka hehan waonspe-
wicakiye cin en hipi.

2 Unkan i hdukawa qa waon-
spewicakiye ça heya ;

3 Tona cante mahen onšici-
dapi kin hena wicayawaštepi ce ;
mahpiya wokiconze kin he tawa-
pi ece.

4 Tona ceyapi kin hena wicaya-
waštepi ; hena wicakihnapi kta.

5 Tona onšihanpi kin hena wi-
cayawaštepi ; maka kin de ta-
wapi kta.

6 Tona woowotanna on wote-
ktehdapi qa ipuzapi kin hena
wicayawaštepi ce ; hena imnan-
pi kta.

7 Tona waonšidapi kin hena
wicayawaštepi ; hena onšiwica-
dapi kta.

8 Tona cante en ecepidan kin
hena wicayawaštepi ; hena Wa-
kantanka wanyakapi kta.

9 Tona wookiye kagapi kin he-
na wicayawaštepi ; hena Wakan-
tanka cinca ewicakiyapi kta.

10 Tona woowotanna econpi
kin on šicaya kuwapi kin hena
wicayawaštepi ; mahpiya woki-
conze kin he tawapi ece.

11 Tohan aniiapi qa šicaya ni-
cuwapi, qa miye on itonšniyan
taku šica owasin eniciyapi kin-
han, niyawaštepi ece.

12 Wiyuškinpi qa nina cante
wašte po, mahpiya ekta ocinyo-
peniyanpi tanka yanka ; wicašta
wokcan nitokam unpi qon hena
is eya hecen wicakuwapi qon.

13 Maka miniskuya kin he ni-
yepi. Tuka miniskuya kin he
skuye šni kinhan taku e on sku-
yeyapi kta he ; hetanhan taku-
dan okihi kte šni, tankan elipe-
yapi kta qa wicašta amanipi kta.

14 Oyate iyoyanpa kin he niye-
pi. Otonwe wan paha akan ka-
gapi kin he analibepica šni ece.

15 Nakun petijanjan ideyapi qa

MATTHEOS.

koka oħdateya iyeyapi śni, tuka petijanjan ihupa wan en oħtanpi, hecen tipi kin'ohna owasin iyoyamwicaya ece

16 He iyecen wicašta itokam iyoyanpa nitawa iyojanjan kta, hecen wicoħan wašte nitawa wanyakapi kta, qa maħpiya ekta ateyayapi yanke cin he yuonihanpi kta.

17 Wooke qa wicašta wokcan kin mdutakuni kte śni on wahi kecinpi śni po, ihangyapi on wahi śni tuka yuecetupi kta on.

18 Awicakehan heciciyapi; Maħpiya qa maka kin atakuniśni ešta, oowa wanjidan qa oehnake wanjidan wooke kin etanhan icupi kte śni, owasin ecetu kta.

19 Heon etanhan, tuwe woahope kin dena wanji cistinna ahope śni, qa hecen wicašta onspewicakiye cinhan, he maħpiya wokiconze kin en iyotan cistinna yawapi kta; tuka tuwe ecen econ qa iyecen waonspewicakiye cinhan, he maħpiya wokiconze kin en tanka yawapi kta.

20 Miye heciciyapi ce; Wicootanna nitawapi kin, wowapi kagapi qa Pharisee tawapi kin isanpa tanka śni kinhan, maħpiya wokiconze kin en ecaca oyapapi kte śni.

21 Tuwedan yakte kte śni, hunkawicayapi kin eyapi keyapi nayahonpi; qa tuwe tin wicakte kinhan he yacopi kta ce.

22 Tuka miś heciciyapi; Tuwe taku on etanhan śni sunkaku śicekidake cinhan he yacopi kta; qa tuwe sunkaku, Waħteśni, eciye cinhan he omniciye tanka kin en ayapi kta; qa tuwe, Winitkotkoka, eciye cinhan, he Wakanśica tapeta kin en iyohpeyapi kta iyececa.

23 Heon etanhan wośnapi nitawa owayuśna kin ekta ayahi kin-

han, qa hen nisunka taku iyanionpa he yeksuya hecinhan;

24 Ito wośnapi nitawa owayuśna kin itokam ehnake qa ekta ya wo, tokaheya nisunka kici okiciciye qa hehan ku qa wahuśna wo.

25 Tuwe taku en aniu hecinhan he kohanna kici okiciyuwašte wo, canku ohna kici yaun kin icunhan; okinni wayaco ckta aniye kta, qa wayaco kin is akicita en aniye kta, qa hecen kaska nihnakapi kta:

26 Awicakehan heciciya; Tohanyan mazaśadan ehake yahdajuju śni kinhan hetanhan tankan yaku kte śni.

27 Wawiciħaħapi ecanon kte śni, hunkawicayapi qon eyapi keyapi nayahonpi.

28 Tuka miś heciciyapi; Tuwe winohinca wan en etonwe qa cantiheye cinhan he wanna cante ekta kici wawiciħaħapi econ.

29 Niišta etapa eciyatanhan kin he waħtaniniye cinhan hduśdoke qa ehpeya wo; niišta wanji atakuniśni kinhan he wašte kta, qa tancan ocowasin Wakanśica ti kin en ehpeniyanpi kte śni.

30 Qa ninape etapa kin waħtaniniye cinhan hdakse qa ehpeya wo; nihuha wanjidan atakuniśni kinhan he wašte kta, qa tancan ocowasin Wakanśica ti kin en iyohpeniyanpi kte śni.

31 Tuwe tawicu ehpekiye kta hecinhan kpaganpi wowapi wanqu kta, keyapi qon.

32 Tuka miś heciciyapi; Tuwe tawicu ehpekiya, wawiciħaħapi econ kin on etanhan śni, he wawiciħaħapi econkiya ece; qa tuwe winohinca ehpeyapi kin he yuze cinhan he nakun wawiciħaħapi econ ece.

33 Akeś hunkawicayapi qon heyapi keyapi nayahonpi; Itonśni

WICOWOYAKE 6.

niçicage kte śni, tuka taku konza Itancan kin eyakiye cinhan hena yahducetü kta ce.

34 Tuka miş heciciyapi; Taku cajedate ça he namañon ce, eye śni wo; mañpiya kin he hecen *cajedate* kte śni, he Wakantanka oiyotanke tawa kin hee.

35 Qa nakun maka kin de, he Wakantanka siha oahe kin ee; qa nakun Jerusalem hecen *cajedate* kte śni, Wicaştayatapi tanka totonwe kin hee.

36 Qa nakun nipa kin he caje yahdate kte śni, paha wanjidän kaeş ska qa iş sapa yakage kta oyakihi śni, heon etanhan.

37 Tuka taku ehe cin, Han, han; Hiya, hiya, ecedan kta; taku dena sanpa kinhan he taku śica etanhan icage kta.

38 İsta wanji išta wanjidän on etanhan, qa hi wanji hi wanjidän on etanhan, keyapi nayañonpi.

39 Tuka miş heciciyapi; Taku śica tokicönpi śni po; tuka tuwe tapon etapa eciyatanhan anipe cinhan unma eciyatanhan kipazo po.

40 Qa tuwe wope on niyaco qa onñdolida nici kta cin kinhan, nitaşina nakun teñinda śni wo.

41 Qa tuwe wiyutapi hanska wanji hehanyan kici yeniye kta hecinhan, nom kici ya wo.

42 Tuwe taku nicida kinhan qu wo; qa tuwe wonicidota hecinhan etanhan ihdamna śni wo.

43 Tuwe nikiyedän un kin he waşteyadake kta, qa tuwe tokaniye cin he śiceyadake kta, eyapi qon nayañonpi.

44 Tuka miş heciciyapi; Tona tokaniyanpi kin hena cante wicakiya po; qa tona niyaşicapi kin hena wicayawaşte po; tona śicenidapi kin hena taku waşte ecawicakicon po; qa tona taku i en iyeniyänpi qa teñiya nicuwapi

kin hena wocekiye ewicakiciya po.

45 Hecen Ateyayapi mañpiya ekta un kin he cincaniyanpi yaunpi kta; he qe anpetu wi tawa kin wicašta śica wicašta waşte ko en awicahinanpeya ece, qa wicašta owotanna owotanna śni ko awicamagajuya ece.

46 Tona waštenidapi kin hena waşte wicayadapi kinhan wokañuju taku duhapi he; wamnanyanpi kin hena eepi kaeş heconpi śni he.

47 Qa sunka wicayayapi kin henana napewicaduzapi kinhan, taku econpi ece sanpa tukte e ecanonpi he; wamnanyanpi kin hena eepi kaeş heconpi śni he.

48 Heon etanhan Niyatepi mañpiya ekta un kin he owotanna ñinca he iyecen niş eya owotan-na ñinca un po.

WICOWOYAKE 6.

1 Wicašta itokam ihnuhan taku ituyañanpi kinhan, wanniyakapi kta heon; hecen ecanonpi kinhan Niyatepi mañpiya ekta un kin he takudan niçupi kte śni.

2 Heon etanhan tohan taku wicayaqu kta hecinhan nitokam cotanka yajowicayakiye kte śni, wanañihmanpi kin omnickiye tipi qa canku ohna econpi ece kin iyececa, wicašta on wicayatanpi kte cin heon; awicakehan heciciyapi; Hena wokajuju hduhapi ece.

3 Tuka niye taku wicayaqu eca ninape etapa taku econ kin he nicatka sdoneye kte śni.

4 Hecen wawicayaqu kin he nañmana un kta; qa Niyatepi taku nañmana un kin wanyaka ece kin he iye taninyan nicicajuju kta.

MATTHEOS.

5 Qa tohan ceyakiya eca wana-
içihmanpi kin iyenicece kte şni;
hena ege omniciye tipi qa canku
oise kin en najin cekiyapi waşte-
dakapi ece, wicašta wanwicaya-
kapi kta e heon; awicakehan
heciciyapi; Hena wokajuju hdu-
hapi ece.

6 Tuka niye qe ceyakiye cin-
han, tipi cistinna nitawa kin en
timahen yakiyahde ça tiyopa
ecen iyacu kinhan, hehan Ni-
yate nahmana un kin he cekiya
wo, qa Niyate nahmana wawan-
yaka ece kin he taninyan nici-
cajuju kta.

7 Ceyakiyapi kinhan akihdehde
oie kiçunpi şni po, Ikcewicašta
econpi kin iyececa; hena e iapi
ota unpi kin on nawicalion kta
kecinpi.

8 Niye hena iyenicecapi kte
şni; hinahin yakidapi şni itokam;
hena taku kin yacinpi, Niyatepi
sdonya ece.

9 Heon etanhan kaken cekiya
po; Ate unyanpi mahpiya kin
en; Nicaje wakandapi kte;

10 Nitokiconze u kte; Nitawa-
cin ecen econpi nunwe, mahpiya
kin en iyececa, nakun maka
akan:

11 Anpetu kin de anpetu woyu-
te unqu miye:

12 Qa waunhtanipi kin unkici-
cajuju po, tona waunkiciltanipi
wicunkicicajujupi kin he iye-
ceca:

13 Qa taku wawiyutanyan un
kin en un kayapi şni po, tuka
taku şice cin etanhan eunhdaku
po: Wokiconze kin he niye ni-
tawa, qa wowaşake kin, qa wo-
witan kin, owihanke wanica.
Amen.

14 Niye wicašta wahtanipi wi-
cayecicajujupi kinhan, Niyatepi
mahpiya ekta un kin he nakun
niye nicicajujupi kta.

15 Tuka niye wicašta wahta-
nipi kin wicayecicajujupi şni
ehantanhan, nakun Niyatepi wa-
yahtanipi kin nicicajujupi kte
şni.

16 Tohan wote şni yaunpi kin-
han wanaçihmanpi kin iyecen
ite şinkiyapi şni po; hena ege
ite hduşicapi ece, hecen wicašta
ekta wote şni unpi e ihdutaninpi
kta; awicakehan heciciyapi,
Hena wokajuju hduhapi ece.

17 Tuka niye qe wote şni yaun
kinhan pa sdakiye ça ite hduja-
ja wo:

18 Hecen wicašta en wote şni
yaun nihdutanin kte şni, tuka
Niyate nahmana un kin he en
nihdutanin kta; qa Niyate na-
hmana wawanyake cin he tanin-
yan nicicajuju kta.

19 Woyuha maka akan ekihna-
kapi şni po; hen wamduşkadan
qa gigi kin wayutakunişni ece,
qa wamanon sa wayujujupi qa
wamanonpi ece.

20 Tuka woyuha mahpiya kin
ekta ekihnaka po; heciya wa-
mduşkadan qa gigi kin wayuşice
cin wanica, qa wamanon sa wa-
yujujupi şni qa wamanonpi şni.

21 Tukten woyuha niciyanka-
pi hecinhan, nicantepi nakun
hen un kta.

22 Wicišta kin he wicatançan
iyoyanpa kin hee; heon etanhan
ništa tokeca şni kinhan nitan-
çan ocowasin iyoyanpa kta:

23 Tuka ništa şice cinhan ni-
tançan kin ocowasin otpaze kta.
Heon iyoyanpa en niun kin he
otpaza hecinhan, otpaza kin he
tanka hinca.

24 Tuwedan wicašta itançan
nom anawicagoptan kta okihi
şni; wanji şice kidake kta, qa
unma kin is waşte kidake kta;
wanji en iyaihdaşke kta, qa un-
ma kin is en etonwe kte şni;

WICOWOYAKE 7.

Wakantanka qa mammon napin anagoptan oyakhipi kte śni.

25 Heon etanhan heciciyapi ; Yanipi kin on nagiyeciŕiyapi śni po, taku yatapi kta, qa taku datkanpi kta ; qa nakun nitancanpi on taku kodakapi kta : Wiconi kin he woyute isanpa śni he ; qa wicatančan kin is wokoyake isanpa yawapi śni he.

26 Małpiya okinyanpi kin hena wanwicayaka po, hena wojupi śni, qa woksapi śni, qa mazopiye en omnayanpi śni, tuka Niyatepi małpiya ekta un kin he hena wo wicaqu ece ; unkan niye hena isanpa niyawapi śni he.

27 Niyepi etanhan wanji tukte e he awacannipi on wiciśpa wanjidan kaeś sanpa nihduhanskapi oyakhipi kta he.

28 Qa tokeca wokoyake on iyokiśiniŕiyapi he ; tinta mnałcałca kin wanyaka po, icage cin ; łtani śni qa nakun wapałmun śni ;

29 Tuka heciciyapi ; Solomon wowitan tanka hduha un qon hee kaeś de wanji iyececa wokoyake kiŕun śni.

30 Unkan tinta peji, dehan icage ęa heyakecinhan oceti en ełpeyapi ece kin, he Wakantanka hecen koyagya hecinhan, niś niye wacinyan nicistinpidan, sanpa wakoyagnianpi kte śni he.

31 Heon etanhan, Taku untapi, qa taku unyatkanpi, qa taku kounyakapi kta he, eya wacin iyo kiśicapi śni po.

32 Taku kin hena owasin Ikcewicaśta akitapi ece ; qa Niyatepi małpiya ekta un kin he dena takuowasin yacinpi esdonya ece.

33 Tuka Wakantanka tokiconze kin he tokaheya akita po, qa toowotanna nakun ; kinhan dena taku owasin koya niŕupi kta.

34 Heon etanhan heyakecinhan

on iyokiśiniŕiyapi śni po ; heya-kecinhan he taku tawa kin on iyokiśica ece e kta ; anpetu eca taku śica tawa kin yukan ece e kta.

WICOWOYAKE 7.

1 Wayacopi śni po, hecen niyacopi kte śni.

2 Woyaco tukte e on wadacopi hecinhan he on niś eya niyacopi kta ; qa wiyutapi tukte e on widutapi eca hee on winiciyutapi ece e kta.

3 Qa nisunka iśta kin en takuśni yanka e tokeca wandaka he ; qa cankaga wan niśta ohna yanke cin he wanyahdake śni.

4 Qa is token nisunka, Ito niśta kin etanhan takuśni kin icicieu kta, eyakiye kta he ; qa iho, cankaga wan niśta ohna yanka ce.

5 Wanaicilıman, tokaheya cankaga iśta ohna niyanke cin he hduśdoka wo ; qa hehan takuśni nisunka iśta ohna yanke cin he iyacu kta tanyan wandake kta.

6 Taku tona wakan kin hena sunka wicaqupi śni po, qa inyan tehika nitawapi kin kukuśe wicitokam ełpeyapi śni po ; okinni siha on amanipi kta, qa akeś hdicupi qa niyahdecapi kta.

7 Da po, kinhan niŕupi kta ; ode po, kinhan iyeyayapi kta ; en katoto po, kinhan niciyulıdokapi kta.

8 Tuwe da eca icu ece ; qa tuwe ode eca iyeya ece ; qa tuwe *tiyopa* katoto eca he kiciyulıdokapi ece.

9 Unkan enitanhanpi wicaśta wanji cinhintku aguyapi kida kinhan, inyan wanji qu kta he.

10 Qa hogan kida kinhan wamduśka wan qu kta he.

11 Heon etanhan niye niśicapi

MATTHEOS.

ešta, taku wašte nicinca wica-yaqupi kta onnisepi ehantahan, Niyatepi mahiyya ekta un kin he, sam iyeya tona kidapi kin, taku waštešte wicaqu ece e kta.

12 Heon etanhan taku tona wicašta ecaniconpi kta yacinpi kinhan, hena owasin ecawicakicon po; woepe qa wicašta wokcanpi kin iho hee.

13 Tiyopa ciqadan kin he ohna ya po; Tiyopa kin tanka qa canku nakun tanka wicotakunišni iyahde, qa ohna iyayapi kin wicota hinca.

14 Tuka tiyopa kin ciqadan qa canku nakun ocistiyedan wiconi iyahde; qa wicašta tonana iyeyapi ece.

15 Wicašta wokcan itonpišni kin hena kowicakipa po; hena taħinca wanunyanpi iyecen koyag en nihipi, tuka mahen šunktokeca wayapota ece kin hecapi.

16 Waskuyeca tawapi kin on sdonwicayayapi kta. Wicašta wapepeka etanhan hastanhanka yušpipi he, qa toka hu kin etanhan suken waskuyeca icupi he.

17 He iyecen can wašte owasin waskuyeca wašte icalıya ece; tuka can šice cin waskuyeca šica aicaga ece.

18 Can wašte kin he waskuyeca šica icalıye kta ohihi šni; qa nakun can šice cin he waskuyeca wašte icalıye kta ohihi šni.

19 Can otıyohi waskuyeca wašte aicage šni kin he kawan-kapi qa petan ehpeyapi ece.

20 Heon etanhan waskuyeca tawapi on sdonwicayayapi kta.

21 Tona, Itancan, Itancan, emakıyapi kin owasin mahiyya wokiconze kin en yapi kte šni; tuka tuwe Atewayaya mahiyya ekta un kin tawacın kin ecen econ kinhan hee *en un kta.*

22 Anpetu kin he en wicota hemakıyapi kta; Itancan, Itancan, nicaje on wiunyukanpi šni he; qa nicaje on taku wakan šica napewicunyanpi; qa nicaje on wicoħan tanka ota econkupi ce.

23 Tuka hehan hewicawakiye kta; Toħinni sdonciyapi šni, wicoħan šica ecanonpi kin mitantanhın iyaya po.

24 Heon etanhan tuwe mioie kin dena nahon, qa ecen econ kinhan, he wicašta ksapa e imdacın kta, he qe imnıya wan akan ti kicaga.

25 Unkan nına magaju qa minitan aya; nakun tateyanpa hinca, qa tipi kin he en ihıya, tuka hınhpaye šni; inyan akan kagapi nakaes.

26 Qa tuwe mioie kin dena nahon, tuka ecen econ šni kinhan, he wicašta witkotkoka iyecceca, he wıyaka akan tipi kicaga.

27 Unkan nına magaju qa minı tanka icaga, nakun tateyanpa hinca, qa tipi kin he en ihıya; unkan hınhpaya; qa ihangyapi kin he tanka.

28 Unkan Jesus wicoie kin dena ihunnikiya, hehan wicota wahokonwicakiye cin on yušinyayapi.

29 Wanji wookıhi yuhe cin iyecen wahokonwicakiya, qa wowapi kagapi econpi kin iyecece šni.

WICOWOYAKE 8.

1 Unkan paha kin etanhan kun ku qehan, wicota hinca ihakam unpi.

2 Unkan iho, wicašta wan leprose ececa he en hi qa canpeška makehde inajın qa heciya; Itancan, yacın kinhan, asnimayaye kta oyakihi.

3 Unkan Jesus nape ekta yekiye ça yutan, qa heciya; Wacin; hecen asni wo. Unkan ecehna-wowayazan kin ayuŝtan.

4 Unkan Jesus heciya; Ihunhan tuwe oyakidake cinhan; tuka ekta ye ça woŝnapi kage cin he en ihdutanin wo, qa taku Moses econniŝi qon he wayuŝna wo, sdonyapi kta e heon etanhan.

5 Unkan Jesus Kapernaum en hi qehan, akicita tancan wan en u qa cekiya;

6 Qa heya; Itancan, hokŝidan mitawa tiyata wanka ŝaŝaka, nina yazan.

7 Unkan Jesus heciya; Wau qa aŝniwaye kta.

8 Hehan akicita opawinge wicayuhe cin he ayupte ça heya; Itancan, wati en timahen yau kta iyemacece ŝni; tuka oie kin ecedan eya wo, kinhan hokŝidan mitawa asni kta:

9 Miŝ eya wicaŝta itancan hemaca, qa akicita wicamduha; unkan wanji, Ya wo, ewakiya eca, ya ece; qa wanji tokeca, U wo, *ewakiya* eca, u ece; qa mitaokiye, Kaken econ wo, *ewakiya* eca, ecen econ ece.

10 Unkan Jesus he nañon qehan yuŝinyaya, qa ihakam unpi kin hewicakiya; Awicakehan heciciyapi, Israel hec kaeŝ en wacinyanpi hinsko tanka iyewayec ŝni ce.

11 Nakun heciciyapi; Wiyohiyanpa tanhan qa wiyohpeya tanhan wicota upi kta, qa Abraham qa Isaak qa Jakob om iyotankapi kta, mañpiya woki-conze kin en:

12 Tuka wokiconze cincapi kin hena tankan iyewicayapi kta, otpaze hinca ekta; heciya wicaceya hi hdakinskinzapi ko yuke kta.

13 Unkan Jesus akicita opa-

winge wicayuhe cin heciya; Hda wo, wacinyaye cin iyecen ecaniconpi nunwe. Unkan wihiyayedan oape kin he en hokŝidan tawa kin asniyanpi.

14 Unkan Jesus Inyan ti kin en tin iyaya, hehan kunku kin makata wanka wanyaka, tancan kata.

15 Unkan nape kin yutan, hehan tancan kate cin ayuŝtan; unkan najin qa wowicakihan.

16 Wanna hitayetu hehan wakan ŝica wicayuhnaŝkinyan ota en awicahipi; unkan oie kin on wakan ŝica napewicaya; qa tona wayazankapi kin owasin asniwicaya.

17 Hecen Isaya wicaŝta wocan taku eye ciqon he yuecetupi kta; he kaken eya; Iye tehiya unyakonpi kin eunkiciyakupi qa waunyazanpi kin yutokan iyeunkiciyapi ece.

18 Unkan Jesus wicota hinca ihdukŝan yukanpi kin hena wanwicayaka hehan akasanpa yapi kta keya.

19 Unkan wowapi kaga wan en hi qa heciya; Waonspekiya, tokiya da eca cihakam waun ece e kta.

20 Unkan Jesus heciya; ŝungidan waŝun tonpi, qa mañpiya okinyanpi kin holpi yuhapi ece; tuka Wicaŝta Cinhintku kin tukten pa ipahinye kta yuhe ŝni.

21 Hehan waonspewicakiye cin tokeca wanji heciya; Itancan, tokaheya wahde ça ate wehe kta e iyowinmakiya ye.

22 Tuka Jesus heciya; Miha-kam un wo; ito ŝapi kin hena tona kiŝapi kin wicakiñapi kta.

23 Unkan wata wan en opa, hehan waonspewicakiye cin iha-kam upi.

24 Unkan iho, mini kin ekta tate iyumni wan tanka; hecen

MATTHEOS.

wata kin taja on akahpapi ; tuka iye iştinma yanka.

25 Unkan waonspewicakiye cin en hipi, qa yuhicapi qa heciyapi ; Itancan, niunkiya po, unţapi kta ce.

26 Unkan hewicakiya ; Cistin-na wacinyayapi kin, tokeca koyakipapi he. Hehan inajin qa tate mini ko kişica ; unkan amdakedan tanka.

27 Tuka wicaşta kin hena yuşinyayapi qa heyapi ; De taku wicaşta ka hwo, hecen tate mini ko anagoptan ece.

28 Unkan akasanpa i, Gadarene makoce tawapi kin en, hehan wicaşta nom wakan şica wicayuhnaşkinnye cin hena itkopipapi, wicaşta hnakapi kin etanhan upi, wohitikapi hinca, hecen tuwedan canku kin he ohna ye kta okihi şni.

29 Unkan iho, heya howayapi ; Jesus Wakantanka Cinhintku, taku unkiyotahedan un he ; hinaşinke şni tuka itokam kakisunyayapi kta on yahi he.

30 Unkan yukanpi kin itehan kukuşe optaye wan wo wicaqupi ece.

31 Hecen wakan şice cin hena cekiyapi qa heyapi ; Napeunya-yapi kinhan kukuşe optaye kin en unkiyayapi kta iyowinunkiya miye.

32 Unkan ; Ya po, ewicakiya. Hecen tankata hinanpapi hehan kukuşe optaye kin en iwicaya-yapi. Unkan iho, kukuşe optaye kin iyuhpa maya hinca apamahde inyang naşdog iyayapi, mde kin en, qa minin ţapi.

33 Unkan tona wo wicaqupi qon hena najicapi ; qa otonwe en kipi, qa taku owasin oyakapi, wicaşta wakan şica wicayuhnaşkinyanpi qon, taku ecawicakiconpi kin hena koya.

34 Unkan iho, otonwe kin oco-wasin Jesus itkokim upi, qa wanyakapi qehan, makoce tawapi kin etanhan hde kta icekiyapi.

WICOWOYAKE 9.

1 Hehan wata kin en okipe  a akasanpa kihde  a iye totonwe kin en ki.

2 Unkan iho, wicaşta  atake cin wan owinja akan wanka e he en ahipi. Unkan Jesus wacinyanpi kin wanyake  ehan  atake cin heciya ; Cinş, cante waşte wo ; wayahtani kin nicicajujupi ce.

3 Unkan iho, wowapi kagapi kin wanjikji iyakitedan heki-ci-yapi ; Wicaşta kin de şicaya ia.

4 Unkan Jesus canteyuzapi kin wanyaka hehan heya ; Tokeca cante mahen taku şica awacannipi he.

5 Wayahtani kin nicicajujupi ce, eyapi ; qa iş ; Najin qa mani wo, eyapi kin, unma tukte waşakadan he.

6 Tuka Wicaşta Cinhintku kin woahtani maka akan kajuja kta okihi e he sdoniyayapi kta ; hehan  atake cin heciya ; Najin wo, nitowinja ehdaku qa tiyata hda wo.

7 Unkan najin hiyaye  a iye ti ekta hda.

8 Tuka wicota he wanyakapi hehan yuşinyayapi, qa Wakan-tanka wicaşta wookihi hinsko tanka wicaqu kin he yatanpi.

9 Unkan Jesus hetanhan iyoopta iyaya hehan wicaşta wan Mattheos eciyapi, mazaska mnanyanpi kin en iyotanka he wanyaka ; qa heciya ; Miyahna u wo. Unkan najin hiyaye  a ihakam iyaya.

10 Unkan ti mahen wota iyoo-

tanka yanka hehan, iho, mazaska mnayanpi wahtanipi sa ko ota en hipi, qa Jesus kici iyotankapi, waonspewicakiye cin om.

11 Unkan Pharisee kin is he wanyakapi hehan waonspewicakiye cin hewicakiyapi; Tokeca Waonspekiye nitawapi mazaska mnayanpi wahtanipi sa ko om wota he.

12 Unkan Jesus he nahon qehan hewicakiya; Tona zanipi kin hena pejihutawicašta cinpi šni, tuka wayazankapi kin.

13 Tuka ya po, qa de taku kapi hecinhan sdonya po; Wowaonsida iyomakipi qa wošnapu wacin šni. Wicašta owotanna wicakico wahi šni, tuka wahtanipi sa iyopeičiyapi kta on wahi ce.

14 Hehan Johannes waonspewicakiye cin en hipi qa heciyapi; Tokeca unkiye qa nakun Pharisec kin ijehan akihanunkičiyapi, tuka waonspewicayakiye cin akihaničiyapi šni.

15 Unkan Jesus hewicakiya; Wakankiciyuza cincapi kin tohanyan tawicu ton kte cin om un kinhan, hehanyan token ecin iyokišicapi kta he; tuka anpetu u kta tawicu ton kte cin ewicakiciyakupi kta, unkan hehan akihaničiyapi kta.

16 Tuwedan šina teca onšpa wokoyake tanika en akihdag ton šni; kinhan onšpa teca qon he mnawahe kta qa sanpa tanka lidecahan aya ece.

17 Nakun miniša teca ojuha tanika en okaštanpi šni ece; kinhan ojuha kin napopa, qa miniša kin skepa, qa ojuha kin ihangyapi ece. Tuka miniša teca ojuha teca en okaštanpi ece, hecen napin tanyan yuhapi.

18 Hena hecen ewicakiya icunhan, iho, wicašta itanean wan en u qa canpeška makehde ina-

jin qa heciya; Micunksi nakaha ta, tuka en yau qa nape on aya-putake cinhan kini kta.

19 Unkan Jesus najin qa kici hda, nakun waonspewicakiye cin.

20 Unkan iho, winohinca wan waniyetu ake nonpa wayazanka, we ece iheya, he idazatanhan en u qa tašina opapun kin yutan:

21 Tašina kin hee kaeš mdutan kinhan amasni kta ce, cante mahen eye qa hecon.

22 Tuka Jesus ihdamna, qa wanyake cehan heya; Cuns, cante wašte wo; wacinyaye cin he asninyan ce. Unkan wihiyayedan oape kin he en winohinca kin asni.

23 Unkan Jesus wicašta itancan qon ti kin en i, qa tona cotanka yajopi, oyate ceyapi ko wanwicayaka;

24 Hehan hewicakiya; Ako iyaya po; wicinyanna kin te šni, tuka iština ce. Unkan ihašapi.

25 Tuka oyate tankan hdicuwicayapi, hehan ti mahen i, qa nape on yuza; unkan wicinyanna kin injin.

26 Unkan he makoce kin owancaya oyakapi.

27 Unkan Jesus hetanhan iyopte iyaya, hehan wicašta nom išttagongapi kin hena ihakam yapi, howayapi qa heyapi; Dawid Cinhintku onšunkida miye.

28 Unkan ti mahen iyaya, hehan wicašta išttagongapi kin en hipi: Unkan Jesus hewicakiya; Hecen ecamon kta owakihi wicayadapi he. Unkan, Han, Itancan, eyapi.

29 Hehan išta en wicayutan qa heya; Wacinyayapi kin iyecen ecaniconpi nunwe.

30 Hecen išta hdukawapi. Unkan Jesus wašagya wahokonwi-

MATTHEOS.

cakiye ça heya; Ito tuwedan sdoneye kte šni

31 Tuka tankan hdapi hehan makoce kin he owancaya nina oyakapi.

32 Unkan hena iyayapi hehan iho, wicašta wan ia okitpani, wakan šica yuhnaškinyan, he en ahipi.

33 Unkan wakan šice cin napewyapi hehan ia okitpani qon ia; unkan oyate kin inihanpi qa heyapi; Israel en tohinni decen wanyakapi šni tuka qon.

34 Tuka Pharisee kin heyapi; Wakanšica itancan kin on taku wakan šica napewicaya ece.

35 Unkan Jesus otonwe kin owasin, otonwe ciqadan ko iyaza un, omniciye tipi yuhapi kin ohnahna waonspekiye ça woki-conze wotanin wašte kin he oyaka ece; qa wayazankapi owasin, oyate kin en tehiya unpi ko asniwicaya ece.

36 Tuka wicota wanwicayaka hehan onšiwicakida; nina mdo-kiŕapi qa enanakiya iyayapi ece, taŕinca wanunyanpi tuwedan wicayuhe šni iyececa.

37 Hehan waonspewicakiye cin hewicakiya; Awicakehan woksapi-kin he tanka, tuka litanipi kte cin hena tonana:

38 Heon etanhan woksapi en Itancan kin iye tamaga kin en wicašta litanipi kte cin hena hiyuwicaye kta icekiya po.

WICOWOYAKE 10.

1 Unkan waonspewicakiya akenonpapi kin hena wicakico qehan, taku wakan šica on wowašake wicaqu, napewicayapi kta, qa nakun wowayazan šicaya unpi ko, owasin asniwicayapi kta.

2 Unkan wahošiyapi akenonpapi kin kakenken ewicakiyapi;

tokaheya Simon he nakun Inyan eciyapi, qa Andrew iye sunkaku; Jakob Zebede cinhintku qa Johannes iye sunkaku;

3 Philip qa Bartholomew; Thomas qa Mattheos wamnaye ciqon; Jakob Alpheus cinhintku qa Lebbeus he nakun Thaddeus eciyapi;

4 Simon Kananite kin, qa Judas Iskariot wiyopeye kte cin hee.

5 Dena akenonpapi kin Jesus yewicaši, wahokonwicakiye ça heya; Ikcewicašta tacanku wan ohna yapi šni po, qa Samaria oyate otonwe tawapi kin en yapi šni po:

6 Tuka Israel ti kin etanhan taŕinca wanunyanpi taninpi šni kin hena ekta ya po.

7 Qa dapi eca yaotanin po, qa; Maŕpiya wokiconze kin wanna kiyedan un ce, eya po.

8 Tona wayazankapi kin asniwicaya po, tona lepros ececapi kin ska wicakaga po, ŕapi kin hena kiniwicaya po, qa taku wakan šica napewicaya po; iyunwin codan iyacupi, iyunwin codan wicaqu po.

9 Ipiyake nitawapi ohna mazaskazi, qa mazaska, qa mazaša unmana yuhapi šni po.

10 Qa icimayanipi kin on wujuhadan, qa onŕidoŕda nonpa, qa hanpa, qa cansagye, yuhapi šni po; tuwe litanipi kin he woyute qupi ece e kta iyececa.

11 Qa otonwe tanka otonwe ciqadan ko, wanji tukte en yaipi kinhan, tuwe iyececa hecinhan iwicawanga po, qa he kici yukan po, tohanyan etanhan yahdapi šni kinhan.

12 Qa tipi wanji en yaipi kinhan, Wookiye en un nunwe, eya po.

13 Qa tipi kin he iyececa hecinhan wookiye nitawapi akan

un kta ; tuka iyecece śni kinhan wookiye niye en nihdipi kta.

14 Qa tukten iyowinniciyapi śni qa nioiepi kin nahonpi śni kinhan, tipi kin he, qa otonwe kin he, etanhan tankan yahdapi kinhan, watuśekśeca siha onitkapapi kin he natata po.

15 Awicakehan heciciyapi ; Woyaco anpetu kin en otonwe kin he tehiya un kta, Sodom qa Gomorra makece kin isanpa.

16 Iho, taħinca wanunyanpi śunktokeca wicehna iyecen yeciśipi ; heon etanhan wamduśka iyecen ksapa po, qa wakiyedani iyecen walibapidan po.

17 Tuka wicaśta iwanwicayaka po ; woyaco omniciye kin en aniyampi kta, qa omniciye tipi yuhapi kin ohna nicapsinpsintapi kta :

18 Qa wicaśta itancanpi wicaśtayatapi ko, en aniyampi kta, miye on etanhan, hecen iyepi qa Ikcewicāśta ko wicayakiyutaninpi kta.

19 Unkan tohan hecen wicanicupi kinhan, taku, qa token ehapi kte cin, heon iyokiśinićiyapi śni po ; wihiyayedan oape kin he en token ehapi kta he nicupi kta ce.

20 Ie kte cin he niyepi śni, tuka Niyatepi Taniya en niunpi kin he iye ie kta.

21 Hunkawanjinkiciyapi kin iś unma ktepi kta e wicaqu kta ; qa wicaśta wan iye cinhintku kin nakun ; qa wicacinca kin iś hunkakewicayapi itkowicakipapi qa wicakiktepi kta.

22 Qa micaje on owasin śicenidapi kta ; tuka tuwe owihanke kin hehanyan sutaya un kinhan he ni kta.

23 Tuka tohan otonwe kin de en śicaya nicuwapi kinhan, wanji

tokeca ekta najica po ; awicakehan heciciyapi, Israel otonwe tawapi kin iyaza yaunpi kte śni ecen Wicaśta Cinhintku kin hi kta.

24 Waonspekiyapi kin he waonspekiya tawa kakipe śni ; qa tuwe wowidake un kin he yuhe cin isanpa tanka śni ece.

25 Tuka waonspekiyapi kin waonspekiya tawa kin iyececa, qa wowidake un kin yuhe cin iyececa hecinhan hecetu kta. Tipi tawa kin he Beelzebub eciyapi hecinhan, tiyohnake tawa kin iś nakun hewicakiyapi kte śni he.

26 Heon etanhan kowicakipapi śni po ; taku akalĥpapi qa yuzamnipi kte śni wanica, qa taku anaħmanpi qa sonyapi kte śni wanica.

27 Taku otpaza en ociciyakapi kin he anpa en daotaninpi kta ; qa taku noge on nayahonpi kin he tipi akalĥpe kin etanhan eyanpaha odakapi kta.

28 Unkan tona wicatancan ecedan ktepi kta okihipi, qa wicanagi kte okihipi śni kin hena kowicakipapi śni po ; tuka tuwe wicanagi wicatancan ko Wakanśica ti kin en ihangye kte cin hee e kokipa po.

29 Zitkadan nom mazaśa wanjidani iyopeyapi śni he ; qa etanhan wanjidani kaeś Niyatepi codan makata ihpaye kte śni.

30 Tuka paha nitawapi kin hee kaeś owasin yawapi ece.

31 Heon etanhan kopehdapi śni po ; zitkadan ota isanpa niyawapi ece.

32 Heon etanhan tuwe kaśta wicaśta wicitokam miye omayake cinhan, he Ate maħpiya en un kin itokam omdake kta.

33 Tuka tuwe wicaśta wicito-

kam miye ehpemaye cinhan, he miye Atewaye mahpiya en un kin itokam ehpewaye kta.

34 Wookiye maka akan wicawaqu kta on wahi kecinpi s̄ni po; wookiye wicawaqu kta wahi s̄ni tuka mazasgye.

35 Wicašta wan atkuku s̄icekidake wakiye kta wahi, qa cunwintku iye hunku kin, qa takosku iye kunku kin s̄icekidake kta heon.

36 Qa wicašta tona tokayapi kin iye ti en unpi kin hena eepi kta.

37 Tuwe miye isanpa atkuku qa is̄ hunku kin waštekidake cinhan, he mici un kta iyecece s̄ni; qa tuwe miye isanpa cinhintku qa is̄ cunwintku kin waštekidake cinhan, he mici un kta iyecece s̄ni:

38 Qa tuwe cansusbeca tawa kin ehdaku s̄ni qa miyahna u s̄ni kinhan, he mici un kta iyecece s̄ni.

39 Tuwe wiconi tawa kpatan kinhan, he toki ehpekiye kta; qa tuwe miye on etanhan wiconi tawa kpagan kinhan, he kpatan kte cin ee.

40 Tuwe iyowinniciyapi kin he iyowinmakiya; qa tuwe iyowinmakiye cin he tuwe umaši kin he iyowinkiya ece.

41 Tuwe wicašta wokcan, wicašta wokcan caje on iyowinkiyeye cinhan, he wicašta wokcan iyunwin tawa yuhe kta; qa tuwe wicašta owotanna, wicašta owotanna caje on iyowinkiyeye cinhan, he wicašta owotanna iyunwin tawa kin icu kta.

42 Qa tuwe waonspekiyapi caje on, dena cikcistinpidan wanji wiyatke ohna mini s̄ni ecedan yatkekiye cinhan, awicakehan heciyapi, he iyunwin tawa toki ehpekiye kte s̄ni.

WICOWOYAKE 11.

1 Unkan Jesus waonspewickiye akenonpapi kin taku econwicaši ayaštan, hehan hetanhan iyaya, otonwe tawapi kin ohnahna woyake kta qa waonspekiye kta.

2 Unkan Johannes kaška hnakapi kin en Messiya ohan kin nahon qehan, iye waonspewickiye cin nom ekta yewicaši;

3 Qa heciya; Tuwe u kte ciqon he niye he, qa is̄ tuwe tokeca wanunyakapi kta he.

4 Unkan Jesus waayupte ca hewicakiya; Hda po, qa taku tona nayahonpi qa wandakapi kin hena Johannes okiyaka po:

5 Išttagongapi kin tonwanpi ece, luštepi kin manipi ece, tona lepros ececapi kin ska wicakagapi ece, tapi kin kinipi ece, qa tona onšikapi kin hena wotanin wašte owicakiyakapi ece.

6 Qa tuwe miye on našdute s̄ni kinhan, he yawaštepi ee, eya.

7 Hena wanna kihdapi hehan Jesus Johannes on oyate kin wowicakiyaka; Taku wandakapi kta on hewoskan yaipi he; cedi wan tateyanpa kahuhuza:

8 Tuka taku e wanyag yaipi he; wicašta wan wokoyake panpanna koyake cin he; iho tona taku panpanna koyakapi kin hena wicaštayatapi tipi ohna yakonpi ece.

9 Tuka taku e wanyag yaipi he; wicašta wokcan kin heca he; han, eciciyapi, qa wicašta wokcan isanpa.

10 Wowapi en kagapi qon, Iho, niite itokam wahosiya mitawa yewaši, he nitokam canku nitawa nicage kta ee, iho hee.

11 Awicakehan heciyapi; Tona winohinea eciyatanhan

WICOWOYAKE 12.

wicatonpi kin wanji Johannes baptem wicaqu ece kin sanpa tanka icage śni; tuka tuwe mahpiya wokiconze kin en iyotan cistinna kin he sanpa tanka.

12 Nakun Johannes baptem wicaqu taanpetu kin hetanhan dehanyan mahpiya wokiconze kin nina akitapi, qa nina akite cin hena iyahpayapi ece.

13 Johannes hehanyan woope qa wicašta wokcanpi owasin woyakapi :

14 Qa niś wicada wacannipi hecinhan Elias u kte ciqon he dee.

15 Tuwe noge winahon yukan hecinhan he ito nahon kta.

16 Tuka ito wicoicage kin de taku e imdacin kta he. Hoksi-pidan tihocoka en iyotankapi kin hena e iyececa, takodakupi wicakipanpi,

17 Qa bewicakiyapi; Cotanke unniciyajopi tuka niye wayacipi śni; wašinunhdapi tuka niye yaceyapi śni.

18 Johannes wote śni qa wayatke śni hi; unkan, Taku wakan śica yuha ce, eyapi.

19 Wicašta Cinhintku kin wota qa wayatkan hi; unkan heyapi; Iho, wicašta wan wote sa qa miniša yatkan ece, wamnayanpi qa walitanipi sa takodawicaya ece. Tuka woksape iye cinca kin on owotanna oyakapi ece.

20 Hehan otonwe kin tona en iye ohan tanka cconpi qon heua iyopewicaya, iyopeiciyapi śni heon.

21 Hehehe Korazin, hehehe Bethsada; wicohan tanka niyepi en econpi kin, hena Turos qa Sidon en econpi unkanś, wanjaja heyake śica cahota ko en iyopeiciyapi kta tuka.

22 Heon etanhan heciciyapi; Woyaco anpetu kin en, tehiya

yaunpi kta, qa Turos Sidon kici aopten unpi kta.

23 Qa Kapernaum niye, mahpiya ekta wankan aniyampi, tuka wicahapi ekta ehpeniyampi kta; wicohan tanka niye en econpi kin hena Sodom en econpi unkanś, anpetu kin dehanyan ecen un kta tuka.

24 Heon etanhan heciciyapi; Woyaco anpetu kin en tehiya yaun kta, qa Sodom makoce kin ahecece kta.

25 Anpetu kin hena en Jesus waayupte qa heya; Ate, mahpiya maka ko Itancan kin, ciyatan, dena taku kin tona ksapapi qa wasdonyapi kin anawicayakihbe qa hoksiyoqopapi owicayakidaka ece.

26 Han, Ate hecctu, heccn iyonicipi nakaes.

27 Ate taku owasin maqu; unkan tuwedan Cinhintkuyapi kin sdonye śni, Ateyapi un kin hecedan sdonkiya; nakun tuwedan Ateyapi kin sdonye śni, tuka Cinhintku kin hecedan; qa tuwe Cinhintku kin sdonyekkiye cin he nakun.

28 Tona litayanipi qa tkeya wayaqinpi kin owasin en mau po, kinhan ozikiyapi ciçupi kta.

29 Can napinpi mitawa kin he icu po, qa miye eciyatanhan onspeiciya po, cante ekta onśimiçida qa wahbayedan waun; hecen ninagipi en woozikiye duhapi kta.

30 Can napinpi mitawa kin he tehike śni, qa waqin mitawa kin he kapojedan.

WICOWOYAKE 12.

1 Anpetu kin hena en, anpetu wakan icunhan, Jesus aguyapi ojupi kin ehna iyaya; unkan waonspewicakiye cin wotekte-

MATTHEOS.

hdapi, qa aguyapi yuksa icupi qa yutapi.

2 Unkan Pharisee kin he wan-yakapi hehan heciyapi; Wanya-ka wo, waonspewicayakiye cin, anpetu wakan icunhan taku econpi kte sni ece kin, hee econpi.

3 Unkan iye hewicakiya; Dawid taku econ qon he tohinni dawapi sni he; iye qa tona om un kin wotekteldapi qehan;

4 Tipi wakan kin en i, qa aguyapi taninyan ehnakapi kin yuta, he iye qa tona om un kin yutapi kte sni, tuka wo snapi kagapi kin ecedan yutapi kta tuka.

5 Qa wope kin en nakun dawapi sni, wo snapi kagapi kin tipi wakan ohna anpetu wakan ahopapi sni esta iyaonpepica sni unpi.

6 Tuka heciyapi; Tuwe tipi wakan kin isanpa tanka wan den un.

7 Wowaonsida wacin qa wo snapi wacin sni ce, eyapi qon he idukanpi unkan s, tona wahtanipi sni kin hena wicadacopi kte sni tuka.

8 Qa Wicašta Cinhintku kin he anpetu wakan Itancan kin he nakun ce.

9 Hehan hetanhan iyaye ça omniciye tipi tawapi kin eu i.

10 Unkan iho, wicašta wan nape snija hen un; unkan wi-wangapi qa heciyapi; Anpetu wakan icunhan waasniyapi kta iyececa he; he iyaonpapi kta e heyapi.

11 Unkan hewicakiya; Enitanhanpi wicašta wanji talinca wanunyanpi wanjidan yuhe cinhan, he anpetu wakan icunhan wolha en iyohpaya hecinhan, tancan en yuze ça ehdaku kte sni he.

12 Wicašta kin he talinca wanunyanpi isanpa ece. Hcon etanhan anpetu wakan icunhan taku wašte econpi kta iyececa.

13 Hehan wicašta qon heciya; Nape hdukatin wo; hecen yukatin, unkan unma kin iyecen asni icaga.

14 Unkan Pharisee kin hetanhan tankan hdapi, qa token ktepi kte cin he akiipapi.

15 Tuka Jesus he sdonye ça hetanhan token iyaya; unkan wicota linca ilhakam unpi, qa iye hena owasin asniwicaya:

16 Qa nina oyake sni wicaši.

17 Hecen Isaya wicašta wocan kin taku eye ciqon yuecetupi kta; he kaken-eya;

18 Iho, mitahoksidan wahdalnige ciqon; wašte wakidake cin on minagi iyuskin ece; mitaniya kin waqu kta. hecen Ikcewicašta kin woyaco owicakiyake kta.

19 Wicakize kte sni, qa pan kte sni, qa ho kin tuwedan canku ohna nahon kte sni:

20 Cedi kasusujapi kin he yukse kte sni, qa hahonta ide kte cin he kasni kte sni, woyaco he woohiye ckta au sni kinhan:

21 Qa iye caje kin Ikcewicašta wacinyanpi kta.

22 Hehan wanji wakan sica yuhnaşkinyan he en ahipi, istagonge ça ia okitpani; unkan asniyan, hecen istagonge ça ia okitpani kin he ia qa nakun tonwan.

23 Unkan wicašta ota kin owasin yusinyayapi qa heyapi; Dawid cinhintku kin he dee sni he.

24 Tuka Pharisee kin is he nahonpi qehan heyapi; Wicašta kin de wakan sica napewicaye cin he Beelzebub wakan sica itancan kin on hecon ece.

25 Unkan Jesus token cante-

yuzapi kin he sdonye ça hewica-kiya; Wokiconze wan iye iyakitedan kiciza eca hinhpaya ece; nakun otonwe qa tipi otoiyohi iye iyakitedan kiczapi ehan-tanhan ecen he kte śni.

26 Qa Satan Satan napeye cinhan wanna iye içiciza; hecen token tokiconze kin sutaya he kta he.

27 Qa miye Beelzebub on wakan śica napewicawaya ehan-tanhan, nicincapi kin is taku on napewicayapi he; heon etanhan hena niyacopi kta.

28 Tuka miye Wakantanka Taniya on wakan sica napewicawaya hecinhan, Wakantanka tokiconze kin wanna en nihipi.

29 Wicašta waśaka ti kin en, tuwe tin iyaye ça taku tawa kin ihangye kta token okihi kta he; tokaheya wicašta waśake cin kaśke cinhan hehan tipi kin ihangye kta.

30 Tuwe mici un śni kinhan he makipajin ece; qa tuwe micipahi śni kinhan he yutakuni śni ece.

31 Heon etanhan heciciyapi; Woahitani owasin iapi śica ko wicašta wicakicicajujupi kta; tuka Woniya Wakan aiapi kin he wicašta wicakicicajujupi kte śni.

32 Qa tuwe Wicašta Cinhintku kin taku śica eciye cinhan, he kicicajujupi kta; tuka tuwe Woniya Wakan kin taku śica eciye cinhan, he kicicajujupi kte śni, wiconi kin de en, qa nakun wiconi u kte cin en.

33 Can kin wašte kaga po, kinhan waskuyeca wašte kta; qa is can kin śica kaga po, kinhan waskuyeca śice kta; can kin waskuyeca tawa kin on sdonyapi ece.

34 Wamduśka wicoicage, ni-

śicapi hecen token taku wašte ehapi kta oyakihipi he; wicacante ojudan kin he eciyatanhan wicai kin ia ece.

35 Wicašta wašte kin iye cante wašte ojudan kin eciyatanhan taku wašte hiyuya ece; qa nakun wicašta śice cin iye cante śica ojudan kin etanhan taku śica hiyuya ece.

36 Tuka wicoie wašte śni otoiyohi wicašta eyapi kin hena on woyaco anpetu kin en ohdakapi ece e kta, he miye eci-ciyapi.

37 Nioie kin on niyaowotanpi kta, qa nakun nioie kin on niyacopi kta.

38 Hehan wowapi kagapi wanjikji qa Pharisee kin ayuptapi qa heciyapi; Waonspekiya, wowapetokeca wan wanyagunya-kiyapi kta uncinpi.

39 Tuka iye waayupte ça hewicakiya; Wicoicage śice ça wawicihalapi econ sa kin he wowapetokeca da, tuka wowapetokeca wanjidan qupi kte śni, Jonas wicašta wokcan wowapetokeca tawa kin hecedan kta.

40 Anpetu yamni qa hanyetu yamni hehanyan Jonas hogan tanka tezi kin ohna un qon, he iyecen anpetu yamni qa hanyetu yamni Wicašta Cinhintku kin maka cante kin en un kta.

41 Woyaco anpetu kin en Ninewe wicašta kin inajinpi qa wicoicage kin de yacopi kta; hena e Jonas woyake cin on iyopeiçiyapi tuka; unkan iho, Jonas isanpa tanka wanji den un.

42 Itokali wicaštayatapi winohinca qon he woyaco kin en inajin kta, qa wicoicage kin de yaco kta; ege Solomon toksape nahon kta on maka ihanke kin etanhan u tuka; unkan iho,

MATTHEOS.

wanji Solomon isanpa tanka den un.

43 Woniya šape cin wicašta kin etanhan tankata hinanpa, hehan makoce puza en omani, ozikiyapi akita, tuka takudan iyeye šni;

44 Hehan heya; Tipi mitawa etanhan wahinape ciqon he ake ekta wahde kta. Unkan ekta ki, qa tuwedan ohna yanke šni, kahintapi qa ayuco yuštampi, hecen iyeya.

45 Hehan iyaye ča woniya tokeca šakowin iye isanpa šicapi, hena iwicacu qa om mahen iyaya, qa ohna yukanpi; unkan wicašta kin he hetanhan tehiya un, tokaheya un qon isanpa. Wicoicage šice cin de hecece kta.

46 Unkan oyate kin hecen wowicakiyaka icunhan, iho, iye hunku qa hunkawanjitku kin tankan hinajinpi qa okiyapi kta cinpi.

47 Unkan wanji heciya; Iho, nihun qa nihunkawanji tankan najinpi qa oniciyapi kta cinpi.

48 Tuka iye waayupte ča tuwe heye cin he heciya; Tuwe inawaya he, qa mihunkawanji kin hena tuwepi he.

49 Unkan waonspewicakiye cin ektakiya nape hdugate ča heya; Iho, mihun qa mihunkawanji dena eepi ce.

50 Tuwe kašta Ate mašpiya ekta un tawacin kin ecen econ kinhan he mihunkawanji qa mitawinolitín qa mihun ee.

WICOWOYAKE 13.

1 Unkan anpetu kin hena en Jesus tipi kin etanhan tankata iyaye ča mde kin icahda iyotanka.

2 Unkan wicota hinca en mniciyapi, hecen iyotanke kta e

wata wan en opa, qa oyate kin iyuhpa hutata najinpi.

3 Unkan wiyacinpi on taku ota owicakiyaka, qa heya; Iho, wicašta woju wan woju iyaya:

4 Unkan woju icunhan, apa canku icahda hinhpaya; hecen wahupakoza en hipi qa temyapi.

5 Qa apa tukten inyan ota ehna ihpaya, hen maka tonana; unkan ohankoya hinanpa, maka tonana nakaes.

6 Tuka wi kata aya hehan owasin gu; qa hutkan nica heon etanhan šnija.

7 Unkan apa iš wapepeka ehna ihpaya; unkan wapepeka tanka icage ča hecen kte.

8 Tuka apa maka wašte en ihpaya, qa etanhan ota icaga, apa opawinge, apa wikcemna šakpe, apa wikcemna yamni.

9 Tuwe noge winahon kta yukan hecinhan, ito nahon kta.

10 Unkan waonspewicakiye cin en hipi qa heciyapi; Tokeca wiyacinpi on owawicayakiya he.

11 Unkan iye awicayupte ča heya; Mašpiya wokiconze woa nahbe kin niye oyakahnigapi kta ničupi, tuka hena hecen wicaqupi šni, heon etanhan.

12 Heon tuwe taku yuhe cinhan nakun qupi kta, hecen iyakičuya yuhe kta; tuka tuwe takudan ton šni, tona yuhe cin hee kaeš kipi ece e kta.

13 Heon etanhan wiyacinpi on wowicawakiyaka ece; hecen tonwanpi keš wanyakapi šni, qa winahonpi keš nahonpi šni, qa nakun okahnigapi šni.

14 Qa hecen Isaya wicašta wokcan taku eye ciqon iyepi on yuecetupi; Winahonpi on nahonpi kta, tuka oyakahnigapi kte šni; qa tonwanhan wandakapi kta, tuka idukcanpi kte šni ce.

15 Oyate kin de cantepi kin cepa aya, qa nogepi kin kitan se winañonpi, qa ištohmuzapi; hecece šni unkanš, išta on wanyakapi kta, qa noge on nañonpi kta, qa cante on iyukeanpi kta, qa ihduhomnipi kta, kinhan ašniwicawaye kta tuka.

16 Tuka ništapi kin wowašte, on wandakapi ece; qa ninogepi kin wowašte, on nayañonpi ece.

17 Awicakehan heciciyapi; Wicašta wokcan ota, qa wicašta owotanna, taku wandakapi ece kin hena wanyakapi kta cinpi, tuka wanyakapi šni; qa taku nayañonpi ece kin, hena nañonpi kta cinpi, tuka nañonpi šni.

18 Heon etanhan wicašta wuju qon wiyacinpi kin he ito nañon po.

19 Wicašta otoiyoñi wokiconze oie kin nañon keš, okañnige šni kinhan, he tuwe šice cin en hi, qa taku cante en ojupi qon eyaku ece; iho; canku icahda ojupi icu qon hee.

20 Unkan inyan ota en ojupi icu qon he dee; tuwe wicoie kin nañon qa oħankoya iyuškinyan icu;

21 Tuka iye en hutkan wanica, hecen ecadan enakiya; tohan wicoie kin on wokakije qa šicaya kuwapi akipa hecinhan, hinna-kaha ayuštan iyaya ece.

22 Unkan wapepeka ehna ojupi icu qon, tuwe wicoie kin nañon kin hee; tuka wiconi kin de awacinpi qa woyuha ota wohnaye kin hena wicoie kin kte ece, hecen waskuyeca takudan aicage šni.

23 Tuka maka wašte en ojupi icu qon, he tuwe wicoie kin nañon qa okañniga; qa hecen waskuyeca icahiya ece; apa opawinge, qa apa wikcemna šakpe, qa

apa iš wikcemna yamni icaga ece.

24 Wiyacinpi tokeca wan owicakiyake ça heya; Malipiya wokiconze kin wicašta wan iyc tamaga en su waštešte oju kin he iyececa.

25 Tuka wiciština hiyeya icunhan, toka wan en hi, qa aguyapi ehna wayahota oju, qa kihda.

26 Unkan ape kin wanna uye ça wahuwapa icage kta, hehan wayahota iš nakun tanin.

27 Unkan tipi tawa wowidakewicaye cin en hipi qa heciyapi; Itancan, nitamaga en su waštešte oyaju šni he; hecen wayahota kin tokiyatanhan yuha he.

28 Unkan iye hewicakiya; Wicašta wan toka kin heca e hecon. Unkan wowidakewicaye cin hena heciyapi; Unyanpi qa unpahipi kta yacin he.

29 Tuka iye heya; Hiyā; okinni wayahota kin yapahipi kinhan, nakun aguyapi koya dujunpi kta.

30 Ito woksapi kta hehayan napin icicahiya icage kta. Unkan woksapi anpetu kin he en, wayuksapi kin hewicawakiye kta; Tokaheya wayahota pahipi qa huhnahiyapi kta on paħta po; tuka aguyapi kin he doto-piye mitawa en omnayan po.

31 Wiyacinpi tokeca wan owicakiyake ça heya; Malipiya wokiconze kin sinape su wanji iyececa, he wicašta wan icu qa iye tamaga kin en oju.

32 He su kin owasin iyotan cistinna; tuka icaga hehan wato kin owasin išnana tanka; qa can iyececa icaga, hecen malipiya okinyanpi kin en upi, qa adetka kin en ahiyahan ece.

33 Wiyacinpi tokeca wan owicakiyaka; Malipiya wokiconze kin on napohiyapi kin iyececa,

MATTHEOS.

he winohinca wan icu qa wotpanpi wiyutapi yamni en inahman, hecen ocowasin napohiyapi.

34 Dena taku owasin Jesus wiyacinpi on oyate kin owicakiyaka, qa wiyacinpi codan takudan owicakiyake šni.

35 Hecen wicašta wokcan taku eye ciqon yuacetupi, he hecen eya; Wiyacinpi on i wahdukawa kta; taku maka kagapi ehantanhan anahmanpi kin he omdake kta ce.

36 Hehan Jesus oyate kin hde-wicaši, qa tipi wan en tin iyaya. Unkan waonspewicakiye cin en hipi qa heciyapi; Maga en wayahota wiyacinpi kin he unko-kiyaka miye.

37 Unkan iye awicayupte ça hewicakiya; Tuwe su waštešte oju qon he Wicašta Cinhintku kin hee.

38 Maga kin he maka ocowasin ce; su waštešte qon he wokiconze cinca kin hena eepi; wayahota kin he tuwe šica cinca kin hena eepi:

39 Toka hena oju qon Wakanšica hee. Woksapi kin he wiconi kin de owihanke kin hee; qa wayuksapi kte cin małpiya ohnihde kin hena eepi.

40 Heon etanhan, wayahota pahipi qa peta en hułnagapi qon he wiconi kin de owihanke kin ekta hecece kta.

41 Wicašta Cinhintku kin tona ohnihdewicaye cin hena yewicaši kta; unkan tokiconze kin etanhan tona wałtanipi qa taku šica econpi kin owasin pahipi kta:

42 Qa peta mde kin en ehpe-wicayapi kta; hen wicaceya hi hdakinskinzapi ko yuke kta.

43 Hehan wicašta owotanna kin anpetu wi kin iyecen iyega-

pi kta, atkukupi tokiconze kin en. Tuwe noge winahon kta yukan hecinhan, ito nahon kta.

44 Akeš małpiya wokiconze kin he mazaska, maga wan en nahmanpi kin he iyececa, he wicašta wan iyeya, unkan anahbe ça, wiyuškinyan iyaye ça, taku yuhe cin owasin wiyopekiye ça, maga kin he opeton.

45 Akeš małpiya wokiconze kin wicašta wopeton inyan tehika akite ciqon he iyececa ye:

46 He inyan tehika wanjidan, ota iyopeyapi kin, he iyeya, unkan iyaye ça, taku tawa kin owasin wiyopekiye ça, he opeton.

47 Akeš małpiya wokiconze kin he ho wan, mde kin en iyohlpeyapi, qa ocaje owasin etanhan manaye cin, he iyececa;

48 He wanna ojudan hehan hutata ahđipi, en iyotankapi, qa waštešte kin hena cega ohna mnakiyapi, tuka šiksice cin hena ehpeyapi.

49 Maka owihanke kinhan he iyecece kta; hehan małpiya ohnihde kin upi kta, qa tona šice cin owotanna unpi kin wiciyopeyapi kin hena iwicacupi kta;

50 Qa peta mde kin en iyohlpewicayapi kta. Heciya wicaceya hi hdakinskinzapi ko yuke kta.

51 Jesus hewicakiya; Dena owasin oyakałnigapi he. Han, Itancan, eciyapi.

52 Hehan hewicakiya; Heon etanhan wowapi kaga otoiyołhi, małpiya wokiconze on onspekiyapi kin, he wicašta wan tipi yuhe ça, mazopiye tawa kin etanhan taku teca tannika ko ikikcu ece kin he iyececa.

53 Unkan Jesus wiyacinpi kin dena ihunnikiya, hehan hetanhan tankan iyaya;

WICOWOYAKE 14.

54 Qa iye tamakoce kin en ki qehan, omniciye tipi yuhapi kin ohna waonspewicakiya; hecen yusinyayapi qa heyapi; Woksape kin de, qa wicohan tanka, wicašta kin de tokiyatanhan yuha he.

55 Cankajipa cinhintku kin he dee šni he; hunku he Mary eciyapi, qa sunkawicaye cin hena Jakob qa Joses qa Simon qa Judas:

56 Qa tawinolitin hena owasin ukiyopeyapi unpi šni he; hecen tokiyatanhan dena taku kin owasin yuha he.

57 Unkan canniyeyapi. Tuka Jesus hewicakiya; Wicašta wokcan yuonihanpi ece, tuka iye tamakoce qa iye ti kin ohna *yuonihanpi* šni.

58 Unkan wicohan tanka ota hen econ šni, wicadapi šni heon etanhan.

WICOWOYAKE 14.

1 Unkan anpetu kin hena en Herod wicaštayatapi kin Jesus oyakapi kin he nañon;

2 Qa tahokšidan kin hewicakiya; Johannes baptem wicaqu ece kin he dee; tapi kin etanhan kini, heon etanhan wicohan tanka econ ece.

3 Herod Johannes yuze ça kaška, qa conkaške en ehnaka, Herodias iye sunkaku Philip tawicu qon heon.

4 Duhe kta iyecece šni ce, Johannes eciye ciqon.

5 Unkan heon kte kta cin, tuka oyate kin kowicakipa; hena e wicašta wokcan heca kecinpi.

6 Tuka Herod anpetu en tonpi qon he ake hiyohipi, hehan Herodias cunwintku kin wicacokaya waci, qa Herod iyokipiya.

7 Heon etanhan, taku wakan

cajeyate ça, taku kida kta hecinhan, awicakehan qu kta, keciya.

8 Unkan he itokam hunku onspekiya, heon heya; Wanna Johannes baptem wicaqu ece qon he pa kin waksica wan ohna maqu ye.

9 Unkan wicaštayatapi kin iyokišice hinca, tuka wakanyan wacajeyate cin heon, qa tona om wota iyotanke cin hena on, he qu wicaši.

10 Hecen ekta ye wicaši, qa conkaške mahen Johannes pa baksa.

11 Unkan pa kin he waksica ohna akupi, qa wikoška kin qupi; unkan iye iyoopta hunku qu.

12 Unkan waonspewicakiye cin hena en hipi, qa tancan kin eyakupi qa ħapi; hehan yapi qa Jesus okiyakapi.

13 Unkan Jesus he nañon qehan, hetanhan watom iyaye ça, isnana hewoskan makoce wan ekta i. Unkan oyate kin he nañonpi qehan, otonwe etanhanhan huinyun ihakam yapi.

14 Unkan huta ekta ihunni qehan, wicota wanwicayaka; qa onšiwicakida, qa tona tehiya unpi kin hena asniwicaya.

15 Unkan wanna ħtayetu hehan waonspewicakiye cin en hipi qa heyapi; Makoce kin de he wotahedan, qa wanna ħtayetu, heon oyate kin hde wicaši wo, hecen otonwe ciqadan kin en yapi kta, qa taku yutapi opeiçitonpi kta.

16 Tuka Jesus hewicakiya; Hdapi kta iyecece šni; ito niye taku yutapi wicaqu po.

17 Unkan heciyapi; Aguyapi kagapi zaptan qa hogan nonpa, henana den unħapi ce.

18 Unkan heya; Hena makau po.

MATTHEOS.

19 Unkan oyate kin wato en iyotanke wicaşi, qa aguyapi zaptan qa hogan nonpa nakun icu, qa mahpiya ekta etonwan, hehan yawaşte, qa yuşpaşa qa waonspewicakiye cin wicaqu, unkan waonspewicakiye cin is oyate kin wicaqupi.

20 Unkan owasin wotapi qa innanpi; unkan oyaptapi etanhan pahipi, makanopiye akenonpa ojudan.

21 Unkan tona wotapi kin hena wicaşa kektopawinge zaptan ecetu, nakun winohinca şiceca koya.

22 Hehan echankeya Jesus waonspewiyakiye cin wata wan en ope wicaşi, iye itokam akasanpa yapi kta, oyate kin hde wicaşi icunhan.

23 Unkan wanna oyate kin hde wicaşi, hehan işnana paha wan ekta cekiya iyaya. Wanna otpaza tuka işnana ekta yanka.

24 Tuka wata kin wanna mde kin cokaya un, taja on iyotanhani iyekiyapi, tatohekiya yapi nakaes.

25 Unkan hanyetu en itopa kiktapi hehan Jesus mini kin amani en wicaya.

26 Unkan waonspewicakiye cin mini kin amani wanyakapi qehan, yuşinyayapi qa heyapi; He wanagi; qa kokipapi on şicahowayapi.

27 Tuka Jesus kohanna owicakiye ça heya; Cante waşte po; de niye ce; kopehdapi şni po.

28 Unkan Inyan ayupte ça heya; Itancan he niye hecinhan, ekta mini kin amani u maşi wo.

29 Unkan; U wo, eciya. Hecen Inyan wata kin etanhan kun iyaye ça Jesus ekta ye kta mini kin amani.

30 Tuka wohitiya tateyanpa wanyaka, hehan kokipa. Qa spaye kta iyaya, hehan şicahowaya, qa heya; Itancan, nima-yan wo.

31 Unkan Jesus echankeya nape ekta yekiye ça yuwankan icu, qa heciya; Cistinna wacin- yaya, tokeca wacetunyahda he.

32 Unkan wata kin en opapi hehan amdakedan icu.

33 Hehan wata en unpi kin en hipi, makata ehpeiciyapi qa heciyapi; Awicakehan Wakantanka Cinhintku kin he niye.

34 Unkan akasanpa ihunnipi hehan Geneseret makoce kin en hipi.

35 Unkan wicaşa makoce kin he en unpi kin hena iyekiyapi, qa ihdukşan wanke cin owan- caya hoşi wicakayapi. Unkan tona tehiya unpi kin owasin en awicahipi;

36 Qa cekiyapi, taşina opapun heceedan kaeşyutanpi kta heon; unkan tona yutanpi kin owasin tanyan asnipi.

WICOWOYAKE 15.

1 Hehan Jerusalem etanhan wowapi kagapi qa Pharisee kin Jesus en hipi qa heyapi;

2 Tokeca waonspewicayakiye cin hunkawicayapi woope oyakapi qon acakşinpi he; qa aguyapi yutapi kte cinhan nape hdujajapi şni.

3 Unkan iye waayupte ça he- wicakiya; Qa niş nakun tokeca woope odakapi kin on Wakan- tanka toope kin acayakşinpi he.

4 Wakantanka heya econ wi- caşi; Niyate nihun kici wica- hduonihan wo; nakun; Tuwe atkuku hunku kici wicayaşice cinhan wiconşe on te kta ce.

5 Tuka niye hehapi; Tuwe

atkuku qa ís hunku kin heciye kta iyececa; Taku on ociciye kte cin he wanna woónapi ce; qa hecen atkuku hunku kici wicahduonihan šni ece

6 Hecen wope odakapi kin on Wakantanka toope kin dutakunipišni.

7 Wananičilmanpi, niyepi on Isaya tanyan woyake ça heye ciqon;

8 Oyate kin de i on mikiyedani upi, qa iha on mayaonihanpi; tuka cantepi kin hena mitehan unpi ece.

9 Wicašta wicoope kagapi kin hena wope keya onspewicakiyapi, qa on mayuonihanpi kte cin he takudan okihi šni ece.

10 Hehan oyate kin wicakico qa hewicakiya; Nahonpi qa okahiniga po:

11 Taku wicai kin ohna iyaye cin he wicašta kin yušape šni; tuka taku wicai kin etanhan hiyu kin he wicašta yušape cin'ee.

12 Hehan waonspewicakiye cin en hipi qa heciyapi; Wicoie kin de Pharisee kin nahonpi qa šihdapi, he sdonyaya he.

13 Unkan waayupte ça heya; Taku ojupi kin, tona Ate malipiya ekta un kin oju šni kinhan, hena owasin yujunpi kta.

14 Awicayuštan po; ístagon-gapi ístagon-gapi awicayapi kin hena hecapi. Unkan tuwe ístagon-gonga istagon-gonga wan yus aye cinhan, napin makohdoka en ohinhpayapi kta.

15 Hehan Inyan ayupte ça heciya; Wiyacinpi kin de unkokiyaka miye.

16 Unkan Jesus heya; Niš nakun hinahin oyakahni-gapi šni he.

17 Taku wicai kin ohna iyaye cin he wicatezi kin ekta i ece, qa hehan hetanhan tankan elipe-

yapi ece; he hinahin oyakahni-gapi šni he

18 Tuka taku wicai kin etanhan hiyu kin hena wicacante kin eciyatanhan u ece; qa wicašta yušape cin hena ee.

19 Wicacante kin eciyatanhan wicotawacin šica hiyu ece; tinwicaktepi, wawicihalhapi, wiinalimanpi, wamanonpi, woitonšni qa wicayašicapi kin.

20 Wicašta yušape cin dena ee; tuka nape hdujaja šni wotapi kin he wicašta kin yušape šni.

21 Hehan Jesus hetanhan tokan iyaye ça, Turos qa Sidon makoce ihdukšan wanke cin he ekta i.

22 Unkan iho, Kanan winohinca wan makoce kin hetanhan hiyu, qa hoyekiye ça heya; Itancan, Dawid Cinhintku, onšimada ye, micunksi wakan šica yuhnaškinyan, šicaya un.

23 Tuka iye oie wanjidan ayupte šni. Unkan waonspewicakiye cin en hipi, cekiyapi qa heyapi; Hdeši wo, unkihakam šicahowaya ece.

24 Tuka iye waayupte ça heya; Israel tiyohnaka tahinca wanunyanpi nunnipi kin henana ekta umašipi ce.

25 Hehan winohinca qon en hi, makata elpeiciye ça heciya; Itancan, omakiya we.

26 Tuka iye ayupte ça; Hókšiyopa aguyapi tawapi kin icupi qa šunka wicaqupi kin he hecetu šni ce, eya.

27 Unkan iye; Han, Itancan; tuka šunka kin iye wicayuhapi wahna wotapi tawapi kin etanhan ošnašna hinhpaye cin hena etanhan yutapi ece, eya.

28 Hehan Jesus ayupte ça heciya; Winohinca, wacinyaye cin he tanka; token yacin kin he enicicetu nunwe. Unkan wihi-

MATTHEOS.

yayedan oape kin he hetanhan cunwintku kin asni.

29 Unkan Jesus hetanhan iyaye ça Galile mde kin ikiyedan u; qa paha wan ekta iyaye ça akan iyotanka.

30 Unkan wicašta ota en hipi, tona huštepi, išttagongapi, ia okitpanipi, hu bawicaksapi, qa toktokeca ota en awicahipi, qa Jesus siha kin en ewicahna-kapi; unkan asniwicaya.

31 Hecen wicota yušinyayapi, ia okitpanipi qon hena iapi, hu bawicaksapi qon hena tokecapi šni, huštepi qon hena manipi, qa išttagongapi qon hena tonwanpi wanwicayakapi, heon etanhan; qa Israel Taku Wakan tawapi kin he yatanpi.

32 Hehan Jesus waonspewicakiye cin wicakico qa hewicakiya; Oyate kin onšiwicawakida, wanna yamni can taku yute šni mici unpi; qa wote šni hde-wicawaši kta tawaŋenwaye šni, okinni tahepi ihpayapi kta.

33 Unkan waonspewicakiye cin heciyapi; Makoce hewotahedan kin de en tokiyatanhan aguyapi iyenakeca unhapi qa oyate hinsko tanka imnawicunyanpi kta he.

34 Unkan Jesus hewicakiya; Aguyapi kagapi tona duhapi he. Unkan; Šakowin qa hoganstin-na tonana nakun, eyapi.

35 Unkan oyate kin makata iyotanke wicaši;

36 Qa aguyapi šakowin icu, hogan kin hena nakun, qa yawaste, hehan kiyuškapa qa waonspewicakiye cin wicaqu; unkan waonspewicakiye cin oyate kin wicaqupi.

37 Unkan owasin yutapi qa imnanpi; qa oyaptapi kin hena pahipi, makanopiye šakowin ojudan.

38 Wotapi kin hena wica ece kektopawinge topa, nakun winohinca šiceca koya.

39 Hehan oyate kin hdewicaši, qa wata wan en ope ça Magdala makoce kin en hi.

WICOWOYAKE 16.

1 Unkan Pharisee qa Sadukee etanhan en hipi, qa małpiya eciyatanhan wowapetokeca wan wicakiyutanin šipi, iyutanyanpi kta.

2 Tuka iye waayupte ça hewicakiya; Tohan htayetü eca, Małpiya šaša heon owaštecake kta ce, ehapi ece.

3 Qa hanhanna eca, Ecin ošicecake kta, małpiya šaša qa šapšapa, heon etanhan. Wana-ničihmanpi, małpiya ite kin he yukcan onnispepi, tokeca anpetu kin dena wowapetogton oyakahnigapi šni he.

4 Wicoicage šice ça wawiciahapi econ sa kin he wowapetokeca wan da; tuka wowapetokeca wanjidān qupi kte šni; Jonas wicašta wokcan tawowapetokeca kin hecedan. Unkan ehewicaya iyaya.

5 Unkan waonspewicakiye cin akasanpa ipi, qa aguyapi icu akiktonjapi.

6 Hehan Jesus hewicakiya; Pharisee qa Sadukee on napohyapi tawapi kin he iwanyakapi qa kokipa po.

7 Unkan iye iyakitedan akini-capi qa heyapi; Aguyapi unki-cupi šni, heon etanhan, *heya ce*.

8 Tuka Jesus he sdoneye ça hewicakiya; Cistinna wacinyayapi kin, tokeca niye iyakitedan ayakiniciapi he, aguyapi iyacupi šni heon.

9 Hinahin oyakahnigapi šni, wicašta kektopawinge zaptan

qa aguyapi zaptanna, qa makanopiye ojudan tonakeca yapahipi he yeksuyapi šni he.

10 Nakun wicašta kektopawinge topa qa aguyapi šakowin, qa makanopiye ojudan tonakeca iyacupi he.

11 Tokeca oyakahnigapi šni he, Pharisee qa Sadukee on napoliyapi tawapi kin he kokipe cišipi, he aguyapi on heciciyapi šni.

12 Hehan aguyapi on napoliyapi kin he kokipe wicaši šni, tuka Pharisee qa Sadukee woon-spe tawapi kin hee kokipapi kta, he okahnigapi.

13 Jesus Kesarca Philippi makoce kin en i qehan waonspewicakiye cin wiwicawange ça heya; Wicašta Cinhintku kin miye, matuwe kin, wicašta keyapi he.

14 Unkan heyapi; Apa Johannes baptem wicaqu qon; qa apa iš; Elias; qa toktokeca; Jeramias, qa iš wicašta wokecan wanji.

15 Qa niš matuwe kehapi he, ewicakiya.

16 Unkan Simon Inyan ayupte ça; Messiya Wakantanka ni un Cinhintku kin he niye, eya

17 Unkan Jesus ayupte ça heciya; Simon Jona cinhintku niyawaštepi ce; wicacehpi qa wicawe kin he oniciyake šni, tuka Ate małpiya ekta un kin he *oniciyaka*

18 Qa miš nakun heciciya; Inyan he niye, qa imnija kin de akan okodakiciye mitawa wakage kta; qa wakanšica tatiyopa kin he yujuju kte šni.

19 Unkan małpiya wokiconze iyuhdoke kin he ciču kta; hecen taku maka akan yakaške cinhan he małpiya ekta kaškapi kta; qa taku maka akan yakiduške cinhan he małpiya ekta kiyuškapi kta.

20 Hehan waonspewicakiye

cin Jesus Messiya kin he iye, he tuwedan okiyake šni wicaši.

21 Hetanhan Jesus waonspewicakiye cin wowicakiyaka, Jerusalem ekta ye kta iyececa, qa wicaliincapi, wošnapi kagapi, wowapi kagapi ko on taku ota kakije kta, qa ktepi kta, qa anpetu iciyamni hehan ake kini kta, hena owicakiyaka.

22 Hehan Inyan Jesus icu qa iyopecy ça heya; Itancan, hecetu šni; dena ayakipe kte šni.

23 Tuka iye ihduhomni qa Inyan heciya; Satan mihekta-pa tanhan ya wo, tokamayaya; Wakantanka taku tawa kin awacanni šni, tuka wicašta taku tawapi kin.

24 Hehan Jesus waonspewicakiye cin hewicakiya; Tuwe miyahna u kta cin kinhan, wai-piçida kta, qa cansusbeca ehduku qa mihakam un kta.

25 Tuwe kašta wiconi tawa kpatan kinhan, he toki elpekiye kta; qa tuwe miye on wiconi tawa kin kpagagan kinhan, he iyeye kta.

26 Wicašta wan maka kin ocowasin kamna, qa nagi kin toki ehpeye cinhan he taku okihi kta he; qa wicašta nagi kin taku iyopekiye kta he.

27 Wicašta Cinhintku kin iye Atkuku towitan hduha taohnihdewicaye cin om u kta; hehan wicašta otoiyo hi iye olanpi kin eciyatanhan wicaqu kta.

28 Awicakehan heciciyapi; Tona den najinpi kin etanhan wanjikji wiconte utapi kte šni, ecen Wicašta Cinhintku kin iye tokiconze kin en u wanyakapi kta.

WICOWOYAKE 17.

1 Unkan iyohakam anpetu šakpe hehan Jesus Inyan qa

MATTHEOS.

Jakob, qa iye sunkaku Johan-
nes, hena iwicacu, qa paha wan
tehanwankantu ekta awicaya;

2 Qa wicitokam yutokecapi;
ite kin anpetu wi kin iyecen
iyega, qa tawokoyake kin iyo-
yanpa iyecen ska.

3 Unkan iho, Moses qa Elias
en ihdutaninpi qa kici wohda-
kapi.

4 Hehan Inyan ayupte ça Je-
sus heciya; Itancan, den unya-
konpi kin he wašte; yacin kin-
han, den wakeya yamni ti un-
kagapi kta, wanji unnicagapi
kta, qa Moses Elias kici wan-
jikji *wicunkicagapi* kta.

5 Iahan icunhan iho, iyoyanpa
mahpiya wan aowicahanzi, qa
iho, mahpiya kin eciyatanhan
wicaho wan heya; Micinksi
waštewakidake ça on iyomakipi
hince cin he dee ce; anagoptan
po

6 Unkan waonspewicakiye cin
he nahonpi hehan makipusdiya
ehpeiçiyapi, qa nina kokipapi.

7 Tuka Jesus en wicahi, qa
wicayutan qa heya; Inajin po,
qa kokipapi šni po.

8 Unkan išta yuwankan ikikcu-
pi hehan, tuwedan wanyakapi
šni, Jesus ecedan.

9 Unkan paha kin etanhan kun
hdicupi, hehan Jesus wahokon-
wicakiye ça heya; Wowanyake
kin he tuwedan okiyakapi šni
po, Wicašta Cinhintku kin wi-
conțe etanhan piya ikicage šni
hehayan.

10 Unkan waonspewicakiye
cin wiwangapi qa heciyapi; Wo-
wapi kagapi kin, Elias tokaheya
hi kta ce, eyapi kin, tokeca he-
yapi hwo.

11 Unkan Jesus waayupte ça
hewicakiya; Awicakehan Elias
tokaheya hi kta, qa taku owasin
yuecetu kta.

12 Tuka heciçiyapi; Elias
wana hi tuka iyekiyapi šni, qa
token cinpi qon ecakiconpi. He
iyececa Wicašta Cinhintku kin
iyepi eciyatanhan kakije kta.

13 Hehan waonspewicakiye
cin okašnigapi, Johannes baptem
wicacu qon e he ke ça heon he-
wicakiya.

14 Unkan wicoța en hdipi qe-
han, wicašta wan en hi qa can-
peška makehde inajin,

15 Qa heya; Itancan, micinksi
onšimicida ye, hanyetu wi ihna-
škinyan qa sicaya un; otakiya
peta en ihpaye ça otakiya mini
en iyohpaya ece:

16 Qa waonspewicayakiye cin
wicawakahi, tuka asniyanpi kta
okihipi šni.

17 Hehan Jesus ayupte ça
heya; Wicoicage wacinye šni
qa wacin tehike, tohanyan cicipi
waun kta he; tohanyan iyowin-
ciçiyapi kta he; den makau po.

18 Unkan Jesus iyopeya, qa
hecen wakan sice cin tankata
hinanpa; unkan wihiyayedan
oape kin hetanhan hoksidan kin
asniyanpi.

19 Hehan waonspewicakiye
cin Jesus isnana yanke cin en
hipi qa heyapi; Tokeca unkiye
he napeunyanpi kta unkokihipi
šni he.

20 Unkan Jesus hewicakiya;
Wacinyayapi šni heon; awica-
kehan heciçiyapi; Sinape su
wanjidan hinskokeca wacinya-
yapi unkanš, paha kin de, De-
tanhan tokan iyaya wo, eyaki-
yapi kta; unkan tokan iyaye
kta, qa taku oyakitpanipi wa-
nice kta.

21 Tuka taku decece cin he
cekiyapi qa wote šni unpi ece-
dan on tankan hinanpa ece.

22 Unkan Galile en unpi icun-
han Jesus hewicakiya; Wicašta

WICOWOYAKE 18.

Cinhintku kin wanna ccadan wicašta napepi kin en wicaqupi kta.

23 Unkan ktepi kta, qa anpetu iciyamni kinhan ake piya ikicage kta ce, eya. Unkan nina iyokišicapi.

24 Hehan Kapernaum en hipi qehan, tona mazaska mnayanpi ece kin Inyan en hipi qa heyapi; Waonspeniciyapi kin he mazaska mnayanpi en iyohpeye kta he.

25 Unkan, Han, eya. Hehan tin hdicu qehan Jesus tokaheya ie ça heciya; Simon token idukan he; maka akan wicaštayatapi kin tokiyatanhan mazaska mnayanpi he; iye cincapi etanhan, qa iš wicašta tokecapi kin etanhan.

26 Wicašta tokecapi etanhan, Inyan eya. Unkan Jesus heciya; Hehan cincapi kin wicakaškapi šni ece:

27 Tuka šihda wicunyanpi kte šni, e heon niš mde kin ekta ye ça hinškijupi wan minin iyeya wo, qa hogan tokaheya hiyu kin he icu wo; he i kin dukawa kinhan obna kangi kagapi wan iyeyaye kta; he icu qa miye qa niye on wicaqu wo.

WICOWOYAKE 18.

1 Unkan hehan waonspewicakiye cin Jesus en hipi qa heciyapi; Małpiya wokiconze kin en tuwe iyotan tanka he.

2 Unkan Jesus hokšiyooqopa wan kico qa wicacokaya ehnaka;

3 Qa heya; Awicakehan heciyapi; Nihduhomnipi šni, qa hokšiyooqopa iyenicecapi šni kinhan, małpiya wokiconze kin en yaipi kte šni.

4 Tuwe ihduhukuye ça hokšiyooqopa kin de iyecen canteyuze

cinhan, małpiya wokiconze kin en iyotan tanka kin hee.

5 Qa tuwe hokšiyooqopa dececa wan, micaje on, iyowinkiye cinhan, he miye iyowinmakiya ece.

6 Qa tuwe hokšiyooqopa kin dena, wacinmayanpi kin, wanji wałtanikiye cinhan, he inyan wiyutpan wan tahu en iyakaškapi, qa iye miniwanca ošbe kin en iyohpeyapi unkanš wašte kta tuka.

7 Wałtaniwicayapi kin on oyate kin woteli yuhapi kta; eya wałtanikiyapi yuke kta iyececa; tuka wicašta tuwe wałtaniwicaya hecinhan, he woteli yuhe kta.

8 Hcon etanhan, ninape qa nisiha wałtanininyanpi hecinhan, hena hdakse ça ehpeya wo; huha kaksapi wiconi en yai kta hee wašte, qa nape nonpa qa siha nonpa hduha peta owihanke wanica en iyohpeninyanpi kte cin he šica.

9 Qa ništa wałtaniniye cinhan, hdušdoke ça ehpeya wo; išta wanjidand hduha wiconi en yai kte cin he wašte, qa išta napin hduha peta owihanke wanica en iyohpeninyanpi kte cin he šica.

10 Ihnuhan dena cikcistinpidan wanjidand ešta šiceyadake cinhan; heciyapi ce; Małpiya ekta ohnihdewicayapi tawapi kin hena Atc małpiya ekta un kin ite ohinniyan wanyakapi ece.

11 Wicašta Cinhintku kin taku atakunišni qon he niye kta on hi.

12 Heccn token idukanpi he. Wicašta wan tałince wanunyanpi opawinge wicayuhe, ça etanhan wanjidand kitanišni hecinhan, wikcemna napcinwanka sanpa napcinwanka hena owanjidand ewicahnake ça he kin ekta iyaye ça wanji taninšni kin he okiđe šni he.

MATTHEOS.

13 Qa iyeye cinhan, awicakehan heciciyapi; hee on iyuskin, qa wikcemna napcinwanka sanpa napcinwanka tokiya iyayapi s̄ni kin hena on iyuskin s̄ni ece.

14 He iyececa, dena cikcistinpidan wanjidan ešta toki ehpeyapi kta, Niyatepi mal̄piya ekta un kin hecen tawacin s̄ni.

15 Tuka nisunka wanicihtani kinhan, ekta ye ça iye niye kicišnana he okiciyaka ye; nanihon kinhan nisunka ake yahduhe kta.

16 Tuka ananigoptan s̄ni kinhan, hehan wanji qa is̄ nonpa om de kta; hecen waayatanin nonpa, qa is̄ yamni ipi kin on wicoie owasin yusutapi kta.

17 Tuka hena nakun anawicagoptan s̄ni kinhan, hehan okodakiciye kin owicakiyaka wo; unkan okodakiciye kin anawicagoptan s̄ni kinhan, hehan lkcewicašta qa wannayanpi kin iyecen yahdawa kta.

18 Awicakehan heciciyapi; Taku maka akan yakaškapi kinhan, he mal̄piya ekta kaškapi kta; qa taku maka akan yakiduškapi kinhan, he mal̄piya ekta kiyuškapi kta.

19 Akeš heciciyapi; Tuwe nom maka akan taku wanjidan yadapi kta e wayeconszapi kinhan, Ate mal̄piya ekta un kin he ccen ecawicakicon kta.

20 Tukten nom yamni, micaje on mniciyapi kinhan, hen wicyopeya waun ece.

21 Hehan Inyan en hi qa heciya; Itancan, misunka tona wamicih̄tani qa wecicajuju kta he; šakowin hehanyan he.

22 Jesus heciya; Šakowin hehanyan kta, eciciye s̄ni, tuka wikcemna šakowin ece šakowin.

23 Heon etanhan mal̄piya wokiconze kin wicaštayatapi wan

iyeececa, he wowidake wicayuhe cin wicakiciyawa kta :

24 Unkan wicakiciyawa icunhan wanji - mazaska tkeutapi tanka kektopawinge wikcemna iyohiye s̄ni kin he ahipi.

25 Unkan on kajuju kta takudan yuhe s̄ni, hecen yuhe cin he tancan wiyopeyapi kta, qa tawicu, qa cinca, qa taku yuhe cin owasin, qa kajujupi kta, keya.

26 Heon wowidake un kin he en makipusdiya ehpeiciya, cekkiye ça heya; Itancan, amakipe ye, owasin cicicajuju kta.

27 Hehan yuhe cin he wowidake tawa kin onšikida, kiyuška qa ikicazo qon kicicajuju.

28 Tuka wowidake un kin he tankan iyaye ça om idakapi kin wanji, kašpapidan opawinge ikicazo kin he iyeya, qa iyahpaye ça poskin yuze ça heciya; Tona imiyecazo kin micicajuju wo.

29 Hehan kici idakapi un kin he siha en ehpeiciya, cekkiye ça heya; Amakipe ye, kinhan owasin cicicajuju kta.

30 Unkan wicada s̄ni; tuka iyaye ça conkaške mahen kaškahnaka, oicazo hdajuju kta hehanyan.

31 Unkan kici wowidake unpi kin hena taku econpi kin wan yakapi qehan, nina iyokišicapi: heon en hipi qa wicayuhe cin taku econpi kin owasin okiyakapi.

32 Hehan yuhe cin he akc kico qa heciya; Wowidake nišice hinca, icazopi hinsko tanka qon he cicicajuju, cemayakiye cin heon.

33 Hecen miye onšicida kin he iyecen kici wowidake yaun kin is̄ eya onšiyakida kta iyeecece s̄ni he.

34 Unkan yuhe cin šihda qa kakišyapi kte cin en wicaqu,

WICOWOYAKE 19.

tona iyohiye śni qon ocowasin hdajuju kta hehayan.

35 He iyecen, Ate małpiya ekta un kin ecaniconpi kta, otoidyohi can'e eciyatanhan nisunkapi tona wanicihtanipi kin wicayecicajupipi śni kinhan.

WICOWOYAKE 19.

1 Unkan Jesus wicoie kin he-na heya ayaśtan, hehan Galile makece kin etanhan iyaye ça Juda makece, Jordan wakpa akasanpa tanhan he en hi :

2 Qa wicaśta ota hinca ihakam unpi ; unkan hen asniwicaya.

3 Pharisee kin is nakun en hipi, qa iyutanyanpi kta heciyapi ; Taku owasin on wicaśta tawicu ehpekiye kta iyececa he.

4 Unkan waayupte ça hewicakiya ; Tuwe otokahe ekta wicakage cin he wica winyan ahna wicakaga, he tohinni dawapi śni he :

5 Qa heya ; Heon etanhan, wicaśta atkuku hunku ko ehpewicaye kta, qa tawicu kin en iyaidhaśke kta ; qa henaoya celhipi wanjidan kta.

6 Heon, hetanhan nonpapi śni, tuka wicacelhipi wanjidan ece. Heon, taku Wakantanka yuonkonwanjidan kin he ihnuhan wicaśta kiyuśpe cinhan.

7 Hehan heciyapi ; Itancan, Moses kpaganpi wowapi wan qu kta, qa ehpeye kta, tokeca heconwicaśi hwo.

8 Unkan hewicakiya ; Nican-tepi suta kin heon winohinca ehpewicayayapi kta, Moses iyowinniciyapi ; tuka otokaheya tanhan hecetu śni.

9 Qa miś heciyapi ce ; Tuwe, wawicihalapi econ kin on etanhan śni, tawicu ehpekiye ça

wanji tokeca yuze cinhan, he wawicihalapi econ ece ; qa tuwe winyan ehpeyapi kin yuze cinhan, he nakun wawicihalapi econ ece.

10 Unkan waonspewicakiye cin heciyapi ; Wicaśta winohinca kici hecetu kinhan, tawicu tonpi kin he waśte śni.

11 Tuka hewicakiya ; Wicoie kin he owasin okihipi śni, tona wicacupipi kin henana okihipi.

12 Yunokos heca yukan ; hunh hunku tezi kin etanhan heca icagapi ; qa hunh wicaśta on heca wicakagapi ; qa hunh małpiya wokiconze kin on heca icicagapi. Tuwe he icu okihi kinhan he icu kta.

13 Hehan hokśiyooqopa en awicahipi, nape awicaputake ça cekiye kta e heon ; unkan waonspewicakiye cin tehindapi.

14 Tuka Jesus heya ; Hokśiyooqopa en mahipi kta iyowinwicakiya po, qa tehindapi śni po ; małpiya wokiconze kin he hetanhanpi ece.

15 Unkan nape awicaputake ça hetanhan tokan iyaya.

16 Unkan iho, wanji en hi qa heciya ; Waonspekiye waśte, taku waśte ecamon kta, on wiconi owihanke wanica mduhe kta, tukte e he.

17 Unkan heciya ; Tokeca waśte emayakiya he ; tuwedan waśte śni, wanji heceedan waśte, Wakantanka hee. Tuka wiconi en yai kta yacin kinhan woahope kin hena ahopa wo.

18 Hehan heciya ; Tukte e he. Unkan Jesus heya ; Dena, Tinwicayakte kte śni ; Wawicihalapi ecanon kte śni ; Wamayanon kte śni ; Woitonśni odake kte śni ;

19 Niyate nihun kici wicahduonihan wo ; qa, Niye inihda-

MATTHEOS.

cin nikiyedan un kin wašteyada-ke kta.

20 Koška kin he heciya; Imacaga ehantanhan dena owasin ecen ecamon ece; taku hinahin iyotpani waun he.

21 Jesus heciya; Owotanna yaun kta yacin kinhan, hde ça taku nitawa wiyopeye ça walipanicapi kin wicaqu wo; kinhan małpiya ekta woyuha duhe kta; hehan ku qa mihakam un wo.

22 Tuka koška kin he wicoie kin de nahon qehau iyokišica kihda; taku ota ton kin heon etanhan.

23 Unkan Jesus waonspewicakiye cin hewicakiya; Awicakehan heciciyapi; Tuwe wijica un kin he kitan se małpiya wokiconze kin en i kta.

24 Qa ake heciciyapi; Kamel wan tahinšpaciqadan ołdoka ohna iyaye kte cin he tehike šni, qa wicašta wijica Wakantanka tokiconze kin en ye kte cin he tehika.

25 Waonspewicakiye cin he nahonpi, hehan nina yušinya-yapi qa heyapi; Tuwe hehan ni okihi kta he.

26 Unkan Jesus ekta etonwe ça hewicakiya; Wicašta ekta he okihipica šni; tuka Wakantanka ekta taku owasin okihipica ece.

27 Hehan Inyan ayupte ca heciya; Iho, taku owasin ehpe-unyanpi qa nihakam unyakonpi; hecen taku unhapi kta he.

28 Unkan Jesus hewicakiya; Awicakehan heciciyapi; Niyepi tona teca ni en wicatonpi kin de en omayapapi kin, tohan Wicašta Cinhintku kin wowitan oiyotanke tawa kin en kiyotanke cinhan, niš eya oiyotanke akenonpa akan idotankapi kta, qa

Israel wicoun akenonpa wicadacopi kta ce.

29 Qa tuwe kašta, tipi, qa hun-kawanjitku, qa tawinolitin, qa atkuku, qa hunku, qa tawicu, qa cinca, qa maga, micaje on etanhan ehpeye cinhan, he opawinge akihde hduhe kta, qa nakun owihanke wanin wiconi unnaiciye kta.

30 Tuka tokaheya unpi kin wicota ehake unpi kta; qa ehake unpi kin hena tokaheyapi kta.

WICOWOYAKE 20.

1 Małpiya wokiconze kin he wicašta wan tipi yuhe cin he iyececa, he hanłhanna linca hastanhanka iyuwi ojupi tawa kicanyanpi kte cin wicašta ope-ton iyaya.

2 Unkan wicašta anpe'u eca kašpapidan wanjidat on opewicaton, hehan hastanhanka iyuwi ojupi tawa kin en yewicaši.

3 Unkan wihiyayedan oape yamni, hehan ake tankan iyaye ça toktokeca tihocoka en taku token šni najinpi wanwicayaka;

4 Qa hewicakiya; Niš eya hastanhanka iyuwi ojupi kin en ya po; kinhan token owotanna ciçupi kta ce. Unkan en iya-yapi.

5 Ake oape isakpe qa inapcin-wanka hehanhan tankan iyaye ça ake iyecen econ.

6 Hehan oape iakewanji ecetu, ake tankan iyaye ça toktokeca taku token šni najinpi wanwicayaka, qa hewicakiya; Tokeca anpetu osan taku token šni nayajinpi he.

7 Unkan, Tuwedan opeuntonpi šni ce, eciyapi Hehan hewicakiya; Niš eya hastanhanka iyuwi ojupi kin en ya po, kinhan taku owotanna iyacupi kta.

8 Wanna h̄tayetuhēhan, hastan-
hanka iyuwi ojupi yuhe cin iye
taokiye itancan kin heciya; Wi-
cašta h̄tanipi kin wicakico qa
wokajuju wicaqu wo, ehake hipi
kin hena tokaheya, ecen toka-
heya hipi qon wicayeciyaŋtan
kta ce.

9 Unkan tona oape wanjidan
h̄tanipi kin hena hipi, qa otoi-
yohi kaŋpapidan wanji icupi.

10 Tokaheyapi kin hena en
hipi qehan, sanpa yuhapi kta
kecinpi, tuka iŋ eya otoiyo-
hi kaŋpapidan wanji icupi.

11 He icupi hehan tipi tawa kin
bapi;

12 Qa heyapi; Ehake hipi kin
dena oape wanjidan h̄tanipi, tuka
unkiye anpetu osan, wi kata eŋ a
h̄taunnipi, iyeuncecapi wicaya-
kaga ece.

13 Unkan iye waayupte qa
wanji heciya; Koda, taku ŋica
ecacicon ŋni; kaŋpapidan wanji-
dan on h̄tamiyecini kta kema-
yakiye ŋni he.

14 Taku nitawa kin ehdaku qa
hda wo; ehake hi kin de niye
ciyu kin iyecen waqu ece e
kta.

15 Miye mitawa kin token wa-
cin kin ecen ecamon kta iyecece
ŋni he; miye mawaŋte kin heon
etanhan iŋta niŋica he.

16 Hecen ehake unpi kin hena
tokaheyapi kta; qa tokaheya
unpi kin hena ehake unpi kta;
wicota wicakicopi, tuka tonana
wicakaŋnigapi ece.

17 Unkan Jesus Jerusalem ekta
itanwankanhde ya, hehan wa-
onspewicakiya akenonpa kin
canku kin icunonpa iŋnaŋa awi-
caya, qa hewicakiya;

18 Iho, Jerusalem ekta itan-
wankanhde unyanpi, qa Wicašta
Cinhintku kin woŋnapi kagapi
wowapi kagapi ko nape en wi-

caqupi kta; unkan te kta on
yacopi kta,

19 Qa iŋahapi kta, kapsinsin-
tapi kta, qa icipaweli okatanpi
kta on Ikcewicašta iyoopta wi-
caqupi kta; unkan anpetu ici-
yamni hehan kini kta ce.

20 Hehan Zebedee cinca hun-
kupi kin en hi, cinhintku na-
pin om, cekiye qa taku wanji
kida.

21 Unkan iye heciya; Taku ya-
cin he. Hehan heciya; Miciukŋi
kin denaoza wokiconze nitawa
en, unma nietapa ekta iyotanke
kta, qa unma iŋ canitka en iyo-
tanke kta, keya ye.

22 Tuka Jesus waayupte qa
heya; Taku yadapi kin sdonya-
kiyapi ŋni. Wiyatke etanhan
mdatke kte cin he etanhan ya-
tkan oyakihipi he; qa baptem
maqupi kte cin he niŋ eya niyu-
pi kta oyakihipi he. Unkan, Unko-
kihipi ce, eciyapi.

23 Hehan hewicakiya; Awica-
kehan wiyatke mitawa kin etan-
han datkanpi kta, qa baptem ma-
qupi kte cin heon niŋ eya baptem
niyu pi kta; tuka ematapa qa
camatka tanhan iyotankapi wi-
caqupi kte cin he miye mitawa
ŋni; tuka Ate tona wiyeya wi-
cakiciyuŋtan kinhan hena tawapi
kta.

24 Unkan wikcemnapi kin hena
he nahonpi qehan sunkakiciyapi
nom on ŋihdapi.

25 Tuka Jesus wicakico qa
heya; Ikcewicašta ekta tona
itancanpi kin hena oyate wica-
yuhapi, qa wicašta tankinyan-
yanpi kin oyate wowidakewica-
yapi ece, he sdonyayapi.

26 Tuka niyepi ekta hecece
kte ŋni; tuka wanji tukte tanka
yaunpi kta yacinpi kinhan, he
ookiye duhapi kta:

27 Qa tuwe niyepi en tokapa

MATTHEOS.

un kta hecinhan, wowidake nitawapi kin hee kta.

28 He iyececa, Wicašta Cinhintku wowidake wicayuhe kta on hi šni, tuka idakapi kta, qa wiconi tawa wokajuju kta wicota on wicaqu kta heon hi.

29 Unkan Jeriko etanhan iyootapi, hehan wicota ihakam unpi.

30 Unkan iho, wicašta išttagongga nonpa canku icahda iyotankapi, Jesus en hiyaya nañonpi, hehan howayapi qa heyapi; Itancan, Dawid Cinhintku onšunkida miye.

31 Unkan wicota kin telindapi qa inina yanke wicašipi; tuka iš hehan heon iyotan howayapi qa heyapi; Onšunkida po, Itancan, Dawid Cinhintku.

32 Unkan Jesus owanji najin qa wicakico qa heya; Taku ecaciconpi kta yacinpi he.

33 Itancan išta unhdukawapi kta ye, eciyapi.

34 Hehan Jesus onšiwicakida qa išta wicayutan; unkan ecahankeya išta on tonwanpi qa ihakam unpi.

WICOWOYAKE 21.

1 Unkan Jerusalem ikiyedani yapi, qa Bethpage ehan ipi, Olive paha kin etu, hehan Jesus waonspewicakiye cin nom yewicaši;

2 Qa hewicakiya; Dukanpi kin otonwe iyotakons wanke cin he ekta ya po; kinhan kohanna šonšonna wan cinca iyahna han iyeyayapi kta; kiyuškapi qa makaku po.

3 Qa tuwe taku eniciyapi kinhan, Itancan kin hena cin ce, eya po; kinhan kohanna awicau nišipi kta.

4 Dena owasin econpi, wicašta wokcan oie qon yucetupi kta, he kaken eya;

5 Zion cunwintku kin heciya po; Iho, Wicaštayatapi nitawa en niu, walibadan qa šonšonna wan akan iyotanka, šukcinca wan, šonšonna cinca kin akan u ce.

6 Unkan waonspewicakiye cin yapi, qa Jesus econ wicaši kin ecen econpi;

7 Qa šonšonna cinca iyahna awicahipi, qa iye tašina akan elpeyapi, qa hena iakan Jesus ehnakapi.

8 Unkan wicota canku ohna šina elpeyapi; qa apa canwapa kaksapi qa canku ohnahna owinšyapi.

9 Qa wicota tokata yapi, qa tona ihakam upi kin, howayapi qa heyapi; Dawid Cinhintku woohiye yuha nunwe. Tuwe Itancan caje on u kin yawaštepi nunwe: Mahpiya ekta woohiye yuha nunwe.

10 Unkan Jerusalem en hi qehan otonwe kin ocowasin škanškanpi, qa heyapi; De tuwe he.

11 Unkan wicota kin heyapi; Jesus wicašta wokcan Galile en Nazareth otonwe kin etanhan he dec.

12 Unkan Jesus tipi wakan Wakantanka tawa kin en i, qa tipi wakan ohna wiyopeyapi ece, wopetonpi ko, hena tankan iye-wicaya; qa mazaska tokiyopeyapi ahna econpi kin hena yuadapšinyan elpeya, tona wakiyedan wiyopeyapi oiyyotanke tawapi koya;

13 Qa hewicakiya; Tipi mitawa kin he wocekiye tipi eciyapi kta, eya wowapi en kagapi; tuka niye wamanon tipi yakagapi.

14 Hehan išttagongapi huštepi ko tipi wakan kin en hipi; unkan okiziwicaya.

15 Unkan wošnapi kagapi, wo-

wapi kagapi ko taku wowapetokeca econ kin hena wanyakapi, qa hoksiyoqopapi tipi wakan kin ohna, Dawid Cinhintku kin woohiye yuha nunwe, eya howayapi, hehan nina shidapi:

16 Qa heciyapi; Dena taku eyapi kin nayahon he. Unkan Jesus hewicakiya; Han; Hoksiyoqopa, tona azinpi ko ipi kin etanhan wowitan duŝtan ce, eyapi kin he tohinni dawapi ŝni he.

17 Hehan awicayuhan, qa otonwe kin etanhan tankan iyaye ca Bethani ekta i, qa hen wanka.

18 Unkan hanhanna hinca otonwe kin ekta icicawin hda, unkan wotektehda;

19 Qa suken can wanji canku ohna han wanyake chehan, he en i, tuka takudan iyeye ŝni, ape eceedan aicaga; unkan heya; Icimana waskuyeca ainicage ŝni nunwe. Unkan suken can kin kohanna ŝnija aya.

20 Unkan waonspewicakiye cin he wanyakapi qehan yuŝinyayapi qa heyapi; Ehanqon suken can kin kohanna ŝnija aya.

21 Jesus waayupte ca hewicakiya; Awicakehan heciyapi; Wowacinye duhapi qa wacehunyalhdapi ŝni kinhan, taku suken can kin de ecakiconpi kin heceedan ecanonpi kte ŝni, tuka paha kin de, Tokan iyaye ca miniwanca kin en iyohpeniyanpi nunwe, eyakiyapi kinhan, ecetu kta.

22 Qa taku tona wocekiye eya yadapi, qa wicayadapi kinhan, hena owasin duhapi ece e kta.

23 Unkan tipi wakan kin en hi, qa waonspewicakiya icunhan, woŝnapi kagapi, qa oyate kin en wicaŝta tankapi ko, en hipi qa heciyapi; Wicookihi tukte e on dena ecanon he; qa tuwe wicookihi kin de niçu he.

24 Unkan Jesus waayupte ca hewicakiya; Miŝ eya taku wanji iciwangapi kta; he omayakidakapi kinhan, hehan wicookihi kin tukte on dena ecamon kin ociciyakapi kta.

25 Johannes baptem wicaqu qon he tokiyatanhan he; maŝpiya eciyatanhan qa iŝ wicaŝta eciyatanhan. Unkan he iyakitedan aiapi qa hekiciyapi; He maŝpiya eciyatanhan, unkeyapi kinhan; Tokeca he wicayadapi ŝni he, eye kta:

26 Tuka, He wicaŝta eciyatanhan, unkeyapi kinhan, oyate kin kowicunkipapi; owasin Johannes wicaŝta wokcan heca kecinpi.

27 Unkan ayuptapi qa Jesus heciyapi; Sdonunyanpi ŝni ye. Unkan iŝ hehan hewicakiya; Miŝ nakun wicookihi tukte on dena ecamon kin ociciyakapi kte ŝni.

28 Tuka token idukcanpi he: Wicaŝta wan cinhintku nonpa; unkan tokapa kin en hi qa heciya; Cinŝ, anpetu kin de hastanhanka iyuwi ojupi mitawa kin en litani ya wo.

29 Unkan ayupte ca heya; Ecamon kte ŝni ye. Tuka iyohakam iyopeiciye ca iyaya.

30 Unkan hakakta kin en hi, qa iyecen eciya; Unkan iye ayupte ca; Itancan, mde kta ce, eya. Tuka ye ŝni.

31 Denaoza unma tukte atkukupi tawacin kin ecen econpi he. Unkan, Tokapa kin, eciyapi. Hehan Jesus hewicakiya; Awicakehan heciyapi; Wamnayanpi qa wawiciliahapi econpi sa niyepi nitokam Wakantanka tokiconze kin en yapi kta.

32 Johannes wicoowotanna canku kin ohna en niupi. tuka wicayadapi ŝni; tuka wannana-

MATTHEOS.

yanpi qa wawicilahapi econpi sa, hena wicadapi; he wanda-kapi esta nakun iyohakam wicayadapi kta e on nihduhomnipi s̄ni.

33 Wiyacinpi wan tokeca nahon po; Wicašta wan tipi yuhe cin he hastanhanka iyuwi ojupi wan oju, qa ihduks̄an natake ca ohna iyus̄kice wan qe ca nakun cowahe wan en kaga; qa wicašta kicanyanpi kta owicaqu, hehan icimani iyaya.

34 Unkan wanna waskuyeca suton kta, hehan wowidake wicayuhe cin wicašta kicanyanpi kin ekta yewicaši; waskuyeca etanhan icupi kte cin heon.

35 Unkan wicašta kicanyanpi kin wowidake unpi kin hena wicayuzapi; wanji apapi, wanji ktepi, qa wanji inyan on kininpi.

36 Akcs̄ wowidake toktokeca ota ekta yewicaši; unkan is̄ iyecen wicakuwapi.

37 Hehan ehake iye cinhintku kin ekta yeši, qa heya; Micin-kši yuonihanpi kta.

38 Tuka maga kicanyanpi kin cinhintku wanyakapi, hehan hekiciyapi; Tawa kte cin he dee; iho po, unktepi kta, hehan taku yuhe cin he unkipi kta.

39 Hecen yuzapi qa hastanhanka iyuwi ojupi kin etanhan tankan ehpeyapi qa ktepi.

40 Hecen tohan hastanhanka iyuwi ojupi tawa kin hi kinhan kicanyanpi kin hena token eawicakicon kta he.

41 Unkan heciyapi; Wicašta šikšice cin hena tehiya ihangwicaye kta, qa kicanyanpi toktokeca tohan iyehantu eca waskuyeca kicupi ece e kta hena hastanhanka iyuwi ojupi kin owicaqu kta.

42 Hehan Jesus hewicakiya; Inyan wan tipi kagapi kin ehpe-

yapi qon he oise pa kin icaga; he ltancan kin eciyatanhan hecetu, qa unkiš api en taku wwapetokeca kin hee, eyapi kin he tohinni wowapi wakan kin en dawapi s̄ni he.

43 Heon etanhan heciciyapi; Wakantanka tokiconze kin eniciyakupi kta, qa oyate wan waskuyeca icahyapi kte cin he wicacupi kta.

44 Unkan tuwe inyan kin de ahinhipaye cinhan kamden ehpeyapi kta; qa tuwe he akan ihpaye cinhan tanyan kamdu kta.

45 Unkan wošnapi kagapi hena, qa Pharisee ko wiyacinpi tawa kin nahonpi qehan, iye wicaka e heya sdonyapi.

46 Qa heon yuze wacinpi, tuka oyate kin kowicakipapi; owasin wicašta wokcan heca kecinci.

WICOWOYAKE 22.

1 Unkan Jesus waayupte ca ake wiyacinpi on wowicakiyake ca heya;

2 Wicašta wan wicaštayatapi heca cinhintku kin wakankiciyuzapi kicage cin he mahpiya wokiconze kin iyececa.

3 Unkan wowidake wicayuhe cin hena yewicaši, tona wakan-kiciyuzapi en wicakicopi qon hena uwicašipi kta; tuka upi kta wicadapi s̄ni.

4 Akeš wowidake toktokeca ekta yewicaši qa hewicakiya; Tona wicakicopi qon hena hewicakiya po; Wotapi mitawa wiyeya yanka; tatanka mitawa ptejicadan ko wanna ktepi, qa taku owasin wiyeya hiyeya; iho po, wakankiciyuzapi kin en u po.

5 Tuka ihahapi qa toki iyayapi; wanji tamaga ekta iyaye ca, wanji is̄ mazopiye tawa ekta iyaya.

6 Qa hunh wicakico ipi kin hena wicayuzapi, qa sícaya wicakuwapi qa wicaktepi.

7 Wicaštayatapi kin he nahon qehan nina śihda; qa taakicita ekta yewicaśi, qa tinwicaktepi kin hena ihangwicaye ça totonwepi kin huñnahya.

8 Hehan wowidake tawa kin hewicakiya; Wakankiciyuzapi kin wiyeya yanka, tuka tona en wicakicopi qon hena opapi kta iyececapi śni.

9 Heon etanhan canku ojate kin ektakta ya po, qa tona iye-wicayayapi kin wakankiciyuzapi kin en uwicaśi po.

10 Hecen wowidake unpi kin hena canku ojate kin ektakta iyayapi, qa tona iyewicayapi, śica qa wašte ko, en awicaupi; hecen wakankiciyuzapi wicašta ota en opapi.

11 Unkan wicaštayatapi kin tona wotapi kte cin hena wanwicayaka tin hiyu, qa iho, wicašta wanji wakankiciyuzapi wokoyake kin kiçun śni hen wanyaka:

12 Qa heciya; Koda, tokeca wakankiciyuzapi wokoyake kicun śni en hidotanka he. Unkan takudan eye śni.

13 Hehan wicaštayatapi kin taokiyewicaye cin hewicakiya; Siha nape ko pahtapi qa detanhan aya po, qa tankan otpaza kin en ehpeya po; heciya wicaceya qa hi hdakinskinzapi yuke kta.

14 Wicota wicakicopi tuka tonana wicakalinigapi ece.

15 Hehan Pharisee kin is yapi, qa token iapi on yuškiškapi kta aiapi.

16 Qa iye waonspewicakiyapi kin Herodian hena om ekta yewicaśipi qa heyapi; Waonspekiye, iewicayaka sdonunyanpi, qa awicakehan Wakantanka ta-

canku kin onspeunyakiyapi ece, qa tuwedan koyakipe śni; wicašta akantu ekta eyatonwe śni nakaes.

17 Heon token idukkan he; unkokiyaka po; Kesar mazaska qupi ece kin he owotanna he.

18 Unkan Jesus taku śica en wicaun kin he sdonya qa heya; Wananiçihmanpi, tokeca iyutanmayayapi he:

19 Mazaska mnayanpi ece kin he makipazo po, eya. Unkan kašpapidan wanji kahipi.

20 Hehan hewicakiya; Wicite qa wowapi kagapi kin de tuwe tawa he.

21 Unkan, Kesar tawa ce, eyapi. Hehan hewicakiya; Heon etanhan Kesar taku tawa kin kicu po, qa Wakantanka taku tawa kin kicu po.

22 He nahonpi hehan yuśinya-yapi qa ehpeya hdicupi.

23 Unkan anpetu kin he en Sadukee kin en hipi, hena piya wicoicage kin wanica ce, eyapi ece, qa wiwangapi;

24 Qa heciyapi; Waonspekiye, Wicašta wan cinca yuhe śni te cinhan, tawicu qon he iye sunkaku yuze kta, qa cincu cinca icahkiciciye kta, Moses keye ciqon.

25 Unkan unkiyepi en wicašta śakowin sunkakiciyapi; unkan tokapa kin he winohinca wan yuza tuka ta; qa cinca nica heon iye iyokihe cin he tawicu aihepiya.

26 Qa icinonpa iyecen econ, qa iyamni, qa ecen śakowinpi kin.

27 Hehan ehake winohinca qon ta.

28 Hecen piya wicoicage kin en, hena śakowinpi kin wanji tukte winohinca kin he hduhapi kta he; owasin yuzapi.

29 Jesus waayupte ça hewicakiya; Yanunipi, wowapi wakan

MATTHEOS.

qa Wakantanka towaśake kin sdoniyayapi śni.

30 Piya wicoicage kin en winolinca wicayuzapi śni, qa hihnatonpi śni, tuka mahpiya ekta Wakantanka ohnidewicaye cin iyececapı ece.

31 Tuka wicate cin piya icagapi kin on Wakantanka taku eniciyapi kin he dawapi śni he; he kaken eya;

32 Abraham Wakantanka tawa, Isaak Wakantanka tawa, qa Jakob Wakantanka tawa kin he miye: Wakantanka wicaśta tapi kin tawapi śni, tuka ni unpi Wakantanka tawapi ece.

33 Unkan oyate kin hena nahonpi hehan taku onspewicakiye cin on yuśinyayapi.

34 Tuka Pharisee kin hena, Jesus Sadukee kin inina yanke wicakiya, he nahonpi hehan en mniciyapi:

35 Qa etanhan wanji woope aiekiyapi kin heca wiwange ça iyutanyan heciya;

36 Waonspekiye, woope kin en woahope kin tukte iyotan tanka he.

37 Unkan Jesus heciya; Itancan Wakantanka nitawa kin he nicante ocowasin on, qa ninagi ocowasin on, qa nitoksape ocowasin on waśteyakidake kta.

38 Woahope tokaheya qa tanka kin hee.

39 Qa inonpa kin he iyececa; Nikiyedān un kin niye inihdacin waśteyadake kta ce.

40 Woahope kin denaoza woope ocowasin wicaśta wokean ko en ikoyaka ece.

41 Pharisee kin iś en mniciyapi icunhan Jesus wiwicawange ça heya;

42 Messiya on token idukanpi he; tuwe cinhintku he. Unkan, Dawid Cinhintku ce, eciyapi.

43 Hehan hewicakiya; Hecen token Dawid Woniya Wakan kin on Itancan, eciya he; qa heya;

44 Itancan kin Itancan mitawa heciya; Mietapa ekta iyotanka wo, tona tokaniyanpi kin siha oahe nitawa wicawakage kta, hehanyan.

45 Hecen Dawid, Itancan, eciya hecinhan, token ecin cinhintkuye kta he.

46 Unkan tuwedan oie wanjidan ayupte kta okihi śni; qa anpetu kin hetanhan tuwedan ake wiwanga tawaŕenye śni ece.

WICOWOYAKE 23.

1 Hehan Jesus oyate kin, iye waonspewicakiye cin om wowicakiyaka:

2 Qa hewicakiya; Wowapi kagapi Pharisee ko Mośes oiyo-tanke tawa kin en iyotankapi ece.

3 Heon etanhan taku tona openiśipi kin hena owasin opapi qa econ po; tuka iye ohanpi kin ohna econpi śni po; taku eyapi, tuka iyecen econpi śni ece.

4 Waqinpi tketke qa qinpi tehika heca oheyunpi, qa wicaśta tapete akan ehnakapi ece, tuka iye qe śaśte on yutanpi kta tawaŕenyapi śni.

5 Qa wicohan econpi kin owasin wicaśta wanwicayakapi kta e heon econpi ece. Wateśdake tanka iĉicagapi, qa śina opapun hdutankapi ece.

6 Wotapi en oyanke waśtešte cinpi, qa omniciye tipi kin ohna wankan iyotankapi kte cin he waśtedakapi ece:

7 Qa tihocoka kin en wicayuwintapi, qa, Itancan, Itancan, wicaśta ewicakiyapi kta cinpi.

8 Tuka niye, Itancan, eniciya-

pi kte śni; wanji mdetahunka duhapi, Messiya hee; qa niyepi owasin hunkawanjinyeciyapi.

9 Qa nakun maka akan tuwedan, Ate, eciyapi śni po; Wanji maħpiya ekta un kin he Ateyayapi.

10 Qa nakun, Waonspekiye, eniciyapi kte śni; Wanji Waonspekiye duhapi, Messiya hee.

11 Qa tukte wanji iniyotanpi kta hecinhan, he wowidake nitawapi ee kta.

12 Tuwe yuwankan iyeiçiye kta hecinhan, he yuhukun ełipeyapi kta; qa tuwe ihduhukuya hecinhan, he yuwankan iyeyapi kta.

13 Tuka wowapi kagapi qa Pharisee kin, wananiçiłmanpi, wotehi niciyankapi nunwe; wiwazica tipi tawapi ihangyayapi ece, qa wanniyakapi kta on wocekiye hanska ehapi ece; heon etanhan woyaco tanka iyahdeniciyapi kta.

14 Wowapi kagapi qa Pharisee kin, wananiçiłmanpi, wotehi niciyankapi nunwe; maħpiya wokiconze kin wicašta anawicayeciaptapi, niye en dapi kte śni, qa tona en yapi kta cinpi kin teyahindapi ece.

15 Wowapi kagapi qa Pharisee kin, wananiçiłmanpi, wotehi niciyankapi nunwe; miniwanca maka ko aokibeyayapi, wicašta wanjidanduhomnipi kta; qa ece-tu kinhan, niye isanpa nonpa akihde Wakanśica cinca yakagapi ece.

16 Tokakeya mani išttagongapi kin, wotehi niciyankapi nunwe; hehapi ece; Tuwe tipi wakan kin on wakonze cinhan he taku śni; tuka tuwe tipi wakan kin en mazaskazi yuke cin, he on wakonze cinhan, he wałitani ece.

17 Winitkotkokapi qa išttagongapi; mazaskazi, qa iś tipi wakan mazaskazi wakan kage cin unma tukte iyotan he.

18 Nakun, Tuwe owayuśna kin on wakonze cinhan he taku śni; tuka tuwe wośna owayuśna akan un kin he on wakonze cinhan, he wałitani ece.

19 Winitkotkokapi qa išttagongapi kin; wośnapi qa iś owayuśna wośnapi kin wakan kage cin unma tukte tanka he.

20 Heon etanhan tuwe owayuśna kin on wakonze cinhan, he owayuśna qa taku akan un kin koya on wakonza ece.

21 Qa tuwe tipi wakan kin on wakonze cinhan, he tipi wakan, qa nakun tuwe ohna ti ece kin, hee on wakonza ece.

22 Qa tuwe maħpiya kin on wakonze cinhan, he Wakantan-ka oiyotanke tawa, qa nakun tuwe akan iyotanke cin on wakonza ece.

23 Wowapi kagapi qa Pharisee kin, wananiçiłmanpi, wotehi niciyankapi nunwe; ceyakata wałpe skuya, wacanga ko, iwikcemna kin waduśnapi ece; qa woope kin en taku tanka, woototanna, wowaonsida qa wowacinye, hena ayaktapi śni ece; dena e ecanonpi kta, qa unma nakun econ śni yaunpi kte śni tuka.

24 Tokaheya mani išttagongapi kin, hoponkadan puskem edakupi, qa kamel heca napca iye-
yayapi ece.

25 Wowapi kagapi qa Pharisee kin, wananiçiłmanpi, wotehi niciyankapi nunwe; wakśica wiyatke ko akantanhan duskapi ece, tuka mahen wamanonpi qa wicotawacin śica on ojugjudan.

26 Pharisee išttagonge, tokaheya wiyatke wakśica ko ma-

MATTHEOS.

hentanhan ska kaga wo, kinhan akantanhan he nakun ska kta.

27 Wowapi kagapi qa Pharisee kin, wananiçihmanpi, wotehi niciyankapi nunwe; ohna wicahapi sanyanpi henicecapi; hena akantanhan owanyag wašte, tuka mahentanhan wicašta huhu qa taku šica owasin on ojuguju-dan ece.

28 He iyecen niyepi wicašta ekta akantanhan owotanna yaunpi seececa, tuka mahentanhan wanaçiłhmanpi qa woowotanna šni on onijupidan.

29 Wowapi kagapi qa Phari-see kin, wananiçihmanpi, wotehi niciyankapi nunwe; wicašta wokcan ohna wicahapi kin en tipi wicayecagapi, qa wicašta owotanna ohna wicahnakapi kin hena sanyayapi ece:

30 Qa hehapi; Atewicunyanpi ni unpi he anpetu kin en unyakonpi unkanš, wicašta wokcan wicaktepi qon en ounpapi kte šni tuka ce.

31 Hecen tona wicašta wokcan wicaktepi qon cincapi kin hena niyepi e omihdakapi ece.

32 Qa nakun niye niyatepi wicoħan tawapi kin hena wicayeciyuštanpi kta.

33 Wamduška henicapi, sinteħda wicoicage, token wakanšica ti iwicayacopi kin nayecipapi kta he.

34 Heon etanhan iho, wicašta wokcan, wicašta ksapa, wowapi kagapi hena koya, niyepi ekta yewicawaši; unkan etanhan apa wicayaktepi kta, qa icipaweħ owicayakatanpi kta; qa apa omni-ciye tipi nitawapi kin ohnahna wicayakapsinpsintapi kta; qa otonwe iyasyaza šicaya wicayakuwapi ece e kta.

35 Hecen maka akan wicašta owotanna wicaktepi hena we

kin ocowasin niyepi en aniupi kta; Abel owotanna we kin he-tanhan, Zakarias, Barakias cin-hintku, tipi wakan qa owayušna kin iyotahedan yaktepi qon he we kin hehanyan.

36 Awicakehan heciciyapi; Dena owasin wicoicage kin de en awicau kta.

37 Jerusalem, Jerusalem, wicašta wokcan wicayakte sa, qa tona niye ekta yewicašipi qon hena inyan on wicayakinin ece qon, waħupakoza wan iye cinca ħupahu ihukuya wicatpahi ece kin, he iyecen wanna ota nicinca wicawapahi kta wacin, tuka niye wicayadapi šni ece.

38 Iho, yatipi kin wanna otiwota eħpeniciyapi:

39 Qa heciciyapi; Detanhan tohanyan, Tuwe Itancan caje yuha u kin he yawaštepi nunwe, ehapi šni, hehanyan wanmayadakapi kte šni.

WICOWOYAKE 24.

1 Unkan Jesus tipi wakan kin etanhan tankan inanpe ĉa token iyaya; unkan waonspewicakiye cin en hipi qa tipi wakan token kagapi kin he wanyag šipi.

2 Unkan Jesus hewicakiya; Dena owasin wandakapi šni he; awicakehan heciciyapi; Dena inyan wanji inyan itakihna wanke kte šni, owasin yujupupi kta.

3 Unkan Oliwe paha kin akan iyotankehan yanka, hehan waonspewicakiye cin isnana en hipi qa heciyapi; Dena tohan ecetu kta, qa niye yahi kte ĉa maka ihanke kta, taku on sdonyapi kta, he ito unkokiyaka miye.

4 Unkan Jesus waayupte ĉa hewicakiya; Ihnuhan tuwe niħnayanpi kinhan.

5 Wicota micaje on upi kta qa,

WICOWOYAKE 24.

Messiya he miye ce, eyapi k'a ;
qa wicašta ota wicahnayanpi
kta.

6 Unkan wicokicize qa kicizapi
oyakapi kin nayahonpi kta ;
ihnuhan nihinniciyapi kinhan ;
hena owasin hecetu kte, tuka
owihanke kin hinahinke šni.

7 Oyate wan oyate azuwicaye
kta, qa wokiconze wokiconze
anatan kta ; qa tuktektan wica-
akihan qa makošikšica qa maka
škanškan yuke kta.

8 Dena owasin wicoiyokišice
tokaheya kin hee.

9 Hehan wicokakije en yeni-
yanpi kta qa niktepi kta ; qa mi-
caje on oyate owasin šicenidapi
kta.

10 Unkan hehan wicašta ota
šihdapi kta, qa otoiyohi kici-
hnayanpi kta qa šicekicidapi kta.

11 Qa wicašta wokcan itonšni
ota icagapi kta, qa wicota wica-
hnayanpi kta.

12 Hehan wicohan šica ota
icage kta, heon wicota wašte-
dake cigon he sni aye kta.

13 Tuka tuwe owihanke he-
hanyan najin kinhan he ni kta.

14 Unkan wokiconze wotanin
wašte kin de maka kin owancaya
oyakapi kta, oyate owasin en
wotanin un kta ; qa hehan owi-
hanke kta.

15 Tohan wošice woihangye
kin, Daniel wicašta wokcan
cajeyata qon he tipi wakan kin
en han wandakapi kinhan ; tuwe
yawa kinhan okašniga nunwe ;

16 Hehan tona Juda makoce kin
en unpi kin he kin ekta napapi
kta.

17 Qa tuwe tipi akan un kinhan
kun ku, qa taku ti mahen tanhan
ehdaku kte šni.

18 Qa nakun tuwe magata un
kinhan, hdicu qa wokoyake iki-
kcu kte šni.

19 Unkan tona anpetu kin hena
en ihdušakapi, qa hokšiyooqopa
azinwicakiyapi kin hena wotehi
yuhapi kta.

20 Tuka waniyetu, qa anpetu
wakan icunhan, nayajicapi kte
šni e ito cekiya po.

21 Hehan wokakije tanka kte,
maka kagapi kin ehantanhan de-
hanyan taku hecece šni, qa na-
kun tohinni tokata ekta hecece
kte šni.

22 Qa anpetu kin hena yupte-
cedan šni kinhan, wicašta tuwe-
dan ni kte šni ; tuka wicakalni-
gapi kin hena on anpetu kin
hena yuptecedan kta.

23 Hehan tuwe, Messiya den
un ce, qa, kakiya un ce, enici-
yapi ešta, wicadapi šni po.

24 Messiya itonšni, qa wicašta
wokcan itonšni kin heca icagapi
kta, qa wowanyake tanka wi-
cohan tanka ko econpi kta, hecen
okihipica unkanš wicakalnigapi
kin hena eepi kaeš wicahnayanpi
kta tuka.

25 Iho, itokam hena ociciya-
kapi.

26 Heon etanhan ; Iho, hewo-
tahedan un ce, eniciyapi ešta,
ekta yapi šni po ; qa, Iho na-
hmana un ce, eniciyapi ešta, wi-
cadapi šni po.

27 Wakanhdi wiyohiyanpa tan-
han u, qa wiyohpeyata hehanyan
tanin hinhda ece, Wicašta Cin-
hintku kin hi kte cin he iyecece
kta.

28 Tukten taku ta wanka eca,
hen wamdi kiwitayapi ece e kta.

29 Unkan wokakije anpetu kin
hena ahankeya, anpetu wi kin
aotpaza kta, qa hanyetu wi kin
iyoyanpa kte šni, qa wicanhpi
malpiya eciyatanhan hinhpaye
kta, qa malpiya wowašake kin
yuhuhuzapi kta.

30 Unkan hehan malpiya en,

MATTHEOS.

Wicašta Cinhintku kin wowakta tawa kin tanin kta. Hehan maka akan oyate owasin nihinciyapi kta, qa Wicašta Cinhintku kin wowaśake qa wowitan tanka hduha, małpiya śapa akan u wanyakapi kta.

31 Unkan mazayahotonpi tanka hotanin kin on ohnihdewicaye cin yewicaśi kta, qa hena tate uya topa eciyatanhan, tona wicakalnige ciqon hena wicapahi kta, małpiya ihanke kin etanhan unma ihanke kin ekta hehanyan.

32 Wanna suken can kin etanhan wiyacinpi wan onspeiciciya po. Can intpa hinahin suta śni, qa wanna ape uya, hehan mdo ketu kin wanna ikiyedan sdonyayapi ece.

33 He iyecen dena owasin ecetu wandakapi kinhan, wanna ikiyedan, tiyopa kin ehantu e sdonya po.

34 Awicakehan heciciyapi; Wicoicage kin de ihanke kte śni, ecen dena owasin ecetu kta.

35 Małpiya maka ko ihanke kta, tuka mioie kin owihanke kte śni.

36 Tuka anpetu kin he, qa wihiyayedan oape kin he tuwedan sdonye śni; małpiya ohnihde kin hena *sdonyapi* śni; Ate ecedan sdonya.

37 Nowa taanpetu qon hena, Wicašta Cinhintku kin hi kte cin iyecece kta.

38 Minitan qon isanpa anpetu kin hena en, wotapi qa wayatkanpi, winohinca wicayuzapi qa wicašta hihnawicayapi ece, Nowa wata kin en iyaye cin anpetu kin hehanyan;

39 Qa iyukanpi śni, ecen minitan aye qa iyuhpa ihangwicaya: iho, Wicašta Cinhintku kin u kte cin he iyecece kta.

40 Hehan wicašta nom magata

unpi kta; wanji icupi kta, qa unma kin is okaptapi kta.

41 Winohinca nom wiyutpan on wotpan unpi kta; wanji icupi kta, qa unma kin okaptapi kta.

42 Heon etanhan waktaya un po, wihiyayedan oape tukte en Itancan nitawapi u kta sdonyayapi śni.

43 Tuka de sdonya po; wicašta tipi tawa kin wamanon sa tohan hi kta sdonya unkanś, kika un qa tipi tawa yuhdokapi kta iyowinwicakiye kte śni tuka.

44 Heon etanhan niś eya wiyeya un po; Wicašta Cinhintku kin wihiyayedan oape tukte wanji en hi kta, he sdonyayapi śni.

45 Tuwe wowidake owotanna qa wayupika, itancan tawa tipi awanyagkiya, tohan iyehantu eca wo wicaqu ece e kta.

46 Wowidake kin hecen econ ece, itancan tawa en hdi qa wanhdake cinhan, he yawaśtepi ece.

47 Awicakehan heciciyapi; Taku yuhe cin owasin awanyagkiye kta.

48 Tuka wowidake śice cin he cante mahen, Itancan mitawa tehan hdi śni ce, eye cinhan;

49 Qa tona om wowidake un kin hena wicakaśtake qa, witkopi om wote qa wayatke cinhan;

50 Anpetu wan waktaya un śni, qa wihiyayedan oape wanji iye kecin śni, he en wowidake un kin yuhe cin hdi kta;

51 Qa cokaya kicakse kta, qa wanaicilmanpi kin om taku yuhekiye kta; heciya wicaceya qa hi hdakinskinzapi yuke kta.

WICOWOYAKE 25.

1 Hehan małpiya wokiconze kin witanśna unpi wikcemna iyacinpi kta; petijanjan ihupa

ikikecupi qa tawicu ton kte cin he itkokim iyayapi.

2 Unkan zaptan ksapapi, qa zaptan witkokokapi.

3 Witkokokapi kin hena petijanjan ihupa icupi, tuka wihdi takudan yuhapi šni.

4 Tuka ksapapi kin hena cega ohna wihdi hduhapi, petijanjan ihupa iyahna.

5 Unkan tawicu ton kte cin he u šni; hehanyan iyuhpa hbapi qa iŝtinmapi.

6 Unkan hanyecokaya hehan wicaho wan tanin, Iho, tawicu ton kte cin he u ce; itkokim ya'po.

7 Hehan witanšna unpi kin hena owasin iyotankapi, qa petijanjan kin piyapi.

8 Unkan witkokokapi kin hena ksapapi kin hewicakiyapi; Wihdi nitawapi etanhan ongege unqu miye, petijanjan unkicisnipi kta.

9 Tuka ksapapi kin waayuptapi qa hewicakiyapi; Hiya, okinini unkiye niyepi nakun iyounhipi kte šni; tuka tona wopetonpi ece kin ekta ya pe, qa opeçiton miye.

10 Unkan he opeton iyayapi, hehan tawicu ton kte cin he hi; unkan tona wiyeya unpi kin hena wakankiciyuzapi kte cin en kici iyayapi; hehan tiyopa kin ecen icupi.

11 Iyohakam witanšna unpi unmapi kin en hipi, qa heyapi; Itancan, Itancan, tiyopa unkiçiyuhdoka miye.

12 Tuka iye waayupte ça; Sdonciyapi šni, awicakehan eciçiyapi ce, eya.

13 Heon etanhan kiktahan unpo, anpetu qa wihiyayedan oape kin tukte wanji en, Wicašta Cinhintku kin hi kte cin he sdonyayapi šni.

14 He iyecen wicašta wan makece tokeca ekta ye kta, hehan wowidake wicayuhe cin wicakico, qa woyuha tawa kin wicakipamni.

15 Unkan wanji mazaska tkeutapi tanka zaptan qu, qa wanji nom, qa wanji iŝ wanjidan qu; otoiyohi token okihi kta hecen wicaqu; hehan icimani iyaya.

16 Unkan tuwe tkeutapi tanka zaptan icu qon he iyaye, ça on wopeton ece econ, qa nakun tkeutapi tanka zaptan kamna.

17 Qa tuwe nom icu qon iŝ eya iyecen nom nakun kamna.

18 Tuka tuwe wanjidan icu qon he iyaye ça, maka qe ça, yuhe cin mazaska tawa kin inahma.

19 Unkan wanna tehan hehan wowidake unpi kin dena itancan tawapi kin hdi, qa wicakiciyawa.

20 Unkan tuwe tkeutapi tanka zaptan icu qon he zaptan toktokeca koya ahi qa heya; Itancan, tkeutapi tanka zaptan mayaqu; iho, nakun tkeutapi tanka zaptan hena awakamna, eya

21 Unkan yuhe cin heciya; Han, wowidake wašte qa wacinypica; taku tonana on wacinypica yaun, taku ota yuheciçiyekta; niyuha towiyuŝkin kin en opa wo.

22 Hehan tuwe tkeutapi tanka nom icu qon he hi, qa heya; Itancan, tkeutapi tanka nom mayaqu; iho, nakun tkeutapi tanka nom hena awakamna.

23 Itancan tawa kin heciya; Han, wowidake wašte qa wacinypica; taku tonana on wacinypica yaun, ito taku ota yuheciçiyekta; niyuha towiyuŝkin kin en opa wo.

24 Hehan tuwe tkeutapi tanka wanjidan icu qon he hi, qa heya;

Itancan, wicašta nitehika sdon-
waya, tukten woyaju šni ešta
etanhan wamnayaya ece, qa
tukten taku ełıpeyaye šni kin
hetanhan wayapahi ece.

25 Qa kowakipa, heon imdamde
ça mazaska tkeutapi tanka ni-
tawa maka kin en nawahbe ;
iho, nitawa kin yahduha.

26 Itancan tawa kin waayupte
ça heciya ; Wowidake nišice ça
nikuja ; tukten wowaju šni kin
hetanhan wamnawaya ece, qa
tukten taku wakada šni hetan-
han wawapahi ece e sdonyaya ;

27 Heon etanhan mazaska mi-
tawa wicašta wopetonpi kin yu-
hewicayakiye kta iyececa tuka ;
hecen wahdi, qa mitawa oicage
ko ewehdaku kta tuka.

28 Heon tkeutapi tanka kin
ekiciyaku po, qa tuwe tkeutapi
tanka wikcemna yuhe cin he ito
qu po.

29 Tuwe taku ota yuhe cin he
nakun qupi ece e kta, hecen iya-
kiçuya yuhe kta ; tuka tuwe ta-
kudan yuhe šni kin hetanhan
taku ton kin hee kaeš ekiciya-
kupi ece e kta.

30 Qa wowidake wakamna šni
kin he tankan otpaza kin en
ełıpeya po ; heciya wicaceya qa
hi hdakinskinzapi yuke kta.

31 Tohan Wicašta Cinhintku
kin wowitan hduha, ohnihdewi-
caya wakan kin owasin om u
kinhan, hehan wowitan oiyotan-
ke tawa kin en kiyotanke kta :

32 Qa itokam oyate kin iyulıpa
mniciyapi kta ; unkan wicayu-
kinukan kta, waawanhdake wan
taħınca wanunyanpi, tatokadan
etanhan wicapahi ece kin he
iyececa.

33 Qa taħınca wanunyanpi kin
hena iye etapa eciyatanhan, qa
tatokadan kin iye catka eciya-
tanhan ewicahnake kta.

34 Hehan Wicaštayatapi kin
tona etapa eciyatanhan unpi kin
hena hewicakiye kta ; U po,
Ate eciyatanhan niyawaštapi
kin, wokiconze maka kagapi kin
ehantanhan wiyeya niciyankapi
kin he ito hduha po.

35 Wotektewahda, unkan wo
mayaqupi ; imapuza, unkan wa-
yatkemayakiyapi ; wicašta ma-
tokeca waun, unkan tin hiyuma-
yayapi :

36 Tancomakadan, unkan waa-
mayakalıpapi ; wanamayazanka,
unkan onšimayadapi ; maka-
škapi, unkan wanyag mayahipi
ece.

37 Hehan wicašta owotanna
kin hena ayuptapi qa heciyapi
kta ; Itancan, tohinni wotekte-
yahda wanunniyakapi, qa wo
unniçupi he ; qa inipuza qa wa-
yatkeunniciyapi he :

38 Tohinni wicašta tokeca yaun
wanunniyakapi, qa tin hiyuun-
niyanpi he ; qa tancodan yaun,
qa wokoyake unniçupi he :

39 Tohinni waniyazanka qa
kaška nihnakapi yaun wanunni-
yakapi, qa en unnihipi he.

40 Unkan Wicaštayatapi kin
waayupte ça hewicakiye kta ;
Awicakehan heciciyapi ; Mihun-
kawanji kin dena cikcistinpidan
hecawicayeconpi kin he miye
ecamiyeconpi ece.

41 Hehan tona catka kin eciya-
tanhan unpi kin hewicakiye kta ;
Niyašicapi kin, mitantauhan iya-
ya po, peta owihanke wanica
ekta, wakanšica iye taokiyewi-
caye cin koya on kagapi qon.

42 Wotektewahda, tuka wo
mayaqupi šni ; imapuza, tuka
wayatkemayakiyapi šni :

43 Wicašta matokeca waun,
tuka tin hiyumayayapi šni ; tan-
codan waun, tuka wokoyake ma-
yaqupi šni ; wamayazanka qa

WICOWOYAKE 26.

kaška mahnakapi waun, tuka onšimayadapi šni.

44 Hehan ayuptapi qa heciyapi kta; Itancan, tohinni wotekteyahda, qa inipuza, qa wicašta tokeca yaun, qa tanconikadan, qa waniyazanka, qa kaška nihnakapi yaun wanunniyakapi, qa ounniciyapi šni he.

45 Hehan awicayupte ça heye kta; Awicakehan heciciyapi; Dena cikcistinpidan hecawicayeconpi šni kin he miye ecamiyeconpi šni ece.

46 Unkan dena owihanke wanin wokakije kin en yapi kta; tuka wicašta owotanna kin hena owihanke wanin wiconi kin en yapi kta.

WICOWOYAKE 26.

1 Unkan Jesus wicoie kin dena owasin ihunnikiya, hehan waonspewicakiye cin hewicakiya;

2 Anpetu nom iyohakam woacakšın kin hehantu kta sdonyayapi; hehan Wicašta Cinhintku kin icipaweš okatanpi kta e wicaqupi kta.

3 Hehan wošnapi kagapi, wowapi kagapi qa oyate kin en wicašta tankapi kin hena koya mniciyapi, wošnapi kagapi itancan, Kaiaphas eciyapi, he ti kin en.

4 Qa Jesus token nahmana icupi qa ktepi kta he aiapi.

5 Tuka wotapi anpetu kin hena icunhan šni, okinni oyate kin owodutaton kta, eyapi.

6 Unkan Jesus Bethani en Simon lepros ecece cıqon he ti kin ohna yanka.

7 Hehan winohınca wan inyan opiye wan wihdi waštemna tehi-ka ojudan he yuha en hi, qa iye iyotankehan yanka icunhan, pa kin en okaštan.

8 Tuka waonspewicakiye cin

hena he wanyakapi qehan šihdapi, qa heyapi; Tokeca de awihunniyapi he.

9 Wihdi waštemna kin de ota iyoheyapi kta, qa wahpanica wicaqupi kta iyececa tuka ce.

10 Jesus he okalnige ça hewicakiya; Tokeca winohınca kin de iyokišinyayapi he; wicošan wašte wan ecamicon.

11 Wahpanicapi kin ohinnıyan wicaduhapi, tuka miye ohinnıyan mayaduhapi šni.

12 Wihdi waštemna kin de mitancan amakaštan kin, mahnakapi kte cin on etanhan hecon.

13 Awicakehan heciciyapi; Maka kin owancaya wootanin wašte kin de tukten oyakapi hecinhan, winohınca kin de taku econ kin he wowitan on oyakapi ece e kta.

14 Hehan akenonpapi kin etanhan wanji, Judas Iskariot eciyapi, he wošnapi kagapi kin ekta wicai;

15 Qa heya; He ciqupi kinhan taku mayaqupi kta he. Unkan mazaska wikcemna yamni qupi kta, keciyapi.

16 Unkan hetanhan token hnayan wicaqu kta e he akita.

17 Aguyapi on napohiyapi codan anpetu tokaheya, hehan waonspewicakiye cin Jesus en hipi, qa heciyapi; Tukten woacakšın kin yate kta wiyeya unnicihnakapi kta yacin he.

18 Unkan heya; Otonwe kin en ya po, qa wicašta kae heciya po; Wanna iyemicihantu, woacakšın kin yati en waonspewicawakiye cin om ecamon kta ce, Waonspekiye cin heya ce.

19 Unkan waonspewicakiye cin Jesus econ wicaši kin ecen econpi, qa woacakšın kin wiyeya ehnakapi.

MATTHEOS.

20 Wanna litayetu hehan ake-nonpapi kin om en iyotanka.

21 Qa wotapi icunhan heya; Niyepi etanhan wanji wiyopemayayapi kta, awicakehan eciciyapi ce.

22 Unkan iyokišicapi hinca, qa otoyohi heciyapi; Itancan, he miye he.

23 Unkan waayupte ça heya; Tuwe wakšica ohna kici nape yewaye cinhan he wiyopemaye kte cin ee.

24 Wowapi en kagapi qon he iyecen, Wicašta Cinhintku kin ye kta; tuka wicašta kin Wicašta Cinhintku kin wiyopeye cinhan he wotehi kiciyanke kta; wicašta kin he tohinni tonpi šni unkanš wašte kta tuka.

25 Unkan Judas wiyopeye kte cin he ayupte ça; Itancan, he miye he, eya. Unkan, Niye heha ce, eciya.

26 Unkan wotapi icunhan Jesus aguyapi icu, qa yawašte, qa yušpašpa, qa waonspewicakiye cin wicaqu, qa heya; Icupi qa yuta po; mitancan kin he dee.

27 Qa wiyatke kin ehdaku, qa wopida eye ça wicaqu, qa heya; Owasin etanhan yatkan po.

28 Mawe kin he dee, wicotakuye teca kin en, wicota on paponpi, woahani kajuju kta heon.

29 Tuka heciyapi, Detanhan hastanhanka iyuwu waskuyeca kin etanhan icimana mdatke kte šni, Ate tokiconze kin en anpetu wan teca unyatkanpi kte cin hehanyan.

30 Unkan odowan wan ahiyayapi hehan tankan iyayapi, Olive paha kin he ekta.

31 Hehan Jesus hewicakiya; Hanyetu kin de niyepi owasin ehpemayayapi kta. Kaken wotapi en kagapi; Waawanhdake

kin he awape kta, unkan hetanhan tahinca wanunyanpi optaye kin enanakiya iyayapi kta.

32 Tuka ake wakini kinhan Galile ekta nitokam mde kta.

33 Hehan Inyan ayupte ça heciya; Owasin ehpeniyanpi ešta, miye tohinni ehpeciye kte šni.

34 Jesus heciya; Hanyetu kin de anpaohotonna hoton šni itokam yamni anamayakilhe kta, awicakehan eciciya.

35 Inyan heciya; Nici maža ešta anacilhe kte šni. Waonspewicakiye cin iyuhpa nakun iyecen eyapi.

36 Hehan Jesus waonspewicakiye cin om can wojupi wan Gethsemene eciyapi kin he en i, qa hewicakiya; Den iyotanka po, ito kakiya cekiya mde kta.

37 Unkan Inyan qa Zebedee cinhintku kin napin iwicacu, qa iyokišica hinhda qa nina yušaka.

38 Hehan hewicakiya; Minagi iyokišice hinca, maže kta iyececa; den kiktahan mici yukan po.

39 Unkan hetanhan kitan ecinyan iyoopte iyaye ça makata ehpeiçiya, cekiye ça heya; Ate, okihipica kinhan, wiyatke kin de tokan imiciyaye kta; tuka miye wacin kin hee šni, niye token yacin kin hee ecetu kte.

40 Unkan waonspewicakiye cin iština liyeya en wicabdi, qa Inyan heciya; Tokeca wihiyayedan oape wanji kiktahan mici yaunpi kta oyakihipi šni he.

41 Kiktahan unpi qa cekiya po, okinni taku wawiyutanyan un kin en idadapi nun ce. Wicana gi kin he wicada, tuka wicacehi kin wašake šni.

42 Ake inonpa ekta iyaye ça cekiye ça heya; Ate, wiyatke kin de mdatke šni tokan imiciyaye kta okihipica šni kinhan, nitawacin ecen econpi nunwe.

43 Hehan ake en wicahdi, qa iŝtinma hiyeya wanwicahdaka ; iŝta ħbapi ħinca nakaes̄.

44 Unkan eh̄pewicaye a ake iyaye a iyamni cekiya, oie un qon hena ake ohna ecen eya.

45 Hehan waonspewicakiye cin en wicahdi qa hewicakiya ; Wanna niŝtinmapi qa oziniciyapi he ; iho, wanna iyehan u, qa Wicaŝta Cinhintku kin waħtanipi sa napepi kin en wicaqupi.

46 Najin po, unyanpi kta ; iho, tuwe wiyopemaye cin he kiyedan u ce.

47 Unkan iahan icunhan, iho, Judas, akenonpapi kin wanji ee, he hi, qa wicota woŝnapi kagapi qa oyate kin en wicaŝta tankinyanyanpi etanhan, mazasagye cansagye ko yuha kici hipi.

48 Unkan tuwe wiyopeye cin he iwaktawicaye a heya ; Tuwe i iwaputake cinhan hee kta ; sutaya yuza po.

49 Unkan katinyan Jesus en hi qa, Iho. Itancan, eye a i iputaka.

50 Unkan Jesus heciya ; Kicuwa, taku on yahi he. Hehan en hipi qa Jesus nape ahnakapi qa yuzapi.

51 Unkan, iho, Jesus kici unpi wanji nape hdukatın, qa mazasagye ehdaku, qa on, woŝnapi kagapi itancan taokiye wanji ape a noge kaŝpa.

52 Hehan Jesus heciya ; Mazasagye nitawa ojuha en iyekiya wo ; tona mazasagye ehdakupi kin owasin mazasagye kin on api kta.

53 Nakaha Ate cewakiya owakihı ŝni kecanni he ; qa hinna-kaha maħpiya ohnihde wicobe akenonpa sanpa maqu kta tuka.

54 Tuka hecetu kinhan, wowapi en kagapi, he decetu kta eyapi qon he token yuacetupi kta he.

55 Wihiyayedan oape kin he en Jesus oyate kin hewicakiya ; Tokeca wamanon sa iyecen, mazasagye cansagye ko hduha takpe inayahipi he ; anpetu oio-iyohi tipi wakan kin ohna waonspewicakiyapi manka, tuka mayaduzapi ŝni.

56 Tuka dena owasin ecoupi, wicaŝta wokcan taku owapi qon he yuacetupi kta heon. Hehan waonspewicakiye cin owasin eh̄peyapi qa najicapi.

57 Unkan tona Jesus yuzapi kin hena Kaiaphas woŝnapi kagapi itancan kin ekta ayapi, wowapi kagapi wicaħincapi ko mniciyapi kin en.

58 Tuka Inyan itehan ihakam u, woŝnapi kagapi itancan ti kin hehanyan, qa mahen ye a ookiyewicayapi kin om iyotanka, owihanke kte cin he wanyake kta.

59 Unkan woŝnapi kagapi qa wicaħincapi kin, qa omniciye ocowasin, woitonŝni wootanin oyakapi Jesus on akitapi, ktepi kte cin heon :

60 Tuka takudan iyeyapi ŝni ; woitonŝni woyakapi ota hipi, tuka takudan iyeyapi ŝni. Unhanketa woitonŝni oyakapi nom hipi ;

61 Qa heyapi ; Wicaŝta kin de, Tipi wakan Wakantanka tawa kin he mdujuju, qa anpetu yamni kinhan ake piya wakage kta owakihı ce, eya ce.

62 Hehan woŝnapi kagapi itancan kin najin hiyaye a heciya ; Dena taku iyanionpapi kin takudan adupte ŝni he.

63 Tuka Jesus inina yanka. Unkan woŝnapi kagapi itancan kin heciya ; Wakantanka ni un kin on wacajeciciyate, Messiya Wakantanka Cinhintku kin he niye hecinhan, unkokiyaka miye.

MATTHEOS.

64 Unkan Jesus heciya ; Niye ecen eha ; tuka nakun heciyapi ; Tokata ekta Wicašta Cinhintku kin wowaśake etapa eciyatanhan iyotanka qa mahipiya śapa akan u wandakapi kta.

65 Hehan wośnapi kagapi itancan kin śina hduhdehdece qa heya ; Taku śica eya ; taku on sanpa woyakapi unakakitapi kta he ; iho, wanna śicaya ie cin he nayahonpi :

66 Token idukcanpi he. Unkan ayuptapi qa, He te kta iyececa ce, eyapi.

67 Hehan ite atagośapi qa nape on apapi ; qa hunh kapsinpsintapi ;

68 Qa heyapi ; Messiya he niye, tuwe anipe cin he ito unko-kiyaka po.

69 Inyan tankan tipi kin ohna iyotankehan yanka ; unkan wikośka wan en hi qa heciya ; Qa niś nakun Jesus Galile etanhan kin he kici yaun qon.

70 Tuka iye owasin wicitokam anakihbe qa heya ; Taku ehe cin he sdonwaye śni.

71 Unkan ohanzi hdepi kin ekta tankan iyaya, hehan wanji tokeca wanyake qa tona en unpi kin hewicakiya ; De nakun Jesus Nazareth etanhan kin he kici un qon.

72 Unkan akeś anakihbe qa, Taku wakan namañon, wicašta kin de sdonwaye śni ce, eya.

73 Hehan ake iecadan tona en najinpi kin hena hipi, qa Inyan heciyapi ; Awicakehan ewicatanhan yaun ; iyae cin he oniyaka ece.

74 Hehan iapi śica ota eye qa, Taku wakan namañon, wicašta kin he ecaca sdonwaye śni ce, eya. Unkan echankeya anpaohotonna kin hoton.

75 Hehan Inyan, Jesus taku

eciye ciqon, Anpaohotonna hoton śni kin itokam yamni anamayakihbe kta ce, eye cin he kiksuya. Unkan tankan iyaye qa nina ceya.

WICOWOYAKE 27.

1 Unkan hanñanna hinca wośnapi kagapi kin owasin qa oyate kin en wicahincapi kin hena koya, Jesus token ktepi kta e he aiapi.

2 Unkan kaśkapi hehan ayapi, qa Pontios Pilate wicašta itancan kin he kaipi.

3 Unkan Judas wiyopeye cin he wanna yacopi wanyaka, hehan iyopeiciye qa, mazaska wikcemna yamni kin, wośnapi kagapi wicahincapi ko ake wicakahi ;

4 Qa heya ; Wawalitani, wicawe taku iyaonpepica śni kin wiyopewaya ce. Unkan heyapi ; He etanhan unkitokecapi śni ; he niś niye.

5 Unkan mazaska kin tipi wakan kin en elipeye qa kihda ; qa hetanhan iyaye qa poskin içikte.

6 Unkan wośnapi kagapi kin mazaska kin hena icupi, qa heyapi ; Mazaska opiye kin en unkoñnakapi kta iyecece śni, wicawe iyopeyapi kin dena ee, heon etanhan.

7 Hecen wiyukcanpi qa hena on wakśica kage cin tamaga he opetonpi ; ohna wicašta tokeca wicahapi kta.

8 Heon etanhan maga kin he, Wicawe maga, eciyapi, anpetu kin dehanyan.

9 Hehan Jeramiya wicašta wockan taku eye ciqon yucetupi ; he kaken eya ; Unkan mazaska wikcemna yamni, tuwe iyopeyapi qon, Israel cincapi kin hecen iyacinpi qon, hena icupi,

10 Qa wakśica kage cin tamaga kin iyopeyapi, Itancan kin econ-maśi iyececa.

11 Unkan Jesus wicaśta itancan kin itokam inajin. Qa wicaśta itancan kin wiwange ca heciya; Juda wicaśtayatapi kin he niye he. Unkan; Niś heha ce, Jesus eya.

12 Unkan wośnapi kagapi wicahincapi ko taku iyaonpapi, tuka takudan ayupte śni.

13 Hehan Pilate heciya; Dena taku iyanionpapi kin nayahon śni he.

14 Tuka oie wanjidan eśta ayupte śni, hecen wicaśta itancan kin nina yuśinyaya.

15 Wotapi kin de iyehantu eca wicaśta itancan kin wicakaśkapi wanji kiyuśka ece, tukte wanji oyate kin kicapi.

16 Unkan he ehan wanji tanyan śdonyapi, Barabbas eciyapi, he kaśka hnakapi.

17 Hecen en mniciyapi hehan Pilate hewicakiya; Unma tukte ciciyuśkapi kta yacinpi he, Barabbas qa iś Je-us nakun Messiya eciyapi.

18 Winawizipi on he iye en kahipi e sdonya.

19 Unkan woyaco oiyotanke kin akan kiyotanka hehan tawicu kin tuwe en uśi, qa heciya; Wicaśta owotanna kin he takudan ecakicon śni we, on anpetu kin de wiwamna en nina mayuśinyaya ce.

20 Tuka wośnapi kagapi wicahincapi ko oyate kin wahonwicakiyapi, Barabbas kicapi kta, qa Jesus ihangyapi kta.

21 Hehan wicaśta itancan kin ake wiwicawange ca hewicakiya; Unma tukte ciciyuśkapi kta yacinpi he. Unkan, Barabbas, eyapi.

22 Pilate hewicakiya; Jesus

nakun Messiya eciyapi kin he token ecamon kta he. Unkan owasin; Icipaweñ okatanpi kta, eciyapi.

23 Unkan wicaśta itancan kin heya; Tokeca, taku śica econ kin tukte e he. Tuka nina panpi qa; Icipaweñ okatanpi kta, eyapi.

24 Hecen Pilate takudan okihi śni, qa nina owoduta on icaga he wanyaka, hehan mini icu, qa wicota wicitokam nape hdujaja, qa heya; Wicaśta owotanna kin de we kin miye en amaupi kte śni; niye ito wanyaka po.

25 Hehan oyate kin iyuhpa ayuptapi qa heyapi; He we kin unkiyepi qa unkiyepi koya en unkaupi nunwe.

26 Unkan hehan Barabbas wicakiciyuśka; qa Jesus kapsin-p inta hehan icipaweñ okatanpi kta e wicaqu.

27 Hehan wicaśta itancan taakicita kin Jesus ti mahen ayapi, qa wicobe ocowasin en mniciyapi.

28 Qa iye tawokoyake kiyuśdokapi, qa śina duta wan inkiyapi.

29 Qa wapepeka kazontapi on wateśdake kagapi qa teśdagkicatonpi, qa cedi wan nape etapa kin on yuskiyapi; qa itokam canpeśka makehde inajinpi, qa iħahapi, qa heyapi; Iho, Juda Wicaśtayatapi kin.

30 Qa atagośapi, qa cedi kin icupi qa pa en apapi.

31 Unkan hecen iħahapi hehan śina kin ekiciyakupi qa iye tawokoyake qon kicunkiyapi, qa icipaweñ okatanpi kta ayapi.

32 Tankan ayapi hehan wicaśta wan Kurene etanhan, Simon eciyapi, he wanyakapi; unkan he cansusbeca kin kiciçinkiyapi.

33 Unkan makoce wan Golgo-

MATTHEOS.

tha eciyapi, he wicapahu makoce éyapi kin he kapi, he ekta ipi ;

34 Hehan minisa pizi icahiyapi kin hetanhan yatkekiyapi ; tuka uta hehan yatke kta wicada sni.

35 Unkan hen icipaweh okatanpi, oeconna econpi qa tawokoyake kicipamnipi. Hecen wicašta wokcan oie qon yuecetupi ; Mitawokoyake kicipamnipi qa onhidohda mitawa on oceonna econpi ce.

36 Unkan hen iyotankapi qa awanyakapi :

37 Qa wiyaonpapi kin de owapi qa pa iwankam ehnakapi ; JESUS, JUDA WICAŠTAYA-TAPI KIN HE DEE.

38 Nakun wicašta wamanon sa nom kici icipaweh owicakatanpi, unma etapa eciyatanhan, qa unma is catka tanhan econpi.

39 Unkan tona en hiyayapi kin hena aiapi, qa apomnamnapi ;

40 Qaheyapi ; Tipi wakan ihangyaye qa anpetu yamni ake piya yakage kte cigon, niiciya wo. Wakantanka Cinhintku kin he niye hecinhan, cansusbeca kin etanhan kun ku wo.

41 He iyececa, wošnapi kagapi kin ihahapi, qa wowapi kagapi wicahincapi ko om heyapi ;

42 Wicašta tokeca niwicaya ece, iye niiciye kta okihi sni ; Israel wicaštayatapi tawapi hecinhan, iho, wanna cansusbeca kin etanhan kun ku kta, kinhan wicaundapi kta.

43 Wakantanka wacinkiye cigon ; tawa kta hecinhan wanna ehdaku kta ; Wakantanka Cinhintku kin he miye ce, eye cigon.

44 Nakun wicašta wamanon sa, kici icipaweh owicakatanpi kin hena is eya iyecen i en hiyeyapi

45 Unkan wihiyayedan oape

šakpe hetanhan napcinwanka ape cin hehanyan makoce kin owancaya otpaza.

46 Unkan napcinwanka apa hehantu ecetu, Jesus howaye ca hotankakiya heya ; Eli, Eli, lama sabakthani ; Wakantanka mitawa, Wakantanka mitawa, tokeca ehpemayaya he, eyapi kin hee.

47 Unkan en najinpi kin he nahonpi qehan, apa heyapi ; Elias kipan ce.

48 Unkan wanji etanhan inyang ye ca mini iyuhepe wan icu, qa miniskuya en oputkan, cedi wan icape ca yatkekiya.

49 Unmapi kin heyapi ; Hinahanka, Elias nikiya hi kta hecinhan ito wanunyakapi kta.

50 Tuka Jesus ake hotankakiya hotanin qehan, taniya kin hiyuya.

51 Unkan iho, tipi wakan cokaya ozanpi kin he okiyuhdecapi, wankantanhan qa kun ihanke kin hehanyan ; nakun maka kin škanskan qa inyan namdecapi :

52 Qa wicahapi kin yuhdokapi, qa wicašta wašte istinmapi kin hena ota hiyupi ;

53 Qa wicahnakapi kin etanhan hninanpapi, qa otonwe wakan kin en hipi, qa wicota en taniniiciyapi.

54 Unkan akicita tancan qa tona om Jesus awanyake cin hena maka kin škanskan qa taku econpi ko wanyakapi qehan, nina yušinyayapi qa, Awicakehan Wakantanka Cinhintku kin he dee tuka ce, eyapi.

55 Unkan winohinca ota hen unpi qa itehanyan wanyakapi ; tona Galile etanhan upi qa okiyapi ece qon :

56 Mary Magdalene he wanji ee, qa Mary Jakob qa Jošes hunku, qa Zebede cinca hunkupi kin.

WICOWOYAKE 28.

57 Wanna litayetu hehan Arimathea etanhan wicašta wijicawan en hi, Joseph eciyapi, he nakun Jesus waonspewicakiye cin wanji ee :

58 He Pilate en i, qa Jesus tancan kin kida. Hehan Pilate tancan kin he quwicaši.

59 Unkan Joseph tancan kin he icu qehan, miniŋuha ska wan opazunta ;

60 Qa ohna hnakapi tawa teča, imnija kin en kaŋdoke cin, he en ohnaka ; qa inyan wan tanka ohna hnakapi i kin en eonpa, hehan kihda.

61 Unkan ohna hnakapi kin iyotakons, Mary Magdalene qa Mary unma qon iyotankehan yukanpi.

62 Unkan anpetu en ihduwiyeyapi ece kin he ihanŋanna, hehan woŋnapi kagapi qa Phariŋsee kin hena Pilate en hipi,

63 Qa heyapi ; Itancan, wicahnaye sa kin de ni un qehan, Anpetu yamni hehan wakini kta ce, eya keyapi, he unkiksuyapi.

64 Heon etanhan wicahnakapi kin natag wicaši wo, anpetu yamni hehanyan ; okinni waonspewicakiye cin hena en hipi qa tancan kin manon akiyahdapi kta, qa hehan, Wicaŋe cin etanhan kini ce, oyate kin ewicakiyapi kta ; hecen ehake wicahnayanpi kin he tokaheya kin isanpa tanka kta.

65 Pilate hewicakiya ; Akicita wicaduhapi ; hdapi qa token oyakihipi sutaya nataka po.

66 Hecen kihdapi qa wicahnakapi kin sutaya natakapi ; inyan kin he apuspapi qa akicita en najinwicakiyapi.

WICOWOYAKE 28.

1 Anpetu wakan owihanke kin ekta, wanna anpetu tokaheya

ayanpa kta hehan, Mary Magdalene qa Mary unma kin, wicahnakapi kin wanyag hipi :

2 Unkan iho, maka ŋkanŋkan wan tanka ; mahipiya eciyatanhan Itancan taohnihde wan kunu, en hi qa tiyopa kin etanhan inyan kin yuptanye qa akan iyotanka.

3 He ite kin wakanhdi kin iyececa, qa tawokoyake kin wa iyecen ska :

4 Unkan he kokipapi on awanyakapi kin nina cancanpi qa wicašta ŋapi kin iyecen ayapi.

5 Unkan mahipiya ohnihde kin he waayupte qa winohinca kin hewicakiya ; Niye kokipapi ŋni po ; Jesus icipaweŋ okatanpi qon he oyadepi sdonwaya :

6 Den un ŋni ; wanna ihduekicetu, heye ciqon iyececa : Kuwa po, Itancan kin wanke ciqon he wanyaka miye.

7 Qa kohanna hdapi qa, Wicaŋe cin etanhan kini ce, waonspewicakiye cin ewicakiya po ; unkan iho, Galile ekta nitokam iyaya ce, hen wandakapi kta ; iho, wanna ociciyakapi.

8 Unkan wokokipe wowiyuŋkin tanka ko yuha koyahanna kihdapi ; waonspewicakiye cin hoŋi wicakakipi kta inyang hdapi.

9 Unkan waonspewicakiye cin hoŋi wicakahdapi icunhan, iho, Jesus itkowicakipa qa heya ; Wiyuŋkin po. Unkan en hipi qa siha en yuzapi qa ohodapi.

10 Hehan hewicakiya ; Kopehdapi ŋni po ; mihunkawanji owicakiyag ya po, Galile ekta yapi kta ; heciya wanmayakapi kta ce.

11 Unkan hena hdapi icunhan, akicita awanyakapi qon etanhan wanjikji otonwe kin en hipi, qa woŋnapi kagapi kin taku econpi kin owasin owicakiyakapi.

MARKOS.

12 Unkan hena witaya mnici-yapi, wicalincapi ko om, qa he akiiapi, hehan akicita mazaska ota wicaqupi;

13 Qa heyapi; Unkiŕstinmapi icunhan waonspewicakiye cin hanyen hipi qa manon icupi ce, eya po.

14 Unkan he wicaŕta itancan kin naŕon kinhan, unkiye ceunki-yapi kta, qa anaunniciksinpi kta.

15 Hecen mazaska kin icupi, qa token onspewicakiyapi kin iyecen econpi; heon wicoie kin he Juda oyate kin en oyakapi ece, anpetu kin dehanyan.

16 Hehan waonspewicakiye cin akewanjipi, hena Galile ekta iya-

yapi, paha wan Jesus cajeyate ciqon hetu.

17 Unkan wanyakapi hehan ohodapi; tuka apa ceŕunhdapi.

18 Unkan Jesus en wicahi, owawicakiye qa heya; Malipiya ekta qa maka akan wowaŕake ocowasin maqupi:

19 Heon etanhan ya po, oyate kin owasin waonspewicakiya po, qa Ateyapi, Cinhintkuyapi, qa Woniya Wakan kin caje on bap-tem wicaqu po;

20 Qa taku tona econciŕsipi kin owasin yuhapi kta e onspewica-kiya po. Unka iho, anpetu owasin cicipi waun, maka owi-hanke kin hehanyan. Amen.

M A R K O S

W O T A N I N W A Ŧ T E T A W A .

WICOWOYAKE 1.

1 Jesus Messiya Wakantanka Cinhintku kin Wotani Wawe tawa tokaheya kin he dee.

2 Wicawe wokcanpi kin en owapi qon iyececa; Iho, niite kin itokam waweŕi mitawa yewaŕi kta, nitokam canku wiyeya enicihnake kta.

3 Wicaho wan hewotahedan hotanin kin hee, Itancan tacan-ku kin wiyeya ekicihnaka wo, ocanku owotanna kicaga wo.

4 Johannes hewotahedan bap-tem wicaqu, qa waweŕtani kaju-jupi kta, on iyopeci-yapi bap-tem wicaqupi kin he oyaka ece.

5 Unkan Juda makoce kin owan-caya tanhan, qa nakun Jerusa-lem etanhan ekta yapi; unkan waweŕtani ohdaka, Jordan wakpa

kin en, iye owasin baptem wi-caqu.

6 Unkan Johannes kamel hin kin koyake qa tehmiŕo wan ipi-yagkiton; qa psipsicadan tu-ŕmaga canhanpi ahna yuta ece:

7 Qa woyake qa heya; Miha-kam wanji mikapeya waŕake cin he u ce, he patuŕ nawajin qa hankpan weciyuŕdoke kta iye-micihantu ŕni.

8 Miŕ miye awicakehan mini on baptem ciqupi; tuka iye qe Woniya Wakan kin on baptem niqupi kta ce.

9 Unkan anpetu kin hena icun-han, Galile en Nazareth etan-han Jesus u, qa Jordan en Johannes baptem qu.

10 Unkan mini kin etanhan itanwankanhde ku qehan, eca-hankeya malipiya kin yuzamnipi qa Woniya Wakan kin wakiye-

WICOWOYAKE 1.

dan kahya kuntkiya u qa en hiyahan, he wanyaka.

11 Unkan mahpiya eciyatanhan wicaho wan tanin, Micinksi wastewakidake ca tanyan iyomakipi kin he niye ce.

12 Hehan ecahankeya Woniya kin hewoskan makoce kin ekta kaham aya.

13 Unkan anpetu wikcemna topa hewotahedan makoce kin en uu; qa hen Satan iyutanyan; wamanica kin om un, unkan mahpiya ohnihde kin okiyapi ece.

14 Unkan Johannes kaska hnakapi qehan, Jesus Galile en hi, qa Wakantanka tokiconze wotanin waste kin oyaka:

15 Qa heya; Wanna iyehantu, Wakantanka tokiconze kin kiye-dan un; iyopeciya po, qa wotanin waste kin wicada po.

16 Unkan Galile mde kin icahda omani, hehan Simon wanyaka, qa iye sunkaku Andrew nakun, mde kin en ho wan iyohpeyapi; hena hopsicapi kin hecapi nakae.

17 Unkan Jesus hewicakiya; Miyahna u po, kinhan wicasta wicadupsicapi kta cicagapi kta ce.

18 Unkan ecahankeya ho kin ehpekiyapi, qa ihakam iyayapi.

19 Unkan hetanhan kitan ecinyan iyoopta ye ca, Jakob Zebede cinhintku, nakun sunkaku Johannes eciyapi, wanwicayaka; hena wata ohna ho kin piyapi.

20 Unkan ecahankeya wicakico; unkan atkukupi Zebede, qa tona wowidake wicayuhe cin hena om, wata kin en ehpewicayapi, qa ihakam iyayapi.

21 Hehan Kapernaum en yapi; unkan anpetu wakan icunhan omniciye tipi kin katinyan en ye ca, woyaka.

22 Unkan taku oyake cin on

yuşinyayapi; wicasta itancanyan waonspewicakiya, qa wowapi kagapi kin iyecece ſni.

23 Unkan omniciye tipi kin he ohna wicasta wan woniya ſica yuha; unkan he howaya,

24 Qa heya; Unkayustan po; Jesus Nazareth etanhan, taku ecaunniconpi he; ihangunya-yapi kta yahi he; nituwe kin sdonwaya, Taku Wakan Wanji Wakantanka tawa kin he niye.

25 Hehan Jesus iyopeye ca heciya; Inina yanke ca, tankata hninanpa wo.

26 Unkan woniya ſice cin he wicasta kin yuhdece ca, hotankakiya hotanin, hehan tankan hinanpa.

27 Unkan owasin inihanpi qa heya ikiciwangapi; De taku he; de woonspe teca kin tukte e he; woniya ſice cin itancanyan owawicakiya, unkan anagoptanpi ece.

28 Unkan hetanhan Galile makoce ihdukſan owancaya ohan kin oyakapi.

29 Unkan omniciye tipi kin etanhan hdicupi, hehan katinyan Simon qa Andrew tipi tawapi kin en yapi, Jakob qa Johannes nakun opapi.

30 Tuka Simon tawicu hunku kin he tancan kata on wayazanka yanka; unkan he okiyakapi.

31 Hehan en hi, qa napata yuze ca najinkiya; unkan ecahankeya tancan kata ayustan, qa hehan owicakiya.

32 Wanna hitayetu, wi iyaya hehan, wayazankapi kin owasin yanke cin eu awicahipi, tona wakanſica wicayulnaſkinyan hena koya.

33 Hecen otonwe kin ocowasin tiyopa kin en kata ihaya.

34 Unkan wowayazan toktokeca on wayazanpi kin ota asni-

wicaya, qa taku wakan síca ota nakun tankan hinanpe wicakiya; qa wakan síce cin hena ia iyowinwicakiye sni, hena iyekiyapi nakaés.

35 Unkan ihanhanna, hinahin anpa itehan, hehan inajin, qa tankan inanpe ça, hewotahedan makoce wan ekta ye ça, hen wocekiye eya.

36 Unkan Simon tona om un kin hena koya ihakam iyayapi.

37 Qa iyeyapi hehan heciyapi; Owasin anicitapi ce.

38 Unkan hewicakiya; Otonwe ikiyedani kin hena en unyanpi kta; hen nakun womdake kta; heon etanhan wahi ce, eya.

39 Unkan Galile makoce kin owancaya, omniciye tipi kin ohna woyake ça, wakan síca hinape wicakiya ece.

40 Unkan wicašta wan lepros ececa, he en hi, qa cekiya, canpeška makehde inajin qa heciya; Yacin kinhan ska mayakage kta oyakihi.

41 Unkan Jesus onsíkidani, nape ekta yekiye ça, yutan qa heciya; Wacin, ska un wo.

42 Unkan heye cin hecehnana, lepros ececa qon he ayuștan, qa ska icaga.

43 Hehan tanyan wahokonkiye ça hetanhan hdeși;

44 Qa heciya; Ihnuhan tuwe taku eyakiye cinhan; tuka hde ça, woșna kage cin he en hdutanin wo, qa niyuskapi kta on taku Moses econ wicași qou hena wayușna wo, hecen iyepi ekta woyutanin kta.

45 Tuka tankan hde ça, nina ohdake ça, owancaya yaotanin, hecen hetanhan Jesus otonwe kin en taninyan ye kta okihi sni, tuka tankan hewotahedan un ece: unkan owancaya tanhan yanke cin en hipi ece.

WICOWOYAKE 2.

1 Anpetu tonana iyohakam hehan ake Kapernaum en i; unkan ti mahen yanka he oyakapi.

2 Unkan hecehnana wicota en mniciyapi, hecen tuktedan en hipi kte sni, tiyopa kin itankan tanhan ocikan sni: unkan wicoie kin owicakiyaka.

3 Unkan hehan en hipi, wicašta wan țatake cin wicašta tom akiyuhapi, he en aupi.

4 Unkan wicota kin on tokadan ikiyedani upi sni, hehan tipi akałpe kin yułidokapi; he yujujupi hehan țatake cin owinja akan yanka ecehna en yuhukun iye-yapi.

5 Unkan wacinyanpi kin he Jesus wanyake cehan, țatake cin heciya; Cinș wayahtani kin nicicajujupi ce.

6 Tuka wowapi kagapi wanjikji hen iyotankehan unpi kin hena cante mahen hecinpi;

7 Tokeca wicašta kin de sícaya ia he: Tuwe woahtani kajuju kta okihi he, Wakantanka ecedan.

8 Unkan hena hecekcen awacinpi kin, Jesus iye tawacin ekta sdonya, hehan hewicakiya; Tokeca hena hecekcen awacani pi he.

9 Wayahtani nicicajujupi, qa is, Najin, owinja ehdaku qa man wo, țatake cin eciyapi kta, unma tukte wașakadan he.

10 Tuka Wicašta Cinhintku kin he maka akan woahtani kajuju kta okihi, he sdonyayapi kta; hehan țatake cin he heciya;

11 Najin, qa owinja ehdaku, qa yati ekta hda wo, eciciya ce, eya.

12 Unkan hecehnana najin hiyaye ça, owinja ehdaku, qa owa sin wicitokam tankan kihda; he,

WICOWOYAKE 2.

cen owasin inihanpi, Wakan-tanka yatanpi qa hecyapi; Tohinni taku dececa wanunyakapi šni.

13 Hehan ake tankan mde kahda iyaya; unkan wicota en mniciyapi; unkan waonspewicakiya.

14 En hiyaya icunhan, Lewi, Alpheus cinhintku, mazaska mnayanpi ece kin en iyotanka, he wanyake ça; Miyahna u wo, eciya. Unkan najin hiyaye ça ihakam ya.

15 Unkan he ti kin ohna Jesus wota iyotanka, hehan mazaska mnayanpi wahtanipi sa ko ota Jesus kici iyotankapi, waonspewicakiye cin hena koya: wicota qa ihakam unpi ece.

16 Unkan wowapi kagapi Pharisee ko, wamnayanpi qa wahtanipi sa om wota yanka wanyakapi, hehan waonspewicakiye cin hewicakiyapi; Tokeca e wamnayanpi wahtanipi sa ko om wota qa wayatkan he.

17 Jesus he nahon, hehan hewicakiya; Tona zanipi kin hena pejihutawicašta kin cinpi šni, tuka wayazankapi kin hena e cinpi: wicašta owotanna kin heca on wahi šni, tuka wahtanipi sa iyopeiciyapi kta e wicakico wahi ce.

18 Johannes waonspewicakiye cin hena, qa Pharisee tawapi kin akihaniçiyapi ece; unkan en hipi qa heciyapi; Tokeca e Johannes waonspewicakiye cin hena, qa nakun Pharisee tawapi kin, akihaniçiyapi he, tuka waonspewicayakiye cin hena akihaniçiyapi šni.

19 Unkan Jesus hewicakiya; Wakankiciyuzapi cinca kin hena tohanyan tawicu ton kte cin om un kin hehanyan akihaniçiyapi kta okhipi he. Tohanyan

tawicu ton kte cin yuhapi kinhan, hehanyan akihaniçiyapi kte šni.

20 Tuka anpetu kin u kta, tohan tawicu ton kte cin he ewicakiciyakupi kta, unkan anpetu kin hena en akihaniçiyapi kta.

21 Tuwedan šina teca onšpa onlıdohda tanike cin en akihdagton šni; hecon kinhan onšpa teca en akagegepi kin he tanike cin etanhan namna kta, hecen oyulıdece kin sanpa tanka aya.

22 Nakun tuwedan miniša teca ojuha tanike cin en okaştan šni; hecon kinhan miniša teca kin he ojuha tanike cin kahıdeca ece, hecen miniša skepe ça ojuha kin ihangyapi; tuka miniša teca kin ojuha teca kin en okaştanpi kta.

23 Unkan anpetu wakan icunhan wojupi kin ehna iyaya; qa waonspewicakiye cin, yapi icunhan, wahuwapa yuksapi.

24 Hehan Pharisee kin heciyapi; Wanyaka wo, anpetu wakan icunhan, taku econpi kta iyecece šni tokeca econpi he.

25 Unkan hewicakiya; Dawid qa tona om un qon, wotektehdapi qa cinpi qehan, token econpi qon he dawapi šni he.

26 Abiathar wošnapi kaga itancan taanpetu kin en, Wakantanka ti kin en ye ça, wayutanin aguyapi kin he yute ça, om un kin hena nakun wicaqu; he wošnapi kagapi isnana yutapi kta tuka.

27 Unkan hehan hewicakiya; Anpetu wakan kin he wicašta on kagapi, qa wicašta kin is anpetu wakan kin on kagapi šni:

28 Heon etanhan Wicašta Cinhintku kin anpetu wakan kin en Itancan un.

WICOWOYAKE 3.

1 Hehan ake omniciye tipi kin en iyaya; unkan wicašta wanji nape šnija hen yanka.

2 Unkan anpetu wakan icunhan asniye kta hecinhan he iawanyakapi; taku iyaonpapi kta e heon.

3 Unkan wicašta nape šnije cin he heciya; Cokata inajin wo.

4 Hehan hewicakiya; Anpetu wakan icunhan taku wašte econpi kta iyececa, qa is taku šica econpi kta, unma tukte he; waniyanpi kta qa is waŕeyapi kta he. Tuka inina hiyeya.

5 Unkan icanksiya awicatowan, cante tehipike ein on iyokišica, hehan wicašta kin heciya; Nape hdukatin wo. Unkan hduowotanna; hecen nape kin ocowasin yuacetupi, unma kin iyececa.

6 Hehan Pharisee kin hena iyayapi, qa echankeya Herodian kin om wohdakapi, token he ihangyapi kta e heon.

7 Tuka Jesus mde kin ekta hdicu, waonspewicakiye cin om; qa Galile etanhan qa Juda makoce kin etanhan wicota linca ihakam yapi.

8 Nakun Jerusalem etanhan, qa Idumia, qa Jordan akasanpa tanhan; qa Turos qa Sidon ihdukšan tanhan wicota, taku wicohan tanka econ nahonpi, hehan en hipi.

9 Unkan wicota aotinsyapi kta e heon, wata cistinna wan yuha waonspewicakiye cin akipepi kta, kewicakiya.

10 Wicašta ota asniwicaya; heon tona tancan šihtinpi kin hena yutanpi kta e yuotinzapi.

11 Qa tona woniya šapa yuhapi kin hena wanyakapi, hehan itokam makata ihpayapi qa he-

ya howayapi, Wakantanka Cinhintku kin he niye ye.

12 Unkan oyakapi kte šni nina kewicakiya.

13 Unkan hetanhan paha wan ekta ye ɕa, tona cin kin hena wicakico; unkan en hipi.

14 Unkan akenonpa wicakaliniga, ohinniyan kici unpi kta, qa woyaka yewicaši kta;

15 Qa wayazankapi kin asniwicayapi kta, qa wakan šica napewicayapi kta, wowašake yuhapi kta.

16 Unkan Simon he Inyan eyacašton;

17 Qa Jakob, Zebede cinhintku, qa Johannes Jakob sunkaku; unkan hena Boanerges ewicakiya, Wakinyan cincapi he kapi;

18 Qa Andrew, qa Philip, qa Bartholomew, qa Mattheos, qa Thomas, qa Jakob Alpheus cinhintku, qa Thaddeus, qa Simon Kananite;

19 Qa Judas Iskariot, wiyopeye cin hee. Unkan tipi wan ti mahen iyayapi.

20 Hehan ake wicota en mniciyapi, hecen aguyapi yuta okihipi šni.

21 Unkan iye takuwicaye cin he nahonpi qehan, yuzapi kta e ekta iyayapi; qa, Wanna wacinhnuni ce, eyapi.

22 Nakun wowapi kagapi Jerusalem etanhan hipi kin hena heyapi; He Beelzebub yuha, qa wakansica itancan kin on wakan šica napewicaya ece.

23 Unkan iye hena wicakico qa wiyaeinyan hewicakiya; Token Satan Satan napeya okihi kta he.

24 Qa wokiconze wan iye iyakitedan kicize cinhan, wokiconze kin he ecen he kte šni.

25 Qa tipi wanji iye iyakite-

WICOWOYAKE 4.

dan kicize cinhan, tipi kin he ecen he kte śni.

26 Nakun Satan inajin, qa iye iyakitedan kicize ça ihdunonpa kinhan, he ecen un kta okihi śni, tuka wanna owihanke kta.

27 Tuwedan wicašta waśaka ti kin en ye ça, tawałpaya kin ihangye kte śni; wicašta waśake cin he tokaheya kaške cinhan, hehan tipi tawa kin ihangye kta.

28. Awicakehan heciciyapi; Wałtanipi owasin wicašta cincapi kin wicakicicajujupi kta, qa iapi śica on wayaśicapi ece kin hena nakun;

29 Tuka tuwe Woniya Wakan kin, yaśice cinhan, he icimana kicicajujupi kte śni; tuka woyaco owihanke wanica kicihe kta:

30 Woniya śapa wan yuha ce, eyapi kin heon etanhan heya.

31 Unkan hehan iye hunkawanjtkupi qa hunku kin hena en hipi, tankan hinajinpi, wahoyapi, qa kicopi.

32 He icunhan wicota ihdukśan iyotankapi; unkan heciyapi; Iho, tankan nihun qa nihunkawanjipi anicitapi ce.

33 Unkan heya awicayupta; Inawaye cin he tuwe, qa mihunkawanji tuwepi he.

34 Unkan tona okśan iyotankapi kin hena ekta ewicatonwe ça heya; Ina qa mihunkawanji, wanwicayaka po.

35 Tuwe Wałkantanka tawacin kin ecen econ kinhan, he mihunkawanji ee, mitawinołtin qa inawaye cin nakun.

WICOWOYAKE 4.

1 Hehan ake mde kin icahda waonspewicakiya; unkan wicota linca en mniciyapi, hecen wata wan en ope ça, mini ekta

iyotanka; unkan oyate kin owasin mde icahda maka akan unpi.

2 Unkan wiyacinpi on taku ota onspewicakiya; qa waonspewicakiya icunhan hewicakiya;

3 Nahon po: Iho, wicašta wuju wan wuju iyaya.

4 Unkan wuju icunhan, apa canku icahda hinłpaya; unkan zitkatanka en ahiyahe ça temyapi.

5 Qa apa inyan ehna hinłpaya, hen maka tonana; unkan maka akantuyedan heon oliankoya hinanpa.

6 Tuka wi hinanpa hehan gu; qa hutkan nice cin heon śniś aya.

7 Unkan apa wapepeka hu kin ehna hinłpaya; unkan wapepeka kin hu uye ça aotinsya, hecen waskuyeca takudan icage śni.

8 Unkan apa maka wašte kin en hinłpaya, he waskuyeca aicaga; linanpe ça icaga, qa sutton, hunł wikcemna yamni, hunł wikcemna śakpe, qa hunł opawinge akihde aicaga ece.

9 Hehan hewicakiya; Tuwe noge winahon yukun hecinhan, ito nahon kta.

10 Unkan iśnana un hehan, akenonpapi qa tona om ihdukśan unpi kin hena wiyacinpi kin he on iwangapi.

11 Unkan hewicakiya; Wałkantanka tokiconze woanałbe kin hena niye sdonayayapi kta e ničupi; tuka tankan unpi kin hena taku owasin wiyacinpi kin on econpi.

12 Hecen wawanyakapi on wanyakapi kta, tuka iyukcanpi kte śni; qa winahonpi on nahonpi kta tuka okałnigapi kte śni; hecece śni kinhan okinni wicayuhomni kta, qa wołłtani wicakicicajujupi kta.

MARKOS.

13 Unkan hewicakiya; Wiyacimpi kin de sdonyayapi śni he, hecen token ecin wiyacimpi owasin oyakahnigapi kta he.

14 Tuwe woju kin he wicoie kin oju ece.

15 Tona canku icahda qon, tukten wicoie kin ojupi, tuka he nahonpi hehan, ecahankeya Wakansica en hi, qa wicoie cantepi kin en ojupi qon he icu ece, iho, hena eepi.

16 Qa he iyececa, inyan ota en ojupi qon, tona wicoie kin nahonpi eca, kohanna iyuskinyan icupi ece kin hena eepi;

17 Tuka iyepi mahen hutkan nicapi heon askayedan icaga; tohan wicoie kin on śicaya wicakuwapi qa śitkihdawicayapi icaga, hehan hinnahanka śihdapi.

18 Unkan tona wapepeka hu ehna ojupi qon, tona wicoie kin nahonpi;

19 Unkan maka kin de awacimpi, qa wijicapi on wicahnayanpi, qa taku tokeca cantiheyapi kin hena en u, qa wicoie kin yuotinja, hecen wasuton śni, hena eepi.

20 Unkan maka wašte kin en ojupi qon, tona wicoie kin nahonpi eca icupi ece, qa waskuyeca icahyapi, wikcemna yamni, wikcemna śakpe, qa opawinge akihde, iho, hena eepi.

21 Unkan hewicakiya; Petijanjan koka wan ihukuya, qa is ohedepi ihukuya iyeyapi kta, qa petijanjan ihupa en ostanpi kte śni, aupi he.

22 Taku akahpetonpi qa yutaninpi kte śni wanica; qa taku analimanpi qa iyoyanpa en aupi kte śni wanica ce.

23 Tuwe noge winahon yukan hecinhan he nahon kta.

24 Unkan hewicakiya; Taku

nayahonpi kin awacin po. Wi-yutapi kin tukte on widutapi ece kin, he on ake winiciyutapi kta, qa tona anagoptan dukanpi kin sanpa nicupi ece e kta.

25 Tuwe wayuhe cin he sanpa taku qupi kta; qa tuwe takudan yuhe śni, taku yuhe cin hee kaeś kipi kta.

26 Unkan heya; Wakantanka tokiconze kin he wicašta wan taku su kin maka kin en iyohpeya, he iyececa;

27 Qa istinma, qa hanyetu anpetu ko inajin; unkan su kin he hinanpe ça icage kta, tuka token icaga he sdonye śni.

28 Maka kin he iye cinka wicahya ece, ape kin he tokaheya, hehan wahuwapa, qa hehan wahuwapa en tanyan wasuton ece.

29 Unkan wanna suton hehan kohanna isan škopa kin en iye-kiya, wanna kaśdapi kta iye-hantu nakaes.

30 Hehan heya; Taku e Wakantanka tokiconze kin iyececa unyawapi kta he; qa wiyacimpi kin tukte e on unkiyacimpi kta he.

31 Sinape su wan iyececa, he maka kin en elipeyapi, hehan taku su maka en un kin owasin he iyotan cistinna;

32 Tuka maka kin en ojupi, hehan uye ça wato owasin sanpa tanka icaga; adetka tankinyanayan aicahya, hecen mahpiya okinyanpi kin ohanzi ihukuya manpi ece.

33 Unkan wiyacimpi hecekcen ota on wicoie kin owicakiyaka, token nahon okihipi kin he iyececa.

34 Qa wiyacimpi codan takudan owicakiyake śni. Unkan isnana yukanpi, hehan taku owasin waonspewicakiye cin hdaheya owicakiyaka ece.

WICOWOYAKE 5.

35 Unkan anpetu kin he en, wanna hitayetu hehan, hewicakiya; Akasanpa unyanpi kta.

36 Unkan wicota kin wanna hdewicasiپی, hehan ecehna wata kin en ohnakapi: qa nakun wata cikcistinna toktokeca opapi.

37 Unkan tate tanka wan uya; qa taja wata kin apaspa, hecen wanna mini ojudan.

38 Tuka iye wahektapa tanhan ipahin wan akan istinma wanka. Unkan yuhicapi qa heciyapi; Waonspekiye, unkowihankepi kta he etanhan initokeca s̄ni he.

39 Unkan iyotanka, tate kin kisice qa mde kin heciya; Owanji yanka wo. Unkan tateyanpa ayuŕtan qa amdakedan tanka.

40 Hehan hewicakiya; Tokeca kopeyahdapi he; tokeca wicayadapi s̄ni he.

41 Unkan nina kokipapi, qa iyakitedan heciyapi; De taku wicaŕta hwo, tate kin hee kaeŕ, mde ko anagoptanpi ece.

WICOWOYAKE 5.

1 Unkan mde kin akasanpa ihunnipi, hehan Gadarene makoce kin en ipi.

2 Unkan wata kin etanhan inanpa, hehan echankeya wicaŕta wan woniya ŕica yuha wicahnakapi etanhan itkokim hiyu:

3 He wicahnakapi kin en un ece; qa tuwedan kaŕka okihi s̄ni, mazaicicahiŕa hee kaeŕ on.

4 Wanna ota kaŕkapi, siha on wicakaŕkapi mazaicicahiŕa ko on; tuka mazaicicahiŕa kin hena yuwehwega ece, qa siha on wicakaŕkapi kin yuksaksa ece; qa tuwedan wahbadan kaga okihi s̄ni.

5 Ohinniyān, hanyetu anpetu koya, wicahnakapi kin ehna, qa he kin ekta ŕicahowaya un, qa inyan on kiihdaksa ece.

6 Tuka Jesus tehan tanhan wanyaka, hehan ekta inyang ye ca ohoda.

7 Qa hotankakiya hotanin qa heya; Jesus Wakantanka Tethanwankantu Cinhintku kin, taku e unkiyotahedan un he; Taku Wakan cajeyan ceeciya, kakiŕmayaye kte s̄ni.

8 Wanna, Woniya ŕapa, wicaŕta kin etanhan hinanpa wo, eciya nakaes̄.

9 Unkan, Token eniciyapi he, eya iwanga. Unkan heciya; Wicota, emakiyapi ce, wiuncotapi nakaes̄.

10 Unkan makoce kin he etanhan hde wicaŕi kte s̄ni, nina ce-ciya.

11 Imnija he kin hen ikiyedan kukuŕe optaye wan tanka wo wicaqupi.

12 Hecen wakan ŕicapi kin ce-kiyapi qa heyapi; Kukuŕe kin ekta ye unŕi po, mahen wicunyanpi kta ce.

13 Unkan hecehnana Jesus iyowinwicakiya. Hecen woniya ŕapapi kin tankan hinanpapi qa kukuŕe kin mahen iwicayayapi. Unkan optaye kin ecehna maya hince cin en naŕdog eyaye qa minin iyayapi; owancaya kektopawinge nonpa ecetu, qa minin ŕapi.

14 Unkan tona kukuŕe wo wicaqupi qon hena najicapi, qa otonwe kin en makoce ihdukŕan koya he oyakapi. Unkan taku econpi kin he wanyag ipi.

15 Qa Jesus en hipi, qa wicaŕta wakan ŕica yuhnaŕkinyan, qa wicota yuhe ciqon, wanna ogekiron qa tawacin ecetu iyotankehan yanka he wanyakapi; unkan yuŕinyayapi.

16 Unkan tona wanyakapi qon hena, wicaŕta wakan ŕica yuhnaŕkinyanpi, kukuŕe kin hena ko

token ecawicakiconpi qon hena owicakiyakapi.

17 Hehan makoce tawapi kin etanhan hde kta e icekiyapi.

18 Unkan wata kin en okipa hehan tuwe wakan síca yuhe ciqon he cekiya, kici un kta heon.

19 Tuka Jesus iyowinkiyec síni, qa heciya; Takuwicayaye cin ekta hda wo, qa taku tona Itancan kin ecanicon qa onsinida, hena owicakiyaka wo.

20 Hecen kihde ça Dekapolis en taku tona Jesus ecakicon kin he ohdaka ece. Unkan owasin yusinyayapi.

21 Unkan Jesus ake watom akasanpa ki qehan, oyate ota en mniciyapi; qa mde kin ikiyedan un.

22 Hehan iho, omniciye tipi itancanpi wanji, Jairus eciyapi, he en hi; qa wanyaka hehan siha kin en makata ehpeiçiya,

23 Qa nina cekiye ça heya; Micunksi cistinna wanna te kta wanka; en u qa nape on aputake ça asniya ye; hecen ni kta ce.

24 Unkan kici iyaya; qa wicašta ota ihakam yapi qa aotinsyapi.

25 Unkan winohinca wan waniyetu ake nom hehanyan we ece iheya;

26 Qa pejihutawicašta ota on tehiya kuwapi, qa taku owasin on hdusota, qa etanhan wašte icage síni, tuka sanpa síca aya;

27 He Jesus oyakapi nahon qehan, heyata tanhan wicota ehna hiyu, qa tawokoyake yufan.

28 Tawokoyake hee kaeš mduktan kinhan, amasni kta ce, eye ciqon.

29 Unkan hecchnana we iheye ciqon anapta; qa tancan mahen he wayazan kin on wanna akisni sdonkiya.

30 Unkan hecehnana woasni etanhan hiyu kin Jesus atayedan sdonkiya, wicota ehna ihduhomni qa heya; Mitawokoyake tuwe yufan he.

31 Unkan waonspewicakiye cin heciyapi; Wicašta ota aotinsniyanpi he wandaka, qa, Tuwe mayufan he, eha he.

32 Unkan tuwe hecon kin he wanyake kta e ohomni awicatonwan.

33 Tuka winohinca kin taku ecakiconpi kin sdonkiya, hecen kokipeyahan cancyanan en hi, qa itokam makata ehpeiçiyeye ça owasin awicakehan okiyaka.

34 Unkan heciya; Cuns, wacinyaye cin he asniyan; woo-kiye hda wo, qa waniyazan qon okizi un wo.

35 Unkan iahan icunhan omniciye tipi itancan ti kin eciyatanhan upi qa heyapi; Nicunksi wanna ta; tokeca sanpa Waonspekiye cin nagiyeyaya he.

36 Tuka Jesus taku eyapi nahon qehan, hecehnana omniciye tipi itancan kin heciya; Kokipe síni wo, wicada wo ecedan.

37 Unkan tuwedan kici ye kta iyowinkiyeye síni, Inyan, qa Jakob, qa Johannes Jakob sunkaku, he nananpidan.

38 Unkan omniciye tipi itancan ti kin he en hi, qa owodutaton kin he wanyaka, tona ceyapi qa nihinciyapi kin hena koya.

39 Unkan en i qehan hewicakiya; Tokeca owodutaton yakagapi qa yaceyapi he; wicinyanna kin te síni, tuka istinma ce.

40 Unkan nina ihapi. Tuka owasiu tankan iyewicaya, hehan wicinyanna atkuku qa hunku, qa tona om un kin hena iwicacu, qa wicinyanna wanke cin en i;

41 Qa wicinyanna kin nape yuze ça heciya; Talitha kumi,

WICOWOYAKE 6.

Wicinnyanna najin wo, eciciya, eyapi kin he kapi.

42 Unkan ecahankeya wicinnyanna kin najin qa mani; wannan waniyetu akenonpa. Unkan nina lin yuſinyayapi.

43 Hehan nina oyake ſni wicaſi; qa taku yutapi qupi kta, kewicakiya.

WICOWOYAKE 6.

1 Unkan hetanhan iyoopta iyaye a iye tamakoce kin ekta ki; qa waonspewicakiye cin hena opapi.

2 Unkan wanna anpetu wakan hehan omniciye tipi kin ohna waonspewicakiya. Qa wicota naſonpi qehan yuſinyayapi qa heyapi; Tokiyatanhan dena yuha he; qa taku woksape qupi he; qa token iye nape on wicoſhan tanka dececa econpi he.

3 Cankajipe cin, Mary cinhin-tku, qa Jakob, qa Joses, qa Judas, qa Simon cinu kin he dee ſni he; qa tawinohtin kin hena owasin den unkipi unpi ſni he. Unkan he on canniyeyapi.

4 Tuka Jesus hewicakiya; Wicaſta wokcan iye tamakoce en, qa iye takuwicaye cin ehna, qa iye ti kin ohna, ecedan yuonihanpi ſni ece.

5 Unkan heciya wicoſhan tanka takudan econ okihi ſni; tuka wayazankapi tonana nape on awicaputake a asniwicaya.

6 Unkan wicadapi ſni kin heon yuſinyaya. Qa otonwe ihdukſan wanke cin ektakta waonspewicakiya iyaya.

7 Unkan akenonpapi kin wicakico, qa nom nom yewicaſi; qa woniya ſapa on wowaſake wicaqu;

8 Qa wahokonwicakiya, icimani yapi kte cin on takudan icupi

kte ſni, cansagye ecedan; wujuha, qa waneya, qa mazaſa opiye ohna hduhapi kte ſni.

9 Tuka hanpokihanpi kta; qa onhdohda nom kiunpi kte ſni.

10 Unkan hewicakiya; Tukten tipi wanji mahen yaipi kinhan, tohanyan hetanhan iyoopta dapi ſni, hehanyan hen yukan po.

11 Qa tona iyowinniciyapi ſni qa ananigoptanpi ſni kinhan, tohan hetanhan dapi kinhan, owicadakapi kta e heon watuſekſeca siha etanhan yahdatatapi kta. Awicakehan heciciyapi; Woyaco anpetu kin en, otonwe kin he kakije kte cin Sodom qa Gomorrah ahecece kta.

12 Unkan iyayapi, qa wicaſta ihducetupi kta e woyakapi.

13 Qa taku wakan ſica ota napewicayapi, qa wayazankapi kin ota wiſdi on sdawicayapi qa asniwicayapi.

14 Unkan Herod wicaſtayatapi kin hena naſon; aje kin tankaya oyakapi nakaes; hehan heya; Johannes baptem wicaqu qon he api kin etanhan kini, heon etanhan wicoſhan tanka econ ece.

15 Tuka toktokeca heyapi; Elias hee. Qa toktokeca is; He wicaſta wokcan, qa is wicaſta wokcan wanji iyececa ce, eyapi.

16 Tuka Herod naſon qehan heya; Johannes pa bawakse ciquon hee, wicone etanhan kini ce.

17 Herod atayedan yewicaſi, qa Johannes yuze a haſka hnaka, Herodias iye sunkaku Philip tawicu qon heon etanhan; he yuza nakaes.

18 Unkan Johannes; Nisunka tawicu duze cin he hecetu ſni ce, Herod eciya.

19 Heon etanhan Herodias can-

niyekiye ça kte kta cin tuka okihi šni.

20 Herod Johannes kokipa, wicašta owotanna qa wašte sdonya, heon itonpa; qa oie nahon eca taku ota ecen econ, qa iyuškin-yan nahon ece.

21 Tuka anpetu iyehantu qehan, Herod anpetu en tonpi qon he ehan, wicašta itancanpi wicayuhe ça, akicita tancan tankapi, qa Galile en wicašta tokaheya kin hena, htayetu wotapi wan wicakicaga.

22 Unkan Herodias cunwintku kin en hi, qa waci, qa Herod tona om un kin hena koya iyokipiwicaya, hehan wicaštayatapi kin heciya; Taku yacin kinhan makida wo, hecen ciçu kta.

23 Nakun taku wakan cajeyan heciya; Taku mayakida kinhan ciçu kta, mitokiconze hanke hehayan.

24 Unkan tankan iyaye ça hunku heciya; Taku wakida kta he. Unkan is, Johannes baptem wicaqu ece pa kin, eya.

25 Hehan echankeya inalniyan wicaštayatapi ekta tin hiyu qa heya kida; Johannes baptem wicaqu pa kin, wakšica ohna kohanna mayaqu kta wacin ce, eya.

26 Unkan wicaštayatapi kin nina iyokišica, tuka taku wakan cajeyan heye cin heon, qa tona om wota iyotanke cin hena on, he ipida kta tawaŕenye šni.

27 Unkan hecehnana wicaštayatapi kin wicakte wan ekta yeši, qa pa kin aku ši: Unkan he ekta iyaye ça, wicakaška tipi kin ohna pa baksa;

28 Qa wakšica wan ohna pa kin ahdi, qa wikoška kin qu; unkan wikoška kin is iyoopta hunku kin qu.

29 Unkan iye waonspewica-

kiye cin hena, he nahonpi qehan, en hipi qa tancan ehdakupi, qa ohna hnakapi wan en hnakapi.

30 Unkan tona yewicaši qon hena Jesus en hdipi, qa taku owasin okiyakapi, taku econpi qa taku oyakapi ko.

31 Hehan hewicakiya; Niye ito icunonpa hewotahedan ekta u po, qa cistiyedan oziiciya po. Wicota upi qa hdapi ece, qa hecen wotapi kta hee kaeš okihipi šni.

32 Unkan heon hewoskan makoce wan ekta isnana watom iyayapi.

33 Tuka yapi kin wicašta ota wanyakapi, qa he iye iyekiyapi; qa otonwe owasin etanhan ekta inyang iyayapi, qa kawicapapi, qa en i kte cin hen mniciyapi.

34 Unkan Jesus ekta ihunni, hehan wicota wanwicayaka, qa onšiwicakida, tahinca wanunyanpi tuwedan wicayuhe šni kin iyececapi heon, qa hecen taku ota onspewicakiya.

35 Unkan wanna wi kucedan hehan, waonspewicakiye cin en hipi qa heciyapi; De hewotahedan makoce qa anpetu kin wanna owihanke:

36 Hde wicaši wo, hecen makoce ihdukšan, qa otonwe kin ektakta yapi, qa woyute opeiçitonpi kta; taku yutapi takudan yuhapi šni.

37 Tuka iye waayupte ça hewicakiya; Niš ito wo wicaqu po. Unkan heciyapi; Unyanpi qa kašpapi opawinge nonpa aguyapi iyopeunyanpi, qa wo wicunqupi kta he.

38 Aguyapi španyanpi kin tona duhapi he; ito wanyaka po, ewicakiya. Unkan sdonyapi hehan; Zaptan qa hogan nonpa, eyapi.

39 Unkan owasin wato kin

WICOWOYAKE 7.

akan optayetonton iyotangkiye wicaśi.

40 Unkan optayeton iyotankapi, opawingege qa wikcemna zaptanptan.

41 Unkan aguyapi zaptan qa hogan nonpa hena icu, hehan mahpiya ekta etonwe qa yawaste, qa aguyapi yuśpaśpa, qa waonspewicakiye cin wicaqu, oyate kin wicaqupi kta heon; nakun hogan nonpa kin hena owasin wicakipamni.

42 Unkan iyulpa wotapi qa imnanpi.

43 Qa oyaptapi kin etanhan makanopiye akenonpa ojudan pahipi, nakun hogan kin etanhan.

44 Unkan aguyapi yutapi kin hena kektopawinge zaptan eectu.

45 Hehan ecahankeya waonspewicakiye cin wata kin en okipe wicaśi, qa tokaheya akasanpa Bethseda ekta yapi kta, kewicakiya; icunhan iye wicota kin hde wicaśi kta.

46 Unkan hena hde wicaśi, hehan paha wan ekta wocekiye eya iyaya.

47 Wanna hitayetu hehan, wata kin mde kin cokaya un, qa iye isnana maka akan un.

48 Unkan watopapi iyotanhan iyekiyapi wanwicayaka; tatohekikiya yapi nakaes. Unkan hanyetu en awanyakapi itopa hehan, mini amani ekta wicaya.

49 Tuka mde kin amani wanyakapi qehan, he wanagi kecinpi, qa śicahowayapi.

50 Owasin wanyakapi qa yuśinyayapi. Unkan hecehnana owicakiye ca hewicakiya; Cante wašte po, he miye, kokipapi śni po.

51 Unkan ekta wicaya, wata kin en; hehan tate kin ayuśtan.

Hecen nina yuśinyayapi qa ihniyanyanpi.

52 Aguyapi econ qon he awacinpi śni; cantepi kin aotpasyapi nakaes.

53 Unkan akasanpatanhan ipi, hehan Gennesaret makoce kin en yapi, qa hutata ihunnipi.

54 Unkan wata kin etanhan inanpapi, hehan hecehnana iyekiyapi;

55 Qa makoce kin he owancaya inyang yapi, qa tukten un nahonpi kinhan, wicašta wayazankapi kin owinja akan wicayuhapi, qa en awicayapi.

56 Unkan otonwe ciqadan, qa otonwe tanka, qa ihdukšan makoce wanke cin, tukte en ya eca, canku ohna wayazankapi kin ahivicahnakapi qa cekiyapi; tawokoyake opapun hee kaeś yutanpi kta; unkan tona yutanpi kin hena asnipi ece.

WICOWOYAKE 7.

1 Hehan Pharisee qa wowapi kagapi wanjikji, Jerusalem etanhan upi qa en ahimniciya;

2 Qa iye waonspewicakiye cin wanjikji nape śapa, nape hdujajapi śni he kapi, aguyapi yutapi wanyakapi qehan wicabapi.

3 Pharisee kin Juda wicašta ko owasin tanyan nape hdujajapi śni kinhan wotapi śni ece, qa wicalincapi tawoahope kin opapi.

4 Qa mazopiye etanhan hiyupi eca ihdujajapi śni ehantanhan wotapi śni. Unkan taku hececa ota opapi kta icupi, miniyatke, qa can koka, qa cega, ohedepi ko yujajapi ece.

5 Hehan Pharisee kin wowapi kagapi ko wiwangapi; Tokeca waonspewicayakiye cin wicalincapi tawoahope kin ahopapi

MARKOS.

śni he, tuka nape hdujaja śni aguyapi yutapi ece.

6 Unkan waayupte ça hewicakiya; Wananiçihmanpi, niyepi on Isaya tanyan woyake ciqon, hecen wowapi en kagapi; Oyate kin de ihapi kin on mayaonihanpi, tuka cantepi kin mitehanyan un ece.

7 Tuka wicašta akantu tawoahope kin hena woonspe eekiya-pi, qa oyakapi ece kin heon ohomadapi kin he taku śni.

8 Wakantanka tawoahope kin ehpeyayapi, qa wicašta akantu toope kin duhapi, cega qa wakšica yujajapi kin; qa taku hececa ota ecanonpi ece.

9 Unkan hewicakiya; Wicašta akantu toope duhapi kta e heon Wakantanka tawoahope kin ehpeyayapi, he tanyan ecanonpi he.

10 Moses hecen eya; Niyate nihun kici wicahduonihan wo. Nakun; Tuwe atkuku, qa is hunku kin hdašice cinhan, he wiconęte on ęe kta ce.

11 Tuka niye hehapi; Wicašta wan atkuku, qa is hunku; He wohduze, token wicaqupi he kapi, hecen on ociciye kte śni, eciye cinhan he hecetu ce.

12 Hecen atkuku qa hunku taku sanpa owicakiye kta iyoyakipi śni;

13 Qa niye wope yakagapi qa wicayaqupi kin on Wakantanka tawoahope kin dutakunipi śni: qa taku hececa ota ecanonpi ece.

14 Unkan oyate kin owasin wicakico, hehan hewicakiya; Owasin anamagoptan po, qa okaliniga po.

15 Wicašta tankan tanhan taku mahen iyaye cin takudan yušica okihi śni; tuka tona mahen tanhan hinape cin wicašta yušice cin hena ee.

16 Tuwe noge winahon yukan hecinhan he nahon kta.

17 Unkan wicota wicehna tanhan ti mahen iyaye çehan, wonspewicakiye cin wiyacinpi kin he on wiwangapi.

18 Unkan hewicakiya; Niš eya oyakahnigapi śni he. Taku kašta tankan tanhan wicašta mahen iyaye cin he yušape kta okihi śni e idukcanpi śni he.

19 Hena cante kin en i śni, tuka tezi mahen, qa hehan tankan ehpeyapi, hecen woyute owasin yuecetupi.

20 Unkan heya; Taku wicašta kin etanhan hinape cin he wicašta kin yušapa ece.

21 Mahentanhan, wicacante kin etanhan wicotawacin šica hiyu; wawicihahapi, wiinahmanpi, tinwicaktepi,

22 Wamanonpi, waicucupikte, wošice, wohnaye, wowihaha, ištašica, wayašicapi, wahaniçidapi, witkotkokapi;

23 Dena taku šice cin owasin mahentanhan hiyu, qa wicašta yušape cin hena ee.

24 Unkan hetanhan najin hiyaye ça, Turos qa Sidon makoce opapun kin en i, qa tipi wanji timahen iyaya; unkan tuwedan sdonye kte śni cin, tuka analimanpi kta okihipi śni.

25 Winohinca wan cunwintku cistinna woniya šapa yuhe cin he nahon qehan, en hi qa siha kin en makata ehpeiçiya.

26 He Hellenes winohinca kin heca, Surophenikiya oyate kin etanhan; unkan taku wakan šica cunwintku kin etanhan hinape ši kta e icekiya.

27 Tuka Jesus heciya; Wicacinca kin hena tokaheya wotapi kta; wicacinca aguyapi tawapi kin icupi, qa šunka wicaqupi kta he hecetu śni.

WICOWOYAKE 8.

28 Unkan iye waayupte ça heciya; Han, Itancan; tuka wahnna wotapi kin ihukuya hoksiyopa yuśnapi kin śunka yutapi ece.

29 Unkan heciya; Wicoie kin de on ekta hda wo, taku wakan śica nicunkśi etanhan hinanpa ce.

30 Unkan iye ti kin ekta ki, hehan taku wakan śica tankan iyaye ça, cunwintku ohehdepi kin akan wanka e wanhdaka.

31 Unkan ake Turos makoce kin ehpeye ça, Sidon opta, Dekapolis makoce kin cokaya omani, qa Galile mde kin ekta ki.

32 Unkan wicaśta wan noge tpa qa ia okitpani he en ahipi, qa nape ahnake kta icekiyapi.

33 Unkan wicota etanhan isnana icunonpa aya, qa nape noge ohna iyeye ça, tagośa qa on ceji yutan :

34 Hehan maħpiya ekta etonwe ça commhdazi qa heciya; Ephatha, yuħdokapi nunwe, eyapi kin he kapi.

35 Unkan ecahankeya noge yuħdokapi, qa ceji ikan kin yukcapi, qa hdaheya ia.

36 Hehan he tuwedan okiyake śni wicaśi; tuka taku ewicakiye cin on etanhan sanpa nina oyakapi ece.

37 Qa nina yuśinyayapi qa heyapi; Taku owasin tanyan econ ece; noge tpapi kin winahonwicakiye ça, nakun ia okitpani iewicakiya ece.

WICOWOYAKE 8.

1 Unkan anpetu kin hena en nina wicota ĩinca, qa takudan yutapi śni, hehan waonspewicakiye cin wicakico qa hewicakiya;

2 Wicota kin onśiwicawakida, wanna yamni can mici unpi, qa taku yutapi takudan yuhapi śni.

3 Qa wote śni hde wicawaśi kinhan, okinni tahepi iħpayapi kta; hunħ tehan tanhan hipi nakaeś.

4 Unkan waonspewicakiye cin ayuptapi; Makoce hewotahedan kin den, tokiya tanhan dena aguyapi imnahan yute wicakiyapi kta he.

5 Unkan, Aguyapi kagapi tona duhapi he, eya iwicawanga. Unkan iś, Śakowin, eyapi.

6 Unkan oyate kin maka akan iyotanke wicaśi; qa hehan aguyapi śakowin qon icu, yawašte qa yuśpaśpa qa waonspewicakiye cin wicaqu, iyoopta wicakupi kta; unkan iś oyate kin wicakipamnpi.

7 Nakun hogan tonana yuhapi; hena yawašte qa wicakupi kta, keya.

8 Hecen wotapi qa imnanpi; unkan aguyapi oyaptapi kin etanhan makanopiye śakowin pahipi.

9 Tona wotapi kin hena kektopawinge topa ecetu; hehan hde wicaśi.

10 Hehan ecahankeya wata wan en opa, waonspewicakiye cin om, qa Dalmanutha makoce kin ekta i.

11 Unkan Pharisee kin en hipi, qa iyutanyan wiwangapi, qa maħpiya eciyatanhan wowapetokeca kida.

12 Unkan iye cante ekta commhdazi qa heya; Tokeca wicoicage kin de wowapetokeca akita he. Awicakehan heciciyapi; Wicoicage kin de wowapetokeca takudan qupi kte śni.

13 Hehan ehpewicaye ça wata kin en okipe ça akasanpa hda.

14 Unkan aguyapi icupi kta akiktonjapi, qa wata ohna aguyapi wanjidan sanpa yuhapi śni.

15 Hehan wahokonwicakiye ça

MARKOS.

heya; Wanyaka po, qa on napohiyapi Pharisee tawapi qa Herod tawa kin he kokipa po.

16 Hecen iye iyakitedan hdo-kinicapi qa heyapi; Aguyapi unhapi šni, heon etanhan heya ce.

17 Jeŝus he sdonya hehan hewicakiya; Tokeca aguyapi duhapi šni on ayakinicapi he. Hinahin oyakañnigapi šni qa wi-dukcanpi šni he. Hinahin cante aotpasniyanpi he.

18 Išta niyukanpi wandakapi šni, qa noge niyukanpi ešta nayahonpi šni, qa yeksuyapi šni he.

19 Aguyapi zaptan wicašta kektopawinge zaptan wicawakipamni, hehan oyaptapi kin makanopiye ohnaka tona yapahipi he. Akenonpa, eyapi.

20 Hehan šakowin qa kektopawinge topa, hehan oyaptapi makanopiye ohnaka tona iyacupi he. Unkan, Šakowin, eyapi.

21 Hehan hewicakiya; Tokeca oyakañnigapi šni he.

22 Unkan Bethseda en hi. Hehan iŝtagonga wan en ahipi, qa yutan kta e icekiyapi.

23 Unkan iŝtagonge cin napata yuze ça otonwe kin tankan aya; qa išta kin en atagoša hehan nape kin akan ehnaka, qa taku wanyaka hecinhan he iwanga.

24 Unkan wankan etonwe ça heya; Wicašta wanwicamdaka, mani unpi, can kin iyececa.

25 Hehan ake nape kin išta akan ehnaka, qa ake wankan etonwekiya; unkan hehan yuecetupi, qa taku owasin tanyan wanyaka.

26 Hehan iye ti ekta hde ši, qa heya; Otonwe kin en ye šni wo, qa otonwe kin en tuwedan okiyake šni wo.

27 Unkan Jeŝus hetanhan Ke-

sareya Philippi otonwe kin hena ekta iyaya, waonspewicakiye cin om. Unkan tahepi waonspewicakiye cin heya iwicawangaga; Matuwe, wicašta keyapi he.

28 Unkan ayuptapi; Johannes baptem wicaqu kin; qa wanjikji; Elias; qa wanjikji; Wicašta wokcan wanji *he niye*, eyapi.

29 Unkan hewicakiya; Qa niye matuwe kehapi he. Unkan Inyan waayupte ça heciya; Messiya he niye.

30 Unkan he tuwedan okiyake šni wicaši.

31 Hehan wowicakiyaka, Wicašta Cinhintku kin taku ota kakije kta; wicañncapi qa wošnapı kagapi, wowapi kagapi ko heyata iyeyapi kta, qa ktepi kta; qa anpetu yamni iyohakam kini kta.

32 Unkan hena taninyan ohdaka. Hehan Inyan icu qa iyokišni.

33 Tuka ihduhomni qa waonspewicakiye cin awicatonwan, hehan Inyan iyopeye ça heya; Satan miheyata ya wo; taku Wakantanka tawa kin awacanni šni, tuka wicašta akantu taku tawa kin.

34 Unkan oyate kin waonspewicakiye cin om wicakico gehan, hewicakiya; Tuwe kašta omape kta hecinhan, waipiçida kta, qa cansusbeca kiçin kta, qa mihakam u kta.

35 Tuwe wiconi tawa tehinda kinhan he toki eñpekiye kta; tuka tuwe miye on qa wotanin wašte kin on wiconi toki eñpekiye cinhan, he qe wiconi hduhe kta.

36 Qa wicašta wan maka kin de ocowasin ohiya ešta, qa iye nagi kin toki eñpekiye cinhan, taku on iwašte kta he.

WICOWOYAKE 9.

37 Qa taku e wicašta nagi kin tokiyopekiye kta he.

38 Heon etanhan tuwe, wicoicage wiinalman qa wahtani sa kin de en, miye qa mioie kin on istece cinhan, tohan Wicašta Cinhintku kin iye Atkuku towitan hduha, ohnihde wakan kin om u kinhan, wicašta kin he on istece kta ce.

WICOWOYAKE 9.

1 Hehan hewicakiya ; Awicakehan heciciyapi ; den najinpi etanhan wanjikji wiconte utapi šni itokam, Wakantanka toki-conze wowaške on hi wanyakapi kta.

2 Unkan anpetu šakpe iyohakam Jesus, Inyan, qa Jakob, qa Johannes iwicacu, qa icunonpa paha wan tehanwankantu kin ekta awicaya ; qa wicitokam yutokecapi :

3 Tawokoyake kin wiyatpatpa, ska hinca, wa iyececa ; maka akan wayuska kin tuwedan iye-cen ska kaga okihi šni.

4 Unkan hen Elias qa Moses en ihdutaninpi ; qa hena Jesus kici wohdag yukanpi.

5 Hehan Inyan waayupte ça Jesus heciya ; Itancan, den unyakonpi he wašte ; ito wakeya yamni ti unkiagapi kta ; wanji niye on, qa wanji Moses, qa wanji Elias unkiagapi kta.

6 Taku eye kta sdonkiye šni ; nina yušinyayapi nakaes.

7 Unkan mahpiya wan aohanziwicaya ; qa mahpiya kin eciyatanhan wicaho wan tanin qa heya ; Micinkši waštewakidake cin he dee, he anagoptan po.

8 Hehan echankeya ihdukšan etonwanpi qehan, wicašta tuwedan wanyakapi šni, Jesus isnana kici unpi.

9 Unkan paha kin etanhan apamahde kupi icunhan wahokonwicakiya, taku wanyakapi kin tuwedan okiyakapi kte šni, Wicašta Cinhintku kin tapi etanhan kini šni hehanyan.

10 Unkan wicoie kin he awacinpi, qa tapi etanhan kini eyapi kin he taku kapi hecinhan he ikiwangapi.

11 Unkan heya iwangapi ; Tokeca e Elias tokaheya hi kta ce, wowapi kagapi kin eyapi he.

12 Unkan awicayupte ça heya ; Awicakehan Elias tokaheya hi kta, qa taku owasin yuecetu kta ; qa Wicašta Cinhintku kin token taku ota kakije kta, qa heyata iyeyapi kta e wowapi en kagapi qon, he nakun owicakiyaka.

13 Tuka heciciyapi ce ; Awicakehan Elias wanna hi ; unkan token cinpi kin ecen ecakiconpi, wowapi en kagapi qon iyececa.

14 Unkan waonspewicakiye cin en hdi qehan, wicihdukšan wicota hinca wanwicayaka ; qa wowapi kagapi kin wiwicawangapi.

15 Unkan oyate kin iyuhpa wanyakapi qehan nina yušinyayapi, qa ekta inyang yapi qa okiyapi.

16 Unkan wowapi kagapi kin, Taku e on wiwicanungapi he, eya iwicawanga.

17 Unkan wicota etanhan wanji ayupta ; Waonspekiye, micinkši woniya ie šni kin heca yuhe cin he cicahi.

18 Qa tukten eyaku eca yuhdehdeca ece ; hecen i minitaga au, qa hi hdakinskinza, qa hanyan ece ; unkan waonspewicakiye cin hena tankan ehpeyapi kta kewicawakiya, tuka okitpanipi.

19 Unkan waayupte ça hewicakiya ; Wicoicage wicada šni,

MARKOS.

tohanyan cicipi waun kta; tohanyan iyowinciciyapi kta he. En makau po.

20 Hehan en kahipi. Unkan wanyag iheye cin hecehna woniya kin yuhdehdeca; qa makata ehpeye ça, i minitaga au paptanptan iyeiçiya wanka.

21 Unkan atkuku kin heya iwanga; Tohantanhan hececa he. Unkan ís; Hoksíyoqopa ehantanhan, eya.

22 Qa ota petan ehpeye ça, minin ehpeya, ihangye kta e heon; tuka niś taku oyakihi kinhan, onśiunkida po qa ounkiya po.

23 Jesus heciya; Wicada oyakihi kinhan; tuwe wicada kin he on taku owasin okihipica ce.

24 Unkan hecehnana hokśidan atkuku kin hotanin qa ceya heya; Itancan wicawada; wicawada śni kin he niye omakiya wo.

25 Jesus oyate kin en inyang hiyupi wanwicayaka, hehan woniya śapa iyopeye ça heciya; Woniya ia okitpani qa noge tpa, tankan hinanpe ça, icimana en ye śni wo, he miye e econ ciśi ce, eya.

26 Unkan hotanin qa nina yuhdehdeca, qa tankata hinanpa; unkan wicaśta ta iyececa, hecen, Wanna ta ce, wicota eyapi.

27 Tuka Jesus napata yuze ça yuwankan icu; unkan najin hiyaya.

28 Unkan tin hiyu qehan, waonspewicakiye cin nahmana iwangapi; Tokeca unkiye tankan ehpeya unkokihipi śni he.

29 Unkan hewicakiya; Ocaje kin de wote śni cekiyapi kin ecedan on tankan hiyu kta okihi ece.

30 Hehan hetanhan yapi qa Galile iyoopta iyayapi; qa tuwedan sdoney kte śni cin.

31 He icunhan waonspewica-

kiye cin wowicakiyaka qa; Wicaśta Cinhintku kin wicaśta napepi kin en wicaqupi, unkan ktepi kta; qa ktepi iyobakam anpetu iciyamni hehan kini kta ce, ewicakiya.

32 Tuka wicoie kin he okahni-gapi śni, qa on iwangapi kta kokipapi.

33 Unkan Kapernaum en hi; qa ti mahen yanka hehan wiwicawanga; Canku ohna taku e on ayakinicapi he.

34 Tuka inina yukanpi; canku ohna wanji tukte iyotan tankapi kta e heon hdokinicapi.

35 Unkan iyotanke ça akenon-papi kin wicakico qa hewicakiya; Wicaśta wan tokaheya un kta cin kinhan, hee ehake un kta, qa owasin wowidagyapi kta.

36 Hehan hoksíyoqopa wan icu, qa wicacokaya ehnaka; qa nape ohna eyaku, hehan hewicakiya;

37 Tuwe hoksíyoqopa dececa wanji, micaje on tin hiyuye cinhan, miye tin hiyumayan ece; qa tuwe tin hiyumaye cin he miye śni, tuka tuwe u maśi kin he tin hiyuya ece.

38 Hehan Johannes ayupte ça; Waonspekiye, wicaśta wan nicaje on taku wakan śica tankan ehpeya wanunyakapi, he unkihakam u śni; unkan unkihakam u śni kin on etanhan teunhinda-pi ce, eya.

39 Tuka Jesus heya; Tehindapi śni po; wicaśta tuwe micaje on wicohan tanka econ kinhan, he ituya mayaśice kta okihi śni.

40 Tuwe unkizapi śni kinhan, he unkicipi un ece.

41 Tuwe micaje on miniyatke ohna mini datkanpi kta niçupi kinhan, Messiya niyuhapi kin heon, he wokajuju toki ehpekiye kte śni, awicakehan eciciyapi.

WICOWOYAKE 10.

42 Qa tuwe dena cikcistinpi-
dan wacinmayanpi kin wanji
wahtanikiye cinhan, tahu en in-
yan wiyutpan wan iyakaškapi
qa miniwanca kin en elıpeyapi
unkans, he wašte kta tuka.

43 Qa ninape wahtaniniye cin-
han hdaksa wo; nape ksa wico-
ni kin en yai kinhan hee wašte
kta, qa nape napin hduha Wa-
kansica ti, peta icimana kasnıpi
kte sni kin en iyolıpenıyanpi
kte sni.

44 Hen wamduška tawapi kin
te kte sni, qa peta kin kasnıpi
sni ece.

45 Nakun nisiha wahtaniniye
cinhan hdaksa wo; hunište wi-
coni kin en yai kinhan, he wašte
kta, qa siha nom hduha Wakan-
sica ti peta icimana kasnıpi kte
sni kin en iyolıpenıyanpi kte sni.

46 Hen wamduška tawapi kin
te kte sni, qa peta kin kasnıpi
sni ece.

47 Nakun ništa wahtaniniye
cinhan hduşdoka wo; išta wan-
jidan hduha Wakantanka toki-
conze kin en de cinhan, hee
wašte kta, qa išta napin hduha
Wakansica ti peta kin en iyo-
lpenıyanpi kte sni.

48 Hen wamduška tawapi kin
te kte sni, qa peta kin kasnıpi
sni ece.

49 Wicašta otıyohi peta on
skuyeyapi kta, qa woşnapi otı-
yohi miniskuya on skuyeyapi
kta.

50 Miniskuya kin he wašte;
tuka miniskuya kin skuye sni
aye cinhan taku e on skuyeyapi
kta he. Miniskuya ihduha po,
qa wookiye kiciyuha po.

WICOWOYAKE 10.

1 Hetanhan najin hiyaye ça,
Jordan akasanpatanhan, Juda

makoce kin en hi: unkan ake
oyate kin en witaya kata iheya;
qa econ ece qon he iyecen ake
wowicakiyaka.

2 Unkan Pharisee kin en hipi
qa wiwangapi, Wicašta tawicu
elıpeye kta iyececa hecinhan, he
iyutanyanpi.

3 Unkan waayupte ça hewi-
cakiya; Moses token econ nişi-
pi he.

4 Unkan; Moses kpaganpi wo-
wapi kage ça elıpeye kta iyo-
wınyan ce, eyapi.

5 Unkan Jesus waayupte ça
hewicakiya; Cante nitehipi kin
heon Moses woope kin he nica-
gapi.

6 Tuka wicoicage otokaheya
tanhan Wakantanka hena wica
wınyan ahna wicakaga:

7 Heon etanhan wicašta wan
atkuku hunku ko elıpewicaye
kta, qa tawicu en iyaihdaške
kta:

8 Qa henaoya wicacełpi wan-
jidan kta ce. Hecen hetanhan
nonpapi sni, tuka wicacełpi wan-
jidan.

9 Heon taku Wakantanka yuo-
konwanjidan kin he ihnuhan
tuwe yujuju kinhan.

10 Unkan ti mahen yukanpi,
hehan waonspewicakiye cin he
akta wiwangapi.

11 Unkan hewicakiya; Tuwe
winolınca elıpekiye ça wanji
tokeca yuze cinhan, he wawi-
cihalıhapi ecakicon ece.

12 Qa winolınca wan hihna-
ku elıpeye ça wanji tokeca hi-
hnaye cinhan, he nakun wawici-
halıhapi econ ece.

13 Hehan hokşıyoqopa en awi-
cahipi, wıcayutan kta heon; tu-
ka waonspewicakiye cin tona
awıcaupi kin iyowicakipişni.

14 Tuka Jesus he wanyaka,
hehan nina iyokışıce ça hewıca-

kiya; Hoksíyoqopapi en maupi kta iyowinwicakiya po, qa tehindapi šni po; tona dececapi kin Wakantanka tokiconze kin eepi ce.

15 Awicakehan heciciyapi; Tuwe Wakantanka tokiconze kin hoksíyoqopa iyecen icu šni kinhan he mahen ye kte šni.

16 Hehan poskin wicayuzo, qa nape awicaputake ça wicaya-wašte.

17 Unkan canku kin ohna iya-ye çehan, wanji inyang u, qa en canpeška makehde inajin, qa wiwanga; Waonspekiye wašte, wiconi owihanke wanice cin he ohimiçiye kta e on taku ecamon kta he.

18 Unkan Jesus heciya; Tokeca wašte emayakiya he; tuwedan wašte šni; Wakantanka išnana.

19 Woahope kin sdonyaya; Wawicihañapi econ šni wo, Tinwicakte šni wo, Wamanon šni wo, Woitonšni oyake šni wo, Wawicaki šni wo, Niyate nihun kici wicahduonihan wo.

20 Unkan waayupte ça heciya; Waonspekiye, dena owasin homakšíyopa ehantanhan ecamon ece.

21 Hehan Jesus atonwe cehan waštekidake ça heciya; Taku wanji ninica; hde ça taku duhe cin wiyopeya, qa wahpanicapi kin wicaqu wo, kinhan mahpiya ekta wowijice duhe kta; hehan ku, can susbeca kiçin, qa mihakam u wo.

22 Unkan oie kin he on iyokisica, qa cante šica hda; taku ota yuha nakaes.

23 Unkan Jesus ihdukšan etonwe ça waonspewicakiye cin hewicakiya; Tona watonpike cin hena Wakantanka tokiconze kin en yapi kte cin he tehika ce.

24 Unkan oie kin on waonspewicakiye cin yušinyayapi. Tuka Jesus ake waayupte ça hewicakiya; Hoksíyoqopa, tona wowijice wacinyanpi kin hena Wakantanka tokiconze kin en yapi kte cin he tehike hinca.

25 Wicašta wijica Wakantanka tokiconze kin en ye kta he tehika, qa kamel wan tahinšpaciqadan oħdoka ohna ye kte cin he aoptetu.

26 Unkan heon nina yušinyayapi qa hekiciyapi; Hehan tuwe ni kta he.

27 Jesus awicatonwe ça heya; Wicašta ekta he okihipica šni, tuka Wakantanka ekta hecece šni; Wakantanka ekta taku owasin okihipica ece.

28 Hehan Inyan heciya; Iho, unkiye taku owasin elipeunyanpi, qa nihakam unyakonpi.

29 Jesus waayupte ça heya; Awicakehan heciciyapi, tuwe, miye qa wotanin wašte kin on, tipi qa hunkawanjitku, qa tawinoħtin, qa atkuku, qa hunku, qa tawicu, qa cinca, qa makoce ehpeye cinhan;

30 Nakaha wiconi kin de en opawinge akihde icu kta; tipi, qa hunkawanj itkupi, qa tawinoħtin, qa hunkupi, qa cincapi, qa makoce ko, wošitkihdapi iyahna; qa wiconi u kte cin he en wiconi owihanke wanica yuhe kta.

31 Tuka wicota tokaheya kin hena ehake unpi kta, qa ehake unpi kin hena tokaheyapi kta.

32 Hehan canku ohna Jerusalem ekta yapi; unkan Jesus wicitokam ya; qa iyepi qeš iha-kam upi, inihanpi qa kopehdapi. Unkan akeš akenonpapi kin iwicacu, qa taku akipe kte cin hena kohan owicakiyaka:

33 Iho, Jerusalem ekta itan-

WICOWOYAKE 11.

wankanhde unyanpi; qa Wicašta Cinhintku kin wošnapı kagapi, wowapi kagapi ko napepi kin en wicaqupi kta; unkan hena te yacopi kta, qa Ikcewicašta kin iyoopta wicaqupi kta :

34 He qe ihahapi kta qa kapsinpsintapi kta, qa atagošapi kta, qa ktepi kta; unkan anpetu iciyamni kinhan ake kini kta.

35 Hehan Jakob qa Johannes, Zebede cinhintkupi, en hipi qa heciyapi; Waonspekiye, taku uncinpi kin he ecen ecaunyeconpi kta uncinpi.

36 Unkan, Taku e ecaciconpi kta yacinpi he; ewicakiya.

37 Unkan heciyapi; Nitowitan kin en, wanji nietapa qa unmanicatka tanhan unkiyotankapi kta e unqu po.

38 Tuka Jesus hewicakiya; Taku yadapi kin sdonyakiyapi šni. Wiyatke etanhan mdatke kte cin he niš yatkan oyakihipi he; qa baptem miye maqupi kte cin he on niš eya niçupi kta oya-kihıpi he.

39 Unkan, Unkokihıpi ce, eciyapi. Unkan Jesus hewicakiya; Awicakehan wiyatke etanhan mdatke cin niš etanhan datkanpi kta; qa baptem maqupi kin he is nakun niçupi kta;

40 Tuka mietapa qa micatka tanhan iyotankapi kin wicaqupi kte cin he miye mitawa šni; tuka tona wiyeya wicakicihnakapi kta.

41 Unkan wikcemna kin he nahonpi qehan, Jakob qa Johannes nina canniyewicayapi.

42 Tuka Jesus wicakico qa hewicakiya; Oyate kin ekta tona itancan unpi kin wowidagwicayapi ece; qa tona tanka unpi kin hena oyate wicayuhapi ece.

43 Tuka niyepi ekta hecece

kte šni; tuka tuwe iyotan tanka yaunpi kta hecinhan, he ookiye duhapi kta :

44 Qa tuwe tokaheya yaunpi kta hecinhan, he owasin wowidagıyapi kta.

45 Wicašta Cinhintku kin hee kaeš waokiyapi kta hi šni, tuka waowicakiye kta, qa wicota opewicakitonpi kta on wiconi tawa ehpeye kta on hi.

46 Unkan Jeriko en hipi; qa Jeriko etanhan oyate ota qa waonspewicakiye cin om hdi-
nanpa, hehan Bartimeus, Timeus cinhintku, išttagonge ciqon he canku icahda wada iyotanka.

47 Unkan he Jesus Nazareth etanhan hee nahon qehan, hotanin qa heya; Jesus, Dawid Cinhintku, onšimakida wo.

48 Unkan wicota iyokipišni, inina un kta; tuka iye iyotan hotankakiya heya; Dawid Cinhintku, onšimakida wo.

49 Unkan Jesus owanji najin qa kicopi kta, keya; hecen išttagonge cin kicopi qa heciyapi; Cante wašte wo, najin wo, wanna nico ce.

50 Unkan iye šina ehpeya najin hiyaye ça Jesus en hi.

51 Unkan Jesus waayupte qa heciya; Taku ecacicon kta yacin he. Išttagonge cin; Itancan, watonwe kta, eciya.

52 Unkan Jesus heciya; Hda wo, wacinyaye cin he asninyan ce. Unkan hecehnana tonwe ça canku ohna Jesus ihakam ya.

WICOWOYAKE 11.

1 Unkan wanna Jerusalem ikıyedan hipi, Bethphage qa Bethani hetu, Oliwe Paha kin en, hehan waonspewicakiye cin nom ye wicaši;

2 Qa hewicakiya; Otonwe iyo-

takons yanke cin en ya po; unkan wanna en yaipi kinhan, hehan súkcinea wan, tohinni wicasta akan iyotanke sni, he iye-yayapi kta; yukcapi qa aku po.

3 Qa tuwe, Taku on hecanonpi he, eniciyapi kinhan, Itancan kin cin ce, eya pò. Unkan hecehnana au nisipi kta.

4 Unkan ekta iyayapi, qa canku nonpa ipaweh wanka, tiyopa wan en súkcinea kin kaska najin iyeyapi; hecen kiyukcapi.

5 Unkan hen najinpi kin wanjiki, Tokeca súkcinea kin dukcapi he, ewicakiyapi.

6 Unkan Jesus econ wicasi qon he ohna ewicakiyapi: hecen iyowinwicakiyapi.

7 Hehan súkcinea kin Jesus kahihi; qa tawokoyake akan ehnakapi; unkan iye akan iyotauka.

8 Unkan wicota canku ohna tawokoyake kin owinşyapi; qa apa can kin etanhan adetka kaksapi, qa canku ohna ehpeyapi.

9 Unkan tona tokaheyapi qa tona ihakam upi kin hena hotainpi qa heyapi; Osanna, tuwe Itancan caje on u kinhan, he yawaştepi ce.

10 Dawid ateunyanpi tokiconze Itancan caje kin on u kin he yawaştepi: Osanna iyotan tehan wankantu.

11 Unkan Jesus Jerusalem en ye ça, tipi wakan kin en iyaya; qa wanna taku owasin ekta etonwe ça, hitayetu aya, hehan akenonpapi kin om Bethani ekta kihda.

12 Unkan ihanhanna Bethani etanhan kupi, hehan wotektehda.

13 Qa itehan suken can wan ape yuke cin he wanyaka, he en hi, okinni en waskuyeca iyeye kta; tuka en hi qehan takudan iyeye sni, ape ecedan; suken icage kta hinafinke sni.

14 Unkan Jesus waayupte ça heciya; Detanhan tuwedan waskuyeca enitanhan yute kte sni, owihanke wanica. Unkan waonspewicakiye cin he nahonpi.

15 Hehan Jerusalem en hipi; unkan Jesus tipi wakan kin en i, qa tona tipi wakan kin ohna wiyoheyapi qa wopetonpi kin hena tankan iyewicaya, qa mazaska tokiyoheyapi ahna econpi kin ahdapşinyan ehpeya, qa wakiyedan iyoyeyapi can akan iyotan-kapi hena koya:

16 Qa tipi wakan kin ohna tuwe cega yuhe kta iyowinwicakiye sni.

17 Unkan wowicakiyake ça hewicakiya; Wati kin he oyate owasin on wocekiye tipi eciyapi kta ce, eya wowapi en kagapi sni he; tuka niye wamanon sa otipi kin yakagapi ce.

18 Woşnapi kagapi qa wowapi kagapi kin he nahonpi, unkan token ihangyapi kta akitapi; kokipapi, wicasta owasin ta-woonspe kin on yuşinyayapi nakaes.

19 Unkan wanna hitayetu hehan otonwe kin etanhan tankan iyaya.

20 Unkan ihanhanna en hiyayapi hehan suken can kin wanna hute hehanyan snija e wauyakapi.

21 Unkan Inyan he kiksuye ça heciya; Itancan, wanyaka wo, suken can dasice ciqon he wanna snija.

22 Unkan Jesus waayupte ça hewicakiya; Wakantanka wacinyanpi kin he yuha po.

23 Awicakehan heciciyapi; Tuwe paha kin de, Tokan iyaye ça miniwanca kin en iyohpaya wo, eciye ça, cante kin en ce-tunhda sni, qa taku tona eye cin hena hecetu kta e wicada

WICOWOYAKE 12.

kinhan; he taku eye cin hena ecen yuhe kta.

24 Heon etanhan heciciyapi; Ceyakiyapi eca taku tona yacinpiki kin hena iyacupi e wicada po, kinhan hena duhapi kta.

25 Unkan cekiya nayajinpi kinhan, tuwe taku on yeksuyapi kinhan kicicajuju po; hecen Ateyayapi mahpiya ekta yanke cin he wayahitanipi kin nicicajujupi kta.

26 Qa nis wayecicajujupi sni kinhan, nakun Ateyayapi mahpiya ekta yanke cin wayahitanipi kin nicicajujupi kte sni.

27 Unkan ake Jerusalem en hdiipi; qa tipi wakan kin ohna mani un qehan, wošnapi kagapi wowapi kagapi wicahincapi koya en hipi;

28 Qa heciyapi; Taku wowaśake on dena taku kin ecanon he; qa tuwe dena econ nisi, qa hecen ecanon he.

29 Unkan Jesus waayupte ça hewicakiya; Miś eya taku wanji iciwangapi kta, amayupta po, kinhan wowaśake tukte e on dena ecamon kin ociciyakapi kta.

30 Johannes baptem wicaqu qon wicohan kin he mahpiya eciyatanhan, qa is wicašta eciyatanhan, unma tukte he; amayupta po.

31 Unkan hdokinicipi qa hekiciyapi; He mahpiya eciyatanhan, unkeyapi kinhan, hehan; Tokeca wicayadapi sni he, eye kta.

32 Tuka, He wicašta akantu eciyatanhan, unkeyapi kinhan, oyate kin kowicunkipapi; wicašta owasin Johannes wicašta wokcau kin heca kecinpi.

33 Unkan waayuptapi qa Jesus heciyapi; Sdonunyanpi sni. Unkan Jesus waayupte ça hewicakiya; Miś eya wowaśake tukte

e on dena ecamon kin he nakun ociciyakapi kte sni.

WICOWOYAKE 12.

1 Hehan wiyacinpiki on wowicakiyaka; Wicašta wan hastanhanka iyuwi wojupi wan oju, qa ohomni natake ça, miniśa iyuskiye wan en qe ça, cowahe tehan wankantu wan kaga; qa kicanyanpi kte cin owicaqu, qa makoce wan tokeca ekta icinani iyaya.

2 Qa wanna iyehantu qehan taokiye wan kicanyanpi kin ekta ye śi, kicanyanpi kin etanhan hastanhanka ojupi kin waskuyeca icu kte cin heon etanhan.

3 Unkan he yuzapi, qa apapi, qa cokadan hde śipi.

4 Unkan ake taokiye wanji tokeca ekta ye śi; tuka e qe inyan on kininpi, qa pa kahdecapipi, qa tehiya kuwapi hde śipi.

5 Unkan ake wanji tokeca ekta ye śi; qa he qe ktepi: unkan nakun wicota, hunh awicapapi qa hunh wicaktepi.

6 Hehan cinhintku wanjidan waštekidake cin he hinahin hduha; unkan he ehake ekta ye śi, qa; Micinksi yuonihanpi kta ce, eya.

7 Tuka kicanyanpi kin hekiciyapi; Tawa kte cin he dee; iho po, unktepi kta; hecen he unkitawapi kta ce.

8 Unkan hecen yuzapi qa ktepi, qa wojupi kin etanhan tankan elpeyapi.

9 Heon hastanhanka ojupi yuhe cin he taku econ kta he. En hi qa kicanyanpi kin hena ihangwicaye kta, qa hastanhanka ojupi kin wicašta tokeca owicaqu kta.

10 Wowapi kin de dawapi sni he; Ticagapi inyan wan elpe-

yapi qon he oise en pa icaga ce.

11 He Itancan kin econ, qa unkištapi kin en taku wowinihan.

12 Hehan yuze wacinpi, tuka oyate kin kowicakipapi; wiyacinpi kin de iye wicaka e heya sdonyapi. Unkan ehpeya kihdapi.

13 Hehan Pharisee qa Herodian etanhan wanjikji ekta ye wicašipi; taku eye cin on yuzapi kta.

14 Unkan hena en hipi qehan heciyapi; Waonspekiye, iewicayaka qa tuwedan koyakipe šni sdonunyanpi; wicašta tancan ekta eyatonwe šni ece, tuka awicakehan Wakantanka tacanku kin odaka ece; Kesar wamnayanpi qupi kta iyececa he.

15 Unqupi kta, qa iš unqupi kte šni he. Tuka iye wohnaye hduhapi sdonye qa hewicakiya; Tokeca iyutanmayayapi he. Kašpapidan wanji makau po, wanmdake kta ce.

16 Unkan kahipi. Hehan hewicakiya; Wicite qa wowapi kin de tuwe tawa he. Unkan, Kesar tawa ce, eciyapi.

17 Hehan Jesus waayupte qa; Kesar taku tawa kin kicu po; qa Wakantanka taku tawa kin kicu po, ewicakiya. Unkan heon inihanpi.

18 Hehan Saddukee kin, piya iwicacage kte cin wanica keyapi, hena etanhan en hipi; qa wiwangapi qa heyapi;

19 Waonspekiye, Moses wowapi unkičagapi, wicašta wan tawicu ehpeya te qa, cinca nice cinhan, sunkaku winohinca kin he hduze kta, qa cincu qon cinca kicage kta ce.

20 Hunkawanjinkiciyapi šakowin; unkan tokapa kin winohinca wan yuze qa, cinca codan ta.

21 Hehan iyokihe kin he hduze qa nakun ta, qa cinca nica; unkan iyamni kin iš nakun.

22 Unkan ecen šakowinpi kin hduzapi, qa cinca nicapi: eha-ke winohinca kin iš eya ta.

23 Hecen piya iwicacage cin en inajinpi kinhan, wanji tukte tawicuyapi kta he: šakowin hduzapi tuka.

24 Unkan Jesus waayupte qa hewicakiya; Wowapi wakan kin sdonyayapi šni, qa nakun Wakantanka towašake kin, heon yanunipi.

25 Wiconte etanhan piya wicoicage kinhan tawicu tonpi šni qa hihnaku yuhapi šni; tuka mahpiya ekta ohnihde unpi kin iyececapi.

26 Unkan tona tapi kin hena piya icagapi kta, on Moses tawowapi kin en dawapi šni he; can opamna etanhan Wakantanka okiye qa heya; Abraham Wakantanka tawa, qa Isaak Wakantanka tawa, qa Jakob Wakantanka tawa kin he miye ce.

27 Wicašta tapi kin Wakantanka tawapi šni, tuka ni unpi kin Wakantanka tawapi: heon etanhan šogya yanunipi.

28 Hehan wowapi kagapi wanji en hi, qa akinicapi kin nahon, qa tanyan awicayupta iyukan heon etanhan, Woahope tokaheya kin tukte e he, eya iwan- ga.

29 Unkan Jesus ayupta; Israel nahon po, Jehowa Wakantanka unkitawapi kin he Itancan wanjidani, woahope owasin tokapa kin hee ce.

30 Unkan Jehowa Wakantanka nitawa kin he nicante ocowasin on, qa ninagi ocowasin on, qa nitawacin ocowasin on, qa nitowašake ocowasin on,

WICOWOYAKE 13.

wašteyakidake kta ce; woahope tokaheya kin hee.

31 Qa inonpa kin he he iyececa; Nikiyedani un kin he niye inihdacin wašteyadake kta. Woahope dena isanpa tanka wanica.

32 Unkan wowapi kage cin he heciya; Han, Waonspekiya, wowicake ecen eha, Taku wakan wanjidan, qa icunonpa tannan wanica.

33 Qa wicacante ocowasin on, qa wicotawacin ocowasin on, qa wicanagi ocowasin on, qa wicowaśake ocowasin on wašte-dakapi, qa wicikiyedani unpi kin wiciye ihdacin waštewicadapi kin, peta on wośnapi qa ikce wośnapi owasin, he isanpa tanka ece.

34 Unkan he wacinksamya ayupta Jesus wanyaka, hehan heciya; Wakantanka tokiconze kin itehan yaun śni. Unkan hetanhan tuwedani sanpa wiwanga tawaŕenye śni.

35 Hehan Jesus tipi wakan kin ohna wowicakiyaka icunhan waayupte ca heya; Wowapi kagapi kin Messiya he Dawid Cinhintku ce, tokeca heyapi he.

36 Dawid iye qe Woniya Wakan on heya; Itancan kin Itancan mitawa heciya; Mietapa ekta iyotanka wo, tona tokaniyanpi kin hena siha oahe nitawa kin wakage kta hehayan.

37 Heon etanhan Dawid iye qe Itancan eciya; hecen token cincaya he. Unkan oyate ikceka kin wiyuśkinyan. nañonpi.

38 Unkan wowicakiyaka icunhan hewicakiyaka; Wowapi kagapi kin kowicakipa po, hena wokoyake hanskaka kiçun waštadakapi, qa wopeton tipi kin ohna owicakiyapi kta nakun:

39 Qa omniciye tipi kin en oi-

yotanke tokapapi, qa wotapi kin en oyanke waštešte kin:

40 Hena e wiwazica tipi kin temyapi, qa ihdutaninpi on wocekiye hanska eyapi ece: hena woyaco iyotan tanka yuhapi kta.

41 Unkan Jesus mazaska opiye kin iyotakons iyotanka, qa token oyate kin mazaska opiye kin en, mazaska eñpeyapi kin he wanyaka. Unkan wicota wijicapi kin hena odota en eñpeyapi.

42 Unkan wiwazica walipanica wan en hi, qa mazaśa onşpadan nom en eñpeya, he mazaśa wanjidan yawapi.

43 Unkan waonspewicakiye cin hena wicakico qa hewicakiyaka; Dena owasin mazaska opiye kin en eñpeyapi, tuka wiwazica walipanica kin de owasin isanpa en eñpeya, awicakehan eciciyapi.

44 Dena owasin taku ota tonpi kin eciyatanhan en eñpeyapi ece; tuka iye qe nice cin etanhan taku yuhe cin ocowasin en eñpeya, on ni kte cin ocowasin.

WICOWOYAKE 13.

1 Unkan tipi wakan kin etanhan kinanpa hehan waonspewicakiye cin wanji heciya; Waonspekiya, inyan tankinyanyan kin dena, qa tipi kagapi kin dena wanyaka wo.

2 Unkan Jesus waayupte ca heciya; Tipi tankinyanyan kin dena owasin wandaka he. Inyan wanji inyan itakihna wanke kte śni, owasin jujuwahe kta.

3 Unkan Oliwe Paha kin akan iyotanka, tipi wakan kin iyotakons, hehan Inyan qa Jakob qa Johannes qa Andrew nahmana wiwangapi;

4 Tohan hena hecetu kta he, qa dena owasin iyecetu kta e

MARKOS.

wowapetokeca tukte e hecinhan, unkokiya po.

5 Unkan Jesus waayupte ça hewicakiya ; Iwanihdaka po, okinni tuwe nihnyanpi kta.

6 Wicota micaje on hipi qa ; He miye ce, eyapi kta, qa wicašta ota wicahnayanpi kta.

7 Unkan tohan wicokicize qa kiczapi kta oyakapi kin nayahonpi kinhan, nihinciyapi šni po : hena hecetu kta, tuka owihanke kin hinahinke šni.

8 Oyate wan oyate tokeca on najin kta, qa wokiconze wan wokiconze tokeca on ; qa tuktekten maka škanskan yuke kta, qa wicaakilhan qa wicokicize yuke kta. Dena wicoiyokišice tokaheya kin ec.

9 Tuka iwanihdaka po ; omnicieye tanka kin en aniyampi kta ; qa omnicieye tipi kin ohna nicaštakapi kta ; qa miye on wicašta itancanpi wicaštayatapi ko en aniipi kta, owicayakapi kta heon.

10 Tuka tokaheya wotanin wašte kin he oyate owasin owicakiyakapi kta.

11 Tuka tohan aniyampi qa wicanicupi kinhan, itokam taku ehapi kta awacinpi šni po, qa on cante šicapi šni po ; tuka wihiyayedan oape kin he en taku ničupi kin he ohna eya po ; eye kte cin he niyepi šni, tuka Woniya Wakan kin hee kta.

12 Hunkawanjinkiciyapi wiconče en kicičupi kta, qa wicašta wan iye cinca nakun ; qa wicacinca inajinpi kta qa hunkakewicayapi kin tewicayapi kta.

13 Unkan miye on owasin šice-nidapi kta ; tuka tuwe owihanke kin hehanyan ope cinhan he ni kta.

14 Tuka tohan wošice woihangye, Daniel wicašta wokcan cajeyate cigon, tukten najin

kta iyecece šni, hen wandakapi kinhan, tuwe yawa kinhan okahņige kta, hehan tona Juda makece kin en unpi kin he kin ekta najicapi kta :

15 Qa tuwe tipi akan yanke cin he kun ku, qa timahen tanhan takudan ehdaku kte šni :

16 Qa nakun tuwe magata un kinhan, wokoyake ehdaku kta on hdicu kte šni.

17 Tuka anpetu kin hena en tona ihdušakapi qa hokšioqopa azinwicakiyapi kin hena tehiya unpi kta.

18 Unkan waniyetu icunhan nayapapi kte šni e icekiya po.

19 Anpetu kin hena en wicokakije yuke kta, tokaheya Wakantanka taku kage cin ehan-tanhan, qa dehanyan takudan iyecece šni, qa nakun tokata ekta iyecece kte šni.

20 Unkan Itancan kin anpetu kin hena yupteccdan šni kinhan, wicacehpi takudan ni kte šni ; tuka wicakahnigapi tona wicakahnige cin hena on anpetu kin hena yupteccdan.

21 Unkan hehan tuwe ; Iho, Messiya hen yanka ce, qa iš ; Kan yanka ce, eniciyapi ešta, wicadapi šni po.

22 Messiya itonpišni qa wicašta wokcan itonpišni kin heca ica-gapi kta, qa wowapetokeca taku wowinhan ko econpi kta, okihipica unkanš wicakahnigapi kin hena eepi kaeš wicahnayanpi kta tuka.

23 Tuka iwanihdaka po ; iho, itokam hena ociciyakapi.

24 Tuka anpetu kin hena en, wicokakije kin iyohakam, anpetu wi kin aotpasyapi kta, qa hanyetu wi kin iyoyanpa kte šni ;

25 Qa malpiya wicanhpi kin hinhpaye kta, qa malpiya ekta wowašake kin yuhuhuzapi kta.

WICOWOYAKE 14.

26 Unkan hehan Wicašta Cinhintku kin wowašake tanka wowitzan ko hduha małpiya šapa akan u wandakapi kta.

27 Unkan hehan ohnihdewicaye cin hena ye wicaši kta, qa tate ouye topa kin etanhan, maka ihanke kin etanhan qa małpiya ihanke kin hehanyan, wicakalinige ciqon hena witaya wicakpahi kta.

28 Suken can kin etanhan wiyacinpi kin de okahniga po: Can intpa kin hinałin wankadan, qa etanhan ape icage cinhan, hehan mdoketu wanna ikiyeddan sdon-yayapi ece.

29 He iyececa, niš tohan dena owasin iyecetu wandakapi kinhan, wanna ikiyeddan, tiyopa kin etu, e sdonya po.

30 Awicakehan heciciyapi, wicoicage kin de tokan iyaye šni, ecen dena owasin econpi kta.

31 Małpiya maka ko tokan iyaye kta, tuka mioie kin hena tokan iyaye kte šni.

32 Tuka anpetu kin he, qa wihiyayeddan oape kin he tuwedan sdonye šni, małpiya ohnihde kin heepi kaeš, qa nakun Cinhintkuyapi kin; tuka Ateyapi kin ecedan *sdonya*.

33 Iwanihdaka po, wakta unpi qa cekiya po; tohan iyehantu kte cin sdonyayapi šni nakaeš.

34 Wicašta wan icimani ye kte cin, tipi ehpeye ča taokiyewicaye cin taku econ wicaši, otioyohi wicołan wicaqu, qa tiawan-yake cin he awanyake ši, he iyececa.

35 Heon etanhan waktaya un po; tipi ohna itancan kin tohan hdi kta sdonyayapi šni, litayetu, qa hanye cokaya, qa anpaohotonna hoton, qa iš hanłanna kinhan.

36 Okinni ihnuhanna hdi kinhan ništinmapi iyeniyampi kta.

37 Unkan taku eciciyapi kin he owasin ewicawakiya ece, Waktaya un po.

WICOWOYAKE 14.

1 Anpetu nonpa iyohakam hehan woacakšın qa aguyapi napohiyapi šni: Unkan wošnapi kagapi wowapi kagapi ko token hnayan yuzapi kta akitapi, ktepi kta e heon.

2 Tuka heyapi; Wošnapi anpetu kin hehantu kte šni; okinni oyate kin owodutaton kta.

3 Unkan Bethani etu, Simon lepros ececa qon he ti kin en wota iyotanka, hehan winohinca wan inyan opiyé wan wihdi waštemna tehike linca he yuha hi, qa opiye kin yuhdoke ča iye pa kin akaštan.

4 Unkan hen wanjikji cante mahen iyokipipi šni qa heyapi; Tokeca wihdi waštemna kin hecen yutakunipi šni he.

5 Wihdi waštemna kin de kašpapi opawinge yamni sanpa iyopeyapi qa wałpanica wicaqupi kta tuka. Hecen winohinca qon icaptapi.

6 Unkan Jesus heya; Ayuštan po; tokeca nagiyeyayapi he. Wicołan wašte wan ecamicon.

7 Wałpanicapi kin ohinniyan wicayahduhapi, qa tohan yacinpi kinhan tanyan ecawicayeconpi kta oyakhipi; tuka miye ohinniyan mayaduhapi šni.

8 Taku okihi kin ecen econ; mitancan hapi kte cin on itokam sdaye kta on hi.

9 Awicakehan heciciyapi; Maka kin owancaya tukten wotanin wašte kin de oyakapi kinhan, winohinca kin de nakaha taku econ kin he oyakapi kta, wokiksuye kta e heon.

10 Unkan Judas Iskariot, ake-

nonpapi kin wanji ee, wośnapi kagapi kin ekta ya, he hnayan wicaqu kta heon.

11 Unkan he nañonpi qehan wiyuśkinpi, qa mazaska qupi kta keciyapi. Unkan token tanyan hnayan wicaqu kta he akita.

12 Unkan aguyapi napohye śni anpetu tokaheya en wośna ktepi ece kin hehantu, waonspewicakiye cin heciyapi; Tukten woacaksin wośnapi yate kta wiyeya eunhnakapi kta yacin he.

13 Unkan waonspewicakiye cin nom ye wicaśi, qa hewicakiya; Otonwe kin en ya po, kinhan wicaśta wan mini ohna wakiśkotpa wan qin itkonicipapi kta, he ihakam ya po.

14 Qa tukte en tin kihde cinhan, tipi tawa kin heciya po; Waonspekiye cin heya ce; Wankan tipi kin tukten waonspewicawakiye cin om wośnapi kin wate kta tukte e he.

15 Unkan wankan tipi wan tanka, tanyan yuśtanpi qa wiyeya yanka, nicipazopi kta; hen wiyeya eunkicihnaka po.

16 Unkan waonspewicakiye cin iyayapi, qa otonwe kin en ipi, qa token ewicakiye cin hecen iyeyapi; unkan wośnapi kin wiyeya ehnakapi.

17 Unkan wanna hitayetu hehan akenonpapi kin om en hi.

18 Unkan wota iyotankapi icunhan Jesus heya; Awicakehan heciciyapi; Mici wayatapi kin wanji wiyopemayayapi kta.

19 Hehan iyokiśica hinhdapi, qa otoiyohe heciyapi; He miye he; qa ake wanji, He miye he, eyapi.

20 Unkan hewicakiya; Akenonpapi kin etanhan wanji wakiśica ohna mici oputkan kin hee ce.

21 Wicaśta Cinhintku kin awi-

cakehan token wowapi en kagapi qon he iyecen iyoopta ya, tuka wicaśta kin tuwe Wicaśta Cinhintku kin wiyopeye cinhan, he wotehi yuhe kta; wicaśta kin he tohinni tonpi śni unkanś waśte kta tuka.

22 Unkan wotapi icunhan Jesus aguyapi icu, yawaśte, qa kiyuśpa, qa wicaqu, qa heya; Icupi qa yuta po; mitancan kin he dee.

23 Nakun wiyatke kin icu; qa yawaśte hehan wicaqu. Unkan owasin etanhan yatkanpi.

24 Unkan hewicakiya; Wicotakuye teca kin en, mawe kin he dee, wicota on papsonpi.

25 Awicakehan heciciyapi; Detanhan wiyuwi waskuyeca etanhan icimana mdatke kte śni, anpetu wan en Wakantanka tokiconze kin en teca mdatke kte cin hehayan.

26 Unkan odowan wan ahiyayapi hehan Oliwe Paha kin ekta iyayapi.

27 Hehan Jesus hewicakiya; Hanyetu kin de miye on iyuhpa nihicahanpi kta; kaken wowapi en kagapi qon, Waawanhdake kin he awape kta, hecen tahinca wanunyanpi kin mdecahanpi kta ce.

28 Tuka ake wakini iyohakam, Galile ekta nitokam imdamde kta.

29 Tuka Inyan heciya; Owasin hichahanpi eśta, miye qe eamon kte śni.

30 Unkan Jesus heciya; Awicakehan heciciya; Anpetu kin de, hanyetu kin de en, anpaohotonna nonpa hoton śni, ecen yamni akihde anamayakihbe kta.

31 Hehan iyotan nina kitan hinca; Cicimaťa eśta anacicihbe kte śni. Iyuhpa nakun iyecen eyapi.

32 Unkan wojupi wan en ipi, Gethsemane eciyapi; hehan waonspewicakiye cin hewicakiya; Den iyotanka po, icunhan cewakiye kta.

33 Unkan Inyan qa Jakob qa Johannes hena iwicacu, hehan inihan qa nina iyokišica hinhda;

34 Qa hewicakiya; Minagi nina iyokišice hinca, maŕe kta iyececa; den yukanpi qa waktaya un po.

35 Unkan hetanhan kitan ecinyan iyoopta ye a, makata ihpaye a cekiya, okihipica kinhan, wihiyayedan oape kin he token iyaye kta.

36 Unkan heya; Abba, Ate, niye ekta taku owasin okihipica; wiyatke kin de emiciyaku wo; tuka miš taku wacin kin hee kte šni, taku yacin kin he hecetu kta.

37 Hehan en hdi, qa ištinnapi iyewicaya, unkan Inyan heciya; Simon ništinnma he; wihiyayedan oape wanjidan kiktahan yaun kta oyakihi šni he.

38 Kiktahan unpi qa cekiya po; okinni taku wawiyutanyan un kin en yaipi nun ce; wicanagi kin he awicakehan wicada, tuka wicacehi kin wašake šni.

39 Unkan ake iyaye a cekiya, qa wicoie un qon hena ake ecen eya.

40 Unkan ake en hdi qehan, ake ištinnapi iyewicaya, išta hbapi hinca, unkan token ayuptapi nun tanin šni.

41 Unkan iciyamni en hdi, qa hewicakiya; Ištinnma po qa ozičiya po; wanna henakeca, wihiyayedan oape kin wanna iye-hantu; wanyaka po, Wicašta Cinhintku kin wahtanipi sa napipi kin en hnayan wicaqupi.

42 Najin po, unyanpi kta; iho, tuwe mahnaye cin he wanna kiyedan u ce.

43 Unkan ecahankeya, iahan icunhan, Judas hi, akenonpapi kin wanji ee, qa kici wicota hinca, mazasagye can oŕoza ko yuhapi, wošnapi kagapi, wowapi kagapi, qa wicalincapi kin etanhan upi.

44 Unkan tuwe hnayan wicaqu kte cin he iwaktawicaye a; Tuwe i iwaputake cinhan hee kta; yuzapi qa tanyan akiyahda po, eya.

45 Unkan en hi qehan, ecahankeya en ye a, Itancan, Itancan, eciye a, i itputaka.

46 Hehan nape ahnakapi qa yuzapi.

47 Unkan wanji en najinpi kin mazasagye ehdaku, qa wošnapi kagapi itancan taokiye wanji ape a noge bašpa.

48 Unkan Jesus waayupte a hewicakiya; Wamanon sa takpe hipi iyececa, mazasagye can oŕoza ko yuha mayaduzapi kta on yahipi he.

49 Anpetu eca tipi wakan kin ohna ocipapi qa waonspekiya waun, tuka mayaduzapi šni; tuka wowapi wakan kin yuecetupi kta.

50 Hehan owasin elpeya najicapi.

51 Unkan koška wan ihakam ya, tancodan un tuka minihuha ska tancan iyakipemni. Unkan koškapi kin hena yuzapi:

52 Hehan minihuha ska kin he elpeya, qa tancodan kihda.

53 Unkan Jesus wošna kagapi itancan kin ekta ayapi; qa hen wošnapi kagapi, wicalincapi, wowapi kagapi ko owasin mniciyapi.

54 Unkan Inyan itehan ihakam u, qa wošna kagapi itancan ti kin en hi; qa ookiyewicayapi kin om iyotanke a peta kin en cosičiya.

MARKOS.

55 Unkan woŋnapi kagapi qa omniciye ocowasin tuwe Jesus oñ taku oyakapi kta odepi, ktepi kta e heon, tuka takudan iyeyapi ŋni.

56 Wicota itonŋniyan woyakapi, tuka taku oyakapi kin ocitkonze ŋni.

57 Hehan wanjikji inajinpi, qa itonŋniyan taku iyaonpapi, qa heyapi;

58 Unkiye, Tipi wakan nape on kagapi kin de ihangwaye kta, qa anpetu yamni hehan wanji tokeca nape codan kagapi kin he wakage kta ce, eya naunhonpi ce.

59 Tuka is eya taku oyakapi kin ocitkonze ŋni.

60 Hehan woŋna kagapi itancan kin wicacokaya inajin, qa Jesus iwange ça; Dena taku iyanionpapi kin takudan adupte ŋni he, eya.

61 Tuka iye inina un qa takudan ayupte ŋni. Ake woŋna kagapi itancan kin wiwange ça heciya; Messiya, Iyotan Waŋte Cinhintku kin he niye he.

62 Unkan Jesus heya; He miye; qa. Wicaŋta Cinhintku kin wowaŋake etapa eciyatanhan iyotanke ça, maŋpiya ŋapa akan u wandakapi kta ce.

63 Hehan woŋna kagapi itancan kin wokoyake hdupote ça heya; Taku on woyakapi sanpa uncinpi kta he.

64 Wayaŋice cin he niye nayanonpi: token idukcanpi he. Unkan owasin, te kta iyececa, yacopi.

65 Hehan wanjikji atagoŋapi qa ite ogekicitonpi, qa apapi qa; Wokcan wo, eciyapi. Unkan ookiye unpi kin is eya nape on apapi.

66 Unkan Inyan ihukuya tipi kin ohna yanka; hehan woŋna

kagapi itancan winyan wowidagwicaye cin wanji en hi;

67 Qa Inyan petiŋkan yanka wanyake cehan en etonwe ça heya; Qa niŋ eya Jesus Nazareth kici yaun qon.

68 Tuka anakihbe ça heya; Taku ehe cin he sdonwaye ŋni, qa nakun owakaŋnige ŋni ce. Hehan tankan ohanzi hdepi kin ekta iyaya: unkan anpaohotonna wan hoton.

69 Unkan ake wikoŋka wan wanyake ça, tona en najinpi kin hewicakiya; De is nakun he-tanhan.

70 Unkan is ake anakihman. Hehan kitan ecinyan iyohakam tona en najinpi kin ake Inyan heciyapi; Awicakehan niŋ henitanhan; Galile wicaŋta heni-ca; qa iyae cin he iyececa ce.

71 Tuka iye wayaŋice ça taku wakan cajeyata; Wicaŋta kin de cajedatapi kin ecaca sdonwaye ŋni ce, eya.

72 Hehan inonpa anpaohotonna kin hoton. Unkan hehan Inyan Jesus taku eciye ciqon; Anpaohotonna nonpa hoton ŋni, yamni akihde anamayakihbe kta ce, wicoie kin he kiksuya. Unkan he awakicin hehan ceya.

WICOWOYAKE 15.

1 Unkan wanna anpao, hehan woŋnapi kagapi qa wicahincapi, wowapi kagapi ko omniciye ocowasin om he aiapi, qa Jesus kaŋkapi, qa ekta ayapi qa Pilate qupi.

2 Unkan Pilate wiwanga; Juda oyate Wicaŋstayatapi kin he niye he. Unkan Jesus ayupte ça, Niye ecen eha ce, eya.

3 Unkan woŋnapi kagapi kin taku ota iyaonpapi; tuka takudan ayupte ŋni.

WICOWOYAKE 15.

4 Unkan Pilate ake wiwange ca; Takudan adupte śni he; iho, taku ota iyanionpapi ce, eya.

5 Tuka Jesus takudan ayupte śni; hecen Pilate yušinyaya.

6 Wośnapi kin de ekta wickaškapi wanji wicakiciyukca ece, wanji tukte cinpi kinhan.

7 Unkan wanji Barabbas eciyapi, he tona om inajin qon kaškapi yanka, he inajinpi qehan nakun tinwicakte.

8 Unkan oyate kin, token econ ece qon he iyecen ecawicakicon kta, panyehan keciyapi.

9 Tuka Pilate awicayupte ca; Juda Wicaštayatapi kin he ciciyukcapi kta yacinpi he.

10 Wośnapi kagapi kin wiua-wizipi on kahipi e sdonya.

11 Tuka wośnapi kagapi kin oyate kin wahokonwicakiyapi, Barabbas he wicakiyukca kta e heon.

12 Unkan Pilate ake awicayupte ca; Hehan tuwe Juda Wicaštayatapi eyakiyapi kin he token ecamon kta yacinpi he, ewicakiya.

13 Unkan ake panyehan heyapi; Icipaweli okatan wo.

14 Hehan Pilate hewicakiya; Tokeca, taku śica econ kin tukte e he. Unkan hehan iyotan nina; Icipaweli okatan wo, panyehan eyapi.

15 Unkan Pilate oyate kin iyokipiwicaye kta cin, heon Barabbas wicakiciyukca, qa Jesus kapsinsinta hehan icipaweli okatanpi kta wicaqu.

16 Unkan akicita kin tipi wan tanka, Pretorium eciyapi, he ekta ayapi; qa wicobe ocowasin wicakicopi.

17 Unkan śina duta wan inkiyapi, qa wapaha wan wapepeka on kazontapi qa unkiyapi.

18 Qa hehan okiyapi, Iho, Juda Wicaštayatapi kin.

19 Qa cedi tanka wan on pa kin en apapi, qa atagośapi, qa canpeška makehde inajinpi, qa ohodapi.

20 Unkan hecen ihaliapi, hehan śina duta kin ikicicupi, qa iye tawokoyake qon ake kiçunki-yapi. Hehan icipaweli okatanpi kta e ekta ayapi.

21 Unkan Simon, Kurene wicašta, en hiyaya, he Alexander qa Ruphus atkuku kin, makoce kin etanhan u kin he can susbeca tawa kin kiciçinkiyapi.

22 Unkan Golgotha owanka kin en ahipi, he, Wicapahu makoce, eyapi kin he kapi.

23 Unkan miniša pejihuta icahiyapi kin he yatke kta e qupi; tuka wicada śni.

24 Unkan wanna icipaweli okatanpi, hehan tawokoyake qon kicipamnipi, qa on oeconna econpi, wicašta otoiyo hi taku icupi kta.

25 Unkan wanna wihiyayedan oape yamni, hehan icipaweli okatanpi.

26 Unkan taku iyaonpapi wuwapi iwankam owapi kin, JUDA WICAŠTAYATAPI KIN, hee.

27 Unkan kici wamanon sa nom icipaweli owicakatanpi, wanji etapa eciyatanhan, qa unma catka eciyatanhan.

28 Hecen wowapi kagapi qon yuecetupi; Qa wahtanipi sa om yawapi ce, eya.

29 Unkan tona en hiyayapi kin hena yaścapi, poptanptanpi qa heyapi; Iho, tipi wakan kin ihangyaye kta, qa anpetu yamni ake piya yakage kta:

30 Ito, niçiya wo; qa cansusbeca kin etanhan kun ku wo.

31 Nakun wośnapi kagapi kin ihaliapi, qa wowapi kagapi om iye iyakitedan hekiciyapi; Wi-

MARKOS.

cašta tokeca niwicaya ece, tuka iye atayedan niiciye kta okihi šni.

32 Messiya Israel Wicaštaya-tapi kin, ito cansusbeca kin etanhan kun hdicu kta, hecen wanunyakapi qa wicaundapi kta. Unkan tona kici icipawehi owicakatanpi qon is eya ilahapi.

33 Unkan wihiyayedan oape isakpe, hehan maka kin owancaya otpaza, oape inapcinwanka hehanyan.

34 Qa wihiyayedan oape inapcinwanka, hehan Jesus hotankakiya panyehan; Eloi, Eloi, lama sabakthani, eya: Wakan-tanka mitawa, Wakantanka mitawa, tokeca elpemayaya he, eyapi kin he kapi.

35 Unkan en najinpi wanjikji he nahonpi qehan heyapi; Iho, Elias kipan.

36 Unkan wanji inyang ye ça, mini iyulhepe wan miniskuya en oputkan, qa can icam yatkekiye kta, qa heya; Hinnakahan po, Elias kun eyaku kta on hi kinhan wanunyakapi kta.

37 Unkan Jesus hotankakiya hotanin, qa taniya hiyuya.

38 Unkan tipi wakan cokaya ozanpi qon he owangya okinaldece ça, wankan tanhan qa kun ihanke kin aiyahdeya.

39 Unkan akicita opawinge wicayuhe cin iyotakons najin, he hecen pan qa taniya hiyuya wan-yaka, hehan heya; Awicakehan wicašta kin de Wakantanka Cinhintku kin hee.

40 Nakun winohinca itehan tanhan wanyag yukanpi; Mary Magdalene, qa Mary, Jakob cistinna qa Joses hunku kin, qa Salome, hena opapi.

41 Galile en un qon he ehan ihakam unpi qa okiyapi ece kin hena eepi, qa nakun winohinca

toktokeca kici Jerusalem en hipi qon.

42 Unkan wanna hitayetu, Ihdu-wiyeyapi kta anpetu, anpetu wakan kin itokam anpetu kin hee, heon,

43 Joseph, Arimathea etanhan, wope aiekuyapi owotanna, qa nakun Wakantanka tokiconze kin ohinniyen ape un kin he u, qa waditagya Pilate en ye ça, Jesus tancan kin kida.

44 Unkan wanna ta hecinhan Pilate yušinyaya; heon akicita opawinge wicayuhe cin he kico, qa wanna wanakaja tanhan ta hecinhan he iwanga.

45 Unkan akicita opawinge wicayuhe cin he ecen okiyaka, hehan tancan kin Joseph qu.

46 Unkan he minihuha ska wašte opeton, qa tancan kin kun eyaku, qa minihuha ska kin iyapemni, qa wicahapi ohdoka wan imnija en kagapi, hc en ohnaka, qa inyan tanka wan wicahapi ohdoka i kin en eonpa.

47 Unkan Mary Magdalene qa Mary Joses *hunku* kin hena tukten hnakapi kin he wanyakapi.

WICOWOYAKE 16.

1 Unkan anpetu wakan kin wanna owihanke, hehan Mary Magdalene, qa Mary Jakob *hunku*, qa Salome hena tancan kin sdayapi kta on pejihuta waštemna aupi:

2 Unkan anpetu tokaheya hanlianna hinca, wicahapi ohdoka kin en hipi, wanna wi hinanpa hehantu.

3 Unkan hekiciyapi; Tuwe wicahapi ohdoka i kin etanhan inyan kin yutokan iyeunkiciyapi kta he.

4 Unkan ekta etonwanpi, hehan inyun, inyan kin wanna yutokan iyeyapi; he tanka hinca.

WICOWOYAKE 16.

5 Unkan wicahapi ohdoka kin mahen ipi, hehan koška wan etapa eciyatanhan iyotanka, wokoyake ska hanska koyaka, he wanyakapi; unkan yušinyayapi.

6 Tuka iye hewicakiya; Ihnuhan niyušinyayapi kinhan; Jesus Nazareth etanhan, icipaweh okatanpi qon he oyadepi; wanna ihduekicetu; den wanke šni; tukten hnakapi qon he wanyaka po.

7 Tuka niš hda po, qa waonspewicakiye cin, qa Inyan nakun, nitokam Galile ekta ye kta, heciya wanyahdakapi kta, eniciyapi qon iyececa, he owicakiyaka po.

8 Unkan hecen koyahanna hdicupi, qa wicahapi ohdoka kin etanhan najica kihdapi; nina cancanpi qa yušinyayapi; qa tuwedan takudan eciyapi šni, inihanpi nakaeš.

9 Unkan anpetu wakan anpetu tokaheya hanhanna hinca, *Jesus* ihduekicetu hehan, Mary Magdalene, etanhan taku wakan šica šakowin elpekiciye ciqon, he tokaheya en taniničiya.

10 *Hehan* iye hde ça, tona om un qon iyokišicapi qa ceya yukanpi kin owicakiyaka.

11 Unkan hena, wanna kini, qa he wanyaka keya ohdoka nahonpi ešta, wicadapi šni.

12 Hehan iyohakam etanhan wicašta nom makoce ekta ici-

mani yapi, hehan icunhan en taniničiya.

13 Hena unmapi kin hoši wicakakipi, tuka nakun wicadapi šni.

14 He iyohakam akewanjipi wota iyotankapi icunhan en taniničiya, qa wacetunhdapi qa cante sutapi on iyopewicaya; kini iyohakam tona wanyakapi kin heepi kaeš wicawicadapi šni heon.

15 Unkan hewicakiya; Maka kin owancaya ya po, qa wicašta otoiyo hi wotanin wašte kin owicakiyaka po.

16 Tuwe wicada qa baptem qupi kinhan he ni kta; qa tuwe wicada šni kinhan he yacopi kta.

17 Qa tona wicadapi kin hena wowapetokeca dena yuhapi kta; Micaje kin on taku wakan šica tankan elpeyapi kta; wicaceji tokeca on iapi kta;

18 Sintelida yuwankan icupi kta; qa pejihuta šica yatkanpi ešta etanhan itokecapi kte šni; wayazankapi kin nape awicahnakapi kta, kinhan asnipi kta ece.

19 Hecen Itancan kin owicakiya, hehan mahpiya ekta eyakupi, qa Wakantanka etapa eciyatanhan kiyotanka.

20 Unkan hena iyayapi, qa owancaya woyakapi; qa Itancan kin wicohan tanka econwicakiye cin on wicoie kin yuecetu ece. Amen.

LUKAS

WOTANIN WAŠTE TAWA.

WICOWOYAKE 1.

1 Taku tona ceṭunhdašniyan wicaundapi kin hena wicota hdaheya oyag utapi ;

2 Tona otokahe ehantanhan išta on wanyakapi qa wicoie oyakapi ece kin hena token unkokiyakapi qon he iyececa :

3 Heon etanhan miš eya, taku kin hena owasin otokahe hinca ehantanhan tanyan owakalinige cin on, Taku Wakan waštedaka iyotan wašte, hena hdaheya wuwapi cicage kta iyomakipi.

4 Hecen taku onspeniciyapi qon hena wicakapi e tanyan sdonyaye kta.

5 Herod Juda wicaštayatapi taanpetu kin en wawayušna wan Zacariyas eciyapi, Abia optaye kin hetanhan ; qa tawicu kin iš Aaron cunwintkupi kin etanhan ; unkan he Elisabeth eciyapi.

6 Hena sakim Wakantanka itokam owotanpidan, qa Itancan tawoahope qa wicoope tawa kin owasin omanipi, iyaonpepica šni unpi.

7 Unkan Elisabeth hokšın yuhe šni un, qa hecen cinca nicapi ; unkan sakim wanna kanpi.

8 Unkan iye optaye kin ohna wošna wicoħan kin Wakantanka itokam econ eca,

9 Tipi wakan Itancan tawa kin timahen iyaya eca, waazintonpi econ šipi ece, wošna wicoħan econpi kin eciyatanhan.

10 Unkan waazintonpi icunhan,

oyate kin owasin itankan cekiya hiyeya.

11 Unkan Itancan taohnihde wan en taniniçiya, qa wahna azintonpi kin etapa tanhan hinajin.

12 Unkan Zacariyas he wan-yake çehan, wacin iyokišice çawakokipe hinca.

13 Tuka ohnihde wakan kin heciya ; Wakokipe šni wo, Zacariyas ; wocekiye nitawa kin nahonpi ; qa nitawin Elisabeth hokšidan wan niciyuhe kta, unkan he Johannes eya cašyakiton kta.

14 Qa he on wowiyuškin wopida ko duhe kta, qa tonpi kin on wicota iyuškinpi kta.

15 Qa iye Itancan kin itokam tanka kta ; qa miniša miniwakan ko takudan yatke kte šni ; qa hunku ikpi kin etanhan Woniya Wakan kin on ojudan kta.

16 Unkan iye Israel cinca kin wicota Itancan Wakantanka tawapi kin ekta wicayahomni kta.

17 Qa Elias toksape qa towašake kin yuha itokam ye kta, qa atewicayapi cincawicayapi kin kici cante wicayuokonwanjidan, qa wanahonpi šni kin hena owotanna unpi wicoksape kin ekta wicayuhomni kta ; qa oyate wan Itancan on ihduštanpi kin wiye-ya kicihnake kta e heon etanhan.

18 Unkan Zacariyas ohnihde wakan kin heciya ; Wanna wimacahinca, qa mitawin wanna kan ; hecen taku on de sdonwaye kta he.

WICOWOYAKE 1.

19 Unkan ohnihde wakan kin waayupte ça heciya; Gabriel, Wakantanka itokam najin kin he miye; qa ociciye ça, wotanin wašte kin de sonyeciciye kta e u mašipi.

20 Unkan iho, mioie kin tohan iyehantu kinhan yučetupi kte cin he wicayada šni kin he on, tohanyan yučetupi šni kin hehanyan, ie šni, qa ia okitpani yaun kta ce.

21 Unkan oyate kin Zacariyas ape hiyeje, ça tehan tipi wakan kin ohna yanke cin on etanhan inihanpi.

22 Unkan tankan hdiçu qehan, owicakiye kte cin okitpani: unkan namwicakicawin, qa ie šni un; on etanhan tipi wakan kin ohna taku wakan wanji wanyaka e iyukcanpi.

23 Unkan wicoľian econ ece kin anpetu kin wanna ihunnikiya, hehan iye ti kin ekta kihda.

24 Unkan anpetu kin hena iyohakam tawicu Elisabeth hokšin itpihnaka; unkan wi zaptan hehanyan inahbe, ça heya;

25 Anpetu kin en, Itancan kin wicašta kin taku i en mahdepi qon he emiciyaku kta on ahimatonwe cehan, decen ecamicon ce.

26 Unkan wi isakpe kin en, Gabriel ohnihde wakan kin Wakantanka etanhan u šipi; Galile ekta, otonwe wan Nazareth eciyapi kin hetu;

27 Wikoška wan wicašta wan Joseph eciyapi, Dawid wicowazi tawa kin etanhan, yuze kte cin he ekta; unkan wikoška kin Mary eciyapi.

28 Unkan ohnihde wakan kin he en hi qa heciya; Wiyuškin wo, wašteya yaun kin; Itancan kin niciun, winolinca owicapeya niye niyawaštepi ce.

29 Unkan he wanyake cehan, oie kin on inihan, qa okiyapi kin de taku kta hecinhan he awacin un.

30 Unkan ohnihde wakan kin heciya; Mary, wikope šni wo; Wakantanka ekta wowašte iye-yaya.

31 Qa iho, hokšin itpiyahnake ça hokšidan wan yaton kta, qa Jesus eya cašyakiton kta.

32 Iye tanka kta, qa Iyotan Wankantu kin Cinhintku kin eciyapi kta; qa atkuku Dawid tohe kin Wakantanka Itancan kin hduhekiye kta.

33 Qa Jakob ti kin he ohinnian idake kta; qa wokiconze tawa kin okiciwihanke kte šni ce, eya.

34 Hehan Mary ohnihde wakan kin heciya; Wicašta sonye šni waun kin heon, de token on iyecetu kta he.

35 Unkan ohnihde wakan kin waayupte ça heciya; Woniya Wakan kin en niu kta, qa Iyotan Wankantu towašake kin aohanziniye kta, qa hecen taku wakan wan yaton kte cin he Wakantanka Cinhintku kin eciyapi kta.

36 Unkan inyun, Elisabeth ičepanšiyaye cin, he wakanka tu-ka is eya wanna hokšin itpihnaka ce, qa hokšin yuhe sni eciyapi qon, he wanna wi kin de isakpe.

37 Wakantanka ekta taku okihipica šni wanica ce.

38 Unkan Mary heya; Itancan ookiyemaye cin wanmayaka we; mioie kin iyecen ecamiconpi nunwe. Hehan ohnihde kin elipeya kihda.

39 Unkan anpetu kin hena en Mary inajin, qa koyahanna hoški makoce kin, Juda otonwe wan ekta iyaya :

LUKAS.

40 Qa Zacariyas ti kin en tin iyaye, ça Elisabeth okiya.

41 Unkan Elisabeth Mary ia nahon qehan, itpi mahen hoksiyoqopa kin shehanhan; hehan Elisabeth Woniya Wakan kin ojudan :

42 Qa hotankakiya hotanin, qa heya; Winolinca opeya niye niyawaštepi, qa niitpi kin etanhan icage kte cin he yawaštepi ce.

43 Qa Itancan mitawa hunku kin ekta mahi kte cin de token kapi he.

44 Inyun, iyae cin noge iyolipemaye çehan, hecehnana miipti mahen hoksiyoqopa kin wowyuŝkin on shehanhan.

45 Unkan tuwe wicada qon he yawaštepi: Itancan kin taku eciye ciqon hena ecen yuŝtanpi kta ce, eya.

46 Unkan Mary heya; Minagi kin Itancan kin yatan;

47 Qa mitaniya kin he Wakantanka Wanikiya mitawa kin on iyuŝkin ece.

48 Taokiye kuya un kin ekta ahimatonwan on etanhan inyun, detanhan wicoicage kin owasin yawaštepi emakiyapi kta ce.

49 Tuwe waŝake cin he taku hinca ecamicon; unkan caje kin wakan ce.

50 Tona kokipapi kin hena wicoicage qa wicoicage kin onŝiwicakida ece.

51 Iye isto kin on wowaŝake hdutanin; witantanpi kin hena taku cante mahen wacinyuzapi kin en wicayumdeca.

52 Waŝakŝakapi kin oyanke etanhan kun hdicuwicaye ça, kuya unpi qon hena wankan wapa awicaya.

53 Wotektehdapi kin hena taku wašteŝte on imnahanwicaye,

ça wijicapi kin iŝ cokakadan tokan yewicaŝi.

54 Iye towaonŝida kiksuye cin on taokiyeye cin Israel he iciya ece.

55 Hunkakewicunyanpi owicakiye ciqon iyececa, Abraham iye cinca kin om, owihanke wanica.

56 Unkan wi yamni ecetu hehanyan Mary Elisabeth kici un, qa hehan iye ti ekta kihda.

57 Elisabeth cinca ton kte cin wanna iyehantu; unkan hoksidan wan ton.

58 Unkan ikiyedani unpi kin hena, içepanwicaye cin koya, Itancan kin nina onŝikida nahonpi; hecen kici iyuŝkinpi.

59 Unkan anpetu iŝahdogan qehan, hoksiyoqopa kin baŝidayapi kta on hipi; unkan atkuku Zacariyas caje kin he icajekiyapi.

60 Unkan hunku kin waayupte ça heya, Hiya; tuka Johannes eciyapi kta.

61 Unkan heciyapi; Takuwicayaye cin tuwedani hecen eciyapi ŝni ce.

62 Unkan atkuku kin iŝ token eya cajeyate kta hecinhan, he iyuteya iwangaŝi.

63 Unkan iŝ wowapi akan kagapi wan da, qa; Johannes he caje kin ee ce, eya owa. Unkan owasin inihanpi.

64 Unkan hecehnana i kin yukawapi, qa ceji kin kiyuŝkapi; unkan ie, ça Wakantanka yatan.

65 Unkan okŝan tipi kin owasin wikopapi: unkan iapi kin dena owasin Juda hoŝki kin owancaya yaotaninpi.

66 Unkan tona nahonpi kin owasin cante mahen awacin unpi, qa heyapi; De taku hoksiyoqopa kta he. Unkan Wakantanka nape kin he kici un.

WICOWOYAKE 2.

67 Hehan atkuku Zacariyas Woniya Wakan ojudan, qa wockean qa heya ;

68 Itancan Wakantanka Israel tawa kin he taoyate kin wanna wicahiyohi, qa opewicakiton, on etanhan yawaštepi nunwe :

69 Taokiye Dawid ti kin en wanikiyapi he wan yuwankan eunkicihdepi ce :

70 Maka kin tokaheya icage cin ehantanhan, wicašta wokcan wakan tawa ipi kin eciyatanhan, oie kiton kin hena iyecetu :

71 Hecen tokaunyanpi qa unkiyušepi kin hena napepi kin etanhan niunkiyapi kta ;

72 Wowaonšida hunkakewicunyanpi cajewicakiyate ciqon, he ecen econ kta, qa wokiyapi wakan tawa kin he kiksuye kte ;

73 Abraham ateunyanpi kin he taku wakanyan eciye ciqon he hee kta ce ;

74 Decen ionsiunkidapi kta, tona tokaunyanpi nape kin etanhan unkiyušpapi kinhan, wokokipe codan ohoundapi kta,

75 Iye itokam, wicoowotanna qa wicoecetu kin en, tohanyan unnipi kin hehanyan.

76 Qa niye, hokšiyogopa, Wicašta wokcan Iyotan Wankantu tawa kin eniciyapi kta ; Itancan tacanku kin wiyeya yecage kta on ite kin itokam de kta ;

77 Taoyate woahitani wicakicicajujupi kin eciyatanhan wanikiyapi sdoniyapi kte cin he wicayaqu kta ;

78 Wakantanka unkitawapi canteunkiyapi kin heon etanhan ; qa heon wankan tanhan anpao kin hiyounhipi ce ;

79 Hecen otpaza qa wiconte ohanzi kin ehna iyotankapi kin hena iyoyamwicaye kta ; qa unsihapi kin wookiye canku kin ohna unkayapi kta ce, eya.

80 Unkan hokšiyopa kin icage, ca tawacin kin wašaka aya ; unkan Israel en taniničiye kte cin hehanyan, makoskan en ece un.

WICOWOYAKE 2.

1 Unkan anpetu kin hena en, Kesar Augustus, maka kin owancaya wicašta owicawapi kta, wakiconza.

2 Kurenios Suria en wicaštayatapi yanke cin he ehan tokaheya owicawapi kin de yušanpi.

3 Unkan owasin toketken tonwanyanpi qon owicawapi kta e ektakta kipi.

4 Unkan Joseph, Dawid ti qa wicowazi tawa kin hetanhan, heon is eya, Galile en Nazareth otonwe kin etanhan ye ca, Bethlehem Dawid totonwe kin ekta ki ;

5 Mary tawicuye kte cin he kici owapi kta ; he wanna cinca ton kta ikiyedan.

6 Unkan hen yukampi kin icunhan, anpetu en cinca ton kte cin wanna iyehantu.

7 Hecen einhintku tokapa kin ton, qa šina on hduškite ca, wanunyanpi en wotapi wan en ohnaka ; timahen owicakan šni heon etanhan.

8 Unkan makoce kin he en tahincaska awanwicayakapi kin heca hanyen optaye tawapi kin awanwicahdakapi.

9 Unkan iho, Itancan taohnihde wan en wicahi, qa Itancan tawookitanin kin ohomni iyojanjanwicaya ; unkan nina wikopapi.

10 Unkan ohnihde wakan kin hewicakiya ; Wikopapi šni po ; iho, wopida tanka wootanin wašte oyate kin owancaya ecen ye kte cin, he eca hoši cicahipi ce.

11 Anpe dehan Dawid totonwe

LUKAS.

kin en Wanikiya wan nicitonpi, Messiya Itancan kin he hee.

12 Qa on sdoniyayapi kte cin he dee; Hoksiyoqopa kin sina on yuskiskitapi qa wanunyanpi en wotapi wan ohna wanka iye-yayapi kta ce.

13 Unkan ihnuhanna mahpiya ekta unpi kin wicota ohnihde wakan kin kici hiyeya, Wakan-tanka yatanpi qa heyapi;

14 Iyotan wankantu ekta Wakantanka wowitan yuha nunwe, maka akan wookiye qa wicašta ekta wicokiciyuwašte.

15 Unkan mahpiya ohnihde kin hena ehpeya wicakiyahdapi qehan, wicašta tahincaska awan-wicayakapi kin hekiciyapi; Wanna Bethlehem ekta unyanpi, qa taku hiyohi Itancan unko-kiyakapi kin de wanunyakapi kta ce.

16 Hecen koyahanna upi, qa Mary Joseph kici, qa hoksiyoqopa kin wanunyanpi en wotapi wan ohna wanka iyeyapi.

17 Unkan wanyakapi qehan, hoksiyoqopa kin on iapi nahonpi qon, he owancaya yaotaninpi.

18 Unkan tahincaska awanwicayakapi taku yaotaninpi kin he tona nahonpi kin owasin yușin-yayapi.

19 Tuka Mary wicoie kin dena owasin cante mahen okihnake ca awakicin un.

20 Unkan tahincaska awanwicayakapi kin hena kihdapi, qa taku nahonpi qa wanyakapi kin on Wakantanka yaonihanpi qa yatanpi; taku owicakiyakapi qon he iyececa.

21 Unkan wanna anpetu isa-hdogan, hoksiyoqopa bahdayapi kta hehan JESUS eciyapi; nahahin itpihnakapi sini he ehan mahpiya ohnihde kin hecen cașton.

22 Unkan Moses woope kage cin iyecen, anpetu en ihdukașote kte sini hena wanna henakeca, hehan Itancan kin qupi kta e Jerusalem ekta hdoupi.

23 Itancan woope tawa kin en owapi qon iyececa; Tona toka-papi, wica eca, otoiyo hi Itancan kin ekta wakan eciyapi kta ce.

24 Qa nakun wawayușnapi kta, token Itancan toope kin en eyapi qon he iyececa; Wakiyedantawanjidan, qa is wakiyedancinca nonpa ce.

25 Unkan iho, Jerusalem en wicašta wan Simon eciyapi; he wicašta owotanna qa cekiya ece kin heca, qa Israel Wokicanpte kin ape un; unkan Woniya Wakan kin kici un.

26 Unkan he te sini itokam Itancan Messiya tawa kin he wanyake kta, Woniya Wakan kin okiyaka.

27 He Woniya kin on tipi wakan kin en tin hiyu; unkan hunkakewicaye cin hoksiyoqopa Jesus, wicoope kin eciyatanhan ecakiconpi kta e en hdoupi;

28 Hehan adoksohan yuze, ca Wakantanka yawašte, qa heya;

29 Mayuha, nitaokiye kin wanna wookiye yuha iyayeyaye kta;

30 Wowanikiye nitawa kin he miista kin on wanmdaka ce;

31 Oyate kin owasin wicitokam wiyeya yehnake cin he;

32 Ojanjan wan oyate kin aojanjanwicaye kte cin, qa nitao-yate Israel wookitanin kin, he hee ce, eya.

33 Unkan taku eciyapi kin hena on hunku qa Joseph yușinyayapi.

34 Unkan Simon wicayawašte, qa hunku Mary heciya; Inyun, Israel en wicota kicahanpi, qa ake inajinpi kte cin on hoksiyopa kin de ehdepi, qa nakun

WICOWOYAKE 3.

wowapetokeca ienhdepi kte cin ee kta ;

35 Qa nakun mazasagye wan on nitaniya kin canipapi kte ; qa hecen wicacanteoze ota yuotaninpi kta ce, eya.

36 Unkan waayate wanji Anna eciyapi, Phanuel cunwintku, qa Aser wicowazi kin etanhan ; he wanna wakanka hinca, qa hihnaton kin etanhan waniyetu šakowin hehanyan hihnaku kici un :

37 Qa he wanna wiwazica, waniyetu wikcemna šahdogan sanpa topa ecetu, qa tipi wakan kin en ece un, qa wote šni unpi wočekiye eya ahna on ohoda ece.

38 Unkan he hehantudan hin en u, qa is eya Itancan kin yantan, qa Jerusalem en tona opewicakitonpi kin ape unpi kin hena owasin Jesus cajewicakiyata.

39 Unkan Itancan wicoope tawa kin owasin ecekcen yuštanpi qehan, Galile en iye otowe tawapi Nazareth he ekta kihdapi.

40 Unkan hokšiyopa kin icage, ça woniya kin en wašaka aye, ça wicoksape kin on ojudan ; unkan Wakantanka towašte kin he kici un.

41 Woacakšin wotapi eca, hunkakewicaye cin waniyetu towanakeca Jerusalem ekta ipi ece.

42 Unkan Jesus wanna waniyetu akenonpa, hehan wotapi wicohan kin iyececa, Jerusalem ekta ipi.

43 Unkan anpetu kin yuštanpi qehan, hdicupi, tuka hokšiyopa Jesus hekta Jerusalem en yanka ; tuka hunku Joseph kici he sdonyapi šni.

44 Tuka ptaya hdapi kin en opa kecinpi, hecen anpetu wan-

jidan iyooptapi, qa takuwicayapi kici sdonkiciyapi ko wicehna okidepi.

45 Qa iyeyapi šni, hehan Jerusalem ekta ake icicawin akin ipi.

46 Unkan yamni can, hehan tipi wakan kin en waonspekinyapi kin wicacokam waanawicagoptan, qa wiwicawanh yanka iyekiyapi.

47 Unkan wacin ksape cin, qa waayupte cin tona nahonpi qon owasin inihanpi.

48 Unkan wanhdakapi qehan yušinyayapi ; qa hunku kin heciya ; Cinš, tokeca decen unko-yakihandapi he ; iho we, niyate kici wacin iyokišinya ocide ce.

49 Unkan hewicakiya ; Tokeca omayadepi he : Atewaye cin wicohan tawa kin he ito owecipe kta kecannipi šni he.

50 Unkan taku ewicakiye cin he okahnigapi šni.

51 Hecen om hde, ça Nazareth ekta ki, qa anawicakigoptan un. Unkan hunku kin wicoie kin dena owasin cante mahen yuha un.

52 Unkan Jesus sanpa ksape ça hanska icaga ; qa Wakantanka wicašta ko ekta waštadakapi.

WICOWOYAKE 3.

1 Unkan Tiberius Kesar wicaštayatapi un waniyetu iakezaptan, Pontius Pilate Juda en itancan, Herod Galile en itancan, qa iye sunkaku Philip Itureya qa Trakonitos en itancan ;

2 Qa Annas Kaiaphas kici wošna kaga itancanpi qon he ehan, hewotahedan ekta, Johannes Zacariyas cinhintku kin Wakantanka oie kin hiyohi.

LUKAS.

3 Unkan he Jordan kahda ma-koce kin owancaya en u, qa woah̄tani kajujupi kta on iyopeiçiyapi baptem wicaqupi kin he oyaka:

4 Wicašta wokcan Isaya oie wowapi kin en owapi qon he iyececa; Wicaho wan tuwe makotahedan ekta heya niyan; Itancan tacanku kin wiyeya kicaga po, ocanku tawa kin kiciyuowotan po:

5 Kaksiza owasin ojuyapi, qa heyaka paha ko owasin kahukun iyeyapi kta, qa pakşiksan kin hena yuowotanpi, qa ocanku tahtage cin hena yumdayapi kta ce;

6 Qa wicacehpi kin owasin Wakantanka wowanikiye kin wanyakapi kta ce.

7 Unkan wicota baptem wicaqu kte cin en ahi kin hena hewicakiya; Wamduška wicoicage kin, tuwe wocanniye u kte cin etanhan nape nišipi he.

8 Hecen iyopeiçiyapi iyececa waskuyeca icahya po, qa, Abraham ateunyanpi ce, cante mahen ecinpi šni po; miye heciçiyapi; Wakantanka inyan kin dena etanhan Abraham cinca kicage kta okihi.

9 Unkan is̄ eya onspe kin wana can hute kin en ehnakapi; heon etanhan can kin tona waskuyeca wašte aicage šni kin hena owasin kawankapi qa petan ehpeyapi ece.

10 Unkan oyate kin, Hehan unkiye token econkupi kta he, eya iwangapi.

11 Waayupte ça hewicakiya; Tuwe onhdohda nonpa yuhe cinhan, he tuwe nice cin unma qu kta; qa tuwe woyute ton kinhan, is̄ eya ecen econ kta ce.

12 Hehan wamnayanpi kin is̄ nakun baptem wicaqu kta on en

hipi qa heciyapi; Waonspekiye, unkiye token econkupi kta he.

13 Unkan hewicakiya; Wakiçonzapi kin isanpa kicapi šni po, eya.

14 Unkan akicita kin is̄ eya wiwangapi qa heciyapi; Qa unkiš token econkupi kta he. Unkan hewicakiya; Wicašta kin tuwedan wakokipe kicagapi šni, qa tuwedan oitonšniyan taku iyaonpapi šni po; qa wokajuju niçu-pi kin he on cante wašte po.

15 Unkan oyate kin owasin wakta hiyeya, qa wicašta owasin Johannes on awacinpi, he Messiya kin hee, qa is̄ hee šni hecinhan;

16 Hehan Johannes waayupte ça owasin hewicakiya; Awicakehan mini on baptem ciçupi; tuka wanji mikapeya wašaka u, he iye tahanpe hankpan kin weciyuške kta iyemacece šni; he qe Woniya Wakan peta ko on baptem niçupi kta.

17 He iye wicaduge nape ohna hduhe, ça owanka tawa kin tanyan hduska kta; qa aguyapi su kin he tpahi, qa canwohnaka kin en okihnake kta; tuka ha kin e peta kasnipica šni wan on hulinahye kta ce, eya.

18 Unkan wahokonwicakiyecin en taku toktokeca nakun ota oyate kin owicakiyaka.

19 Unkan Herod wicašta itancan kin, iye sunkaku tawicu Herodias hee on, qa taku šica Herod econ kin owasin on iyopeya;

20 Hecen taku owasin sanpa akicage ça, wicakaška tipi kin en Johannes kaška hnaka.

21 Unkan oyate kin owasin baptem wicaqupi, qa Jesus is̄ eya baptem qupi, qa cekiya un qehan, mahpiya kin yuzamnipi;

22 Qa Woniya Wakan kin wakiyedan kahya tantonyan kun u,

WICOWOYAKE 4.

qa en iyahan; unkan mahipiya eciyatanhan wicaho wan hiyu, qa heya; Micinksi waštewakidake cin he niye; niye on iyo-makipi linca.

23 Unkan Jesus iye wanna waniyetu wikcemna yamni kta, Joseph cinhintku kin hee kecinpi, he Heli etanhan,

24 He Matthat etanhan, he Lewi etanhan, he Melki etanhan, he Janna etanhan, he Joseph etanhan,

25 He Mattathias etanhan, he Amos etanhan, he Naum etanhan, he Esli etanhan, he Nagge etanhan,

26 He Maath etanhan, he Mattathias etanhan, he Seme etanhan, he Joseph etanhan, he Juda etanhan,

27 He Joanna etanhan, he Resa etanhan, he Zorobabel etanhan, he Salathiel etanhan, he Neri etanhan,

28 He Melki etanhan, he Addi etanhan, he Kosam etanhan, he Elmodam etanhan, he Er etanhan,

29 He Jose etanhan, he Eliezer etanhan, he Jorim etanhan, he Matthat etanhan, he Lewi etanhan,

30 He Simeon etanhan, he Juda etanhan, he Joseph etanhan, he Jonan etanhan, he Eliakim etanhan,

31 He Melea etanhan, he Menan etanhan, he Mattatha etanhan, he Nathan etanhan, he Dawid etanhan,

32 He Jesse etanhan, he Obed etanhan, he Booz etanhan, he Salmon etanhan, he Naasson etanhan,

33 He Aminadab etanhan, he Aram etanhan, he Esrom etanhan, he Phares etanhan, he Juda etanhan,

34 He Jakob etanhan, he Isaak etanhan, he Abraham etanhan, he Thara etanhan, he Nacor etanhan,

35 He Seruk etanhan, he Ragu etanhan, he Phalek etanhan, he Eber etanhan, he Sala etanhan,

36 He Kenan etanhan, he Arphaksad etanhan, he Sem etanhan, he Nowa etanhan, he Lamek etanhan,

37 He Mathusala etanhan, he Enok etanhan, he Jared etanhan, he Maleleel etanhan, he Kanan etanhan,

38 He Enos etanhan, he Seth etanhan, he Adam etanhan, he Wakantanka etanhan.

WICOWOYAKE 4.

1 Unkan Jesus Woniya Wakan kin ojudan, Jordan eciyatanhan hdi; qa Woniya kin makotahe-dan ekta iyayeya;

2 Anpetu wikcemna topa hehanyan Wakansica wawiyutan-yan. Unkan anpetu kin hena en takudan yute sni; tuka hena ihunniyan hehan wotektehda.

3 Hchan Wakansica heciya; Wakantanka Cinhintku kin he niye hecinhan, inyan kin de aguyapi icage kta, keya wo.

4 Unkan Jesus waayupte ca heciya; Aguyapi ecedan on wicani kte sni; tuka Wakantanka oie kin owasin on *wicani* kta ce; eya owapi ce.

5 Hehan Wakansica paha wan tehanwankantu ekta aye ca, wancake maka wokiconze kin owasin kipazo.

6 Unkan Wakansica heciya; Wicowašake kin de wicookitan-in ko owasin ciçu kta; hena owasin yuhemakiyapi, qa tuwe wacin kinhan waqu kta.

7 Heon etanhan niš mitokam

makata ehpeniçiye cinhan, owasin nitawa kta ce.

8 Unkan Jesus waayupte ça heciya ; Satan, mitapetepa tanhan ya wo : Itancan Wakantanka nitawa kin, he iye itokam makata ehpeniçiye kta, qa iye isnana ahoyape kta ce, eya owapi ce.

9 Hehan Jerusalem ekta abi, qa tipi wakan inkpa kin akan ehde, qa heciya ; Wakantanka Cinhintku kin he niye hecinhan, hetanhan kun ehpeiçiya wo.

10 Kaken wowapi en kagapi qon ; Ohnihdewicaye cin hena niye on econ wicaşi, niyuhapi kta ;

11 Qa napepi kin ohna yuwankan niyuzapi kta ; qa hecen tukten inyan kin en siha ibonito kte şni, eya owapi ce, eya.

12 Unkan Jesus waayupte ça heciya ; Itancan Wakantanka nitawa kin he iyutanyaye kte şni ce, eya owapi qon.

13 Unkan Wakanşica wowiyutanye kin owasin yuştan qehan, tona can ehpeya kihda.

14 Hehan Jesus Woniya towaşake kin yuha Galile en hdi ; unkan ihdukşan makoce wanke cin owancaya he oyakapi.

15 Unkan omniciye tipi tawapi kin ohnahna waonspekiya ece, hecen owasin yuonihanpi.

16 Unkan Nazareth en icahyapi qon he ekta hdi ; qa econ ece kin he iyecen, anpetu wakan icunhan, omniciye tipi kin en tin iyaye ça, wowapi yawa kta inajin.

17 Unkan Isaya wicaşta wokcan tawowapi kin qupi. Unkan wowapi kin yumdaye çehan, decen owapi kin iyeya ;

18 Itancan Woniya tawa kin he akan maun ; heon walhaniçapi kin wotanin waşte kin owi-

cawakiyake kta e sdamakiya ; tona çante psakawahanpi kin asniwicawaye kta on u maşi ; wayaka unpi kin wicakiyuşkapi kta, qa işttagongapi kin ake tonwanpi kte cin omdake kta ; tona kaşdehdecapi kin hena wicawakiyuşke kta ;

19 Qa Itancan omaka oiyokipi tawa kin omdake kta ce.

20 Unkan wowapi kin ecen eyaku, qa ookiye kin he kicu. qa iyotanka. Unkan omniciye tipi kin ohna hiyeye cin owasin opahitapi.

21 Unkan hehan hewicakiya ; Anpetu kin de ninogepi kin en wowapi kin de yuecetupi ce.

22 Unkan owasin yaotaninpi, qa wowaonşida oie iye i kin etanhan inanpe cin on yuşinyayapi ; qa heyapi ; Joseph cinhintku kin he dee şni he.

23 Unkan hewicakiya ; Awicakehan iapi kin de ecen emayakiyapi kta ; Niye pejihuta wicaşta kin, asniçiya wo : Kapernaum ekta token ecanon naunhonpi kin, makoce nitawa kin den ukun ecen econ wo.

24 Unkan heya ; Awicakehan heciyapi ; Wicaşta wokcan tuwedan iye tamakoce kin en iyowinkiyapi şni ece.

25 Tuka awicakehan heciyapi ; Elias taanpetu kin en, waniyetu yamni sanpa wi şakpe hehanyan maşpiya kin natakapi ; qa makoce kin owancaya wicakihan hince ciqon he ehan, Israel en wiwazica ota.

26 Tuka hena wanjidani Elias ekta ye şipi şni ; Sidon en Sarepta otonwe kin en, winohinca wiwazica wan hecedan ekta ye şipi.

27 Nakun Elisha wicaşta wokcan ni un qehan, lepros ececa wicota Israel en unpi, tuka hena

WICOWOYAKE 5.

wanjidan yuskapi šni, Naeman Suriya wicašta kin heceedan ce.

28 Unkan omniciye tipi ohna hiyeye ciqon hena nahonpi qehan, owasin šihdapi hinca;

29 Qa najin hiyayapi qa otonwe kin itankan iyayeyapi, qa paha akan otonwe hdepi kin he matete ekta ayapi, qa kun ehpeyapi kta.

30 Tuka iye wicacokaya tanhan iyoopta iyaye ça kihda.

31 Qa Galile en Kapernaum otonwe kin he ekta hi, qa anpetu wakan eca waonspewicakiya ece.

32 Unkan waonspewicakiye cin on inihanpi; oie kin he wowaśake kicica nakaes.

33 Unkan omniciye tipi kin ohna wicašta wan wakan śica śapa woniya kin yuha; qa he hotankakiya hoyeya;

34 Qa heya; Hanta wo, Jesus Nazareth, niye qa unkiye taku unkiicapi he; ihangunya-yapi kta yahi he; Wakantanka Taku Wakan Wanji tawa kin he niye e sdonciya ce.

35 Unkan Jesus kiśice ça heciya; Inina un, qa wicašta kin etanhan tankan hinapa wo, eya. Unkan wakanśice cin wicašta qon wicacokam ehpeye cehan, etanhan tankan hinapa; tuka ksuweye šni.

36 Unkan owasin inihanpi, qa iyakitedan hekiciyapi; De taku oie kin; wicookihi wicowaśake ko on woniya śape cin econ wicaśi eca, tankan hinanpapi ece.

37 Unkan ihdukšan makoce wanke cin owancaya he oyakapi.

38 Unkan omniciye tipi kin etanhan hdicu, qa Šimon ti kin en tin iyaya. Unkan Šimon kunku kin he tancan wicakata ececa hinca; hecen on cekiyapi.

39 Unkan en inajin, qa tancan kata kin he kiśica; unkan asni hinhda: qa hecehnana najin hiyaye ça, owicakiya.

40 Unkan wi iyaya hehan, woyazan ocaje ota on wicayazan tona wicayuhapi kin hena en awicahipi; unkan otioyohi nape awicahnake ça asniwicaya.

41 Qa wakan śica iś eya ota wicota etanhan hinanpapi, qa heya niyanpi; Wakantanka Cinhintku Messiya kin he niye ce. Unkan iye wicakiśice ça, Messiya hee sdonyapi kin he, eyapi kta iyowicaki šni.

42 Unkan wanna anpao hinape cehan tokan iyaye, ça makotahehdan ekta ya; unkan oyate kin odepi, qa *yanke cin* ekta ahi, qa ehpeya iwicayaye kte cin iyana-ptapi.

43 Unkan hewicakiya; Wakantanka tokiconze kin otonwe toktokeca nakun ohna omdake kta; heon etanhan u mašipi ce.

44 Hecen Galile omniciye tipi kin hena ohnahna woyaka ece.

WICOWOYAKE 5.

1 Unkan oyate kin Wakantanka oie kin nahonpi kta e aohdu-teyapi qehan, Geneseret mde kin icahda inajin.

2 Qa mde kin en wata nonpa wanka wanyaka; tuka hokuwapi kin iś wanna tokan iyayapi, qa ho kin hdujajapi.

3 Unkan wata unma Šimon tawa kin he en ope ça, kitanna canan wapa iyayeye kta cin. Hehan en iyotanke ça, wata kin etanhan oyate kin waonspewicakiya.

4 Unkan wanna ayaştan qehan Šimon heciya; Mini śbe kin ekta iyaye ça ho kin minin iyohpeya wo.

5 Unkan Simon waayupte, ça heciya; Waonspekiye cin, han-yetu osan litaunnipi, qa takudan unktepi sni; tuka nioie kin on ho kin iyolipewaye kta ce.

6 Unkan heconpi qehan, hogan utkanna yuzapi; unkan ho kin papsakapi.

7 Unkan tawašitkupi wata unma en opapi qon hena nam-wicakicawinpi, en upi qa owicakiyapi kta. Unkan en lipi qa wata napin ojukiyapi, hecen iyujimnana hiyeya.

8 Unkan Simon Inyan he wanyake çehan, Jesus hupahu kin en makata ehpeiciye ça heya; Itancan, ehpeya imayaya wo, wicašta wałitani sa hemaca ce.

9 He iye qa tona om un qon hena hogan yuzapi kin on etanhan owasin inihanpi.

10 Unkan Jakob qa Johannes Zebede cinhintku kin hena oza, Simon tawašitkuwicaya, is eya inihanpi. Unkan Jesus Simon heciya; Wikope sni wo, detanhan wicašta kin wicaduze kta ce.

11 Unkan wata qon hutata ahdihunipi qehan, owasin ehpekiyapi, qa iyahna yapi.

12 Unkan otonwe wan en un qehan, iho, wicašta wan lepros eececa ĩinca, he Jesus wanyake çehan, ite makipuskin ehpeiciye ça, cekiye ça heya; Itancan, yacin kinhan mayaduska kta oyakih.

13 Unkan nape yekiye, ça yutan, qa heya; Wacin ce: ska un wo, eya. Unkan wancake lepros eececa qon asni ĩinħda.

14 Unkan tuwedan okiyake sni ši; tuka wawayušna kin ekta ye ça wanyagiciye kta, qa wanyuskapi kta on token Moses econ wicaši qon he ecen econ kta, keya; hecen wowicakiyake kta.

15 Tuka heon iyotan tankaya wicołian kin he oyakapi; hecen wicota en mniciyapi, nałonpi kta, qa wayazankapi wicayuhapi kin asniwicaye kte cin heon.

16 Hehan icunonpa makotahe-dan wan ekta ye ça wocekiye eya.

17 Unkan anpetu wan waonspewicakiya icunhan, Pharisee qa wicoope onspekiye cin hena, Galile otonwe kin owasin, qa Juda qa Jerusalem etanhan, en ahi kin hena en iyotankapi; unkan Itancan towašake kin asniwicaye kta e en un.

18 Unkan iho, wicašta wan țatake cin he owinja ohna wicašta yuha upi: qa timahen ayapi qa itokam ehnakapi kta akitapi.

19 Tuka wicota kin on token en aipi kte sni wanyakapi qehan, tipi akan inajinpi, qa akałpe yuħdokapi eciyatanhan cokaya Jesus itokam kun hiyuyapi.

20 Unkan wacinyanpi kin he wanyake çehan, heciya; Wicašta, wayałtani kin nicicajujupi ce.

21 Unkan wowapi kagapi qa Pharisee kin is waakinicapi qa heyapi; De tuwe e taku šica decen eya he. Tuwe wołitani kajuju kta okih he; Wakantan-ka ecedan okih.

22 Tuka tawacinpi kin Jesus iwicayukan, hehan waayupte ça hewicakiya; Taku e cante mahen ayakinicapi he:

23 Wayałtani kin nicicajujupi ce; qa is, Najin qa mani wo, eyapi kte cin unma tukte wašakadan he.

24 Tuka Wicašta Cinhintku kin he is maka akan wołitani kajuju kta okih sdonyayapi kta; hehan țatake cin he heciya; Najin qa nitowinja ehduku qa

WICOWOYAKE 6.

yati kin ekta lida wo, eciciya ce, eya.

25 Unkan wancake wicitokam najin hiyaye, ça akan wanke ciqon he ehdaku, qa iye ti kin ekta hde, ça Wakantanka yatan.

26 Unkan owasin inihanpi, qa Wakantanka yatanpi ; qa wiko-papi hince, ça heyapi ; Wicohan nakaka toktokeca wanunyakapi ce, eyapi.

27 Unkan taku kin dena iyohakam hetanhan ye, ça wamnayanpi kin heca wanji Lewi eciyapi, wamnayanpi oyanke kin en iyotankehan yanka e wan-yaka ; qa, Miyahna u wo, eciya.

28 Unkan taku owasin ehpeye ça, najin hiyaye ça, ihakam iyaya.

29 Unkan Lewi iye ti kin en wohanpi tanka kicaga ; unkan wamnayanpi kin is wicota, qa toktokeca nakun en opeya wotapi kta iyotankapi.

30 Tuka wowapi kagapi wicayuhapi qa Pharisee kin hena waonspewicakiye cin wicakigepi, qa heyapi ; Tokeca e wamnayanpi qa walitanipi sa om watatapi qa wadatkanpi ece he.

31 Unkan Jesus waayupte ça hewicakiya ; Tona zanipi kin hena pejihutawicašta cinpi šni, tuka wayazanpi kin.

32 Owotanpidan kin hena iyopeiciyapi kta e wicakico wahi šni, tuka walitanipi sa.

33 Unkan heciyapi ; Tokeca e Johannes waonspewicakiye cin hena ijehan wote šni unpi qa wocekiye eyapi he, qa Pharisee tawapi kin is eya ; tuka nitawa kin wotapi qa wayatkanpi ece.

34 Unkan hewicakiya ; Hihnaton ti kin cinca kin hena tawicun kin he is owicapeya un kin icunhan wote šni wicayakiyapi kta oyakihipi he.

35 Tuka anpetu kin u kta, en tawicu ton kin he ewicakiciyakupi kta ; hehan anpetu kin hena en wote šni unpi kta.

36 Unkan wiyacinpi wan owicakiyaka : Wicašta tuwedan šina teca onšpa šina tanike cin en akihdagye šni ece ; heconpi kinhan teca qon is yuhdeca ece, qa onšpa teca etanhan kin he tanike cin kicica šni ece.

37 Qa nakun wicašta tuwedan miniša teca ojuha tanike cin en okaštan šni ece ; heconpi kinhan miniša kin skepe kta, qa ojuha kin atakuni kte šni.

38 Tuka miniša teca kin he ito ojuha teca en ohnakapi kta ; qa sakim yutehanpi ece.

39 Is eya wicašta tuwedan miniša tanika wanna yatke ça, hehan hinnakaha teca cin šni ; Tanike cin eeš wašte ce, eya ece.

WICOWOYAKE 6.

1 Unkan anpetu wakan inonpa tokaheya, hehan wojupi kin ehna iyaya ; unkan waonspewicakiye cin is wahuwapa yuksapi, napopabagapi, qa yutapi.

2 Hehan Pharisee kin wanjikji hewicakiyapi ; Tokeca e anpetu wakan kin en taku iyowinwicakiyapi šni kin he eca ecen eanonpi he.

3 Unkan Jesus awicayupte ça heya ; Dawid token econ qon hee kaeš tohinni dawapi šni he ; iye qa tona om un qon wotektedapi qehan.

4 Wakantanka tipi tawa kin en tin iyaye, ça aguyapi taninyan ehnakapi, qa wawayušnapi kin iye isnana hetanhan yutapi kte cin iyowinwicakiyapi qon, he icu, qa yute, ça om unpi qon hena is eya hetanhan wicaqu.

5 Unkan hewicakiya ; Wicašta

Cinhintku kin is nakun anpetu wakan kin Itancan ce.

6 Unkan anpetu wakan tokeca wan omniciye tipi kin en tiu iyaye, ça waonspekiya: unkan wicašta wan nape etapa kin snija e en yanka.

7 Unkan wowapi kagapi qa Pharisee kin hena anpetu wakan icunhan asniye kta hecinhan he iwanyakapi, taku iyaonpapi kta akitapi.

8 Tuka iye tawacinpi kin sdonwicaya, qa wicašta nape snije cin he heciya; Najin qa cokaya inajin wo. Unkan najin hiyaye ça en inajin.

9 Unkan Jesus hewicakiya; Miš ito taku wanji iciwangapi kta; Anpetu wakan icunhan taku wašte, qa is taku šica econpi kta he; wanikiyapi, qa is wačeyapi kta, unma tukte hecetu he, eya.

10 Unkan itanihdukšan owasin awicatonwe čehan, wicašta qon heciya; Napé kin hdukatın wo. Unkan ecen econ; qa nape kin unma kin iyecen iyekicetu.

11 Unkan šihdapi hince, ça iye iyakitedan Jesus token ecakiconpi kta hecinhan he iwohdakapi.

12 Unkan anpetu kin hena en Jesus paha wan ekta wocekiye eya i; qa hanyetu osan Wakan-tanka cekiya un.

13 Unkan wanna anpa qehan, waonspewicakiye cin wicakico, qa etanhan akenonpa wicahdahniige ça, Wahošiyapi, ewicakiya.

14 Simon he Inyan nakun eya cašton, qa he sunkaku kin Andrew, Jakob qa Johannes, Philip qa Bartholomew;

15 Mattheos qa Thomas, Jakob Alpheus cinhintku, qa Simon nakun Zelotes eciyapi;

16 Qa Judas Jakob sunkaku, qa Judas Iskariot, nakun wiyo-peye kte cin hee.

17 Hehan hena om kun hdicu, qa makomdaya en hdinajin; unkan waonspewicakiye optaye kin, qa Juda owancaya qa Jerusalem, qa mde kahdaya Turos qa Sidon, henakiya etanhan wicota hince, hena ia nahonpi, qa tona wayazankapi kin asniwicayapi kta e en ahi:

18 Nakun tona woniya šapa on kakijapi kin hena; unkan asniwicayapi.

19 Unkan wicota kin iyuhpa yutanpi kta akitapi; etanhan wowašake hiyu qa owasin asniwicaya ece kin heon etanhan.

20 Unkan waonspewicakiye cin awicatonwe, ça heya; Niwahpanicapi kin niš niyawaštepi ce; Wakantanka tokiconze kin he niye nita wapi.

21 Dehan wotektayahdapi kin niš niyawaštepi ce; imnahannianpi kta. Dehan yaceyapi kin niš niyawaštepi ce; iyašapi kta.

22 Tohan wicašta šicenidapi, qa yuiyog iyayenianpi, qa iennihdapi, qa Wicašta Cinhintku kin on nicajepi kin taku šica iyecen tankan ehpeyapi kinhan, niyawaštepi ece.

23 Anpetu kin he en wiyuškınpi, qa wopida on škehanhan po; iho, mašpiya ekta wokajuju tanka duhapi; atewicayapi kin is eya iyecen wicašta wokcanpi wicakuwapi qon.

24 Tuka winijicapi kin niš wotehi niciyankapi ece; wicocante wašte kin he wanna yahduhapi.

25 Winipipi kin niš wotehi niciyankapi ece; wotektayahdapi kta. Dehan iyašapi kin niš wotehi niciyankapi ece; wašinya-hdapi qa yaceyapi kta.

26 Tohan wicašta owasin tanyan eniciyapi kinban, woteli niciyankapi ece; atewicayapi kin hecen wicašta wokcan iton-šni wicakuwapi qon.

27 Tuka nañon dukanpi kin heciciyapi ce, Tokaniyanpi kin hena cantewicakiya po, qa šice-nidapi kin hena tanyan ecawicakicon po;

28 Niyašicapi kin wicayawašte po, qa wawicanksiya nicuwapi kin hena wocekiye ewicakiciya po.

29 Qa tuwe iyoha sani kin en anipe cinhan unma eciyatanhan kipazo wo; qa tuwe šina inicicu kinhan, onħdoħida kin nakun teħinda šni wo.

30 Wicašta otoiyoħi taku nici-da kin qu wo; qa tuwe woyuha nici kinhan, ake kica šni wo.

31 Qa wicašta kin token ecaniconpi yacinpi kin, he ivecen ecawicakicon po.

32 Tona waštenidapi kin hena-na waštewicayadapi kinhan, wopida tukte e duhapi kta he: waħitanipi sa kin eepi kaeš tona cantewicakiyapi kin iš itkom cantewicakiyapi ece.

33 Qa tona tanyan ecaniconpi kin henana tanyan ecawicayconpi kinhan, wopida tukte e duhapi kta he; waħitanipi sa kin iš ivecen econpi ece.

34 Qa ake niçupi kta kecannipi kin henana owicayaqupi hecinhan, wopida tukte e duhapi kta he; waħitanipi sa kin iš waħitanipi sa owicayaqupi ece, iyacinyan wicakicupi kta heon.

35 Tuka niš tona tokaniyanpi kin cantewicakiya po, taku wašte econpi qa owicagu po, ake taku niçupi kta kecinpi šni po; kinhan wokajuju tanka duhapi kta, qa Iyotan Wankantu kin he cinca yaunpi kta: he iye

tona pida šni qa šicapi kin cante-wicakiya ece.

36 Hecen Niyatepi kin iš token waonsida kin niš eya he ivecen waonsida po.

37 Wayacopi šni po, kinhan niyacopi kte šni: owawicakiyepi šni po, kinhan owaniciyepi kte šni: wicakicicajuju po, kinhan nicicajujupi kta:

38 Wicagu po, kinhan niçupi kta; wiyutapi wašte, paotinzapi, paipuskicapi qa apašboka, hecen wicašta kin maku kin en niçupi kta. Wiyutapi on widutapi kin hee on winiciyutapi ece e kta.

39 Unkan wiyacinpi wan owicakiyaka: Ištagonge cin išt-gonga napata yus aya okiħi he: napin oškokpa kin en iyohpayapi kte šni he.

40 Waonspekiyapi kin he waonspekiye cin itokapa šni; tuka tuwe yušanpi kin otoiyoħi waonspekiye tawa kin iyecece kta.

41 Qa tokeca nisunka išta kin ohna sukaza yanke cin he wandaka; tuka niye ništa kin ohna cankaga wanke cin he wanyahdake šni he.

42 Qa, Misunka, sukaza išta ohna niyanke cin he ito ciciyušdoke kta ce, token nisunka eyakiye kta he, qa icunhan niye ništa kin ohna cankaga wanke cin he wanyahdake šni. Wanyakilħbe cin, niš tokaheya cankaga išta ohna niwanke cin he ito token elħpeya wo; qa hehan hinakaha nisunka išta kin ohna sukaza yanke cin he yeciyušdoke kta mdesya wandake kta ce.

43 Can wanji wašte kin waskuyeca šica icahye šni; qa nakun ean wanji šice cin he waskuyeca wašte icahye šni.

44 Can kin otoiyoħi waskuyeca tawa kin on sonyapi ece: wicašta kin taspanhu kin etanhan

suken pahipi śni, qa is̄ eya tokahu kin etanhan hastanhanka pahipi śni.

45 Wicašta wašte kin he cante woyuha wašte kin etanhan taku wašte icalhya ece; qa wicašta śice cin he cante woyuha śice cin etanhan taku śice icalhya ece: wicacante taku iyakicuya ohnaka kin he etanhan i kin eciyatanhan enapeya ece, eya.

46 Unkan tokeca, Itancan, Itancan, emayakiyapi ece, qa taku epc cin ecen ecanonpi śni he.

47 Tuwe ekta mahi, qa mioie nañon, qa ecen econ kin he tuwe kicica hecinhan he ito ociyakiyapi kta.

48 Wicašta wan tipi kaga; unkan temahentu *maka* qe, ça oahehde kin imnija wan akan ehde: unkan minitan aye çehan, wakpa kin tipi kin he en nina kaduza, tuka kahuhuze kta okitpani, imnija akan ehdepi nakaes̄, he iyececa.

49 Tuka tuwe nañon tuka ecen econ śni kinhan, wicašta wan oahehde codan maka akan tipi kage cin he iyececa; unkan he en wakpa kin nina kaduza, qa hcehnana hinhpaya; qa tipi kin he woatakuniśni tanka.

WICOWOYAKE 7.

1 Unkan oyate nañon hiyeve cin en iapi kin dena owasin wanna ecen yaştan qehan, Kapernaum en i.

2 Unkan akicita opawinge wicayuhe cin wanji taokiye wan tehinda kin he wayazanke ça wanna te kta.

3 Unkan he wanna Jesus on nañon qehan, Juda hunkayapi kin hena ekta ye wicaşi, u kta qa taokiye kin asniye kte cin he icekiya.

4 Unkan hena Jesus ekta hipi qehan, awicakelian cekiyapi, qa, Hecakiconpi kte cin wicašta kin he iyececa ce;

5 Unkoyatepi kin cantewicakiye ça, omniciye tipi wanji wanna unkiçagapi ce, eyapi.

6 Unkan Jesus hena om hda. Unkan wanna tipi kin itehan śni qehan, akicita opawinge wicayuhe ciqon he is̄ kodawicaye cin hena ekta yewicaşi, qa hceciya; Itancan kin, nagiyeciye śni wo, wati kin en tin yahidu kte cin iyemacece śni ce:

7 Heon etanhan miye ekta ciu kta nakun iyecceca miçida śni: tuka oie kin ecen eya wo, kinhan mitaokiye kin asni kta.

8 Miş eya wicašta wicookihi ihukuya hnakapi kin hemaca, qa mihukuya akicita wicanduha; qa wicašta kin de, Ya wo, ewakiya eca, ya ece; qa wanji tokeca, U wo, *ewakiya* eca, u ece; qa mitaokiye kin, Decon wo, *ewakiya* eca, ecen econ ece, eya.

9 Unkan Jesus hena nañon qehan, on yuşinyaye ça, ihduhomi, qa oyate ihakam unpi kin hewicakiya; Israel hee kaeş en wowacinye hinsko tanka kin iyewaye śni, eciciyapi ce.

10 Unkan ye wicaşipi qon icicawin tiyata kipi qehan, ookiye wayazanke cin he wanna asni iyeyapi.

11 Unkan ianpetu qehan otonwe wan Nain eciyapi kin en i; unkan waonspewicakiye cin etanhan ota qa oyate ota hena kici yapi.

12 Unkan otouwe tiyopa kin he ikiyedana wanna ehan i qehan, inyun, wicašta wan ta tankan aupi; hunku kin wiwazica heca, qa cinhintku hecedan. Unkan otouwe kin etanhan wicota opapi.

WICOWOYAKE 7.

13 Unkan he Itancan kin wan-yake cehan, onśida qa heciya; Ceye śni wo.

14 Unkan canakiyuhapi kin en u, qa yutan. Unkan akiyuhapi qon is owanji najinpi. Unkan heya; Kośka, bosdan yanka wo, eciciya ce, eya.

15 Unkan te ciqon iyotanke, qa ia. Unkan hunku kin kicu.

16 Unkan owasin nina wikopapi, qa Wakantanka yatanpi qa heyapi; Waayate wanji tanka unkiyopeyapi icaga ce, qa Wakantanka taoyate kin wanna wicahiyohi ce, eyapi.

17 Unkan Juda *makoce* qa oksan makoce wanke cin owancaya he yaotaninpi.

18 Unkan Johannes waonspe-wicakiye cin dena taku kin owasin okiyakapi.

19 Hehan Johannes waonspe-wicakiye cin nom wicakico, qa Jesus ekta ye wicaśi, qa heya; Tuwe u kte ciqon he niye, qa is wanji tokeca unkaepi kta he.

20 Unkan wicaśta kin hena wanna ekta hipi qehan, heyapi; Johannes baptem wicaqu ece qon he niye ekta unkuśipi, qa, Tuwe u kte ciqon he niye he, qa is tuwe tokeca unkaepi kta he, eya ce.

21 Unkan hehantudan hinca wayazankapi, qa makośica ececapi, qa woniya śiksica ececapi, hena wicota asniwicaya; qa istagongapi kin heca ota tonwewicaya.

22 Hehan Jesus waayupte qa hewicakiya; Hda po, qa taku wandakapi qa nayahonpi kin hena Johannes okiyaka po: Ista-gongapi kin hena tonwanpi, qa huśtepi kin is manipi, qa lepros ececapi kin is wicayuskapi, qa nogetpapi kin is wanahonpi, qa tapi kin is kiniwicakiyapi, qa

wahpanicapi kin is wootanin waśte kin he owicakiyakapi.

23 Qa tuwe miye on śinhda śni kin he yawaśtepi ce.

24 Unkan Johannes wahośiya-pi tawa kin wanna kihdapi, hehan Johannes on oyate kin hewicakiya; Taku e makotahedan ekta wanyag yaipi he. Cedi hu wan tate kahuhuze cin heca he.

25 Tuka taku e wanyag yaipi he. Wicaśta wan wokoyake panpanna koyake cin heca he. Iho, tona waśteya wakoyakapi, qa tanyan nipi kin hena wicaśtayatapi tipi kin en unpi ece.

26 Tuka taku e wanyag yaipi he. Wicaśta wokcan he. Han, eciciyapi, qa wanji wicaśta wokcan isanpa tanka.

27 Iho, wahośiya mitawa kin he niite itokam ye waśi, nitokam canku wiyeya nicicage kta ce, eya owapi qon he dee.

28 Qa miye heciciyapi; Winohinca eciyatanhan wicatonpi kin wicaśta wokcan tuwedan Johannes baptem wicaqu qon isanpa tanka śni: tuka Wakantanka tokiconze kin en tuwe iyotan cistinna kin he he kapa ce.

29 Unkan oyate kin qa wamnayanpi kin tona nahonpi owasin Wakantanka yaowotanpi, Johannes baptem wicaqu kin en opapi.

30 Tuka Pharisee kin; wicoope aiapi kin om, Wakantanka wahokonwicakiye cin en iyapato-iciyapi, Johannes baptem wicaqu śni nakaes.

31 Unkan Itancan kin heya; Wicaśta wicoicage kin de taku e imdacin kta he; qa taku iyececapi he.

32 Siceca iciyopekiciyapi kin en iyotankapi, qa hoyekiciyapi qa heyapi; Unniciyajopi, tuka wayacipi śni; waśinunnicihdapi,

LUKAS.

tuka yaceyapi šni ce, eyapi kin he iyececapu ce.

33 Johannes baptem wicaqu qon he aguyapi yute šni, qa miniša yatke šni u; unkan, He taku wakan šica yuha ce, ehapi.

34 Wicašta Cinhintku kin he wote ça wayatke hi; unkan ehapi; Wan, wicašta wan wote sa, qa miniša yatke sa, wamnayanpi qa wahtanipi sa takodawicaya ece.

35 Tuka Woksape iye cinca kin owasin on yaowotanpi ece.

36 Unkan Pharisee wanji kici wote kta e cinkiya. Hecen Pharisee ti kin en tin iyaye ça, wote kta iyotanka.

37 Unkan ibo, otonwe kin en winohinca wahtani sa kin heca, he, Pharisee ti kin en wota iyotanka sdoneyechan, inyan opiye ihapi ohna yuha en hi;

38 Qa tapetepa tanhan siha kin en ceya najin, qa išta minihanpe kin on siha kiciyujaja, qa paha kin on kicipakinta ca, siha kin ikiciputake, ça ihapi qon on sadakicieiya.

39 Unkan Pharisee kico qon he wanyake çehan, cante mahen awacin qa heya; Wicašta kin de wicašta wokcan unkanš, yutan kin he tuwe qa taku winohinca kin sdoney kta tuka; he wahtani sa kin heca.

40 Unkan Jesus waayupte ça heciya; Simon taku eciciye kta mduha ce. Unkan is, Waon-spekiya, katinyan eya wo, eya.

41 Wicašta wan wicašta nonpa oicazo wicaqu: unma kin kašpapi opawinge zaptan iyohiye šni, qa unma kin is wikcemna zaptan.

42 Unkan taku on hdajujupi kte cin yuhapi šni qehan, wancake sakim wicakicicajuju ce. Hecen unma tukte iyotan wašte-

dake kta hecinhan, he omakiyaka wo.

43 Simon waayupte ça; Tuwe ota kicicajuju hee nace epca ce, eya. Unkan, Tanyan idukkan ce, eciya.

44 Hehan winohinca qon ekta ihduhomni, qa Simon heciya; Winohinca kin de wandaka he: Yati kin en wahi, unkan mini on siha *wahdujaja* kta mayaqu šni; tuka iye kin išta minihanpe kin on siha mayujaja, qa paha kin on pakinta.

45 I imayaputake šni; tuka winohinca kin de wahi kin ehan-tanhan siha imaputaka ayaştan šni.

46 Pa kin wihdi on sdamayaye šni; tuka winohinca kin de ihapi on siha sdamayan ce.

47 Hecen on heciciya ce, Wahtani kin hena ota ešta kicicajujupi; he nina waştédaka nakaes: tuka tuwe waniqadan kicicajujupi kin he iwaştédan waştédaka ece.

48 Hehan winyan qon heciya; Niohan šice cin hena nicieajujupi ce.

49 Unkan tona kici wota iyotankapi kin hena hehan cante mahen heyapi; De tuwe e woahitani nakun kajuju he.

50 Unkan winohinca qon heciya; Wacinyaye cin he niniyan ce; wookiye on hda wo.

WICOWOYAKE 8.

1 Unkan he iyohakam, otonwe tankinkinyan otonwe cikciqadan ko, owasin iyaza un, qa wootanin wašte Wakantanka tokiconze ahna yaotanin. Unkan ake-nonpapi kin kici unpi:

2 Qa winohinca wanjikji taku wakan šica yuhapi qa wayazankapi, *tuka* asniwicayapi, Mary

WICOWOYAKE 8.

he Magdalene eciyapi, he etanhan wakan síca šakowin hinanpapi qon hee ;

3 Qa Joanna, Cuza Herod wawanyagkiye ciqon he tawicu, qa Susanna, qa nakun toktokeca ota, hena woyuha yuhapi kin on okiyapi ece.

4 Unkan wicota mniciyapi, qa otonwe otoiyo hi etanhan en ahi qehan, wiyacinpi on wowicakiyaka :

5 Woju heca wan taku su kin oju iyaya. Woju, unkan apa canku icahda hinhpaya ; unkan naatinzapi, qa mahpiya okinyanpi kin temyapi.

6 Unkan apa imnija wan ahinhpaya ; unkan uye cehan, spaye šni on wancake šnija.

7 Unkan apa wapepeka ehna hna hinhpaya ; unkan wapepeka opeya uye, ça aotinsya.

8 Unkan apa is maka wašte ahinhpaya ; unkan uye, ça opawingege suton, eya. Unkan hena heceken eye cehan, heyanian ; Tuwe noge winahon yukan hecinhan, ito nahon kta ce, eya.

9 Unkan waonspewicakiye cin wiwangapi, qa heciyapi ; Wiyacinpi kin de toketu he.

10 Unkan heya ; Niyepi Wakantanka tokiconze woanahbe kin hena oyakalnigapi kta niçupi ; tuka tokan kin is wiyacinpi ece : hecen etonwanpi keš wanyakapi kte šni, qa wanahonpi keš okalnigapi kte šni ce.

11 Wiyacinpi kin he dee : Su kin he Wakantanka oie kin ee.

12 Canku icahda qon he tona nahonpi kin heepi ; hehan wakan síce cin en hi, qa wicoie kin cantepi kin etanhan eyaku ece, awacinpi qa niwicayapi kte šni heon.

13 Tona wicoie nahonpi eca

iyuškinyan icupi ece kin hena imnija akan un qon hena ee ; hena hutkan nicapi, qa cistiye dan wicadapi, tuka taku iyutanwicayapi hehan ayuštanpi ece.

14 Qa tona wanna nahonpi, qa hehan tokiya yapi, qa wiconi kin de woawacin kin, qa wowijice, qa wowiyuškin kin, hena on aotinzapi, qa hecen tanyan sutonpi šni kin hena wapepeka ehna hinhpaya ciqon eepi ce.

15 Tuka tona wanna wicoie nahonpi eca, cante wašte qa owotanna mahen yuha unpi, qa wacintankaya sutonpi kin hena maka wašte akan un qon hena eepi ce, eya.

16 Wicašta kin tuwedan petijanjan wan ideye, ça wakšica wan iyahdapsinyan elipeye šni, qa nakun owinja wan olidateya ehna ke šni ece ; tuka petijanjan ihupa akan ehde ece : hecen tona en ipi kinhan, ijanjan kin wanyakapi kta.

17 Taku anahmanpi qa yuotaninpi kte šni wanica ; qa nakun taku yutaninšniyan hnakapi qa yutaninyan eyakupi kte šni wanica ce.

18 Heon token nayahonpi hecinhan itonpa po ; tuwe wayuhe cin he nakun qupi kta ; qa tuwe wayuhe šni kin he taku yuha kecin kin hee ikicicupi kta ce, eya.

19 Hehan hunku qa hunkawanjitku kin hena en hipi, qa wicota kin on ikiyedani upi kta okihi pi šni.

20 Unkan okiyakapi qa heyapi ; Nihun qa nihunkawanji tankan najinpi, qa wannihdake kta cinpi ee.

21 Unkan waayupte, ça hewicakiya ; Wakantanka oie nahonpi, qa ecen econpi kin dena ina qa mihunkawanji eepi ce, eya.

22 Unkan anpetu kin hena wanji en, waonspewicakiye cin om wata wan en opa; qa hewicakiya; Mde kin akasanpa unyanpi kta ce. Hecen canan eyaya.

23 Tuka śina watopekiyapi icunhan iye iśtinma: unkan tate iyumni wan mde kin en u; qa mini ojudan yakonpi, hecen ŧapi kta kokipapi.

24 Hehan en hipi qa yuhicapi qa heyapi; Itancan, Itancan, untakunipi śni. Unkan najin hiyaye a, tate qa mini taja ko kiśica: hecen ayuśtan, qa amda-kedan tanka.

25 Unkan hewicakiya; Wacinyayapi kin tukte e he. Unkan iś wikopapi, inihanpi qa hekiciyapi; De taku wicaśta he; tate mini kici ee kaeś okiya eca, anagoptan ece.

26 Unkan Galile itakanpa Gadarene tamakocepi kin en ipi.

27 Unkan ħen ihe ehan, wicaśta wannakaja tanhan wakanśica yuhe, a wokoyake koyake śni, qa tuktedan tipi oti śni, tuka wicaśta ħnakapi kin en ece un kin, heca wan otonwe kin eciyatanhan itkokipa.

28 He Jesus wanyake ehan, hoyeye a itokam makata elpeiciye a hotankakiya heya; Jesus Wakantanka Iyotan Wankantu Cinhintku kin, token unyakon kta he. Ceciciya ce, Kakiśmaye śni wo.

29 Taku wakan śape cin wicaśta kin etanhan hinanpe śi heon etanhan. He ijehan yuza ece; unkan mazaicahilħa wicaśke ko on kaśka ħnakapi; tuka wicaśke kin yupsapsake a, wakanśice makotahedan ekta iyayeya ece.

30 Unkan Jesus wiwange a heya; Token eniciyapi he.

Unkan, Wicota, eya: taku wakan śica ota tan mahen ipi kin heon etanhan.

31 Unkan ośbe kin ekta ye wicaśi kte śni, keya icekiyapi.

32 Unkan ħe kin en kukuśe ota optaye wan won unpi; hecen en iwicayayapi kte cin he iyowinwicakiye kta keya cekiyapi; unkan iyowinwicakiya.

33 Hecen wakanśice cin wicaśta kin etanhan tankan ħinapapi, qa kukuśe kin en iwicayayapi; unkan optaye maya ħinca wan en apamahde nina ħin naśdog iyayapi, qa mde kin en iyolħeiciyapi, qa minin ŧapi.

34 Unkan taku econpi kin he kukuśe wo wicaqupi qon wanyakapi qehan, nakipapi, qa otonwe qa makoce kin ekta ohdag kipi.

35 Unkan taku econpi qon he wanyag ai, qa Jesus ekta ahi, qa wicaśta wakanśica etanhan ħinapapi qon he ogeton, qa tawacin ekicetu, qa Jesus siha kin en iyotankahan yanka wanyakapi; unkan wikopapi.

36 Tona wanyakapi qon iś eya wicaśta wakan śica yuhe ciqon token asniyanpi kin he owicakiyakapi.

37 Hehan ihdukśan Gadarene tamakocepi kin owancaya taku econpi qon he naħonpi qehan, owasin nina wikopapi on etanhan cekiyapi, qa tokan yeśipi. Unkan wata kin en okipe, a icicawin kihda.

38 Unkan wicaśta etanhan wakan śice cin hinanpapi qon he kici un kta keya cekiya. Tuka Jesus hde śi, qa heya;

39 Niye yati kin ekta hde, a Wakantanka taku ħinca ecanicon kin he yaotanin wo, eya. Unkan kihde, a Jesus taku ħinca ecakicon qon he otonwe owancaya ohdaka.

WICOWOYAKE 9.

40 Unkan Jesus hdi qehan, oyate kin iyowinkiyapi ; owasin ape hiyeya nakaes.

41 Unkan iho, wicašta wan Jairus eciyapi kin he en u, omniciye tipi itancan kin wanji hee ; unkan he Jesus siha kin en makata elpeiçiye ça, iye ti kin ekta u kta icekiya.

42 He cunwintku wanjidan, wanna waniyetu akenonpa ece-tu ; unkan is wanna te kte wanka. Tuka ekta ye cin hepiya oyate kin aohduteyapi.

43 Unkan winohinca wan waniyetu akenonpa hehanyan we au, qa taku yuha owasin pejihuta-wicašta on wanna hdusota ; tuka hecen tuwedan asniye kta okihi sni ;

44 Hee tapetepa tanhan u, qa tawokoyake opapun kin yutan : unkan hecehnana we au qon he anapta.

45 Unkan Jesus heya ; Tuwe mayutan he. Unkan owasin anakihmanpi qehan, Inyan qa tona kici unpi qon hena heyapi ; Waonspekiye cin, wicota kin aohduteniyanpi, qa aotinsniyanpi ; heca esta, Tuwe mayutan he, eha ce.

46 Unkan Jesus heya ; Tuwe mayutan ; wowaşake ematanhan hiyu kin he sdonwakiya ce.

47 Unkan winohinca qon wanna inalibe sni e wanhdake çehan, cancanyan u, qa itokam makata elpeiçiye, ça oyate kin owasin wicitokam, taku on yutan, qa token wancake asniyanpi kin he okiyaka.

48 Unkan heciya ; Cunś, cante wašte wo ; wacinyaye cin he asniniyan ce : wookiye on hda wo.

49 Unkan Jesus iahan icunhan, omniciye tipi idaka ti kin eciyatanhan tuwe u, qa heciya ; Wa-

onspekiye cin nagiyeye sni wo ; nieunksi wanna ta ce, eya.

50 Tuka Jesus he nahon qehan, waayupte ça heciya ; Wikope sni wo ; awicakehan wicada wo, kinhan niyanpi kta ce.

51 Unkan tipi kin en tin hiyu qehan, tuwedan tin ye kta iyowinkiyeye sni ; Inyan, qa Jakob, qa Johannes, qa wikoška atkuku hunku kici henana en ipi.

52 Unkan owasin aceyapi qa waşinhda enapeyapi ece. Tuka heya ; Ceyapi sni po ; te sni, tuka istinma ce.

53 Unkan wanna ta sdonyapi kin heon wowihayapi.

54 Unkan owasin tankan iyayewicaye, ça napata yuze, ça kipan qa heya ; Wikoška najin wo, eya.

55 Unkan nagi kin kiyolipaya, qa hecehnana najin hiyaya : hehan wo qu wicaşi.

56 Unkan hunkakeku kin inihanpi : tuka taku econ kin he tuwedan okiyake sni wicaşi.

WICOWOYAKE 9.

1 Unkan waonspewicakiya akenonpapi kin hena wicakico, qa wowaşake wookihi ko, wakanşica owasin on, qa wowayazan asniyanpi kta hecen wicaqu.

2 Qa Wakantanka tokiconze kin oyakapi kta, qa wayazankapi kin asniwicayapi kta ye wicaşi.

3 Qa hewicakiya ; Icimayanipi kte cin on cansagye, qa wojuhadan, qa waneya, qa mazaska takudan eyakupi sni po ; qa nakun onhdohda nomnom yuhapi sni po.

4 Qa tukte tipi wan en yaipi kinhan, hen ece yukan po, qa hetanhan iyoopta ya po.

5 Qa tuwe kašta iyowinniciyapi sni kinhan, otonwe kin he inayapapi kinhan, nisihapi watuše-

kšeca onistakapi kin hee kaes katata po, he owicayake kta ce.

6 Unkan iyayapi, qa otonwe iya-za yapi, qa wootanin wašte oyakapi, qa owancaya waasniyanpi.

7 Unkan taku econ kin owasin, Herod wicaštayatapi kin nahon; qa hehan token cante yuza nuntanin šni; apa Johannes wicon-šte kin etanhan kini keyapi kin heon etanhan:

8 Qa apa iš, Elias hi ce, eyapi; qa apa tokeca iš, Wannakaja waayatapi qon hena etanhan wanji kini ce, eyapi.

9 Unkan Herod heya, Johannes pa bawaksa ce: tuka de tuwe e on taku decekeca nawahon he. Unkan wanyake kta cin.

10 Unkan wahošiyapi kin hena wanna hdipi qehan, taku token econpi kin owasin okiyakapi. Unkan ewicahdaku qa nahman-na icunonpa makotahedan wan ekta i, he otonwe wan Bethsaida eciyapi kin ahankeya.

11 Unkan oyate kin sonyapi qehan, ihakam eyaya: unkan iyowinwicakiye ça, Wakantanka tokiconze kin he iwowicakiyake ça, tona asniyanpi cinpi kin hena asniwicaya.

12 Unkan wanna htayetu aye cehan, akenonpapi kin upi, qa heciyapi, Wicota kin tokan yewicaši wo; hecen otonwe qa ihdukšan makoce wanke cin hena ektakta yapi, qa taku yutapi oiçidepi, qa iwankapi kta ce; den makotahedan unyakonpi heon etanhan.

13 Tuka hewicakiya; Niye wo wicaqu po. Unkan heyapi; Aguyapi zaptan qa hogan nonpa henana unhapi; oyate denakeca woyute opewicakiciton unyanpi šni kinhan.

14 Wicašta kektopawinge zaptan ecetupi. Unkan waonspe-

wicakiye cin hewicakiya; Wicenna zaptanptan ptaptaya iyotang wicakiya po, eya.

15 Unkan ecen econpi, qa owasin iyotang wicakiyapi.

16 Hehan aguyapi zaptan qa hogan nonpa qon hena icu; qa mahpiya ekta etonwan, qa yawašte, qa yušpašpa, qa waonspewicakiye cin wicaqu; qaiye oyate kin wicitokam ewicakicihnakapi kta.

17 Unkan wotapi qa owasin wipipi; unkan onšpašpa iwicaki- ciyaye cin hena pahipi, makano- piye akenonpa.

18 Unkan išnana wocekiye eya un qehan, waonšpewicakiye cin hena kici unpi: unkan wiwica- wange ça heya; Miye matuwe oyate kin keyapi he.

19 Unkan waayuptapi qa, Johannes baptem wicaqu qon; qa apa iš, Elias; qa apa tokeca iš; Wanakaja waayatapi qon hena etanhan wanji kini ce, eyapi ce, eyapi.

20 Unkan hewicakiya; Tuka niye matuwe kehapi he. Unkan Inyan waayupte ça heya; Wakantanka etanhan Messiya kin.

21 Unkan nina owicakiye, ça wicašta kin tuwedan okiyake šni wicaši;

22 Qa heya; Wicašta Cinhin- tku kin taku otakiya on ito iyotanhan iyekiye kta, qa wicašta tokapapi, qa wawayušnapi itan- canpi, qa wowapi kagaři kin he- na heyata iyeyapi, qa ŧeyapi kta ce: unkan anpetu iyamni kin- han kini kta ce, eya.

23 Unkan owasin hewicakiya; Tuwe miyhna u wacin kinhan, waipiçida, qa anpetu otioyohi cansusbeca kin kiçin, qa miyhna u kta.

24 Tuwe kašta wiconi kin hdu- he wacin kinhan, togehpekiye

WICOWOYAKE 9.

kta ce ; tuka tuwe kašta miye on wiconi kin togehpekiye cinhan, hee hduhe kta ce.

25 Wicašta togehpeiciya, qa is token elipeyapi hecinhan, maka kin ocowasin ohiičiya ešta, taku ecin on tanyan un kta he.

26 Tuwe miye qa mioie kin on istece cinhan, hee on Wicašta Cinhintku kin istece kta, tohan iye towitan, qa Atkuku tawa qa taohnihde wakan tawapi kin hduha u kinhan.

27 Tuka awicakehan heciciyapi ; Den najinpi kin apa Wakan-tanka tokiconze kin tohanyan wanyakapi šni kin helhanyan ɥapi kte šni.

28 Unkan wicoie kin dena iyohakam anpetu šahdogan ecetu, hehan Inyan, qa Johannes, qa Jakob, hena ewicayaku, qa cekiyekta paha wan ekta i.

29 Unkan cekiya icunhan ite kin tokeca hinnda, qa tawokoyake kin ska qa wiyatpatpa.

30 Unkan iho, wicašta nonpa kici wohdakapi, Moses qa Elias hena eepi.

31 Hena wokitaninyan hinajinpi, qa iye iyaye kte cin, Jerusalem ekta hduštan kte cin he iwohdakapi.

32 Tuka Inyan qa om un kin hena nina ištınmapi ; unkan kiktapi qehan wookitanin tawa kin he wanyakapi, qa nakun wicašta nonpa kici najinpi kin hena.

33 Unkan hena ehpeya kihdapi icunhan, Inyan Jesus heciya ; Itancan, den unkanpi kte cin he wašte ; ito wakeya yamni un-kagapi kta, wanji niye, qa wanji Moses, qa wanji Elias, hecen unnicicagapi kta ; taku eye cin he sdonkiye šni.

34 Hena hecen eya icunhan, mahpiya šoka wan u, qa aohanziwicaya. Unkan mahpiya šoka

kin en hiyayapi hehan nina wikipapi.

35 Unkan mahpiya qon etanhan wicaho wan hinape, ɥa heya ; Micinkši wašte wakidake cin he dee ce : he anagoptan po.

36 Unkan wicaho qon yaštan qehan, Jesus isnana en najin. Unkan iye inina unpi, qa taku wanyakapi qon anpetu kin hena en wicašta kin tuwedan okiyakapi šni.

37 Unkan ianpetu qehan, paha qon ecizatınhan wanna en hdipi qehan, oyate ota itkokipapi.

38 Unkan iho, wicota kin etanhan wicašta wanji hoyekiye ɥa heya ; Waonspekiye cin, ceciciya ce, micinkši kin atonwan wo ; micinca hecedan :

39 Unkan iho, woniya wan yuza eca, ihnuhana šicahowaya ece ; qa yuhdehdeca, qa hecen minitaga apašdiya, qa onsiya kuwa, qa kitan se ayuštan ece.

40 Unkan waonspewicayakiye cin cewicawakiye, ɥa napeye wicawaši ; tuka okitpanipi, eya.

41 Unkan Jesus waayupte ɥa heya ; Wicoicage wicada šni qa tawacin tehika, tohanyan cicipi waun kta, qa iyowinciciyapi kta he : nicinkši kin den au wo.

42 Unkan u kin hepiya, wakanšice cin makata ehpeye, ɥa yuhdehdeca. Unkan Jesus woniya šape cin kišice ɥa, hokšidan kin asniye ɥa, atkuku kin kicu.

43 Unkan Wakantanka towašake hince cin on owasin inihanpi. Tuka Jesus taku token econ kin on owasin inihanpi icunhan, waonspewicakiye cin hewicakiya ;

44 Wicoie kin dena ninogepi kin en iyohpayapi kte ; Wicašta Cinhintku kin wicašta napepi kin en wicakupi kta.

45 Tuka iapi kin he okahnigapi ūni, qa anawicakilmanpi, hecen iyukcanpi ūni: unkan wicoie kin on iwangapi kte cin itonpapi.

46 Unkan hehan wanji tukte iyotan tankapi kte cin he hdo-kinicapi.

47 Unkan cante ekta hdokini-capi kin he Jesus wanyake cehan, hokūiyopopa wan icu qa iye iyokihe ehde ;

48 Qa hewicakiya ; Tuwe kaūta hokūiyopa kin de micaje on eyaku kinhan, he miye e emayaku ; qa tuwe kaūta miye emayaku kinhan, he umaūi kin hee eyaku ece ; hecen niyepi owaūin wanji tukte nicistinpida kinhan, hee tanka kta ce, eya.

49 Unkan Johannes waayupte qa heya ; Itancan, tuwe nicaje on taku wakan ūica napewicaya wanunyakapi, qa den ounpapi ūni kin on etanhan teunhin-dapi.

50 Unkan Jesus heciya ; Tehindapi ūni po : tuwe unkipajinpi ūni kin he unkicicapi ece.

51 Unkan anpetu en wankan eyakupi kte cin wanna kiyedan aya, hehan Jerusalem ekta ye kta e ite kin hdusuta ;

52 Qa wahoūiyapi kin heca tokata ye wicaūi. Unkan iyayapi, qa taku wiyeya kicihnakapi kta e Samariya wicaūta tonwanyanpi kin wanji en ipi.

53 Unkan Jerusalem ekta ye kta sece cin on etanhan iyowin-kiyapi ūni.

54 Unkan waonspewicakiye cin, Jakob qa Johannes he wanyakapi qehan, heyapi ; Itancan, Elias econ qon he iyecen unkiye, mahpiya eciyatanhan peta kun u, qa huhnahwicaye unūipi kta yacin he.

55 Tuka ihduhomni qa wica-

kiūice, qa heya ; Tawacin toni-ketupi kin sdoniyakiyapi ūni ce.

56 Wicaūta Cinhintku kin wicaūta tewicaye kta on hi ūni, tuka niwicaye kta heon hi ce, cya. Unkan otonwe wan tokeca ekta iyayapi.

57 Unkan canku ohna yapi icunhan, tuwe heciya ; Itancan kin, tokiya kaūta de cinhan ciyahnna mde kta ce, eya.

58 Unkan Jesus heciya ; ūn-gidan kin waūun tonpi, qa mahpiya okinyanpi kin holpi yuhapi, tuka Wicaūta Cinhintku kin iye pa kin tukten iwanke kte cin ee kaes hduhe ūni ce.

59 Unkan wanji tokeca heciya ; Miyahna u wo. Tuka heya ; Itancan, tokaheya ate wehe mde kte cin he iyowinmakiya ye.

60 Jesus heciya ; Tona ūapi kin ūa wicayuhapi kin hena ito wicakihiapi kta ; tuka niye qe ye qa Wakantanka tokiconze kin he oyaka wo.

61 Unkan wanji tokeca nakun heya ; Itancan, ciyahna waun kta ; tuka ito tokaheya wahde, qa wati kin ohna un kin tanyan wehnake kte cin he iyowinmakiya wo.

62 Unkan Jesus heciya ; Wicaūta kin tuwe mahiyumdu wanna yuze, qa hehan hinakaha hakikta kinhan, he Wakantanka tokiconze kin en ope kta iyecece ūni ce.

WICOWOYAKE 10.

1 Unkan taku kin hena iyohakam, Itancan kin toktokeca wikcemna ūakowin cajewicayate, qa iye otonwe tona ekta ye kte cin, qa tokiya kaūta ekta ye kte cin, hena kohan ektakta nomnom yewicaūi.

2 Qa hecen ewicakiya ; Awicakehan woksapi kin tanka, tuka

WICOWOYAKE 10.

htanipi kin e tonana ce; he on etanhan woksapi Itancan kin, he iye htanipi kin heca woksapi kin en yewicaši kte cin he icekiya po.

3 Ya po; iho, tahincaska šun-
tkokeca ehna unpi he iyecen ye
cišipi.

4 Mazaska opiye, qa wojuha-
dan, qa hanpa hena hduhapi šni
po: qa tahepi wicašta tuwedan
okiyapi šni po.

5 Qa tukten tipi wan en tin ida-
dapi kinhan, tokaheya, Wookiye
tipi kin den un nunwe, eya po.

6 Unkan wookiye cinhintku
kin en un kinhan wookiye ni-
tawapi kin en iyahe kta: tuka
hecece šni kinhan, ake en ni-
hdipi kta.

7 Qa tipi kin he en ece un po,
taku ničupi kin yuta qa yatkan
dukanpi kta; tuwe htani kin he
wokajuju kicupi ece e kta: Tipi
iyaza yapi šni po.

8 Qa tukten otonwe wanji en
yaipi, qa iyowinniciyapi kinhan,
taku nitokam enicihnakapi kin
he ece yuta po.

9 Qa wayazanka en unpi kin
hena asniwicaya po, qa, Wakan-
tanka tokiconze kin he kiyedan
nihiyohipi ce, ewicakiya po.

10 Qa tukte otonwe wanji en
yaipi qa iyowinniciyapi šni kin-
han, otonwe kin he canku kin
en hdicupi qa heya po;

11 Nitotonwepi watusėkšeca
ountkapapi kin hee kaeš itkom
unniciatatapi ce; tuka Wakan-
tanka tokiconze kin he kiyedan
nihiyohipi kin sdonya po.

12 Tuka heciciyapi ce, Anpetu
kin he en otonwe kin he tehiya
un kte cin he Sodom aoptenya
un kta ce, eya.

13 Korazin wotehi niciyanka
ce; Bethsaida wotehi niciyanka
ce; niyepi kin en wicohan tanka

econpi kin hena Turos qa Sidon
en econpi unkanš, wanakaja wa-
hinske ojuha caħota ahna en
iyotanka iyopeičiyapi kta tuka.

14 Tuka wayacopi kin ekta
niye tehiya yaunpi kte cin he
Turos Sidon kici aoptenya unpi
kta.

15 Qa niye Kapernaum, yu-
wankan maħpiya ekta aniyampi
kin, kuya wakanšica ti kin ekta
iyaye niyanpi kta ce, eya.

16 Tuwe ananigoptanpi kin, he
miye e anamagoptan; qa tuwe
wahtenidapi šni kin, he miye e
wahtemada šni; qa miš tuwe
wahtemada šni kin, he umaši
kin hee wahteda šni ece, eya.

17 Unkan wikcemna šakowinpi
qon wopidaya hdipi, qa heyapi;
Itancan, nicaje kin eciyatanhan
wakanšicapi kin iyepi kaeš ana-
ungoptanpi ece.

18 Unkan hewicakiya; Maħpi-
ya kin eciyatanhan wakanhdi
iyecen Satan hinħpaya wan-
mdaka ce.

19 Iho, wowašake cičupi, hecen
wamduška sinteħda ko ayahampi
kta, qa toka token wašakapi ešta
isanpa yaunpi kta; hecen taku-
dan ksuweniyanpi kte šni.

20 Tuka wakan šice cin hena
ananigoptanpi kin heon wiyu-
škinpi šni po; tuka maħpiya
ekta caje oniwapı kin hee on
wiyuškin po, eya.

21 Unkan he ehan Jesus cante
mahen iyuškin, qa heya; Ate,
maħpiya maka ahna on Itancan,
niye taku kin dena ksapapi, qa
wayupikapi kin hena anawica-
yakilħbe, a hokšiyooqopa kin
heca sdonyewicayakiye cin, he
pidamayakiya ce; han, Ate;
niye hecen iyonicipi kin heon
etanhan.

22 Atewaye cin he taku owasin
yuhemakiya; qa Cinhintkuyapi

kin he tuwe kin tuwedan sdyne
śni, Ateyapi kin heceyedani; qa
Ateyapi kin is tuwe kin, Cinhin-
tkuyapi kin iye qa tona owica-
kiyake kte cin henana sdyonyapi
ece.

23 Unkan waonspewicakiye
cin ekta ihduhomni, qa nahma-
na heya; Taku wandakapi kin
hena wicišta tona wanyakapi
kin hena yawaštepi ece.

24 Qa heciciyapi; Waayatapi
kin wicaštayatapi ko ota taku
wandakapi kin hena wanyag
cinpi, tuka wanyakapi śni; qa
taku nayahonpi kin he nahon
cinpi, tuka nahonpi śni, eya.

25 Unkan inyun, wicoope aiapi
kin heca wanji najin hiyaye, qa
wawiyutanye, qa heciya; Wa-
onspekiye cin, token ecamon qa
owihanke wanin wiconi ohimi-
ciye kta he.

26 Unkan heciya; Wicoope kin
en token owapi he; token dawa
ece he.

27 Unkan waayupte, qa heya;
Itancan Wakantanka nitawa kin
he nicante kin ocowasin, qa ni-
nagi ocowasin, qa nitowaške
ocowasin, qa nitawacin ocowasin
on wašteyadake kta; qa niye
inhdacin kin he iyecen nikiye-
dan un kin wašteyadake kta
ce.

28 Unkan heciya; Tanyan
waadupta; hecen econ wo, kin-
han yani kta ce.

29 Tuka iye ihdaowotanna wa-
cin, qa Jesus heciya; Unkan
mikiyedani un kin he tuwe he.

30 Unkan Jesus ayupte qa heya;
Wicašta wan Jerusalem etanhan
Jeriko ekta iyaya; qa wama-
nonpi sa awicakipa, hena tawo-
koyake kin kipi, qa apapi, qa te
icakiš ehpeya kihdapi.

31 Unkan ehantudan wawayu-
šna wanji canku kin he ohna

hiyaya; qa he wanyake qehan
iyoopta iyaya.

32 Unkan Lewite heca wanji
is eya ehan i qehan, atonwe qa
iyoopta iyaya.

33 Unkan Samariya wicašta
wanji icimani un, he wanke cin
en hi; qa wanyake qehan on-
šida;

34 Qa en i, qa kašujapi kin pa-
hte qa wihdi miniša ko en oka-
štan; hehan iye tašunke kin
akan yankekiye qa, owote tipi
wan en ahi, qa awanyaka.

35 Unkan ihanhanna iyoopta
ye kta, hehan kašpapidan nom
ehdaku, qa tipi tawa kin qu, qa
heciya; Tanyan yuha wo, qa
dena sanpa tona on dusote cin-
han, tohan waku kinhan ciču
kta ce.

36 Iho, hena yamnipi kin, wa-
manonpi sa awicakipe ciqon
wanji tukte ikiyidan un idukean
he.

37 Unkan, Wanji onšida qon
hee ce, eya. Hehan Jesus he-
ciya; Ye qa, iyecen econ wo.

38 Unkan hetanhan iyoopta
iyayapi, hehan otonwe wan en
i; unkan winohinca wan Mar-
tha eciyapi, he iye ti kin en
kico.

39 Unkan he tankaku kin, Ma-
ry eciyapi kin he Jesus siha kin
en iyotanke qa, oie kin nahon
ece.

40 Tuka Martha wicoħan ota
on token cante yuza tanin śni;
heon en hi qa heya; Itancan,
mitanka ehpeyaye qa mišnana
taku ota ecamon ece kin niš ekta
ewacanni śni he; heon etanhan
omakiye kta keciya ye.

41 Tuka Jesus waayupte qa
heciya; Martha, Martha, taku
ota yakicanda wacanni, qa on
nagiyeniciya ece:

42 Tuka taku wanjidani cinpi-

WICOWOYAKE 11.

ca; unkan Mary taku wašte kin he kašniga, he icimana kipi kte šni ce.

WICOWOYAKE 11.

1 Unkan tukten cekiya un, qa ayaštan qehan waonspewicakiye cin wanji heciya; Itancan, wocekiye eya onspeunkiya po, Johannes waonspewicakiye cin onspewicakiye cigon he iyececa.

2 Unkan hewicakiya; Ceyakiyapi kinhan kaken eya po; Ateunyanpi mašpiya ekta nanke cin, nicaje wakandapi nunwe: Nitokiconze kin u kte: Mašpiya ekta nitawacin econpi kin he iyecen maka akan econpi nunwe.

3 Anpetu otoiyo hi anpetu woyute unqu po.

4 Qa waunštanipi kin unkicicaju miye, unkiš tona šicaya ecaunkiconpi wicunkicicajupipi kin he iyececa. Qa taku wawiyutanyan un kin en unkayapi šni po; tuka taku šice cin etanhan eunhdaku po.

5 Unkan hewicakiya; Niyepi kin wanji tuwe kodayayapi, qa hanye cokaya ekta yaipi, qa heyakiyapi; Koda, aguyapi yamni omaqu wo:

6 Mitakoda wanji icimani hi, tuka taku itokam ewahnake kta takudan mduhe šni ce.

7 Hehan iye timahen tanhan waayupte, ça heye kta; Nagiyemaye šni wo; tiyopa wanna natakapi, qa micinca om mahen imunka; hecen nawajin qa ciču kta owakitpani ce.

8 Heciciyapi; He kodaya on etanhan najin qa qu kte šni qe yaš, nina kitan kin heon etanhan, najin qa tona cin kinhan qu kta ce.

9 Nakun heciciyapi; Da po, kinhan ničupi kta; akita po,

kinhan iyeyapi kta; katoto po, kinhan niciyuškodkapi ece e kta.

10 Tuwe da eca he icu ece; qa tuwe akita eca he iyeya ece; qa tuwe katoto eca he kiciyuškodkapi ece e kta.

11 Cinca niyukanpi kin, wanji tukte cinhintku aguyapi kida kinhan, inyan wan qu kta he; qa iš hogan wan da kinhan, hogan on wamduška wan qu kta he.

12 Qa iš witka wanji da kinhan sintešda wan qu kta he.

13 Hecen niš nišicapi kin, nicincapi taku waštešte wicayapipi kte cin he onnispepi echantanhan, iš iyotan mašpiya Ateyayapi kin tona Woniya Wakan kidapi kinhan wicaqu kta ce, eya.

14 Hehan wakan šica wanji tankan iyayeya, unkan ia okitpani. Unkan wakan šice cin wanna tankan hinape qehan, ia okitpani qon hehan ia; hecen oyate kin inihanpi.

15 Tuka apa heyapi; Beelzebub wakan šica itancan kin he eciyatanhan wakan šica napewicaya ece.

16 Qa apa toktokeca iš iyutanyanpi kta on mašpiya eciyatanhan wowapetokeca kidapi.

17 Tuka tawacinpi kin sdonwicaye ça hewicakiya; Wokiconze kin tona iye iyakitedan kicipajinpi kin hena atakuni šni ece; qa tipi wanji iye ičipajin kinhan he jujuwahan ece.

18 Qa Satan iš iye ičipajin kinhan tokiconze kin he token ecin ecen he kta he. Beelzebub eciyatanhan wakan šica napewicawaya ece, kehapi kin heon etanhan.

19 Unkan miye Beelzebub eciyatanhan wakan šica napewicawaya echantanhan, niye ničica-

pi kin hena tuwe eciyatanhan napewicayapi he; hecen iyepi kin niciyukcanpi kta.

20 Tuka miye Wakantanka napsukaza on wakan síca nape-wicawaya ehantanhan, Wakan-tanka tokiconze kin awicakehan nihiyohipi ce.

21 Wicašta wan waśake ça wipe ton ti awanhdake cinhan, hecen woyuha tawa kin tanyan hiyeya ece.

22 Tuka wanji ikapeya waśake cin he takpe hi, qa ktedan kinhan, tawipe wacinkiyeye cion he owasin ekiciyaku, hehan taku tawa qon pamni ece.

23 Tuwe micica śni kin he makipajin; qa tuwe miciwapahi śni kin he wayumdeca ece.

24 Woniya śapa kin wicašta wan etanhan hinanpa eca makocc puze cin en ece un, qa oziiciyeye kta akita; tuka takudan iyeye śni kinhan, hehan heya; Wati etanhan wahinawape cion he ake ekta wahde kta ce.

25 Unkan en hdi eca, wanna kahintapi qa ayuco yuśtanpi iye-kiya ece.

26 Hecen tokiya ye ça, woniya toktokeca iye kin isanpa wica-štapiśni śakowin ewicayaku, qa hena en yapi, qa otipi: hecen wicašta kin he otokahe kin isanpa oehake kin he śica ece.

27 Unkan hena hecekcen eya icunhan, wicota kin etanhan winohinca wan ho wankan yeye ça heciya; Wicitpi etanhan inicage cin he, qa aze dazoke cin hena yawaśtepi ce.

28 Tuka iye heya; Han, tuka tona Wakantanka oie kin nahonpi, qa ccen econpi kin hena is iyotan wicayawaśtepi ce.

29 Unkan oyate kin wanna en hiiniciyapi qehan, hewicakiya; Wicage kin de śica; wowa-

petokeca akitapi, tuka wowa-petokeca takudan wicaqupi kte śni; Jonas waayate cion wowapetokeca tawa kin hccedan.

30 Ninewe oyate kin Jonas wowapetokeca yuhapi qon, he iyecen wicoicage kin de Wica-šta Cinhintku kin wowapetokeca yuhapi kta.

31 Woyaco kin ekta itokaga wicaštayatapi winohinca qon he wicoicage kin de itkom nawicajin, qa wicayaco kta; he iye maka owihanke tanhan Solomon toksape kin nahon hi; unkan iho, wanji Solomon isanpa tanka den un ce.

32 Woyaco kin ekta Ninewe wicašta kin hena wicoicage kin de on inajinpi kta, qa yacopi kta; he iye Jonas wowicakiyake cin on iyopeiciyapi; unkan inyun, wanji Jonas isanpa tanka den un ce.

33 Tuwedan petijanjan wan ideya eca nahmana ehde śni, qa is ohna wiyutapi kin iyahdapsin-yan hnake śni; tuka petijanjan ihupa wan akan ehde ece; qa hecen tona en hipi kinhan ojanjan kin wanyakapi kte.

34 Wicatancan iyoyanpa kin wicišta kin hee: heon etanhan ništa kin hecetu kinhan, nitancan kin is eya iyoyanpa ojudan ece; tuka ništa kin he śica eca, nitancan kin is eya ocowasin otpaza ojudan ece.

35 Hecen iyoyanpa en niun kin he otpaze kte śni e wakta wo.

36 Heon nitancan kin ocowasin iyoyanpa ojudan, qa tuktedan otpaze śni ehantanhan, petijanjan wan yeħya ide iyoyan-niyan kin he iyecen ocowasin iyoyanpa ojudan kta ce.

37 Unkan heya icunhan Phari-see wan kico: hecen en i, qa wote kta iyotanka,

WICOWOYAKE 12.

38 Unkan wote śni itokam ihdujaja śni kin he Pharisee qon wanyake çehan, inihan.

39 Unkan Itancan kin heciya ; Niye Pharisee kin, miniyatkan waksica ko akapatanhan duskapi ece ; tuka mahen tanhan wawicakipi wicoľian śica ko onijupidan ece.

40 Winitkotkopike cin, akapatanhan un kin he tuwe kaga hecinhan, he is mahen un kin nakun kage śni he.

41 Tuka taku duhapi kin etanhanhan wicaqu po ; kinhan taku owasin niciskapi kta ece.

42 Tuka Pharisee kin niyepi woteli niciyankapi ece ; ceyakata, wacanga, walipe waštemna ko owasin etanhan iwikcemnamna wicayaqupi ece ; tuka wicoľan owotanna Wakantanka waštedakapi ko, hena acayaksinpi ece ; dena e is ecen ecanonpi kta, qa unma qon oyakaptapi kte śni tuka.

43 Pharisee kin niyepi woteli niciyankapi ece ; omniciye tipi kin en oyanke waštešte kin hena wašteyadakapi ece, nakun wopeton tipi kin ekta yaonihanyan oniciyapi kin.

44 Wowapi kagapi qa Pharisee, wanaçilimanpi kin, woteli niciyankapi ece ; wicašta hnakapi tanin śni hiyeye ça wicašta kin sdoneye śni amanipi kin hennicecapi ece.

45 Unkan hehan wicoope aiapi kin heca wanji waayupte, ça heciya ; Waonspekiye cin, hecen eha eca, unkiś eya ienunyahdepi ece.

46 Unkan heya ; Wicoope aiapi kin niś eya woteli niciyankapi ece ; waqinpi qinpi tehika wicašta qinwicayakiyapi ece qa niyepi kin napsukaza wanjidan on waqinpi kin dutanpi kte śni.

47 Woteli niciyankapi ece ; wicašta wokcan wicahnakapi kin hena niye yakagapi, qa niyatepi kin hena wicaktepi qon.

48 Atewicayayapi ohanyanpi qon iyowinwicayakiyapi e awicakehan nihduotaninpi ; he iye hena wicaktepi e wicakapi, qa niye wicašta hnakapi kin wicayecagapi ece.

49 Heon is eya Wakantanka toksape kin heya ; Waayatapi qa wahošiyapi heca ekta yewicawaši kta ee ; unkan apa wicaktepi, qa onsiya wicakuwapi kta ;

50 Hecen maka kagapi kin ehantanhan wicašta wokcanpi we paponpi kin he owasin wicoicage kin de iwicawangapi kta ;

51 Abel we kin hetanhan, qa Zacariyas tipi wakan wahna wośnapi kin okitahedan awihnuni qon he we kin iyahdeya : Awicakehan heciyapi, He wicoicage kin de etanhan iwicawangapi kta ce.

52 Niye wicoope aiapi kin woteli niciyankapi ece ; niś wosdoneye iyulidoka yutokan edakupi, qa niye ohna idadapi śni, qa tona ohna iyayapi kte cin hena anawicayaptapi ece.

53 Unkan hena heceken ewicakiya icunhan, wowapi kagapi qa Pharisee kin taku ota eyeki-yapi kta e nina ĩin nagiyeyapi :

54 Taku iyaonpapi kta akitapi, heon taku i kin etanhan inanpe kta on hmunkapi kta iyapepi.

WICOWOYAKE 12.

1 Unkan wicota ĩinea en ahimniciya, hecen akicihanpi ece, hehan waonspewicakiye cin hewicakiya ; Tokaheya Pharisee kin on napohiyapi tawapi kin he

itonpa po, he wanaicihmanpi kin hee ce.

2 Taku akañpetonpi qa yuzamni kte ñni wanica; qa nakun taku analimanpi qa yuotaninpi kte ñni wanica ce.

3 Hecen otpaza ehna taku token ehapi kin he anposkantuya nahonpi kta; qa onañbe tipi kin ohna wicanoge kin en token ehapi kin he tipi akan ieyanpahapi kta.

4 Qa kodamayayapi kin, niñ heciciyapi; Wicatancan ktepi qa sanpa takudan okihipi ñni kin hena kowicakipapi ñni po.

5 Tuka tuwe koyakipapi kte cin he ito kanyehan ociciyakapi kte: Tuwe wicakte, qa hehan wakanñica tipi kin en ehñewicaya okihi kin he eca kokipa po; han, Hee kokipa po, eciciyapi ce.

6 Zitkadan zaptan mazañadan nonpa iyopewicayapi ñni he: heca eñta Wakantanka hena wanjidan kaes akiktonje ñni.

7 Tuka niyepi kin paha ee kaes owasin niyawapi ece. Heon etanhan wikopapi ñni po; zitkadan ota isanpa niyawapi ece.

8 Qa nakun heciciyapi ce; Tuwe kañta wicañta kin wicitokam miye mayaotanin kinhan, Wicañta Cinhintku kin Wakantanka taohnihde kin hena itokam he yaotanin kta.

9 Tuka tuwe wicañta kin wicitokam amakta ñni kinhan, Wakantanka taohnihde kin hena itokam, he aktapi kte ñni.

10 Qa tuwe kañta Wicañta Cinhintku kin itkom wicoie wanji eciye cinhan, kicicajujupi kte; tuka tuwe Woniya Wakan waoñtehdada kinhan, kicicajujupi kte ñni.

11 Tohan omniciye tipi kin en anihipi kinhan, qa wicañtayatapi

wowañake ko ekta, taku qa token aduptapi kta, qa taku ehapi kte cin awacinpi ñni po.

12 Woniya Wakan kin he iye iyehantudan hin taku ehapi kta iyeceda he onspeniciyapi kta ce.

13 Unkan wicota kin etanhan wanji heciya; Waonspekiye cin, misunka woyuha hanke micu kta, keciya wo.

14 Unkan heciya; Wicañta kin, niwankam wiyukcan qa wapamni kte cin tuwe maakaga he.

15 Unkan hewicakiya; Iwanidaka po, qa wakonpi kin kokipa po; wicañta nipi kin he taku iyakiçuya tonpi kin he en un ñni ece.

16 Hehan wiyacinpi wan owicakiyake ça heya; Wicañta wijica wan tamaga kin taku ota icahya.

17 Unkan cante mahen he awacin qa heya; Token ecamon kta he; waskuyeca mitawa kin tukten wehnake kte cin mduhe ñni ce.

18 Hehan heya; Kaken ecamon kta; wopiye wahdujuju kta, qa tankinkinyan wakage kta; qa hena ohna taku inicicaga woyuha mitawa ko owasin ewaju kta.

19 Qa minagi kin hewakiye kta; Minagi, taku ota yehnake cin he waniyetu ota oiyahde kta ce; ito oziicaye, ça wote, ça wayatke, ça wiyuñkin wo, eya.

20 Tuka Wakantanka heciya; Winitkotkoke cin, hanyetu kin de ninagi kin inicicupi kta; hecen wayehnake cin hena hehan tuwe tawa kta he.

21 Tuwe woyuha kihnaka, tuka Wakantanka ekta wijice ñni kin he he kicica ce, eya.

22 Unkan waonspewicakiye cin hewicakiya; Hecen on hecici-

yapi ce, Yanipi kin on taku yatapi kte cin, qa is tancan kin taku kodakapi kte cin, hena on nagiyeiciyapi s̄ni po.

23 Wicani kin he woyute kin isanpa ece; qa wicatančan kin is wokoyake isanpa ece.

24 Kangi kin hena iwicayukčan po; he iye wojupi s̄ni qa woksapi s̄ni, qa dotopiye wohā ko nicapi: unkan Wakantanka hena wo wicaqu ece. Wahupakoza kin isanpa niyawapi s̄ni he.

25 Qa niyepi wanji awacannipi kin on wicišpa wanjidan kaeš nihduhanskapi oyakhipi he.

26 Hecen taku iyotan cistinna kin he oyakhipi s̄ni ehantanhan, unma kin on tokeca ecin nagiye-niciyapi he.

27 Mnaħcaħca kin he token icaga ece kin he iyukčan po; ĥtani s̄ni qa nakun wakahmun s̄ni; tuka heciyapi ce, Solomon token okitanin ešta, dena wanji iyecen wakoyake s̄ni.

28 Hecen Wakantanka peji anpedehan magata hiyeya, qa heyakecinhan petan ehpeyapi kin hee kaeš wokoyake qu ehantanhan, kitanna wicayadapi kin, niš iyotan wokoyake ničupi kte s̄ni he.

29 Qa taku yatapi qa datkanpi kte cin he ihnihdapi s̄ni po; qa nakun waceṭunhdaya wacin yuzapi s̄ni po.

30 Maka oyate kin hena owasin hecen ihnihdapi ece; qa niye taku kin hena yacinpi kin Ateyayapi kin s̄nya ece.

31 Tuka Wakantanka tokiconze kin hee tokaheya ihnihda po, kinhan dena owasin koya ničupi kta.

32 Optaye cistinna kin, wikipapi s̄ni po; wokiconze kin hee ničupi kta e Ateyayapi kin iyo-kiپی ece.

33 Taku yatonpi kin wiyopekiya po, qa wicaqu po. Wojuha kukaka aye kte s̄ni, mahipiya ekta woyuha owihanke kte s̄ni hena ičicaga po; heciya wamanon sa kiyedan u s̄ni, qa wamduškadan wayapote s̄ni ece.

34 Woyuha tukten niciyankapi hecinhan, is̄ eya nicantepi kin en un ece e kta.

35 Ipiyag kiton yaunpi kta, qa petijanjan nitawapi ideyahan un kta;

36 Qa niš wicašta wicayuhe cin kiciyuzapi kin eciyatanhan hdi kta ape hiyeye cin hena iyecen un po; tohan hdi qa tiyopa hdatoto kinhan wancake kiciyulidokapi kta.

37 Wicayuhe cin hdi kinhan, ookiye kin tona wakta unpi iye-wicakiye cin, hena wicayawaštepi; awicakehan heciyapi ce, Wicayuhe cin iye ipiyagkiton, qa ookiye kin hena wote kta iyotangwicakiye, ča u, qa owicakiye kta ce.

38 Hecen inonpa waktapi kin en, qa is̄ iyamni waktapi kin iyehan hdi, qa ecen iyewicaye cinhan, ookiye kin hena wicayawaštepi ece.

39 Qa de s̄nya po, tipi tawa kin wamanon sa tohan hi kta s̄nya unkanš, wakta un qa tipi kin kiciyulidokapi kte cin anapte kta tuka.

40 Heon etanhan niš eya wi-yeya un po; Wicašta Cinhintku kin tohan awacannipi s̄ni kinhan hehan u kta ce.

41 Unkan Inyan hehan heciya; Itancan, wiyacinpi kin de unkiš-nana unkoyakidakapi, qa is̄ owasin wicayaka he.

42 Unkan Itancan kin heya; Ookiyē wanji waawanyagkiyapi kin he wayupike, ča okiksape cinhan, yuhe cin tiwahe kin yu-

hekiye kta, qa hecen iyehanyan wo wicaqu ece e kte cin he tuwe he.

43 Itancan tawa kin ku, qa taokiye wanji hecen econ yanka wanhdake cinhan, hee yawaštepi ece.

44 Awicakehan heciciyapi; Taku token tawaye cin he owasin yuhekiye kta ce.

45 Tuka ookiye kin he cante mahen, Itancan kin tehau hdi kte šni ecin; qa wicaookiye qa winyanookiye kin hena awicape, ça wote, ça wayatke, ça witkoičiye cinhan,

46 Ookiye kin he anpetu wan yuhe cin hdi ape šni, qa sdonkiye šni hehan hdi, qa kicakse, ça waceṭunhdapi kin hena owicapeya ounyekiy kta.

47 Qa ookiye wanji yuhe cin tawacin kin sḏonya, tuka wiyeya icihnake šni, qa tawacin kin okicipe šni kinhan, he ota apapi kta.

48 Tuka tuwe sdonye šni kinhan, he is apapi kte cin iyecen ohanyan ešta tonana apapi kta ce. Tuwe taku ota qupi kinhan, hee taku ota iwangapi kta; qa wicašta kin tuwe taku ota yuhekiyapi ca, he iyotan ota kicapi ece e kta.

49 Maka akan peta iyayewaye kta wahi; qa token wacanmi he, wanna ideyapi ešta.

50 Tuka baptem wanji on baptem maqupi kta; qa he tohanyan yuštanpi šni hehanyan aotĩnsmayanpi ce.

51 Maka akan wookiye wicaqu wahi kecannipi he. Hiya, tuka wicayumdecapi kin is ee kta, eciciyapi ce.

52 Detanhan tipi wanjidan ohna zaptan yukanpi kta, qa yuomdecapi kta, yamni nonpa om, qa nonpa yamni om kicipajinpi kta.

53 Wicašta wan iye cinhintku kin kipajin kta, qa cinhintku kin is atkuku kin; hunku kin cunwintku kin kipajin kta, qa cunwintku kin is hunku kin; nakun kunku kin takošku kin, qa takošku kin is kunku kin kipajin ece e kta, eya.

54 Unkan nakun oyate kin hewicakiya; Wiyohipeyata tanhan mahpiya wanji wankan u wandakapi eca, wancake, Magaju kta ce, ehapi: unkan ecetu ece.

55 Qa itokaga tate uya eca, Odidita kta ce, ehapi: unkan ecen hiyohi ece.

56 Wanaicĩlmanpi kin, niš mahpiya ite kin maka ko iyukcan oyakhipi; tuka tokeca e nakaha kin idukcanpi šni he.

57 Han, niye cinka tokeca e taku owotanna kin idukcanpi šni he.

58 Tohan tuwe icazoniciye cin kici wicoope awanyake cin ekta de cinhan, tahepi niyuškapi kte cin akite hinca wo; okinni he wayaco kin ekta aniye kta, qa wayaco kin is akicita kin ekta niču kta, qa hecen kaška nihnakapi kta.

59 Mazašadan ehake hince cin he tohanyan yecu šni hehanyan hetanhan yahdicu kte šni, eciciya ce, eya.

WICOWOYAKE 13.

1 Unkan hehan en opapi kin wanjikji, Pilate token Galile wicašta heca we kin iye wošnapitawapi kin kici icicahiye ciqon, he okiyakapi.

2 Unkan Jesus waayupte ça hewicakiya; Galile wicašta kin decen ecawicaonpi kin heon etanhan Galile wicašta owasin isanpa hena walitanipi sa kecannipi he.

3 Hiya; tuka niye nihduecetupi šni ehantanhan, niš eya owasin iyecen nitakunipi kte šni, eciciyapi ce.

4 Qa is Siloam conkaške akešahdogan awicahinhpaye, ça wicakte qon, wicašta owasin Jerusalem en unpi qon henana iyotan wicoľan šicapi, kecannipi he.

5 Hiya; tuka niye nihduecetupi šni ehantanhan, niš eya owasin iyecen nitakunipi kte šni, eciciyapi ce, eya.

6 Unkan wiyacinpi kin de nakun owicakiyaka; Wicašta wan hastanhanka iyuwi maga tawa kin en suken can wanji oju; unkan en waskuyeca ode hi, tuka takudan iyeye šni.

7 Hehan hastanhanka iyuwi maga kicanye cin he heciya; Can kin de ekta omaka yamni wanna waskuyeca ode wahi, tuka ongedan iyewaye šni ece; kawanka wo; tokeca ecin maka yušagya han he.

8 Unkan waayupte, ça heciya; Itancan kin, omaka kin de nakun ayušan wo, ecen ohomni maka waqe, ça tacesdi en ewahnake kta;

9 Okinni waskuyeca icalıye kta; tuka wanice cinhan, hinakaha hehan yahdawanke kta ce.

10 Unkan anpetu wakan icunhan omniciye tipi wan ohna waonspewicakiya yanka:

11 Unkan iho, winoľinca wan waniyetu ake šahdogan hehanyan woniya wašake šni kin yuha, tancan kin wanna pako icu, qa tokadan ihduowotanna šni.

12 Jesus he wanyaka, unkan kico qa heciya; Winoľinca waniyazanke cin etanhan niciyuškapi ce.

13 Hehan nape kin ahnaka, un-

kan wancake owotanna icu, qa Wakantanka yaonihan.

14 Unkan anpetu wakan icunhan Jesus waasniyan kin on etanhan omniciye tipi idake cin he canteptanyan; hecen waayupte, ça oyate kin hewicakiya; Wicašta kin ľitanipi kte cin anpetu šakpe yukan ce; hecen anpetu kin hena en u po, qa asni-niyanpi kta ce; tuka anpetu wakan icunhan upi šni po, eya.

15 Unkan Itancan kin waayupte ça heciya; Wanaičiľbe cin, niyepi otoiyohi, anpetu wakan, tatanka qa is šonšonna nitawapi kin yakiduškapi qa miniyatkekiya adapi šni he.

16 Unkan winoľinca kin de Abraham cunwintkuwicaye cin wanji ee, Satan iho, waniyetu ake šahdogan hehanyan kaška hnaka, he is anpetu wakan icunhan kiyuškapi kte šni iyececa he.

17 Unkan hena hecen eye ceľhan, kipajinpi qon owasin ištecapi; unkan wokitaninyan taku econ qon hena owasin on oyate owasin iyuškinpi.

18 Hehan heya; Wakantanka tokiconze kin he taku iyececa he; qa taku e imdacin kta he.

19 Sinape sukaza wanji iyececa, he wicašta wan icu, qa maga tawa kin en iyohpeya; unkan icage, ça can tanka aya; unkan maľpiya okinyanpi kin adetka kin en iyahanpi ece.

20 Unkan ake heya; Wakan-tanku tokiconze kin he taku e imdacin kta he.

21 On napohyapi kin he iyececa, he winoľinca wan icu, qa wotpanpi wiyutapi yamni en anaľman, hecen ocowasin napogan ce.

22 Unkan otonwe qa otonwe ciqadan iyaza ye ça, waonspekkiya; qa Jerusalem etkiya ya.

23 Unkan tuwe heciya; Itancan, niwicayapi kte cin hena tonananpidan he. Unkan hewicakiya;

24 Tiyopa cistiyedan kin he ohna dapi kta nina akita po: wicota ohna yapi akitapi kta, tuka okhipi kte šni, eciciyapi ce.

25 Tipi tawa kin tohan wanna najin hiyaye, ça tiyopa kin ecen ikikcu, qa itankan nayajinpi, qa tiyopa yakatotopi, qa; Itancan, Itancan, unkiciyuhdoka miye, ehapi; qa iye waayupte ça, Tonitanhanpi kin sdonwaye šni ce, eniciyapi kta;

26 Hehan niš hehapi kta; Nanke cin en wauntapi, qa wanyatkanpi ece; qa niš ocanku unkitawapi kin ohnahna waonspeyakiye ciqon.

27 Tuka iye heye kta; Tonitanhanpi kin sdonwaye šni, eciciyapi ce; woowotanna šni ecanonpi ece kin owasin mitantanhan iyaya po.

28 Abraham, qa Isaak, qa Jakob, qa wicašta wokcan owasin Wakantanka tokiconze kin en opapi tohan wandakapi, qa niyepi kin tankan iyayeniyampi kinhan, wicaceya hihdakokokapi ko yuke kta.

29 Wiyohiyanpata, wiyohipeyata, waziyata, itokaga, hena-kiya eciyatanhan au, qa Wakantanka tokiconze kin en iyotan- kapi kta ce.

30 Unkan iho, ehake yakonpi kin hena tokaheyapi kta; qa tokaheyapi kin hena is ehake yakonpi kta ce, eya.

31 Unkan anpetu kin he en Pharisee kin wanjikji ekta hipi qa heciyapi; Detanhan ye ça tokan iyaya wo; Herod nikte kta cin.

32 Unkan hewicakiya; Yapi

qa šungidan kin he heciya po; Iho, anpetu kin de qa nakun heyakecinhan, wakan šica napewicawaye ça, wayazankapi kin asniwicawaye kta, qa anpetu icyamni kinhan mayušanpi kta ce.

33 Takomni anpetu kin de, qa heyakecinhan, nakuñ iyokihe kin he en mawani kta iyececa; ecaes Jerusalem itankan wicašta wokcan wanji te kte pica šni.

34 Jerusalem, Jerusalem, wicašta wokcan kin hena wicayakte, qa niye ekta u wicašipi qon hena inyan on wicayakininpi ece; eca ijehan anpachotonna wan lupahu olidateya cinca wicaptahi ece kin he iyecen niye nicinca kin wicacicipahi kta, tuka yacinpi šni.

35 Iho, yatipi kin otiwota ehpeniciyapi: qa, Tohanyan tuwe Itancan caje on u kin he yawaštepini nunwe, ehapi šni hehanyan wanmayadakapi kte šni, awicakehan eciciyapi ce.

WICOWOYAKE 14.

1 Unkan Pharisee itancan wanji ti kin en anpetu wakan icunhan wote kta tin iyaya; unkan Pharisee kin awanyag kuwapi.

2 Unkan iho, wicašta wan dropsi ececa kin he itokam yanka.

3 Hehan Jesus waayupte ça, wicoope aiapi kin, qa Pharisee kin hena hewicakiya; Anpetu wakan icunhan waasniyanpi kte cin iyowinwicakiyapi he.

4 Tuka inina unpi. Hehan wicašta qon eyaku, qa asniye, ça hdeši;

5 Qa waayupte, ça hewicakiya; Niyepi kin wanji tatanka qa is šonšonna yatonpi, qa anpetu wakan icunhan makohdoka wan

WICOWOYAKE 14.

ohinlipaye cinhan, wancake hdi-cuyakiyapi s̄ni naceca he.

6 Unkan hena on ayuptapi kta okitpanipi.

7 Unkan wicakicopi kin wiya-cinpi wan owicakiyaka, oyanke tokapa ece kah̄nigapi kin he wanyake c̄ehan; qa hewicakiya;

8 Tuwe tohan kiciyuzapi kin ekta nicopi kinhan, oyanke tokapa kin en iyotanke s̄ni wo; okinni nikapeya kinihanpi wanji kicopi kta;

9 Kinhan, sakim nicopi kin he u, qa, Wicašta kin de kiyukan wo, eniciye cinhan, hehan hinakaha wowištenya oyanke hakakta kin hee ekta idotanke kta ce.

10 Tuka nicopi kinhan ye, c̄a oyanke hakakta kin en iyotanka wo; hecen nico kin he tohan u kinhan, Koda, wankan wapa ya wo, eniciye kta; hecen om wota idotanke cin hena niyuonihanpi kta.

11 Tuwe kašta ih̄duwankantu kinhan, hee yuhukun iyayeyapi kta ce; qa tuwe ih̄duhukuye cinhan, hee yuwankantuya ayapi ece e kta.

12 Unkan hehan kico qon he heciya; Tohan wiyotanhan wotapi, qa iś h̄tayetu wotapi yakage cinhan, kodawicayaye, c̄a nihunkawanji, qa takuwicayaye cin, qa nikiyedān wijinya unpi kin, hena wicakico s̄ni wo; iś ake okinni nicopi, qa hecen nicicajujupi kta.

13 Tuka wotapi wan yakage cinhan, wal̄hpanicapi, qa huha ksawahanpi, qa huš̄tepi, qa ištāgongapi kin, hena wicakico wo;

14 Kinhan niyawaš̄tepi kta ce; hena nicicajujupi kta okitpanipi nakaes̄, owotanpidan kinipi kte cin ekta nicicajujupi kta ce, eya.

15 Unkan opeya wota yankapi

kin etanhan wanji hena hecen eya nah̄on qehan, heciya; Wakankanka tokiconze kin en tuwe aguyapi yute kta hecinhan hee yawaš̄tepi ce.

16 Unkan hehan heciya; Wicašta wan h̄tayetu wotapi wan tanka kage, c̄a wicota wicakico:

17 Qa wotapi kta wanna iye-hantu, hehan taokiye wan wicakicopi qon hewicakiye kta ye s̄i; U po, wannā taku owasin wiyeya hiyeya ce.

18 Unkan owasin okonwanjidan ih̄datokanpi. Tokaheya kin he heciya; Makoce on̄spa opewaton, qa he wanhdag mde kta iyececa; ceciciya ce, micunni wo.

19 Unkan wanji tokeca heya; Tatanka tazaptan opewaton, qa iwicahdute mde kta; ceciciya ce, micunni wo.

20 Unkan wanji tokeca heya; Winohinca wan mduza, hecen wau owakitpani ce.

21 Unkan hecen ookiye qon he ku, qa heyapi kin yuhe cin ecen okiyaka. Unkan hinakaha tipi tawa kin s̄ih̄da, qa taokiye qon heciya; Koyahan wo, qa otonwe canku kin ekta ye, c̄a wal̄hpanicapi kin, huha ksawahanpi, huš̄tepi, ištāgongapi kin, hena den awicau wo, eya.

22 Unkan ookiye qon heya; Itancan kin, ehe cin he wanna ecen econpi, tuka nah̄ah̄in okan ce, eya.

23 Unkan Itancan kin ookiye qon heciya; Ocanku h̄ince cin, qa mah̄inatake ektakta ye, c̄a uwicakiya wo, hecen wati kin ojudan kta.

24 Heciciya ce; Wicakicopi qon wanjidan kaeš̄ wowahe cin etanhan on̄spadan yutapi kte s̄ni ce, eya.

25 Unkan wicota h̄inca kici

yapi; hehan ihduhomni qa he-wicakiya;

26 Tuwe ekta mahi, qa atku-ku, hunku, tawicu, cinca, sunka-ku, tawinohtin kin, hena, qa iye ni kin hees koya sicekida sni e-hantanhan, waonspewicawakiye cin wanji ee kta okitpani ce.

27 Qa tuwe kašta cansusbeca kin kicin, qa miyahna u sni e-hantanhan, waonspewicawakiye cin wanji ee kta okitpani ce.

28 Niyepi kin wanji conkaške yakagapi kta kecannipi ehan-tanhan, ito tokaheya idotanka-pi, qa yahduştanpi kte cin iyena yatonpi hecinhan, he iyahdu-keanpi sni he.

29 Hecanonpi sni kinhan, okin-ni oahehde kin he wanna eya-hnakapi, qa yahduştanpi kte cin oyakitpanipi kinhan, tona wan-yakapi kinhan owasin inihiapi, qa heyapi kta;

30 Wicašta kin de taku kage kta, tuka hduştan kta okihi sni ce.

31 Qa nakun wicaştayatapi wan wicaştayatapi tokeca azuye kte cinhan, ito tokaheya iyotanke, ça iye kektopawinge wikcemna wicayuhe cin hena on, tuwe ke-ktopawinge wikcemna nonpa yuha takpe u kin he itkokipa okihi kta hecinhan, he ihdukcan sni naceca he.

32 Qa is, unma kin hinahin ite-han un, tuwe ekta ye si, qa wo-kiyapi kida naceca.

33 Iho, he iyecen niyepi kin tuwe taku yuhe cin owasin tpa-gan sni ehantanhan, waonspewi-cawakiye cin wanji ee kta oki-tpani ce.

34 Miniskuya he wašte; tuka miniskuya woskuye kin en un sni ehantanhan, taku ecin on skuya kagapi kta he.

35 Maga qa watuškseca paha

kin unmana on wašte sni; tuka tankan ehpeyapi ece. Tuwe noge winahon yukan hecinhan, nahon kta ce.

WICOWOYAKE 15.

1 Unkan hehan wamnayanpi qa wahtanipi sa, hena owasin nahonpi kta e on en ahi.

2 Unkan Pharisee kin wowapi kagapi ko ikapapi qa heyapi; Wicašta kin de wahtanipi sa iyowinwicakiye ça om wota eee.

3 Hehan wiyacinpi kin de owi-cakiyake ça heya;

4 Niyepi kin etanhan wicašta wanji tahinca wanunyanpi opa-winge wicayuhe ça, wanjidan kitanin sni kinhan, wikcemna nacinwanka sanpa nacinwan-ka kin hena makotahedan en awicayuştan, qa tanin sni qon he tohanyan iyeye sni hehanyan okide sni naceca he.

5 Qa tohan iyeye cinhan, wi-yuškinyan hiyete akan akionpa ece.

6 Qa wanna tiyata ki eca, ko-dawicaye ça, ikiyedani tipi kin hena witaya wicakico, qa hewi-cakiya; Miciiyuşkin po, tahinca wanunyanpi wan makitanin sni qon he wanna iyewakiya ce.

7 Heciciyapi ce; he iyececa, wahtanipi sa wanjidan iyopeici-ya eca, mahpiya ekta wiyuşkin-pi ece e kta, wicašta owotanna qa woahntani on iyopeiciyapi kta iyececapi sni wikcemna nacin-wanka sanpa nacinwanka on iyecen wiyuşkinpi kte sni.

8 Qa nakun winohinca tuwe kaşpapidan wikcemna yuhe, ça wanji togehpekiye cinhan, he-cen petijanjan ideye, ça tipi kin kahinte, ça tohan iyekiye sni kin hehanyan okide sni naceca he.

9 Qa tohan wanna iyeye cinhan, kodawicaye cin, qa ikiyedan tipi kin hena witaya wicakico qa hewicakiya; Miciiyu-škin pe, kašpapidan toki ehpewakiye ciqon he wanna iyewakiya ce.

10 He iyececa wahtanipi sa wanjidan iyopeiciya eca, on Wakantanka taohnihde kin wicitokam wiyuŝkinpi ece, eciciyapi ce.

11 Unkan heya; Wicašta wan cinhintku nonpa.

12 Unkan hakakta kin he atkuku kin heciya; Ate, woyuha mitawa kte cin he micu wo. Unkan woyuha kin akipam wicaqu.

13 Unkan iyohakam anpetu tonana hehan cinhintku hakakta qon he taku owasin witaya tpa-
hi; qa itehanyan makoce wan ekta icimani iyaya: qa hen ŝica-
ya oħanyanpi kin on taku yuhe cin hduatakuni ŝni.

14 Unkan wanna owasin hdu-
sote çehan, makoce kin he en wicaakiħan tanka icaga; hehan iye wicakiš un.

15 Qa makoce kin hen unpi kin wanji ekta ye ça kici yanka: unkan he kukuše wo wicaqu kta e maga kin ekta ye ŝi.

16 Unkan omnica kukuše yu-
tapi kin hee etanhan wipiiciye wacin; tuka tuwedan takudan qu ŝni.

17 Unkan içiksuye çehan heya; Ookiye opetonpi heca aguyapi iyakiçuya yuhapi kin tona ate wicayuha liwo; qa miye e wotektehdapi on atakuni ŝni amayan ce.

18 Ito nawajin qa ate ekta wa-
hde kta, qa hewakiye kta; Ate, maħpiya kin en, qa niye nakun nitokam wawahtani:

19 Qa detanhan cincamayaye

ktaiyemacece ŝni; wicašta ope-
wicayaton kin he iš wanji iye-
ceca makaga wo, epe kta ce.

20 Unkan najin hiyaye ça atku-
ku kin ekta hda. Tuka nahahin itehan atkuku wanhdake ça on-
šikida, qa ekta inyang ye ça, poskin hduze ça i itputaka.

21 Unkan cinhintku kin heci-
ya; Ate, maħpiya kin en qa niye nitokam wawahtani; qa detan-
han cincamayaye kta iyemacece ŝni ce.

22 Tuka atkuku taokiye kin hewicakiya; Šina iyotan wašte kin he aupi qa inkiya po; qa mazanapeupe wan nape kin en iyekiya po, qa hanpa ohekiya po:

23 Qa ptejicadan cemyapi kin he den aupi qa kte po; waunta-
pi qa unkiyuŝkinpi kta ce:

24 Micinkši kin de ta, tuka kini; tanin ŝni, tuka iyeyapi ce, eya. Unkan hinnakaha wiyuŝkinpi.

25 Tuka cinhintku tokapa qon he magata un; unkan ti kiye-
dan ku hehan dowanpi qa waci-
pi naħon.

26 Unkan ookiye wanji kipan, qa token he kapi hecinhan he iwanga.

27 Unkan heciya; Nisunka hdi; unkan ni un, qa zaniyan hdi kin on etanhan niyate pteji-
cadan cemyapi qon he kikte ce, eya.

28 Unkan hecen ŝihda, qa tin kihde wacin ŝni: hehan atkuku kin tankan hiyu, qa cekiya.

29 Unkan waayupte ça atkuku kin heciya; Wanyaka wo, wan-
na waniyetu ota ociciye ça to-
hinni nioie kawape ŝni; hececa ešta kodawicawaye cin om wi-
mduŝkin kta e tacincadan wan tohinni mayaqu ŝni.

30 Tuka nicinkši witkowinpi kin om woyuha nitawa kin tem-

niciyē cin de hdi ca, wancake ptejicadan cemyapi kin he yeci-
caṭa ce, eya.

31 Unkan heciya; Cinś, ohin-
niyan mici yaun, qa taku mita-
wa kin he iyuhpa nitawa.

32 Nisunka kin de ṭa, unkan
kini; tanin śni, unkan iyeyapi
kin, on etanhan ito cante unwa-
štepi, qa unkiyuškinpi kte cin he
hecetu ce.

WICOWOYAKE 16.

1 Hehan waonspewicakiye cin
hewicakiya; Wicašta wijica
wanji waawanyake wan yuha;
unkan he yuhe cin woyuha tawa
yutakuni śni ce, keya okiyakapi.

2 Hehan kico qa heciya; Taku
eniciyapi kin de toketu he;
waawandake cin ito ohdaka wo;
wana waawandake cin adušan
kta ce.

3 Unkan waawanyake cin can-
te mahen heya; Token ecamon
kta he; waawanmdake cin he
mayuhe cin imicicu; mahqapi
kin owakitpani, qa timatayapi
kin he imašteca.

4 Taku ecamon kte cin he
sdonwakiya, heon tohan waa-
wanmdake cin he etanhan he-
yata iyemayanpi kinhan, tipi kin
en tin hiyumayanpi kta ce.

5 Unkan hecen yuhe cin tona
ikicazopi qon owasin wicakico,
qa tokaheya kin he heciya; Ma-
yuhē cin tona nahāhin yecu śni
he.

6 Unkan, Wihdi iyutapi opa-
winge ce, eya. Unkan heciya;
Koyahanna wowapi nitawa kin
ehdaku, qa iyotanke, ca wikce-
mna zaptan e okiwa wo.

7 Unkan wanji tokeca hehan
heciya; Qa niś tona nahāhin ye-
cu śni he. Unkan, Aguyapisu
iyutapi opawinge ce, eya. Unkan

heciya; Wowapi nitawa kin
ehdaku, qa wikcemna šahdogan
e okiwa wo.

8 Unkan yuhe cin waawanya-
ke owotanna śni kin yaonihan,
okiksamyā econ kin heon etan-
han: maka kin de cincapi kin
iwicacage cin en iyoyanpa cinca
kin isanpa ksapapi ece.

9 Unkan miś heciyapi; Wo-
yuha owotanna śni kin on tawa-
šitku ičicaga po; hecen tohan
niye oničhipi śni kinhan, iye
tipi owihanke kte śni en tin hi-
yuniciyapi kta ce.

10 Tuwe taku iyotan cistinna
on wicaka hecinhan, hee taku
ota nakun on wicaka ece; qa
tuwe taku iyotan cistinna kin
on owotanna śni hecinhan, hee
taku ota kin nakun on owotanna
śni ece.

11 Hecen woyuha owotanna
śni kin he on wicayakapi śni
ehantanhan, wicake cin he tuwe
ecin yuheniciyapi kta he.

12 Qa wicašta tokeca taku
tawa kin on wicayakapi śni
ehantanhan, niye nitawapi kin
hee tuwe ecin ničupi kta he.

13 Ookiye kin tuwedan yuhe
cin nonpa en wowidagičiyē kta
okihi śni; wanji šicedake kta,
qa unma iś waštedake kta; qa
iś wanji en iyaihdaske kta, qa
unma kin iś ekta ewacin kte
śni. Wakantanka qa mammon
napin en wowidagničiyapi kta
oyakihipi śni ce.

14 Unkan Pharisee kin wakon-
pi kin, hena owasin nahonpi; qa
wowihayapi.

15 Unkan hewicakiya; Wica-
šta kin wicitokam ihdaowotanpi-
dan kin he niyepi; tuka Wakan-
tanka nicante ozepi kin he sdon-
niyanpi ce: ecaes wicašta ekta
taku takudapi hince cin hee Wa-
kantanka wahteda śni ece.

WICOWOYAKE 17.

16 Wooke qa wicašta wokcan kin hena Johannes hehanyan; tuka hetanhan Wakantanka tokiconze kin oyakapi ece, qa owasin en opapi kte linca.

17 Mahpiya maka ko tokan iyaye kte cin he aoptetu, qa wooke oowa wanjidan kaeš yucetupi kte šni kin hee tehika ce.

18 Tuwe tawicu ehpekiye ca wanji tokeca yuze cinhan, hee wawicilahapi econ ece: qa hihnaku ehpeye cigon he tuwe yuze cinhan he wawicilahapi econ ece.

19 Wicašta wanji wijica, he wokoyake stan qa miniuha zimzipedan ece koyaka, qa anpetu otoyohi wiyuškinyan un.

20 Nakun wicašta walpanica wan Lazaros eciyapi, he tatiyopa kin en ahionpapi, tancan owancaya hidihi;

21 Qa wicašta wijica wahna wotapi tawa kin etanhan ošnašna hinhpaye cin hena yunkiyapi kta cin. Tuka šunka kin en ahi, qa ohdihdi kin sdipapi.

22 Unkan walpanica kin he ta; qa malpiya ohnihde kin Abraham maku kin ekta ayapi. Wicašta wijica qon iš eya ta, qa liapi.

23 Unkan wakanšica tipi kin en kakiš yanke cehan, wankan etonwe, ca tehan tanhan Abraham wanyaka; qa maku kin ohna Lazaros yanka.

24 Unkan heya niyan; Ate Abraham, onšimakida qa Lazaros u ši wo, napsukaza inkpa kin mini en oputkan qa ceji makasni kta; oide kin de ohna makakija ce.

25 Tuka Abraham heya; Cinš, yani qon he ehan taku waštešte yahduha, qa Lazaros taku šikšica yuha, he kiksuya wo; tuka

nakaha iye kicanptapi qa niye kakišniyanpi.

26 Qa nakun unkiyotahedan kaksiza wan tanka yanka; hecen tona deciya tanhan niye ekta ye wacimpi keš okitpanipi ece; qa nakun heciya tanhan den ekta unhipi kta okitpanipi ece.

27 Hehan heya; Heon ate, ceciciya ce, ate ti kin ekta ye yaši kta;

28 Misunka zaptan, hena wovicakiyake kta; iš eya okinni wokakije kin de en upi nun ce.

29 Abraham heciya; Moses qa wicašta wokcan kin hena yuhapi; hena iš anawicagoptanpi ešta šni.

30 Tuka heya; Hiya, ate Abraham: tuka tapi kin eciyatanhan wanji ekta wicai unkanš, ihducetupi kta tuka.

31 Unkan heciya; Moses qa wicašta wokcan kin hena anawicagoptanpi šni ehantanhan, tapi kin eciyatanhan wanji kini qeyaš, nakun wicadapi kte šni ce, eya.

WICOWOYAKE 17.

1 Hehan waonspewicakiye cin hewicakiya; Wahtaniyapi kin u kte šni pica šni; tuka tuwe eciyatanhan hena u kinhan, hee wotehi kiciyanka ece.

2 Dena cikcistinpidan kin tuwe wanji walhaniye cinhan he inyan wiyukpan wanji tahu kin en napingkiyapi, qa miniyowanca kin oiyohpeyapi unkanš, eeš wašte kta tuka.

3 Iwanihdaka po. Nisunka šicaya ecanicon kinhan kišica wo, qa iye iyopeiciye cinhan, kicicajuju wo.

4 Qa šakowin akihde anpetu wanjidan šicaya ecanicon, qa šakowin akihde anpetu wanji-

LUKAS.

dan niye ekta ihduhomni, qa, Iyopemiçiya ce, eniciye cinhan, hecen yecicajuju kta ce, eya.

5 Unkan wahoşiyapi kin Itancan kin heciyapi; Wacinunyanpi kin unkiciyusanpa miye.

6 Unkan Itancan kin heya; Sinape sukaza wan iyecen wacinayayapi kinhan, sukamin can kin de, Hute ihdamna qa miniwanca kin en huiçihde wo, eyakiyapi kta, kinhan ananigoptanpi kta tuka.

7 Tuka niyepi kin wanji tukte taokiye wan yuha, mahyumdu qaiş wanunyanpi wihanwicakiya un, qa tokeşta maga kin eciyatanhan hdi kinhan, Iho wo, ye ça wota iyotanka wo, eciye kta he.

8 Qa iş kaken, Woyute wiyeya micihnake ça, ipiyagkiton qa omakiya wo; qa miş tohan wawate ça wamdatke cinhan, iyohakam niş ito wayate ça wadatkte kta ce, eciye kte şni he.

9 Hecen ookiye kin he taku econ şipi kin ecen econ kin, on etanhan wopida eciye kta he. Hepce şni ce.

10 Niş eya iyecen taku token econ nişipi kin, owasin ecen duştanpi kinhan, heya po; Ookiyewakamna şni kin heuncapi; taku econkupi kta iyecece cin hecedan econkupi ece.

11 Unkan Jerusalem ekta ye çehan, Samaria qa Galile coka-ya iyoopta iyaya.

12 Qa otowen wan en i qehan, wicaşta wikcemna lepros ececapi itkokipapi, qa itehan hinajinpi:

13 Qa ho wankan iyeyapi qa heyapi; Jesus, Itancan, onşiu- kida miye.

14 Unkan wanwicayake çehan, hewicakiya; Wawayuşnapi kin ekta wicaya po, qa wan-

yagiçiya po. Unkan ekta yapicunhan akisnipi.

15 Unkan wanji wanna asni sdotkiye çehan, ihdamna, qa hotankakiya Wakantanka yaonihan;

16 Qa siha kin en ite makipuskin ehpeçiye ça, wopida eciya: unkan he Samaria wicaşta kin heca.

17 Unkan Jesus waayupte ça heya; Wikcemna asniwicayapi şni he: tuka napcinwanka kin hena tokiya unpi he.

18 Wakantanka yaonihan kta hdipi kin tuwedan iyeyapi şni, oyate tokeca etanhan kin de işnana ce.

19 Hehan heciya; Najin qa hda wo; wicayada kin he asni-nyan ce.

20 Unkan Pharisee kin iş Wakantanka tokiconze kin he tohan hiyohi kta hecinhan, he iwangapi qehan, waayupte ça hewicakiya; Wakantanka tokiconze kin he wowanyake on hi kte şni.

21 Nakun, Iho, dee ce, qa iho, kae ce, eyapi kte şni: Wanyaka po, Wakantanka tokiconze kin he mahen niunpi ece.

22 Hehan waonspewicakiye cin hewicakiya; Anpetu wan hiyohi kta, Wicaşta Cinhintku kin anpetu tawa kin wanji wandakapi kta yacinpi kta, tuka wandakapi kte şni.

23 Qa, Iho dee, qa iho kae ce, eniciyapi kta; tuka wiciyahna yapı şni po, qa owicapapi şni po.

24 Wakanhdi mahpiya ihukuya tokiyatnhan wiyatpa u, qa mahpiya ihukuya unma ekta iya- hde ece kin he Wicaşta Cinhintku anpetu tawa kin en iyecece kta.

25 Tuka ito tokaheya taku ota on iyotanhan iyekiye kta, qa

WICOWOYAKE 18.

wicoicage kin de on heyata iye-yapi kta ce.

26 Unkan Nowa taanpetu qon en token unpi qon, Wicašta Cinhintku taanpetu kin en he iyecece kta.

27 Nowa wata kin en okipe ciqon anpetu kin hehanyan wotapi, qa wayatkanpi, tawicutonpi, qa hihnatonpi ece; unkan minitan u, qa owasin owihankewicaya.

28 Qa nakun Lot anpetu tawa qon en is eya iyececa, wotapi, qa wayatkanpi, wopetonpi qa wiyopeyapi, wojupi qa ticagapi ece:

29 Tuka Lot Sodom etanhan tankan hinape ciqon anpetu kin hee hinca en mahpiya kin eciyatanhan peta, mazakan noge iyuwintapi kin ahna hinhe, qa owasin owihankewicaya.

30 Wicašta Cinhintku kin yuotaninpi kte cin he iyecece kta ce.

31 Anpetu kin he en tuwe tipi akan yanke qa tawalipaya timahen hiyeye cinhan, kuu ku qa ehdaku kte sni; qa tuwe magata un kinhan, is eya taku hekta un kin ekta ihdamna kte sni.

32 Lot tawicu qon he kiksuya po.

33 Tuwe wiconi tawa kpatan cin kinhan, he toki ehpekiye kta; qa tuwe wiconi tawa toki ehpekiye cinhan, hee hduhe kta.

34 Heciciyapi ce; Hanyetu kin he en wicašta nom owinja wanjidan akan wankapi kta; wanji icupi kta, qa unma kin is ehpeyapi kta.

35 Winyan nonpa akiptan wotpan unpi kta; wanji icupi kta, qa unma kin is ehpeyapi kta.

36 Wicašta nom magata unpi kta; wanji icupi kta, qa unma kin is ehpeyapi kta ce.

37 Unkan waayuptapi qa heciyapi; Itancan, tukte etu he. Unkan hewicakiya; Tukten wicatanca wanka eca, hen wamdi kin kawitaya inniciyapi ece e kta.

WICOWOYAKE 18.

1 Unkan wicašta kin ohinniyany wocekiye eyapi kta, qa iyakicunnipi kte sni e on wiyacinpi wan owicakiyaka;

2 Qa heya; Otonwe wan en wiyukkan wanji Wakantanka kokipe sni, qa nakun wicašta wicakinihan sni.

3 Unkan otonwe kin he en wiwazica wan, he wiyukkan kin ekta hi qa, Makipajin kin he tomicicon ye, eya.

4 Unkan tokaheya econ wacin sni; tuka ocim cante mahen heya; Wakantanka kowakipe sni, qa nakun wicašta kin wicawakinihan sni qeyaš;

5 Wiwazica kin de nagiyemaye cin on etanhan ito toweciçon kta; okinni ohinni hecetu u kinhan wacin iyokišinmaye kta naceca ce.

6 Unkan Itancan kin heya; Wiyukkan owotanna sni ie cin he nahon po.

7 Unkan Wakantanka tona wicakalnige, qa anpetu hanyetu ko cekiyapi kin, hena tehan towicakiciçon sni qeyaš, ocim econ kte sni he.

8 Ihnuhanna towicakiciçon kta, eciciyapi ce. Tuka Wicašta Cinhintku kin he tohan hi kinhan, maka akan wacinyanpi iyeye kta he.

9 Unkan apa iye ohan owotanna icidapi, qa token kin waltewicadapi sni kin, hena wiyacinpi kin de owicakiyaka.

10 Wicašta nonpa tipi wakan kin ekta cekiya ipi; unma kin

Pharisee heca, qa unma is wamnayanpi kin heca.

11 Unkan Pharisee kin isnana najin, qa kaken wocekiye eya; Wakantanka, wicašta tokeca iyemacece sni, wawicakipi sa, olan owotanpidan sni, wawicilahapi econpi sa, qa wamnaye cin dee kaeš iyemacece sni heon wopida eciciya.

12 Anpetu wakan okitahedan nonpa akihanmiciye ca taku mduhe cin owasin etanhan iwicemnamna kin wicawaqu ece.

13 Unkan wamnaye cin is itehanyan inajin, qa ista ee kaeš wankan mahpiya kin ekta ikikeu sni; tuka maku kin ohna aicipe, ca heya; Wakantanka onšimakida wo, wawalitani sa.

14 Wicašta kin de yuowotanpidan tiyata kihda, qa unma qon hee sni, eciciyapi ce: Qa tuwe ihduwankantuya kinhan, he yuhukun iyeyapi kta; qa tuwe ihduhukuye cinhan, hee yuwankan ayapi kta ce.

15 Unkan hokšiyooqopa kin nakun wicayutan kta e en awicalipi tuka waonspewicakiye cin he wanyakapi qehan, wicakišicapi.

16 Tuka Jesus wicakico, qa heya; Hokšiyooqopa kin ekta mahipi kte cin iyowinwicakiya po, qa tehindapi sni po; Wakantanka tokiconze kin he hececapitanhan ece.

17 Wowicake eciyatanhan heciciyapi; Tuwe hokšiyooqopaiyecceca Wakantanka tokiconze kin icu sni kinhan, he tokadan en ope kte sni ce.

18 Unkan wicašta ihdawa wanji wiwange ca heya; Waonspewicakiye wašte, token ecamon, qa owihanke wanin wiconi ohimiciye kta he.

19 Unkan Jesus heciya; Toke-

ca e wašte emayakiya he; tuwedan wašte sni; Wakantanka hecedan wašte.

20 Woahope kin hena onnispe; Wawicilahapi ecanon kte sni; Tin wicayakte kte sni; Wamayanon kte sni; Woitonšniyan wodake kte sni; Niyate nihun kici wicahduonihan wo.

21 Unkan heya; Macistina ehantanhan hena owasin ahowapa ce.

22 Unkan Jesus hena nañon qehan heciya; Nahanñin taku wanji iyotpani yaun; taku yaton kin owasin wiyopekiye ca walipanicapi kin wicakipamni wo, kinhan mahpiya ekta woyuha duhe kta ce; hehan u qa mihakam un wo.

23 Unkan he nañon qehan nina iyokišica; wijice hinca nakaeš.

24 Unkan nina wacin iyokišice cin he Jesus wanyake qehan, heya; Wowijice tonpi kin hena Wakantanka tokiconze kin en yapi kte cin he tehike hinca.

25 Wicašta wijica wan Wakantanka tokiconze kin en ye kte cin he tehika, qa kamel heca wanji tahinšpaciqadan ohdoka kin ohna ye kte cin hee kaeš aoptetu ce.

26 Unkan tona he nañonpi kin hena heyapi; Hehan tuwe ni kta he.

27 Unkan heya; Wicašta kin ekta taku econpica sni kin, he Wakantanka ekta econpica ece.

28 Unkan Inyan heya; Iho, unkiš taku owasin untpaganpi, qa niyahna unyakonpi ce.

29 Unkan hewicakiya; Awicakehan heciciyapi ce, Wicašta kin tuwe ti kin, qa hunkakewicaye cin, qa hunkawanjitku, qa tawicu, qa cinca, hena wanji Wakantanka tokiconze kin onkpagan kinhan,

30 Hee dehan nakaha taku

WICOWOYAKE 19.

sanpa ota yuhe kta, qa wiconi u kte cin he en wiconi owihanke wanica yuhe kta ce.

31 Unkan akenonpapi kin ewicayaku qa hewicakiya; Iho, Jerusalem ekta unyanpi, qa wicašta wokcan Wicašta Cinhintku kin on token owapi qon owasin yuecetupi kta.

32 Oyate tokeca napepi kin en wicaqupi kta; hecen ištenyapi, qa wawicanksiya kuwapi, qa atagošapi kta;

33 Qa kapsinpsintapi qa teyapi kte; unkan anpetu iyamni kinhan kini kta ce, eya.

34 Unkan ecaca okahnigapi šni, qa oie kin de anawicakišmanpi, qa taku oyakapi kin sdonyapi šni.

35 Unkan Jeriko ikiyedan wanna u qehan, wicašta wan išttagonge canku icahda wada yanka.

36 Unkan wicota ahiyaye cin he nañon qehan, he token kapi hecinhan he iwicawanga.

37 Unkan, Jesus Nazareth etanhan kin he hiyaya ce, eya okiyakapi.

38 Unkan hotankakiya heya; Jesus Dawid Cinhintku kin onšimakida wo.

39 Unkan tokahanpi kin hena iyokipi šni, inina yanke kta; tuka heon iyotan, hotankakiya heya; Jesus Dawid Cinhintku kin onšimakida wo.

40 Unkan Jesus inajin qa aupi kta kewicakiya. Unkan wanna kiyedan u qehan, wiwange ça,

41 Token ecacicon kta yacin he, eya. Unkan iye, Itancan, watonwe kta, eya.

42 Unkan Jesus heciya; Tonwan wo, wacinyaye cin he ninyan ce.

43 Unkan wancake tonwe ça iyahna hiyu, qa Wakantanka

yaonihan: unkan oyate kin he wanyakapi qehan, owasin Wakantanka yatanpi.

WICOWOYAKE 19.

1 Unkan Jeriko en i, qa iyoopte iyaya.

2 Unkan iho, wicašta wan Zakeus eciyapi, wamnayanpi itancan kin wanji hee, qa wijica.

3 Unkan Jesus tuwe kin hecinhan he wanyag akita; tuka tancan ptecedan, hecen wicota kin on tokadan okihi šni.

4 Unkan tokata inyang ye ça sukamin can wanji adi, wanyake kta e heon, heñ hiyaye kta nakaes.

5 Unkan Jesus wanna ehan i qehan, wankan etonwe ça wan-yaka, qa heciya, Zakeus koyahanna kun hdicu wo, anpetu kin de yati kin en ito manke kta ce.

6 Unkan koyahanna kun ku, qa iyuškinyan iyowinkiya.

7 Unkan he wanyakapi qehan owasin ikapapi qa heyapi, Wicašta wan walitani sa he kici wote kta iyaya ce.

8 Unkan Zakeus najinhan najin qa Itancan kin heciya; Itancan wanyaka wo, woyuha mitawa kin hanke walpanicapi kin wicawaqu ece; qa tuwe oitonšniyan taku iwecicu kinhan, topa akihde wecu kta ce.

9 Unkan Jesus heciya; Anpetu kin de wanikiyapi tipi kin de hiyohi; Abraham cincaye cin wanji hee nakaes.

10 Wicašta Cinhintku kin taku atakuni šni qon, he akite ça niye kta e heon hi ce, eya.

11 Unkan hena nañonpi qehan nakun wiyacinpi wan owicakiyaka; wanna Jerusalem ikiyedan un, qa Wakantanka toki-

conze kin ecadan u kta kecimpi kin heon etanhan :

12 Qa heya ; Wicašta ihdawa wan makoce itehan wan ekta iyaya, wokiconze icu qa ku kta.

13 Unkan taokiye wikcemna wicayuhe cin, hena wicakico, qa mazaska tkeutapi wikcemna wicaqu, qa hewicakiya ; Tohan-yan wahdi šni hehanyan un po.

14 Tuka taoyate kin wahte-dapi šni, qa tuwe iyahna yešipi, qa heyapi ; Wicašta kin de un-kidakapi kta uncinpi šni ce.

15 Unkan wokiconze kin icu qa hdi qehan, taokiye mazaska wicaqu qon hena wicakicopi kta keya ; wopetonpi kin on tona wanna hdamnanpi hecinhan, he sdonye kta.

16 Unkan tokaheya kin he u, qa heya ; Itancan kin, mazaska nitawa qon, he wanna mazaska wikcemna kamna ce.

17 Unkan heciya ; Han, ookiye niwašte ; taku tonana on wacin-yepica yaun, heon etanhan ito otonwe wikcemna idaka wo.

18 Unkan iyokihe kin he u, qa heya ; Itancan kin, mazaska nitawa qon, he wanna mazaska zaptan kamna ce.

19 Unkan is eya heciya ; Niš otonwe zaptan idaka wo.

20 Unkan wanji tokeca u, qa heya ; Itancan kin, wanyaka wo, mazaska nitawa wanapin ohna yuha waun, he dee :

21 Wicašta nišake cin heon kocicipa ce ; taku eyahnake šni kin, he ece edaku ; qa woyaju šni kin he ece duksa ce, eya.

22 Unkan heciya ; Nii kin eci-yatanhan ciyaco kta, ookiye winicaštašni ; wicašta mašake cin he sdonyaya ; taku ewehnake šni kin he ece emdaku, qa woyaju šni kin hee mduksa ece.

23 Hecen tokeca mazaska mi-

tawa kin he iciyopekiciyapi kin en ade šni he ; kinhan wahdi kin ekta mitawa kin oicage ahna weca kta tuka ce.

24 Hehan hen najinpi kin hena hewicakiya ; Mazaska kin he ikicicupi qa tuwe mazaska wikcemna yuhe cin hee qu po.

25 Unkan heciyapi ; Itancan kin, he wanna mazaska wikcemna yuha ce.

26 Tona taku yuhapi kin hena owasin nakun wicaqupi ece e kta ; qa tuwe taku yuhe šni kinhan, taku yuhe cin hee kaeš ekiciyakupi kta ece, eciciyapi ce.

27 Tuka tokamayampi iwicawadake kta cinpi šni qon hena den awicaupi qa mitokam wicakte po, eya ce.

28 Unkan hena hecen eye cehan, tokata ye ça Jerusalem ekta itawankanhde iyaya.

29 Qa Bethphage qa Bethani, paha wan Oliwe eciyapi kin, he wanna ikiyedan ehan i qehan, waonspewicakiye cin etanhau nonpa ye wicaši ;

30 Qa heya ; Otonwe iyotakons wanke cin he ekta ya po ; qa tokaheya en yaipi kinhan šukcincadan wan iyeyayapi kta, wicašta tuwedan tohinni akan iyotanke šni ; he kiyuškapi qa aku po.

31 Qa, Tokeca yakiduškapi he, tuwe eya iniwangapi kinhan, niš hehan, Itancan kin cin ce, eyakiyapi kta.

32 Unkan ye wicaši qon hena iyayapi, qa token ewicakiye cin ecen iyeyapi.

33 Unkan šukcincadan kiyuškapi icunhan, tuwe tawapi kin hena hewicakiyapi ; Tokeca yakiduškapi he.

34 Unkan, Itancan kin cin ce, eyapi.

WICOWOYAKE 20.

35 Unkan Jesus kahdipi; qa wokoyake tawapi kin šukcinca kin aihpeyapi, qa Jesus akan yankekiyapi.

36 Qa ye cin tahepi canku ohna wokoyake kin hdumdayapi.

37 Unkan ikiyedani Oliwe paha kin apamahde iyayapi kin hehan wanna i qehan, waonspewicakiya wicota owasin, wicowašake wicofian wanyakapi qon owasin on etanhan hinakaha iyuškinpi, qa hotankakiya Wakantanka yatanpi,

38 Qa heyapi; Wicaštayatapi tuwe Itancan caje kin on u kin he yawaštepi ce; malpiya ekta wookiye, qa iyotan wankantu ekta wowitan un nunwe.

39 Unkan Pharisee wicota en opapi qon apa heciyapi; Waonspekiye cin, waonspewicayakiye cin wicakišica wo.

40 Unkan waayupte qa hewicakiya; Dena inina unpi kinhan, inyan kin wancake howaye kta ce, eciciyapi ce.

41 Unkan wanna ikiyedani u, qa otonwe wanyake çehan, aceye, qa heya;

42 Niye kin anpetu nitawa kin de en taku on wookiye duhe kte cin sdonyakiya unkanš: tuka wanna icimana išta on wanyahdake kte šni.

43 Anpetu kin hiyonihipi kta, tona tokaniyanpi kin nihdukšan maka qapi, qa okšan niyankapi kta, qa ohomni ohinniyan anapte nanijinpi kta:

44 Qa makata ehpeniyanpi kta, nicinca en niunpi kin hena koya; qa inyan nonpa icitakihna wanke šni ehpeniyanpi kta; anpetu en taku wašte nihiyohipi kin he sdonyakiye šni heon etanhan.

45 Unkan tipi wakan kin en tin iyaye, qa tona ohna wiyope-

yapi, qa wopetonpi qon, hena tankan ehpewicaya;

46 Qa hewicakiya; Tipi mitawa kin he wocekiye tipi, eya owapi qon; tuka niye owamanonpi kin heca yakagapi ce.

47 Unkan anpetu iyohi tipi wakan kin ohna waonspekiya. Tuka wawayušnapi itancanpi, qa wowapi kagapi, qa oyate kin en wicašta ihdawapi kin, hena țeyapi kta akitapi;

48 Tuka token econpi kta takudan iyeyapi šni; oyate kin owasin oie kin nahonpi kta cinpi ece.

WICOWOYAKE 20.

1 Unkan anpetu kin hena wanji en tipi wakan kin ohna oyate kin waonspewicakiye, qa wootanin wašte kin he oyake çehan, wawayušnapi itancanpi, qa wowapi kagapi, qa wicahincapi kin, hena ekta ahi,

2 Qa okiyapi, qa heciyapi; Tukte wicookihi on dena decen ecanon he; qa wicookihi kin de tuwe e niçu hecinhan, unkoki-yaka po.

3 Unkan waayupte qa hewicakiya; Miš eya taku wanji iciwan-gapi kta; he amayupta po:

4 Johannes baptem wicaqu qon he malpiya eciyatanhan, qa iš wicašta kin eciyatanhan, unma tukte he.

5 Unkan iye iyakitedan iapi, qa heyapi; Malpiya kin eciyatanhan ce, unkeyapi kinhan, Tokeca wicayadapi šni he, eye kta:

6 Tuka, Wicašta kin eciyatanhan, unkeyapi kinhan, oyate kin inyan on unkininpi kta; Johannes wicašta wokcan kin heca kecinpi.

7 Unkan ayuptapi, qa tokiyatanhan un kin sdonyapi šni, keyapi.

8 Unkan Jesus hewicakiya ; Miś eya wicookihi tukte on dena ecamon kin nakun ociciyakapi kte śni ce.

9 Hehan wiyacinpi kin de oya-te kin owicakiyaka : Wicašta wan hastanhanka iyuwi maga wan oju, qa maħkicanyanpi kin heca owicaqu, qa makoce itehan wan ekta tehan yanka.

10 Unkan wanna iyehantu qehan, taokiye wanji hastanhanka iyuwi maga waskuyeca kin etanhan qupi kta e, maħkicanyanpi qon ekta yeśi ; tuka maħkicanyanpi qon kaštakapi, qa cokadan hdeśipi.

11 Unkan ake taokiye wanji tokeca yeśi ; unkan is eya kaštakapi, qa śikśicaya kuwapi, qa cokadan hdeśipi.

12 Unkan akeś iyamni wanji yeśi ; unkan is eya taopi, qa tankan ehpeyapi.

13 Hehan hastanhanka iyuwi maga tawa kin heya ; Token ecamon kta he. Micinkśi waštewakidake cin, hee yewaśi kta ce ; okinni he wanyakapi kinhan yuonihanpi kta.

14 Tuka maħkicanyanpi kin he wanyakapi qehan, iye iyakitedan iapi, qa heyapi ; Tawaye kte cin he dee ce ; iho po, unktepi kta ; hecen unkiye tawanyanpi kta ce.

15 Hecen hastanhanka iyuwi maga itankan ehpeyapi, qa ktepi. Heon etanhan hastanhanka iyuwi maga tawa kin token eca-wicakicon kta he.

16 Ito ku kta, qa maħkicanyanpi kin hena owihankewicaye, qa hastanhanka iyuwi maga kin he tokan wicaqu kta ce, eya. Unkan he naħonpi qehan, Hecetu śni ce, eyapi.

17 Unkan awicatonwe cehan heya ; Hecen wowapi en kagapi

qon he token kapi he ; Tipi kagapi kin inyan heyata iyeyapi qon hee wanna oise en itancan icaga ce :

18 Qa tuwe inyan kin he ahinlipaye cinhan kaħuhugapi kta ; qa is inyan kin tuwe ahinlipaye cinhan, hee pandu kta ce.

19 Unkan wawayuśnapi itancanpi, qa wowapi kagapi kin, hena he ehan iyahpayapi kta cinpi ; tuka oyate kin kowicakipapi ; wiyacinpi oyake cin he iye wicaka e iyucanpi.

20 Unkan awanyag kuwapi, qa wanjikji iye owotanna konzapi kin hena iwanyakapi kta e ekta ye wicaśipi ; hecen oie kin iyahpayapi, qa wicašta itancan towaśake qa tawacin kin en qupi kta.

21 Unkan hena wiwangapi, qa heyapi ; Waonspekiye cin, niye tanyan iyae, qa waonspeyakiya ece ; qa tuwedan en eyatonwe śni ; tuka Wakantanka ocanku tawa kin he awicakehan onspe-wicayakiya e sdonunniyanpi ce :

22 Iho, Kesar wamnayanpi kin unqupi, qa is unqupi kte śni, unma tukte hecetu he.

23 Unkan wayupiya hnaye wacinpi kin he iwicayukan, qa hewicakiya ; Tokeca iyutanmayayapi he.

24 Kaśpapidan wanji makipazo po. Akan owapi qa wakagapi kin de tuwe tawa he. Unkan ayuptapi qa ; Kesar tawa ce, eyapi.

25 Unkan hewicakiya ; Heon Kesar taku tawa kin hena Kesar kicu po ; qa Wakantanka taku tawa kin Wakantanka kicu po.

26 Unkan oyate kin wicitokam oie kin iyahpayapi kte cin okitpanipi, qa waayupte cin he on inihanpi, qa inina hiyeya.

27 Hehan Sadukee ake wica-

WICOWOYAKE 21.

kini kta wanica keyapi kin hena wanjikji en hipi ; wiwangapi,

28 Qa heyapi ; Waonspekiye cin, Moses kaken wowapi unki-cagapi ; Tuwe cincu tawicu ton qa cinca nica ecen te cinhan, iye sunkaku tawicu qon hduze ça cincu cinca icahkiciciye kta ce.

29 Unkan hecen hunkawanjin-kiciyapi sakowin : unkan tokapa kin tawicu ton, qa cinca nica ecen ta.

30 Unkan iyokihe qon he hehan hduza ; tuka cinca nica ecen ta.

31 Unkan iyamni qon hduza ; qa sakowinpi qon owasin hecen hduzapi, qa ecen tapi ; unkan cinca nicapi.

32 Unkan ehake winohinca is eya ta.

33 Iho, hecen wicakini kte cin ekta sakowin hduzapi qon, hena tukte wanji tawapi kta he, eyapi.

34 Unkan Jesus waayupte, ça hewicakiya ; Maka kin de cinca kin tawicutonpi, qa hihnatonpi :

35 Tuka tona makoce kin he en opapi kte cin, qa wicate cin etanhan kinipi kta iyececa wicadakapi kin hena tawicu tonpi sni, qa hihnatonpi sni ece.

36 Qa nakun ake tapi kta okihipi sni ; tuka hena mahipiya ohnihde kin om akiyececapi ece, qa wicakini kin he hena cinca kin on etanhan Wakantanka cincawicaya ece.

37 Unkan wicate cin hena kini-wicakiyapi kta, Moses hee kaeś can yuhaka ekta niciyaotaninpi ; Abraham Wakantanka tawa, qa Isaak Wakantanka tawa, qa Jakob Wakantanka tawa, Itancan kin eciye cion he ehan.

38 Tona tapi kin hena Wakantanka tawapi sni, tuka ni unpi kin hena : owasin iye ekta ni unpi ece.

39 Unkan wowapi kagapi kin wanjiksi hehan heciyapi ; Waonspekiye cin, tanyan eha ce.

40 He iyohakam tuwedan sanpa wiwanga tawatenye sni.

41 Unkan hewicakiya ; Token on Messiya Dawid Cinhintku kin eciyapi he.

42 Odowan wowapi kin en Dawid iye hinca heya ; Itancan kin Itancan mitawa kin heciya ; Mietapa kin ekta iyotanka wo,

43 Ecen tokaniyanpi kin hena nisiha oahé wicawakage kta ce.

44 Hecen Dawid Itancan eciya hecinhan, token on cinhintku kta he.

45 Unkan hehan oyate owasin nahon hiyeye cin en, waonspe-wicakiye cin hewicakiya ;

46 Wowapi kagapi kin itonwicapa po ; he iye sina hanskaska in omanipi, qa iciyopekiciyapi kin en owicakiyapi, qa omniciye tipi kin oyanke tokapa, qa wotapi kin en ohehdepi tokapa kin, hena hecekcen cinpi :

47 Qa wiwazica tipi tawapi kin temyapi ; qa ihdutaninpi kta on wocekiye hanska eyapi ece ; hena is iyotan woyaco tanka iyahdeiciyapi kta ce.

WICOWOYAKE 21.

1 Unkan wankan etonwe, ça wicaśta wijicapi kin womnaye opiye kin en taku wicaqupi kin elipeya ayapi wanyaka.

2 Unkan wiwazica wanji wahpanica kin is mazaśadan nonpa en elipeya e wanyaka.

3 Unkan heya ; Awicakehan heciciyapi, Wiwazica wahpanica kin de isnana ota en elipeya ce.

4 Dena owasin taku iwicakiciyaye cin hee Wakantanka taku qupi kin en elpekiyapi ece ;

tuka iye taku ton śni, etanhan taku on ni kte cin ocowaśin en ehpeya ce.

5 Unkan apa is tipi wakan kin inyan waštešte, qa taku wicaqupi kin on ayucopi kin, he cajeyatapi qehan, heya ;

6 Anpetu hiyohi kta, en taku wandakapi kin dena inyan nonpa icitakhna wanke śni ehpeyapi kta ce.

7 Hehan wiwangapi, qa heyapi ; Waonspekiye cin, tohan kinhan hena hecetu kta he ; qa hena hecetu kte cin wanna iye-hantu kinhan, taku on sdonyapi kta he.

8 Unkan heya ; Ihnuhan nihnan-yanpi kinhan ; wicota micaje kin on upi qa, He miye ce, qa wanna ecadan iye-hantu kta ce, eyapi kta : tuka wicihakam yapi śni po.

9 Tuka okicize owodutatonpi ko cajeyatapi nayahonpi kinhan, nihinciyapi śni po ; ito tokaheya hena hecen hiyohi kta iyececa, tuka owihanke kin hinyahinke kte śni ce.

10 Hehan hewicakiya ; Oyate wan oyate tokeca azuye kta, qa wokiconze wan wokiconze tokeca on inajin kta :

11 Qa otakiya maka kin nina śkanskan, qa wicaakihan, qa makośiksice, qa wowanyake wokokipe, qa mahpiya kin eciyatanhan wowapetoktokeca, hena hecekcen yuke kta ce.

12 Tuka taku kin dena owasin itokaptu, micaje kin on etanhan iyanihpayapi, qa śicaya nicuwapi, qa omniciye tipi, kaśka wicahnakapi tipi ko en aniyampi, qa wicaśtayatapi wicaśta iwicadakapi kin ko wicitokam aniyampi kta ce :

13 Unkan hecen on oniyakapi ece e kta.

14 Hecen icantekiçun po ; token waaduptapi kte cin he kanyehan awacinpi śni po :

15 Wicai wicoksape ahna ciçupi kta, hecen tokaniyanpi kin tuwedan taku iennihdepi kte śni, qa iyakapeniyampi kte śni.

16 Tuka hunkake wicayayapi, qa hunkawanjin wicayayapi, qa takuwicayayapi, qa koda wicayayapi kin, hena e wiyopeniyampi kta ; qa apa teniyampi kagapi kta ce :

17 Qa micaje kin on etanhan owasin niciyuśepi kta.

18 Tuka paha wanjidana kaeś awinitukapi kte śni ce.

19 Wacinnitankapi kin on nicantepi kin hduha po.

20 Jerusalem ihdukśan ozuye yankapi wandakapi kinhan, ihangyapi kte cin he wanna kiyadan e sdonya po.

21 Hehan tona Juda makoce kin en unpi kinhan, he kin ekta najicapi kta ; qa tona cokaya en unpi kinhan tankan inapapi kta ; qa oksan makoce wanke cin tona en yakonpi kinhan, ekta hdicupi kte śni.

22 Tokiçonpi anpetu kin hena ee ; hecen taku token owapi qon hena owasin ecen yuśtanpi kta ce.

23 Tuka anpetu kin hena en tona ihduśakapi, qa tona hokśin azinwicakiyapi kin hena wotehi wicakiciyanke kta ; maká kin akan wokakije tanka kta, qa wocanniye oyate kin de en awicaun kta.

24 Qa mazasagye ope kin on wankahanpi kta ; qa oyate kin owasin ektakta wayaká awicahdapi kta ; qa Ikcewicaśta kin Jerusalem naaťinzapi kta, ecen Ikcewicasta kin taku iyewicacihantu kta ce.

25 Anpetu wi, qa hanyetu wi,

WICOWOYAKE 22.

qa wicanhpi kin hena ekta w-wapetokeca yuke kta ; qa maka akan oyate kin yazanhdapi kta, qa wicotoketu tanin sni ; qa miniwanca otaja ko sa wanke kta.

26 Wicašta kin kopa, qa maka akan taku hiyohi kte cin he ape hiyeye cin, hena on cante toki wicayanka tanin kte sni ece ; mahpiya wowaśake kin hena hu-huzahe kta heon.

27 Hehan Wicašta Cinhintku kin mahpiya śapa wan akan, wowaśake qa wookitanin tanka hduha u wandakapi kta.

28 Unkan dena decen aye cinhan, hehan wankan etonwanpi, qa pa yuwankan icu po ; openicitonpi kin he wanna kiyadan u ce, eya.

29 Unkan wiyacinpi wan owicakiyaka : Suken can, qa can kin owasin, hena wanyaka po ;

30 Canwapa paña eca, mdoke-tu wanna ikiyedat, niye cinka wandakapi, qa sdonyayapi ece.

31 Iho he iyececa, taku kin dena iyecetu wandakapi kinhan, Wakantanka tokiconze kin he wanna ikiyedat un e sdonya po.

32 Awicakehan heciciyapi, Wicoicage kin de tokan iyaye sni, ecen dena owasin iyecetu kta ce.

33 Mahpiya kin maka ahna tokan iyaye kta, tuka mioie kin e tokan iyaye kte sni ce.

34 Unkan itoniċipa po ; okinni tukten wotapi, qa witkopi, qa wiconi kin de awacinpi kin, hena on nicantepi kin niyuśakapi kta naceca ; qa hecen sdonyakiyapi sni ecen anpetu kin he nihiyohipi kte.

35 Maka ite kin akan yakonpi kin owasin wohmuke wan iye-cen wicahiyohi kta ce.

36 Heon ohinniyat wakta po, qa cekiya po ; hecen taku hiyohi kte cin dena owasin icunom ida-

dapi, qa Wicašta Cinhintku kin itokam nayajinpi kta iyececa niyawapi kta ce.

37 Unkan anpetu icunhan tipi wakan kin ohna waonspekiya un ; qa hanyetu hehan tankan hdicu, qa paha wan Oliwe eci-yapi kin he en yanka.

38 Unkan hanhanna linca oya-te kin owasin oie nahonpi kta e tipi wakan kin en ahi.

WICOWOYAKE 22.

1 Unkan aguyapi napoliyapi sni yutapi woacakšin eciyapi kin, he wanna ecadan iyehantu kte.

2 Unkan wawayuśnapi itancanpi, qa wowapi kagapi kin, hena token econpi, qa ŋeyapi kte cin he akitapi ; tuka oyate kin kowicakipapi.

3 Unkan akenonpapi kin etanhan, wanji Judas Iskariot eciyapi kin he Satan tancan mahen iyaya.

4 Unkan he ekta ye ca, wawayuśna itancanpi, qa akicita itancanpi kin hena om wohdaka, token econ qa wicaqu kte cin heon.

5 Unkan iyuśkinpi, qa maza-ska qupi kta keciyapi.

6 Hecen wicada, qa wicota kin en unpi sni icunhan wicaqu kta akita.

7 Unkan aguyapi napoliyapi sni anpetu en woacakšin ktepi kte cin wanna hehantu.

8 Hehan Inyan qa Johannes ye wicaśi qa heya ; Ya po, woacakšin untapi kte cin he wiyeya unkicihnaka po.

9 Unkan heciyapi ; Tukten wiyeya unhnakapi kta yacin he.

10 Unkan hewicakiya ; Otonwe kin en yaipi kinhan, wicašta wan wakiśkokpa mini ohnaka yuha itkonicipapi kta ; iho, iye

tukten tin kihde cinhan, iyahna ya po.

11 Qa tipi tawa kin heciya po ; Waonspekiye cin heniciya ce ; Wotapi tipi ohna woacaksin kin he waonspewicawakiye cin om wate kte cin he tukte e he.

12 Kinhan, wankan tipi wan tankaya, qa ayucopi e nicipazopi kta ; hen wiyeya hnaka po, eya.

13 Unkan iyayapi, qa token ewicakiye ciqon ecen iyeyapi ; qa woacaksin wiyeya hnakapi.

14 Unkan wanna iyehantu qehan, en iyotanka, qa wahosiyapi akenonpapi kin nakun.

15 Unkan hewicakiya ; Makakije kte cin he itokamya woacaksin kin de untapi kte cin nina wacin qon.

16 Qa heciyapi ce ; Tohan Wakantanka tokiconze kin ekta yuecetupi sni kin, hehanyan detanhan ake wate kte sni ce, eya.

17 Unkan miniyatkan kin he icu, qa wopida eye ca heya ; De icupi qa kicipamni po :

18 Qa heciyapi ce ; Wakan-tanka tokiconze kin he tohan hiyohi sni kin, hehanyan hastanhanka iyuwu waskuyeca kin etanhan mdatke kte sni ce, eya.

19 Unkan aguyapi kin icu, qa wopida eye, ca yuspa, qa wicagu, qa heya ; Mitancan niyepi on qupi kin he dee ce ; decen miksuya econ po.

20 Unkan miniyatkan kin is eya wotapi iyohakamya wicagu, qa heya ; Mawe niyepi kin on papsonpi kin, en okodakiciye teca kin, miniyatkan kin he dee ce.

21 Tuka iho, wiyopemaye kte cin he nape kin wahna wotapi kin akan micium.

22 Unkan Wicasta Cinhintku kin token kiconzapi qon ecen ye

kta e hecetu ; tuka tuwe he wiopeya hecinhan he wicasta kin wotehi kiciyanka ce.

23 Unkan hinakaha iye iyakitedan tukte wanji hecon kte cin he ikiciwanli yeyapi.

24 Unkan tukte wanji iyotan yawapi kte cin he nakun hdokinicapi.

25 Unkan hewicakiya ; Oyate kin wicastayatapi wicayuhapi kin hena is iwicadakapi, qa tona wicookihiya owicakihyananpi kin hena chanwasstepi, ewicakiyapi ece.

26 Tuka nis henicecapi kte sni ; tuka niyepi kin ekta tukte wanji tokapa kinhan, hee haka-kta kin iyecece kta ce.

27 Wota yanke cin, qa wayutankiyapi kin, hena unma tukte iyotan tanka he. Tuwe wota yanke cin hee sni he. Tuka mis wayutankiyapi kin he iye-cen cicupi waun ce.

28 Wawiyutanmayanpi kin en kici maunpi kin he niyepi :

29 Heon Atewaye cin he woki-conze wan maqu kin he iyecen cicupi :

30 Qa hecen wokiconze mitawa kin en, wahna wotapi mitawa kin ekta wayatapi, qa wadatkanpi kta ; qa wicastayatapi oyanke kin heca akan idotankapi kta, qa Israel wicoun akenonpapi kin wicadacopi kta ce.

31 Hehan Itancan kin heya ; Simon, Simon, iho, Satan niyuhe ca, aguyapi su iyecen niyucan kta e cin tuka ce.

32 Tuka wacinyaye cin he iyotpani kte sni e wocekiye eciciya ; qa tohan nis niyuhomnipi kinhan, nihunkawanji wicahdu-wasaka wo, eya.

33 Unkan heciya ; Itancan, wicokaske wiconte ko en nici mde kta wiyeya waun ce.

34 Unkan heya ; Simon, anpetu kin de anpaohonna hoton šni, ecen yamni akihde sdonmayaye cin he anayakihbe kta, eciciya ce.

35 Unkan hewicakiya ; Mazaska ojuha, qa wojuhadan, qa hanpa, hena codan yecišipi qon he ehan, taku wanjidand kaeš ini-ciyotpanipi he. Unkan, Taku-dan šni ce, eyapi.

36 Hehan hewicakiya ; Tuka nakaha tuwe mazaska ojuha ton kinhan, ehdaku kta ; qa wojuhadan nakun : qa tuwe mazasagye nice cinhan, wokoyake tawa kin wiyopekiye, ça wanji opeton kta.

37 Taku wowapi en kagapi qon, Wicohan šica econpi kin om yawapi ce, eyapi kin he miye en yuacetupi kta, eciciyapi : Unkan dena miye on ecen econpi kta ce.

38 Unkan heciyapi ; Itancan, wanyaka wo, den mazasagye nonpa ce. Unkan, Henakeca ce, ewicakiya.

39 Unkan tankan hdicu, qa Oliwe paha kin ekta i ece qon, he ake ekta ya ; unkan waonspewicakiye cin iš iyahna yapi.

40 Unkan wanna ehan i qehan, hewicakiya ; Wowiyutanye kin en idadapi kte šni e cekiya po.

41 Hehan wicicunonpa inyan ekta ehpeyapi kin hehanyan ecen i, qa canpeška makehde inajin qa cekiya,

42 Qa heya ; Ate hecen nitawacin kinhan, miniyatkan kin de tokan imiciyaye kta ; tuka miye mitawacin kin hee šni, niye nitawacin kin hee ecen econpi nunwe.

43 Hehan malhipiya eciyatanhan ohnihde wan en hi qa yuwašaka.

44 Unkan nina hin yazanhda

qehan, iyotan wokitanyan cekiya ; qa temni kin he we ošbuye tankinkinyan makata hinhpaya se ececa.

45 Unkan cekiye cin hetanhan wanna najin hiyaye, ça waonspewicakiye cin en wicahdi qehan, wacin iyokišicapi kin on ištinnapi iyewicaya.

46 Qa hewicakiya ; Tokeca ništinnapi he : najinpi qa cekiya po ; hecen wowiyutanye kin en yaipi kte šni.

47 Hena hecen eya icunhan, iho, wicota, qa akenonpapi kin etanhan wanji Judas eciyapi kin, he wicitokam u, qa Jesus i iputake kta e ikiyedan hiyu.

48 Tuka Jesus heciya ; Judas, Wicašta Cinhintku kin i iputakapi wan on wicayaqu he.

49 Unkan kici unpi qon hena, taku toketu kte cin wanna wanyakapi qehan heciyapi ; Itancan, mazasagye on waaunpapi kta he.

50 Unkan wanji wawayušna itancan taokiye wanji ape, ça etapa kin eciyatanhan noge kin kašpa.

51 Unkan Jesus waayupte ça, Hehanyan iyowinmakiya wo, eye ça noge yutan, qa asniyan.

52 Hehan Jesus wawayušna itancanpi, qa tipi wakan kin en itancanpi, qa tokapapi en au qon, hena hewicakiya ; Mazasagye can ko yuha wamanon sa wan tatpe yapi se iyecen yahipi he.

53 Anpetu iyohi tipi wakan kin ohna opeya ciunpi qon ehan, tuwedan nape kin itkom hiyumayakiyapi šni ; tuka dehan nakaha kin he niye nitawapi, qa otpaza wowašake kin, eya.

54 Hehan yuzapi qa ayapi, qa wawayušna itancan ti kin ekta aipi. Unkan Inyan itehan iha-kam u,

55 Unkan itankan tipi kin en cokaya cetipi, qa ptaya iyotankapi qehan, Inyan is eya wicehna iyotanka.

56 Tuka petkahda iyotankehan yanke cin, hehan wikoška wan wanyake ça, opahte ça heya; Wicašta kin de is eya he kici un tuka ce, eya.

57 Unkan anakihbe, ça, Winohinca, he tuwe kin sdonwaye šni ce, eya.

58 Unkan iecadan wanji tokeca wanyake ça heya; Niš eya henitanhan ce. Unkan Inyan heya; Wicašta, hematanhan šni ce.

59 Unkan iyohakam wihiyayedan oape wanji ecetu, hehan wanji. tokeca yaatınze ça heya; Galile wicašta kin de heca, on etanhan awicakehan is eya he kici un tuka ce.

60 Unkan Inyan heya; Wicašta, token ehe cin he sdonwaye šni ce. Unkan hecehnana, iahan icunhan, anpaohotonna kin hoton.

61 Unkan Itancan kin ihduhomi, qa Inyan atonwan. Hehan Itancan kin, Anpaohotonna hoton šni kin itokam yamni akihde anamayakihbe kta ce, eye ciqon, oie kin he Inyan kiksuya.

62 Hehan Inyan tankan kihde ça nina hin ceya.

63 Unkan wicašta. Jesus yus unpi kin hena ihahapi qa apapi.

64 Qa ite kin akahpetonpi hehan, ite kin ohna apapi, qa heya iwangapi; Tuwe anipa hecinhan ito iyukcan wo.

65 Qa taku toktokeca ota itkom waoštehdaya eciyapi.

66 Unkan wanna anpao qehan, oyate kin en tona tokapapi, qa wawayušna itancanpi, qa wuwapi kagapi kin, hena mniciyapi, qa omniciye kin en aupi;

67 Qa heyapi; Messiya he niye hecinhan unkokiyaka po. Unkan hewicakiya; Ociciyakapi ešta wicayadapi kte šni.

68 Qa wiciwangapi ešta amayaduptapi kte šni, qa amayaduştanpi kte šni.

69 De iyohakam Wicašta Cinhintku kin Wakantanka towašake etapa kin eciyatanhan iyotanke kta ce, eya.

70 Unkan owasin heyapi; Hecen Wakantanka Cinhintku kin he niye he. Unkan, He miye kehapi ce, ewicakiya.

71 Unkan heyapi; Iye i kin eciyatanhan unkiyepi hinca wana naunhonpi ce; hecen tokeca ecin sanpa wayaotaninpi unko-depi kta he.

WICOWOYAKE 23.

1 Unkan wicota kin owasin najin hiyayapi, qa Pilate kayapi.

2 Hehan hinnakaha wiyaonpapi, qa heyapi; De oyate kin owicayuşice, ça Kesar wamnananpi qupi kin he tehinda iyeunyanpi; qa iye Messiya Wicaštayatapi kin heca keciya ce, eyapi.

3 Unkan Pilate wiwange ça heya; Juda Wicaštayatapi kin he niye he. Unkan ayupte, ça, Niye ecen eha ce, eya.

4 Hehan Pilate wawayušna itancanpi qa oyate kin hena hewicakiya; Wicašta kin de on taku šica iyewaye šni ce.

5 Unkan hecen iyotan wohitipike ça heyapi; Oyate kin owodutatonwicaya ece, qa Galile etanhan Juda makoce kin owancaya dehan oiyahdeya waonspekiya ece.

6 Unkan Pilate Galile eyapi nahon qehan, wicašta kin he

Galile wicašta kin heca hecinhan he iwicawanga.

7 Unkan Herod taoyate kin hetanhan e Pilate sdonya, hehan Herod ekta iyayeya; he qe wanna Jerusalem en un.

8 Herod Jesus wanyake çehan nina iyuskin; taku ota on nahon kin heon wanakajatanhan wanyaka cin; qa wowapetokeca wanji econ wanyake kta kecin.

9 Hehan iapi ota un wiwanga; tuka takudan ayupte šni.

10 Unkan wawayušna itancanpi, qa wowapi kagapi kin, hena inajinpi, qa wohitiya wiyaonpapi.

11 Unkan Herod ozuye wicašta wicayuhe cin om takuda šni, qa ihaħa kuwa, qa šina wan ayucopi in kiye, ça ake Pilate ekta iyayeya.

12 Unkan anpetu kin he en Herod Pilate kici kiciyuwaštepi; he itokamya tokakiciyapi.

13 Unkan Pilate wawayušna itancanpi, qa itancanwicakiyapi, qa oyate kin hena witaya wicakico qehan, hewicakiya;

14 Wicašta kin de oyate kin owicayušice cin wan iyecen mayakahipi; unkan iho nitokam iwanmdaka, tuka taku iyayaonpapi kin hena on, taku šica wicašta kin de en takudan iyewaye šni.

15 Qa nakun Herod hee kaeš, ekta aye cišipi; unkan iho, ÷e kte cin iyecece cin takudan eacikiconpi šni.

16 Hecen wakapsinpsinte, ça wakimduške kta ce, eya.

17 Wotapi kin he icunhan wicašta wanji wicakiciyuške kta e heon.

18 Unkan owasin okonwanjidan heya niyanpi; De token aya wo; qa Barabbas hee unkiciyuška miye.

19 He qe otonwe kin en woki-

pajin kage, ça tinwicakte on etanhan kaška wicahnakapi tipi kin en ohnakapi.

20 Pilate Jesus kiyuške wacin kin heon ake iyecen ewicakiya.

21 Tuka howayapi qa heyapi; Icipaweh okatan wo, icipaweh okatan wo.

22 Unkan iyamni hewicakiya; Tokeca, tukte ecin taku šica econ he. On etanhan ÷e kte cin iyececa takudan iyewaye šni; hecen wakapsinpsinte, ça wakimduške kta ce, eya.

23 Unkan hotankakiya kitanpi, icipaweh okatanpi kta e he kapi. Unkan iye hopi kin, wawayušna itancanpi kin om iyakapeyapi.

24 Hecen token cinpi kin he iyecen Pilate kiconza.

25 Qa tuwe cinpi kin wokipajin kage, ça tinwicakte qon, hee wicakiciyuške; tuka iye tawacinpi kin en Jesus wicaqu.

26 Unkan token yus ayapi qehan, Kurene wicašta wan Simon eciyapi makoce kin eciyatanhan u kin he yuzapi, qa cansusbeca kin he Jesus ihakam qin kta e aiħpeyapi.

27 Unkan oyate kin wicota ħinca winohinca ko iyahna yapi, qa wašihda aceyapi.

28 Tuka Jesus ekta ihduhomni qa hewicakiya; Jerusalem cunwintkupi kin, miye amaceyapi šni po; tuka niyepi qa nicinapi kin aiçiceya po.

29 Iho, anpetu hiyohi kte cin hena en heyapi kta; Hokšın yuhapi šni, qa wicitpi tohinni cinaton šni, qa aze tohinni azinpi šni kin hena yawaštepi ce.

30 Hehan hinnakaha ħe kin, Unkahinħpaya po, qa paha kin, Unkahpa po, eciyapi ece e kta.

31 Qa can teca kin en decen

econpi kinhan, can seca kin en token econpi kta he, eya.

32 Unkan wicašta tokeca nonpa, ohan śicapi kin, hena wica-ktepi kta e kici awicayapi.

33 Unkan tukten Wicapahu eciyapi kin wanna ehan ipi qehan, hen icipaweh okatanpi, qa nakun wicohan śica econpi qon hena, unma iye etapa eciyatanhan, qa unma kin is catka tanhan.

34 Hehan Jesus heya; Ate, wicakicicajuju wo; taku tokonpi kin sdonkiyapi śni ce. Unkan tawokoyake kin kicipamnipi, qa oeonna econpi.

35 Unkan oyate kin opalita najin hiyeya: Qa itancanwicakiyapi kin is eya hena om iħahapi qa heyapi; Wicašta tokeca niwicaya ece qon; iye atayedan niiciya esta śni, Messiya Wakan-tanka hdalnige cin hee hecinhan.

36 Unkan akicita kin is eya iħahapi, en au, qa miniskuya kipazopi;

37 Qa heyapi; Juda wicaštayatapi kin he niye hecinhan, niiciya wo.

38 Unkan iwankam wowapi kin de, Helenes qa Roma qa Hebrew iapi henakiya en owapi; JUDA WICAŠTAYATAPI KIN HE DEE CE.

39 Unkan ohan śicapi en owicakatanpi qon wanji śicaya owakiye ca heya; Messiya he niye hecinhan niiciya wo, qa unkiś nakun.

40 Tuka unma kin waayupte ca kiśice ca heya; Wakantanka koyakipe śni he; wicayacopi okonwanjidan kici en yaun:

41 Qa unkiye kin en he owotanna; taku econku eciyatanhan unkakipa ece; tuka iye qe taku śica takudan econ śni ce.

42 Unkan hehan Jesus heciya;

Itancan, wokiconze nitawa kin en yaku kinhan, miksuya wo.

43 Unkan Jesus heciya; Anpetu kin de en wowašte makoce kin en mici yaun kta ce, awicakehan eciciya.

44 Wanna wihiyayedan oape śakpe hehantu; unkan makoce kin owancaya aotpaza, naŕcinwanka apa hehayan.

45 Qa anpetu wi kin otpaza icu, qa tipi wakan kin en minihuha ozanzan hiyeye cin he cokaya okinalideca.

46 Unkan Jesus hotankakiya hoyekiye cehan, hehan heya; Ate, ninape kin en minagi kin owehnaka ce. Unkan hecen eye cehan řa iyaya.

47 Unkan akicita opawinge wicayuhe cin he token econpi qon he wanyake cehan, Wakantanka yaonihan, qa heya; Awicakehan wicašta owotanna he de heca ce.

48 Unkan oyate kin witaya he wanyag ahi qon, hena owasin token econpi qon hena wanyakapi qehan, maku kin ohnahna aiqipapi, qa kihdapi.

49 Unkan tona sdonyapi qon hena owasin itehan inajinpi, qa winohinca Galile etanhan iħakam upi qon hena taku kin dena wanyakapi.

50 Unkan iho, wicašta wan Joseph eciyapi, wahokonwicakiya ece kin heca, wicašta wašte qa owotanna;

51 He iye kin wakiconzapi qa oħanpi qon wicawicada śni: Arimathea, Juda totonwepi kin wanji hee etanhan; is eya Wakantanka tokiconze kin he ape un.

52 He Pilate ekta ye řa Jesus tancan kin kida.

53 Unkan kun eyaku, qa minihuha ska opazunte, řa imnija kaħdokapi wicašta hnakapi wan

WICOWOYAKE 24.

en ohnaka; he itokam tuwedan en ohnakapi s̄ni.

54 Unkan anpetu en ihduwiye-yapi ece kin he hee, qa anpetu wakan kin wanna ikiyedān.

55 Unkan winohinca Galile etanhan kici upi qon hena iha-kam iyayapi, ohna hnakapi kin he, qa tancan kin token hnakapi kin hena wanyakapi.

56 Qa hetanhan kihdapi, qa pejihuta waštemna ihēpi ko wi-yeya ehnakapi. Hehan woa-hope kin eciyatanhan anpetu wakan kin okihpapi.

WICOWOYAKE 24.

1 Unkan anpetu wakan en an-petu tokaheya, hanhanna hinca, hehan wicašta hnakapi kin ekta, pejihuta waštemna wiyeya ehna-kapi qon hena yuha en upi; qa toktokeca nakun owicapapi.

2 Unkan wicašta hnakapi kin etanhan inyan kin wanna tokan iyeyapi e wanyakapi :

3 Qa mahen ipi, tuka Jesus I-tancan tancan kin he iyeyapi s̄ni.

4 Unkan token iyukcanpi nun tanin s̄ni qehan, iho, wicašta nonpa wokoyake wiyatpatpa un-pi icahda nawicajinpi.

5 Unkan kokipapi, qa ite kin makipuskin elpeiciyapi qehan, hewicakiyapi; Tokeca e tapi kin wicehna ni un kin ayakitapi he.

6 Den un s̄ni; tuka kini ce. Nahanhin Galile en un qon ehan token eniciyapi qon he ki-kisuya po :

7 Wicašta Cinhintku kin wica-šta šica napepi kin en wicaqupi kta, qa icipaweħ okatanpi kta; tuka anpetu iyamni kinhan kini kta ce, eya ce.

8 Unkan hecen eye ciqon he kiksuyapi.

9 Unkan wicašta hnakapi kin

etanhan kihdapi, qa akewanjipi-dan unmapi ko hena owasin owicakiyakapi.

10 Unkan wahošiyapi kin hena hecen owicakiyakapi qon, Mary Magdalene, qa Joanna, qa Mary Jakob hunku kin, qa toktokeca om unpi qon hena eepi.

11 Unkan oiepi kin ikcekceya hitunkakanpi kin iyececa da-kapi, qa wicawicadapi s̄ni.

12 Hehan Inyan najin hiyaye qa wicašta hnakapi kin ekta in-yang iyaya; qa en eyokasin qe-han minihuha wokoyake kin is̄nana ehnakapi wanyaka; he-han hdicu qa cante mahen taku econpi kin on inihanyan awacin un.

13 Unkan iho, anpetu kin he en, iyepi kin etanhan wicašta nonpa otonwe wan Emmaus eci-yapi kin he ekta yapi, Jerusalem etanhan maka iyutapi wikcemna šakpe ecetu.

14 Unkan taku hiyohi kin dena owasin on wohdakapi.

15 Unkan wohdakapi, qa iyukcan awacinpi icunhan, Jesus iye hinca kiyedan u, qa om wicaya.

16 Tuka išta on iyekiyapi kte s̄ni wicayapi.

17 Unkan hewicakiya; Wicoie kin dena tukte e he, mayanipi icunhan woyahdakapi qa iyo-kišin yaunpi kin.

18 Unkan unma Kleophas eci-yapi kin he waayupte qa heciya; Jerusalem en yaun s̄ni ece, dehan en taku hiyohi kin dena sdonyaye s̄ni he.

19 Unkan hewicakiya; Hena taku he. Unkan heciyapi; Jesus Nazareth etanhan kin on, he wicašta wokcan, wicoħan wicoie ko on wašaka, Wakantanka qa oyate kin owasin wicitokam.

20 He wawayušna itancanpi qa

itancanwicunkiyapi kin hena te kta kiconzapi qa icipaweñ okatanpi.

21 Tuka Israel opewicakiton kte cin hee unkiś unkecinpi tuka; unkan heconpi kin ehan-tanhan wanna anpetu kin de iyamni.

22 Nakun unkanpi kin etanhan winohinca wanjikji hanhanna hinca wicašta hnakapi kin ekta ipi, qa inihanunyanpi:

23 Iye tancan kin iyeyapi śni qehan, hdicupi qa ohnihde wakan kin heca wanwicayakapi, qa hena he ni un keyapi ce, eya unkokiyakapi.

24 Hehan om unkanpi kin wanjikji wicašta hnakapi kin ekta ipi, qa winohinca oyakapi qon iyececa hinca iyeyapi: tuka iye kin wanyakapi śni ce.

25 Unkan hewicakiya; Witkokokapi qa wicašta wokcan taku oyakapi qon hena owasin wicada cante hunkapi śni kin:

26 Messiya dena decekcen ito kakije ça wowitan tawa kin en hde kte cin he hecetu śni he.

27 Unkan hecen Moses e tokahcya, qa hehan wicašta wokcan owasin, taku iye kin on wowapi en kagapi qon hena owasin owicakiyaka.

28 Unkan otonwe ekta yapi qon he wanna ikiyedat ehan ipi qehan, iye sanpa ye kta se ececa.

29 Tuka iyakapeyapi, qa heyapi; Unkicipi un wo, wanna hitayetu aya, qa anpetu kin wanna owihanke kta. Unkan om un kta e ti mahen iyaya.

30 Unkan om wota yanke cehan, aguyapi eyaku, qa yawašte, qa yuśpaśpa, qa wicaqu.

31 Hehan išta kin wicakiciyukawapi, qa iyekiyapi: unkan atanin śni iyaya.

32 Unkan hekiciyapi; Canku

kin ohna wounkiyakapi qa wawapi wakan kin unkiciyuzamnipi qon he ehan cante unkata śni he.

33 Unkan wihiyayedan oape kin he en najin hiyayapi, qa Jerusalem ekta hdapi, qa akewanji tona om unpi ko hena witaya yukanpi iyewicayapi;

34 Qa heyapi; Ehanqon Itancan kin kini, qa Simon en tanin-iciya ce.

35 Hehan iye canku kin ohna tokenketu, qa aguyapi yuśpaśpa kin on iyekiyapi qon, hena hecekcen owicakiyakapi.

36 Unkan hena hecen eyapi icunhan, Jesus iye hinca wicacokaya hinajin qa hewicakiya; Wookiye nicipi un nunwe.

37 Unkan inihanpi, qa kokipapi, qa wanagi wanyakapi kecinpi.

38 Unkan hewicakiya; Tokeca e iyonicisićapi he; qa tokeca cante mahen taku ceťunyahdapi he.

39 Minape misiha ko, de miye hinca e wanmayaka po; mayutanpi qa iyukcan po; celpi huhu waton wandakapi kin wanagi kin iyecen ton śni ece.

40 Unkan hecen eye cehan, nape siha ko wicakipazo.

41 Unkan wowiyuśkin on wicadapi śni, qa hinyahin inihanpi, hehan hewicakiya; Den taku yutapi duhapi he.

42 Unkan hogan pasnonpi onśpa tulimaga canhanpi ahna qupi.

43 Unkan icu, qa wicitokam yuta.

44 Qa hewicakiya; Nahalin om ciunpi qon ehan, wicoie ocićiyakapi qon he dee ce; Moses wicoope tawa, qa wicašta wokcan, qa odowan kin, henakiya en miye on taku token owapi qon owasin ecen yuśtanpi kta iyececa ce; eya.

WICOWOYAKE 1.

45 Unkan hehan tawacinpi kin wicakiciyuzamni, qa hecen wöwapi kin okahnigapi kte.

46 Unkan hewicakiya; Hecen owapi, qa Messiya hecen kakijeca, anpetu iyamni kinhan ake kini kte ciqon, he hecetu:

47 Qa hecen iye caje kin on ihducetupi qa woahitani kajujupi kin, oyate kin owasin en oyakapi kta, Jerusalem en tokaheya kta.

48 Qa taku kin dena oyakapi kte cin he niyepi ce.

49 Unkan iho, Ate taku iwahowicaye ciqon he niyepi kin en uwakiye kta; tuka tohanyan wankantanhan wowaśake yuhe-

niciyapi śni kin hehanyan Jerusalem otonwe kin en ece yukan po.

50 Hehan tankan awicaya, Bethani hehanyan; unkan nape wicakiyuwinta qa wicayawaśte.

51 Unkan wicayawaśte icunhan, yutokan ewicakiciyakupi, qa wankan malhipiya kin ekta ayapi.

52 Unkan iye ohodapi, qa wöwiyuśkin tanka yuha Jerusalem ekta kipi:

53 Qa ohinniyan tipi wakan kin ohna ece yukanpi, Wakan-tanka yatanpi qa yawaśtepi ece. Amen.

JOHANNES

WOTANIN WAŚTE TAWA.

WICOWOYAKE 1.

1 Otokahe ekta Wicoie kin hee; Wicoie kin he Wakan-tanka kici un, qa Wicoie kin he Wakantanka kin ee.

2 He otokahe ekta Wakan-tanka kici un.

3 Iye eciyatanhan taku owasin kagapi; qa taku kin tokan tanhan takudan kagapi śni.

4 Iye kin en wiconi; qa wiconi kin he wicaśta iyoyamwicaye cin hee.

5 Iyoyanpa kin hee otpaze cin en omdesya un, tuka otpaze cin he iyowinkiyē śni.

6 Wicaśta wan Wakantanka eciyatanhan u śipi, he Johannes eciyapi.

7 He wayaotanin hi, Iyoyanpa kin oyake kta; hecen iye eciyatanhan owasin wicadapi kta.

8 Iyoyanpa kin he iye śni, tuka iyoyanpa kin he yaotanin kta e u śipi.

9 Iyoyanpa wicakapi hince cin hee, wicaśta otoiyo hi wicoicage kin en u iyoyamye cin hee.

10 He wicoicage kin en un, qa iye wicoicage kin kaga, tuka wicoicage kin sonyapi śni.

11 Tona tawa kin hena ekta wicahi, tuka tawawicaye cin hena iyowinkiyapi śni.

12 Tuka tona iyowinkiyapi kin hena Wakantanka cinca wicaya yakonpi kta e oki hi wicaya, tona iye caje wicadapi kin hena.

13 Hena wicawe eciyatanhan śni, qa wicacelipi tawacin kin eciyatanhan śni, qa nakun wicaśta tawacin kin eciyatanhan śni, tuka Wakantanka eciyatanhan wicatonpi.

14 Unkan Wicoie kin he wica-

JOHANNES.

cehpi kagapi, qa unkiyepi kin en ounyan; qa wootanin tawa kin wanunyakapi, wootanin kin he Atkuku eciyatanhan isnana icaga tawa kin he iyececa; wo-waonsida wowicake ko ojudan.

15 Johannes he yaotanin, qa heya niyan; Tuwe mihakam u kte cin he mitokam yawapi ce, epe cigon he dee; he mitokam un nakaes.

16 Unkan wojudan tawa kin etanhan unkiye owasin unkiukupi, qa he wowašte wicowašte kin on.

17 Wooke kin he Moses wicaqu; tuka wicowašte wowicake ko hena Jesus Messiya eciyatanhan u.

18 Tuwedan tohinni Wakan-tanka wanyake sni; tuka Cinhintku isnana icaga Atkuku maku ohna un kin he sdoney unkiyapi.

19 Unkan Johannes woyake cigon he dee; Jerusalem etanhan Juda oyate Wošnapi kagapi Lewi wicašta ko ekta ye wicašipi qa, Tuwe niye he, eciyapi.

20 Tuka Johannes ohdake ca anakihbe sni, tuka ohdaka; Messiya kin he miye sni ce.

21 Unkan wiwangapi; Nituwe he; Eliyas he niye he. Unkan, He miye sni ce, eya. Wicašta wokcan kin he niye he, eciyapi. Tuka, Hiya, eya.

22 Hehan, Ecin tuwe niye he, eciyapi: tona deciya unkušipi hecinhan hoši wicunkakipi kta e heunniciyapi; Token onihdaka he.

23 Unkan heya; Jehowa tancanku kin owotanna kicaga po, tuwe hewoskan eyanpaha un kin he miye ce, Isaya wicašta wokcan eye cigon iyececa.

24 Unkan tona en u wicašipi qon hena Pharisee etanhanpi.

25 Unkan wiwangapi qa heciyapi; Hecen tokeca e baptem wicayaqu he; Messiya he niye sni, qa Eliyas he niye sni, qa wicašta wokcan kin he niye sni hecinhan.

26 Johannes awicayupte ca heya; Miye mini on baptem wicawaqu ece: tuka wanji naya-jinpi kin cokaya najin tuka sdon-yayapi sni;

27 Tuwe mihektam u kte cigon, tuka mitokam yawapi kin hee; tahanpe kin wakiyušdoke kta esta owakihi sni ce.

28 Hena taku kin Bethabara, Jordan akasanpatanhan, econpi, he en Johannes baptem wicaqu.

29 Anpetu iyokihe hehan Jesus etkiya u kin Johannes wanyake ca heya; Tacinca Wakantanka tawa, oyate walitanipi kin tokan ehpeye kte cin he wanyaka po.

30 Tuwe on hepe cigon he dee; Wicašta wan mihakam u kte cin he mitokam yawapi; he mitokam un nakaes.

31 Qa miš eya he sdonwaye sni; tuka Israel oyate kin ekta yuotaninpi kta e heon mini on baptem wicawaqu wahi ce.

32 Unkan Johannes wayaotanin qa heya; Woniya kin he wakiyedan kaliya malpiya eciyatanhan kuntkiya u wanmdaka, unkan he en hiyanka.

33 Unkan he tuwe kin sdonwaye sni, tuka mini on baptem wicaqu maši qon he omakiyaka; Tohan malpiya kin eciyatanhan Woniya kin kuntkiya ye ca, tuwe iyahde wandake cinhan he iye Woniya Wakan on baptem wicaqu kta.

34 He wanmdaka e on mdaotanin; Wakantanka Cinhintku kin hee.

WICOWOYAKE 2.

35 Ake ihanhanna hehan Johannes waonspewicakiye cin nom om en najin :

36 Qa Jesus omani wanyake çehan heya ; Iho, Tacinca Wakantanka tawa kin he dee ce.

37 Unkan waonspewicakiya nom ie cin he nahonpi, qa Jesus ihakam yapi.

38 Hehan Jesus ihdamna, qa ihakam upi wanwicayake ça hewicakiya ; Taku ayakitapi he. Unkan, Itancan, Waonspekiye eyapi kin he kapi, tukten yati he, eciyapi.

39 Upi qa wanyaka po, ewicakiya. Unkan kici hdapi, qa tukte en ounye cin he wanyakapi, qa anpetu ihunniyan kici yukanpi : wanna oape wikcemna hehantu.

40 Nom Johannes ia nahonpi qa Jesus ihakam yapi qon, Andrew Simon Inyan sunkaku kin he unma ee.

41 He cincu Simon tokaheya iyeye ça heciya ; Messiya, he Sdayapi eyapi kin, iyeunyanpi ce :

42 Qa Jesus ekta ai. Unkan Jesus wanyake çehan heya ; Simon Jona cinhintku kin he niye : Kephas eniciyapi kta, he Inyan eyapi kin hee.

43 Ihanhanna kin hehan Jesus Galile heciya ya, unkan Philip wanyake ça heciya ; Mihakam u wo.

44 Philip Bethsada hetanhan, nakun Andrew Inyan kici he otonwe tawapi.

45 Philip Nathanael akipa, qa heciya ; Moses wope en owa qon, qa wicašta wokcanpi kin nakun, he wanna iyeunyanpi, Jesus Nazareth etanhan, Joseph cinhintku kin hee.

46 Unkan Nathanael heciya ; Nazareth etanhan taku wašte u

okihi kta he. U qa wanyakawo, Philip eciya.

47 Jesus Nathanael en u wanyake ça he on heya ; Wanyakapo, Israel wicašta ñinca wan he dee, wicahnaye wanin un ce.

48 Nathanael heciya ; Tokiyatanhan sdonmayaya he. Jesus ayupte ça heciya ; Philip nico qon he itokam can ihukuya nayajin qon hen wanciyaka.

49 Nathanael ayupte ça heciya ; Itancan, Wakantanka Cinhintku, Israel oyate Wicaštayatapi kin he niye.

50 Unkan Jesus ayupte ça heciya ; Can ihukuya nayajin wanciyaka epa, unkan heon wicayada he. Dena taku isanpa tanka wandake kta ce.

51 Unkan heciya ; Wowicake, wowicake eciyatanhan heciciyapi, Tokata mahpiya kin yuzannipi, qa Wakantanka taokiyek kin wankantkiya yapi, qa ake kuntkiya upi, qa Wicašta Cinhintku kin en himniciyapi wandakapi kta ce.

WICOWOYAKE 2.

1 Anpetu iciyamni kin hehan Galile makoce en otonwe wan Kana eciyapi hen kiciyuzapi omniciye kagapi ; unkan Jesus hunku kin en opa.

2 Jesus nakun waonspewicakiye cin om kiciyuzapi kin en kicopi.

3 Unkan miniša wanna hena-keca hehan, Jesus hunku kin heciya ; Miniša takudan yuhapi šni ye.

4 Unkan Jesus heciya ; Winohinca hetanhan iwamayatokiya he ; nahanhin iyemichiantu šni ce.

5 Unkan hunku kin wayutan wicakiyapi, He tokehin eniciya-

pi owasin ecen ecom, ewicakiya.

6 Inyan wakiškokpa šakpe en han, ohna Juda oyate ihdujajapi kta e hdepi; otoiyo hi wiyutapi nom yamni kipi.

7 Wakiškokpa kin mini ojudan okaštan po, ewicakiya. Unkan ojugjudan okaštanpi.

8 Hehan, Onge etanhan icupi qa omniciye itancan kin he kanya po, Jesus ewicakiya. Unkan kayapi.

9 Unkan omniciye kin en itancan kin onge yatkan uta, he mini tuka miniša icaliyapi, qa he tokiyatanhan kin sdonye šni, tuka wayutan wicakiyapi mini akupi qon hena sdonyapi, unkan itancan kin tawicu ton qon kico;

10 Qa heciya, Wicašta eca miniša wašte tokaheya yatke wicakiya ece; qa tohan wicašta wipipi hehan taku aoptetu kin; tuka niye miniša wašte linca dehanyan yehnaka ce, eya.

11 Galile makoce kin hen, Kana otonwe he en, Jesus toka taku wapetokeca econ, qa towitan hdutanin; unkan hecen waonspewicakiye cin wicadapi.

12 He iyohakam Kapernaum ekta apamahde iyaya, iye qa hunku qa sunkaku qa waonspewicakiye cin hena koya om; unkan anpetu tonana hen yakonpi.

13 Unkan Juda oyate woacakšın wošnapi tawapi kin wanna ikiyedan; heon Jesus Jerusalem ekta itanwankanhde iyaya.

14 Unkan tipi wakan kin en wicašta kin eya, tatanka, tahinca, wakiyedan ko wiyopewicakiyapi, qa maza ska tokiyopekiciyapi kin en iyotankapi e wanwicayaka;

15 Qa icapsinte cikciqadan yu-

gaga wan kage cehan, tipi wakan kin etanhan owasin tankan iyewicaya, tahinca tatanka ko; qa mazaska tokiyopekiciyapi qon is kada iyeya, qa can wahna wotapi kin he nakun paahdašinyan ehpeya.

16 Qa wakiyedan wiyopeyapi kin is, Dena owasin tankan iyeya po, qa, Ate ti kin de wopeton tipi kagapi šni po, ewicakiya.

17 Unkan waonspewicakiye cin wowapi en kagapi qon he kiksuyapi, Yati owakiye cin he mayapota ce.

18 Hehan Juda oyate ayuptapi qa heciyapi; Tokiya tanhan he oyakihı qa hecanon he.

19 Unkan Jesus waayupte ca, Tipi kin de ihangya po, qa anpetu iciyamni kinhan ake ekicetuweya kta, ewicakiya.

20 Waniyetu wikcemna topa qa sam šakpe hehanyan tipi kin de kagapi qa yušanpi qon, niye nakaha anpetu iyamnina ekicetu yaye kta he, Juda oyate kin eciyapi.

21 Tuka tipi eye cin he iye tancan kin he ka e heon etanhan heya.

22 Heon wiconę etanhan ihduekicetu, hehan hecen ewicakiye cıqon he waonspewicakiye cin kiksuyapi; unkan wowapi wakan qa Jesus taku ewicakiye cin hena koya wicadapi.

23 Unkan Jerusalem en woacakšın wošnapi kin icunhan, taku wapetokeca econ kin hena wicota wanyakapi qehan iye caje kin on wicadapi.

24 Tuka Jesus owasin sdonwicaye cin heon etanhan wacinwicaye šni.

25 Qa wicašta on tuwedan wayaotanin kta cin šni; iye atayedan wicašta taku en un kin sdonya, heon etanhan.

WICOWOYAKE 3.

1 Wicašta wan Pharisee etanhan Nikodemos eciyapi, Juda oyate itancanpi kin he wanji ee;

2 Hanyetu wan Jesus yanke cin en i qa heciya; Itancan, waonspekiye Wakantanka eciyatanhan u kin henica sdonunniyanpi; taku wapetokeca ecanon ece kin tuwedan hecen okihi šni, Wakantanka kici un šni kinhan.

3 Unkan Jesus ayupte ça heciya; Wowicake, wowicake eciyatanhan heciciya, Wicašta kin wankantanhan teca nien tonpi šni kinhan Wakantanka tokiconze kin wanyaka okihi kte šni.

4 Wicašta kin kan ehantanhan token ecin teca ni en tonpi kta he. Ake hunku tezi kin mahen kihde ça ake teca ni en tonpi kta he token okihi kta he, Nikodemos eciya.

5 Unkan Jesus ayupte; Wowicake, wowicake eciyatanhan heciciya, Wicašta kin mini qa Woniya kin on tonpi šni kinhan Wakantanka tokiconze kin en tin iyaya okihi kte šni ce, eya.

6 Tuwe wicacełpi on tonpi kin he wicacełpi, qa tuwe Woniya kin eciyatanhan tonpi kin he woniya.

7 Wankantanhan nitonpi kta ce, eciciye cin heon ihnuhan niyušinyaye cin.

8 Tateyanpa kin tokiyatanhan cin eca eciyatanhan ipogan ece, qa oqo kin he nayałon, tuku tokiyatanhan u, qa tokiya ye cin he sdonyaye šni. Wicašta Woniya kin eciyatanhan tonpi kin owasin hecetu.

9 Nikodemos ayupte ça heciya; Hena token okihipica he.

10 Jesus ayupte ça heciya; Israel en waonspekiye cin heni-

ca, tuka dena oyakalnige šni he.

11 Wowicake, wowicake eciyatanhan heciciya; Taku sdonunyanpi kin hena unkeyapi ece, qa taku wanunyakapi kin dena unkoyataninpi, tuka wounyataninpi kin ayaktapi šni.

12 Taku maka kin detanhan ociciyakapi kin wicayadapi šni ehantanhan, małpiya kin ekta taku ociciyakapi kinhan hee token wicayadapi kta he.

13 Nahalin tuwedan małpiya kin ekta i šni, tuwe małpiya kin eciyatanhan kuntkiya u, qa hi kin he Wicašta Cinhintku kin hee, nahalin nakun małpiya kin ekta yanka.

14 Nakun hewoskan wanmduška Moses wankan ehde qon he iyecen Wicašta Cinhintku kin wankan ehdepi kta.

15 Heon tuwe awacin kinhan owihanke kte šni, qa owihanke wanin wiconi yuhe kta.

16 Wakantanka oyate kin cantewicakiya, heon Cinhintku isnana icage cin wicaqu, qa tuwe awacin kinhan owihanke kte šni, tuka owihanke wanin wiconi yuhe kta.

17 Wakantanka Cinhintku kin wicoicage kin en u ši kin, heon oyate kin wicayaco kta e hecon šni; tuka iye on oyate kin nipi kta e hecon.

18 Tuwe he wacinye cinhan he yacopi kte šni; tuka tuwe wacinye šni kinhan he wanna yacopi; Wakantanka Cinhintku isnana icage cin he caje kin wacinye šni kin heon etanhan.

19 Wicayacopi kin he kaketu; Oyate kin iyoyanpa en wicahiyohi, tuka wicašta kin otpaza e waštedakapi, qa iyoyanpa e cimpi šni, wicołan šicapi kin heon.

20 Tuwe taku šica econ kin he

iyoyanpa síce daka, qa iyoyanpa ikiyedán u sñi, ohan iyopeyapi kte cin heon.

21 Tuka tuwe wowicake eciyatanhan ohan ye cin he iyoyanpa kin en u, ohan yuotaninpi kta, Wakantanka eciyatanhan ohan ye cin heon.

22 Hena iyohakam Jesus waonspewicakiye cin om Juda makoce kin en i; qa en om un, qa baptem wicaqu.

23 Unkan he icunhan Johannes is eya Enon Salim ikiyedán baptem wicaqu, hen mini ota kin he etanhan. Unkan baptem wicaqupi kta e etkiya aye.

24 Hehanyan hinyahin Johannes kaškapi sñi.

25 Hehan taku hdokinicapi, Johannes waonspewicakiye cin wanjikji qa Juda wicašta om, wicayujajapi kin he icalitagya.

26 Unkan Johannes ekta ipi qa heciyapi; Itancan, Jordan wakpa akasanpa tanhan tuwe kici yaun qa daotanin qon he, iho, wanna baptem wicaqu, unkan owasin en ece iyoptapi.

27 Unkan Johannes waayupte ça heya; Wicašta kin mahpiya eciyatanhan taku qupi sñi ehan-tanhan takudan iye cinka icu okihi kte sñi ece.

28 Messiya kin he miye sñi, tuka itokam u mašipi ce, epe ciqon he niye sdoniyayapi.

29 Tuwe tawicu ton kin he hihna yanpi kin hee, tuka hihna yanpi takodaku kin en taninyan anagoptan najin, qa hihna yanpi ho kin nahon kin heon iyuskin ece. Heon etanhan wowiyuskin mitawa kin wanna yuecetupi ce.

30 Iye kin nina sanpa icage kta, tuka miye yuhukun amaye kta.

31 Tuwe wankan tanhan hi kin

he taku owasin iwankam ounye. Tuwe maka etanhan hi kin he maka etanhan, qa maka kin iye-cenya oie kiton. Tuwe malpiya kin eciyatanhan hi kin he taku owasin on iyotan.

32 Qa taku wanyake ça taku nahon kin he owasin yaotanin ece; tuka taku yaotanin kin tuwedán wicada sñi.

33 Taku yaotanin kin he tuwe wicada kinhan Wakantanka wicake cin he yutanin ece.

34 Wakantanka tuwe u ši kin he Wakantanka oie oyaka; Wakantanka Taniya kin iyuta qu sñi, ocowasin qu.

35 Atkukukin Cinhintku waštekidake ça, taku owasin iye nape kin en qu:

36 Hecen tuwe Cinhintkuyapi kin wacinye cinhan owihanke wanin wiconi kin wanna yuha; tuka tuwe wacinye sñi kinhan, he wiconi wanyake kte sñi, tuka Wakantanka tocanniye kin wanna akan un.

WICOWOYAKE 4.

1 Jesus waonspewicakiya ota icicage ça baptem wicaqu, Johannes econ qon sam iyeya, Pharisee kin hecen nahonpi, he Itancan kin sdonya.

2 Tuka Jesus iye atayedán baptem wicaqu sñi, waonspewicakiye cin hena heconpi.

3 Hehan Juda makoce kin ayu-štan, qa Galile heciya ake ekta hda.

4 Qa Samariya he en acankuye kta iyececa.

5 Hecen otonwe wan Sukar eciyapi Samariya makoce en, Joseph en ounye kta e Jakob atkuku qu qon he ikiyedán, he ekta hi.

6 Jakob miniyowe tawa kin he

WICOWOYAKE 4.

etu; Jesus mdokiŕe hda, qa miniyowe kin he ahankeya iyotanka. Anpetu kin he en wiyotanhe cin hehantu.

7 Samariya oyate etanhan winohinca wan mini huwe hi; unkan Jesus, Mini maqu wo, eciya.

8 He icunhan waonspewicakiye cin otonwe kin ekta taku yutapi opeton iyayapi.

9 Winohinca Samariya oyate etanhan qon hecen eya, Juda wicaŕta kin henica, Samariya oyate kin hematanhan, he tokeca e mini mayakida he. Juda oyate Samariya oyate kici takudan ikicitukapi wanice ciqon.

10 Jesus ayupte a heciya; Wakantanka taku wicaqu kin he, qa, Mini maqu wo, eniciye cin he tuwe kin sdonyaya unkanŕ, niye yakida kta, kinhan mini wiconi kin niu kta tuka ce.

11 Itancan, mini kin de temahentuya hiyeya qa takudan on edaku kte ŕni; tokiya tanhan mini wiconi kin duha he, winohinca kin eciya.

12 Jakob ateunyanpi miniyowe kin de unqupi, qa etanhan iye mini yatkan, qa cinca qa tawanunyanpi ko, he *hecon* tuka niye iniyotan he.

13 Unkan Jesus ayupte a heciya; Tuwe mini kin de etanhan yatke cin nakun ipuza kta;

14 Qa tuwe mini waqu kte cin etanhan yatke cin icimana ipuza kte ŕni. Tuka mini waqu kte cin he owihanke wanin wiconi iyahdeya kaduze kta, eya.

15 Unkan winohinca kin heciya; Itancan, mini kin he etanhan maqu ye, hecen imapuza kte ŕni, qa nakun icimana mini kin de huwe wahi kte ŕni, eya.

16 Unkan, Nihihna kico ya

wo, qa den kici hi wo, Jesus eciya.

17 Tuka winohinca kin waayupte a heciya; Mihihna kin wanica ce. Nihihna wanica kehe cin he hecetu e ecen eha ce;

18 Nihihna zaptan, tuka nakaha hihnayaye cin de nitawa ŕni; hecen ehe cin he wicayaka ce, Jesus eciya.

19 Hehan winohinca kin heciya; Itancan, wicaŕta wokcan kin henica imdukan;

20 Hunkake wicunyanpi paha kin de en ohodapi ece; tuka niye, Jerusalem he en wicaŕta ohodapi ece e kta, kehapi ce.

21 Unkan Jesus heciya; Winohinca, wicamada wo, anpetu wan u ce, paha kin de en, qa Jerusalem nakun en, Ateyapi kin ohoyadapi kte ŕni.

22 Niye taku ohoyadapi kin sdonyayapi ŕni; unkiye taku ohoundapi kin sdonunyanpi ece. Juda oyate kin eciyatanhan wanikiyapi kin u ce.

23 Tuka anpetu u kin he wana hiyohi, tona wowicake eciyatanhan ohodapi kin hena woksape wowicake eciyatanhan Ateyapi kin ohodapi kta. Ateyapi kin he tona hecen ohodapi kte cin akita ece.

24 Woksape kin he Wakantanka kin ee; qa tona ohoda kinhan hena woksape wowicake eciyatanhan ohoda kta.

25 Hehan winohinca kin heciya; Messiya Sdayapi eyapi kin hi kta, tohan hi kinhan taku kin owasin unkokiyakapi kta e sdonwaya.

26 He miye e ociciya ce, Jesus eciya.

27 He icunhan waonspewicakiye cin en hdipi, qa winohinca kin kici okiciciya un kin heon yuŕinyayapi. Tuka wanjidan;

JOHANNES.

Taku ayakita he; qa, Tokeca kici iyaa he, eyapi śni.

28 Hehan winohinca kin wakiškokpa ehpeya kihde ça, otonwe kin ekta ki, qa wicašta kin hewicakiya;

29 Wicašta wan taku ecamon qon owasin omiciyake cin he ito wanyag u miye. He Messiya kin ee śni he.

30 Hehan otonwe kin etanhan enanpa, qa yanke cin en ai.

31 He icunhan waonspewicakiye cin cekiyapi qa, Itancan, wota wo, eciyapi.

32 Tuka iye hewicakiya; Taku yutapi sdonyayapi śni kin heca wate kta e mduha ce.

33 Heon, Tuwe taku yutapi kahi he, wonspewicakiye cin ekiciyapi.

34 Tuka Jesus hewicakiya; Tuwe u maši kin he tawacin kin ecen ecamon kta, qa iye tohan kin weciyuštan kte cin he taku wate cin ee.

35 Ehake wi topa kinhan taku mnaunyanpi kta ce, ehapi. Tuka miš kaken eciciyapi; Wankan etonwanpi qa maga kin wanyaka po, wanna owasin ska qa mnayanpi kin wanna iyehantu.

36 Qa tuwe taku mnaye cin he wokajuju icu ece, qa owihanke wanin wiconi waskuyeca mnayan ece; hecen on tona woju, qa tona mnaye cin napin wiyuškinpi kta.

37 Wanji woju qa wanji mnayan, eyapi qon dee e wicakapi.

38 Niye htayanipi śni tuka wamnayanpi he econ cišipi. Wicašta tokeca htanipi unkan he htanipi kin en niye oyapapi.

39 Winohinca kin, Token ecamon qon owasin omiciyaka ce, eye ciqon heon wicašta Samariya oyate otonwe kin he en ota Messiya hee kin wicadapi.

40 Heon Samariya oyate Jesus en hipi qa cekiyapi, iye tipi kin en un šiipi. Unkan nonpa can hen un.

41 Unkan ia nahonpi kin hehan wicota wicadapi.

42 Qa, Taku odake cin he etanhan wicaundapi kin hee śni, unkiš eya naunhonpi, Messiya hee qa oyate wanikiye kte cin hee e sdonunyanpi, winohinca kin eciyapi.

43 Anpetu nonpa iyohakam hehan hetanhan ye ça Galile heciya hda.

44 Jesus iye atayedan hdaotanin, wicašta wokcan kin heca iye tamakoce kin en yuonihanpi śni ece.

45 Unkan Galile ekta ki, hehan Galile wicašta kin iyowinkiyapi, Jerusalem ekta wošnapin kin icunhan taku econ qon owasin wanyakapi kin heon etanhan; iš eya wošnapin kin ekta ipi nakaes.

46 Unkan Galile en Kana otonwe kin, mini ikceka miniša icalye ciqon he ake en hdi. Unkan Kapernaum ekta wicašta itancan wanji cinhintku wazanka:

47 He Jesus Juda makoce kin hetanhan Galile en hi, nahon kin heon ekta ye ça cekiya, cinhintku kin asniye kta e ekta u kta; wanna te kta ikiyedana.

48 Hehan Jesus heciya; Taku wowanyake wowapetokeca ko wandakapi śni keš wicayadapi kte śni ce.

49 Unkan wicašta itancan kin heciya; Itancan, micinkši te śni itokam kun u wo.

50 Tuka Jesus heciya; Hunktiya wo, nicinkši ni ce. Unkan wicašta kin Jesus ie cin wicada, qa ekta hda.

51 Tiyatakiya hda, unkan wi-

WICOWOYAKE 5.

cašta wowidake wicayuhe cin awicakipa; unkan, Nicinksi kin ni ce, eya okiciyakapi.

52 Wi kin tohan yanka hehan asni aya he, eya iwicawanga. Unkan, Htanihan wiyotanhan kitanna inasdoka, hetanhan tancan kata ayuŝtan ce, eyapi.

53 Unkan atkuku kin tohan Jesus, Nicinksi ni ce, eciye ciqon hehantu e kiksuya. Unkan iye qa tiyohnaka tawa koya wicadapi.

54 Jesus Juda makoce etanhan Galile icicawin en hdi, wowape-tokeca econ kin icinonpa kin he dee

WICOWOYAKE 5.

1 Hehan iyohakam Juda oyate omniciye wan kagapi he icunhan Jesus Jerusalem he en i.

2 Jerusalem en tahinca wanunyanpi tiyopa kin he en ikiyadan, mini kiwitayapi, Hebrew iapi Bethesda eciyapi, zaptankiya aohanziya hdepi.

3 Hena ohna wicašta wayazanka ota, hušte, išta gonga, ŝatakako ota en makan hiyeya, mini ŝkanskan ape hiyeya.

4 Tohan iyehantu eca, malpiya ohnihde wan mini kin en hi qa ŝkanskanya ece. Tokiya yazan kin owasin tohan mini kin he ŝkanskan eca tuwe tokaheya en iyohpeiçiya eca asni ece.

5 Wicašta wan he en wanka, waniyetu wikcemna yamni sanpa ŝahdogan hehanyan wayazanka.

6 Wicašta kin he makata wanka, wanakaja tanhan wayazanka Jesus wanyaka, qa, Anisni kta yacin he, eciya.

7 Wicašta wayazanke cin heciya; Itancan, mini kin ŝkanskan keŝ tuwedan en iyohpemaye ŝni;

en mde kta keŝ tuwe tokeca mitokam en iyeiçiya ece.

8 Najin, owinja ehdaku qa mani wo, Jesus eciya.

9 Unkan ecahankeya wicašta kin akiŝni, qa owinja kin ehdaku, qa mani. Unkan anpetu kin he anpetu wakan.

10 Heon etanhan Juda oyate kin wicašta asniyanpi qon heciyapi; Nakaha anpetu wakan; owinja yeçin kin he hecetu ŝni ce.

11 Tuwe asnimaye cin he, Owinja ehdaku qa mani wo, emakiya ce, ewicakiya.

12 Hehan, Wicašta kin, Owinja ehdaku qa mani wo, eniciye cin he tuwe he, eya iwangapi.

13 Tuka wicašta asniyanpi kin he tuwe kin sdonye ŝni: he icunhan wicota hen unpi hecen Jesus icunonpa iyaya.

14 Hehan iyohakam tipi wakan en wicašta kin he Jesus wanyaka, unkan, Wanyaka ye, wanna anisni; icimana walitani ŝni wo; okinni ake taku wanji ŝica sanpa tanka iyanihde kta ce, eciya.

15 Unkan wicašta kin he kihde ça, Tuwe asniye ciqon he Jesus ee, Juda oyate owicakiyaka.

16 Heon etanhan Juda oyate Jesus kuwa ayapi, qa anpetu wakan kin icunhan hena econ kin heon ŝeyapi kta e akitapi.

17 Unkan, Ate nahahin hitani he etanhan miŝeya hitawani, Jesus ewicakiya.

18 Unkan Juda oyate hehan iyotan Jesus ŝeyapi kta sanpa akitapi, anpetu wakan botica, qa nakun Wakantanka atayedan Ateya keiçiyeye cin, Wakantanka kici akiyecen ihdawa kin, heon etanhan.

19 Unkan Jesus waayupte ça



hewicakiya ; Wowicake, wowicake eciyatanhan heciciyapi, Cinhintkuyapi kin takudan iye cinka econ kta okihi ūni ; Ateye cin taku econ wanyaka eca, hehan Cinhintku kin iū eya iye-cen econ ece.

20 Ateyapi kin Cinhintku waūte kidake cin heon taku econ kin hena owasin onspekiya ; qa nakun eeū wicohan dena sanpa tanka onspekiye kta, hecen ininihanpi kta.

21 Ateyapi kin tuwe ūa keū niye ūa wiconi wicaqu ece ; he iye-cen Cinhintku kin iū tona cin kinhan wiconi wicaqu ece.

22 Nakun Ateyapi kin tuwedan yaco ūni, tuka woyaco owasin Cinhintku kin qu.

23 Heon etanhan owasin Ateyapi kin token ohodapi hecinhan he iye-cen Cinhintku kin ohodapi kta. Tuwe Cinhintku kin ohoda ūni kin he Atkuku u ūi kin he nakun ohoda ūni.

24 Wowicake, wowicake eciyatanhan heciciyapi, Tuwe mioie kin anagoptan, qa u maūi kin he awacin kinhan, owihanke wanin wiconi yuhe kta ; qa woyaco en i kte ūni, wanna wiconūe etanhan wiconi ekta e i.

25 Wowicake, wowicake eciyatanhan heciciyapi, Anpetu wan u qon wanna hi, wicaūta ūa tona Wakantanka Cinhintku ho kin naūon kta ; qa tona naūon kinhan hena ni kta.

26 Ateyapi kin iye cinka wiconi hduha, he etanhan Cinhintku kin iū iye cinka wiconi hduhe kta e qu.

27 Qa nakun wowaūake woyaco kin he nakun Cinhintku qu, Wicaūta Cinhintku kin e heon etanhan.

28 Ihnuhan hena ininihanpi kin

do ; anpetu wan hi kta ce, wicaūta wicaūapi kin owasin iye ho kin naūonpi kta ;

29 Qa hninanpapi kta, tona waūte econpi kin hena wiconi woekicetu ekta ; qa tona taku ūica econpi kin hena woyaco woekicetu ekta hiyupi kta.

30 Miye cinka taku ecamon owakitpani ; taku mdaco kin hena taku nawaūon kin heciya tanhan ; qa taku mdaco kin hena hecetu. Miye mitawacin he owakide ūni, tuwe u maūi kin he tawacin owade.

31 Miye mihdaotanin kinhan, taku mdaotanin kin he wowicake ūni.

32 Wanji tokeca mayaotanin ece ; unkan wayaotanin iye mayaotanin kin he wowicake e sdonwakiya.

33 Johannes ekta ūe wicayaūipi ; unkan taku yaotanin kin wowicake kin hee.

34 Tuka wicaūta akantu wayaotaninpi kin iwacu ūni ; tuka dena on yanipi kta e heciciyapi.

35 He peta ijanjan iyege ūa okitanin ; unkan iyoyanpa ūawa kin on kohanna iyuūkin wacan-nipi.

36 Tuka Johannes sam iyeya tanka wayaotanin mduha ; wicohan ecamon kta Ate maqu qon hena e ecamon ece ; Ate umaūi e yuotanin kin hena ee.

37 Qa Ateyapi umaūi qon he nakun mahduotanin : He tohinni ho kin nayahonpi ūni, qa itohnake wandakapi ūni :

38 Qa oie kin en niunpi ūni, tuwe u ūi kin he wicayadapi ūni, heon etanhan.

39 Wowapi wakan kin en akita po ; heciyatanhan wiconi owihanke wanica duhapi kecannipi ; unkan omayake cin hena ee.

40 Tuka owihanke wanin wi-

WICOWOYAKE 6.

coni duhapi kta e on miye en mayaupi yacinpi šni.

41 Wicašta ekta mitawootanin kin awecite šni.

42 Tuka Wakantanka wašte-dakapi kin he en niunpi šni e sdonciyapi.

43 Ate cajeyan wahi, tuka iyowinmayakiyapi šni; tuwe iye caje atayedan hduha hi kin hee iyowinyakiyapi kta.

44 Niye iyakitedan nitawootaninpi kin ayecitapi, qa Wakantanka eciyatanhan wootanin kin ayakitapi šni, he token on wicayadapi kta he.

45 Ate en aciyapi kta e kecan-makinpi šni po; Moses he wacinyayapi qon he iye taku iyanionpapi ce.

46 Moses wicayadapi unkanš miš eya wicamayadapi kta tuka. He miye on wowapi kaga.

47 Tuka iye wowapi kage cin hena wicayadapi šni kinhan, ecin token mioie kin wicayadapi kta he.

WICOWOYAKE 6.

1 Hena iyohakam Jesus Galile mde kin, he nakun Tiberias mde kin ee, he akasanpa iyaya.

2 Unkan oyate ota ihakam yapi, wicašta wayazanpika en wapetogya ohanyan wanyakapi qon heon etanhan.

3 Unkan Jesus paha wan ekta iyaya, qa waonspewicakiye cin om akan iyotanka.

4 Unkan woacakšin, Juda oyate wošnapi tawapi wan, he wanna ikiyedan ihan.

5 Jesus išta yuwankan ikikeu, qa wicota iye yanke cin en au wanwicayake cehan, Philip heciya; Aguyapi dena yutapi kte cin tokiyatanhan opeuntonpi kta he.

6 He yukcañ kta on etanhan

heciya; token econ kte cin he sdonkiya tuka.

7 Hehan Philip ayupte; Kašpapidan opawinge nonpa aguyapi iyoheyapi, qa otoiyohe cikistinna icupi ešta, nakun iyowicahi kte šni ce, eya.

8 Hehan waonspewicakiye cin wanji, Simon Inyan sunkaku, Andrew eciyapi, he nakun heciya;

9 Psin ska aguyapi zaptan qa hogan nom hena den hokšidan wan yuha; tuka wicota qa hena on token hanpica he.

10 Unkan, Wicašta kin iyotanke wicaši po, Jesus eya. He en peji ota. Wicašta kin hena iyotankapi, unkan kektopawinge zaptan iyecetu.

11 Hehan Jesus aguyapi kin hena icu qa yawakan, qa waonspewicakiye cin wicaqu; unkan waonspewicakiye cin iyotang hiyeye cin wicakipamnipi; qa nakun hogan tohanyan cinpi kin.

12 Unkan imnanpi hehan waonspewicakiye cin hewicakiya, Oyaptapi kin hena pahi po, hecen takudan atakuni kte šni.

13 Unkan psin ska aguyapi oyaptapi qon he etanhan makanopiye ohnaka ake nonpa pahipi; wotapi etanhan iwicakiciyaye cin hena ee.

14 Taku wapetogya Jesus econ kin oyate kin wanyakapi, qa heon heyapi, Wicašta wokcan itancan oyate en hi kta keyapi qon he wanna dee.

15 Oyate kin Jesus icupi, qa wicaštayatapi kah wacinpi e sdonkiya, qa paha kin icunonpa akan išnana iyaya.

16 Unkan wanna hitayetu hehan waonspewicakiye cin mde kin ektakiya yapi;

17 Qa wata wan en opapi qa

JOHANNES.

mde kin he opta yapi, Kapernaum heciya i wacimpi. Unkan otpaza tuka nahanhin Jesus ekta wicahi šni.

18 Unkan tateyanpa hinca, on etanhan mde kin nina taja aya.

19 Unkan wiyutapi wikcemna nonpa sam zaptan, qa is wikcemna yamni hehanyan watopapi, hehan wata kin ikiyedani Jesus mini kin amani u wanyakapi; unkan yušinyayapi.

20 Tuka, He miye ce, ihnuhan koyakipapi kin do, ewicakiya.

21 Hehan iyokipiya wata kin en iyowinkiyapi; unkan tokiya yapi qon, wata kin kohanna he en ihunni.

22 Ihanhanna hehan oyate mde kin icahda yukanpi kin, hen wata wanica, wanji waonspewicakiye cin en opapi qon heceyedani, qa Jesus waonspewicakiye cin om wata kin en ope šni, tuka waonspewicakiye cin isnana iyayapi, he wanyakapi:

23 Tuka Jesus aguyapi yawakan qa yutapi qon he en ikiyadan Tiberias eciyatanhan wata toktokeca en hipi.

24 Oyate kin Jesus waonspewicakiye cin om he en yukanpi šni wanyakapi, unkan oyate kin wata kin hena en opapi qa mde kin opta yapi, Jesus Kapernaum heci un kin he akin yapi.

25 Unkan mde kin akasanpa hen iyeyapi qehan, heciyapi; Itancan tohinni den yahi he.

26 Jesus awicayupte ca heya; Wowicake, wowicake eciyatanhan heciyapi, Omayadepi kin he taku wapetokeca wandakapi kin heon hecanonpi šni, aguyapi imnahan yatapi qon e heon.

27 Taku yutapi on wicatakuni šni heon litanipi šni po; tuka taku yutapi owihanke wanin wiconi hehanyan kte cin hee on

litani po, he Wicašta Cinhintku kin niçupi kta; Wakantanka Ateyapi kin wanna he askamton.

28 Hehan heciyapi; Token econkupi kta, on Wakantanka tohan kin unko hanyanpi kta he.

29 Jesus waayupte ca hewicakiya; Wakantanka wicohan tawa kin he dee, tuwe u ši kin he wicayadapi kta.

30 Heon etanhan heciyapi; Taku wapetokeca ecanon kin tukte e heon, wanunyakapi qa wicaunni dapi kta; taku yakaga he.

31 Hunkake wicunyanpi kin eya wanna hewoskan manna yutapi qon; Mahpiya eciyatanhan aguyapi yutapi kta e wicaqu ce, eya owapi qon he iyececa.

32 Unkan Jesus hewicakiya; Wowicake, wowicake eciyatanhan heciyapi; Moses aguyapi kin he mahpiya kin eciyatanhan niçupi šni; tuka Ate waye cin he aguyapi wowicake kin mahpiya eciyatanhan niçupi.

33 Aguyapi Wakantanka tawa kin he tuwe mahpiya eciyatanhan kuntkiya u, qa oyate wiconi wicaqu kin hee.

34 Unkan, Eca Itancan, aguyapi kin he ohinniyan unqu po, eciyapi.

35 Tuka Jesus hewicakiya; Aguyapi wiconi kin he miye ce. Tuwe en mau kinhan wotektehda šni un kta; qa tuwe wicamada kinhan ipuza šni un kta.

36 Eya wanna wanmayadakapi, tuka wicamayadapi šni e, eciyapi qon.

37 Ate tona maqu kin owasin miye en mau kta; qa tuwe en mau kinhan tankan iyewaye kte šni.

38 Mahpiya eciyatanhan wahi kin, he mitawacin owape kte šni, tuwe u maši kin he tawacin oweciye kta.

WICOWOYAKE 6.

39 Atewayaya u maši kin he tawacin kin he dee, tona maqu kin wanjidan toki elipewaye šni, ecen anpetu ihankeya kin piya icalhwaye kta.

40 Tuwe u maši kin he tawacin kin he dee, tona Cinhintkuyapi kin he wanyake ça wicada kin hena owihanke wanin wiconi yuhe kta, qa anpetu ihankeya kin he en piya icalhwaye kta.

41 Heon Juda oyate kin ajijipi ; Aguyapi małpiya eciyatanhan kun u kin he miye ce, eye ciqon heon etanhan.

42 Qa heyapi ; Jesus Joseph cinhintku qon he dee šni he, atkuku hunku ko sdonwicunyanpi ce : hecen token, Małpiya eciyatanhan wahi ce, eya okihi he.

43 Heon Jesus waayupte ça hewicakiya ; Niye iyakitedan waajijipi šni po.

44 Tuwedan iye cinka en mau kte šni, Ate u maši qon tuwedan en au šni kinhan, qa anpetu ihankeya kin en piya icalhwaye kta.

45 Unkan owasin Wakantanka eciyatanhan onspewicakiyapi kta ce, wicašta wokcan kin en eya owapi qon. Heon tona Ate waonspewicakiye ça anagoptanpi kin hena owasin en maupi kta.

46 Tuwedan Ateyapi kin tohinni wanyake šni, tuwe Wakantanka etanhan u kin hecedan Atkuku wanhdaka.

47 Wowicake, wowicake eciyatanhan heciciyapi, Tuwe miye wicamada kinhan, he owihanke wanin wiconi yuhe kta.

48 Aguyapi wiconi he miye.

49 Nihunkakepi kin hewoskan manna yutapi, tuka țapi.

50 Małpiya eciyatanhan aguyapi hi kin he dee, tuwe etanhan yute cinhan țe kte šni.

51 Aguyapi ni un kin he miye, małpiya eciyatanhan wahi ; tuwe etanhan yute cinhan owihanke wanin ni kta. Aguyapi wicawaqu kte cin he micelłpi kin ee, he oyate wicani kta e wicawaqu ce, eya.

52 Wicašta kin de iye celłpi etanhan unqupi qa untapi kta heye cin, he token okihi kta e heya he, Juda oyate iyakitedan eya hdokinicapi.

53 Hehan Jesus hewicakiya ; Wowicake, wowicake eciyatanhan heciciyapi ; Wicašta Cinhintku kin celłpi etanhan yatapi šni, qa we kin datkanpi šni kinhan wiconi takudan en niunpi kte šni.

54 Tuwe micelłpi etanhan yute ça mawe yatke cinhan owihanke wanin wiconi yuha ece, qa anpetu ihankeya kin en piya icalhwaye kta.

55 Micelłpi kin he woyute otancanke, qa mawe kin he woyatke otancanke.

56 Tuwe micelłpi yute ça mawe yatke cin he mici un, qa miš kici waun.

57 Ate u maši kin he ni un, qa Ate on ni waun, he etanhan tuwe mayute cinhan miye on ni un kta.

58 Aguyapi małpiya eciyatanhan hi kin he dee. Nihunkakepi manna yutapi qon de iyecece šni, he yutapi tuka țapi. Tuwe aguyapi kin de etanhan yute cinhan owihanke wanin ni kta ce, eya.

59 Kapernaum en omniciye tipkin he ohna waonspekiya icunhan hena hecen eya.

60 Heon etanhan waonspewicakiye cin ota he nałonpi qehan, Wicoie kin de telhika ce, tuwe e nałon okihi kta he, eyapi.

61 Unkan Jesus waonspewica-

JOHANNES.

kiye cin hena heya ajijipi kin, iye atayedan sdonye ça hewicakiya; Tokeca de iyanipaṭopi he.

62 Wicašta Cinhintku kin wankan un qon ake ekta kihde ça, wandakapi kinhan, tokeca kta he.

63 Woniya kin he wiconi kaga ece, wicaceḥpi kin takudan okihi śni. Wicoie eciciyapi kin hena woniya qa wiconi kin hee.

64 Tuka wanjikji he wicayadapi śni. Otokahe ekta tanhan tona wiçadapi kte śni, qa nakun tuwe wiyopeye kte cin hena Jesus sdonya.

65 Unkan heya; He etanhan heciciyapi qon, Tuwedan iye cinka en mau okihi kte śni, tuwe Atewaye cin he qu kinhan heceyedan okihi kta.

66 Hecetu, unkan heon waonspewicakiye cin ota ayuŝtanpi, qa icimana ihakam yapi śni.

67 Hehan Jesus akenonpapi kin, Niŝ eya yahdapi kta he, ewicakiya.

68 Unkan Simon Inyan ayupte; Itancan, tuwe ekta unyanpi kta he; owihanke wanin wiconi wicoie duhe cin;

69 Qa Messiya Wakantanka ni un Cinhintku kin he niye e wicaundapi qa sdonunyanpi ye, eya.

70 Unkan Jesus awicayupte; Akeninonpapi kin miye cicalnigapi śni he; tuka wanji wakanŝica yaunpi ce, eya.

71 Simon cinhintku Judas Iskariyot he ke ça hecen eya. Ake nonpapi kin he etanhan tuka he wiyopeye kte cin ee.

WICOWOYAKE 7.

1 Hena iyohakam Jesus Galile en un; Juda oyate ṭe yapi kta

akitapi heon Juda makoce en un wacin śni.

2 Juda oyate woacakŝin woŝnapi ece kin he wanna kiyedan aya.

3 Heon etanhan iye sunkawicaye cin heciyapi; Detanhan ya wo, qa Juda makoce kin en un wo, hecen waonspewicayakiye cin niohan ecanon ece kin hena wanyakapi kta.

4 Tuwe ihdutanin cin kinhan, taku nalimana econ śni ece. Dena ecanon kta hecinhan, iho oyate kin en ihdutanin wo.

5 Sunkawicaye cin iyepi nakun wicadapi śni.

6 Heon Jesus hewicakiya; Miye anpetu kin hinyanlin iyemicihantu śni; tuka niye qe anpetu kin ohinniyan wiyeya niciyankapi.

7 Oyate kin ŝicenidapi okihipi śni, tuka miye e ŝicemadapi; wicoḥan tawapi kin hena ŝica e mdaotanin ece kin heon etanhan.

8 Niye qe woŝnapi kte cin ekta ya po. Miye qe nahahin anpetu iyemicihantu śni, heon woŝnapi kin he ekta mde kte śni ce.

9 Hena hewicakiye ça hehan Galile en un.

10 Tuka sunkaku iyayapi kin iyohakam hehan, iŝ woŝnapi kte cin ekta ya, taninyan ye śni, tuka nahmana ya.

11 Woŝnapi kin icunhan Juda oyate odepi qa, Tokiya un he, eyapi.

12 Qa oyate kin iapi ota on aia-pi. Apa, He wicašta waŝte ce, eyapi: qa toktokeca iŝ, Hiya, oyate kin wicahnayan ce, eyapi.

13 Juda oyate kowicakipapi, heon etanhan tuwedan taku ataninyan eye śni.

14 Woŝnapi kin cokaya hdoipi, unkan Jesus tipi wakan ohna inajin, qa wowicakiyaka.

WICOWOYAKE 7.

15 Unkan Juda oyate kin inihanpi qa heyapi; Wicašta kin de tokiya tanhan wowapi kin onspe he; tohinni onspekiyapi šni qon.

16 Unkan Jesus awicayupte ça heya; Wociciyakapi kin de miye etanhan šni, tuwe u maši kin he iye etanhan.

17 Tuwe iye tawacin ecen econ wacin kinhan, woyakapi kin de Wakantanka eciyatanhan hecinhan, qa iš miye cinka hena epa hecinhan, sdoney kta.

18 Tuwe iye en oie ičiye cinhan he iye towitan okide ece; tuka tuwe iš, tuwe uši kin he towitan okicide kinhan, he iye wowicake, qa wicowicaštašni takudan en un šni.

19 Moses woope kin ničupi šni he; tuka tuwedan woope kin ecen ecanonpi šni; taku on temayayapi kta e ayakitapi he.

20 Oyate kin ayuptapi qa heyapi; Wakan šica niyuhnaškinyan; tuwe e teniyan akita he.

21 Hehan Jesus waayupte ça hewicakiya; Wicoħan wanji ecamon, unkan owasin niyušinyayapi.

22 Moses baħdayapi wicoħan kin ničupi; he Moses etanhan šni, tuka hunkakewicayapi kin etanhan; unkan anpetu wakan eca wicašta wan bayecihdayapi ece.

23 Hecen anpetu wakan eca wicašta wan bakicihdayapi hecinhan, on Moses woope kage ciqon yujujupi kte šni; wicašta wan anpetu wakan en ocowasin okiziwaye cin heon cantamayahdepi he.

24 Wiyacinyan wayacopi šni po, wokonze e eciyatanhan wayaco po.

25 Hehan Jerusalem etanhan wanjikji heyapi; Tuwe teyan akitapi kin he dee šni he.

26 Unkan iho, kagi šni ia tuka tuwedan taku eciye šni. Wicašta itancanpi kin awicakehan Messiya kin he dee e sdonyapi he.

27 Tuka wicašta kin de tokiyatanhan u kin sdonunyanpi; tohan Messiya hi kinhan, tokiyatanhan u kin tuwedan sdoney kte šni, eyapi.

28 Hehan Jesus tipi wakan kin ohna waonspekiya icunhan hotankakiya heya; Tuwe miye kin sdonmayayapi, qa tokiya tanhan wau kin he nakun: qa miye cinka wahi šni; tuka tuwe u maši kin he wicaka, ege sdonyayapi šni.

29 Tuka miye he sdonwakiya, he iye etanhan wahi, qa u maši kin hee.

30 Unkan heon tinsa yuze wacinpi, tuka nahaliin iyehantu šni kin heon tuwedan nape on yutanpi šni.

31 Unkan oyate kin etanhan wicota he iye kin wicadapi qa heyapi; Tohan Messiya hi kinhan, de taku wapetogya econ kin, he sam iyeya hecon kta he, eyapi.

32 Oyate kin iyakitedan hekiciyapi he Pharisee kin nalionpi; unkan wošna kagapi Pharisee ko, yuzapi kta e on akicita ekta ye wicašipi.

33 Hehan Jesus hewicakiya; Ehake tokata cistiyedan ocipapi waun kta, hehan tuwe u maši kinhan heciya wahde kta.

34 Omayadepi kta, tuka iyemayayapi kte šni; qa tokiya waun kin ekta yaupi kta ešta, oyakitanpanipi kta.

35 Hehan Juda oyate kin iyakitedan hekiciyapi; Tokiya ye kta he, qa iyeunyanpi unkokihipi kte šni; Helenes oyate kin ehna enanakiya iyayapi kin ekta

JOHANNES.

ye ca, Helenes wowicakiyake kta he.

36 Omayadepi kta tuka iyemayayapi kte śni, qa tokiya waun kin ekta yaupi kta ešta, oyakitpanipi kta ce, eye cin wicoie kin he toketu he, eyapi.

37 Wośnapi anpetu ehake qa tanka kin en, Jesus najin qa hotankakiya heya; Tuwe ipuza kinhan en mau qa mini yatke kta.

38 Tuwe wicamada kinhan, wowapi wakan eye cin iyececa, iye tanmahen tanhan wiconi mini wakpadan kaduze kta ce.

39 Tuka Woniya, tona iye wacinyanpi kin icupi kte cin hee on hecen eya: he ehan nahāhin Woniya Wakan kin wicaqupi śni, nahāhin Jesus wowitan ehan i śni.

40 Oyate kin etanhan wicota wicoie kin de nahonpi qehan, Awicakehan wicašta wokcan kin he dee ce, eyapi.

41 Toktokeca iś, Messiya kin he dee ce, eyapi. Tuka apa iś, Messiya Galile etanhan u kta he, eyapi.

42 Dawid wicoicage tawa kin etanhan Messiya hinanpe kta, qa Bethlehem otonwe Dawid en un qon hetanhan u kta ce, wowapi wakan eye śni he.

43 Hetanhan oyate kin akipam wacinkiyuzapi.

44 Qa hunli yuze wacinpi, tuka tuwedan nape on yutan śni.

45 Hehan akicita kin, wośna kagapi Pharisee ko ekta icicawin wicakipi; unkan, Tokeca e ayahipi śni he, ewicakiyapi.

46 Akicita kin awicayuptapi; Wicašta kin tuwedan tohinni wicašta kin de iyecen oie ye śni ce, eyapi.

47 Hehan Pharisee kin iś awicayuptapi, Niś nakun nihnayanpi he.

48 Wicašta itancanpi kin wanjikji qa Pharisee ko he wicadapi he.

49 Tuka oyate kin de, woope yukcanpi śni kin hena walitepi śni ce, eyapi.

50 Nikodemos hanyetu ehan Jesus yanke cin en i qon, he itancanpi kin wanji ee, hewicakiya;

51 Woope unkitawapi kin, wicašta token eye cin nahon śni, qa taku econ kin atayedan sdonye śni itokam, yaco he.

52 Unkan ayuptapi qa heciyapi; Niś Galile henitanhan he: Wawiwange ça wanyaka wo; wicašta wokcan tuwedan Galile etanhan u śni ce.

53 Hehan otoiyohei iye tipi kin ekta kihdapi.

WICOWOYAKE 8.

1 Jesus Oliwe Paha kin ekta i.

2 Qa ihanhanna anpao hehan tipi wakan kin en ki, unkan oyate kin owasin en ahi; unkan en iyotanke ça wowicakiyaka.

3 Unkan wośna kagapi Pharisee ko winohinca wan nahma ihduśaka e en kahipi, qa cokata ehdepi;

4 Qa heciyapi, Waonspekiye, winohinca kin de wawicilahapi econ wanka icunhan iyeyapi.

5 Unkan Moses, woope kin en, tona hececa kin inyan on wicakininpi kta, unkekiciyapi qon: tuka niś token ehe kta he.

6 Taku iyaonpapi kte cin he akitapi e heon etanhan he iyutanyan heciyapi. Tuka Jesus patuś inajin, qa nape on maka kin en owa.

7 Unkan kitanyan wiwangapi, hehan Jesus owotanna inajin, qa hewicakiya; Wanji tukte woahtani wanin yaunpi hecinhan,

WICOWOYAKĒ 8.

he tokaheya inyan on kininke.

8 Hehan ake patuš inajin qa ake maka kin en owa.

9 He nahonpi, unkan iye tawacin on ihdacopi, heon wanjikjidan tankata kinanpapi, tokaheya wicašta tanka unpi, qa ecen hakaktapi koya owasin; qa Jesus isnana un elipeyapi, winohinca cokata hdepi qon he koya.

10 Unkan Jesus ihduowotanana, qa tuwedan wanyake šni, winohinca ecedan ecen najin, unkan heciya, Winohinca, wiyansionpapi qon owasin toki iyayapi he; tuwedan niyaco šni he.

11 Han, Itancan, tuwedan šni, eya. Miš eya ciyaco šni, hunktiya wo, tokata yeye cin icimana wahtani šni wo, Jėsus eciya.

12 Hehan ake Jesus owicakiye a heya; Oyate iyoyamwicaye cin he miye. Tuwe mihakam u kin he otpaza ehna mani kte šni, iyoyanpa wiconi hee tawa kta.

13 Hehan Pharisee kin heciyapi; Niye atayedan nihdaotanin, heon wadaotanin kin he wowicake šni.

14 Jesus waayupte a hewicakiya; Miye atayedan mihdaotanin qeyaš mihdaotanin kin he wowicake; tokiya tanhan wahi kin he sdonwakiya, qa nakun tokiya mde kte cin he; qa niyepi kin tokiya tanhan wau, qa tokiya mde cin hena sdonyayapi šni.

15 Wicacehpi eciyatanhan wadacopi; tuka miye qe tuwedan mdaco šni.

16 Tuka nakun wamdaco kinhan, wamdaco kin he wowicake kta; mišnana waun šni, tuka Ateyapi u maši kin he micium ece.

17 Wicašta nom waayataninpi

kin he wowicake ce, woope duhapi kin en owapi qon.

18 Miye atayedan mihdaotanin, qa Ate u maši kin he nakun ma-yaotanin.

19 Unkan, Niyate tukte e he, eciyapi. Jesus is awicayupte, Sdonmayayapi šni, qa nakun Ateyaye cin sdonyayapi šni: Miye kin sdonmayayapi unkanš, Ate is nakun sdonyayapi kta tuka.

20 Tipi wakan kin en mazaska opiye he cin he en, Jesus waonspewicakiya icunhan hena hewicakiya. Heca tuka tuwedan Jesus otan wacinpi šni, anpetu kin nahahin kicihi šni heon.

21 Hehan Jesus ake hewicakiya; Wahde kta, qa omayadepi ecen woalitani ehna nišapi kta; qa tokiya wahde cin heciya dapi kta ešta oyakitpanipi kta.

22 Unkan Juda oyate kin heyapi; Iye icikte kta he. Tokiya mde cin heciya dapi oyakitpanipi kta ce, eye cin.

23 Hehan iye hewicakiya; Niye kuya tanhan yaunpi; qa miye e wankan tanhan waun; maka kin detanhan yaunpi, tuka miye maka kin dematanhan šni.

24 He etanhan wayahtanipi kin en nišapi kta ce, eciciyapi. He miye kin wicayadapi šni kinhan wayahtanipi kin ehna nišapi kta ce.

25 Unkan, Tuwe niye he, eciyapi. Tokag ehan eciciyapi qon he dee, Jesus ewicakiya.

26 Taku ota eciciyapi, qa ciyacopi kta e mduha; tuka tuwe u maši kin he wowicake; qa taku emakiye cin owasin oyate kin owicawakiyaka ce.

27 Iye Atkuku kin on hena hewicakiye cin he okašnigapi šni.

28 Hehan Jesus hewicakiya;

Tohan Wicašta Cinhintku kin wankan eyahdepi kinhan, hehan he miye kin sdonyayapi kta, qa miye cinka takudan ecamon šni; tuka Ate taku onspemakiye cin hena ecedan ecen omdaka ece.

29 Tuwe u maši kin he mici un; Ate mišnana amahduštan šni; taku iyokipi ecen ecamon ece, heon etanhan, eya.

30 Hewicakiya icunhan wicota wanna wicadapi.

31 Heon Juda oyate kin etanhan tona Jesus wicadapi kin hena hewicakiya; Mioie kin ohinniyan oyapapi kinhan, awicakehan waonspewicawakiye cin he niyepi kta;

32 Kinhan wowicake kin sdonyayapi kta; qa wowicake kin he niciyuškapi kta ce.

33 Hehan ayuptapi; Abraham towicoun kin unketanhanpi, qa tohinni tuwedan wowidag unyanpi šni; hecen, Niciyuškapi kta ce, ehe cin he token heha he.

34 Jesus awicayupte; Wowicake, wowicake on heciciyapi, Tuwe woahtani econ kin he woahtani en wowidake un ece.

35 Qa wowidake un kin he ohinniyan tipi kin ohna un šni ece; tuka Cinhintku kin hee ohinniyan timahen ounyan.

36 Heon Cinhintkuyapi kin niciyuškapi hecinhan, awicakehan tawaničiyapi kta.

37 Abraham towicoun kin enitanhanpi sdonwaya; tuka te mayayapi yacinpi, mioie kin en niunpi šni, heon etanhan.

38 Taku Ate ekta wamdake cin hena omdaka ece; qa niš niyate ekta taku wandakapi kin hee ecen ecanonpi ece.

39 Hehan ayuptapi qa heciyapi; Abraham he ateunyanpi kin ee. Unkan Jesus hewicakiya;

Abraham cinca kin he niyepi unkanš, Abraham oħanye cin he ecen ecanonpi kta tuka.

40 Tuka nakaha temayan aya-kitapi, wicašta wan wowicake Wakantanka eciyatanhan nawahon kin he ociciyakapi kin he miye tuka: Abraham e qe hecen econ šni qon.

41 Niyatepi oħan kin hee ecen ecanonpi ece, eya. Hehan heciyapi; Tuwe cinca tanin šni kin heuncapi šni; ate unyanpi wanjidand unhanpi, Wakantanka kin hee.

42 Heon Jesus hewicakiya; Wakantanka he ateyayapi unkanš wašte mayadakapi kta tuka; miye kin Wakantanka kin hetanhan wahinape ca wau; qa miye cinka wahi šni, iye kin u maši.

43 He tokeca e iwae cin oyakalinigapi šni he; mioie kin anagoptan wacannipi šni kin heon etanhan.

44 Wakanšica ateyayapi kin henitanhanpi, qa niyatepi tawacin kin ecen ecanonpi yacinpi ece. He otokahe etanhan tinwicakte kin heca, qa wowicake kin en najin šni, wowicake takudan en un šni nakaes. Tohan woitonšni oyaka eca, he iye cinka ohdaka ece; iye kin woitonšni sa, qa woitonšni atkuku kin hee.

45 Tuka miye wowicake eciciyapi kin, heon etanhan wicamayadapi šni.

46 Niyepi kin wanji tukte he wawahtani e duwicakapi he. Qa wowicake epe cinhan, tokeca e wicamayadapi šni he.

47 Tuwe Wakantanka etanhan kin he Wakantanka oie anagoptan. Niye Wakantanka anagoptanpi šni ece, heon etanhan henitanhanpi šni.

WICOWOYAKE 9.

48 Hehan Juda oyate kin ayu-
ptapi qa heciyapi; Samariya oya-
te henitanhan, qa Wakansica ni-
yuhnaşkinyan ce, unkeniciyapi
qon he wicaunkapi ce.

49 Jesus ayupte; Wakansica
mayuhnaşkinye şni; tuka Ate
wahduwitan, qa niye wowiştēn-
mayayapi.

50 Miye mitowitan awecite
şni; tuka tuwe waakite ça waya-
co yukan ce.

51 Wowicake, wowicake eci-
yatanhan heciciyapi, Tuwe mi-
oie kin de yuhe cinhan, tohin-
ni wiconţe wanyake kte şni,
eya.

52 Hehan Juda oyate kin he-
ciyapi; Wakansica niyuhnaşkin-
yan e dehan iyotan sdonunyanpi.
Abraham hee kaeş ʔa, qa wokcan-
pi kin hena nakun ʔapi; tuka ni-
ye, Tuwe mioie yuhe cinhan to-
hinni wiconţe ute kte şni ce, eha
ce.

53 Abraham ateunyanpi kin
hee kaeş ʔe cin, niye e iniyotan
he. Wokcanpi kin nakun heepi
kaeş ʔapi; qa niye nituwe e niçi-
caga he, eyapi.

54 Unkan Jesus waayupte;
Miye cinka mihduonihan kinhan,
mitowitan kin he taku kte şni;
tuka Atewaye cin he mahduoni-
han ece; unkan he Wakantanka
nitawapi, kehapi.

55 Heca ešta tohinni sdonya-
yapi şni; tuka miye e sdonwa-
kiya. Qa he sdonwaye şni ce,
epe cinhan, miş eya niyepi iyecen
iwaton kte şni; tuka miye sdon-
waya, heon etanhan oie kin tan-
yan weciyuha.

56 Abraham ateyayapi qon
mitaanpetu kin wanyake kta cin
hinca; unkan he wanyake ça
iyuşkin ce, eya.

57 Hehan Juda oyate kin heci-
yapi; Nahahin waniyetu wikce-

mna nizaptan şni, tuka Abraham
wandaka he.

58 Jesus hewicakiya; Wowi-
cake, wowicake eciyatanhan he-
ciciyapi; Abraham un qon he
itokam wanna waun ce, eya.

59 Hececa unkan inyan icupi,
qa on kininpi kta; tuka Jesus na-
içilibe ça, tipi wakan etanhan
wicehna tanhan tankata inanpe
ça, etoopteya iyaya.

WICOWOYAKE 9.

1 Jesus ye cin tahepi, wicašta
wan toka tonpi ehantanhan ton-
we şni un e he wanyaka.

2 Unkan waonspewicakiye cin
wiwangapi qa heyapi; Itancan,
tuwe walıtani he, wicašta kin
de atkuku, hunku, iyeka, wanji
tukte walıtani he, on išta gonga
tonpi he.

3 Jesus waayupte; He iye, qa
atkuku, hunku, wanji walıtanipi
on hecece şni; tuka Wakantan-
ka ohan kin e he ayutaninpi kta
e heon.

4 Anpetu icunhan, tuwe u maşi
wicohan tawa kin ecen ecamon
kta iyececa; hanyetu kin he hi
kta, he en tuwedan wicohan econ
okihi kte şni.

5 Tohanyan wicašta opeya wa-
un kin, oyate iyoyamwicawaya
ece, eya.

6 Hena heye ça hehan makata
tagoşa, qa tage on upsija kage
ça, iştageonge cin išta kin en
upsija ikiciun;

7 Qa heciya; Siloam miniyo-
we, yeşipi eyapi kin he kapi, he
ekta ye ça en ihdujaja wo. Un-
kan ekta i, qa on ihdujaja qa
hdi, unkan wawanyaka.

8 Heon itan anog tipi, qa tona
wicašta iştageonge cin wanyaka-
pi ece qon hena, Tuwe timata
iyotang un qon he dee se, eyapi.

JOHANNES.

9 Wanjikji, He dee ce, eyapi : qa toktokeça ís, He de iyececa ce : tuka iye kin, He miye ce, eya.

10 Unkan, Tokiya tanhan de on niísta kin dumdaya he, eciyapi.

11 Unkan iye waayupte ça heya ; Wicašta wan Jesus eciyapi kin he upsija kage ça, ísta anokatanhan imiciun, qa, Siloam miniowe kin ekta ye ca, mini on ihdujaja wo, emakiya qehan, ekta wai, qa mihdujaja, unkan watonwan, eya.

12 Unkan, Wicašta kin he tukte e he, eciyapi. Sdonwaye šni ce, eya.

13 Wicašta ístagonge ciqon he Pharisee kin en wicakaipi.

14 Unkan anpetu wakan icunhan, Jesus upsija kage ça on wicašta kin he ísta yukawakiya.

15 Hehan Pharisee kin ís ake, token on ísta yukawapi hecinhan he iwangapi. Unkan, Upsija e ísta kin en imaun qa mihdujaja, unkan watonwan, ewicakiya.

16 Unkan Pharisee kin wanjikji ; Wicašta kin he anpetu wakan awacin šni, heon etanhan Wakantanka hetanhan šni, eyapi. Unkan apa, Wicašta wan wahtani sa hecinhan, wowapetokeca dececa token econ okihi kta he, eyapi. Hecen on akipam wacinhnakapi.

17 Ake wicašta ístagonge ciqon heciyapi ; Qa niš token eyakiya he, ísta tonweniye cin. Unkan, He wicašta wokcan kin heca ce, eya.

18 Wicašta kin he ísta gonga tuka ihnuhana, tonwe cin he Juda oyate kin wicadapi šni, heon tuwe ísta tonweyeyapi kin atkuku hunku ko wicakicopi ;

19 Qa wiwicawangapi qa heyapi ; De nicincapi qa tonwe šni

tonpi kehapi he ; qa tokiyatanhan nakaha tonwan he.

20 Atkuku hunku ko waayuptapi qa heyapi ; De unkcincapi tonwe šni tonpi he sdonunkiyapi ;

21 Tuka nakaha tokiya tanhan on tonwe cin de sdonunyanpi šni. Qa ísta yukawa kin de nakun sdonunyanpi šni ; ís eya hokšike šni kin, iye iwanga po, toketu kin he ecen eye kta ce.

22 Juda oyate kowicakipapi, qa heon etanhan atkuku hunku kici hecen eyapi. Tuwe, Messiya kin hee, taninyan eye cinhan, he omniciye tipi kin etanhan tankan iyeyapi kta, Juda oyate kin wanna wakiconzapi.

23 He etanhan, Iye eš hokšike šni kin, iye atayedan winungapi šni, atkuku hunku kici eyapi.

24 Hehan ake icinonpa wicašta ístagonge ciqon he wiwangapi qa heciyapi ; Wakantanka woyatan qu wo ; wicašta kin he wahtani sa sdonunyanpi ce.

25 Iye waayupte ça heya ; He wahtani sa hecinhan sdonwaye šni ; tuka taku wanji sdonwaya ; ístamagonga tuka nakaha watonwe cin he.

26 Unkan, Taku tokanicon qa on ísta kin niyukawa he, ake eciyapi.

27 Unkan awicayupte ; Wanna eya keš ociciyakapi, tuka nayahonpi šni ; ake icinonpa nayahonpi yacinpi he ; niš eya waonspewicakiye cin hen ope nihdawapi kta he, eya.

28 Hehan iwahtedapi šni qa heyapi ; Waonspewicakiye cin he wanji niye ; tuka Moses waonspewicakiye cin he unkiyepi.

29 Wakantanka Moses he okiya sdonunyanpi, tuka wicašta kin de tokiyatanhan u kin sdonunyanpi šni ce.

30 Unkan wicašta kin he waayupte ça hewicakiya; Taku wuwinihan kin he dee; naka išta mayumdaya, tuka tokiyatadhan u kin sdonyayapi šni.

31 Wałitanipi sa kin hena Wakantanka anawicagoptan šniece, tuka tuwe Wakantanka yuonihan, qa tawacin okicipe cin, hee Wakantanka anakigoptan e sdenunyanpi.

32 Otokaheya tanhan tuwe wicašta tonwe šni tonpi išta kiyukawa oyakapi kin tuwedan nahon šni ce.

33 Wicašta kin de Wakantanka eciyatanhan šni unkaš takudan okihi kte šni ce, eya.

34 Unkan waayuptapi qa, Wołtani ocowasin ehna nitonpi, tuka waonspeunyakiyapi kta kecanni he, eciyapi; qa tankan iyeyapi.

35 Tankan iyeyapi kin he Jesus nahon; qa akipa, unkan, Wakantanka Cinhintku kin wicayada he, eciya.

36 Iye waayupte ça, He tuwe he, Itancan, wicawada kta ce, eya.

37 Wandake ça he iye e oniciya, Jesus eya.

38 Unkan, Itancan wicawada, eyaya itokam canpeška makehde inajin.

39 Unkan Jesus heya; Oyate kin de ekta wicawahi, wicašta tona tonwe šni kin hena tonwanpi kta, qa tona tonwe cin hena ištagongapi kta, he woyaco kin hduha wahi ce.

40 Unkan Pharisee kicicapi kin hena nahonpi, unkan, Unkiš eya ištaungongapi he, eciyapi.

41 Ištaungongapi unkaš wołtani wanin yaunpi kta; tuka nakaha, Untonwanpi ce, ehapi; heon wołtani niyukanpi, Jesus ewicakiya.

WICOWOYAKE 10.

1 Wowicake, wowicake eciyatanhan heciciyapi; Tuwe tahinca tipi tiyopa ohna tin iyaye šni, tiyopa icunonpa tanhan ti iyohpaye cin he wabotice ça wamanon kin heca.

2 Tuka tuwe e tiyopa eciyatanhan tin iyaye cin hee tahinca tawa wicaye cin ee.

3 Qa iye tiyopa awanyake cin tiyopa kiciyugan ece, unkan tahinca kin he ho kin nahonpi ece; tahinca tawa kin otoiyohe cajeyan wicakico, qa tankan wicahdoya ece.

4 Unkan tahinca tawa kin tankan awicau eca, wicitokam ya ece; unkan tahinca kin iš ihakam yapi ece, ho kin iyekiyapi nakaes.

5 Qa tuwe tokeca kinhan he ihakam yapi kte šni, tuka nakicipapi kta; tuwe tokeca ho kin iyekiyapi šni, heon etanhan.

6 Wiyacinpi kin de Jesus ecen ewicakiya; tuka taku owicakiyake cin hena okałnigapi šni.

7 Hehan ake Jesus hewicakiya; Wowicake, wowicake on heciciyapi, Tahinca tipi tiyopa kin he miye ce.

8 Tona mitokam hipi kin hena owasin waboticapi qa wamanonpi kin hecapi; tuka tahinca kin anawicagoptanpi šni.

9 Tiyopa kin he miye; tuwe miye eciyatanhan ti iyohpaye cinhan ni kta; qa mahen ye ça tankata inanpa eca wato tanyan iyeye kta.

10 Wabotice cin he wamanonpi, tin wicaktepi, waihangyapi henakiya on hi ece; tuka wiconi yuhapi kta, qa takudan icakije šni unpi kta e heon miye wahi.

11 Waawanhdake wašte kin he miye. Waawanhdake wašte kin

he tahnca kin on wiconi tawa ehpekiya.

12 Tuka tuwe odotapi un, qa waawanhdake kin ee sni, qa tahnca tawa sni kin he sunktokeca en u wanyaka eca, tahnca kin ehpewicaye ca najica ece; unkan sunktokeca iyawicalipaye ca ihangwicaya ece.

13 Odotapi un kin he wodotapi un, qa tahnca kin ihawicakta sni, heon etanhan napa ece.

14 Waawanhdake wašte kin he miye, qa tahnca mitawa kin hena sdonwicawakiya, qa mitawa kin is nakun sdonmakiyapi ece.

15 Ate token sdonmakiye cin he iyecen mis Ate sdonwakiya; qa tahnca kin hena on wiconi mitawa kin ehpewakiya.

16 Qa tahnca toktokeca nakun wicamduha, tahnca tipi kin den un sni: hena nakun awicawahi kta, hecen miho kin nahonpi kta; hetanhan tahnca tipi wanjidan kta, qa waawanhdake wanjidan kta.

17 Wiconi mitawa ehpewakiye ca, ake ewehdaku kte cin heon Ate wašte makidaka.

18 Tuwcdan he maki kte sni; qa miye cinka he wicawaqu; he amdustan kte cin owakihi, qa ewehdaku kte cin nakun owakihi; Ate hecen econ masi ce, eya.

19 Akes wicoie kin dena on Juda oyate kin akipam tawacinpi.

20 De taku wakan sica yuha, qa he ihnaskinyan, tokeca e nayahonpi he, wicota eyapi.

21 Tuka apa is, Tuwe wakan sica yuhe cin decen oieye sni ece; taku wakan sice cin he ista gongapi ista wicakiyukawa okihi kta he, eyapi.

22 Wanna Jerusalem en yuwo-

hduze tonpi omniciye kagapi ece qon hehantu; unkan waniyetu.

23 Unkan icunhan tipi wakan ohna, Solomon ohanzi hdepi tawa qon he en Jesus omani.

24 Hehan Juda oyate itan ihdukšan himniciyapi qa heciyapi; Tohanyan wacin akipam yusunyakiyapi he; Messiya kin he niye hecinhan taninyan ukokiyaka po.

25 Jesus awicayupta; Wanna ociciyakapi tuka wicamayadapi sni qon; Ate caje kin eciyatanhan wicohan ecamon kin hena omayakc cin ee.

26 Tahnca tawa wicawaye cin he oyapapi sni, he etanhan wicamayadapi sni, eciciyapi qon he iyececa.

27 Tahnca mitawa kin miho kin nahonpi, qa hena sdonwicawakiya, qa mihakam unpi.

28 Qa owihanke wanin wiconi wicawaqu; qa icimana owihankepi kte sni, qa minape kin etanhan tuwedan wicayuspe kte sni.

29 Ate hena maqu kin he taku owasin sam iyeya tanka; qa Ate nape kin etanhan tuwedan wicayuspa okihi sni.

30 Miye, qa Atewaye cin unwanjipidan, eya.

31 Hehan Juda oyate ake inyan icupi, on kininpi kta e heconpi.

32 Unkan Jesus awicayupta; Ate eciyatanhan wicohan wašte ota cicipazopi; hena tukte wanji on nakaha inyan on mayakininpi kta he, eya.

33 Juda oyate ayuptapi qa heyapi; Wicohan wašte on unnicininpi kte sni, tuka iapi sica on, qa winicasta tuka Wakan-tanka nicicage cin heon etanhan.

34 Jesus awicayupte; Taku wakan kin henicapi, eciciyapi ce, he woope nitawapi kin en hecen kagapi sni he.

WICOWOYAKE 11.

35 Hecen tona Wakantanka oie kin en wicahiyohi kin hena taku wakanpi ewicakiya hecinhan, qa wowapi wakan kin he yujujupica śni;

36 Hecen tuwe Ateyapi kin hduwakan qa makata u śi kin he, Wakantanka Cinhintku kin he miye ce, epe ciqon, heon, 'Taku śica eha ce, token eyakiyapi kta he.

37 Ate oľian kin hena ecen ecamon śni kinhan, wicamadapi śni po.

38 Tuka hecen ecamon kinhan, miye wicamayadapi śni ešta, wicoľan kin hena wicada po; hecen Atewaye cin micica, qa miye he wecica, heciyatanhan sdonyayapi qa wicayadapi kta ce, eya.

39 Heon etanhan nakun ake tińsa yuze wacinpi; tuka napepi kin etanhan ihduśpa.

40 Qa ake hetanhan Jordan wakpa kin he en, Johannes baptem wicaqu ece qon he en i, qa en ounyan.

41 Unkan wicota en hipi qa heyapi; Johannes takudan wapetogya ecen econ śni, tuka Johannes wicašta kin de etanhan tona oyake cin owasin wowicake.

42 Unkan hen wicota wicadapi.

WICOWOYAKE 11.

1 Unkan wicašta wan wayazanka, Lazarus eciyapi, Bethani hetanhan, Mary qa cunku Martha totonwepi kin hee.

2 Mary wiľdi waštemna on Itancan kin sdaye  a, paha kin on siha kin kipakinta, Lazarus he hunkawanjitku wayazanke cin hee.

3 Unkan tawinoľtinpi kin, Itancan, wicašta wan wašteyadake

ciqon he wayazanka, eya hośi kaipi.

4 Jesus nahon unkan hecen eya, Wowayazan kin he wicon e ekta śni, tuka he Wakantanka towitan kin ee, qa heon Wakantanka Cinhintku kin yuwitanpi kta.

5 Martha iye tankaku, Lazarus kici, Jesus wašte wicadaka.

6 Wayazanke cin nahon, tuka anpetu nonpa ekta ye śni yanka.

7 Hehan Jesus waonspewicakiye cin hewicakiya; Juda makoce kin ekta unhdapi kta.

8 Unkan waonspewicakiye cin heciyapi; Itancan, nahanľhin aškatudan Juda oyate kin inyan on nicininpi akitapi, qa ake ekta hde wacanni he.

9 Jesus waayupte; Anpetu wanjidan keś, wihiyayedan oape akenonpa śni he; tuwe anpetu icunhan mani kinhan naśna śni ece; maka akan iyoyanpa kin he wanyaka heon.

10 Tuka tuwe hanyen mani kinhan hee naśna kta, iyoyanpa takudan en un śni kin heon.

11 Hena hecen eya; qa hehan iyohakam hewicakiya; Lazarus koda unyanpi qon iŃtinma, ekta mde  a mduľice kta ce.

12 Hehan waonspewicakiye cin, Itancan, iŃtinma hecinhan he hecetu kta ce, eyapi.

13 He wanna  a e Jesus heya; tuka iŃtinmapi on ozii iya e heya kecinpi.

14 Unkan hehan Jesus taninyan hewicakiya; Lazarus wanna  a ce:

15 Qa he icunhan hen waun śni kin heon niyepi en wimduľkin, hecen on wicayadapi kta. Ho po, ekta unyanpi kta.

16 Hehan Thomas Didumos eciyapi kin he waonspewicakiye unmapi kin hewicakiya; Ekta unyanpi, qa kici un api kta ce.

JOHANNES.

17 Unkan Jesus en u qehan, hapi etanhan wanna topa can he sdonya.

18 Jerusalem Bethani ikiyedan, wiyutapi akezaptan ecetu hehanyan.

19 Unkan Martha Mary kici yukanpi en Juda oyate wicota magagaye wicaipi, hunkawanji-tkupi kin heon.

20 Jesus en u Martha nahon, unkan itkokim ya; tuka Mary e timahen iyotanka yanka.

21 Hehan Martha Jesus heciya; Itancan, den yaun unkanś, mi-hunkawanji te kte śni tuka;

22 Tuka detanhan taku Wakantanka yakida kinhan, Wakantanka niču kta e sdonwaya ce.

23 Nihunkawanji ekicetu kta, Jesus eciya.

24 Eya woekicetu anpetu ihankeya kin hehan ekicetu kta e sdonwaya, Martha eya.

25 Unkan Jesus heciya; Woekicetu qa wiconi kin he miye, tuwe wicamada kinhan toke hin ta ešta ni kta.

26 Qa tuwe ni un, qa wicamada kinhan icimana te kte śni. He wicayada he.

27 Han, Itancan; Messiya Wakantanka Cinhintku makata hi kte ciqon he niye e wicawada ce, eciya.

28 Unkan hena hecen eya, hehan hde ça, tawinohtin Mary analibeyahan kico, qa heciya; Itancan kin den un, qa nico ce.

29 He nahon iheya, unkan ohankoya najin hiyaye ça ekta ya.

30 Nahanhin Jesus otonwe kin ehan i śni, tuka Martha itkokipe ciqon he en un.

31 Hehan Juda oyate en yukanpi, qa magagayapi, he icunhan Mary ohankoya najin hiyaye cin wanyakapi qehan, ihakam iya-

yapi qa, Wicašta hnakapi ekta ceye kta e ekta ya, eyapi.

32 Jesus najin kin Mary ehan i, qa wanyake çehan, ihukuya canpeška makehde ehpeiçiye ça, Itancan, den yaun unkanś, mi-hunkawanji te kte śni tuka, eciya.

33 Mary ceye cin he Jesus wanyake ça, Juda wicašta kici ipi kin hena nakun ceyapi; unkan iye atayedan comnihdazi, qa ilniyanyan.

34 Qa tokiya eyahnakapi he, eya. Unkan, Itancan, ekta u qa wanyaka ye, eciyapi.

35 Jesus ceya.

36 Hehan Juda oyate kin heyapi; Wanyaka po, ehan qon wašte dake hinca ce.

37 Qa wicašta wanjikji, Wicašta išta aohduta ee kaeś yukawa, wicašta kin de te śni unkiya okihi kta naceca ce, eyapi.

38 Ake Jesus iye atayedan comnihdazi, qa wicašta hnakapi kin en ya. He imnija ohdoka ohna hnakapi, qa inyan wamtanka aokařinzapi.

39 Inyan kin tokan iyeya po, Jesus eya. Wicašta te cin tawinohtin Martha heciya, Itancan, wanna topa can yanka e śicamna.

40 Wicayada kinhan, Wakan-tanka towitan wandake kta ce, eciciye śni he, Jesus eciya.

41 Hehan inyan kin tokan iyeyapi; wicašta ta wanke cin etanhan. Unkan Jesus išta yuwankan ikikcu, qa heya; Ate ciyawašte, namayahon kin heon;

42 Qa ohinniyan namayahon kin he sdonwakiya; tuka wicašta hnakapi kin de en mitan okšan najinpi kin de on, he niye u mayaři kin wicadapi kta e on hepe.

43 Hecen eye ça hehan, Lazarus nunke cin hetanhan tankata

WICOWOYAKE 12.

hnanpa wo, awitukadan hoye-kiya qa eya.

44 Unkan wicašta te cin tankata hnanpa, siha nape ko pah-tapi, qa ite opemni tonpi kin hena ecehna. Kiyuskapi qa ayuŝtan po, iyaye kta, Jesus ewicakiya.

45 Hehan Juda wicašta Mary kici ipi qon, hena Jesus taku econ kin he wanyakapi, unkan wicota wicadapi.

46 Tuka wanjikji Pharisee kin ekta wicakipi, qa Jesus taku econ kin owicakiyakapi.

47 Hehan woŝna kagapi Pharisee ko mniciyapi qa, Token econkupi he ; wicašta kin de taku wapetokeca ota econ kin, eyapi.

48 Iyowinunkiyapi kinhan wicašta owasin wicadapi kta ; kinhan Roma oyate kin den upi kta, qa otonwe kin de unkasotapi, qa nakun unkitaoyatepi kin hena ko.

49 Hehan wanji Kaiaphas eciyapi waniyetu kin he en woŝna kagapi itancan kin hee hewicakiya ; Takudan oyakalnigapi ŝni.

50 Qa nakun awacannipi ŝni, wicašta wanjidan oyate on te cinhan, hecen on oyate kin wicate kte ŝni, he unkiyepi kin on hecetu kta ce, eya.

51 Iye etanhan on hecen eye ŝni, tuka omaka kin he en woŝna kagapi itancan kin heon, Jesus oyate kin on te kte cin he iyukcanyan heya.

52 Qa oyate kin heceedan ŝni, tuka Wakantanka cinca omdecahe cin hena owasin wanjidan-kiya kiwitaye kta.

53 Hehan anpetu kin hetanhan witaya akiiapi, ŝeyapi kte cin heon.

54 Heon etanhan Jesus Juda oyate kin wicehna taninyan

omani ŝni, tuka makoce wan lie-woskan ikiyedan wanke, otonwe wan Ephraim eciyapi kin he ekta ya, qa waonspewicakiye cin om he en un.

55 Unkan woacakŝin Juda oyate woŝnapi kagapi wanna ikiyedan aya ; unkan wanna kayehan oyate ota Jerusalem en kata iheya aya, woacakŝin kin itokam piiciyapi kta.

56 Hehan Jesus akitapi, qa tipi wakan kin ohna najinpi icunhan iyakitedan hekiciyapi ; Token idukcanpi he ; woŝnapi kin en u kte ŝni he.

57 Woŝna kagapi tankapi qa Pharisee ko wanna wakiconzapi, tuwe Jesus tukten yanka sdoney cinhan, he oyake kta, hecen yuzapi kta.

WICOWOYAKE 12.

1 Woacakŝin kin itokam ŝakpe can, hehan Jesus Bethani en i, Lazarus wicašta ta, tuka ekicetuyapi en un qon otonwe kin hee.

2 Unkan hen htayetu wotapi wan kicagapi, qa Martha e wapamni ; tuka kici iyotang wotapi kin Lazarus wanji hee.

3 Hehan Mary wihdi waŝtemna qa taku ota iyopeyapi, tke utapi wanjidan, he icu qa on, Jesus siha kin sdakiye ca, iye paha kin on siha kipakinta ; unkan eamna kin tipi kin ojudan.

4 Hehan Simon cinhintku, Judas Iskariot eciyapi, waonspewicakiye cin wanji hee, wiyopeye kte cin hee hecen eya ;

5 He tokeca wihdi kin he kaŝpapidan opawinge yamni iyopeyapi, qa walhanicapi kin wicakupi ŝni he.

6 He wamanon heca, qa maza-ska opiye yuhe ca, ohna mazaska omnayan, heon hecen eya ; wo-

JOHANNES.

wahpanica kin incantowicahnake cin heon heye s̄ni.

7 Hehan Jesus heya; Nagiye-ye s̄ni wo; anpetu wan mahnakapi kte cin he en amayuhe cin hee ce.

8 Tokešta wowahpanica ohinni wicaduhapi kta; tuka miye e ohinniyan mayaduhapi kte s̄ni, eya.

9 He icunhan hen un kin Juda oyate wicota s̄donyapi; unkan Jesus ecedan on en hipi s̄ni, tuka Lazarus, wiconṭe etanhan najin-kiye ciqon, he wanyakapi kta on etanhan.

10 Unkan wošna kagapi tankapi Lazarus nakun ṭeyapi kta aki-tapi :

11 Hee nakun on Juda oyate ota hduheyapapi, qa Jesus wicadapi.

12 Ihanhanna wicašta ota wošnapi kin en hipi kin hena, Jesus Jerusalem etkiya u nahonpi hehan,

13 Canwapa tanka etanhan canhaka icupi, qa itkokim yapi, qa panyanhan heyapi; Hosanna, tuwe Israel Wicaštayatapi, Jehowa caje kin on u kinhan, he yawaštepi nunwe.

14 Unkan Jesus šonšonna cinca wan iyeya, hehan akan iyotanka; hecen wowapi kagapi qon;

15 Zion cunwintku ihnuhan koyakipe cin; iho, Wicaštayatapi nitawa šunka šonšona cinca wan akan yanka u ce.

16 Dena taku kin tokaheya waonspewicakiye cin okahnigapi s̄ni; tuka Jesus yutanpi hehan hena hecen wowapi en kagapi qon, qa nakun hena ecen ecakiconpi kin, hehan kiksuyapi.

17 Heon oyate kicicapi kin, Lazarus hnakapi tuka kipan, qa wiconṭe etanhan ekicetuye ciqon, hena he yaotaninpi.

18 Qa heon oyate kin itkoki-papi, taku wapetokeca tanka kin de econ nahonpi kin heon.

19 Unkan heon etanhan Phari-see kin iyakitedan hekiciyapi; Wanyaka po, takudan oyakhipi s̄ni; iho, wicašta owasin he ihakam iyayapi.

20 Helenes oyate kin etanhan wanjikji wošnapi kin icunhan en ohodapi kta e ekta itanwan-kanhde upi;

21 Hena eepi Philip, Galile makoce Bethsada otonwe kin etanhan, he en ipi, qa, Itancan, Jesus wanunyakapi uncinpi ce, eciyapi.

22 Philip ū, qa Andrew okiyaka; qa hehan Philip Andrew kici Jesus okiyakapi.

23 Unkan Jesus awicayupte ca heya; Anpetu wan en Wicašta Cinhintku kin yutanpi kte cin wanna hiyohi.

24 Wowicake, wowicake eciyatanhan heciciyapi; Aguyapi su kin maka ekta elpeyapi, ṭe s̄ni kinhan, is̄nana un kta; tuka ṭe cinhan ota icahye kta.

25 Tuwe wiconi kin de wašte kida kinhan, toki elpeye kta; qa tuwe maka kin den wiconi šice kida kinhan, hee owihan-ke wanin wiconi ekta akpatan kta:

26 Tuwe omakiye kta cin kinhan mihakam un kta; qa tukten waun hecinhan mitaokiye kin is̄ nakun hen un kta; nakun tuwe omakiye kta hecinhan, Ate wicašta kin he yuonihan kta.

27 Wanna minagi kin nagiyeyapi, hecen token epe kta he. Ate, anpetu kin de etanhan emahdaku wo. Tuka heon anpetu kin de en wahi ce.

28 Ate nicaje kin hdutan wo. Unkan mahpiya kin eciyatanhan wicaho wan u qa; Wanna eya

micaje kin wahdutan, nakun wahdutan kta, eya.

29 Unkan wicašta en najinpi kin he nañonpi qa, He wakinyan hoton, eyapi. Mañipiya ohnihde heca e okiya ce, apa eyapi.

30 Unkan Jesus waayupte ça heya; Wicaho kin de miye make šni, he niye nicapi.

31 Wanna oyate kin wicayacopi; qa wanna maka akan itancan kin tankan ehpeyapi.

32 Qa tohan maka kin detanhan wankan emahdepi kinhan, wicašta kin owasin miye en iwicawacu kta, eya.

33 Wiconte kin tukte on te kte cin he ka e hecen eya.

34 Oyate kin ayuptapi; Wooke kin eciyatanhan, Messiya owihanke wanin un kta ce, eyapi naunhonpi; hecen, Wicašta Cinhintku kin wankan ehdepi kta ce, token on hecen eha he; Wicašta Cinhintku kin he tuwe he.

35 Hehan Jesus hewicakiya; Iyoyanpa kin ehake cistiyedan nicipi un; iyoyanpa duhapi kin icunhan en omani po; otpaze cin iyapašttag niyanpi nun ce; tuwe otpaza icunhan omani kin he tokiya ye cin sdonye šni.

36 Iyoyanpa duhapi kin en iyoyanpa kin he wicada po, hecen on iyoyanpa cinca yaunpi kta ce. Jesus hena hecen eye ça, hehan iyaye ça inalibe wicakiya.

37 Taku wapetokeca ota econ, qa wanyagwicaya, tuka wicadapi šni.

38 Hecen Isaya wicašta wokcan taku eye ciqon wanna iye-cetu; Itancan, tuwe wounyakapi kin wicada he; qa tuwe en Jehowa hupahu kin yutaninpi he.

39 Qa heon etanhan wicadapi kta okihipi šni; heon Isaya ake hecen eya;

40 Išta gonge wicaye ça, cante

kin ekta nakun wacinton šni wicaya; hecen išta on wiwanyakapi kte šni, qa cante on takudan yukcanpi kte šni, qa ihdu-eetupi kte šni, qa hecen woki-ziwicawaye šni.

41 Towitan kin he Isaya wan-yake ciqon he ehan hena hecen ekiciya.

42 Hececa tuka itancanpi etanhan wicota wicadapi; tuka Pharisee kin hena on etanhan yaotaninpi šni, omniciye tipi kin etanhan tankan iyewicayapi kta ikopapi heon.

43 Wicašta akantu yaonihanpi kin he iyotan dapi, qa Wakan-tanka wicayaonihan kin he is iyotan dapi šni.

44 Hehan Jesus panyanhan heya; Tuwe wicamada kinhan, he miye wicamada šni, tuka tuwe u maši kin hee wicada ece.

45 Qa tuwe wanmayake cin he nakun tuwe u maši kin he wan-yaka.

46 Miye maka akan iyoyanpa wahi; hecen tuwe wicamada kinhan he otpaza en omani kte šni.

47 Qa tuwe mioie kin nañon, qa wicada šni ešta mdaco šni; wicašta wicayacopi kin heon wahi šni, tuka waniyapi kin hee on wahi.

48 Tuwe amaktašni, qa mioie kin icu šni kinhan he tuwe yaco kte cin hduha; wicoie omdake cin anpetu ihankeya kin en yaco kte cin hee.

49 He miye cinka hecen oie-waye šni; tuka Ate u maši kin he iye econ maši, taku epe kte ça taku omdake kte cin.

50 Qa toope kin he owihanke wanin wiconi e sdonwaya. Token epe cin hena, Ate hena hecen emakiya, heon etanhan hecen epa ece, eya.

WICOWOYAKE 13.

1 Anpetu en wošnapı ece kin itokam, anpetu qon wanna hi-yohi, he en maka kin detanhan iyaye kta, Atkuku ektakiya hde kta, Jesus sdonkiya, tona maka akan tawa kin waštewicadake cin hena owihanketa waštewicakida.

2 Wotapi ayaštanpi hehantu; Judas Iskariot Simon cinhintku kin hee, Jesus wiyopeye kte cin, Wakansica wanna hecen cante ozekiya.

3 Hehan Jesus Atkuku taku owasin tawa kiye ciqon he sdonkiya un, Wakantanka eciyatanhan hi, qa ake Wakantanka ekta hde kta.

4 Hecen wotapi kin etanhan najin, qa šina ekihnaka; qa napipakinte wan icu, qa ipiyaka.

5 Qa hehan mini waksica en okaštan, qa waonspewicakiye cin siha wicakiyujaja, qa napipakinte wan ipiyake ciqon heon siha kin wicakipakinta.

6 Simon Inyan ehan ahi; unkan, Itancan, niye siha mayakidujaja kta he, eciya.

7 Unkan Jesus ayupte a, Taku ecamon kin de nakaha sdonyaye šni, tuka ihakamya sdonyaye kta, eciya.

8 Icimana siha mayakidujaja kte šni, ake Inyan eciya. Hehan Jesus ayupte; Ciciyujaja šni kinhan takudan on miyecica kte šni, eya.

9 Hehan Simon Inyan heciya; Itancan, siha ecedan šni, tuka minape, mapa koya.

10 Unkan Jesus heciya; Tuwe wanna ihdujaja kin he takudan sanpa cin šni, siha ecedan yujajapi kta, eya wanna ocowasin ska; unkan niye niskapi, tuka iyulhpapi šni.

11 Tuwe wiyopeye kte cin he sdonya, heon etanhan, owasin niskapi šni ce, eya.

12 Unkan siha wicakiyujaja yuštan kin hehan šina ehdaku qa hdown qa iyotanke a, Taku tokaciconpi kin de sdonyayapi he, ewicakiya.

13 Waonspekiya qa Itancan, emayakiyapi ece; he tanyan ehapi; he miye nakaes.

14 Heon etanhan miš miye Waonspekiya qa Itancan mayaduhapi kin, siha ciciyujajapi kinhan, niš eya otoiyo hi siha yeci-yujajapi kta iyececa.

15 Waonspeciciyapi kin he niš he iyecen ecanonpi kta e hecaciconpi.

16 Ookiye unpi kin he Itancan kin iyakapa šni; qa tuwe u šipi kin he tuwe u ši hecinhan, he iš iye kapa šni, wowicake, wowicake eciyatanhan eciciyapi.

17 Taku kin dena sdonyayapi hecinhan, ecen ecanonpi kinhan waštaya yaunpi kta.

18 Taku epe cin de niye iyulhpa heciciyapi šni; tona wicawakalinige cin hena sdonwicawakiya; tuka wowapi en kagapi qon yu-cetu kta; Tuwe kici aguyapi wata ece kin he miye on siha yuwankan ehdaku ce.

19 Taku kin dena ecetu šni itokam ociciyakapi; hecen tohan iyecetu kinhan, he miye e wicayadapi kta.

20 Tuwe tokiya yewakiye cin tuwe iyowinkiye cinhan, he miye e iyowinmaye; qa tuwe iyowinmaye cinhan, he tuwe u maš kin he iyowinkiya, wowicake, wowicake eciyatanhan eciciyapi.

21 Jesus hena hecen eye a hehan toksape kin ekta iyahdeiciya, hdaotanin qa heya; De dukanpi kin etanhan wanji wi-

WICOWOYAKE 14.

yopemayayapi kta, wowicake, wowicake on eciciyapi ce.

22 Hehan waonspewicakiye cin opakicihita yukanpi, wanji tukte e on heye cin sdonyapi ūni.

23 Unkan Jesus waonspewicakiye cin wanji nina waūte kidake ciqon, he eca maku kin en makan iwanka.

24 Heon Simon Inyan he wikipiyuta, qa wanji tukte he on heye cin he iwange ūi.

25 Hehan he Jesus maku kin en iwanke a, Itancan, he tuwe he, eya.

26 Jesus ayupte ; Wanji tukte hpanyanpi onūpa waqu kinhan hee kta, eya. Hecen onūpa hpanye a, Judas Iskariot eciyapi Simon cinhintku he qu.

27 Unkan Judas hpanyanpi kin icu, hehan Satan mahen iyaya. Hecen Jesus heciya ; Taku eanon kte cin kobanna econ wo.

28 Wahna wotapi kin ihdukūsan yukanpi kin, taku on heye cin tuwedan okaūnigapi ūni.

29 Judas mazaska opiye yuhe cin heon, Jesus woūnapi kta on taku cinpi kin he opeton ūi ; qa iū, wahpanicapi kin taku wicaqu ūi, apa kecinpi.

30 Unkan hpanyanpi qon he icu qehan, hecehnana tankan iyaya ; wanna hanyetu hehantu.

31 He tankan iyaya, hehan Jesus heya ; Wanna Wicaūta Cinhintku kin yutanpi, qa nakun iye eciyatadhan Wakantanka iū yutanpi.

32 Qa iye eciyatadhan Wakantanka yutanpi hecinhan, hehan Wakantanka iū iye kin on hdutan kta, nakun kohanna hdutan kta.

33 Hokūsiyoqopa ehake ptenyedan ocipapi kta. Amayakitapi kta, qa Juda oyate ewicawakiye ciqon ; Tokiya mde cin ekta yapipi kta oyakihipi ūni ce ; he iyecen nakaha eciciyapi.

34 Woahope teca wan ciupi, otoyohi waūteyecidapi kta ; waūteciyecidapi kin he iyecen waūteyecidapi kta.

35 Heon waonspeciciyapi yaunpi kin wicaūta owasin sdonyapi kta, otoyohi waūteyecidapi kinhan.

36 Itancan, tokiya de kta he, Simon Inyan eciya. Jesus ayupte ; Tokiya mde cin ekta de kta eūta nakaha oyakihiki kte ūni, tuka ihakamya mihektam yau kta, eya.

37 Unkan Inyan heciya ; Itancan, tokeca nakaha cihakam waun kta owakihiki ūni he ; niye on wiconi mduhe cin ehpewaye kta, eya.

38 Jesus ayupte ; Miye on wiconi nitawa ehpeyaye kta he. Wowicake, wowicake on heciya ; Anpaohotonna kin hoton ūni itokam yamni akihde sdonmayaye ūni, kehe kta ce, eya.

WICOWOYAKE 14.

1 Ihnuhan cante niūcapi kinhan ; Wakantanka wicayadapi, qa miū nakun wicamayadapi.

2 Ate ti kin en oonyanpi kte cin ota yanka ; he hecece ūni unkanū ociciyakapi kta tuka ; ekta wahde a oyanke kin ciciyuūtanpi kta.

3 Ekta mde a oyanke ciciyuūtanpi kinhan, hehan ake wau qa acihdapi kta ; hecen miū waun kin he en niū nakun yaunpi kta.

4 Unkan tokiya mde cin he sdonyayapi, qa canku kin he nakun sdonyayapi.

5 Itancan, tokiya de cin sdonunyanpi ūni, tokiya tanhan canku kin he sdonunyanpi kta he, Thomas eciya.

6 Unkan Jesus heciya ; Canku, qa wowicake, wiconi ko he mi-

ye; tuwedan Ateyapi kin en u
śni, miye eciyatanhan ecedan
en u ece.

7 Sdonmayayapi unkanś nakun
Atewaye cin sdonyayapi kta tu-
ka; qa detanhan sdonyayapi qa
wandakapi ce.

8 Itancan, Ateyaye cin wan-
yag unyan po, hecen iunmnanpi
kta, Philip eciya.

9 Hehan Jesus heciya; Philip,
wannan wanakajatanhan cicipi
waun, tuka nahanhin sdonma-
yaye śni he; tuwe wanmayake
cin he Ateyapi kin wanyaka;
hecen tokeca, Ateyapi kin wan-
yag unyan miye, eha he.

10 Atewaye cin he wecica qa
Atewaye cin he micica kin he
wicayada śni he. Wicoie ecici-
yapi kin dena miye cinka ecici-
yapi śni; Atewaye micica kin
he wicoľian kin hena iye econ.

11 Atewaye cin he wecica qa
Atewaye cin he micica he wica-
mada po; qa is wicoľan kin he-
na e on wicamada po.

12 Wowicake, wowicake on
heciciyapi; Tuwe wicamada kin
he wicoľan ecamon kin hena is
iyecen econ kta, nakun ees san-
pa tanka econ kta; Ate ekta
wahde kte cin heon etanhan.

13 Qa micaje kin on taku ya-
dapi kinhan, ecen ecamon kta;
Ateyapi kin Cinhintku kin on
yutanpi kta e heon.

14 Taku wanji micaje on ya-
dapi kinhan, ecen ecamon kta.

15 Wašte mayadapika^u hecin-
han, mitawoahope kin tanyan
yuha po.

16 Hehan Ate cewakiye kta,
uncan wicakicanpte wan tokeca
nicupi kta, he owihanke wanin
nicipi un kta.

17 Wowicake Woniya kin hee,
oyate kin he icu okihipi śni, to-
hinni wanyakapi śni qa sdonya-

pi śni; tuka niye he sdonyaya-
pi, he nicipi un qa en niunpi kta.

18 Wandenica elipeciyapi kte
śni; ake cihdiyohipi kta.

19 Wanna ptenyedon kinhan
oyate wanmayakapi kte śni, tu-
ka niye wanmayadakapi kta;
wani waun, qa niś yani yaunpi
kte cin heon.

20 Anpetu kin he en, Atewaye
cin he wecica, qa niś miyecicapi,
qa miś ocicipapi kin he sdonya-
yapi kta.

21 Tuwe mitawoahope yuhe
ça, hena ope cinhan he wašte-
madake cin ee; qa tuwe wašte-
madake cinhan, Atewaye cin he
waštedake kta, qa miś nakun
waštedadake kta, qa en mihdu-
tanin kta ce.

22 Hehan Judas, Iskariot hee
śni, he heciya; He tokeca Itan-
can, unkiśnana sdonniye unya-
yapi kta he, qa oyate kin sdon-
niyanpi kte śni.

23 Jesus waayupte ça heciya;
Tuwe waštemadake cinhan
mioie kin yuhe kta; qa Atewa-
ye cin waštedake kta, qa tukten
un kinhan en unhipi kta, qa ti
kin en kici unyakonpi kta.

24 Tuwe waštemadake śni kin
he mioie kin yuhe śni. Wicoie
nayaľonpi kin de mitawa śni,
Atewaya umaśi kin he iye tawa.

25 Ocipapi kin en taku kin he-
na heciciyapi.

26 Tuka Wicakicanpte, Woniya
Wakan kin hee, Atewaye cin
micaje on uśi kte cin he, taku
owasin onspeniciyapi kta, qa ta-
ku eciciyapi kin owasin kiksuy-
eniciyapi kta.

27 Wokiyapi ailpeciyapi; wo-
okiye mitawa cićupi: wicašta
akantu kicićupi he iyecen cićupi
śni. Ihnuhan cante niśicapi qa
kopehda yaunpi kinhan.

28 Wahde ça ake en ciupi kta

WICOWOYAKE 15.

eciciyapi kin he wanna nayañonpi. Wašte mayadapi kinhan iduśkinpi kta; Atewaye cin ekta wahde kta epe cin he; Atewaye cin he iye mikapeya tanka.

29 Qa nakaha hena heciciyapi, taku kin itokam; tohan he hiyohi kinhan hehan wicayadapi kta.

30 Detanhan taku ota eciciyapi kte śni; maka akan itancan kin wanna u, tuka miye kin en takudan tawa śni.

31 Tuka Atewaye cin waštewakida; qa Ate taku emakiye cin owasin ecen ecamon ece, he oyate kin sdonyapi kta. Najin po, detanhan icunonpa unyanpi kta.

WICOWOYAKE 15.

1 Hastanhanka iyuwi wowicake kin he miye, qa Atewaye cin he kicanye cin ee.

2 Adetka tona miye on waskuyeca icalhye śni kin hena yuśsun; qa adetka tona waskuyeca icalhye cin hena pakinta, hecen on waskuyeca ota icalhye kta.

3 Eya wanna niskapi, wicoie ociciyakapi kin heon.

4 Mici un po, hecen miś cicipi waun kta. Hastanhanka iyuwi adetka wiyuwi kin en ikoyake śni kinhan waskuyeca icalhya okihi śni ece; he iyecen miyeci yaunpi śni ehantanhan, niś eya oyakihipi kte śni.

5 Hastanhanka iyuwi kin he miye, adetka kin he niyepi. Tuwe mici un qa miś kici waun kin he waskuyeca ota icalhya; miye kin en icunonpa yaunpi kinhan takudan oyakihipi kte śni.

6 Tuwe mici un śni kinhan adetka iyecen tankan elpeyapi, hecen śnija aya; unkan hena wicašta pahipi qa petan elpeyapi, hecen huñnaga ece.

7 Miyeci yaunpi qa mioie kin

he nicipi un kinhan, taku tona yacinpi kin hena yadapi kta, unkan ecen ecaniconpi kta.

8 Waskuyeca ota icalhyayapi kinhan Atewaye cin nina yutanpi kta; qa heciya tanhan waon-speciciyapi yaunpi kta.

9 Atewaye cin token wašte makida kin he iyecen wašte cicidapi; mitowašte kin he kici un po.

10 Mitawoahope kin duhapi kinhan, mitowašte kin he kici yaunpi kta; Ate tawoahope mduhe cin heon towašte kin kici waun kin he iyececa.

11 Taku eciciyapi kin dena on mitowiyuśkin kin nicipi un kta e, qa nitowiyuśkinpi kin he ece-tu niciciyapi kta.

12 Mitawoahope kin he dee, waštecicidapi kin he iyecen wašteyecidapi kta.

13 Tuwe takuwicaye cin on wiconi elpekiye cinhan, he wowašte kin tuwedan kapeye śni.

14 Taku econ ciśipi kin owasin ecen ecanonpi kinhan takuciyapi yaunpi.

15 Ookiye wicayapi wanna eciciyapi śni; ookiye yapi un kin he Itancan ye cin taku econ keś sdonye śni. Tuka takuciyapi eciciyapi; Atewaye cin tona nañonmaye cin owasin sdonye ciciyapi kin heon.

16 Niye he mayakañnigapi śni, tuka miye e cicalñnigapi qa ciyusutapi; hecen tokiya dapi qa waskuyeca icalhyayapi kta; qa waskuyeca nitawapi kin ohinnian un kta; hecen micaje on Atewaye cin taku yakidapi kinhan nićupi kta ce.

17 Otoiyohi wašte kicida po, he iwahokonciciyapi ce.

18 Oyate kin śice nidapi ešta, he itokam miye śice madapike ciqon he sdonyayapi.

St. Marks Day - April 22-23-25

JOHANNES.

19 Oyate kin enitanhanpi unkanś oyate kin taku iye tawapi wašte kidapi kta; tuka oyate kin henitanhanpi śni, miye e oyate kin etanhan cicalnigapi kin heon oyate kin śice nidapi.

20 Wicoie wan eciciyapi qon he yeksuyapi; Ookiye yapi un kin he Itancan yuhe cin kakipe ęa iyotan tanka śni. Śicaya makuwapi hecinhan, niś oyate kin śicaya nicuwapi kta; qa mioie yuhapi hecinhan, niś nioie kin niciyuhapi kta.

21 Tuka micaje kin on hena owasin ecen ecaniconpi kta; tuwe u maśi kin he sdonyapi śni heon etanhan.

22 Wahi śni qa owicawakiye śni kinhan, woahťani nicapi kta tuka; tuka detanhan woahťani woakahpe nicapi.

23 Tuwe śice madake cin he nakun Atewaye cin śice daka.

24 Wicolian tuwedan hecen econ śni iyecen ecawicawecon śni unkanś, woahťani nicapi kta tuka; tuka wanna Atewaye cin kici wanmayakapi, qa napin śice undakapi.

25 Tuka woope tawapi kin en wicoie kagapi qon he wanna iyecetu; Takudan on etanhan śni śice madakapi ce.

26 Tuka Wicakicanpte, Ate-waye cin etanhan uwaśi kte cin he, Wowicake Woniya kin hee, tohan hi kinhan, he iye Atewaye cin etanhan u kta, qa omayake kte cin hee.

27 Qa niś nakun omayadakapi kta, toka ehantanhan miyahna yaunpi qon heon.

tankan iyenianpi kta; nakun anpetu wan u kta, hehan tuwe kašta niktepi kinhan, he Wakantanka iyokipiya kecin kta.

3 Atewaye cin sdonyapi śni, qa miś nakun sdonmayanpi śni, he etanhan henakiya hecen eanionpi kta.

4 Tuka dena ociciyakapi, hecen tohan iyehantu kinhan, dena wanna eciciyapi kin he yeksuyapi kta. Qa dena otokahe ekta eciciyapi śni, hinyahin cicipi waun kin heon etanhan.

5 Tuka wanna tuwe umaśi kin he ekta wahde kta; qa wanjidan, Tokiya de kta he, emayakiyapi śni.

6 Tuka taku kin dena ociciyakapi, heon nicantepi kin ekta iyonyiakapi.

7 Tuka wowicake ece ociciyakapi; wahde cinhan heon tanyan yaunpi kta, qa wahde śni kinhan Wicakicanpte kin en nihipi kte śni; tuka wahde cinhan niyepi ekta uwaśi kta.

8 Unkan he tohan hi kinahan, woahťani, woowotanna qa woyaco kin on oyate kin sdonyewicaye kta:

9 Woahťani kin, wicamadapi śni kin heon:

10 Woowotanna kin, Atewaye cin ekta wahde kta, qa icimana wanmayadakapi kte śni, heon:

11 Woyaco kin, oyate kin de itancan un kin he wanna yacopi, heon etanhan.

12 Nakun taku ota eciciyapi kta mduha, tuka hena e qe nahanhin yuha oyakihipi śni.

13 Tuka tohan Wowicake Woniya kin he iye hi kinhan, wowicake ocowasin en anianpi kta; iye atayedan on ie kte śni, tuka taku nahon kin hena oyake kta, qa taku tokata ekta hena oniciyakapi kta.

WICOWOYAKE 16.

1 Wayahťanipi kte śni e heon dena taku kin ociciyakapi.

2 Omniciye tipi kin etanhan

WICOWOYAKE 16.

14 Mayutan kte cin hee, taku mitawa kin hena icu, qa oniciyakapi kta.

15 Taku Ate tawa kin hena owasin mitawa; he etanhan, Tona mitawa kin hena icu, qa oniciyakapi kta ce, eciciyapi.

16 Wanna askayedan hehan wanmayadakapi kte sni; hchan akes askadan ake wanmayadakapi kta, Ate ekta wahde kte cin heon.

17 Hehan waonspewicakiye cin iyakitedan hekiciyapi; Unkckiciyapi kin he taku hwo; Wanna askayedan wanmayadakapi kte sni, qa hehan askadan ake wanmayadakapi kta; qa, Ate ekta wahde kte cin heon.

18 Hcon heyapi; Askayedan eye cin he taku he; taku eye cin sdonunyanpi sni ce.

19 Wiwangapi cinpi kin he Jesus sdonya, unkan heon hewicakiya; Wanna askayedan wanmayadakapi kte sni, qa hen ikiyedan wanmayadakapi kta, epe cin he, he token kapi hwo, otoi-yohi eyeciyapi he.

20 Wowicake, wowicake on heciciyapi; Nihinniciyapi qa yaceyapi kta, tuka oyate kin iyuskinpi kta; iyonicišicapi kta, tuka iyonicišicapi kin he wowiyuskin wan en un kta.

21 Winohinca cinca ton-kta cca yazan hda, wanna iyekicihan-tu kin heon; tuka tohan hokšiyogopa ton eca, yazan hda qon he kiksuye sni, wicašta oyate kin den tonpi eca wowiyuskin ye cin heon.

22 He iyecen nakaha iyokišin dukanpi, tuka ake wanciyakapi kta, kinhan nicantepi kin wiyuskin kta, qa widuskinpi kte cin he tuwedan nicipi kte sni.

23 Unkan anpetu kin he en takudan imayanungapi kte sni.

Wowicakc, wowicake on heciciyapi; Taku micaje on Atewaye cin yakidapi kinhan niçupi kta.

24 Nahahin dehanyan micaje on takudan yadapi sni. Da po, iyacupi kta, hecen wowiyuskin ojudanniciyapi kta.

25 Hena taku iyacinyan heciciyapi; tuka anpetu wan u kta, hehan wiyacinyan takudan ciciyapi kte sni, tuka taninyan Ateyapi kin on ociciyakapi kta.

26 Tohan iyehantu kinhan micaje on taku yadapi kta, tuka Atcwaye cin wocekiye eciciyapi kta, epe sni.

27 Ate iye atayedan wašte nidapika, wašte mayadapike ca Wakantanka eciyatanban wahi kin he wicayadapi kin heon.

28 Atcwaye cin eciyatanhan wau, qa oyate kin de en wicawahi Ake oyate kin ehpewicawaye kta qa Ate ekta wahde kta.

29 Wanna wiyacinyan iyae sni, ataninyan iyaa ce, waonspewicakiye cin eciyapi.

30 Taku owasin sdonyaye ca, tuwe winiwange kta iyecece sni yaun e wanna sdonunyanpi; heon etanhan Wakantanka eciyatanhan yahi kin he wicaundapi, eyapi.

31 Jesus awicayupte; Wanna wicayadapi he.

32 Anpetu wan u kta qa wanna hiyohi, enanakiya otoi-yohi yahdapi kta, qa mišnana ehpe-mayayapi kta; tuka nakun mišnana waun sni, Atewaye cin he mici un.

33 Wookiye amayaduhapi kta heon etanhan hena heciciyapi. Oyate kin de en wokakije duhapi kta; tuka wiyuskin po, miye oyate kin ohiwicawaya ce.

WICOWOYAKE 17.

1 Jesus hena hecen eye ça hehan išta yuwankan icu, qa malipiya kin ekta etonwan qa, Ate wanna anpetu kin hiyohi, Nicinksi kin hdutan wo, hecen on Nicinksi kin nihdutan kta ce.

2 Wicacehpi owasin on wowaśake yaqu qon, hecen tona yaqu kin owasin owihanke wanin wiconi wicaqu kta.

3 Unkan owihanke wanin wiconi kin he dee, wowicake Wakan-tanka niye e sdonniyanpi kta, qa Jesus Messiya uyaśi qon.

4 Maka kin akan ciyutan; qa wicokicanye mayaqu qon wanna owasin wahduśtan.

5 Unkan nakaha, Ate niye kin on miye mahdutan wo, wicoicage wanice cin he itokam wowitan niyeci hduha waun qon heon.

6 Oyate kin den wicaśta tona mayaqu kin hena en nicaje mdatanin; hena nitawa, tuka hena mayaqu; unkan hena nioie qon niciyuhapi.

7 Taku mayaqu kin owasin he niye etanhan u, wanna sdonyapi.

8 Nioie mayaqu qon he wanna wicawaqu; unkan icupi, qa niye eciyatanhan wahi kin he tanyan sdonyapi, qa niye e umayaśi kin he wicadapi.

9 Hena on wocekiye ewicaweciya, maka akan wicaśta kin hena on wocekiye eciciye śni, tuka tona mayaqu kin hena on wocekiye eciciye, hena nitawa kin he etanhan.

10 Taku mitawa kin hena owasin nitawa, qa niś taku nitawa kin hena mitawa, qa hena on wowitan waun.

11 Wanna oyate kin dematanhan śni, tuka iye e oyate kin en opeya ni unpi, qa miye wanna

nitankiyadan waku kta. Ate wakan, nicaje kin on dena mayaqu qon hduha wo, hecen unwanjidan qon iś iyecen wanjidan kta.

12 Oyate kin den om waun kin he icunhan nicaje kin on wicawahduha. Mayaqu qon hena e wicawahduha, qa owasin ehpekkiyapi śni, wicaśta wayutakuni śni cinhintku kin hecedan ehpekkiyapi, hecen wowapi en un qon wanna iyecetu.

13 Wanna nitankiyadan waku kta, oyate kin den opeya waun kin en ehake hecen epa, hecen on mitowiyuśkin kin iyepi en wicakiyuśtanpi kta.

14 Nioie wicawaqu, qa oyate kin śice wicadapika, oyate kin hetanhanpi śni heon etanhan hececa, oyate dematanhan śni he iyecen.

15 Oyate kin detanhan ewicayahdaku kta e heon wocekiye eciciye śni, tuka taku śice cin he en anawicayecipte kta e heon.

16 Oyate kin de ematanhan śni kin he iyecen iś oyate kin de etanhanpi śni.

17 Wowicake nitawa kin he on wicayuwakan wo; nioie kin he wowicake.

18 Oyate kin deci u mayaśi qon, he iyecen iś oyate kin ecen ye wicawaśi.

19 Qa iyepi on miye mihduwakan, hecen on wowicake eciyatanhan wicayuwakanpi kta.

20 Qa denana on wocekiye ewicaweciye śni, nakun tona wicoie oyakapi eciyatanhan wicamadapi kin hena koya.

21 Hecen on owasin wanjipidan kta, niye kin iyecen, Ate, miyecica, qa miś cicica; qa hecen iś unkicicapi kta; qa oyate kin niye u mayaśi kin he wicadapi kta.

WICOWOYAKE 18.

22 Wowitan mayaqu qon he wanna wicawaqu; hecen on unwanjidan kin iyecen wanjipidan kta.

23 Miś wicakici waun, qa niś mici yaun, hecen wanjidan en wicayuśtanpi kta; qa hecen niye umayaśi kin he oyate kin sdonyapi kta; qa waśtemayakida kin he iyecen waśtewicawakida ece.

24 Ate, tona mayaqu kin hena, tokiya waun kin hen mici unpi kta wacin; hecen wowitan mayaqu qon he wanyakapi kta, wicoicage kin de itokam waśtemayakida kin heon etanhan.

25 Ate owotanna, oyate kin sdonniyanpi śni ye, tuka miye sdonciye ciqon, qa dena iś niye e u mayaśi kin he sdonyapi.

26 Unkan nicaje kin he sdonye wicawakiya qa nakun sdonye wicawakiye kta; hecen wawacinkta duza on waśtemayakida qon he dena en un kta, qa miś nakun owicawape kta.

WICOWOYAKE 18.

1 Jesus hena hecen eya, hehan waonspewicakiye cin om Kedron wakpadan kin akasanpa iyaya, hen can wojupi wan, unkan he en i, waonspewicakiye cin om.

2 Unkan Judas wiyopeye cin he iś nakun makoce kin he sdonya, Jesus hen waonspewicakiye cin om emniciya ece qon heon.

3 Heon Judas akicita wicoun wan icu, qa akicita tancan ko, wośna kagapi qa Pharisee kin etanhan, om wipe yuhapi, qa petijanjan can itkonya ko yuha en yapi.

4 Jesus taku hiyahde kte cin owasin sdonkiya, itkowicakipe ca, Tuwe e oyadepi he, ewicakiya.

5 Jesus Nazareth etanhan, eya ayuptapi. Unkan Jesus, He miye ce, eya. Unkan Judas he wiyopeye ciqon ee en opa.

6 Unkan Jesus, He miye ce, ewicakiya hehan icicawin kihdapi, qa makata ihpayapi.

7 Heon etanhan ake wiwicawanga; Tuwe ayakitapi he, eya. Unkan, Jesus Nazareth etanhan, eyapi.

8 Jesus waayupte; He miye ce, eciciyapi qon; hecen miye e omayadepi hecinhan dena ito kihdapi kta.

9 Wicoie wan eye ciqon he iyecetu kta, Tona mayaqu kin wanjidan ehpewakiye śni ce.

10 Unkan Inyan mazasagye wan yuhe cin ehdaku, qa on wośna kagapi itancan ookiye wicaya wan noge etapa eciyatanhan ape ça kaśpa iyeya, ookiye unna kin he Malkos eciyapi.

11 Hehan Jesus Inyan heciya; Mazasagye nitawa ojuha en iyekiya wo. Wiyatke Ate maqu kin he mdatke kte śni he.

12 Juda oyate akicita tancan, akicita eyanpaha, akicita ikcedan ko Jesus yuzapi, qa pahitapi.

13 Qa tokaheya Annas kaipi; Kaiaphas omaka kin he en wośna kagapi itancan kin he tunkanku kin hee.

14 Wicaśta wanjidan oyate kin on te kte cin he hecetu kta ce, Juda oyate iwahokonwicakiye ciqon Kaiaphas ee.

15 Unkan Simon Inyan Jesus ihakam ya, nakun waonspewicakiye cin tokeca wan; unkan waonspewicakiye cin tokeca kin he wośna kagapi itancan kin sdonya qon, heon hee wośna kagapi itancan tihocoka kin en Jesus kici iyaya.

16 Tuka Inyan e tankan tiyopa kin en najin. Hehan waon-

JOHANNES.

spewicakiye cin unma, wošna kagapi itancan sdonya qon, he tankan hiyu, qa tiyopa awanyake cin he okiye ça, Inyan tin hiyuya.

17 Hehan wikoška tiyopa awanyake cin he Inyan heciya; Wicašta kin de waonspewicakiye cin wanji niye he. Unkan, Hemaca šni ce, eya.

18 Akicita eyanpaha wowidag wicayapi ko hen najinpi, šni hdapi qa cetipi; unkan he en petiškanpi: unkan Inyan iš owicapeya inajin, qa petiškan.

19 Hehan wošna kagapi itancan kin Jesus wiwanga, waonspewicakiye cin heon, qa iye woonspe tawa kin he nakun.

20 Jesus ayupte; Oyate kin en taninyan womdaka ece; omnickiye tipi etu, qa tipi wakan ko en, Juda oyate mniciyapi ece kin en ohinniyan waonspekiya wau, qa takudan anašbeyahan epe šni ce.

21 Taku on wimayanunga he; token ewicawakiye cin tona nahonpi kin hena e wiwicawanga wo, token epe cin he sdonyapi ce.

22 Hena hecen eya, unkan akicita eyanpaha wan en najin kin he Jesus apa, qa heya; Wošna kagapi itancan kin hecen adupta he.

23 Unkan Jesus ayupte; Šicaya iwaa hecinhan taku šica epe cin he yaotanin wo; tuka tanyan epa hecinhan, tokeca amayapa he.

24 Annas Kaiaphas wošna kagapi itancan kin pahtapi ecen ekta aye wicakiye ciqon.

25 He icunhan Simon Inyan petiškan najin. Heon heciyapi; Waonspewicakiye cin he wanji niye he. Tuka anakilibe ça, Hemaca šni ce, eya.

26 Wošna kagapi itancan kin wowidake tawa wan, Inyan noge kašpe ciqon he takuya, Wojupi kin en kici yaun wanciyake šni he, eciya.

27 Tuka ake Inyan anakiliman; unkan he icunhan anpa ohotonna wan hoton.

28 Hehan Kaiaphas etanhan woyaco tipi kin en Jesus aipi; unkan wanna anpa. Ihdušapapi kte šni e heon woyaco tipi kin en ipi šni, wošnapi kin hdutapi kta e heon.

29 Unkan Pilate tankata hinanpe ça, en wicau qa, Wicašta kin de taku e iyayaonpapi he, ewicakiya.

30 Waayuptapi qa heciyapi; Wicašta kin de ošan šice šni unkanš unnicahipi kte šni tuka, eyapi.

31 Hehan Pilate hewicakiya; Niye ito eyaku po, qa wayeconzapi kin eciyatanhan yaco po. Hehan, Wicašta ťeyapi unkiye unkokhipi šni ye, Juda oyate eciyapi.

32 Hecen Jesus oie qon ecetu kta, token wiconťe on ťe kta eye ciqon he.

33 Hehan woyaco tipi timahen Pilate kihde ça, Jesus en au wicakiye ça, Juda oyate wicaštayapapi qon he niye he, eciya.

34 Jesus ayupta; He niye cin-ka heha he; qa iš tuwe tokeca miye on hecen oniciyaka he.

35 Pilate ayupte; Juda wicašta hemaca hc; nitaoyatepi kin hena, qa wošna kagapi tankapi kin he iye miye en anhipi. Token oyahanda he.

36 Jesus ayupte; Wokiconze mitawa kin he maka kin detanhan šni; wokiconze mitawa kin maka kin detanhan unkanš, mitaokiye kin kis unpi kta, qa Juda oyate kin makaškapi kte šni

WICOWOYAKE 19.

tuka. Tuka nakaha wokiconze mitawa kin detanhan śni.

37 Hehan Pilate heciya; Wicaštayatapi kin henica he. Unkan Jesus ayupte; Wicaštayatapi hemaca e ecen eha; hemaca kta e on matonpi, qa heon makata wahi, wowicake mdatanin kta e heon. Tuwe wowicake eciyatanhan un kinhan he miho kin nañon ece.

38 Wowicake kin he taku he, Pilate eciya. Hena hecen oie ya, unkan Pilate tankata inanpe ça, Juda oyate en wicaye ça, Wicašta kin he taku śica econ takudan iyewaye śni, ewicakiya.

39 Tuka wicoñan duhapi kin heciyatanhan, woacakśin anpetu ehan unkipi eca, tuwe kaška hnakapi wanji wakiyuška ece qon. Juda oyate wicaštayatapi kin de wakiyuška yacinpi he, eya.

40 Unkan ake owasin panyehan howayapi qa heyapi; Wicašta kin dee kte śni, tuka Barabbas e hee kta. Unkan Barabbas e qe wawicaki sa kin heca.

WICOWOYAKE 19.

1 Unkan hehan Pilate Jesus icu qa kapsinpsinta.

2 Unkan akicita wapepeka wapaha wan kazontapi qa wapaha kiyapi, qa śina to wan in kiyapi.

3 Qa, iho, Juda Wicaštayatapi kin, eciyapi, qa nape on apapi.

4 Pilate ake tankan inanpe ça, Iho, wicašta kin dee e tankan cicaupi, hecen on taku śica takudan en iyewaye śni e sdonyayapi kta, cwicakiya.

5 Hehan Jesus wapepeka wapaha kin un, qa śina to kin in, tankata inanpa. Unkan, Wan-yaka po, wicašta kin dee ce, ewicakiya.

6 Unkan wośna kagapi tankapi qa akicita tancanpi kin, he wan-yag iheyapi hehan, panyehan heyapi, Icipaweñ okatan wo, icipaweñ okatan wo. Niśnana icupi qa icipaweñ okatan po, miye qe taku śica econ takudan iyewaye śni, Pilate ewicakiya.

7 Wowakiconze wan unhapi, wowakiconze unhapi kin eciyatanhan te kta iyececa, Wakan-tanka Cinhintku keiçiye cin heon etanhan, Juda oyate kin eya ayuptapi.

8 Unkan Pilate iapi kin he nañon qehan, iyotan inihan;

9 Qa woyaco tipi kin timahen kihde ça, Nitokiya tanhan he, Jesus cciya. Tuka Jesus ayupte śni.

10 Hehan Pilate heciya; Amayadupte śni he. Iciyawewñ onicatanpi owakihi; qa niciyuškapi nakun owakihi, he sdonyaye śni he.

11 Hehan Jcsus ayupte; Wankan tanhan taku kin de niçupi śni unkanś takudan on omayakihi kte śni tuka; heon tuwe niye en amahi kin he iye woahitani tanka.

12 Hetanhan Pilate kiyuškapi akita. Tuka, Wicašta kin de yakiduške cinhan Kesar takuyaye śni; tuwe wicaštayatapi içica-ge cinhan Kesar i en hiyeya ece, Juda oyate kin panyehan eyapi.

13 Pilate iapi kin he nañon, unkan Jesus tankan yuha inanpa, qa oiyotanke tawa kin he ohna kiyotanka, inyan mdaya omanipi kin en, he Hebrew iapi kin ctanhan Gabbatha eciyapi.

14 Woacakśin itokam anpetu piçi-yapi ece kin hetu, qa wiyotanhe cin hehantu; Wicaštayatapi nitawapi kin wanyaka po, Pilate Juda oyate kin ewicakiya.

15 Tuka, Iacunonpa, icunonpa

iyeye ça icipaweh okatan wo, panyehan eyapi. Wicaštayatapi nitawapi kin de icipaweh owakatan kta he, Pilate ewicakiya. Unkan wošna kagapi tankapi kin ayuptapi ; Kesar ecedan wicaštayatapi unhapi ce.

16 Hehan icipaweh okatanpi kta e wicaqu. Unkan Jesus icupi qa tokan ayapi.

17 Unkan Jesus can susbeca kicin, qa makoce wan Wicapahu eciyapi, he Hebrew iapi on Golgotha eciyapi, he ekta aya.

18 Hen icipaweh okatanpi, qa wicašta toktokeca nom itan anokatanhan ewicahdepi, qa Jesus okitahedan.

19 Unkan Pilate wowapi wan kage ça, can susbeca inkpa kin en ehnaka ; JESUS NAZARETH ETANHAN, JUDA OYATE WICAŠTAYATAPI KIN.

20 Wowapi kin de Juda wicašta ota yawapi ; makoce kin Jesus en icipaweh okatanpi kin he otonwe kin ikiyedan, qa he Hebrew, qa Helenes, qa Roma iapi henakiya wicoie kin on owapi.

21 Hehan Juda oyate etanhan wošna kagapi tankapi kin Pilate heciyapi ; Juda oyate Wicaštayatapi kin, eya owa šni wo ; tuka, Juda oyate Wicaštayatapi kin he miye ce, eiciye cin, hee e ecen owa wo.

22 Tuka Pilate waayupte ; Taku owawa kin he wanna owawa ce, eya.

23 Akicita Jesus icipaweh okatanpi, hehan tawokoyake icupi, qa wopamni tom kagapi, akicita otoiyohe kicipamnipi ; qa nakun tašina icupi ; šina kin he okagege wanica, wankan tanhan kun ihankeya kin hehanyan okagege codan kagapi :

24 Heon etanhan iye iyakitedan hekiciyapi ; Šina kin he unyulidccapi kte šni, econkupidan qa yeunkiyapi kta, hecen tuwe ohiye cinhan yuhe kta. Hecen wowapi en kagapi qon he iyece-tu ; Mitawokoyake kicipamnipi, qa mitašina kin he oeconna en yekiyapi ce. Unkan akicita kin hena hecen econpi.

25 Unkan Jesus hunku, qa tankaku kicica, Mary Kleopas tawicu, qa Mary Magdalene, hena can susbeca kin icahda najinpi.

26 Jesus hunku wanhdaka, qa en icunonpa ikiyadan waonspe-wicakiye cin wanji iyotan kidake ciqon wanhdaka, unkan, Winohinca, nicinkši kin hee ce, hunku kin eciya.

27 Qa waonspekiyapi kin he is, Wanyaka wo, nihun kin hee ce, eciya. Unkan waonspekiyapi kin he anpetu kin hetanhan iye ti kin ekta aki.

28 Wanna taku kin owasin ecetu Jesus wanyaka, qa wowapi en kagapi qon iyecetu kta e heon, Imapuza ce, eya.

29 Unkan mini škumna wakšica ojudan en icunhan han ; mini škumna icupi, qa nakun mini iyuhepe wan en oputkanpi, qa peji liota hu wan icam yeyapi, qa i kin en qupi.

30 Unkan Jesus mini škumna icu qehan, Wanna yušanpi ce, eya ; hehan pa makata iyeye ça taniya kin hiyuya.

31 Hehan Juda oyate kin Pilate cekiyapi, hu kawegapi qa etanhan icupi kta ; hecen anpetu wakan icunhan, tancan kin can susbeca kin akan un kte šni, anpetu eh piiciyapi kin wanna hehantu, qa anpetu wakan kin he anpetu tanka, heon.

32 Unkan akicita en hipi, qa tokaheya kin hu kawegapi, qa

WICOWOYAKE 20.

nakun unma kici icipaweh okatanki qon.

33 Hehan Jesus ehan ipi, unkan wanna ta wanyakapi, heon hu kin kawegapi s̄ni.

34 Tuka akicita wanji wahu-keza wan on cuwi kin en capa; unkan we mini ko au.

35 Tuwe wanyake ca yaotanin kin he wayaotanin kin he wowicake. Wowicake eye cin he sdonkiya, qa hecen on wicayadapi kta.

36 Hena hecetu, unkan wicowoyake wowapi en kagapi qon iyecetu; Hu kin wanjidan kawegapi kte s̄ni ce.

37 Qa nakun wōwapi icinonpa hecen eya; Tuwe pahdokapi kin he wanyakapi kta.

38 Hehan ihakam Joseph Arimathea etanhan Pilate cekiya, Jesus tancan kin icu kta e heon; unkan is̄ eya Jesus waonspewicakiye cin wanji ee, tuka analibeya, Juda oyate kowicakipe cin heon; unkan Pilate ayupta. He en u, qa Jesus tancan kin hdokiyahda.

39 Unkan Nikodemos, tuwe tokaheya hanyen Jesus en hi qon hee, nakun en hi, qa pejihuta wastemna nom icicahiyapi, tkeutapi opawinge ecetu, yuha hi.

40 Hehan Jesus tancan kin icupi, qa minihuha ska iyapemnipi, pejihuta wastemna iyahna, Juda oyate wicašta hnakapi ece kin he iyececa.

41 Unkan icipaweh okatanpi qon he en ikiyadan wojupi wanhan, wojupi he cin he en ohna wicašta hnakapi wan iyuŝtan yanka, tuwedan he ohna oonpapi s̄ni.

42 Juda oyate piiciyapi anpetu kin he icunhan, olna wicašta hnakapi en ikiyadan yanke cin

heon Jesus tancan kin en ohnakapi.

WICOWOYAKE 20.

1 Anpetu wakan kin en, anpetu tokaheya hanhanna hinca, nahanhin otpaza, hehan Mary Magdalene hnakapi qon ekta i, qa inyan kin hnakapi etanhan icunonpa iyeyapi e wanyaka.

2 Hehan inyang hde ca Simon Inyan hee, qa waonspewicakiye cin unma Jesus waŝtekidake ciqon, hena en hi qa hewicakiya; Itancan kin hnakapi kin etanhan eyakupi, qa tukten hnakapi kin sdonunyanpi s̄ni ye.

3 Unkan Inyan waonspewicakiye cin unma qon kici tankan inanpapi, qa en hnakapi qon ekta yapi.

4 Napin inyang yapi; qa waonspewicakiye cin unma qon hee duzahe ca Inyan kapa, qa iye tokaheya ehan i;

5 Patuŝ inajin, qa hnakapi kin aokaŝin, minihuha ecedan wanyaka, tuka mahen iyaye s̄ni.

6 Hehan is̄ Simon Inyan iyohi, unkan katinyan mahen iyaya, minihuha ecedan makata yanka wanyaka.

7 Minihuha pa akan ehnakapi kin he, minihuha umanpi qon en ope s̄ni, he is̄ aiyog pehan yanka.

8 Hehan waonspewicakiye cin unma tokaheya hi qon he is̄ hnakapi kin mahen iyaya, qa is̄ eya wanyake ca wicada.

9 He wiconŝe etanhan ekicetu kta, eyapi, wowapi en kagapi qon he hinyahin tanyan sdonyapi s̄ni.

10 Hehan waonspewicakiye cin hena iye tipi ekta icicawin hda-pi.

11 Tuka hnakapi kin itankan Mary e ecen najin, qa ceya.

Unkan ceyaya patuś inajin, qa hnakapi kin en aokasin.

12 Qa malhipiya ohnihde nom wokoyake ska ece koyakapi kin hena wanwicayaka, Jesus tancan wanke ciqon itan anokatanhan, unma pa wanke ciqon eciyatanhan, qa unma is siha qon eciyatanhan yukanpi.

13 Unkan, Winohinca, taku on yaceya he, eciyapi. Unkan is, Itancan mitawa tancan kin icupi, qa toki ehnakapi kin sdonwaye ūni ce, ewicakiya.

14 Heye a hehan ihdamna unkan Jesus en najin wanyaka, tuka Jesus hee kin sdone ūni.

15 Unkan Jesus heciya, Winohinca taku on yaceya he; tuwe ayakita he. Unkan is he wakicanye hee kecin, qa leon, Itancan, he niye iyacu hecinhan tokiya eyahnake cin omakiyakaye, kinhan ewehdaku kta ce, eciya.

16 Unkan Jesus heciya, Māry. Unkan iye ihdamna, qa, Rabboni, eciya; he Waonspekiye eyapi.

17 Unkan Jesus heciya; Ihnuhan omayadutan kin; nahanhin Ate ekta wahde ūni ce. Tuka mihunkawanji ekta wicaye a hewicakiya wo, Ate ekta wahde kta, he ate yayapi kin ee, he Wakantanka mitawa kin ee, qa niś he Wakantanka nitawapi kin ee ce, eya.

18 Hehan Mary Magdalene ku qa, Itancan kin wanhdake a hena hecen eciye cin, waonspewicakiye cin owicakiyaka.

19 Anpetu kin he anpetu tokaheya kin ee, iġtayetu kin he en waonspewicakiye cin, Juda oyate kowicakipa, qa aonaicitag yukanpi, en Jesus wicacokaya inajin, qa, Wookiye nicipi un kte, ewicakiya.

20 Hecen eye a hehan nape cuwi ko wicakipazo. Waonspewicakiye cin Itancan kin wan yakapi, unkan wiyuśkinpi tanka.

21 Wookiye nicipi un nunwe, ake Jesus ewicakiya. Ate u maśi kin he iyecen miś ye ciśipi.

22 Hecen eye a hehan awicaniya qa, Woniya Wakan icu po, ewicakiya.

23 Tona woalitani wicayecicajujupi kinhan, hena wicakicicajujupi kta; qa tona wicayakipaganpi ūni kinhan, hena wicakipaganpi kte ūni.

24 Ake nonpapi kin etanhan Thomas Didumos eciyapi he Jesus hi kin he icunhan en ope ūni.

25 Itancan kin wanunyakapi, waonspewicakiye cin unmapi kin eciyapi. Tuka iye kin hewicakiya; Maza on nape en okatanpi qon he wanmdake ūni, qa napsukaza maza okatanpi kin en omdutan ūni, qa euwi nakun en nape yewaye ūni kinhan, wicawada kte ūni ce, eya.

26 Unkan anpetu ūhdogan iyohakam, hehan ake waonspewicakiye cin mahen yukanpi, qa Thomas owicapeya un. Hehan Jesus en hi, tiyopa onatag han, qa wicacokaya inajin, qa, Wookiye nicipi un nunwe, ewicakiya.

27 Hehan Thomas heciya; Ninapsukaza uye a minape kin wanyaka wo; qa ninape kin uye qa micuwi kin en oputkan wo, qa wacetunhda ūni wicada wo.

28 Unkan Thomas ayupte a heciya; Itancan mitawa, qa Wakantanka mitawa.

29 Jesus heciya; Thomas, wanmayadake cin leon wicayada; tuka tona wanmayakapi ūni eśta wicadapi kinhan, hena wicayawaśtepi ce.

30 Unkan waonspewicakiye cin wanyakapi en taku tokeca ota

WICOWOYAKE 21.

wapetokeca Jesus econ, tuka hena ege wowapi kin de en kagapi śni.

31 Tuka dena e owapi, heon Jesus he Messiya Wakantanka Cinhintku kin hee e wicayadapi kta; qa wicayadapi kin on, iye caje kin eciyatanhan, wiconi duhapi kta.

WICOWOYAKE 21.

1 Hena iyohakam Jesus ake waonspewicakiye cin en ihdutanin, Tiberias mde kin etu; unkan ihdutanin kin he kaketu:

2 Simon Inyan, qa Thomas Didumos eciyapi, qa Nathanael, Kana Galile makoce kin hetanhan, qa Zebedee cinhintku nappin, qa waonspewicakiye cin tokeca nonpa, hena witayapi etu.

3 Ho wakuwa kta ce, Simon Inyan ewicakiya. Niyahna unyanpi kta ce, eciyapi. Hecehna yapi, qa wata wan en opapi, tuka hanyetu kin he takudan ktepi śni.

4 Ihanhanna qehan wicihuta ekta Jesus najin; tuka waonspewicakiye cin Jesus hee kin sdonyapi śni.

5 Unkan Jesus hewicakiya, Hoksiyopa, taku yutapi duhapi he. Unkan, Hiya, eyapi.

6 Unkan hewicakiya; Ho kin he wata etapa kin eciyatanhan ehpeya po, etanhan iyeyayapi kta ce. Unkan ecen iyohpeyapi, tuka ehaes hogan kin ota kin heon ehdakupi okitpanipi.

7 Hehan waonspekiyapi wan Jesus waštedake cion he Inyan heciya; Itancan kin hee ce. Simon Inyan, Itancan kin hee, eya nahon qehan, tancodan un kin heon onhdolida kiçun qa minin ehpeiçiya.

8 Unkan waonspewicakiye cin unmapi kin wata cistinna wan

ohna upi, huta kin icannan yakonpi, wicišpa opawinge nom hehanyan, qa ho kin hogan ojundan akupi.

9 Wanna hutata kihunnipi, hehan petaga itkon wanyakapi, qa hogan aguyapi ko akan yanka.

10 Unkan Jesus hewicakiya, Hogan nakaha iyacupi kin etanhan aku po.

11 Simon Inyan ekta ye ça ho kin lieyata hiyuya, hogan tankinyanyan ece opawinge qa sanpa wikcemna zaptan qa sam yamni; hogan kin ota ho kin ohnaka tuka iyuhdece śni.

12 Upi qa de yuta po, Jesus ewicakiya. Unkan waonspewicakiye cin etanhan, Tuwe niye he, eyapi kta tuka tuwedan tawatenye śni; Itancan hee kin he sdonyapi kin he etanhan.

13 Hehan Jesus en ye ça aguyapi icu, qa wicaqu, hogan nakun iyecen econ.

14 Piya ekicetu kin etanhan, de iyamni Jesus waonspewicakiye cin en ihdutanin.

15 Unkan wotapi ayaštanpi, hehan Jesus Simon Inyan heciya; Simon Jona cinhintku, dena ege sam iyeya wašte mayadaka he. Han, Itancan, wašte cidaka e sdonyakiye cion, eya. Tahincadan mitawa kin taku yutapi wicaqu wo, eciya.

16 Ake icinonpa, Simon Jona cinhintku wašte mayadaka he, eciya. Han, Itancan, wašte cidaka e sdonyakiya, eya. Tahinca mitawa kin wo wicaqu wo, eciya.

17 Ake iciyamni, Simon Jona cinhintku wašte mayadaka he, eciya. Yamni akihde, Wašte mayadaka he, eya iwange cin heon Inyan iyokišica; unkan heciya, Itancan, taku owasin sdonyaya; waštedake cin he

OĤANYANPI QON.

sdonyaya. Hehan Jesus, Tahinca mitawa kin wo wicaqu wo, eciya.

18 Wowicake, wowicake on heciciya; Koniška qehan niye cinka ipiyag yeton qa tokiya yacin eca ekta da ece, tuka tohan winicahinca kinhan wicašta tokeca wan ekta nape yeyakiye kta, kinhan ipiyag niconon qa tokiya yacin šni ešta ekta aniye kta ce, eya.

19 Wiconęe tukte e on Wakan-tanka yutan kta e he kiciyaotanin kta heon hecen eya. Hecen eye cin hehan, Miyahna u wo, eciya.

20 Hehan Inyan hakikta, qa waonspekiyapi wan Jesus iyotan kidake cion hee wiciketam u e wanyaka, litayetu wotapi icunhan maku kin ipahin wanke ęa, Itancan, tuwe e wiyopeniye kta he, eye cion hee.

21 Inyan he wanyaka unkan Jesus heciya, Itancan, de is taku e akipe kta he.

22 Ake tohan wahi kte cin hehanyan decen un kta wacin ešta, he etanhan initokeca he; niye miyahna u wo, Jesus eciya.

23 Heon etanhan wicoie kin de hunkawanjinkiciyapi kin wicehna iyaya; waonspekiyapi kin de ęe kte šni, eyapi kin. Tuka Jesus, He ęe kte šni ce, eciye šni; tuka, Wahi kte cin hehanyan decen un kta, wacin ešta, he etanhan initokeca he.

24 Taku kin hena waonspekiyapi kin he yaotanin qa wowapi en kaga; qa taku yaotanin kin he wowicake kin e sdonunyanpi.

25 Nakun taku ota Jesus econ, tuka nakun hena owasin otoiyo-hi kagapi ešta, oyate hiyeye cin wowapi kagapi kte cin he yuhapi kta epece šni. Amen.

YEWICAŠIPI KIN

OĤANYANPI QON.

WICOWOYAKE 1.

1 Theophile, wicoie tokaheya wakage cin he en Jesus tokaheya taku econ qa waonspekiye cin *omdaka*;

2 Tona wicakahnige ęa yewicaši qon hena Woniya Wakan kin eciyatanhan wahokonwicakiye cin iyohakam, anpetu wan en wankan eyakupi kin hehanyan.

3 Iye kakije cin iyohakam hena eęe en ni un taninięiya, woyuotanin ota on, anpetu wikcemna topa hehanyan wanyagięiya, qa Wakantanka tokiconze taku tawa kin ęaęehdata ece;

4 Qa mniciyapi kin en owicapeya un qehan, Jerusalem etanhan ye šni wicaši, qa Ateyapi kin wahowicaye cion he apepi kta; He miye eciyatanhan nayahonpi ce;

5 Awicakehan Johannes mini on baptem wicaqu, tuka tokata anpetu tonana ihan, hehan Woniya Wakan on baptem nięupi kta ce, *eya*.

6 Unkan hena witaya yukanpi hehan, Itancan, wanna dehantu Israel *oyate* wokiconze kin piya wicayaqu kta he, *eya* iwangapi.

7 Unkan hewicakiya; Tohanyan qa tohantu kin, Ate iye to-

WICOWOYAKE 1.

waśake kin en ekihnake cin hena sdoniyapi kta iyecece śni ;

8 Tuka Woniya Wakan kin en nihipi kinhan, wowaśake duhapi kta ; hehan Jerusalem en, qa Juda makoce kin owancaya, qa Samaria qa maka ihanke kin hehanyan mayadaotaninpi kta ce.

9 Unkan hena hecen eye ça, wanhdakapi icunhan, yuwankan icupi ; qa wanyakapi kin etanhan małpiya śapa wan eyaku.

10 Unkan he wankan iyaye cin, małpiya ekta etonwan yukanpi kin he icunhan, iho, wicaśta nom ska ihduzapi en wicikiyadan najinpi ;

11 Qa, Galile wicaśta, tokeca e małpiya ekta etonwan nayajinpi he. Jesus e qe niyepi etanhan małpiya ekta eyakupi kin, he małpiya ekta wankan iyaya wandakapi kin he iyecen ake u kta, ewicakiyapi.

12 Hehan Oliwe paha eciyapi kin hetanhan Jerusalem ekta icicawin hdapi ; he Jerusalem ikiyedan, anpetu wakan oicimani wanji ecetu.

13 En hdipi qa wankan tipi wanji tin iyayapi qa hen iyukanpi, Inyan, qa Jakob, qa Johannes, qa Andrew, Philip, qa Thomas, Bartholomew, qa Mattheos, Jakob Alpheus cinhintku, qa Simon Zelotes, qa Judas Jakob sunkaku :

14 Hena owasin tawacin wanjidani wocekiye eyapi qa kida yukanpi, winohinça kin hena om, qa Mary Jesus hunku, qa iye hunkawanjinwicaye cin hena koya.

15 Unkan anpetu kin hena en Inyan ookiye unpi kin wicacokaya najin, (wicacaje owasin opawinge sanpa wikcemna nom wicayawapi ;)

16 Qa heya ; Wicaśta hunka-

wanjinciyapi, Judas tona Jesus iyaliipayapi qon en mdetahunka kin he on, ehanna Woniya Wakan, Dawid i kin eciyatanhan, ie ciqon, wowapi en kagapi kin, he ecetuyapi kta hunšte.

17 He iye unkiyoeyapi yawapi, qa wicołtani kin de en opa tuka.

18 Unkan wicaśta kin he wołtani iyunwin kin maga wan iyopekiye ça, ehna makata ihpaya, unkan tancan kin kamdas ihpaye ça, śupe kin owasin tankan hiyu.

19 Tona Jerusalem en yakonpi sa owasin he sdoniyapi ; qa heon maga kin he iye iapi kin eciyatanhan, Akeldama eciyapi, he We maga, eyapi.

20 Odowan wowapi kin en kaken kagapi ; He tukten ti qon hewoskan yanke ça, tuwedan ohna ti śni nunwe ; qa, Awanhdakapi wicołhan yuhe ciqon he tuwe tokeca icu kta.

21 Heon etanhan wicaśta kin dena ohinniyan om unyakonpi, Jesus Itancan kin unkopapi, ti mahen i, qa tankan ye cin,

22 Tokaheya Johannes baptem wicaqu qon hetanhan, anpetu kin en unkiyepi etanhan wankan eyakupi kin hehanyan, hena etanhan, piya ikicage cin, wanji unkiyoeyapi oyaka ece e kta, eya.

23 Unkan nom najinwicakiyapi, Joseph Barsabas eciyapi, he, Owotanna, eya caśtonpi, qa Matthias.

24 Hehan cekiyapi qa heyapi ; Itancan niye wicacante owasin sdonya nanka, wicaśta kin dena unma tukte yakalnige cin he yutanin wo ;

25 Ookiye wicołhan qa yewicaśipi kin de en ope kta, Judas iye oyanke tawa kin ekta hde kta e etanhan hinłpaye cin he.

26 Hehan woohiye elipekiyapi, unkan woohiye kin Matthias ahinlipaya; qa hecen yewicašipi akewanjipidan kin owicapeya yawapi.

WICOWOYAKE 2.

1 Anpetu iwikcemna zaptan kin wanna iyehantu, unkan owasin tawacin wanjidan witaya yukanpi.

2 Hehan ihnuhana, tate wan wašagya uye cin he iyecen, oqo wan małpiya kin eciyatanhan hiyu, qa tipi ohna yukanpi kin ocowasin ojudan.

3 Unkan wicaceji, peta se ececa, en wicatanin, qa otoiyohi kicipamnipi kin en awicahan.

4 Unkan owasin Woniya Wakan kin on ojupidan qa wicaceji toktokeca on iapi, Woniya Wakan ie wicakiye cin he iyecen.

5 He ehan wicašta owotanna Juda wicašta kin hecapi, małpiya ihukuya oyate hiyeye cin etanhan Jerusalem en tipi.

6 Wicaho kin de otanin, unkan wicota en mniciyapi qa inihanpi, otoiyohi iye iapi tawapi kin on, hena ia yukanpi he nakihonpi kin heon.

7 Owasin inihanpi qa yušinyayapi qa otoiyohi hekiciyapi; Tona ia yukanpi kin hena owasin Galile wicašta kin hecapi šni he.

8 Token on otoiyohi iapi kin yuha untonpi kin hena ia nawicunhonpi he.

9 Parthe qa Mede qa Elamite, qa Mesopotamia en tipi qon, Juda makoce kin en, qa Kappadokia en, Pontos qa Asia en;

10 Phrugia qa Pamphulia en, Egupta qa Libue makoce kin en, Kurene ihdukšan, Roma oyate kin etanhan, Juda wicašta, qa en opewicakiyapi qon,

11 Krete qa Arabe kin heun-

capi, Wakantanka taku tanka econ kin, unkiye unkiapi kin eciyatanhan, hena ia oyakapi kin naunhonpi ce, eyapi.

12 Owasin inihanpi, qa yušinyayapi, qa otoiyohi hekiciyapi; De taku kapi hwo.

13 Qa wanjiksi ihahapi qa; Dena miniša skuya on imnanpi ce, eyapi.

14 Tuka Inyan ake wanjipidan kin om najin, ho yuwankan icu, qa hewicakiya; Juda wicašta, tona Jerusalem en dukanpi ko, owasin he de sonyapi, qa mioie kin anagoptan po.

15 Niye hecannipi kin hecetu šni, wanna anpetu kin en yamni ape cin hehantu, heon wicašta kin dena witkopi šni.

16 Tuka Joel wicašta wokcan oyake ciron he dee.

17 Unkan anpetu ihankeya kin en, (Wakantanka eya,) mitaniya kin wicacełpi owasin awicawakaštan kta; unkan nicinkšipi nicunkšipi ko wokcanpi kta, qa koška nitawapi kin wowanyake kin wanyakapi kta, qa wicahinca nitawapi kin wowihamde ihamnanpi kta ce.

18 Anpetu kin hena en wicašta taokiye, qa winyan taokiye mitawa kin, hena en mitaniyā awicawakaštan kta, qa hena e wokcanpi kta.

19 Unkan wankan małpiya kin ekta taku on yušinyayapi wicawaqu kta, qa kuya maka kin akan wowapetokeca kin, we qa peta qa šotoju.

20 Itancan taanpetu tanka woinihan kin he hi šni itokam, anpetu wi kin otpaza icu kta, qa hanyetu wi kin is we icage kta.

21 Unkan hehan tuwe Itancan caje kin hoyekiye cinhan he nikiyapi kta ce.

WICOWOYAKE 2.

22 Israel wicašta, wicoie kin de nañon po; Jesus Nazareth etanhan qon, wicašta wan niyepi kin ekta, Wakantanka hdu-tanin qon, wicowašake, taku on inihanpi, qa wowapetokeca niyepi cokaya Wakantanka econ kiye ciqon hena e niye sdonya-yapi.

23 He qe Wakantanka atayedan wakiconze ça, iye osdonye kin eciyatanhan qupi qon, he iyacupi, qa nape šikšica on icipaweh oyakatanpi, qa yaktepi.

24 Hee Wakantanka ekicetu ye ça, wiconte icaške kin kiyuška, en yuhapi kta okihipica šni nakaes.

25 Dawid he ke ça, kaken eya; Ohinniyan mitokam Jehowa wanmdaka, mietapa kin ekta yanke, heon pahoho šni waunkta.

26 Heon micante kin iyuškin, qa miceji kin ipsica; qa micelhi kin woape en wanke kta.

27 Minagi kin he hades ekta elpemayakiye šni, qa Wanji Wakan nitawa kin he wicalhwin wanyake kta e on yaqu kte šni.

28 Wiconi canku kin sdonye mayaye kta; qa niite kin etanhan wowiyuškin on imnamaya-yekta.

29 Wicašta hunka wanjinciyapi, Dawid hunkakeyapi un kin he eciyatanhan taninyan ociciyakapi kta; he te ça hapi, qa anpetu kin delhanyan ohnahnakapi kin unkipi wanka.

30 He wicašta wokcan kin heca, qa Wakantanka wokonze on konza, wicacehpi eciyatanhan iye tancan aicage kte cin he etanhan Messiya, iye oiyotan-ke kin akan iyotanke kta e icahiyekta he sdonya.

31 Hecen tokaheya tanhan he wanyake ça Messiya ekicetuya-

pi kin he cajeyata, nagi kin hades ekta ehpekiyapi kte šni, qa celhi kin wicalhwin wanyake kte šni.

32 Jesus iye qe Wakantanka ekicetuye cin he unkiyepi owasin unyaotaninpi ece.

33 He Wakantanka etapa kin ekta yuwankan icupi, qa Atkuku kin Woniya Wakan iwahoye ciqon he icu, heon nakaha taku wandakapi qa nayahonpi kin he akaštan.

34 Dawid e qe malhiya ekta wankan iyaye šni, tuka kaken eya; Jehowa Itancan mitawa kin kaken eciya, Mietapa kin eciyatanhan iyotanka wo,

35 Tona toka niye cin hena nisiha oahe kin ewahnake kte cin hehanyan.

36 Heon etanhan, Israel-tiyohnaka owasin, de tanyan sdonya wo, Jesus icipaweh oyakatanpi qon, hee Wakantanka Itancan qa Messiya kaga ce.

37 He nahonpi unkan cante kin ekta iyoyakapi, qa Inyan qa yewicašipi unmapi kin om, Wicašta hunkawanjin unniyanpi token econkupi kta he, ewicakiyapi.

38 Hehan Inyan hewicakiya; Ihducetuo po, qa woalitani nicicajujupi kta e on Jesus Messiya caje kin on baptem niçupi kta; kinhan Woniya Wakan itunichanpi kin he iyacupi kta.

39 Wahoyapi kin de niye nitawapi, qa nicincapi, qa tona itehanyan yukanpi kin owasin, tona Itancan unkita Wakantankapi kin wicakico kte cin hena tawapi ce, eya.

40 Qa wicoie tokeca ota on wicakiyatanin, qa wahokonwicakiye ça heya; Wicoicage šice cin de etanhan niçiya po.

41 Unkan tona oie kin iyuškin-

OĤANYANPI QON.

yan icupi kin hena baptem wicacupi; hecen anpetu kin he en wicanagi kektopawinge yamni en opapi.

42 Qa yewicašipi kin taku onspewicakiyapi kin en katinyan opapi ece, qa om taku yuhapi, aguyapi kiyušpapi qa wocekiye eyapi kin en ece unpi.

43 Unkan wicašta owasin nina yušinyayapi; unkan yewicašipi kin taku wakanyan econpi qa wowapetokeca ota econpi ece.

44 Unkan tona wicadapi kin hena owasin witaya yukanpi, qa taku owasin ptaya yuhapi.

45 Qa tona maga qa woyuha yuhapi kin hena e wiyopekiyapi, qa otoiyo hi cinpi kin iyecen owasin wicakipamnipi.

46 Qa anpetu otoiyo hi, tawacin wanjidan, tipi wakan kin ohna yukanpi, qa tipi iyaza aguyapi kiyušpapi, wowiyuškin cante okonwanjidan ko yuha taku yutapi icupi.

47 Wakantanka yatanpi, qa oyate kin owasin en wowašte yuhapi. Unkan Itancan kin tona nipi kte cin heca, anpetu otoiyo hi, okodakiciye kin en ope wicakiya.

WICOWOYAKE 3.

1 Unkan hehan Inyan qa Johannes kici, tipi wakan kin ekta kaitawankanhde yapi, nappcinwanka ape cin, wocekiye eyapi ece kin hehantu.

2 Unkan wicašta wan tonpi kin ehantanhan hušte un kin he yuha ahipi, anpetu otoiyo hi tipi wakan tiyopa wan, Wašte eciyapi kin he en ehdepi, tona tipi wakan tin yapi kte cin hena taku wicakida kte cin heon.

3 Hee Inyan Johannes kici tipi wakan kin timahen yapi kta

wanwicayake ça, taku wicakida.

4 Unkan Inyan opalita, qa Johannes kici, qa, Ekta unkatonwan po, eya.

5 Taku okini kta kecin qa hecen anawicagoptan yanka.

6 Hehan Inyan; Mazaska mazaskazi ko takudan mduhe šni, tuka taku mduhe cin ciçu kta, Jesus Messiya Nazareth etanhan, he caje on najin, qa mani wo, eciya.

7 Qa nape etapa kin en yuze ça najin kiya; unkan ihnuhanna siha iškahu ko wašag hinnda.

8 Hehan iye kin psin iyaye ça najin, qa mani, qa om tipi wakan kin timahen iyaya, mani, qa pspisica, qa Wakantanka idowan.

9 He mani qa Wakantanka idowan kin oyate kin iyulipa wanyakapi;

10 Qa wicašta tipi wakan, tiyopa Wašte eciyapi, kin en hiyotanke ça taku da ece qon he dee sdoniyapi; qa taku ecakiconpi kin on etanhan nina inihanpi, qa yušinyayapi.

11 Unkan, wicašta hušte qon wanna okizi kin he Inyan Johannes kici wicayus najin, hena en oyate owasin kiwitaya inyang iheyapi, qa nina yušinyayapi, omanipi Solomon tawa kin hetu.

12 Unkan Inyan he wanyake cehan, oyate kin hewicakiya; İsrail wicašta, tokeca he on niyušinyayapi, qa tokeca opaunhtapi nayajinpi he; unkiye wowaške qa wowašte unhduhapi kin heon wicašta kin de mani unyanpi *kecanunyakinp*i seca.

13 Abraham, qa İsaak, qa Jakob Wakantanka tawapi; hunkake wicunyanpi Wakantanka tawapi kin he Cinhintku Jesus wanna hdutan; he niyepi e wi-

WICOWOYAKE 4.

cayaqupi, qa Pilate itokam yaki-pajinpi, he iye kiyuške kte hinca tuka.

14 Tuka Wanji Wakan qa Owotanna un kin he niye yaki-pajinpi, qa wicakte sa wan kiyuškapi yacini.

15 Qa Wiconi Itancan kin he yaktepi; he qe Wakantanka wicate cin etanhan najinkiye cin unkiye unkoyakapi ece.

16 Qa iye caje kin, caje wicadapi kin heon, wicašta kin de wandakapi qa sdonyayapi kin he yuwašaka; han, iye wacinyanpi kin he wicašta kin de tanyan okiziya, niyepi owasin en.

17 Unkan nakaha mihunkawanji, iyukcan šni hecanonpi, qa wicašta itancan wicaduhapi kin hena nakun, he sdonwaya.

18 Tuka Wakantanka Messiya token kakije kte cin, wicašta wokcan kin owasin i kin eciyatnhan, oyake ciqon hena he en hduacetu.

19 Heon ihduacetupi, qa ihduhomni po; hecen wayahtanipi kin nicicajujupi kta ce; tohan anpetu yuacetupi kin Itancan itohnake kin eciyatnhan u kinhan;

20 Qa Jesus Messiya oniciyakapi qon he uši kta.

21 He qe małpiya kin ekta eyakupi kta, taku owasin ekicetuyapi kta anpetu kin hehayan, Wakantanka maka icage cin hetanhan wicašta wokcan wakan wicahduhe cin owasin i kin eciyatnhan oyake ciqon hee.

22 Moses iye qe hunkakeyapi kin hewicakiya; Nihunkawanjipi kin etanhan wicašta wokcan wanji, miye iyemaceca, Jehowa Wakantanka nitawapi kin icahniciciyapi kta; he taku eniciyapi kte cin owasin anayagoptanpi kta.

23 Qa wicanagi otoiyohe, wicašta wokcan kin he anagoptan šni kinhan, he oyate kin etanhan ihangyapi kta ce.

24 Unkan wicašta wokcan owasin, Samuel hetanhan, tona iyohakam woyakapi qon anpetu kin dena cajeyatapi.

25 Wicašta wokcan cincapi kin he niyepi, qa wicoun Wakantanka hunkake wicunyanpi wicakicage ciqon, he qe Abraham heciya; Unkan nicinca kin on etanhan wicowazi maka akan un kin owasin yawaštepi kta ce.

26 Wakantanka iye Cinhintku Jesus najinkiye qa niyawaštepi kta e on niyepi tokaheya en u ši, otoiyohe wayahtanipi kin etanhan ihduhomni niyanpi kta e heon.

WICOWOYAKE 4.

1 Unkan hena hecen oyate kin ewicakiyapi kin icunhan, wošna kagapi, qa tipi wakan en itancan kin, Saddukee ko en wicahipi;

2 Oyate kin waonspewicakiyapi, qa Jesus eciyatnhan wiconte etanhan woekicetu kin he oyakapi kin heon šihdapi;

3 Qa nape on iyawicalıpayapi, qa wicakaška tipi kin en iyewicayapi, ihanhanna kte cin hehayan; wanna litayetu nakaes.

4 Tuka wicoie nahonpi qon hena wicota wicadapi; unkan wicašta kektopawinge zaptan ecetu.

5 Unkan ihanhanna hehan, wicašta itancanpi, hunkawicayapi kin, wowapi kagapi ko;

6 Qa Annas wošna kagapi itancan, qa Kaiaphas, qa Johannes, qa Aleksandros, qa tona wošna kagapi itancan takuwicaye cin hena koya Jerusalem en mniciyapi.

7 Unkan wicacokaya ewica-

OHANYANPI QON.

hdepi, qa wiwicawangapi ; Taku wowaŝake, qa tuwe caje kin on hecanonpi he, eyapi.

8 Hehan Inyan Woniya Wakan on ojudan, hecen ewieakiya ; Oyate en wicaŝta itancanpi, qa Israel hunkawicayapi kin ;

9 Anpetu kin de wicaŝta huŝte qon tanyan ecakiconpi, qa token on okizi kin, he on wiunyanun-gapi hecinhan ;

10 Niyepi owasin, qa Israel oyate kin owasin de sdonya po, Jesus Messiya Nazareth etanhan, icipaweŝ oyakatanpi qon, Wakantanka wicaŝe cin etanhan ekicetuye cin, he caje on wicaŝta kin de nitokam okizi najin.

11 Inyan kin de ticagapi yanpi kin ayaktapi ŝni, tuka he oise en itancan kin ee.

12 Qa tuwe tokeca eciyatanhan wanikiyapi kin yuke ŝni ; qa wicacaje tokeca maŝpiya kin ihukuya wicaŝta wicaqupi, on unnipi kte cin wanica ce.

13 Unkan Inyan qa Johannes waditakapi kin he wanyakapi, qa taku ota onspeiçiciyapi ŝni qa wicaŝta ikceka kin hecapi e sdonyapi qehan, nina yuŝinyayapi, qa hena Jesus kici unpi qon he iwicayukanpi.

14 Qa wicaŝta okiziyapi qon he wiciyopeya najin wanyakapi ; unkan taku awicayuptapi kte cin takudan yuhapi ŝni.

15 Tuka omniciye kin etanhan tankan ye wicaŝipi, hehan he akiiapi ;

16 Qa iyakitedan hekiçiyapi ; Wicaŝta kin dena token ecawicunkiconpi kta hwo ; wowapetokeca tanka kin de econpi kin he tona Jerusalem en yakonpi kin owasin sdonyapi, qa anaunlimanpi kta unkokihipi ŝni.

17 Tuka he oyate kin en ana-

ptapi kta e heon nina wakokipe wicunkicagapi kta, qa caje kin de on tohinni wicaŝta wowicakiyakapi kte ŝni, *unkeyapi* kta ce.

18 Unkan hehan wicakieopi, qa Jesus caje kin on takudan ie ŝni, qa waonspekiye ŝni wicaŝipi.

19 Tuka Inyan Johannes kici awicayuptapi qa heyapi ; Wakantanka itokam, niyepi anaun-nigoptanpi kta, qa iŝ Wakantanka anaungoptanpi kta, unma tukte owotanna kin, niŝ iyukan po.

20 Taku sdonunyanpi qa nanhonpi qon hena oyake ŝni unyakonpi kta e unkokihipi ŝni.

21 Hehan ake wakokipe wicakicagapi tamwicakiyapi, qa hde wicaŝipi, taku on taku iyawicakonpapi kta takudan iyeyapi ŝni, oyate kin on etanhan ; taku econpi kin heon owasin Wakantanka yatanpi.

22 Wicaŝta wookizi wowapetokeca kin he en econpi qon he wanna waniyetu wikcemna topa sam iyeya.

23 Unkan kihdewicayapi, hehan iye takodawicayapi kin ekta hdapi, qa woŝna kagapi, hunkawicayapi kin ko, taku token ewicakiyapi qon owasin ohdakapi.

24 Unkan hena nahonpi qehan, witaya Wakantanka hoyekiyapi qa heyapi ; Itancan Wakantanka he niye, maŝpiya, maka, minivanca qa taku ohnaka ko owasin yakaga.

25 Dawid nitaokiye kin i kin eciyatanhan kaken ehe cin ; Tokeca e Ikcewicaŝta kin oqoyapi, qa oyate kin taku ecinŝniyan yukeanpi he.

26 Maka wicaŝtayatapi kin najin hiyaye ça, wicaŝta itancanpi kin witaya mniciyapi, Itancan

WICOWOYAKE 5.

kin en, qa Sdakiye ciqon he nakun.

27 Awicakehan Jesus Nicinksi wakan sdayakiye ciqon he en, Herod, qa Pontiyos Pilate, Ikcewicašta, Israel oyate ko mniciyapi ;

28 Ehanna taku, ninape nitawacin ko on, econ yakonze ciqon, he ecen econpi kta heon etanhan.

29 Unkan nakaha, Itancan, token wakokipe unkiçagapi kta tamunkiyapi kin he wanyaka wo ; qa nitaokiye kin nioie nina waditagya oyakapi kta e wicaqu wo ;

30 Wawokiziya on ninape kin yahdugate cin heon ; qa Jesus Nicinksi wakan caje kin on taku wapetokeca, qa on yuşinyayapi kte cin hena econpi kta.

31 Unkan wocekiye eyapi, hehan tukten witaya yukanpi kin he yuhuhuzapi, qa owasin Woniya Wakan kin on ojupidan, qa Wakantanka oie kin waditagya oyakapi.

32 Unkan wicota wicadapi kin hena wicacante wanjidan wicacacante wanjidan ko yuhapi ; qa taku tonpi kin tuwedan, De mitawa ce, eye şni ; tuka taku owasin witaya yuhapi.

33 Unkan yewicaşipi kin hena wowaşake tanka on Jesus Itancan piya ikicage cin he oyakapi ; unkan wowaşte tanka owasin en un.

34 Unkan hena tuwedan takudan icakije şni unpi : tuka tona maga, qa tipi yuhapi qon hena wiyopekiyapi, qa taku wiyopeyapi kin on taku icupi kin he ahipi,

35 Qa yewicaşipi kin siha hdepi kin en ehnapapi : unkan wicašta otoiyo hi taku token cinpi kin hecen pamni wicaqupi ece.

36 Unkan Joses, he yewicaşipi kin Barnabas, eya cajeyatapi qon, Wicakicanpte cinhintku kin, eyapi kin he kapi, Lewi wicowazi qa Kupros makoce kin etanhan ;

37 Hee makoce onşpa hduhe cin wiyopekiye qa mazaska kin hdohi, qa yewicaşipi siha hdepi kin en ehna ka.

WICOWOYAKE 5.

1 Tuka wicašta wan Ananias eciyapi, tawicu Sapphira kici, maga wan wiyopekiya ;

2 Qa mazaska apa anakihbe, tawicu kin is nakun sdotkiya ; unkan apa ahi, qa yewicaşipi kin sihapi kin en ehna ka.

3 Tuka Inyan heciya ; Ananias, tokeca e Woniya Wakan kin oiyaton kte şni e Satan nicante kin en ocowasin iyohpaya, qa maga iyopeyapi kin apa anayakihman he ;

4 Nahahin ecen un qon he ehan yahduhe şni he ; qa wiyopekiyapi kin he ehan nakun nitawa şni he. Tokeca nicante ekta hecen econ wacani he. Wicašta akantu kin hee şni, tuka Wakantanka en iyatonşni ce.

5 Unkan Ananias hena oie kin nahon qehan, hinhpaye qa ta iyaya. Unkan tona hena taku kin nahonpi kin owasin nina wikipapi.

6 Unkan koşka kin najinpi, qa opazuntapi, qa tankan ayapi, qa hapi.

7 He iyohakam wihiyayedan oape yamni, hehan tawicu kin taku econpi qon sdonye şni ecen tin hiyu.

8 Unkan Inyan heciya ; Kana on maga iyopeyakiyapi he, omakiyaka wo. Unkan is ; Han, kana on, eya.

OHANYANPI QON.

9 Unkan Inyan; Token on sakim Itancan Taniya kin iyutanyayapi kta ecen wacinduza-pi he. Wanyaka wo, tona nihina hapi kin hena sihapi kin tiyopa kin en najinpi, qa niye nakun tankan anianpi kta, eciya.

10 Hehan is eya hecehnana iye siha kin ekta hinlipaye ca ta iyaya. Unkan koskapi qon en hiyupi, qa wanna ta e wanyakapi, hehan is eya tankan ayapi, qa hihnaku kin kici hapi.

11 Unkan okodakiciye kin oco-wasin, qa tona hena taku kin nahonpi owasin nina wikopapi.

12 Unkan yewicasipi kin napepi kin on oyate kin en wowinihan wicohan qa wowapetokeca ota econpi. Unkan owasin wicacante wanjidan yuha Solomon omanipi tawa kin ohna yukanpi.

13 Qa wicasta tokeca tuwedan en owicapa okihi sni, tuka oyate kin wicakinihanpi.

14 Qa tona wicadapi kin sanpa ota Itancan kin en opapi, wicawinyan ko wicota.

15 Hecen tona wicayazan kin hena tankan awicaupi, qa canku otoiyo hi ohna, ohehdepi qa owinja ko akan ahivicahnakapi, Inyan hen hiyaye cinhan hunhanzi wicaye kte cin heon.

16 Unkan, otonwe itan ihdukšan kin hena etanhan wicota Jerusalem en hipi, qa tona wayazanpi, tona taku wakan sica wicayuhnaškinyanpi ko en awicahipi; unkan owasin asnipi.

17 Hehan wošna kagapi itancan kin najin hiyaye ca, tona om un kin, Saddukee wicowazi kin etanhanpi, hena winawizipi on ojupidan;

18 Qa nape on yewicasipi kin iyawicalipayapi, qa wicakaška

tipi ikceka kin ohna ewicahnakapi.

19 Tuka Itancan taohnihde ye cin he hanjen wicakaška tipi tiyopa kin yuzamni, qa tankan awicau qa heya;

20 Hunktiya po, tipi wakan kin ohna inajinpi qa wiconi kin de wicoie kin owasin oyate kin owicakiyaka po.

21 He nahonpi, unkan hanhan na hin tipi wakan kin timahen yapi, qa wowicakiyakapi. Hehan wošna kagapi itancan, qa tona om un kin hena witaya iheyapi, qa omniciye tanka kin mniciye wicaši, Israel cinca hukawicayapi kin owasin koya; unkan wicakaška tipi kin ekta wicahuweye wicasipi.

22 Tuka akicita kin wicakaška tipi kin en hipi, qa iyewicayapi sni, hehan hoši hdapi;

23 Qa heyapi; Awicakehan wicakaška tipi kin sutaya onatakapi ecen iyeunyanpi, qa tiawanyag wicakiyapi kin tiyopa kin itokam najinpi; tuka unyuhdokapi qehan, tuwedan en wanunyakapi sni.

24 Unkan wošna kagapi itancan, qa tipi wakan en itancan kin, wošna kagapi kin hena koya, hena wicoie kin nahonpi qehan, he toketu kta hecinhan iyukanpi sni.

25 Hehan wanji en hi qa; Iho, wicasta wicakaška tipi kin en ewicayahnakapi qon hena tipi wakan kin ohna inajinpi qa oyate kin waonspewicakiyapi ce, eya owicakiyaka.

26 Hehan akicita tancan kin akicita ko ekta yapi qa iwaštedan awicaupi, oyate kin inyan on wicakininpi kta e kokipapi leon etanhan.

27 En awicahipi qa omniciye kin wicacokaya najin wicakiya-

WICOWOYAKE 6.

pi; unkan wośna kagapi itancan kin wiwicawanga,

28 Qa heya; Wicacaje kin de on wowicayakidakapi kte śni, nina unkeniciyapi śni he; unkan iho, woonspe nitawapi kin on Jerusalem ojudan yayapi, qa wicaśta kin de we kin en un kayau-pi kta wacannipi.

29 Hehan Inyan, yewicaśipi kin om, awicayupte ça heya; Wicaśta akantu hee śni, tuka Wakantanka hee e anaungoptanpi kta iyececa.

30 Jesus yaktepi qa can akan otkeyayapi qon he atewicunyanpi ta Wakantankapi kin hduecetu :

31 Hee kin Wakantanka wankan ehdaku, iye nape etapa kin ekta Itancan qa Wanikiya un kta, Israel ihduecetupi qa woahtani kajujupi kin wicaqu kta e heon.

32 Unkan unkiye, iye on, wicoie kin hena unkoyakapi ece, qa Woniya Wakan tona Wakantanka anagoptanpi wicaqu kin, he is eya hena yuotanin ece.

33 He nañonpi qehan canteptanyanpi, qa tewicayapi kta e akiipapi.

34 Hehan Pharisee wan Gamaliel eciyapi, woope waonspekiya, qa oyate kin en okinihan, he omniciye kin en najin, qa yewicaśipi kin cistiyedan tankan aye wicaśi :

35 Qa hehan hewicakiya; Israel wicaśta, wicaśta kin dena taku ecawicakicon wacannipi kin he itonpa po.

36 Anpetu kin dena itokam Thudas icaga, he taku wicaśta keiciya; unkan wicaśta opawin-ge topa ecetu ihakam yapi; tuka he iye ktepi, qa tona wicadapi qon owasin enanakiya iyewicayapi qa takuni śni aya.

37 Qa he iyohakam Judas Galile etanhan, owicawapi anpetu kin he ehan inajin, qa oyate ota ihakam awicaya; he nakunihangyapi, qa tona wicadapi qon owasin enanakiya eyaya.

38 Heon nakaha heciyapi; Wicaśta kin dena wiciheyata najinpi, qa awicayuśtan po; wokonze qa wicoħan kin de wicaśta akantu kin etanhan hecinhan atakuni kte śni ;

39 Tuka Wakantanka eciyatanhan un kinahan, yujuju oyakihipi śni; okinni Wakantanka kici yeciza dukanpi kta naceca, eya.

40 Unkan he anagoptanpi, qa yewicaśipi kin wicakipanpi, qa wicakapsinpsintapi qehan, Jesus caje kin on woyake śni wicaśipi, qa wicakiyuśkapi.

41 Unkan iye omniciye kin etanhan hdapi, qa *Jesus* caje kin on wowištece en awicaupi iyececa wicayawapi kin heon wiyuśkinpi.

42 Qa anpetu otoiyoħi tipi wakan kin ohna, qa tipi iyaza wahokonwicakiyapi, qa *Jesus* Mes-siya oyakapi ayaśtanpi śni.

WICOWOYAKE 6.

1 Unkan anpetu kin hena en, waonspewicakiyapi kin wanna wicota aya qehan, Helenes Hebrew oyate kin wicabapi, anpetu otoiyoħi wapamnipi kin en wiwazica wicayuhapi kin hena awicatonwanpi śni kin heon etanhan.

2 Hehan akenonpapi kin waonspewicakiyapi kin owasin wicakicopi qa hewicakiyapi; Wakantanka oie kin un kayuśtanpi, qa wahna wotapi wiyeya eunhnakapi kte cin hecetu śni.

3 Heon hunkawanjin unniyanpi enitanhanpi wicaśta owotanna

OĤANYANPI QON.

yawapi, qa Woniya Wakan wicoksape ko on ojupidan śakowin wicakahniga po; wicoĥan kin de yuhe wicunki-yapi kta.

4 Tuka unkiye qe cekiyapi qa wicoie oyakapi kin en ohinniyan ye unki-yapi kta ce.

5 Unkan wicoie kin he oyate kin owasin iyokipipi; qa Stephanos, wicašta wan wacinyanpi Woniya Wakan ko ojudan, kin he kaĥnigapi, qa Philip, qa Procoros, qa Nikanor, qa Timon, qa Parmenas, qa Nikolas Anti-yoka ekta en opekuyapi qon.

6 Hena yewicaşıpi kin wicacokaya ewicahdepi; unkan wocekiye eyapi, hehan nape on awicaputakapi.

7 Unkan Wakantanka oie kin icage qa Jerusalem en waonspe-wicakiyapi kin nina ota aya; qa wośna kagapi kin ota nakun wacinyanpi kin en opapi.

8 Unkan Stephanos wowacinye wowaśake ko on ojudan, taku on yuśinyayapi, qa wapetokeca tanka econ, oyate kin en.

9 Unkan wicašta wanjikji omniciye tipi wan, Wicakiyuśkapi tawapi ecuyapi kin hetanhan, qa Kurene qa Aleksandre wicašta kin, qa Kilikia qa Asia etanhanpi, hena en inajinpi qa Stephanos kici hdokinicapi.

10 Tuka Woksape Woniya ko on ie cin he okihipi śni.

11 Hehan wicašta opewicatoppi, unkan hena e, Wicašta kin de Moses qa Wakantanka nakun wicoie śica ewicakiya, naunĥonpi ce, eyapi.

12 Hecen oyate kin, qa hunkawicayapi, wowapi kagapi ko iyowicapaśtakapi; unkan anatanhipi, qa yuzapi, qa omniciye kin en ahipi.

13 Qa oitonśni waayatanin kin heca najin wicakiyapi; hena is

heyapi; Wicašta kin de tipi wakan kin de wicoope ko on taku śica eye cin ayaśtan śni.

14 Jesus Nazareth etanhan qon he tipi kin de ihangye qa, wicoĥan Moses unqupi qon hena yutokeca kta ce, eya naunĥonpi ce.

15 Unkan omniciye kin en iyotankapi kin owasin opalita yukanpi, qa ite kin he maĥpiya ohnihde wan ite kin iyececa wanyakapi.

WICOWOYAKE 7.

1 Hehan wośna kagapi itancan kin heya; Hena hecetu he.

2 Unkan iye hehan heya; Wicašta hunkawanjinciyapi, ateci-yapi ko anamagoptan po. Wowitan Wakantanka kin, Abraham ateunyanpi Mesopotamia en ounye ciqon, Carran en ahiti kin he itokam, en ikpazo;

3 Qa heciya; Nita makoce qa nitakuye kin etanhan ya wo, qa makoce wan cicipazo kte cin he ekta u wo, eciya.

4 Hehan Kaldeya makoce kin etanhan hiyu qa Carran en ahiti. Hen atkuku kin ta, unkan hetanhan makoce kin en nakaha oununyanpi kin den ahiti.

5 Unkan tawa kte cin siha oahe kin hinskokeca qu śni, tuka he yuhe kta qa iyohakam cinca kin yuhapi kta e qu kta iwahoya; nahahin cinca wanica.

6 Unkan Wakantanka kaken eya; He cinca kin makoce tokeca en unhdaka unpi kta; unkan hen wowidake wicayuhapi, qa waniyetu opawinge topa hehanyan śicaya wicakuwapi kta.

7 Qa oyate kin hena wowidag wicayuhapi kte cin he wicamdaco kta; qa he iyohakam etanhan hiyupi kta qa makoce kin

WICOWOYAKE 7.

den ohomadapi kta ce, Wakan-tanka eya.

8 Hehan bakilidayapi wicoope kin he qu. Unkan hecen Isaak cincaya, qa anpetu isahdogan hehan bakilidaya. Isaak Jakob hunkakewicayapi akenonpapi qon cincawicaya.

9 Unkan hunkakewicayapi qon Joseph inakiwizipi, qa Egipta ekta wiyopekiyapi. Tuka Wakantanka kici un;

10 Qa wokakije kin owasin etanhan ehdaku, qa Pharo Egipta wicastayatapi kin itokam wowaonsida woksape ko qu; unkan Egipta en wicasta itancan kaga, qa iye ti kin ocowasin en.

11 Hehan Egipta makoce Kanan ko owancaya wicaakihan, qa nina wicakakija; unkan hunkake wicunyanpi kin taku yutapi iyeyapi sni.

12 Tuka hehan Egipta heciya wamnaheza yukan, Jakob nahon, unkan hunkake wicunyanpi kin tokaheya ekta ye wicasi.

13 Unkan inonpa hehan, Joseph hunkawanjinwicaye cin sdonkiyewicakiye, qa hehan Joseph otakuye kin Pharo en oyakapi.

14 Hehan Joseph atkuku kin wahoye qa kico, qa takuwicaye cin owasin nakun, wicanagi wikcemna sakowin sanpa zaptan.

15 Hecen Jakob Egipta ekta apamahde iyaye qa hen ta, iye qa nakun hunkake wicunyanpi kin:

16 Unkan Sucem ekta awicayapi, qa wicahnakapi wan, Abraham Sucem atkuku Em-mor he cinca kin, mazaska on, opewicakicatun qon he en wicahnakapi.

17 Tuka anpetu wahoyapi, Wakantanka Abraham konza iwa-

hoye cigon he wanna kiyadan u, hehan oyate kin icage qa Egipta en ihduotapi.

18 Hehan wicastayatapi tokeca wan Joseph sdonye sni kin he icaga.

19 Unkan he qe takuwicunyanpi kin wicahnaye qa, hunkake wicunyanpi kin sicaya ecawicakicon, hecen hoksioqopa kin nipi kte sni e tankan ehpewicakiyapi qon.

20 He ehan Moses tonpi, he qe hoksioyopa owanyag waste linca; unkan wi yamni hehanyan atkuku ti kin ohna icahkiyapi.

21 Qa tankan ehpeyapi, hehan Pharo cunwintku kin eyaku, qa iye cinca kin hecen icahya.

22 Unkan Moses Egipta oyate wicoksape kin owasin onspekiyapi, qa wicoie, wicohan ko on wasaka.

23 Unkan wanna waniyetu wikcemna topa, hehan hunkawanjitku Israel cinca kin wanwicahdag ye kta wacinyuza.

24 Qa wanji sicaya ecakiconpi kin he wanhdake cehan, okiye qa sicaya ecakiconpi qon he tokicigon, qa Egipta wicasta kin kastaka.

25 Hunkawanjitku kin, iye nape kin on Wakantanka wiconi wicaqu kte cin he iyukanpi kta kecin, tuka okahnigapi sni.

26 Ihanhanna hehan ake kicizapi kin en taniniciye qa woo-kiye wicakicage kta wacin qa heya; Wicasta hunkawanjin yeciyapi, tokeca sicaya ecayeciconpi he.

27 Tuka tuwe takodaku kin sicaya ecakicon kin he paha iyye qa, Tuwe unkiyepi en wicasta itancan qa wayaco nicaga he.

28 Egipta wicasta litanihan yakte qon he iyecen mayakte kta he, eya.

OHANYANPI QON.

29 Wicoie kin de on Moses nape ça Madiyan makoce kin en hewotahedan un, qa hen hoksidan nom cinca wicaya.

30 Unkan wanna waniyetu wikcemna topa ihunniyan, hehan hewoskan makoce kin en Sina Paha kin hetu, can yuhaha wan ohna peta ide kin en, Itancan taohnihde wan taniniçiya.

31 Unkan Moses he wanyake cehan, wowanyake kin on yuşinyaya; qa tanyan wanyake kta e on kiyedan ya, hehan Itancan ho kin en tanin;

32 Qa, Nihunkake Wakantanka tawapi kin he miye; Abraham ta Wakantanka, Isaak ta Wakantanka, qa Jakob ta Wakantanka kin, eya. Unkan Moses cancan qa ekta etonwan okihi şni.

33 Unkan Itancan kin heciya; Nitahanpe kin hduşdoka wo, tukten nayajin kin he maka wakan ce.

34 Ekta ewatonwe ça, Egipta en mitaoyate token kakijapi kin he wanmdake ça comnihdazipi kin nawahon, qa wicawakiyuşke kta e on kun hibu; unkan nakaha u wo, Egipta ekta ye cişi kta.

35 Moses aktapi şni qa; Tuwe wicaşta itancan qa wayaco nicaga he, eciyapi qon he Wakantanka wicaşta itancan wanikiya ko kage ça ye şni, mahpiya ohnihde can yuhaha kin en taniniçiyeye cin he nape kin on.

36 Unkan hee tankan awicau, qa taku on yuşinyayapi wapetokeca ko, Egipta makoce kin en, Mde şa ekta, qa hewoskan makoce kin etu, waniyetu wikcemna topa hehanyan econ.

37 Moses Israel cinca kin; Hunkawanjin wicayayapi etanhan wicaşta wokcan wan miye

iyemaceca, Itancan Wankantanka nitawapi kin icalniciciyapi kta, he anayagoptanpi kta ce, ewicakiye ciqon he dee.

38 Qa hewoskan makoce kin ekta okodakiciye kin kici unqon hee, Sina paha kin etu, mahpiya ohnihde kin okiye ça nakun hunkake wicunyanpi kin; qa he wiconi oie kin unqupi kta e icu.

39 Unkan hee kin hunkake wicunyanpi kin anagoptonpi cinpi şni, tuka heyata iyeyapi, qa cantepi kin en Egipta ekta hdapi.

40 Qa Aaron heciyapi; Taku wakan unkitokam yapi kte cin unkiçaga po; Moses Egipta makoce kin etanhan unkaupi qon he tokiya iyaya sdonunyanpi şni ce.

41 Unkan anpetu kin hena en ptejicadan wan kagapi, qa wakagapi kin he taku wakiyuşnapi, qa iye nape kagapi kin on wiyuşkinpi.

42 Hehan Wakantanka ihduhomni, qa mahpiya ohnaka kin ohodapi kta e awicayuştan; wicaşta wokcan tawowapi en kagapi kin he iyececa; Israel ti kin woteca ktepi woşnapi ko, hewoskan makoce kin en, waniyetu wikcemna topa hehanyan mayaqupi he.

43 Unkan ito Molok tawakeya kin, qa Remphan taku wakan yadapi wicanhpi tawa kin he iyacupi; hena wakagapi kin itokam canpeşka makehde inayajinpi kta e yakagapi: Unkan ito Babulon akotanhan aciyapi kta ce.

44 Hunkake wicunyanpi kin hewoskan makoce kin en waayatani wakeya kin yuhapi; tuwe Moses okiye ça, token wanyake cin he iyecen kage kta keciye ciqon, hee yuştan qon iyececa.

WICOWOYAKE 8.

45 He hunkake wicunyanpi kin icupi, qa Joshua kici Ikecwicašta tamakoce kin en ahipi, hena e Wakantanka hunkake wicunyanpi itepi kin etanhan heyata iyaye wicaya, Dawid taanpetu kin hehanyan ;

46 He Wakantanka itokam wowaonsida iyeye ça, Jakob ta Wakantanka kin tipi wan iyekiciciye kta cin.

47 Tuka Solomon tipi wan kicaga.

48 Hececa tuka, Iyotan Wankan un kin tipi wicanape on kagapi kin ohna ti šni; wicašta wokcan hecen eye cigon ;

49 Małpiya kin he oiyotanke mitawa kin ee, qa maka kin he misiha oahe kin hee ; ecin tukte tipi miyecagapi kta he, qa tukten ozimiciye kta he.

50 Minape kin taku henana owasin kage šni he, Itancan kin eya ce.

51 Tahu nisutapi, qa cante nonge ko banicihdayapi šni kin, ohinnyan Woniya Wakan kin yakipajinpi, nihunkakepi econpi qon he niye iyencecapi.

52 Wicašta wokcan kin tukte wanji e nihunkakepi kin śicaya kuwapi šni he. Wanji Owotanna un kin he u kte cin tona oyakapi qon hena wicaktepi ; qa he qe uiś niyepi wanna iyopeyayapi qa yaktepi.

53 Małpiya ohnihde ahipi kin he eciyatanhan woope kin iyacupi, tuka tanyan yeciyuhapi šni ce, eya.

54 Unkan hena taku kin nationpi hehan, cante kin ekta nina iyoyakapi, qa hi ahdakokokapi.

55 Tuka iye Woniya Wakan kin ojudan małpiya ekta opahta yanke ça, Wakantanka towitan kin, qa Jesus Wakantanka etapa

kin eciyatanhan najin e he wanyaka ;

56 Qa heya ; Wanyaka po, małpiya kin yuzamnipi, qa Wicašta Cinhintkukin Wakantanka etapa kin eciyatanhan najin e wanmdaka ce, eya.

57 Hehan hotankakiya hotaninpi, qa nogepi kin ohmus hduzapi, qa tawacin wanjidan on iyahpayapi ;

58 Qa otonwe kin tankan elipeyapi, qa inyan on kininpi. Unkan waayataninpi kin wokoyake kin koška wan, Salos eciyapi, he siha kin en ekihnakapi.

59 Unkan Stephanos inyan on kininpi, he icunhan cekiye ça heya, Jesus Itancan, minagi kin ehdaku wo.

60 Hehan canpeška makehde inajin qa hotankakiya boyekiya ; Itancan woahtani kin de iyepi kin en awicau šni wo. Hena hecen eye ça hehan ištınma iyaya.

WICOWOYAKE 8.

1 Unkan he te cin Salos iyowinkiya. Unkan anpetu kin he en okodakiciye Jerusalem en un kin śicaya wicakuwapi tanka. Qa owasin Juda makoce qa Samaria ekta enanakiya iyewicayapi, yewicašipi kin henana yapı šni.

2 Unkan wicašta awacin unpi kin heca Stephanos yuha ayapi, qa nina akiceyapi.

3 Tuka Salos okodakiciye kin yutakuni šni wicakuwa, tipi iyaza tin iyaye ça, wica winyan ko wicayuze ça, wicakaška tipi kin en iyewicaya.

4 Heon etanhan tona enanakiya iyayapi qon hena owancaya iyayapi, qa wicoie kin oyakapi ece.

5 Hehan Philip Samaria oton-

OHANYANPI QON.

we kin ekta apamahde iyaye ça, Messiya owicakiyaka.

6 Unkan oyate kin Philip taku wapetokeca econ kin nahonpi qa wanyakapi qehan, taku tona oyake cin cante wanjidan on anagoptanpi.

7 Taku wakan síca hotankakinya hotaninyan tona wicayuhnaškinyanpi kin etanhan inanpapi, qa tona taťapike cin huštepi ko ota okizipi.

8 Unkan otonwe kin he en wi-
uškinpi tanka.

9 Unkan wicašta wan Simon eciyapi, otonwe kin he en wanakaja tanhan wapiyapi econ, qa Samaria oyate kin yušinyewicaye ça, iye wicašta tanka keiciya.

10 He owasin anagoptanpi, cistinpidan tankinkinyan ko, qa; Wakantanka towašake tanka kin he dee ce, eyapi.

11 Wanakaja tanhan wapiyapi econ kin on yušinyewicaye cin heon he anagoptanpi.

12 Tuka Wakantanka tokiconze kin, qa Jesus Messiya caje kin eciyatanhan taku Philip oyake cin hena wicadapi qehan baptem wicaqupi, wica winyan ko.

13 Qa Simon ís eya wicada, qa baptem qupi; hehan Philip kici un, qa wowakta taku wapetokeca tanka ko wanyake cin heon yušinyaya.

14 Unkan Jerusalem ekta yewicašipi kin, Samaria Wakan-
tanka oie kin icupi kin he nahonpi qehan, Inyan qa Johannes kici ekta ye wicašipi.

15 Hena e ekta apamahde hipi, qa Woniya Wakan icupi kta heon wocekiye ewicakiciyapi.

16 He nahahin tuwedan ahinhe šni, Jesus Itancan caje kin on baptem wicaqupi kin hecedan.

17 Hehan nape on awicaputakapi, unkan Woniya Wakan kin icupi.

18 Unkan yewicašipi kin nape on awicaputakapi kin he eciyatanhan Woniya Wakan wicaqupi kin he Simon wanyaka, hehan mazaska wicakahi;

19 Qa heya; Tuwe nape on awaputake cinhan he Woniya Wakan icu kta e wowašake kin he maqu po.

20 Tuka Inyan heciya; Mazaska nitawa kin niye kici atakuni šni nunwe. Taku Wakan-
tanka wicaqu ece kin he mazaska on opetonpi kta kecanni kin heon etanhan.

21 Wicoie kin de en oyape šni qa takudan nitawa šni; Wakan-
tanka itokamya nicante kin owotanna šni.

22 Heon etanhan taku síce cin de on iyopeičiye ça, Wakantanka cekiya wo, nicante taku awacin kin nicicajupupi nun ce.

23 Nahanhin pizi pa linca, qa woalitani icaške kin en yaun e wanmdaka ce.

24 Hehan Simon ayupte ça heya; Taku ehapi kin takudan mahiyahde kte šni heon niš ito miye on Itancan kin cekiya po.

25 Unkan wanna yaotaninpi, qa Itancan oie kin oyakapi qehan, Jerusalem ekta icicawin hdapi, qa Samaria otonwe ota kin en wotanin wašte kin oyakapi.

26 Unkan Itancan taohnihde ye cin Philip okiye ça heciya; Najin qa itokahkiya, canku wan Jerusalem hetanhan iyaye ça Gaza en iyohpaye cin he en i wo, he hewoskan kin ee.

27 Hehan iye najin, qa iyaya. Unkan iho, Ethiopa wicašta wan yunokos heca, Ethiopa wicašta-

WICOWOYAKE 9.

yatapi winohinca, Kandake eciyapi, he ihukuya wicašta tanka, qa woyuha tawa kin owasin kiciyuha un kin, he Jerusalem ekta cekiye kta e i.

28 Qa he wanna hde ca canpahmihma ohna kiyotanke ça, İsa-ya wicašta wokcan kin he yawa yanka.

29 Unkan Woniya Wakan kin Philip heciya; Ekta ye ça canpahmihma kin de kici ya wo.

30 Hehan Philip ekta inyang ye ça İsa-ya wicašta wokcan kin yawa yanke cin he nahon qa; Taku dawa kin he oyakahniga he, eciya.

31 Unkan; Tuwedan onspemakiye şni ecin token owakihi kta he, eye ça; Philip en u qa kici iyotanke kta, keya.

32 Wowapi yawa yanke cin iapi kin he dee; Tahinca wan ktepi kte cin en aipi, qa tacincadan hin wicayuşda kin itokam inina yanke cin, he iyecen iş iye i hdukawa şni.

33 Wicawahpanica en un qehan, yacopi kin he ekiciyakupi; qa wicoicage tawa kin tuwe oyake kta he; wiconi tawa kin maka kin etanhan ayapi ce.

34 Hehan yunokos kin Philip ayupte ça heciya; Ceciciya ce, tuwe on wicašta wokcan kin hena hecen cya he, iye içica qa iş wicašta tokeca ka.

35 Hehan Philip i hdukawa qa wowapi kin he etanhan ie ça Jesus e okiyaka.

36 Unkan canku kin ohna hda-
pi, qa mini yuke cin wan iyohipi. Hehan yunokos kin; Mini wan-
yaka wo, baptem maqupi kta e taku tehinda kta he, eya.

37 Unkan Philip, Nicante kin ocowasin on wicayada kinhan enicicetu kta, eciya. Hehan iş ayupte ça; Jesus Messiya he

Wakantanka Cinhintku kin ee wicawada ce, eya.

38 Hehan canpahmihma kin owanji yanke şı; qa mini kin ekta kun iyayapi, Philip qa yunokos kin; unkan baptem qu.

39 Unkan mini kin etanhan hdicupi qehan, İtancan Taniya kin Philip eyaku, qa yunokos kin ake wanyake şni; unkan canku kin ohna iyuşkinyan hda.

40 Tuka Philip Azotos ekta iyekiyapi; qa otonwe kin owasin opta ye ça wotanin wašte kin oyaka, ecen Kesareya ekta iyohi.

WICOWOYAKE 9.

1 Unkan Salos waaiapi tin wicaktepi ko İtancan waonspewicakiye cin awicapogan, woşna kagapi itancan kin en i;

2 Qa Damaskos en omniciye tipi kin ekta wowapi da; hecen canku kin de ohna yakonpi kin tona iyewicaye kte cin, wicawinyan ko, Jerusalem ekta kaşka awicahdi kta e heon.

3 Unkan icimani ye cin Damaskos ikiyedana ya; unkan ihnuhanna ojanjan wan mahpiya eciyatadhan ihdukşan iyoyanpa.

4 Hehan makata hinlipaye çehan, wicaho wan nahon, Salos, Salos, tokeca şicaya mayakuwa he, eciya.

5 Unkan iş; İtancan nituwe he, eya. Hehan İtancan kin iş; Jesus şicaya yakuwa kin he miye; can pesto kin nayahtake cin he tehika ce, eya.

6 He cancan qa yuşinyaye ca; İtancan taku ecamon yacin he, eya. Unkan İtancan kin; Najin qa otonwe kin ekta ya wo, token ecanon kte cin oniciyakapi kta ce, eciya.

7 Unkan wicašta om icimani kin yuşinyaya najinpi, wicaho

OĤANYANPI QON.

kin naĥonpi tuka tuwedan wan-
yakapi ŝni.

8 Unkan Salos maka kin etan-
han najin qa iŝta kamdaya he-
han, tuwedan wanyake ŝni ; un-
kan nape on yus ayapi, qa Da-
maskos ekta aipi.

9 Unkan anpetu yamni wawan-
yake ŝni un ; qa takudan yute
ŝni qa yatke ŝni.

10 Unkan Damaskos en waon-
spekiyapi wan, Ananias eciyapi,
he wowihanmde en Itancan kin ;
Ananias, eciya. Unkan iŝ ; Itan-
can, de miye ce, eya.

11 Hehan Itancan kin heciya ;
Najin qa canku wan Owotanna
eciyapi kin he ekta ye a Judas
ti kin en Salos eciyapi, Tarsos
etanhan he akita wo ; wanna
cekiya un ;

12 Qa wowihanmde wan en wi-
caŝta wan Ananias eciyapi tin
hiyu, qa tonwe kta e on nape on
aputake cin he wanyaka ce.

13 Hehan Ananias ayupta ; I-
tancan, wicota etanhan wicaŝta
kin he Jerusalem ekta, tona owo-
tanna wicaduhe cin taku ŝica
ecawicakicon kin hena nawa-
ĥon ;

14 Qa deciya nakun woŝna ka-
gapi kin eciyatanhan wowaŝake
yuha un, tona nicaje hoyekiyapi
kin hena owasin wicakaŝke kta
ce, eya.

15 Tuka Itancan kin iŝ heciya ;
Hunktiya wo, wakŝica wakaĥni-
ge cin he wanji ee, micaje kin
Ikcewicaŝta, qa wicaŝtayatapi
kin Israel cinca ko itokam yuha
un kta :

16 Qa micaje kin on taku token
kakije kte cin he wakipazo kta
ce, eya.

17 Hehan Ananias ye a, tipi
kin timahen iyaye a, nape on
aputake a heya ; Salos mihun-
kawanji, yatonwe a Woniya

Wakan on onijudan kta e Itan-
can kin u maŝi ; Jesus canku
ohna yau kin en taniniiye ci-
qon hee.

18 Unkan ihnuhanna taku ho-
ceŝpu kin iyecea iŝta kin etan-
han hinĥpaya ; unkan ecahan-
keya tonwe a najin, qa baptem
qupi.

19 Unkan taku yutapi icu qe-
han, waŝaka aya. Unkan Salos
anpetu tonana waonspewicaki-
yapi kin, Damaskos en yakonpi,
hena om un.

20 Qa kohanna omniciye tipi
kin ohna Messiya he Wakantan-
ka Cinhintku kin ee ce, eya oya-
ka.

21 Unkan tona naĥonpi kin
owasin yuŝinyayapi qa heyapi ;
Jerusalem ekta tona wicacaje
kin de hoyekiyapi kin ŝicaya
wicakuwa, qa nakaha wicakaŝke
a, woŝna kagapi kin ekta awi-
caye kta e on den hi kin he dee
ŝni he.

22 Tuka Salos sanpa waŝaka
icage a Juda wicaŝta Damaskos
ekta yakonpi kin hena inina yan-
ke wicakiye a, He Messiya
kin ee e yawicaka.

23 Wanna anpetu ota hehan
Juda oyate kin he e yapi kta e
akiiapi.

24 Tuka hecen konzapi kin he
Salos sdonya. Unkan ktepi kta
e anpetu hanyetu ko otonwe ti-
yopa kin awanĥdakapi.

25 Hehan waonspewicakiyapi
kin hanyen icupi, qa makanopi-
ye wan ohna otonwe conkaŝke
kin etanhan kun iyeyapi.

26 Unkan Salos Jerusalem en
hdi qehan, waonspewicakiyapi
kin om un kta cin ; tuka owasin
kokipapi, qa wanna waonspeki-
yapi kin heca e wicadapi ŝni.

27 Tuka Barnabas he icu, qa
yewicaŝipi kin en ahi, qa token

WICOWOYAKE 10.

tapehi Itancan kin wanyake ça, he okiye ça, token Damaskos ekta Jesus caje kin on waditagya oyake cin hena owicakiyaka.

28 Unkan Jerusalem ekta om un, qa timahen u qa tankan ya ece; qa Jesus Itancan kin on waśagya woyaka.

29 Qa Helenes oyate kin om hdokinica. Tuka hena ege he ktepi kta akitapi.

30 Hunkawanjin kiciyapi kin he sdonyapi, unkan Kesareya ekta aipi, qa Tarsos heciya hde śipi.

31 Hehan okodakiciye kin Juda makoce kin owancaya, qa Galile, qa Samaria ekta wookiye yuhapi, qa icagapi; qa Itancan kin kokipeyahan manipi, qa Woniya Wakan wicakicanpte cin en *unpi*, qa hecen ihduotapi.

32 Unkan Inyan *makoce* kin owasin opta iyaye çehan, Ludda ekta wicaśta owotanna yukanpi kin hena en wicahiyohi.

33 Qa wicaśta wan Eneas eciyapi hen wanyaka; he waniyetu śahdogan makan wanka, řařaka ececa.

34 Unkan Inyan; Eneas Jesus Messiya asniyan, najin qa owinja hdatata wo, eciya. Unkan ihnuhanna najin hiyaya.

35 Unkan tona Ludda qa Saron en yakonpi kin owasin he wanyakapi, qa Itancan kin ekta ihduhomnipi.

36 Unkan Joppa ekta waonspekiyapi wan Tabitha eciyapi, he Tatokadan eyapi kin he kapi; winolinca kin he ohan wašte qa taku wacantkiya econ kin ojudan:

37 Unkan he anpetu kin hena en wayazanka, qa řa iyaya. He yujajapi qehan, wankan tipi wan ekta ehnapapi.

38 Unkan Ludda Joppa ikiyedandan, qa Inyan hen un kin waon-

spewicakiyapi kin nalionpi qon, heon wicaśta nom ekta ye wicaśipi, qa ecadan en wicau kta e iwahoyapi.

39 Hehan Inyan najin qa hena om hda. Ekta i, unkan wankan tipi kin en aipi, unkan wiwazica kin owasin en najinpi, qa ohde wokoyake ko, Tabitha ni un qehan, kage ciqon hena pazo yan-kapi, qa ceyapi ece.

40 Tuka Inyan hena owasin tankan iyewicaye ça, canpeśka makehde inajin qa wocekiye eya, hehan tancan wanke cin ekta ihdamna qa; Tabitha, najin wo, eya. Unkan iśta kamdaye ça Inyan wanyake çehan iyotanka.

41 Unkan nape yekiye ça najinkiya; qa wicaśta owotanna wiwazica ko wicakico qehan, he ni un e wicakipazo.

42 Unkan Joppa owancaya he otanin, qa wicota Itancan kin wacinyanpi.

43 Unkan Inyan anpetu ota Joppa en, wicaśta wakpanyan wan Simon eciyapi, he kici yan-ka.

WICOWOYAKE 10.

1 Unkan Kesareya en wicaśta wan Kornelios eciyapi, akicita opawinge obe wanjidandan, Italike eciyapi, kin he en itancan kin hee;

2 Wicaśta wakinihan, qa Wakantanka kokipeyahan un, tiyohnaka kici; qa oyate kin nina cantewicakiya, qa ohinniyan Wakantanka cekiya un ece.

3 He qe anpetu wan en, napecinwanka apa hehantu, wowanyake wan en, Wakantanka tao-hnihde wan en hi, qa, Kornelios, eciye cin he taninyan wanyaka.

4 Unkan he opalita yanke ça inihan qa; Itancan taku he, eya.

OHANYANPI QON.

Unkan ís ito heciya ; Wocekiye nitawa qa wacantkiya oyahande cin he Wakantanka itokam kiksuyapi.

5 Heon nakaha Joppa ekta wicašta ye wicaši, qa Simon Inyan eciyapi kin he kico wo.

6 Wicašta wakpanyan wan Simon eciyapi ti kin miniwanca kahda han, he kici yanka. He token ecanon kte cin oniciyake kta ce.

7 Unkan małpiya ohnihde Kornelios okiye cin he wanna kihda, hehan tiawanyag wicakiye cin nom, qa akicita wašte ohinniyen tankiyadan wicahduhe cin wanjidani, hena wicakico ;

8 Qa hena taku kin owasin owicakiyake çehan, Joppa ekta ye wicaši.

9 Unkan icimanipi, qa ihanhanna wanna otonwe kin ikiyadan, hehan Inyan tipi kin akan wocekiye eya iyaya, wanna wiyotanhe cin hehantu.

10 Nina wotektehda, qa wote kta cin, tuka taku yutapi wiyeya ehnakapi kin he icunhan wokiksuye šni wan ahinłpaya.

11 Unkan małpiya kin yuzamnipi e wanyaka, qa heciyatanhan taku wan minihuha ska tanka iyececa, oise topa kin iciyakaškapi he kutkiya u, qa maka kin ahe kiyapi.

12 He ohna taku maka akan wahutopa ocaje owasin, qa woteka, qa watutka, qa małpiya okinyanpi kin.

13 Unkan wicaho wan tanin qa ; Inyan, najin, qa kte, qa yuta wo, eciya.

14 Tuka ís ; Itancan, hecetu šni, tohinni taku ikceka qa ašape cin wate šni ce, eya.

15 Unkan ake icinonpa wicaho kin tanin qa ; Taku Wakantan-

ka pakinte cin he ikceka eciye šni wo, eya.

16 Yamni akihde hecen econpi, qa hehan taku kin he małpiya kin ekta akiyahdapi.

17 Unkan Inyan wowanyake wanyake cin he taku kin iyukan šni un, he icunhan, ito wicašta Kornelios u wicaši qon hena Simon ti kin akitapi, qa wanna tiyopa kin itokam en hinajinpi ;

18 Qa panpi qa ; Simon Inyan eciyapi den yanka he, eya iwicawangapi.

19 Wowanyake kin he Inyan awakicin un kin he icunhan, Woniya Wakan kin heciya ; Wanyaka wo, wicašta yamni onidepi.

20 Heon najin qa kun hde ça, takudan cełunhda šni om ya wo, hena u wicawaši ce, eya.

21 Hehan Inyan wicašta Kornelios u wicaši qon hena ekta kun wicai, qa ; Tuwe ayakitapi kin he miye ce ; taku on yahipi he, ewicakiya.

22 Unkan ís heyapi ; Kornelios akicita opawinge wicayuhe cin, wicašta owotanna, qa Wakantanka kokipeyahan un he Juda oyate kin iyulıpa oyakapi, hee małpiya ohnihde wakan wan okiye ça, tuwe nihuwe u wicaši, qa iye ti kin ohna nioie kin nahon kta, keya ce, eyapi.

23 Hehan tin u wicaši qa won wicaya. Unkan ihanhanna Inyan hena om hda, unkan Joppa etanhan hunkawanjinkiciyapi kin wanjikji opapi.

24 Unkan ihanhanna qehan Kesareya iyohipi. Unkan Kornelios tona takuwicaye ça koda wicaye cin hena wicakico, qa om ape yanka.

25 Unkan Inyan en u, hehan Kornelios itkokim ye ça, siha

kin en makata ehpeiciye ça ce-kiya.

26 Tuka Inyan is najin kiye ça; Najin wo, mis eya wima-
cašta ce, eya.

27 Qa kici wohdaka ecen tipi kin timahen i, qa wicota mnici-
yapi kin wanwicayaka.

28 Hehan hewicakiya; Tuwe Juda wicašta kin heca e oyate tokeca etanhan wan kici un, qa en hi kin he hecetu šni e sdon-
yayapi, tuka tuwedan wicašta ikceka qa ašape cin ewakiye kte šni he Wakantanka sdoney ma-
kiya.

29 Heon etanhan mahuwe ipi kin ecen waceŕunhda šni hibu, heon taku on miyecopi hecinhan he iciwangapi, eya.

30 Unkan Kornelios heya; Wanna ehantanhan anpetu topa he ehan, qa nakaha oape kin de-
hantu, wote šni waun, qa napecin-
wanka ape cin hehan wati kin en cekiya waun; unkan wicašta wan wokoyake wiyatpa koyake cin he en mahinajin;

31 Qa, Kornelios wocekiye ni-
tawa kin he naŕonpi, qa taku wacantkiya ecanon kin he Wa-
kantanka itokam kiksuyapi ce.

32 Heon Joppa ekta tuwe ye ši, qa Simon Inyan eciyapi kin he kico wo; he wicašta wakpan-
yan wan, Simon eciyapi, ti kin miniwanca kahda he cin he ohna yanka. He hi kinhan taku eniciye kta ce, eya.

33 Heon kohanna wahociya; qa yahi kin he tanyan ecanon. Heon nakaha unkiyepi kin owa-
sin Wakantanka itokam unkanpi, taku Wakantanka eye niši kin owasin naunhonpi kta ce

34 Hehan Inyan i hdukawa qa heya; Awicakehan Wakantan-
ka wicašta itohnake kin iwanya-
ke šni e imdukcan.

35 Tuka oyate otoiyoŕi en, tu-
we kokipeyahan un, qa owotan-
na oŕanye cin he waštaedaka ece.

36 Jesus Messiya kin, owasin en Itancan kin hee, he eciya-
tanhan wicoie Israel cinca kin wookiye iwahowicayapi qon.

37 Wicoie kin he sdonyayapi, Juda makoce kin owancaya oya-
kapi, Galile etanhan, Johannes baptem oyake cin hehan tanhan.

38 Jesus Nazareth etanhan kin he Wakantanka sdakiya, Wo-
niya Wakan wowasake ko on; qa he qe taku wašte econ iyaya ece, qa tona taku wakan šica wi-
cayuhnaškinyan kin hena okizi-
wicaya ece, Wakantanka kici un kin heon.

39 Qa taku Juda oyate tama-
koce, qa Jerusalem ekta econ qon owasin unyaotaninpi ece. He iye kin ktepi, qa can wan akan otkeyapi qon.

40 Tuka anpetu iciyamni qe-
han Wakantanka piya icalŕkiye ça, taninyan wicakipazo.

41 Oyate kin iyuhpa šni, tuka tona otokaheya ekta Wakantan-
ka wicakalinige cigon hena en, waayataninpi kin unkiyepi, wi-
conŕe etanhan piya ikicage cin iyohakam kici wauntapi qa wa-
unyatkanpi ece.

42 Unkan oyate kin wahokon-
wicakiye unšipi qa nipi ŕapi ko en wayaco Wakantanka kage cin he iye ce, eya oyake unšipi.

43 He wicašta wokcan kin owasin oyakapi; iye caje kin eciyatanhan tuwe wicada kin-
han woalŕtani wokajuju kin yuhe kta ce.

44 Wicoie kin dena Inyan ecen eye cin he icunhan, tona oie kin naŕonpi owasin Woniya Wakan kin awicahinhpaya.

45 Unkan bakihdayapi kin etan-

OHANYANPI QON.

hanpi tona wicadapi qon, tona Inyan kici hipi kin hena yuſin-yayapi, Woniya Wakan wicaqupi ece kin he Ikcewicaſta iyepi kaeſ awicakaſtanpi kin heon etanhan.

46 Wicaceji tokeca on iapi, qa Wakantanka yatanpi kin he naſonpi. Hehan Inyan waayupte ca;

47 Tuwe mini tehinda okihi, qa hena baptem wicaqupi kte ſni he; hena ege unkiyepi kin iyecen Woniya Wakan kin icupi ce, eya.

48 Hehan Itancan caje kin on baptem wicaqu wicaſi. Hehan anpetu ota en yanke kta e icekiyapi.

WICOWOYAKE 11.

1 Unkan yewicaſipi kin hun-kawanjinkiciyapi ko, Juda makoce kin en yakonpi qon, Ikcewicaſta Wakantanka oie icupi kin he naſonpi.

2 Unkan Inyan Jerusalem en hdi kin, hehan tona bakiſdayapi kin etanhanpi qon he kici akini-capi;

3 Qa heyapi, Wicaſta bakiſdayapi ſni kin heca en wicayai, qa om wayata ce.

4 Hehan Inyan wohdake ca owasin ecekcen owicakiyake ca heya;

5 Joppa otonwe kin en, wocekiye eya waun, unkan wokiksuye ſni wan en taku wowanyake wanmdaka, taku wan miniſuha ska tanka iyececa, oise topa kin iciyakaſkapi maſpiya kin eciyatanhan kun aupi, qa miye ekta mahiyohi.

6 He opaſta manke ca awacin waun, unkan maka akan taku wahutopa, qa wamanica, qa watutka, qa maſpiya okinyanpi kin wanmdaka.

7 Unkan wicaho wan; Inyan najin, qa kte, qa yuta wo, emakiye cin he nawalſon.

8 Tuka miſ; Itancan hecetu ſni, taku ikceka qa aſape cin tohinni mii kin ohna iyaye ſni, epa.

9 Tuka maſpiya kin eciyatanhan wicaho kin ake amayupta; Taku Wakantanka pakinte cin he ikceka eciye ſni wo, eya.

10 Yamni akihde hecen econpi, qa hehan maſpiya kin ekta owasin hdokiyahdapi.

11 Unkan ito wicaſta yamni, Kesareya etanhan miye ekta mahiyu ſipi qon, hena wanna tipi ohna waun kin itokam hina-jinpi.

12 Hehan Woniya Wakan kin iſ; Takudan ceſunwicahda ſni hena om yahde kta ce, emakiya. Unkan hunkawanjinkiciyapi kin dena ſakpe om indamde ca wicaſta qon he ti kin en unkipi.

13 Hehan iye, token maſpiya ohnihde wan iye ti kin en hina-jin wanyake ciqon he unkokiya-kapi; hee kin kaken eciya; Joppa ekta wicaſta ye wicaſi, qa Simon Inyan eciyapi kin he u ſi wo.

14 He taku eniciye kte cin on yani kta, qa nakun tiyohnaka nitawa kin owasin, eya ce, eya.

15 Unkan miſ tokaheya iwac cin, hehan Woniya Wakan kin awicahinſpaya, tokag ehan unkiyepi kin en hi qon iyececa.

16 Hehan Itancan oie qon weksuya; Awicakehan Johannes mini on baptem wicaqu, tuka niyepi kin Woniya Wakan on baptem niçupi kta ce, eye ciqon he.

17 Hecen unkiye Jesus Meſiya Itancan kin wicaundapi, Wakantanka taku unqupi qon he iyecen wicaqu kinhan, miſ

WICOWOYAKE 12.

matuwe he, Wakantanka anawap-
te kta owakili he.

18 Hena oie kin nahonpi un-
kan inina yukanpi qa Wakan-
tanka yatanpi qa heyapi; Awi-
cakehan Ikcewicašta on nipi kta
e ihduacetupi kin Wakantanka
wicaqu ce.

19 Unkan Stephanos te cin on
šicaya wicakuwapi qon, heon
enanakiya iyewicayapi kin hena
Phenike, qa Kupros, qa Antiyoka
ekta ipi, qa wicoie kin Juda oya-
te kin ecedan owicakiyakapi.

20 Unkan hena wanjikji Ku-
pros qa Kurene wicašta kin he-
ca, hena Antiyoka en hipi qe-
han, Helenes wicašta kin wowi-
cakiyakapi, qa Jesus Itancan
kin oyakapi.

21 Unkan Itancan nape kin he-
na om un, qa wicota wicadapi,
qa Itancan kin ekta ihduhomni-
pi.

22 Hena taku kin okodakici-
ye Jerusalem en un kin nogepi
kin en otanin, hehan Barnabas
Antiyoka ekta i kta e ye šipi.

23 He ekta i, unkan Wakan-
tanka towaonšida kin wanyake
čehan iyuškin, qa cante kin oco-
wasin on Itancan kin opapi kta
e owasin iwahokonwicakiya.

24 He wicašta wašte, qa Wo-
niya Wakan wacinyanpi ko on
ojudan. Unkan wicota Itancan
kin opapi.

25 Hehan Barnabas Salos aki-
te kta e Tarsos ekta iyaya. He
iyeya, unkan Antiyoka en ahdi.

26 Qa waniyetu mdoketu ahna,
tipi wakan kin en mniciyapi, qa
oyate ota waonspewicakiyapi;
unkan Antiyoka ekta, waonspewi-
cakiyapi kin tokaheya Kris-
tian ewicakiyapi.

27 Unkan anpetu kin hena en,
wicašta wokcan Jerusalem etan-
han Antiyoka ekta hipi.

28 Hena wanji, Agabos eciyapi
kin he inajin, qa maka kin owan-
caya wicaakilihan wan tanka u
kta e Woniya Wakan kin eciya-
tanhan oyaka. Unkan he Kla-
dios Kesar taanpetu kin en ece-
tu.

29 Unkan hehan waonspewica-
kiyapi kin otioyohi, token oki-
hipi kin, hecen hunkawanjitektupi
Juda makoce kin en yakonpi
kin, wawokiyapi kin wicaqupi
kta e konzapi.

30 Hecen econpi, qa Barnabas
Salos kici napepi kin on hunka
wicayapi kin wicakai wicašipi.

WICOWOYAKE 12.

1 Unkan hehan Herod wica-
štayatapi kin okodakiciye kin
wicakiyuše kta e nape yekiya;

2 Qa Jakob Johannes cincu
qon he mazasagye on kte.

3 Qa he Juda oyate kin iyoki-
pipi e wanyake čehan, Inyan
nakun yuze kta aya; aguyapi
on napohyapi codan anpetu kin
he ehan.

4 Unkan he iyahpaye čehan,
wicakaška tipi kin en ehna ke ča
akicita ake šakpe awanyag wi-
caši, wošnapi kin enakiyapi kin-
han oyate kin ekta tankan au
kta kecin.

5 Hecen Inyan wicakaška tipi
kin ohna awanyakapi; unkan on
okodakiciye kin Wakantanka
nina cekiyapi.

6 Unkan Herod wanna tankan
au kta hehan, hanyetu kin he en
Inyan akicita nom, unma itan
anokatanhan iština wanke ča,
maza icicahila nom on iyaka-
škapi, qa tiawanyag kiyapi kin
hena tiyopa kin itokam wicaka-
ška tipi kin awanyakapi.

7 Unkan inyun, Itancan taohni-
hdeye cin en hi, qa ojanjan wan

OĤANYANPI QON.

wicakaška tipi kin en iyoyanpa ; unkan Inyan cuwi kin en ape a najin kiye a heya ; Kohanna najin wo. Unkan maza icicakiha kin nape kin etanhan hinĥapa-ya.

8 Hehan maĥpiya ohnihde kin ; Ipihdag kiton a hanpokihan wo, eciya. Unkan is ecen econ. Hehan ; Sina hdown a miyahnna u wo, eciya.

9 Hehan tankan ya ; unkan is eya ihakam ye a, maĥpiya ohnihde taku ecakicon kin he wicakapi kin sdoneyeni ; tuka wowanyake wan wanyaka kecin.

10 Unkan wicakašta tipi tokaheya a iyokihe kin etanhan hinanpapi, hehan maza tiyopa kin en iyohipi, he otonwe kin ekta iyahde, he iye cinka wicakiyuhdog iyaya. Unkan tankan yapi, a canku wanjidan ihunnipi, hehan maĥpiya ohnihde kin ehpeya kihda.

11 Unkan Inyan kiksuya hinhda a heya ; Nakaha awicakehan Itancan kin ohnihde tawa kin u si, a Herod nape kin, Juda oyate apeci ko, owasin etanhan emahdaku e sdonwakiya ce.

12 Unkan he awakicin qehan, Johannes Markos eciyapi kin, he hunku Mary ti kin ekta i, hen wicota mniciyapi, a cekiya yukanpi.

13 Unkan Inyan tipi tiyopa kin kabubu yanke cin he icunhan, wicinyanna wan Rhoda eciyapi, he ekta wanahon i :

14 a Inyan ho kin iyekiye cehan, wowiyuskin on tiyopa yuhdoke sni, tuka inyang hdicu a, Inyan tiyopa kin itokam najin e oyaka.

15 Unkan, Niyuhnaskinyanpi ce, eciyapi. Tuka is hecen eya kitan. Hehan, Maĥpiya ohnihde tawa kin hee ce, eyapi.

16 Tuka Inyan katinyan tiyopa kin kabubu yanka. Unkan yuhdokapi a wanyakapi hehan yušinyayapi.

17 Tuka imina yukanpi kta e namwicakicawin, a token on Itancan kin wicakaška tipi kin etanhan tankan hiyu kiye cin he owicakiyaka. a heya, Jakob a hunkawanjinkiciyapi kin hena oie kin owicakiyaka po. Hehan tankan kinape a token iyaya.

18 Unkan anpa kamdeze cin hehan Inyan toki iyaye cin he akicita kin nina aqoyapi.

19 Unkan Herod akita, tuka iyeye sni hehan, tiawanyag wicakiyapi kin hena wiwicawange a, wicaktepi kta e konza. a hehan Juda makoce kin etanhan apamahde iyaye a Kesareya en ounyan.

20 Unkan Herod Turos a Sidon oyatepi kin wicakize wacin ; tuka hena e wicocante wanjidan en hipi, a Blastos wicaštayatapi ohehdepi tipi tawa kin awanyake cin he yuwaštepi qehan, wookiye dapi ; iye tamakocepi kin wicaštayatapi tawa kin on icaliyapi kin heon etanhan.

21 Unkan anpetu wan cajeyatapi qon he en Herod wicaštayatapi ihduze a, woyaco oiyo- tanke kin akan kiyotanke a, wowicakiyaka.

22 Hehan oyate kin hotankakiya hotaninpi a ; He wicaho sni, Wakantanka ho kin hee ce, eyapi.

23 Unkan ihnuhanna Itancan taohnihde ye cin he kaštaka, Wakantanka wowitan qu sni kin heon etanhan. Unkan wamduškadan yutapi a hecen ta iyaya.

24 Tuka Wakantanka oie kin icage a tankaya aya.

WICOWOYAKE 13.

25 Unkan Barnabas Salos kici wawokiyapi qon hduŝtanpi qehan, Jerusalem etanhan hdicupi, qa Johannes Markos eciyapi qon he yuha hdapi.

WICOWOYAKE 13.

1 Unkan Antiyoka ekta okodakiciye kin en wicaŝta wokcan waonspekiya ko wanjikji yukan; Barnabas, qa Simeon he nakun Niger eciyapi, qa Lukios Kurene etanhan, qa Manaen, Herod wicaŝta ihdawa qon kici icage cin hee, qa Salos.

2 Hehan Itancan kin cekiyapi qa wote ŝni unpi kin icunhan, Woniya Wakan kin heya; Barnabas Salos kici wokicanye iwicaweco kin heon ewicamicihde po, eya.

3 Unkan hehan takudan yute ŝni wocekiye eyapi, qa nape awicaputakapi, hecen ye wicaŝipi.

4 Hena Woniya Wakan tokiya ye wicaŝi, unkan Selukiya ekta iyohipi, qa hetanhan Kupros ektakiya watom yapi.

5 Qa Salamis en iyukanpi hehan, omniciye tipi Juda oyate tawapi kin ohna Wakantanka oie kin oyakapi, qa Johannes he oociye yuhapi.

6 Unkan wita kin opta yapi, qa Paphos ekta iyohipi qehan, wicaŝta wapiyapi econ kin, wicaŝta wokcan itonŝni, Juda wicaŝta kin heca wan, Barjesus eciyapi he wanyakapi:

7 He Sergios Palos, wicaŝta ksapa, makoce kin en itancan yanke cin he kici un. He qe Barnabas qa Salos kici wicakico, qa Wakantanka oie kin nation cin.

8 Tuka Elumas wapiye cin, caje kin hecen kapi, he wicakipajin, qa wicaŝta itancan kin

wacinyanpi kin etanhan yuhomni kta e akita.

9 Hehan Salos, iye nakun Palos eciyapi, Woniya Wakan on ojudan he opalita najin,

10 Qa lieya; Taku wohnyaye owasin on ojudan, qa wicohan ŝica owasin, Wakan ŝica cinca niye qa, taku owotanna owasin toka yaye cin, Itancan tacanku owotanna kin kaŝeyaye cin he aduŝtan kte ŝni he.

11 Hecen dehan inyun, Itancan nape kin iyahdeniyan; unkan anpetu ota iŝta nigonge qa anpetu wi kin wandake kte ŝni, eciya. Unkan ihnuhanna opo, qa otpaza wan ahinhpaya; qa tuwe nape yus aye kta e akin iyaya.

12 Hehan taku econpi kin wicaŝta itancan kin wanyake qehan wicada, qa Itancan tawoon-spe kin on yuŝinyaya.

13 Unkan Palos tona om un kin hena Paphos etanhan pacanan iyeyapi, qa Pampuliya ekta Perge en iyohipi. Hehan Johannes awicayuŝtan qa Jerusalem ekta icicawin hda.

14 Hehan Perge etanhan inanpapi, qa Antiyoka Pisidiya en, he ekta ipi, qa anpetu wakan hehan omniciye tipi kin en tin iyayapi, qa iyotankapi.

15 Unkan woope, qa wicaŝta wokcan tawowapi kin, hena yawapi enakiyapi qehan, omniciye tipi kin en wicaŝta itancan wicakiyapi kin iŝ wicakicopi qa, Wicaŝta hunkawanjin unniyanpi wicakicanpte oie wanji duhapi kinhan oyate kin owicakiyaka po, ewicakiyapi.

16 Hehan Palos najin, qa namwicakicawin qa heya, Israel wicaŝta, qa tona Wakantanka koki-papi kin anagoptan po.

17 Israel oyate kin de Wakan-

OHANYANPI QON.

tanka tawapi kin he hunkake wicunyanpi kin wicakalnige ça, oyate kin Egipta makoce kin en yakonpi kin he icunhan yuwankan iwicacu, qa isto hduwankan iyeye cin on tankan awicau.

18 Qa waniyetu wikcemna topa hehanyan hewoskan makoce kin en won wicakiya.

19 Qa oyate šakowinpi Kanan makoce kin en, ihang wicaye çehan, makoce kin woohiye eciyatanhan kicipamni wicakiya.

20 Qa he iyohakam, wicašta wayaco kin heca wicaqu, waniyetu opawinge topa sanpa wikcemna zaptan hehanyan, ecen Samuel wicašta wokcan qon *icaga*.

21 Unkan hehan wicaštayatapi wan cinpi ; qa Wakantanka Saul, Kiš cinhintku, Benjamin wicoun kin hetanhan, wicašta kin he wicaqu, waniyetu wikcemna topa hehanyan.

22 Qa he heyata iyeye çehan, Dawid icalhwicakiciciye ça wicaštayatapi kaga ; he oyake ça heya, Dawid Jesse cinhintku kin he iyewakiya, wicašta wašte wakidake cin, he mitawacin kin ocowasin ecen econ kta ce.

23 Wakantanka token eye ciqon he eciyatanhan, wicašta kin de cinca kin etanhan, Jesus Wanikiya kin, Israel oyate kin icalhwicakiciciya.

24 He ihdutanin šni qon itokam, Johannes baptem on ihducetupi kte cin he Israel oyate kin iyulpa en eyanpaha owicakiyaka.

25 Unkan Johannes oinyanke kin ihunniye kte cin, hehan hecen eya, Miš matuwe kecannipi he : He miye šni ; tuka iho, wanji mihektam u kin he tahanpe siha kin etanhan kiyuška owakihi šni ce.

26 Wicašta hunkawanjin ciyapi kin, Abraham cinca wicaye cin, qa tona Wakantanka koki-papi kin, niš niyepi wiconi oie kin de oniciyakapi.

27 Tona Jerusalem en yakonpi, wicašta itancan wicayuhapi ko, he iyekiyapi šni, qa wicašta wokcan oiepi, anpetu wakan eca yawapi ece kin he nakun ; hecen he yacopi kin on hena ecetuyapi.

28 Qa taku on te kte cin takudan iyeyapi šni qeyaš, he ktepi kta e Pilate icekiyapi.

29 Qa on taku wowapi en kagapi qon owasin ecetuyapi qehan, can kin etanhan eyakupi, qa ohna hnakapi wan en ohnakapi.

30 Tuka te cin etanhan Wakantanka najin kiya.

31 Unkan tona Galile etanhan Jerusalem ekta om hi qon hena anpetu ota wanhdakapi, qa hena eepi dehan oyate kin wicakiyaotaninpi ece.

32 Unkan unkiye wotanin wašte unkoniciyakapi, hunkake wicunyanpi taku iwahowicaye ciqon,

33 He cincawicayapi unkiyepi kin en, Wakantanka ecetukiya, Jesus piya icalhkiye cin hee on ; hecen odowan icinonpa kin en kaken owapi qon, Micinksi kin he niye, anpe dehan cinca cicaga ce.

34 Qa wicašte cin etanhan najin kiye ça, wicalhwin kin ekta i kte šni, heon kaken eya, Dawid towaonsida wicakapi kin he ciçupi kta ce.

35 Heon etanhan wanji tokeca en hecen eya ; Wanji Owotanna nitawa kin he wicalhwin wanyake kta e iyowinyakiye kte šni.

36 Dawid wicoicage tawa kin

WICOWOYAKE 14.

tanyan owicakicilian, Wakan-
tanka tawacin kin eciyatanhan,
hehan ístinma iyaye ça, hun-
kake wicaye cin om hnakapi, qa
wicahwin wanyaka.

37 Tuka tuwe Wakantanka
najin kiye cin he wicahwin wan-
yake śni.

38 Heon wicašta hunkawanjin
ciyapi, wicašta kin de eciyatan-
han, woalitani kajujupi kin oni-
ciyakapi e sdonya po.

39 Qa taku owasin, Moses ta-
woahope kin niyuowotanpidan
kta e okitpani kin hena ee kaeś
etanhan, tuwe wicada kinhan
iye on owotanna kağapi kta.

40 Heon itoniçipa po, okinni
taku wicašta wokean kin en ca-
jeyatapi qon he en nihiyahdepi
kta :

41 Tona ayaktapi śni kin, wa-
wanyakapi qa inihanpi qa yuta-
kuni śni iyeçiya po ; anpetu ni-
tawapi kin en wicohan wanji
ecamon kta, qa wicohan kin he
tuwe oniciyakapi ešta wicaya-
dapi kte śni ce.

42 Unkan Juda wicašta kin
omniciye tipi kin etanhan tan-
kan hdicupi, hehan wicoie kin
hena anpetu wakan hepiya, owi-
cakiyakapi kta e icewicakiyapi.

43 Unkan omniciye kin wanna
enakiyapi, hehan Juda wicašta
qa oyate tokeca etanhan he en
opapi qon, cekiya unpi kin hena
wicota Palos qa Barnabas kici
owicapapi. Unkan wowicaki-
yakapi, qa Wakantanka towaon-
śida kin en unpi kta e iwaho-
konwicakiyapi.

44 Unkan ake anpetu wakan,
hehan Wakantanka oie nahonpi
kta e otonwe kin iyuhpa se en
kiwitaya iheyapi.

45 Tuka Juda wicašta kin he-
na wicota kin wanyakapi qehan,
winawizipi on ojupidan, qa Pa-

los taku eye cin he akinicapi qa
aiapi.

46 Hehan Palos Barnabas kici
waditake içicagapi qa heyapi,
Wakantanka oie kin niyepi to-
kaheya oniciyakapi kta e hece-
tu ; tuka he ayaktapi śni, qa
owihanke wanin wiconi kin iye-
nihantupi śni nihdukeanpi kin
heon, iho, Ikcewicašta kin ekta
unkihdamnanpi.

47 Hecen Itancan kin iwa-
hounyanpi ; Ikcewicašta iyoyan-
pa kin ecihnaka, mağa ihanke
kin hehanyan niwicayakiye kte
cin heon.

48 Unkan Ikcewicašta kin, hena
oie kin nahonpi qehan, nina iyu-
şkinpi, qa Itancan oie kin ya-
tanpi. Unkan tona owihanke
wanin wiconi yuhapi kta e wi-
cakahnigapi qon hena wicadapi.

49 Unkan Itancan oie kin ma-
koce kin he owancaya oyakapi.

50 Tuka Juda wicašta kin is,
winohinca okinihan cekiya unpi
kin hena iyowicapaştakapi, qa
otonwe kin en wicašta itancanpi
kin nakun, hecen Palos Barna-
bas kici śicaya wicakuwapi, qa
makoce kin he etanhan hdicu
wicayapi.

51 Tuka is iyepi kin, hena en,
siha watuśekśeca askape cin he
hdatatapi, qa Ikonium ekta ipi.

52 Unkan waonspewicakiyapi
kin wowiyuşkin Woniya Wakan
ko on ojupidan.

WICOWOYAKE 14.

1 Unkan Ikonium ekta, sakim
omniciye tipi, Juda oyate tawa-
pi kin he en timahen yapi, qa
iyecen iapi, hecen Juda wicašta
Helenes ko ota wicadapi.

2 Tuka Juda wicašta tona wi-
cadapi śni kin hena Ikcewicašta
kin iyowicapaştakapi, qa hun-

OHANYANPI QON.

kawanjin kiciyapi kin sícaya wacinwicakiyus wicakiyapi.

3 Unkan tehan en yukanpi, qa Itancan kin on waditagya iapi, he qe wowaonsída oie kin hdaotanin, qa wowapetokeca wakan-yan econpi ko econ wicakiya.

4 Tuka otonwe kin oyate kin akipam iyeyapi; apa Juda wicašta kin om tipidan, qa apa is yewicašipi kin hena owicapapi.

5 Unkan Ikeewicašta, qa Juda oyate kin, tona itancan wicayuhapi kin hena koya, hena anawicatanpi, sícaya wicakuwapi qa inyan on wicakininpi kta;

6 He iye sdonkiyapi, qa Lustra qa Derbe, Lukaoniya en otonwe kin, makoce ihduksan ko en onapapi.

7 Qa hen wotanin wašte kin oyakapi.

8 Unkan Lustra en wicašta wan siha on okitpani iyotankehan yanka, tonpi kin ehantanhan hušte, qa tohinni mani šni.

9 He Palos ie cin nahon; unkan he opahta yanke ça, wacinyanpi on ni kte cin yuha e wan-
yaka,

10 Hehan hotankakiya, Nisiha on bosdan najin wo, eya. Unkan is psin iyaye ça mani.

11 Unkan Palos taku econ kin he oyate kin wanyakapi qehan ho yuwankan icupi qa Lukaoniya iapi kin eciyatanhan, Taku wakan kin wicašta ihduza unkiyepi en kun unhiyupi ce, eyapi.

12 Qa Barnabas Jupiter eya caštonpi; qa Palos is, Hermes eciyapi, iapi on itancan kin hee, heon etanhan.

13 Hehan Jupiter otonwe itokam yanke cin he wošna kagapi tawa kin he tatanka watešdake ko, tiyopa kin en ahi, qa oyate kin om wošna kta tuka.

14 He yewicašipi kin, Barnabas Palos kici, nahonpi qehan, wokoyake aihdupotapi, qa oyate kin ekta inyang yapi, hotaninpi,

15 Qa heyapi, Wicašta kin, tokeca e hecanonpi he; niye yaunpi kin iyecen, wicašta akan-
tu kin heuncapi, qa hena taku-šnišni kin adušanpi qa Wakan-
tanka ni un kin ekta nihduhomni-
pi kta e iwahokonunniciyapi; he mašpiya, maka, qa miniwanca, taku ohnaka ko, owasin kage cin hee.

16 He wicoicage hekpata un kin en, oyate kin owasin canku tawapi kin ohna manipi kta e iyowinwicakiya.

17 Hececa ešta tanyan econ, qa mašpiya eciyatanhan magaju wicaqu, makoncage taku ota icaheye cin hena ko, qa woyute wowiyuškin ko on cante imna-
unyanpi qon, he eciyatanhan ohinniyan ihdutanin ce.

18 Unkan wicoie kin hena on wawicakiyušnapi kte cin oyate kin kitan se ayušan wicayapi.

19 Hehan Antiyoka qa Ikonium etanhan Juda wicašta wanjikji en hipi qa oyate kin iyowicapa-
štakapi; hecen Palos inyan on kininpi qa otonwe kin tankan yusdohan ayapi, wanna ta ke-
cinpi.

20 Tuka waonspewicakiyapi kin ihduksan hinajin yukanpi kin icunhan, iye najin hiyaye ça otonwe kin en i. Unkan ihan-
hanna qehan Barnabas kici Der-
be ekta iyaya.

21 Unkan otonwe kin he en wotanin wašte kin oyakapi, qa wicota waonspewicakiyapi qe-
han, hehan Lustra, qa Ikonium, qa Antiyoka ekta icicawin hdapi.

22 Qa waonspewicakiyapi na-
gipi kin wašag wicakiyapi, qa wacinyanpi kin en kitanyan unpi

WICOWOYAKE 15.

kta e iwahokonwicakiyapi, qa wokakije ota iyoopteya Wakan-tanka tokiconze kin en unkipi kta ce.

23 Unkan okodakiciye otoiyo-hi en hunka wicayapi kin wica-kagapi, qa wote šni wocekiye eyapi qehan, Itancan wicadapi qon he awanwicahdake kta e *icekiyapi*.

24 Unkan Pisidia opta yapi he-han Pampulia en kiyohipi.

25 Qa Perge en wicoie kin oya-kapi qehan, Atalia ekta apama-hde iyayapi.

26 Qa hetanhan Antiyoka ekta watom hdapi, wicohtani wanna hduštanpi kin heon, Wakantanka towaonšida kin yuhapi kta e ice-kiyapi qon he hetu.

27 Hen hdipi qa okodakiciye kin mniciye wicašipi, qa Wakan-tanka token econ wicakiye cin hena owasin owicakiyakapi, qa wacinyanpi tiyopa wan Ikcewicašta kin wicakiyuhdoke cin he nakun.

28 Unkan hen waonspewicaki-yapi kin om tehan owanji yu-kanpi.

WICOWOYAKE 15.

1 Unkan wicašta wanjikji Juda makoee kin etanhan apamahde yapi, qa hunkawanjinkiciyapi kin wahokonwicakiyapi qa, Mo-ses toope kin eciyatanhan bani-cihdayapi šni kinhan yanipi kte šni ce, eyapi.

2 Unkan Palos Barnabas kici hena wicakigepi, qa nina awica-kinicapi, hehan wiwicawangapi kin he on, Palos Barnabas kici, qa iyepi kin etanhan wicašta to-keca wanjikji ko, yewicašipi kin, qa hunkawicayapi kin, Jerusa-lem ekta yakonpi kin, hena en wicayapi kta e konzapi.

3 Unkan okodakiciye kin hena

hecen yewicakiyapi qehan, Phe-nike, qa Samaria opta yapi, qa Ikcewicašta ihduhomnipi kin he oyakapi; qa hunkawanjin kici-yapi kin owasin en wowiyuškin tanka kagapi.

4 Unkan Jerusalem ekta ipi qe-han, okodakiciye kin he, qa ye-wicašipi kin, hunkawicayapi kin hena ko, tin hiyu wicakiyapi; hehan Wakantanka token econ wicakiye cin owasin ohdakapi.

5 Tuka Pharisee yuomdecapi kin etanhan wanjikji wicadapi qon hena inajinpi qa heyapi, Ba-wicakihdayapi qa Moses toope kin ope wicašipi kta iyececa ce, eyapi ce.

6 Unkan wicoie kin de akiiapi kta e on yewicašipi kin, hunka-wicayapi ko witaya mniciyapi.

7 Qa nina wikiciwangapi he-han, Inyan inajin qa hewicakiya, Wicašta hunkawanjinciyapi kin, ehanna unketanhanpi kin Wa-kantanka miye makahnige ça, mii kin eciyatanhan Ikcewica-šta kin wotanin wašte oie kin nahonpi, qa wicadapi kta e kon-za sdonyayapi.

8 Qa Wakantanka wicacante kin sdonye cin he wicayaotanin, qa Woniya Wakan unkiye *unqu-pi qon*, he iyecen wicaqu.

9 Qa takudan ocitkonze šni unkagapi, iye cantepi kin nakun wicadapi kin on wicakipakinta.

10 Heon nakaha tokeca e Wa-kantanka iyutanyayapi, qa can napinpi wan, hunkake wicun-yanpi qa unkiyepi kin yuha un-kokihipi šni kin he waonspewi-cakiyapi tahupi kin en eyahna-kapi kta he.

11 Tuka Jesus Messiya Itan-can kin towaonšida kin on, iš iyepi kin wiconi *yuhapi kte* cin, he iyecen unkiš unhapi kta e wicaundapi ce.

OĤANYANPI QON.

12 Hehan omniciye kin owasin inina yukanpi, qa Barnabas Palos kici, wowapetokeca wakanyan econpi ko, Wakantanka Ikcewicašta kin ekta econ wicakiye cin hena ecen ohdakapi kin nahonpi.

13 Unkan wanna ayaštaŋpi, hehan Jakob ayupte ça heya; Wicašta hunkawanjin ciyapi, miye namaŋon po.

14 Otokahe ekta token Wakan-tanka Ikcewicašta kin etanhan oyate wanji, iye caje kin on, iwicacu kta e ekta wicai qon he Simon oyaka.

15 Qa lie kici wicašta wokcan oiepi qon okonwanjidan, kaken wowapi en kagapi;

16 He iyohakam mihdamna, qa Dawid tawakeya jujuwabe cin he piya wakage kta; qa mdecahe cin hena ake wakage ça ecen he wakiye kta.

17 Qa hecen wicašta okapta-pi kin, Ikcewicašta owasin ko, tona micaje icajewicayatapi kin hena Jehowa akitapi kta ce, Itancan kin hena owasin econ kin he heya ce.

18 Otokaheya tanhan Wakan-tanka taku icalye cin owasin sdonkiya.

19 Heon etanhan miš kaken imdukan, Ikcewicašta kin tona Wakantanka ekta ihduhomnipi kin hena nagiyewicunyanpi kte šni.

20 Tuka wakagapi on ašapapi kin, qa wiinaŋmanpi kin, qa we, qa taku weye šni yuŋapi kin, hena itehan yeiçiyapi kta e wowapi wicunkicagapi kta.

21 Wanakaja tanhan tona Moses oyakapi kin hena otonwe otioyohi kin en yukanpi, qa anpetu okilhpapi eca, omniciye tipi kin ohna he yawapi ece, eya.

22 Hehan iš iyepi kin etanhan

wicašta kaŋnigapi kin heca, Judas Barsabas eciyapi, qa Silas, hunkawanjin kiciyapi kin en wicašta okinihan, hena Palos qa Barnabas kici, Antiyoka ekta ye wicašipi kta e, yewicašipi kin, hunka wicayapi kin, okodakiciye kin owasin ko iyokipipi.

23 Qa heciya ayapi kta e kaken wowapi kagapi; Yewicašipi kin, qa hunka wicayapi, hunkawanjin kiciyapi kin hena ko, hunkawanjin kiciyapi. Ikcewicašta etanhan, Antiyoka, qa Suria, qa Kilikia en yakonpi kin, Wookiye yukan po.

24 Unkiyepi etanhan wanjikji iyayapi, qa wicoie on nagiyeniyampi, qa ninagipi kin nipahohopi qa, Baniçihdayapi, qa wicoope kin oyapapi kta ce, eniciyapi ce, naunhonpi; unkiye tohinni heye wicunšipi šni tuka:

25 Heon etanhan tawacin wanjidan hduha unwitayapi qehan, wicašta kaŋnigapi kin heca e niyepi kin ekta ye wicunšipi kta e iyounkipipi, Barnabas qa Palos waštewicunkidakapi kin hena om:

26 Hena wicašta kin wiconi ehpekiyapi seca, Jesus Messiya Itancan unkiyapi kin heon etanhan.

27 Hecen Judas qa Silas ye wicunšipi, hena e wicoie on atayedan hecen oniciyakapi kta.

28 Woniya Wakan kici hecen iyounkipipi, waqinpi tokeca unkanihnakapi kte šni, tuka dena taku owotanna kin hecehnana;

29 Taku wakagapi wakiyušnapi, qa we, qa taku we ye šni yuŋapi, qa wiinaŋmanpi kin hena itehan yeniciyapi kta. Hena itehanyan yaunpi kinhan tanyan ecanonpi kta. Tanyan yaunpi nunwe.

30 Hecen hena ye wicašipi qe-

han, Antiyoka ekta ipi, qa oyate kin kawitaya iheyapi, hehan wuwapi kin he wicawupi.

31 He yawapi, unkan wahokonwicakiyapi kin on nina iyuskinpi.

32 Unkan Judas qa Silas wicasta wokcan kin hecapi, heon hunkawanjin kiciyapi kin oie ota on wahokonwicakiyapi, qa wicayasutapi.

33 Wanna anpetu ota en yukanpi, hehan hunkawanjin kiciyapi kin hena yewicasiipi kin ekta wookiye hde wicasiipi.

34 Tuka Silas en un kta e iyokipi.

35 Palos qa Barnabas Antiyoka en unpi, wicasta tokeca ota ko, oyate kin waonspewicakiyapi, qa Itancan oie kin oyakapi.

36 Unkan iyohakam anpetu tonana, hehan Palos Barnabas heciya, Tukten Itancan oie kin unkoyake ciqon, ake otonwe otoiyohe ekta unye ca, hunkawanjin wicunye cin wanwicundake ca, token yakonpi kin *sdonunye kta ce, eya.*

37 Unkan Barnabas he is, Johannes Markos eciyapi, yuha yapi kta cin.

38 Tuka he Pampulia ekta ehpewicaye ca wicohtani kin en owicape sni qon, heon etanhan Palos he yuha yapi kte cin iyokipi sni.

39 Unkan he on hdokinicapi qa hecen otoiyohe ehpekiciyapi : unkan Barnabas Markos yuha Kupros ekta watom iyaya.

40 Tuka Palos Silas kalinige ca, Wakantanka towaonsida kin kici un kta e hunkawanjinkiciyapi kin icekiyapi qehan, hehan iyaya ;

41 Qa Suria qa Kilikia opta iyaye ca, okodakiciye kin suta wicakaga.

WICOWOYAKE 16.

1 Hehan Derbe qa Lustra ekta iyohi ; unkan ilio, waonspekiyapi kin wanji hen un, Timotheos eciyapi, Juda winohinca wicacin he cinhintku, tuka atkuku kin e Helenes oyate kin etanhan.

2 Hunkawanjin kiciyapi Lustra, qa Ikonium en yukanpi kin hena, he waste e oyakapi.

3 Hetanhan Palos kici ya cin, qa Juda wicasta hen unpi kin hena on, he icu qa bakicildaya ; atkuku kin Helenes heca e owasin sonyapi.

4 Unkan otonwe iyaza yapi, qa yewicasiipi kin, kunka wicayapi ko, Jerusalem en yukanpi kin woahope kagapi qon hena tanyan yuhe wicasiipi.

5 Hecen okodakiciye kin wacinyanpi kin en wicayusutapi, qa anpetu otoiyohe nina yuota aya.

6 Unkan Phrugia qa Galatia makoce kin opta iyayapi, qa Asia en wicoie kin oyakapi kte cin Woniya Wakan kin tehinda qehan ;

7 Hehan Musia ekta ipi, qa hetanhan Bithunia ekta ye wacinpi, tuka Woniya kin iyowicaki sni.

8 Unkan Musia opta iyayapi qehan, Troas en iyohipi.

9 Unkan hanyen Palos wowanyake wan wanyaka ; Wicasta wan Makedonia etanhan tanyan inajin, qa cekiye ca, Makedonia en u, qa ounkiya po, eya.

10 Wowanyake kin de wanyake cin heon hinnakaha Makedonia heciya unyanpi kta e uncinpi, Itancan kin hena wotanin waste kin owicunkiyakapi kta cin heon unkipi e unhduncanpi.

OHANYANPI QON.

11 Hecen Troas etanhan paccanan iyeunyanpi, qa Samotrake ekta owotanna unyanpi, qa hetanhan ihanhanna Neapolis en unkipi.

12 Qa hetanhan Philippi en unkipi, otonwe teca qa Makedonia makoce onspa kin he en otonwe tokapa kin hee. Qa anpetu tonana otonwe kin he en unkanpi.

13 Unkan anpetu wakan hehan, otonwe kin etanhan inaunpapi, qa wakpa wan icahda wocekiye eyapi ece qon he en unkipi; hen unkiyotankapi, qa winohinca ece en mniciyapi kin hena owicunkiyapi.

14 Unkan winohinca wan, Ludia eciyapi, Thuatira otonwe kin etanhan, wokoyake duta ece wiyopeye cin heca, Wakantanka kokipeyahan un he nahon yanaka: unkan cante kin Itancan kin yuzamni, on Palos oie kin anagoptan.

15 Unkan tiyohnaka kin om baptem qupi qehan, hehan ceunkiyapi qa, Itancan kin on wicawaka kecanmayakinpi hecinhan, wati kin en tin upi, qa ohna yukape, eye ca ecen econ unkiyapi.

16 Hetanhan wocekiye eya unyanpi eca, wicinnyanna wan itkounkipapi ece, he taku wakan woyaka ece kin yuhe ca, wakanyan wohdag un kin heon tawayapi kin taku ota wicakicamna.

17 He Palos unkiyepi ko unkihakam u, qa; Wicašta kin dena Wakantanka tehan wankantuya un kin taokiye wicaye cin, wiconi canku kin unkokiyakapi kin hena eepi ce, eya hoyekiya.

18 Qa anpetu ota hecen econ. Tuka Palos nagiyeye cin heon hakikta qa, Jesus Messiya caje on winohinca kin de etanhan

tankata inanpe ciši, taku wakan kin eciya. Unkan wihiyayedan oape kin he en tankan hiyu.

19 Unkan winohinca kin de yuhapi kin heepi, taku kamnanpi kte cin he akitakunipi šni kin he wanyakapi e etanhan, Palos Silas kici wicayuzapi, qa tipi hocoka kin ekta wicašta tokahewicakiyapi kin en awicayapi:

20 Qa wicašta itancan wicakiyapi kin en wicakaipi, qa heyapi, Wicašta kin dena Juda wicašta kin hecapi, otonwe unkitawapi kin nina nagiyeyapi;

21 Qa wicohan onspewicakiyapi kin hena e, Roma wicašta heuncapi kin, unki cupi qa unkopapi kta e iyecece šni.

22 Unkan oyate kin owasin wityaya takpe wicaupi; qa wicašta itancan wicakiyapi kin wokoyake awicayupotapi, qa wicakapsinsinte wicašipi.

23 Unkan ota awicapapi, hehan wicakaška tipi kin en iyewicayapi, qa tipi awanyake cin sutaya wicayuhe šipi.

24 He hecen econ šipi, unkan wicakaška tipi temahentuya kin he en onawicataka, qa siha kin can on kaškapi ece kin en sutaya kaška wicahnaka.

25 Unkan hanye cokaya hehan, Palos Silas kici Wakantanka cekiyapi, qa yatan downpi; unkan wicašta wicakaškapi kin he nahonpi.

26 Unkan ihnuhanna maka kin nina huhuzahan, qa tipi ahe cin hena yuhuhuzapi, qa tiyopa kin owasin kazamni iyaye ca, on pawicaštapi kin owasin mdecahan hinhdha.

27 Hececa, unkan wicakaška tipi awanyag kiyapi kin kikta, qa tiyopa kin yuzamni han wanyaka, unkan wicašta wicakaškapi kin owasin kihdapi kecin, he-

WICOWOYAKE 17.

on mazasagye ehdaku qa on
icikte kta ;

28 Tuka Palos nina hoyekiye
ça, Kiuniiciye sni wo, owasin
den unkanpi ce, eya.

29 Hehan petijanjan wan da,
qa tin iyaye ça, cancan Palos
Silas kici siha hdepi kin en
ehpeiçiya ;

30 Qa tankan awicaye ça, Itan-
canpi wani kta e token ecamon
kta he, ewicakiya.

31 Unkan, Jesus Messiya Itan-
can kin wacinyan wo, hecen
nicinea om yani kta ce, eci-
yapi.

32 Qa Itancan oie kin okiya-
kapi, tona ti kin en yukanpi kin
hena owasin koya.

33 Unkan hanyetu kin wihiya-
yedan oape kin he en, iwicacu,
qa oape kin wicakiyujaja, qa he-
han baptem qupi, tiyohnaka owa-
sin ko.

34 Qa iye ti kin en awicaki qa
won wicaya ; qa tiyohnaka kin
om wicada qa iyuskin.

35 Unkan wanna anpa qehan,
itancan wicakiyapi kin akicita
eyanpaha kin ekta ye wicaşipi,
qa, Wicaşta kin hena wicakiyu-
şka wo, eyapi.

36 Unkan wicakaşka tipi awan-
yake cin, hena oie kin Palos oki-
yake ça, Itancan wicakiyapi kin
niciyuşkapi kta keya hoşi hipi,
heon etanhan tankan kinanpapi,
qa wookiye hda po, eya.

37 Tuka Palos hewicakiya, Ro-
ma wicaşta heuncapi, tuka un-
yacopi sni ecen taninyan un-
kapsinpsintapi, qa onatag eun-
hnakapi, qa hinnakaha anaşbeya
hde unşipi he : hiya, iye ataye-
dan upi, qa tankan unkaupi kta,
eya.

38 Hehan akicita eyanpaha kin
itancan wicakiyapi kin dena owi-
cakiyakapi, unkan Roma wicaşta

kin hecapi e nañonpi kin heon
inihanpi.

39 Qa iye atayedan ekta ipi, qa
cewicakiyapi, qa tankan awicau-
pi, qa otonwe kin etanhan hdapi
kta icewicakiyapi.

40 Unkan wicakaşka tipi kin
etanhan tankata inanpapi, qa Lu-
dia ti kin en ipi ; qa hunkawan-
jin kiciyapi kin wanwicahdaka-
pi, hehan wicakihnapi, qa etan-
han token iyayapi.

WICOWOYAKE 17.

1 Unkan Amphipolis qa Apolo-
nia opta yapi kin, hehan Thesa-
lonike en ipi ; hen Juda oyate
omniciye tipi kin wanji yu-
kan.

2 Unkan Palos token econ ece
kin ake ecen econ, qa timahen i,
qa anpetu okihpapi yamni, wo-
wapi wakan kin eciyatanhan,
oyate kin wowicakiyaka.

3 Ie ça Messiya te kte ça, wi-
conçe kin etanhan najin kta e
hecetue yaotanin, qa, Jesus oci-
ciyakapi kin he Messiya kin ee
ce, eya.

4 Unkan hunli wicadapi, qa
Palos Silas kici owicapapi, He-
lenes wicaşta owotanna ota, qa
winohinea tokapapi kin wani-
stinpidan sni.

5 Tuka Juda oyate wicadapi
şni kin hena wohinyanpi, qa wo-
peton tipi hocoka kin etanhan
wicaşta şica wanjikji iwicacupi,
qa kiwitaya iheyapi, qa otonwe
kin ocowasin oqoyeyapi, hehan
Jason ti kin takpe ipi, qa oyate
kin ekta tankan hiyu wicayapi
kta e akitapi.

6 Qa iyewicayapi sni qehan,
Jason hunkawanjinkiciyapi wan-
jikji om otonwe kin en wicaşta
itancanpi kin ekta awicaipi, qa
hotankakiya hotaninpi, Tona ma-

OĤANYANPI QON.

ka kin yuahdapsinyan ehpeyapi qon hena den hipi :

7 Qa Jason hena tin u wicaŝi. Unkan hena owasin Kesar toope kin opapi ŝni, qa, Wicaŝtayatapi tokeca wan Jesus hee ce, eya oyakapi ece, eyapi.

8 Unkan otonwe en wicaŝta itancanpi kin oyate ko, hena nahonpi kin inihan wicayapi.

9 Unkan Jason qa unmapi kin taku iwakta wicayapi, hehan awicayuŝtanpi.

10 Hehan hunkawanjin kiciyapi kin Palos Silas kici hanyen Berea ekta awicayapi. Hena ekta ipi, qa Juda oyate omniciye tipi yuhapi kin he en timahen yapi.

11 Hena iŝ Thesalonike oyate kin sam iyeya wacin ksapapi, wicoie kin tawacin inahni on icupi, qa hena hecetu e sdonyapi kta, heon anpetu iyohi wowapi wakan kin en akitapi ece.

12 Heon etanhan wicota wicadapi, Helenes winohinca okinihan, qa nakun wicaŝta ota.

13 Tuka Berea ekta Palos Wakantanka oie kin oyake cin he, Juda wicaŝta Thesalonike en un kin hena sdonyapi qehan, ekta ipi, qa wicota kin wicayaŝkiŝkapi.

14 Unkan hehan hunkawanjin-kiciyapi kin Palos miniwanca kin ekta ye kta se tokan ye ŝipi; tuka Silas qa Timotheos hen owanji yukanpi.

15 Unkan tona Palos ayapi qon hena Athenas ekta aipi; qa Silas Timotheos kici kohanna en upi kta e iwahowicaye cin he hoŝi wicakahdapi.

16 Unkan hena Athenas ekta upi kta e Palos awicape yanke cin, he icunhan, otonwe kin wakagapi ojudan e wanyake a on wacin iyokiŝica hinhda.

17 Qa heon omniciye tipi kin ohna Juda oyate, qa tona owicapapi kin hena om wohdaka, qa nakun anpetu otoiyoŝi wopeton tipi hocoka kin ekta tona itkowicakipe cin hena om.

18 Unkan hehan Epikureos qa Stoikos oyate kin etanhan, wicaŝta woksape cinpi wanjikji Palos itkokipapi qa, I wakan kin de token eye kta he, hunh eyapi; qa hunh iŝ, He taku wakan tokeca ehde sececa ce, eyapi; Jesus qa wiconte etanhan woe-kicetu kin hena owicakiyaka, heon etanhan.

19 He icupi, qa Areyos paha kin ekta aipi qa, Woonspe teca odake cin he taku kin sdonunyanpi kta uncinpi:

20 Taku wotanin tokeca noge on nahon unyayapi kin hena token kapi hecinhan, sdonunyanpi kta ce, eciyapi.

21 Athenas oyate, qa wicaŝta tokeca en yukanpi kin owasin, taku tokeca econpi ŝni, taku nakaha otanin kin oyakapi, qa nahonpi kin heceyedat.

22 Hehan Palos Areyos paha kin cokaya inajin, qa heya; Athenas wicaŝta kin, taku wakan kin nina awacannipi e, taku owasin on imdukan.

23 Naka taku wakan yadapi kin en awahimdamda, unkan iho, wahna woŝnapi wan, Taku wakan sdonyapi ŝni un kin, akan owapi kin he iyewaye. He iyukanŝniyan ohoyadapi kin hee e ociciyakapi.

24 Taku Wakan kin tuwe maka taku ohnaka ko owasin kage a, maŝpiya maka ko Itancan kin hee, heon tipi wakan wicanape on kagapi kin ohna ti ŝni;

25 Qa iye kin owasin wiconi, qa woniya, qa taku owasin ko wicaqu ece kin, he taku icakije

cin iyecen, wicašta nape kin on okiyapi šni ece.

26 Qa wicawe wanjidan on, wicašta oyate hiyeye cin owasin, maka kin owancaya etipi kta e wicakaga; qa tohanhan nipi, qa tuktektan tipi kte cin hena otokahe tanhan wicakiciyuštan.

27 Heon Itancan kin akitapi kta iyececa, okinni yutantan akitapi kinhan iyeyapi kta, otoiyohi unkitehanpi šni un tuka ce.

28 Iye atayedan on unnipi, qa unškanškanpi, qa en unyakonpi ece: enitanhanpi wicašta odowan kagapi ece kin hena wanjikji heyapi qon, Unkiš eya he cinca unyakonpi ce.

29 Hecen Wakantanka cinca unyakonpi kin, mazaskazi, qa mazaska, qa inyan, wicašta wayupike wacinksape bagopi kin, Taku Wakan kin iyacinpi kta iyececa unkecinpi kte šni.

30 Qa wookahnige šni omaka kin hena, Wakantanka ekta etonwe šni; tuka wanna wicašta owasin owancaya ihduecetu wicaši.

31 Qa anpetu wan en wicašta kin woowotanna on wicayaco kta e konza, wicašta kahnige ciqon he on *hecon kta*, qa wiconŧe kin etanhan najin kiye cin heon he owasin sdonye wicaya ce, eya.

32 Unkan wicaŧe cin piya icaħyapi kin he naħonpi qehan, hunħ iħaħapi; qa apa iš, He on ake naunniħonpi kta ce, eyapi.

33 Hecen Palos wicacokaya tanhan token iyaya.

34 Tuka wicašta wanjikji opapi, qa wicadapi; Dionusius Areyos paha omniciye kin en ope ciqon he wanji ee, qa winohinca wan Damaris eciyapi, qa nakun toktokecapi.

1 Hena iyohakam Palos Athenas ayuštan, qa Korinth ekta i:

2 Qa hen Juda wicašta wan iyeya, Akula eciyapi, Pontos en tonpi, qa aškatudan Italia etanhan hiyu, tawicu Priskila kici; Kludios Juda wicašta kin owasin Roma ayuštan wicaši kin heon etanhan. Unkan hena en wicaħi;

3 Qa kici wicolħtani okonwanjidan, heon om un, qa om ħtani, wakeya kagapi kin hecapi.

4 Qa anpetu wakan eca omniciye tipi kin ohna wowicakiyaka ece, qa Juda oyate Helenes ko cinwicakiya.

5 Unkan Silas qa Timotheos Makedonia etanhan hiyupi qa en hipi qehan, Palos nagı kin ekta iyopaštag iħiye ھا, Jesus he Mes-siya kin ee ce, Juda oyate kin owicakiyaka.

6 Unkan hena e wakipajinpi, qa śicaya iapi kin, hehan Palos wokoyake aihdatata, qa hewicakiya, Niwe kin nipapi kin akan niunpi nunwe, miye mabapica šni waun, detanhan Ikcewicasta kin ekta mde kta ce.

7 Unkan hetanhan tankan ye ھا, wicašta wan Wakantanka ohoda, Justos eciyapi he ti kin omniciye tipi kin ikiyadan han; unkan tipi kin he en tin iyaya.

8 Unkan Krispos, omniciye tipi kin en itancan kin, he Itancan kin wacinyan, tiyohnaka owasin om; qa Korinth oyate kin wicota naħonpi qehan wicadapi, unkan baptem wicaqupi.

9 Unkan hehan hanyen wowihamde en, Itancan kin Palos heciya, Ihnuhan taku koyakipe cin, tuka nina ie ھا, inina yanke šni wo.

10 Miye cicica, qa tuwedan

OĤANYANPI QON.

kiuniniye kta e iyanihpaye kte ŝni; otonwe kin de ohna oyate ota wicamduha ce, eya.

11 Unkan hen wi ake ŝahdogan hehanyan iyotanke a, Wakantanka oie kin onspewicakiya.

12 Unkan Galiyo Akeya makoce kin en itancan un kin, hehan Juda oyate witaya Palos takpe ipi, a woyaco oiyotanke kin en ahipi;

13 a, Woahope kin eciyatanhan ŝni Wakantanka cekiyapi kta e wicaŝta kin onspewicakiye cin he dee ce, eyapi.

14 Unkan Palos i hdukawa kta, hehan Galiyo Juda oyate kin hewicakiya; Juda wicaŝta kin, de taku ŝica econpi, a iŝ wicaŝtaŝniyan oĥanyanpi kin hee unkanŝ, naciĥonpi kta iyececa tuka:

15 Tuka wicoie, a wicacaje, a woope nitawapi on wiwangapi kin heca hecinhan, niŝ ito ekta etonwan po; taku hececa on wimdukcan kte ŝni ce.

16 Hehan woyaco oiyotanke kin etanhan kaĥam iyewicaya.

17 Unkan Helenes wicaŝta kin owasin Sosthenes, omniciye tipi kin en itancan kin he, icupi, a woyaco oiyotanke kin itokam apapi. Tuka Galiyo hena taku kin ekta ewacin ŝni yanka.

18 Unkan he iyohakam Palos anpetu ota hen yanke ehan, hunkawanjin kiciyapi kin awicayuŝtan, a Suria ektakiya watom iyaya, Priskila Akula kici opapi. Kenkreye ekta paha kin bakiŝda, hecen iiconza kin heon.

19 Hehan Ephesos ekta iyohi, a hen eĥpewicaya; tuka iye kin omniciye tipi kin en tin iyaye a, Juda oyate kin om wohdaka.

20 Unkan en tehan owanji yanke kta e cinpi eŝta wicada ŝni:

21 Tuka napewicayuze a, Jerusalem ekta woŝnapi u kte cin he en owape kta, tuka Wakantanka iyokipi kinhan, ake en cihdipi kta ce, eya. Hehan Ephesos etanhan watom iyaya.

22 a Kesareya en huta ekta ihunni, a hen ihe a okodakiciye kin napewicayuze ehan, Antiyoka ekta apamahde iyaya.

23 a anpetu ota hen un kin, hehan Galatia a Phrugia makoce kin owancaya ye a, waonspewicakiyapi kin owasin waŝag wicakiya.

24 Unkan Juda wicaŝta wan, Apolos eciyapi, Aleksandrea en tonpi, wicaŝta wayapike a wowapi wakan on waŝaka, he Ephesos ekta hi.

25 Wicaŝta kin he Itancan tacanku kin onspe, a nagi kata, heon ninana ie a, Itancan taku tawa kin onspewicakiya, Johannes baptem tawa kin hecedan sdonya tuka.

26 Hee omniciye tipi kin ohna waditagya ia; unkan Akula a Priskila naĥonpi qehan, he icupi, a Wakantanka tacanku kin sanpa tanyan okiyakapi.

27 Unkan Akeya ekta ye wacin, hehan hunkawanjin kiciyapi kin heciya wowapi wicakicagapi, a he iyowinkiyapi kta e iwahokonwicakiyapi. He heciya i, a tona wowaonŝida kin on wicadapi qon hena nina owicakiya;

28 a Juda oyate kin omniciye en nina awacin wicaye a, wowapi wakan kin eciyatanhan Jesus he Messiya kin ee e yatanin.

WICOWOYAKE 19.

1 Unkan Apolos Korinth en un kin icunhan, Palos iĥeyata makoce kin opta ye a, Ephesos

ekta iyohi, qa hen waonspewicakiyapi wanjikji iyewicaya :

2 Qa hewicakiya, Wicayadapi ehantanhan Woniya Wakan kin iyacupi he. Unkan is, Woniya Wakan yukan e nahahin naunhonpi sni ce, eyapi.

3 Unkan, Taku on baptem nicupi he, ewicakiya. Unkan, Johannes baptem tawa kin hee ce, eyapi.

4 Unkan Palos, Johannes ihducetupi kte cin on baptem wicaqu, qa oyate kin tuwe u kte cin he wicadapi kta, kewicakiya, he Jesus Messiya kin ee ce, eya.

5 He nahonpi, unkan Jesus Itancan caje kin on baptem wicaqupi.

6 Hehan Palos nape on awicaputake ca, Woniya Wakan en wicahi, unkan ceji tokeca on iapi qa wokcanpi.

7 Hena owasin wica ece wikcemna ake nonpa.

8 Unkan omniciye tipi kin tin iyaye ca, wi yamni waditagya ie ca wohdaka, qa Wakantanka tokiconze taku tawa kin onspewicakiya.

9 Tuka wanjikji suta icicagapi qa wicadapi sni kin hena, wicota kin en, canku kin de on sicaya eyapi qehan, hena awicayustan, qa waonspewicakiyapi kin aiyog iyewicaye ca, anpetu otoiyo, tuwe Turannos eciyapi, he oya-wa tipi yuhe cin ohna woyaka ece.

10 Waniyetu nonpa hehanyan hecen econ, unkan tona Asia en yakonpi kin hena owasin Jesus Itancan oie kin nahonpi, Juda Helenes wicasta ko.

11 Unkan Palos nape kin on Wakantanka wowapetokeca wakan kin econ ece.

12 Hecen iye tancan kin etan-

han, napipakinte qa makuakalipe kin wayazanpi kin en akipi; unkan wowayazan kin ayustan iyaye ca, taku wakan sicapi kin tankan inanpapi.

13 Unkan wanjikji, Juda wicasta wapiyapi kin heca, tona taku wakan sica yuhapi kin hena en, Jesus Itancan kin cajeyata utapi, qa, Jesus Palos oyake cin he cajeyan naunhon po, eyapi.

14 Qa Juda wicasta wošana kagapi wanji, Skewa eciyapi, he cinhintku sakowin kin hena heconpi.

15 Tuka woniya sice cin he waayupte ca, Jesus sdonwaye ca, Palos nakun sdonwaya, tuka nis nituwepi he, eya.

16 Unkan wicasta taku wakan sica yuhe cin he iyawicalipaye ca, ohiwicaya, hecen tancodan kiunniyanpi ecen tipi kin etanhan tankan najicapi.

17 Unkan tona Ephesos en yukanpi kin, Juda qa Helenes oyate kin owasin he sdonyapi; qa wokokipe owasin awicalinlipaya, unkan Jesus Itancan caje kin yatanpi.

18 Unkan tona wicadapi kin etanhan wicota en ahi, qa wohdakapi, wicohan qon ohdakapi;

19 Qa tona wapiyapi econpi kin hena wicota wowapi tawapi kin en ahipi, qa owasin wicotokam hulinahyapi; hena iyopeyapi kin hdawapi, qa mazaska kektopawinge wikcemna zaptan iyawapi.

20 Hecen Itancan oie kin nina icage ca ohiya.

21 Unkan hena taku kin wana enakiyapi, hehan Palos woniya eciyatanhan konza, Macedonia qa Akeya opta ye cinhan, hehan Jerusalem ekta ye kta, qa, Heciya wai kinhan hehan Roma wanmdake kta ce, eya.

OHANYANPI QON.

22 Qa ookiye wicayuhe cin nom, Timotheos qa Erastos, hena Makedonia ekta ye wicaši, tuka iye anpetu tonana Asia en owanjidan yanka.

23 Unkan he icunhan canku kin de on nina owodutaton.

24 Tuwe Demetrios eciyapi, mazaska kage cin heca, he mazaska kokadan Diana kicaga ece, qa tona wocon kin he econpi kin hena taku ota wicakicamna.

25 Hena eepi, qa tona opeya htanipi kin hena ko wicakico qa hewicakiya, Wicašta kin, wicohtani kin de on woyuha untonpi e sdonyakiyapi.

26 Qa nakun Ephesos ecedan šni, tuka Asia owancaya, Palos kin de oyate ota wahokonwicakiye ça, wicayuhomni qa, Taku wakan nape on kagapi kin hena wakan šni ce, eya owicakiyaka e sdonyayapi qa nayahonpi.

27 Qa hecen taku on waunkamnanpi ece kin he wahtedapi kte šni seca, qa hecedan šni, nakun Diana taku wakan tanka tipi wakan tawa kin takudapi kte šni, qa wowitan hduhe cin yutakuni kte šni, he qe Asia owancaya, qa oyate kin iyulpa ohodapi tuka ce, eya.

28 Unkan hena nahonpi qehan, nina canteptanyanpi qa, Diana Ephesos oyate tawapi kin he tanka ce, eyaya hotaninpi.

29 Unkan otonwe kin owancaya nina owodutaton ; qa Gayos qa Aristarkos kici, Makedonia wicašta kin, Palos kici hipi qon hena iwicacupi, qa tawacin wanjidan owanyake tipi kin en inyang yapi.

30 Unkan Palos oyate kin en wicai kta, tuka waonspewicakiyapi kin ayokipi šni :

31 Qa Asia en wicašta tokapapi wanjikji, iye takodawicaye cin hena wahoyapi, qa owanyake tipi kin timahen iyolipaye kte šni e icekiyapi.

32 Heon hunh taku eya hotaninpi, qa hunh is togye eyapi ; omniciye kin nina oqoyapi ; qa tokeca e on mniciyapi kin ota sdonyapi šni.

33 Hehan Aleksander wicota kin etanhan ahiyupi, qa Juda wicašta kin he cokata iyaye yapi. Unkan Aleksander namwicakicawin, qa oyate kin wowicakiyake kta.

34 Tuka he Juda wicašta kin heca e sdonyapi, unkan wihiyayedan oape nonpa hebanyan, owasin ho wanjidan hotankakiya hotaninpi, Diana Ephesos oyate tawapi kin he tanka ce, eyaya yukanpi.

35 Unkan wowapi kage cin he oyate kin wicayuinina qehan, hecen eya, Ephesos wicašta kin, Ephesos otonwe kin de Diana taku wakan tanka he tipi wakan tawa kin awanyag un, qa wakagapi Jupiter etanhan hinhpaye ciqon he nakun, he tuwe wicašta kin he sdonye šni he.

36 Dena taku kin cetunhdapica šni, heon inina dukanpi, qa takudan inahniyan ecanonpi kte šni tuka.

37 Wicašta kin dena tipi wakan kin etanhan takudan manonpi šni, qa taku wakan nitawapi kin yašicapi šni, tuka den awicayahipi.

38 Demetrios qa tona om htani kin hena tuwe en taku aupi cinpi kinhan, woyaco anpetu yukan, qa nakun wicašta wayacopi kin ; otoiyo wiwakicionpapi kta.

39 Qa niš taku tokeca on winungapi hecinhan, omniciye wi-

WICOWOYAKE 20.

coope kin eciyatanhan uu kin he en yacopi kta.

40 Anpetu kin de owodutaton kin on wiunwangapi kta naceca ; omniciye kin de on etanhan taku unkeyapi kte cin takudan un-hapi šni ce, eya.

41 Unkan hena hecen eye ce-han, hehan omniciye kin hde wicaši.

WICOWOYAKE 20.

1 Owodutaton kin he henake-ca, hehan Palos waonspewicaki-yapi kin wicakico, qa i iwicapu-taka, qa Makedonia ekta ye kta e hetanhan iyaya.

2 Unkan makoce kin hena o-pta iyaye ça, oie ota on iwahokonwicakiye cehan, Helenes makoce kin en iyohi :

3 Qa wi yamni hen owanji yanka. Unkan Suria ekta watom ye kta, hehan Juda wicašta kin nahimana iyapepi kin heon Makedonia opta icicawin hde kta e içiconza.

4 Unkan Sopater Berea etanhan, qa Thesalonike etanhan Aristarkos Sekundos kici, qa Gayos Derbe etanhan, qa Timotheos, qa Asia wicašta, Tucikos qa Trophimos, hena Asia ekta Palos kici yapi.

5 Hena e tokata yapi, qa Troas en unkapepi.

6 Unkan aguyapi on napohiyapi codan anpetu kin iyohakam, Philippi etanhan watounpapi, qa anpetu zaptan hehan Troas en wicunkihdegapi, qa hen anpetu šakowin unkokihpapi.

7 Unkan anpetu tokaheya kin he en waonspewicakiyapi kin aguyapi kiyušta immiciyapi, hehan Palos wowicakiyaka, hanhanna hetanhan hde kta, hecen hanye cokaya hehanyan wahokonwicakiya yanka.

8 Unkan wankan tipi ohna mnicia yukanpi kin he en petijan-jan ota hdepi.

9 Unkan koška wan, Yutikos eciyapi kin he owanyeye kin en iyotankehan yanke ça, ištınbe linca : unkan Palos tehan wo-yake cin icunhan, ištınma iwanke ça, owanka iciyamni kin hetanhan hinhpaye ça ta ecen eyakupi.

10 Hehan Palos kun ye ça akan ehpeiçiye ça, poskin yuze ça, Ithnuhan yaceyapi kin, taniya kin nahahin mahen un ce, eya.

11 Qa ake wankan ye ça, aguyapi kiyušte ça, yute ça, tehan ia yanke cin, anpa kamdeze cin hehanyan, hehan hetanhan kihda.

12 Unkan koška qon ni ikikcupi qa nina pidapi.

13 Unkan unkiye tokaheya wita wata kin ekta unyanpi, qa Ašos ekta watom unyanpi, heciyatanhan Palos en ope unšipi kta unkecinpi ; iye qe hehanyan mani cin, qa heon hecon unšipi.

14 Unkan Asos ekta eunkihdegapi qehan, hehan en ope unkiyapi, qa Mitulene en unhipi.

15 Unkan hetanhan iyoopta watom unyanpi, qa ihanhanna qehan Kios en iyotakons unyanpi ; qa ake ihanhanna qehan Samos iyounhipi, qa Trogulios en owanji unkanpi ; qa ake ihanhanna qehan Miletos ekta unkipi.

16 Palos Ephesos en icynom watom iyaye wacin, Asia en okilpe kte šni, qa okihi kinhan anpetu iwikcemna zaptan kin he en Jerusalem en un kta cin, qa heon inahni.

17 Unkan Miletos etanhan ye wicaši, qa Ephesos en okodakiciye hunkawicayapi kin wicakico.

OHANYANPI QON.

18 Unkan hena en hipi, hehan hewicakiya; Asia en wahi qon anpetu tokaheya hehantanhan, token ohinniyan cicipi waun kin sdonyayapi.

19 Tawacin ocowasin wahibayedan waun, Itancan kin ohowada, istamnihanpe ota, qa taku wawiyutanyan un kin, Juda oyate nahmana iyamapepi kin on mahiyahde kin hena koya.

20 Qa taku on tanyan yaunpi kte cin takudan ipicidapi šni, tuka omniciye kin en, qa tipi iyaza wociciyakapi qa waonspeciyciyapi ece.

21 Wakantanka ekta ihdueceptupi, qa Jesus Messiya Itancan unkiyapi wacinyanpi kin hena, Juda Helenes oyate ko en mdatanin ece.

22 Unkan nakaha iho, Woniya kin on makaškapi ecen Jerusalem ekta mda, qa heciya taku mahiyahde kte cin sdonwakiye šni.

23 Tuka otonwe otoiyo hi en Woniya Wakan mayaotanin qa, On kaškapi qa wokakije micium, keya ce.

24 Tuka hena takuwada šni, qa wiconi mitawa kin telike waki da šni, iyuškinyan ihunniyan waimnanke kta, qa wicohan Jesus Itancan maqu kin, Wakantanka towaonšida wotanin wašte omdake kte cin hee tanyan mdušan kinhan.

25 Qa nakaha iho, niyepi kin Wakantanka tokiconze kin ociciyag ciipi qon owasin ake miite kin wanmayadakapi kte šni e sdonwakiya.

26 Heon anpetu kin de waayatani n ciciyapi, wicašta owasin we kin on ašape šni waun.

27 Wakantanka tawacin kin ocowasin ociciyakapi qa takudan anawalibe šni.

28 Heon tanyan piiciyapi, qa optaye owasin en, Woniya Wakan waawanhdake nicagapi kin hena koya, qa Wakantanka taokodakiciye kin, iye we kin on opekiton qon he awanhdaka po.

29 Miye imdamde cinhan, hehan šunktokeca ocin šicapi kin niyepi en niipi kta, qa taħinca kin itonwicapapi kte šni he sdonwaya.

30 Qa niyepi enitanhanpi wicašta icagapi kta, qa is iyepi iħakam waonspewicakiyapi kin u wicakiyapi kta e nina yaškiška pi kta.

31 Heon kiktahan un po, qa waniyetu yamni, anpetu hanyetu ko, istamnihanpe *amau*, qa otoiyo hi wahokonciciyapi amdašan šni, he kiksuya po.

32 Hunkawanjinciyapi, nakaha Wakantanka is iye, qa towaonšida oie kin en aciupi; he icahnianpi, qa toua ska wicakagapi kin owasin om taku yuhe niciyapi kta e okihi.

33 Tuwe mazaska, qa mazaska zi, qa wokoyake tawa kin wakon šni.

34 Han, minape kin dena on taku wacin kin miħdamna, qa tona om waun kin hena wicawecamna qon he niye sdonyayapi.

35 Hena owasin en waonspeciyciyapi, hecen ħtayanipi, qa tona wašake šni un kin owicayakiyapi kta, qa Jesus Itancan oie qon yeksuyapi kta, Wicaqupi kin hee wowašte, qa icupi kin hee aoptetu, eye cigon he.

36 Hena hecen eya, unkan hehan canpeška makehde inajin, qa owasin om cekiya.

37 Unkan owasin nina ceyapi, qa Palos poskin yuzapi, qa ħpu takapi.

38 Miite kin ake toħinni wanmayadakapi kte šni *eye cigon*, oie

WICOWOYAKE 21.

kin de on iyotan nina iyokišica-pi. Unkan wita wata kin ekta kici yapi.

WICOWOYAKE 21.

1 Unkan hena ehpewicunyanpi, qa pacanan iyeunyanpi, hehan Kos ekta owotanna unkupi, qa ihanhanna hehan Rodos ekta, qa hetanhan Patara en iyounhipi.

2 Qa hen wita wata wan Phenike ekta watom ye kte cin iyeunyanpi, qa he en unkopapi, qa hetanhan unyanpi.

3 Qa Kupros taninyan wanunyakapi, hehan catka tanhan ehpeya unhiyupi, qa Suria ekta watom unkupi, qa Turos en unhdihunipi, hen wata taku ohnaka kin wahetajupi kta.

4 Unkan waonspewicakiyapi kin iyewicunyanpi, qa hen anpetu šakowin unkokihpapi; hena e qe Woniya Wakan eciyatanhan Palos Jerusalem ekta ye kte šni, keciyapi.

5 Tuka anpetu kin hena wanna unkihunnipi, hehan hetanhan inaunpapi, qa hena iš tawicupi šiceca ko owasin opapi, otonwe itankata hehanyan, qa huta kin ekta canpeška makehde inaunjipi, qa ptaya ceunkiyapi.

6 Unkan hehan nape unkiyuzapi, qa unkiš wata kin en unkopapi, tuka iyepi kin ekta hdapi.

7 Unkan Turos etanhan watom unkupi kin he ihunni unkiyapi, hehan Ptolemais ekta unhipi; qa hunkawanjin kiciyapi kin nape wicunyuuzapi, qa anpetu wanjidan om unkanpi.

8 Unkan ihanhanna qehan, tona Palos kici unyakonpi kin, hetanhan inaunpapi, qa Kesarea en iyounhipi; qa Philip wotanin wašte oyake cin he ti kin en unyanpi, šakowinpi qon he wanji ee, qa he kici unyakonpi.

9 Unkan he cunwintku topa witanšna unpi, hena wokcanpi ece.

10 Unkan hen anpetu ota owanji unkanpi kin icunhan, wicašta wokcan wan Agabos eciyapi, Juda makoce kin hetanhan apamahde hi.

11 Qa en unhiyupi qehan, Palos ipiyaka tawa kin icu, qa on siha nape ko iyaihdaške ça, Woniya Wakan kin heya ce, Wicašta tuwe ipiyaka kin de tawa hecinhan, he Juda wicašta, Jerusalem ekta, hecen kaškapi kta, qa Ikcewicašta kin nape kin en wicaqupi kta ce, eya.

12 Unkan he naunhonpi qehan, tona en tipi kin hena om, ceunkiyapi, Jerusalem ekta ye kte šni.

13 Tuka Palos, Token ecanonpi qa yaceyapi, qa hecen cante mayadutakunipi šni he, Jesus Itancan caje kin on Jerusalem ekta makaškapi, qa nakun maše kta e wiyeya manka ce, eya.

14 Unkan wicada šni qehan, unkayaštanpi qa, Itancan tawacin kin ecen econpi nunwe, unkeyapi.

15 Unkan anpetu kin hena iyohakam owasin piunkiciyapi, qa Jerusalem ekta itawankanhde unyanpi.

16 Nakun Kesarea etanhan waonspewicakiyapi kin wanjikji unkopapi, qa wanji Mnason eciyapi kin he aupi, he Kupros etanhan, wanakaja waonspekiyapi kin heca, he ti kin en unyakonpi kta.

17 Unkan Jerusalem ekta iyounhipi, hehan hunkawanjinkiciyapi kin iyuškinyan tin unki-copi.

18 Unkan ihanhanna kin hehan, Palos kici Jakob ekta unyanpi; unkan hunkawicayapi kin owasin en yukanpi.

OHANYANPI QON.

19 Hena nape wicayuze ça, hehan Ikcewicašta kin ekta iye woyake cin on token Wakantan-ka econ qon owasin ecekcen owicakiyaka.

20 Unkan hena nahonpi qehan, Itancan kin idowanpi qa *Palos* heciyapi, Cinye, Juda wicašta kektopawinge ota wicadapi, qa owasin wicoope kin sutaya awa-kininpi kin he wandaka.

21 Qa niye, Juda oyate Ikce-wicašta ehna yakonpi kin hena owasin Moses toope kin ahdu-ştanpi kta e onspewicayakiye ça, cinca bawicakicihdayapi kte şni, qa wicohan kin hena eciyatan-han manipi kte şni, keha keyapi e nahonpi.

22 Heon toketu kta he. Awicakehan wicota kin kawitaya iheyapi kte. Wanna yahi kin he nahonpi.

23 Hecen token unkeniciyapi kin de ecen econ wo. Wicašta tom token içiconzapi kin hena om unyakonpi.

24 Hena owicape ça, om ihdu-ska, qa mazaska on owicakiya wo, hecen paha kin hduşdapi kta. Unkan hecen token oniyakapi nahonpi qon hena taku şni, qa niş eya owotanna mayani, qa wicoope kin opeya yaun kin he owasin sdonyapi kta.

25 Tuka Ikcewicašta, tona wicadapi kin hena wowapi wicun-kicagapi, qa wicohan kin dena takudan opapi kte şni unkeyapi qon, tuka taku wakagapi waki-yuşnapi, qa we, qa taku we ye şni yuştapi kin, qa wiinahmanpi kin hena en ihdoipi kte şni ce, hecedan unkeyapi.

26 Hehan Palos wicašta kin hena owicape ça, ihanhanna kin hehan om ihduşka, qa ihduşkapi anpetu kin wanna henakeca kte cin he yuotanin kta e tipi wa-

kan kin tin iyaya; taku qupi wan otoiyohi on woşnapi kta he-hantu.

27 Unkan anpetu şakowin qon wanna henakeca kte hehan Ju-da wicašta, Asia etanhan upi qon hena tipi wakan kin en un wanyakapi qehan, oyate kin owasin iyowicapaştakapi qa *Pa-los* iyahpayapi;

28 Qa hotaninpi, Israel wica-šta kin, ounkiya po; wicašta kin de oyate kin en, qa wicoope kin, qa nakun tipi kin de aie ça, owancaya hecen onspewicaki-ya; qa nakun Helenes wicašta kin tipi wakan kin en awicahi, qa hecen tipi iyotan waşte kin de aşamya ce, eyapi.

29 He itokam Trophimos, Ephesos wicašta kin heca, e otonwe kin en kici un qon he wanyakapi, unkan he Palos tipi wakan kin en ahi, kecinpi.

30 Unkan otonwe kin ocowasin nina oqoyapi, oyate kin kawita-ya iheyapi, qa Palos icupi, qa tipi wakan kin etanhan tankan yusdohan ayapi, unkan ecahan-keya tiyopa kin ecen iyeyapi.

31 Wanna ktepi kta e akitapi, hehan akicita tancan wicobe yu-he cin he, Jerusalem owancaya owodutaton ce, eya okiyakapi kin he nahon;

32 Qa kohanna akicita, akicita tancan ko iwicacu, qa inyang ye ça ekta wicai. Unkan akici-ta tancan akicita ko wanwica-yakapi qehan, Palos apapi kin ayuştanpi.

33 Hehan akicita tancan kin en ye ça, icu, qa maza icicahiha nom on kaşke wicaşi; qa he tuwe kin, qa token econ kin he, eya iwicawanga.

34 Tuka oyate kin hunh taku eya hotaninpi, qa hunh iş togye eyapi. Unkan owodutaton kin

WICOWOYAKE 22.

on wowicake kin sdonya okitpani, heon conkaške kin mahen aye wicaši.

35 Unkan can iyadipi kin en hdipi, hehan akicita kin yuha ayapi, oyate kin aotins upi kin heon etanhan.

36 Oyate kin iyuhpa ihakam yapi qa, Yutokan aya po, eya hotaninpi.

37 Unkan conkaške kin mahen ayapi kta, hehan Palos akicita tancan kin heciya, Taku eciciye kta tuka ce, iyowinmayakiye kta he. Unkan is, Helenes iapi kin onnispe he, eya.

38 Egipta wicašta anpetu kin dena itokam icage ca, wicašta wabotica kin hecapi kektopawinge topa ihakam hewoskan makoce kin ekta awicaye cigon he niye šni he.

39 Unkan Palos, Juda wicašta Kilikia en, Tarsos *otonwe* kin hetanhan waun, *otonwe* šice šni en imacaga. Ceciciya ce, oyate kin taku ewicawakiye kta, iyowinmakiya wo, eya.

40 Hecen iyowinkiya; unkan Palos can iyadipi kin akan inajin, qa oyate kin namwicakicin. Unkan inina yukanpi qehan, Hebrew iapi kin on ie ca, hewicakiya;

WICOWOYAKE 22.

1 Wicašta hunkawanjinciyapi qa hunkakeciyapi kin, nakaha niyepi en wowahdake cin namahton po.

2 Unkan Hebrew iapi un wowicakiyake cin he nahonpi qehan, iyotan inina yukanpi.

3 Unkan hecen eya; Juda wicašta kin hemaca, Kilikia ekta Tarsos en matonpi, qa *otonwe* kin de en icahmayanpi, qa Gammaliel siha kin ekta, hunkake

wicayapi wicoope yuhapi kin tanyan onspemakiyapi, qa Wakantanka on nina inawalni, niyepi kin owasin nakaha yaunpi kin iyececa.

4 Qa canku kin de wiconte ayahdeya šicaya wakuwa, wicawakaške ca; wicakaška tipi kin en iyewicawaya, wica winyan ko.

5 Hecen wošna kagapi itancan, qa hunka wicayapi kin owasin mayaotaninpi ece. Hena eepi hunkawanjinkiciyapi kin wowapi wicakicagapi qa maqupi qon, hecen Damaskos ekta imdamde, heciya tona yukanpi kin hena wicakaška Jerusalem ekta wicakaštakapi kta e awicawau kta, heon etanhan.

6 Ohnihde waun, qa Damaskos wanna ikiyadan, unkan wiyotanhe cin hehan, iho, ihnuhanna mahpiya kin eciyatanhan iyoyanpa tanka wan aohdute mayan.

7 Hehan makata mahinhpaye ca, wicaho wan nawahon, Salos, Šalos, tokeca e šicaya mayakuwa he, emakiya.

8 Unkan miš amdupte ca, Itancan nituwe he, epa. Hehan is, Jesus Nazareth etanhan šicaya yakuwa kin he miye ce, emakiya.

9 Unkan tona om waun kin ojanjan kin wanyakapi, qa nina inihanpi, tuka wicaho omakiye cin he nahonpi šni.

10 Hehan miš, Itancan token ecamon kta he, epa. Unkan Itancan kin, Najin, qa Damaskos ekta ya wo, heciya token ecanon kte cin owasin oniciyakapi kta ce, emakiya.

11 Unkan iyoyanpa wiyatpa kin on wawanmdake šni, hecen tona om waun kin hena minape kin yus amayanpi, qa Damaskos en wai.

OĤANYANPI QON.

12 Qa wicašta wan, Ananias eciyapi, wicoope kin eciyatanhan owotanna, Juda oyate hen yakonpi kin owasin he oyakapi ;

13 He en mahi, qa najin, qa hemakiya, Salos, misunka tonwan wo. Unkan wihiyayedan oape kin he en ekta ewatonwan.

14 Hehan iye heya ; Hunkake wicunyanpi Wakantanka tawapi kin nicalniga, iye tawacin kin sdonyaye kta, qa Wanji Owotanna kin wandake ça, he i kin eciyatanhan ho kin nayahon kta ;

15 Qa iye on taku wandake ça, nayahon kin wicašta owasin owicayakidake kta heon.

16 Unkan nakaha taku e ayape he. Najin wo, baptem niçupi kta, Itancan caje kin hoyeyakiye kta, hecen wayahitani kin yakpakinte kta ce, eya.

17 Unkan ake Jerusalem ekta icicawin wahdi, qa tipi wakan kin ohna cekiya waun, hehan woakiktonje wan mahiyahde ;

18 Qa Itancan kin wanmdaka ; he kaken emakiya ; Inalni, qa kohanna Jerusalem etanhan innanpa wo, mayadaotanin kin he wicadapi kte šni ce, eya.

19 Unkan hepa ; Itancan, tona wacinniyanpi kin hena wicawakaška, qa omniciye tipi kin ohna wicawakaštaka ece qon he sdonyapi :

20 Qa Stephanos waayatanin nitawa kin we papsonpi qehan, hen nawajin, qa he iyowinwicawakiye ça, tona ktepi tašina awanwicaweciyaka qon.

21 Hehan, Hunktiya wo, detanhan tehan ye ciši, Ikcewicašta kin ekta, emakiya ce.

22 Unkan wicoie kin de hehanyan nahon yukanpi, hehan nina hotaninpi qa, Wicašta kin de ma-

ka kin etanhan aya po, ni kta e iyecece šni ce, eyapi.

23 Unkan hotankakiya hotaninpi, qa šina eħpekiyapi, qa watušekseca wankan yeyapi kin ;

24 Hehan akicita tancan kin, conkaške mahen aupi, qa kapsinpsintapi kin on wiwangapi kta, keya ; hecen tokeca on oyate kin nina aoqoyapi kin he sdonye kta.

25 Unkan teħmiso on kaškapi icunhan, Palos akicita tancan wan en najin kin heciya, Roma wicašta kin heca, qa nahahin yacopi šni, tuka yakapsinpsintapi kta oyakhipi he.

26 Akicita tancan kin he nahon, unkan akicita tancan tanka kin hoši hde ça heya ; Taku ecanon kte cin he itonpa wo, wicašta kin he Roma kin heca.

27 Hehan akicita tancan tanka kin en hi, qa heciya, Roma wicašta kin henica he, omakiyaka wo. Unkan, Han, eya.

28 Unkan akicita tancan qon heya, Iħduhapi kin de ota iyopewakiya, eya. Tuka miš hecen matonpi ce, Palos eya.

29 Heon kohanna tona Palos wiwangapi kte cin hena ayušan iyayapi, qa akicita tancan tanka kin nina kopehda ; he kaška tuka Roma wicašta kin heca e sdonye cin he etanhan.

30 Unkan ihanħanna qehan, Juda oyate taku iyaonpapi hecinhan, he atayedan sdonye kta, heon icaške kin etanhan kiyuške ça, wošna kagapi, hunkawicayapi ko owasin mniciye wicaši, qa hehan en ahi, qa wicacokaya ehde.

WICOWOYAKE 23.

1 Unkan Palos omniciye kin opawicaħta yanke ça, Wicašta

hunkawanjin ciyapi, Wakantanka itokam mitawacin ocowasin wašte, anpetu kin dehan wani, eya.

2 Unkan Ananias wošna kagapi itancan kin, tona ikiyadan najinpi kin *Palos* i kin ohna ape wicaši.

3 Hehan Palos heciya, Conkaške skayapi kin, Wakantanka anipe kta ce; wicoope kin eciyatanhan mayadaco kta e yahidotanka tuka wicoope kašeya amape wicayaši.

4 Unkan tona en najinpi kin, Wakantanka wawayušna itancan tawa kin he šicaya owayakiya he, eyapi.

5 Unkan Palos, Hunkawanjinciyapi, he wawayušna itancan kin ee sdonwaye šni, eya; Wawapi en kaken kagapi, Nitaoyate kin en wicašta itancan kin dašice kte šni ce.

6 Tuka apa Saddukee, qa apa iš Pharisee kin hecapi e Palos iyukcan qehan, hehan omniciye kin en hotankakiya heya; Pharisee kin hemaca, qa nakun Pharisee cinhintku kin, qa wicašte cin piya ikicagapi kte cin ape waun kin heon etanhan nakaha mayacopi ce.

7 Unkan hecen eye çehan, Pharisee Saddukee kin om hdokincicapi, qa omniciye kin akipam iyeyapi.

8 Piya ikicagapi kin wanica, qa mašpiya ohnihe, wanagi ko wanica ce, Saddukee kin eyapi ece; tuka Pharisee kin, Napin yukan ce, eyapi ece.

9 Hecen nina owodutaton, qa wawapi kagapi Pharisee etanhanpi kin hena inajinpi, qa wicakigeŋi, qa heyapi, Wicašta kin de en aku šica takudan iyeunyanpi šni; tuka wanagi, qa mašpiya ohnihe wan taku okiyake

cin he hecetu kinhan, Wakantanka kici unkcizapi kte šni.

10 Nina hdokincicapi, unkan Palos yušpašpa icupi kta e akicita tancan tanka kin kokipe ça, heon akicita kin kun ye wicaši, hena wicacokaya tanhan icupi, qa conkaške kin mahen akupi kta.

11 Unkan he ištayetu, hehan Itancan kin en hinajin qa, Palos cante wašte wo, Jerusalem en mayadaotanin kin he iyecen Roma ekta mayadaotanin kta ce, eciya.

12 Unkan anpa kamdeze cin, hehan Juda wicašta wanjikji okodakiciye wan kagapi, qa wıtaya içiconzapi, takudan yutapi kte šni, qa takudan yatkanpi kte šni, Palos ktepi šni kin hehanyan kta, keyapi.

13 Wakiconzapi kin hena wicašta wikcemna topa aktonpi.

14 Unkan hena wawayušna tankapi, qa hunka wicayapi ko en wicayapi, qa heyapi; Palos unktepi šni kin hehanyan, takudan untapi kte šni e wokonze on unkiconzapi.

15 Heon etanhan hanhanna, niye omniciye kin owasin om akicita tancan tanka kin he au yašipi kta, taku sanpa atayedan inungapi kta seca e heon; qa unkiš he ikiyadan aupi šni, hehan unktepi kta e wiyeya unkanpi kta ce, eyapi.

16 Unkan hena nahmana iyape yukanpi kin he Palos tonškaku kin nahon qehan, hehan ekta ye ça conkaške kin timahen i, qa Palos okiyaka.

17 Hehan Palos akicita tancan wanji kico qa, Koška kin de akicita tancan tanka kin ekta aya wo, taku okiyake kta ce, eya.

18 Unkan heon he icu, qa akicita tancan tanka kin ekta ai qa,

OĤANYANPI QON.

Palos kaškapi un kin he mico, qa koška kin de cicahi kta e econ maši, taku oniciyake kta keya ce, eya.

19 Hehan akicita tancan tanka he nape yuze a kicišnana icunom iyaye a, Taku omayakidake kta he, eya iwanga.

20 Unkan, Heyakecinhan Juda wicašta kin omniciye kin en Palos au nišipi kta wanna konzapi, taku sanpa atayedan iwangapi kta seca e heon heyapi.

21 Tuka niš awicayupte šni wo. Wicašta wikcemna tom aktonpi kin wokonze on waki-conzapi, Palos ktepi šni hehanyan takudan yutapi kte šni qa takudan yatkanpi kte šni, hena nakaha wiyeya yukanpi qa niš awicadupte kte cin he ape yukanpi, eya.

22 Hehan akicita tancan tanka koška qon hdicu ye a, Hena omayakidake cin he tuwedan sdonye ye šni wo, eciya.

23 Qa hehan akicita tancan nom wicakico qa, Akicita opawinge nom taku owasin on wicayuwiyeya po, qa nakun šuktanka akan yotankapi kin wikcemna šakowin, qa wahukeza yuhapi kin opawinge nom, hanyetu kin oape iyamni, hehan Kesarea ekta yapi kta ce.

24 Nakun šuktanka wiyeya ehnaka po, Palos akan yankekiyapi kta, qa Phelika wicašta itancan yanke cin he en tanyan aipi kta, ewicakiya.

25 Hehan wowapi wan kaken kaga :

26 Kladios Lusias, Phelika wicašta itancan iyotan wašte kin *wowapi kicaga* ce. Wookiye.

27 Wicašta kin de Juda wicašta kin icupi, qa wanna ktepi kta hehan akicita hduha en wai, qa etanhan iwacu, he Roma wica-

šta kin heca e nawahon kin heon.

28 Qa taku iyaonpapi kin he tanyan sdonwaye kta wacin, heon iye omniciye yuhapi kin en awai ;

29 Qa iye wicoope hduhapi kin eciyatanhan wiwangapi kin iyaonpapi wanmdaka, tuka taku on ktepi, qa kaškapi kta e iyaonpapi kin takudan iyewaye šni.

30 Qa wicašta kin de Juda wicašta nahmana iyape yukanpi kin he omakiyakapi qehan, kohanna niye ekta aye wicawaši, qa tona taku en aupi kte cin hena hecen iyaonpeya cniciye wicawaši. Tanyan yaun nunwe.

31 Hehan akicita iš econ wicaši qon iyecen Palos hanyen icupi, qa Antipatris en aipi ;

32 Qa hanhanna hehan šuktanka akan yotankapi kin hena hetanhan ayapi kta e elipewicayapi, qa conkaške kin ekta hdicupi.

33 Unkan hena iš Kesarea ekta ipi, qa wicašta itancan wowapi qon qupi qehan, hehan Palos itokam ehdepi.

34 Unkan iye he yawa, qa makoce kin tukte e etanhan un hecinhan wiwanga ; qa Kilikia etanhan un kin he sdonya ;

35 Hehan, Tohan tona taku iyanionpapi kin hena nakun hipi kinhan, hehan miš eya naciĥon kta ce, eya ; qa Herod woyaco tipi tawa qon he olna awanyag wicaši.

WICOWOYAKE 24.

1 Unkan hetanhan anpetu zaptan, hehan Ananias wawayušna itancan kin hee, qa hunkawicayapi kin om, ekta apamahde ya, nakun wicašta ieksapa wan, Tertulos eciyapi, hena wicašta itancan kin itokam Palos taku iyaonpapi kta.

2 Unkan en kicopi qehan, Tertulos taku iyaonpe ça heya ;

3 Niye enitanhan wookiye tanka unhapi ce, qa waawandake cin eciyatanhan oyate kin de en wicohan wašte econpi cce kin he ohinniyān qa owancaya unki cupi, qa on, Phelika iyotan wašte, wopida unkeniciyapi ce.

4 Tuka sanpa nagiyeciye kte śni, heon ceciciya ce, nitowaonśida kin on wicoie wanjikji naunyahonpi kta.

5 Wicašta kin de makośice, qa maka kin owancaya Juda oyate cante okiçuninwicaye cin, qa yuomdecapi wan Nazareth etanhanpi, ewicakiyapi kin he en mdetahunkapi kin he wanji dee e iyeunyanpi ce.

6 He tipi wakan kin yuśape kta ; unkan hehan unkiś unki cupi, qa wicoope unkitawapi kin eciyatanhan unyacopi kta ;

7 Tuka Lusias akicita tancan tanka kin ekta i, qa wicowaśake tanka on unnapcpi kin etanhan eyaku.

8 Qa tona taku iyaonpeya eyapi kin hena niye kin ekta u wicaśi. Hena wiwicanunge cinhan taku iyaunkonpapi kin owasin atayedan sdonyaye kta ce.

9 Unkan Juda wicašta kin is waayuptapi qa, Hena hecetu ce, eyapi.

10 Hehan wicašta itancan kin Palos ie kta e namkicawin, hehan waayupte ; Oyate kin de en waniyetu ota wicašta wayaco nanka e sdonwaya, heon etanhan nakaha iyuśkinyan wowa hdaka.

11 Hecen Jerusalem ekta ce kiya imdamde cin, hehantanhan wanna anpetu ake nomnana e sdonyaye kta oyakihi.

12 Qa tipi wakan kin ohna tuwe kici awakinica ecen wanma-

yakapi śni, qa omniciye tipi kin ohna, qa otonwe kin en, oyate kin wicayuomdeca waun śni.

13 Qa nakaha taku iyamaonpapi kin hena yasutapi kta e okihipi śni.

14 Tuka de ociciyaka, yuomdecapi kin cajeyatapi qon he canku kin ohna hunkake wicawaye cin Wakantanka tawapi kin ohowada, qa wicoope, qa wicašta wokcan taku owapi qon hena owasin wicawada :

15 Qa Wakantanka wacinwaye, qa wicašte cin, wašte śica ko, ake woekicetu kte cin he ape waun, hc is iyepi nakun hecen wicadapi.

16 Heon Wakantanka, qa nakun wicašta kin en tawacin takudan iyaoupepica śni waun kta e ohinniyān opimiçiya ce.

17 Unkan nakaha waniyetu ota iyohakam, mitaoyate kin taku qupi, wośnapi ko wicawecicau kta e wahdi.

18 Qa hecen tipi wakan kin ohna mihduska waun, wicota qa owodutaton kin unmana en owape śni, ecen Juda wicašta Asia etanhan wanjikji wanmayakapi qon.

19 Hena eepi kin niye en nihiyupi, qa taku yuhapi kinhan iyamaonpapi kta tuka.

20 Qa dena is, omniciye kin en nawajin kin, he icunhan taku śica ecamon kin taku sdonyapi kinhan oyakapi kta.

21 Tuka wicacokaya nawajin qehan, wicoie wanjidan taninyan epa, Anpetu kin de wicašte cin woekicetu kte cin heon mayadacopi, epe ciqon hee, eya.

22 Unkan Phelika hena nahon qehan, qa canku kin de on sanpa tanyan sdonye kta cin kin heon, hde wicaśi qa, Tohan Lusias akicita tancan tanka hi kinhan,

OĤANYANPI QON.

niyepi kin on taku owasin sdon-
waye kta ce, eya.

23 Qa akicita tancan wan Pa-
los awanyag kiye a, woozi yuhe
kta, qa iye takuwicaye cin tuwe
en hi qa okiye kta cin kinhan
teĥinda kte ŗni, *keya*.

24 Unkan anpetu tonana iyo-
hakam, Phelika, qa tawicu Dru-
sila eciyapi, Juda winohinca kin
heca, he kici hi, hehan Palos
kico, qa Messiya wacinyanpi kin
on naĥon.

25 Unkan Palos wicoowotan-
na, qa iyatahde iciyapi ŗni, qa
woyaco u kte cin hena oyake
cin, he icunhan Phelika cancan,
qa, Nakaha ekta hda wo, tohan
tanyan iyomakipi kinhan ake
cico kta ce, eya.

26 Palos kiyuŗke kta e on ma-
zaska qupi kta kecin, heon kico,
qa kici wohdaka ece.

27 Tuka wanna waniyetu non-
pa, hehan Phelika yanke cin en
Porkios Phestos hiyotanka. Un-
kan Phelika Juda oyate kin iyo-
kipi wicaye kta cin, qa heon Pa-
los kaŗkapi ecen ehpeya kihda.

WICOWOYAKE 25.

1 Unkan Phestos makoce kin
he en hiyotanke cin, iyohakam
anpetu yamni, hehan Kesarea
etanhan Jerusalem ekta itawan-
kanhde iyaya.

2 Unkan wawayuŗna itancan
qa Juda wicaŗta tokapapi kin,
Palos on okiyakapi qa cekiyapi;

3 Cinkiyapi, Jerusalem ekta
Palos au wicakiye kta, qa iyepi
kin naĥmana ktepi kta e tahepi
iyapepi kta.

4 Tuka Phestos, Palos Kesa-
rea ekta awanyakapi kta, qa
iye kin ecadan ekta hde kta,
keya.

5 Qa niyepi kin etanhan tona

waŗakapi kinhan, apamahde om
mde kta, qa wicaŗta kin he taku
en un kinhan wiyaonpapi kta
ce, eya.

6 Unkan anpetu ŗahdogan, qa
iŗ wikcemna hena om un kin,
hehan Kesarea ekta hda, qa
ihanĥanna qehan woyaco oiyo-
tanke kin akan kiyotanke cin,
hehan Palos en au wicaŗi.

7 He en hi, unkan hehan Juda
wicaŗta Jerusalem etanhan hipi
qon hena ihduŗsan najinpi, qa
wiyaonpapi tanka ota Palos en
aupi, tuka yaecetupi okihipi ŗni.

8 Hehan iye wohdaka; Juda
oyate wicoope hduhapi, qa tipi
wakan kin en, qa nakun Kesar
en takudan wawaĥtani ŗni ce,
eya.

9 Tuka Phestos Juda oyate kin
iyokipi wicaya cin, heon Palos
ayupte a heciya; Jerusalem
ekta de a, heciya mitokam de-
na on niyacopi kta tawaĥenyaya
he, eya.

10 Hehan Palos, Kesar wo-
yaco oiyoatanke tawa kin en nawa-
jin, hen mayacopi kta iyececa;
Juda oyate kin taku ŗice cin ta-
kudan ecawicawecon ŗni e tan-
yan sdonyaya.

11 Wawaĥtani, qa taku ŗica
on maktepi kta iyecece cin he
ecamon kinhan, maĥe kta tawa-
ĥenwaya tuka; tuka dena taku
iyamaonpapi kin taku ŗni kin-
han, tuwedan hena mayuhe wi-
cakiye kte ŗni. Kesar cajemda-
ta ce, eya.

12 Hehan Phestos, tona owi-
capeya wayaco iyotanke cin he-
na om wohdaka, hehan ayupta;
Kesar cajedata, Kesar ekta de
kta ce, eya.

13 Unkan anpetu tonana iyo-
hakam, Agrippa wicaŗtayatapi
kin Bernike kici, Phestos nape
yuzapi kta e on Kesarea en hipi.

WICOWOYAKE 26.

14 Qa anpetu ota hen yukampi, hehan Phestos wicaštayatapi kin Palos on okiyake ça heya, Wicašta wan Phelika kaška ehnake ciqon he nahanhin ecen yanka.

15 Jerusalem ekta wai qehan, wawayušna tankapi, qa Juda hunka wicayapi kin hena he kapi, qa omakiyakapi, qa yacopi kta e cinpi.

16 Hena hecen awicamdupte ça, Wicašta wan taku iyaonpapi kinhan, tona taku iyaonpeya eyapi kin wicitokam wiyaonpapi kin en waayupte iyowinkiyapi šni kinhan, țeyapi yacopi kin he Roma wicoħan šni ce, epa.

17 Heon hena den hipi, unkan mdutehan šni, tuka ihanħanna hehan, woyaco oiyotanke kin akan wakimdotanke ça, wicašta kin he en au wicawaši.

18 Hehan tona taku iyaonpapi kin hena najinpi, tuka token wacami qon he iyecen takudan iyaonpapi šni.

19 Tuka iyepi wocekiye eyapi kin eciyatanhan wiwicawangapi kin wanjikji he en aupi, qa nakun wanji Jesus eciyapi kin he ța, tuka ake kini kin, Palos keya ece.

20 Unkan wiwicawangapi heca kin imdukcen šni heon, Jerusalem ekta de ça heciya dena on niyacopi kta tawaťenyaya he, eya imunga.

21 Tuka Palos Sebastos cajeyate ça, he itokam yacopi kta keye çehan, Kesar ekta aye wicawakiye kta hehanyan awanyag wicawaši.

22 Hehan, Miš eya wicašta kin de nawahon kta wacin ce, Agrippa Phestos eciya. Unkan iš, Heyakecinhan nayahon kta ce, eya.

23 Unkan ihanħanna qehan,

Agrippa Bernike kici wokoyake waštešte kiçun hipi, qa wanahon tipi kin en tin ipi; qa nakun akicita tancanpi kin, qa otonwe en wicašta tokapapi kin hena ko; hehan Phestos econwicaši kin on Palos en ahipi.

24 Unkan Phestos heya, Agrippa wicaštayatapi kin, qa wicašta tona den om unkanpi kin, wicašta kin on Jerusalem ekta, qa deciya nakun, Juda oyate kin owasin cemakiyapi qa, Sanpani kta e hecetu šni ce, eya hotaninpi qon, he dee wandakapi.

25 He taku šica econ kin, on țe kte cin, takudan iyewaye šni, qa iš iye Sabastos cajeyate cin, heon ekta ayapi kta e wakonza.

26 Tuka he on, mayuhe cin taku wecage kte cin atayedan takudan mduhe šni. He etanhan nakaha en cicahipi, wicaštayatapi kin niye iniyotan, hecen tohan tanyan wiwangapi kinhan, token wakage kte cin taku mduhe kta.

27 Wicašta wan kaškapi kin he heciya aye šipi, qa wiyaonpapi kin takudan kagapi šni kinhan, he hecetu šni imdukcen ce, eya.

WICOWOYAKE 26.

1 Hehan Agrippa Palos heciya, Wanna woyahdake kte cin iyowinniciyapi ce. Unkan hehan Palos nape kin hdugate ça wohdaka.

2 Agrippa wicaštayatapi kin, Juda oyate taku iyamaonpapi kin owasin nakaha nitokam wohdake kte cin heon imduškin.

3 Juda wicoħan kin wiwanga-pi ko owasin tanyan hdukcen nanka sdonwaya, heon etanhan. Qa hecen ceciciya ce, wacin tanka on namaħon wo.

4 Tokaheya tanhan Jerusalem

OĤANYANPI QON.

ekta mitaoyate kin om, homa-ksidan ehantanhan, token oĥanyan waun qon Juda wicašta kin owasin sonyapi.

5 Token ohoundapi ece kin owotanna hince cin en opeya waun, Pharisee hemaca, hena e otokaheya tanhan sdonmayanpi, oyakapi cinpi unkanś.

6 Qa nakaha Wakantanka hun-kake wicunyanpi kin iwahowicaye ciqon he apepi kin on, den mayacopi kin ecen nawajin.

7 De ekta wicoun unkitawapi ake nonpapi kin iyohipi kta e ape yukampi, qa anpetu hanyetu ko cekiyapi ece. Agrippa wicaštayatapi kin, woape kin de on Juda wicašta wimawangapi qon.

8 Wakantanka wicašte cin ake ekicetu wicaye cin he tokeca e he taku wicadapica śni kecanipi he.

9 Miś eya Jesus Nazareth etanhan caje kin on, taku ota kipa-jinyan ecamon kta iyececa ke-pce ciqon.

10 Jerusalem ekta hena hecen ecamon qon; qa wawayuśna tankapi kin wowaśake maqupi kin on, wicašta owotanna kin ota wicakaška tipi kin en iye-wicawaye ça, te yapi kta wicayacopi qehan, miś eya iyecen epa ece.

11 Qa omniciye tipi kin iyaza otakiya wicawakaštake ça, woaštahda wicawakiye ça, nina canniye wicawaye cin heon otonwe tokeca ekta śicaya wicawaku-wa.

12 He icunhan wawayuśna tankapi kin wowaśake wowapi ko maqupi kin, he yuha Damaskos ekta imdamda.

13 Unkan tahepi iho, wicaštayatapi, anpe cokaya kin hehantu, iyoyanpa wan anpetu wi kin sam iyeya wiyatpa kin he wan-

mdaka, he ihdukśan iyoyanpa maye ça tona om mawani kin hena nakun.

14 Unkan owasin makata ehpeunkiçiyapi, hehan wicaho wan nawahon, Hebrew iapi on hecen emakiya, Salos, Salos, tokeca śicaya mayakuwa he, can pesto kin nayahtake cin he tehika ce.

15 Unkan miś, Itancan, nituwe he, epa. Unkan, Jesus śicaya yakuwa kin he miye ce, eya.

16 Tuka inajin, qa nisiha kin on najin wo; token wandake ça, tokata taku wanyag ciciye kte cin hena en waayatanin, qa ookiye kin ciçage kta e heon nakaha wanmayag ciciya.

17 Oyate kin etanhan ecihdaku kta, Ikcewicašta kin nakun, hena e ekta nakaha ye ciśi.

18 Išta wicadumdaye ça, otpaza etanhan iyoyanpa ekta, qa Satan towaśake kin etanhan Wakantanka ekta wicaduhomni kta; qa hecen wacinmayanpi kin on wahtanipi wicakicicajujupi kin, qa tona ska wicakagapi kin hena om woyuha yuhapi kta ce.

19 Hecen on, Agrippa wicaštayatapi kin, maħpiya wowanyake kin he ceṭunwahda śni.

20 Tuka tokaheya Damaskos en yakonpi, qa Jerusalem, qa Juda makoce kin owancaya, qa nakun Ikcewicašta kin, ihduecetupi, qa Wakantanka ekta ihduhomnipi kta, qa ihduecetupi wicoĥan kin econpi kta hena hecen owicawakiyaka ece.

21 Hena on etanhan, Juda wicašta kin tipi wakan kin ohna mayužapi, qa maktepi kta tuka.

22 Tuka Wakantanka omakiye cin heon anpetu kin dehanyan wani, qa tona ciqapidan tankinyan ko, wicawakiyaotanin,

qa wicašta wokcan kin Moses kici taku u kte cin oyakapi qon henana owicawakiyaka ece.

23 Messiya kakije kte ça iye tokaheya wicate cin etanhan najin kta, qa oyate kin Ikce-wicašta ko iyoyam wicaye kte cin.

24 Hena hecen eya, unkan Phestos hotankakiya ie ça, Palos niyuhnaškinyan, wowapi ota onspeničiciye cin he wicayuhnaškinyan en iyeniyam ce, eya.

25 Tuka iye, Phestos iyotan wašte kin, mayuhnaškinye šni, tuka wowicake wicowahibadan oje kin epa ce, eya.

26 Qa wicaštayatapi kin is hena tanyan sdonya, heon itokam waditagya wowahdaka, hena taku kin iye kin anakilimanpi šni e mdukan, okalimin en econpi šni nakaeš.

27 Agrippa wicaštayatapi kin, wicašta wokcan kin hena wicayada he. Wicayada e sdonwaya.

28 Hehan Agrippa Palos heciya; Kitan ecinyan Kristian hemaca kta e awacinmayaya ce.

29 Unkan Palos heya, Wakan-tanka cewakiya ce, niye nišnana šni, tuka tona anpetu kin de namañonpi kin owasin, kitan ecinyan hee šni, tuka ocowasin miš waun kin iyecen yaunpi kta, tuka icaške kin dena ope kte šni.

30 Hena hecen eya, unkan hehan wicaštayatapi, qa wicašta itancan kin, Bernike kici, qa tona om iyotankapi kin hena ko najinpi;

31 Qa icunom yapi qa, Wicašta kin de taku on te kte ça, kaškapi kte cin takudan econ šni ce, iyakitedan ekiciyapi.

32 Hehan, Wicašta kin de Kesar cajeyate šni unkanš kiyuškapi kta tuka, Agrippa Phestos eciya.

1 Unkan Italia ekta watom unyanpi kta e wanna konzapi, hehan Palos qa wicakaškapi tokeca kin, akicita tancan wan, Sebastos taobe kin etanhan, Julios eciyapi kin, he wicayuhekiyapi.

2 Unkan wita wata wan Adramutium etanhan, Asia makoce kin ekta tuktekten oihunni kte cin he en unkopapi, qa pacanan iyeunyanpi, qa Aristarkos Makedonos, Thesalonike etanhan, he kici unyanpi.

3 Unkan ihanhanna qehan, Sidon en unkihunnipi. Unkan Julios Palos tanyan okicilian, takuwicaye cin ekta wicai, qa hena etanhan taku yuhe kta e iyowinkiya.

4 Unkan hetanhan pacanan iyeunyanpi, qa Kupros ihukuya watounpapi, tatoheya unyanpi kin heon.

5 Unkan Kilikia qa Pamphulia miniwanca kin unkihunnipi qehan, Lukia en Mura eciyapi kin he ekta unhipi.

6 Unkan hen wita wata wan Aleksandria etanhan, Italia ekta watom ye kte cin, he akicita tancan kin wanyake ça, he en ope unyanpi.

7 Unkan anpetu ota iwaštedan watounpapi qa kitan se Knidos en iyotakons unkipi, tatoheya unyanpi nakaeš, hehan Krete ihukuya, Salmone iyotakons watounpapi.

8 Qa he kitan se kapeya unyanpi, hehan makoce wan Oihunni wašte eciyapi kin he en unkipi, he Lasea otonwe kin ikiyadan.

9 Wanna anpetu ota, qa watopapi kin okokipe aya, hamdepi tanka kin wanna enakiyapi, hehan Palos wahokonwicakiya;

OHANYANPI QON.

10 Qa hewicakiya, Wicašta kin, watounpapi kte cin de on wita wata kin taku ohnaka ko yuta-kunipi kte šni, qa nakun unkiye-pi kin iyotanhan iyeunkiyapi kta e imdukan ce; eya.

11 Tuka akicita tancan kin, wahektape cin qa wita wata ta-wa kin hena anawicakicigoptan, qa Palos ie cin he wicada šni.

12 Unkan oihunni kin he en waniyetu osan yukanpi kte cin he wašte šni, heon hetanhan ya-pi, qa okihipi kinhan, Phenike ekta watom ipi, qa hen waniye-tu owanji yukanpi kta, wicota keyapi; Krete en oihunni wan itokagatanhan, wiyohpeyata o-hna waziyata etkiya huta kin yu-škomya wanke cin hee.

13 Unkan okaga tanhan tate kin iwaštedan hiyu, qa hecen token wacinpi qon wanna ecetu kecinpi, hehan kiyuškapi qa Krete ikiyedan watopapi.

14 Tuka iecadan, tateyanpa wan ohitike cin he en iyapa hi-yu, he Tate-taja eciyapi.

15 Unkan wita wata kin niņa iyapa, hecen tatoheya yapi oki-hipi šni, hehan kaha iyeunyanpi iyowinunkiyapi.

16 Unkan wita wan Klauda eci-yapi, he ikiyadan unyanpi, hehan kitan hin wata cistinna kin icu unkokihipi.

17 He yuwankan ehdakupi, qa icaške kin unpi, qa wita wata kin opta yuskiskitapi, hehan wi-yaka šice cin en iyohpeyapi kta kokipapi, qa heon šina on wato-papi kin palpapi, qa hecen tate on kaha iyewicayapi.

18 Qa nina unkakihanšicapi, heon ihanhanna, hehan *wata kin* etanhan taku tankan elpe-yapi.

19 Qa *anpetu* iciyamni hehan, unnapepi kin on, wita wata kin

en, taku wowinyunyanpi kin mi-nin elpeunyanpi.

20 Unkan anpetu ota, anpetu wi wicanhipi ko tanin šni un, qa nina unkakihanšicapi, hehan un-nipi kta unkecinpi qon he wanna unkayuštanpi.

21 Tuka tehan takudan yute šni unpi kin, hehan Palos wica-cokaya najin, qa, Wicašta kin, anamayagoptanpi qa Krete etan-han pacanan iyeyayapi kte šni iyececa, hecen taku šice ça wi-cakakije cin de nihiyahdepi kte šni tuka.

22 Qa nakaha ceciciyapi ce, cante wašte po; tuwedan niřapi kte šni, tuka wita wata kin hece-dan.

23 Wakantanka ohowada, qa iye mayuhe cin he taohnihde ye cin hinhan en mahinajin.

24 Qa, Palos kokipe šni wo; Kesar itokam inayajin kta, un-kan tona om watoyape cin owa-sin Wakantanka niçu ce, eya ce.

25 Heon etanhan, wicašta kin, cante wašte po; Wakantanka wicawada, token emakiye cin he ecetu kte.

26 Tuka wita wan en iyeun-yanpi kta ce, eya.

27 Unkan otpaza iaketopa kin, hehan Adria miniwanca kin ohna kaha iyeunyanpi kin icunhan, hanye cokaya hehan watope wi-cakiyapi kin makoce wan ikiya-dan upi kecinpi.

28 Qa hehan mazasu hahonta ikoyake cin minin iyeyapi, qa akatinpi wikcemna nonpa e iye-yapi. Hetanhan kitanna kapeya yapi, hehan ake econpi, unkan wanna akatinpi ake zaptan.

29 Unkan imnija kin en iyewi-cayapi kta e kokipapi, heon wa-hektapa kin etanhan maza aspe-içiyapi tom minin iyeyapi, qa anpao kta e cinpi linca.

WICOWOYAKE 28.

30 Unkan watope wicakiyapi kin wita wata kin etanhan najicapi kta akitapi, qa wata cistina qon he mini kin ekta yuhukun iyeyapi, watokapa tanhan maza aspeiçiyapi minin iyeya konzapi.

31 Unkan Palos akicita tancan kin akicita ko hewicakiya; Dena wita wata kin ohna yukampi ñni kinhan, yanipi oyakhipi kte ñni ce.

32 Hehan akicita kin wata cistina hañonta ikoyake cin bapsakapi, qa kun iyeyapi.

33 Wanna anpao kta hehan Palos owasin taku yutapi icu wicası, qa heya, Nakaha takudan yute ñni yaunpi anpetu iake topa kin he dee, hehanyan takudan iyacupi ñni.

34 Heon ceeciya ce, taku yutapi icu po, on wanişakapi kta ce, paha nitawapi sukaza wanjidan hinhpaye kte ñni ce.

35 Hena hecen eya hehan aguyapi icu, qa owasin wicitokam Wakantanka cekiye ça, kiyuşpe ça yuta.

36 Hehan owasin cante waştepi, qa woyute icupi.

37 Unkan wita wata kin ohna, wicanagi owasin opawinge nom sanpa wikcemna şakowin sanpa şakpe unyakonpi.

38 Unkan taku yutapi on imnanpi hehan wita wata kin yukapojedanpi, qa aguyapi su kin minin elpeyapi.

39 Unkan wanna anpa kamdeze çehan, makoce kin iyekiyapi ñni; tuka kahmin wan huta oihunni waşte kin he wanyakapi, qa okhipi kinhan, he en wita wata kin aipi kta, keyapi.

40 Hehan maza aspeiçiyapi kin bapsag iyeyapi, qa minin elpeyapi, qa iyupse yuza icaşke kin kiyuşkapi; hehan şina watope-

kiyapi tanka kin yuwankan iyeyapi, qa huta kin ekta yapi.

41 Tuka tukten miniwanca nom kokijuya hiyu kin he en iyohpaya, qa hen wita wata kin azi yapi. Unkan watokapatanhan kin he sutaya ihan, tuka wahektapatanhan kin taja on kamden iyeya.

42 Unkan akicita kin wicakaşkapi kin hena wicaktepi kta e konzapi, okinni wanjikji huta kin ekta niwanpi, qa najicapi kta, keyapi.

43 Tuka akicita tancan kin is Palos nikiye kta cin kin, heon taku econpi kte cin iyowicaki ñni; qa hehan tona niwan okhipi kin hena tokaheya minin elpeçiyapi qa huta kin ekta niwanpi kta, keya.

44 Hehan tona nahalin en un kin hena, hunh canmdaska akan, qa hunh is wita wata etanhan qnşpaşpadan akan iyayapi. Unkan hecen owasin huta kin ekta tanyan iyohipi.

WICOWOYAKE 28.

1 Unkan ekta tanyan iyohipi hehan wita kin he Melite eciyapi e sdoniyapi.

2 Unkan Ikcewicaşta kin nina taku waşte ecaunkiconpi, cetipi qa otioyohi en unkiçopi, nina magaju qa osni kin heon etanhan.

3 Unkan Palos can cikcistina ota pahi, qa peta en aonpa hehan, wamduşkadan wan iyokatapi kin etanhan hiyu, qa Palos nape kin en ikoyag içiya.

4 Unkan nape kin en taku ocinşice cin de ikoyake cin he Ikcewicaşta kin wanyakapi qehan, iyakitedan hekiciyapi; Awicakehan wicaşta kin de tin wicakte kin heca, miniwanca kin

OHANYANPI QON.

etanhan ni hiyu ešta, taku owotanna kin he ni kta e iyowinkiyeni ce.

5 Tuka wamduškadan qon nape kin etanhan peta kin en hdatata elipeye ça tuktedan kiunniye šni.

6 Tuka kapo kta, qa iš ihnuhan-na ta iyaye kta kecinpi. Qa tehan ekta etonwan yukanpi qa tuktedan kiunniye šni un kin wanyakapi, hehan tawacin kin tokeca hinhdapi qa, De taku wakan kin hee ce, eyapi.

7 Unkan hen ikiyedani, wita kin ohna wicašta tokapa, Publios eciyapi kin he makoce onšpa yuha; unkan he tin hiyu unšipi, qa anpetu yamni hehanyan tanyan wo unqupi.

8 Unkan Publios atkuku kin wayazanka, tancan kate ça we ece ihaya. Palos he en i, qa cekiyeni ça, nape on aputake ça asniyan.

9 Hecen econ, unkan hehan wita kin en tona wowayazan yuhapi kin hena en hipi, qa asni wicayapi.

10 Heon etanhan nina unkinihanpi, qa hetanhan unyanpi kte cin, hehan taku uncinpi kin owasin unqupi.

11 Unkan wi yamni, hehan wita wata wan Aleksandrea etanhan, he wita kin hen waniyetu wanke cin, he wiyokiyedan yuke cin, Jupiter cekpapi tawa kin hee, unkan he en unkopapi.

12 Qa Surakusa ekta unkinunipi, qa anpetu yamni unyakonpi.

13 Unkan hetanhan ohomni unyanpi, qa Regium ekta unhipi. Qa anpetu wanjidan iyohakam, tate itokaga tanhan uya, qa anpetu inonpa hehan Puteoli en unkipi.

14 Hen hunkawanjin kiciyapi kin *wanjikji* iyewicunyanpi, qa anpetu šakowin om unyakonpi

kte e cinpi. Hehan Roma ekta-kiya unyanpi.

15 Unkan heciyatanhan hunkawanjin kiciyapi kin unkiyepi eciyatanhan nahonpi, qa itkounkipapi au, Appiiphorum qa Owote tipi yamni kin hehanyan. Hena Palos wanwicayaka, unkan Wakantanka wopida eciye ça wakišag iciya.

16 Unkan Roma ekta unkipi, hehan akicita tancan qon wickaške cin hena wicaštayatapi taakicita tancan kin qu, tuka Palos akicita wanjidan awanyag un kin he kicišnana yanke kta e iyowinkiyapi.

17 Unkan anpetu yamni iyohakam, Palos Juda wicašta tokapapi kin wicakico. Qa en mniciyapi hehan hewicakiya, Wicašta hunkawanjinciyapi, atewicunyanpi oyate qa wicošan kin en taku šica takudan ecamon šni ešta, Jerusalem ekta makaškapi ecen Roma oyate napepi kin en iyemayanpi.

18 Hena iš wimawangapi qehan makiyuškapi kta, miye en taku on mašte kte cin takudan *iyeyapi* šni.

19 Tuka Juda wicašta kin nina tehindapi kin heon, Kesar caje mdate kta iyececa wadaka, mitaoyate kin taku iyawicawaonpe kte cin takudan mduhe šni tuka qon.

20 Heon etanhan nakaka cicipi, wanciyakapi qa wociciyakapi kta, Israel oyate awacinpi kin he on maza icicahiha kin de on makaškapi ce, eya.

21 Hehan iš eya heciyapi, Juda makoce kin etanhan niye on wuwapi unkahipi šni, qa hunkawanjin kiciyapi heciyatanhan hipi kin tuwedan taku šica iyanionpe ça oyake šni.

22 Tuka niš token nitawacin

WICOWOYAKE 1.

kin naunnihonpi kta uncinpi, yu-
omdecapi kin de owancaya ya-
sicapi e sdonunyanpi ce.

23 Unkan anpetu wan cajeya-
tapi kin he en wicota Palos
yanke cin en hipi ; unkan is
Wakantanka tokiconze kin yao-
tanin, qa onspewicakiye ça, Mo-
ses toope kin wicašta wokcan
ko, etanhan Jesus on wahokon-
wicakiya, anpao kin etanhan
otpaze cin hehanyan.

24 Unkan hunh taku oyakapi
kin wicadapi, qa hunh is wica-
dapi sni.

25 Unkan okonwanjidan awa-
kicinpi sni kin, hehan kihdapi,
Palos wicoie wanjidan oyake
cin iyohakam ; Woniya Wakan
kin Isaya wicašta wokcan kin
en, hunkake wicunyanpi kin
tanyan wowicakiyaka ;

26 Qa heya, Oyate kin de ekta
wicai, qa heya wo ; Wanañonpi
kin on nayañonpi kta tuka oya-
kañigapi kte sni, qa wawanya-

kapi kin on wandakapi kta tuka
widukcanpi kte sni :

27 Oyate kin de cantepi kin
cepa aye ça nogepi kin on kitan
se wanañonpi, qa istapi kin o-
lumus icupi ; ista kin on wawan-
yakapi kte sni, qa noge kin on
wanañonpi kte sni, qa cante kin
on okañigapi kte sni, qa ihdue-
cetupi kte sni, qa miš okizi wi-
cawaye kte sni heon etanhan.

28 Hecen on he sdonya po,
Wakantanka wiconi tawa kin
Ikcewicašta kin wicaqupi, un-
kan hena is nañonpi kta ce.

29 Hena hecen eya, unkan Ju-
da wicašta kin kihdapi, qa nina
hdokinicapi.

30 Unkan Palos waniyetu nom
tipi iyunwin ton odote cin he
ohna yanke ça, tona en hipi kin
owasin tin u wicaši.

31 Wakantanka tokiconze kin
yaotanin, qa Jesus Messiya Itan-
can taku tawa kin waditagya
oyaka ece, tuwedan telinda sni.

PALOS,

ROMA OYATE

WOWAPI WICAKICAGE CIN.

WICOWOYAKE 1.

1 Palos Jesus Messiya taokiye,
yewicašipi kin en kicopi, Wa-
kantanka tawootanin wašte on
kañigapi ;

2 Ehanna wowapi wakan kin en
wicašta wokcan oyakapi qon hee ;

3 Iye Cinhintku Jesus Messiya
Itancan unyanpi kin heon etan-
han ; he qe wicacelipi eciyatan-
han Dawid cinca kin hetanhan
icaga ;

4 Qa wowašake on Wakantan-
ka Cinhintku kin hee e yuotan-
inpi, Woniya Wakan kin eci-
yatanhan, wiconte etanhan piya
ikicage cin he en ;

5 Iye kin eciyatanhan wowašte
unkicupi, qa oyate owasin wa-
cinyanpi kin anagoptanpi kte cin
heon yewicašipi wicoñan kin he
nakun, iye caje kin on :

6 Hena ehna Jesus Messiya
wicakico kin he niyepi.

7 Tona Roma ekta un kin owa-

sin, Wakantanka wašte wicakida, yaowotanpidan kte cin on wicakico kin hena, *wowapi cica-gapi*. Wowaonšida, wookiye ko, Wakantanka ateunyanpi, qa Jesus Messiya Itancan kin etanhan, nicipi un nunwe.

8 Tokaheya, Jesus Messiya eciyatanhan, niyepi owasin on etanhan, Wakantanka mitawa kin wopida ewakiya ece, niye wacinyayapi kin he maka kin owancaya cajeyatapi kin heon.

9 Wakantanka minagi kin eciyatanhan ohowada, iye Cinhintku tawootanin wašte kin en, he sdonmayan, ayaštan šni wocekkiye epa eca, ohinniyan cajeciya-tapi ece;

10 Qa nakaha Wakantanka tawacin kin eciyatanhan ekta ciupi owakihi kte cin heon cewakiya ece.

11 Wanciyakapi nina wacin, woniya etanhan taku wicaqupi wan ciupi kta, on niyusutapi kte cin heon etanhan.

12 Niyepi kin on iyuškinmayanpi kte cin he waka, niš niye qa miš miye napin wacinunyanpi kin on etanhan.

13 Mihunkawanji, he de sdoney šni dukanpi kta wacin šni, wanna ota ekta ciupi kta kepca, tuka dehanyan iyomakipišni, niyepi ekta waskuyeca wanjikji mduhe kta wacin, oyate toktokeca kin en *mduhe* cin he iyececa.

14 Helenes, Ikcewicašta ko, ksapapi, wacintonpi šni ko, hena iyohi wicaweciye šni waun.

15 Hecen token owakihi kin, niyepi nakun Roma ekta yaunpi kin, wootanin wašte kin ociciyakapi kta wacin.

16 Messiya tawootanin wašte kin on imaštece šni; he niwicaye kte cin on Wakantanka to-

wašake kin hee, tona wicadapi kin hena en, Juda wicašta kin he tokaheya, qa hehan Helenes wicašta kin hena.

17 Heon etanhan Wakantanka owotanna oħanye cin he wacinyanpi kin etanhan wacinyanpi ekta yuotaninpi; wowapi qon iyececa, Tuwe owotanna kin he wacinyanpi on ni kta ce.

18 Maħpiya kin etanhan Wakantanka tocanniye kin yuotaninpi, woaktašni owasin qa wicašta woalitani econpi kin en, tona woalitani on wowicake kin anaptapi kin hena en.

19 Hena on Wakantanka token sdonyapi kte cin taninyan un; Wakantanka sdoney wicakiya nakaš.

20 Maka kagapi kin hetanhan Wakantanka towakan qa towašake otokahe wanice cin hena tanin, hena wanyagpica šni ešta, taku kage cin on etanhan sdonyapi ece; hecen on woanaħbe yuhapi kte šni.

21 Qa hecen Wakantanka sdonyapi, tuka Wakantanka iyecen yutanpi šni, qa pidapi šni; tuka tawacinpi kin ekta wahanħan-icida ayapi, qa iye cantepi wacintonšni kin otpas aya.

22 Ksapeicidapi kin en icunhan witkotkoka icalħ ayapi.

23 Qa Wakantanka ŧepica šni towitan kin he wicašta ŧe kte cin ouncage kin iyecen yutokecapi, qa zitkadan, wahutopa, watutka kin hena koya.

24 Heon iye cantiheyapi šice cin en Wakantanka awicayuštan, ihdušapapi kte ča, iye tancanpi kin kiciyušihĩtinpi kte cin heon.

25 Hena Wakantanka wowicake tawa kin woitonšni kagapi, qa taku icalħyapi kin he yuonihanpi qa ohodapi, waicalħ-

WICOWOYAKE 2.

ye cin he isanpa, he qe owi-
hanke wanin yawastepi nunwe.

26 Heon etanhan wocantiheye
sice cin en Wakantanka awica-
yustan; hecen winolinca wica-
yuhapi kin hena e wicolian owo-
tanna kin yutokecapi, qa owo-
tanna sni econpi ece.

27 Qa wicasta kin is eya win-
yan yuhapi kin he ayustanpi, qa
is iyepi otoiyohi winktapi on ki-
cicinpi, wica kin wica kici wo-
wistece okicihyanpi, qa iye
tancan mahen wahtanipi kin ta-
ku iyohi kte cin he yuhapi.

28 Qa Wakantanka wacin en
yuze wacinpi sni kin he iyecen,
Wakantanka is eya wicotawa-
cin wahte sni kin en awicayu-
stan, hecen taku wowistece kin
hdustanpi kta.

29 Hena e woahitani owasin,
wiinalmanpi, wicošice, waicu-
cupi kte cin, qa ohinyanpi on
iyatahdepi; winawizipi, tin wi-
caktepi, wakinicapi, wohnaye,
qa wocanniye on ojupidan.

30 Waajijipi sa, waaiapi sa,
Wakantanka sice dapika, wa-
haničidapi, wamnaičidapi, ihda-
tanpi sa, taku šica kagapi sa,
hunkakeyapi kin anawicago-
ptanpi sni;

31 Wacintonpi sni, woope ki-
caksapi, wacantkiyapi sni, wacin
tankapi sni, qa waonsidapi sni.

32 Hena Wakantanka toope
kin sdonyapi; (tona hecen econ-
pi kin hena wiconte iyahdeici-
yapi,) tuka is iye hecen econpi
qa tona heconpi kin hena on
iyokipipi ece.

WICOWOYAKE 2.

1 Heon etanhan wicasta kin
nituwe kasta, wadaco kinhan
iyaonpepica sni yaun kte sni.
Taku on wicasta tokeca daco

kinhan he en niye nihdaco, wa-
daco tuka nis eya he kici taku
okonwanjidan ecanon ece.

2 Tona wicolian hecen econpi
kin hena Wakantanka wowicake
eciyatanhan wicayaco kin he
sdonunyanpi.

3 Qa wicasta kin, nis tona he-
conpi kin wicadaco, qa iyecen
ecanon kinhan, Wakantanka wi-
cayaco kin he nayeciye kta ke-
canni he.

4 Qa is iye towašte wowijice
kin ayakta sni he, wacintanka
qa wawacinkta yuza tanka ko-
ya; qa Wakantanka towašte
kin nihduecetu kta aniye cin
hee e sdonyaye sni he.

5 Tuka cante niteliha, qa ni-
hduecetu sni kin eciyatanhan,
wocanniye anpetu, qa Wakan-
tanka owotanna wicayaco kin
yutaninpi iyehantu kte cin en,
wocantiyahde amnayaya he.

6 He wicasta otoiyohi iye ohan
kin eciyatanhan wicakicu ece
e kta:

7 Tona wicolian wašte en ape
yukanpi, qa wowitan, woyuoni-
han, qa tepica sni kin akitapi
ece kin hena wiconi owihanke
wanice kta:

8 Tuka tona wakinin unpi, qa
wowicake kin anagoptanpi sni,
tuka woahitani awacinpi kin he-
na, wošihda, qa wocanniye,

9 Wošitkihda, qa wokakije,
wicasta otoiyohi taku šica econ
kin wicanagi kin *kiciun* kta, Ju-
da wicasta kin he tokaheya, qa
hehan Helenes hee kta.

10 Tuka wowitan, woyuoni-
han, wookiye ko, tona wašteya
ohanye cin hena kiciun kta, Ju-
da wicasta kin he tokaheya, qa
hehan Helenes hee kta.

11 Wakantanka wicasta ito-
hnake ekta etonwe sni ece.

12 Tona woope codan wahta-

nipi kin hena woope codan yutakunipi kte śni, qa tona woope kin en walitanipi kin hena woope kin eciyatanhan wicayacopi kta.

13 Wakantanka ekta tona woope nahonpi kin hena owotanna kin eepi śni, tuka tona woope kin ecen econpi kin hena owotanna wicayawapi kta.

14 Tohan Ikcewicašta woope yuhapi śni kin hena iye cinka woope wicoħan kin ecen econpi kinhan, woope yuhapi śni ešta, iś iye woope ihduhapi ece.

15 Hena iś iye cantepi kin ekta woope wicoħan owapi kin he hduťaninpi, iye tawiyukcan kin nakun he yaotanin, qa tawacinpi kin oťoiyohi tuktektan iyakiccionpapi, qa akeś anakilmanpi ece.

16 Anpetu wan en, Wakantanka wotanin wašte mitawa kin eciyatanhan, Jesus Messiya on, wicašta taku nahimana awacinpi kin yaco kinhan.

17 Iho, Juda wicašta eniciyapi, qa woope kin awacin nanke ęa Wakantanka on nihdatan,

18 Qa iye tawacin kin sdonya-ya, qa taku tona wašte kin idukcan, woope kin tanyan onnispe nakaes;

19 Qa tona išta gongapi kin tanyan yewicayaye ęa, otpaza ehna un kin iyoyamwicaye cin he niye kecannięin;

20 Qa wacinton śni kin hena waonspekiya niyuhapi, qa hoksiyoqopa kin onspewicayakiya ece, qa woope kin en wosdonye wowicake ko ouncage kin yuha yaun.

21 Heon etanhan wicašta tokeca onspeyakiye cin niś niye onspenięiciye śni he. Wamanonpi kte śni keya odake cin, niś niye wamayanon he.

22 Wawicihalapi econpi kte śni kehe cin, niś niye tuwe wawiyakihalia he. Wakagapi kin waliteyada śni kin niś niye tipi wakan kin etanhan wamayanon he.

23 Niś woope kin en iniwin-ka kin, woope kicaksapi kin on Wakantanka wowištenyaya he.

24 Niyepi eciyatanhan Ikcewicašta kin Wakantanka caje kin oštehdapi ece; wowapi en kagapi qon iyececa;

25 Woope kin oyape cinhan, awicakehan bakiħdayapi kin taku okihi ece; tuka woope yakaksa ece kinhan, banicilidayapi kin he bakiħdayapi śni icaga.

26 Heon bakiħdayapi śni kin he woope woowotanna kin tanyan ope cinhan, he bakiħdayapi śni kin bakiħdayapi kiciyawapi kte śni he.

27 Qa bakiħdayapi śni ece kin he woope kin ope cinhan, he, niye oowa qa bakiħdayapi kin eciyatanhan woope yecakse cin, niyaco kte śni he.

28 Tuwe akan tanhan ecedan hecece cin, he Juda wicašta kin heca śni; qa bakiħdayapi akan tanhan qa wicacełpi ecedan en un kin he hee śni;

29 Tuka tuwe mahen tanhan hecece cin he Juda wicašta kin hee, qa bakiħdayapi kin he oowa kin en he śni, tuka wicanagi kin en un kin hee; he wowitan kin wicašta akantu eciyatanhan śni, tuka Wakantanka eciyatanhan un.

WICOWOYAKE 3.

1 Hecen Juda wicašta kin token iyotan un he, qa bakiħdayapi kin he taku okihi he.

2 Taku owasin on iyotan, tuka tokaheya Wakantanka oie kin wicawupi qon he.

WICOWOYAKE 3.

3 Qa wanjikji wicadapi śni ešta, hecen tokeca kta he. Hena wicadapi śni kin he Wakantanka wacinyanpi kin ecetu śni ye kta he.

4 Hiya, hecetu śni; Wakantanka wowicake kta, qa wicašta otoiyo hi iton kte śni; wowapi en kagapi qon iyececa; Nioie kin on nihdaowotanna kta, qa niyacopi kin en ohiyaye kta ce.

5 Tuka waunhtanipi kin hena Wakantanka toowotanna yutanin kinhan token unkeyapi kta he; Wakantanka kakišwicaye cin he owotanna śni he; (wicašta akantu kin iyecen iwaa;)

6 Hiya hecetu śni; *hecetu* kinhan token Wakantanka wicoicage kin wicayaco kta he.

7 Oiwaton śni kin on etanhan Wakantanka towicake kin he iye towitan kin hduotanin kinhan, token on etanhan wahtani sa iyecen mayacopi he.

8 Qa tokeca taku wašte u kte cin heon taku śica econkupi kte śni he, unkakicagapi qa wanjikji, unkeyapi ce, keyapi kin iyececa; hena wicayacopi kin he owotanna.

9 He etanhan tokeca kta; unkiye iyotan unwaštepi he. Hiya, takuśnina on. Wanna Juda Helenes wicašta ko, owasin woahhtani ihukuya yukanpi kin he unyaotaninpi qon.

10 Wowapi en kagapi qon iyececa; Tuwedan owotanna un śni;

11 Tuwedan okañnige śni; tuwedan Wakantanka akite śni;

12 Owasin icunonpa iyayapi, ptaya ihdušicapi; tuwedan taku wašte econ śni, wanjidan ešta.

13 Dotepi kin wicahnakapi yuhdokapi kin hee; cejipi kin on wicahnayanpi ece, ihapi kin en sintelida tage yukan:

14 Ipi kin wicayašicapi qa wicoie pa hinca ko on ojudan:

15 Šihapi kin iś weyapi kta e duzahanpi;

16 Tacankupi kin ohna wicotakuni śni wicokakije ko yukan;

17 Qa wookiye canku kin he sdonyapi śni.

18 Qa ištapi kin itokam Wakantanka kokipapi kin wanica ce.

19 Woope kin taku tona eye cinhan, tona woope ihukuya un kin hena hewicakiya ece e sdonunyanpi. Hecen wicai otoiyo hi iohmus icupi kta, qa wicoicage owasin Wakantanka itokam wicayacopi kta.

20 Heon etanhan iye itokam, woope wicoħan kin on, wicaceħpi takudan yaowotanpi kte śni; woope kin eciyatanhan woahhtani sdonkiyapi ece.

21 Tuka nakaha woope codan Wakantanka toowotanna kin yutaninpi; woope qa wicašta wokcanpi kin he yaotaninpi ece.

22 Wakantanka toowotanna kin, Jesus Messiya wacinyanpi kin eciyatanhan u kin hee, tona wicadapi kin owasin en, qa owasin akan un, qa owasin akiyececap.

23 Owasin ĩin wahtanipi, qa Wakantanka towitan kin iyohi śni unpi.

24 Qa iye towaonsida kin on iyunwin codan owotanna wicayawapi, wopekitonpi Jesus Messiya en un kin he eciyatanhan.

25 He Wakantanka toka qehan ehde, wokajuju kta, iye we kin wacinyanpi kin eciyatanhan, iye toowotanna hduotanin kte, woahhtani ehanna econpi qon hena kajujupi kin on etanhan.

26 Wakantanka tehan ape un kin en, nakaha iye toowotanna

kin hdutanin kta e heon; hecen iye kin owotanna un kta, qa nakun tuwe Jesus wacinye cinhan, he yaowotan kta.

27 Hehan ihdatanpi kin toki un he. He anaptapi. Woope kin tukte e on; wicohan kin hee he. Hiya, wacinyanpi woope kin hee on etanhan.

28 Heon woope wicohan codan, wacinyanpi on etanhan, wicašta kin owotanna yawapi e he unkiyukanpi.

29 Juda oyate isnana Wakantanka tawapi he; qa Ikcewicašta tawapi šni he. Hiya, nakun Ikcewicašta tawapi.

30 Tuwe wacinyanpi on bakihdayapi kin yaowotanna kte, qa wacinyanpi eciyatanhan bakihdayapi šni kin owotanna yawa kte cin he Wakantanka wanjidan.

31 Hecen wacinyanpi kin on woope kin ecetu šni unyanpi he. Hiya, hecetu šni, tuka woope kin unyusutapi.

WICOWOYAKE 4.

1 Heon, Abraham ate unyanpi kin, wicacehpi eciyatanhan taku iyeye cion tukte e he, unkeyapi kta he.

2 Abraham wicohan on ihduowotanna kinhan taku iwinkta kte cin hduha, tuka Wakantanka itokamya šni.

3 Wowapi wakan kin token eya he. Abraham Wakantanka wacinyan, qa woowotanna kiciyawapi qon.

4 Tuwe hitani kin he wokajuju kin wowaonsida iyecen kiciyawapi šni, tuka wopetonpi kin he iyececa.

5 Tuka tuwe ohanye šni, qa tuwe tona wahtanipi kin wicayaowotanna kin he wacinye cin-

han, wacinyanpi kin he wicoowotanna kiciyawapi ece.

6 Wicašta kin tuwe wicohan codan Wakantanka wicoowotanna kiciyawa kin wowašte yuhe cin he Dawid oyake cion iyececa:

7 Tona taku šica econpi qon wicakicicajupui, qa wahtanipi kin yutokan iyewicakiciciyapi kin hena wicayawaštepi ece.

8 Wicašta kin tuwe Itancan kin wahtani kiciyawa šni kin he yawaštepi ce.

9 Unkan wowašte kin de bakihdayapi kin ecedan en au he; qa is bakihdayapi šni kin nakun en au he. Wacinyanpi kin he Abraham woowotanna on kiciyawapi ce, unkeyapi qon.

10 Token he on kiciyawapi he; bakihdayapi kin en un, qa is bakihdayapi šni en. Bakihdayapi en un šni, tuka bakihdayapi šni kin en icunhan.

11 Qa nahanhin bakihdayapi šni un kin en icunhan, bakihdayapi kin he wowapetogton, wocacinye woowotanna ipuspe kin hee icu; hecen tona wacinyanpi kin owasin, bawicahdayapi šni ešta, he ateyapi kta, qa nakun hena e wicoowotanna wicakiciyawapi kta.

12 Qa tona bakihdayapi kin heceepidan šni, nakun Abraham ateunyanpi, hinalhin bakihdaye šni, he ehan wacinye cion, tona he oye kin ohna manipi kinhan, hena is eya bakihdayapi kin en ateyapi kte cin heon.

13 Maka kin tawaye kte cin, Abraham iye cinca kin om, iwahoyapi qon he woope kin eciyatanhan šni, tuka wacinyanpi on woowotanna kin eciyatanhan.

14 Tona woope kin eciyatanhanpi kin hena tawayapi kte cin eepi hecinhan, wacinyanpi kin

WICOWOYAKE 5.

ecetuśniyapi, qa wahoyapi qon he nakun takudan okihi śni.

15 Woope kin he wocanniye kaga; tukten woope wanica hecinhan hen woahṭani nakun wanica.

16 Heon etanhan, he wacinyanpi kin on, wowaonśida eciyatanhan kte cin heon, qa wahoyapi qon cincapi kin owasin en wicakiciyusutapi kta, tona wope eciyatanhan unkin hecedan śni, tuka tona Abraham, unkiye owasin ateunyanpi kin, wacinye ciqon en opapi kin hena koya.

17 Wowapi qon iyececa; Ikcewicaśta oyate ota atenyapi kta e ecihde ce; Wakantanka wicaṭe cin ake ni wicaye ṭa, taku tona un śni kin hena taku unkin iyecen cajeyata ece kin he wacinyan kin heon etanhan.

18 Oyate ota aṭeyapi kte cin he apewica śni, tuka wacinyan unkin heon ape, taku eyapi qon iyececa; Nicinca iyenaka kta ce.

19 Qa waśagya wacinye cin heon iye tancan kin wanna kan he awakicin śni, wanna waniyetu opawinge ikiyedān, qa Sara tamni kin nakun wanna ecece śni tuka.

20 Qa Wakantanka wahoye cin he ceṭunhda kin on kaktihanhan śni; tuka wacinyanpi on wakiśaka un, qa Wakantanka yatan.

21 Qa taku iwahoye cin he ecen econ kta okihi e he nina wicada.

22 Heon etanhan he wicoowotanna kiciyawapi.

23 Qa he hecen kiciyawapi kin he iye iśnana on wowapi kin en kagapi śni;

24 Tuka unkiyepi on, he unkiyawapi kte cin heon etanhan, tuwe Jesus Messiya Itancan unkiyapi kin wiconṭe etanhan na-

jin kiye ciqon he wacinunyanpi kinhan.

25 Iye waunḥtanipi kin on wicacupi, qa owotanna unyawapi kte cin on ake najinkiyapi qon.

WICOWOYAKE 5.

1 Hecen wacinyanpi on owotanna unyawapi kin, heon etanhan Wakantanka ekta wookiye unhapi, Jesus Messiya Itancan unkiyapi kin eciyatanhan.

2 Qa he iye eciyatanhan en unhiyupi, wowaonśida en ahan naunjinpi kin en, wacinyanpi kin on etanhan, qa Wakantanka towitan kin ape unkiyuśkinpi ece.

3 Qa hecedan śni, nakun wokakije on unkiyuśkinpi ece; wokakije kin he wacin tankapi kaga e sdonunyanpi;

4 Qa wacin tankapi kin he wiyukcanpi, qa wiyukcanpi kin he woape;

5 Qa woape kin he iśten wicaye śni, Woniya Wakan unqupi kin he eciyatanhan, Wakantanka towaśte uncantepi kin en unkokicicaśtanpi kin he etanhan.

6 Takudan unkokihipi śni kin he icunhan, wanna iyehantu qehan Messiya waḥtanipi sa kin on ṭa.

7 Tuwedān wicaśta owotanna kin on ṭe kte śni naceca; tuka okinni wicaśta waśte on tuwe ṭe kta tawaṭenye kta nace.

8 Tuka waḥtanipi sa heuncapi kin he icunhan, Messiya unkiyepi on ṭe cin he en, Wakantanka token canteunkiyapi kin hduotanin.

9 Hecen sam iyeya, nakaha iye we kin on owotanna unyawapi kin, iye eciyatanhan wocanniye kin etanhan eunhdakupi kta.

10 Toka unyakonpi qehan he

icunhan, iye Cinhintku te cin eciyatanhan, Wakantanka kici okiciciye unyanpi hecinhan, he sam iyeya kici okiciciya unyankonpi kin, iye ni un kin eciyatanhan ni unyanpi kta.

11 Qa hecedan šni, tuka nakun Wakantanka kin en unkiyuškinpi, Jesus Messiya Itancan unkiyapi kin eciyatanhan, he etanhan nakaha wookiye unhapi.

12 Heon etanhan wicašta wanjidan eciyatanhan woalitani wicoicage kin wicehna hiyu, qa woalitani etanhan wiconęe, qa hecen wiconęe wicašta owasin akan iwicayaya, owasin wahtanipi nakaes.

13 Woope kin itokam woalitani wicašta kin ehna un; tuka tukten woope wanice cinhan hen woalitani wicakiciyawapi šni ece.

14 Hececa esta, Adam qa Moses iyotahedan wiconęe onunyan, Adam tuwe u kte cin oowa kin hee wahtani kin tona iyecen wahtanipi šni kin hena eepi kaeš en onunyan.

15 Tuka woalitani qon he kici wowaonsida kin akidecece šni. Wicašta wanjidan wahtani qon he on wicota tapi hecinhan, he sam iyeya Wakantanka towaonsida, qa wowaonsida on ituwicakihanpi kin he wicašta wanjidan, Jesus Messiya kin hee on wicota en wicakiciyuota kta.

16 Qa wicašta wanjidan wahtani qon eciyatanhan, wowaonsida on ituwicakihanpi kin he iyecece šni. Wanjidan on etanhan wiconęe iwicayacopi; tuka wowaonsida on ituhanpi kin he woalitani ota etanhan wicayawotanna kta.

17 Wicašta wanjidan wahtani kin on etanhan wanjidan eciyatanhan wiconęe onunyan hecin-

han, he sam iyeya tona wowaonsida untkana, qa wicoowotanana wicaqupi kin icupi kin hena, wanjidan, Jesus Messiya kin hee, e eciyatanhan wiconi kin en onunyanpi kta.

18 Heon etanhan woalitani wanjidan eciyatanhan, wicašta owasin en wiconęe iwicayacopi kin aupi; he iyecen woowotanana wanjidan on etanhan wiconi iwicayawotanna kin he wicašta owasin en aupi.

19 Wicašta wanjidan waanagoptan šni un qon he etanhan wicota wahtani sa wicakagapi kin, he iyecen wanji waanagoptan un kin eciyatanhan wicota owotanna wicakagapi kta.

20 Woalitani ihduota kte cin heon woope kin hi, tuka tukten woalitani yuota ikicage ciqon hen wowaonsida nina sam iyeya ihduota.

21 Hecen wiconęe en woalitani onunye ciqon he iyecen wiconi owihanke wanica en wowaonsida onunye kta, Jesus Messiya Itancan unkiyapi kin eciyatanhan.

WICOWOYAKE 6.

1 Hecen taku unkeyapi kta he. Wowaonsida yuotapi kte cin heon woalitani en unkitanpi kta he.

2 Hiya hecetu šni. Tona woalitani ekta unęapi kin, token he en nakun unnipi kta he.

3 Tona Jesus Messiya en baptem wicaqupi kin hena iye te cin en baptem wicaqupi kin he sdonyayapi šni he.

4 Heon etanhan baptem eciyatanhan he kici unbnakapi, wiconęe kin en, hecen iye Atkuku towitan kin Messiya wicęe cin etanhan ekicetu ye ciqon he iyecen unkiš eya wiconi teca kin en maunnipi kta.

WICOWOYAKE 7.

5 Qa iye te cin iyacinpi kin en kici huunhdepi hecinhan, nakun he piya ikicage cin en iyecen unyakonpi kta.

6 Qa wicašta tanina unhapi kin he iye kici icipawehi okatanpi kin he sdonunkiyapi, hecen woahitani tancan kin he ihangyapi kta, qa hetanhan woahitani wowidag unyanpi kte šni.

7 Tuwe te cinhan, he wanna woahitani etanhan kiyuškapi.

8 Hecen Messiya kici unŕapi hecinhan, kici unnipi kta e wacinunyanpi.

9 Qa Messiya wicašte cin etanhan ekicetuyapi qon he ake icimana te kte šni e sdonunyanpi; tokata wiconšte tohinni yuha okihi kte šni.

10 He te ciqon wancadan woahitani on ŕa; qa he kini kin Wakantanka on ni un.

11 He iyecen niš eya woahitani on te nihdawapi, tuka Wakantanka ekta ni yaunpi, Jesus Messiya Itancan unkiyapi kin eciyatanhan.

12 Heon nitancan te kte cin en woahitani ounye šni nunwe, hecen wocantiheye šice cin anayagoptanpi kte šni.

13 Qa nihuhapi kin hena wicohan šica en woahitani wowinyunye kta e qupi šni po, tuka wicašte cin etanhan ni un kin iyecen Wakantanka ičiču po, qa nihuhapi kin wicoowotanna en Wakantanka wowinyunye kiya po.

14 Woahitani icimana inidakapi kte šni. Woepe kin ihukuya yaunpi šni tuka wowaonšida kin ihukuya.

15 Hecen tokeca kta; woepe kin ihukuya unyakonpi šni, tuka wowaonšida ihukuya unyakonpi kin heon etanhan waunhtanipi kta he. Hiya hecetu šni.

16 Tuwe anayagoptanpi kta inidake ničiyapi kin he anayagoptanpi kin on wowidake niyanpi kin he sdonyayapi šni he; he woahitani wiconšte aiyahdeye cin hee, qa iš waanagoptanpi kin on wicoowotanna kta.

17 Tuka Wakantanka wopida kiciun nunwe, woahitani inidakapi tuka qon; tuka woonspecedan en yenianpi qon he cante eciyatanhan oyapapi.

18 Qa woahitani etanhan enihdakupi kin, heon wicoowotanna wowidake niyan yaunpi.

19 Wicašta akantu kin iyecen iwaa ce, nicehpipi wašake šni kin heon etanhan. Wicošice en nihuhapi kin ašapapi qa woahitani wowinyunniyanpi kta e iyowinyakiyapi qon, he iyecen nakaha wicayuecedan kin en nihuhapi kin wicoowotanna inidakapi kta e iyowinkiya po.

20 Woahitani wowidake niyanpi qehan, wicoowotanna inidakapi šni.

21 Hehan taku nakaha on iništecapi kin hena en taku waskuyeca duhapi qon he tukte e he; hena e ihanke kin he wiconšte ee.

22 Tuka nakaha woahitani etanhan enihdakupi, qa Wakantanka wowidake niyanpi, heon wicayuecedan on waskuyeca duhapi, qa he ihanke kin owihanke wanni wiconi kin hee.

23 Woahitani wokajuju kin he wiconšte ee; tuka Wakantanka taku ituwicakihan kin he, Jesus Messiya Itancan unkiyapi kin eciyatanhan, owihanke wanni wiconi kin hee.

WICOWOYAKE 7.

1 Mihunkawanji, (tona woepe sdonyapi kin hena owicawakiya); woepe kin wicašta kin wo-

widag ya, tohanyan ni un kin hehanyan, he sdonyayapi šni he.

2 Winohinca kin tuwe hihna ton kinhan, hihnaku ni un kin hehanyan, toope kin on kaškapi; tuka hihnaku kin wanna te cinhan hehan hihnaku toope kin etanhan kiyuškapi.

3 Hecen hihnaku ni un kin icunhan, wicašta tokeca hihnaye cinhan, wawicilahapi econ eciyapi kta; tuka hihnaku te cinhan hehan woope qon etanhan kiyuškapi qa wicašta tokeca hihnayan ešta he wawicilahapi econ šni.

4 Heon etanhan, mihunkawanji, niš eya Messiya tancan kin eciyatanhan woope kin ekta nišapi kin; hecen tuwe tokeca hihnayayapi kta, tuwe wicašte cin etanhan ekicetuyapi qon he hee; hecen Wakantanka on waskuyeca icalunyanpi kta.

5 Wicacelipi kin en unyakonpi qehan, woahłani wocantiheye kin, woope kin eciyatanhan un kin, hena waskuyeca wiconšte icalkiciciye kta e heon unhuhapi kin en ołhanyan.

6 Tuka nakaha woope kin etanhan unkiyuškapi, taku on unkaškapi qon he ekta unšapi kin; hecen oowa tanina kin en wowidag unyanpi kte šni, tuka woniya teca kin en.

7 Hecece cinhan token unkyayapi kta he: Woope kin he woahłani kin ee he: Hiya, hecetu šni; woope eciyatanhan šni unkanš, woahłani sdonwakiye kte šni tuka qon. Woope kin, Tokan tawa yacin kte šni ce, eye šni unkanš, wocantiheye šice cin sdonwaye kte šni tuka.

8 Hehan woahłani woahope kin wowinyunye ča, miye maheš wocantiheye šice cin owasin mi-

caga. Woope codan woahłani ta wanka.

9 Ehanna woope codan ni wau; tuka woahope kin he hi qehan, woahłani kini, qa miye maša.

10 Qa woahope kin wiconi kta e on yuštampi qon he wiconšte kin ee imicicaga ce.

11 Woahłani woahope kin wowinyunyan, hecen mahnaye ča, on makte.

12 Hecen woope kin he wakan; qa woahope kin he nakun wakan, owotanna qa wašte.

13 Hecen taku wašte kin he wiconšte imicicaga he. Hiya hecetu šni. Tuka woahłani kin he woahłani hee e tanin kta, heon taku wašte on etanhan wiconšte icali miciciya; hecen woahope kin eciyatanhan woahłani kin iyotan šice kta.

14 Woope kin he wakan sdonunyanpi; tuka miye qe wicacelipi kin hemaca, qa woahłani ihukuya wiyopemayanpi.

15 Taku ecamon ece kin he iyowinwakiye šni. Taku wacin kin he ecen ecamon šni; tuka taku šice wadake cin he ecen ecamon ece.

16 Taku wacin šni kin he ecen ecamon kinhan, woope kin he wašte c mduotanin.

17 Qa hecen tuwe hecon kin he miyc šni, tuka woahłani miye mahen un kin hee.

18 Miye en, micelipi kin he waka, taku wašte en maun šni e sdonwakiya. Iciconzapi kin he iyemicihantu, tuka token taku wašte ecamon kte cin iyewakiye šni.

19 Taku wašte wacin kin he ecen ecamon šni; tuka taku šica wacin šni kin hee ecen ecamon ecc.

20 Hecen taku wacin šni kin

WICOWOYAKE 8.

he ecen ecamon kinhan, tuwe hecon kin he miye śni, tuka woah̄tani miye mahen un kin he *hecon*.

21 Hecen woepe wanji iyewakiya, taku wašte ecamon wacin eca, taku śica miye en miciun ece.

22 Wicašta mahentu kin eciyatanhan Wakantanka toope kin on induškin :

23 Tuka mihuha kin en woepe tokeca wan wanmdaka, he mitawacin toope kin kici kicize ça, woah̄tani woepe mihuha kin en un kin he en wayaka amahda.

24 Wicašta nina iyokišice cin he miye ; tuwe wiconte tancan kin de etanhan emahdaku kta he.

25 Wakantanka wopida ewakiya ece, Jesus Messiya Itancan unkiyapi kin hee on etanhan. Hecen miye mitawacin kin on Wakantanka toope kin wowidag mayan, tuka wicaceh̄pi eciyatanhan woah̄tani woepe kin he *imadaka*.

WICOWOYAKE 8.

1 Heon etanhan, nakaha tona Jesus Messiya en un kin, hena wiconte iwicayacopi wanin unpi, wicaceh̄pi eciyatanhan manipi śni, tuka Woniya kin eciyatanhan.

2 Wiconi Woniya toope kin Jesus Messiya en un kin, he woah̄tani wiconte ko woepe kin etanhan makiyuška.

3 Woepe kin wicaceh̄pi eciyatanhan waśake śni un qon he taku okihi śni kin hee Wakantanka *econ*, iye Cinhintku wicaceh̄pi wahtani ouncage kin en hiyuya, woah̄tani on, qa wicaceh̄pi kin en woah̄tani yaco.

4 Hecen tona wicaceh̄pi kin eciyatanhan maunnipi śni, tuka

Woniya eciyatanhan, unkiyepi en woepe wicoowotanna kin ecetu kta.

5 Tona wicaceh̄pi eciyatanhan un kin hena wicaceh̄pi taku tawa kin awacinpi ; qa tona Woniya kin eciyatanhan un kin hena taku Woniya tawa kin *awacinpi*.

6 Wicaceh̄pi awacinpi kin he wiconte kin ee ; tuka Woniya awacinpi kin he wiconi qa wookiye kin hee.

7 Wicaceh̄pi wicotawacin kin he Wakantanka toka ya. He Wakantanka toope kin ope śni, qa nakun ecaca okihi śni.

8 Hecen tona wicaceh̄pi kin en un kin hena Wakantanka iyokipi yapi kta okitpanipi.

9 Tuka niyepi wicaceh̄pi kin en yaunpi śni, Woniya kin en yaunpi, Wakantanka Taniya kin niyepi kin en ounye cinhan. Qa tuwe Messiya Taniya kin yuhe śni kinhan he tawa śni.

10 Qa Messiya en niunpi kinhan, wicatančan kin he woah̄tani eciyatanhan řa, tuka wicanagi kin he wiconi un, wicoowotanna eciyatanhan.

11 Tuwe Jesus wicate cin etanhan najin kiye cigon he Taniya kin niyepi en ounye cinhan, tuwe Messiya wicate cin etanhan najin kiye cigon hee nitancan řapi kte cin ekicetu ye kta, iye Taniya Wakan niyepi en ounye cin he eciyatanhan.

12 Heon etanhan, mihunkawanji, wicaceh̄pi kin takudan ikicazo śni unyakonpi, on etanhan wicaceh̄pi kin eciyatanhan unni pi kta.

13 Wicaceh̄pi kin eciyatanhan yanipi kinhan niřapi kta ; tuka Woniya kin eciyatanhan wicatančan wicohan kin ře yakiyapi kinhan yanipi kta.

ROMA.

14 Wakantanka Taniya kin tona yus awicaye cin hena Wakantanka cinca wicaye cin eepi.

15 Ake wokokipe kta e on ookiyeyapi woniya kin iyacupi ŋni, tuka cinhintkuyapi woniya kin he iyacupi, on Abba, Ate, eya hoyeunkiyapi ece.

16 Qa Wakantanka cinca kin heuncapi e unnagipi kin kici Woniya kin e unyuotaninpi.

17 Unkan uncincapi kinhan tawayapi kte cin heuncapi; Wakantanka tawayapi; Messiya kici tawayapi kte cin; kici unakijapi kinhan, nakun kici wowitan unhapi kta ce.

18 De nakaha wicokakije kin he, wowitan unkiyepi en ecadan yutaninpi kte cin kici akiyecen yawapi kta e iyecece ŋni wadaka.

19 Wakantanka cinca wicayutaninpi kte cin on taku kagapi kin cantokpaniyan ape yanka.

20 Taku kagapi kin he woecetu ŋni kin en ihukuya ye kta cin ŋni, tuka tuwe woape on he wowidagye cin hee on etanhan.

21 Qa taku kagapi kin hee kaeŋ wicahwin wowidagyapi kin etanhan kiyuŋkapi kta, qa Wakantanka cincawicaye cin ihduhapi wowitan kin en yeyapi kta.

22 Taku icage cin owasin dehayan witaŋa comihdazi, qa hokŋiksuya un e sdonunyanpi.

23 Qa hecedan ŋni, tuka unkiŋ eya Woniya kin taku tokaheya icahya unhapi kin, unkiyepi qe comiunhdazipi, qa atayedan cinca yapi kte cin unkapepi, unkitancanpi ekicetu ye kte cin hee.

24 Woape kin on niunyanpi; tuka woape wanyakapi kin he woape kin ee ŋni, tuwe taku wanyake cinhan tokeca e nahahin ape yanka he.

25 Tuka taku wanunyakapi ŋni

kin he unkapepi hecinhan, hehan wacintankapi on unkiŋcupi kta e ape unyakonpi ece.

26 Qa nakun Woniya kin iŋ waunŋakapi ŋni kin en icunhan ounkiyapi ece. Token wocekiye unkeyapi kte cin sdonunki-yapi ŋni, tuka Woniya kin e qe unkiyepi on wocekiye eya, hawayapi oyagpica ŋni kin on.

27 Qa tuwe wicacante iyukcan kin he Woniya kin token wacin yuze cin sdonya, he Wakantanka *tawacin kin* eciyatanhan tona owotanna un kin hena on wocekiye eya ece.

28 Unkan Wakantanka waŋte dakapi kin hena taku owasin tanyan owicakihan ece e sdonunyanpi, tona iye tawacin kin eciyatanhan wicakicopi kin hena.

29 Tona otokaheya tanhan sdonwicakiye ciqon hena wicakiconza, iye Cinhintku ouncage kin en icagapi kte cin heon, qa hecen he hunkawanjitku ota ehpa tokapa kta.

30 Qa tona wicakiconze ciqon hena wicakico; qa tona wicakico qon hena wicayaowotanna; qa tona wicayaowotanna qon hena iŋ eya wicayutan.

31 Heon etanhan hena taku kin en taku unkeyapi kta he. Wakantanka unkiŋcipi unkinhan, tuwe kaŋeunyanpi kta he.

32 Tuwe iye Cinhintku kin kpatan ŋni, tuka unkiyepi owasin on kpagan qon, he iye kici taku owasin iyakiŋyaya unqupi kte ŋni he.

33 Tona Wakantanka wicakahnige cin hena tuwe taku iyawicaonpe kta he. Wicayaowotanna kin he Wakantanka kin ee ce.

34 Tuwe wayaco kta he. Tuwe te ciqon he Messiya ee, qa ake

WICOWOYAKE 9.

piya ikicage cin hee, Wakantanka etapa kin eciyatanhan yanke ça, unkiyepi on wocekiye eciya.

35 Tuwe Messiya towašte kin etanhan unyušpapi kta he. Wicokakije, wošitkihda, wicokicize, wicaakihan, tancowicakadan, wokokipe, qa maza sagye *okihi* kta he.

36 (Owapi qon he hecetu, Niye kin on anpetu ohinniyan unktepi *unyakonpi*, tahinca ktepi kte cin iyecen unyawapi ce.)

37 Tuka hena taku kin owasin en, tuwe canteunkiyapi qon he eciyatanhan, tanyan ohiye unyakonpi.

38 Heon, wiconțe, qa wiconi, qa mahpiya ohnihde cin hena, qa wokiconze kin, qa wicowaške kin, qa taku nakaha un kin taku u kte cin ko ;

39 Qa taku wankantuya un kin, qa taku mahentuya un kin, qa taku icage cin tokeca, takudan Wakantanka towašte, Jesus Messiya Itancan unkiyapi en un kin, he etanhan unyušpapi kte šni e sdonwaye hinca.

WICOWOYAKE 9.

1 Messiya eciyatanhan wowicake epe, itonšni mawanica, minagi kin hee e Woniya Wakan kin kici mahdutanin ;

2 Nina iyomakišice ça micante ekta ohinniyan iyokišin waun.

3 Mihunkawanji qa tona wicacehpi eciyatanhan takuwicawaye cin hena on, Messiya etanhan mayacopi tawaženwaya owakihi tuka.

4 Hena Israel wicašta kin hecapi, qa atayedan cinkši wicaye cin hena eepi, qa wowitan, qa wicotakuye, qa woope wicaqupi kin, qa wawokiyapi kin, qa wahoyapi kin hena tawapi.

5 Qa hunkake wicayapi kin etanhanpi kin hena eepi, qa hena etanhan wicacehpi eciyatanhan Messiya inapa, he owasin iwankam Wakantanka kin ee, owihanke wanin wowašte yuha nunwe.

6 Wakantanka oie kin ecetu šni aye cin he wake šni. Tona Israel etanhanpi kin hena owasin Israel hecapi šni.

7 Qa Abraham etanhan icagapi kin heon owasin cincapi kin hecapi šni. Tuka, Isaak etanhanpi kin hena nicinca ewicakiyapi kta ce.

8 He kaketu, tona Wakantanka cinca wicaye cin hena wicacehpi eciyatanhan cinca wicayawapi qon heon etanhan šni, tuka tona cinca wahoyapi qon hena e wicowazi kin ee iyawapi.

9 Wahoyapi wicoie kin he decetu, Omaka dehantu kinhan wau kta, qa Sara cinhintku wan ton kta ce.

10 Qa heceyedana šni, tuka Rebeka nakun wanjidan on, Isaak ateunyanpi kin hee on, ihdušake cehan,

11 Nahanhin tonpi šni, taku wašte taku šica ko unmana nahanhin econpi šni, Wakantanka tawacin kin wicakašinigapi kin en sutaya un kte cin heon, wicohan kin eciyatanhan šni, tuka tuwe wicakico kin he eciyatanhan ;

12 Hehan heciyapi, Hakakta kin he tokapa kin wowidag ye kta ce.

13 Owapi qon he kaketu, Jakob wašte wadaka, tuka Esau šice wadaka ce.

14 Hecen token unkeyapi kta he. Wakantanka owotanna šni econ he. Hiya, hecetu šni.

15 He Moses heciya ; Tuwe onšiwakida kte cin he onšiwaki-

da kta, qa tuwe wacin en mduze kte cin he wacin en mduze kta ce.

16 Heon etanhan tuwe cin kin eciyatanhan šni, qa tuwe inyanke cin he nakun eciyatanhan šni, tuka Wakantanka onšiwicakida kin he eciyatanhan ece.

17 Wowapi wakan kin he Pharo heciya; He dee on etanhan icalhiciya, niye en mitowašake kin wahduotanin kta, qa maka owancaya micaje kin oyakapi kte cin heon.

18 Heon etanhan tuwe kalnige cinhan, he onšikida ece; qa tuwe kalnige cinhan he yutehi ece.

19 Hecen hemayakiye kta nace; Tokeca e nahanhin wicaba he; tuwe e iye tawacin kin ece-tušniya he.

20 Hiya, wicašta kin, niš nituwe he, hecen Wakantanka i en hiyeyaya he. Taku kagapi kin he tuwe kage cin, Tokeca hecen mayakaga he, eciye kta he.

21 Maka wakšica kage cin heca maka kin okihi šni he, upšija omnaye wanjidan etanhan wakšica wan woyuonihan, qa wanji iš wowištece on kage kte šni he.

22 Hecen Wakantanka wocanniye kin hdutanin kta cin, qa towašake kin sdoney unkiyapi kta e on wocanniye wakšica wicotakuni šni kicagapi qon hena wawacinkta yuza tanka on wicakuwa kinhan;

23 Qa tona wowaonšida wakšica kin otokaheya tanhan wowitan on wiyeya ehnakapi qon, hena en iye towitan wowijice kin hduotanin kta.

24 He wicakico kin hena unkiyepi, Juda oyate etanhanpi kin hecedan šni, tuka nakun Ikcewicašta etanhanpi.

25 Hose en heye ciqon iyececa;

Tona mitaoyate šni kin hena mitaoyate ewicawakiye kta, qa wašte dakapi šni qon he wašte dakapi kin ewakiye kta.

26 Qa tukten, Mitaoyate kin he niyepi šni ce, ewicakiyapi qon, hen, Wakantanka ni un cinca kin ewicakiyapi kta ce, *eya*.

27 Isaya iš *eya* Israel oyate kin on hotanin; Israel cincapi kin miniwanca wiyaka sukaza iye-cen ota yawapi ešta, tona okaptapi kin henana nipi kta ce, *eya*.

28 Wayawapi yuptecedan kta qa wicoowotanna en hduštan kta; maka akan Itancan kin yawawapi ptecedan wan kage kta.

29 Qa he itokam Isaya heye ciqon; Sabaoth Itancan kin wicowazi wan unkokicicaptapi šni unkanš, Sodom iyeccen unyakonpi kta, qa Gomorra en unkiyoptapi kta tuka.

30 Hecen token unkeyapi kta he. Ikcewicašta kin wicoowotanna iyeyapi ce, wacinyanpi kin eciyatanhan wicoowotanna kin hee.

31 Tuka Israel wicoowotanna woope odepi qon hena wicoowotanna woope kin iyohipi šni.

32 Tokeca he. Wacinyanpi kin eciyatanhan šni, tuka woope wicohan kin eciyatanhan odepi kin, heon etanhan. Inyan ibotopi kin de on siha ibotopi.

33 Wowapi kagapi qon iyececa; Wanyaka wo, Zion en inyan ibotopi, qa innija on hicahanpi wan ewahde; qa tuwe he wacinye cinhan inihan kte šni.

WICOWOYAKE 10.

1 Mihunkawanji, micante cantiheye ca taku Wakantanka icewakiye cin, Israel oyate kin wicani kte cin hee.

WICOWOYAKE 11.

2 Hena wicaweciyaotanin, Wakantanka wacin en yuzapi tuka he wosdonye eciyatanhan s̄ni.

3 Wakantanka toowotanna kin s̄donyapi s̄ni, qa iye wicoowotanna tawapi kin hdusutapi akitapi, qa Wakantanka toowotanna kin he ihukuya iyeiciyapi s̄ni.

4 Tona wicadapi kin owasin en Messiya kin he wicoowotanna woope woyuſtan kin hee.

5 Woowotanna woope kin eciyatanhan kin he on Moses kaken owa qon; Wicaſta tuwe hena taku kin econ kinhan, hee hena on ni kta ce.

6 Tuka wacinyanpi eciyatanhan wicoowotanna un kin he kaken eya, Nicante kin mahen, Messiya kun ahi kte cin heon tuwe mah̄piya ekta wankan ye kta he;

7 Qa, Wicaſe cin etanhan Messiya yuwankan au kte cin heon tuwe woſbe kin ekta ye kta he, eye s̄ni wo.

8 Tuka taku eya he; Wicoie kin he nikiyedani un, nii kin ohna, qa nicante kin en uu, wacinyanpi wicoie unkoyakapi kin he hee.

9 Nii kin on Jesus Itancan kin yahdaotanin, qa he wicaſe cin etanhan Wakantanka ekicetu ye cin he, nicante kin eciyatanhan wicayada kinhan, yani kta.

10 Wicoowotanna kta e wicacante on wicadapi, qa wiconi kta e wicai kin on wohdakapi ece.

11 Wowapi wakan kin he heya, Tuwe he wacinye cinhan, he wiſtece kte s̄ni ce.

12 Juda qa Helenes oyate kin kici ocikpanipi wanica. Tuwe owasin en Itancan kin he tona hoyekiyapi kin hena owasin en wijinya un.

13 Tona Itancan caje kin ho-

yekiyapi kinhan hena otioyohi nipi kta.

14 Tuka tuwe kin wacinyanpi s̄ni kinhan token on he hoyekiyapi kta he; qa he nahalin nahonpi s̄ni kinhan token wacinyanpi kta he; qa tuwedani oyake s̄ni kinhan token nahonpi kta he.

15 Qa ekta ye wicaſipi s̄ni kinhan token oyakapi kta he. Owapi qon he hecetu; Tona wookiye wotanin waſte kin oyakapi, qa taku waſte en wotanin waſte oyakapi kin hena sihapi kin iyotan waſte ce.

16 Tuka owasin wotanin waſte kin anagoptanpi s̄ni. Isaya heye ciqon; Itancan, tuwe unko-yakapi kin wicada he.

17 Heon etanhan wanahonpi kin eciyatanhan wicadapi kin u, qa wanahonpi kin he Wakantanka oie kin eciyatanhan.

18 Unkan miſ, Hena nahonpi s̄ni he, epe. Hiya, hena oqo kin makoce owasin ekta iyaye ca wicoie kin maka ihanke kin hehanyan i.

19 Qa Israel oyate kin he s̄donyapi s̄ni he. Tokaheya Moses heya, Tona oyate s̄ni se un kin hena on iyocipaſtakapi kta, qa ikce oyate wacinton s̄ni wan on ſindhaciyapi kta ce.

20 Tuka Isaya uina waditake ca heya; Tona omadepi s̄ni qon hena e iyemayanpi, qa tona ama-kitapi s̄ni qon hena en mihdutanin ce.

21 Qa Israel oyate kin hewicakiya, Anpetu osan oyate wanahon s̄ni qa wacetunhdapi kin he nape wicawakiyugata ce.

WICOWOYAKE 11.

1 Heon hepa, Wakantanka taoyate kin elipewicakiya he. Hiya hecetu s̄ni. Israel wica-

šta kin hemaca, Abraham cinca, qa Benjamin wicoun kin hema-tanhan.

2 Wakantanka taoyate kin to-na otokaheya tanhan sdonwica-kiye ciqon hena elhpewicakiye šni. Wowapi wakan Elijah on token eye cin sdonyayapi šni he ; Wakantanka cekiyeye ca, Israel oyate kin cajeyata qa heya ;

3 Itancan; wicašta wokcan ni-tawa kin hena wicaktepi, qa wa-hna wošnapi nitawa kin yujuju-pi, qa miye mišnana omakaptapi, unkan te mayanpi kta akitapi ce.

4 Tuka Taku Wakan kin token eya ayupta he ; Nahahin Baal en canpeška makehde inajinpi šni kin wicašta kektopawinge šakowin wicawahduha ce.

5 He iyecen nakaha wowaon-šida wicakahnigapi kin eciya-tanhan hunh okaptapi.

6 Qa he wowaonšida eciyatan-han kinhan hehan wicohan eci-yatanhan šni; hecetu šni kin-han, wowaonšida kin wanna wowaonšida heca šni. Qa wi-cohan eciyatanhan kinhan, he-han wowaonšida eciyatanhan šni ; hecece šni kinhan, wicohan kin wanna wicohan heca šni.

7 Hecen toketu kta he ; Israel taku akite ciqon he iyeye šni, tuka tona wicakahnigapi kin he-ŋa e iyeyapi, qa unmapi kin išta gonge wicayapi.

8 Wowapi qon iyecaca ; Wi-cahba wicacante kin Wakantan-ka wicaqu, išta on wiwanyakapi kte šni, qa noge on winahonpi kte šni, anpetu kin dehanyan.

9 Qa Dawid iš heya ; Wahna wotapi tawapi kin he mazalita-kiyapi, qa wihmunke, qa wona-hnaye, qa iyunwin yuhapi kin hee kta ce.

10 Išta kin aotpaswicayapi kte,

heon wawanyakapi kte šni ; qa cankahu ohimniyan patuš inajin-pi nunwe.

11 Heon hepe ; Hinhpayapi kta on hicahanpi he. Hiya, hecetu šni ; tuka hicahanpi kin on etan-han Ikcewicašta kin wiconi iyo-wicahi, hena iš eya iyowicapa-štakapi kta e heon.

12 Hena e hicahanpi kin he wicoicage kin en wowijice kin hee, qa hena wicayuaoptetu kin he Ikcewicašta kin en wowijice kin hee hecinhan, wicayuecetupi kin he sanpa hince kta.

13 Ikcewicašta henicapi kin hena hecen eciciyapi ; Ikcewica-šta kin ekta yemašipi waun, qa heon mitohtani kin wahdutan.

14 Hecen tona micelipi etan-hanpi kin hena inahni wicawaye kta, kinhan wanjikji ni wicawa-yete kta.

15 Hena elhpewicayapi kin he wicoicage kin en wookiye kin hee hecinhan, hena ake wicayu-ecetupi kinhan he taku kta he ; wiconte etanhan wiconi kin hee kta.

16 Taku tokaheya suton kin he wakan kinhan, ocowasin hecece kta ; qa can huta kin he wakan kinhan, can adetka kin hena na-kun hecece kta.

17 Unkan can adetka kin hena wanjikji yuksapi, qa niš can wi-hdi hu ikceka henica, tuka can adetka qon ehna can kin en ica-hniyanpi, qa can wihdi cepa can huta kin etanhan, en opeya yaun kinhan ;

18 Can adetka qon on ihdatan šni wo. Nihdatan keš can huta kin he duhe šni tuka can huta kin hee niyuha.

19 Hehan, Hen emahdepi kta on can adetka qon yuksapi ce, ehe kta naceca.

20 Han, hecetu ; wicadapi šni

WICOWOYAKE 12.

kin heon hena yuksapi, qa niye wacinyanpi on ecen nayajin ece. Wahaniçida ñni qa kokipa wo.

21 Can adetka tawa qon hena Wakantanka kpatan ñni hecinhan, okinni niş eya nikpatan kte ñni.

22 Wakantanka towaonşida to-cantiyahde ko wanyaka po ; to-na hinlipayapi qon hena en wo-cantiyahde, qa niye en wowaonşida kin, wowaonşida kin he en nayajin kinhan, tuka hecanon ñni kinhan niş eya nicaksapi kta.

23 Qa hena ceṭunhdapi ecen unpi ñni kinhan, iş eya ake can kin en iyekiyapi kta. Ake can kin en Wakantanka icaliwicaya okihi.

24 Qa niye can wihdi ikceya icage ciqon etanhan nicaksapi, qa inicage cin eciyatanhan ñni, can wihdi waşte kin en iyeniyampi kinhan, tona can kin he aicage ciqon hena iyotan ake can wihdi tawapi kin en iyeyapi kta.

25 Mihunkawanji, wowiyukan kin de sdonye ñni dukanpi kta wacin ñni, okinni ksape niçidapi kta ; Israel oyate kin apa išta gonge aya, Ikcewicašta kin oco-wasin en hiyu kte cin hehanyan.

26 Qa hecen Israel oyate kin owasin nipi kta. Wowapi en kagapi qon iyecetu ; Zion etanhan Wanikiya wan u, qa woah-tani Jakob yutokan iyekiciciye kta.

27 Qa woah-tani yutokan iye-wicaweciciye cinhan hehan wicotakuye wicawaqu kte cin hee ce.

28 Wotanin waşte kin ekta, hena niyepi kin on etanhan toka wicayawapi, tuka wicakahnigapi kin ekta, hena e hunkakepi kin on etanhan waşte wicakidapi.

29 Wakantanka taku wicaqu qa wicakico kin hena iyopeiçiyapi wanin un.

30 Unkan niş niyepi kin ehan-na Wakantanka anayagoptanpi ñni, tuka nakaha hena wicadapi ñni kin on wowaonşida niçupi.

31 He iyecen nakaha hena iş eya anagoptanpi ñni kin, niye nitowaonşida kin on etanhan onşiwicadapi kta.

32 Hena owasin witaya wicadapi ñni kin en Wakantanka onawicataka, iyulpa onşiwicada kta heon etanhan.

33 Wakantanka toksape qa wosdonye tawa wowijica oşbe kin he tanka linca. Woyaco tawa kin okañnihpica ñni, qa tacanku kin iyeyepica ñni.

34 Tuwe Itancan tawacin kin sdonya he ; qa tuwe okiya un he.

35 Qa tuwe he tokaheya taku qu he ; kinhan kicicajujupi kta.

36 Iye etanhan, qa iye eciyatanhan, qa iye ohna taku owasin un ; owihanke wanin wowitan kiciun nunwe.

WICOWOYAKE 12.

1 Heon mihunkawanji, Wakan-tanka wacantohnake cin on etanhan eciciyapi ce, nitancanpi kin woşnapi ni un, wakan, qa taku Wakantanka iyokipi kin, hena hecen yaqupi kta, he wawoyakiyapi kte cin hecetu linca.

2 Qa wicoicage kin de en iyecen awacanipi kte ñni, tuka nitawacinpi yuecepidan kte cin on nihdutokecapi nunwe ; hecen Wakantanka tawacin waşte, oi-yokipi, qa hduştanpi kin he tukte e idukanpi kta.

3 Wowaonşida maqupi kin he eciyatanhan, tona niyepi ekta un kin otoiyohi hecen eciciyapi ; Tu-

wedan token ihdukan kte cin he isanpa ihdawa kte sni, tuka wacinksamya ihdukan kta, Wakantanka otoiyo hi wacinyanpi iyuta wicaqu kin he eciyatanhan.

4 Wicatancan wanjidan en wicahuha ota unhapi, qa huha kin hena owasin okonwanjidan ohanye sni :

5 He iyecen unkiye unkotapi, tuka Messiya en tancan unwanjipidan, qa otoiyo hi huha unki- ciyapi.

6 Hecen wowaonsida otoiyo hi yukinukanyan unqupi kin eciyatanhan wicookihi ociptetu unhapi ; he wokcanpi kte cin hee hecinhan, wowacinye iyutapi kin on unkiyukanpi ece e kta.

7 Qa waowicakiyapi kin hee hecinhan, waowicakiyapi kin en unyakonpi kta ; qa tuwe waon- spekiya okihi kinhan, he waon- spekiyapi kin en un kta.

8 Tuwe wahokonwicakiye kte cin he wahokonwicakiyapi kin en un kte ; tuwe taku wicaqu kte cin he olanpiya econ kte ; tuwe oyate wicayuhe cinhan he mnihenya ccon kta ; qa tuwe onsiwicadake cinhan iyokipiya econ kte.

9 Wacantkiyapi kin he wohnaye wanin un nunwe. Taku sice cin he sice dakapi, qa taku waste kin he en iyaihdaška po.

10 Hunkawanjin kiciyapi waste kicidakapi kin he on otoiyo hi cante en kiciyuza po, qa woyuonihan on otoiyo hi iyotan kicidaka po.

11 Wicohtani kin en kujapi sni, woniya on aiciciyapi, Itancan kin okiya po.

12 Woape en wiyuskinpi ; kakijapi kin en icunhan wacintan- kapi ; qa wocekiye eya yukan po.

13 Tona owotanna un kin taku icakijapi kinhan owicakiya po. Wicasta icimanipi kin ohanpiya ecawicakicon po.

14 Tona sicaya nicuwapi kin hena wicayawaste po ; waya- waste po, qa wayasicapi sni po.

15 Tona wiyuskinpi kin hena om wiyuskin po ; qa tona ceya- pi kin hena om ceya po.

16 Otoiyo hi okonwanjidan awa- kicicin po. Taku wankan un kin hena ekta cwaciupi sni po ; tuka tona kun ihdawa kin hena en opa po. Wacinksapeicidapi sni po.

17 Tuwedan taku sica on itkom sicaya econpi sni po. Wicasta owasin itokamya taku owotan- na ecedan kamnan po.

18 Tohanyan oyakihipi kinhan, wicasta owasin om wookiye ya- kon po.

19 Waste cicaidapi kin, ihnu- han niye cinka watoyeconpi kin, tuka wocanniye nakicipa po. Hecen wowapi en kagapi, Toki- conpi kin he miye mitawa, wi- cawecu kta ce, Itancan kin eya.

20 Heon tuwe toka niye cin he wotektchda kinhan wo qu wo ; qa ipuza kinhan mini qu wo ; hecen ecanon kinhan, petaga kin he pa kin en eju ade kta.

21 Ihnulian taku sica on ohini- yanpi kin, tuka taku waste e on taku sice cin ktepidan po.

WICOWOYAKE 13.

1 Wicanagi otoiyo hi wicowaša- ke itancan kin hena ihukun iyei- ciye kte. Wicowašake Wakan- tanka etanhan un kin hecedan yukan. Wicowašake un kin he- na Wakantanka kaga.

2 Heon etanhan tuwe wico- wašake kin kipajin kinhan he Wakantanka toope kin kipajin,

WICOWOYAKE 14.

qa tona wawakipajin kin hena wicayacopi kta.

3 Wicaštayatapi kin hena wicoħan wašte kin en wakokipe wicakicagapi śni, tuka wicoħan śice cin en. Hecen wicowaśake kin he koyakipe kte śni he. Taku wašte e econ wo, kinhan on niyatanpi kta ce.

4 He taku wašte on niye ekta Wakantanka taokiye kin hee. Tuka taku śica ecanon kinhan kokipa wo. He mazasagye ituli yuhe śni; tuka Wakantanka taokiye kin heca, tuwe taku śica econ kinhan tokiçon kta, wocanniye kin heon.

5 Heon etanhan anagoptan yaupi kta, wocanniye kin hecedan on etanhan śni, tuka nakun wiyucanpi kin heon.

6 Heon etanhan mazaska mnakiyapi kin en oyapapi ece: hena e Wakantanka taokiyepi kin ohinniyan taku kin de econ yukanpi.

7 Heon etanhan, owasin taku token wicaqupi kta iyecece cin wicaqu po: Tona iye taoyate kin etanhan mazaska mnayanpi kin he *ecen wicaqu po*; qa tona oyate tokeca etanhan mnayanpi kin he *nakun ecen wicaqu po*. Tona kinihanpi kte cin hena wicakinihan po, qa tona yuonihanpi kte cin hena wicayuonihan po.

8 Tuwedan takudan ikicazo śni un po, otoiyoħi wašte yecidakapi kte cin hecedan. Tuwe wicašta tokeca wašte wicadake cin he woahope kin tanyan yuha.

9 He decetu; Wawicihalapi ecanon kte śni; Tin wicayakte kte śni; Wamayanon kte śni; Tuwedan en oitonśniyan wodake kte śni; Taku tokan tawapi kin yacin kte śni; qa woahope tokeca yuke cinhan wicoie kin

de en yuwitayapi; Wicašta tokeca niye inihdacin wašte yadake kta ce.

10 Waštewicadakapi kin he wicašta tokeca taku śica takudan ecakicon śni, heon waštewicadakapi kin he woahope yucetupi kin hee.

11 Qa nakun kaketu, anpetu kin sdonunyanpi, woistnma etanhan unkiktapi kte cin wanna iyehantu; nakaha eunhdakupi kte cin tokaheya wicaundapi qon he isanpa ikiyadan ihan;

12 Hanyetu kin wanna ecadan unkihunipi kta, anpetu kin kohanna u kta, heon etanhan otpaza wicoħan kin ehpeunyanpi, qa iyoyanpa wipe kin kounyakapi kta.

13 Qa iyokipiya maunnipi kta, anpetu kin en iyececa. Hanyetu wacipi qa witkopi kin en *unkopapi* kte śni; wicawihomnipi qa wicinpi, wakinicapi qa winawizipi kin hena en *ounpapi* kte śni.

14 Tuka niye Jesus Messiya Itancan kin he koyaka po, qa wicaceħpi wocantiheye śice cin ecetu yapi kta e on takudan kicamnanpi śni po.

WICOWOYAKE 14.

1 Tuwe wicada kinhan waśake śni ešta iyowinkiya po, tuka akipam waakinicapi kin ekta śni.

2 Wicašta wanjidan taku owasin yuta okiħi awacin, qa wicašta tokeca waśake śni kin he walipe ece yuta.

3 Tuwe wote cinhan he tuwe wote śni kin iħaha kte śni; qa tuwe wote śni kinhan he tuwe wote cin yaco kte śni; Wakantanka he iyowinkiya.

4 Nituwe he wicašta tokeca taokiye kin daco he; he iye yu-

he cin en najin kta qa ís hin-
hpaye kta. Qa he ecen najin
kiyapi kta, Wakantanka najin
kiye kta okihi.

5 Wicašta wanji anpetu wanji
iyotandaka, qa wicašta tokeca
wan anpetu owasin akiyecen
yawa ece. Otoiyo hi iye tawa-
cin ekta sutaya awacin nunwe.

6 Tuwe anpetu wan awacin
kinhan he Itancan kin on awa-
cin; qa tuwe anpetu kin awacin
śni kinhan, Itancan kin ekta
awacin śni. Tuwe wote cin-
han, he Itancan kin on wota, qa
Wakantanka wopida eciya; qa
tuwe wote śni kinhan, Itancan
kin on wote śni, qa Wakantanka
wopida eciya ece.

7 Unkiyepi kin tuwedan iye
hinca on ni śni, qa tuwedan iye
hinca on te śni.

8 Unnipi kinhan Itancan kin
on unnipi, qa unťapi kinhan
Itancan kin on unťapi. Hecen
unnipi, qa unťapi *unma tukte* he-
cinhan, Itancan kin tawa unyan-
pi.

9 Hecen on Messiya te ęa ake
kini, wicaęe ęa wicani kin heni-
yoza en Itancan kta e heon.

10 Tokeca nihunkawanji daco
he; qa tokeca nihunkawanji iya-
kihaha he. Owasin Messiya ta-
woyaco oiyotanke kin itokam
inaunjinpi kta.

11 Hecen wowapi en kagapi;
Miye wani kin, heon hupahu
otoiyohi miye en canpeška ma-
kehde inajin kta, qa wicaceji
otoiyohi Wakantanka en wohda-
ke kta, Itancan kin eya.

12 Heon etanhan unkiyepi oto-
iyohi Wakantanka kin en woun-
hdakapi kta.

13 Hecen on, detanhan otoiyo-
hi unkiciyacopi kte śni, tuka
kaken e iyotan wakonza po, tu-
wedan taku en siha ibotopi, qa

on hinhpaye kte cin he hunka-
wanjitku kin itokam ehde kte
śni.

14 Miś sdonwaye ęa Jesus
Itancan kin en awacami, taku-
dan atayedan śape śni; tuka tu-
we taku śapa kecin kinhan, he
taku kin iye ekta śapa ece.

15 Qa woyute kin on etanhan
nihunkawanji iyokiśin yaye cin-
han wowaštedake eciyatanhan
mayani śni. Messiya tuwe on
te eiqon he woyute nitawa kin
on ihang ye śni wo.

16 Innuhan taku wašte duhapi
kin he yašicapi kinhan.

17 Woyute qa woyatke kin
Wakantanka tokiconze kin hee
śni; tuka wicoowotanna wooki-
ye qa Woniya Wakan kin en
wowiyuśkin kin hena ee.

18 Tuwe hena taku kin en
Messiya wowidag ye cinhan, he
Wakantanka iyokipi ye ęa, wi-
cašta kin on wašte dakapi.

19 Heon etanhan taku tona
wookiye kage cin hena unkaki-
tapi kta qa nakun taku on otoi-
yohi ical unkiciyapi kta.

20 Woyute kin on etanhan
Wakantanka taku kage cin he
ihang ye śni wo. Awicakehan
taku owasin wašte; tuka tuwe
taku yute ęa on wahtani wicaye
cinhan, he śica ece.

21 Waconica yutapi śni, qa
mini śa yatkanpi śni, qa taku
tokeca on etanhan nihunkawanji
hicahe ęa, wahtani, qa waśake
śni aye cin, hena *econpi* śni kin-
han he wašte.

22 Wowacinye duha he: Niś
niye Wakantanka itokamya hdu-
ha wo. Tuwe taku iyowinkiyeh
cin on ihdaco śni kinhan, he yu-
waštepi ece.

23 Qa tuwe wicada śni kinhan
he yute cinhan wanna yacopi,
wacinyanpi kin on hecon śni,

WICOWOYAKE 15.

heon etanhan. Taku owasin wacinyanpi eciyatanhan šni kin hena woahitani.

WICOWOYAKE 15.

1 Unkiye waunšakapi kin tona wašake šni un sutaya wacinyanpi šni kin on wacinuntankapi kta, qa iyokipiunkiciyapi kte šni.

2 Otoiyohei wicašta tokeca iyokipi unyanpi kta, wowašte en icah yapi kte cin heon.

3 Messiya iye kaeš iyokipi ičiye šni, tuka wowapi en kagapi qon iyecen, Tona aniiapi kin waaiapi kin he miye aihpemayanpi qon.

4 Taku tona wowapi en kagapi kin hena onspeunkiyapi kte cin heon kagapi, hecen wicowaħbadan, qa wowapi wakan kin en wicakicanpte cin eciyatanhan woape unhapi kta.

5 Wakantanka wicowaħbadan, wicakicanpte ko yuhe cin he Jesus Messiya eciyatanhan, otoiyohei okonwanjidan wacin en kiciyus niyanpi nunwe.

6 Qa hecen wicotawacin wanjidan, qa wicai wanjidan on Wakantanka Jesus Messiya Itancan unkiyapi he Atkuku kin dantanpi kta.

7 Heon etanhan otoiyohei iyowinkiciciya po, Wakantanka yutanpi kte cin heon Messiya iyowinunkiyapi qon iyececa.

8 Miye kin kaken epe; Jesus Messiya bakilidayapi wicoħan kin en ookiye ikicaga, Wakan-tanka towicake kin heon, qa hunkakepi kin wahowicayapi qon he hduacetu kte cin heon etanhan.

9 Qa hecen Ikcewicašta kin Wakantanka yatanpi kta, iye towaonšida kin on; wowapi en kagapi qon iyececa, Heon etan-

han Ikcewicašta ehna ociyake ca nicaje kin iwadowan kta.

10 Qa ake hecen eya, Ikcewicašta kin iyuškin po, iye taoyate kin kici.

11 Qa ake, Ikcewicašta kin owasin Itancan kin idowanpi, qa oyate kin owasin he yatan po.

12 Ake Isaya hecen eya, Jesse hutkan wanjidan qa tuwe Ikcewicašta en wicaštayatapi un kte cin he icage kta; he Ikcewicašta kin wacinyanpi kta.

13 Hehan woape Wakantanka kin he wicayadapi kin eciyatanhan wowiyuškin owasin wookiye ko on imna niyanpi nunwe, Woniya Wakan towašake kin eciyatanhan woape en nina inicagapi kte cin heon.

14 Mihunkawanji niyepi on awacin manka, wowašte onijupidan, qa wosdonye owasin on oju niyanpi, hecen otoiyohei wahokonyeciciyapi kta oyakihipi.

15 Tuka mihunkawanji, hececa ešta waditagya wowapi cicagapi, hecen wicoie wanjikji kiksuye ciyapi kta, Wakantanka towaonšida maqupi kin he eciyatanhan;

16 Ikcewicašta ehna Jesus Messiya taokiye kin wanji he miye kta, Wakantanka tawootanin wašte kin on litawani, qa hecen Ikcewicašta wahdušnapi kin he woiyokipi kta, Woniya Wakan kin on yuwakanpi kin heon.

17 Heon etanhan Jesus Messiya en taku Wakantanka tawa kin on wowinkta mduha.

18 Wicoie wicoħan ko on Ikcewicašta anagoptanpi kta e, miye eciyatanhan šni, Messiya taku econ qon hena cajemdate kte šni:

19 Tuka wowapetokeca tanka,

qa woyuśinyaye econpi, Wakan-
tanka Taniya Wakan towaśake
kin eciyatanhan, hecen Jerusa-
lem etanhan, qa ohomniyan Ilu-
rikon ekta Messiya tawootanin
wašte kin omdaka ece.

20 Qa hecen wotanin wašte kin
aićiciya oyag uwate, tukten Mes-
siya cajeyatapi kin hetu śni,
okinni wicašta tokeca taku ahde
kin akan ti wakage kta naceca.

21 Tuka hecen wowapi en ka-
gapi qon; Tona en cajeyatapi
śni kin hena wanyakapi kta, qa
tona naħonpi śni qon hena iyu-
kcanpi kta.

22 Qa hecen on otakiya ekta
ciupi kte cin okitpani mayan-
pi:

23 Tuka nakaha makoce kin
dena en tuktedan omakan śni qa
wana waniyetu ota ekta ciupi
kta nina wacin;

24 Heon tohan Spania ekta
mde cinhan hehan ekta ciupi
kta. Heciya icimani mde cin-
han tahepi wanciyakapi, qa ekta
ye mayayapi kta awacin manka,
tokaheya niyepi kin on cistiye-
dan imamdeze cinhan.

25 Tuka nakaha Jerusalem e-
kta mda, tona owotanna un kin
hena owicawakiye kte cin he-
on.

26 Tona Makedonia qa Akeya
en yukanpi kin hena, tona wa-
ħpanica wacinyanpi Jerusalem
ekta yakonpi kin hena taku wi-
caqupi kta e iyokipipi.

27 Hecon iyokipipi; taku iwi-
cakiczopi kin iyecen unpi na-
kaeś. Hena taku wakan yuhapi
qon en Ikcewicašta opapi hecin-
han, taku wicaceħpi ekta un kin
hena on itkom owicakiyapi kta
iyececa.

28 Heon etanhan tohan he
mduśtan qa waskuyeca kin de
hena en awicawecipuspe cin-

han, hehan niyepi iyoopteya
Spania ekta imdamde kta.

29 Qa ekta ciupi kinhan, Messi-
ya tawootanin wašte woyuwašte
wojudan kin yuha wau kta
sdonwakiya.

30 Hehan nakaha mihunka-
wanji ceciciyapi ce, Jesus Mes-
siya Itancan kin caje on, qa Wo-
niya Wakan towaśtedake kin
on, miye kici Wakantanka nina
cemiyciciyapi kte cin he.

31 Tona Juda makoce kin ekta
anagoptanpi śni kin hena etan-
han emahdakupi kta, qa Jerusa-
lem ekta wicolħtani mitawa kin
tona owotanna un kin iyokipi
wicaye kte cin heon.

32 Qa hecen Wakantanka ta-
wacin kin eciyatanhan wowi-
yuśkin yuha ekta ciupi, qa niye-
pi on imagaga mićiye kta.

33 Wookiye Wakantanka kin
niyepi owasin en nicipi un nun-
we.

WICOWOYAKE 16.

1 Phebe tawinoħtinunyanpi,
Kenkrea ekta okodakiciye kin
en ookiye wanji hee cantohnake
ciśipi.

2 He Itancan kin on iyowin-
yakiyapi kta, tona owotanna un
kin iyececa, qa taku on i kin he
en token ecayeconpi cin kinhan
ecen okiya po. Iye kin wicota
owicakiye a miye nakun oma-
kiya ece.

3 Priskula Akula kici, Jesus
Messiya en mitawaśipi kin hena
napewicayuza po.

4 Hena e minagi kin on iye
tahupi kin eħnakapi, qa hena
miye miśnana pidamakiyapi śni,
tuka Ikcewicašta ekta okodaki-
ciye kin owasin pidawicayapi.

5 Qa iye tipi kin ohna okoda-
kiciye kin napewicayuza po.
Epinetus waštewadake cin he

napeyuza po ; Akeya ekta Messiya en un qon tokaheya kin hee.

6 Mary nina ounkiyapi qon he napeyuza po.

7 Andronikus Junia kici mitakuye, qa om makaškapi qon hena napewicayuzaza po ; yewicašipi kin owicapeya yuonihanpi, qa mitokapa tauhan Messiya en un qon hena.

8 Amplias Itancan kin en wašte wadake cin he napeyuza po.

9 Urbane Messiya en unkita-wašipi kin, qa Stacus wašte wakidake cin, hena napewicayuzaza po.

10 Apelles Messiya en yuecepidan kin he napeyuza po. Aristobulus takuwicaye cin hena napewicayuzaza po.

11 Herodian mitakuye kin napeyuza po. Narkisus takuwicaye cin Itancan en un kin hena napewicayuzaza po.

12 Truphena Truphosa kici Itancan kin on htanipi kin hena napewicayuzaza po. Persis wašte dakapi kin Itancan kin on nina htani kin he napeyuza po.

13 Ruphus Itancan kin on kahinigapi kin, qa iye hunku, nakun mitawa kin, hena napewicayuzaza po.

14 Asunkritus, Plegon, Ermas, Patrobas, Ermes, hena, qa tona om unpi hunkawanjin kiciyapi kin hena ko ; napewicayuzaza po.

15 Philologus, Julia, Nereus, iye tawinohtin kici, Olumpas, qa hena om tona owotanna un kin hena owasin napewicayuzaza po.

16 Otoyohi iiputakapi wakan kin on napekiciyuza po. Messiya taokodakiciye kin napenyuzapi.

17 Mihunkawanji ceciciyapi ce, tona woonspe onspeniciyapi

qon eciyatanhan šni yuomdecapi, qa wahitani wicayapi kin hena iwanwicayakapi, qa nawicakicipa po.

18 Tona hececapi kin Jesus Messiya Itancan unkiyapi kin wowidag wicaye šni, tuka iye tezipi kin hee, qa wicoie wašte, iapi iyokipi se ececa ko, on wicašta wacin ksape šni kin wicahnayanpi.

19 Niye waanayagoptanpi kin he wicašta owasin sdoniyapi. Heon niyepi kin on imduškin. Tuka taku wašte e on yaksapapi kta, qa taku šica on wadupipi kte šni wacin.

20 Unkan kohanna Wookiye Wakantanka kin niye nisihapi kin ihukuya Satan napan kta. Jesus Messiya Itancan unkiyapi towaonšida kin niyepi en nicipi un nunwe.

21 Timotheos mitawaši, qa Lukius, Jason qa Sosipater mitakuye kin, hena napenyuzapi.

22 Tertius wowapi kin de owa kin he miye, Itancan kin on napeciyuzapi.

23 Gayos wonmakiye qa, okodakiciye owasin *hecawicakicon* kin, he napenyuzapi. Erastus otonwe kin en wicašta itancan wan, qa Kuartus hunkawanjin kiciyapi wan, hena napenyuzapi.

24 Jesus Messiya Itancan unkiyapi towaonšida kin niyepi owasin en nicipi un nunwe.

25 Tuwe wootanin wašte mitawa qa Jesus Messiya woyake cin he eciyatanhan niyusutapi kta okihi, wowiyukcan nakaha yuotaninpi kin eciyatanhan, he maka icage cin ehantanhan wicoicage kin en anahmanpi qon ;

26 Tuka nakaha yuotaninpi, wicašta wokcan tawowapi wakan kin heon, Wakantanka owi-

I. KORINTH.

hanke wanin un, tawoahope kin eciyatanhan, qa oyate owasin wacinyan anagoptanpi kte cin heon *oyakapi*;

27 Jesus Messiya on etanhan, Wakantanka ecedan ksape cin hee wowitan owihanke wanin kicihan nunwe.

Corinthian S. PALOS

KORINTH OYATE

WOWAPI WICAKICAGE CIN:

TOKAHEYA KIN.

WICOWOYAKE 1.

1 Palos Wakantanka tawacin kin eciyatanhan, Jesus yewicaşi kin heca e kalnigapi kin he, qa Sosthenes hunkawanjinunyanpi kici,

2 Wakantanka taokodakiciye Korinth ekta un qa Jesus Messiya on ecepidan kta, wakan wicakalnigapi kin hena eepi, qa tona makoce otoiyo hi en Jesus Messiya is iyepi kin Itancan kiyapi, qa unkiş eya Itancan unkiyapi caje kin hoyeyakiyapi kin *wowapi unnicagapi*.

3 Wowaoñsida, wookiye ko, Wakantanka Ateunyanpi, qa Jesus Messiya Itancan kin etanhan niyepi en nicipi un nunwe.

4 Ohinniyani niyepi kin on Wakantanka mitawa wopida ewakiya, Wakantanka towaoñsida Jesus Messiya eciyatanhan niçupi kin heon;

5 Taku henana owasin on, iye en, wijica nicagapi, wicoie owasin qa wosdonye owasin on.

6 Hecen niyepi kin en Messiya tawoyaatanin kin yusutapi.

7 Qa hecen wowaşte wanjidan aokpaniyani yaunpi şni, qa Jesus Messiya Itancan unkiyapi

ihdutanin kte cin he ape dukanpi.

8 He owihanketa lehanyan iyanionpepica şni niyusutapi kta, Jesus Messiya Itancan unkiyapi taanpetu kin etu.

9 Wakantanka wacinyepica, iye Cinhintku Jesus Messiya Itancan unkiyapi kin takodakiciyapi tawa kin en nicopi.

10 Mihunkawanji, Jesus Messiya Itancan unkiyapi cajeyan ceciciyapi ce; owasin okonwanjidan oie yetonpi, qa yuomdecapi wanin yaunpi kta, qa wicotawacin eca wanjidan wiyukcanpi ko wanjidan tanyan onspe yaunpi kte.

11 Mihunkawanji, Kloe etanhanpi kin hena omakiyakapi, niyepi kin en woakinica yuke cin he.

12 Hecen kaken epe; Niyepi otoiyo hi, Palos opeya waun, qa, Apolos opeya waun, qa, Inyan opeya waun, qa Messiya opeya waun ce, ehapi ece.

13 Messiya yukinukan ehnakapi he; niyepi kin on Palos cansusbeca kin en okatanpi he; qa is Palos caje on baptem niçupi he.

14 Wakantanka wopida ewakiya, enitanhanpi tuwedan ba-

WICOWOYAKE 2.

ptem waqu śni, tuka Krispos qa Gayos henioza :

15 Tuwedan, miye micaje on baptem wicawaqu, keye kte śni heon.

16 Qa nakun Stephanas tiyohnaka kin baptem wicawaqu, qa tuwe tokeca baptem waqu kinhan sdonwaye śni.

17 Baptem wicawaqu kta e on Messiya ye maśi śni, tuka wotanin wašte omdake kte cin heon; wicoksape iapi kin ohna śni, okinni Messiya cansusbeca tawa kin taku śni yapi kta.

18 Cansusbeca oyakapi kin he tona ihdutakunipi śni kin en witkotkoya iapi kin hee, tuka unkiyepi tona ni unyanpi kin en Wakantanka towaśake kin hee.

19 Kaken wowapi en kagapi; Tona wacin ksapa woksape tawa kin taku śni waye kta, qa tona okahnigapi kin hena wookalnige tawa kin mdutakuni kte śni ce.

20 Wacin ksape cin tokiya un he; wowapi kage cin heca tokiya un he; wiconi kin de en wiyukan kin tokiya un he; Wakantanka wicoicage kin de wicoksape kin yuwitkotko śni he.

21 Hecen Wakantanka toksape kin on, wicoicage kin de wicoksape eciyatanhan Wakantanka sdonyapi śni qehan, wowahokonkiye wowitkotkoke cin on, tona wacinyanpi kinhan hena ni wicaye kta Wakantanka iyokipi.

22 Juda oyate kin wowapetokeca dapi; qa Helenes oyate kin wicoksape akitapi ece.

23 Tuka unkiyepi kin Messiya cansusbeca en okatanpi kin he unkoyakapi; he Juda wicaśta kin ekta wonahnaye qa Helenes wicaśta kin ekta witkotkoya iapi kin hee.

24 Tuka tona wicakalnigapi,

Juda qa Helenes wicaśta kin hena ekta, Messiya Wakantanka towaśake qa Wakantanka toksape kin hee.

25 Wakantanka taku tawa witkotkoke cin he wicaśta kin isanpa woksape; qa Wakantanka towaśake śni kin he wicaśta kin isanpa wowaśake.

26 Mihunkawanji, nicopi kin he wandakapi, wicacelipi eciyatanhan wacin ksapa ota śni, waśaka ota śni, qa wicaśta okinihan ota śni.

27 Tuka wicoicage kin en taku witkotkoke cin he Wakantanka kahniga, on taku ksape cin wišten ye kta; qa wicoicage kin en taku waśake śni kin hena Wakantanka kahniga, on taku waśake cin wišten ye kta.

28 Qa taku wicoicage kin en okinihan śni un kin he Wakantanka kahniga, qa taku un śni kin hena ko, on taku un kin yutakuni kte śni.

29 Hecen iye itokam wicacelipi owasin ihdatan kte śni

30 Tuka iye eciyatanhan Jesus Messiya en unyakonpi; he unkiyepi on Wakantanka eciyatanhan woksape, qa woowotanna, qa woyuecedan, qa wokajuju ikicaga.

31 Hecen wowapi qon iyececa; Tuwe iwinkta kinhan Itancan kin on iwinkta kta.

WICOWOYAKE 2.

1 Unkan mihunkawanji, ekta ciipi qehan, wicoie qa wicoksape oiyokipi kin yuha wai śni, tuka Wakantanka tawoyatanin kin ociciyakapi.

2 Niyepi kin ekta takudan sdonwaye kte śni e miciconza, Jesus Messiya hecedan, qa he cansusbeca kin en okatanpi.

I. KORINTH.

3 Unkan waśake śni, wokoki-peya nina macancan cicipi waun.

4 Qa mioic, qa womdake cin hena wicaśta toksape wicoie oiyokipi kin en un śni, tuka Woniya wayuotanin, qa wowaśake kin en un.

5 Hecen wicayadapi kin he wicaśta wicoksape tawa kin en ahe kte śni, tuka Wakantanka towaśake kin en.

6 Tuka tona ksapapi kin hena ekta woksape unkojakapi ece; tuka wicoicage kin de en wicoksape kin hee śni, qa wicoicage kin de en wicaśtayatapi toksape kin hee śni, hena atakuni śni aya.

7 Tuka wowiyukkan en Wakantanka toksape kin he unkojakapi ece; ege nahmanpi qon, woicage śni itokam wowitan unkitawapi kte cin heon, Wakantanka wakiconze ciqon.

8 He wicoicage kin de en wicaśta itancanpi kin tuwedan sdonye śni; sdonyapi unkanś Wowitan Itancan kin cansusbe-ca en okatanpi kte śni tuka.

9 Tuka wowapi qon iyececa; Tona Wakantanka waśtedakapi kin taku wicakiciyuśtan kin he wiciśta kin tohinni wanyake śni, qa wicanoge on nahonpi śni, qa wicaśta cante kin mahen iyohpaye śni.

10 Tuka hena Wakantanka iye Taniya kin eciyatanhan unkojakapi; Woniya kin he taku owasin iyukkan, Wakantanka wośbe tawa kin sdonya.

11 Wicaśta kin ekta tuwe taku wicaśta tawa kin sdonya he, wicaśta taniya iye mahen un kin hee sdonkiya. He iyecen taku Wakantanka tawa kin tuwedan sdonye śni, tuka Wakantanka Taniya kin hecedan.

12 Unkan unkiye wicoicage

kin de en wicoksape kin he unki-cupi śni; tuka Wakantanka eciyatanhan Woniya Wakan kin he *unki-cupi*, hecen taku Wakantanka iyunwin codan unqupi kin hena sdonunyanpi kta.

13 Qa hena unkojakapi, wicaśta wicoksape woonspe wicoie kin eciyatanhan śni, tuka Woniya Wakan woonspe tawa kin eciyatanhan, hecen wicoie wakan kin wicaśta wakan iyukkan-wicunyanpi ece.

14 Tuka wicacehpi wicaśta kin he Wakantanka Taniya taku tawa kin icu śni, hena taku wiktokoke dake ça okahniga okihi śni, hena wakanyan iyukkanpi nakaeś.

15 Tuka tuwe wakanyan unkin he taku owasin iyukkan, tuka iye kin tuwedan on yukkanpi śni.

16 Itancan tawacin kin tuwe he iyukkan he, hecen onspekiye kta. Tuka unkiye Messiya tawacin kin unhapi.

WICOWOYAKE 3.

1 Unkan mihunkawanji, miś wicaśta wakanpi kin iyecen ociciyapi kta owakihi śni, tuka wicacehpi wicaśta kin heca, qa Messiya en hokśiyopa kin iyececa.

2 Pteasanpi yatke ciciyapi, qa waconica kin he ciçupi śni; he ehan nahahin he oyakihipi śni, qa dehan nahahin nakun oyakihipi śni.

3 Nahahin wicacehpi wicaśta kin henicapi. Niyepi ekta winawizipi, qa wakinicapi, qa yuomdecapi yukan hecinhan, wicacehpi kin henicapi, qa wicaśta akantu iyecen mayanipi śni he.

4 Wanji, Palos opeya waun,

WICOWOYAKE 4.

qa wanji is, Apolos opeya waun, eye cinhan, wicacehpi wicašta kin henicapi šni he.

5 Palos he tuwe, qa Apolos he tuwe he; wowidake unpi kin hecapi, on wicayadapi, otoiyohti Itancan kin wicaqu kin iyececa.

6 Miye wowaju, Apolos mini akaštan, qa Wakantanka icaliya.

7 Tuwe woju kin he taku šni, qa tuwe mini akaštan kin kin he nakun, tuka Wakantanka wai- calhye cin hee tanka.

8 Tuwe woju qa tuwe mini akaštan kin hena okonwanjipi- dan; otoiyohti iye tohtani kin iyacinyan iyunwin icupi kta.

9 Wakantanka kici htanipi kin hena unkiyepi; Wakantanka tamaga, qa Wakantanka tipi kage cin he niyepi.

10 Wakantanka towaonšida maqupi kin eciyatanhan wica- šta ticaga ksape cin iyecen, ta- ku ahehde kin ewahde, qa he akan wicašta tokeca tipi kaga; tuka otoiyohti token ticage cin he on waktaya un kte.

11 Tuka ahehde kin tokeca tu- wedan ehde kta okihi šni, taku ehdepi kin hecedan, Jesus Mes- siya hee.

12 Unkan tuwe ahehde kin de akan mazaskazi, qa mazaska, qa inyan okitanin, qa can, qa pe- ji, qa cedi en kage cinhan,

13 Otoiyohti ohan kin atanin kta; anpetu kin he yuotanin kta, peta on yuotanyan aye kta; qa peta kin otoiyohti ohan kin he taku kin iyukean kta.

14 Tuwe ticage cin en ohan kin sutaya un kinhan he woka- juju icu kta.

15 Qa tuwe ohan kin liuhnage cinhan he iwahpanice kta, tuka iye qe peta kin etanhan iyecen ni- yanpi kta.

16 Wakantanka tipi tawa kin

he niyepi, qa Wakantanka Tani- ya kin onitipi kin he sdonyaki- yapi šni he.

17 Tuwe Wakantanka ti kin ašamyce cinhan he Wakantanka ihangye kta. Wakantanka ti kin he wakan, qa he niyepi.

18 Ihnuhan tuwe içihnaye cin- han. Tuwe niyepi ekta wicoi- cage kin de en ksapeiçida kin he witkotkoke içicaga nunwe; hecen ksape kta.

19 Wicoicage kin de en taku woksape kin he Wakantanka witkotkoke daka. Kaken wo- wapi en kagapi; Wicašta ksape cin hena iye wohnaye tawapi kin on wicayuza ece.

20 Qa ake, Wicašta ksape cin tawacinpi kin hena taku šni e, Itancan kin sdonya ce.

21 Hecen tuwedan wicašta kin on iwinkta kte šni. Taku owa- sin nitawapi.

22 Palos, qa Apolos, qa Inyan, qa wicoicage kin, qa wiconi, qa wiconęe, qa taku nakaha un kin, qa taku u kte cin hena owasin nitawapi;

23 Qa Messiya tawa niyanpi, qa Wakantanka Messiya tawa ya.

WICOWOYAKE 4.

1 Wicašta kin kaken ecanun- kinpi kta, Messiya iwicadake cin qa Wakantanka tawowiyukean awanyakapi kin heuncapi.

2 Nakun tona waawanyakapi un kin hena owotanna oňanyan- pi kta iyececa wicadakapi ece.

3 Tuka mayadacopi, qa wica- šta akantu mayacopi ešta, he ta- ku šni wadaka; qa nakun mi- hdaco šni.

4 Miye cinka takudan sdonwa- kiye šni, tuka heon owotanna mihdawa šni; tuka tuwe mayu- kean kin Itancan kin hee.

I. KORINTH.

5 Hecen iyehantu śni kin itokam takudan yacopi śni po, Itanean kin he hi śni kin hehanyan; he iye kin taku otpaza en nalimanpi qon aiyoym ye kta, qa wicocante awacinpi kin yuatanin kta; unkan hehan otoiyohei Wakantanka eciyatanhan idowanpi kta.

6 Mihunkawanji, niyepi on etanhan hena hecen Apolos kici miye imihdacin; hecen unkiyepi kin on wowapi en kagapi kin isanpa keanwicayakinpi kte śni onnisepi kta, qa hecen otoiyohei on wahannicidapi kte śni.

7 Tuwe hecen iyotan nicaga he; qa taku nicupi śni kin tukte e duha he. Qa nicupi kinhan tokeca nicupi śni kin iyecen on iniwinkta he.

8 Nakaha winipipi; nakaha winijicapi; unkiyepi unkiacunonpa tanhan wicaštayatapi yaunpi: Unkan wicaštayatapi yaunpi wacin, hecen niyepi kici wicaštayatapi unyakonpi kta tuka.

9 Miś kaken wacin mduza; Wakantanka yewicasipi unkiyepi kin ehake taninyan eunhdepi, wiconte iyacopi kin iyeceea; hecen wicoicage qa mahpiya ohnihde cin, qa wicašta kin en woiwanyake kin he unkiyepi kta.

10 Messiya on wiuntkotkopika, tuka niye Messiya en yaksapapi. Unkiye waunšakapi śni, tuka niye wanišakapi. Unkiye unyuonihanpi śni, tuka niye nicinihanpi.

11 Qa nakun anpe dehan wotekteunhdapi, qa iunpuzapi, qa tancounkapidan, qa unkaštakapi, qa tuktedan tinsadan unyakonpi śni;

12 Qa hununkitapi, unnapepi kin on hitaunnipi. Unkaiapi keš wicunyawaštapi; śicaya unkuwapi keš wacin untankapi;

13 Unyašicapi keš ceunkiyapi ece. Wicoicage en watušekšeca kin iyecen unkagapi, qa anpe dehanyan taku owasin etanhan taku kahin ehpeyapi kin hecen unyawapi ece.

14 Ištenciyapi kta heon hena hecen wowapi wakage śni, tuka micinea wašte wicawakidake cin iyecen wahokonciyapi.

15 Messiya en waonspekiyapi kektopawinge wikcemna duhapi ešta, ateyapi ota duhapi śni; Jesus Messiya en wotanin wašte on cinca cicagapi.

16 Heon etanhan ceciciyapi ce, ecen omicipa po.

17 Heon niyepi kin ekta Timotheos ye waši, he nakun micinea hokšincantkiyapi, qa Itancan kin en wacinyepica, he mitacanku Messiya en un kin kiksuye niyanpi kta, ohinniyan okodakiciye otoiyohei en waonspewakiye cin iyececa.

18 Ekta ciupi kte śni se ececa, heon wanjikši wahanhanicidapi.

19 Tuka ecadan ekta ciupi kta, Itancan kin iyokipi kinhan, qa fona wahanicidapi token eyapi kin hee śni, tuka taku okihihi kin he sdonwaye kta.

20 Wakantanka tokiconze kin he wicoie en ahe śni, tuka wowašake en han.

21 Cansakadan yuha ekta ciupi kta, qa iš wacantkiyapi cante alibayedan ko hduha wau kta, unma tukte yacinpi he.

WICOWOYAKE 5.

1 Niyepi ekta wawicihahapi yukan keyapi; qa wawicihahapi kin he iyececa Ikcewicašta kin ekta cajeyatapi śni, wanji iye atkuku tawicu kin yuze kte cin.

2 Unkan niye wahannicidapi; on iyonicišicapi kta tuka; hecen

WICOWOYAKE 6.

tuwe hecon kin niyepi etanhan iyaye yapi kta.

3 Miye mitancan on ekta opeya ciunpi śni, tuka micante on en waun seca, heon en waun kin iyecen wanna mduŝtan; tuwe hecon kin,

4 Mniciciyapi qa mitóksape duhapi kinhan, Jesus Messiya Itancan unkiyapi caje kin on, qa Jesus Messiya Itancan unkiyapi towaŝake kin yuha,

5 Wicaŝta kin he Satan yaqupi kta, cel̃pi yutakuni kte śni, hecen Jesus Itancan kin taanpetu kin en nagi kin ni kta.

6 Iniwinktapi kin he waŝte śni. Taku on napoŃyapi kin waniqadan aguyapi ocowasin napoŃya ece e sdonyayapi śni he.

7 On napoŃyapi tannike cin el̃peya po; hecen aguyapi teca qa napoŃye śni yaunpi kta. Messiya wohduze unkitawapi kin he iye kaeŝ unkiyepi on woŝnapi.

8 Heon etanhan wohduze kin en unkopapi kta, on napoŃyapi wanakaja qa wocanniye wicoŝice ko on napoŃyapi kin he *unhapi* kte śni, tuka wicoowotanna wowicake ko on napoŃyapi kin hee unkunpi kta.

9 Wowapi en kaken cicagapi; WiinaŃmanpi kin om mayanipi kte śni.

10 Tuka wicoicage kin de en wiinaŃmanpi, qa tona waicucupi kte cin, qa wawicaki sa, qa tona wakagapi ohodapi kin hena e wicawake śni; unkanŝ wicoicage kin de etanhan tankan dapi kta tuka.

11 Tuka nakaha kaken wowapi cicagapi, tuwe hunkawanjin kiciyapi eciyapi kin he wiinaŃman, qa waicucukte cin, qa wakagapi ohoda, qa waaie sa, qa witko sa, qa wawicaki sa

heca kinhan, kici yaunpi kte śni, ihnuhan kici wayatapi kinhan.

12 Tona tankan unpi kin hena token ecin wicamdaco kta he; tona timahen un kin hena wicadacopi śni he.

13 Tuka tona tankan un kin hena Wakantanka wicayaco ece. Hecen wawicihahapi econ qon he niyepi kin etanhan tankan iyeya po.

WICOWOYAKE 6.

1 Wicaŝta wan taku icanŝin niyanpi kinhan token ecin owotanna oŃhanye śni unpi kin en yukeanpi kta e ayaipi he, qa wicaŝta wacinyan unpi kin en ayaipi śni.

2 Tona wacinyan unpi kin hena wicoicage kin yacopi kta e sdonyayapi śni he. Unkan niyepi wicoicage kin dacopi kta hecinhan, taku iyotan cistinna kin hena iyukean iyenicecapi śni he.

3 MaŃpiya ohnihde kin hena eepi kaeŝ wicunyukeanpi kta e sdonyayapi śni he. Hecen wiconi kin de en taku hiyeye cin sam iyeya *unkokihipi*.

4 Heon etanhan wiconi kin de en taku iyukeanpi kte cin duhapi kinhan, tona okodakiciye kin en yuonihanpi śni kin hena iyukean wicaŝi po.

5 Iniŝtecapi kte cin heon hepa. Niyepi ekta wicaŝta ksape a tuwe hunkawanj itkupi kin wiyukean okihi kte cin wanica he.

6 Tuka hunkawanjinkiciyapi kin taku iyakicionpapi ece, qa he nakun wacinyanpi śni kin wicitokam.

7 Hecen taku iyayecionpapi kin he ŝicaya ecanonpi ece. Tokeca e ŝicaya ecanonpi kin ayatpaspapi śni he. Tokeca ta-

I. KORINTH.

ku nicipi kinhan wacin tanka yecunpi šni he.

8 Tuka niye šicaya ecanonpi, qa wawicayakipi ece, qa he nihunkawanjipi kin.

9 Tona owotanna šni un kin hena Wakantanka tokiconze kin tawapi kte šni e sdonyayapi šni he. Içihnayanpi šni po : wiinaħmanpi, qa wakagapi ohodapi sa, qa wawicihalhapi econpi sa, qa winyan içidapi kin, qa iwicahu sa,

10 Qa wamanonpi sa, qa wai-cucukte cin, qa witkopi sa, qa wawicakipi sa, henakiya Wakantanka tokiconze kin tawapi kte šni.

11 Qa niš niyepi kin hunħ heni-cecapi tuka, tuka niyujajapi ; tuka niyuwakanpi ; tuka niyuowotanpidan, Jesus Itancan kin cajeyan qa Wakantanka unkita-wapi Taniya kin on.

12 Taku owasin ecamon kta e iyowinmakiyapi, tuka taku owasin ecamon kta iyecece šni ; taku owasin ecamon kta e iyowinmakiyapi, tuka takudan imada-ke kte šni wacin.

13 Woyute kin he wicatezi kin *kicagapi*, qa wicatezi kin is woyute *kicagapi*, tuka henioza Wakantanka iliang ye kta. Unkan wicatancan kin he wiinaħmanpi on kagapi šni, tuka he Itancan kin *kicagapi*, qa Itancan kin he is wicatancan kin tawa kta.

14 Unkan Wakantanka wanna Itancan kin najin kiye ça, nakun iye towašake kin on najin unkiyapi kta.

15 Nitancanpi kin hena Messiya huha kin ee sdonyayapi šni he. Hecen Messiya huha kin iwacu, qa witkowinna wan huha wakiye kta he. Hiya, hecetu šni.

16 Tuwe witkowinna wan en kici iyaihdaške cin he kici tan-

can wanjidan, sdonyayapi šni he. Henioza ceħpi wanjidan kta ce, eye ciqon.

17 Tuka tuwe Itancan kin en kici iyaihdaške cinhan he iye kici woniya wanjidan.

18 Wiinaħmanpi kin nakicipa po. Woaħtani wicašta econ kin owasin wicatancan kin itankan un, tuka tuwe wiinaħman kinhan he iye tancan kin en waçiħtani.

19 Tokeca, nitancanpi kin hena Woniya Wakan Wakantanka niçupi, qa niyepi en un kin he tipi tawa kin hee, qa hecen tawa nihdawapi šni e sdonyayapi šni he.

20 Taku tanka iyopeniyanpi, heon nitancanpi ninagipi ko on Wakantanka yatan po, hena Wakantanka tawa.

WICOWOYAKE 7.

1 Wowapi en miyecagapi kin he icalitagya, wicašta kin winohinca yutan šni kin he wašte.

2 Tuka wiinaħmanpi kte šni e heon etanhan wicašta otoiyoħi winohinca tawa hduhe kta, qa winohinca kin is otoiyoħi wicašta hduha nunwe.

3 Unkan wicašta kin iye tawicu kin wowašte ecakicon kta, qa winohinca kin is iye hiħnaku kin nakun ecen *ecakicon* nunwe.

4 Winohinca kin is iye tancan kin hduhe šni, tuka hiħnaku kin he *yuha*, qa nakun wicašta kin is iye tancan kin hduhe šni, tuka tawicu kin he *yuha*.

5 Otoiyoħi tancan eħpekiciyapi šni po, ptecedan hehanyan, napin wicayadapi kinhan hecedan, takudan yute šni qa wocekiye eyapi kin en ocowasin yençi-yapi kte cin heon, kinhan ake napin yahdapi kta, unmana

WICOWOYAKE 7.

kinhan oiçihipi šni kin on Satan iyutanniyampi kta naceca.

6 Hena hecon cišipi kin e on hepe šni, tuka wahokonciyapi kin heon.

7 Wicašta owasin miye waun kin iyecen unpi kta wacin, tuka otoiyoŋi Wakantanka etanhan wicowašake hduha un, wanji decetu, qa wanji iš kaketu.

8 Tuka tona tanšna un qa tona wiwazicapi kin hena, miye waun kin iyecen unpi kte cin he wašte kta, kewicawakiya.

9 Tuka oiçihipi šni kinhan kiciyuzapi kta; wakan kiciyuzapi kin he wašte qa wacin itkon kin he šica.

10 Unkan tona kiciyuzapi kin hena kaken wahokonwicawakiya, qa he miye cinka *epe* šni, Itancan kin he *heya*; Winohinca iye hihnaku kin ahduštan kte šni.

11 Tuka ahduštan kinhan tanšna un kta, qa iš ake hihnaku qon okiciye kta; qa wicašta kin iye tawicu kin ihnuhan ehpekiye cinhan.

12 Unkan ehake, Itancan kin hee šni, miye cinka hecen epe kta; Hunkawanjin kiciyapi wan winohinca wicada šni kin heca yuhe ça, he kici un iyokipi kinhan, he ihnuhan ehpekiye cinhan.

13 Qa winohinca wan wicašta wicada šni kin heca yuhe ça, he kici un iyokipi kinhan, he iš nakun ehpekiye kte šni.

14 Wicašta wicada šni kin he iye tawicu kin on yuwakanpi, qa winohinca wicada šni un kin he nakun iye hihnaku on yuwakan kagapi. Hecece šni unkanš nicincapi kin ašapapi kta, tuka nakaha hena e wakan.

15 Tuka wicada šni un kin he unma kpagan kinhan hecen kpa-

gan kta. Hena hecece cin en hunkawanjin kiciyapi, qa tawinohtin kiciyapi kin idakapi šni. Wakantanka wookiye en unkiçopi.

16 Winohinca, niš taku sdonyaya he, okinni nihihna niyakiye kta. Qa wicašta kin, niš token sdonyakiya he, okinni nitawin niyakiye kta.

17 Tuka otoiyoŋi token Wakantanka wicaqu qa Itancan kin otoiyoŋi wicakico kin he iyecen mani nunwe. Hecen okodakiye owasin en econ wicawaši ece.

18 Tuwe bakiłdayapi ecen kicopi hecinhan, bakiłdayapi šni kin akite kte šni. Qa tuwe bakiłdayapi šni ecen kicopi hecinhan, he bakiłdaye kte šni.

19 Bakiłdayapi kin he taku šni, qa bakiłdayapi šni kin he nakun taku šni, tuka Wakantanka tawoahope opapi kin he tanka.

20 Otoiyoŋi wicołtani en kicopi kin he en un kta.

21 Wowidake un kin henica ecen nicopi kinhan he ekta ewacin šni wo; tuka tawa niçiye kta e oyakihi kinhan he en oyahan de kta.

22 Tuwe wowidake un kin he Itancan kico kinhan, hee Itancan kin on tawa içiya; qa nakun tuwe tawa içiye cin hecen kicopi kinhan he Messiya wowidake tawa kin hee.

23 Tehiya openitonpi, heon wicašta akantu wowidag niyanpi šni nunwe.

24 Mihunkawanji, otoiyoŋi taku en un hecen kicopi kin he en Wakantanka kici un nunwe.

25 Unkan hokšiwinpitan icałtagya, Itancan kin eciyatanhan wope takudan niduhe šni. Tuka miye owotanna waun kta

I. KORINTH.

Itancan kin ionšimakida, hecen token wacin mduze cin owahdake kta.

26 Nakaha wicokakije kin on etanhan de wašte kepece, wicašta kin ecen un kte cin he wašte.

27 Winohinca en iyanihdaška he; etanhan nihduške kta akite šni wo. Qa winohinca en iyanihdaške šni he; winohinca wan akite šni wo.

28 Tuka winohinca duza ešta wayalitani šni, qa hokšiwinna wan hihnaton ešta walitani šni; tuka hena e wicacehpi ekta wicokakije yuhapi kta; hececa ešta ito itoncipapi.

29 Tuka mihunkawanji kaken epe kta; Wanna tokata ptenyedan; tona winohinca yuhapi kin hena winohinca tonpi šni kin iyecen unpi kte.

30 Tona ceyapi kin hena ceyapi šni kin iyececapi kte; tona iyuškinpi kin hena iyuškinpi šni kin iyececapi kta; qa tona wopetonpi taku yuhapi šni kin iyececapi kta.

31 Qa tona maka kin de woinyunyanpi kin šicaya yuhapi kin iyececapi kte šni; wicoicage kin de ouncege kin atakuni šni aya.

32 Tuka takudan icante šice šni yaunpi kta wacin. Tuwe tawicu ton šni kin he Itancan taku tawa kin awacin yanka, token Itancan iyokipi ye kta.

33 Tuka tuwe tawicu ton kin he wicoicage kin en taku awacin yanka, token tawicu kin iyokipi ye kta.

34 Qa nakun winohinca hihna ton qa witašna un kin hena kici akidecece šni. Hihna ton šni kin he Itancan taku tawa kin awacin yanka, tancan nagi ko wakan un kta heon. Tuka hihna ton kin he wicoicage en ta-

ku un kin awacin yanka, token hihnaku kin iyokipi ye kta.

35 Tanyan yaunpi kta heon hena hepa. Taku on hmunkapi kin nitokam ewahnake kta e hee šni; tuka wacinktonja wanin, qa wiciyokipi kin en Itancan kin oyapapi kta e heon.

36 Tuka tuwe iye cunwintku tašna un kin tanyan ecakicon šni kecin, qa wanna wikoška hecinhan, qa he iyecetu kinhan, token cin kinhan ecen econ ešta, walitani kte šni; wakan kiciyuzapi kte.

37 Tuka tuwe iye cante kin en sutaya un qa tokan tanhan hecon kiyapi šni, qa iye tawacin kin oičihi, qa cunwintku tašna un hduhe kta e cante mahen ičiconze cinhan he tanyan econ.

38 Hecen tuwe kiciyuzapi kin en wicaqu kinhan he tanyan econ, qa tuwe kiciyuzapi kin en wicaqu šni kin he sanpa tanyan econ ece.

39 Winohinca kin tohanyan hihnaku ni un kin behanyan wicoope kin on kaškapi; tuka hihnaku kin te cinhan hehan tawačiya, tuwe tokeca cin kinhan he hihnaye kta okihi, Itancan kin en un kin hecedan.

40 Tuka ecen yanke cinhan he iyotan waštaya un kta imdukan; qa Wakantanka Taniya kin he mduha kepece.

WICOWOYAKE 8.

1 Unkan taku wakagapi wakiyušnapi kin icahtake, owasin wookahnige unhapi sdonunkiya-pi. Wookahnige kin he tanka-icidapi kaga, tuka wacantkiyapi kin he tanka icaħya.

2 Tuwe taku sdonya kecin kinhan he nahahin sdonye kte cin iyecen takudan sdonye šni.

WICOWOYAKE 9.

3 Tuka tuwe Wakantanka wašte dake cinhan Wakantanka he iye sdonya.

4 Taku wakagapi wakiyušnapi kin yutapi kin he icahtake, wakagapi maka akan un kin he taku šni sdonunyanpi, qa Taku Wakan wanjidan, hecedan yukan.

5 Taku wakan eciyapi kin mahpiya ekta qa maka akan yukan ešta; taku wakan ota, qa itancan kiyapi kin nakun ota keyapi ece:

6 Tuka unkiye, Taku Wakan wanjidan Ateyapi kin hee unhapi, he etanhan taku owasin u, qa he en unkiye *unyakonpi*; qa Jesus Messiya Itancan kin wanjidan, he on taku owasin un qa he eciyatanhan unkiyepi.

7 Tuka owasin hecen okašnigapi šni. Wanjikji anpetu dehanyan wakagapi sdonyapi, taku wakagapi wakiyušnapi kin iyacinyan yutapi ece; hecen nagi suta šni kin hena ašamyapi.

8 Taku untapi kin eciyatanhan Wakantanka iyokipi unyanpi šni; wauntapi kinhan heon etanhan sanpa unwaštepi šni, qa wauntapi šni kinhan heon sanpa unšicapi šni.

9 Tuka ihnuhan wawoyakihipi kin de tona wašake šni un kin hena en wonahnaye kte cin.

10 Niye osdonya yaun kin, wakagapi tipi kin en wota idotanke cin tuwe wanniyake cinhan, wicašta nagi wašake šni un kin he taku wakagapi wakiyušnapi kin yuta onspeyakiye kte šni he.

11 Hecen nihunkawanji wašake šni un kin, on Messiya te cin he ihangyapi kta, niye wasdonyaye cin heon etanhan.

12 Tuka hunkawanjin kiciyapi kin en hecen wayahtanpi, qa iye

nagipi kin wašake šni kin nagiyeyayapi eca, Messiya en wayahtanipi ece.

13 Heon etanhan woyute kin mihunkawanji wahtaniye cinhan, ohinniyen tado wate šni waun kta, okinni mihunkawanji wahtaniwaye kta.

WICOWOYAKE 9.

1 Yewicašipi kin hemaca šni he; tawa mičiye šni he; Jesus Messiya Itancan unkiyapi he wanmdake šni he; Itancan kin en miohan kin he niyepi šni he.

2 Wicašta tokeca ekta yewicašipi kin hemaca šni ešta, niyepi kin ekta hemaca. Yewicašipi kin en opeya waun kin ipuspe kin he niyepi, Itancan kin en.

3 Tona wimawangapi kin heona kaken awicamdupta ece:

4 Unkiye wauntapi qa waunyatkanpi unkokihipi šni he.

5 Yewicašipi kin tokeca, qa Itancan hunkawanjinwicaye cin, qa Inyan iyececa, unkiye tankšiwicunyanpi wanji hdus unkiyapi unkokihipi šni he.

6 Qa is, miš miye Barnabas kicišnana, wicohan ayušan owakihipi šni he.

7 Tohantu kašta tuwe iyunwin codan zuya iyaya he; tuwe hastanhanka iyuwi kin huhde qa etanhan waskuyeca yute šni he; qa tuwe tahinca optaye wan hduhe qa optaye kin etanhan asanpi yute šni he.

8 Wicašta akantu eciyatanhan hena hecen epa he; qa woop kin he hena hecen eye šni he.

9 Moses toope kin en kaken kagapi, Tatanka aguyapi napan kin he iohmus icu yaye kte šni ce. Wakantanka tatanka ihawicakta he;

10 Qa is unkiyepi kin on hena

I. KORINTH.

hecen eya he. Unkiyepi kin on he wowapi en kagapi; hecen tuwe mahyumdu kinhan woape en mahyumdu kta, qa tuwe woape yuha aguyapi kapan kinhan he kici woape en okicipe kta.

11 Unkiye ninagipi kin on taku unkonicijupi hecinhan, taku wicacehpi kin nitawapi kin he mnaunyanpi kte cin he taku tanka he.

12 Wicašta tokeca niyepi ekta wookihi kin de en okicipapi kinhan, unkiye unkiyotanpi šni he. Tuka wookihi kin he unkunpi šni; taku owasin unkapaspapi, Messiya tawootanin wašte kin anaunptapi kte šni kin heon.

13 Tona tipi wakan kin eu kicanyanpi kin hena tipi wakan kin etanhan nipi ece sdonyayapi šni he; qa tona wahna wošnapı kin ekta ohanyanpi kin hena wošnapı kin etanhan wotapi ece.

14 Hecen nakun Itancan kin woope kaga; tona wotanin wašte oyakapi kin hena wotanin wašte kin on nipi kta.

15 Tuka hena taku kin takudan iwacu šni, qa hecen ecamiconpi kte cin heon hena hecen wowapi wakage šni; miye mašte kte cin hee wašte, qa tuwe imawinkta kin de ecetu šni miciciye kte cin he šica.

16 Wotanin wašte kin omdaka keš, he wowinkta wahdawa šni; waecon makiyapi, qa wotanin wašte omdake šni ehantanhan wokakije micihan.

17 Qa he iyokipiya ecamon kinhan on iyunwin mduhe kta, tuka iyomakipi šni ešta taku econmakiyapi wan maqupi.

18 Hecen taku mduhe kta he. Wotanin wašte omdake cinhan, Messiya tawootanin wašte kin iyunwin codan ewahde, qa he-

cen wotanin wašte kin en wuwakihi kin tanyan mduhe kta.

19 Wicašta owasin ekta wuwidake šni waun tuka owasin wowidake mayuhe wicawakiya, wanjikši okihiwicawaye kte cin heon hecamon.

20 Juda oyate kin wicehna, Juda wicašta kin hemaca, Juda oyate kin owicawakihi kte cin heon. Tona woope kin ihukuya un kin hena ekta woope yuha unpi kin hemaca, tona woope yuhapi kin hena owicawakihi kta.

21 Qa tona woope nicapi kin hena ekta woope codan unpi kin hemaca; — Wakantanka ekta woope codan waun šni tuka Messiya on woope yuha waun; tona woope nicapi kin hena owicawakihi kta.

22 Tona wašake šni kin hena en wašake šni se emaceca, tona wašake šni kin hena owicawakihi kta. Wicašta owasin en taku owasin un kin hemaceca, wanjikji ni wicawaye kte cin heon.

23 Wotanin wašte kin he on hecamon ece; hecen he en miš cya owape kta.

24 He de sdonyayapi šni he; Tona oinyanke kin en inyankapi kin hena owasin inyankapi, tuka wicašta wanjidan oqipe kin yekiya ece: Niš yeyakiyapi kta e iyecen inyanka po.

25 Tuwe kašta kici econ kte cinhan taku owasin iyatahde ičiye šni un. Hena watešdake atakuni kte šni kin yekiyapi kta, tuka unkiye watešdake ohinnyan un kte cin he *unkakitapi*.

26 Heon ctanhan miš hecen waimnanka, toketu tanin šni kin he iyecece šni; hecen uape on econ waun, tuwe okaduza ape cin iyececc šni;

WICOWOYAKE 10.

27 Tuka mitancan kin suta mićicage a insmićiya ; okinni wicařta tokeca wotanin wařte kin owicawakiyaka eřta, miye e heyata iyemayanpi kte cin he *kowakipa*.

WICOWOYAKE 10.

1 Mihunkawanji he de sdoney řni yaunpi kta wacin řni, hun-kake wicunyanpi kin owasin małpiya řapa kin ihukuya yukanpi, a owasin miniwanca kin opta hiyupi.

2 a owasin małpiya řapa a miniwanca kin en Moses baptem wicau.

3 a owasin woyute wakan wanjidan etanhan yutapi.

4 a owasin woyatke wakan wanjidan etanhan yatkanpi. Imnija wakan kin wicihakam iyaye cion he etanhan yatkanpi. Imnija kin he Messiya hee.

5 Tuka hena wicota Wakan-tanka iwicayuřkin řni, hecen makoskan iłpayapi.

6 Unkan hena e waonspekiya unkitawapi kin eepi, hecen taku řica cantiheunyanpi kte řni, iř iye cantiheyapi on iyececa.

7 a wakagapi ohoyadapi kte řni, iř iyepi wanjikji heconpi on iyececa. Kaken wowapi en kagapi, Oyate kin wota a woyatke iyotankapi, a řkan najin hiyayapi.

8 a wiinalimanpi kin econkupi kte řni, iř iyepi wanjikji econpi on iyececa ; a anpetu wanjidan en kektopawinge wikcemna nonpa sanpa kektopawinge yamni iłpayapi.

9 a Messiya iyutan unyanpi kte řni, hena wanjikji iyutan yanpi on iyececa ; unkan wamduřka ihangwicayapi.

10 a wawiyahnupi kte řni, iř

iyepi wanjikji wawihnupi on iyececa, a waihangye cin on yutakunipi řni.

11 Hena taku kin owasin waonspekiyapi on en wicahiyahde, a unkiyepi wicoicage owihanketa unyakonpi kin wahokonun-kiyapi kte cin heon wowapi en kagapi.

12 Hecen tuwe řinsa najin kecin kinhan, he wakta un nunwe, okinni iłpaye kta.

13 Wowiyutanyan wan wicařta sdoneyapi řni ece kin en aniupi řni. Wakantanka wacinyepica, hecen wawoyakihipi kin isanpa iyutannianpi kta iyowinye kte řni, tuka wowiyutanyan kin he enakiye kta, hecen oyakihipi kta.

14 Heon etanhan wařte cicidapi kin, wakagapi ohodapi kin nakicipa po.

15 Wicařta wacin ksape cin hena hecen ewicawakiya, token epe cin niř iyukean po.

16 Woyawařte wiyatke unyawařtepi kin he Messiya we kin en kodakiciyapi kin hee řni he. Aguyapi unkiyuřpapi kin he Messiya tancan kin en kodakiciyapi kin hee řni he.

17 Unkiye unkotapi, tuka aguyapi unwanjipidan, a tancan unwanjipidan ; unkiye owasin aguyapi wanjidan en akiptan unkopapi.

18 Wicacełpi eciyatanhan Israel oyate kin ekta ewicatonwan po. Tona wořnapi kin etanhan yutapi kin hena wahna wořnapi kin en opapi řni he.

19 Heon token epe kta he : Wakagapi kin he taku, a iř taku wakagapi wakiyuřnapi kin he taku tanka he : Hiya.

20 Tuka taku Ikcewicařta kin wayuřnapi ece kin hena Wakan řica wakiyuřnapi, a Wakan-tanka wakiyuřnapi řni. Unkan

I. KORINTH.

taku wakan sícapi kin en oyeci-papi kta wacin síni.

21 Itancan tawoyatke qa nakun taku wakan sícapi tawoyatke kin yatkan oyakhipi síni. Itancan kin wahna wotapi tawa kin en oyapapi, qa nakun taku wakan sícapi wahna wotapi tawapi kin en oyapapi kta oyakhipi síni.

22 Itancan kin síhda unyanpi kta he. Iye sam iyeya waunśa-kapi he.

23 Taku owasin iyemicihantu tuka owasin taku wašte icañye síni. Taku owasin iyemicihantu tuka owasin waonspekiye síni.

24 Tuwedan ísnana taku amnaciye kte síni, tuka otoiyo hi taku token tawa kte cin he akicicite kta.

25 Taku owasin tihocoka kin ekta wiyopeyapi kin he yuta po, qa wiyukcanpi kin on takudan iwangapi síni po.

26 Maka kin de taku ohnaka ko Itancan kin tawa.

27 Wicašta wicadapi síni kin wanji nicopi, qa ekta dapi tawatenyayapi kinhan, taku nitokam ehdepi kin he yuta po, qa wiyukcanpi on wiyangapi síni po.

28 Tuka tuwe, De wakagapi wakiyuśnapi ce, eniciyapi kinhan, yutapi síni po, tuwe oniciyakapi qa wiyukcanpi kin hena on. Maka kin de taku ohnaka ko Itancan kin tawa.

29 Wiyukcanpi kin cajemdata, niye nitawa síni tuka token tawa kin he waka. Tokeca tawa miçiye cin he wicašta tokeca tawiyukcan kin on mayacopi kta he.

30 Wowaste on en owape cinhan, tokeca e taku on wopida epe cin he on mayaśicapi he.

31 Heon wayatapi qa wadatkanpi, qa taku kašta ecanonpi

kin owasin Wakantanka yatanpi kta e on econ po.

32 Juda oyate, qa Helenes oyate, qa Wakantanka taokodakiciye tuwedan icanśinyayapi kte síni.

33 Qa miye taku owasin on owasin iyokipi wicawaye cin he iyececa, taku mduhe kte cin he awakite síni, tuka taku wicota yuhapi kte cin, hecen nipi kta.

WICOWOYAKE 11.

1 Miye omicipa po, Messiya opeya waun kin iyececa.

2 Mihunkawanji, ciyatanpi ce, taku owasin on miyekseyapi, qa woope ciçupi qon eceñin duhapi kin heon etanhan.

3 Tuka he de sdonyayapi kta wacin; Wicašta otoiyo hi en pa kin he Messiya ee; qa winoñinca pa kin he wicašta kin ee; qa Messiya pa kin he Wakantanka ee.

4 Wicašta otoiyo hi pa akañpe ton cekiye ça wiyukcan kinhan, he iye pa kin wowištenya ece.

5 Tuka winoñinca otoiyo hi pa akañpe ton síni cekiye ça, wiyukcan kinhan, he iye pa kin wowištenya; he paha yuśdapi kin kici akidececa.

6 Winoñinca íś pa akañpe ton síni kinhan paha yuśdapi kta. Tuka winoñinca paha yuśdapi, qa íś hdasarpi kin he wowištece kinhan, pa akañpe ton un kte.

7 Wicašta kin íś pa akañpe ton un kin he hecetu síni, he Wakantanka touncage qa towitan kin hee; qa winoñinca kin wicašta towitan kin hee.

8 Wicašta kin he winoñinca kin etanhan síni; tuka winoñinca kin he wicašta kin etanhan un.

9 Qa wicašta kin he winoñinca

WICOWOYAKE 11.

1 kicagapi śni, tuka winoñinca kin is wicašta kin *kicagapi*.

10 Heon winoñinca kin pa kin akan wowaśake hduhe kta, malipiya ohnihde cin hena on etanhan.

11 Tuka nakun wicašta kin winoñinca codan un śni, qa winoñinca kin is wicašta codan un śni, Itancan kin en.

12 Unkan winoñinca kin he wicašta kin etanhan un kin, he iyecen wicašta kin is winoñinca kin eciyatanhan u; qa taku owasin Wakantanka etanhan un.

13 Niś niyepi kin he iyukean po; winoñinca pa akalipe ton śni Wakantanka cekiye cinhan he hecetu he.

14 Taku oiyokipi kin hee kaes he onspeniciyapi śni he; wicašta kin paha hanskaska hecinhan he wowištece.

15 Tuka winoñinca kin is paha hanskaska koyake cinhan he wowitan kin ee; paha kin he woa-kalipe qupi.

16 Tuka tuwe waakinin un kinhan, wicoñan kin de iyececa takudan unhapi śni, qa nakun Wakantanka taokodakiciye kin.

17 Unkan he de omdake ca ciyatanpi śni; taku sanpa wašte kin on mniniciyapi śni; tuka taku aoptetu kin heon etanhan.

18 Tokaheya okodakiciye mniniciyapi eca yuomdecapi dukanpi keyapi nawalion; qa onśpa wicawada.

19 Waakinicapi niyepi en un kta, hecen tona owotanna iniyukcanpi kin tanin kta.

20 Heon witaya mniniciyapi eca, he htayetuwotapi Itancan tawa kin yutapi kte cin hee śni;

21 Wotapi kin en otoiyohti taku yute kte cin tokaheya icu ece; unkan wanji wotektehda qa wanji is witko ece.

22 Tokeca, tipi ohna wayatapi, qa wadatkanpi kte cin yahduhapi śni he. Wakantanka taokodakiciye kin ayaktapi śni, qa tona taku yuhapi śni kin hena istenwicayayapi he. Token eciciyapi kta he. Heon ciyatanpi kta he. Hiya, ciyatanpi śni.

23 Miye taku Itancan maqu qon he ciçupi, Jesus Itancan kin, hanyetu wan iyoheyapi qon he en, aguyapi icu;

24 Qa wanna wopida eye cin hehan kiyušte ca heya; Icupi qa yuta po; mitancan kin niyepi on kiyuštepapi kin he dee; decen miksuya econ po.

25 Nakun is eya iyecen wanna yatkan qehan, wiyatke kin icu qa heya; Mawe kin en wicotakuye teca kin he dee ce; decen econ po, tohanhan datkanpi eca, miksuya po.

26 Hecen tohan aguyapi kin de yatapi, qa wiyatke kin de datkanpi kinhan, henakiya Itancan te cin he duotaninpi ece, tohanyan hi śni kin hehanyan.

27 Heon etanhan, tuwe aguyapi kin de iyacin śni yute ca, Itancan tawiyatke kin de yatke cinhan, he Itancan kin tancan, we ko, on yacopi.

28 Tuka wicašta kin wihdukan kta, hecen aguyapi kin de yute ca, wiyatke kin de etanhan yatke kta.

29 Tuwe iyacin śni yute ca yatke cinhan, he woyaco hdute ca hdatkan, Itancan tancan kin iyukan śni kin heon.

30 Heon etanhan niyepi ekta wicota waśakapi śni, qa wayazanpi sa, qa hunñ istinmapi.

31 Unkiye unkihdukanpi kinhan, tokan tanhan unkiyukanpi kte śni.

32 Qa unkiyukanpi kinhan,

I. KORINTH.

Itancan kin wahokonunkiyapi, hecen wicoicage kin om unyacopi kte śni.

33 Hecen mihunkawanji tohan wota mniciyapi kinhan, otoi-yohi akicipe po.

34 Qa tuwe wotektehda kinhan, he tiyata wote kta; hecen woyaco en witaya yaipi kte śni. Qa taku nahahin ihe cin hena tohan wau kinhan, wiyeya ewahnake kta.

WICOWOYAKE 12.

1 Mihunkawanji, taku wakan-yan wicaqupi kin iyukan śni yaunpi kta wacin śni.

2 Ikcewicašta kin henicapi, wakagapi iapi okitpani kin en aniyampi, ye niyanpi qon iyececa, he sdonyakiyapi.

3 Heon he sdonye ciciyapi; Tuwedan Wakantanka Taniya kin eciyatanhan ie ça, Jesus ya-šice kte śni; qa nakun tuwedan Jesus e Itancan eciye kta okihi śni, tuka Woniya Wakan ecedan eciyatanhan okihi ece.

4 Unkan taku wicaqupi kin hena okonwanjidan śni, tuka Woniya kin e wanjidan.

5 Qa waeconpi kin okonwanjidan śni, tuka Itancan kin e wanjidan.

6 Qa wicoľan toktokeca; tuka Wakantanka kin e okonwanjidan, iye owasin en taku owasin owicakiciľan.

7 Qa otoi-yohi on iyopta ye kte cin heon Woniya yuotaninpi kin wicaqupi ece.

8 Woniya kin wicašta wan woksape wicoie kin qu ece; qa wanji iś wosdonye wicoie kin, hena Woniya wanjidan etanhan.

9 Qa Woniya kin he wanji tokeca wowacinye qu ece; qa wanji tokeca iś wawokiziyapi

qu ece, qa hena Woniya wanjidan etanhan.

10 Qa wicašta wan wowape-tokeca econpi, qa wanji tokeca wiyukanpi, qa wanji tokeca taku wakan iyukanpi, qa wanji tokeca iapi ocaje ota, qa wanji tokeca iapi ieska oyakapi kin hecekcen wicaqupi ece.

11 Tuka hena owasin Woniya wanjidan qa okonwanjidan un kin he oľanye ça, token cin kin hecen wicašta otoi-yohi kipanni wicaqu ece.

12 Wicatancan kin he wanjidan tuka wicahuha ota yukan; qa tancan kin en huha kin hena ota qeyaś tancan wanjidan; Messiya kin iś he iyececa.

13 Woniya wanjidan on, unkiye owasin wicatancan wanjidan kta e baptem unqupi, Juda qa Helenes oyate, wowidake un kin, tona tawa iľiyapi kin hena koya; qa owasin Woniya wanjidan kin he en wayatke unkiyapi.

14 Wicatancan kin he huha wanjidan śni, tuka ota.

15 Hehan wicasiha kin he, Wicanape kin he miye śni heon wicatancan kin en opeya waun śni ce, eye cinhan, heon etanhan wicatancan kin en ope śni he.

16 Qa wicanoge kin he, Wicašta kin he miye śni qa heon wicatancan kin en opeya waun śni ce, eye cinhan, ehantanhan wicatancan kin en ope śni he.

17 Wicatancan kin ocowasin išta kin ee unkanś, winahonpi kin tokiya un kta he; qa ocowasin winahonpi kin ee unkanś, waomnapi kin tokiya un kta he.

18 Tuka nakaha Wakantanka token iyokipi kin hecen wicahuha kin otoi-yohi wicatancan kin en ehde.

WICOWOYAKE 13.

19 Qa hena iyuhpa wicahuha wanjidan unkanś, tancan kin tokiya un kta he.

20 Tuka nakaha wicahuha ota ešta, tancan wanjidan.

21 Hecen išta kin he, Cicin śni ce, nape kin eciya okihi śni ; qa nakun pa kin he, Cicin śni ce, siha kin eciye kte śni.

22 Qa nakun sanpa, wicatančan en wicahuha kin tona waśake śni se un kin hena iyotan.

23 Qa wicatančan ekta tona yuonihan śni undakapi kin hena iyotan unhdunihanpi ece ; qa tona owanyag śice cin hena iyotan woyokipi ece.

24 Tona wašte unyukanpi kin hena takudan sanpa cinpi śni ; tuka Wakantanka wicatančan kin icikoyagya kage ça, tukten iyokpaniyan un kin he en yuonihanpi tanka kaga.

25 Hecen wicatančan kin en yuomdecapi wanice kta ; qa wicahuha kin hena otoiyo hi awakicicinpi kta.

26 Qa hecen huha wanjidan iyotanhan iyekiye cinhan, he kici huha kin iyuhpa iyotanhan iyekiyapi kta ; qa huha wanjidan yuonihanpi kinhan he kici huha kin iyuhpa iyuśkinpi kta.

27 Messiya tancan kin he niyepi, qa otoiyo hi huha yecidukanpi.

28 Unkan okodakiciye kin en Wakantanka kakenken ewicahde, tokaheya yewicaśipi kin hena, qa iyokihe wokcanpi, qa iciyamni waonspekiyapi ; hehan wicowaśake, hehan waasniyanpi, waokiyapi, itancanpi, qa ceji toktokeca.

29 Owasin yewicaśipi kin hecapi he ; owasin wokcanpi he ; owasin waonspekiyapi he ; owasin wicowaśake kin heca he :

30 Owasin waasniyanpi okihi pi

he ; owasin ceji tokeca on iapi he ; owasin ieskapi he.

31 Wookihi iyotan wašte kin hena nina akita po. Tuka hena isanpa canku wašte wan cicipazopi kta.

WICOWOYAKE 13.

1 Wicašta akantu, qa malhiya ohnihde cejipi kin on iwaa ešta, wacanwakiye śni ehantanhan maza śa snasna, qa taku ituya sna kin he iyemaceca.

2 Qa wowiyukean mduhe ça, taku analibeya un kin owasin, wookahnige owasin ko, sdonwaye ça, wowacinye owasin mduha, on he kin yutokan iyewaye kta owakihi ešta, wacanwakiye śni ehantanhan matakun śni.

3 Qa taku mitawa kin owasin won wicayapi kin en wahdusote ça, mitancan kin hee kaeś huhnage kta e waqu ešta, wacanwakiye śni ehantanhan takudan iciyopteya waun śni.

4 Wacantkiyapi kin he wicotawacin tanka qa wowašte owasin. Wacantkiyapi kin he wawinawizi śni. Wacantkiyapi kin he wahanhancida śni, qa ihdatan śni ece ;

5 Wawištenya econ śni, qa isnana takudan amnaičiye śni, wacinko śni, qa taku śica iyawicaonpe śni ;

6 Woahtani en iyuśkin śni, tuka wowicake kin en iyuśkin ;

7 Taku owasin kajuju ; taku owasin wicada ; taku owasin ape ; qa taku owasin iyowinyan.

8 Wacantkiyapi kin he tohinni owihanke śni. Wokcanpi kin hena enakiyapi kta ; ceji tokeca kin hena ayuśtan aye kta ; qa wookahnige kin hee kaeś atakuni kte śni.

I. KORINTH.

9 Apadan sdonunyanpi, qa apadan unkiyucanpi.

10 Tuka tohan woyuŝtan kin he hi kinhan tona woyuŝtan ŝni kin hena ihanke kta.

11 Homakŝiyooqopa qehan, hokŝiyooqopa iyecen iwae a, hokŝiyooqopa iyecen wimdukan, qa hokŝiyooqopa iyecen awacin waun; tuka wicaŝta imacaga hehan taku hokŝiyooqopa tawa kin amduŝtan.

12 Dehan ihdiyomdasin en iyecen aotpasya wawanunyakapi ece; tuka ege hehan anog itolnake icitkokim wanunkiciyakapi kta. Nakaha taku kin tanyan sdonwaye ŝni; tuka e qe tokata sdonmayanpi kin iyecen tanyan sdonwaye kta e imicihan.

13 Unkan nakaha hena yamni en ounyan, wacinyanpi, qa apapi, qa wacantkiyapi; tuka wacantkiyapi kin he iyotan tanka.

WICOWOYAKE 14.

1 Wacantkiyapi kin he okipa po, qa taku wakanyan wicaqupi kin hena cin po; tuka widukcanpi kte cin he iyotan.

2 Tuwe ceji tokeca on ie cin he wicaŝta kin takudan owicakiyake ŝni, tuka Wakantanka taku eciya; tuwedan nalion ŝni kin heon: hececa eŝta Woniya kin eciyatanhan taku woanalibe kin oyaka tuka.

3 Tuka tuwe wiyukcan oyake cin he wicaŝta kin wowicakiyaka, on icaliyapi qa wahokonkiyapi qa kicanptapi.

4 Tuwe ceji tokeca on ie cin he iye ksamiciya; tuka tuwe wiyukcan oyake cinhan he okodakiciye kin ksamwicaya ece.

5 Niyepi kin owasin ceji tokeca on iyaapi kta wacin,

tuka widukcanpi kte cin he iyotan wacin. Tuwe wiyukcan kin he tanka qa tuwe ceji tokeca on ie cin he ihukuya, ieska oyake ŝni kinhan, hecen okodakiciye kin icaliyapi kta tuka.

6 Unkan nakaha mihunkawanji, ceji tokeca on iwaa en ciupi kinhan, he token oniciyapi kta he; yaotaninpi, qa wookalnige, qa wiyucanpi, qa woonspe kin unmana eciyatanhan eciciyapi ŝni kinhan.

7 Unkan taku ni un ŝni kin hena, cotanka qa iŝ candowan-kiyapi kin hotanin kinhan, ho toktokeca ŝni kinhan, he taku on etanhan tukte e yajopi, qa tukte e dowankiyapi kin sdonyapi kta he.

8 Maza yahotonpi tanka kin ho okonwanjidan ŝni yahotonpi kinhan, tuwe zuyapi kta e wiye-ya icicage kta he.

9 He iyecen niŝ niyepi, ceji on wicoie okalnili waŝteŝte iyaapi ŝni kinhan, token on etanhan taku oyakapi kin he taku ee sdonyapi kta he; okaduza kin en iyaapi kta.

10 Maka kin akan ho ocaje tokeca kanakiya naceca, qa owasin taku kapi.

11 Tuka miŝ ho kin taku kapi kin sdonwaye ŝni kinhan, tuwe ie cin he Ikcewicaŝta kin kecanmakin kta, qa miŝ eya tuwe ie cin he Ikcewicaŝta kin heca wadake kta.

12 Hecen wicolhan wakan nina yacinpi kinhan, okodakiciye kin icaliyapi kta e wadupipike kte cin he akita po.

13 Heon tuwe ceji tokeca on ie cinhan, he ieska oyake kta e icekiye kta.

14 Miye ŝaia cewakiye cinhan, minagi kin he cekiya; tuka mitawacin e qe takudan icalihye ŝni.

15 Hecen toketu he. Miye minagi kin eciyatanhan cewakiye kta, qa nakun mitawacin kin eciyatanhan cewakiye kta; minagi kin on wadowan kta, qa nakun mitawacin kin on wadowan kta.

16 He hecece šni kinhan, ninagi on wopida eha eca, tuwe onspe šni en iyotanke cin he token, wopida ehe cin en, Amen eye kta he, taku ehe cin sdoney šni nakaes.

17 Wopida tanyan eha, tuka iye kin okahnige šni.

18 Wakantanka mitawa wopida ewakiya ce, niyepi kin owasin sam iyeya ceji tokeca on iwaa ece.

19 Tuka okodakiciye kin en mitawacin kin eciyatanhan wicoie zaptanna iwae kta, on wicašta tokeca onpsewicawakiye kte cin he iyotan wašte, qa ceji tokeca on wicoie kektopawinge wikcemna iwae kte cin he aoptetu.

20 Mihunkawanji, wookahnige en hokšiyooqopa unpi šni po; tuka wicotawacin šice cin en hokšiyooqopa po, qa wookahnige kin en wicašta tanka un po.

21 Woope kin en kaken kagapi; Ceji tokeca, iha tokeca ko on oyate kin de owicaweciye kta; tuka hececa ešta, namañonpi kte šni, Itancan kin eya.

22 Hecen ceji tokeca kin hena wowakta kin hee, tona wicadapi šni kin hena eepi šni, tuka tona wicadapi kin hena on wowapetokeca kin hee.

23 Okodakiciye kin ocowasin witaya mniciyapi, qa owasin ceji tokeca on iapi kinhan, qa tona wacinton šni, wicada šni ko en hipi kinhan, winitkotkopika kecannicinpi kte šni he.

24 Tuka owasin wiyukcanpi,

qa tuwe wicada šni wacinton šni un kin tin hiyu kinhan, he owasin on onspekiyapi, qa owasin on yacopi kta.

25 Qa hecen iye cante kin ekta taku anañbe cin yutaninpi kta; hehan makipusdiya ehpeiçiye ça Wakantanka ohoda kta, qa Wakantanka niyepi en nicipi un kin oyake kta.

26 Heon mihunkawanji toketu he: Mniciyapi eca niyepi otói-yohi odowan duhapi, qa woon-spe duhapi, qa ceji tokeca, qa yaotaninpi wan, qa ieska oyakapi wan duhapi ece. Taku owasin waonspekiyapi kta e on econpi nunwe.

27 Tuwe ceji tokeca on ie cinhan, wancadan wicašta nomnom yamnimni, qa hena wanji itokto econpi kta, qa wanji ieska kiyapi kta.

28 Tuka tuwe ieska kiyapi kte cin wanice cinhan, okodakiciye kin en inina yanke kta; is iye oiçiçiye ça Wakantanka okiye kta.

29 Qa wicašta wokcan kin hena nomnom qa yamnimni oyakapi kta, qa unmanpi kin wiyukcan unpi kta.

30 Qa tuwe ikiyedani iyotanke cin he taku wakanyan okiyakapi kinhan, tokaheya kin he inina yanke kta.

31 Owasin wanji itokto wi-dukcanpi kin odakapi kta oyakihipi; hecen owasin onspekiyapi, qa owasin iwicakiyapi kta.

32 Qa wicašta wokcanpi toksapepi kin wicašta wokcanpi kin anawicakigoptanpi ece.

33 Wakantanka kin he oqoyapi kin kage šni, tuka wookiye kin he tawa, oyate wakan okodakiciye kin owasin en un kin iyececa.

34 Unkan winohinca nitawapi

I. KORINTH.

kin okodakiciye kin ekta inina yankapi kta. Hena ie kta e iyowinyanpi *śni*, tuka anagoptan yukanpi kta, woope heye cin iyecen.

35 Qa taku onspepi kta cinpi kinhan iye tipi ekta hihnakupi kin iwicawangapi kta. Okodakiciye kin en winohinca ie cin he wowištece.

36 Tokeca, niyepi kin etanhan Wakantanka oie kin hinanpa he; qa niyepi nišnanpidan ekta nihipi he.

37 Tuwe wicašta wokcan, qa is wicašta wakan kin heca kecaničin kinhan, he taku wowapi en cicagapi kin hena Itancan tawoahope kin hee e yaotanin kta.

38 Qa tuwe iyukcan *śni* un kinhan, he iyukcan *śni* un nunwe.

39 Hecen mihunkawanji widukeyanpi kte cin he akita po, qa ceji tokeca on iapi kte cin tehin-dapi *śni* po.

40 Qa taku owasin iyokipiya owotanna econpi nunwe.

WICOWOYAKE 15.

1 Tuka, mihunkawanji, wotanin wašte unkoniciyakapi, qa iyacupi qon en ayahanpi kin he sdon-ye ciciyapi.

2 He eciyatanhan nakun yanipi kta, wicoic unkoniciyakapi kin on, he tinsa duhapi kinhan, qa ecinšniyan awacanipi *śni* kinhan.

3 Otokaheya ekta taku iwacu qon he cičupi; Waunhtanipi kin on Messiya te cin, wowapi wakan *eye cin* ecetu;

4 Qa hnakapi, qa anpetu iciamni kin piya ikicage cin, wowapi wakan *eye cin* ecetu.

5 Qa Inyan wanhdake ča, hehan ake nonpapi kin wanhdakapi.

6 Hehan he iyohakam wanca-dan hunkawanjin kiciyapi opawinge zaptan wanyakapi, hena wicota nahahin ni unpi, tuka wanjikji ištinnapi.

7 Qa he iyohakam Jakob wanhdaka; hehan yewicašipi kin owasin wanhdakapi.

8 Qa ehake miš miye wanmdaka, okaškan tonpi kin iyemaceca.

9 Yewicašipi kin miye iyotan macistinna, qa Wakantanka taokodakiciye kin šicaya wakuwa qon heon yešipi emakiyapi kte cin iyemacece *śni*.

10 Tuka tomakece cin Wakantanka towaonšida kin on hema-ceca. Qa iye towaonšida mici un kin he taku *śni* wanica, tuka hena owasin iyakapeya nina hta-wani; qa he miye *śni*, Wakantanka towaonšida mici un kin hee.

11 Heon, he miš miye, qa is iyepi kin, hecen unyaotaninpi, qa nakun hecen wicayadapi qon.

12 Unkan Messiya wiconte kin etanhan piya ikicage cin he oyakapi hecinhan, token on niyepi wanjikji, Wiconte etanhan piya wicoicage wanica ce, ehapi he.

13 Wicašte cin piya wicoicage wanica hecinhan, Messiya piya ikicage *śni*.

14 Qa Messiya piya ikicage *śni* hecinhan, hehan unkoyakapi kin he taku *śni* qa wacinyayapi kin he nakun taku *śni*.

15 Qa Wakantanka en unkitonpi *śni* kin; Wakantanka Messiya piya najin kiye cin he unkoyakapi; tuka he najin kiye *śni*, wicašte cin ake najinpi *śni* kinhan.

16 Wicašte cin piya najin ki-yapi kte *śni* kinhan, hehan Messiya nakun piya najin kiyapi *śni*.

17 Qa Messiya piya ikicage

WICOWOYAKE 15.

śni hecinhan, wacinyayapi kin he takudan okihi śni, qa nahalin wayahtanipi kin ehna yaunpi.

18 Hehan tona Messiya on iŝtinma iyayapi qon hena nakun takunipi śni.

19 Wiconi kin de en ecedan Messiya on ape unyakonpi hecinhan, wicaŝta owasin unkiye iyotan iyotanhan iyeunkiyapi ece.

20 Tuka wanna Messiya wiconŝe etanhan piya ikicaga, qa tona iŝtinmapi qon hena en taku tokaheya icage cin hee.

21 Wicaŝta kin eciyatanhan wiconŝe u kin, he iyecen wicaŝta kin eciyatanhan wiconŝe etanhan piya wicoicage kin u ce.

22 Adam en owasin ŝapi kin, he iyecen Messiya en owasin piya ni yapi kta.

23 Tuka otoiyoŝi tohan iye-liantu kinhan; Messiya e tokaheya, qa hehan tona tawa kin hena, Messiya ake hi kinhan.

24 Qa hehan owihanke kta, tohan wokiconze kin Wakantanka Ateyapi kin kicu kta; woki-conze owasin, qa wicowaŝake owasin, qa wookihi kin ihangye cinhan.

25 Tona toka yapi kin hena owasin iye siha kin ihukun iye-wicaye kte cin hehanyan ito wicaŝtayatapi yanke kta.

26 Qa toka ehake ihangye kte cin he wiconŝe kin ee.

27 He siha kin ihukuya taku owasin ekihnaka. Tuka tohan, He ihukuya taku owasin ehna-kapi kin, eye cehan, tuwe he ihukuya taku owasin ehna-ke cin he okaptapi e tanin.

28 Qa tohan taku owasin he ihukun iyeyapi kinhan, hehan Cinhintku kin ege tuwe taku owasin iye ihukun iyeye cin he

ihukun un kta, hecen Wakan-tanka owasin en ocowasin un kta.

29 Wicaŝe cin ecaca piya iki-cagapi kte śni hecinhan, tona wicaŝe cin on baptem wicaqupi kin hena taku tokonpi kta he; qa tokeca e wicaŝe cin on bap-tem wicaqupi he.

30 Qa tokeca anpetu iyohi ŝa ikopeya unyakonpi he.

31 Jesus Messiya Itancan un-kiyapi kin en widuŝkinpi kin en owape cin he cajemdate qa, An-petu iyohi maŝa ce, epa.

32 Wicaŝta akantu iyecen, Ep-hesos ekta wamanica kici weci-za eŝta, on taku iyomapte kta he, wicaŝe cin piya wicoicage śni kinhan. Wauntapi, qa wa-unyatkanpi kta, heyakecinhan untapi kta ce.

33 Içihnayanpi śni po; koda-kiciyapi ŝice cin hena wicohan waŝte yuŝica ece.

34 Wicohan owotanna on ihdu-ŝicapi, qa walitanipi śni po. Wanjikji Wakantanka sonyapi śni. Winiŝtecapi kte cin heon hena hecen epe.

35 Tuka okinni tuwe heye kta; Wicaŝe cin token piya icaŝ-yapi, qa taku tancan kin yuha hiyupi he.

36 Winitkotkoka, taku oyaju kin he ŝe śni kinhan, icage śni ece.

37 Qa taku oyaju kin he tan-can icage kte cin he oyaju śni, tuka su ecedan, aguyapi qa iŝ taku toktokeca naceca.

38 Tuka Wakantanka token iyokipi kin hecen tancan qu, qa su ocaje otoiyoŝi tancan tawa kin kicu ece.

39 Celpi owasin celpi okon-wanjidan śni, tuka wicacelpi kin he wanji ee, qa woteca ce-lpi kin wanji hee, qa hogan ce-

I. KORINTH.

hipi kin wanji hee, qa zitkadan celhipi kin wanji hee.

40 Unkan mahpiyata tancan, qa makata tancan kin heca yukan. Tuka mahpiyata un kin he towitan kin wanjidan, qa makata un kin he towitan kin tokeca.

41 Anpetu wi towitan kin wanjidan, qa hanyetu wi towitan kin he tokeca, qa wicanhipi towitan kin he nakun tokeca; qa wicanhipi wanji wicanhipi tokeca kici wowitan en akidecece s̄ni.

42 He iyecen wicate cin piya wicoicage. Tancan liwin ojupi, tuka liwin kte s̄ni ekicetu yapi.

43 Wowihahaya ojupi, tuka wowitan ekicetu yapi. Wowasake s̄ni yan ojupi, tuka wowasagya ekicetu yapi.

44 Wicacehipi tancan ojupi, tuka wowakan tancan ekicetu yapi. Wicacehipi tancan yukan, qa wowakan tancan kin yukan.

45 Kaken wowapi en kagapi qon, Adam wicasta tokaheya kin he wicanagi ni un kin heca kagapi, qa Adam ehake un kin he Woniya Wanikiye cin hee.

46 Tuka taku wakan un kin he tokaheya s̄ni, tuka taku celhipi kin hee, qa iyohakam taku wakan kin.

47 Wicasta tokaheya kin he maka etanhan un, qa maka kin heca; Wicasta iyokihe kin he Itancan mahpiya eciyatanhan un kin hee.

48 Maka kin heca un qon, tona maka hecapi kin hena hececapi; qa mahpiya tanhan un qon, tona mahpiya tanhan un kin hena hececapi.

49 Unkan makata un kin touncage kin unhapi kin, he iye-

cen mahpiya tanhan un kin touncage kin unhapi kta.

50 Mihunkawanji kaken epa; Wicacehipi qa wicawe kin Wakantanka tokiconze kin tawapi kta okihipi s̄ni, qa nakun wicaliwun wicaliwun kte s̄ni kin tawa kte s̄ni.

51 Wanyaka po, wowiyukan wan ociciyakapi; owasin unkiſtinmapi kte s̄ni, tuka owasin unyutokecapi kta.

52 Ihnuhanna, iſta kakpapi se en maza yahotonpi tanka ehake kin *tanin* kinhan; maza yahotonpi tanka kin he yahotonpi kta, qa wicate cin liwin s̄ni yan najin wicakiyapi kta, qa unkiye unyutokecapi kta.

53 Taku liwin kte cin de wicaliwun s̄ni koyake kta, qa te kte cin de tepica s̄ni koyake kta.

54 Qa tohan taku liwin kte cin de wicaliwun s̄ni koyake ca, tancan wiconſte kin de wiconi kin ogeton kinhan, hehan wicoie kin wowapi en kagapi qon ecetu kta; Wiconſte kin he woohiye kin e ocowasin iocokaya.

55 Wiconſte, wicape nitawa kin tokiya un he. Wicahnakapi, woohiye nitawa kin tokiya un he.

56 Wiconſte icape kin he woahitani ee, qa woahitani wowasake kin he woahope kin ee.

57 Tuka Wakantanka woohiye unqupi, Jesus Messiya Itancan unkiyapi kin eciyatanhan, he wopida yuha nunwe.

58 Hecen mihunkawanji waſte ciciſdapi kin, sutaya yahanpi, qa pahoho s̄ni yaunpi nunwe; qa ohinniyan Itancan ohan kin en aiſciſciya po, Itancan kin on hitayanipi kin he taku s̄ni wance kta sdonyayapi kin heon etanhan.

WICOWOYAKE 16.

1 Wicašta owotanna un kin hena taku wicakicamnanpi kte cin, token Galatia ekta okodakiciye kin econ wicawaši qon, he iyecen niš econ po.

2 Anpetu tokaheya kin en niyepi otoiyo hi token oyakihipi kin, iyacinyan eyahnakapi kta, hecen wau kinhan, wamnayanpi wanice kta.

3 Qa wau kinhan, tona wowapi on wicayakahnigapi kin, hena wicaqupi nitawapi kin he Jerusalem ekta aye wicawaši kta.

4 Qa miye ekta mde kte cin he wašte kta naceca hecinhan hena om inde kta.

5 Unkan Makedonia opta mde cinhan, hehan ekta ciupi kta : qa Makedonia opta mde kte cin he hecetu.

6 Qa okinni cicipi waun kta, han, waniyetu ihunniwaye kta naceca ; hecen hetanhan tokiya mde cinhan niye amayadapi kta.

7 Nakaha tahepi wanciyakapi kte šni, tuka Itancan kin iyokipi kinhan, cicipi owanji manke kta wacanmi.

8 Tuka anpetu iwikcemna zaptan kin hehayan Ephesos en owanjidan manke kta.

9 Tiyopa tanka wawokihi kin makiyuhdokapi, qa tona wakini-capi kin hena ota.

10 Unkan Timotheos ekta i kinhan, kokipešniyan en niunpi kta e akita po : He nakun miye *ecamon kin iyecen Itancan tohtani kin econ ece.*

11 Heon tuwedan ihaha kte šni ; tuka wookiye yuha au po, ekta mahiyu kta ; he hunkawanjin kiciyapi kin om u kta ape manka.

12 Apolos mihunkawanji, he hunkawanjin kiciyapi kin om ni-

yepi ekta niipi kta e nina cinwakiya ; tuka iye dehan ekta ye kta ecaca cin šni, tuka tohan cin kinhan ekta i kta.

13 Kiktahan un po, wowacinye en sutaya han po, wicašta iyecen ohanyan po, wašaka po.

14 Taku nitawapi kin owasin wacantkiyapi on econpi nunwe.

15 Mihunkawanji, ceciciyapi ce ; Stephanas tiyohnaka kin sdon-yayapi, he Akeya en waskuyeca tokaheya icage cin hee, qa wicašta owotanna owicakiyapi kin en ye ičiyapi ece kin ;

16 Tona hececapi, qa tona wawokiyapi, qa litanipi kin hena owasin wicihukuya ye ničiyapi kta.

17 Stephanas qa Phortunatus qa Akekus hipi kin heon imduškin ; hena e taku ecamiyeconpi šni kin he ecetu miciciyapi.

18 Qa minagi kin magaga mayanpi, qa nitawapi nakun. Heon etanhan tona hececapi kin hena wicayuonihan po.

19 Asia ekta okodakiciye kin hena nape niyuzapi. Akula qa Priskila Itancan kin on sutaya nape niyuzapi, qa okodakiciye iye tipi ohna un kin hena koya.

20 Hunkawanjin kiciyapi kin owasin nape niyuzapi. Iputakapi wakan kin on otoiyo hi i kiciputaka po.

21 Palos he miye nape kiciyuzapi kin de miye minape kin on *wakaga.*

22 Tuwe Jesus Messiya Itancan kin waštedake šni kinhan, he anathema maran-atha un nunwe.

23 Jesus Messiya Itancan unyanpi towaonšida kin nicipi un nunwe.

24 Jesus Messiya on wacanwakiye cin niyepi owasin en nicipi un nunwe. Amen.

PALOS

KORINTH OYATE

WOWAPI WICAKICAGE CIN;

INONPA KIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon he, qa Timotheos hun-kawanjinkiciyapi wan kici, Korinth ekta Wakantanka taokodakiciye kin, qa Akeya owanca-ya tona owotanna un kin hena koya, *wowapi unnicagapi*.

2 Wowaonšida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

3 Wakantanka Jesus Messiya Itancan unkiyapi he Atkuku, qa waonšidapi en ateyapi, qa Wakantanka owasin wacintonhnag wicaye cin he wowašte yuha nunwe.

4 He unkakijapi owasin en wacintonhnag unyanpi, hecen tona wokakije owasin ehna un kin hena iwicunkiyapi unkokihipi kta, wacintonhnagyapi on Wakantanka unkikiyapi kin he eciyatanhan.

5 Hecen Messiya tokakije kin unkiyepi en unkiciyuotapi kin, he iyecen Messiya eciyatanhan wacintonhnag unyanpi kin he nakun unkiciyuotapi kta.

6 Kakišunyanpi eca he wacintonhnag niyanpi, qa ni niyanpi kte cin heon; he wokakije on kakišunyanpi kin hena yuha okihi wicaye kta c oħanyan ece; qa wacintonhnag unyanpi hecin-

han, he wacintonhnake niyanpi, qa ni niyanpi kte cin heon.

7 Unkan niyepi kin on sutaya wacinunyanpi, wokakije kin en opeya yaunpi kin he iyecen wacintonhnakeyapi kin en oyapapi kta, sdonunyanpi.

8 Mihunkawanji, Asia en token wokakije unhiyahdepi qon he sdonye šni yaunpi kta uncinpi šni, iyotan nina unkakijapi, unkokihipi kin isanpa, hecen unnipi kta unkecinpi šni.

9 Tuka unkiyepi kin mahen wiconte woyaco kin unhapi, hecen takudan wacinunkiciyapi kte šni, tuka Wakantanka wicafe cin ekicetu wicaye cin he wacinunyanpi kta:

10 Iye wiconte hinsko tanka etanhan eunhdakupi, qa nakaha ehdaku ece; qa ees nakun eunhdakupi kta wacinunyanpi:

11 Qa niš eya wocekiye on ounyakiyapi kta, hecen wicašta ota etanhan, taku unqupi qon he on, unkiyepi on etanhan wicota wopida eyapi kta.

12 Unkiyuškinpi kin he unna-gipi hdaotanin kin hee, wowicake wowakan ko en okonwanjidani, wicacehi woksape yuhe šni, tuka Wakantanka towaonšida yuha, wicoicage kin chna unnipi, qa niyepi kin ekta iyotan hececa.

13 Taku dawapi, qa sdoňya-yapi kin hecedan wowapi en un-

WICOWOYAKE 2.

nicagapi; qa owihanke kin hehanyan wicayadapi kta kepece.

14 Onspa sdonunyayapi, unkiyuşkinpi kin he niyepi, he iye-cen wowitan nitawapi kin he unkiyepi, Jesus Itancan taanpetu kin en.

15 Hecen wacinmduza, tokaheya niyepi kin ekta ciupi kta tuka, on inonpa wowašte duhapi kte cin heon.

16 Qa niyepi kin etanhan iyo-opta Makedonia ekta mde ça, ake Makedonia etanhan niyepi kin ekta icicawin wahdi kta, qa Juda makoce kin ekta ye mayayapi kta wacin.

17 Hecen wacin mduze çehan, hehan iyowihan wacin mduza he; qa token miçiconze cin he wicacehpi eciyatanhan miçiconze ça hecen, Han, han, hiya, hiya, eya waun he.

18 Wakantanka wacinyepica, wicoie unkeniciyapi qon he, han qa hiya, hee şni.

19 Miye, qa Siluanos, qa Timotheos, Jesus Messiya Wakantanka Cinhintku kin unkoniciyakapi qon he, han, qa hiya, hee şni, tuka iye kin on, han ecedan.

20 Wakantanka iwahounyanpi kin hena owasin iye en, Han hee, qa iye en Amen, unkiyepi kin etanhan Wakantanka yatanpi kte cin heon.

21 Tuwe niyepi kici Messiya en unyusutapi, qa sdaunyanpi kin he Wakantanka kin ee.

22 Qa he unkapuspapi, qa uncantepi kin ekta Woniya tokaheya icupi ece kin he unqupi.

23 Unkan nakaha minagi kin ekta Wakantanka mayaotanin kta e cewakiya; Itoncipapi kta e on nahahin Korinth ekta wai şni.

24 Wacinyayapi kin on wowi-

dag unniyanpi şni, tuka widuşkinpi kin en ounniciyapi kta. Wacinyanpi on sutaya nayajinpi ece.

WICOWOYAKE 2.

1 Miye qe hecen mihdukcan, ake iyokişinya ekta ciupi kte şni.

2 Miye iyokişinciyapi kinhan, tuwe iyuşkinmaye kta he; iyokişinwaye cin hee kta.

3 Hecen on he wowapi cicagapi, ekta wau kinhan tona on imduşkin kte cin hena on etanhan iyokişin waun kte şni. Qa niyepi owasin wacinciyapi, mitowiyuşkin kin he en niyepi owasin *oyapapi kta*.

4 Wicokakiye tanka, qa wicocanteşica, qa iştamnihanpe ota ehna wowapi cicagapi qon, iyokişinniyanpi kte cin heon *hecamon* şni; tuka nina canteciciyapi kin he sdonyayapi kte cin heon.

5 Tuwe iyokişicapi kage ciqon he miye iyokişinmaye şni; tuka niye nihunhanpidan, owasin cibapi kte şni.

6 He tuwe kin hecen yacopi qon, wicota econpi kin hecehnana kta.

7 Heon nakaha wicašta kin he iyuşkinayayapi, qa yecanptapi kta, okinni nina iyokişice cin on ktepidan kta.

8 Heon ceciciyapi ce, he cante en duzapi kin hduotanin po.

9 Taku owasin on waanagoptan yaunpi hecinhan, iciyukcanpi kte cin heon wowapi cicagapi qon.

10 Tuwe taku yecicajujupi kinhan, miş eya *hecamon*, qa tuwe taku wecicajuju kin he niyepi kin on wecicajuju, Messiya itokam.

11 Hecen Satan ohiunyanpi

II. KORINTH.

kte śni; iye token iĉiconze cin sdonunyanpi.

12 Troas ekta Messiya tawotanin wašte yuha wahi, qa Itancan kin tiyopa wan makiyuzamni;

13 Hehan minagi ekta cante wašteya waun śni, Titos mihunkawanji kin hen iyewaye śni kin heon; hecen hena nape wicamduze ĉa, hetanhan Makedonia ekta imdamda.

14 Wakantanka, ohinniyan Messiya on ohiye unyanpi, qa ohinniyan unkiyepi kin on tawosdonye woomna yaotanin kin, hee wopida yuha nunwe.

15 Wakantanka ekta, Messiya on woomna wašte kin he unkiyepi, tona wiconi yuhapi kta, qa nakun tona yutakunipi kte śni kin hena en.

16 Dena iś tapi kta e wiconte oomna kin he unkiyepi, qa hena e nipi kta e wiconi oomna kin he unkiyepi; qa tuwe hena taku kin okihi he.

17 Wicota Wakantanka oie kin hnayan kuwapi kin hena iyeuncecapi śni; tuka wowicake eciyatanhan, tuka Wakantanka eciyatanhan, qa Wakantanka itokam, Messiya unkoyakapi ece.

WICOWOYAKE 3.

1 Ake unkihdatanpi un kayapi he; qa wicašta wanjikji iyecen waayatanin wowapi nicagapi kte cin heca uncinpi he; qa iś waayatanin wowapi unyecagapi kta *uncinpi* he.

2 Wowapi unkitawapi unki-cantepi kin ekta owapi kin he niyepi, wicašta owasin sdonyapi qa yawapi;

3 Messiya tawowapi taninyan oyakapi unkiye un kagapi kin; mini sapa on kagapi śni, tuka

Wakantanka ni un kin Taniya kin on owapi; inyan mdaska kin en un śni, tuka wicacante conica kin he en.

4 Unkan Wakantanka ekta Messiya eciyatanhan woawacin kin de unhapi.

5 Unkiye cinka taku unkiyucanpi kta unkokitpanipi, unkiyepi atayedan, taku unkokihihi kin he Wakantanka eciyatanhan.

6 Iye wicotakuye teca kin en ookiye wawokihika un kagapi, oowa kin he en un śni, woniya kin hee en; oowa kin he wašteya, tuka woniya kin he waniya ece.

7 Wiconte wawokiyapi kin he owapi, qa inyan akan pagopi qon he wowitan yuhe cin, on Israel cinca kin Moses itohnake wiya-tpa kin he opahita yukanpi kta okihihi śni hecinhan, wowitan kin he enakiyapi tuka;

8 Hecen Woniya wawokiyapi kin he sam iyeya nina wowitan kte śni he.

9 Woyaco wawokiyapi kin he wowitan hecinhan, wicoowotanna wawokiyapi kin he sanpa nina wowitan kta.

10 Qa taku yuwitanpi qon he taku wanji on wowitan śni, taku iyakapeya wowitan kin hee on etanhan.

11 Qa taku enakiyapi qon he wowitan kin hee hecinhan, taku ecen he cin he iyotan wowitan kin ee.

12 Woape hececa unhapi kin heon nina wadiuntakapi ece.

13 Unkan Moses ite akaħpe wan itohnake kin akaħpe kiton kin he iyecece śni, taku enakiyapi kin owihanke kin hehanyan Israel cincapi kin ekta etonwan okihihi śni kin heon etanhan.

14 Tuka iye tawacinpi kin ao-

WICOWOYAKE 4.

tpasyapi : qa anpetu kin dehan-
yan Wowapi Wakan tanina kin
yawapi eca, ite akaŋpe kin he
eyakupi ūni ecen un ; he Messi-
ya eciyatanhan eyakupi tuka.

15 Tuka anpetu kin dehan-
yan, Moses yawapi eca, ite akaŋpe
kin he iye cantepi kin akaŋpa.

16 Tuka tohan Itancan kin
ekta yuhomnipi kinhan, hehan
ite akaŋpe kin he yuzamnipi
kta.

17 Woniya kin he Itancan kin
ee, qa tukten Itancan taniya kin
un kin, hen tawa iċiyapi yukan.

18 Tuka unkiye owasin itohna-
ke kin en takudan unkaŋpapi
ūni, ihdiyamdasin en wawanya-
kapi kin iyecen Itancan towitan
kin wanunyakapi, qa iye ounce-
ge kin iyecen unkaŋpapi, wowi-
tan sanpa wowitan kin en, Itan-
can Taniya kin on etanhan iye-
ceca.

WICOWOYAKE 4.

1 Heon etanhan wawokiyapi
kin de unhapi kin, wowaonūda
unkicupi kin heon wacin iboun-
ūkapi ūni.

2 Tuka taku wowiūtece na-
hmana un kin hena eŋpeunyan-
pi, qa wicahnayanpi kin en ma-
unnipi ūni, qa wohmaye yuha
Wakantanka oie kin unkiciyu-
hapi ūni, tuka wowicake yaotan-
inpi kin on wicaūta owasin wi-
yukanpi kin ekta unhdaotanin-
pi, Wakantanka itokam.

3 Wootanin waūte unkitawapi
kin he anaŋmanpi hecinhan, to-
na takunipi ūni kin hena anawi-
cakihmanpi.

4 Hena ekta wicoicage kin de
taku wakan tawa kin tona wica-
dapi ūni wicotawacin kin wacin-
ton ūni wicakaga ; Messiya Wa-
kantanka ounce kin hee, ta-
wootanin waūte wowitan iyoyan-

pa kin he iyoyamwicaye kte
ūni heon etanhan.

5 Unkiye unkihdaotaninpi ūni,
tuka Messiya Jesus Itancan kin
he unyaotaninpi ece ; qa unkiye
Jesus on ookiyewicayayapi kin.

6 Wakantanka iyoyanpa kin
otpaza etanhan yege ūi qon he
uncantepi kin iyoyamunyanpi,
Jesus Messiya itohnake kin eci-
yatanhan, Wakantanka towitan
wosdonye iyoyanpa kin unqupi
kte cin heon.

7 Tuka woyuha kin de maka
cega ohna unhapi, hecen wowa-
ūake tanka kin Wakantanka
etanhan un kta, qa unketanhan-
pi kte ūni.

8 Ihdukūsantanhan aotinsunyan-
pi, tuka unkaŋdaskicapi ūni : wa-
cinhnuni unyanpi, tuka takudan
wacinye ūni kin heuncecapi ūni.

9 ūicaya unkuwapi, tuka eŋpe-
unyanpi unyakonpi ūni : makata
eŋpeunyanpi, tuka ihang unyan-
pi ūni.

10 Ohinniyen untancanpi kin
en Jesus Itancan te cin he yuha
unkanpi, hecen Jesus wiconi ta-
wa kin untancanpi kin en tan-
inyan un kta.

11 Unkiye unnipi kin Jesus on
ohinniyen wiconŋe en iyaye un-
yanpi, Jesus wiconi tawa kin
uncelhipi te kte cin en atanin
kte cin heon.

12 Hecen unkiyepi kin en wi-
conŋe ohanyan un, tuka niyepi
kin en wiconi.

13 Unkiye wowacinye woniya
kin de unhapi, wowapi en kaga-
pi qon iyececa ; Wicawada kin
heon iwaa ce ; unkiū eya wica-
undapi kin heon unkiapi ece.

14 Qa tuwe Jesus Itancan kin
piya ekicetu ye ciqon, he Jesus
eciyatanhan, ake ekicetu unyan-
pi kta, qa niyepi kin om sutaya
he unkiyapi kta e sdonunyanpi.

II. KORINTH.

15 Niyepi kin on etanhan taku owasin ecen un, hecen wowaon-sida tanka kin, wicota wopida eyapi kin on sanpa ota aye kta, Wakantanka towitan kin on.

16 Heon wacin ibounśakapi śni, tuka wicašta akantanhan unkitawapi kin he takuni śni aya ešta, wicašta mahen tanhan un kin he anpetu iyohi yute-capi.

17 Unkakijapi cistinna, qa pte-cedan kin he wowitan ota linca, ota linca, owihanke wanin tke linca unkiagapi kta.

18 Iacunhan taku wanyakapi kin hena ekta unketonwanpi śni, tuka taku tona wanyakapi śni kin hena ekta *ewauncinpi*. Taku tona wanyakapi kin hena ihanke kta, qa taku tona wanyakapi śni un kin hena owihanke wanica.

WICOWOYAKE 5.

1 Makata wakeya unkitawapi kin de yujujupi kinhan, Wakantanka ticage cin tipi nape codan kagapi kin, mahpiya ekta, owihanke wanin yanke cin he unhapi e sdonunyanpi.

2 Qa de ohna comniunhdazipi, qa tipi unkitawapi mahpiya eciyatanhan un kin he kounyakapi kta e cantounkpanipi.

3 He kounyakapi kinhan, tancodan unyakonpi kte śni.

4 Wakeya kin de ohna unkanpi kin hehanyan comniunhdazipi, unśakapi kin heon. Wokoyake unhdusdokapi kin he uncinpi śni, tuka kounyakapi kta: Hecen wiconi e wiconte ocowasin napce kta.

5 Tuwe he en icañunyanpi kin he Wakantanka ee; qa he Woniya tokaheya kin wanna unqupi.

6 Heon ohinniyen cante un-

waštepi, qa tohanyan wicatan-can kin ohna unkanpi kin hehanyan Itancan kin itehanyan unyakonpi kin he sdonunyanpi.

7 Wacinyanpi eciyatanhan maunnipi, qa wawanyakapi kin eciyatanhan śni.

8 Cante unwaštepi, tuka tancan kin de ohna unkanpi śni, qa Itancan kin kici unyakonpi kta e he iyotan uncinpi ece.

9 He de aiçiciya unkakitapi, ekta kici unyakonpi, qa is den unkanpi, unma tukte kašta, iyokipiunyanpi kte cin he.

10 Owasin Messiya tawoyaco oiyotanke kin itokam taninyan inaunjinpi kta, otoiyoři taku iye tancan kin ohna ohanye cin hena icu kta, token econ qon eciyatanhan, he wašte qa śica unma tukte kašta.

11 Itancan wohitike cin he sdonunyanpi kin, heon wicašta cin wicunkiyapi; Wakantanka en unkihdaotaninpi, qa nakun widukcanpi kin en unkihdaotaninpi wacanmi.

12 Ake niyepi en unkihdatanpi śni, tuka unkiyepi on iniwinktapi kta e okihi unniyanpi; hecen tona cante kin eciyatanhan śni, tuka itohnake kin on iwinktapi kin hena ekta, taku on iniwinktapi kte cin duhapi kta.

13 Wacinunhnunipi hecinhan, he Wakantanka on etanhan; qa wacinunksapapi hecinhan, he niyepi kin on etanhan.

14 Messiya wacantkiye cin he iyounpaštakapi ece.

15 Qa he de unkiyukcanpi, wanji owasin on te cinhan hehan owasin tapi tuka; qa owasin on te cin, heon tona nipi kin hena is iyepi on nipi kte śni, tuka tuwe hena on te ca ake kini kin hee on nipi kta.

16 Heon etanhan, detanhan wi-

WICOWOYAKE 6.

cacehpi eciyatanhan tuwedan sdonunyanpi šni; han, Messiya hee wicacehpi eciyatanhan sdonunyanpi ešta, nakaha detanhan sdonunyanpi šni.

17 Hecen tuwe Messiya en un kin he wanna wicašta teca; taku tannike cin hena enakiyapi; iho, taku owasin teca icaga.

18 Qa taku owasin Wakantanka etanhan un, he iye kici okiciciye unkiyapi, Jesus Messiya eciyatanhan, qa wookiye wawokiyapi kin he unqupi.

19 Hecen Wakantanka Messiya on, wicoicage kin, iye kiči, okiciciye wicaye ça, walitanipi kin wicakiciyawa šni; qa wookiye wicoie kin he yuhe unkiyapi.

20 Heon Messiya on wawiciyapi kin unkiyepi, unkiyepi eciyatanhan Wakantanka ceniciyapi kin iyececa, Messiya caje on ceunniciyapi, Wakantanka kici okiciciya po.

21 Tuwe woaltani sdonkiye šni un qon he, unkiyepi on woaltani kagapi; hecen iye en Wakantanka toowotanna unkicagapi kta.

WICOWOYAKE 6.

1 Heon iye kici litaunnipi iyecece, niyepi nakun ceunniciyapi ce, ituli Wakantanka towaonšida kin iyacupi kte šni.

2 He iye kaken eya, Omaka oiyokipi kin en nacihon qa wiconi anpetu kin en ociciya: Iho nakaha omaka oiyokipi kin hee; nakaha wiconi anpetu kin he dee.

3 Takudan on tuwedan ibotounyanpi šni, hecen wawokiyapi kin he bapi kte šni:

4 Tuka Wakantanka taokiye unyanpi kin he taku owasin on unkihduotaninpi ece, wacintan-

kapi kin en, wokakije en, walipaya unnicapi kin en, woiyokišice en;

5 Apapi kin en, kaška hnakapi kin en, yuomdecapi kin en, wicohtani kin en, kiktahan unpi kin en, wotektehdapi kin en;

6 Ecedan unpi kin on, wosdonye kin on, tehan apepi kin on, wacantkiyapi kin on, Woniya Wakankin on, awicakehan waštadakapi kin on;

7 Wowicake oie kin on, Wakantanka towašake kin on, wicoowotanna wipe, etapa qa catkatanhan unpi kin on;

8 Wowitan qa wowištece kin ohna; waaiapi qa yaonihanpi kin ohna; wicahnayanpi kin iyececa, tuka wicakapi;

9 Sdonyapi šni un kin iyeuncecapi, tuka tankaya sdonunyanpi; tapi se iyecece unyakonpi, tuka ito unnipi; unkaštakapi, tuka nahanhin unktepi šni;

10 Iyokišicapi iyeuncecapi, tuka ohinnian wiunyuškinpi; walipanicapi kin iyeuncecapi, tuka wicota watonka wicunkagapi; takudan yuhapi šni kin iyeuncecapi, tuka taku owasin untonpi.

11 Korinth oyate kin, niyepi on i unhdukawapi, uncantepi kin tanka aya.

12 Unkiyepi en takudan aotins niyanpi šni, tuka niye nicantepi kin en otins ničiyapi.

13 Hehan iyunwin kin de mayaqupi kta; micinca kin iyecece ociciyapi; niš eya tankaya ničicagapi nunwe.

14 Ihnuhan tona awacin šni un kin hena en ecinšnian iyanihdaškapi kinhan. Token wicoowotanna woaltani kici tidan kta he; qa token iyoyanpa kin otpaza kici un kta he:

15 Qa Messiya Belial kici token okonwanjidan cante yuzapi

II. KORINTH.

he; qa tuwe wicada kin he wicada šni un kin kici taku akiptan tawapi kta he;

16 Qa tipi wakan Wakantanka tawa kin he wakagapi kin kici token un kta he. Wakantanka ni un tipi wakan tawa kin he niyepi. Wakantanka heye ciqon he iyececa; Hena om wati kta, qa om mawani kta. Hena Wakantanka mayanpi kta, qa mitaoyate kin hena eepi kta ce.

17 Heon etanhan hena cokaya tanhan tankan upi, qa icunonpa un po, Itancan kin eya, qa taku ašape cin oyutanpi šni po, kinhan miš tawa ciyapi kta;

18 Niye ate mayayapi kta, qa miye cinkši ciyapi qa cunkši ciyapi kta ce, Itancan Iyotan Wašake cin he hena hecen eya.

WICOWOYAKE 7.

1 Heon waštecicidapi kin, wahoyapi kin dena unhapi kin heon wicacehpi wicanagi ko taku ašape cin etanhan unhduecepidan, qa Wakantanka kokipeyanhan wicoowotanna kin tanyan unhdušanpi kta.

2 Anaungoptan po; unkiye tuwedan šicaya ecawicunkiconpi šni, tuwedan wicunyušicapi šni, tuwedan taku icakiš wicunyanpi šni.

3 He wayaco hepe šni; cante en unniyuzapi, ptaya unčapi qa iš unnipi kta ce, epe ciqon.

4 Niyepi on wadimatake linca, niyepi on nina imawinkta; wocantohnake omajudan, unka-kijapi owasin en nina imduškin.

5 Makedonia en unhipi qehan, uncehpi kin takudan ozičiye šni, tuka taku owasin on iyounkišicapi; tankan tanhan wicokicize, qa mahen tanhan wokokipe.

6 Tuka Wakantanka tona iyokišicapi iwicakiye cin he cantohnag mayan, Titos hen hdi kin heon:

7 Qa he hdi kin hecedan šni, tuka nakun niye cantohnagya-yapi kin heon; nina wacin en yeyayapi, qa iyonicišicapi, qa token cante en unyakiduzapi kin hena unkokiyakapi qehan, nina imduškin.

8 Wowapi wan on iyokišinci-yapi ešta, heon nakaha iyopemičiye šni, iyopemičiya tuka qon. He wowapi kin ptenyedaniyokišinnianpi wanmdaka.

9 Nakaha imduškin, iyokišinnianpi kin heon etanhan šni, tuka nihduecetupi kta e on iyonicišicapi kin heon. Wakantanka eciyatanhan iyokišinniciyapi, hecen takudan icakiš unniyanpi šni.

10 Wakantanka eciyatanhan iyowicakišice cin he ihduecetupi on wiconi kta, on tohinni iyopeičiyapi šni kin he kaga; tuka wicoicage kin de en iyowicakišice cin he wiconče icalha.

11 Wanyaka po, Wakantanka eciyatanhan iyonicišicapi kin he itonpeya nicagapi, waayuptapi, qa wošihda, qa wokokipe, qa cante en hiyeyapi, qa winawizipi, qa hdajujupi kin hena niyepi en icalniciyapi; taku owasin on, he econpi qon en, takudan iyani-onpapi šni yaunpi e nihduotaninpi.

12 Heon wowapi cicagapi, tuwe šicaya econ qon he on etanhan šni, qa tuwe šicaya ecakiconpi qon he on etanhan šni, tuka Wakantanka itokamya token wacin en unniyuzapi kin he niyepi en yutaninpi kta.

13 Heon etanhan iniciyapi kin on unkikiyapi; qa Titos iyuškin kin heon miš eya nina imduškin,

WICOWOYAKE 8.

iyē nagi kin niyepi owasin eciyatanhan magagayapi kin heon etanhan.

14 Heon ciyatanpi qa owakiyaka ešta, on imaštece šni; tuka taku owasin eciyatanhan eciciyapi qon, he iyecen Titos en ciyatanpi kin he nakun wowicake.

15 Unkan niye owasin token anayagoptanpi, qa wokokipeya, cancanyan iyowinyakiyapi qon he kiksuya eca, iye iyotan cante en niyuzapi.

16 Heon etanhan, taku owasin on wicacidapi kin heon miš eya imduškin.

WICOWOYAKE 8.

1 Mihunkawanji, Wakantanka towaonšida Makedonia okodakiye kin en yutaninpi qon he sdonyeciciyapi.

2 Hena wokakije tanka en nina iyuškinpi, qa iyotan wahpanica unpi kin he etanhan taku ota iyokipiya wicaqupi.

3 Okihipi kin iyacinyan, (miš mdaotanin,) qa okihipi kin kapeya, iye cinka wicaqu wacinpi.

4 Qa wocekiye ota on ceunkiyapi, taku wicaqupi kin he, qa tona ecedan un kin wicakipamnipi wawokiyapi kin he nakun unki cupi kte.

5 Qa unkecinpi qon iyecece šni, tuka tokaheya iye tancanpi kin Itancan kin ičičupi, qa nakun Wakantanka tawacin kin eciyatanhan unkiyepi kin en ičičupi.

6 Hecen Titos ceunkiyapi, niyepi en wanna tokaheya hecon kin, he iyecen wowaonšida kin de nakun niciyuštanpi kta.

7 Heon taku owasin on winijicapi, wacinyanpi, qa iapi, qa wosdoney, qa wicamniheca owasin,

qa wašteunyakidapi ko, he iyecen wowašte kin de on nakun winijicapi kta.

8 Wicoope eciyatanhan hena hepe šni, tuka wicašta tokeca aičiciyapi kin heon; qa wacanyakiyapi kin he wowicake kinhan imdute kta.

9 Jesus Messiya Itancan unkiyapi towaonšida kin he sdonyayapi, watonka tuka niyepi on wahpaniiciya, hecen iye wahpanica kin on winijicapi kta.

10 Unkan he de on wahokonciyapi; niye decanonpi kta iyecaca, wanihan sanpa hecanonpi kta e ničiconzapi, qa wiyeya yaunpi kin heon etanhan.

11 Nakaha woecon kin he hduštan po, kohanna wicayadapi qon he iyecen taku duhapi kin etanhan ecen ecanonpi kta.

12 Tokaheya wicadapi yuke cinhan, wicašta taku yuhe cin he eciyatanhan iyokipiya icupi ece, qa taku yuhe šni kin eciyatanhan šni.

13 Wicašta tokeca oziiciyapi kta, qa niye dušakapi kte cin hee šni; tuka akiyecen unpi kta; heon nakaha wijinya yaunpi kin he hena taku iwicakakije cin en un kta;

14 Qa iš iyepi nakun wijicapi kinhan, wicakišya yaunpi kin en oniciyapi kta; hecen akiyececa- pi yuke kta.

15 Wowapi en kagapi qon iyecaca; Tuwe ota pahi kin he takudan ohdapte šni, qa tuwe waniqadan pahi kin he takudan icakiš un šni ce.

16 Tuka Wakantanka wopida yuha nunwe, he niyepi on Titos hecen cante yuskiya.

17 Awicakehan wahokonkiyapi kin anagoptan; tuka iye hinca inahni, qa kohanna niyepi kin ekta ye wacin.

II. KORINTH.

18 Unkan he kici hunkawan-jinkiciyapi wan, wotanin wašte on okodakiciye owasin en yatanpi kin hee ekta ye unšipi.

19 Qa hecedan šni, tuka kici ohnihde unyakonpi kta e he okodakiciye kin kahniġapi, Itancan kin yatanpi kta, qa unkiye de iyokipiya econkupi kta e heon taku ituhanpi kin de en ounkiyapi kta.

20 Qa taku ota unpamnipi kin de on tuwedan unbapi kte šni e he unkakitapi.

21 Taku wašte ece unkihnipi kta, Itancan kin itokam, qa nakun wicašta kin en.

22 Unkan hena om hunkawan-jinunyanpi kin yeunšipi, he wanna ota unkiyucanpi, owotanna ohanyan ece, qa nakaha iyotan aiciciya, tanyan wacinnianpi nakaes.

23 Hecen Titos he *kapi hecinhan*, he mitawaši qa niyepi on omakiye cin hee; qa hunkawan-jinwicunyanpi kin hena eepi *kinhan*, okodakiciye yewicašipi qa Messiya towitan kin hena eepi ce.

24 Heon etanhan, hena en, qa okodakiciye kin wicitokam, wacanyakiyapi kin, qa unniyatanpi qon he nakun wicakipazo po.

WICOWOYAKE 9.

1 Wicašta owotanna owicakiyapi kte cin on wowapi cicagapi kta wanna iyecece šni.

2 Token wacin duzapi kin he sdonwaya, heon Makedonia etanhanpi kin hena en yaonihanyan cajeciyatapi, wanna waniyetu wanjidand hehanyan Akeya wiyeya yanka ce, qa inayahniipi kin he wicašta ota iyowicapaštaka.

3 Tuka hunkawanjin wicawa-

ye cin hena ekta yewicawaši, unniyatanpi qon he ecetu kta, qa epe ciqon iyecen wiyeya nan-kapi kta e heon.

4 Okinni Makedonia etanhan upi kin hena om ekta wai, qa wiyeya yaunpi šni ecen wanunniyakapi kinhan, unkiye, niyepi epe šni, sutaya wacinyus unniyatanpi qon he on unkištecapi kta.

5 Heon hunkawanjin kiciyapi kin cewicawakiye kta wacami qon, tokaheya niyepi ekta ipi, qa wowaonšida nitawapi ehanna iwahoniyampi qon he wiyeya ehnapki kta, hecen awicakehan wowaonšida kta, qa watehindapi kin eciyatanhan kte šni.

6 Tuka de; Tuwe waniqadan oju kin he waniqadan mnaye kta; qa tuwe iyakiçuya oju kin he iyakiçuya mnaye kta ce.

7 Otoiyohi iye cante kin ekta ičiconze cin eciyatanhan *qu kta*, woiyokišice on qa econ šipi kin on etanhan šni; iyuškinyan wicaqu kin he Wakantanka wašte daka.

8 Wakantanka wowaonšida owasin niyepi en niciyuotapi kta okihi; hecen taku owasin ota duhapi kin on wicohan wašte kin wadupipike kta.

9 Wowapi en kagapi qon iye-cetu; Taku ehpeya, wahpaninica kin taku wicaqu ece kin he toowotanna kin ohinniyan un kta.

10 Tuwe woju kin ojupi yuhekiya ece kin he aguyapi woyute yayapi kte cin niçupi, qa taku oyajupi kin icali niçiyapi, qa nitooowotanna waskuyeca kin niciyuotapi nunwe.

11 Qa taku owasin en wijinya yaunpi kta on iyotan ohannipipi kta, heon unkiye Wakantanka wopida unkekiçiyapi.

WICOWOYAKE 10.

12 Wapamnipi wawokiyapi kin de tona owotanna un kin taku icakijapi kin enakiye kte ça, nakun Wakantanka wopida nina eciyapi kta e kaga.

13 Messiya tawootanin wašte kin en oyapapi e daotaninpi, qa hena taku ota wicayaqupi, qa owasin taku wicayaqupi kin he on wawokiyapi utapi kin de on etanhan Wakantanka yaonihanpi.

14 Qa niyepi on wocekiye eniciyapi kin heon nina cantonikpanipi, Wakantanka towaoñsida tanka nicipi un kin heon etanhan.

15 Wakantanka taku yawapica šni unqupi kin he on wopida kiciun nunwe.

WICOWOYAKE 10.

1 Palos he miye, Messiya wabayedan qa wacintanka heon ceciciyapi ce, niyepi ekta onñihanyan waun, tuka en waun šni ehantarhan, niyepi on wadimatata ;

2 Tuka ceciciyapi, en waun kinhan, wanjikji wicacehpi kin eciyatanhan maunnipi kecanunkinpi kin, hena en waditagya waun kta wacanmi kin he iye cen wadimatake kte šni.

3 Wicacehpi kin en maunnipi ešta, wicacehpi eciyatanhan unkiyizapi šni.

4 Wipe unkunpi kin hena wicacehpi kin heca šni, tuka waśaka, Wakantanka on, inatake suta kin yujuju ece :

5 Wacinyuzapi kin kun ełpeya, qa taku tehan wankantuya un Wakantanka sonyapi kin en wankan iyeiciye cin hena owasin, qa wicotawacin iyulpa Messiya anagoptanpi kin en wayaka ai ece.

6 Qa wanañonpi šni kin tounkiñonpi kta e wiyeya unkanpi ; tohan anayagoptanpi kin hdušťanpi kinhan.

7 Wicašta itohnake kin hecedan iwandakapi he. Tuwe Messiya tawa kecaniñin kinhan, he ake kaken awacin kta ; iś iye Messiya tawa kin heca he iye cen unkiś unkiyepi Messiya tawa unyanpi.

8 Wookihi Itancan unqupi kin, on icahunniyanpi kta, qa on ihangunniyanpi kte šni, heon sanpa mihdatan ešta, imaštece kte šni.

9 Wowapi on wakokipe cicagapi kta wacanmi šni.

10 He wowapi kage cin hena suta qa waśaká, tuka tancan en un kin he waśake šni qa ie cin he wowiħa ce, eyapi.

11 Tuwe hecece cin he kaken awacin kta, en unkanpi šni wowapi wicoie kin on tounkecapi kin, he tohan en unkanpi kinhan, wicoħan kin on heuncecapi kta.

12 Tona ihdatanpi kin hena unkihdacinpi, qa opeya unkihdawapi kta tawatununyanpi šni ; hena e iś iye on wiħdutapi, qa iyepi on ihdukcanpi, qa hecen okahnigapi šni.

13 Unkiye wiunħdutapi kin isanpa unkiħdatanpi kte šni ; tuka wicoħan iyutapi Wakantanka unqupi kin he eciyatanhan, iyutapi kin niyepi kin iyaħde niyanpi.

14 Ekta iyahde unniyanpi kta e sanpa unkiħdutitanpi šni. Tuka Messiya tawootanin wašte kin en niyepi kaes ekta unniupi.

15 Wiunħdutapi kin isanpa unkiħdatanpi šni, wicašta tokeca wicoħtani kin en ; tuka wicayadapi kin he icage cinhan, niyepi

II. KORINTH.

on wiyutapi unhapi kin eciyatanhan sanpa unyuonihanpi kta unkapepi.

16 Hecen niye dukanpi kin akowapa wotanin wašte kin unkoyakapi kta, qa tuwe tokeca taku tawa wiyeya yanke cin en unkiwinktapi kte šni.

17 Tuka tuwe iwinkta kinhan Itancan kin on iwinkta nunwe.

18 Tuwe ihdaonihan kin he ecetudakapi kin ee šni, tuka Itancan kin tuwe yaonihan kin hee kta.

WICOWOYAKE 11.

1 Witkotkoya iwae cin cistiye-dan iyowinmayakiyapi kta wacin. He iyowinmayakiyapi nakaes.

2 Wakantanka winawizi kin iyecen inaciwizipi, wicašta wanjidan kiciyus ciyapi, hokšiwinna ecedan un kin Messiya ekta aciipi kta heon.

3 Tuka he kowakipa, wamduška wohnaye on Ewe hnaye ciquon he iyecen nitawacinpi kin yušicapi kta, qa woyuecedan Messiya en un kin etanhan iyaye niyanpi kta naceca.

4 Tuwe en niupi kin he Jesus tokeca wan unkiye unkoyakapi šni kin he oyaka, qa Woniya tokeca, iyacupi šni qon, he nakaha iyacupi, qa wotanin wašte tokeca, anayagoptanpi šni qon he oniciyakapi kinhan, iyowinyakiyapi kta.

5 Miye yewicašipi iyotan tanka kin takudan ihukuya waun šni, imdukcan.

6 Ho magahan ešta, wosdonye kin on waksapa ; tuka niyepi kin en taku owasin on tanyan unki-hdaotaninpi.

7 Wakantanka tawootanin wašte kin iyunwin codan ociciyakapi, qa wankantuya iyenianpi

kta e on mihduhukuya kin he wawahtani he.

8 Okodakiciye tokeca kin taku wicawaki, qa opemicatonpi kin iwacu, ociciyapi kte cin heon ; qa cicipi waun qa taku imakakije cehan, taku nitawapi kin mun šni :

9 Taku iyokpani waun qon he hunkawanjin kiciyapi Makedonia etanhan hipi kin maqupi, qa ohinniyan takudan inagiyeci-yapi šni waun, qa ees nakun hecen waun kta.

10 Messiya wowicake tawa miciun kin heon Akeya makoce kin en imawinkta kin de ecetu šni makiyapi kte šni.

11 Tokeca he ; wašte cici-dapi šni kin heon etanhan he. Wakantanka sdonya.

12 Tuka taku ecamon kin he nakun ecamon kta, hecen tona wiyaonpapi akitapi kin hena etanhan wiyaonpapi kin emdaku kta, qa en iwinktapi kin he unkiyepi kin iyecen unpi kta.

13 Hena yewicašipi itonšni kin hecapi, wohnaye ohanyanpi, qa Messiya yewicaši qon hena iyecen ihduzapi.

14 Qa he taku wowinihan šni, Satan iye kaeš iyoyanpa ohnihde kin iyecen ihduza.

15 Heon etanhan, iye taokiye kin hena wicoowotanna ookiye kin iyecen ihduzapi kte cin he taku tanka šni, hena iye wico-han kin eciyatanhan ihang yapi kta.

16 Ake hecen epa ; Tuwedan witkotkoke madake kte šni. Tuka hecon kinhan witkotkoke cin iyecen iyowinmakiye kta, cistiyedan mihdatan kta.

17 Taku epe cin hena Itancan kin eciyatanhan epe šni, tuka nina ihdatanpi kin he on witkoya ie cin iyemaceca.

WICOWOYAKE 12.

18 Wicota wicacehpi kin on ihdatanpi kin he iyecen miš eya mihdatan kta.

19 Witkotkopike cin hena iyokipiya iyowinwicayakiyapi ece, niye yaksapapi nakaes.

20 Tuwe wowidag niyanpi, tuwe temniyanpi, tuwe wanicipi, tuwe wahaniciida, tuwe ite ohna anipapi hecinhan, iyowinwicayakiyapi ece.

21 Waoštehdapi kin he waka, waunšakapi šni kin heon. Tuka taku on tuwe waditake cinhan, witkotkoya iwaa ce, he on miš eya wadimataka.

22 Hena Hebrew wicašta kin hecapi he. Miš eya hemaca. Hena Israel etanhanpi he. Miš eya. Hena Abraham cinca he. Miš eya.

23 Hena e Messiya taokiye kin hecapi he; witkotkoke cin iyecen iwaa, miš eya imayotan. Wicohtani kin en imayotan; apapi kin en wopecta šni waun; kaška hnakapi kin en imayotan, qa wiconte kin en otakiya waun.

24 Juda oyate zaptan akihde, apapi wikcemna topa wanjidan iyokpani maqupi.

25 Yamni akihde cansakadan on amapapi; wancadan inyan on makininpi; yamni akihde wita wata micamdecapi; anpetu wanjidan hanyetu iyahna ošbe kin mahen waun;

26 Nina icimawani, mini ota wokokipe kin en waun, wakipi sa okokipe kin en, mitaoyate on wokokipe kin en, Ikcewicašta on wokokipe en, otonwe ekta wokokipe en, hewoskantuya wokokipe en, miniwanca ekta wokokipe en, hunkawanjin kiciyapi itonpi šni kin hena ekta wokokipe en;

27 Mdowakita qa nina htawani kin on, ota kiktahan waun kin

on, wotektewahda qa imapuza on, ijehan amakihan kin on, macuwita qa tancodan waun kin on;

28 Qa tankan tanhan anpetu iyohi taku amaupi kin, okodakiciye kin owasin awanhdakapi kin he nakun.

29 Tuwe wašake šni un, qa miye wamašake šni he; tuwe aiapi un, qa miye šinwahda šni he.

30 Tuka imawinkta kta iyecece cinhan, wamašake šni waun kin heon imawinkta kta.

31 Jesus Messiya Itancan unkiyapi he Wakantanka tawa, qa Atkuku kin, owihanke wanin wowašte yuhe cin he sdonmayan, itonšni mawanica.

32 Damaskos en, Aretas wicaštayatapi yanke cin ihukuya, wicašta itancan kin akicita ota wicayuha, Damaskos oyate otonwe tawapi kin awanhdake ça, maktepi kta akita.

33 Hehan conkaške owanyeye wan etanhan, makanyankapi wan ohna, kun hiyumayanpi; qa iye nape kin etanhan nawajica.

WICOWOYAKE 12.

1 Imawinkta kte cin he iyemicihantu šni, wowihanmdce qa Itancan woyakapi tawa kin ekta wau kta.

2 Ehanna waniyetu ake topa sam iyeya, wicašta wan Messiya en un kin he sdonwaya; (wicatancan kin ohna un kin sdonwaye šni, qa tanton šni un kinhan nakun sdonwaye šni, Wakantanka he sdonya;) wicašta kin he mašpiya iciyamni kin ekta eyakupi;

3 Wicašta kin he sdonwaya, (wicatancan kin ohna un sdonwaye šni, qa tanton šni un kinhan nakun sdonwaye šni, Wakantanka he sdonya;)

II. KORINTH.

4 He Wakantanka ti kin ekta eyakupi, unkan wicoie oyagpica šni kin nañon, hena wicašta oyake kta ešta okitpani kta.

5 Wicašta kin hecece cin on imawinkta kta, qa miye qe on imawinkta kte šni, tuka wamašake šni waun kin heceedan on.

6 Tuka imawinkta wacanmi keš wimatkotkoke kte šni, wovicake epe kta; tuka nakaha hecamon kte šni, tuwe wanmayake ça, token waun nañon kin he isanpa tanka kecanmakin kta he kowakipa.

7 Unkan woyakapi tanka kin on etanhan wahanmiçida kte šni heon taku pepe wan micelpi kin en maqupi, Satan taokiye wanji hee, šicaya makuwa kta heon, wahanmiçida kte šni heon etanhan.

8 Qa heon Itancan kin yamni wocekiye ewakiya, he amayustan kte cin heon.

9 Hehan, Mitowaonšida kin iyonihhi kta, qa mitowašake kin he wowašake šni kin en hduštanpi ce, emakiya. Hecen Messiya towašake kin miye en miciun kte cin, heon makakije cin on iyuškinyan imawinkta kta.

10 Heon etanhan wowayazan kin en imduškin ece, qa waaiapi, qa iwicakakije, qa šicaya wicakuwapi, qa Messiya on wicakakije kin henakiya en; tohan wamašake šni eca taku owakihi ece.

11 Iwinktapi kin on witkotkoka imacaga, niye hecon mayakiyapi, mayadaotaninpi kta tuka qon; yewicašipi iyotan tankapi kin takudan en wicihukuya waun šni, matakú šni ešta.

12 Awicakehan niyepi ekta yewicašipi wowapetokeca tawapi kin econkupi, wacintankapi

owasin en, wapetogtokeca, taku wowinihan, qa wašagya wicohan kin hena on.

13 Taku e on okodakiciye tokeca kin ihukuya yaunpi he; taku nitawapi kin iwacu šni kin hee naceca. Heon wawahtani kin he micicajuju po.

14 Wanyaka po, iciyamni ekta ciupi kta wiyeya manka, qa nakun taku nitawapi kin iwacu kte šni. Taku yatonpi kin he awakite šni, tuka niyepi atayedan. Cinca yapi kin hunkakepi kin taku wicakihnakapi kin he hecetu šni, tuka hunkake yapi kin hena hokšiyogopa kin on taku ekicihnakapi kta.

15 Ninagipi kin on litawani, qa mihdusote kte cin he iyomakipi; tuka iyotan canteciciyapi ešta, aoptetuya waštemadakapi ece.

16 Tuka he hecetu, taku nitawapi kin iwacu šni; hececa ešta wamdupike cin heon wohñaye on ciyuzapi, *keyapi*.

17 Tona niyepi ekta ye wicawaši qon hena eciyatanhan, taku mihdamna he.

18 Titos cewakiye ça kici hunkawanjitku wan ekta ye waši. Niyepi etanhan Titos taku kamna he. Wicoksape okonwanjidan en maunnipi šni he; oye okonwanjidan ohna *maunnipi* šni he.

19 Ake niyepi en unkihduwicakapi kecannipi he. Wakan-tankanya Messiya kin en unkiapi ece. Waštecicidapi kin, tanyan icahnianpi kte cin heon taku owasin econkupi.

20 Ekta ciupi kinhan, niyepi token wacin kin hececa iyeciya-pi kte šni, qa miye nakun token yacinpi šni kin hecen iyemayayapi kta kowakipa. Wakinicapi kin, winawizipi, canniyekici-

WICOWOYAKE 13.

yapi, wicokicize, waaiapi, waa-jijipi, wahanicidapi qa owoduta-ton kin henakiya en un kta kowakipa.

21 Qa okinni ekta wau kinhan, niyepi kin en Wakantanka mitawa kin iyokišin maye kta, qa tona wanna woalitani econpi, qa taku asape cin, wiinalmanpi, qa wicawihomnipi econpi kin on iyopeiciyapi šni kin hena awicawakiceye kta naceca, he kowakipa.

WICOWOYAKE 13.

1 De iciyamni ekta ciupi ; waayatanin nonpa qa yamni ipi kin on wicoie owasin yasutapi kta.

2 Ociciyakapi qon he ake nakaha ociciyakapi, icinonpa ekta waun kin iyececa ; qa nakaha en waun šni, tona toka walitani-pi, wicašta tokeca ko owasin, wowapi wicawecaga, ake ekta wai kinhan itonwicawape kte šni.

3 Miye mahen tanhan Messiya ie cin on wowapetokeca ayakitapi kin heon etanhan ; he niyepi ekta taku okitpani šni, tuka niyepi kin en wašake linca.

4 He iye wowašake šni on can susbeca kin en okatanpi ešta, Wakantanka towašake kin on ni un. Heon unkiš eya waunšakapi šni, tuka niyepi kin ekta Wakantanka towašake kin on kiei unnipi kta.

5 Niš niyepi ihdukecan po, wacinyanpi kin en yaunpi hecinhan ; tanyan wihduta po. Ehipeniyampi šni kinhan, Jesus

Messiya niyepi kin mahen un, he sdonyakiyapi šni he.

6 Tuka elipewicayapi kin heuncapi šni e sdonyayapi kta imdukecan.

7 Taku šica takudan ecanonpi kte šni he. Wakantanka icewakiya ; unkiye unwaštepi e unyaotaninpi kte cin hee šni, tuka walitepi šni kin iyeuncecapi kta ešta, niye taku wašte ecanonpi kte cin hee *wacin*.

8 Taku wowicake kašeye cin takudan unkokihipi šni, tuka wowicake kin on etanhan.

9 Unkiye waunšakapi šni, qa niye wanišakapi eca unkiyuškinpi ece. Qa tanyan onihduštanpi kte cin he uncinpi.

10 Heon etanhan en waun šni icunhan, hena wowapi en wakaga, okinni ekta waun kinhan yašinya iapi kin ohna iwae kta naceca ; wowašake Itancan maqu kin eciyatanhan, he waicaliyapi kin on *maqupi*, qa waihangyapi kin on etanhan šni.

11 Ehake, hunkawanjin ciyapi kin, wiyuškin po ; oihduštan un po, cante wašte po, okonwanjidan awacin po, wokiyapi kin en un po ; qa wowašte, wookiye ko Wakantanka kin nicipi un nunwe.

12 Otoiyohi iiputakapi wakan kin on i ikiciputaka po. Wicašta owotanna un kin owasin i iniputakapi.

13 Jesus Messiya Itancan towaonšida kin, Wakantanka towaštedake kin, qa Woniya Wakan iwicakiye cin niyepi owasin en nicipi unpi nunwe. Amen.

GALATIA OYATE KIN

WOWAPI WICAKICAGE CIN.

WICOWOYAKE 1.

1 Palos yewicasipi kin heca, wicašta akantu kin etanhan šni, qa wicašta on kagapi šni, tuka Jesus Messiya etanhan, qa Wakantanka Ateyapi kin, he wiconțe etanhan najin kiye cin he nakun etanhan ;

2 Qa hunkawanjin kiciyapi mici unpi kin owasin ko, Galatia ekta okodakiciye kin *wowapi unnicagapi*.

3 Wowaonšida, wookiye ko, Wakantanka Ateyapi kin, qa Jesus Messiya Itancan unkiyapi kin etanhan, nicipi un nunwe.

4 He iye waunhtanipi kin on içiçu, wicoicage síce cin de etanhan eunhdakupi kta, Wakantanka Ateunyanpi tawacin kin eciyatanhan :

5 He ohinniyan owihanke wanın wowitan kicihan nunwe. Amen.

6 Tuwe Messiya towaonšida kin inicopi kin kohanna aduštampi, qa wotanin wašte tokeca en *oyapapi* kin, heon imanihan manka.

7 He nakun tokeca šni, tuka wicašta wanjikji nagiyenyanpi, qa Messiya tawootanin wašte kin ayuštan niyanpi kta tuka.

8 Tuka he unkiš unkiyepi, qa is ohnihde wan mahpiya kin eciyatanhan kin, wotanin wašte unkoniciyakapi qon he ohna šni, tuka tokeca oniciyakapi kinhan, wošnapi un nunwe.

9 Unkeyapi qon hecen ake nakaha epe, tuwe wotanin wašte iyacupi qon kici okonwanjidan šni kin oniciyakapi kinhan, he wošnapi un kte.

10 Wicašta qa Wakantanka, unma tukte cinwicawakiya he; qa wicašta kin iyokipiwicawaya awakita he. Wicašta kin iyokipiwicawaya unkanš, Messiya wowidagmaye kte šni tuka.

11 Mihunkawanji he de ociciyakapi, wotanin wašte omdake ciqon he wicašta akantu kagapi šni ;

12 Qa wicašta kin etanhan iwacu šni, qa iye omakiyakapi šni, tuka Jesus Messiya oyake cin eciyatanhan *onmaspe*.

13 Juda wicoľan en opeya waun qehan, token owalianmde cin nayahonpi ; Wakantanka taokodakiciye kin nina sícaya wakuwa, qa mdujuju.

14 Qa mitaoyate kin en tona om akini maskokeca kin hena ota Juda wicoľan kin en kawicawape ça, mihunkakepi wohdakapi qon iyotan nina tewahinda.

15 Tuka Wakantanka ina tezi kin etanhan imacu, qa iye towaonšida kin on mico kin he,

16 Iye Cinhintku kin sdonye mayan iyokipi qehan, lkcewicašta wotanin wašte kin owicawakiyake kte cin heon, kohanna wicaceľpi, wicawe ko, kici wowahdake šni :

17 Qa Jerusalem ekta tona

WICOWOYAKE 2.

mitokapa tanhan yewicašipi qon hena ekta wicawai šni, tuka Arabia ekta imdamde ça, ake Damaskos ekta icicawin wahdi.

18 Hehan waniyetu yamni iyohakam Inyan kici wowahdake kta e Jerusalem ekta wai, qa anpetu ake zaptan kici manka.

19 Tuka yewicašipi kin tokeca tuwedan wanmdake šni, Jakob Itancan sunkaku kin hecedan.

20 Unkan wicoie wowapi en cicagapi kin de, iho, Wakantanka itokam itonšni mawanica.

21 He iyohakam Suria, qa Kilikia makoce kin en wahi.

22 Qa Juda makoce kin en okodakiciye kin Messiya en un kin, hena ekta ite kin sdonmayanpi šni waun.

23 Tuka, Tuwe šicaya unkuwapi qon he nakaha wowacinye ehanna yujuju qon he oyaka ce, hecedan nahonpi.

24 Unkan miye on Wakantanka yatanpi.

WICOWOYAKE 2.

1 He iyohakam waniyetu ake topa, hehan ake Titos yuha, Barnabas kici Jerusalem ekta itawankanhde mda.

2 Woyakapi on ekta mde ça, Ikcewicašta ekta wotanin wašte omdake ciqon he hena owicawakiyaka, qa tona okinihanpi kin hena išnašnana *owicawakiyaka*; ituya waimnanke šni, qa taku šni on waimnanke kte šni heon.

3 Tuka Titos mici un kin he Helenes heca keš bakiħdayapi kta keyapi šni.

4 Qa he nakun hunkawanjinkiciyapi itonpišni kin heca, hena unkiye token Jesus Messiya on tawa unkiçiyapi kin he iwanya-

kapi kta e en hipi, wowidag unyanpi kte cin heon.

5 Tuka hena wihiyayedan oape wanjidan hehanyan wicihukuya unyakonpi šni, wotanin wašte wowicake kin nicipi un kte cin heon.

6 Unkan tona wicašta wicakinihanpi seca, qa takupi kašta he etanhan tokeca šni, Wakantanka wicašta itohnake kin iwan-yake šni, hena wicakinihanpi seca, tuka wicoie kin en takudan omakiyapi šni.

7 Tuka hececa ešta, tohan bakiħdayapi šni wotanin wašte kin he maqupi e wanyakapi qehan, bakiħdayapi wotanin wašte Inyan qupi qon he iyececa;

8 Tuwe bakiħdayapi kin on yewicašipi kin en Inyan okihiye cin hee Ikcewicašta ekta okihimayan;

9 Qa Jakob, Inyan qa Johannes kici, ipatanhdepi kin hecapi seca, wowaonšida maqupi kin he wanyakapi, hehan takodakiciyapi on Barnabas kici nape mayuzapi, unkiš Ikcewicašta ekta unyanpi kta, qa iyepi kin bakiħdayapi kin ekta yapi kta.

10 Tuka decedan, tona wahpanicapi kin wicunkiksuyapi kta *keyapi*, unkan miš nakun hecamon tawaŋenwaya.

11 Unkan Inyan Antiyoka ekta hi qehan, kici taninyan awakinica, iye iyaonpepica nakaes.

12 Jakob etanhan wanjikji hipi šni kin he itokam Ikcewicašta kin om wota ece; tuka wanna en hipi, hehan tona bakiħdayapi qon hena kowicakipe ça, token iyaye ça ihdonica.

13 Qa he opeya Juda wicašta tokeca kin iyecen analibeya econpi, hecen hena wohnaye kin on Barnabas nakun opeya yeyapi.

14 Tuka wotanin wašte wovicake kin eciyatanhan owotanna manipi šni, he wanmdaka hehan owasin wicitokam Inyan hewakiya; Juda wicašta henica, tuka Ikcewicašta kin iyecen yani kinhan, qa Juda wicašta kin iyeccece šni, tokeca e Ikcewicašta kin Juda wicoľan kin en ope wicayaši he.

15 Unkiye wicaceľpi eciyatanhan Juda wicašta kin heuncapi, qa Ikcewicašta waľitanipi sa heuncapi šni;

16 Wicašta kin woope wicoľan kin eciyatanhan yaowotanpi šni ece, tuka Jesus Messiya wacinyanpi kin on, he sdonunyanpi kin heon unkiš eya Jesus Messiya wacinunyanpi, Messiya wicadapi kin on unyaowotanpi kta e heon, qa woope opapi kin on etanhan šni; woope wicoľan kin eciyatanhan wicaceľpi owasin tuwedan yaowotanpi kte šni.

17 Tuka Messiya on unyaowotanpi kta unkakitapi kin he icunhan, waľitanipi sa heuncapi hecinhan, heon Messiya woalitani wowidake kin heca he. Hiya hecetu šni.

18 Taku mdujuju qon he ake piya wakage cinhan, wawaľitani e mihdutanin.

19 Wakantanka on wani kta e heon, woope eciyatanhan, woope kin ekta maťa ce.

20 Messiya kici icipaweh omakatani; tuka nahalin wani; qa he miye šni tuka miye mahen Messiya ni un kin hee; qa wicaceľpi kin en wani kin he Wakantanka Cinhintku wacinyanpi kin eciyatanhan wani, he iye cantemakiye ca miye on iye ičiču.

21 Wakantanka towaonšida kin mdujuju šni; woope kin eciyatanhan wicoowotanna u kinhan, hehan Messiya ituya řa.

WICOWOYAKE 3.

1 Galatia wicašta wacin tonpi šni kin, tuwe niyuhnaškinyanpi, qa hecen wowicake kin anayagoptanpi kte šni he; niyepi kin en Jesus Messiya icipaweh okatanpi kin he ništapi kin itokam yuotaninpi.

2 Decedan omayakidakapi kta wacin, woope wicoľan kin on, qa wacinyan anagoptanpi kin, unma tukte eciyatanhan Woniya kin iyacupi he.

3 Tokaheya Woniya kin on ecanonpi, qa ehake wicaceľpi kin on nihduštanpi kta he, qa wacinyatonpi kte šni.

4 Kana owasin taku šni on iyotanhan iyeyakiyapi he; he taku šni on etanhan hecinhan.

5 Tuwe Woniya kin yuhe ni-ci-yapi, qa niyepi en tankaya oľanye cin he woope wicoľan kin on, qa wacinyan anagoptanpi kin unma tukte eciyatanhan he.

6 Hecen Abraham Wakantanka wicada, unkan he woowotanna kiciyawapi qon.

7 Heon etanhan, tona wacinyanpi kin en opapi kin hena Abraham cincawicaye cin eepi, he sdonya po.

8 Wacinyanpi kin on Wakantanka Ikcewicašta kin wicayawotanna kte cin, he Wowapi wakan otokaheya tanhan wanyake řa, hecen tokaheya Abraham wotanin wašte kin okiyaka; Niye en oyate kin owasin wicayawaštepi kta ce.

9 Hecen tona wacinyanpi kin hena Abraham wacinye ciqon kici wowašte yuhapi.

10 Tona woope wicoľan kin etanhanpi kin hena woyaco kin en unpi. Hecen wowapi en kagapi; Tona taku woope wowapi kin en kagapi kin owasin

WICOWOYAKE 3.

opeya unpi śni, qa ecen econpi śni kin hena otoiyohi wanna wicayacopi ce.

11 Unkan woope kin eciyatanhan tuwedan Wakantanka itokam yaowotanpi śni e sdonunyanpi: Tona owotanna un kin hena wacinyanpi eciyatanhan nipi kta ce.

12 Unkan woope kin he wacinyanpi kin eciyatanhan śni; tuka, Wicašta kin tuwe hena econkinhan, hena on ni kta ce.

13 Woope woyaco kin etanhan Messiya eunhdakupi, unkiyepi on iye woyaco ikicaga. Wowapi en hecen kagapi, Tona can en otkeyapi kin hena owasin yacopi ce.

14 Hecen Jesus Messiya eciyatanhan Abraham wowašte tawa kin he Ikcewicašta kin en awicau kta; hecen wacinyanpi kin on Woniya iwahounyanpi kin he unkiyepi kta.

15 Mihunkawanji, wicašta akantu iyecen iwaa. Wicašta akantu wicotakuye tawa kin hee kaeś, wanna hduştanpi kinhan, tuwedan hdujuju śni, qa taku en akage śni ece.

16 Abraham iye cinca kici wahoyapi; Cincapi kin eye śni, hehan ota kapi kta, tuka wanjidan, qa, Nicinksi kin, he Messiya kin ee.

17 Unkan miś kaken epe kta; Otokahe ekta wicotakuye Messiya en Wakantanka hduşuta kin he, iyohakam waniyetu opawinge topa sanpa wikcemna yamni hehan woope u kin he tokaheya kin yujuju, qa hecen wahoyapi qon ecetuşniye kta okitpani.

18 Taku tawapi kte cin he woope eciyatanhan un unkanś, wahoyapi kin eciyatanhan śni; tuka he Wakantanka Abraham iwahoya.

19 Hehan tokeca e woope kin *yukan* he. He woalitani on kagapi, cinca iwahoyapi qon u śni kin hehanyan, qa ohnihdewicayapi kin on yusutapi, iyotahedan un wan nape kin ohna.

20 Iyotahedan un kin he wanjidan eciyatanhan śni, tuka Wakantanka ege wanjidan.

21 Heon woope kin he Wakantanka taku iwahowicaye cin he kaşeya he. Hiya hecetu śni. Woope wiconi kaga okihi unkanś, awicakehan woope kin eciyatanhan wicoowotanna u kta tuka.

22 Tuka Wowapi Wakan kin he owasin woalitani oħdateya un wicayawa, qa hecen tona wicadapi kin hena, Jesus Messiya wacinyanpi wahoyapi qon he wicaqupi kta.

23 Wowacinye kin hi śni itokam woope kin on unkaşkapi; qa wowacinye yuotaninpi kte cin en onauntakapi.

24 Hecen woope kin he wayeunkiyapi kin hee, Messiya en unkahipi kta, hecen wowacinye on unyaowotanpi kta e heon.

25 Tuka wowacinye kin wanna hiyohi, hecen wanna wayekiyapi kin ihukuya unyakonpi śni.

26 Jesus Messiya wacinyanpi kin eciyatanhan owasin Wakantanka cinca kin heuncapi.

27 Tona Messiya caje on baptem niçupi kin hena Messiya kodakapi.

28 He en Juda qa Helenes wicašta ko wanica; wowidake un tawaiçiya ko wanica; wica winyan ko wanica; tuka Jesus Messiya ekta owasin okonniwanjipidan.

29 Messiya tawa niyanpi hecinhan, Abraham cinca kin hecinapi, qa wahoyapi kin eciyatanhan tawayapi kte cin.

WICOWOYAKE 4.

1 Unkan kaken epa; Tawaye kte cin tohanyan hoksiyopa un kin hehanyan wowidake kin takudan ocitpani s̄ni, taku owasin on itancan un ešta.

2 Tuka tohan Atkuku ke cin hehanyan waonspekiye ça tipi awanyag wicakiyapi kin hena he yuhapi.

3 He iyecen unkiš eya hounkšiyopapi qehan, wicoicage wonspe tokaheya kin ihukuya unyakonpi.

4 Tuka wanna anpetu iyehantu qehan, Wakantanka iye Cinhintku kin u ši, winohinca wan etanhan icage ça wope kin ohdateya kagapi.

5 Hecen tona wope kin ihukuya un kin hena opewicakiton kta, atayedan cinhintkuyapi kin unhapi kte cin heon etanhan.

6 Unkan cinkšiniyanpi kin heon Wakantanka iye Cinhintku Taniya kin nicantepi kin en niu šiipi, he, Abba, Ate, eya howaya ece.

7 Hecen wowidake kin henica s̄ni, tuka cinhintku kin henica. Qa cinhintku hecinhan, Messiya eciyatanhan Wakantanka ekta tawaye kte cin heca.

8 Tuka Wakantanka sdoniyayapi s̄ni qehan, taku wakan s̄ni kin hena wowidag niyanpi.

9 Unkan nakaha Wakantanka sdoniyayapi, qa is̄ Wakantanka sdonniyanpi yaunpi kin, hecen token ake taku tokaheya hunkešni qa takudan okihi s̄ni un kin ekta nihdohdapi, qa hena ake wowidag niyanpi kta yacinpi he.

10 Anpetu qa wi kin, omaka waniyetu ko awacanipi.

11 Kocicipapi, taku s̄ni on niyepi kin ktacicinipi epca, heon etanhan.

12 Mihunkawanji, ceciciyapi ce; Miš waun kin iyecen un po; niye yaunpi kin iyecen waun, taku šica takudan ecamiyeconpi s̄ni.

13 Tokaheya ekta wicacehpi wašake s̄ni on wotanin wašte kin ociciyakapi kin he sdoniyayapi.

14 Qa micehpi en taku iyutanmaye cin he šiceyadapi s̄ni, qa paha iyeyayapi s̄ni, tuka Wakantanka ohnihde ye cin iyecen, qa Jesus Messiya iyecen tin ye mayasiipi.

15 Hecen wowašte duhapi qon tukte e he. Kaken ciyaotaninpi, okihipica unkanš ništapi kin yahdušdokapi qa mayaqupi kta wicayadapi kta tuka.

16 Wowicake ociciyakapi kin heon toka mayayapi he.

17 Hena e tanyan canteniciyuzapi seca, tuka he taku wašte on etanhan s̄ni, heyata iyeunyanpi kta cinpi, hecen niye tanyan cantewicayakiyuzapi kta.

18 Tuka ohinniyan taku wašte on tanyan canteyuzapi kin he wašte, qa niyepi ekta waun kin hecedan s̄ni.

19 Micinca, niyepi kin en Messiya icahyapi kte cin heon ake hokšiksuya waun.

20 Niyepi kin on, token wacin mduza tanin s̄ni, heon nakaha ekta cicipi waun qa miho kin wahdatokeca kta wacin.

21 Tona wope ihukuya yaunpi yacinpi kin, wope kin nayahonpi s̄ni hecinhan omakiyaka po.

22 Wowapi en hecen kagapi; Abraham cinhintku nonpa, unma wowidake winohinca etanhan, qa unma is̄ winohinca tawaiciye cin etanhan.

23 Tuka wowidake winohinca etanhan un kin he wicacehpi

WICOWOYAKE 5.

eciyanhan tonpi, qa tawaiçiye cin etanhan un kin wahoyapi kin on tonpi.

24 Hena e wiyacinpi wan ee ; qa wicotakuye nonpa kin heepi. Unma Sina he kin etanhan u, he wowidag yapi kaga, Hagar hee.

25 Qa Hagar he Arabia ekta Sina he kin hee, qa Jerusalem wanna he cin kici akidecen un, qa cinca kici wowidake un.

26 Tuka Jerusalem wankan tanhan u kin he tawaiçiya, he owasin ina unyanpi kin ee.

27 Hecen wowapi en kagapi ; Cinca oyakitpani qa cinca ton şni yaun kin iyuşkin wo ; tohin-ni hoksinyaksuye şni kin panpan qa dowan wo ; tuwe işnana un kin he cinca ota, qa hihnaton kin he cinca tonana.

28 Mihunkawanji, Isaak iyecen wahoyapi cinca kin heuncapi.

29 Tuka he ehan tuwe wicacehpi eciyanhan tonpi kin he Woniya eciyanhan un kin he şicaya kuwa qon, iş eya dehan iyececa.

30 Tuka Wowapi wakan kin token eya he ; Winohinca wowidake un kin cinca kici tankan iyeya wo ; wowidake un cinca kin he tawaiçiya cinca kin kici akidecen tawaye kte şni.

31 Hecen mihunkawanji, wowidake un cinca kin ee şni, tuka tawaiçiya cinca kin unkiyepi.

WICOWOYAKE 5.

1 Hecen tawaiçiyapi kin on Messiya tawaiçiye unyanpi kin he en şinsadan un po, qa ake wowidake yapi wanapin kin on iyaihdaşkapi şni po.

2 Wanyaka po, Palos he miye e kaken eciciyapi ; Baniçihdayapi kinhan Messiya takudan on oniciyapi kte şni ce.

3 Wicaşta bakihdayapi kin otoiyohi kaken ewakiya ece ; Woope kin ocowasin econ kta iyececa tuka ce.

4 Tona woope kin on niyaowotanpidan keniciyapi kin wanna Messiya ehpeyayapi, qa wowaonşida etanhan nihinhpayapi kin.

5 Unkiye Woniya kin eciyanhan wicoowotanna woape kin wacinyanpi on unkapepi ece.

6 Jesus Messiya en bakihdayapi kin he takudan okihi şni, qa nakun bakihdayapi şni kin ; tuka wacinyanpi wowaşte en oşhanye cin he taku okihi ece.

7 Tanyan yainankapi ; tuwe iyoncipi şni kin, hecen wowi-ke kin wicayadapi kte şni he.

8 Woawacin kin de tuwe nicopi kin eciyanhan u şni.

9 On napohiyapi cistinna kin he aguyapi ocowasin napohya.

10 Itancan kin eciyanhan wacinciyapi, takudan tokeca awacanipi kte şni ; qa tuwe kaşta nagiyenyanpi kinhan he woyaco hduhe kta.

11 Mihunkawanji, miş miye bakihdayapi kin ieyanwapaha kinhan tokeca e şicaya makuwapi he ; kinhan, can susbeca iwoşihda kin he enakiyapi tuka.

12 Tokin tona cante okiçunin niyanpi kin hena yuşpa iyewicayapin.

13 Mihunkawanji, tawaiçiyapi kin en nicopi, tuka tawaiçiyapi kin he wicacehpi iyokipi kta e wowinyunyanpi şni po ; tuka wowaşte on otoiyohi okiciciya po.

14 Woahope kin ocowasin wicoie wanjidan en ecetu, he dee, Niş niye inihdacinyan wicaşta aiyog yaun kin canteyakiye kta ce.

15 Tuka yecidalitakapi qa tem-

GALATIA.

yeciyapi kinhan, on wakta po, okinni hangyeciyapi kta naceca.

16 Miye kaken epe; Woniya kin on mani po, hecen wicacehpi on cantiheye cin yahduŝtanpi kte ŝni.

17 Wicacehpi kin he Woniya kin inakiwizi, qa Woniya kin iŝwicacehpi kin inakiwizi, qa hena ozakiya anokatanhan kicizapi, hecen taku token yacinpi ŝni kin hena ecanonpi ece.

18 Tuka Woniya kin yus anyanpi hecinhan, wope kin ihukuya yaunpi ŝni.

19 Wicacehpi wicohan kin taninyan un; Wawiciahapi, wiinahmanpi, waŝapapi, wicaŝtapi ŝni;

20 Wakagapi kin ohodapi, wapiyapi, ŝice kicidapi, wakinicapi, wawihnupi, wacantahdepi, wicokicize, wawakipajinpi, yuomdecapi,

21 Winawizipi, tin wicaktepi, witkopi, qa witkoya wacipi, qa taku tona hecece cin hena ee; wanakaja ociciyakapi kin he iyecen nakaha eciciyapi, Tona taku hececa econpi kin hena Wakantanka tokiconze kin tawapi kte ŝni.

22 Tuka Woniya kin waskuyeca tawa kin he, wowaŝtedake, wowiyuŝkin, wookiye, wacintankapi, wicowahbayedan, wowaŝte, wowacinye;

23 Wicotawacin waŝte, qa iyatahde iciyapi ŝni hena ee; qa taku hecece cin wope kin tuktedan iyamya un ŝni.

24 Unkan tona Messiya tawa wicaye cin hena wicacehpi kin icipaweŝ okatanpi, qa wacinyuzapi cantiheyapi koya.

25 Woniya kin unkicinipi kinhan, Woniya kin unkopapi kta.

26 Otoiyohi ŝihdakiciyapi, qa winakiciwizipi, qa ecinsniyan

iwinkta iciyapi wanin unyakonpi nunwe.

WICOWOYAKE 6.

1 Mihunkawanji, wicaŝta wan ihnuhanna taku ŝica en iyohpaye cinhan, niye tona owotanna yaunpi kin woksape wowaŝbayedan yuha wicaŝta kin he ake piya opeya maniya po; qa awan ihdaka wo, okinni taku wawiyutanyan un kin en niu nun ce.

2 Otoiyohi waqinpi kin kicin po, hecen Messiya toope kin tanyan ecetu yayapi kta.

3 Tuwe taku ŝni un eŝta, taku icida kinhan, he icihnayan.

4 Tuka otoiyohi iye ohan kin awakicin kta, hecen iye qe eciyatanhan, qa token tanhan ŝni, iyuŝkin kta.

5 Otoiyohi waqinpi tawa kin kicin kta.

6 Tuwe wicoie kin eciyatanhan onspekiyapi kinhan, he wonspekiye cin taku waŝte kin owasin etanhan okinikiya nunwe.

7 Ihnuhan nihnayanpi kin; Wakantanka uncapi kte ŝni ce. Wicaŝta kin taku oju kinhan, he yukse kta ce.

8 Tuwe iye celhpi kin wokiciju kinhan, he wicacehpi kin etanhan wicotakuni ŝni mnaye kta; qa tuwe Woniya kin wokiciju kinhan, he Woniya kin eciyatanhan wiconi owihanke wanica mnaye kta.

9 Taku waŝte econ unkapinpi ŝni nunwe; hu unstakapi ŝni kinhan tohantu kte cin mnaunyanpi kta.

10 Heon tohanyan unkokihipi kinhan, wicaŝta owasin taku waŝte ecawicunkiconpi kta, qa wacinyanpi tiyohnaka kin hena iyotan.

WICOWOYAKE 1.

11 Wowapi hinsko tanka miye minape on cicagapi e wandakapi.

12 Tona wicacehpi ekta wašte ihdutaninpi cinpi kin hena baniçihdayapi kta cinniciyapi, Messiya can susbeca tawa kin on šicaya kuwapi kte šni kin heon heconpi.

13 Tona bakihdayapi kin hena e qe nakun woope kin tanyan yuhapi šni, tuka baniçihdayapi kta cinpi, nicehpi kin on iwin-ktapi kta heon.

14 Tuka takudan on imawinkta šni nunwe, Jesus Messiya Itancan unkiyapi can susbeca tawa kin hecedan on, he on miye ekta wicoicage kin icipawehi

okatanpi, qa wicoicage kin ekta icipawehi omakatanpi.

15 Jesus Messiya en bakihdayapi kin he takudan okibi šni, qa bakihdayapi šni kin he nakun, tuka wicašta teca kin.

16 Tona woope kin de eciyatanhan manipi, Israel Wakantanka tawa wicaye cin hena ko, wookiye, wowaonsida ko, wicakici unpi nunwe.

17 Detanhan tuwedan nagiyemayc šni nunwe; Jesus Messiya towapetogton kin mitancan kin en yuba waun.

18 Mihunkawanji, Jesus Messiya Itancan unkiyapi towaonsida kin ninagipi kin kici un nunwe. Amen.

PALOS

EPHESOS OYATE KIN

WOWAPI WICAKICAGE CIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon hee, Ephesos ekta tona owotanna un, qa Jesus Messiya wacinyanpi kin hena *wowapi cicagapi*:

2 Wowaonsida, wookiye ko, Wakantanka Ateunyanpi kin etanhan, qa Jesus Messiya Itancan unkiyapi kin etanhan niyepi en nicipi un nunwe.

3 Jesus Messiya Itancan unkiyapi Wakantanka tawa, qa Atkuku kin yawaštepi nunwe; he iye Messiya en taku mahpiya tanhan un kin wowašte wakan ocaje owasin on unyuwaštepi:

4 He en maka kagapi kin itokam unkañigapi qon iyececa, unwakanpi kta qa iye itokam wowašte en iyaonpepica šni unyakonpi kte cin heon:

5 Qa iye en, Jesus Messiya eciyatanhan cinca unyanpi, iye tawacin oiyoiki kin eciyatanhan:

6 Iye towaonsida wowitan yatanpi kte cin on, he iye Waštekidake cin en wašteundakapi:

7 He on wopekitonpi kin unhapi, iye we kin on, woahani kajujupi kin hee, iye towaonsida tanka kin eciyatanhan:

8 He iye unkiciyuotapi, wicksape owasin qa wookañige ko on:

9 Qa iye toiyokipi kin eciyatanhan, iye tawacin wowiyukan

EPHESOS.

kin sdoneunkiyapi, he iye en iciconze cigon he iyecen :

10 Hecen tohan iyehantu kinhan, wokonze kin eciyatanhan taku owasin Messiya en witaya mnaye kta, taku mahpiya ekta un, qa taku maka akan un kin hena, iye en.

11 Qa tuwe iye tawacin wokonze kin eciyatanhan, taku owasin kage cin he otokaheya tanhan unkañnigapi kin, he iye en woahipeye kin unhapi.

12 Hecen unkiye tokaheya Messiya wacinunyanpi qon, iye towitan kin yatan unyakonpi kte cin heon.

13 He niş niyepi nakun, wowicake oie kin nayahonpi qehan, wotanin wašte on ni niyanpi kte cin hee, he iye wacinyayapi, unkan Woniya wahoyapi kin he on wapetognitonpi :

14 He taku unhapi kte cin tokaheya wicaqu ece kin hee, taku opetonpi hdamnanpi kin *u kte* cin hehanyan, iye towitan yatanpi kte cin heon.

15 Hecen miş eya, Jesus Messiya wacinyayapi kin he, qa tona owotanna un kin owasin wašte wicayadakapi kin nawahon kin,

16 Ehantanhan niyepi on wopida eya amdaştan şni, qa wocekiye epa eca, ciksuyapi ece :

17 Jesus Messiya Itancan unkiyapi Wakantanka tawa, qa wowitan Ateyapi kin hee woksape wowiyukcan ko oniya kin niçupi kta, he iye sdoniyayapi kta e heon :

18 Nitawacinpi iştá kin iyoyam niyanpi kta, hecen nicopi wowacinye kin he taku kin e sdoniyayapi kta, qa tona owotanna un kin taku tawapi kte cin wowitan wijica kin he taku ;

19 Qa tona wicaundapi kin en

iye towaşake tanka hinca woptecaşni kin he taku kin nakun, iye towaşake waşagya oħanye cin eciyatanhan.

20 He Messiya okicihan, wiconţe etanhan najin kiye cehan, qa mahpiya ekta iye etapa kin en ekihde :

21 Wokiconze owasin, qa wowaşake, qa wookihi, qa itancan-kiyapi, qa wicacaje caje yatapi kin owasin, wiconi kin de en hecedan şni, wiconi u kte cin he nakun, hena iwankam tehan wankantuya ekihde :

22 Qa iye siha kin ihukuya taku owasin ekihnaka, qa taku hiyeye cin owasin iwankam okodakiciye kin en he pa kin kaga ;

23 He iye tancan kin hee, tuwe taku owasin on owasin ojuye cin woojudan kin hee.

WICOWOYAKE 2.

1 Unkan niş niyepi kin woahţani wicoħan şica ko en niţapi :

2 Hena ehna ehanna mayanipi, wicoicage kin de wiconi kin eciyatanhan, qa okotonyan wowaşake kin itancan kin eciyatanhan, he taku wakan woakta şni cinca kin en oħanye cin hee.

3 Hena om, unkiyepi owasin ehanna unnipi, uncelhipipi wacin yuze cin en, wicacehpi wicotawacin ko wacinpi kin ecetu unyanpi, qa unmanpi kin iyecen wocantiyahde cinca kin heuncapi.

4 Tuka Wakantanka wowaonşida kin on wijica kin he towaştedake tanka kin on wašte undakapi kin heon ;

5 Unkiye wicoħan şica ehna unţapi qehan, Messiya kici niun-kiyapi ; wowaonşida on wiconi duhapi ece :

WICOWOYAKE 3.

6 Qa Jesus Messiya en witaya najin unkiyapi, qa malhiya kin ekta kici kiyotang unkiyapi ;

7 Hecen wiconi u kte cin en, Jesus Messiya on cantounhnakapi kin on, towaonśida woyuha wopteca śni kin hduotanin kta.

8 Wowaońsida kin on yanipi, wacinyanpi kin eciyatanhan, qa he niyepi kin etanhan śni, Wakantanka taku niçupi kin hee.

9 Wicolian kin eciyatanhan śni, okinni tuwe ihdatan kta tuka.

10 Iye taku kage cin he unkiyepi, Jesus Messiya en wicolian wašte aicali unyanpi, hena ohna maunnipi kte cin heon otokaheya tanhan Wakantanka wiye-ya ehnaka.

11 Hecen ehanna wicacelihi ekta Ikcewicašta henicapi kin he kiksuya po, qa wicacelihi balidayapi eyapi, nape on econpi kin he bakilidayapi śni eniciyapi qon :

12 He ehan Messiya yuhe śni yaunpi ; Israel wokiconze kin iyenicihantupi śni, qa wahoyapi wicotakuye kin sdonyayapi śni, wowacinye ninicapi, qa wicoicage kin en Wakantanka codan yaunpi.

13 Tuka nakaha Jesus Messiya en, niś niyepi ehanna itehanyan yaunpi qon, wanna Messiya we kin on kiyadan anihipi.

14 Unkan iye wookiye unki-tawapi kin hee, iye qe napin yuwanjidan, qa cokahnagya ehna-kapi qon he yujuju ;

15 Qa iye celhi kin en, tokakiciyapi kin woahope wope kin econ wicašipi qon he yutakuni śni ; is iye en nonpa etanhan wicašta wanjidan teca icaliye kta, hecen wookiye kage kte cin heon etanhan.

16 Qa tancan wanjidan on, can susbeca kin eciyatanhan, hena

napin Wakantanka kici okiciciye wicakiye ça, heon tokakiciyapi kin kte.

17 Qa tona tehan dukanpi qon kiyadan un kin hena ko wookiye oniciyakapi hi.

18 He eciyatanhan Woniya wanjidan on, napin Ateunyanpi kin ekta kiyedan ipi kin he un-hapi.

19 Heon etanhan, detanhan togkicihdapi, qa oyate tokeca kin henicapi śni ; tuka tona owotanna unpi kin hena om yati-pi, qa Wakantanka tiyohnaka tawa kin he niyepi :

20 Qa yewicašipi wicašta wokcan ko taku ahehde tawapi kin akan tinicagapi, Jesus Messiya he oise en otancanke kin hee.

21 Iye ohna tipi kin ocowasin ayucoco ehna-kapi, qa Itancan kin en tipi wakan icaga.

22 He ohna niyepi nakun ptaya tinicagapi, Woniya kin eciyatanhan, Wakantanka tipi ye kte cin heon.

WICOWOYAKE 3.

1 Heon Ikcewicašta kin niyepi on etanhan, Palos, Jesus Messiya on kaška hnakapi kin he miye.

2 Niyepi on Wakantanka towaonśida wicolitani maqupi kin he nayalionpi hecinhan ;

3 Token woyakapi kin on woyuyukan kin he sdonye makiya ; he wanna wicoie tonana on wakaga :

4 He dawapi kin ehantanhan Messiya tawowiyukan kin token indukcan kin sdonyayapi kta.

5 He wicoicage tokeca kin en wicašta cinca kin owicakiyakapi śni, tuka nakaha Woniya kin eciyatanhan, yewicašipi owotanna qa wicašta wokcan tawa-

EPHESOS.

wicaye cin hena owicakiyakapi kin iyecen :

6 Hecen Ikcewicašta kin nakun kici tawayapi kte ça, kici tancan wanjipidan kta, qa Messiya tawotanin wašte kin eciyatanhan wahoyapi qon he en opapi kta.

7 He on ookiye makagapi, Wakantanka towaonšida maqupi kin he eciyatanhan, iye towašake ohanye cin on.

8 Miye tona owotanna un kin owasin en iyotan macistinna, tuka wowaonšida kin de maqupi, Ikcewicašta kin ekta Messiya tawoyuha okahnihpica šni kin he omdake kte cin hee.

9 Qa wowiyukcan kin otokahe wanin ehantanhan Wakantanka, taku owasin Jesus Messiya on kage cin, he en nahmanpi qon hee takodakiciyapi kin he owasin sdonye wicawakiye kta.

10 Hecen nakaha okodakiciye kin eciyatanhan, wokiconze wowašake ko, mahpiya ekta un kin en, Wakantanka toksape wopteca šni kin atanin kta.

11 Wokonze otokahe wanin ehantanhan kage cion he eciyatanhan, Jesus Messiya Itancan unkiyapi kin en ;

12 Iye wacinunyanpi kin eciyatanhan, kokipešniyan ekta unkipi, qa waditagya unkiapi ece.

13 Heon etanhan niyepi kin on kakiš mayanpi kin heon canwannikapi kte šni wacin.

14 Qa heon Jesus Messiya Itancan unkiyapi he Atkuku kin en, anpetu iyohi canpeška makehde inawajin.

15 He eciyatanhan wicowazi mahpiya ekta un, qa maka akan un kin, ocowasin caštonpi.

16 Hecen iye towitan woyuha kin eciyatanhan taku ničupi kta, iye Taniya kin eciyatanhan, wo-

wašake on wicašta mahen tanhan wašagnianpi kta.

17 Hecen wacinyanpi on nican-tepi kin mahen Messiya ounye kta ;

18 Hecen wowaštedake on hutkan niyusutapi, qa sutaya hu nihdepi kta ; qa tona owotanna un kin owasin om, ohdakinyan qa ohanske cin, omahentuya qa obosdatu kin he taku kin iyukcan oyakhipi kta ;

19 Qa Messiya towašte okahnihpica šni kin he sdonyayapi kte, hecen Wakantanka toojudan kin ocowasin ojuniyanpi kte.

20 Tuwe nina wašagya econ okihi, unkiš unkidapi qa awauncinpi kin isanpa, wowašake kin on onicilhanyanpi kin he eciyatanhan ;

21 He iye okodakiciye kin en, Jesus Messiya on, ohinniyanyan owihanke wanin wowitan kicihan nunwe.

WICOWOYAKE 4.

1 Heon etanhan miš miye Itancan caje on makaškapi, ceciciyapi ce, Wicakicopi on nicopi kin he iyacinyan mayanpi kte.

2 Wicotawacin wašte ocowasin qa wicowahbadan, wacin tankapi ko yuha, wowaštedake en otoiyo hi iyowinyeciciyapi kta :

3 Qa wookiye icaške kin on Woniya okonwanjidan kin he yahduhapi kta e aičiciya po.

4 Wicatancan wanjidan qa Woniya nakun wanjidan, nicopi kin en wowacinye wanjidan ini-copi kin he iyececa ;

5 Itancan wanjidan, wowacinye wanjidan, baptem wanjidan,

6 Taku Wakan wanjidan, he owasin Ateyapi kin, owasin

WICOWOYAKE 4.

iwankam un, qa owasin opta un, qa niyepi owasin en niunpi kin.

6 Tuka Messiya iyunwin codan wicaqu iyutapi kin eciyatanhan unkiyepi otoiyohe wowaonsida unqupi.

8 Heon kaken eya ; Wakantkiya kihde cehan, wayaka ahdapi qon he ocowasin ahde qa wicašta kin taku wicaqu ce.

9 Wankan kihde cin he taku he ; tokaheya maka mahentuya kin iyaye cin hee.

10 Tuwe kun hi qon he taku owasin ojuye kte cin heon, he mahipiya kin ako sanpa tehan wankantuya kihde cin.

11 Unkan apa yewicašipi kin heca wicaqu, qa wicašta wokcan wanjikji, qa wotanin wašte oyakapi kte cin wanjikji, qa waawanhdakapi waonspekia ko wanjikji ;

12 Tona owotanna un kin hena wicayuecedan kta, wawokiyapi wicohan kin on, qa Messiya tancan icaliyapi kte cin heon.

13 Tohan owasin okonwanjidan wacinyanpi, qa Wakantanka Cinhintku sdoniyapi kin ekta, qa wicašta tanka Messiya toojudan kin iyehankeca iyutapi kin ekta iyounhipi kte cin hehanyan.

14 Hecen detanhan hokšiyogopa aptanptan iyeyapi, qa wonspe tate owasin on kaha iyeyapi kin heuncecapi kte šni, wicašta oškiškeya ohanyanpi, qa wohnaye on wicahnayanpi wicohan kin eciyatanhan ;

15 Tuka wowaštedake en iwicaunkapi kta, hecen tuwe wicapa kin ee, Messiya hee en taku owasin on unkiçagapi kta.

16 Iye eciyatanhan tancan kin ocowasin wayupiya iciyakaškapi, qa okihe kin owasin wawokiyapi on icicazontapi, huha kin

otoiyohi iyacinyan icage cin he iyecen tancan kin icaliyapi, wowaštedake en icage kte cin heon.

17 Heon kaken epe qa Itancan kin on mdaotanin ; Ikcewicašta tokeca wicotawacin witkotkopi kin en manipi kin he iyecen mayanipi kte šni.

18 Hena wicotawacin aotpas-yapi, qa Wakantanka wiconi tawa kin itehanyan unpi, wosdonye šni iye tanmahen un kin eciyatanhan, wicocante tehika yuhapi kin heon ;

19 Hena iyasaka icaliyapi, qa wicaštapi šni kin en iyohpeiciyapi, taku ašapapi kin owasin wohitiya econpi kte cin heon.

20 Tuka niyepi e qe hecen Messiya kin onspeniçiciyapi šni :

21 He nayahonpi, qa he onspeniçiyapi hecinhan, Jesus en wowicake kin iyeececa.

22 Wicohan tokaheya kin en, wicašta tannike cin, wohnaye wocantiheye kin on liwin kin hee yahdušdokapi kta ;

23 Qa nitawacinpi woksape kin en niyutecapi kta ;

24 Qa wicašta teca woowotan-na, qa wowicake wakan kin en, Wakantanka eciyatanhan icaliyapi kin he kodakapi kta.

25 Heon etanhan, itonpi šni kin ayaštanpi, qa otoiyohe wicašta tokeca kici wowicake ece ohdaka po ; otoiyohe huha yeciciyapi kin heon.

26 Šinyahdapi ešta, walitanipi šni po. Canniniyanpi ecen wi iyaye šni nunwe.

27 Qa Wakanšica kiyukanpi šni po.

28 Tuwe wamanon kin he ake manon kte šni, tuka litani kta, nape on taku wašte econ kta, hecen walhanica kin he taku wicacu kte cin yuhe kta.

EPHESOS.

29 Wicoie síce cin owasin takudan niipi kin etanhan hinanpe ní nunwe, tuka taku wašte, on icalh yapi kta, tona nahonpi kinhan wowaonsída wicaqu kte cin he ecedan.

30 Qa Wakantanka Taniya Wakan kin iyokišinyapi ní po; he on wopekitonpi anpetu kin aiyahdeya askam niyanpi.

31 Wicokige owasin, qa wocantiyahde, qa wošihda, qa iwašicunpi, qa waaiapi canniyekiciyapi ko owasin elpeyayapi nunwe.

32 Qa otoiyo hi okiciciyapi, qa cantekiciyapi, qa otoiyo hi kicicajuju po, Wakantanka Messiya on nicicajujupi kin he iyecen.

WICOWOYAKE 5.

1 Heon hokšiyopa cantekiya-pi kin iyecen Wakantanka opa po.

2 Qa wacantkiyapi kin en mani po; Messiya canteunkiyapi, qa unkiyepi on Wakantanka en içicu, qa waihdusna, woomua iyokipi kin he iyececa.

3 Tuka wiinahmanpi, qa waašapapi, qa waicucupikte cin, niyepi ekta caje yatapi ní nunwe, tuka tona owotanna un taku iyokipi wicaye cin hena.

4 Qa wawištenyapi, qa wicoie ecinšniyan kin, qa iapi síca hena hecetu ní; tuka wopida eyapi kin he wašte.

5 He de sdonyayapi, tuwe wawicihahapi econ, qa tuwe wašape cin, qa tuwe waicucukte cin, he wakagapi cekiya ece, hena wanjidan ešta Messiya qa Wakantanka kici tokiconze kin en takudan tawapi kte ní.

6 Iapi ecinšniyan on ihnuhan tuwe nihnayanpi kin; wicolhan kin hena on Wakantanka tocan-

niye kin woakta ní cincapi kin en awicau kta.

7 Heon etanhan hena en opeya unpi ní po.

8 Ehanna otpaze cin henicapi, tuka wanna Itancan kin en iyoyanpa kin *henicapi*; iyoyanpa cinca kin iyecen mani po:

9 Woniya tawaskuyeca kin he wowašte owasin, qa wicoowotanna, qa wowicake kin en un:

10 Qa Itancan kin taku iyokipiye kte cin he akita po.

11 Qa otpaza wicolhan, on taku wašte icage ní kin hena en okicipapi ní po, tuka hena iyopeya po.

12 Hena taku nahmana econpi kin caje yatapi kin he wowištece.

13 Tuka taku tona iyopeyapi kin hena owasin iyoyanpa kin yuotanin; qa taku owasin yuotanin kin he iyoyanpa kin ee.

14 Heon etanhan kaken eya; Tuwe ištínbe cin kíkta, qa wiconšte etanhan najin wo, Messiya iyoyamniye kta ce.

15 Hecen on wakta po, itonpeya mayanpi kta, witkotkoke cin iyecece ní, tuka wicašta wacin ksape cin iyececa.

16 Qa omaka kin tanyan hduha po, anpetu kin síce cin heon etanhan.

17 Heon etanhan wacin ksapa po, qa Itancan token tawacin kin sdonya po.

18 Qa miniša on witkopi ní po, he on iyatahdepi ece; tuka Woniya kin on ojudan un po.

19 Qa Psalm, qa odowan, qa wakan dowanpi kin on waho-konkiciciya po; ahiyayapi qa nicantepi kin ekta Itancan kin idowan po.

20 Qa ohinniyan, taku owasin on, Wakantanka Ateyapi kin wopida eciya po, Jesus Messiya Itancan unkiyapi caje kin on:

WICOWOYAKE 6.

21 Qa Wakantanka kokipeyahan otoiyo hi tokan ihukun iyeiçiya po.

22 Winohinca, nihihnapi kin wicihukun iyeiçiya po; Itancan kin en iyececa.

23 Wicašta kin he iye tawicu pa-kin hee, Messiya okodakiciye pa kin hee he iyececa; qa he iye wicatanca kin wanikiye cin hee.

24 Heon okodakiciye kin Messiya ihukuya yanke cin he iyecen winohinca kin iye hihnakupi kin taku owasin on ihukun unpi kta.

25 Wicašta, winohinca nitawipi kin cantewicakiya po, Messiya okodakiciye kin wašte kidake ça, on iye içiçu kin he iyecen;

26 Hecen iye oie kin eciyatanhan, mini on hducedan, qa hduška kta;

27 Qa hecen iye ekta ehdaku kta, wowitan okodakiciye kin heca, woaşape qa yuški pi, qa taku hececa wanica; hecen wakan, qa waaşape šni un kta.

28 He iyecen, wicašta kin iye tancanpi kin iyecen tawicupi kin wašte wicakidakapi kta; tuwe tawicu kin wašte kidake cinhan he wašte içidaka.

29 Qa tohinni tuwedan iye celhipi kin šice kidake šni, tuka icalhkiye ça, tanyan hduha, Messiya okodakiciye hduhe cin iyececa.

30 He tancan, qa celhipi, qa huhu kin en, huha kin he unkiyepi.

31 Heon etanhan wicašta kin, atkuku, hunku ko elhpewicakiye ca, tawicu kin en iyaihdaške kta, qa heniyos wicacelhipi wanjidan kta.

32 He wowiyukcan wan tanka, tuka Messiya qa okodakiciye kin hena wicawaka.

33 Heon niš niyepi otoiyo hi niye inihdacin nitawin wašte yakidake kta, qa winohinca kin iš iye hihnaku kin kinihan kte.

WICOWOYAKE 6.

1 Hokšiyooqopa, nihunkakepi kin anawicakigoptan po, Itancan kin en, he owotanna.

2 Niyate nihun kici wicahduonihan wo; woahope on taku wahoyapi tokaheya kin hee;

3 Hecen tanyan yaun, qa maka akan tehan yani kta.

4 Qa ateniyanpi kin, nicincapi kin wacinko wicakiyapi šni po, tuka Itancan waicalhiye ça wonspe tawa kin en icalhwicakiya po.

5 Qa wowidake yaunpi kin, tona wicacelhipi ekta niyuhapi kin wokokipeya cancaniçiya anawicakigoptan po, Messiya kin iyececa, nicantepi okonwanjidan on:

6 Wanniyakapi ecedan šni, wicašta iyokipiwicayapi kin iyececa; tuka Messiya taokiye kin iyececa, nagi kin eciyatanhan, Wakantanka tawacin kin ecen ecanonpi kta.

7 Iyokipiya wawokiya po, Itancan kin ekta hecetu, qa wicašta kin en iyecece šni.

8 Qa tuwe taku wašte econ kinhan, he on Itancan kin eciyatanhan wayuhe kta, wowidake un, qa iš tawaiçiya un kin, unma tukte kašta, he sdoniyayapi.

9 Qa tona itancan yaunpi kin, niš eya he iyecen ecawicayeconpi kta, qa wakokipe wicayecagapi kte šni. Mahipiya kin ekta iš iyepi qa niš niyepi nakun Itancan yakiyapi kin yanke ça, he ekta wicašta itohnake yuonihanpi wanica, he sdoniyayapi.

10 Unkan ehake mihunkawanji,

PHILIPPI.

Itancan kin en waśagya un po, iye towaśake wicookihi kin on.

11 Wakantanka tawipe kin ocowasin un po, hecen Wakanśica wohnaye oħanye cin itkokim inajin oyakihipi kta.

12 Wicawe, qa wicaceħpi kin kici unkiczapi śni, tuka wokiconze, qa wicowaśake, qa wiconi kin de en otpaza itancanpi kin, qa taku wakan śicapi wankantuya yukanpi kin hena om.

13 Heon etanhan Wakantanka tawipe kin ocowasiñ icu po, hecen anpetu śice cin en najin oyakihipi kta, qa taku owasin hduśtan nayajinpi kta.

14 Heon wowicake ipiyag kintonpi ecen najin po, qa wicowotanna maza maku akaħpe kin koyaka po.

15 Qa nisihapi kin en wookiye wotanin wašte ohduśtan kin okihan po.

16 Qa owasin akapa tanhan wowacinye wahacanka kin icu po, he on wicaśta śica tunwanhinkpe ide kin owasin yusni oyakihipi kta.

17 Qa wiconi maza wapaha kin he icu po, qa nakun Woniya tamazasagye kin, Wakantanka oie kin hee :

18 Wocekiye qa wokidapi owa-

sin on Woniya kin en, ohinniyan tona owotanna un kin on cekiya po, qa heon woape owasin wokidapi ko yuha kiktahan un po :

19 Qa nakun miye on, iapi owakihiki kte cin heon, hecen waditagya i wahdukawa, qa wotanin wašte wowiyukan kin omdake kta.

20 Heon wahosiya un wan kaśka hnakapi kin hemaca, hecen on token iwae kte cin he iyecen waditagya iwae kta.

21 Tuka taku mitawa kin, token waun kin he nakun, sdonyayapi kta e heon Tucikos hunkawanjin kiciyapi wan wašte dakapi, qa Itancan kin en ookiye owotanna kin he taku kin owasin oniciyakapi kta :

22 Heon etanhan niyepi ekta ye waśi, unkiyepi ekta taku kin sdonyayapi kta, qa he nicantepi kin wacintonhnag niyanpi kte cin heon.

23 Hunkawanjin kiciyapi kin en wookiye un nunwe, qa wowašte, wowacinye ko, Wakantanka Ateyapi, qa Jesus Messiya Itancan kin eciyatanhan.

24 Tona awicakehan Jesus Messiya Itancan unkiyapi wašte dakapi kin hena owasin en, wowaonśida wicakici un nunwe. Amen.

PALOS

PHILIPPI OYATE

WOWAPI WICAKICAGE CIN.

WICOWOYAKE 1.

1 Palos qa Timotheos, Jesus Messiya taokiyewicaye cin, tona Philippi ekta Jesus Messiya

en owotanna un kin hena, qa waawanhdake cin hunka wicayapi ko, *wowapi unnicagapi* :

2 Wakantanka Ateunyanpi, qa Jesus Messiya Itancan unki-

WICOWOYAKE 1.

yapi kin etanhan, wowaonsida, wookiye ko niyepi kin en nicipi un nunwe.

3 Ciksuyapi eca, Wakantanka mitawa wopida ewakiya ece.

4 Ohinniyan mitawocekiye o-toiyohi en, niyepi owasin on iyuskinyan cewakiya ece :

5 Anpetu tokáheya kin elantahan, qa dehanyan, wotanin wašte kin en kodayeciyapi kin heon.

6 Unkan he sdonwaya ; tuwe tokaheya ohan wašte nicicagapi kin he niciyuştanpi kta, Jesus Messiya anpetu tawa kin hehanyan.

7 Hecen niyepi owasin wacin en ciyuzapi kte cin he hecetu, cante en mayaduzapi kin heon ; makaškapi kin, qa wotanin wašte omdake ça mdasuta kin he en, qa nakun wowašte mitawa kin en niyepi owasin oyapapi ece.

8 Wakantanka sdonmayan, Jesus Messiya cante kin on owasin cantocikpanipi.

9 Qa he de icewakiya, wašte yadakapi kin he wosdonye wiyukanpi ko owasin en, sanpa qa sanpa tankaya aye kta :

10 Kinhan, taku wašte kin hena idukanpi kta, hecen okonwanjidan hicahe šni yaunpi kta, Messiya anpetu tawa kin en ;

11 Qa wicoowotanna waskuyeca kin on ojudan yaunpi nunwe, hena Jesus Messiya on Wakantanka woyatan qa wowitan tawa kin ee.

12 Mihunkawanji, taku token ecamiconpi kin he on wotanin wašte kin sanpa otanin aye cin he sdonyayapi kta wacin.

13 Hecen wicaštayatapi tahocoka kin ekta, qa owancaya Messiya on makaškapi kin he otanin.

14 Qa Itancan kin en, hunkawanjin kiciyapi kin ota, miye makaškapi kin on, sanpa nina waditakapi, qa kokipešniyan wicoie kin taninyan oyakapi ece.

15 Hunh waakinicapi qa winawizipi kin on, qa hunh is waštedakapi kin on. Messiya oyakapi ece.

16 Hena e waakinicapi kin on, wowicake eciyatanhan šni Messiya kin oyakapi, qa makaškapi kin en wokakije kokijuya aupi kta kecinpi ;

17 Qa unmapi kin is waštekidapi kin on etanhan, wotanin wašte mdusuta kta e on emahdepi kin sdonyapi.

18 Ecin to ; toketu kašta, wohnaye on etanhan, qa is awicakehan, unma tukte kakeš, oyakapi kin he on imduškin, qa ees nakun imduškin kta.

19 Nitawocekiyepi, qa Jesus Messiya Taniya wawokiye cin on, he wiconi emicicetu kta sdonwaya.

20 Qa nina awacanmi qa ape manka, hecen takudan on imaštece kte šni, tuka ohinniyan waditagya waun kin he iyecen nakaha mitancan kin on Messiya yuonihanpi kte, wani qa mašte kte cin unma tukte kašta on etanhan.

21 Wani kin he Messiya ee, qa mašte cinhan sanpa tanyan waun kta.

22 Wicacełpi kin en opeya wani kinhan, miohan waskuyeca kin hee, tuka unma tukte wacin nun tanin šni.

23 Taku nom aotins mayanpi ; ekta mde ça Messiya kici waun kte linca, he iyotan wašte.

24 Tuka wicacełpi kin en opeya waun kin he niyepi on wawokiyapi kin hee.

25 Hecen wahdukcan, qa heon

PHILIPPI.

wani, qa niyepi owasin om wau un kta sdonwakiya, sanpa inicagapi qa wacinyan iduŝkinpi kte cin heon.

26 Qa hecen akeŝ ekta ciupi kinhan miye on, Jesus Messiya en sanpa nina iduŝkinpi kta.

27 Tuka Messiya tawootanin waŝte kin eciyatanhan yanipi nunwe ; hecen wanciyakapi wau kinhan, qa iŝ wau ŝni, unma tukte kaŝta, niohanpi kin nawahon kta, wicotawacin wanjidan en sutaya yaunpi, qa wicanagi wanjidan yuha wotanin waŝte kin wacinyan oyecipapi kin.

28 Qa tona toka niyanpi kin hena on, ihnuhan taku ininihanpi kin : hee hena en wicotakuni ŝni au kta yuotanin, tuka heon niyepi kin en wiconi Wakantanka etanhan au kta otanin.

29 Messiya he ayuco niçupi, iye wacinyayapi kte ça, nakun iye on kakiŝniyanpi kte cin.

30 Qa makakije cin wanmaya-dakapi qon, qa nakaha en mau nayahonpi kin, he iyecen woka-kije duhapi kta.

WICOWOYAKE 2.

1 Heon Messiya on iwicakiyapi yuke cinhan, qa wowaŝtedake en imagagaciçiyapi, qa Woniya kin en kodakiciyapi yuke cinhan, qa wacantkiyapi wowaonŝida ko yuke cinhan,

2 Mitowiyuŝkin kin miciyuŝtan po, akiyecen awacannipi, qa wowaŝte okonwanjidan duhapi, qa wicotawacin wanjidan yaunpi kta.

3 Waakinicapi qa ihdatanpi kin on takudan *ecanonpi* kte ŝni, tuka wahbayedan yaunpi, qa otoiyohi niye isanpa tokan waŝte yecidakapi kta.

4 Otoiyohi wicitawa kin ece-

dan ekta etonwanpi ŝni po, tuka nakun otoiyohi tokan tawa kin ekta.

5 Jesus Messiya token tawacin qon he iyecen wacin duzapi kta.

6 He Wakantanka ouncage kin en un, qa Wakantanka kici akidecen yanka keiçiye cin he wawicakipi ŝni kecin.

7 Tuka ihduŝdoke ça wowida-ke un kin ouncage kin icu, qa wicaŝta kin iyecen ihduŝ icaga ;

8 Qa wicaŝta ouncage kin en un qehan, ihduhukuya qa wiconçe ekta aiyahdeya wanahon yanka, can susbeca en te cin he ehan.

9 Heon etanhan Wakantanka he tehan wankantuya hduwan-kan icu, qa caje wan wicacaje owasin isanpa waŝte kin he qu ;

10 Hecen Jesus caje kin on, hupahu kin owasin canpeŝka makehde enajin kta, mahpiya ekta un, qa maka akan un, qa maka kin ihukuya un kin hena-kiya.

11 Qa Wakantanka Ateyapi kin yatanpi kte cin on, Jesus Messiya he Itancan kin ee ce ; wicaceji owasin eya oyakapi kta.

12 Heon waŝte ciciçiyapi kin, ohinniyan nayahonpi kin he iyecen, en cicipi waun kin hecedan ŝni, tuka nakaha en waun ŝni eŝta, sanpa wokokipeya cancaniçiya yanipi kte cin hduŝtan po.

13 Tuwe cinniciyapi, qa econniciyapi kin he Wakantanka ee, iye toiyokipi kin eciyatanhan niyepi kin en ohanyan.

14 Wihnupi qa waakinicapi wanin taku owasin econ po.

15 Hecen iyaonpepica ŝni, qa owotanna, wicoicage wan pemni, qa yuŝankŝanyan un kin ehna Wakantanka cinca ecedan

WICOWOYAKE 3.

yaunpi kta ; hena en maka peti-
janjan iyecen iyoyanpa yaun-
pi ;

16 Qa wiconi wicoie kin pazo
yaunpi ; Hecen Messiya anpetu
tawa kin en taku on imawinkta
kin he dee, taku šni on waimnan-
ke šni, qa taku šni on litawani
šni kin hee.

17 Unkan wacinyayapi wošna-
pi wawokiyapi kin en, amihda-
pson ešta nakun imduškin, qa
niyepi owasin om imduškin kta.

18 Heon niš niyepi nakun idu-
škinpi qa miyeci iniwinktapi
ece.

19 Tuka niyepi kin ekta Ti-
motheos kohanna yewaši kta
wacanmi, Jesus Messiya Itan-
can kin on, hecen tohan token
yaunpi kin sdonwaye cinhan,
hehan miš nakun iyokipi waun
kta.

20 Tuwe iyecen wacin yuze
ca iye cinka taku nitawapi kin
ihakta kte cin mduhe šni.

21 Owasin wicitawa kin aki-
tapi, qa taku Jesus Messiya ta-
wa kin *akitapi* šni.

22 Tuka he iyutapi kin sdon-
yayapi, hokšidan wan atkuku ki-
ci un kin he iyecen wotanin wa-
šte kin en micica.

23 Iye kohanna ye waši kta,
tohan token waun kte cin sdon-
wakiya.

24 Qa miš eya ecanan wau kta
e Itancan kin wacinwaya.

25 Tuka Epaphroditos misun-
ka qa mitawaši, qa kici akicita
waun, tuwe u yašipi, qa tuwe
taku imakakije cin omakiye cin,
he niyepi ekta hde waši kta iye-
ceca epca.

26 He niyepi owasin cantoni-
kpanipi, qa iyokišica un, waya-
zanke cin nayakišonpi kin he-
on.

27 He qeš wayazanke qa wan-

na te kta ikiyedan, tuka Wakan-
tanka onšikida, qa he isnana šni,
tuka miye nakun, hecen woiyo-
kišice icitakihna mduhe kte šni
e heon.

28 Qa heon itonpeyahan hde
waši, ake wandakapi kinhan
iduškinpi kta, qa miš aopten
iyokišica amaye kta.

29 He Itancan kin on etanhan
wopida owasin yuha tin u ši po,
qa tona hececapi kin wicayuo-
nihan po.

30 He Messiya wicohtani tawa
kin on wanna aškanan te kta
tuka, wiconi tawa kin itonkipe
šni, miye en wawokiyapi aokpa-
niyan ecanonpi kin he niciyu-
štanpi kte cin heon etanhan.

WICOWOYAKE 3.

1 Ehake mihunkawanji, Itan-
can kin en iyuškin po. Taku kin
dena on wowapi cicagapi kin he
miye tehike wadake šni, qa ni-
yepi kin on wašte.

2 Šunka kin on waktaya un po ;
tona šicaya econpi kin on wakta
po ; wayušpapi kin on waktaya
un po.

3 Tona bakišdayapi, qa wico-
cante on Wakantanka ohodapi,
qa Jesus Messiya en iwinktapi,
qa wicacehpi wacinyanpi šni kin
heuncapi.

4 Miš nakun, taku on wicace-
hpi kin wacinwaye kte cin mdu-
ha tuka. Tuwe wicacehpi wa-
cinyan okihi kecin kinhan he
isanpa owakihi.

5 Anpetu išahdogan hehan ba-
makišdayapi, Israel oyate qa
Benjamin tawicoun kin hema-
tanhan, Hebrew etanhan He-
brew kin, qa woope kin eciya-
tanhan Pharisee kin hemaca.

6 Ohodapi kin eciyatanhan
okodakiciye kin šicaya wakuwa,

PHILIPPI.

qa woope woowotanna kin he eciyatanhan takudan iyaonpepica šni *waun*.

7 Tuka taku tona mihdamna qon hena Messiya on takušni wadake :

8 Han, awicakehan taku owasin taku šni wadake, Jesus Messiya Itancan mitawa kin wosdonye oiyokipi kin on, iye on taku owasin toki ehpeyaya, qa hena tacesdi ece mdawa, Messiya iyowahi kte cin heon ;

9 Qa he en waun kta, mitoo-wotanna wicoope kin eciyatanhan un kin he wahduhe šni, tuka taku Messiya wacinyanpi eciyatanhan un kin, Wakantanka too-wotanna wacinyanpi kin on ica-ge cin hee wacin.

10 Hecen he iye sdonwaye kta, qa piya ikicage cin wowašake kin, qa iye kakije cin okicipapi kin hena ko, iye te cin ouncage kin en imacage kta :

11 Hecinhan, wiconte etanhan woekicetu kin en iyowahi kte linca.

12 Wanna dehan iyowahi, qa wanna mayušanpi kin ee šni ; tuka kuwa amde, okinni taku on Jesus Messiya mayuze cin hee mduze kta.

13 Mihunkawanji, nahanhin mduze mihdawa šni ;

14 Tuka taku wanji ecamon, taku hekta un kin hena akiktonš waun, qa taku tokata un kin hena ekta nape yewakiya ece ; hecen oinajinta awaimnanka, Jesus Messiya on Wakantanka wankantuya wicakico kin en oqipe kin yewakiye kte cin heon etanhan.

15 Heon tona unyušanpi kin hecen awauncinpi kta, qa taku on togye wacin duzapi hecinhan, he nakun Wakantanka oniciyakapi kta.

16 Tuka tohan iyounhipi kin he en woope wanjidan eciyatanhan maunnipi, qa okonwanjidan awauncinpi kte.

17 Hunkawanjin ciyapi kin, omicipa po, qa tona hecen manipi kin hena iwanwicayaka po, waonspekiya unyaduhapi kin he iyececa.

18 Wanna ota ociciyakapi, qa nakaha ake ceya omdake, wicašta ota Messiya can susbeca tawa kin tokaye cin iyecen manipi ece.

19 Hena owihanke kin he wicotakunišni ; iye tezipi kin Wakantanka yapi, wowištece kin en iwinktapi, qa taku makata un kin awacinpi ece.

20 Tuka okodakiciye unkita-wapi kin he malipiya kin ekta un, qa hetanhan Wanikiya Jesus Messiya Itancan kin *hi kta* un-kapepi.

21 Iye untancanpi hanye cin he yutokeca kta ; qa iye tancan wakan kin ouncage kin en icaliye kta, towašake on taku owasin ohiye kta okihi kin heon etanhan.

WICOWOYAKE 4.

1 Heon etanhan mihunkawanji wašte cicidadapi, qa cantocikapinipi kin, wowiyuškin mitawa qa watešdake mitawa kin, Itancan kin en sutaya najin po, wašte cicidadapi.

2 Yuodiyas cewakiye ca, Sun-tuce cewakiya, Itancan kin en okonwanjidan awacinpi kta.

3 Qa mitawaši wicake cin ceciciya ce, winohinca tona wotanin wašte kin en mici ohanye cin hena owicakiya wo, qa Klement, qa mitawaši unmapi, cajepi kin wiconi wowapi kin en un kin hena koya.

4 Ohinniyen Itancan kin en

iyuŝkin pò ; qa ake, Iyuŝkin po, epe.

5 Niwahbapidan kin he wicaŝta owasin sdonyapi kta. Itancan kin kiyadan un.

6 Takudan iyokiŝinya awacinpi ŝni po, tuka taku yacinpi kin owasin on, wocekiye, wokidapi qa wopida eyapi ko on Wakantanka oyakidakapi kta.

7 Qa Wakantanka tawookiye okañhiŝpica ŝni kin he nicante-pi qa nitawacinpi kin Jesus Meŝiya en niyuhapi kte.

8 Unkan ehake mihunkawanji, taku wicakapi kin, taku yuonihanpi kin, taku owotanna kin, taku wakan kin, taku waŝte dapica kin, taku waŝte eyapi kin, wowaŝte qa wowitan yuke cinhan, hena awacin po.

9 Taku tona onnisepi, qa iyacupi, qa nayahonpi, qa miye en wandakapi kin hena econ po, qa Wookiye Wakantanka kin niyepi kin en nicipi un nunwe.

10 Itancan kin en nina imduŝkin, nakaha unhanketa awamayacinpi kin he piya hca aya heon. He de en ihamayaktapi, tuka token on ecamiyeconpi nuntanin ŝni.

11 Taku imakakije cin he wake ŝni ; taku en micihé cin hena on iyokipiya waun kta e onspemiçiciya.

12 Token wahpaniya waun kte cin he sdonwakiya, qa token wijinya waun kte cin he nakun sdonwakiya ; ohinniyan qa taku owasin on, wimapi, qa wotektehahda kta, wimajica qa mawahpanica kte cin onspemakiyapi.

13 Meŝiya waŝagmaye cin he

eciyatanhan taku owasin owakih.

14 Tuka makakije cin en omayakiyapi kin he tanyan ecanonpi.

15 Philippi wicaŝta, he de sdonya po, wotandin waŝte otokahe ekta, Makedonia etanhan imdamde çehan, waqupi qa icupi kin icañtagya okodakiciye kin niye niŝnaná omayakiyapi.

16 Thessalonike ekta waun qon he icunhan, taku imakakije cin on wancadan qa nonpa taku mayakaipi.

17 Taku maqupi kta wacin kin hee ŝni, tuka waskuyeca niyepi on sanpa niciyuotapi kte cin he wacin.

18 Tuka owasin mduhe çawijica waun ; niyepi etanhan taku Epaphroditos maqu kin hena iwacu, taku waŝtemna woŝna waŝte, qa Wakantanka iyokipi kin heca he iwamaŝeca.

19 Taku inicakijapi kin owasin Wakantanka mitawa niçupi kta, iye woyuha wowitan kin en un kin hetanhan, Jesus Meŝiya eciyatanhan.

20 Wakantanka Ate unyanpi kin wowitan owihanke waniu kicihan nunwe. Amen.

21 Tona Meŝiya en owotanna un kin hena nape wicayuza po. Hunkawanjin kiciyapi om waun kin hena nape niyuzapi.

22 Tona owotanna un kin hena owasin nape niyuzapi, Kesar tiyohnaka kin hena iyotan.

23 Jesus Meŝiya Itancan unkiyapi towaonŝida kin niyepi owasin en nicipi un nunwe. Amen.

PALOS

K O L O S S E O Y A T E

WOWAPI WICAKICAGE CIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeşi qon he, qa Timotheos hunkawanjin unyanpi kin kici,

2 Kolosse ekta tona owotanna un, qa hunkawanjin kiciyapi Messiya wacinyanpi kin hena, *wowapi cicagapi*. Wowaonsida wookiye ko, Wakantanka Ate unyanpi, qa Jesus Messiya Itancan kin etanhan, niyepi kin en nicipi un nunwe.

3 Ohinniyan wocekiye unkeniciyapi, qa on Wakantanka Jesus Messiya Itancan unkiyapi Atku kin wopida unkekiciyapi.

4 Jesus Messiya wacinyayapi, qa tona owotanna un kin owasin wašte wicayadakapi kin he naunhonpi ;

5 Woape małpiya kin ekta enicihnakapi kin on, he ehanna wotanin wašte wicoie wicakapi kin en nayałhonpi kin ;

6 He en nihipi, maka kin owancaya iyaye cin he iyececa, qa waskuyeca aicaga, niyepi kin en nakun, anpetu kin en nayałhonpi, qa awicakehan Wakantanka towaonsida iyacupi qon ehantanhan.

7 Epaphras unkitawaşıpi wašte, qa niyepi on Messiya taokiyewicake cin he hena hecen onspeniciyapi ;

8 Qa Woniya kin en wacanyakiyapi kin he nakun unkokiya-kapi.

9 Heon anpetu kin he naunhonpi kin ehantanhan niyepi on cekiya unkayaştanpi şni, qa woksape owasin, wookahnige ko en, iye tawacin sonyapi kin on, onijupidan kte cin he unki-dapi ece.

10 Hecen taku iyokipi kin owasin on, Itancan kin en tanyan mayanipi kta, wicołhan wašte owasin en, waskuyeca icalıyayapi, qa Wakantanka sonyapi kin en sanpa inicagapi kta.

11 Iye towitan wowaşake kin eciyatanhan, wicookihi kin owasin on waşagniyampi kta, waduwicatake cin owasin on etanhan, qa wacin tankapi, wiyuşıkinpi kici :

12 Qa Ateyapi kin wopida eyakiyapi kta, he iyoyanpa ekta tona owotanna un kin woaiłpeye tawapi kte cin en ounpapi kta e iyehantu unyanpi :

13 He otpaza wowaşake kin etanhan unkiyuşıpapi, qa iye Cinhintku wašte kidake cin tokiconze kin en ounye unkiyapi :

14 He en, iye we kin eciyatanhan, wopekitonpi unhapi, woahłtani kajujupi kin hee :

15 Wakantanka wanyagpica şni un kin ounce kin hee, qa taku kagapi kin owasin en toka-pa kin hee :

16 Iye eciyatanhan taku owasin kagapi, małpiya ekta un qa maka akan un kin hena, taku wanyakapi qa taku wanyagpica şni, oiyotanke kin, wokiconze

WICOWOYAKE 2.

kin, wicoŝkanŝkan kin, qa wicowaŝake kin; taku owasin iye on icahiyapi kin hena iye içica-ga:

17 Qa taku owasin itokatam un kin he iye, qa he on taku owasin ecen han:

18 Qa iye tancan kin okodaki-ciye kin hee, qa pa kin he iye, qa otokahe kin, wiconŝe etanhan tokaheya tonpi kin hee, hecen iye taku owasin en tokapa un kta.

19 Iye ohna taku ocowasin ounye kte cin he *Atkuku* kin iyokipi.

20 Qa iye can susbeca we kin eciyatanhan wookiye kage ca, heon etanhan taku owasin iye kici okiciciye wicaye kta, taku maka akan uu, qa taku malipiya ekta un kin hena, iye on.

21 Qa niŝ niyepi, ehanna oya-te nitokecapi, qa nitawacinpi kin en toka kin henicapi, wico-han ŝice cin on, tuka nakaha he kici wokiyeniyan nicagapi;

22 Iye celpi tancan kin en ŝe cin eciyatanhan, hecen iye itokam owotanna, qa waasapapi ŝni qa takudan iyaonpepica ŝni, inajin niyanpi kta:

23 Wacinyayapi kin en naya-jinpi kinhan, sutaya yaunpi, qa ŝinsa nayajinpi, qa wotanin waŝte woape nayahonpi kin etanhan nihinŝpayapi ŝni kinhan; he malipiya kin ihukuya wicaŝta hiyeye cin owasin owicakiyakapi, qa he en Palos he miye ookiye makagapi:

24 Nakaha niyepi kin on etanhan makakije cin heon imduŝkin, qa Messiya wokakije tawa, taku michepi kin en yuŝtanpi ŝni kin hena iye tancan kin, okodakiciye kin hee, on weciyuŝtan kta.

25 He en ookiye makagapi, Wakantanka wokonze kin eci-

yatanhan, he niyepi on maqupi, Wakantanka oie kin mducetukte cin heon.

26 Taku oyakapi ŝni kin, wicoicage qa wicoun ota kin ehan-tanhan analimanpi kin, he nakaha tona owotanna iye tawa wicaye cin hena owicakiyaka.

27 Ikcewicaŝta kin ekta taku otanin ŝni kin de wowitan woyuha kin tinskokeca kin, he Wakantanka hena sdonye wicakiye kta, he niyepi kin en Messiya wowitan woape kin hee.

28 He unkiye unyaotaninpi, wicaŝta kin owasin wahokonwic-unkiyapi qa wicaŝta owasin on-spewicunkiyapi ece, woksape owasin on; hecen Jesus Messiya en wicaŝta ototiyohi owotanna inajin wicunkiyapi kta.

29 Heon miŝ eya ŝtawani, iye ohan kin miye en waŝagya ohan-ye cin he eciyatanhan inawahini.

WICOWOYAKE 2.

1 Niyepi kin on, qa Laodikia ekta un kin hena, qa tona wicacelpi on miite kin wanmayakapi ŝni kin on token ŝtawani kin he sdonyayapi kta wacin:

2 Hecen iye cantepi kin kican-ptapi kta, qa wacantkiyapi kin on kicicazontapi, qa wosdonye tanyan okaŝnigapi kta wowijice kin owasin on, qa Wakantanka towiyukcan sdonyapi kte cin on, Ateyapi qa Messiya tawa kin hee.

3 Iye en woksape, qa wooka-ŝnige woyuha kin owasin nahmanpi.

4 Tuwedan wicoie skuya kin on nihnayanpi kte ŝni heon hena hepa.

5 Wicacelpi on, ekta waun ŝni eŝta, woksape kin on cicipi waun, imduŝkin, niohanpi owo-

KOLOSSE.

tanna kin, qa Messiya sutaya wacinyayapi kin he wanyag waun.

6 Token Jesus Messiya Itancan kin iyacupi qon he iyecen ohna mani po.

7 Iye en sutaya hu nihdepi, qa en tincagapi, qa wowacinye kin tinsa ayahanpi kta, onspeniciyapi qon he iyecaca, qa en wopida eyapi kin sanpa ota ecanonpi kta.

8 Ihnuhan wicoksape eyapi kin on, qa ikce wohnaye kin on tuwe nihnayanpi kinhan, wicašta hitunkakanpi oyakapi kin on, qa wicoicage en woonspe tokaheya eciyatanhan, qa Messiya eciyatanhan šni :

9 Iye kin ohna tancanyan Taku Wakan kin ocowasin ounyan.

10 Qa iye en niš niyepi kin yuacetu yaunpi, qa he wokiconze wowašake ko owasin Itancan kin hee.

11 Qa he en banicilidayapi, bakilidayapi nape codan econpi kin he on, Messiya bakilidayapi tawa kin eciyatanhan, wicacełpi wołhtani tancan kin ełpekiyapi kte cin heon.

12 Baptem on iye kici nihnakapi, qa nakun kici ekicetu niyanpi, Wakantanka wicate cin etanhan najin kiye cin he wowašake kin wicayadapi kin leon etanhan.

13 Qa niyepi ehanna wayałtanipi, qa nicelipi banicilidayapi šni kin en niłapi qon, wanna wayałtanipi kin owasin nicicajujupi qa niniyanpi.

14 Qa wicoope kin taku nape on owapi qon, unkiyušepi qa kašeunyanpi kin he pajuju, qa can susbeca tawa kin en okatan, qa hecen yutokan iyeya.

15 Qa wokiconze, wicowašake

ko yutakuni šni iyeye ceħan, tancanyan wicakipazo, qa iye linca on iwakte hdi.

16 Heon etanhan, woyute, qa woyatke, qa omniciye wakan, qa wi teca, qa anpetu okilhpapi kin hena on ihnuhan tuwe niyacopi kin :

17 Hena e taku u kte ciqon ohanzi kin hee, tuka tancan kin he Messiya etanhan.

18 Tuwe walıpaniıciye ca, małpiya ohnihde kin ohowicada kin ihnuhan he nihnayanpi kin ; he taku wanyake šni kin en yeıciye ca, iye celıpi tawacin kin on ecinšniyan ihdatan ;

19 Qa Pa kin he yuze šni ; he on tancan kin ocowasin okiıhe en iyakaškapı kin on woyute oiyaħdeyapi, qa iciyakaškapı, qa hecen Wakantanka oicage kin on icaga ece.

20 Heon etanhan, wicoicage kin en woonspe tokaheya kin ekta Messiya kici niłapi hecinhan, tokeca e wicoicage kin en yanipi kin iyecen wicoope kin oyapapi he :

21 Oyutanpi šni, utapi šni, qa nape on yuzapi šni po, *eyapi ece* :

22 Hena owasin unpi kin on yasotapi ece ; wicašta akantu wicoope qa woonspe kin eciyatanhan.

23 Wicoħan kin he wicotawacin ohodapi kin en taku woksaıpe iyecen yuıe ca, wicowalıbadan, qa wicatanıcan itonkipapi šni kin hena en ; tuka wicacełpi iyokıpiyapi kin he woyuonıhan šni ece.

WICOWOYAKE 3.

1 Heon etanhan, Messiya kici piya inıcagapi hecinhan, taku wankantuya Wakantanka etapı kin eciyatanhan, Messiya

WICOWOYAKE 3.

kiyotanke cin hen, un kin hena akita po.

2 Taku wankan un kin hena awacin po, qa taku makata un kin hena *awacinpi* šni po.

3 Niṭapi, qa nitowiconi kin he Messiya kici, Wakantanka en nahimanpi.

4 Tohan Messiya wiconi unki-tawapi kin taninyan hiyu kinhan, hehan wowitan en, kici niwuotaninpi kta.

5 Heon etanhan, nihuhapi makata un kin hena kikte po: wiina-himanpi, waašapapi, wawihnu-pi, tawacin šicapi, waicucupikte cin, he wakagapi ohodapi kin hee.

6 Hena on etanhan Wakantanka tocanniye kin woakta šni cincapi kin en awicau ece.

7 Ehanna hena ehna yanipi qehan, opeya mayanipi.

8 Tuka nakaha hena owasin ayušan po; wocanniye, wošihda, wocantiyahdepi, waakagapi, qa iapi šice cin niipi kin etanhan.

9 Ihnuhan oiycitonpi šni kin; wicašta tannike cin iye wicohan ko yahdušdokapi;

10 Qa wicašta teca kin he wosdonye kin on yutecapi, waicaliya ouncage kin eciyatanhan, he kodakapi.

11 He en, Helenes, qa Juda wicašta wanica; bakiḥdayapi qa bakiḥdayapi šni kin wanica; Ikcewicašta qa Skuthes wicašta kin wanica; wowidake un kin heca qa tawaicayapi kin wanica, tuka Messiya he ocowasin, qa owasin en un.

12 Heon etanhan, owotanna yaunpi qa waštenidakapi kin, Wakantanka wicakahnige cin iyecen, wocantekiye koyaka po, qa wowaonšida, wahaničidapi šni, wicowahbadan, qa wacin-tankapi kin hena ko.

13 Otoiyoḥi iyowinyeciciyapi, qa otoiyoḥi yecicajujupi kta, tuwe wicašta tokeca on taku šihda kinhan, Messiya kin nicicajujupi kin he iyecen niš *econ* po.

14 Qa taku owasin akantanhan wocantekiye kičun po, he wicoo-wotanna iyakaške cin ee.

15 Qa Wakantanka tawookiye kin nicantepi kin en waniconzapinunwe, he en wicatančan wanjidan en nicopi kin pida un po.

16 Messiya oie kin wijinya en niunpi nunwe; woksape owasin on, Psalm, qa odowan, qa wakan dowanpi kin en, otoiyoḥi wahokonyeciciyapi, qa onspeyeci-yapi kta, qa nicantepi kin en wowaonšida yuha Itančan kin iyadowanpi kta.

17 Qa taku ecanonpi kinhan, wicoie qa wicohan kin unma tukte kašta, Jesus Itančan kin caje on owasin *econ* po, qa on Wakantanka Ateyapi kin wopida eciya po.

18 Qa winoḥinca kin, nihihnapi kin wicihukuya un po, Itančan kin en hecetu kin he iye-ceca.

19 Wicašta kin, nitawinpi kin wašte wicakida po, qa wicakigepi šni po.

20 Šiceca kin, nihunkakepi kin taku owasin anawicakigoptan po, he Itančan kin iyokipi.

21 Qa ateyapi kin, nicincapi kin šihdawicayapi šni po, okinni wacin ibošakapi kte.

22 Wowidake yaunpi kin, tona wicaceḥpi eciyatanhan niyuhapi kin anawicakigoptan po; wicašta iyokipiwicayapi kin iyecen, ištapi kin itokam wawokiyapi kin hee šni, tuka nicantepi ocowasin on Wakantanka kokipa po.

23 Qa taku ecanonpi kin owasin nicantepi kin eciyatanhan *econ*

KOLOSSE.

po, Itancan kin on etanhan, qa wicašta kin on etanhan šni.

24 Itancan kin etanhan woai-
hpeye iyunwin kin iyacupi kta
he sdonyayapi; Messiya Itancan
kin wowidake niyanpi nakaś.

25 Tuka tuwe śicaya econ kin-
han, he eciyatanhan icu kta, qa
wicašta itohnake iwanyakapi
kin wanica.

WICOWOYAKE 4.

1 Unkan, itancan yaunpi kin,
tona wowidake wicaduhapi kin
hena, taku owotanna qa iyecetu
kin wicaqu po; mahpiya ekta
wanji Itancan yayapi yanke cin
he sdonyayapi.

2 Ohinniyan cekiya un po, qa
he en wopida eya wakta po.

3 Qa unkiye on wocekiye un-
keyeciyapi kta, Wakantanka iapi
tiyopa wan unkiciyuhdokapi kta,
Messiya tawowiyukcan kin un-
koyakapi kta, on makaškapi kin
hee:

4 Hecen on, taku token epe kte
cin ecen mdaotanin kta.

5 Tona tankan unpi kin hena
on ksamyahan mani po, qa an-
petu kin opekiron po.

6 Ohinniyan iyaapi kin wowa-
onśida en un, qa miniskuya on
skuyeyapi kta, hecen wicašta
otoiyohi token awicaduptapi kte
cin sdonyayapi kta.

7 Tucikoš hunkawanjin kici-
yapi waštedakapi, qa waawan-
hdake owotanna, mici Itancan
taokiye kin hee token waun kin
owasin oniciyakapi kta.

8 Heon etanhan niyepi kin ekta
ye waši, token yaunpi kin he
sdoneyę qa, nicantepi kin iyu-
škin niyanpi kta;

9 Qa he kici Onesimos ye waši,
he hunkawanjin kiciyapi owo-

tanna, qa wašte enitanhanpi kin.
Heniyozu taku owasin den un
kin oniciyakapi kta.

10 Aristarkos kici makaškapi
kin he nape niyuzapi, qa Markos
Barnabas tonškaku nakun. He
iwahoniyanpi, niyepi ekta niipi
kinhan ti mahen u ši po:

11 Qa Jesus, he nakun Justus
eciya kin; hena e bakiħda-
yapi kin etanhanpi. Henana
Wakantanka tokiconze kin en
tawaši wicawaye qa, hena iyu-
škin mayanpi.

12 Epaphras enitanhanpi kin,
Messiya taokiye kin hee nape
niyuzapi; he ohinniyan woce-
kiye en, niyepi on nina cekiya,
Wakantanka tawacin kin owasin
en, owotanna, qa ecedan naya-
jinpi kte cin heon.

13 Qa he omdaka, niyepi on,
tona Laodikia ekta un, qa tona
Hierapolis ekta un kin, hena ko-
ya on nina ħtaniċiya.

14 Lukas, pejihuta wicašta
wašte kin, Demas kici, nape ni-
yuzapi.

15 Hunkanwanjin kiciyapi Lao-
dikia ekta unpi kin hena nape
wicayuza po, qa Numphas, qa
iye ti kin ohna okodakiciye kin
he nakun.

16 Wowapi kin de niyepi ekta
yawapi kinhan, okodakiciye La-
odikia ekta un kin hena nakun
yawa wicakiya po, qa niš niyepi
kin wowapi Laodikia etanhan
kin he nakun yawa po.

17 Qa Arcippos kaken eciya
po, Nitohani Itancan kin etan-
han iyacu qon he awakicin wo,
yahduštan kta ce.

18 Palos he miye, nape kiciyu-
zapi kin de minape kin on waka-
ga. Makaškapi kin kiksuya po.
Wowaonśida niyepi en nicipi un
nunwe. Amen.

PALOS

THESSALONIKE OYATE

WOWAPI WICAKICAGE CIN;

TOKAHEYA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye kin, Wakantanka Ateyapi kin en, qa Jesus Messiya Itancan kin en un kin, *wowapi wicakicagapi*: Wowaonśida, wookiye ko, Wakantanka Ateunyanpi etanhan, qa Jesus Messiya Itancan kin nakun, niyepi en nicipi un nunwe.

2 Niyepi owasin on Wakantanka ohinniyan wopida unkekiciyapi, qa wocekiye unkeyapi kin en caje unniyatapi ece.

3 Qa wowacinye wicolian nitawapi kin, qa wacantkiyapi en litayanipi kin, qa Wakantanka Ateunyanpi kin itokam, Jesus Messiya Itancan unkiyapi kin en ape dukanpi kin hena ohinniyan unkiysuyapi.

4 Mihunkawanji wašte, Wakantanka nicalnigapi kin he sdonunyanpi.

5 Wotanin wašte unkitawapi en niipi kin he wicoie ecedan en un śni, tuka wowaśake nakun en, qa Woniya Wakan, qa tanyan sdonyapi kin en; niyepi ehna, qa niyepi on etanhan wicaśta tounkecapi kin sdonyayapi.

6 Wicokakije ota ehna, qa Woniya Wakan wowiyuśkin kin yuha wicoie kin iyacupi, hecen Itancan kin oyapapi, qa nakun unkiyepi.

7 Hecen Makedonia qa Akeya en, tona wacinyanpi kin owasin waonspekiye niyuhapi:

8 Qa niyepi kin etanhan Itancan oie kin oyakapi, Makedonia qa Akeya ekta, qa hecedan śni, tuka owancaya Wakantanka wacinyayapi kin he ieyanpahapi, qa hecen taku unkeyapi kta e iyehantu śni.

9 Hena e qe niye nicapi, qa niyepi ekta tukten canku kin ohna unkiyohpayapi kin he oyakapi, qa token wakagapi kin etanhan Wakantanka ekta nihduhomnipi, Wakantanka ni un qa wicake cin ohoyadapi kte cin heon:

10 Qa iye Cinhintku kin małpiya eciyatanhan u ayapepi kta, he wiconę etanhan najin kiya, Jesus wocanniye u kte cin etanhan eunhdakupi kin hee.

WICOWOYAKE 2.

1 Mihunkawanji, niyepi ekta token unkipi kin niye e sdonyayapi, ituya unkipi śni.

2 Tuka Philippi ekta kakisunyanpi, qa unkihałapike cin niye sdonyayapi; qa he iyohakam Wakantanka unkitawapi kin on wadiuntakapi, qa waakinicapi ota ehna wotanin wašte kin unkoniciyakapi.

3 Qa wowahokonkiye unkitawapi kin he wobnuni, qa woaśa-

I. THESSALONIKE.

pe eciyatanhan śni, qa wohnaye en un śni ;

4 Tuka token wotanin wašte kin unhapi kta e Wakantanka iyokipi kin he iyecen unkiapi ece ; wicašta iyokipiwicayapi kin iyecece śni, tuka Wakantanka cante unkiyukanpi kin he.

5 Tohinni iskuya wicoie kin unkeyapi śni e niye sdoniyayapi, qa waicucupikte cin śina unkinpi śni e Wakantanka sdonya.

6 Qa wicašta kin etanhan wowan unakaitapi śni, niyepi, qa wicašta tokeca nakun etanhan śni, Messiya yewicaši kin iyecen waeconwicunkiyapi kta iyececa tuka.

7 Tuka niyepi cokaya walibadan unkanpi, azinkiya wan cinca icalwicakiye cin he iyecen.

8 Hecen nina cante en unniyuzapi, qa wašteunnidakapi kin heon Wakantanka tawootanin wašte kin hee, qa unnagipi kin hena ko unnicupi kta tawatunyanpi tuka.

9 Mihunkawanji, unkoħanyanpi qa ĩtaunnipi kin yeksuyapi, hanyetu anpetu ko ĩtaunnipi, wotanin wašte Wakantanka tawa unkoniciyakapi kin he icunhan, tuwedan tkeya waqinunniciyapi kte śni uncinpi kin heon etanhan.

10 Niye sdoniyayapi, qa Wakantanka nakun, tona wicayadapi kin en, wakanyan, owotanna, qa iyaonpepica śni unyakonpi.

11 Qa wicašta cinca wahokonkiye cin he iyecen, niyepi otioyohi wahokonunniciyapi, qa token unnicihnapi qa econ unnišipi kin he sdoniyayapi ;

12 Wakantanka iye tokiconze, qa towitan kin en nicopi kin, he iyokipiya mayanipi kte cin heon.

13 Qa heon ohinniyan Wakantanka wopida unkekiciyapi ;

Wakantanka oie kin unkiyepi etanhan nayahonpi, qa iyacupi qehan, wicašta oie kin iyecen iyacupi śni, tuka awicakehan Wakantanka oie kin hee, niye tona wicayadapi kin en oħanyan ece kin iyececa.

14 Mihunkawanji, niš niyepi kin Wakantanka taokodakiciye, Juda makoce kin ekta, Jesus Messiya en un kin hena owicayecipapi ; niš niye takuwicayayapi kin eciyatanhan kakišniyanpi kin, iš iye Juda oyate kin eciyatanhan kakišwicayapi qon iyececa :

15 Hena e qe Jesus Itancan kin ktepi, qa wicašta wokcan wicayahapi qon hena nakun, qa unkiye śicaya unkuwapi, Wakantanka iyokipiyapi śni, qa wicašta owasin kašewicayapi :

16 Qa Ikcewicašta nipi kte cin iwahokonwicunkiyapi kta he tehindapi, qa hecen ohinniyan wahtanipi kin hduštanpi kta. Wocantiyahde owihanke aiya-hdeya wanna en awicau.

17 Tuka mihunkawanji, unkiš niyepi kin etanhan ptecedan eunyakupi, itohnake kin on, cante kin he wake śni, heon nitohnake wanunniyakapi kta nina cantokpaniyan unakaitapi.

18 Heon etanhan ekta unnikupi kta uncinpi, Palos miye ĩnca, wancadan qa nonpa, tuka Šatan iyounkipi śni.

19 Woape, qa wowiyuškin, qa wowinkta watešdake unkitawapi kin he taku he ; he niš niyepi śni he ; Jesus Messiya Itancan unkiyapi hi kinhan he itokam.

20 Wowitan qa wowiyuškin unkitawapi kin he niyepi.

WICOWOYAKE 3.

1 Heon etanhan sanpa ĩnsiĩya unkokhipi śni qehan, A-

WICOWOYAKE 4.

thenas ekta unkišnana unyakonpi kta e iyounkipipi :

2 Qa Timotheos hunkawanjin unyanpi, Wakantanka taokiye, qa Messiya tawootanin wašte kin en unkitawašipi kin hee, ye unšipi, sutaya icañniyanpi, qa wacinyayapi kin eciyatanhan wahokonniciyapi kte cin heon.

3 Qa hecen wicokakije kin dena on tuwedan pahohopi kte šni, hena ehna eunhdepi kin niye sđonyayapi.

4 Unkan niyepi kin opeya unyakonpi qehan, wokakije unhapi kta unkoniciyakapi, qa he ecetu kin sđonyayapi.

5 Heon etanhan řinsmičiye kta owakitpani, hehan token wacinyayapi kin sđonwaye kta c on he ekta ye waši, okinni taku wawiyutanyan un kin iniyutampi naceca, qa hecen řitaunnipi kin taku šni ye kta.

6 Tuka nakaha Timotheos niyepi kin etanhan en unhdipi, qa wacinyayapi wacanyakiyapi ko on wotanin wašte unkahipi, qa nařun ohinniyan wašte unyadakapi kin heon wanunyadakapi kte linca, unkiš *wanunniyakapi* kte cin iyececa ;

7 Heon etanhan, mihunkawanji, wokakije wicocante šica ko unhapi kin owasin ehna niyepi on unkičicanptapi, wacinyayapi kin heon.

8 Nakaha unnipi, niš niyepi kin Itancan en sutaya yaunpi kinhan.

9 Unkan niyepi kin on, Wakantanka unkitawapi kin itokam, wowiyuškin owasin on unkiyuškinpi kin he on, ake niyepi on, taku wopida Wakantanka eciya unkokihipi kta he ;

10 Hanyetu anpetu ko nina ceunkiyapi, nitohnake kin wanunniyakapi kta, qa wacinyayapi

kin en taku nahahin ocowasin šni un kin he tanyan unniciyustanpi kta.

11 Wakantanka is iye, Ateunyanpi kin, qa Jesus Messiya Itancan unkiyapi kin, niyepi ekta canku kin *ohna* tanyan ye unyanpi nunwe.

12 Qa otoiyoři wašteyecidakapi, qa owasin waštwicayadakapi kin he en, Itancan kin icañniyanpi, qa niciyuotapi nunwe, unkiš wašteunniciidakapi kin he iyececa.

13 Qa heon wowakan en nicantepi kin iyaonpepica šni niciyusutapi kta, Wakantanka Ateunyanpi kin itokam, tohan Jesus Messiya Itancan unkiyapi kin tona wicayuwakan kin owasin om hi kinhan.

WICOWOYAKE 4.

1 Unkan mihunkawanji, Jesus Itancan kin on etanhan cinunniciyapi qa ceunniciyapi, token mayanipi, qa Wakantanka iyokipiyayapi kte cin, unkiyepi etanhan iyacupi qon he iyecen sanpa iyoniptapi kte.

2 Jesus Itancan kin etanhan woahope kin tona unničupi kin sđonyayapi.

3 Wakantanka niyuecepidan kin he tawacin kin he dee, wiinalmanpi kin en niřđoyapi kte šni ;

4 Tuka otoiyoři nitancanpi kin yuecepidan, qa yuonihanpi kin en, yahduhapi kte cin sđonyakiyapi kta.

5 Qa wicotawacin šica cantiheyapi kin he en unpi kte šni ; Ikcewicašta Wakantanka sđonyapi šni kin hena iyececapi.

6 Taku en tuwedan hunkawanjitku kin kape řa hnaye kte šni ; tona heconpi kin owasin

I. THESSALONIKE.

Itancan kin tokicon ece, unkoniciyakapi qa unniciyaotaninpi qon iyececa.

7 Waaşapapi kin ekta Wakantanka unkiyeci şni, tuka unyuecepitan kte cin heon.

8 Hecen tuwe waaktaşni kinhan, he wicaşta paha iyewicaye şni, tuka Wakantanka iye Taniya Wakan unqupi kin hee aktaşni.

9 Hunkawanjinkiciyapi waştékicidakapi kin on wowapi cicagapi kta iyecece şni. Otoyohi waşte yecidakapi kta he niş niye Wakantanka etanhan onnispepi.

10 Qa Makedonia owancaya hunkawanjinkiciyapi kin owasin hecawicayeconpi ece. Tuka mihunkawanji, ceunniciyapi ce, nakun sanpa nina ecanonpi kte.

11 Ito owanji dukanpi kta, qa taku tin nicihe cin he yahduştanpi, qa niye ninapepi kin on htayanipi kta e aiçiciya po, econ unnişipi qon iyecen ;

12 Hecen tona tankan unpi kin hena itokam owotanna mayanipi kta, qa takudan icakije şni yaunpi kta.

13 Tuka mihunkawanji, tona iştinmapi kin hena on sdonye şni dukanpi kta, qa iyonicişicapi kta, wicaşta tokeca wowacin ye nicapi kin iyececa, e he wa cin şni.

14 Jesus te ça ake piya ikicage cin he wicaundapi kinhan, he iyecen tona Jesus en iştinmapi kin hena iye kici Wakantanka uwicakiye kta.

15 Unkan Itancan oie kin eciyatanhan he de unkoniciyakapi, unkiye tona unnipi, qa Itancan hi kte cin iyounhipi kinhan, tona iştinmapi kin hena wicitokam unyanpi kte şni.

16 Iyaşapi wan qa malipiya

ohnihde itancan wan ho kin, qa Wakantanka maza yahotonpi tanka tawa ko Itancan kin hduha, malipiya kin eciyatanhan kun u kta ; unkan tona Messiya en tapi qon hena tokaheya najinpi kta.

17 Hehan unkiye tona unnipi, qa he iyounhipi kinhan, hena om malipiya şapa ekta eunhdakupi kta, okotonyan kin ehna Itancan kin itkounkipapi kta ; qa hecen ohinniyan Itancan kin kici unyakonpi kta.

18 Wicoie kin hena on otoyohi wahokonkiciciya po.

WICOWOYAKE 5.

1 Mihunkawanji, omaka qa makoncage kin on wowapi cicagapi kta yacinpi şni ;

2 Hanyetu en wamanon sa kin he iyecen Itancan taanpetu kin u, niş niyepi kin tanyan sdonyayapi.

3 Tohan, Wokiyapi qa tanyan yukanpi ce, eyapi kinhan, hehan ihnuhanna wicotakuni şni en awicau kta, winohinea cinca ton kte cin yazan hinhde cin he iyececa, qa najicapi kte şni.

4 Tuka mihunkawanji, niş niyepi kin otpaza ehna yaunpi şni, qa hecen anpetu kin he wamanon sa iyecen en nihipi kte şni.

5 Niyepi owasin, iyoyanpa cinca kin henicapi qa anpetu cinca pi kin. Unkiyepi hanyetu otpaza kici unketanhanpi şni.

6 Heon etanhan wicaşta tokeca iyecen unkiştinmapi kte şni ; tuka kiktahan witko şni unyakonpi kta.

7 Tona iştinmapi kinhan, hena hanyetu icunhan iştinmapi ; qa tona witkopi kinhan, hena hanyetu en witko unpi ece.

WICOWOYAKE 5.

8 Tuka unkiye anpetu kin unketanhanpi, qa heon witko śni unyakonpi kta, wowacinye wacantkiyapi ko maku akahpe kin unkićunpi kta, qa wiconi apepi kin he maza wapaha unyanpi kta.

9 Wakantanka wocanteptanye en eunhdepi śni, tuka Jesus Messiya Itancan unkiyapi kin eciyatanhan wiconi unkićupi kte cin.

10 He iye, unkiyepi on ƚa, hecen kiktahan unyakonpi, qa iś unkiśtinmapi, unma tukte kaśta, kici unnipi kta.

11 Heon etanhan otoiyoħi wahokonkiciciyapi, qa onspekiciciyapo, ecanonpi kin hececa.

12 Hunkawanjin unniyanpi kin, ceunniciyapi ce; tona niyepi en ĩtanipi, qa Itancan kin on awan-niyakapi, qa wahokonkiciyapi kin hena sdonwicaya po.

13 Qa wicoħan yuhapi kin on etanhan, wacantkiyapi on sutaya cante en wicayuzapo. Okićiciya yakon po.

14 Hunkawanjin unniyanpi kin, ceunniciyapi ce; tona yuśkiśkeya unpi kin hena iyopewicaya po, tona wacin cistinna kin hena wicakihna po, tona waśake śni un kin hena owicakiya po, qa wicaśta owasin on wacin tanka po.

15 Ihnuhan tuwe taku śica on itkom taku śica econ kinhan,

tuka ohinniyan niś niyepi kin otoiyoħi on, qa wicaśta owasin on taku waśte ecedan akita po.

16 Ohinniyan wiyuśkin po.

17 Ayaśtan śni cekiya po.

18 Taku owasin on wopida eyapo. He niyepi on Jesus Messiya en Wakantanka tawacin kin hee.

19 Woniya kin kasnipi śni po.

20 Wiyukcanpi kin ihahapi śni po.

21 Taku owasin iyukcanpi, qa taku waśte kin he ĩnsa yuha po.

22 Taku śica ocaje owasin nakicipo po.

23 Qa wookiye Wakantanka kin niyepi ocowasin niyuećepidan nunwe; hecen ninagipi kin ocowasin, qa nitawacinpi, qa nitancanpi kin iyaonpepica śni niyuhapi kta, Jesus Messiya Itancan unkiyapi kin hi kte cin hehanyan.

24 Tuwe nicopi kin he wacin-yepica, qa ecen econ kta.

25 Mihunkawanji, unkiyepi kin on cekiya po.

26 Iiputakapi wakan kin on hunkawanjin kiciyapi kin owasin i iwicaputaka po.

27 Itancan kin on hecon ciśipi, hunkawanjin kiciyapi wakan kin owasin ekta wowapi kin de yawapi kta.

28 Jesus Messiya Itancan unkiyapi kin towaonsida kin nicipi un nunwe. Amen.

PALOS

THESSALONIKE OYATE

WOWAPI WICAKICAGE CIN,

INONPA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye Wakantanka Ateunyanpi, qa Jesus Messiya Itancan kin en un kin hena, *wowapi wicakicagapi*;

2 Wowaońsida, wookiye ko Wakantanka Ateunyanpi kin, qa Jesus Messiya Itancan kin etanhan nicipi un nunwe.

3 Mihunkawanji, wacinyayapi kin he nina icage a, wacanyakiyapi kin otoiyo hi en nina niciyuotapi kin, heon ohinniyan niyepi on, Wakantanka wopida unkekiciyapi kte cin he hecetu.

4 Hecen niyepi on, unkiye Wakantanka okodakiciye tawa kin en unkiwinktapi ece; ńicaya nicuwapi kin owasin, qa wokakije duhapi kin en, wacinyan wakisagya yaunpi kin heon.

5 Wakantanka tawoyaco owotanna wowapetokeca kin he dee, nicakijapi kin heon Wakantanka tokiconze kin iyehantu niyawapi kta.

6 Tona kakisńiyanpi kin hena itkom Wakantanka wokakije wicaqu kte cin he owotanna.

7 Qa tona kakisya yaunpi kin, nis niyepi kin oziiiya unkici yaunpi kta; tohan Jesus Itancan kin towańake ohnihde wicaye cin om mahpiya kin eciyatanhan ihdutaninyan u kinhan,

8 Peta ide kin en, tona Wakan-tanka sdonyapi ńni, qa Jesus Messiya Itancan unkiyapi tawotanin wańte anagoptanpi ńni kin hena wońitkihda wicaqu kta;

9 Hena e Itancan itohnake kin etanhan, wicotakuni ńni owihanke wanica on kakiswicayapi kta.

10 Tohan oyate owotanna tawa kin en ihduwitan kta, qa tona iye wacinyanpi kin hena owasin on yatanpi kta e on hi kinhan; anpetu kin he en taku unniciyataninpi qon he wicayadapi kin heon.

11 Qa heon etanhan ohinniyan niyepi on ceunkiyapi, Wakantanka wicakico kin de iyehantu niyawapi kta, qa niyepi en iye towańte oiyokipi kin ocowasin, qa wowańake on wacinyanpi wicohan kin he nakun hduńtan kta.

12 Hecen Jesus Messiya Itancan unkiyapi caje kin niyepi on yuonihanpi kta, qa iye on, nis eya niyuonihanpi kta, Wakantanka unkitawapi, qa Jesus Messiya Itancan towańsida kin eciyatanhan.

WICOWOYAKE 2.

1 Mihunkawanji, Jesus Messiya Itancan unkiyapi u kte cin he, qa en mniunkiciyapi kte cin hena on ceunniciyapi ce;

WICOWOYAKE 3.

2 Ihnuhan wicanagi qa wicoie qa wowapi unnicagapi kin on ihnuhana nitawacinpi ekta nihuhuzapi qa ininihanpi kin, Messiya taanpetu kin kiyadan u kin hececa.

3 Ihnuhan tuwe taku on nihnyanpi kin; woayustan wan tokaheya u kta, qa woahitani wicasta kin wicotakuni sni cinhin-tku kin hee e yutaninpi kta.

4 He iye taku Wakan eyapi kin, taku ohodapi ko owasin iwankam yeiciye ca kici kiciza, hecen iye tipi wakan Wakantanka tawa kin en, Wakantanka iyecen iyotanke ca Wakantanka keiciya oihdaka.

5 Cicipi waun qehan hena ociciyakapi qon he yeksuyapi sni he.

6 Unkan nakaha taku iyowicaki sni ece kin he sdoniyayapi; hecen tohantu kinhan taninyan hiyu kta.

7 Wooke aktaśni wowiyukan kin he wanna ohanyan ece, tuka tuwe he iyoki sni kin he, tohanyan token iyeyapi sni kin, hehanyan iyowicaki kte sni.

8 Unkan hehan wooke aktaśni kin he tanin kta, Jesus Itancan kin Taniya, iye i kin etanhan hiyu kin on, qa ihdutanin wiya-tpa kin on, he ihangye kta.

9 Tuwe Satan ohan kin eciyatanhan wicookihi owasin, qa wowapetokeca, qa wowinihan wicohan itonśni kin yuha u,

10 Qa tona awihnuni kin hena en woahitani wohnaye owasin koya; hena wowicake waste dakapi kin on nipi kte cin he aktapi sni, heon etanhan.

11 Qa heon etanhan hena en Wakantanka wohnaye wawokihhi kin awicau kta, hecen woi-tonśni kin wicadapi kta.

12 Qa hecen tona wowicake

wicadapi sni, qa woahitani en iyuskinpi kin hena owasin wicayacopi kta.

13 Tuka mihunkawanji, Itancan waste nidakapi kin, niyepi on unkiye ohinniyen Wakantanka wopida unkekiciyapi kta, otokaheya tanhan Woniya wicayuecedan, qa wowicake wicadapi kin on, Wakantanka yanipi kta e on nicahnigapi kin heon etanhan.

14 Qa he en nicopi, wotanin waste unkitawapi kin on, hecen Jesus Messiya Itancan unkiyapi towitan kin iyacupi kta.

15 Heon etanhan, hunkawanjinciyapi kin, sutaya najin po, qa wooke oyakapi wicoie, qa wowapi unkitawapi kin eciyatanhan onspeniciyapi kin hena tinsaya yuha po.

16 Qa Jesus Messiya Itancan unkiyapi kin hee, qa Wakantanka Ateunyanpi kin iye waste undakapi, qa wicimdeza owihanke wanice cin wowaonsida eciyatanhan woape waste ko unqupi kin,

17 He nicantepi kin mdesnyanpi, qa wicoie, wicohan ko waste kin owasin en niyusutapi nunwe.

WICOWOYAKE 3.

1 Unkan ehake mihunkawanji, unkiyepi on cekiya po, Itancan oie kin inyanke ca, wowitan kta, niyepi kin ehna iyececa.

2 Qa wicasta sice ca wicastapi sni kin etanhan eunhdakupi kta; owasin wowacinye yuhapi sni kin heon.

3 Tuka Itancan kin he wacinyepica, he niyusutapi, qa taku sica etanhan enihdakupi kta.

4 Itancan kin en niyepi on kaken awauncinpi, token econ un-

I. TIMOTHEOS.

nišipi qon ecen ecanonpi, qa ees nakun ecanonpi kta.

5 Qa Itancan kin nicantepi kin Wakantanka waštedakapi, qa Messiya wacintanka kin he en ope niyanpi nunwe.

6 Unkan mihunkawanji, Jesus Messiya Itancan unkiyapi caje kin on ceunniciyapi ce, hunkawanjin kiciyapi wan ecinšniyan mani, qa wicoope unničupi qon eciyatanhan šni kinhan, he nakicipa po.

7 Token unkoyecipapi kte cin niye sonyayapi; niyepi en oškiškeya maunnipi šni.

8 Qa tuwedan aguyapi tawa iyunwin codan untapi šni, tuka wicohtani, wicokakije ko ehna, hanyetu, anpetu ko htaunnipi, tuwedan takudan unkiniczopi kte šni heon.

9 Unkokihipi šni kin heon etanhan šni; tuka unkiye waonspekiya yuheunniciyapi, qa unkoypapi kte cin heon.

10 Nicipi unyakonpi qehan, he de unkoniciyakapi, Tuwe htanipi tawaŕenye šni kinhan, he takudan yute kte šni ce.

11 Enitanhanpi wanjikji ecinšniyan mani, qa ecaca htanipi

šni, tuka waaie sa hecapi kin he naunhonpi.

12 Tona hececapi kin hena Jesus Messiya Itancan unkiyapi kin etanhan wahokonwicunkiyapi, qa econ wicunšipi, aini-na htanipi, qa aguyapi tawapi kin ecedan hdutapi kta.

13 Unkan mihunkawanji, niš niyepi kin taku wašte econpi kin econ kapinpi šni po.

14 Qa tuwe wowapi kin de en, unkoiepi kin anaungoptanpi šni kinhan, he iwanyakapi, qa kici okiciciyapi šni po, hecen ištece kta.

15 Tokayapi šni po, tuka hunkawanjinkiciyapi kin iyecen wahokonkiya po.

16 Qa ohinniyan, taku owasin on etanhan wookiye Itancan kin wookiye ničupi nunwe. Itancan kin niyepi owasin en nicipi un nunwe.

17 Palos he miye, napekiciyuzapi kin de minape on owawa, he wowapi otioyohi en wowape-tokeca kin hee, hecen wakaga ece.

18 Jesus Messiya Itancan unkiyapi kin towaonšida kin niyepi owasin en nicipi un nunwe.

PALOS

TIMOTHEOS WOWAPI KICAGA;

TOKAHEYA KIN.

WICOWOYAKE 1.

1 Palos Jesus Messiya yeši qon, Wakantanka Wanikiya unkita-wapi, qa Jesus Messiya Itancan wacinunyanpi kin he toope kin eciyatanhan,

2 Timotheos, wacinyanpi kin eciyatanhan micinkši kin hee, wowašte, wowaonšida, wookiye ko, Wakantanka Ateunyanpi, qa Jesus Messiya Itancan unkiyapi kin hena etanhan kiciun nunwe.

WICOWOYAKE 2.

3 Makedonia ekta mde çehan, Ephesos en owanji yanke cişi, wanjikji woonspe tokeca oyakapi kte şni e iwahokonwicayakiye kte cin heon;

4 Qa hitunkakanpi, wicoicage owihanke şni oyakapi ko awacimpi kte şni; hena taku kin wiwangapi eceedan okihi, qa on Wakantanka wacinyanpi kin en icahiyapi şni.

5 Wicacante ecedan, wicana-gi waşte, qa wacinyanpi wicakapi kin etanhan wacantkiyapi kin he woahope ecetuyapi kin hee.

6 Tona he icunonpa yapi kin hena takuşnişni akinicapi kin en yeiçiyapi.

7 Wooke kin tokan onspewicakiyapi kta cinpi; tuka taku eyapi, qa taku waditagya oyakapi kin he iyukanpi şni.

8 Wooke kin he waşte sdonunyanpi, tuwe wooke kin iyeceen yuhe cinhan.

9 Qa he de sdonunyanpi, wooke kin he wicašta owotanna kicagapi şni, tuka tona wooke opapi şni, qa anagoptanpi şni kin hena wicakicagapi, tona Taku Wakan ohodapi şni, qa wahtanipi sa, waonşidapi şni qa wayaşicapi, atkuku hunku kici wicakitepi kin, qa wicašta wicakaçapi kin hena,

10 Wawicilihapi econpi, waihuhupi sa, wicašta wiyopewicaye cin hena, itonpişni qa wooke kicaksapi kin hena on wooke kagapi ece; qa taku tokeca woonspe zani kin kaşeye cinhan he nakun:

11 Wakantanka wacantkiya wotanin waşte wowitan yuhe maşi kin he eciyatanhan.

12 Unkan Jesus Messiya Itancan unkiyapi he okihimaye ça, wacinyepica madake ça, wico-

litani kin de en opemaye ciqon he wopida ewakiya ece.

13 He itokam waoştewahda, qa şicaya wicawakuwa, qa wahtanmicida; tuka wicawada şni icunhan hena iyukan şni ecamon kin heon onşimadapi.

14 Qa Itancan unkiyapi towaonşida kin he wacinyanpi qa wacantkiyapi Jesus Messiya en nina yuotapi.

15 Wicoie kin de wacinyepica, qa owancaya icupi kta iyececa, Jesus Messiya wahtanipi sa niwicaye kta e on makata hi; hena en miye imayotan.

16 Tuka heon etanhan onşimadapi, hecen miye en tokaheya Jesus Messiya wawacinkta yuzatanka owasin hdutanin kta, wicani kta e on wicadapi kte cin hena waonspewicawakiye kta e hcon.

17 Hecen Wicaştayatapi owihanke wanica, tepica şni, qa wanyakepica şni un kin, Taku Wakan ecedan ksape cin hee, woyuonihan, wowitan ko, owihanke wanin kicihan nunwe.

18 Timotheos micinkşi, wooke kin de ciçu, niye on wokcanpi tokaheya ekta un çon hena eciyatanhan, hecen hena on ozuye waşte en akicita oyape kta;

19 Wowacinye qa wicanagi waşte sutaya yahduhe kte cin heon. Wanjikşi hena ehpeyapi qa on wacinyanpi ekta kamden iyeiçiyapi.

20 Yumeneos qa Aleksander kici, hena hececapi, hena Satan waqu, waoşt ehdapi kte şni onspeiçiyapi kte cin heon.

WICOWOYAKE 2.

1 Heon, taku owasin itokam, wicašta kin owasin on, wokidapi, wocekiye, waiciyapi wicoie, wopida ko eyapi kta wacin.

I. TIMOTHEOS.

2 Wicaštayatapi kin hena on, qa tona itancan unpi kin owasin on, hecen woohodapi owasin qa wicohan owotanna kin en, owanjidan unkanpi qa wikope śni un-nipi kta.

3 He wašte, qa Wakantanka Wanikiya unkitawapi kin itokam woiyokipi kin hee.

4 He iye wicašta owasin nipi, qa wowicake sdonyapi kin en hipi kte cin he cin.

5 Taku Wakan wanjidan, qa Taku Wakan qa wicašta kici wiciyotahedan un kin wanjidan, Jesus Messiya wicašta kin hee.

6 He iye atayedan owasin ope-wicakiton kta e içiçu, anpetu tawa kin waayataniin kte cin heon.

7 He en eyanpaha qa yešipi kin heca makagapi; Messiya en wowicake epa, itonśni mawani-ca; wowacinye wowicake ko Ikcewicašta onspe wicawakiye kte cin heon.

8 Heon, wicašta kin owancaya, wocanniye, waakinicapi ko waniin nape ašape śni kiyugan cekiyapi kta wacin.

9 Qa winohinca kin is eya iye-cen wokoyake oiyokipi kin ki-çunpi kta, qa tawacin wašte, wacin tankapi koya; qa paha sonpi, mazaskazi, inyan okitanin kin, qa wokoyake taku ota iyope-yapi kin hena ko unpi kte śni;

10 Tuka wicohan wašte kin hena, taku winohinca tona Wakantanka awacinpi kin iyokipi-pi kin hee.

11 Qa winohinca kin inina un, qa taku owasin en wanahon yanke ça on onspeiçiyeye kta.

12 Tuka winohinca kin is wa-onspekiye ça wicašta kin iwan-kam un kta e iyowinwakiye śni, he inina yanke kta.

13 Adam he tokaheya kagapi, qa hehan Ewe.

14 Qa Adam hnayanpi śni, tu-ka winohinca kin iye hnayanpi, qa hecen woalitani hiyahdeya.

15 Tuka is eya cinca tonpi kin en niyanpi kta, wacinyanpi, wacantkiyapi, wicohan wašte qa wacintankapi kin hduha yukan-pi kinhan.

WICOWOYAKE 3.

1 Iapi kin he wowicake; tuwe waawanhdake unpi cin kinhan he wicohan wašte wan cin.

2 Tuka waawanhdake cin he iyaonpepica śni un kta, wino-hinca wanjidan yuze kta, wakta-ya un kta, wacinksapa, wahba-yedan, ohanpi, wowicakiyaka;

3 Miniša en iyeiçiyeye śni, waa-wicape śni, mazaska nina akite śni; tuka wacintanka, wacinko śni, waicucu wacin śni;

4 Iye tiyohnaka kin tanyan hduhe kta, qa wicowahbadan owasin on cinca kin anagoptan-wicakiye kta.

5 Tuwe tiyohnaka tawa kin tanyan hduha okihi śni kinhan, ecin token Wakantanka taokodakiciye kin tanyan yuhe kta he.

6 Aškatudan en opapi kin he-cece kte śni, he heca kinhan, okinni wahaniçida kin on Wakanšica tawoyaco kin ekta iya-ye kta.

7 Qa tona itankan yakonpi kin hena tanyan oyakapi un kta, he hecetu śni kinhan, wowihahaya un kta, qa Wakanšica wihmun-ke tawa kin en iyohpaye kta.

8 Is eya hunkayapi un kin hena nakun wacinksapapi kta, ceji ja-tapi śni, miniša en iyeiçiyapi śni, qa mazaska nina akitapi kte śni:

9 Wicanagi ecedan ohna wo-wacinye wowiyukcan kin yuha-pi kta.

WICOWOYAKE 4.

10 Hena e tokaheya wicayukanpi kta, qa hehan takudan iyaonpepica šni kinhan, hunkayapi un kin en iyeyapi kta.

11 Nakun is tawicupi kin wahbapidan kta, waaie šni unpi kta, waktaya unpi kta, taku owasin on owotanpidan.

12 Hunkayapi un kin is tawicu wanjidan kta, cinca wicayapi qa tiyohnaka tawapi kin tanyan lduhapi kta.

13 Tona hunkayapi un wicoħan kin tanyan yuhapi kin hena wowitan wašte hdamnanpi, qa Jesus Messiya wacinyanpi kin en waditaka icicagapi.

14 Dena hecen wowapi cicaga, kohanna niye en ciu kta wacin.

15 Tuka tehan wai šni kinhan, deciya tanhan on token Wakantanka ti kin ohna opiniċiye kta sdonyaye kta, he okodakiciye Wakantanka ni un tawa kin ee, wowicake ihupa qa taku ahe cin hee.

16 Unkan he taku aiepica šni, Wakantanka awacinpi kin he wowiyukan tanka ; Wakantanka wicaceħpi en ihdutanin qon, Woniya kin on yaowotanna kagapi, mahpiya ohnihde kin wan-yakapi, Ikcewicašta kin ekta oyakapi, wicoicage kin en wicadapi, qa wowitan kin ekta wankan ehdakupi.

WICOWOYAKE 4.

1 Woniya kin atayedan heya, Anpetu ihankeya kin en, wanjiksi wacinyanpi kin ayuštanpi kta, qa woniya šapa wahnaye sa, qa taku wakan šica tawoonspe ko anagoptanpi kta.

2 Wicahnayanpi on itonšni iapi kta, nagipi kin maza kata on guguyapi kin heon.

3 Winohinca wicayuzapi kin

he tehindapi, qa woyute, tona wowicake wicadapi, qa sdonyapi kin hena wopida eya icupi kta e Wakantanka kaga, hee yute šni wicašipi kta.

4 Taku Wakantanka kage cin he owasin wašte, qa wopida yuha icupi kinhan, takudan olihyanpi kte šni.

5 He Wakantanka oie, wocekiye ko on yuwakanpi.

6 Hena taku kin hunkawanjinkiciyapi kin kiksuyewicayaye cinhan, Jesus Messiya taokiye wašte yaun kta, wacinyanpi, wicoie, qa woonspe wašte ekta iyohiyaye cin hena en tanyan icahnianpi kta.

7 Tuka iapi šice cin, wakanka hitunkakanpi yuhapi ko nakicipe ċa, Wakantanka awacinpi kin he amniheicċiya wo.

8 Wicatancan yeicċiyapi kin he taku cistinna okihi ; tuka Wakantanka awacinpi kin he taku owasin okihi, wiconi kin de, qa wanji u kte cin iwahoyapi kin en un.

9 Wicoie kin he wowicake, qa owancaya anagoptanpi kta iyececa ;

10 Wakantanka ni un wicašta owasin Wanikiya tawapi, qa iyotan tona wicadapi kin hena, he wacinunyanpi kin heon ħtunnipi, qa oštehdapi unyakonpi.

11 Hena taku kin iwahokonwicakiye ċa onspewicakiya wo.

12 Koniška yaun kin heon tudedan iwaħtenida kte šni ; tuka tona wicadapi, kin hena waonspewicakiya wo, wicoie kin en, wicoħan kin en, wacantkiyapi kin en, woksape kin en, wacinyanpi kin en, woyuecedan kin en.

13 Wowapi yawapi, qa wahokonwicakiyapi, waonspewicakiyapi ko, hena econ wo, en wai šni kin hehanyan.

I. TIMOTHEOS.

14 Taku wawokihi en niun kin, wokcanpi, qa waawanhdake unpi, nape aniputakapi kin on ničupi qon he akiktonje šni wo.

15 Hena taku kin awacin, qa ocowasin en yeičiya wo, hecen onspeničiciye cin owasin sdonyapi kta.

16 Atayedan awaičicin, qa wonspe nitawa kin awakicin wo, he hduha wo. Hecanon kinhan niničiyeye ča, tona nanihonpi kin hena nakun niwicayaye kta.

WICOWOYAKE 5.

1 Hunkayapi wan iyopeye šni wo, tuka ateyapi un kin iyecen wahokonkiya wo, qa tona hakaktapi kin hena nihunkawanji iyececapi kta ;

2 Winohinca tankapi kin hena iš inawicayaye cin iyecen, qa tona aškatudan unpi kin hena tawinohtinwicayaye cin iyececapi kta, woyucedan owasin en.

3 Wiwazicapi kin, tona awicakehan wiwazicapi un kin hena wicayuonihan wo.

4 Tuka wiwazica wan cinca wicayeye cin, qa takojakpaku yuke cinhan, hena tokaheya wicowazi tawapi kin en wowašte econ onspeičiciyapi kta, qa hunkake wicayapi kin iyunwin wicakicipi kta ; taku wašte qa Wakantanka itokam oiyokipi kin hee.

5 Tuwe awicakehan wiwazica un kin he išnana ehpeyapi un, Wakantanka wacinye ča ohinnyan, hanyetu anpetu ko, wocekiye eyapi, qa hoyekiyapi kin en un.

6 Tuka tuwe iyokipi ičiya un kinhan, he ni un icunhan wanna ča.

7 Hena hecen iwahokonwicac-

kiya wo, hecen iyaonpepica šni unpi kta.

8 Qa tuwe tona wicayuhe cin, qa iyotan tiyohnaka tawa kin, taku wicakicamna šni kinhan, he wacinyanpi kin wanna ayuštān, qa waawacin šni kin sam iyeya wicašta šica.

9 Wiwazica waniyetu wikcemna šakpe ihukuya un kin he kašnigapi kte šni. He wicašta wanjidān hihnaye ciqon,

10 Wicoħan wašte on tanyan oyakapi, cinca icahwicakiya, oicimani kin wonwicaya, tona owotanna un siha wicakiyujaja, tona kakijapi kin owicakiya, qa wicoħan wašte owasin amniheičiya en opa hecinhan.

11 Tuka wiwazica tona aškatudan wotapi kin hena wicakahnige šni wo ; tohan Messiya en škehanhan aye cinhan ake hihna tonpi kta ;

12 Qa tokaheya wacinyanpi qon he ayuštānpi kin heon woyaco aihduhapi kta.

13 Qa nakun kujapi, qa ti iyaza yakonpi ; qa kujapi hecedan šni, nakun taku oyakapi sa, qa waaiapi sa, taku eyapi kte šni kin hena eyapi ece.

14 Heon, tona nahāhin wikoškapi kin hena hihna tonpi kta, cinca tonpi kta, qa tiyohnaka hduhapi kta wacin, hecen toka kin taku iyawicaonpe kta okihi šni kagapi kta.

15 Wanna wanjikji icunonpa Satan ihakam iyayapi.

16 Wicašta wanji, qa iš winohinca wanji wacinyan un kin, he wiwazica hduhe cinhan okiye kta ; hecen okodakiciye kin tkeya qinpi kte šni, qa tona awicakehan wiwazica unpi kin hena ece owicakiyapi kta.

17 Waawanhdake un kin, tona tanyan awanhdakapi kinhan, he-

WICOWOYAKE 6.

na wowitan icitakihna wicakiciyawapi kta, tona wicoie, waonspekiyapi ko, en litanipi kin hena iyotan.

18 Wowapi wakan kin hecen eya, Tatanka aguyapi napan kin he iohmus sutaya iyacu kte šni. Qa ake, Tuwe litani kin he taku on opetonpi qon iyohi ece.

19 Waayatanin nonpa, qa yamni duhe šni kinhan, hunka yapi un kin wanji en wiyaonpapi aupi kin anagoptan šni wo.

20 Tona wahtanipi kinhan hena owasin wicitokam taninyan iyopewicaya wo, hecen unmapi kin kokipapi kta.

21 Wakantanka itokam, qa Jesus Messiya Itancan kin, malhipiya ohnihde wicakalinigapi kin hena ko wicitokam wahokonciciya, dena taku kin ecinšniyan wiyukanpi wanin eanon kta, qa wicašta iwanyakapi kte cin on etanhan takudan eanon kte šni.

22 Ohankoya tuwedan nape aputake šni wo; qa wicašta tokeca wahtanipi kin en ope šni wo. Ecedan ihduha wo.

23 Tokata mini ecedan yatke šni wo, nitezi kin on, qa waniyazan sa kin heon, miniša waniqadan yatkan wo.

24 Wicašta wanjikji wahtanipi kin taninyan han, qa itokam woyaco ekta awicaya; qa hunh wicihakam tanin ece.

25 Qa he iyecen wicohan wašte wanjikši taninyan un, qa tona hecece šni ešta analibepica šni.

WICOWOYAKE 6.

1 Wowidake un kin tona can napinpi kin ihukuya yukanpi kin hena itancan wicayawapi kin wicakinihanpi owasin okihi wicahdawapi kta, hecen Wa-

kantanka caje qa tawoonspe kin oštehdapi kte šni.

2 Qa tona itancan wacinyan unpi kin heca ihukuya unpi kinhan, hena šicewicakidapi kte šni, om hunkawanjinkiciyapi kin heon; tuka hena wacinyan unpi, qa waštewicadakapi, qa taku wašte kin en owicakicipapi kin heon sanpa owicakiyapi kta. Hena hecen onspewicakiye ça wahokonwicakiya wo.

3 Tuwe wicoie. wašte, Jesus Messiya Itancan unkiyapi oie kin, wicohan ecedan kin eciyatanhan un kin hena wicada šni kinhan, qa togye waonspewicakiye cinhan,

4 He waħaničida, qa takudan sdonye šni un, tuka wakinicapi wiwangapi wicoie kin en cante kin ocowasin iyeičiya; hena etanhan winawizipi, wakinicapi, waoštehdapi, woawacin šica ko icaga.

5 Qa wicašta tawacin šicapi kin oškiškeya hdokinicapi, wowicake yuhapi šni, qa taku kamnanpi kinhan, he Wakantanka ohodapi kin ee kecinpi. Tona hececapi kin hena awicayuštan wo.

6 Wakantanka ohodapi kin woiyokipi kici he woyuha tan-ka.

7 Maka kin de en takudan unkahipi šni, qa awicakehan hetanhan takudan unkahdapi kte šni.

8 Hecen woyute, wokoyake ko unhapi kinhan, hena iyounkipipi kte.

9 Tona watonpika cinpi kinhan, hena taku wawiyutanyan un, qa mazahtakiyapi en iyohpapi, qa witkotkoya cantiheyapi šica ota on kiuniyanpi ece kin hena en, hena e waihangyapi, wicotakuni šni ko mahen wica-

II. TIMOTHEOS.

šta kin ocowasin iyohpewicayapi ece.

10 Taku šica owasin hutkan kin he mazaska waštedakapi kin hee ; he wanjikji inahnipi, qa on wacinyanpi kin etanhan iyaye yapi, qa wicokakije ota on caičipapi.

11 Tuka Wakantanka wicašta tawa kin he niye, hena taku kin nakicipa wo ; wicoowotanna, Wakantanka ohodapi, wacinyanpi, wacantkiyapi, wacintankapi qa wowahbadan, hena akita wo.

12 Wowacinye okicize wašte kin he en econ wo, owihanke wanin wiconi kin he icu wo, he en nicopi qa waayataninpi ota itokam wohdakapi wašte ecen oyahdake ciqon.

13 Wakantanka taku owasin nikiye cin he itokam, qa Jesus Messiya Pontios Pilate itokam owotanna wohdake ciqon he on ceciciya ce ;

14 Ašape šni qa iyaonpepica šni, woahope kin de duhe kta, Jesus Messiya Itancan unkiyapi taninyan u kte cin hehanyan.

15 He tohan iyehantu kinhan, tuwe yawaštepi, qa ecedan Wawokihi kin he taninyan hiyuye kta, wicaštayatapi kin en Wi-

caštayatapi, qa itancanpi kin en Itancan kin hee.

16 He išnana wiconi hduhe qa, iyoyanpa en hiyohipica šni kin he en ounyan, wicašta kin tuwedan he wanyake šni, qa nakun wanyaka okihi kte šni ; he wowitan, qa wowašake owihanke wanin kiciun nunwe.

17 Tona maka kin den watonpike cin wahokonwicakiya wo, watankaicidapi kte šni, qa woyuha atakuni šni aya ece kin wacinyanpi kte šni, tuka Wakantanka ni un taku iyounkipipi kta e iyakičuya unqupi kin hee ;

18 Taku wašte ece econpi kta, wicoľhan wašte ijicapi kta, wapannipi, qa wawicaqupi tawatenyapi kta ;

19 Taku tokata ihe cin he ekta ahehde wašte wan icihnakapi kta, hecen wiconi owihanke wanica yuhapi kta.

20 Timotheos, taku yuheciciye cin hena tanyan yuha wo, qa ikcekceya ecinšniyan wakiničapi kin he nakicipa wo, wosdonye woitonšni akinicapi kin he nakun.

21 Wanjikji he en opapi, qa wacinyanpi kin icunonpa iyayapi. Wowaošida niciun nunwe. Amen.

PALOS

TIMOTHEOS WOWAPI KICAGA,

INONPA KIN.

WICOWOYAKE 1.

1 Palos, Wakantanka tawacin kin on, Jesus Messiya yeši qon, Jesus Messiya wiconi iwahounyanpi qon he eciyatanhan,

2 Timotheos, hokšincantkiyapi mitawa kin, *wowapi cicaga*. Wowaošida, wowašte, wookiye ko, Wakantanka Ateyapi kin etanhan, qa Jesus Messiya Itancan unkiyapi kin etanhan.

WICOWOYAKE 2.

3 Wakantanka, mihunkake kin etanhan nagi ska hduha ohowada kin, he wopida ewakiya, anpetu, hanyetu ko wocekiye epa eca, ayaştan şni ciksuya waun ;

4 Wanciyaka nina wacin, istammihanpe ota aniu qon hena weksuya, hecen wowiyuşkin omajudan kta ;

5 Tohan wowacinye analibepica şni niye en niun kin he weksuye cinhan, he tokaheya nikunşi Lowis en un, qa nakun nihun Yunike en un, qa he niye en niun kin sdonwaya.

6 Heon etanhan kiksuyeciye kta, Wakantanka taku niçu kin, nape aciputake cin eciyatanhan, he amniheniçiye kta.

7 Wakantanka wokokipe woniya kin unqupi şni ; tuka wowaşake, wacantkiyapi, qa wacinksapapi woniya kin.

8 Hecen Itancan unkiyapi tawootanin kin on istece şni wo, qa nakun miye makaşkapi tawa waun kin ; tuka Wakantanka towaşake kin eciyatanhan wotanin waşte en wokakije kin en okicipa wo :

9 He iye ni unyanpi, qa wicakicopi wakan kin on unkiçopi, unkoħanpi kin eciyatanhan şni, tuka iye tawacin, qa towaonşida, maka icage cin itokam Jesus Messiya on unqupi qon he eciyatanhan :

10 Tuka wanna hdutanin, Jesus Messiya Wanikiya unkita-wapi taniniçiye cin on, he wiconçe iħangye ça, wotanin waşte kin en, wiconi qa tepica şni unpi kin iyoyanpa en au.

11 Heon eyanpaha qa yeşipi kin heca makagapi, Ikcewicaşta wowicawakiyake kte cin heon.

12 Qa he etanhan hena taku on iyotanhan iyewakiya ; tuka

imaştece şni. Tuwe wacinwakiye cin he sdonwakiye ça, taku ehna ke waşi kin hena anpetu wan u kte cin hehanyan miciyuha okihi sdonwaya.

13 Wicoie on zaniyan unpi nahonciye ciqon, wowacinye, wowaşte ko, Jesus Messiya en un kin he şinsa yuza wo.

14 Woniya Wakan unkiçipi un kin eciyatanhan, wicoħan waşte niçu pi qon he tanyan yuha wo.

15 Tona Asia en un kin owasin amayuştanpi kin he sdonyaya ; Phugellos qa Hermogenes he en opapi.

16 Onesiphoros tiyohnaka tawa kin Wakantanka onşikida nunwe ; iye ota micanpte ça makaşkapi kin on istece şni.

17 Qa Roma ekta hi qehan, nina omade qa iyemayan.

18 He anpetu kin he en Itancan kin etanhan wowaonşida iyeye kta e Itancan okihikiya nunwe ; Ephesos ekta taku tona on omakiye ciqon he tanyan sdonyaya.

WICOWOYAKE 2.

1 He etanhan, micinkşi, Jesus Messiya towaonşida kin he en wakişaka wo.

2 Qa miye etanhan taku nayahon, wicota yaotaninpi qon, hena wicaşta wacinyepica, tona tokan onspewicakiya okihi pi kin, hena wicaqu wo.

3 Qa niye nakun Jesus Messiya taakicita waşte kin iyecen taku tehika en waditaka wo.

4 Tuwe ozuye econ kinhan, he taku wiconi kin de wicoħan kin en ihdupemni şni, tuwe taakicitaye cin he iyokipiye kte cin heon.

5 Qa tuwe ohiye wacin econ kinhan, qa wakiconzapi kin ecen

II. TIMOTHEOS.

econ śni kinhan, he wateśdagki-
catonpi śni ece.

6 Wicaśta wakicanye cin he
litani kinhan, iye tokaheya taku
icage cin etanhan yute kta.

7 Taku epe cin he awacin wo.
Qa Itancan kin taku owasin
okañnihniyan nunwe.

8 Wotanin wašte mitawa kin
eciyanhan, Jesus Messiya, Da-
wid wicowazi tawa kin etanhan,
he wiconę etanhan ekicetuyapi
kin he kiksuya wo.

9 Qa iye on wicaśta wabotice
cin iyecen kakiśmayanpi, maka-
śkapi kin he en; tuka Wakan-
tanka oie kin he kaśkapi śni.

10 He etanhan tona wicaka-
lñigapi qon hena on taku owa-
sin iyowinwaya, hena e wiconi
Jesus Messiya en un kin he yu-
hapi kta, qa nakun owihanke
wanin wowitan kin.

11 Wicoie kin de wicakapi;
Iye kici unęapi kinhan, nakun
kici unnipi kta;

12 Iye on unkakijapi kinhan,
kici wicaśtayatapi unyakonpi
kta. Qa unkiye ehpeunyanpi
kinhan, iś eya ehpeunyanpi kta.

13 Qa wacinunyanpi śni ešta,
iye wacinyepica un, ihduecinśni-
yan kta okihi śni ce.

14 Hena taku kin kiksuyewica-
ye ęa, Itancan kin itokam, wi-
coie wawokihi śni, tona nañonpi
kin wicahnaye cin hena on aki-
nicapi kte śni e iwahokonwica-
kiya wo.

15 Wakantanka iyokipiyaye
kta, wicaśta wakage cin ištece
kta iyecece śni kin heęa e ni-
hdutanin kta, qa wowicake wi-
coie kin owotanna yapamni kta
e aięiciya wo.

16 Tuka iapi śica ecinśniyan
kin he nakicipa wo, he iyotan
wicośice ekta icalı aye kta.

17 Unkan wicoie tawapi kin

śiyaka śica wan iyecen wai-
hangye kta; Yumeneos qa Phi-
letos hena heęecapi;

18 Hena wowicake kin icunon-
pa iyayapi qa, Woekicetu kin
wana yuśtanpi ce, eyapi, qa
heon wanjikji wacinyanpi kin
etanhan wicayahomnipi.

19 Hececa ešta, Wakantanka
ahemde tawa kin sutaya he ęa
ipuspe kin de en un; Itancan
kin tona tawa wicaye cin hena
sdonwicakiya. Qa nakun, Tuwe
Messiya caje kin hoyekiye cin-
han, he woalitani ayuśtan kta
ce.

20 Tuka tipi tanka wanji ohna
mazaskazi, qa mazaska waksica
hecedan śni, nakun can, qa ma-
ka waksica ko yukan, hunłi taku
wašte, qa hunłi taku śica on yu-
hapi.

21 Hecen on, tuwe hena taku
kin etanhan itpakinte cinhan, he
waksica wašte kin heca kta, ece-
dan, qa Itancan kin wowinyunye
kta e iyokipi, qa wicoľhan wašte
owasin on yuśtanpi.

22 Kośka cantiheyapi śice cin
hena nakicipa wo; tuka wicoo-
wotanna, wowacinye, wacantki-
yapi, wookiye ko, henakiya tona
cante ecedan on Itancan ceki-
yapi kin hena om en opa wo.

23 Tuka wiwangapi okañnih-
pięa śni ecinśniyan kin hena en
yeięiye śni wo, hena wicokicize
kaga e sdonyaya.

24 Unkan Itancan taokiye kin
he wicakis un kte śni; tuka
owasin en wahbayedan un kta,
waonspekiye ęa, wawacinkta
yuza tanka kta:

25 Qa tona tokaięiya unpi kin
hena iwahnana wahokonwica-
kiye kta, okinni Wakantanka
ihduecetupi wicagu kta, hecen
wowicake kin iyukanpi kta.

26 Qa hecen, tona Wakansica

WICOWOYAKE 4.

tohan cin eca, wayaka awicahda ece kin hena mazalitakiyapi tawa kin etanhan ihdušpapi kta.

WICOWOYAKE 3.

1 He de sonya wo, anpetu ihankeya kin en taku tehika e u kta.

2 Hehan wicašta kin wašteičidapi kta, mazaska waštedakapi, wamnaičidapi, wahaničidapi, hunkakeyapi kin anawicakigoptanpi šni, wapidapi šni, owotapidan šni ;

3 Cinca cantekiyapi šni, woope kicaksapi, waaiapi sa, iyatahdeičiyapi sa, ohitičidapi, qa taku wašte šicedapi ;

4 Wicahnayanpi sa, wacinkopi, watankaičidapi, magagaičiyapi kin he iyotandapi, qa Wakantanka iyotandapi šni.

5 Wakantanka awacinpi kin wiyacinpi kin yuhapi, tuka wowašake kin he wicadapi šni ; tona hececapi kin hena etanhan ihdamna wo.

6 Hena hececapi kin tipi nahmana tin ipi, qa winohinca wacintonpi šni, woahani hdušakapi, qa šicaya wacin yuzapi on icunonpa ayapi ;

7 Ohinniyan waonspeičiciyapi keš wowicake sonyapi kin ehan ipi okihipi šni kin wayaka awicayapi ece.

8 Unkan, Jannes qa Jambres hena Moses kici akinicapi qon he iyecen, dena iš eya wowicake kin en ibotopi, wicašta tawacin šicapi, qa wacinyanpi kin ayušanpi.

9 Tuka dena e sanpa iyoopta aye kte šni, witkotkopike cin owasin en tanin kta, hena e qe econpi qon iyececa.

10 Tuka niye wowaonspekiye mitawa kin tanyan sonyaya,

miohan kin, token mičiconze cin, wacinwaye cin, wawacin kta mduza tanka kin, wacanwakiye cin, wahbayedan awape kin,

11 Tehiya makuwapi kin, makakije cin, tona mahiyahde kin, Antiyoka ekta, Ikoniyon ekta, Lustra ekta, hena šicaya makuwapi kin mahiyahde ; unkan owasin etanhan Itancan kin emahdaku.

12 Qa tona Jesus Messiya en owotanna ohianyan cinpi kin hena owasin šicaya wacakuwapi kta.

13 Tuka wicašta šica, wicahnayanpi sa ko, hena sanpa šicapi kta, wicahnayanpi qa nakun hnayanpi kta.

14 Hececa tuka niye qe taku onnispe, qa wicayada kin hena en un wo, tokiya tanhan onnispe kin he sonyaya.

15 Qa honikšiyooqopa kin ehan tanhan Wowapi wakan sonyaya, he niniyan on ksamniye kta okihi, Jesus Messiya wacinyanpi kin eciyatanhan.

16 Wowapi wakan ocowasin Wakantanka Taniya kin eciyatanhan, qa waonspekiyapi, wiyopeyapi, owotanna kagapi, qa wicohan wašte en onspewicakiye cin he okihi.

17 Hecen Wakantanka wicašta tawa kin ecedan un kta, qa wicohan wašte owasin on hduštanpi kta.

WICOWOYAKE 4.

1 Heon, Wakantanka itokam, qa Jesus Messiya Itancan kin, tona nipi tapi ko wicayaco kta, tohan wokiconze hduha hi kinhan, he nakun itokam wahokonciciya ;

2 Wicoie kin oyaka wo, tohan

II. TIMOTHEOS.

oiyokipi, qa nakun oiyokipi śni ešta, handitaiçiya, wo. Owotanna wicakage wacin, iyope-wicaya, wahokonwicakiya wo, woonspe qa wawacinkta yuzapi tanka kin on.

3 Anpetu wan u kte cin he tohan hi kinhan, woonspe wašte kin aktapi kte śni, tuka iye wicotawacin śice cin eciyatanhan waonspekiyapi kin awicakitapi kta, noge yaşpuyapi se iyececa heon etanhan.

4 Qa nogepi kin wowicake kin etanhan hduhompni, qa hitunkakanpi kin ekta ihdoyapi kta.

5 Tuka niyeqe taku owasin en wakta yaun kta, wicokakije en waditaka wo; wotanin wašte oyakapi wicoĥan kin ecen econ wo; wicoĥan duhe cin he hduştan wo.

6 Wanna wamihduşna kta iye-micihanu, qa wahde kte cin he wanna kiyadan ihan.

7 Okicize wašte kin ecamon, woinyanke kin ihuniwakiya, wacinyanpi kin he hduha waun;

8 Qa tokata, woowotanna wateşdake wan mihnakapi, he Itancan wayaco owotanna kin maqu kta, anpetu kin he en; qa miye mişnana śni, tuka tona iye taniniçiye kte cin waştadakapi kin hena owasin koya.

9 Kohanna en mayahi kta nina açiciya wo.

10 Demas he amayuştan, wiconi kin de waştedake ça Thessalonike ekta kihda, Kreskes Galatia ekta, qa Titos Dalmatia ekta.

11 Lukas kicişnana waun; Markos icu qa kici u wo, he iye wicoĥan kin de en omakiya ece.

12 Tucikos Ephesos ekta ye waşi.

13 Yau kinhan, Troas ekta Karpos śina emicihnake waşi qon he au wo, qa nakun wowapi kin hena, tahasaka owapi kin hena iyotan.

14 Aleksander mazazi kage cin he taku śica ota iyamaonpa; iye oĥan kin on Itancan kin kici-cajuju nunwe.

15 He on waktaya un wo; wicoie unyaotaninpi qon he nina kipajin.

16 Tokaheya wowahdake ci-qon he ehan tuwedan micica śni, qa owasin inamatanpi, he wicakiciyawapi śni nunwe.

17 Tuka hececa ešta, Itancan kin mici inajin, qa waşagmaye, ça hecen miye on woyakapi kin tanyan sdoniyapi kta, qa Ikcewicasta kin owasin naĥonpi kta; qa mnaja i kin etanhan emahdakupi.

18 Nakun Itancan kin wicoĥan śica owasin etanhan emahdaku kta, qa wokiconze maĥipiya ekta un kin he en nimaye kta. He iye wowitan owihanke wanin kiciun nunwe.

19 Priskila qa Akula napewicayuzawa wo, qa nakun Onesiphoros tiyohnaka tawa kin.

20 Erastos Korinth ekta yan-ka. Miletos ekta Trophimos wayazanka elipeya wahdicu.

21 Nahahin waniyetu śni u kte ĥinca wo. Yubulos nape niyuzawa, qa nakun Pudens, qa Linos, qa Klauda, qa hunkawanjin kiciyapi kin owasin.

22 Jesus Messiya Itancan kin ninagi kici un nunwe. Wowo-sonşida nicipi un nunwe. Amen.

TITOS WOWAPI KICAGE CIN.

WICOWOYAKE 1.

1 Palos Wakantanka taokiye, qa Jesus Messiya yeši qon, tona Wakantanka wicakahniga, wacinyanpi kte cin heon, qa wowicake wicohan wašte en un kin sdonyapi kte cin heon;

2 Qa owihanke wanin wiconi opapi kte cin, Wakantanka itonšni okitpani, maka kagapi kin itokam iwahounyanpi qon he on;

3 Tuka wanna iyehantu qehan, cyanpahapi kin on oie kin hdatanin, he miye maqupi, Wakantanka Wanikiya unkitawapi kin he eciyatanhan;

4 Titos, witaya wacinyanpi kin he eciyatanhan cinkšwaye cin; Wowaste, wowaonsida, wookiye ko, Wakantanka Ateyapi kin etanhan, qa Jesus Messiya Itancan Wanikiya unhapi kin eciyatanhan kiciun nunwe.

5 He etanhan Krete en yanke ciši, taku tona yuštanpi šni kin hena wiyeya eyahnake kta, qa otonwe otoiyo hi en hunkayapi wicayakage kta e on; token ccon ciši qon iyececa.

6 Tuwe iyaonpepica šni kinhan, wicašta tawicu wanjidan, qa cinca wacinyanpi wicahduhe cin, wicakis unpi ewicakiyapi qa wanahonpi šni kin hececapi šni;

7 Waawanhdake cin he takudan iyaonpepica šni un kta, he Wakantanka taokiye kin ee; isnana wacin en ihduze šni, wa-

cinko šni, miniša en iyeiciye šni, ohitiicida šni, qa mazaska nina akite kte šni;

8 Tuka oicimani kin onšiwicada kta, qa taku wašte kin waštedake kta, wacin ksapa un kta, qa owotanna, wacantkiya, qa iyatahdeiciye šni un kta;

9 Qa token onspekiyapi qon he iyecen wicoie oyakapi kin sutaya hduhe kta, hecen woonspecedan kin on wahokonwicakiya okihi kta, qa tona kipajiničiyapi kin hena iyopewicaye kta.

10 Wicašta wicaštapi šni, qa witkoya iapi, qa wicahnayanpi kin heca ota, tona bakihdayapi etanhanpi kin hena iyotanpi.

11 Hena iohmus wicayapi kta iyececa; hena e qe tiyohnaka ocowasin yaptanyan iyewicayapi, qa mazaska wahtešni kin on taku iyecetu šni kin onspewicakiyapi ece.

12 Iyepi kin etanhan waayate wan heye ciqon; Krete oyate kin ohinniyan itonpišni, wamanica ocinšice cin, qa wicatezi kuja kin hecapi ce.

13 Wayaotanin kin he wowicake. He etanhan nina iyopewicaya wo, hecen wacinyanpi kin en ecedan unpi kta:

14 Qa hecen Juda oyate hitunkakanpi yuhapi kin, qa wicašta akantu wope kagapi kin wowicake kašeye cin hena awacimpi kte šni.

15 Tona ecedan unpi kin hena taku owasin ecedan yuhapi, qa tona ašapapi qa wicadapi šni kin

TITOS.

hena taku ecedan kin takudan yuhapi śni, tuka tawacinpi nagipi ko hena ee kaeś aśapapi.

16 Hena iś Wakantanka sdon-yapi keyapi, tuka wicoľian on aktapi śni, waľitepi śni, wanaľionpi śni, qa wicoľian wašte owasin en wacintonpi śni.

WICOWOYAKE 2.

1 Tuka niye qe taku woonspe ecedan en iyokipi kin hena ecen oie ya wo.

2 Wicašta tankapi kin hena waktaya unpi kta, mdesahan wacin ksamyā unpi kta, wacinyanpi, wacantkiyapi, wacintan-kapi ko en ecedan unpi kta.

3 Qa winolinca tankapi kin iś eya winolinca wašte iyecen oľhanyanpi kta, waaiapi kte śni, miniśa ota en iyeiĉiyapi kte śni, qa taku wašte onspe wicakiyapi kta :

4 Hecen wikośka kin ksamwicayapi kta, wicašta yuhapi cinca ko wašte wicakidapi kta ;

5 Wacin ksapapi kta, ecepidan, tipi awanhdakapi kta, waštēya unpi kta, hihnakupi kin anawicakigoptanpi kta ; hecen Wakantanka oie kin yaśicapi kte śni.

6 Kośka kin iś nakun wacin ksapapi kte cin iwahokonwicayapi wo.

7 Qa taku owasin on wicoľian wašte kin en waonspekiya nihdutanin kta ; woonspe kin en wayuśice śni, wacinksapa, owotanna ;

8 Qa iapi ecedan qa iyaonpepica śni kin he nun kta ; hecen tuwe itkopatanhan un kinhan, he ištece kta, taku śica takudan aniie kta okihi śni kin heon.

9 Tona wowidake un kin hena itancan wicayuhapi kin anawi-

cakigoptanpi kta, qa taku owasin wakinicapi wanin iyokipi wicayapi kta ;

10 Takudan nahmana icupi śni, qa wacinyanpi wašte ocowasin en ihdutaninpi kta. Hecen taku owasin on, Wakantanka Wani-kiya unhapi kin tawoonspe kin he tanyan yuhapi kta.

11 Wakantanka towaonśida wicašta owasin wiconi wicakahi kin he wanna tanin ;

12 Wakantanka aktapi śni, qa wicoicage cantiheyapi kin hena elipeunyanpi kta, qa nakaha wiconi kin en, wacinksamyā, owotanna, wakanyan unnipi kta e onspeunkiyapi.

13 Qa wacinyanpi wašte ape unyakonpi kta, Wakantanka iyotan tanka, qa Jesus Messiya Wani-kiya unhapi kin he wowitan hduha taniniĉiye kte cin hee.

14 He unkiyepi on iĉiĉu, woahitani owasin etanhan opeunkitonpi kta, qa oyate tawawicaye kte cin wicoľian wašte nina ľin akitapi kte cin hena wicahduska kta e heon.

15 Hena wicoie kin hecen oie ye ĉa, wahokonwicakiye ĉa iyopewicaya wo. Ilnuhan tuwe śicenidake cinhan.

WICOWOYAKE 3.

1 He kiksuyewicaya wo, taku itancanpi qa wicowaśake kin hena ihukun iyeiĉiyapi kta, wicaštayatapi kin anawicagoptanpi kta, qa wicoľian wašte owasin econpi kta, on wiyeya yukanpi kta.

2 Tuwedan yaśicapi kte śni, qa wicakizapi kte śni, tuka walibayedan unpi, qa wicašta owasin on wacin tankapi kta.

3 Ehanna unkiś eya wacin untonpi śni, qa waanaungoptanpi

PHILEMON.

śni, unhnayanpi, qa cantiheyapi śica ota, qa iyokipiīyapi kin en wowidake unyakonpi, wocanniyey, icekinpi ko en unnipi, wahte śni unyakonpi, qa otoiyo hi śiceunkicidakapi.

4 Tuka hehan Wakantanka Wanikiya unkitawapi kin he towašte, qa wacantkiye cin wicašta kin en yutaninpi qehan;

5 Wicoħan owotanna econkupi kin eciyatanhan śni, tuka iye towaonśida kin eciyatanhan niunyanpi; teca wicatonpi woyujaja kin on, qa Woniya Wakan wicayuteca kin heon etanhan;

6 He Jesus Messiya Wanikiya unkitawapi kin eciyatanhan iyakičuya unkakaštanpi kin.

7 Hecen iye towaonśida kin on etanhan unyaowotanpidan kinhan, wiconi owihanke wanica unkapepi kin eciyatanhan, taku iye tawa kin he tawaunyanpi kta.

8 Iapi kin he wowicake; qa heon hena taku kin ohinniyan yasutaya iyae kta wacin; tona Wakantanka wicadapi kin hena wicoħan wašte wacin ksamya opapi kta. Hena taku wašte, qa wicašta kin en wawokihi.

9 Tuka witkoya wiwangapi, qa

wicoicage oyakapi, qa wawakipajinpi, qa woope akinicapi kin hena okamnayan ya wo; hena takudan okihi śni qa ecinśniyan un.

10 Wicašta waakinica un kin he wancadan, qa inonpa iyopeyapi kin, ihakamya heyata iyeya wo.

11 Tuwe hecece cinhan, he wanna yuptanyanpi, qa woahitanicon, qa iye atayedan ihdaco kin he sdonyaya.

12 Tohan niye ekta Artemas, qa is Tucikos ye waši kinhan, kohanna Nikopolis ekta en mahi kte linca wo; hen waniyetu waun kta mičiconza.

13 Zenas woope aie kiyapi kin he, qa Apollos icimani ipi kinhan, takudan icakije śni tanyan iyoopteya yewicakiya wo.

14 Qa tona unkicicapi kin hena wicoħan wašte aičiciya econpi kta, wicakijapi kin owicakiyapi kta, qa hecen waskuyeca icaliyey śni yukanpi kte śni.

15 Tona micicapi kin hena owasin nape niyuzapi. Tona wacinyanpi kin eciyatanhan wašteundakapi kin hena nape wicayuya wo. Wowaonśida niyepi owasin en nicipi un nunwe. Amen.

PALOS

PHILEMON WOWAPI KICAGE CIN.

1 Palos, Jesus Messiya on, kaska hnakapi kin he, qa Timotheos sunkaunyanpi kici, Philemon wašte unkidapi qa ounkiyapi ece kin,

2 Qa nakun Apphia wašteundakapi kin, Arcippos kici ama-

kicita kin he kici, qa yati ohna okodakiciye kin, *witaya wowapi unnicagapi* :

3 Wowaonśida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

PHILEMON.

4 Wocekiye epa eca, ohinniyanyan ciksuye ça, on Wakantanka wopida ewakiya ece :

5 Jesus Itancan kin wacinyaye ça wašte yadaka, nakun tona owotanna un kin owasin, he nawañon kin heon ;

6 Hecen wacinyaye cin owicayaqu kin he sanpa wašaka aye kta, on taku wašte owasin, Jesus Messiya eciyatanhan, unkiyepi en un kin he yutaninpi kta.

7 Mihunkawanji, wacanyakiye cin heon nina unkiyuškinpi, qa unkicanptapi, tona owotanna un kin hena cantepi kin iyuškinwicayaye cin heon etanhan.

8 Qa heon taku iyokipi kin Messiya en itancanyan econ ciši kta owakihi :

9 Tuka wacantkiyapi kin eciyatanhan ceciciya ce, Palos he miye, wanna wimacahinca, qa nakaha Jesus Messiya on kaška mahnakapi waun.

10 Hecen Onesimos micinkši, makaškapi kin icunhan micinca wakage cin hee on ceciciya.

11 He ehanna takudan nicamna šni, tuka nakaha miye omakiye ça nakun niye oniciya okihi. He nakaha hde waši.

12 Niye he iyowinkiya wo, minagi kin hee kaeš iececa.

13 He yuha waun kta wacin, wotanin wašte kin on etanhan makaškapi icunhan niye eekiya omakiye kte cin heon.

14 Tuka token yacin kin sdonye šni waun takudan ecamon kte šni ; taku wašte econ nišipi kin he iyecen ecanon kte šni, tuka niye cinka econ wacani kta he *wacin*.

15 He iye anpetu tonana ani-

yuštan, ake ohinniyanyahduhe kta heon etanhan hecon naceca.

16 Wanna wowidake unpi kin iyecece šni, tuka wowidake kin ikapeya wašte, hunkawanjinkiciyapi waštekidapi kin iyecen ; miš hecen wacin wakiyuze cin, niye iyotan hecen wacin yakiduze kta, wicacehpi qa Itancan kin nakun eciyatanhan hunkawanjinyaye kta.

17 Kodayapi iyecen mayaduha hecinhan, he miye iyecen ake ehdaku wo.

18 Taku icakišniye ça, taku iyohiniciyiye šni hecinhan, he miciyawa wo.

19 Palos he miye, minape kin on de owawa, he miye wakajuju kta. Qa taku miyecicajuju šni, niye atayedan ocowasin yaun kin he caje mdate šni.

20 Han, mihunkawanji, Itancan kin en niye on imduškin kta ; Itancan kin en micante kin iyuškinmayan wo.

21 Waanayagoptan kta imdukan, heon wowapi cicaga ; qa epe cin sam iyeya ecanon kta sdonwaya.

22 Tipi tukten manke kte cin he nakun wiyeya emicihnaka wo ; wocekiye ehapi kin on etanhan niyepi on makiyuškapi kta epca waun.

23 Epaphras, Jesus Messiya on, kici makaškapi kin he nape niyuza ;

24 Qa Markos, Aristarkos, Demas, qa Lukas micihitanipi kin hena nakun.

25 Jesus Messiya Itancan unkiyapi towaonšida kin ninagi kin kici un nunwe. Amen.

PALOS

HEBREW OYATE

WOWAPI WICAKICAGE CIN.

WICOWOYAKE 1.

1 Ehanna, Wakantanka toktogye, otakiya wicašta wokcan kin eciyatanhan hunkake wicunyanpi kin wowicakiyake cion, he, anpetu ehake kin dena icunhan, iye Cinhintku kin eciyatanhan wounkiyakapi ;

2 He on woicage kin owasin kage ça, he taku owasin tawaye kta e ehde :

3 He iye towitan okitanin, qa ouncage okagapi hince cin hee, iye towašake oie kin on taku owasin hduha yanka, he is iye eciyatanhan waunhtanipi wopakinte kage çehan, Taku iyotan tanka wankan yanke cin he etapa kin en kiyotanka.

4 He iye caje wan małpiya ohnihde kin isanpa wašte aihpeyapi qa yuhe cin, he iyecen sam iyeya wašte.

5 Micinksi kin he niye, anpetu kin de cinca cicaga ce, małpiya ohnihde kin tukte wanji eciya he. Qa ake, He atemaye kta, qa miye cinksiwaye kta ce.

6 Unkan, tokapa kin he wicoicage kin ekta hiyuye çehan hecen eya, Wakantanka ohnihde wicaye cin owasin he itokam canpeška makehde enajin kta ce.

7 Qa małpiya ohnihde kin hena on kaken eya, He tateyanpa kin ohnihdeye ça, peta ide kin wowidakeya ece.

8 Tuka Cinhintku kin heciya,

Wakantanka, oiyotanke nitawa kin he owihanke wanica ; nito-kiconze mazasagye kin he maza-sagye owotanna ;

9 Woowotanna wašteyadake cin heon Wakantanka, nita Wakantanka kin, tona nitawaši kin hena isanpa wowiyuški kin wihdi on sdaniyan ce.

10 Qa, Itancan, otokahe ekta maka ahe cin eyahde, qa ninape kage cin małpiya kin hee ;

11 Hena yutakuni šni aye kta, tuka niye ecen yaun ; owasin onhoħda wan iyecen kuke kta ;

12 Qa šina wan iyecen pehan eyahnake ça, hecen yutokecapi kta ; tuka niye okonniwanjidan, qa waniyetu nitawa kin owihanke kte šni ce.

13 Tuka ohnihdewicaye cin tukte wanji e, Mietapa kin en iyotanka wo, tona toka niyanpi kin hena nisiha woahde kin en ewicawahnake kta ce, eciya he.

14 Hena owasin taku wakan wawokiya, tona wiconi aihpewicayapi, qa tawapi kte cin hena owicakiyapi kta e u wicašipi qon hena eepi šni he.

WICOWOYAKE 2.

1 Heon etanhan taku naunhionpi kin hena tohinni unkikusipi kte šni e on sutaya awauncinpi kta.

2 Wicoie małpiya⁴ ohnihde oyakapi qon he suta, qa tona anagoptan šni, qa he kašeye cin

hena owasin iyacinyan woyaco owotanna icupi hecinhan ;

3 Unkiye wiconi hinsko tanka kin unkaktapi šni kinhan, token naunpapi kta he. He tokaheya Itancan kin oyake a, tona nahonpi kin hena atayedan unkokiyakapi :

4 Wakantanka is eya, iye tawacin kin eciyatanhan, wicakiciyaotanin, wowapetokeca taku on yušinyewicaye cin hena ko, wašagya econpi ota, a Woniya Wakan wicakipamni kin hena on etanhan.

5 Wicoicage u kte cin cajeunyatapi kin he mašpiya ohnihde kin yuhewicakiye šni.

6 Tuka wanji tukten yaotanin a heya, Wicašta kin he taku he, on yeksuye kta he ; a wicašta cinhintku kin, hecen awanyahdaka he :

7 Mašpiya ohnihde kin kitanna ihukuya yakage a, wowitan, woyuonihan ko watešdake yecaton, a taku nape on yakage cin hena yuheyakiya :

8 a iye siha kin ihukuya taku owasin eyahnaka. Taku owasin iye ihukuya ehna ke cin, hecen taku ihukuya ehna kapi šni kin takudan okapte šni. Tuka nakaha nahahin taku owasin ihukuya ehna kapi kin wanunyakapi šni.

9 Tuka Jesus wiconte kakijapi kin on, mašpiya ohnihde kin kitanna ihukuya kagapi kin he wowitan, woyuonihan ko watešdag kiton kin he wanunyakapi, hecen iye, Wakantanka towaonšida kin eciyatanhan, wicašta kin owasin on wiconte sdoney kta.

10 Tuwe iye tan tanhan taku owasin un, a iye on taku owasin un kin he cinca ota wowitan ekta wicahdoye kte cin on, wi-

coni tawapi kte cin mdetahunka kin he wokakije on ecedan kage kta e iyokipi.

11 Hecen tuwe wicayuecedan, a tona yuecepitan kin hena owasin okonwanjipidan ; heon etanhan hena hunkawanjin wicakiya kewicakiye kta istece šni ;

12 a hecen eya, Nicaje kin mihunkawanji owicawakiyake kta, a okodakiciye kin cokata icidowan kta ce.

13 a ake, He wacinwaye kta ce. a ake, Iho, miye, a cinca Wakantanka maqu kin hena.

14 Cinca kin hena wicacešpi, a wicawe kin en opapi kin heon is iye hena en opa ; hecen tuwe wiconte wowašake yuhe cin, Wakanšica hee, e ihangye kta ;

15 a tona tohanyan ni unpi kin hehanyan wiconte ikopapi kin on wowidake unpi kin hena ewicahdaku kta.

16 Awicakehan mašpiya ohnihde kin he koyake šni, tuka Abraham cinca kin hecen ihduza.

17 Heon etanhan taku owasin en, iye hunawanjinwicaye cin iyecen ikicage kte cin he hecetu ; hecen taku Wakantanka tawa kin en, Wawayušna Itancan waonšida, a wicake kta, a oyate wahtanipi kin on wookiye wicakicage kta.

18 Iye, iyutanyanpi kin on, atayedan kakije cin, heon etanhan tona iyutanwicayapi kin hena ewicahdaku kta okihi.

WICOWOYAKE 3.

1 Heon, mihunkawanji wakan, mašpiya tanhan wicakico kin en oyapapi kin, wounhdakapi kin on Jesus Messiya yešipi a Wa-

WICOWOYAKE 4.

wayuŝna Itancan kin he awacin po.

2 Moses tipi ocowasin ohna owotanna un kin, he iyecen iye qe tuwe econ ŝi qon owotanna eakicon.

3 Tuwe ticage cin he tipi kin sam iyeya yuonihanpi ece kin, he iyecen he qe Moses kapeya wowitan tanka yuha.

4 Tipi otoiyohi tuwe kaga ; tuka tuwe taku owasin kage cin he Wakantanka ee.

5 Moses wowidake un kin heca, tipi tawa ocowasin ohna wacinyepica un, taku oyakapi kte cin hena yaotanin kte cin heon.

6 Tuka Messiya, iye ti kin ocowasin ohna, Cinhintkuyapi kin iyececa ; tipi tawa kin he unkiyepi, waditagya wounhdakapi, qa wowiyuŝkinyan wacinunyanpi kin he owihanketa ŝinsa unhapi kinhan.

7 Heon etanhan, Woniya Wakan kin kaken eya, Anpe dehan iye ho kin nayaŝonpi kta hecinhan ;

8 Cante ihdutehipi ŝni po, hepuza en, anpetu wawiyutanyan un kin en, wawakipajinpi qon iyecen ;

9 Nihunkakepi iyutanmayanpi, qa mayukcanpi, qa waniyetu wikcemna topa hehanyan miohan kin wanyakapi ce.

10 Heon etanhan wicoicage kin he on iyomayake ca, hepa, Cantepi kin ekta ohinniyan nunipi, qa mitacanku kin sdonyapi ŝni ce.

11 Hecen ŝinwahda qa, Okihpapi mitawa kin en yapi kte ŝni ce, eya wakonza.

12 Mihunkawanji, wakta po, okinni cante wicada ŝni, qa ŝice cin en niunpi, on Wakantanka ni un kin aduŝtanpi kta.

13 Tuka anpetu otoiyohi waho-konkiciciya po, anpe dehan eyapi kin hehanyan ; okinni woahtani wohnye kin on wanji tukte niyutehipi kta.

14 Tokaheya wicaundapi kin he owihanketa sutaya unhapi kinhan, Messiya en ounpapi.

15 Anpe dehan, iye ho kin nayaŝonpi kinhan, cante hdutehipi ŝni po, wawakipajinpi qon en iyececa ce, eyapi kin hehanyan.

16 Tona naŝonpi qon hena kipajinpi he : tuka Moses tona Egipta etanhan awicau qon hena owasin ŝni he.

17 Tona waniyetu wikcemna topa hehanyan iyoyakeyapi qon hena tuwepi he ; tona wahtanipi, qa hepuza en tancan ihpayaipi qon hena eepi ŝni he.

18 Qa okihpapi tawa kin en yapi kte ŝni, konza kewicakiye ciqon hena tuwepi he ; tona wicadapi ŝni qon hena eepi ŝni he.

19 Hecen wicadapi ŝni kin heon en yapi kta okihipi ŝni e wanunyakapi.

WICOWOYAKE 4.

1 Hecen okihpapi kin de en unkopapi kta e iwahounyanpi kin, heon niyepi kin wanjikŝi iyoyahipi kte ŝni se ececa e ikounpapi kta.

2 Wotanin waŝte kin unkokiyakapi, iŝ iyepi kin iyececa ; tuka wicoie naŝonpi qon he owicakiye ŝni, tona naŝonpi kin wowacinye icicahiyapi ŝni kin heon etanhan.

3 Tuka tona wicaundapi kin okihpapi kin en ounpapi kta ; heye ciqon iyececa ; ŝinwahda on okihpapi mitawa kin en opapi kte ŝni ce, epa ce ; maka icage cin hehantanhan wicolian kin yuŝtanpi tuka.

4 Tukten anpetu ísakowin kin he ke ça hecen eya, Anpetu ísakowin kin he Wakantanka okihipa, taku kage cin owasin etanhan.

5 Qa hen ake, Okihpapi mitawa kin en opapi kte śni.

6 Heon etanhan, hunli en opapi kte cin he tokata ihan, qa tona tokaheya wotanin wašte owicakiyakapi qon hena wicadapi śni kin heon en opapi śni.

7 Ake anpetu wan ke ça Dawid en heya, Anpe dehan, iye ho kin nayahonpi kinhan, cante hdutehipi śni po.

8 Jośuwa okihpe wicakiya unkanś, he iyohakam anpetu tokeca caje yate kte śni tuka.

9 Hecen Wakantanka taoyate kin okihpapi wan wicakicihan.

10 Tuwe okihpapi en ope cin he wanna tohtani kin ayuśtan, Wakantanka iye tawa ayuśtan qon iyececa.

11 Heon etanhan wookihpe kin he en unkopapi kta e amniheunkiciyapi kta, okinni wicadapi śni qon he iyecen tuwe ihpaye kta naceca.

12 Wakantanka oie kin he ni un, wawokihi, qa mazasagye anog ope kin he isanpa pe hinca, wicanagi, wicaniya kici iyotahedan capa iyaye ça, okihepi cupe ko kicakse ça, wicotawacin wicacante wacin yuze cin hena koya iyukcan ece.

13 Qa taku kagapi kin takudan iye ísta kin en analibepica śni; tuwe oicazo unqupi kin he ísta kin en taku owasin tancodan qa śdayehnahan yanka.

14 Heon Wawayuśna Itancan tanka wan, Jesus Wakantanka Cinhintku, mahpiya kin ekta iyaye cin hee unhapi kin heon wounhdakapi kin he sutaya unhduzapi kta.

15 Wawayuśna itancan kin, unkiye unkakijapi kin en unkicanptapi kta okihi śni kin heca unhapi śni, tuka iye taku owasin on iyutanyanpi, unkiye iyeuncecapi, tuka woahitani codan un.

16 Heon etanhan wowašte oi-yotanke kin en waditagya un-kupi kta, hecen wowaonśida un-kicipi kta, qa tohan uncinpi eca wowašte wawokihi kin iyeunyanpi ece e kta.

WICOWOYAKE 5.

1 Wawayuśna itancan otoiyo-hi, wicašta etanhan icupi kin, he Wakantanka taku tawa kin en, wicašta on etanhan ehdepi, taku kiciçupi, woahitani on wośnapi kin hena ko wayuśna kta e heon.

2 Tona onspepi śni, qa canku icunom yapi kin hena onśiwicada kta okihi, íś iye wookihi śni aohduteyapi nakaes.

3 Qa heon oyate kin on wośna ece kin, he iyecen íś iye woahitani econ kin on taku wayuśna ece kta.

4 Qa tuwedan iye cinka wowitzan kin de icu śni, tuka, Aaron iyecen, Wakantanka tuwe kico kin hecedan.

5 He iyecen, Messiya íś eya Wawayuśna itancan kta e ihdutan śni; tuka tuwe, Micinksi kin he niye, anpe dehan cinca cicaga ce, eciye ciqon hee hecon.

6 Qa nakun tokan en kaken eya; Melkizedek ouncage kin iyecen Wawayuśna owihanke śni kin henica ce.

7 He qe anpetu wicacelipi en un qehan, wocekiye, wokidapi ko eye ça, ísta mnigaga nina hoyekiye ça, tuwe wiconte etanhan ehdaku kta okihi kin he ce-

WICOWOYAKE 6.

kiye ça, kokipeyahan un kin, heon nahonpi.

8 Qa Cinhintku kin hee kaeś, taku token kakije cin on' woanagoptan onspeiciciya.

9 Qa iye yuśtanpi kin heon tona anagoptanpi kin owasin owihanke wanin wiconi kin wicakicaga.

10 Melkizedek ounce kin iyecen, Wawayuśna Itancan, Wakantanka keciye cin.

11 Wicaśta kin he on taku ota unkoniciyakapi kta, tuka oyakapi tehika, wanañon yahunkapi śni nakaeś.

12 Hinnakaha waonspekiya henicapi kta, tuka nahalin tuwe Wakantanka oie oowa tokaheya kin hena akta onspeniciyapi kta e iyenihantupi, qa tona asanpi ece cinpi, qa waconica yun okihipi śni kin hee en iyoniptapi.

13 Tuwe kaśta asanpi ece yute cinhan, he wicoowotanna wicoie kin en wayupike śni, nahalin hokśiyogopa nakaeś.

14 Tuka tona tankapi, qa wana taku utapi on tanyan ihduśtanpi, taku waśte, taku śica ko iyukcanpi kin, hena waconica yutapi ece.

WICOWOYAKE 6.

1 Heon etanhan Messiya wonspe tokaheya tawa kin he hekta ehpeunkiyapi, qa woyuśtan ekta unyanpi kta; wiconťe wicoñan on iyopeciayapi, qa Wakantanka wacinyanpi kin taku ahe cin akta eunhdepi kte śni;

2 Baptem eyapi woonspe kin, qa nape on awicaputakapi, qa wicaťe cin ekicetuwicayapi, qa woyaco owihanke wanice cin hena koya.

3 Unkan Wakantanka iyowin-

unkiyapi kinhan, hecen econkupiki kta.

4 Tona wancadan iyoyanpapi, qa malipiya tanhan taku wicaqupi kin he utapi, qa Woniya Wakan kin etanhan okinipi;

5 Qa Wakantanka oie waśte kin he utapi, wiconi u kte cin wowaśake kin nakun;

6 Hena ayuśtanpi hecinhan, ake piya iyopeciye wicakiyapi kte cin he okihipica śni; iye atayedan Wakantanka Cinhintku can susbeca en piya okatanpi, qa taninyan wowiśtenyapi kin heon etanhan.

7 Maka kin ota amagaju kin he yuñepe ça, tona kicanyanpi kin hena on taku peji iyecetuya aicage cin he Wakantanka yuwaśte.

8 Tuka taku takanheca hu, qa wapepeka aicage cin he ehpeyapi, qa yaśicapi kte cin kiyadan ihan, he owihanketa hulinage kta.

9 Tuka, waśtecicidapi kin, hena hecen unkeyapi eśta, niyepi kin on taku sanpa waśte qa wiconi en ope cin hena en niunpi e sdonunyanpi.

10 Wakantanka owotanna, qa heon wicoñtani, qa wowaśte wokicanye nitawapi, iye caje kin on ecanonpi, tona owotanna un owicayakiyapi, qa nahalin owicakiya dukanpi kin he akintonje kte śni.

11 Unkan niyepi otioyohi owihanketa, woape woyuśtan kte cin hehanyan iyecen amniheniciyapi kta uncinpi.

12 Qa nikujapi kte śni, tuka tona wicadapi, qa wacintankapi on, taku iwahowicayapi qon wanna yuhapi kin, hena owicayapapi kta.

13 Wakantanka Abraham taku iwahoye çehan, taku sanpa tan-

HEBREW.

ka cajeyate kta wanica, heon iye atayedan cajehdata ;

14 Qa heya, Awicakehan wo- wašte on ciyawašte kta, qa yuo- tapi kin on yuotaciye kta ce.

15 Unkan wahibayedan ape yanke cin he iyohakam taku iwahoyapi qon ekicicetu.

16 Wicašta akantu taku iyotan tanka cajeyatapi ece; qa wokon- ze woyusuta kte cin he waaki- nicapi owasin en woanapte kin hee.

17 He en, Wakantanka, tona taku iwahoyapi qon tawapi kte cin hena en, iye tawacin yuho- hopica šni kin he iyotan sdonye wicakiye kta cin, qa heon wo- konze on hdusuta.

18 Heon taku nom yutokeca- picapica šni, en Wakantanka iton- šni okihipica šni kin hena taku kin on etanhan, tona woape un- kitokam ehdepi kin en onaunpa- pi kin wicakicanpte wan waša- ka unhapi kta.

19 He unhapi, wicanagi taku on aspeiçiya, wicakapi qa suta kin hee, taku tipi cokaya hna- kapi kin mahen tanhan un kin he en aspeiçiya.

20 Heciya Jesus kahin tokam ye cin unkiyepi on timahen iya- ya, he Melkizedek ouncage kin iyecen Wawayušna Itancan kin heca kagapi.

WICOWOYAKE 7.

1 Melkizedek, Salem Wicašta- yatapi, qa Wawayušna Wakan- tanka Iyotan wankantu kin he tawa, hee, Abraham, wicaštaya- tapi wicakaštake cin, etanhan hdicu kin he itkokipe ça yawa- šte.

2 Unkan Abraham taku owasin etanhan iwikcemna kin he qu. Wicašta kin he tokaheya caje

oyakapi kin on, Woowotanna wicaštayatapi kin hee, qa hehan, Salem wicaštayatapi kin, he Wookiye wicaštayatapi kin hee.

3 Atkuku wanica, hunku wani- ca, qa wicoicage oyakapi kin wanica, anpetu tokaheya wanice ça wiconi owihanke wanica, Wakantanka Cinhintku kin iye- cen icaħyapi, qa Wawayušna ohinniyan yanka.

4 Wicašta tanka kin de wan- yaka po, Abraham, hunkakeyapi un kin hee kaeš, taku iwakte ahdi kin etanhan iwikcemna kin he qu.

5 Tona Lewi cinca kin etan- hanpi, wošnapi wicoħan yuhapi kin hena, wicoope kin eciyatan- han iye hunkawanj itkupi oyate kin etanhan taku icupi kta e iwahowicayapi; hena Abraham nite kin etanhan inanpapi tuka heconpi.

6 Tuka tuwe hena etanhan wi- coicage hdawa šni kin he Abra- ham etanhan taku iwikcemna kin icu, qa wahoyapi kin yuhe ciqon he yawašte.

7 Unkan he de akinicapi šni, tuwe ihukuya un kin he iyotan wašte kin on yawaštepi ece.

8 Qa deciya wicašta tapi kte cin hena taku iwikcemna kin icupi ece; tuka heciya, he ni un e yaotaninpi.

9 Unkan he de heyepica; Lewi taku iwikcemna kin icu ece kin, he iš eya Abraham eci- yatanhan taku iwikcemna kin wicaqu;

10 Melkizedek itkokipe çehan he nahahin atkuku nite kin ma- hen un.

11 Heon etanhan, Lewi wo- šnapi wicoħan yuhe cin eciya- tanhan woyušan en au unkanš; he en oyate kin wicoope yu- hapi; tokiyatanhan wawayušna

WICOWOYAKE 8.

tokeca wan icage kta, Melkizedek ouncage kin eciyatanhan, qa Aaron ouncage kin eciyatanhan caje yatapi kte śni he.

12 Wośnapi wicolian kin he yutokecapi kinhan, heon etanhan wicoope kin nakun yutokecapi kta.

13 Qa tuwe on hena hecen eyapi qon he wicoun tokeca etanhan inanpa; he etanhan tuwedan wahna wośnapi kin ekta oħanye śni.

14 Itancan unkitawapi kin he Juda wicoun kin etanhan icaga e sdonunyanpi; qa wicoun kin he wośnapi kagapi kta e Moses takudan eye śni.

15 Qa de iyotan atanin, Melkizedek ouncage kin iyecen, Wawayuśna tokeca wan icage kta;

16 He wicaceħpi wicoie woope kin eciyatanhan śni, tuka wiconi owihanke wanica wowaśake kin eciyatanhan icaħyapi.

17 Melkizedek ouncage kin iyecen, Wawayuśna ohinniyan nanka ce, eya yaotaninpi qon.

18 Unkan nakun woahope tokaheya ye cin he yutokan iyeyapi, waśake śni qa taku okihipica śni kin heon etanhan.

19 Woope kin he takudan yuśtan śni, tuka wowacinye iyotan wašte kin he en au; qa heon Wakantanka kin en ikiyedan unkupi.

20 Iye wokonze oie kin codan wawayuśna kin kagapi śni; dena e wokonze oie codan wawayuśna wicakagapi;

21 Tuka he qe wokonze wicoie kin eciyatanhan; tuwe, Melkizedek ouncage kin iyecen Wawayuśna ohinniyan nanka ce, Itancan kin heye a iyopeiciye kte śni ce, eciye iqon hee hecon.

22 He iyecen wicotakuye iyo-

tan wašte kin en Jesus wayu-ecetu wan kagapi.

23 Wiconte kin on, ohinniyan en un okitpanipi kin, heon hena wawayuśna kin otapi.

24 Tuka he qe owihanke wanin yanke cin, heon wośnapi wicolian yutokecapica śni wan yuha.

25 Qa hecen tona iye eciyatanhan Wakantanka en upi kin hena owasin niwicaye kta okihi, hena wocekiye ewicakiciye kta e ohinniyan ni un kin heon.

26 Wawayuśna Itancan kin hececa he iyounkipipi, wakan, iyaonpepica śni, waaśape śni, qa waħtanipi sa wicicunonpa un, qa maħpiya kin sanpa wankantuya icaħyapi.

27 He iye, wawayuśna kin hena iyecen, anpetu iyohi, tokaheya iye waħtani kin on, qa hehan oyate waħtanipi kin on etanhan wośna kte cin he iyecece śni; wancadan hecon, iye atayedan waihduśna qon he ehan.

28 Woope kin he wicaśta waśakapi śni kin hena wawayuśna wicakaga ece; tuka wokonze wicoie kin, woope iyohakam un kin, he Cinhintkuyapi, owihanke wanin yawaštepi kin he kaga.

WICOWOYAKE 8.

1 Taku nakaha unkeyapi yu-ptahnakapi kin he dee; Wawayuśna Itancan kin hececa unhapi, maħpiya ekta Otancanke oiyotanke etapa kin en kiyotanka;

2 Tipi wakan kin he, qa wakeya wicakapi kin, Itancan ticaga qa wicaśta akantu econpi śni, kin he en ookiye kin hee.

3 Wawayuśna otoiyoħi taku kiciupi, wośnapi ko wayuśna kta e kagapi; heon wicaśta kin

de is eya taku wayuśna hduhe kta e hecetu.

4 Maka akan un unkanś, Wawayuśna kin heca kte śni; wawayuśna wope kin eciyatadhan taku kiciçupi kin wayuśnapi ece kin hena yukanpi kin heon.

5 Hena oowa, qa taku malipiyata un kin ohanzi kin en ohanyanpi ece; Moses wakeya qon kage kta hehan Wakantanka okiye ça, Awacin wo, he kin ekta token wanyag niciyapi qon he iyecen owasin yakage kta ce, eciya.

6 Tuka nakaha iye wawokiyapi iyotan wašte wan yuha, wicotakuye wašte linca, wahoyapi iyotan wašte kin en ahe cin he en wiciyotahedan un kin, heon etanhan.

7 Wicotakuye tokaheya kin he iyaonpepica śni unkanś, iyokihe kin he tuktedan kiyukanpi kte śni tuka.

8 Hena taku iyawicaonpe ça heya, Wanyaka wo, anpetu kin u kta, hena en Israel tiyohnaka, qa Juda tipi kin wicotakuye teca wicawecage kta, Itançan kin eya:

9 Egupta makoce kin etanhan awicawau kta e hena hunkakewicayapi kin nape wicamduze ciqon anpetu kin he en, wicotakuye wicawecage ciqon he iyecece śni; wicotakuye mitawa kin he miciyuhapi śni; qa heon miś ihawicawakta śni ce, Itancan kin eya.

10 Anpetu kin hena iyohakam wicotakuye wicawecage kte cin he dee; Hena wicotawacin kin en mitoope kin wicawaqu kta, qa cantepi kin akan owawa kta, qa miye Wakantanka mayanpi kta, qa miś hena mitaoyate wicawaye kta;

11 Qa wicašta otoiyo hi tuwe

ikiyadan ti, qa otoiyo hi hunkawanjitku kin onspewicakiyapi, qa, Itancan kin sdonya wo, eyapi kte śni; tuka owasin sdonmayanpi kta, wohakakta tankinkinyanpi ko:

12 Taku ecinśniyan econpi kin hena onsiwicawada kta, qa walitanipi, wicohan sica econpi ko, icimana wicaweciksuye kte śni ce, Itancan kin eya.

13 Taku teca cajeyate cin he tokaheya kin yutanina kin heon heya. Unkan taku tanina, qa takuni śni aye cin, he tanin śni iyaye kta kiyadan ihan.

WICOWOYAKE 9.

1 Héhan awicakehan tokaheya qon he en woohoda wicohan kin yukan, qa nakun makata tipi wakan.

2 Wakeya wan kagapi, tokaheya kin he ohna petijanjan ihupa, qa wahna wotapi, qa aguyapi taninyan ehna kapi kin, he tipi wakan eciyapi.

3 Qa ti cokahnakapi icinonpa mahen tanhan, he wakeya kin iyotan wakan eciyapi:

4 Hen mazaskazi oizinyapi kin, qa wicotakuye can koka kin akapatadhan owancaya mazaskazi akalipeton, hee ohna mazaskazi cega manna ohnakapi kin, qa can sakadan Aaron tawa kin heca aye ciqon, qa wicotakuye inyan mdaska kin hena.

5 Qa he iwankapatadhan, wowitan Cerubim wowaonsida ohe kin aohanziyapi; hena on nakaha atayedan taku unkeyapi kte śni.

6 Hena taku kin hecen yuśtanpi qehan, wawayuśnapi kin wakeya tokaheya kin en yapi, qa ohodapi wicohan kin econpi ece.

7 Tuka icinonpa kin he en Wa-

WICOWOYAKE 9.

wayuśna itancan kin ecedan, waniyetu otoiyo hi wancadan mahen i, qa we codan i śni, he iś iye atayedan on, qa oyate taku ecinśniyan econpi ko on en ai.

8 Heon Woniya Wakan kin hecen oyaka, Wakeya tokaheya kin nahāhin ecen he cin icunhan, tipi iyotan wakan kin ekta canku kin nahāhin yuotaninpi śni :

9 He ito kayehan wiyacinpi un, qa en taku wicaqupi wośnapi ko aipi, tuka hena e tuwe hecon kin nagi kin yuecedan kta okihi śni.

10 Hena e woyuecetu kte anpetu kin hehanyan, woyute, qa woyatke, qa woyujaja ota, econ wicaśipi kin.

11 Tuka Messiya, taku wašte u kte cin en, Wawayuśna Itancan ihdutanin, wakeya iyotan wašte qa yuśtanpi, nape on kagapi śni, wicoicage kin de etanhan śni, kin he ohna ;

12 Tatokadan qa ptejicadan we kin yuhe śni, tuka wopekitonpi owihanke wanin kage qa, iye we kin hduha wancadan tipi iyotan wakan kin timahen iyaya.

13 Hecen tatanka qa tatokadan we kin, qa pte heyuktanna cahota amnimnipi kin, tona waśape cin wicayuecedan, qa wicacehpi yuska kta e okihi hecinhan ;

14 Sam iyeya Messiya, Woniya owihanke wanice cin eciyatanhan, Wakantanka en iyaonpepica śni waihduśna qon, he iye we kin, wiconte wicohan kin etanhan nagi nipakintapi kta, Wakantanka ni un kin wowidag niyanpi kte cin heon.

15 Qa heon etanhan, Wicotakuye Teca kin en Iyotahedan un kin he iye, hecen wicotakuye tokaheya ihukuya wahtanipi qon

hena kajuju kta e on te cin, he eciyatanhan tona wicakico kin owihanke wanin taku tawapi kte cin iwahowicayapi qon he yuhapi kta.

16 Tukten wicotakuye wanji yukan hecinhan, hen wicotakuye kage cin he wanna ta e yutaninpi.

17 Taku ŕapi kin hena on wicotakuye wowapi kin suta ece ; tuka wicotakuye kage cin nahāhin ni un kinhan, he takudan okihi śni.

18 Unkan heon wicotakuye tokaheya qon he we codan yuecepidan śni.

19 Woope kin eciyatanhan, Moses woahope kin owasin oyate kin owicakiyaka yaśtan qehan, ptejicadan, qa tatokadan we kin icu, qa mini, talinca hin duta, peji liota ko, qa wowapi kin oyate kin owasin ko, awicamnimni ;

20 Qa heya, Wicotakuye Wakantanka econ niśipi kin we kin he dee ce.

21 Qa nakun wakeya kin, taku wakśica wowinyunyanpi kte cin owasin ko we amnimni.

22 Woope kin eciyatanhan taku owasin se we on pakintapi ; qa we papsonpi śni ehantanhan wokajuja wanica.

23 Heon etanhan, hena taku kin on, taku mahpiya ekta un iyacinpi kin pakintapi kta e hecetu ; tuka taku mahpiya ekta un kin hena e qe taku sanpa wašte wośnapi kin on.

24 Messiya tipi wakan nape on kagapi kin he mahen i śni, tipi wakan linca iyacinpi kin hena ee ; tuka mahpiya kin e qe mahen, qa heciya unkiyepi on Wakantanka itokam ihdutanin kta.

25 Qa wawayuśna itancan kin he owanka wakan kin en, taku

tokeca we kin yuha, waniyetu otoiyo hi wancadan mahen i ece kin he iyecen ota akihde waihdusna kta iyecece sni ;

26 He iyececa unkanś, maka kagapi kin ehantanhan, wanna ota akihde kakije kta tuka ; tuka nakaha woicage ihanke kin en, iye waihdusna kin eciyatanhan, woahṭani yutokan iyeye kta e on taniniṭiya.

27 Unkan wicaṣṭa kin wancadan ṭapi kte cin he iwahowicayapi, qa he iyohakam woyaco kta :

28 He iyecen Messiya, wicota waḥtanipi kin yuhe kta e wancadan wayuṣṇapi ; unkan, tona he wanyakapi kta ape yukanpi kin hena niwicaye kta e, woahṭani codan, inonpa ihdutanin kta.

WICOWOYAKE 10.

1 Taku waṣṭe u kte cin ohanzi kin he woope kin en un, qa hena atayedan taku kin ounce kin hee sni ; heon etanhan, waniyetu otoiyo hi woṣṇapi ohinniyan aipi kin he tona en hipi kin wicayuecedan kta okihi sni.

2 He okihi unkanś hena taku kin wayuṣṇapi ayuṣṭanpi kte sni he. Tona en opapi wancadan pakintapi kinhan icimana woahṭani sdonkiyapi kte sni tuka.

3 Tuka hena on waniyetu otoiyo hi woahṭani kiksuyapi ece.

4 Tatanka tatokadan kici hena we kin woahṭani yutokan iyeye kta okihipica sni.

5 Heon etanhan, makata hi qehan, Woṣṇapi, taku wicaqupi ko yacin sni, qa tancan wan miyecaga ce, eya.

6 Peta woṣṇapi, qa woahṭani on woṣṇapi kin hena iyonicipi sni ;

7 Hehan, Ito wau, wowapi

tanka en miye on hecen owapi ce ; Wakantanka, nitawacin kin ecen ecamon kta ce, epa.

8 Wankan, Woṣṇapi, taku wicaqupi, peta woṣṇapi, qa woahṭani on woṣṇapi kin ; woope eciyatanhan ahi wayuṣṇapi kin ; hena yacin sni, qa iyonicipi sni, eye cehan ;

9 Hehan nakun, Wakantanka, nitawacin kin ecen ecamon kta wau ce, eye cin. Tokaheya kin he yutokan iyeya, icinonpa kin he hdusuta kte cin heon.

10 He iye tawacin kin ee on unyuecepidan, Jesus Messiya tancan wancadan wayuṣṇapi kin he eciyatanhan.

11 Wawayuṣṇa otoiyo hi anpetu iyohi, en ohoda inajin, qa ohinniyan taku woṣṇapi ece kin hena ake eceken wayuṣṇa, hena woahṭani kajuju kta tokadan okihi sni.

12 Tuka wicaṣṭa kin de, woahṭani on woṣṇa wanjidan waihdusna, hehan Wakantanka etapa kin eciyatanhan owihanke wanin kiyotanka ;

13 Qa hetanhan tona toka yapi kin hena owasin iye siha kin ihukun iyewicayapi kta ape yanka.

14 Woṣṇapi wanjidan on etanhan tona wicayuecepidan kin hena owihanke wanin wicahduṣṭan.

15 Woniya Wakan kin he nakun unkiciyaotaninpi ; tokaheya eye ciqon he iyohakam ;

16 Anpetu kin hena iyohakam, wicotakuye wicawecage kte cin he dee kta, Itancan kin eya ; Mitoope kin hena iye cantepi kin en wicawaqu kta, qa tawacinpi kin en owakiwa kta ;

17 Qa iye waḥtanipi, taku ecinśniyan econpi ko, icimana weksuye kte sni.

WICOWOYAKE 10.

18 Hena owasin kajujupi kinhan, woahitani on wošnapi kin wanice kta.

19 Heon, mihunkawanji, Jesus we kin eciyatanhan tipi iyotan wakan kin en waditagya unyanpi kte ;

20 Canku wan teca qa.ni un, ti cokaya hnakapi, iye cehipi kin hee, ohna unkicagapi kin he eciyatanhan.

21 Qa Wakantanka ti kin ohna Wawayuśna Itancan wan unhanpi ;

22 Heon cante wicake hinca hduha śogya wacinunyanpi qa ikiyedan unkupi kta, wicanagi śice cin etanhan uncantepi kin unkannimnipi ;

23 Qa mini ska kin on untancanpi kin unyujajapi ; qa wacinunyanpi unhdaotaninpi kin he yuhohopi śni unhduhapi kta ; tuwe wahounyanpi kin he wacinyepica :

24 Qa otuiyohi awaunkicicinpi kte, wacantkiyapi, qa wicohan wašte en iyounkicipaštakapi kte cin heon.

25 Qa wanjikji econpi kin iyeccen mniunkiciyapi ece kin he unkujuśtanpi kte śni ; tuka wahokonunkiciciyapi kta ; qa anpetu kin he kiyadan u wandakapi kinhan, sanpa nina ecanonpi kta.

26 Wowicaķe sdonyapi kin unkicupi kin he iyohaham iyokipiya waunhtanipi kinhan, woahitani on wošnapi kte cin wanica.

27 Tuka woyaco inihanyan apewi kin he, qa wocanniye ide kin, tona tokayapi kin hena ihangwicaye kta.

28 Tuwe Moses toope kin akta śni, nonpa qa iś yamni yaotaninpi kinhan, he onśidapi śni ƣa ece ;

29 Hecen tuwe Wakantanka Cinhintku we kin amani, qa wicotakuye we kin on yuecepidan qon he wakan śni dake ƣa, Wowašte Woniya kin he taku i en hiyeye cinhan, he wokakije iyotan tanka hiyahde kte śni kecanipi he.

30 Tokiçonpi kin he mitawa, towicaweciçon kta ce, Itancan kin eya ce, tuwe eye ciqon he sdonunyanpi. Qa ake, Itancan taoyate kin wicayaco kta ce.

31 Wakantanka ni un nape kin en ohinhpayapi kin he wokokipe.

32 Anpetu tokaheya kin kiksuya po, hena en iyoyamniyanpi, qa hehan wicokakije okicize tanka wan iyahdeniciyapi.

33 He icunhan waaiapi, wicokakije ko on iwanniyakapi kta enihdepi ; qa nakun tona hecawicakiconpi kin hena tawaśi wicayayapi.

34 Miye makaśkapi kin icunhan onśimayakidapi, qa woyuha duhapi qon nicipi kin he on widuśkinpi, mahpiya ekta woyuha iyotan wašte ohinniyan ye kte cin he duhapi sdonyakiyapi kin heon etanhan.

35 Wadinitakapi qon he ayuśtanpi śni po, he woyuha tanka okihi kta.

36 Wacinnitankapi kta iyececa ; hecen Wakantanka tawacin kin ecen ecanonpi kinhan, taku iwahounyanpi kin he iyacupi kta.

37 Wanna aśkadan tuwe u kte cin he hi kta, qa yutehan kte śni.

38 Tuwe owotanna un kin he wacinyan un kin on ni kta. Tuka tuwe namni kinhan he minagi kin iyokipi kte śni ce.

39 Tuka tona wicotakuni śni ekta icicawin hdapi kin heunca-

pi šni; tona wacanagi ni kta. e on wicadapi kin hena unkiyepi.

WICOWOYAKE 11.

1 Wacinyanpi kin he taku apepi oahe kin ee, qa taku wanyakapi šni un yuotanin kin hee.

2 He on hunka wicayapi kin yuonihanyan ihdaotaninpi qon.

3 Wacinyanpi kin eciyatanhan, Wakantanka oie kin on woicage kin icaliyapi kin he sdonunyanpi, taku wanyakapi un kin hena taku tanin kin etanhan kagapi šni.

4 Wacinyanpi kin eciyatanhan Abel Qain kape ca, wošnap iyotan wašte wan Wakantanka wakiyušna qon he on owotanna e hduotanin; Wakantanka nakun hecen yaotanin, taku qu kin heon, qa he eciyatanhan ta keš nahahin ia ece.

5 Wacinyanpi kin eciyatanhan Henok wiconšte wanyake kte šni e tokan ayapi, qa tuktedan iye-yapi šni, Wakantanka tokan aye cin heon. Tokan ayapi šni itokam Wakantanka iyokipiye cin he okiyakapi.

6 Tuka wacinyanpi codan tuwedan iyokipiye kta okihi šni. Tuwe en u kinhan he Wakantanka ni un, qa tona aičieiya akitapi kin hena iyunwin wicaqu ece kin he wicada kta.

7 Wacinyanpi kin eciyatanhan Nowa Wakantanka ihamna, taku nahahin wanyakapi šni kin hena, qa itonkipa un kin heon tiyohnaka tawa ni kte cin on wata tanka wan kaga; qa iye ohan kin on oyate kin wicayaco, qa hecen woowotanna wacinyanpi eciyatanhan un kin he tawa kta e icaga.

8 Wacinyanpi kin eciyatanhan Abraham, makoce wan yuhe kte

cin he ekta ye šipi qehan, anagoptan, qa tokiya ye kte cin tanyan sdonkiye šni iyaya.

9 Wacinyanpi kin eciyatanhan makoce iwahoyapi qon he en ounyan, makoce tawa šni kin en iyeeeca, Isaak qa Jakob taku iwahoyapi qon om tawaye kte cin hena om wakeya ohna ti ece.

10 Otonwe wan taku ahde kin ahe cin he ape yanka, ticage ca icalhye cin he Wakantanka kin ee.

11 Wacinyanpi kin eciyatanhan, Sara iye qe cinca yuhe kta e wowašake icu, qa wanna waniyetu ece kin sanpa hiyu tuka cinca ton, tuwe iwahoye ciqon he wicaka e awacin yanke cin heon.

12 Heon wanjidand etanhan, qa he ta nun seca, tuka he etanhan wicota icaga, mahpiya wicanhpi kin iyenaka; qa miniwanca kahda wiyaka sukaza kin iyecen yawapica šni.

13 Dena owasin wacinyan tapi, taku iwahowicayapi qon nahahin icupi šni, tuka tehan tanhan wanyakapi, qa wicadapi, qa adoksohan icupi, qa maka akan oyate tokeca qa unhdaka unpi kin heea ihdaotaninpi.

14 Tona taku hececa eyapi kin hena makoce wanji akitapi e taninyan ohdakapi.

15 Unkan awicakehan makoce kin etanhan hiyupi qon he wacin en yuzapi unkanš, heciya ake ekta hdapi kta okihi tuka.

16 Tuka nakaha wanji iyotan wašte mahpiya ekta wanke cin hee akitapi. Heon etanhan Wakantanka hena Wakantanka tawapi kin eciyapi kta ištece šni, qa otonwe wan wiyeya ewicaki-cihnaka.

17 Wacinyanpi kin eciyatan-

han, Abraham, iyutanyanpi qehan, Isaak wahdušna, qa tuwe taku iwahoyapi qon wicada kin he cinhintku ecedan kin wahdušna.

18 Isaak etanhan wicoicage nitawa kin cajeyatapi kta ce, eciyapi tuka qon.

19 Wiconŕe ee kaeš etanhan Wakantanka ekicetuya okihi he wicada ; qa hetanhan nakun wiyacinpi on ehdaku.

20 Wacinyanpi kin eciyatanhan Isaak, Jakob qa Esa wicahdawašte, taku u kte cin heon.

21 Wacinyanpi kin eciyatanhan Jakob, wanna ŕe kta hehan, Joseph cinhintku napin wicahdawašte, qa cansagye oinkpa kin akan wocekiye eya.

22 Wacinyanpi kin eciyatanhan Joseph, wanna ŕe kta hehan, Israel cincapi kin hetanhan hdapi kte cin he caje yate a, iye huhu kin aye wicaši.

23 Wacinyanpi kin eciyatanhan, Moses tonpi kin, hehan hunkakepi kin wi yamni hehanyan anakihmanpi, hokšidan wašte e wanhdakapi, qa wicaštayatapi toope kin kokipapi šni.

24 Wacinyanpi kin eciyatanhan Moses wanna tanka icage ehan, Pharo cunwintku cinca eciyapi kta wicada šni ;

25 Wakantanka taoyate kin om kakija un kte cin he hdałniga, qa woalitani woiyokipi kin he ptenyedana yuhe kta e cin šni ;

26 Messiya on aiapi kin he, woyuha Egipta en un kin sam iyeya wowijice tanka daka ; wokajuju iyunwin kin he awacin kin heon etanhan.

27 Wacinyanpi kin eciyatanhan Egipta makoce kin ayuštana, qa wicaštayatapi tocanniye kin kokipe šni. Tuwe wanyag-

pica šni kin he wanyaka se ape yanka.

28 Wacinyanpi kin eciyatanhan wošnapi wohduze, qa we amnimnipi kin hena kaga, tuwe cinca tokapapi kin ihangwicaye cin he iye owicayutan kte šni heon.

29 Wacinyanpi kin on Mde-ša kin he opta iyayapi, puze cin iyecen. Unkan Egipta oyate kin hecon utapi qehan, minin ŕapi.

30 Wacinyanpi kin eciyatanhan Jeriko conkaške kin makata ihpaya, anpetu šakowin ohomni unpi qehan.

31 Wacinyanpi kin on, Rahab witkowinna kin, tona anagoptanpi šni kin om ihangyapi šni, makoce iwanyag hipi kin hena wo- okiye on iyowinwicakiye ehan.

32 Qa taku sanpa epe kta he ; Gideon, qa Barak, qa Samson, qa Jephtha, qa Dawid, qa Samuel, qa wicašta wokcanpi kin owasin owicamdake kta anpetu kin iye- hankeca šni.

33 Hena wacinyanpi kin eciyatanhan wokiconze kin ohiyapi, wicołian owotanna ohanyanpi, wahoyapi kin icupi, mnaja kin iohmusyapi ;

34 Peta wohitike cin kasnipi, maza sagye ope kin nakicipapi, wowašake šni etanhan wašagičiyapi, okicize en waditaka ičicagapi, qa Ikcewicašta ozuye kin napewicayapi.

35 Winohinca kin cinca kiŕapi kin ekicetuyapi ewicahdakupi. Qa wanjikji nina kakišyapi, tuka etanhan ehdakupi kta cinpi šni, woekicetu iyotan wašte kin yuhapi kte cin heon etanhan.

36 Qa wanjikji waaiapi, qa nina wicakaštakapi kin on iyutanpi, qa nakun maza icicalihša, kaška wicahnakapi ko on.

37 Inyan on wicakininpi, can-ibakse on bawicaksapi, iyutan-wicayapi, mazasagye on wica-ktepi; tahnca ha qa tatokadan ha koyag manin unpi; taku owasin icakijapi, kakijapi un qa sicaya wicakuwapi.

38 Hena maka kin de iyewi-cakicihantu šni; hewoskan ma-nin unpi, he kin akan, taku itu unpi otipi, qa makohdoka kin ohna.

39 Hena owasin wacinyanpi kin eciyatanhan tanyan ihdu-taninpi, qa taku wahoyapi kin ocowasin icupi šni.

40 Wakantanka taku sam iye-ya wašte unkiyepi on elnaka, hecen hena e unkicunonpa tanhan wicahduštanpi kte šni.

WICOWOYAKE 12.

1 Heon etanhan waayataninpi mahpiya šoka wan hinsko tanka aohdute unyanpi kin, hecen taku tkeya qinpi kin owasin eunhna-kapi kta, woahtani ohyunyanpi ece kin he koya, qa oinyanke unkitokam wanke cin he wacin tankaya unkinyankapi kta.

2 Qa Jesus wacinunyanpi kin toka kage ça hduštan kin hee ekta euntonwanpi kta. He iye, wowiyuškin itokam ehdepi qon he on, can susbeca kin hee kaeš iyowinkiyeye ça, wowištece kin he taku da šni, qa Wakantanka oiyotanke etapa kin eciyatanhan kiyotanka.

3 Tuwe wahtanipi sa taku i en hiyeyapi kin he iye en walibayedan iyowinye ciqon he awacin po, hecen nitawacinpi kin ekta iconimnipi kte šni, qa wacin iboyašakapi kte šni.

4 Woahtani kici yecizapi kin en nahahin we kin ekta aiyahdeya ecanonpi šni.

5 Qa wowahokonkiye cinca iyecen oniciyapi kin he ayekton-japi he; Micinkši, Itancan wica-kapsinpsinte cin he šice dake šni wo, qa iyopeniye cinhan wacin ibošake šni wo, eye cin.

6 Itancan kin wicašta wašte-kida kinhan, he iyopekiye ça, cinca iyowinwicakiye cin otoi-yohi hdapsinpsinta ece.

7 Wiyopeniyanpi kinhan, cinca kin iyecen Wakantanka ecani-conpi; tukte cinca kin he atku-ku iyopekiye šni he.

8 Tuka owasin en opapi ece kin iyecen iyopeniyanpi šni kinhan, tuwe cinca tanin šni kin lenicapi, qa cinhintkuyapi un kin henicapi šni.

9 Unkan, wicacelipi eciyatanhan atewicunyanpi kin hena iyopeunkiyapi ece, unkan wicunhduonihanpi hecinhan, sam iye-ya wicanagi Ateyapi kin he ana-ungoptanpi kte ça on unnipi kta.

10 Hena e anpetu tonana hehanyan, token iyokipipi kin hecen iyopeunkiyapi; tuka he qe unwaštepi kte cin he on, hecen iye towakan kin en ounpapi kta.

11 Wiyopewicayapi kin owasin en icunhan woiyokipi šni, tuka woiyokišice; tuka ihakam tona hecawicakiconpi kin en wicoowotanna waskuyeca woo-kiye kin icaliwicakiya ece.

12 Heon etanhan wicanape kaozezeya un kin hena yuwan-kan icu po, qa hupahu wašake šni kin hena koya;

13 Qa nisihapi canku mdaya kicaga po, taku hušte kin he icunonpa iyeyapi kte šni, tuka okiziyapi kte cin heon.

14 Owasin en wookiye akita po, qa nakun wowakan kin, he tuwe yuhe šni kinhan Itancan kin wanyake kte šni.

15 Qa tuwe Wakantanka to-

WICOWOYAKE 13.

waonśida kin iyohi kte śni naceca, heon aićiciya iwanihdaka po, okinni can hute paza icage a, nagiyenianpi kta, a hecen wicota aśamyapi kta.

16 Okinni wicawihomni wan yuke kta, a taku wakan ohoda śni, Esa iyececa, he watokapa kin taku yutapi onśpandan iyopekiya.

17 a iyohakam woyawašte kin hduhe kta, tuka heyata iye-yapi, he sdonyayapi, a token tawacin yutokeca kte cin he iye-ye śni, ištannihanpe on nina akिता tuka.

18 Paha oyutanpica, a peta on ide qon he ekta yahipi śni, a taku iyotan samya wanke cin, a otpaza, a nina icamna kin;

19 a nakun mazayahotonpi tanka hoton, wicoie ho kin hena koya; he tona nahonpi qon wicoie kin he akta owicakiyakapi kte śni e icekiyapi.

20 Taku econ wicaśipi qon he okitpanipi; Woteca wan hee kaes paha kin yutan kinhan he inyan on kininpi kta, a is wanhinkpe on katpa iyeyapi kta ce.

21 Unkan he wanyakapi kin nina wowinihan, a heon Moses, Nina mahniyanyan a macancan ce, eya.

22 Tuka Zion Paha kin ekta yahipi, Wakantanka ni un otonwe tawa kin, Jerusalem mahpiya tanhan u kin, a ohnihde unpi kin kektopawinge ota ekta;

23 Omniciye tanka, a tokaheya wicatonpi okodakiciye kin, mahpiya ekta caje owicawapi kin hena, a Wakantanka owasin wicayaco kin he, a wicašta owotanna yuŝtanpi nagipi kin hena ekta;

24 a Jesus wicotakuye teca kin en iyotahedan un kin hec ekta, a we amnimnipi kte cin, Abel sam iyeya taku wašte eye cin he ekta.

25 Ihnuhan tuwe ie cin anayagoptanpi śni kinhan; tona tuwe maka akan ie cion he anagoptanpi śni qon hena najicapi śni hecinhan, sam iyeya unkiye nanjicapi kte śni, tuwe mahpiya tanhan ie cin ihaunktapi śni kinhan.

26 Iye ho kin he chan maka kin yahuhuza, tuka nakaha wahounyanpi a heya, Ake wancadan maka ecedan mdahuhuza kte śni, tuka nakun mahpiya kin.

27 Unkan, Ake wancadan, eye cin he taku tona yahuhuzapi kte cin hena taku kagapi kin iyecen yutokan iyeyapi kta, hecen taku tona yahuhuzapica śni kin hena ecen he kta, he kapi.

28 Heon etanhan wokiconze yuhohopica śni kin unkićupi, wowaonśida unhapi kta, hecen woyuonihan, wokokipe ko yuha Wakantanka iyokipiya ohoundapi kta.

29 Wakantanka unkitawapi kin he peta wahuhnahye cin heca.

WICOWOYAKE 13.

1 Hunkawanjinkiciyapi wašte-kićidapi kin he ecen un nunwe.

2 Oicimani kin wonwicaya akiktonjapi śni po; heconpi kin on wanjikŝi mahpiya ohnihde kin sdonwicaye śni won wicayapi.

3 Tona kaška wicahnakapi kin hena om nicaškapi kin iyecen wicakiksuya po; a tona kakiŝyapi un kin hena koya, wicatančan kin ohna dukanpi kin heon.

4 Owasin en wakan kiciyuza-pi kin he woyuonihan, qa ohehdepi asamyapi s̄ni kin; tuka wicawihomnipi qa wawicilihapi econpi kin hena Wakantanka wicayaco kta.

5 Waicucupikte cin wanin oya-handapi kta, qa taku duhapi kin hena on iyonicipipi nunwe. Tohinni aciyuſtan kte s̄ni qa icimana ehpeciye kte s̄ni, eye ciqon heon etanhan.

6 Heon, Itancan kin omakiye cin hee, qa he etanhan taku wicaſta akantu ecamiconpi kte cin kowakipe kte s̄ni ce, waditagya unkeyapi kta.

7 Tona awannihdakapi, Wakantanka oie kin oniciyakapi kin hena wicakiksuya po, hena wicohan ihanke kin he awacin po, qa wacinyanpi qon he en opa po :

8 Jesus Messiya, litanihan qa nakaha okonwanjidan, qa owihanke wanice kta.

9 Ihnuhan woonspe otakiya qa toktokeca on yutokan iyenianpi kinhan; woyute tona he awacinpi qon takudan okihiwicaye s̄ni kin he wicacante kin yusuta s̄ni, tuka wowaonſida kin on yusutapi kin he waſte.

10 Wahna woſnapi wan unhapipi kin he etanhan tona wakeya qon ohna ohanyanpi kin hena yutapi kta iyececapi s̄ni.

11 Woteca, tona we kin woalitani on, wawayuſna itancan kin tipi wakan kin timahen ai qon, hena tancanpi kin tihocoka kin itankan huſnahyapi ece.

12 Heon Jesus iſ eya, iye we kin on oyate kin wicayuecedan kta e otonwe tiyopa kin itankan kakiſyapi qon.

13 Hecen iye on aiapi qon ailpeunyanpi kin yuha ekta wicoti kin tankan unyanpi kta.

14 Deciya otonwe ohinniyan ecen he cin unhapi s̄ni, tuka wanji u kte cin he unkakitapi.

15 Heon etanhan, iye caje on, ohinniyan Wakantanka en wowitan woſnapi kin unkaupi kta, unkihapi etanhan waskuyeca, iye caje kin on, wounhdakapi kin hee.

16 Taku waſte econpi, qa wacantkiyapi kin hena akiktonjapi s̄ni po, hena woſnapi kin Wakantanka iyokipi ece.

17 Tona wahokonniciyapi kin hena anawicakigoptan po, qa wicihukuya yeiciya po, hena ninagipi kin on awanniyakapi, ohdakapi kte cin he iyecen; hecen wowiyuſkinyan econpi kta, qa woyokiſinya econpi kte s̄ni; he niyepi kin on waſte.

18 Wocekiye unkekiciya po; wicanagi waſte unhapi unkecinpi, taku owasin en owotanna unkoſhanyanpi kta uncinpi.

19 Tuka hecanonpi kta e iyotan ceciciyapi, kohanna niyepi ekta u mayanpi kte cin heon.

20 Unkan, Wookiye Wakantanka kin, Jesus Itancan unkiyapi, talinca awanwicahdake tanka kin he, wiconſe etanhan ake hiyuye ciqon he wicotakuye owihanke wanica we kin eciyatanhan,

21 Iye tawacin kin ecen ecanonpi kta e, wicohan waſte owasin en niyusutapi kte, qa taku iye iſta kin en oiyokipi kin ecaniconpi kta, Jesus Messiya eciyatanhan; he wowitan owihanke wanica kicihan nunwe.

22 Mihunkawanji, ceciciyapi ce, wowahokonkiye wicoie kin iyowinkiya po, wicoie tonana on wowapi cicagapi.

23 Timotheos hunkawanjin unyanpi kin wanna kiyuſkapi e

WICOWOYAKE 1.

sdonya po, he ecadan u kinhan kici wanciyakapi kta.

24 Tona niyepi en itancanpi kin hena owasin, qa tona owotanna un kin owasin nape wica-

yuza po. Italia etanhanpi kin hena nape niyuzapi.

25 Wowaonšida kin niyepi owasin en nicipi un nunwe. Amen.

JAKOB

TAWOWAPI KIN.

WICOWOYAKE 1.

1 Jakob, Wakantanka taokiye, qa Jesus Messiya Itancan tawa kin he, wicowazi akenonpapi enanakiya eyaye cin hena *wowapi wicakicaga*; wookiye.

2 Mihunkawanji, taku wawiyutanyan un kin ota ayakipapi kinhan, he wowiyuŝkin ocowasin hdawa po :

3 Wacinyayapi iyutanpi kin he wacintankapi kaga e sdonyayapi.

4 Tuka wacintankapi kin he tohan kin tanyan hduŝtan kte; hecen niyuŝtanpi qa ocowasin yaunpi kta, qa takudan iyonitpanipi kte ŝni.

5 Niyepi etanhan tuwe woksa-pe nice cinhan, Wakantanka kida kta, iye owasin iyakiçuya wicaqu ece, qa iyopewicaye ŝni; unkan qupi kta.

6 Tuka takudan ceŝunhda ŝni wacinyan kida kta; tuwe waceŝunhda kin he miniwanca taja kin iyececa, tateyanpa kaŝkanŝkan qa kaŝoya eŝpeye cin.

7 Wicaŝta kin he Itancan kin etanhan taku icu kta kecin kta iyecece ŝni.

8 Wicaŝta tawacin nonpa kin he tacanku owasin ohna kaktihanhan un ece.

9 Hunkawanjinkiciyapi walpa-

nica kin yuwankan iyeyapi kinhan, heon iyuŝkin kta.

10 Tuka wijica un kin yuwahpanicapi kinhan, on iyuŝkin kta; peji heca kin he iyecen tokan aye kte cin heon.

11 Anpetu wi kin hinanpe çà kata aya eca, wato kin ŝniŝya ece, qa walca ihpaye çà owanyake waŝte kin he atakuni ŝni ece: he iyecen wicaŝta wijica kin iye tohan kin en awihnuni kta.

12 Wicaŝta iyutanyanpi kin he yawaŝtepi ece; tohan tanyan yukcanpi kinhan, hehan wiconi wateŝdake, Itancan kin tona waŝtedakapi iwahowicaye ciqon, hee icu kta.

13 Tuwe iyutanyanpi kinhan, Wakantanka iyutanmayan ce, eye kte ŝni: Wakantanka taku ŝica on iyutanyanpi kta okihi ŝni, qa nakun tuwedan iyutanye ŝni.

14 Tuka wicaŝta otoiyoŝi iye cantiheye ŝice cin on iyutanpi qa iyakaŝepayapi ece.

15 Hehan wocantiheye ŝice cin icage cinhan woahŝtani kaga; qa woahŝtani yuŝtanpi eca, wiçonŝe icalya ece.

16 Mihunkawanji waŝte, içihnyanpi ŝni po.

17 Taku wicaqupi waŝte qa yuŝtanpi kin owasin wankantan-

han un, qa iyoyanpa Ateyapi kin eciyatanhan kun u ece; iye qe tokeca šni, qa yuhomnipica šni hinca.

18 Iye tawacin kin eciyatanhan, wowicake oie kin on cinca unkgapi, hecen taku kage cin ehna unkiye waskuyeca tokaheya iyeuncecapi kta.

19 Heon etanhan, mihunkawanji wašte, wicašta otoiyo hi wanañon oñanko kta, ie kapin kta, qa wacintanka kte:

20 Wicašta šinhdapi kin he Wakantanka toowotanna kin icahiye šni.

21 Heon etanhan, wicowañte-šni kin owasin, qa taku šica iyatahdepi kin elipeya po; qa wicoie ninagipi niye kta okihi kin he onšiičiya icu po.

22 Tuka wicoie kin ecen econ po, qa iye içihnayanpi, nañonpi ecedan, unpi šni po.

23 Tuwe wicoie nañon ešta ecen econ šni kinhan, he wicašta wan ihdiyomdasin on ite iwanihdake cin iyececa;

24 Iwanihdake ça tankan iyaya, unkan hehan hinnakaha ite tokeca kin he akiktonja ece.

25 Tuka tuwe wicoope on tawaiçiyapi yuñtanpi kin he opañta yanke ça, en un kinhan, tuwe nañon qa akiktonje cin heca šni, tuka wicoñan econ kin heca, hee e taku econ kin en yawaštepi kta.

26 Tuwe niyepi kin etanhan woohodapi kin en opa se ececa hecinhan, qa ceji hdaške šni, tuka iye cante içihmaye cinhan, he woohodapi ope cin he taku šni.

27 Wakantanka qa Ateyapi kin itokam woohodapi opapi ecedan qa ašape šni kin he dee; Wamdenica qa wiwazica kaki-japi eca en wicahipi, qa wicoi-

cage kin en taku iyaonpepica šni ihduhapi kin hee.

WICOWOYAKE 2.

1 Mihunkawanji, Jesus Messiya, wowitan Itancan wacinyanpi kin, on wicašta iwandakapi kte cin he yuhapi šni po.

2 Nitomniciyepi kin en, wicašta wan mazaskazi napcupe yuhe ça wokoyake wašte kiçun kin en hi kinhan; qa nakun wicašta walipanica wan heyake šica un kin en hi kinhan;

3 Qa tuwe wokoyake wašte kiçun kin he tanyan ayatonwanpi, qa heyakiyapi, Oiyotanke wašte kin de en hiyotanka wo; qa wicašta walipanica qon, Hen najin wo, qa is, siha wahde kin ihukuya hiyotanka wo, eyakiyapi kinhan;

4 Otoiyo hi tanyan canteyeci-yuzapi šni, qa wicotawacin šica eciyatanhan widukcanpi šni he.

5 Nañon po, mihunkawanji wašte; Wakantanka maka akan walpanicapi kin hena wicakaliniga he, wacinyanpi on wiji-capi, qa tona iye waštedakapi wokiconze iwahowicaye ciqon he tawayapi kte cin.

6 Tuka niye walpanicapi kin walitewicayadapi šni. Wijicapi kin hena iyotanhan iyeniciyapi šni, qa woyaco oiyotanke kin en aniyampi šni he.

7 Wicacaje wašte on cajeniya-tapi ece kin he yašicapi šni he.

8 Wowapi kin eciyatanhan, woope iyotan wašte, Nikiyedani un kin niye inihdacin wašteyadake kta ce, eyapi kin he ecen ecanonpi kinhan, tanyan ecanonpi kta.

9 Tuka wicašta token ihduze cin ekta eyatonwanpi kinhan, woalitani ecanonpi, qa woope

WICOWOYAKE 3.

kin on sícaya econ oniyakapi ece.

10 Tuwe woahope owasin yuha ešta, wanjidan kicakse cinhan, he ocowasin on yacopi.

11 Tuwe, Wawicilihapi eanon kte šni ce, eye ciqon he is nakun, Wamayanon kte šni ce, eya. Unkan wawicilihapi takudan eanon šni ešta, wamayanon kinhan, wanna woope kin kiyecaksa.

12 Tona woope on tawaiçiyapi kin on wicayacopi kte cin hena iyecen iapi, qa econ po.

13 Tuwe waonšida šni kin he wowaonšida wanin woyaco ecedan qupi kta; qa wowaonšida woyaco kin kapeya iyuskin ece.

14 Mihunkawanji, tuwe wacinyan keya ešta, iyecen wicohan yuhe šni kinhan, he taku iyokihi kta he. Wacinyan un kin he niyan okihi he.

15 Nihunkawanji qa nitawinohtin tancokapidan, qa anpetu iyohi woyute nicapi kinhan;

16 Qa wangi hewicayakiyapi, Wookiye on hdapo, cosiçiyapi qa wipiçiya po; tuka taku wicatanan icakije cin hena wicayaqupi šni ehantanhan, taku iwaštepi kta he.

17 He iyecen wacinyanpi kin, wicohan codan kinhan, he wanna ta, isnana un kin heon.

18 Han, tuwe heye kta; Niye wacinyan yaun, qa miye wicohan mduha; hecen wacinyaye cin he niohan codan makipazo wo, kinhan miohan kin on wacinwaye cin he cicipazo kta ce.

19 Taku Wakan kin wanjidan he wicayada; he tanyan eanon; taku wakan sícapi kin is eya wicadapi qa cancanpi ece.

20 Tuka, wicašta wacinton šni kin, wacinyanpi wicohan codan kin he ta e sdonyaye kta he.

21 Abraham ateunyanpi kin he, cinhintku Isaak wahna wošnapi akan wahdušna qon he ehan, wicohan on yaowotanpi šni he.

22 Qa iye ohan kin kici wacinye cin token ohanye ça, wicohan on wacinye ciqon he yuštanpi e wandaka he.

23 Unkan hecen wowapi kin, Abraham Wakantanka wicada, unkan he woowotanna kiciyawapi, qa he Wakantanka takicuwa eciyapi ce, eyapi qon he yuecutupi.

24 Heon, wacinyanpi ecedan on etanhan šni, tuka wicohan kin on wicašta owotanna yawapi ece he wandakapi.

25 Nakun Rahab witkowinna kin ohnihde unpi qon hena iyowinwicakiye ça canku tokeca ohna hde wicaši qehan, is eya wicohan on owotanna yawapi šni he.

26 Wicatanan kin woniya codan un kin he ta ece, he iyecen wacinyanpi kin wicohan codan kinhan, he nakun ta ece.

WICOWOYAKE 3.

1 Mihunkawanji, wicota waonspekiya unpi šni po; woyaco iyotan tanka unkipi kta e sdonyayapi.

2 Owasin taku ota on waunhtanipi ece. Tuwe oie on wahnitani šni kinhan, he wicašta yuštanpi qa tancan ocowasin hdaške kta okihi.

3 Wanyaka po, šuktanka anaungoptanpi kta e heon iikiyuwi i kin en iyewicunkiciyapi; qa tancanpi ocowasin wicunyuho-mnipi ece.

4 Wita wata kin hena nakun wanyaka po, tankinkinyan qa tate ohitika on kaha iyeyapi ešta, iyupse yuza cistinna on

token itancan kin cin eca, yu-homnipi ece.

5 He iyecen wicaceji kin taku cistinna, tuka tanka icida ece. Iho, peta cistinna keś can tanka ideya ece.

6 Wicaceji kin he peta, qa woahtani iyatahdepi; hecen wicaceji unhuhapi kin ehna un, wicatančan kin ocowasin aśamya, qa wicoicage ohomniyan aideye ca, is eya wakanśica ti kin etanhan ideiciya.

7 Woteca ocaje owasin, qa taku kinyan unpi, taku sdohan unpi qa miniwanca mahen unpi kin, henakiya etanhan wicaśta wanunyanpi wicakage ca wicayuha :

8 Tuka wicaceji kin he tuwedan yuwalibaka okihi śni; he wośice wicaśta śni, pejihuta śica on wicaṭa ece kin he ojudan.

9 He on Wakantanka Ateyapi kin unywaśtepi; qa he on wicaśta akantu, Wakantanka ouncege iyecen kagapi kin hena wicunyaśicapi ece.

10 Wicai wanjidan etanhan wayawaśtepi qa wayaśicapi kin hinanpa ece. Mihunkawanji, hena hecetu śni.

11 Miniyowe wan oenape wanjidan etanhan, mini waśte qa nakun mini pa linca hiyuya he.

12 Mihunkawanji, suken can wan Oliwe waskuyeca aicaga, qa is hastanyanka iyuwu wan suken waskuyeca okihi he; he iyecen miniyowe wan mini waśte qa nakun mini pa linca hiyuye śni ece.

13 Enitanhanpi tuwe wicaśta ksape ca wiyukcan un he; woksape wowalibadan on tanyan aihduhe cin eciyatanhan iye oħan waśte hđutanin kte.

14 Tuka winawizipi pa linca,

qa wakinicapi nicantepi kin en duhapi kinhan, ihnuhan widuśkinpi qa wowicake kin on iyatonpi śni kin.

15 Wicoksape kin he wankan-tanhan u śni; tuka maka kin etanhan; wicacełipi etanhan, qa wakanśica iyececa.

16 Tukten winawizipi qa wakinicapi yuke cinhan, wicotoke-tu tanin śni qa wicoħan śica owasin hen un ece.

17 Tuka woksape wankantanhan un kin he tokaheya ecedan, hehan wokiyapi kaga, walibadan, waanagoptan, wowaonśida qa waskuyeca waśte on ojudan, owotanna wiyukcan qa owotan-na wohdaka ece.

18 Unkan tona wookiye kagapi kin hena woowotanna waskuyeca kin wookiye en owicakicijupi ece.

WICOWOYAKE 4.

1 Niyepi ekta wicokicize qa wakinicapi kin tokiyatanhan u he; cantiheyayapi śica nihuhapi en wakis un kin hena eciyatanhan śni he.

2 Cantiheyayapi tuka duhapi śni; wicayaktepi qa yuhe wacannipi, tuka icu oyakihipi śni; wicayakizapi qa zuya dapi, tuka taku duhapi śni, yadapi śni kin heon etanhan.

3 Yadapi tuka iyacupi śni ece, ecinśniyan yadapi kin on, cantiheyayapi śica on dusotapi kte cin heon.

4 Wiinayalimanpi qa wawicahałapi ecanonpi kin, wicoicage kin de waśtedapi kin he Wakantanka śicedaka e sđonyayapi śni he. Heon tuwe wicoicage kin de wotakuye wacin kinhan, he Wakantanka tokaya.

5 Wowapi wakan kin, Woniya en unyakonpi kin he winawizipi

WICOWOYAKE 5.

cantiheya ce, ituya eya idukcanpi he.

6 Tuka sanpa wowaonsida wicaqu ece; heon heya, Wakantanka wahaniçidapi kin wicakipajin, tuka tona onsikihanpi kin hena wowaonsida wicaqu ece.

7 Heon etanhan, Wakantanka ihukuya iyeçiya po. Wakanşica kipajin po, kinhan nanicipapi kta.

8 Wakantanka ikiyedani u po, hecen iş nikiyepidan u kta. Wahiñtanipi sa, nape hdujaja po; qa wacin ninonpapi kin, cante hducepidan po.

9 Iyokişicapi, waşihdapi qa ceya po; iyahapi kin he wicaceya ee kta, qa widuşkinpi kin he woiyokişice kta.

10 Itancan kin itokam makata ehpeçiya po, kinhan yuwankan inicupi kta.

11 Mihunkawanji, otoiyo hi akiciiapi şni po. Tuwe hunkawanjitku aie ça hunkawanjitku haco kinhan, he wope kin aie ça wope kin yaco; tuka wope kin daco kinhan, wope kin eceñeconpi kin henica şni, tuka wayaco kin henica.

12 Wope kage cin he Wanjiñdan, he wanikiye ça nakun waihangya okihi. Wicaşta tokeca daco kin niş nituwe he.

13 Iho po, nakaha tona hehapi; Dehan, qa iş heyakecinhan, otonwe kin kae ekta unyanpi qa waniyetu wanji en unyakonpi kta, wopeuntonpi qa wiyopeunyanpi qa taku unkamnanpi kta ce.

14 Tuka heyakecinhan taku u kte cin sdonayayapi şni; yanipi kin he taku he, opo wan cistiyeñdan tanin qa hehan atanin şni kin he heca.

15 Kaken ehapi kta iyececa; Itancan kin iyowinunkiyapi qa

unnipi kinhan, decen qa iş kaken econkupi kta ce.

16 Tuka nakaha wahanniçidapi kin on iduşkinpi; hecen wiyuşkinpi kin owasin şica.

17 Heon etanhan, tuwe taku waşte econ kta sdonkiya tuka econ şni eca, he woahñtani içiçaga ece.

WICOWOYAKE 5.

1 Iho po, tona wijica yaunpi kin, wokakije nihiyahdepi kte cin hena on ceyapi qa şicahowaya po.

2 Woyuha nitawapi kin kuka, qa nitawokoyake kin wamduşkadan yapotapi.

3 Mazaskazi qa mazaska nitawapi kin gigi aya; qa gigi kin he niyutaninpi kta, qa nicehñpipi kin ihangye kta, peta iyececa. Woyuha anpetu ehake kin amnaniciyapi.

4 Wanyaka po, tona maga nitawapi abaksapi wokajuju hñaye ayanicapi kin he howaya; qa tona aguyapi baniciksapi qon hoyeyapi kin he Sabaoth Itancan noqe kin en hiyoñpaya.

5 Maka akan woiyokipi imnanhan yaunpi qa tanyan wayatapi ece; wapatapi anpetu kin en iyecen cante cemyakiyapi.

6 Wicaşta owotanna kin he dacopi qa yaktepi; tuka nicipajinpi şni.

7 Heon etanhan, mihunkawanji, Itancan kin hi kte cin hehanyan wacintanka po. Wanyaka po, wicaşta woju ece kin he maka waskuyeca waşte aicage cin hena ape yanke ça, on tehan wacintanka, magaju tokaheya qa nakun ehake kin ahinhe kte cin hehayan.

8 Niş eya wacintanka po; cante hdusuta po; Itancan kin u kte cin he wanna kiyedan ihan.

I. INYAN.

9 Mihunkawanji, otoyohi okicihinyanpi šni po, okinni niyacopi kta. Wanyaka po, Wayaco kin he tiyopa kin itokam inajin.

10 Mihunkawanji, wicašta wockan Itancan caje kin on iapi qon hena kakijapi qa wacintankapi on waonspekiya wicayuha po.

11 Wanyaka po, tona wacintankaya unpi kin hena wašte kecawicunkinpi ece. Job token wacintauka qon he nayañonpi, qa Itancan owihankeye cin he wandakapi; Itancan kin waonšida qa wawacinkta yuza tanka.

12 Tuka mihunkawanji, taku owasin isanpa, Taku namañon ce, eyapi šni po, mañpiya kin he, qa maka kin de, qa taku tokeca cajeyatapi ece kin nakun; tuka, han, ehapi kin he han ecedan kta, qa, hiya, ehapi kin he hiya ecedan kta; okinni woyaco kin en iyoyañpadapi nun ce.

13 Niyepi kin etanhan wanji kakija he; wocekiye eye kta. Wanji wiyuškin he; odowan ahiyaye kta.

14 Niyepi kin ekta wanji wazanka he; okodakiciye kin en hunkawicayapi kin wicakico

cta; on cekiyapi qa Itancan caje kin on wihdi on sdayapi kta.

15 Unkan wacinyan cekiyapi kin he wayazanke cin asniye kta; qa Itancan kin he najinkiyeye kta; qa woañtani econ hecinhan, hena kicicajujupi kta.

16 Wayañtanipi kin otoyohi okiciciyakapi qa otoyohi wocekiye ekiciciya po, hecen anisnipi kta. Wicašta owotanna nina wašagya cekiyeye cin he taku tanka okihi ece.

17 Elijah wicašta wacinyuza iyeuncecapi, qa wocekiye on magaju kte šni e icekiya; unkan waniyetu yamni sanpa wi šakpe hehanyan maka kin ahinhe šni.

18 Hehan ake wocekiye eya, unkan mañpiya kin magaju hiyuye ça, maka kin waskuyeca icaliya.

19 Mihunkawanji, wanji enitanhanpi wowicake kin etanhan nuni, qa tuwe he ake ekta yuhomni kinhan,

20 Tuwe wicašta wañtani sa wan canku onuni kin etanhan yuhomni kinhan, he wicanagi wan wiconțe etanhan eyaku kta, qa woañtani ota akalipe kta e he sdonkiye kta.

IN Y A N

TAWOWAPI TOKAHEYA KIN.

WICOWOYAKE 1.

1 Inyan, Jesus Messiya yeši qon, wicašta toktokeca enanakiya unpi, Pontus, Galatia, Kappadokia, Asia qa Bithunia ekta,

2 Wakantanka Ateyapi kin otokaheya tanhan sdonwicaye cin

eciyanhan, qa Woniya wicayuecedan kta on wicakahniga, anagoptanpi kta, qa Jesus we kin awicamnimni kta e on, hena *wowapi wicakicaga*: Wowaonšida en niunpi, qa wookiye niciyuotapi nunwe.

3 Wakantanka, Jesus Messiya

WICOWOYAKE 1.

Itancan unyanpi Atkuku kin he yawaštepi nunwe ; iye towaonsida ota eciyatanhan Jesus Messiya wicate cin etanhan kinikiye ciqon he on wowacinyan ni un kin en piya icahunyanpi ;

4 Woailhepeye wan hwinpica šni, ašapapi šni, qa ohinniyan un kta, mahpiya ekta enicihnakapi kin on ;

5 Wacinyanpi eciyatanhan Wakantanka towašake kin on wiconi anikpatanpi, eqe anpetu ehake kin en yuotaninpi kta.

6 Heon nina iduškinpi ece, tuka nakaha ptenyedana, he hecetu naceca, taku wawiyutanyan un kin ota on iyonicišicapi :

7 Hecen wacinyayapi iyutanpi kin, he mazaskazi peta ece on šdoyapi keš atakuni šni ece, sam iyeya nina tehike cin he woyao-nihan, wicakinihanpi qa wowitan on tanin kta, tohan Jesus Messiya ihdutanin kinhan.

8 He wandakapi šni ešta waštayadakapi ; qa nakaha wanyake šni yaunpi keš wacinyayapi kin on iduškinpi, wowiyuškin oyagpica šni qa wowitan ojudan kin on :

9 Wacinyayapi ihanke kin iyacupi, ninagipi ni kte cin hee.

10 Wiconi kin he on, wicašta wokcan wowaonsida en niunpi kin he oyakapi qehan, aičiciya akitapi qa wiwangapi ;

11 Messiya Taniya iyepi en un kin, tohantu qa anpetu kin tukte e ka e iwangapi, Messiya kakije kte ca wowitan ihakam un kte cin henaitokamoyake ciqon he ehan.

12 Unkan, iš iyepi kte šni, tuka tona wotanin wašte, Woniya Wakan mahpiya eciyatanhan kun u šipi kin iyahna sdoniyenyanpi kin eqe nakaha taku oniciyakapi kin hena unkiyepi on yuhapi e owicakiyakapi ; taku

kin hena mahpiya ohnihde kin en eyokasin wacinpi.

13 Heon etanhan, nitawacin nisehu kin opta ipiyagkiton po, waktaya un po, qa Jesus Messiya ihdutanin kinhan wowašte ničaupi kte cin he ape yukan po, owihanke kin hehayan.

14 Wicacinca waanagoptanpi kin iyenicecapi kta, qa ehanna wasdonye šni yaunpi qehan cantihayayapi šica ake iyecen ničicagapi kte šni.

15 Tuka tuwe nicopi kin he wakan, he iyecen niš eya oyahandapi kin ocowasin en niwakanpi nunwe.

16 Heon hecen owapi qon, Wakanyan un po, miye mawakan kin heon etanhan.

17 Qa Ateyapi kin wicašta itohnake iwanyake šni wicašta otioyohi iye ohan kin eciyatanhan wicayukan ece kin he hoyeyakiyapi kinhan, tohayan den unhdaka yaunpi kin kokipeyahan un po.

18 Witkotkoya oyahandapi kin, nihunkakepi wohdakapi eciyatanhan duhapi qon he etanhan, taku atakunišni ece, mazaskazi qa mazaska on openicitonpi šni e sdoniyakiyapi ;

19 Tuka Messiya we tehike cin he on, tahin wanunyanpi cincadan, taku iyaonpepica šni qa ecedan un kin iyececa.

20 Iye qe maka kin de kagapi šni itokam wakiconzapi, tuka anpetu ihankeya kin dena en yutaninpi, niyepi kin on ;

21 Wakantanka wicate cin etanhan najinkiyeye ca wowitan qu qon he wicayadapi, iye eciyatanhan ; hecen wicayadapi qa wacinyayapi kin he Wakan-tanka en un kta.

22 Woniya kin eciyatanhan wowicake arayagoptanpi kin

I. INYAN.

heon nagi nihduskapi, hunka-
wanjinkiciyapi kin awicakehan
waštewicayadakapi kta, heon
cante ecedan on otoiyo hi nina
waštetikidaka po.

23 Piya icañniyanpi, oicage
kuke kte cin etanhan śni, tuka
kukepica śni kin on, Wakantanka
oie kin ni un qa owihanke wani-
ce kte cin hee on.

24 Wicacełipi owasin peji iye-
ceca, qa wicašta towitan kin
owasin peji hea kin iyececa.
Peji kin he śniś aye a walica
kin hinhpaya ece ;

25 Tuka Itancan oie kin he
owihanke wanin un kta. Unkan
wotanin wašte oniciyakapi kin
wicoie kin he hee.

WICOWOYAKE 2.

1 Heon etanhan, wocanniye
owasin, qa wohnaye ocowasin,
qa woanakiłbe, qa wowinawizi,
qa iapi śica iyulıpa ełpeya po ;

2 Qa hoksiyoqopa nakaha ton-
pi kin iyecen, wicoie asanpi
wohnaye wanin un kin he cin
po, hecen on inicagapi kta :

3 Itancan kin wacantkiya e
uyatapi hecinhan.

4 He en yahipi, inyan wan ni
un kin iyececa, wicašta akantu
ełpeyapi, tuka Wakantanka e
kañnige a tełike daka ;

5 Unkan niś eya, inyan ni un
kin iyececa, tipi wakan wan en
icañniyanpi, wawayuśnapi wa-
kan kin, hecen wośnapi wakan
qa Jesus Messiya eciyatanhan
Wakantanka iyokipi kin wadu-
śnapi kta.

6 Heon etanhan nakun wowa-
pi en kagapi qon, Wanyaka po,
Zion en inyan wan oise pa hin-
ca ewahde, kañnigapi, tełika ;
unkan tuwe he wacinye cinhan
wištece kte śni e.

7 Niye wacinyayapi kin he te-
lıke yadapi ; tuka tona waanago-
ptanpi śni kin hena, inyan tipi
kagapi ełpeyapi qon he oise pa
hinca icaga, inyan on siha iboto-
pi qa innija on śinhdapi ece kin
hee ;

8 Tona wicoie kin on śinhdapi
qa waanagoptan śni unpi kin he-
na on ; heon hecen ewicahdepi.

9 Tuka wicoicage kañnigapi,
wawayuśnapi wicaštayatapi, wi-
coun wakan, qa oyate opewica-
kitonpi kin he niyepi ; hecen tu-
we otpaza etanhan, iye iyoyan-
pa wakan tawa kin en nicopi
kin he ołian wašte kin odakapi
kta.

10 Ehanna oyate henicapi śni,
tuka nakaha Wakantanka tao-
yate yaunpi ; he ehan onśnida-
pi śni, tuka wanna wowaonśida
iyoyahipi.

11 Wašteticidapi, ceciciyapice,
oyate tokeca qa unhdaka unpi
kin iyecen wicacełipi cantiheya-
pi kin, wicanagi kin kici kicize
cin, hena ayuśtan po :

12 Qa Ikcewicašta ehna owo-
tanna ohanyan po ; hecen śica-
ya econ keniciyapi keś, wiwica-
wangapi anpetu kin en, niohan-
pi wašte wanyakapi kte cin he-
na on Wakantanka yaonihanpi
kta.

13 Itancan kin on etanhan, wi-
cašta akantu wakonzapi kin owa-
sin anagoptan po ; wicaštayata-
pi kin he iyotan tanka ;

14 Qa wicašta itancanpi kin iś
tona śicaya ohanyanpi śitkiħda-
wicayapi kta, qa tona tanyan
econpi wicayaonihanpi kta e on
u wicaři kin hena.

15 Hecen Wakantanka tawa-
cin, tanyan oyahandapi kin on
wicašta witkotkoka wiyukcan
śni kin hena inina yankewicaya-
kiyapi kta.

WICOWOYAKE 3.

16 Nihduhapi, tuka tawaniçiyapi kin he wocanniye onhoñda iyecen yeçunpi kte ñni, tuka Wakantanka tawowidake kin iyececa.

17 Owasin wicayuonihan po. Hunkawanjinkiciyapi kin wašte-kida po. Wakantanka kokipa po. Wicaštayatapi kin yuonihan po.

18 Wowidake yaunpi kin, tona niyuhapi kin ocowasin kokipeyahan anawicagoptan po, tona wašte qa walibadan kin hecedan ñni, tuka tona ksizece cin hena nakun.

19 Tuwe Wakantanka awacin un kin on, hecetu ñni ešta kakişyapi qa woyokişice yuha un kinhan, he wowašte.

20 Wayahtanipi kin on anipapi, qa wacinnitankapi kinhan taku iyokihi kta he; tuka tanyan ecanonpi kin on kakişnyanpi kinhan, wacinnitankapi hecinhan, he Wakantanka iyokipi.

21 Unkan he on nicopi; Messiya unkiyepi on kakije ça wonspe aihpeunkiyapi kin he iyecen niş eya iye owe kin en opa dapi kta.

22 Iye qe woahitani takudan econ ñni, qa i kin ohna wohnaye takudan icyyapi ñni;

23 Kigepi qehan itkom wicakige ñni; kakişyapi he ehan owa-wicakiye ñni; tuka tuwe owotanna wiyukcan ece kin he en ihdoya.

24 Iye hinca can akan un qehan, iye tancan kin en waunhtanipi kin yuha; hecen unkiye woahitani ehpeunyanpi woowotanna en unnipi kta: Iye apapi qon on asninyanpi ce.

25 Tahin wanunyanpi nunipi kin iyenicecapi; tuka wanna tuwe wonniyanpi qa nagi awan-niyakapi kin he ekta yahdipi.

WICOWOYAKE 3.

1 He iyecen, winoñincapi kin, nihihnapı wicihukun un po; hecen tona wicoie kin anagoptanpi ñni kin hena, wicoie codan ešta, iye tawicupi ohanpi kin on iya-kapewicayapi kta;

2 Niohanpi wašte wokokipe iyahna wanyakapi kin icunhan.

3 Ihduzapi kin he akantanhan, paha kisonpi, qa mazaskazi oinpi, qa wokoyake unpi kin hee kte ñni:

4 Tuka wicašta mahentanhan cante kin ekta, taku hwinpica ñni kin, tawacin walibadan qa inina un, he Wakantanka itokam taku tehike cin ee.

5 Iş eya, wanakaja, winoñinca wašteşte Wakantanka wacinyanpi qon hena e hecen kiçunpi, qa hihnakupi kin wicihukun unpi.

6 Hecen Sara Abraham anakigoptan, qa, Itancan, eciya cce; he cunkşiwicayc cin hena niyepi, tanyan ecanonpi qa wokokipe takudan on niyuşinyayapi ñni kinhan.

7 Nakun wicašta yaunpi kin, wosdonye eciyatanhan om yukkan po, nitawinpi wakşica wankadan iyececa, qa om wiconi wowašte kin tawaniçiyapi kta iyecen wicahduonihan po; hecen wocekiye nitawapi kin kagipi kte ñni.

8 Ehake, owasin cante wanjidan hduwitaya onşikicida po; hunkawanjinkiciyapi kin iyecen waştekiçida po, waonşidapi qa wacantkiya po.

9 Taku şica on itkom taku şica econpi ñni po; qa nicigepi ešta wicakigepi ñni po; tuka itkopatanhan wayawašte po; heon nicopi, hecen woyawašte tawaya-yapi kta e sdonya po.

I. INYAN.

10 Tuwe wiconi waštedake ça anpetu wašte wanyaka cin kinhan, iye ceji kin taku šica en yeye kte šni, qa iha kin wohnaye takudan ie kte šni.

11 Taku šice cin okamna kta, qa taku wašte e econ kta ; wo-okiye akite ça kuwa aye kta ce.

12 Jehowa išta kin wicašta owotanna awicatonwan, qa wocekiye eyapi kin he anohwicakiciya ; tuka tona šicaya econpi kin Jehowa itohnake kin itkowicakipa ece.

13 Unkan taku wašte kin pasi yaunpi kinhan, tuwe e kiunninyanpi kta he.

14 Tuka owotanna ohanyanpi kin on šicaya nicuwapi kinhan, he wowašte ; hecen wokokipe tawapi kin kokipapi šni, qa cante hahayedan yankapi šni po :

15 Tuka nicantepi kin en Wakantanka Itancan kin wakanda po ; qa tuwe wowacinye en niunpi kin on iniwangapi kinhan, walibayedan kokipeyahan aduptapi kta e ohinniyan wiyeya yanka po ;

16 Wawiyukcan wašte hduha po ; hecen šicaya ohanyanpi iyecen tona aniiapi kin hena ištecapi kta, Messiya on niohanpi wašte kin itonšniyan oniyakapi kin.

17 Wakantanka hecen tawacin hecinhan, taku šica econpi kin hee šni, tuka taku wašte econpi kin on kakišniyanpi kinhan hee wašte kta.

18 Messiya is eya wancadan woahitani on kakija, owotanna un kin owotanpidan šni kin hena on, Wakantanka ekta unkau-
pi kta e heon, wicacehpi kiçun ktepi, tuka Woniya kin on kinyanpi.

19 Nakun he on ekta ye ça wi-

canagi wicakaška tipi ohna unpi kin hena wowicakiyaka ;

20 Hena e ehanna waanagoptanpi šni, Wakantanka wawacinkta yuza tanka tehan awicape, Nowa taanpetu kin en, wita wata kagapi kin icunhan, he ohna tonana, wicanagi šahdoganna mini on nipi.

21 Qa wiyacinpi kin he iyececa, baptem nakaha niunyanpi ece ; wicacehpi ašape cin yutokan iyeyapi kin hee šni, tuka Wakantanka ekta wawiyukcan wašte waayupte cin hee, Jesus Messiya ihdueticetu kin heon etanhan ;

22 Iye qe malpiya kin ekta kihde ça Wakantanka etapa kin eciyatanhan yanka ; malpiya ohnihde, qa wicookihi, qa wowašake kin owasin iye ihukun iyewicayapi.

WICOWOYAKE 4.

1 Heon etanhan, Messiya wicacehpi en unkiyepi on kakije cin heon, niš eya iyecen tawacin kiçun po : tuwe wicacehpi kin en kakije cin he wanna woahitani ayušan :

2 Hecen, hetanhan icimana wicacehpi eciyatanhan ni kte šni, wicašta taku šica cantiheyapi kin en, tuka Wakantanka tawacin kin eciyatanhan.

3 Hekta unnipi kin, Ikcewicašta tawacinpi kin ecen econkupi kin he ota, wicohan šica, wocantiheye šica, miniša ota, wakan wacipi, witkopi, qa wakagapi wakandapi šice cin hena omaunnipi qehan.

4 He en is iye witkoya škanpi kin on iyecen iyatahdeniçiyapi šni kin heon tognihdapi qa niyašicapi ece ;

5 Hena e tuwe ni unpi çapi ko-

WICOWOYAKE 5.

ya wicayaco kta wiyeya yanke cin hee itokam wohdakapi kta.

6 Heon etanhan, nakun tona tapi kin hena wotanin wašte owicakiyakapi qon, hecen wicašta wicacehpi en un kin iyecen wicayacopi ešta woniya en Wakantanka eciyatanhan nipi kta.

7 Tuka taku owasin ecadan owihanke kta. Heon etanhan wacinksapa po, qa wocekiye on waktaya un po.

8 Qa taku owasin isanpa niye iyakitedan nina cantekiciya po; wacantkiyapi kin he woahani ota akahpe kta.

9 Iapi síca wanin otoiyo hi wonkiciya po.

10 Taku wicakupi kin wicašta otoiyo hi icu kin he iyecen iyakitedan okinikiciciya po, tona Wakantanka towaonsída ocaje ota tanyan yuhapi kin iyececa.

11 Tuwe ie cinhan Wakantanka oie kin iyecece kta; qa tuwe waokiya hecinhan wookihi Wakantanka qu kin he eciyatanhan kte; hecen taku owasin on Wakantanka yatanpi kta, Jesus Messiya eciyatanhan; iye qe woyatan qa wookihi owihanke wanin kiciun nunwe. Amen.

12 Waštecidapi kin, peta on iyutanpi kin on iniyutanpi kte cin he on yušinyayapi šni po, taku tokeca ayakipapi iyececa.

13 Tuka Messiya kakije cion en oyapapi kin heon iyuskin po; hecen tohan towitan tanin kinhan nina iduškinpi kta.

14 Messiya caje kin on niyašicapi kinhan, niyuwaštepi ece; wowitan qa Wakantanka Taniya kin en niunpi kin heon. Hena e eciyatanhan oštehdapi, tuka niye eciyatanhan yatanpi ece.

15 Tuka ihnuhan wanji tin wicakte sa, qa wamanon sã, qa taka síca econ sa, qa tokan tawa i

en iyewicakiciciye cin iyecen kakišniyanpi kinhan.

16 Hececa ešta tuwe Messiya tawa kin on kakišyapi kinhan ištece kte šni; tuka heon Wakantanka yatan kta.

17 Wakantanka tiyohnaka tawa kin wicayucanpi kte cin wanna iyehantu. Unkan he unkiyepi etanhan aye cinhan, tona Wakantanka tawootanin wašte wicadapi šni kin hena token owihankepi kta he.

18 Qa wicašta owotanna kin kitan se ni kinhan, tuwe šicaya econ qa wahtani sa kin hena tukten yakonpi kta he.

19 Heon etanhan, tona Wakantanka eciyatanhan kakijapi kin hena, wašte ece econpi kin en, Wawicahye wacinyepica kin iyecen iye nagipi kin yuhekiyapi kte.

WICOWOYAKE 5.

1 Miye hunkayapi kin hemaca, qa Messiya kakije cion wanmdake ça, wowitan yutaninpi kte cin he en owapa, tona hunkayapi yaunpi kin ceciciyapi ce;

2 Wakantanka optaye tawa ehna yaunpi kin he wonwicaya po; econ niciyapi kin iyecece šni, tuka iyokipiya awanwicadakapi kta; woyuha síca kin on etanhan šni, tuka tawacin wašte on ecanonpi kta:

3 *Wakantanka* taku tawa hince cin en itancanpi kin iyenicecapi kte šni, tuka optaye kin en wonspekiya yaunpi kta.

4 Hecen Waawanhdake Itancan kin tohan ihdutanin kinhan, hehan wowitan watešdake wan šnije kte šni kin he iyacupi kta.

5 Nakun, tona aškatudan yaunpi kin, hunkawicayapi kin anawicagoptan po: Han, owasin

II. INYAN.

otoiyohi anakicigoptan po, qa wowahbadan koyaka po. Tona wahanicidapi kin hena Wakantanka wicakipajin, tuka tona onsikihanpi kin hena wowaonsida wicaqu ece.

6 Heon etanhan, Wakantanka nape wasake cin ihukuya onsikihan po ; hecen tohan iyehantu kinhan yuwankan inicupi kta :

7 Wacin akipam duzapi kin owasin iye en aihpeya po ; iye qe awanicinpi ece.

8 Witkopi sni po, waktaya un po ; Wakansica tokaniyanpi kin he mnaja hoton ece kin iyecen omani un, tuwe yapote kte cin he akita ece.

9 Sutaya wacinyayapi kin on he kipajin po ; nihunkawanjipi maka akan unpi kin hena en wokakije kin dena iyececa yustanpi ece e sdonayayapi.

10 Tuka Wakantanka wowaonsida ocowasin hduhe cin, Je-

sus Messiya eciyatanhan, wowitan owihanke wanica iye tawa kin en unkcopi kin he, tohan cistiyedan nicakijapi kinhan, niyustanpi kte, pahohośni enihnakapi, niyuwasakapi, qa sutaya nihdepi nunwe.

11 Iye qe wowitan qa wokiconze kin owihanke wanin tawa nunwe. Amen.

12 Siluanos nihunkawanjipi wan wacinyepica wadake cin on wowapi ptecedan cicagapi ; wahokonciciyapi qa wociciyakapi, Wakantanka towašte wicakapi en nayajinpi kin he dee ce.

13 Babulon ekta tona om nichahnigapi kin hena nape niyuzapi, qa nakun Markos micinksi kin.

14 Wacantkiyapi iiputakapi kin on otoiyohi nape kiciyuza po. Tona Jesus Messiya en yaunpi kin owasin wookiye nicipi un nunwe. Amen.

IN Y A N

T A W O W A P I I N O N P A K I N .

WICOWOYAKE 1.

1 Simon Inyan, Jesus Messiya tawowidake qa yeši qon he, tona Wakantanka unkitawapi toowotanna kin on, qa Jesus Messiya Wanikiye cin eciyatanhan, unkiye unhapi kin iyecen wowacinye tehika yuhapi kin hena *wowapi wicakicaga*.

2 Wowaonsida, wookiye ko, Wakantanka sdonayapi kin en, qa Jesus Itancan unkiyapi kin on nicyuotapi nunwe.

3 Iye towasake wakan kin he taku on wiconi qa woohodapi

kte cin owasin unqupi kin he iyececa, tuwe wowitan qa wookihi on unkcopi kin he sdonayapi kin eciyatanhan.

4 Hena on taku tanka hinca, qa taku tehike hinca iwahounyanpi ; hecen hena on Taku Wakan ouncage kin en oyapapi kta, wiconi kin de en wocantiheye sica on wicošice nayecipapi kin.

5 Qa nakun he on nina mniheiciya po, wacinyayapi kin en waditakapi kin ikoyagya po ; qa waditakapi kin en wosdonye ;

6 Qa wosdonye kin en iyatahdeiciyapi sni ; qa iyatahdeici-

WICOWOYAKE 2.

yapi śni kin en wacintankapi; qa wacintankapi kin en taku wakan iyececapı;

7 Qa taku wakan iyececapı kin en waštekiçidapı; qa waštekiçidapı kin en wacantkiyapı *iko-yagya po*.

8 Hena taku kin en niunpi qa niciyuotapı kinhan, Jesus Messiya Itancan unkiyapı sonyapı kin en taku icahiye ça waskuyeca aicage cin heniçapı kta e niçagapı.

9 Tuka tuwe dena yuhe śni kinhan, he iŝtagonge ça tehan wawanyaka okihi śni, qa waŝitanı qon hena kipakintapı kin he akiktonja.

10 Heon etanhan, mihunkawanji, nicopi qa nicalnigapı kin aiçiciya hdusuta po; hena hecen eanonpi kinhan icimana nihinhpayapı kte śni.

11 Qa nakun heon Jesus Messiya Itancan qa Wanikiya unkitawapı tokiconze owihanke wance cin en yaipi kte cin wijinya niçupı kta.

12 Hcon etanhan taku hececa ohinnıyan kiksuyeciçiyapı kta awektonje kte śni, hena niye hinca sonyayapı, qa nakaha wowicake kin de en sutaya nihdepi eŝta.

13 Tohanyan wakeya kin de ohna waun kin hehanyan kiksuyeciçiyapı kin on iyocipaŝtakapı kte cin he hecetu wadake :

14 Wakeya mitawa kin de aŝkadan wehnake kta sdonwakiya, Jesus Messiya Itancan unkiyapı omakiyake ciqon iyececa.

15 Tuka nakun detanhan imdamde cin iyohakam, taku kin dena ohinnıyan yeksuya oyaçihıpi kta e awakite kta.

16 Jesus Messiya Itancan unkiyapı towaŝake qa hi kte cin hena unkoniciyakapı qehan, hi-

tunkakanpi ksamya kagapı kin unkunpi śni, tuka iye tanka hince cin he iŝta on wanunyakapı.

17 Wakantanka Ateye cin eciyatadhan woyuonihan wowitan ko icu, wowitan wašte kin etanhan wicaho kin de hiyu qehan, Micinkŝi waŝtewakidake cin he dee, on iyomakıpi hinca ce.

18 Unkan wicaho kin he maŝpiya eciyatadhan u kin he nanunhonpi, paha wakan kin akan kici unyakonpi qehan.

19 Tuka wokcanpi oie iyotan suta wan unhapı; he qe anayagoptanpi kinhan tanyan eanonpi kta, petijanjan tukten otpaze cin en ijanjan kin iyececa, niçantepı kin ekta anpao kamdeze ça, en anpao wicanhpi kin hınanpe kte cin hehanyan.

20 Qa de tokaheya sonya po, wowapı wakan kin en wokcanpi kin owasin tuwedan iye cinka oyake śni.

21 Wokcanpi kin wanakajatanhan wicaŝta tawacin kin eciyatadhan u śni; tuka wicaŝta wakan Wakantanka tawa Woniya Wakan kin token iewicakiye ciqon hena hecen eyapı ece.

WICOWOYAKE 2.

1 Tuka he ehan oyate kin ehna wicaŝta wokcan itonpi śni yukan qon, he iyecen niyepı kin ehna waonspekiya itonpi śni kin heca yuke kta, nalınana wohnuni woihangye kin en aupı kta, Itancan opewicakıton qon he ehpeyapı, qa wicotakuniŝni oňanko amnaiciçiyapı kta.

2 Qa wicoňan ŝica econpi kin en wicota opapı kta; hena on wowicake canku kin yaŝicapı ece e kta.

3 Qa waicu wacinpi kin eciya-

II. INYAN.

tanhan wicoie skuya on wiyopeniyanpi kta ; hena e wicayacopi kin wanakajatanhan en awicau, qa ihangwicayapi kte cin he liba šni.

4 Wakantanka małpiya ohni-hde wahtanipi qon hena wicapatan šni, tuka wakanšica ti kin ekta iyayewicaya, qa woyaco kte cin hehanyan wicayuhapi kta e otpaza maza icicahiha on wicakaška hecinhan ;

5 Qa maka tannike cin kpatan šni, tuka Nowa wicašta wicišahdoğan wicoowotanna oyake cin he kpatan, qa wicoicage wahtanipi sa amnitanwicaya ;

6 Qa Sodom qa Gomorra otonwe kin cahota kałiya elpewicaye, woihangye on wicayaco, qa tona tokata wahtani sa unpi kte cin hena woonspe wicakicaga ;

7 Qa Lot owotanna un, wicašta wahtepi šni ołian šicapi kin wacin iyowicakišica ece kin he ełdaku :

8 Wicašta owotanna kin he hena wicehna ti, qa taku wan yaké qa nałion kin on, anpetu eca iye nagi owotanna ekta wacin iyowicakišica ece, šicaya ołhanyanpi kin on :

9 Itancan kin wicašta wašte wowiyutanye kin etanhan token ewicahdaku kta sdonya, qa nakun wicašta owotanna šni kin woyaco anpetu kin hehanyan wicayuhe kta, šitkihdawicayapi kta e heon :

10 Tuka tona woasamy e cantihayapi kin en wicacełpi eciyatanhan manipi, qa wokiconze wahtedapi šni kin hena iyotan : hena wałhaničidapi qa wamnaičidapi ece ; qa tona tankapi kin wicayašicapi kokipapi šni.

11 Małpiya ohnihde kin, woo kihi qa wowašake on iyotanpi qeyaš, Itancan kin itokam wa-

yašicapi woyaco kin en awicayapi šni ece.

12 Tuka dena iš, woteca iyececa, wicayuzapi qa ihangwicayapi kta e on wicakagapi kin, taku okałnigapi šni keš he yašicapi ece ; qa wicotakunišni tawapi kin en ihangciyapi kta ;

13 Qa anpetu icunhan tanyan wotapi kin he woiyokipi dakapi kin heon wahtani iyunwin kin icupi kta. Hena om wayatapi icunhan wohneyeciayapi kin on iyuškinpi, woasape qa taku samya wanke cin hecapi ;

14 Išta yukanpi wiinalmanpi kin on ojudan qa wahtani ayuštanpica šni ; wicanagi kacegya unpi kin hena wicahnayanpi ece ; cante wawicakipi e ecewakta kin heca yuhapi, wicotakunišni cincapi kin :

15 Canku owotanna kin ayuštanpi, qa onuniyata unpi, Bal laam Bosor cinhintku wahtani iyunwin wašt edake ciqon he tancanku kin en opapi :

16 Iye taku šica econ qon on iyopeyapi ; šonšonna kin ia okitpani ece wicaho on ie qa, wicašta wokcan witkotkoya ołhanye cin he kišica.

17 Miniyowe mini wanica, małpiya šapa tate iyumni on toke cincin eyaye cin hena hecapi ; hena on otpaza sape linca owihanke wanica wicakicihnakapi.

18 Wałanłaničidaya takušnišni eyapi eca, wicacełpi cantihayapi kin eciyatanhan, witkoya ołhanyanpi kin on, tona wohneye en ounyanpi kin kitan ecinyan nawicakicipapi qon hena iyakapewicayapi ece.

19 Tawaiciyapi kin wicakupi kta keyapi, tuka iyepi kaeš wicotakunišni iwicadaka. Taku on tuwe iyakapeyapi kinhan, he on wowidagyapi ece.

WICOWOYAKE 3.

20 Itancan qa Wanikiya Jesus Messiya sdonyapi kin eciyatanhan, wicoicage kin de en woasape kin nakipapi esta, ake hena on iyakapeyapi qa en ihdaskapi kinhan, hena otokahe ekta washte qa owihankepi kin he sica ece.

21 Woowotanna canku kin he sdonyapi sni unkanis he washte kta tuka, qa he sdonyapi qa woa hope wakan wicaqupi kin ayustanpi kin he sice hinca.

22 Tuka wiyacinpi eyapi wicakapi kin he iyecen waakipapi; Sunka taku hiyuye cin he ake hduta ce; qa, Kukuşe yujajapi qon he ake upsiya en iwanka ce.

WICOWOYAKE 3.

1 Washtecicidapi kin, de nakaha wowapi inonpa cicagapi; hena en nitawacinpi mdesahan kiksuyapi on iyocipaştakapi.

2 Hecen wicašta wokcan wakan token oieyapi qon, qa nakun unkiye Itancan qa Wanikiya yeunsiپی qon token econ unisiپی kin hena yeksuyapi kta.

3 Qa de tokaheya sdonya po, anpetu ehake kin en waihaşapi, iye cantiheyapi sica eciyatanhan manipi kin heca hipi kta;

4 Qa heyapi kta; Hi kta keyapi qon he tukte e he; wicahunkake istinma ihpayapi ehan tanhan otokaheya tanhan taku owasin tokeca sni wanka ce.

5 Tuka he de sdonyapi sni, Wakantanka oie kin eciyatanhan malpiya kin ehanna un, qa maka kin mini mahen qa nakun mini akan han;

6 Qa nakun he eciyatanhan, maka ehanna un qon he mini apaşbog hiyaye ca ihangya.

7 Tuka malpiya qa maka nakaha un kin hena iye oie kin on kihnakapi, peta on ayuhapi, wo-

yaco anpetu qa wicašta sica şitkihdawicayapi kte cin hehan tu.

8 Tuka, washtecicidapi kin, he de sdonye sni yukanpi sni po, Itancan kin ekta anpetu wanjidan waniyetu kektopawinge iyececa, qa waniyetu kektopawinge anpetu wanjidan iyececa ece.

9 Itancan kin taku wahowicaye cin yutehan sni, wicašta wanjiksi yutehanpi eyapi kin iyececa; tuka unkiyepi on wawacinkta yuza tanka, tuwedan awihnnuniçiyeye kte sni, tuka owasin woiyopeiçiyeye en ihdoui kta cin.

10 Tuka Itancan taanpetu kin wamanon sa wan hanyen hi ece kin he iyecen u kta, hehan malpiya kin hmunlmunyan hinhda on token iyaye kta, qa taku kin peta hinca on skan kta; qa maka kin wicohan ohna un kin hena huşnage kta.

11 Hena taku kin owasin hecen skan kta hecinhan, wicohan washte qa Taku Wakan iyececapi kin en taku wicašta yaunpi kta iyececa he:

12 Wakantanka taanpetu u kte cin he ayapepi qa on inayahnipi kta; he en malpiya kin aide ecen atakuni kte sni, qa taku kin peta tanka hinca on skan kta.

13 Hececa esta, unkiye, iye wahounyanpi kin eciyatanhan, malpiya teca qa maka teca en woowotanna onnye cin he wanunyakapi kta e unkapepi.

14 Heon etanhan, washtecicidapi kin, taku hececa ayapepi kin heon aiçiciya po, hecen iye wookiye en asape sni qa iyaonpepicaşni iyenianpi kta.

15 Qa Itancan wawacinkta yuza tanka kin he wiconi kecan kin po; Palos, hunkawanjinun-

I. JOHANNES.

yanpi wašte kin, is eya woksape qupi kin eciyatanhan, wowapi nicagapi kin iyececa ;

16 He wowapi kage cin owasin en taku hececa cajeyata ece ; hena wanjiksi okahnih tehika, tona onspepi sni qa kaktihanhan unpi kin yatokecapi, wowapi unma kin iyececa, iye ihdutakunipi kte sni heon.

17 Heon etanhan, waštecici-

dapi kin, nis niyepi hena itokam sdonyayapi, heon ihnuhan wicašta sica wohnye kagapi kin nihnyanpi, qa sutaya nihdepi kin etanhan nihinlipayapi kinhan.

18 Tuka wowašte kin en, qa nakun Itancan unyanpi Wani-kiya Jesus Messiya sdonyapi kin en icaga po. Iye kin wowitan nakaha qa owihanke wanica kiciun nunwe. Amen.

JOHANNES

TAWOWAPI TOKAHEYA KIN.

WICOWOYAKE 1.

1 Taku otokaheya tanhan un, taku naunhonpi, qa ista on wanunyakapi, opaunhtapi qa nape on unzapi, Wiconi Oie kin hee.

2 Wiconi kin he ihdutanin ; unkan Wiconi Owihanke Wanica Ateyapi kin kici un, qa unkiyepi kin en ihdutanin qon he wanunyakapi, qa unyaotaninpi qa unkoniciyakapi.

3 Taku wanunyakapi qa naunhonpi kin he unkoniciyakapi, hecen niye unyecicapi kta ; unkan awicakehan Ateyapi kin kici okiciciya unyakonpi, qa nakun iye Cinhintku Jesus Messiya kici.

4 Unkan nitowiyuskinpi kin yucopi kta e heon dena decen wowapi unnicagapi.

5 Hehan wotanin wašte iye eciyatanhan naunhonpi qa unkoniciyakapi kin, Wakantanka he iyoyanpa, qa otpaza takudan en un sni kin he hee.

6 Iye kici okiciciya unyakonpi ce, unkeyapi qa otpaza kin oma-

unni kinhan, unkitonpišni qa wowicake kin econkupi sni ece.

7 Tuka iye iyoyanpa en un kin he iyecen iyoyanpa kin en maunni kinhan, otioyohi okiciciya unyakonpi, qa iye Cinhintku Jesus Messiya we kin-he woahhtani owasin unkipakintapi kta.

8 Woahhtani unnicapi ce, unkeyapi kinhan, unkiçihnayanpi qa wowicake kin unkiyepi en un sni.

9 Tuka waunhtanipi kin unkohdakapi kinhan, iye kin wacinyepica qa owotanna un, hecen woahhtani yutokan iyeunkiciciyapi kta, qa taku sica owasin unkipakintapi kta.

10 Eca waunhtanipi sni ce, unkeyapi kinhan, iye itonšni undakapi, qa iye oie kin unkiyepi en un sni ece.

WICOWOYAKE 2.

1 Micinca cikcistinpidan, wa-yahtanipi kte sni e heon dena decen wowapi cicagapi. Unkan tuwe wahtani kinhan Ateyapi kin ekta Wawiciya wan unhapi,

WICOWOYAKE 2.

Jesus Messiya owotanna kin hee.

2 Unkan waunhitanipi wokajuju kin he iye; qa unkiye unkita-wapi kin hecedan s̄ni, tuka marka kin owancaya woahitani econ-pi kin hena.

3 Unkan deciyatanhan iye kin wanna sdonunyanpi e sdonunkiyapi, tawoahope unkocicipapi kinhan.

4 Tuwe, He sdonwaya ce, eye ça tawoahope okicipe s̄ni kin he iton̄s̄ni, qa wowicake kin en un s̄ni.

5 Tuka tuwe iye oie kin okicipe cinhan, awicakehan he en Wakantanka waštedake cin yuecetupi. Heciyatanhan iye kin en unyakonpi kin sdonunkiyapi ece.

6 Tuwe he kici un keye cinhan, iye token omani qon is̄ iye-cen omani kta iyececa.

7 Mihunkawanji, woahope teca wan cicagapi s̄ni, tuka woahope tanina, otokaheya tanhan duhapi qon hee. Woahope tanina kin wicoie otokahe ekta nayahonpi qon he hee.

8 Hehan akeš woahope teca wan cicagapi; he iye kin en wowicake, qa nakun niyepi kin en; otpaze cin he wanna henakeca, qa iyoyanpa wicake cin he wanna tanin kin heon etanhan.

9 Tuwe iyoyanpa kin en un keciye ça, hunkawanjitku kin šicekidake cin he dehantu otpaza kin en un.

10 Tuwe hunkawanjitku waštekidake cin he iyoyanpa kin en un ece, qa wokašeye takudan en un s̄ni.

11 Tuka tuwe hunkawanjitku šicekidake cin he otpaza en un, qa otpaza omani, qa tokiya ye cin sdonkiye s̄ni, išta kin otpaza kašeya, heon etanhan.

12 Hokšiyopa cikcistinpidan, iye caje kin on wayahtanipi kin nicicajujupi kin heon wowapi cicagapi.

13 Hunkakeniyanpi kin, tuwe otokaheya tanhan un kin he sdonyayapi kin heon wowapi cicagapi. Koškapi kin, tuwe šice cin he ohiyayapi kin heon wowapi cicagapi.

14 Hokšiyopa cikcistinpidan, Ateyapi kin sdonyayapi kin he etanhan wowapi cicagapi. Hunkakeyapi kin tuwe otokaheya tanhan kin he iye sdonyayapi kin heon wowapi cicagapi. Koškapi kin, wanišakapi, qa Wakantanka oie kin en niunpi, qa tuwe šice cin he yaktepidan kin he etanhan wowapi cicagapi.

15 Wicoicage kin de waštedapi s̄ni po, qa taku wicoicage kin ekta un kin hena nakun. Tuwe wicoicage kin de waštedake cinhan, Ateyapi kin waštedake cin en un s̄ni.

16 Taku wicoicage en un kin owasin, wicacelipi cantiheye cin, wicaišta cantiheye cin, qa wiconi kin den wahaniciđapi kin, hena Ateyapi kin etanhan s̄ni, tuka wicoicage kin de etanhan.

17 Unkan wicoicage kin de atakuni kte s̄ni, qa wocantiheye kin nakun; tuka tuwe Wakantanka tawacin kin yuhe cinhan, he owihanke wanin ounye kta.

18 Hokšiyopa cikcistinpidan, anpetu ihankeya kin wanna hiyohi; unkan, Messiya kipajin kin he u kta ce, nayahonpi qon he iyecen Messiya kipajinpi kin ota wanna hipi; heon de anpetu ehake kin sdonunyanpi.

19 Unkiyepi kin etanhan inanpapi, tuka hena unkicicapi s̄ni. Hena unkicicapi unkanš, unkici,

I. JOHANNES.

pi un wacinpi kta : tuka owasin unketanhanpi šni tanin kta e heon etanhan hececa.

20 Tuka Wanji Wakan kin he niye sdaniyanpi, qa heon taku owasin sonyayapi.

21 Wowicake kin sonyayapi šni kin heon wowapi cicagapi šni ; tuka he sonyayapi, qa woitonšni takudan wowicake kin eciyatanhan u šni, heon etanhan.

22 Tuwe itonšni he ; tuwe Jesus he Messiya kin ee šni, keye cin hee ; Messiya kipajin kin hee, Ateyapi qa nakun Cinhintku kin anawicakihbe cin hee.

23 Tuwe Cinhintkuyapi kin wicada šni kin he Ateyapi kin yuhe šni : tuka tuwe Cinhintkuyapi kin oyake cinhan, he Ateyapi kin nakun yuha ece.

24 Taku otokaheya tanhan nayahonpi qon he yuha po. Taku otokahe ekta nayahonpi qon en niunpi kinhan, Cinhintkuyapi kin en yaunpi kta, qa nakun Ateyapi kin en.

25 Unkan wahoyapi qon taku iwahounyanpi kin, owihanke wanin wiconi kin hee.

26 Tona nihnyanpi kta cinpi kin hena on decen wowapi cicagapi.

27 Tuka sdaniyanpi, iye eciyatanhan duhapi kin he nicipi un ; qa tuwe waonspeniciyapi kta iyenicecapi šni ; tuka sdaniyanpi kin he taku owasin onspeniciyapi, he wowicake qa woitonšni wanica ; he taku onspeniciyapi kin iyecen, iye kin en un po.

28 Unkan dehan, hokšiyopa cikcistinpidan, iye kici un po ; hecen tohan iye ihdutanin kinhan wacinunyanpi kta, qa taninyan hinajin kinhan, itokam unkištecapi kte šni.

29 Iye owotanna un sonyaya-

pi kinhan, tuwe woowotanna econ kin he iye kin eciyatanhan wanna teca nien tonpi e nakun sdyona po.

WICOWOYAKE 3.

1 Wanyaka po, Ateyapi kin wocantekiye hinsko tanka unqupi kin, Wakantanka cinca unkekiciyapi kta : heon etanhan wicoicage kin sdonunyanpi šni, iye kin sonyapi šni qon iyececa.

2 Waštecicidapi kin, wanna Wakantanka cinca kin heuncapi ; qa tounkecapi kte cin hinahin tanin šni : tuka iye kin ihdutanin kinhan, iyeuncecapi kta e sdonunkiyapi ; he token un kin wanunyakapi kta nakaes.

3 Unkan tuwe hecen wacinyan canteyuze cinhan ihducedan ece, iye kin ecedan un kin iyecen.

4 Tuwe woahitani econ kin he woope kin kicaksa ece ; woahitani he woope kicaksapi kin hee.

5 Unkan iye ihdutanin qon, waunhitanipi kin yutokan iyeye kta e heon, he sonyayapi ; qa iye kin woahitani takudan en un šni.

6 Tuwe iye en un kin he wahtani šni ; tuwe wahtani ece kin he iye kin tohinni wanyake šni, qa nakun sdyone šni.

7 Hokšiyopa cikcistinpidan, ihnuhan tuwe nihnyanpi kinhan ; tuwe taku owotanna econ ece kin he owotanna, iye kin owotanna un kin iyececa.

8 Tuwe woahitani econ ece kin he wakanšica eciyatanhan un ; otokaheya tanhan wakanšica kin wahtani ece. Heon etanhan Wakantanka Cinhintku kin ihdutanin, wakanšica ohan kin ihangye kte cin heon.

9 Tuwe Wakantanka eciyatan-

WICOWOYAKE 4.

han teca nien tonpi kin he woa-
litani econ śni, taku on icalhye
cin he en un kin heon; unkan
wahtani okihi śni, Wakantanka
eciyatanhan teca nien tonpi kin
he etanhan.

10 Detanhan Wakantanka cin-
ca kin sdonwicayapi, qa nakun
wakansica cinca kin; tuwe taku
owotanna ece econ śni kin he
Wakantanka eciyatanhan śni,
qa nakun tuwe hunkawanjitku
tanyan cante kiyuze śni kin.

11 Otokaheya tanhan taku iwa-
hokonunkiciyapi nayaħonpi qon
he dee, otoyohi wašteunkicida-
kapi kte cin.

12 Qain taku śice cin eciyatan-
han un, qa iye sunkaku kikte
qon iyecece śni. Unkan taku
on kikte he. Iye kin oħan śica,
qa sunkaku kin wašte kin heon
etanhan.

13 Mihunkawanji, wicoicage
kin śicenidapi ešta inihanpi śni
po.

14 Hunkawanjinkiciyapi wa-
štewicunkidapi kin heon wicon-
te etanhan wiconi e ekta unki-
yohipi sdonunhiyapi; tuwe hun-
kawanjitku waštekidada śni kin he
wiconte ehna un.

15 Tuwe hunkawanjitku śice-
kidake cin he tinwicakte kin
heca; unkan tuwe tinwicakte
kin he wiconi owihanke wanica
aihduhe śni e sdonuyayapi.

16 Deciyatanhan wacantkiyapi
kin sdonunyanpi; iye kin unki-
yepi on wiconi ehpekiye cin
heon; hecen unkiś eya hunka-
wanjinkiciyapi kin on wiconi
ehpeunkiyapi kta iyececa.

17 Tuka tuwe maka akan wo-
yuha ton, qa hunkawanjitku wa-
ħpanica wanhdake ĉa, cantekiye
cin anakipte cinhan, token Wa-
kantanka waštedake cin en un
kta he.

18 Micinca cikcistinpidan, wi-
coie qa wicaceji ecedan on wa-
canunhiyapi kte śni, tuka wico-
lian qa wowicake kin on.

19 Unkan deciyatanhan wowi-
cake eciyatanhan unyakonpi, qa
iye itohnake kin en cante un-
hdutinzapi kta e sdonunhiyapi.

20 Uncantepi kin unhdacopi
kinhan, Wakantanka uncantepi
kin sam iyeya tanka, qa taku
owasin sdonya un.

21 Waštecidapi kin, uncante-
pi kin unhdacopi śni kinhan,
Wakantanka ekta wowaditake
kin unhapi:

22 Qa taku unkidapi kin owa-
sin unkiĉupi ece, tawoahope kin
unkiciyuhapi, qa taku iye išta
kin en iyokipi kin he econkupi,
heon etanhan.

23 Unkan tawoahope kin he
dee, Iye Cinhintku Jesus Messi-
ya ĉaje kin wacinunyanpi, qa
otoiyohi wašteunkicidapi kta,
econ unśipi qon iyececa.

24 Tuwe tawoahope kin opecin-
han, he *Wakantanka* kici un, qa
iś iye kin en un; unkan Woniya
unĉupi kin he eciyatanhan iye
unkicipi un kin he sdonunyanpi
ece.

WICOWOYAKE 4.

1 Waštecidapi kin, ihnuhan
woniya owasin wicayadapi kin-
han; tuka woniya kin wicayu-
kcan po, Wakantanka etanhan
unpi kinhan; wicašta wokcan
itonpiśni ota wanna wicoicage
kin ehna iyayapi.

2 Deciyatanhan Wakantanka
Taniya kin sdonuyayapi kta; wo-
niya kin tona Jesus Messiya wi-
caceħpi un hi oyake cin hena
Wakantanka eciyatanhanpi ece.

3 Qa woniya kin tona Jesus
Messiya wicaceħpi un hi oyake
śni kin hena Wakantanka eciya-

I. JOHANNES.

tanhanpi šni; tuka Messiya kipajin u kta nayahonpi qon he dee, wanna wicoicage kin en un.

4 Kokšiyopa cikcistinpidan, Wakantanka eciyatanhan yaunpi, qa hena ohiwicayayapi; tuwe en niunpi kin he tuwe wicoicage en un kin isanpa tanka.

5 Hena e wicoicage kin etanhanpi; heon wicoicage kin iyeccen iapi, unkan wicoicage kin anawicagoptan ece.

6 Unkiye Wakantanka unketanhanpi; tuwe Wakantanka sdonye cin he unkiye anaungoptanpi ece; qa tuwe Wakantanka eciyatanhan šni kin he anaungoptanpi šni. Deciyatanhan wowicake woniya qa wohnye woniya kin napin sdonunyanpi.

7 Wašteccidapi kin, otoiyohe canteunkiciciyapi kte; wacantkiyapi kin he Wakantanka eciyatanhan un; qa tuwe wacantkiye cin he Wakantanka eciyatanhan tonpi, qa Wakantanka sdonya.

8 Tuwe wacantkiye šni kin he Wakantanka sdonye šni; Wakantanka he wacantkiyapi kin hee.

9 Wakantanka canteunkiyapi kin he deciyatanhan tanin, Wakantanka iye Cinhintku isnana icage cin he makata u ši, heciyatanhan unnipi kta e heon.

10 Wacantkiyapi kin he deciyatanhan, unkiye Wakantanka wašteundakapi kin hee šni, tuka iye canteunkiyapi, qa Cinhintku waunhtanipi yutokan iyeye kta e on u ši qon hee.

11 Wašteccidapi kin, Wakantanka hecen canteunkiyapi kinhan, unkiš eya otoiyohe canteunkiciciyapi kta iyececa.

12 Tuwedan tohinni Wakantanka wanyake šni. Otoiyohe canteunkiciciyapi kinhan Wa-

kantanka unkiyapi un, qa iye canteunkiyapi kin unkiyepi en tanyan yušanpi ece.

13 Heciyanhan unkiye kici unyakonpi, qa iye unkiyapi un kin sdonunyanpi ece, iye Taniya unqupi kin heon.

14 Unkan wanunyakapi, qa Ateyapi kin Cinhintku ukiya, wicoicage kin ekta, Wanikiya hee kta e he unyaotaninpi.

15 Tuwe Jesus he Wakantanka Cinhintku kin hee e oyake cin he kici Wakantanka un, qa is eya Wakantanka en un ece.

16 Wakantanka canteunkiyapi kin he sdonunyanpi qa wicaundapi. Wakantanka wacantkiyapi kin hee; qa tuwe wacantkiyapi en un kin he Wakantanka kici un, qa Wakantanka is nakun iye en un ece.

17 Deciyatanhan wocantekiye unkiyepi en unkiciyušanpi ece, hecen woyaco anpetu kin en wowaditake unhapi kta: iye un kin unkiš iyecen wicoicage kin den unyakonpi ece.

18 Wacantkiyapi kin en wokokipe wanica, tuka wacantkiyapi yušanpi kin he wokokipe tankan ehpeya ece; wokokipe kin he wicocante šica yuha ece; tuwe wokokipe cin he nahanhin wacantkiyapi kin en yušanpi šni.

19 Iye tokaheya canteunkiyapi kin heon unkiye *Wakantanka* wašteundakapi.

20 Tuwe, Wakantanka waštewadaka ce, eye ça hunkawanjitku šicekidake cinhan, he itonšni. Tuwe hunkawanjitku wanhake cin he waštekidake šni kinhan, token ecin Wakantanka wanyake šni kin waštedaka okihi kta he.

21 Unkan iye etanhan woahope kin de unhapi; tuwe Wakan-

WICOWOYAKE 5.

tanka waštedake cin he hunka-
wanjitku kin is nakun wašteki-
dake kta ce.

WICOWOYAKE 5.

1 Tuwe Jesus he Messiya kin
ee e wicada kin he Wakantanka
eciyatanhan tonpi ; qa tuwe wa-
icalhye cin waštedake cinhan,
he tuwe iye eciyatanhan teca
ni en tonpi kin he nakun wašte-
daka ece.

2 Deciyatanhan Wakantanka
cinca kin waštwewicundakapi kin
sdonunkiyapi, Wakantanka wa-
šteundakapi qa tawoahope kin
tanyan unkiciyuhapi kinhan.

3 Wakantanka waštedakapi kin
he dee, tawoahope kin tanyan
ounpapi kin he ; unkan tawoa-
hope kin wošitkihda šni.

4 Tuwe Wakantanka eciyatan-
han tonpi kin he wicoicage kin
ohiya ece ; unkan woohiye wi-
coicage ohiye cin he dee, wa-
cinunyanpi kin hee.

5 Wicoicage ohiya ece kin he
tuwe he ; tuwe Jesus he Wa-
kantanka Cinhintku kin ee e
wicada kin hee.

6 Tuwe mini qa we eciyatan-
han hi qon he Jesus Messiya ee ;
mini ecedan on hi šni, tuka mini
we ahna. Unkan wayaotanin
kin he Woniya kin hee ; Woniya
kin he wowicake, heon etanhan.

7 Mahpiya kin ekta yamni wa-
yaotaninpi ece, Ateyapi kin, Wi-
coie kin, qa Woniya Wakan kin ;
unkan hena yamni wanjipidan.

8 Nakun maka akan taku ya-
mni wayaotanin ece, Woniya
kin, qa mini kin, qa we kin ; un-
kan hena yamni wanjidan en un.

9 Wicašta akantu taku yaotan-
inpi kin he unki cupi kinhan,
Wakantanka taku yaotaniin kin
he iyotan tanka ; Wakantanka

taku yaotanin kin he dee, iye
Cinhintku hdaotanin qon hee.

10 Tuwe Wakantanka Cinhin-
tku kin wicada kin he wayaotan-
in iye atayedan yuha un. Tu-
we Wakantanka wicada šni kin
he itonšni daka ece ; wayaotan-
in kin on Wakantanka iye Cin-
hintku hdaotanin qon he wicada
šni kin heon.

11 Unkan wayaotanin qon he
dee, Wakantanka wiconi owi-
hanke wanica unqupi kin he ;
unkan wiconi kin he iye Cinhin-
tku kin en un.

12 Tuwe Cinhintkuyapi kin
yuhe cin he wiconi yuha ; qa tu-
we Wakantanka Cinhintku kin
yuhe šni kin he wiconi yuhe šni.

13 Wakantanka Cinhintku ca-
je kin wacinyayapi kin dena wo-
wapi cicagapi kin ; wiconi owi-
hanke wanica duhapi e sdonya-
kiyapi kta, qa Wakantanka Cin-
hintku caje kin wacinyayapi kta
e heon.

14 Unkan iye ekta wowadita-
ke unhapi kin he dee, Iye tawa-
cin kin eciyatanhan taku unki-
dapi eca naunkihonpi ece :

15 Qa taku unki dapi eca naun-
kihonpi ece e sdonunkiyapi kin-
han, taku tona unki dapi kin he-
na unhapi e nakun sdonunkiya-
pi ece.

16 Tuwe hunkawanjitku wa-
htani wanhdake cinhan, woahita-
ni kin he wiconte ekta šni kin-
han, wocekiye ekiciye kta, un-
kan *Wakantanka* wiconi qu kta,
tona wahtanipi wiconte ekta
iyahde šni hena on. Woahitani
wanji wiconte ekta ; he on wo-
cekiye eye kta epe šni.

17 Taku šica econpi kin owasin
woahitani ; unkan woahitani wi-
conte iyohi šni kin heca yukan.

18 Tuwe Wakantanka eciya-
tanhan tonpi kin he wahtani šni

II. JOHANNES.

éce e sdonunyanpi; tuka tuwe Wakantanka eciyatanhan icage cin he tanyeli ihduhe ça hecen taku síce cin he oyutan síni ece.

19 Wakantanka eciyatanhan unyakonpi kin he sdonunkiyapi; qa wicoicage kin ocowasin woahtani en wanka.

20 Unkan Wakantanka Cinhintku kin he hi, qa wicoksape

unqupi, on tuwe wicake cin iye-unkiyapi kta e sdonunyanpi; unkan tuwe wicake cin he en unyakonpi, iye Cinhintku Jesus Messiya hee. Wowicake Wakantanka qa owihanke wanin wiconi kin hee.

21 Hoksíyopa cikcistinpidan, taku wakagapi kin itehan ihduha po. Amen.

JOHANNES

TAWOWAPI INONPA KIN.

1 Hunkayapi un kin, Kuria kahinigapi qon *wowapi kicaga*; iye cinca kin, wowicake eciyatanhan waštewicawadake cin hena om, qa mišnana síni, tuka nakun tona wowicake sdonyapi kin hena owasin;

2 Wowicake kin en unyakonpi, qa owihanke wanin unkicipi un kte cin heon etanhan.

3 Wowašte, wowaonśida, wookiye ko, Wakantanka Ateyapi kin eciyatanhan, qa nakun Jesus Messiya Itancan, Ateyapi kin he Cinhintku kin eciyatanhan, wowicake wacantkiyapi ko en, nicipi un nunwe.

4 Ateyapi kin woahope unqupi qon iyecen, nicinca wowicake eciyatanhan manipi iyewicawakiye cehan nina inđuskin.

5 Unkan nakaha, Kuria, ceciye ee, woahope teca wan cicage cin iyecece síni, tuka wanji otokahe ekta unhapi qon, otoiyo hi canteunkicieiyapi kte cin hec.

6 Qa wacantkiyapi kin he dee, tawoahope kin eciyatanhan mannipi kte cin hee. Woahope kin he dee, Otokahe ekta taku nayahonpi qon he ohna mayanipi kte cin.

7 Wanna wicahnaye sa ota wicoicage kin ehna iyayapi, hena Jesus Messiya wicacelipi un hi qon oyakapi síni. He wicahnaye sa qa Messiya kipajin kin heca.

8 Iwanihdaka po, hecen taku unkamnanpi kin toki ehpeunyanpi kte síni, tuka wokajuju iyakiçuya unkiçupi kta.

9 Tuwe wahtani qa Messiya tawoonspe kin en un síni kin he Wakantanka yuhe síni. Tuwe Messiya tawoonspe kin en un kin he Ateyapi kin yuhe ça nakun Cinhintku kin.

10 Tuwe en niipi qa woonspe kin de yuhe síni kinhan, tin u śipi síni po, qa wookiye eciyapi síni po.

11 Tuwe wookiye eciye cin he iye oħan síce cin en opa.

12 Taku ota wowapi cicagapi kta mduha ešta, minihuha minisapa ko on ecamon kte síni: tuka en ciupi qa i eciyatanhan ociciyakapi kta e ecin cante mduza; hecen wowiyuŝkin unkitawapi kin ojudan kta.

13 Nitanka kahinigapi qon cincawicaye cin hena nape niyuzapi. Amen.

JOHANNES

TAWOWAPI IYAMNI KIN.

1 Hunkayapi *waun* kin, Gayos waštedakapi kin, wowicake en waštewadake cin he, *wowapi cicaga*.

2 Wašteticida, taku owasin isanpa, tanyan iyoopte de kta qa zaniyan yaun kta e cewakinya ece, ninagi iyoopta ye cin iyececa.

3 Hunkawanjinkiciyapi kin den hipi, qa wowicake en niun kin he oyakapi qehan, wowicake eciyatanhan mayani kin heon nina imduškin.

4 Micinea wowicake kin eciyatanhan manipi nawahon kin heon wowiyuškin iyotan tanka mduha, takudan kape šni.

5 Wašteticida, taku hunkawanjinkiciyapi kin, qa nakun wicašta toktokeca ecawicayecon kin he tanyeh ecanon:

6 Hena e okodakiciye kin en wacanyakiye cin tanyan oyakapi: hena icimanipi en, Taku Wakan iyecen, owicayakiye cinhan, tanyan ecanon kta.

7 Iye caje kin on iyayapi, qa Ikcewicašta kin etanhan takudan icupi šni, heon etanhan.

8 Heon tona hececapi kin hena iyowinwicunkiyapi kta iyececa; hecen wowicake kin ounkiyapi kta.

9 Okodakiciye kin wowapi

wicawecaga; tuka hena ehna Diotrepheš itanean icida kin he iyowinunkiyapi šni.

10 Heon etanhan wau kinhan, iye ohan kin, oie šica on unkaiapi ece kin hena weksuye kta. Unkan he on imnan šni, tuka iye hinca hunkawanjinkiciyapi kin iyowinwicakiye šni, qa tona hecon wacimpi kin iyowicaki šni, qa okodakiciye kin etanhan tankan iyayewicaya ece.

11 Wašteticida, taku šice cin he en ope šni wo, tuka taku wašte kin. Tuwe taku wašte econ kin he Wakantanka eciyatanhan un, tuka tuwe taku šica econ kin he Wakantanka wan-yake šni.

12 Demetrios owasin on tanyan oyakapi, qa wowicake kin nakun eciyatanhan; unkan unkiš eya he unyaotaninpi, qa waunyaotaninpi kin he wowicake e sdoniyayapi.

13 Taku ota ociciwa kta mduha tuka, tuka minisapa wiyaka ko on hena wowapi cicage kte šni:

14 Tuka ecanan wanciyake kta, qa i eciyatanhan unkokiciye kta wacin.

15 Wookiye niye en niciun nunwe. Takukiciyapi kin hena nape niyuzapi. Takukiciyapi kin cajeyan nape wicayuza wo.

JUDAS

TA W O W A P I K I N .

1 Judas, Jesus Messiya tawowidake kin, qa Jakob sunkaku kin, tona Wakantanka Ateyapi kin en wicayuecepidan, qa Jesus Messiya en wicakpatanpi, qa wicakicopi kin hena *wowapi wicakicaga*.

2 Wowaconsida, qa wookiye, wacantkiyapi ko niyepi en nicyuotapi nunwe.

3 Wasotecicidapi kin, wiconi ptaya unhapi kin on aiciciya wowapi cicagapi eca, wowacinye ehanna wicašta wakan wicaqupi qon he nina yakitanpi kta e on wowapi cicagapi, qa wahokonci-ciyapi kta iyececa.

4 Wicašta wanjiksi nahmana er opapi, wanakajatanhan woyaco kin de on owicawapi ; hena Taku Wakan iyececapi šni, qa Wakantanka unkitawapi towaonsida kin he wicowicaštašni kagapi, qa Wakantanka ecedan Itancan kin he anaňmanpi, qa nakon Jesus Messiya Itancan unyanpi kin.

5 Heon etanhan, taku, ehanna sdonyayapi ešta, he ake kiksuyeciciyapi kta wacin, Itancan kin oyate kin Egipta etanhan ehdku, qa iyohakam tona wicadapi šni kin hena ihangwicaye cin.

6 Qa nakon mahpiya ohnihde otokahe unpi kin kpatanpi šni, tuka iye tipi ehpekiyapi qon, hena otpaza ihukuya, owihanke wanin mazaicicahiha kin on, anpetu tanka woyaco kin he en awicayuha.

7 Sodom qa Gomorra iyececa,

qa otonwe hena ihdukšan wanke cin, hena is eya iyecen wiinaňmanpi kin en icicupi, qa wicacelipi toktokeca akitapi ece qon hena e woonspe on ehdepi, qa peta owihanke wanica on wošitkihda en unpi.

8 He iyceca, wihamnanpi sa kin dena wicacelipi kin ašamyapi, qa wokiconze wahtedapi šni, qa taku tanka yašicapi ece.

9 Hececa, tuka Mikael mahpiya ohnihde itancan kin he wakanšica kin kici econ, qa Moses tancan kin on akinicapi qehan, woštehdha woiyaonpe wan en aya tawaťenye šni, tuka, Itancan kin iyopeniyan nunwe, eciya.

10 Tuka dena e qe taku sdonyapi šni kin hena yašicapi ece : tuka iye icagapi kin eciyatanhan taku sdonyapi kin hena on ihdušicapi, woteca ia okitpanipi kin iyececa.

11 Wotehi wicakiciun nunwe ; Qain tancanku kin ohna yapi, qa wokajuju on, Balaam tawohnaye kin nina ainyankapi, qa Kore wicakipajin qon en ihangciyapi.

12 Hena wošape kin heca, wacantkiya wayatapi kin en opeya wotapi, qa wikopešniyan cemiciyapi ; mahpiya šapa mini wanica tate on ayapi ece kin ; can kin ptanyetu eca šeca aya, waskuyeca codan, inonpa šeca, qa hute eciyatanhan yujunpi kin hena *hececapi*.

13 Miniwanca taja ohitika, iye wowištece tawapi kin minitaga

WICOWOYAKE 1.

iyecen hiyuyapi ece; wicanlipi onuniyata unpi, on otpaza sape linca owihanke wanin wicakicihnakapi.

14 Henok Adam etanhan wicašta isakowin qon he itokam hena owicayake ça heya; Wan-yaka po, Itancan kin wicašta wašte wicayuhe cin woyawa tanka om u ce;

15 Owasin wicayaco kta, qa tona Taku Wakan ohodašni kin hena wicohan šiksica owasin ohodašniyan econpi qon hena sdonkiyewicaye kta, qa wicoie canksiksi owasin walitanipi sa Taku Wakan ohodapi šni oie kicatonpi ece qon hena nakun.

16 Hena e wihnupi sa, wawiyaonpapi sa, iye cantiheyapi kin eciyatanhan manipi ece; qa i eciyatanhan wahanhanicidaya iapi, qa taku on etanhan wicašta itohnake kin waštedakapi ece.

17 Tuka wašteciqidapi kin, niyepi, Jesus Messiya Itancan unyanpi yewicaši qon hena oiepi ehanna oyakapi qon hena kiksuya po;

18 Anpetu ihankeya kin en wicašta wawihahapi kin yuke kta, iye cantiheyapi šice cin eciya-

tanhan manipi kin, he oniciyakapi qon.

19 Ihdutokanpi kin dena eepi, witantanpi, qa Woniya kin yuhapi šni.

20 Tuka wašteciqidapi kin, niš niyepi wowacinye iyotan wakan nitawapi kin he ohna icaliciyapi, qa Woniya Wakan kin eciyatanhan wocekiye eya po;

21 Wakantanka waštedakapi kin en ihduha po; qa Jesus Messiya Itancan unyanpi towaonšida wiconi owihanke wanica iya-hde kte cin he ape yukan po.

22 Unkan hunli wicayukcanyan onšiwicada po;

23 Qa hunli iš wokokipe on niwicaya po, peta etanhan iwicacupi kin iyececa; qa wokoyake wicacelipi on ašapapi kin hena ee kaeš šicedaka po.

24 Unkan tuwe woahntani econ šni niyuhapi kta okihi, qa wowiYuškin yuha iye towitan kin en iyaonpepica šni enihdepi kte cin,

25 Wakantanka ecedan ksapa, Wanikiya unkitawapi kin hee, Jesus Messiya Itancan unyanpi kin eciyatanhan, wowitan, wo-yaonihan, wookihi qa wokiconze, dehantu qa wicoicage owasin hehanyan, tawa nunwe. Amen.

JOHANNES

WAYUOTANIN TAWA KIN.

WICOWOYAKE 1.

1 Jesus Messiya wayuotanin tawa, taku ecanan u kta e he tawowidake kin sdonyewicakie kta Wakantanka qu qon he dee; unkan taohnihde wan u ši,

qa tawowidake Johannes he okiyaka:

2 He Wakantanka oie kin, qa Jesus Messiya wohdake cin, taku tona wanyake cin hena yaotanin.

3 Tuwe wokcan oie kin de ya-

wa, qa tona nahonpi, qa taku en kagapi kin anagoptanpi kin, hena wowašte yuhapi. Wanna kiya-dan ihan.

4 Johannes, Asia ekta okodaki-ciye šakowinpi kin *wowapi wicakicaga*. Wowaońsida, woo-kiye ko, tuwe un, qa un qon, u kte ein hetanhan niyepi en nici-pi un nunwe; qa Woniya šako-winpi oiyotanke tawa kin ito-kam unpi kin hena eciyatanhan;

5 Qa Jesus Messiya etanhan, he waayatanin wicaka, wiconę etanhan tokaheya tonpi, qa ma-ka wicaštayatapi kin Itancan kin hee. Tuwe wašte unkidapi, qa waunhtanipi kin etanhan iye ve kin en unyujajapi,

6 Qa Atkuku Wakantanka ekta wicaštayatapi, wońna kagapi ko un-kagapi kin hee, wowitan, wo-wašake ko owihanke wanin tawa nunwe. Amen.

7 Wanyaka po, mahipiya šapa kin akan u; unkan wicišta owa-sin wanyakapi kta, qa tona he capapi qon hena nakun, qa iye on oyate maka ohnaka kin owa-sin aičipapi kta. Hecetu nun-we. Amen.

8 Alpha qa Omega, otokahe qa owihanke kin he miye ce; Itan-can un, qa un qon, u kta, iyot-tan wašake cin he hena hecen eya.

9 Johannes hunkawanjinyaya-pi, wokakije, qa wokiconze, wo-walibadan ko, Jesus Messiya ta-wa kin en, tawaši yayapi kin he miye; Wakantanka oie qa Jesus Messiya wohdake cin on etan-han, wita wan, Patmos eciyapi, hen waun.

10 Itancan taanpetu kin en Woniya kin kici waun; unkan mihektapa tanhan wicaho wan tanka, maza yahotonpi tanka wan iyececa, nawahon;

11 He kaken eya, Alpha qa Omega, tokaheya qa ehake kin he miye ce. Taku wandake cin wowapi ecen kage ča, Asia ekta okodakiciye kin iwahowicaya wo; Ephesos, qa Smurna, qa Pergamos, qa Thuatira, qa Sar-dis, qa Philadelphia, qa Laodikia.

12 Unkan wicaho omakiye cin he wanmdake kta e ekta mihdam-na. Unkan mihdamna qehan mazaskazi petijanjan ihupa ša-kowin wanmdaka.

13 Qa petijanjan ihupa šako-win kin cokaya Wanji Wicašta Cinhintku kin iyececa, tawo-koyake kin siha kin ekta iyahde-ya, qa maku kin opta mazaskazi ihduskita.

14 Qa pa kin paha ko ska, ta-hinea wanuyanpi hin kin iyecen ska, qa wa iyececa, qa išta kin peta ide kin iyececa;

15 Qa siha kin is mazazi ece-dan iyececa, peta tanka en itkon-yahe seca; qa ho kin he mini ota ilaha kin iyececa.

16 Qa nape etapa kin ohna wi-canlipi šakowin hduhe ča, i kin eciyatanhan maza sagye anog ope kin heca wan hiyu, qa ito-hnake kin he anpetu wi nina iyege cin iyececa.

17 He wanmdaka, unkan ta wanke cin iyecen siha hde kin en mahinlipaya. Hehan iye na-pe etapa kin on omayutan qa, Ihnuhan koyakipe cin, emaki-ya; Tokaheya qa ehake kin he miye;

18 Tuwe te ča ake kini, qa ito owihanke wanin ni waun; Amen; qa Wakaońsica ti kin wi-conę ko tiyopa iyuhdoke kin yuha manka ce.

19 Taku wandake cin he wo-wapi ecen kaga wo, taku naka-ha un qa dena iyohakam taku u kte cin hena.

WICOWOYAKE 2.

20 Wicanhpi šakowin minape etapa kin ohna wandake ciqon wowiyukcan kin hee, qa maza-skazi petijanjan ihupa kin hena nakun. Wicanhpi šakowin qon okodakiciye šakowinpi ohnihde yuhapi kin hena eepi; qa petijanjan ihupa šakowin wandake cin okodakiciye šakowinpi kin hena eepi.

WICOWOYAKE 2.

1 Ephesos ekta okodakiciye ohnihde yuhapi kin he ecen wowapi kicaga wo; Tuwe wicanhpi šakowin nape etapa kin ohna hduhe ča, mazaskazi petijanjan ihupa šakowin cokaya omani kin he hecen eya;

2 Niohan, qa nitohtani, qa wacinnitanka kin he sdonwaya; qa tona šicapi kin hena iyowinwicakiya oyakihi šni; qa tona yewicašipi kin hecapi kečiyapi kin hena wicadukcan qa itonpišni kin heca iyewicayaya.

3 Wacinnitanka, qa ayape, qa micaje kin on litayani, qa oya-kiše šni.

4 Tuka taku cistinna iyacionpa, tokaheya wašteyadake cin he adušan.

5 Heon tokiya tanhan nihinlpaye cin he kiksuye, ča ihdu-cetu, qa niohan tokaheya kin hdušan wo. *Hecanon* šni kinhan kohanna ekta ciu, qa petijanjan nitawa kin yutokan iye-ciciye kta, nihducetetu šni kinhan.

6 Tuka he duha, Nikoleton wicohan kin šiceyadake cin, hena miš eya šicewadaka.

7 Tuwe noge yukan hecinhan, taku Woniya kin okodakiciye kin ewicakiye cin he nalion kta. Tuwe ohiye cinhan lie can wiconi, Wakantanka tamaga co-

kaya he cin, hetanhan yun wakiye kta.

8 Unkan Smurna ekta okodakiciye ohnihde yuhapi kin he ecen wowapi kicaga wo; Tuwe tokaheya qa ehake un kin, te ča ake kini kin hee hecen eya;

9 Niohan kin sdonwaya, wokakije wowalipanica ko nitawa kin, (tuka winijica;) qa tona Juda wicašta kečiyapi qa hecapi šni, tuka Satan omniciye tawa kin etanhanpi, hena waaiapi kin *nakun sdonwaya*.

10 Token nicakije kte cin ihnuhan taku koyakipe cin. Iho, Wakansica niyepi wanjikji wicakaška tipi kin en iyeniyampi kta, iniyukcanpi kta e heon; unkan anpetu wikcemna hehanyan wokakije duhapi kta; tuka wicate cin hehanyan wicaka wo, kinhan wiconi watešdake wan ciču kta.

11 Tuwe noge yukan hecinhan, taku Woniya kin okodakiciye kin ewicakiye cin he nalion kta. Tuwe ohiye cinhan he wiconte icinonpa kin on kiunianpi kte šni.

12 Unkan Pergamos ekta okodakiciye ohnihde yuhapi kin he ecen wowapi kicaga wo; Tuwe maza sagye anog ope kin hduhe cin hee hecen eya;

13 Niohan kin sdonwaya, qa tukten Satan oiyotanke tawa yanke cin hen yati; qa micaje kin yuha yaun, qa wacinmayanpi kin adušan šni, anpetu kin Antipas waayatanin wicaka mitawa kin niyepi kin en, tukten Satan ti kin, hen ktepi qon he ehan.

14 Tuka taku wanjikjidan iyacionpa; Balaam hee Balak Israel cinca kin taku on walitani ičiyapi kte cin wicitokam ehde

WAYUOTANIN.

kin he onspekiye ça, taku wakagapi wakiyušnapi kin yutapi, qa wiinañmanpi econpi kta, he tawoonspe tona yuhapi kin hena wicaduha ;

15 Qa nakun Nikoleton tawoonspe yuhapi kin hena wicaduha, he šicewadaka tuka.

16 Ihducetuwu ; *hecannon* šni kinhan kohanna ekta ciu, qa mii maza sagye kin on hena kici wecize kta.

17 Tuwe noge yukan hecinhan, taku Woniya kin okodakiciye kin ewicakiye cin he nañon kta. Tuwe ohiye cinhan he manna kihnakapi qon he etanhan yunwakiye ça inyan ska wan waqu kta, inyan kin he en wicacaje teca wan kagapi kin he tuwedan sdonye šni, tuka tuwe icu kte cin hecedan.

18 Unkan Thuatira ekta okodakiciye ohnihde yuhapi kin he ecen wowapi kicaga wo ; Wakantanka Cinhintku, išta peta ide kin iyecen hduhe ça, siha kin mazazi ecedan iyececa hee hecen eya ;

19 Niohan kin sdonwaya, wacanyakiye, ça hitayani, qa wicayada, qa ayape, qa niohan kin, qa ehake kin hena tokaheya kin sam iyeya ota.

20 Tuka taku tonana iyacionpa, winoñinca wan Jezebel eciyapi, winoñinca wokcanka keiciye cin he mitaokiye kin wicalnaye ça, wiinañmanpi econpi, qa taku wakagapi wakiyušnapi kin yutapi kta e onspe wicakiye cin hee iyowinyakiya.

21 Unkan he wawiciliañhapi econ kin on iyopeiciye kta e anpetu waqu, tuka iyopeiciye šni.

22 Ito, owinja wan akan ewaonpe kta, qa tona kici wawiciliañhapi econpi kin hena nakun, wo-

kakije tanka en ; wicoñan kin on iyopeiciyapi šni kinhan.

23 Qa iye cinca kin wiconte on wicawakte kta ; qa okodakiciye kin owasin, tuwe wicapakšin wicacante ko iyukcan kin he miye e sdonyapi kta. Qa niyepi kin otoiyoñi nioñanpi kin eciyatanhan ciçupi kta.

24 Tuka niyepi, qa tona Thuatira ekta woonspe kin he yuhapi šni, qa Satan ošbe tawa eyapi kin sdonye šni yaunpi kin kaken eciciyapi ; Waqinpi tokeca acihnakapi kte šni ;

25 Tuka taku duhapi kin he ŧinsa hduha po, hibu kte cin hehanyan.

26 Qa tuwe ohiye ça owihanke kin iyahdeya mioñan kin yuha un kinhan, oyate kin en wowašake waqu kta.

27 Qa maza icapsinte wan on wicayuhe ça maka wakšica iyeceñ wicakamdece kta ce ; hecen Ate etanhan hduha waun.

28 Qa anpao wicanñpi kin he waqu kta.

29 Tuwe noge yukan hecinhan taku Woniya kin okodakiciye kin ewicakiye cin he nañon kta.

WICOWOYAKE 3.

1 Unkan Sardis ekta okodakiciye ohnihde yuhapi kin he ecen wowapi kicaga wo ; Tuwe Wakantanka Taniya šakowin kin hena, qa wicanñpi šakowin hduhe cin he hecen eya ; Niohan kin sdonwaya, caje wan duha, yani kin hee, tuka niña.

2 Kiktahan un, qa taku tona nahañin en un qa ŧe kte cin hena hduwašaka wo ; Wakantanka itokam nioñan kin owotanna e iyewaye šni.

3 Heon token iyacu, qa nayahon kin kiksuye ça, ŧinsa yuze

ça, ihduecetu wo. Kiktahan yaun sñi kinhan wamanon sa iyecen ekta ciu kta, qa tohan ekta cihhi kte cin he sdonyakiye kte sñi.

4 Tuka Sardis ekta wicacaje tonana duha, hena e tawokoyake kin hdušapapi sñi; qa ska ihduzapi ecen mici manipi kta; he iyehantup^rnakaes.

5 Tuwe ohiye cinhan he wokoyake ska koyake kta, qa iye caje kin wiconi wowapi kin etanhan wapajuju kte sñi, tuka he caje kin Ate itokam, qa ohnihde wicaye cin hena wicitokam omdake kta.

6 Tuwe noge yukan hecinhan taku Woniya kin okodakiciye kin ewicakiye cin he nahon kta.

7 Unkan Philadelphia ekta okodakiciye ohnihde yuhapi kin he ecen wowapi kicaga wo; Tuwe wakan qa wicaka un, qa Dawid tiyopa iyuhdoke kin yuhe ça, yuhdoka eca tuwedan ecen iyeye sñi, qa ecen icu eca tuwedan yuhdoke sñi ece kin hee hecen eya;

8 Niohan kin sdonwaya, tiyopa wan yuhdokapi ecen he cin he nitokam ewahde, qa tuwedan ecen iyeya okihi sñi; wowašake cistinna duhe ça mioie kin yuha yaun, qa micaje kin ehpemayaye sñi.

9 Ito, Satan omniciye tawa kin etanhanpi Juda wicašta keičiyapi, tuka hecapi sñi, qa itonpi sñi kin, hena iho, upi, qa nisiha kin itokam canpeška makehde inajin wicawakiye kta, qa waštecicida e sdonyapi kta.

10 Woape oie mitawa kin he awandake cin, heon tohan taku wawiyutanyan un kin tona maka owancaya unpi kin iyutanwicaye kta u kinhan, hehan awanciyake kta.

11 Iho ecadan wau kta; taku duhe cin he ținsa yuza wo, hecen watešdake nitawa kin tuwedan nici kte sñi.

12 Tuwe ohiye cinhan, he tipi wakan mita Wakantanka tawa kin ohna can ihupa wan wakage kta, qa icimana tankan ye kte sñi; qa he akan mita Wakantanka caje kin owawa kta, qa mita Wakantanka otonwe tawa caje kin, Jerusalem teca kin hee, malhipiya kin etanhan Wakantanka mitawa kin eciyatanhan u kin hee, qa nakun micaje teca kin.

13 Tuwe noge yukan hecinhan, taku Woniya kin okodakiciye kin ewicakiye cin he nahon kta.

14 Unkan Laodikia ekta okodakiciye ohnihde yuhapi kin he ecen wowapi kicaga wo; Tuwe Amen *eciya*pi, waayatanin owotanna, qa wicaka, Wakantanka woicage tawa otokahe kin hee hecen eya;

15 Niohan kin sdonwaya, sñi qa ipiga unmana ecen yaun sñi, sñi qa ipiga unma tukte e ecen yaun kta wacin;

16 Tuka inițeca, qa sñi ipiga kici unmana ecen yaun sñi, heon mii kin etanhan icihdepe kta.

17 Wimajica, qa woyuha ota waton, qa takudan imakakije sñi, keha ce; qa inicakije ça, onniške ça, niwalipanica, qa išta nigonge ça, tanconikadan e sdonyakiye sñi.

18 Kaken wahokonciya ce, mazaskazi peta on yuecedan kagapi kin he opemicon wo, winijica kta ce; qa wokoyake ska, kodake kta e heon, hecen tanconikadan on winištece cin he tanin kte sñi; qa wicišta wihdi kin, ništa iyakiun kta, hecen wawandake kta.

19 Tona cantewicawakiye cin

WAYUOTANIN.

hena wahokonwicawakiye ça, iyopewicawakiya ece. Heon mniheiciye ça ihducetü wo.

20 Ito, tiyopa kin en nawajin qa wakabubu ece; tuwe miho kin nahon, qa tiyopa hduhdoke cinhan, he ekta tin hibü, qa kici wawate kta, qa is eya mici wote kta.

21 Tuwe ohiye cinhan he oiyotanke mitawa kin akan mici iyotanke wakiye kta, miye ohwaye ça Ate oiyotanke tawa kin akan weci imdotanke cin he iyece.

22 Tuwe noge yukan hecinhan, taku Woniya kin okodakiye kin ewicakiye cin he nahon kta.

WICOWOYAKE 4.

1 Hena iyohakam wanmdake ça ito malpiya kin ekta tiyopa wan yuhdokapi; qa wicaho tokaheya nawahon kin he maza yahotonpi tanka kin iyececa, he omakiye ça heya, Deciya u wo, dena iyohakam taku u kte cin hena wanyagciciye kta ce.

2 Unkan kohanna Woniya kin en waun; qa ito, malpiya kin ekta oiyotanke wan ecen hdepi, qa tuwe akan iyotankehan yanka.

3 Tuwe akan iyotanke cin he iwanyakapi kin inyan tehika, iyaspis qa sahinos iyececa; qa oiyotanke kin ihduksan wihmunke wan hmihbeya yanka, sunahagos inyan kin iyececa.

4 Qa oiyotanke kin ihduksan oyanke wikcemna nonpa sam topa wanka; qa oyanke kin hena en hunkawicayapi wikcemna nonpa sam topa iyotankapi, qa wokoyake ska koyakapi e wanmdaka; qa pa kin en mazaskazi tesdakapi.

5 Unkan oiyotanke kin etanhan wakanhdi qa wakinyan hotonpi qa wicaho hiyu; qa oiyotanke kin itokam petijanjan sakowin peta ece ideyapi, hena Wakantanka taniya sakowin kin heepi.

6 Unkan oiyotanke kin itokam mde wan wanka janjan seca, cahowata iyecece kohdi; qa oiyotanke kin cokaya, qa oiyotanke kin ihduksan, taku ni un topa kin yukanpi, hena e tokapatanhan qa hektapatanhan ko ista ojupidan.

7 Unkan taku ni un tokaheya kin he mnaja ouncage kin iyececa; qa taku ni un iyokihe kin he tatanka ouncage kin iyececa; qa taku ni un iciyamni kin he wicasta itohnake kin iyecece yuha; qa taku ni un icitopa kin he wanmdi kinyan un ouncage kin iyececa.

8 Qa taku ni un topa kin otioyohi liupahu sakpekpe yuhapi, qa ihduksan, qa mahen tanhan ista ojupidan; qa anpetu hanyetu ko ayaстан sni hecen eyapi, Wakan, Wakan, Wakan, Itancan Wakantanka Iyotan wasaka, tuwe un, qa un qon, u kte cin hee ce.

9 Qa tohan taku ni un topa kin, tuwe oiyotanke kin akan kiyotanke ça owihanke wanin ni un kin he wowitan, qa wootanin, qa wopida qupi kinhan;

10 Hehan hunkawicayapi wikcemna nonpa sam topa kin hena, tuwe oiyotanke kin akan kiyotanke cin he itokam makata ehpeiciyapi, qa tuwe ohinniyan ni un kin ohodapi, qa watesdake tawapi kin oiyotanke kin itokam ehpekiyapi, qa hecen eyapi;

11 Itancan, wowitan, qa wootanin, qa wowaşake iyacu kta e iyenihantu, taku owasin yaka-

WICOWOYAKE 5.

ge ça nitoyokipi kin on owasin kagapi qa ecen han.

WICOWOYAKE 5.

1 Unkan tuwe oiyotanke kin akan kiyotanke cin he etapa kin eciyatanhan wowapi wan mahen tanhan qa akapatadhan owapi, qa ipuspe śakowin on apuspapi kin he wanmdaka.

2 Qa mahpiya ohnihde waśaka wan wanmdaka, he hotankakiya hotanin qa, Wowapi kin he tuwe yumdaye ça ipuspe śakowin kin yuhdoke kta okihi he, *eya*.

3 Unkan mahpiya kin ekta, qa maka kin akan, qa maka kin ihukuya tanhan tuwedan wowapi kin he yumdaye ça, en wanyaka okihi śni.

4 Hehan nina waceya, tuwe wowapi kin yumdaye ça yawa, qa en wanyake kta iyekicihantu kin tuwedan iyeyapi śni kin he on etanhan.

5 Unkan hunkawicayapi kin wanji hemakiya; Ceye śni wo, ito Juda wicoun kin etanhan, mnaja kin, Dawid hutkan kin hee wowapi kin yumdaye ça, ipuspe śakowin kin yuhdoke kta okihi.

6 Hehan wanmdake ça, iho, oiyotanke kin cokaya, qa taku ni un topa, hunkawicayapi ko wicacokaya Amnos wan najin, wośnapi iyececa, he śakowin ísta śakowin ko yukan, Wakantanka taniya śakowin maka kin owancaya ye wicayapi kin hena eepi.

7 He en hi, qa tuwe oiyotanke kin akan kiyotanke cin nape etapa kin etanhan wowapi qon icu.

8 Unkan wowapi kin he icu qehan, taku ni un topa kin, qa hunkawicayapi wikcemna nonpa sam topa kin hena Amnos

kin itokam makata ehpeiçiyapi, otoyohi candowankiyapi hduhapi, qa nakun mazaskazi wiyatke taku waśtemna on ojudan, wicaśta waśte wocekiye tawapi kin hee:

9 Qa odowan teca wan ahiiyayapi, qa heyapi; Wowapi kin iyacu, qa ipuspe kin duhdoke kta e iyenihantu ce, waniyuśnapi qa Wakantanka ekta niwe kin on opeunyakitonpi, wicoun otoyohi etanhan, qa iapi kin, qa wicowazi kin, qa oyate kin otoyohi etanhan;

10 Qa Wakantanka ekta wicaśtayatapi wawayuśnapi ko unyakagapi; unkan maka kin ounnyanpi kta ce.

11 Unkan wanmdake ça, oiyotanke kin ihdukśan, qa taku ni unpi kin hunkawicayapi ko wicihdukśan, mahpiya ohnihde woyawa tanka ota, qa kektopawinge ece kektopawinge, hena hopi kin nawahon;

12 Hotankakiya heyapi, Amnos wośnapi qon he wowaśake, qa woyuha, qa woksape, qa wicookihi, qa wootanin, qa wowitan, qa wowaśte *henakiya* icu kta okihi ce.

13 Unkan taku mahpiya ekta un, qa taku maka akan un, qa taku maka ihukuya tanhan un, qa taku miniwanca mahen un, hena taku ohnaka ko owasin kaken eyapi nawahon; Tuwe oiyotanke kin akan kiyotanke cin Amnos kin kici wowaśte kin, wootanin kin, wowitan kin, qa wowaśake kin *henakiya* owihanke wanin tawapi nunwe.

14 Unkan taku ni un topa kin hena, Hecetu nunwe, eyapi; qa hunkawicayapi wikcemna nonpa sam topa kin hena makata ehpeiçiyapi, qa tuwe ohinniyani ni un kin he ohodapi.

WICOWOYAKE 6.

1 Unkan Amnos kin ipuspe tokaheya yulidoke cehan wanmdaka; unkan taku ni un topa kin wanji, wakinyan hotonpi kin iyecen hotanin qa, U qa wanyaka wo, eya nawahon.

2 Unkan wanmdake ça, ito, suktanka ska wan tuwe akan iyotanke cin he itazipa wan yuha; qa wateśdake wan qupi; unkan ohiye ça, ohiye kta e iyaya.

3 Unkan ipuspe inonpa yulidoke cehan, taku ni un icinonpa kin he, U qa wanyaka wo, eya nawahon.

4 Unkan suktanka wan tokeca hin śa kin he hinanpa; unkan tuwe akan iyotanke cin he maka kin etanhan wookiye icu kta e qupi, hecen otoiyohi kiciktepi kta; qa nakun maza sagye wan tanka qupi.

5 Unkan ipuspe iyamni kin yulidoke cehan, taku ni un wiciyamni kin he, U qa wanyaka wo, eya nawahon. Unkan wanmdake ça ito suktanka sapa wan; qa tuwe akan iyotanke cin he nape ohna taku on tke utapi wanji yuha.

6 Unkan taku ni un topa kin cokaya tanhan wicaho wan nawahon, Aguyapi iyutapi wanji he kaśpapidan wanjidan, qa suktanka tawote iyutapi nonpa he kaśpapidan wanjidan kta; qa wihdi miniśa ko ihnuhan kiuniyaye cin, eya.

7 Unkan ipuspe itopa kin yulidoke cehan, taku ni un icitopa kin he ho kin nawahon; U qa wanyaka wo, eya.

8 Unkan wanmdake ça ito suktanka wan hin san; tuwe akan iyotanke cin he Wiconṭe eciyapi, qa Wicahapi kin he ihakam iyaya. Unkan maka hanke ito-

pa kin behanyan maza sagye, qa wicaakilian, qa wiconṭe, qa wamanica maka akan un kin hena on wicaśta wicakte kta e wowaśake qupi.

9 Unkan ipuspe izaptan kin yulidoke cehan, wahna wośnapi kin ihukūya tona Wakantanka oie, qa iye waayataninpi kin he on wicaktepi qon hena nagipi kin wanwicamdaka.

10 Hena hotankakiya hotaninpi qa heyapi, Itancan wakan, qa wicaka, tohanyan tona maka kin akan yukanpi kin wicadaco śni qa we unkitawapi kin on toyecan śni he.

11 Unkan hena otoiyohi woko-yake ska wicaqupi, qa ptecedan ape yukanpi kta, tona om taokiye unpi qon, qa iye hunkawanjitektupi kin, iś iyepi iyecen wicaktepi kte cin he yuśtanpi kta behanyan, kewicakiyapi.

12 Unkan ipuspe iśakpe kin yulidoke cehan, wanmdake ça ito maka śkanśkan tanka, qa anpetu wi kin sapa aya, wahinske ojuha kin iyececa, qa hanyetu wi kin iś we iyecen icaga.

13 Qa malhipiya wicanhipi kin makata hinlipayapi, witanśna hu wan tateyanpa tanka kahuhuza eca waskuyeca śtunkadan keś pahpa ece kin he iyececa.

14 Qa wowapi pehan ehnakapi kin he iyecen malhipiya kin tanin śni iyaye ça, he otoiyohi, wita otoiyohi ko yutokan iyeyapi.

15 Qa maka wicaśtayatapi, qa wicaśta tankinkinyanpi, qa wicaśta watonpika, qa wicaśta itancanpi, qa wicaśta waśakśakapi, qa wicaśta wowidake unpi kin otoiyohi, qa ihduhapi kin otoiyohi, makohdoka qa he immija kin ehna naiçihmanpi;

16 Qa inyan he immija ko hena heciyapi, Unkahinlipayapi, qa tu-

WICOWOYAKE 7.

we oiyotanke kin akan kiyotanke cin itohnake kin etanhan, qa Amnos kin wocanniye tawa kin etanhan anaunhiman po :

17 He wošihda tawa anpetu tanka kin wanna hi ; unkan tuwe najin okihi kta he.

WICOWOYAKE 7.

1 Unkan hena iyohakam mahpiya ohnihde topa maka oise topa kin en inajinpi kin wanwicamdaka, maka tate ouye topa kin yuhapi, hecen maka qa miniwanca qa can hiyeye cin wanjidan atateyanpa kte šni.

2 Hehan mahpiya ohnihde tokeca wan wiyohiyanpa tanhan wankantkiya u kin wanmdaka, he Wakantanka ni un ipuspe tawa kin yuhe qa mahpiya ohnihde topa maka miniwanca ko kiunianpi kta e wicaqupi qon hena hotankakiya hoyewicakiye ;

3 Qa heya, Maka, qa miniwanca, qa can hiyeye cin kiunianpi šni po, Wakantanka unkitawapi taokiye wicaye cin itepi kin en wapetog wicuntonpi šni kin hehayan.

4 Unkan tona wapetog wicatonpi wicayawapi kin nawahon, Israel cincapi wicoun owasin etanhan kektopawinge opawinge sam kektopawinge wikcemna topa sanpa kektopawinge topa wapetog wicatonpi.

5 Juda wicoun kin etanhan kektopawinge ake nom wapetog wicatonpi ; qa Ruben wicoun kin etanhan kektopawinge ake nom wapetog wicatonpi ; qa Gad wicoun kin etanhan kektopawinge ake nom wapetog wicatonpi ;

6 Aser wicoun kin etanhan kektopawinge ake nom wapetog

wicatonpi ; qa Nepthalim wicoun kin etanhan kektopawinge akenonpa wapetog wicatonpi ; qa Manasse wicoun kin etanhan kektopawinge ake nom wapetog wicatonpi ;

7 Sumeon wicoun kin etanhan kektopawinge ake nom wapetog wicatonpi ; qa Lewi wicoun kin etanhan kektopawinge ake nom wapetog wicatonpi ; qa Isakar wicoun kin etanhan kektopawinge ake nom wapetog wicatonpi ;

8 Zabulon wicoun kin etanhan kektopawinge ake nom wapetog wicatonpi ; qa Joseph wicoun kin etanhan kektopawinge ake nom wapetog wicatonpi ; qa Benjamin wicoun kin etanhan kektopawinge ake nom wapetog wicatonpi.

9 Hena taku kin iyohakam wanmdake qa, iho, wicota linca, wicayawa kta tuwedan okihi šni, oyate hiyeye cin, qa wicoun kin, wicowazi kin, iapi ko owasin otoiyo hi etanhanpi, oiyotanke kin itokam, qa Amnos kin itokam najinpi, wokoyake ska ece koyakapi, qa can wapa nape ohna yuhapi ;

10 Qa hotankakiya hotaninpi qa heyapi, Wakantanka unkitawapi oiyotanke kin akan kiyotanke cin hee, Amnos kin kici, niwicaye yuha nunwe.

11 Unkan mahpiya ohnihde owasin oiyotanke kin oksan, qa hunkawicayapi taku ni un topa kin hena ko wicihdukšan inajinpi, qa oiyotanke kin itokam ite makipusdiya ehpeiçiyapi, qa Wakantanka ohodapi ;

12 Qa heyapi, Amen ; Wowaste, qa wowitan, qa woksape, qa wopida, qa woyuonihan, qa wowašake, qa wicookihi *henakiya* Wakantanka unkitawapi kin

WAYUOTANIN.

owihanke wanin yuha nunwe. Amen.

13 Hehan hunkawicayapi kin etanhan wanji waayupte ça, Wokoyake ska koyakapi kin hena tuwepi, qa tokiya tanhan upi he, emakiya.

14 Unkan, Itancan, niye sdon-yaya ce, epa. Unkan hemakiya; Wicokakije tanka etanhan upi qon dena eepi, unkan wokoyake hdujajapi, qa Amnos we kin on hduškapi.

15 Heon etanhan Wakantanka oiyotanke kin itokam yakonpi, qa tipi wakan iye tawa kin ohna anpetu hanyetu ko ohodapi ece; qa tuwe oiyotanke kin akan kiyotanke cin he hena wicacokaya ounye kta.

16 Qa tohinni wotektehdapi kte šni, qa ipuzapi kte šni, qa anpetu wi kin qa taku kata ašpanwicaye kte šni.

17 Tuka Amnos kin, oiyotanke cokaya un kin he, hena wonwicaye ça, minilidoka ni un kin icahda yus awicaye kta: qa hena ištapi kin etanhan Wakantanka ištamnihanpe kin owasin wicakipakinte kta.

WICOWOYAKE 8.

1 Unkan ipuspe iškawin kin yuħdoke çehan, maħpiya ekta wihiyayedan wancadan ape cin hanke hehanyan inina yukanpi.

2 Unkan maħpiya ohnihde šakowin Wakantanka itokam najinpi kin wanwicamdaka; qa maza yahotonpi tanka šakowin wicaqupi.

3 Hehan maħpiya ohnihde wan tokeca u qa wahna wošnapi kin ekta hinajin, mazaskazi oizinye wan yuha: Unkan taku waštamna ota qupi kin he, tona owotanna un kin owasin wocekiye

tawapi kin ahna, mazaskazi wahna wošnapi kin oiyotanke kin itokam wanke cin he akan wošna kta e heon.

4 Unkan maħpiya ohnihde nape kin etanhan šota izite cin, tona owotanna un wocekiye tawapi kin hena ko, Wakantanka itokam wankantkiya aya.

5 Unkan maħpiya ohnihde kin he oizinye kin icu, qa wahna wošnapi peta kin etanhan oju, qa maka kin ekta ehpeya; unkan iho, wicaho, qa wakinyan hotonpi, qa wakanhdi, qa maka škanškan.

6 Unkan maħpiya ohnihde šakowinpi maza yahotonpi tanka yuhapi kin hena yahotonpi kta e hduwiyeyapi.

7 Unkan maħpiya ohnihde tokaheya kin yahoton, qa wasu peta ko we icicahiyapi maka kin ahinhe: Qa can iyamnimni kin hušnaga, qa wato kin iyulħpa hušnaga.

8 Unkan maħpiya ohnihde iyokihe kin he yahoton, qa taku lie wan tanka iyececa peta on itkonyahe cin he miniwanca kin en iyohpeyapi: Qa miniwanca kin hanke iyamni we icaga:

9 Qa taku miniwanca oicage ni un kin hanke iyamni tapi, qa wita wata kin iyamnimni kin owihanke yapi.

10 Unkan maħpiya ohnihde icyamni kin he yahoton, qa wicanħpi wan tanka ideyapi petijanjan iyececa, maħpiya kin eciyatanhan hinħpaye ça wakpa iyamnimni kin ahinħpaye ça mini lidoka kin en.

11 Wicanħpi kin he, Yatkepicadni, eciyapi. Unkan mini yatkepicadni icage ça wicašta ota mini kin on tapi, pa icage cin heon.

12 Unkan maħpiya ohnihde

WICOWOYAKE 9.

icitopa kin he yahoton; unkan anpetu wi hanke iyamni, qa hanyetu wi hanke iyamni, qa wicanhpi iyamnimni kin apapi, qa hecen hanke iyamni otpaza icu, qa anpetu kin hanke iyamni hehanyan iyoyanpa šni un, qa hanyetu kin nakun iyececa.

13 Hehan wanmdake ča nawahon, mahpiya ohnihde wan mahpiya cokaya tanhan kinyan iyaye ča hotankakiya heya, Wicokakije, wicokakije, wicokakije, tona maka onyanpi kin hena en, maza yahotonpi tanka hotonpi kin mahpiya ohnihde yamni yahotonpi kte cin heon etanhan.

WICOWOYAKE 9.

1 Unkan mahpiya ohnihde icizaptan kin he yahoton, qa iho, wacanhpi mahpiya kin eciyatanhan maka kin ahinhpaya wanmdaka; unkan he makohdoka ceteta wanica tiyopa iyulhdoke kin qupi.

2 Qa makohdoka ceteta wanica he tiyopa kin yulhdoke, unkan makohdoka kin etanhan šota hiyu, peta on maza šdoyapi tanka linca etanhan šota uye cin iyececa; qa wošbe etanhan šota kin he on anpetu wi kin okotonyan kici aotpaza.

3 Unkan šota kin etanhan psipicadan au, maka kin ekta, qa wicowašake wicaqupi, wamduška maka akan un kin wicowašake yuhe cin he iyececa.

4 Qa wato maka aicage cin, taku toya un, qa can kin owasin kiuniye šni wicašipi, tuka wicašta kin tona itepi kin en Wakan-tanka tawowapetogton yuhapi šni kin henana.

5 Qa hena wicaktepi kta e wicaqupi šni, tuka wi zaptan hehanyan kakišwicaye kta e wi-

caqupi. Unkan kakišyapi kin he wamduška wicašta cawicape cinhan kiuniyanpi kin he iyececa.

6 Unkan anpetu kin hena en wicašta wiconče akitapi kta, tuka iyeyapi kte šni, qa tapi cinpi kta, tuka wiconče e nawicakicipe kta.

7 Psipicadan kin hena ouncege kin šuktanka ozuye on wiye-ya ehnag najinpi kin he iyececa; qa pa akan mazaskazi watešdake iyececa wapaha kitonpi, qa itepi kin wicašta ite kin iyececa.

8 Qa paha kin he winolinca paha iyecen yuhapi, qa hi kin hena mnaja hi kin iyececa.

9 Qa maza sapa maku akahpe iyececa maku akahpe tonpi; qa lupahu limulmunyan he ozuye canpahmihma, qa šuktanka ota ozuye ekta nawang yapi kin he iyececa.

10 Wamduška kin iyecen sinte yuhapi, qa sinte kin en icape yuke ča, wi zaptan hehanyan wicašta kin kiuniwicaye kta okihihi.

11 Unkan wicaštayatapi wan yuhapi, wošbe ceteta wanica etanhan ohnihde, Hebrew iapi kin eciyatanhan Abaddon eciyapi, qa Helenes iapi kin eciyatanhan Apoluon eciyapi kin hee.

12 Wicokakije kin wanji wana henakeca, qa ito he iyohakam wicokakije nom u kta ce.

13 Unkan hehan mahpiya ohnihde icišakpe kin yahoton, qa mazaskazi wahna wošnapi Wakantanka itokam wanke cin he he topa kin etanhan wicaho wan taninyan nawahon :

14 He mahpiya ohnihde icišakpe maza yahotonpi tanka yuhe cin he heciya; Mahpiya ohnihde

topa wakpa tanka Yuphrate kin ekta wicakaškapi kin hena wicakiyuška wo.

15 Hehan małpiya ohnibde topa kin wicakiyuškapi; hena e wancadan ape cin, qa anpetu wanji, qa wi wanji, qa omaka wanjidan hehanyan wiyeya ehmag unpi, wicašta iciyamnimni kin wicaktepi kta e heon.

16 Unkan ozuye kin šuktanka akan iyotankapi kin hena kektopawinge kektopawinge opawinge nonpa; hena wicayawapi kin nawałon.

17 Qa wowanyake kin en šuktanka kin hecen wanwicamda-ka, qa wicašta akan iyotankapi kin hena maku akałpe šaša, toto, qa zizi yuhapi. Unkan šuktanka pa kin he mnaja pa kin iyececa, qa ipi kin etanhan peta, qa šota, qa całdi on kagapi kin hiyu.

18 Unkan hena yamni, peta, qa šota, qa całdi on kagapi, hena ipi kin etanhan hiyu qon he on wicašta iciyamnimni kin wicaktepi.

19 Wowaške yuhapi kin he ipi kin ohna qa sintepi kin ohna; sintepi kin hena wamduška kin iyececa, qa pa yukan ece, qa hena on wakiuniyapi ece.

20 Unkan wicašta tona wicokakije kin hena on wicaktepi šni kin hena iye napepi wicołan kin on iyopeiçiyapi šni, hecen taku wakan šicapi kin ohowicadapi, qa mazaskazi, qa mazaska, qa mazazi, qa inyan, qa can wakagapi ohodapi ece kin ayuštanpi šni; hena wawanyake šni, qa winalın šni qa mani okihi šni.

21 Qa nakun tinwicaktepi, qa wapiyapi, qa wiinalınmanpi, qa wamanonpi econpi kin on iyopeiçiyapi šni.

WICOWOYAKE 10.

1 Unkan hehan małpiya ohnibde wan tokeca waške linca małpiya kin eciyatanhan kunktiya u, małpiya šapa hdown kin he wanmdaka; wihmunke wan wapaha kiye ça, ite kin he anpetu wi kin iyececa, qa siha kin peta wankantkiya ide kin iyececa.

2 Qa nape kin on wowapi wan cistinna yumdayeya yuha. Qa siha etapa kin miniwanca ahekiye ça, sicatka kin is maka kin akan.

3 Qa hotankakiya hotanin, mnaja wan hoton kin iyececa. Unkan hotanin hehan wakinyan šakowin hotonpi.

4 Unkan wakinyan šakowin kin hotonpi hehan wowapi wakage kta, tuka wicaho wan nawałon, małpiya kin eciyatanhan hema-kiya, Taku wakinyan šakowin eyapi kin he sutaya apuspa wo, qa wowapi en kage šni wo.

5 Unkan małpiya ohnibde miniwanca maka ko akan najin wanmdake ciqon he nape kin małpiya kin ekta hdugate;

6 Qa tuwe ohinniyan ni un, qa małpiya kage ça, taku ohnaka ko, maka qa taku ohnaka ko, miniwanca qa taku ohnaka ko kage cin hee on konza, Anpetu kin wanna henakeca kta;

7 Tuka małpiya ohnibde icišakowin yahoton kinhan, anpetu kin hena en Wakantanka tawowiyukcan henakeca kte cin hehanyan, iye taokiye, wicašta wokcan kin owicakiyake ciqon he iyecetu ce.

8 Unkan wicaho małpiya kin eciyatanhan tanin qon he ake hoyemakiye ça heya, Małpiya ohnibde miniwanca maka ko akan najin kin he ekta ye ça,

WICOWOYAKE 11.

wowapi cistinna yumdayapi kin nape en un kin he icu wo.

9 Hehan mahpiya ohnihde kin he en wai qa hewakiya, Wowapi cistinna kin he maqu wo. Unkan, Icu qa yuta wo, tezi kin pa niye kta, tuka nii kin ohna tuhмага canhanpi kin iyecen skuye kta ce, emakiya.

10 Unkan wowapi cistinna kin mahpiya ohnihde nape kin etanhan iwacu, qa temwaya; qa mii kin en tuhмага canhanpi kin iyecen skuya, tuka nawapca hehan tezi kin pa mayan.

11 Hehan, Oyate, qa Ikcewicašta, qa iapi kin, qa wicaštayatapi ota en wicayakidukcan kta ce, emakiya.

WICOWOYAKE 11.

1 Unkan cedi wan cansakadan iyececa he maqupi; unkan mahpiya ohnihde kin najinhan najin qa heya; Najin, qa tipi wakan Wakantanka tawa kin iyuta wo, qa wahna wošnapi, qa tona en cekiyapi ece kin hena nakun.

2 Tuka hocoka kin, tipi wakan itankan, he tankan iyeye qa iyute šni wo; he Ikcewicašta kin wicaqupi; unkan otonwe wakan kin amanipi kta, wi wikcemna topa sam nonpa hehanyan.

3 Unkan waayataniipi nom mitawa kin wahinske ojuha oihdugepi waayatapi kta e wicawaqu kta, anpetu kektopawinge sanpa opawinge nonpa sanpa wikcemna šakpe hehanyan.

4 Hena e Oliwe can nonpa qa petijanjan nom,⁴ Wakantanka maka yuhe cin itokam he cin hena eepi.

5 Unkan tuwe hena kiuniwicaye kta cin kinhan, ipi kin etanhan peta hiyu, qa toka wi-

cayapi kin ihang wicaye kta: Tuwe kiuniwicaya cin kinhan he hecen ktepi kta.

6 Hena e mahpiya kin onataka okihipi, hecen magaju kte šni, waayatapi anpetu kin icunhan, qa mini kin we icahyapi kta okihipi, qa tohan cinpi eca wokakije owasin on maka kin kakišyapi ece.

7 Unkan taku yaotaninpi kin wanna yuštanpi kta hehan, wošbe kin etanhan wamanica wan wankantkiya hiyu, qa hena azuwicaye kta, qa ohiwicaye qa wicakte kta.

8 Unkan hena tancan ťapi kin otonwe tanka canku kin olina wanke kta, he iapi wakan kin eciyatanhan Sodom qa Egipta eciyapi, qa tukten Itancan unkitawapi kin icipaweli okatanpi qon.

9 Unkan wicašta kin, qa wicowazi kin, qa iapi kin, qa oyate kin, hena tancan ťapi kin wanwicayakapi kta, anpetu yamni qa wanji hanke hehanyan, qa tancan ťapi kin maka mahen wicahapi kte cin iyowinwicakiyapi kte šni.

10 Unkan hena on etanhan tona makoce kin en oonyanpi kin magagaičiyapi, qa wiyuškiniipi kta, qa taku kicičupi kta, waayatapi nom tona maka akan ni un kin kakišwicayapi qon hena on etanhan.

11 Unkan anpetu yamni qa wanji hanke iyohakam, wiconi oniya kin Wakantanka eciyatanhan hena mahen iwicayaya; qa siha on najinpi, unkan tona wanwicayakapi kin nina yušinyayapi.

12 Unkan hena wicaho wan tanka nahonpi, mahpiya kin eciyatanhan hewicakiya; Deciya wankan u po, *eya*. Unkan ma-

ĥpiya śapa wan akan maĥpiya kin ekta iyayapi, qa tona toka wicayapi qon hena wanwicayakapi.

13 Unkan wihiyayedan ape cin he icunhan maka śkanśkan wan tanka, qa otonwe kin hankedan iwikcemnamna kin hinĥpaya, qa maka śkanśkan kin on tona ťapi kin hena wicaśta kektopawinge śakowin. Qa unmapi kin yuśinyayapi qa maĥpiya Wakan-tanka kin wowitan qupi.

14 Wicokakije inonpa kin wana henakeca, qa ito wicokakije iyamni kin kohanna u kta ce.

15 Hehan maĥpiya ohnihde iciśakowin kin yahoton, qa maĥpiya kin ekta wicaho tanka hotaninpi, qa heyapi, Itancan unkitawapi qa Messiya tawa kin, maka wokiconze kin tawaye a, ohinniyen en wicaśtayatapi un kta ce.

16 Hehan hunkawicayapi wikcemna nonpa sanpa topa, Wakantanka itokam oiyotanke kin akan kiyotankapi kin, hena makata eĥpeiiyapi, qa Wakantanka ohodapi ;

17 Qa heyapi, Itancan Wakan-tanka Iyotan waśake cin, tuwe un, qa un qon, u kte cin he niye ce, pidaunyayapi, nitowaśake tanka kin iyekcu, qa wicayconza ce.

18 Qa oyate kin śinhdapi, qa wocantiyahde nitawa kin wana hi ; qa tohan wicate cin wicayacopi kta, qa ookiye wicayaye cin wicaśta wokcan, qa owotanna, qa tona nicaje kin koki-papi, cistinpidan tankinkinyan ko, taku wicayaqu kta, qa tona maka napiśtanyanpi kin hena napiśtanwicayaye kte cin.

19 Hehan malipiya kin ekta tipi wakan Wakantanka tawa kin yuĥdokapi, qa tipi wakan

kin en wicotakuye can koka kin wanyakapi. Unkan ito wakanhdi, qa wicaho, qa wakinyan hotonpi, qa maka śkanśkan, qa wasu tanka.

WICOWOYAKE 12.

1 Unkan maĥpiya kin ekta wowapetokeca tanka wan tanin : Winohinca wan anpetu wi kin koyake a, hanyetu wi kin siha kin ihukuya, qa pa kin en wicanĥpi ake nonpa wapaha kiya.

2 He ihduśake a, hokśiksuye a howaya, cinca ton kta e wazanka.

3 Unkan hehan maĥpiya kin ekta wowapetokeca tokeca wan tanin ; wamduśka duta tanka wan, he pa śakowin, qa he wikcemna yulha, qa pa śakowin kin en wateśdake śakowin teśdaka.

4 Qa sinte kin on maĥpiya wicanĥpi iyamnimni kin iwicacu, qa maka kin ekta eĥpewicaya. Unkan wamduśka kin he winohinca hokśiksuye cin itokam najin, cinca ton kinhan temye kta.

5 Hehan cinca ton, wica kin, oyate hiyeye cin owasin maza icapsinte wan on wicayuhe kte cin hee. Unkan hokśiyocopa kin he Wakantanka, qa iye oiyo-tanke kin ekta eyakupi.

6 Unkan winohinca kin he hewoskan makoce kin ekta napa, heciya Wakantanka taku wiyeya ekicihnaka, qa hen anpetu kektopawinge sanpa opawinge nonpa sam wikcemna śakpe hehanyan wonyapi kta.

7 Hehan maĥpiya kin ekta ozuye kagapi ; Mikael qa iye taokiye kin wamduśka kin kici kiczapi. Unkan wamduśka kin qa iye taokiye kin kiczapi ;

8 Qa ohiwicayapi śni ; hecen

WICOWOYAKE 13.

hetanhan mahipiya kin ekta tuktedan wicakiyukanpi šni.

9 Unkan wamduška tanka kin, wamduška wanakaja tanhan un kin hee, Wakansica qa Satan eciyapi, wicašta hiyeye cin owasin wicahnaye cin hee, makata ehpeyapi, qa tona ookiye wicaye cin hena nakun kici tankan iyewicayapi.

10 Unkan mahipiya kin eciyatanhan wicaho wan tanka nawalion, hecen eya, Wanna unkitakita Wakantankapi wiconi tawa, qa towašake qa tokiconze kin u; qa Messiya wicookihi tawa kin nakun; tuwe hunkawanjin wicunkiyapi kin taku iyawicaonpe cin, Wakantanka unkitawapi kin itokam, anpetu hanyetu ko awicaie cin hee kun ehpeyapi kin heon etanhan.

11 Unkan hena Amnos we kin he on, qa waayataninpi oie tawapi kin he on ohiyapi, qa wiconte hehanyan wiconi tawapi kin wašte kidapi šni.

12 Heon etanhan, mahipiya kin iyuškin po, qa tona ohna tipi kin. Tuka tona maka kin miniwanca ko ekta yakonpi kin hena wicokakije yuhapi kta; niyepi kin ekta Wakansica kun iyaye ca wošihda tanka yuha, aškayedan kta e sdonkiye cin heon etanhan.

13 Unkan wamduška kin maka kin ekta ehpeyapi kin he wanhdaka, hehan winohinca cinca ton qon he šicaya kuwa.

14 Unkan winohinca kin he wanmdi tanka hupahu tawa nom qupi, on hewoskan makoce tukten ti kte cin heci kinyan iyaye kta, heciya waniyetu yamni qa wanji hanke hehanyan wonyapi kta, wamduška itohnake kin itehanyan.

15 Unkan wamduška kin iye i

kin etanhan mini hiyuya, wakpa wan iyececa, qa winohinca kin ihakam hiyayeya, minin teye kta e heon.

16 Unkan maka kin winohinca kin he okiye ca, i hdukawa, qa wakpa wamduška i kin etanhan hiyuye cin he yahepa.

17 Unkan wamduška kin he winohinca kin on šinhda, qa winohinca cinca wicaye cin, tona Wakantanka tawoahope kin ahopapi, qa Jesus Messiya wootanin tawa yuhapi kin hena azuwicaya.

WICOWOYAKE 13.

1 Unkan hehan miniwanca kahda wiyaka kin en nawajin. Qa miniwanca kin etanhan wamanica wan hiyu wanmdaka, pa šakowin, qa he wikcemna yuha, qa he kin akan wacinhe wikcemna, qa pa kin akan waoštehdapi caje kin.

2 Unkan wamanica wanmdake cin he inmu tanka iyececa, qa siha kin hena waħanksica siha kin iyececa, qa i kin mnaja i kin iyececa. Unkan wamduška qon towašake kin he qu, qa oiyotanke tawa kin, qa wicookihi tanka.

3 Unkan wanmdake ca, ito pa kin wanji kiuniyanpi, on te kta tuka; unkan kiuniyanpi kin on te kte cin he okizi, qa wicašta kin owasin wamanica kin on yušinyayapi.

4 Qa wamduška kin towašake kin wamanica qu qon he ohodapi, qa wamanica kin he nakun ohodapi, qa heyapi, Tuwe wamanica kin iyececa he, qa tuwe he kici kicize kta okihi he.

5 Unkan i wan qupi, he on taku tanka, qa iapi šice cin eye kta, qa wowašake qupi, wi wikcemna topa sanpa nonpa he-

WAYUOTANIN.

hanyan, ozuye econ kte cin he-on.

6 Unkan i hdukawa qa Wakantanka yašica, caje, qa wakeya tawa kin, qa tona małpiya kin ekta etipi kin hena taku awicakicaga.

7 Qa tona owotanna un kin hena azuwicaye qa wicaktedan kta e qupi, qa wicowazi, qa iapi kin, qa oyate kin owasin wicayuhe kta e wowašake qupi.

8 Unkan tona maka akan unpi cajepi kin wiconi wowapi Amnos, maka kagapi kin hehan-tanhan wošnapi qon, he tawa kin en owapi šni kin hena owasin wamanica kin ohodapi.

9 Tuwe noge yukan hecinhan, he nałon kta.

10 Tuwe wayaka awicahdi kinhan he wayaka ayapi kta, qa tuwe maza sagye on wicakte kin he maza sagye on ktepi kta ce. He en wicašta owotanna apepi qa wacinyanpi kin tanin.

11 Unkan wamanica wan tokeca maka kin etanhan hiyu kin he wanmdaka; he he nom yuha tałin wanuyanpi cincadan iyececa, qa wamduška iyecen ia.

12 Unkan wamanica tokaheya kin he towašake kin ocowasin yuha, qa maka kin, tona akan un kin hena ko wamanica tokaheya kin kiuniyanpi, qa on te kta, tuka okizi kin he ohodawicakiya.

13 Qa wowapetokeca tanka econ, wicašta wicitokam małpiya kin eciyatanhan peta maka kin ahinłpaye ya.

14 Qa tona maka akan unpi kin wicahnayan, wowapetokeca wamanica kin itokam econ kta e qupi qon hena on. Qa tona maka akan unpi kin wamanica inaza sagye on capapi tuka kini

qon he iyacinpi wan kagapi kta e iwahokonwicakiya.

15 Qa wamanica iyacinpi kin he oniya qu okihi, hecen on wamanica iyacinpi kin ie kta, qa tona iyacinpi kin ohodapi šni kin hena wicakte kta okihi.

16 Unkan owasin, cistinpidan tankinkinyanpi ko, wijicapi qa walıpanicapi, tona ihduhapi, wowidake unpi kin hena ko, nape etapa kin en, qa iš itepi kin en wowapetogton tawa kin yuhe wicakiya.

17 Unkan tuwedan wopeton kte šni, tuka tona wamanica towapetogton, caje kin, qa caje ihdawa kin he wanji tukte e yuhe cin henana.

18 De en woksape yukan. Tuwe ksape cin he wamanica tona ihdawa kin he yawa kta. He wicašta iyawapi kin hee, ihdawa kin he opawinge šakpe sanpa wikcemna šakpe sanpa šakpe.

WICOWOYAKE 14.

1 Hehan wanmdake qa, iho, Amnos wan Zion Paha kin akan najin, qa kektopawinge opawinge sanpa kektopawinge wikcemna topa sam kektopawinge topa kici najinpi, iye Atkuku caje kin itepi kin en owapi qon.

2 Unkan małpiya kin eciyatanhan wicaho wan nawałon, mini ota ihaha kin iyececa, qa wakinyan tanka hoton kin iyececa. Qa dowankiyapi sa candowankiyapi on dowanpi wicahotanin nawałon.

3 Qa oiyotanke kin itokam, qa taku ni un topa kin, qa hunkawicayapi kin wicitokam odowan teca se ahiyayapi. Odowan kin he tuwedan onspe kta okihi šni, tuka kektopawinge opawinge sam kektopawinge wikcemna

topa sam kektopawinge topa maka kin etanhan opewicatonpi qon hena.

4 Winohinca on ašamwicayapi šni kin hena eepi, tanšna unpi nakaes. Tona Amnos kin tokiya ye cinhan iyahna yapi kin hena eepi. Wicašta kin etanhan Wakantanka qa Amnos kin ekta opewicatonpi tokaheya kin hena eepi

5 Qa hena ipi kin en wohnaye takudan iyeyapi šni; qa Wakantanka oiyotanke kin itokam takudan iyaonpepica šni unpi.

6 Hehan małpiya ohnihde tokeca wan małpiya cokaya kinyan iyaye cin he wanmdaka, wotanin wašte owihanke wanin un kin, tona maka akan unpi kin, wicašta kin, qa wicowazi, qa iapi, qa oyate hiyeye cin owasin ieyanpaha owicakiyake kta yuha iyaya.

7 Qa hotankakiya heya, Wakantanka kinihanpi qa wowitan qu po; woyaco anpetu kin wanna hi ce; qa tuwe małpiya, maka, miniwanca, qa wakoniya kin kage cin he itokam canpeška makehde inajin po.

8 Unkan małpiya ohnihde icinonpa kin he ihakam ye ça heya, Hinłpaya ce, Babulon otonwe tanka kin he hinłpaya; wawicihalapi wocantiyahde miniša tawa kin etanhan oyate hiyeye cin owasin yatke wicakiye cin he dee.

9 Unkan małpiya ohnihde iciyamni kin he hena wicihakam ye ça hotankakiya heya, Tuwe wamanica, qa iyacinpi kin ohoda, qa wowapetogton tawa kin ite, qa is nape kin en yuhe cinhan;

10 He Wakantanka wocantiyahde miniša tawa kin wocantepanye miniyatke tawa kin en

okaštan kin hetanhan yatke kta, qa małpiya ohnihde owotanna un kin hena wicitokam, qa Amnos kin itokam, peta, całdi ko en kakišyapi kta.

11 Qa kakišwicayapi šota kin owihanke wanin wankan iyaya ece; qa tona wamanica iye iyacinpi ko ohodapi, qa tuwe he caje wapetogtonpi yuhe cin hena anpetu hanyetu ko oziyapi wanin unpi.

12 Wicašta owotanna apepi kin he de en un, qa tona Wakantanka tawoahope opapi qa Jesus wacinyanpi kin hena.

13 Hehan małpiya kin eciyatanhan wicaho wan nawahon, hecen emakiya, Wowapi ecen kaga wo; Detanhan wicate cin tona Itancan kin en țapi kin hena wicayawaštepi ece. Han, Woniya kin eya, Wicołtani kin ayušanpi kta, qa wicołhan kin wiciyahna iyaya ece.

14 Hehan wanmdake ça, iho, małpiya ska wan, qa wanji Wicašta Cinhintku kin iyececa akan iyotanka, he mazaskazi wapaha wan wapaha kiye ça, nape etapa kin on isan škopa pe linca yuha.

15 Unkan małpiya ohnihde tokeca wan tipi wakan kin etanhan u, qa tuwe małpiya ska kin akan iyotanke cin he panyanhan heciya; Isan škopa nitawa kin en iyekiye ça *aguyapi* baksa wo. Mnayanpi kte cin wanna iyehantu; maka woksapi kin wanna šeca ce.

16 Unkan małpiya ska akan iyotanke cin he isan škopa tawa kin maka ekta yekiya, unkan maka kin bašdapi.

17 Hehan małpiya ohnihde wan tokeca tipi wakan małpiya kin ekta he cin hetanhan u, he nakun isan škopa pe linca yuha.

WAYUOTANIN.

18 Unkan maḥpiya ohnihde tokeca wan wahna wośnapi kin etanhan u, he peta on wowaśake yuha. Qa he tuwe isan śkopa pe hinca yuhe cin he panyanhan hoyekiye ɕa heya, Isan śkopa pe hinca nitawa kin ekta yekiye ɕa maka hastanhanka kin mnayan wo; hastanhanka iyage kin wanna sapa ce.

19 Unkan maḥpiya ohnihde kin he isan śkopa tawa kin maka ekta yekiye ɕa, maka hastanhanka iyuwi kin mnaye ɕa, Wakantanka wocantiyahde miniśa iyuśkice tawa tanka kin he en iyoḥpeya.

20 Unkan otonwe kin itankan mini śa iyuśkice kin napanpi, qa mini śa iyuśkice kin etanhan we hiyu, śuktanka i iyuwi kin hehanyan, stadiya kektopawinge sam opawinge śakpe hehanyan.

WICOWOYAKE 15.

1 Unkan maḥpiya kin ekta wowapetokeca tanka, qa wowinihan wanmdaka; maḥpiya ohnihde śakowin wicokakije śakowin ehake kin yuhapi, hena en Wakantanka wocantiyahde tawa kin henakeca kta.

2 Unkan mde wan janjan peta kici icicahiyapi seca wanmdaka, qa tona ohiya, wamanica qon, iye iyacinpi kin qa wowapetogton kin, qa tona ɕaje iyawapi kin, ohiye ɕiqon hena janjan mde kin akan najinpi, qa Wakantanka candowankiyapi tawa kin heca yuhapi.

3 Qa Moses Wakantanka taokiye tadowan, qa Amnos kin tadowan kin ahiyayapi, qa heya, Itancan, Wakantanka Iyotan waśake cin niohan kin tanka, qa wowinihan, tona owotanna un kin en Wicaśtayatapi

kin *he niye ce*, nitacanku kin owotanna qa wicaka.

4 Itancan, tuwe konicipe kte śni, qa nicaje kin inidowan kte śni he; niśnana oniowotanna; qa oyate hiyeye cin owasin upi, qa nitokam canpeśka makehde enajin kta; woyaco nitawa kin wanna tanin kin heon etanhan.

5 Unkan he iyohakam wanmdake ɕa, iho, maḥpiya kin ekta waayataninpi wakeya wakan kin he yuzamni han.

6 Qa maḥpiya ohnihde śakowin wicokakije śakowin yuhapi kin hena tipi wakan kin etanhan inanpapi, minihuha ska wiyatpa kin heca koyakapi, qa mazaskazi on maku opta ihdukitapi.

7 Unkan taku ni un topa kin wanji maḥpiya ohnihde śakowin kin mazaskazi wiyatke kin heca śakowin wicaqu; hena Wakantanka ohinniyani un wocantiyahde tawa kin on ojudan.

8 Unkan Wakantanka towitan, qa towaśake kin eciyatanhan tipi wakan kin śota ojudan. Qa tipi wakan kin tuwedan timahen ye kta okihi śni, wicokakije śakowin maḥpiya ohnihde śakowin yuhapi kin henakeca kte śni hehanyan.

WICOWOYAKE 16.

1 Unkañ tipi wakan kin etanhan wicaho wan tanka nawahon, maḥpiya ohnihde śakowinpi qon hewicakiya, Yapi, qa wiyatke Wakantanka wocantiyahde tawa kin hena maka kin en akaśtan po, *eya*.

2 Hehan maḥpiya ohnihde tokaheya kin u, qa wiyatke tawa kin maka kin en akaśtan. Unkan wicaśta tona wamanica wowapetogton tawa kin yuhapi, qa iyacinpi kin ohodapi kin he-

WICOWOYAKE 16.

na en síyaka o tanka qa síca awicahinlipaya.

3 Unkan małpiya ohnihde ici-nonpa kin wiyatke tawa kin miniwanca kin en akaŝtan; unkan he we icaga, wicate cin we kin iyececa, qa miniwanca kin en taku niyake un kin owasin ƚapi.

4 Unkan małpiya ohnihde ici-yamni kin wiyatke tawa kin wakpa qa wakoniya kin hena en akaŝtan; unkan hena we icaga.

5 Hehan małpiya ohnihde wan mini kin yuhe cin he kaken eya, nawahon; Itancan, tuwe un, qa un qon, u kte cin he niye, oniwotanna, hecen wicadaco:

6 Wicaŝta owotanna, qa wokcanpi kin hena we kin wicakipapsonpi; qa hecen we yatke wicayakiya, he iyekicihantupi nakaes.

7 Unkan wanji tokeca wahna woŝnapi kin eciyatanhan kaken eya, nawahon; Itancan, Wakantanka Iyotan waŝaka, wadaco kin he ohinniyan owotanna qa wicaka ce.

8 Hehan małpiya ohnihde icitopa kin wiyatke tawa kin anpetu wi kin en akaŝtan. Unkan he wicaŝta kin peta on wicagu kta e qupi.

9 Qa iyokatapi tanka kin wicaŝta wicagu, qa hecen Wakantanka wicokakije hena yuhe cin he caje kin oŝtehdapi, qa wowitan qupi kta on ihduecetupi ŝni.

10 Unkan małpiya ohnihde icizaptan kin wiyatke tawa kin wamanica oyanke tawa kin en akaŝtan; unkan wokiconze tawa kin otpaza ojudan, qa wayazanpi on cejipi kin hdałtahtakapi.

11 Qa wicokakije qa síyaka o kin on etanhan małpiya Wakantanka kin yaŝicapi, qa iye ołanpi kin on iyopeiciyapi ŝni.

12 Unkan małpiya ohnihde

iciŝakpe kin wiyatke tawa wakpa tanka kin Yuphrate, he en akaŝtan; unkan mini kin puza aya, hecen wicaŝtayatapi wiyohiyanpa tanhan au kin canku kin wicakiciyumdayapi kta.

13 Unkan wamduŝka i kin etanhan, qa wamanica i kin etanhan, qa woitonŝni wokcan kin he i kin etanhan, taku wakan síca yamni, hnaŝka iyececa, hena hiyu wanmdaka.

14 Hena taku wakan síca taniyapi kin hecapi, wowapetokeca econpi, qa maka sitomniyan wicaŝtayatapi kin, qa wicoicage ocowasin ekta yapi, Wakantanka Iyotan waŝake cin anpetu tawa tanka kin en zuya awicaupi kta e heon.

15 Iho, wamanon sa wan iyecen wau ce. Tuwe kiktahan un, qa wokoyake kpatan kin he yawaŝtepi ece, hecen tancodan mani kte ŝni, qa wiŝtece cin wanyakapi kte ŝni.

16 Unkan Hebrew iapi kin eciyatanhan tukten Armagedon eciyapi, hen witaya u wicaya.

17 Hehan małpiya ohnihde iciŝakowin kin wiyatke tawa kin okaduze cin en akaŝtan. Unkan małpiya kin ekta tipi wakan kin etanhan, qa oiyotanke kin etanhan, wicaho tanka wan tanin, qa heya, Wanna henakeca.

18 Unkan iho wicaho taninpi, qa wakinyan hotonpi, qa wakanhdi tanin, qa maka ŝkanŝkan wan tanka, wicaŝta kin maka akan iwicacage cin ehantanhan maka ŝkanŝkan iyecen tanka wanica.

19 Qa otonwe tanka kin he yamni kiyuŝpapi; qa otonwe Ikcewicaŝta tawapi kin hena hinlipayapi. Qa Babulon tanka kin he Wakantanka itokam kiksuyapi, wocanniye ohitike cin

WAYUOTANIN.

miniša wiyatke kin qu kta heon.

20 Unkan wita kin owasin najica, qa he kin hena tuktedan iyeyapi šni.

21 Unkan małpiya kin eciya-tanhan wasu tanka wicašta kin awicahinhe, otioyohi taku tke utapi opawinge wanjidan insko-keca. Unkan wasu wicokakije kin on wicašta kin Wakantanka yašicapi ece, he wokakije iyotan tanka kin heon.

WICOWOYAKE 17.

1 Hehan małpiya ohnihde šakowin wiyatke šakowin yuhapi qon etanhan wanji u, qa omakiye qa hemakiya, Deciya u wo, wawicihahapi econ sa tanka mini ota akan iyotanke cin he token yacopi kin cicipazo kta ce.

2 He kici wicaštayatapi maka akan unpi kin wawicihahapi econpi ece, qa tona maka akan unpi kin wawicihahapi tawa miniša kin on witkopi ce.

3 Hehan Woniya kin on he-woskan makoce ekta amayan. Unkan winohinca wan wamanica duta wan akan iyotanke cin he wanmdaka; he waoštehdapi wicacaje kin ojudan, qa pa šakowin, he wikcemna ko ikoyaka.

4 Unkan winohinca kin he taku stan duta ko koyake qa, mazaskazi, inyan teliika, oinpidan ko hena on wiyatpa un, qa nape kin ohna mazaskazi wiyatke wan yuha waoštehdapi, wawicihahapi ko ašamyapi kin on ojudan.

5 Qa ite kin en caje wan owapi, Woanałbe kin, Babulon tanka, maka kin akan wawicihahapi, qa wayašicapi hunku kin hee.

6 Unkan wicašta owotanna we kin winohinca kin he iwitko

wanmdaka, qa tona Jesus yaotaninpi kin hena we kin on. He wanmdake qa nina imanihan waun.

7 Hehan małpiya-ohnihde kin he, Tokeca e ininihan he, emakiya; Winohinca woanałbe kin he ociciyake kta, qa wamanica akan iyotanke cin, pa šakowin, qa he wikcemna hduhe cin he nakun.

8 Wamanica wandake cin he un qon, qa un šni kin; qa wošbe cetete wanica etanhan hiyu kta, qa wicotakuni šni ekta hde kta. Qa tona maka akan unpi, maka kagapi kin ehantanhan, cajepi kin wiconi wowapi kin en owapi šni, hena wamanica kin wanyakapi kinhan yušinyayapi kta, he un qon, qa un šni, qa hinałin un kin heon etanhan.

9 Unkan wicotawacin wicoksape yuhe cin he den un. Pa šakowin kin hena paha šakowin winohinca kin akan iyotanke cin hee;

10 Qa wicaštayatapi šakowin kin heepi, zaptan wanna hinłpayapi, qa wanji nahalın en yanka, qa wanji iš hinałin hi šni; he hi kinhan ptecedan he kta.

11 Qa wamanica wandake ciqon he un qon, qa un šni kin, he icišahdogan kin ee, šakowinpi kin he etanhan, qa wicotakuni šni ekta hde kta.

12 Qa he wikcemna wandake ciqon hena wicaštayatapi wikcemna kin eepi, nahalın wokiconze yuhapi šni, tuka wihiyayedan wancadan ape cin wicaštayatapi iyecen wamanica kin kici wicowašake icupi kta.

13 Hena wicotawacin wanjidan yuhapi, qa wicowašake wicookihi ko tawapi kin wamanica kin qupi.

14 Qa hena Amnos kin kici ki-

WICOWOYAKE 18.

cizapi kta, tuka Amnos kin wicaktedan kta, he itancanpi kin Itancan, qa wicaštayatapi kin en Wicaštayatapi kin hee, qa tona om un kin hena wicakicopi, qa wicakahnigapi, qa wicakapi.

15 Hehan hecen emakiya, Mini wandake ciqon tukten wawicilahapi econ sa iyotanke cin he oyate, qa wicota, qa wicašta, qa iapi kin eepi.

16 Qa he wikcemna wandake ciqon, wamanica ikoyake cin hena, wawicilahapi econ sa kin šice kidakapi kta, qa hewoskantuya tancodan iyaye yapi kta, cehpi kin temyapi, qa peta on huhnahyapi kta.

17 Hena e Wakantanka tawacin kin ecen econpi kta, qa wicotawacin wanjidan unpi kta, qa wokiconze tawapi kin wamanica qupi kta e wacin yus wicakiya, Wakantanka oie kin yuecetu kte cin hehyanan.

18 Qa winohinca wandake ciqon he otonwe tanka kin makata wicaštayatapi kin iwicadake cin hee.

WICOWOYAKE 18.

1 Unkan hena taku kin iyohakam mahpiya ohnihde wan mahpiya kin eciyatanhan kutkiya u wanmdaka, wicowašake tanka yuha; qa he towitan kin on maka kin iyoyanpa.

2 Unkan he wašagya hotankakiya hotanin, qa heya, Hinhpaya ce, Babulon tanka kin he hinhpaya; qa taku wakan šicapi en ounyanpi, qa wanagi ašape cin owasin he otipi, qa zitkadan šice cin šicedapi kin owasin he hohpi yapi ce.

3 Wawicilahapi wocantiyahde miniša tawa kin hetanhan oyate hiyeye cin owasin yatkanpi; qa

he kici wicaštayatapi maka akan unpi kin wawicilahapi econpi, qa taku tehika ota yuhe cin on wopeton maka akan unpi kin wijiniçiyapi ce.

4 Hehan mahpiya eciyatanhan wicaho wan tokeca nawahon, kaken eya, Mitaoyate kin tankata inanpa po, hecen woahšani tawa kin ehna yaunpi kte šni, qa wicokakije tawa kin en oyapapi kte šni.

5 He wahtani kin mahpiya kin ekta iyahdeya, qa taku šica econ kin hena Wakantanka kiksuya un.

6 Token ecaniconpi qon he iyecen ecakicon po, qa iye ohan kin etanhan nonpa akihde kicu po, wiyatke ojudan ye cin he ohna nonpa akihde okicicaštan po.

7 Token wahançida qa takudan icakije šni un qon he iyecen wicokakije, qa iyokišicapi kin qu po. Iye cante kin ekta kaken eya; Wicaštayatapi winohinca heca iyotankehan waun, qa wiwazica hemaca šni, qa iyokišicapi kin icimana wanmdake kte šni ce.

8 Heon etanhan anpetu wanjidan en wicokakije tawa kin hiyahde kta, wiconęe, qa iyokišicapi, qa wicaakihan, qa ocowasin peta on huhnage kta; tuwe yaco kin Itancan kin Wakantanka hee wašaka ce, heon etanhan.

9 Unkan wicaštayatapi maka ohnaka kin kici wawicilahapi econpi, qa takudan icakije šni unpi kin hena he aceyapi kta, qa nihinciyapi kta, he huhnage cin šota kin wanyakapi kinhan;

10 Wicokakije kin ikopapi kin on itehyanan inajinpi, qa heyapi kta, Hchehe, hehehe, Babulon otonwe tanka kin, otonwe wašake cin, ihnuhanna niyacopi kin anihinhpaya ce.

WAYUOTANIN.

11 Qa heon wopeton maka akan unpi kin nihinciyapi, qa ceyapi kta, hetanhan maza tawapi kin tuwedan opewicakicaton kte śni :

12 Maza kin he mazaskazi, qa mazaska, qa inyan tehika, qa oinpidan, qa minihuha wašte, qa śina to, qa minihuha zipzipe-dan, qa śina śa, qa can wašte-mna ocaje owasin, qa huhu wakśica owasin, qa can tehika, qa mazazi, qa mazasapa, qa inyan ska wakśica ;

13 Qa canha śa, qa taku wašte-mna, qa pejihuta pa, qa cansin, qa miniša, qa wihdi, qa aguyapi mdu, qa woteca, qa talin wanu-yanpi, qa śuktanka, qa canpahmihma, qa wicatančan, wicanagi ko henakiya.

14 Waskuyeca kin ninagi wašte dake cin he wanna henakeca, qa woyute napin qa taku wicimdeza, hena owasin aniyu-šan, qa hena ake tohinni iyeya-ye kte śni.

15 Unkan wopeton tona taku hececa wiyopeyapi ece, qa on wijiniciyapi kin hena itehanyan inajinpi kta, he wokakije kin ikopapi, nihinciyapi, qa ceyapi ;

16 Qa heyapi ; Hehehe, hehehe, otonwe tanka kin minihuha wašte, śa stan, śa ko koyake ça, mazaskazi, inyan tehika oinpi-dan ko kohdaka ; qa ihnuhanna wiwicajica tanka kin he yuta-kuni śni.

17 Unkan tona wita wata iyupse yuzapi, qa tona ohna yapi, qa tona watopapi, qa tona minivanca ohna wopetonpi ece kin hena owasin itehanyan inajinpi ;

18 Qa he hūhnage cin śota kin wanyakapi qehan, hotaninpi qa heyapi ; Otonwe kin tukte wan-ji e otonwe tanka kin he iyececa he.

19 Qa pa kin akan maka ahda-tapi, qa hotaninyan nihinciyapi, qa ceyapi, qa heyapi ; Hehehe, hehehe, otonwe tanka kin he eciyatanhan tona minivanca kin ohna wita wata yuhapi kin hena owasin watonpika, taku tehika opeton qon heon, he ihnuhanna hewoskan kagapi ce.

20 Heon, malipiya kin, iyuśkin wo, qa ohnihde owotanna yaunpi, qa wokcanpi kin nakun, niyepi kin on Wakantanka tokiccon kin he etanhan.

21 Hehan malipiya ohnihde waśake linca wan, inyan wan, inyan wiyutpan tanka iyececa, he icu, qa minivanca kin en elipeye ça heya, Hecen wowaśake on Babulon otonwe tanka kin jujuwahan elipeyapi kta, qa tohinni iyeyapi kte śni ce.

22 Unkan niye kin en cando-wankiyapi sa, qa dowanpi sa, qa cotanka yajopi sa ; qa maza yahotonpi sa wicaho kin tohinni nañonpi kte śni ; qa taku kage sa, ocaje owasin, niye kin en iyeyapi kte śni, qa wiyutpan limun kin niye en hetanhan tohinni nañonpi kte śni.

23 Qa petijanjan ojanjan kin icimana iyoyamniye kte śni, qa niye en hihnayanpi qa tawicuyapi wicaho kin tohinni nañonpi kte śni. Wicaśta wopeton nitawa kin hena maka akan wicaśta itancanpi kin hecapi ; qa wicayahmunge cin on oyate kin owasin wicayahnayan.

24 Unkan he ohna wicaśta wokcan wicaśta owotanna ko we kin iyeyapi, qa tona maka akan ktepi kin hena nakun.

WICOWOYAKE 19.

1 Unkan hena iyohakam malipiya kin ekta wicota hotanka-

kiya hotaninpi nawahon, kaken eyapi, Jehowa yatan po, niwicaye ça, wowitan, qa wootanin, qa wowasake, Itancan Wakantanka unkitawapi kin he tawa nune.

2 Wayaco kin owotanna qa wicaka; witkowin tanka, wawicihalapi econ kin on maka kin yuſice cin he yaco, qa taokiye kin hena we kin he nape kin en tokicon.

3 Hehan inonpa heyapi, Jehowa yatan po. Unkan he ſota kin owihanke wanin wankantkiya iyaya.

4 Hehan hunkawicayapi wickemna nonpa sanpa topa, qa taku ni un topa kin hena makata elipeiciyapi, qa Wakantanka oiyotanke kin akan kiyotanke cin he ohodapi, qa heyapi, Amen, Jehowa yatan po.

5 Hehan oiyotanke kin etanhan wicaho wan taninyan heya, Taokiye niyanpi kin owasin, qa tona cekiyapi ece, cistinpidan tankinkinyanpi ko, Wakantanka nitawapi kin yatan po.

6 Unkan nawahon, wicota hotaninpi kin iyececa, qa mini ota ihaha kin iyececa, qa wakinyan tanka hotonpi kin iyececa, kaken eyapi, Jehowa yatan po; Itancan Wakantanka Iyotan Wasake cin he Wicaſtayatapi un.

7 Heon etanhan piundapi, qa unkiyuſkinpi kta, qa wowitan unqupi kta; Amnos kin tohan tawicu ton kte cin wanna iye-hantu, qa winohinca kin taku owasin wiyeya ekihnaka.

8 Unkan he minihuha ska wiyatpa kin heca koyake kta e qupi; minihuha ska kin he tona waſte woowotanna yuhapi kin hee.

9 Hehan hecen emakiya, Ka-

ken wowapi kaga wo, Tona Amnos kin winohinca yuze kta omniciye kin en wicakicopi kin hena wicayawaſtepi ce. Hehan ake hecen emakiya, Wakantanka oie wicake cin hena ee.

10 Unkan hehan he siha hdepi kin en makata ehpeiciye ça ohowada kta; tuka iye hema-kiya, Ihnuhan hecanon kin, miſ cici ookiye waun, qa nihunkawanji Jesus yaotanin yuhapi kin hemaca; Wakantanka ohoda wo. Jesus yaotanin kin he wokcanpi woniya kin hee.

11 Unkan maſpiya kin yuzamnipi e wanmdaka, qa ito ſuktanka ska wan, qa tuwe akan iyotan-ke cin he Wicake ça Owotanna eciyapi, he owotanna wicayaco qa ozuye econ ece.

12 Iſta kin peta ide kin iyececa, qa pa kin akan wateſdake ota yukan; qa caje kin owapi, tuka he tuwedan sdonye ſni, iye iſnana sdonkiya.

13 Qa wokoyake we en oputkanpi kin heca koyaka: Qa Wakantanka Oie kin eciyapi.

14 Unkan maſpiya wicobe kin owasin he ihakam yapi, ſuktanka ska akan iyotankapi qa minihuha waſte, ska, qa wakaſote ſni kin heca koyakapi.

15 Qa iye i kin etanhan maza sagye anog ope kin hiyu, heon oyate kin awicape kta, qa maza icapsinte wan on wicayuhe kta; qa Wakantanka Iyotan Wasake cin he wocantiyahde ohitike cin miniſa iyuſkice kin he naſkica.

16 Qa onhoſda ceca sani ko akan caje kin owapi, Wicaſtayatapi kin en Wicaſtayatapi, qa itancanpi kin Itancan kin he dee.

17 Hehan maſpiya ohnihde wan anpetu wi kin en najin kin he wanmdaka; he hotankakiya

WAYUOTANIN.

hotanin, qa taku kinyanpi kin owasin, okotonyan kin en kinyan unpi kin hena hewicakiya; Upi qa Wakantanka he wotapi tanka tawa kin en mniciya po;

18 Wicaštayatapi celipi kin yatapi kta, qa wicašta itancanpi celipi kin, qa tona waśakśakapi celipi kin he, qa śuktanka celipi, qa tona akan iyotankapi kin, wicacelipi ocaje owasin, wowidake unpi, qa ihduhapi kin, cistinpidan tankinkinyanpi koya.

19 Unkan wamanica kin wanmdaka, qa wicaštayatapi maka akan unpi kin akicita wicayuhapi ko witaya mniciyapi, qa tuwe śuktanka akan iyotanke cin akicita wicayuhe cin ko, kici kicizapi kte cin heon.

20 Hehan wamanica kin he niyake yuzapi, qa woitonśni wokcan kin he nakun, he wamanica kin itokam wowapetokeca econ, qa on tona wamanica wowapetogton tawa yuhapi, qa iyacinpi kin ohodapi kin hena wicahnaye cin hee. Unkan hena napin niyake peta mde waninyan zi on itkonyahe cin he en iyolipewicayapi.

21 Unkan unmanpi kin owasin tuwe śuktanka akan iyotanke cin he maza sagye tawa kin on wicaktepi, maza sagye he i kin etanhan hiyu qon hee on. Unkan hena celipi kin on taku kinyan un kin owasin imnanpi.

WICOWOYAKE 20.

1 Hehan małpiya ohnihde wan małpiya kin eciyatanhan kun u wanmdaka, he wošbe ceteta wanica tiyopa iyuldoke kin yuhe a, nape ohna maza icicahiha wan tanka:

2 Qa he wamduška kin iyalipay, sintehda wanakaja tanhan

un kin, Wakanśica qa Satan hee, qa kaška ehnaka, waniyetu kektopawinge hehayan;

3 Qa wošbe ceteta wanica he en ehpeye a onataka, qa ipuspe wan on apuspa, hecen oyate kin wicahnaye kte śni, waniyetu kektopawinge kin ihuniyanpi śni kin hehayan. Unkan he iyohakam ptenyedani kiyuškapi kta.

4 Unkan oiyotanke kin heca wanmdaka, qa tona akan iyotankapi kin hena woyaco yuhapi. Unkan tona Jesus oyakapi kin on, qa Wakantanka oie kin on pa bawicaksapi qon, wamanica kin wakagapi ko ohodapi śni, qa wowapetogton tawa kin itepi, qa napepi kin en yuhapi śni, hena nagipi kin wanwicamdaka, ake kinipi qa Messiya kin kici ounyanpi, waniyetu kektopawinge hehayan.

5 Tuka wicate cin unmanpi kin ake kinipi śni, waniyetu kektopawinge kin henakeca śni kin hehayan. Piya iwicacage tokaheya kin hee.

6 Tuwe piya iwicacage tokaheya kin en ope cinhan he ya waštepi qa owotanna un. Hena wiconte inonpa kin iyowicahi kte śni, tuka Wakantanka qa Messiya kin ekta wawayušnapi kin heca wicayawapi kta, qa kici ounyanpi kta, waniyetu kektopawinge hehayan.

7 Unkan waniyetu kektopawinge kin henakeca kinhan, Satan wicakaška tipi kin etanhan kiyuškapi kta.

8 Qa oyate kin wicahnaye kta e makata tate ouye topa kin ektakiya ye kta, qa Gog Magog kici zuya u wicaši kta; hena miniwanca wiyaka sukaza kin iyecen wicota.

9 Unkan maka ohdakinyan ohna yapi, qa wicašta owotanna

WICOWOYAKE 21.

ewanke cin ihduksán hinajinpi, qa otonwe wakan kin nakun. Unkan małpiya kin etanhan Wakantanka eciyatanhan peta hiyu, qa hūhnałwicaya.

10 Unkan Wakansica, hena wicahnaye cin he peta qa inyanzi mde kin en iyolıpeyapi, heciya wamanica qa woitonšni wokcan kin unpi, qa anpetu hanyetu ko owihanke wanin kakijapi kta.

11 Hehan oiyotanke ska tanka wan wanmdaka, qa tuwe akan iyotanke cin he ite kin etanhan maka małpiya ko najicapi; qa tukten wanke kte cin iyeyapi šni.

12 Qa wicate ciqon, cistinpidan tankinkinyanpi ko, hena Wakantanka itokam najinpi, wanmdaka. Unkan wowapi kin yumdayapi; qa wowapi tokeca wan yumdayapi, wiconi wowapi kin hee: Qa wicate ciqon token wowapi kin en kagapi kin he iyecen wicayacopi, iye wicołan kin eciyatanhan.

13 Unkan miniwanca kin wicate cin tona en un kin hena hiyuwicaya, qa wiconę Hades ko wicate cin tona en unpi kin hena hiyuwicayapi. Qa iye wicołan kin eciyatanhan otoiyołi wicayacopi.

14 Unkan wiconę qa Hades kin hena peta mde kin en iyolıpewicayapi. Wiconę inonpa kin hee.

15 Unkan tuwe wiconi wowapi kin en owapi iyeyapi šni kin he peta mde kin en iyolıpeyapi ece.

WICOWOYAKE 21.

1 Hehan małpiya teca qa maka teca wan wanmdaka. Małpiya tokaheya qa maka tokaheya kin hena yutokan iyeyapi, qa miniwanca wanica.

2 Unkan Johannes he miye e otonwe wakan kin wanmdaka, Jerusalem teca kin hee małpiya kin etanhan, Wakantanka eciyatanhan kun u, winołincea wan wicašta hihna ton kte cin on wiyeya un kin he iyececa.

3 Unkan małpiya kin eciyatanhan wicaho wan tanka nawałon, kaken eya, Wanyaka wo, Wakantanka wakeya tawa kin wicašta kin ehna han, qa iye hena om ti kta, qa hena e oyate tawawicaye kta, qa Wakantanka hince cin hena om un kta, qa Wakantanka tawapi kta.

4 Qa wicišta kin etanhan Wakantanka ištammihanpe owasin wicakipakinte kta, qa hetanhan wiconę wanice kta, wicocante šica, wicaceya, wicokakije ko wanice kta, taku tokaheya un kin wanna henakeca.

5 Unkan tuwe oiyotanke kin akan kiyotanke cin he, Ito taku owasin teca wakaga ce, eya. Hehan, Wowapi ecen kaga wo, hena oie kin wicake qa owotanna, emakiya.

6 Qa ake kaken emakiya, Wana henakeca. Alpha qa Omega, otokahe qa owihanke kin he miye ce. Tuwe ipuza kinhan he wiconi mini łdoka kin etanhan iyunwin codan yatke wakiye kta.

7 Tuwe ohiye cinhan he taku owasin tawaye kta, qa iye Wakantanka maye kta, qa miš he cinkšıwaye kta.

8 Tuka tona wikopapi, qa wıcadapi šni, qa wałtepi šni, qa tin wıcaktepi, qa wawıciłahapi econpi sa, qa wapiyapi, qa wakagapi ohodapi sa, qa oitonpišni kin hena owasin mde wan peta qa inyan zi on itkonyahe cin he ohna taku tawapi kta, wiconę inonpa kin hee.

WAYUOTANIN.

9 Hehan małpiya ohnihde śakowin wiyatke śakowin wicokakije ehake śakowin kin on ojudan yuhapi qon hena etanhan wanji hi, qa omakiye a heya, U wo, winohinea wan Amnos kin tawicuye kte cin he cicipazo kta ce.

10 Unkan Woniya kin on paha wan tanka tehan wankantuya kin ekta amaye a, otonwe tanka kin, Jerusalem wakan, małpiya kin etanhan Wakantanka eciyatanhan kutkiya u kin he makipazo ;

11 Wakantanka wowitan tawa kin yuha, qa wiyatpa kin he inyan tehika iyececa, inyan wan acalıśdaya iyececa :

12 Qa ihdukśan aconkaśkapi tanka qa tehan wankantu kin, qa tiyopa ake nonpa yukan, qa tiyopa kin hena en małpiya ohnihde ake nonpa yukanpi, qa akan wicacaje owapi, Israel cincapi wicoun ake nonpa kin hena eepi.

13 Wiyohiyanpa tanhan tiyopa yamni ; qa waziyapa tanhan tiyopa yamni ; qa itokaga tanhan tiyopa yamni ; qa wiyohpeya tanhan tiyopa yamni.

14 Qa otonwe conkaśke kin taku akan he cin hena ake nonpa, qa Amnos kin yewicaśi ake nonpa cajepi kin hena en un.

15 Unkan tuwe omakiye cin he mazaskazi cedihu wan yuha, on otonwe, qa tiyopa kin, conkaśke ko iyute kta.

16 Otonwe kin oise tom yukan, qa ohdakinyan kin ohanske cin kici akidehankeca. Unkan cedihu kin on otonwe kin iyuta, wiyutapi kektopawinge ake nom ; ohdakinyan ohanske cin obosdatu ko akidecen han.

17 Qa conkaśke kin he iyuta, wiciśpa opawinge sanpa wikce-

mna topa sam topa, wicaśta ihduta, małpiya ohnihde ihdute cin hee.

18 Conkaśke kin he iyaspis inyan tehika on kagapi, qa otonwe kin he mazaskazi ecedan, janjan ecedan iyececa.

19 Qa otonwe conkaśke kin taku akan he cin he inyan tehika ocaje owasin en un. Taku akan he cin tokaheya kin he iyaspis ; inonpa kin he saphiros ; iyamni kin he kalkedon ; itopa kin he smaragdos ;

20 Qa izaptan kin he sardonis ; isakpe kin he sardius ; isakowin kin he krusolitos ; isahdogan kin he berulos ; inapcinwanka kin he topaz ; iwikcemna kin he krusophrasos ; iakewanji kin he huakinthos ; qa iakenonpa kin he amathustos.

21 Tiyopa ake nonpa kin hena inyan tehika ocaje ake nom, tiyopa otioyohi inyan tehika wanjidani ; qa otonwe ocanku kin he mazaskazi ecedan janjan kin iyecen wiyatpa.

22 Qa he en tipi wakan wanica ; Itancan Wakantanka Iyotan Waśake cin, qa Amnos kin hena tipi wakan kin eepi.

23 Qa otonwe kin he anpetu wi, hanyetu wi ko en iyoyanpapi kta cinpi śni ; Wakantanka wowitan tawa kin iyoyanpa, qa Amnos kin he petijanjan kin hee.

24 Qa oyate kin tona ni wicayapi kin hena iyoyanpa kin he en manipi kta ; qa wicaśtaya-tapi maka akan unpi kin hena wowitan qa wootanin tawapi kin en ahipi kta.

25 Qa tiyopa kin hena anpetu icunhan ecen iyeyapi kte śni ; qa heciya hanyetu wanica.

26 Oyate hiyeye cin wowitan, qa wootanin kin en ahipi kta.

WICOWOYAKE 22.

27 Qa taku wiśamye aśamye cin he en i kte śni, qa taku śica-ya econ, qa itonśni kin; tuka tona cajepi kin wiconi wowapi Amnos tawa kin en owicawapi kin henanapidan.

WICOWOYAKE 22.

1 Helian wakpa wan wiconi mini ska kin, cahtowata iyecen ska, he makipazo, he Wakantanka qa Amnos oiyotanke tawa kin etanhan kaduza.

2 Unkan canku cokaya, qa wakpa kin anokatanhan wiconi can kin icaga, he waskuyeca ocaje ake nonpa aicaga, wi otoi-yohi waskuyeca aicahya ece; qa can wapa kin hena oyate kin okizi wicaya ece.

3 Unkan heciya wicayusice wanice kta; tuka Wakantanka oiyotanke tawa kin he, qa Amnos tawa kin hen he kta, qa taokiye kin hena tawoahope kin ecen econpi kta:

4 Qa itohnake kin wanyakapi kta, qa caje kin iye itepi kin en yuhapi kta.

5 Qa heciya hanyetu wanice kta; qa petijanjan qa anpetu wi iyoyanpa kin he cinpi śni; Itancan Wakantanka iyoyamwicaya ece; qa ohinniyan owihanke wanin wicaštayatapi ounyanpi kta.

6 Hehan hecen emakiya, Wicoie kin dena wacinyepica qa wicakapi. Qa Itancan Wakantanka wicašta wokcan wakan tawapi kin hee, taku ecadan u kte cin hena taokiye kin owicakiyake kta e on ohnihde tawa kin u śi.

7 Iho ecadan wau kta. Tuwe wowapi kin de wowiyukcan oie kin tanyan yuhe cinhan he ya- waštepi ce.

8 Unkan Johannes he miye e hena wanmdake ça nawahon. Hena nawahon, qa wanmdaka; unkan mahpiya ohnihde hena wanyagmakiye cin he siha kin en makata ehpemiciye, ohowada kta tuka.

9 Hehan hemakiya, Ihnuhan hecanon kin; miś eya ookiye cici waun, qa nihunkawanji wicašta wokcanpi kin etanhan waun, qa tona wowapi kin de oie yuhapi kin hena owicawapa; Wakantanka ohoda wo.

10 Hehan ake hemakiya, Wowapi kin de wowiyukcan oie kin hena sutaya apuspe śni wo. Wanna ecadan kta ce.

11 Tuwe owotanna śni kin ohinniyan owotanna kte śni, qa tuwe aśape cin he ohinniyan aśapa un nunwe; qa tuwe owotanna kin he ohinniyan owotanna kta, qa tuwe ecadan kin he ohinniyan ecadan un nunwe.

12 Unkan iho, kohanna wau kta, qa taku mitawa kin hduha waun, otoi-yohi iye wicohan kin eciyatanhan wicawaqu kta.

13 Alpha qa Omega, tokapa qa hakakta, otokahe qa owihanke kin he miye ce.

14 Tona tawoahope kin ecen econpi kin hena wicayawaštepi, hecen wiconi can kin en ya okihipi kta, qa tiyopa kin ohna ottonwe kin timahen yapi kta.

15 Tuka śunka, qa tona wapiyapi sa, qa wiinahmanpi sa, qa wawicihalapi econpi sa, qa wakagapi ohodapi sa, qa tuwe itonśni waštedake ça econ kin hena tankan yakonpi ece.

16 Jesus he miye ce, okodakiye kin ekta niyepi kin en hena oniciyakapi kta e heon ohnihde mitawa kin u waśi. Dawid can hutkan adetka ko he miye, qa anpao wicanhipi nina iyege cin.

WAYUOTANIN.

17 Unkan Woniya kin tawicu-
yapi kin kici, Kuwa, eyapi. Qa
tuwe nahon kinhan he, Kuwa,
eye kta. Qa tuwe ipuza kinhan,
he u kta. Qa tuwe cin kinhan
he iyunwin codan wiconi mini
kin etanhan icu nunwe.

18 Tona wowapi kin de wowi-
yukkan oie kin nahonpi kin hena
kaken ewicawakiya ; Tuwe wi-
coie kin dena en taku sanpa ka-
ge cinhan, he wicokakije wowa-
pi kin de en cajeyatapi kin Wa-
kantanka qu kta :

19 Qa tuwe wowiyukkan wo-

408

wapi oie kin dena yuaoptetu
kinhan, he taku tawa kte cin wi-
coni wowapi kin etanhan Wa-
kantanka icu kta, qa otonwe
wakan kin etanhan, qa taku to-
na wowapi kin de en kagapi kin
he etanhan.

20 Tuwe hena yaotanin kin he
kaken eya, Iho, kohanna wau
kta ce. Amen. Itancan Jesus
hecen yau nunwe.

21 Jesus Messiya Itancan un-
kitawapi kin he towaonsida kin
niyepi owasin en nicipi un kta.
Amen.

JESUS ITANCAN KIN YATANPI NUNWE.

Microformed by
Preservation
Services

C 6524.05
mf. #

30 OCT 95

